

# PATROLOGIÆ

## CURSUS COMPLETUS

SIVE

BIBLIOTHECA UNIVERSALIS, INTEGRÆ, UNIFORMIS, COMMODA, ŒCONOMICA,

OMNIUM SS. PATRUM, DOCTORUM SCRIPTORUMQUE ECCLESIASTICORUM

QUI

AB ÆVO APOSTOLICO AD INNOCENTII III TEMPORA

FLORUERUNT;

### RECUSIO CHRONOLOGICA

OMNIUM QUÆ EXISTITRE MONUMENTORUM CATHOLICÆ TRADITIONIS PER DUODECIM PRIORA  
ECCLESIAE SÆCULA,

IUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS,  
PERQUAM DILIGENTER CASTIGATA;

DISSERTATIONIBUS, COMMENTARIIS LECTIONIBUSQUE VARIANTIBUS CONTINENTER ILLUSTRATA;

OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEDENTUR ABSOLUTAS  
DETECTIS, AUCTA;

INDICIBUS PARTICULARIBUS ANALYTICIS, SINGULOS SIVE TOMOS, SIVE AUCTORES ALICUJUS MOMENTI  
SUBSEQUENTIBUS, DONATA;

CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM SUPERIOREM

DISTINGUENTIBUS SUBJECTANQUE MATERIAM SIGNIFICANTIBUS, ADORNATA;

OPERIBUS CUM DUBIIS TUM APOCRYPHIS, ALIQUA VERO AUCTORITATE IN ORDINE AD TRADITIONEM

ECCLESIASTICAM POLLENTIBUS, AMPLIFICATA;

DUOS INDICIBUS GENERALIBUS LOCUPLETATA: ALTERO SCILICET RERUM, QUO CONSULTO, QUIDQUID

UNUSQUISQUE PATRUM IN QUODLIBET THEMA SCRIPSERIT UNO INTUITU CONSPICIATUR; ALTERO

SCRIPTURÆ SACRÆ, EX QUO LECTORI COMPERIRE SIT OBVIUM QUINAM PATRES

ET IN QUIBUS OPERUM SUORUM LOCIS SINGULOS SINGULORUM LIBRORUM

SCRIPTURÆ TEXTUS COMMENTATI SINT.

EDITIO ACCURATISSIMA, CATERISQUE OMNIBUS FACILE ANTEPONENDA, SI PERPENDANTUR: CHARACTERUM NITIDITAS,

CHARACTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS

TUM NUMERUS, FORMA VOLUMINUM PERQUAM COMMODA SIBIQUE IN TOTO OPERIS DECURSU CONSTANTER

SIMILIS, PRETIJ EXIGUITAS, PRESENTIUMQUE ISTA COLLECTIO, UNA, METHODICA ET CHRONOLOGICA,

SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM,

PRIMUM AUTEM IN NOSTRA BIBLIOTHECA, EX OPERIBUS AD OMNES ÆTATES,

LOCOS, LINGVAS FORMASQUE PERTINENTIBUS, COADUNATORUM.

### SERIES SECUNDA,

IN QUÆ PRODEUNT PATRES, DOCTORES SCRIPTORESQUE ECCLESIAE LATINÆ  
A GREGORIO MAGNO AD INNOCENTIIUM III.

ACCURANTE J.-P. MIGNE,

BIBLIOTHECÆ CLERICI UNIVERSÆ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORÆ.

PATROLOGIA NINA EDITIONE TYPIS MANDATA EST, ALIA NEMPE LATINA, ALIA GRÆCO-LATINA. — VENERUNT  
MILLE ET TRECENTIS FRANCISSEXAGINTA ET DUCENTA VOLUMINA EDITIONIS LATINÆ; OCTINGENTIS  
ET MILLE TRECENTA GRÆCO-LATINÆ. — MERE LATINA UNIVERSOS AUCTORES TUM OCCIDENTALES,  
TUM ORIENTALES EQUIDEM AMPECTITUR; HI AUTEM, IN EA, SOLA VERSIONE LATINA DONANTUR.

### PATROLOGIÆ TOMUS CCIX.

S. MARTINUS LEGIONENSIS / S. WILHELMUS ABBAS S. THOM. DE PARACL. WILHELMUS DE  
CAMPANIA REM., JOANNES DE BELMEIS LUGDUN., ARCHIEPISCOPI. RALDUINUS CP. IMP.  
HUGO V ABBAS CLUNIAC. ELIAS DE COXIDA ABBAS DUN. THOMAS DE RADOLIO. GUALTERUS  
DE CASTELLIONE.

EXCUDEBATUR ET VENIT APUD J.-P. MIGNE EDITOREM,  
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,  
SEU PETIT-MONTROUGE.

1853

~~19/2152~~  
C55011



1878, Sept. 9.  
Walker fund.



6774  
113.147  
1-22

SÆCULUM XIII.

**SANCTORUM**

**MARTINI LEGIONENSIS,**

**WILHELMI**

47/85

ABBATIS SANCTI THOMÆ DE PARACLITO

**OPERA OMNIA**

ACCEDUNT

WILHELMI DE CAMPANIA REMENSIS, JOANNIS DE BELMEIS LUGDUNENSIS,  
ARCHIEPISCOPORUM; BALDUINI CP. IMPERATORIS. HUGONIS V ABBATIS CLU-  
NIACENSIS, ELIÆ DE COXIDA ABBATIS DUNENSIS, THOMÆ DE RADOLIO,  
GUALTERI DE CASTELLIONE.

**OPUSCULA, SERMONES, EPISTOLÆ.**

ACCURANTE J.-P. MIGNE,

BIBLIOTHECÆ CLERI UNIVERSÆ

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

---

S. MARTINI TOMUS II, CÆTERORUM TOMUS UNICUS.

---

VENIT 6 FRANCIS GALLICIS.

EXCUDEBATUR ET VENIT APUD J.-P. MIGNE EDITOREM  
IN VIA DICTA D'AMBOISE. PROPE PORTAM LUTETIÆ PARISIORUM VULGO D'ENFER NOMINATAM  
SEU PETIT-MONTRUGE.

1855

# ELENCHUS

AUCTORUM ET OPERUM QUI IN HOC TOMO COIK CONTINENTUR

## S. MARTINUS LEGIONENSIS.

(OPERA CONTINUATIO.)

Sermones de sanctis.	Col.	9
Sermones de diversis.		61
Expositio in Epistolam I B. Jacobi.		183
Expositio in Epistolam B. Petri.		238
Expositio in Epistolam I B. Joannis.		253
Expositio libri Apocalypsis.		299

## GUALTERUS DE CASTELLIONE.

Tractatus contra Judæos.		423
Alexandreis.		459

## S. WILHELMUS ABBAS S. THOMÆ DE PARACLITO.

Epistolæ.		635
Genealogia regum Danorum.		727
Revelatio reliquiarum sanctæ Genovefæ.		741
Instrumentum quo S. Wilhelmus anniversarium fundat Absalonis archiepiscopi Lundensis.		743
Diplomata S. Wilhelmi et aliorum.		745
Appendix ad S. Wilhelmum. — Testamentum Absalonis archiepiscopi Lundensis.		756

## WILHELMUS DE CAMPANIA ARCHIEPISCOPUS REMENSIS.

Epistolæ.		825
Diplomata.		829

## JOANNES DE BELMEIS LUGDUNENSIS ARCHIEPISCOPUS.

Epistolæ et diplomata.		877
------------------------	--	-----

## HUGO V ABBAS CLUNIACENSIS XVII.

Statuta.		881
Appendix ad Hugonem. — Tractatus Rostangni monachi de translatione capituli S. Clementis papæ et martyris a CP. ad Cluniacum tempore Hugonis abbatis.		905

## BALDUINUS FLANDRIÆ COMES, IMPERATOR CP.

Epistolæ et diplomata.		913
Appendix ad Balduinum. — Genealogia comitum Flandriæ.		928

## ELIAS DE COXIDA ABBAS DUNENSIS.

Sermones.		991
-----------	--	-----

## THOMAS DE RADOLIO.

Vita ven. Patris D. Petris abbatis Clarævallis.		1007
---	--	------

# OPERUM S. MARTINI LEGIONENSIS

## CONTINUATIO

### SERMONES DE SANCTIS

#### SERMO PRIMUS.

##### IN TRANSITU SANCTI ISIDORI.

Isidorus vir egregius, natione Carthaginensis, a patre Severiano genitus, Hispalensis Ecclesie episcopus, Leandri episcopi exstitit germanus atque successor sanctissimus. (1) Vir iste beatissimus a pueritia studiis litterarum traditus Latinjs, Græcis et Hebraicis litteris instructus, omni locutionis genere formatus, suavis eloquio, ingenio præstantissimus, vita quoque atque doctrina fuit clarissimus. Sic namque de virtute in virtutem proficiens resulsit doctor eximius, ita ut secundum qualitatem sermonis omnibus videlicet Latinis, Græcis et Hebræis, sapientibus ac minus intelligentibus in eruditione existeret aptus, atque incomparabili eloquentia strenuus. Tantæ sapientiæ et doctrinæ atque sanctitatis fuit vir gloriosissimus, ut recte de eo dicatur: *Ecce sacerdos magnus qui in diebus suis placuit Deo et inventus est justus* (Eccli. XLIV, et L).

(2) Sacerdos nomen habet compositum ex Græco et Latino: et dicitur sacerdos quasi *sacrum dans*. Sicut rex vocatus est a regendo, ita sacerdos vocatur a sanctificando et a sacrum dando. Ex causis quippe duabus quisque efficitur sacerdos magnus: prima videlicet ut bene vivat, secunda ut bene doceat. Quamvis bene vivat doctor ecclesiasticus; tamen, si bene non docet, non est magnus, et quamvis bene doceat, tamen si bene non vivit, magnus omnino non erit. (3) Necessaria est igitur doctrina cum bona vita: nam doctrina sine bona vita doctorem arrogantem reddit, et rursus vita sine doctrina doctorem inutilem facit. Unde Dominus in Evangelio dicit: *Qui solverit unum de mandatis istis minimis et docuerit sic homines, minimus vocabitur in regno cælorum; qui autem fecerit et docuerit, magnus vocabitur in regno cælorum* (Matth. v). In hoc loco regnum cælorum congregatio est electorum. Sæpe Scriptura Eccle-

siam fidelium regnum cælorum vocat, quia pro eo quod ad cælestia anhelat, jam in ea Dominus quasi in cælo regnat. Qui ergo solverit unum de mandatis Domini nostri Jesu Christi, id est qui illud opere non impleverit, et docuerit sic homines ut illud impleant, *minimus vocabitur in regno cælorum*, scilicet in congregatione fidelium. Ac si aperte diceret: Qui mandata mea implere neglexerit, et homines ut impleant illa docuerit, *minimus vocabitur*, scilicet in sancta Ecclesia imperfectus erit. De hoc etiam Dominus alibi dicit: *Dicunt et non faciunt* (Matth. xxiii). Sequitur: *Qui autem fecerit, id est qui opere impleverit mandata mea, et docuerit homines, ut impleant illa, magnus erit*, scilicet idoneus in sancta Ecclesia. Operibus ergo confirmanda est sacerdotis prædicatio, ita ut quod docet verbo, instruat exemplo.

Bene etiam illud convenit ad confirmandum hoc testimonium quod legitur in Canticis canticorum: *En lectulum Salomonis sexaginta sortes ambiant ex fortissimis Israel, omnes tenentes gladios, et ad bella doctissimi; uniuscujusque ensis super semet suum, propter timores nocturnos* (Cant. iii). (4) Salomon quippe *pacificus* interpretatur. Quis ergo per Salomonem nisi Christus intelligitur, de quo scriptum est: *Ipse est pax nostra qui fecit utraque unum* (Eph. ii). Lectulum Salomonis scilicet Christi sancta Ecclesia est, quia dum a mundanis sollicitudinibus recedit, dum cor ab omni terrena contagione per pœnitentiam mundare non desinit, dumque toto mentis desiderio ad cælestem patriam tendit, quasi lectulum facit in quo Christus delectabiliter requiescit. Unde ipse amabiliter suis discipulis dicit: *Ecce ego vobiscum sum omnibus diebus usque ad consummationem sæculi* (Matth. xxviii). Et iterum per prophetam dicit: *In ambulabo et ero in illis, et nisi erunt mihi populus, et*

(1) Sic us. Tolet. ab Henschenio editum, num. 5 et 42.

(2) Ibid. lib. vii. *Etym.* cap. 12.

(3) Ibid. lib. iii. *Sent.* c. 36.

(4) Gregor. in hunc loc.

*ego ero illis Deus (Lev. xxvi)*. Sexaginta fortes qui lectulum Salomonis ambiunt, praelatos Ecclesie ostendunt qui eam verbis atque exemplis muniunt, et ab ea hostes visibiles et invisibiles tam orationibus quam predicacionibus repellunt: *Omnes, inquit, tenentes gladios et ad bella doctissimi* existunt. Quid per gladium, nisi verbum Dei figuratur, et quid per manus, quibus gladios tenent, nisi operatio designatur? Quia videlicet dum verbum Dei opere complent quod corde sciunt, magis ac magis semper docti inimicos Ecclesie sapientia et fortitudine vincunt. Ad bella spiritalia doctissimi sunt, quia prius in se, deinde in sibi subjectis vitia resecare sciunt. Ad bella doctissimi existunt, quia Dei precepta, quae verbo praedicant, opere perficiunt. Sunt ad bella prudentes atque doctissimi, quia gladio discretionis in se et in aliis subjectis sibi superflua resecant, ac delectabilia hujus mundi. De quibus bene subditur: *Uniuscujusque ensis super femur suum propter timores nocturnos*. Quia per ensen nisi rigorem conversationis, et quid per femur nisi carnis appetitum accipimus? Praelati ergo Ecclesie qui jam ad virtutum perfectionem pervenerunt, semper ensen super femur suum ferunt, quia rigore conversationis appetitum carnis assidue frangunt, ne hostis quem in nocte hujus mundi pertimescunt, repente veniens, eos debiles ac dissolutos in Dei opere inveniat, et per voluptatis molliem et carnis delectationem facilius se sibi subjectos decipiat, atque ad graviora peccata perducat.

Ille ergo in regno caelorum, hoc est in Ecclesia vocatur magnus qui ea quae praedicat verbis, bonis implet operibus. Dicatur ergo de beato Isidoro: *Ecce sacerdos magnus qui in diebus suis placuit Deo et inventus est justus*. Revera magnus, quia opera Dei quae verbis praedicavit, factis implevit (5). Recte utique dicitur sacerdos magnus quem Deus suscitavit Hispaniae novissimis temporibus post tot defectus, credo ad restitrandam antiquorum sapientiam virorum quae praenimia antiquitate pene jam defecerat in humanis mentibus; ne diutius ignorantia ac rusticitate veterasceret populus Christianus. Sic namque plenus charitate et sapientia non abscondit in terra talenta sibi credita, sed in commune omnibus divisit illa, atque ut bonus negotiator Domino reportavit duplicata (*Math. xxv*), dum multorum mentes praedicando sollicitavit ad caelestia desideranda (6). Sicut enim Gregorius doctor Petri apostoli successor exstitit, ita beatus Isidorus Jacobo apostolo successit, quia semen aeternae vitae quod beatissimus Jacobus seminavit, hic doctor egregius verbo praedicacionis quasi unus

(5) Ms. Toletan. apud Henschen c. 2, num. 43, circa medium.

(6) Ibid. n. 44, circa finem.

(7) Edit. ibid. *splendidissimus solis radius*. Lampada pro lampades a Pollione usurpari ait Dufresne, ex mss. codicibus observavit Salmasius . . . et apud Plautum: *Tene hanc lampadam*. Sermo

A ex quatuor paradisi fluminibus sufficienter irrigavit, atque universam Hispaniam tam exemplo boni operis quam fama sanctitatis velut splendidissima lampada illuminavit (7).

Ezechiel propheta, in visione quatuor animalium, sic ait inter caetera: *Et similitudo, inquit, animalium et aspectus eorum quasi carbonum ignis ardentium, et quasi aspectus lampadarum (Ezech. 1)*. Per quatuor haec animalia multitudo sanctorum est figurata; aspectus vero eorum carbonibus ignis atque ardentibus comparatur lampadibus, quia quisquis sanctis viris conjungitur, ex eorum imitatione atque doctrina in amore Creatoris accenditur (8). Sed tamen hoc inter carbones et lampades distat, quod carbones quidem ardent, sed ab eo loco tenebras non expellunt in quo jacent. Lampades autem, quia magno fluminum lumine resplendent, diffusas in circuitu tenebras illuminant. Ex qua re notandum est, quia sunt plerique sanctorum ita simplices et occulti, atque in minoribus locis sub magno silentio absconditi, ut vita eorum vix ab aliis possit agnosci. Quid itaque sunt isti nisi carbones, qui etsi per fervorem spiritus ardorem habent, tamen exempli famam non habent, nec in alienis cordibus tenebras peccatorum illuminant, quia vitam suam aliis omnino celant? Sibimetipsos quidem accendi sunt, sed aliis exemplo luminis non sunt. Isti quamvis ardeant igne divinae charitatis, tamen alios non accendunt fama sanctitatis nec verbo praedicacionis. Lampades vero longius lucent, et cum in alio loco sint, in alio resplendent, quia quicumque exemplo boni operis et verbo praedicacionis refulget, ejus opinio longe lateque ut lampas luca. Cum autem proximi bona ejus audiunt, per haec ad amorem caelestium bonorum consurgunt. In eo autem quod se per bona opera exhibent, quasi ex lampadis lumine resplendent. Cum ergo sancti viri quosdam juxta se positos quasi tangendo, ad amorem patriae caelestis accendunt, carbones sunt; quando vero quibusdam longe positos lucent, ne in peccatis suis tenebras corrumpant, eorum itineri lampades sunt. Jure ergo lampades appellantur qui et exempla virtutum praestant, et lumen boni operis per vitam et verbum aliis demonstrant. Revera ut lampades resplendent, qui et per amorem Creatoris et per flammam bonae praedicacionis de cordibus peccatorum tenebras repellunt erroris. Qui igitur in occulto bene vivit, sed aliis non proficit carbo est, qui vero imitatione sanctitatis in Ecclesia positus, lumen ex se re titudinibus multis praebet, lampas est, quia et sibi ardet et aliis luca.

Recte ergo hic beatissimus vir lucenti lampadi

56, in *Append.* Fulgentii hanc vocem usurpat: *O bona lampada, inquit auctor, non quae diligit saeculum, sed quae diligit caelum, et infra: Sunt multi qui diem vocant lampadam.*

(8) Ex Gregor. lib. 1 *Hom. in Ezech.*, hom. 5, n. 6.

comparatur, quia et præsentes et absentes tam verbo prædicationis quam fama sanctitatis illuminabat, eosque ad amorem cœlestis patriæ accendebat. Congrue siquidem lucernæ ardenti comparatur, quia et in amore Dei et proximi ardebat, et de aliorum cordibus tenebras peccatorum effugabat. Quicumque ad eum accedebant, suæ assiduitate visionis et usu locutionis, atque exemplo boni operis lumen veritatis accipiebant, et in desiderio æternæ lucis inardescabant.

(9) Illic enim vir beatissimus inter cætera sanctitatis operæ quæ in Christi Ecclesia sapienter egit, malignam Acephalitarum hæresim confudit atque destruxit qui in Christo duas substantias negantes, unam in ejus persona naturam prædicabant, dum illum non verum Deum ac Dei Filium, sed tantummodo purum hominem fuisse asserebant. Gregorio namque præfatæ hæresis antistite superato, et sanctarum testimoniis Scripturarum auctoritate convicto docuit duas in Christo fuisse naturas, divinam scilicet et humanam. Divinam, qua Deo Patri semper est coæternus et coequalis; humanam, qua pro nostra salute temporaliter fieri dignatus est Filius hominis, id est Virginis.

Et quid de illius sanctitate atque sapientia dicam? Nimirum humana lingua ad plenum narrare non sufficit quanta bona Deus per eum Ecclesiæ suæ contulit, quamque utilis ignoranti populo ac senescenti mundo fuerit, dum in Chronica sua ætates sæculi et temporum series aperuit. *Chronica* Græcæ, Latine *series* temporum appellatur. *Chronos* enim Græcæ, *tempus* interpretatur Latine. Temporum igitur series et sæculi ætates nescienti populo aperuit, sacrorum jura ostendit, sacerdotibus ecclesiastica officia et gradus cunctorum ordinum exposuit, regibus et principibus leges instituit, iudiciis avaritiam interdixit, civibus et cunctis domesticis fidei populis disciplinam Christianæ re-

ligionis insinuavit; ad ultimum vero seditum, regionum, locorum, omnium divinarum humanarumque rerum nomina, genera, officia, causas, et quæque obscura atque ab humanis mentibus sere jam remota, scribendo patefecit (10). Floruit sapientia et sanctitate temporibus Mauriti et Phocæ imperatorum, sub Recaredo rege Gothorum. Fuit enim in eleemosynis largus, hospitalitate præcipuus, corde severus, in sententia verax, in iudicio justus, in prædicatione assiduus, in exhortatione letus, in lucrandis Deo animabus studiosus, in expositione Scripturarum cantus, in consilio providus, in habitu humilis, in mensa sobrius, in oratione devotus, honestate præclarus, omni bonitate conspicuus. Præterea Pater exstitit clericorum, consolator mœrentium, tutamen pupillorum ac viduarum, levamen oppressorum, defensor civium, persecutor hæreticorum, mallens superbiorum. Et quid amplius dicam? Speculum omnium honorum factus est mundo, et ille, ut credimus, jam sine fine regnat cum Christo. Obiit tempore Heraclii imperatoris, et Suintillæ (11) Hispaniæ regis, illius videlicet Heraclii qui crucem Dominicam quam impius rex Cosroe asportaverat, loco suo Hierosolymis restituit atque exaltavit. Dormivit autem beatus Isidorus cum patribus suis æra 655. Sana doctrina sanoque consilio præstantior cunctis, et copiosus operibus charitatis, sepultusque est in senectute bona. Interca, fratres charissimi, dignum est ut hunc sanctissimum confessorem attentius exoremus, quatenus pro nobis miseris peccatoribus, qui adhuc in periculis animarum nostrarum constituti sumus, apud Deum intercessor existat assiduus, ut ejus sacratissimis meritis et precibus post hanc vitam ad societatem electorum Dei pervenire possimus. Ipso præstante qui in Trinitate perfecta vivit et regnat Deus per omnia sæcula sæculorum. Amen.

(9) Ms. Tolet. n. 43, apud Henschen.

(10) Ibid., n. 43.

(11) Si nomen regis Suintille manu infida et recentiori (et abs dubio post scriptum Salmanticense exemplar quod habet *Suintilla*) nostro ms. non fuerit appositum, recte coaptabantur tempus regis et annus obitus Isidor. 622, seu æra 660. Sed quoniam ms. Toletanum eum habeat errorem in assignanda æra et postea sub rege Cintilla seu Cintillano dicat obiisse Isidorum, non ambigimus nostrum ms. eodem errore laborasse quem sanae voluit corrector. Hallucinatum dicimus auctorem seu exscriptorem codicis Toletani, cum asseruerit annum mortis S. Isidori esse sexcentimum vicesi-

num secundum; jam enim omnes consensere n sexcentesimo trigesimo sexto, nisi auctoritate redempti clerici sive archidiaconi ejusdem S. præsulis, S. Braulionis et S. Hlephonsi. Sed non mirum præfatum auctorem seu exscriptorem in illum errorem lapsum; nam ita misere cæcutivit hæc in re, ut primum dicat defunctum Isidorum temporibus Cintillani, postea eum floruisse usque ad Sisenandum, et statim illum obiisse temporibus Suintillani æra 660, novem videlicet annis antequam Sisenandus regnare inciperet, et quatuordecim antequam Cintillanos; quod miramur haud Henschenium annotasse.

## SERMO SECUNDUS.

DE SANCTO JOANNE BAPTISTA.

Isaias propheta vir nobilis et plenus Dei gratia, cujus tanta fuit sanctitatis et vitæ excellentia, ut unam tantum cilicinam indueretur tunicam, qua

etiam postmodum abjecta pro peccato populi sacco operiretur membra (*Isai* xxi); qui etiam apertius quam cæteri Christi et Ecclesiæ prædicando sacra-

menta, potius evangelista dicendus est quam propheta, in lectione hodierna Spiritus sancti inflammata igne, alii inter cætera : *« Dominus ab utero vocavit me, de ventre matris meæ recordatus est nominis mei (Isai. XLIX), et reliqua. Licet, fratres charissimi, hæc verba Isaïæ prophetæ specialiter ad solum Christum pertineant, tamen quia Christus caput est Ecclesiæ, et Ecclesia, id est omnes fideles Christi corpus sunt, ista quæ de capite, id est de Christo, dicta sunt, etiam membris non incongrue, imo apte convenire possunt. Igitur ea quæ proposuimus repetamus : Dominus ab utero vocavit me, de ventre matris meæ recordatus est nominis mei. Hoc de Christo dictum fuisse manifestum est quando Gabriel archangelus de partu virginali dixit Joseph : Et vocabis nomen ejus Jesum, ipse enim salvum faciet populum suum a peccatis eorum (Matth. 1). Hoc etiam beato Joanni quasi uni ex membris Christi electo satis convenire prædocet Elisabeth sancta, quæ intra uteri sui claustra eundem filium suum in adventu Salvatoris exsultasse testatur, loquens ad beatissimam Mariam : Ecce ut facta est vox salutationis tuæ in auribus meis, exsultavit in gaudio infans in utero meo (Luc. 1). Hoc etiam præostendit idem archangelus Gabriel, qui cum antequam nasceretur, nomen ejus et vitam prænuntiaret, de magnitudine virtutis ejus addidit dicens : Et Spiritu sancto replebitur adhuc ex utero matris suæ. « Vere hic omnium exstitit parvulorum beatissimus qui intra materna adhuc viscera inclusus, Salvatorem mundi adesse, etsi necdum lingua poterat, Spiritu sancto repletus, prophetico gaudio demonstrabat (12). » Etiam et illud bene Joanni convenit, quod Jeronimus vaticinando ait : Priusquam te formare in utero novi te, et antequam exires de ventre sanctificavi te, et prophetam in gentibus dedi te (Jer. 1).*

Sequitur : *Et posuit os meum quasi gladium acutum (Isai. XLIX). Os Dei Patris proprie et principaliter Christus est per quem Deus Pater huic mundo manifestatus est. Unde idem Dominus noster Jesus Christus in Evangelio Deo Patri loquitur dicens : Manifestavi nomen tuum hominibus, quos dedisti mihi (Joan. XVII). Os et Christi Joannes exstitit, qui Christum terris prænuntiavit. Os etiam Christi sancti apostoli fuerunt, qui Christum gentibus prædicaverunt : Et posuit os meum quasi gladium acutum. Gladius acutus Christus est, quia spiritali oris sui interficiet impium (Isai. XI). De hoc gladio dicitur in Evangelio : Non veni pacem mittere, sed gladium (Matth. X). Ac si diceret : Veni malos a bonis segregare, et filios a parentibus separare. Veni, inquit, separare hominem a patre suo, et filiam a matre sua, et nurum a socra sua et, odio mei nominis erunt, inimici hominis domestici ejus (ibid.). Quid tamen sit iste gladius, evidenter exponit Apostolus : Gladium, inquit, Spiritus accipite, quod est verbum Dei (Eph. VI). Gladius*

A Spiritus sancti, id est quem dat Spiritus sanctus. Est enim verbum Dei bis gladius acutus, docens de temporalibus et de æternis : illis consolationem in veteri testamento tribuens, istis perfectionem in novo promittens, et in hoc mundo quæcumque percutit, dividens. De hoc etiam gladio Joannes in Apocalypsi scripsit dicens : *De ore Filii hominis, id est Christi, gladius ex utraque parte acutus exibit (Apoc. 1), videlicet de ore prædicantium, quia sancti doctores os Christi sunt, sicut Joannes, sicut apostoli, et sicut cæteri prædicatores. Ab eis ergo secreta Christi aperientibus gladius ex utraque parte exibit acutus, id est sermo divinus ; quia sicut gladius separat animam a corpore, ita sermo divinus separat hominem a mundano et carnali amore. De ore Christi gladius bis acutus exibit, sciens corporalia et spiritualia vitia, vel secundum novum et vetus testamentum, vel secundum litteram et spiritum, vel secundum divinitatem et humanitatem. Aliter : Gladius ex utraque parte acutus tam prædicantis quam audientis vitia ressecans, de quo gladio legitur in Psalmo : Accingere gladio tuo super femur tuum, potentissime (Psal. XLIV) ; congrue prædicator ecclesiasticus super femur gladio jubetur esse accinctus, ut in aliis vitia ressecaturus, prius in seipso studeat refrenare fornicationis motus. Quicumque ergo in aliis vitia cupit emendare, prius in se debet superflua ressecare, sicut Paulum apostolum legimus dixisse : Castigo corpus meum et in servitium redigo ; ne forte cum aliis prædicaverim, ipse reprobus efficiar (I Cor. IX). Unde Dominus dicit in Evangelio : Hypocrita, ejice primum trabem de oculo tuo, et tunc perspicies, ut educaas festucam de oculo fratris tui (Matth. VII). Unde etiam Paulus apostolus ait : Qui alium doces, te ipsum non doces : qui prædicas non furandum, furaris : qui dicis non mæchandum, mæcharius (Rom. II). Et Dominus in Psalmo : Tu qui odisti disciplinam, et projecisti sermones meos retrorsum : quare enarras justitias meas, et assumis testamentum meum per os tuum ? (Psal. XLIX.)*

Hic mihi misero qui ab oculis meis trabes gravissimas non ejicio, et in oculis fratrum meorum festucas parvas considero ! Me ipsum a peccatis gravissimis non emendo, et fratres meos de levissimis culpis reprehendo. Tamen vos moneo, fratres dilectissimi, ut propter iniquitates et infinitas negligentias meas non vos pigeat audire verba Spiritus sancti, quia Dominus prædicatoribus dicit : Non vos estis qui loquimini, sed spiritus Patris vestri loquitur in vobis (Matth. X). Nolite ergo verba Dei quæ a me audistis despiciere, sed ea quantocius bonis implere operibus festinate. Ad ea ergo quæ proposuimus, redeamus.

Idcirco beatus Joannes ut seipsum præberet formam doctrinæ ecclesiasticis prædicatoribus, prius studuit implere bonis operibus ea quæ postmodum

(12) Quæ ansullis includimus, verba sunt S. Maximi, homil. 1, in die natiuitatis Joannis.



erat aliis prælicitorum, ne de aliqua culpa reprehenderetur ab auditoribus. Inde est etiam quod carnem suam cum vitis et concupiscentiis crucifigebat, deserta loca inhabitabat, sacerdotum delicias contemnebat, corpus suum asperrimis indumentis domabat, zona mortificationis lumbos præcingebat, nec vinum nec siceram, nec omne quod inebriare potest bibebat, modico et tenui contentis cibo; divitias hujus mundi perfecte despiciebat. Sic prius semetipsum castigans rigore virtutis, ut increpaturus mala perfide gentis nullam haberet reprehensionem in vestibis vel in epulis; unde recte posset reprehendi ab aliis. Deinde securus ac Dei gratia roboratus increpat populum de suis pravis actibus. *Genimina, inquit, viperarum, quis ostendit vobis fugere a ventura ira? Facite fructus dignos penitentiae. Quare? Quia jam securis ad radices arboris posita est. Omnis arbor quæ non facit fructum bonum excidetur, et in ignem mittetur* (Matth. iii). Illo dignos penitentiae fructus facit qui quanto gravius delinquit, tanto laboriosius in acquirendo fructum bonorum operum desudare penitendo non desistit. Tanto enim quisque majora debet lucra bonorum operum querere per penitentiam, quanto majora sibimetipsi intulit damna per culpam.

Iterum subjungit dicens: *In umbra manus sue protexit me* (Isai. xlii). In umbra manus Dei Christus specialiter protectus existit, quia vitas carnis divinitatis potentia tecta fuit, sicut angelus ad gloriosissimam Virginem nuntiando ait: *Spiritus sanctus superveniet in te, et virtus Altissimi obumbrabit tibi* (Luc. i). Hæc divinitatis potentia ita beatissimam Virginem contra vitiorum æstus obumbravit, et interius exteriusque virtutibus roboravit, atque in tantum in exterioribus eam actibus debilitavit, ut nunquam eam nec in cogitatione, nec in locutione, nec in actione peccare permiserit. Unde beatus Augustinus dicit: « Cum de peccatoribus aliqua disputo, hanc solam beatissimam Virginem, et eum qui ex ea natus est, sine peccato esse affirmo (15). » Bene etiam beatus Joannes Baptista protectus fuisse non dubitavit gratia virtutis Dei, quia nec in prosperis nec in adversis poterat vinci, tanquam ejusdem gratiæ clypeo munitus inexpugnabili. Non eum prospera elevabant, nec adversa frangebant, testimonio Veritatis approbante, quæ eum laudando asserebat, arundinem vento agitatam non esse (Matth. xi). Unde idem Joannes non immerito Dei gratia interpretatur.

Sequitur: *Posuit me sicut sagittam electam* (Isa. xl). In hoc autem quod sagittam electam dicit, Deum plurimas habere sagittas ostendit. Sed tamen de multis sagittis Christus specialiter una sagitta eiceta est; sicut de plurimis filiis singularis et unigenitus filius est. Hæc sagitta in Canticis canticorum sponsa vulnerata se commemorat, dicens: *Vulnerata charitate ego sum* (Cant. ii). Cæteræ

vero sagittæ Domini prophetæ et apostoli sunt, qui per totum mundum discurrunt, de quibus in Psalmo canitur: *Sagittæ tuæ acutæ, populi sub te cadent in corda inimicorum regis* (Psal. xlii). Et iterum: *Sagittæ potentis acutæ cum carbonibus desolatoriis* (Psal. cxix). Idem sagittæ significant in sacris Scripturis quod et gladius; nam sagittæ dicuntur prædicationes sive Dei sermones. Sed in hoc sagitta et gladius distare videntur, quia gladius prope ferit, sagittæ vero longius emittuntur. Sic ergo incomprehensibilis Dei potentia demonstratur, quam nullus potest vitare, sive positus sit longe, sive prope. Istæ sagittæ sunt acutæ quia penetrant usque ad divisionem corporis et animæ. Unde dicit Apostolus: *Vivus est sermo Dei et efficax et penetrabilior omni gladio ancipiti: et pertingens usque ad divisionem animæ ac spiritus, compagum quoque et medullarum, discretor cogitationum et intentionum cordis* (Hebr. iv). Vere sermo Dei efficax est et vivus, id est Dei Filius quem mortuum esse putat infidelis populus, omnia facit quæcumque minatur; et est penetrabilior omni gladio ancipiti, quia non membra tantum penetrans sicut materialis gladius, sed etiam propriæ virtutis ictu pertingens usque ad divisionem animæ ac spiritus. Sæpe in divinis Scripturis anima ponitur pro vita, unde est illud: *Qui amat animam suam, perdet eam* (Joan. xii). Ac si diceret: *Qui amat præsentem vitam, perdet æternam*. Ideoque in hoc loco per animam vitia carnalia accipiuntur, quæ actu corporis sunt, ut est luxuria, furtum, rapina, et cætera quæ ad actus corporis referuntur. Per spiritum vero spiritualia intelliguntur vitia, scilicet superbia, cupiditas, invidia et cætera quæ ad mentem pertinent. Est igitur sermo ille pertingens usque ad divisionem compagum et medullarum. Ac si diceret: *Est discretor cogitationum et intentionum cordis*. Per compages enim cogitationes accipimus quæ sibi invicem compaginantur. Per medullas vero secretissimas et magis intimas intentiones cordis intelligimus. Has ergo a se invicem divinus sermo dividit, cum qualis sit cogitatio et qualis intentio discernit. Sæpe namque bona sunt quæ cogitantur, sed mala intentione. Sæpe vero aut bonum aut malum cogitamus, sed in his sermo divinus non errat ut bonum pro malo, aut malum pro bono accipiat. Est ergo divinus sermo discretor cogitationum et intentionum quia subtilitate cognoscit quid quisque agat et quo animo agat. Unde Psalmista ait: *Scrutans corda et renes Deus* (Psal. vii). In corde sunt cogitationes et in renibus delectationes. Deus igitur scrutatur corda quia scit ea quæ unusquisque cogitat: scrutatur etiam renes, quia cognoscit in quo quisque maxime delectatur, sive in castitate, sive in luxuria. Non immerito etiam Joannes sagitta electa est, quia non solum cum cæteris sanctis ante mundi constitutionem per Christum electus est, sed etiam ad

(15) De natura et gratia, contra Pelagianum, 42.

ipsum conceptum ab angelo est prænuntiatus, et in utero matris a Christo salutatus et sanctificatus atque electus non dubitatur. « Adeo enim, sicut beatus Maximus asserit, in eo specialis electio præfuit, ut ante mereretur annuntiare Dominum, quam nascendi haberet initium, vel loquendi acciperet officium (14).

De hoc etiam beatissimo viro Dominus dicit in Evangelio: *Erat lucerna ardens et lucens* (Joan. v); ardens videlicet amore, lucens sermone. Plenus dilectione Dei et proximi ardebat, plenus Spiritu sancto sermone prædicationis lucebat. Per dilectionem Dei ardebat cœlestia desiderando, per dilectionem proximi lucebat bona prædicando. Per charitatem Dei terrena despiciendo ad cœlestia anhelabat, per charitatem proximi verbo exhortationis mentes hominum illuminabat. Per charitatem Dei in hoc mundo corpus proprium mortificabat; per charitatem proximi mala increpando, adventum Filii Dei annuntiando, corda hominum ad cœlos erigebat. Tamen, fratres charissimi, Joannes Baptistæ non ostendebat splendorem suarum virtutum in domo parentum, sed foris in conspectu populorum; nec lucebat in domo sed in publico. Comparemus ergo eum, si placet, lapidi Chalcedonio. Lapis Chalcedonius in numero duodecim pretiosorum lapidum quibus Jerusalem cœlestis civitas Regis magni fundatur atque ornatur, ponitur tertius (Apoc. xxi). Ille lapis, ut fertur, non lucet in domo, sed sub dio, hoc est sub aere, id est sub claritate Dei foris in aperto. Dicitur enim splendorem emitte-  
 re quasi pallentis atque ardentis lucernæ. In hoc igitur quod non lucet in domo significat eos qui sua bona opera faciunt in occulto, sicut ait Dominus in Evangelio; *Nesciat sinistra tua quid faciat dextera tua* (Matth. vi). In eo autem quod hic lapis Chalcedonius non lucet in domo sed foris in aperto, significat illos qui aliqua inevitabili cogente necessitate ad publicum exiunt, et ibi volendo nolendo

(14) Hom. 1, in die Nativit. Joan.

A quasi coacti proximis suis bona sua opera ostendunt. Unde scriptum est: *Luceat lux vestra coram hominibus, ut videant opera vestra bona et glorificent Patrem vestrum qui in cœlis est* (Matth. v). De quorum numero iste vir beatissimus existit, quia quandiu in domo parentum suorum habitavit, bona opera sua metu elationis occultavit. Postquam autem ad prædicandum foras exivit, omnem provinciam, imo omnem Ecclesiam illuminavit et viam Domino præparavit, atque hominum mentes de terris ad cœlos sublevavit.

Fratres charissimi, dum beati Joannis Baptistæ virtutes ad memoriam reducimus, necesse est, ut nosmetipsos interius exteriusque consideremus, et ut peccata nostra quotidianis lacrymis lavemus. Ideo ante oculos nostros proposuit Deus sanctorum Patrum exempla, ut nos sequendo eorum vestigia, Spiritus sancti adjuti gratia, possimus promereri æterna gaudia. Nulla igitur jam ignorantia nos a peccato excusat, quia et lex Dei aures nostras quotidie pulsat, et sanctorum Patrum exemplum indesinenter nos ad bene operandum invitat. Jam ergo « vox turturis audita est in terra nostra (Cant. ii), » id est vox apostolorum et sanctorum Patrum prædicantium, nosque ad bene vivendum verbis atque exemplis admonentium. Igitur, fratres dilectissimi, orandus est Deus, ut virtutes quas suis sanctis præparavit ad coronam, nobis sint ad profectum et non ad prenam. Proficient autem ad profectum nostrum, si tot et tanta imitari voluerimus exempla virtutum. Oportet ergo nos, charissimi, cum omni devotione Deum exorare ut per intercessionem beati Joannis Baptistæ ipse nos faciat se ipsum timere et diligere, atque in omnibus sua præcepta custodire, et post obitum nostrum ad cœleste regnum pervenire, qui in Trinitate perfecta vivit et regnat Deus per omnia sæcula sæculorum. Amen.

## SERMO TERTIUS.

### IN ASSUMPTIONE SANCTÆ MARIE.

Maria Virgo assumpta est ad æthereum thalamum, in quo Rex regum stellato sedet solio. Maria est illuminatrix dicta pro eo quod æternæ lucis est porta, per quam sedentibus in tenebris et umbra mortis lux est exorta. Illa enim genuit æterni Patris Filium, qui *illuminat omnem hominem venientem in hunc mundum* (Joan. i). Maria etiam *stella maris* interpretatur, quia per eam hoc mare magnum et spatiosum, id est præsens sæculum illuminatur, et in eo navigantibus nobis ab ea portus æternæ

quietis ostenditur. Ipsa enim quasi stella clarissima humanum genus illuminavit, eique inter tenebras ac procillas hujus fluctivagi maris viam rectam monstravit per quam ad littus perpetuæ stabilitatis pervenire potuit. Maria etiam Syra lingua nuncupatur *Domina*. Et satis pulchre dicitur *domina*, quia per Dominum quem genuit, domina est in cœlo et in terra. Congruè in cœlo et in terra dicitur *domina* quia omnia Christo famulantia cum omni devotione ac reverentia sunt illi subjecta. Revera

domina et in cœlo et in terra, quia ab initio figuris et enigmatibus est præsignata a patriarchis et prophetis, revelante Spiritu sancto, prænuntiata. Ab ipsa etiam nativitate a sanctis angelis est custodita et comitata ac venerabiliter salutata. Præterea a Deo Patre gloriosissime est veluti sponsa obumbrata ac donis cœlestibus ditata, et a Spiritu sancto illuminata ac repleta, atque a Jesu Christo Filio ejus integritate perpetuæ virginitatis dicata et consecrata, ab evangelistis vero ostensa atque monstrata. Joannes etiam evangelista cui eam Christus de cruce commisit (*Joan. xix*), illam usque ad finem vitæ custodivit, eique in necessitatibus fideliter ac devote ministravit, atque eam ut credimus post dormitionem in mausoleo quod est in vallis Josaphat medio composuit ac decenter collocavit.

Mausolea sunt sepulcra seu monumenta regum, dicta a Mausoleo rege Ægyptiorum (15). Post mortem vero hujus Mausolei regis uxor ejus regina super corpus ejus construxit sepulcrum nimis magnitudinis et miræ pulchritudinis, in tantum ut omnia pretiosa monumenta regum atque principum in partibus Orientis mausolea nuncupentur ex nomine Mausolei regis. Impletum ergo videntur quod hinc sacratissimæ Virgini Mariæ Gabriel prædixit archangelus: *Ave, inquit, Maria, gratia plena, Dominus tecum (Luc. 1)*. Vere in Maria gratia erat plena, cui tam devote, sicut jam supra diximus, cœlestia ministrabant ac terrestria. Vere in Maria gratia plena fuit, per quam æterni Patris Filium generare potuit, et universam pravitatem hæreticorum, magorum, atque philosophorum interenit. Talibus ergo decebat hanc augustissimam Virginem oppignorari; id est ditari mulieribus, ut esset gratia plena et ut reverenter ei obsequia exhiberentur angelica, quæ dedit cœlis gloriam, terris Deum, pacem refudit, fidem gentibus, finem vitiiis, vitæ ordinem, moribus disciplinam. Cœlis gloriam dedit quando angelus Christum pastoribus nuntiavit et statim angelicus chorus in excelsis Deo gloriam eccinit, atque in terra pacem hominibus bonæ voluntatis redditam esse nuntiavit (*ibid.*); Deum terris dedit, quia nobis genuit Filium Dei omnipotentis, qui nos suo pretioso sanguine de manu inimici redemit, atque a periculo æternæ damnationis liberavit; pacem refudit quia homines Deo reconciliavit, et angelos ad pacem hominum revocavit; dedit fidem gentibus, quia homines qui ignorando verum Deum longo tempore servierant idolis, per ejus partum conversi sunt ad fidem et cognitionem sui Creatoris; dedit etiam finem vitiiis, quia per baptismum et mysterium sacratissimi corporis Christi fideles populi absolvuntur a vinculis tam originalis quam actualis peccati, ita dumtaxat ut deinceps abrenuntent operibus diaboli, et ut fideliter colla subjiciant suavi jugo servitutis Chri-

sti; vitæ ordinem dedit, quia Christus Ecclesiam suam ordinavit atque præpositis instituit, et minoribus majoribus obedire præcepit. Unde Paulus apostolus dicit: *Quæcunque ordinata sunt, a Deo ordinata sunt, et: Qui resistit potestati, Dei ordinationi resistit (Rom. xiii)*. Moribus disciplinam dedit, quia Christus qui ex ea natus est, peccantibus poenitentiam imposuit; ut, qui post baptismum sese peccatis et vitiiis subdidit et vestem innocentie inquinavit, rursum per puras orationes et lacrimas atque jejunia et per cætera bona opera suorum veniam peccatorum consequi possit. Unde ipse Dominus per prophetam dicit: *Nolo mortem peccatoris, sed ut magis convertatur et vivat (Ezech. xviii)*. Vere in hac nobilissima Virgine fuit gratia plena, per quam tanta et innumerabilia bona accepit sancta Ecclesia. Quibus igitur eam laudibus digne possumus honorare per quam æternæ salutis pignus meruimus accipere? Aut quas ei gratias referre valebimus per cujus partum cœlestis regni aditum invenire potuimus? Aut quid nos in ejus tentamus dicere laudibus quæ divinis est et angelicis laudata et glorificata præconiis excellentius? Nimirum humanus sermo laudes explicare non valet verbis hujus sacratissimæ atque gloriosissimæ Virginis, maxime cum nec vita concordet, nec facultas suppeditet, nec scientia abundet. Procul dubio patet cœlum, stupet terra, ignorat ratio, mens non capit humana, quin etiam miratur omnis creatura quod ei per Gabrielem archangelum annuntiatur et quod in ea per Christum adimpletur.

Unde in Canticis canticorum Spiritus sanctus ex persona supernorum civium in ejus ascensione admirans ait: *Quæ est ista quæ ascendit per desertum sicut virgula sumi ex aromatis myrrhæ, et thuris? (Cant. iii)*. Ascendebat ergo per desertum, hujus mundi quasi virgula sumi, quia nimirum gracilis erat et delicata, atque extennata cœlestibus disciplinis, sciicet abstinentia, jeuniis, vigiliis atque orationibus; quia ejus conversatio jam non erat in terris sed in cœlis; Spiritus sanctus admirasse dicitur, dum hæc beatissima Virgo super choros angelorum exaltatur; desertum dicitur derelictum. Recte ergo per desertum ascendebat, quia jam præsentem mundum tota mente deserebat, et ad cœlestem patriam cum omni devotione anhelabat, terrena contemnebat, omne desiderium suum in cœlum erigebat, et quia in infimis nihil quod ei dulce esset conspiciebat, totum cor ad superna amanda convertebat, census mundi cum omni cupiditate noxia despiciebat, atque ad invisibilia tendebat. Sic nimirum per desertum ascendebat, quia tota intentione mundum deserebat. Bene ergo sicut virgula sumi dicitur ascendisse, quia odorem bonæ famæ, et exemplum perfectionis reliquit sanctæ Ecclesiæ. Omnes enim quoscunque poterat, ad suum exemplum vivere cogebat, et ut terrena despicerent, et

(15) Ex B. Isidor, lib. xv *Etym.*, c. 11.

cœlestia diligerent, adimonebat. Suadebat præcipue virginibus integritatem mentis et corporis conservare, ac mortalis naturæ lenocinia vitare, et Christum cum accensis honorum operum lampadibus usque in diem mortis suæ fideliter expectare. In tantum igitur suavissimus odor perfectæ conversationis manabat ex ea, ut innumerabilis utriusque sexus multitudo ejus sequeretur vestigia, et nuptiarum copulatione postposita, ac propagatione filiorum despeeta, Jesu Christo cœlesti sponso ejus sacratisimis admonitionibus fieret devota.

Sequitur: *Sicut virgula fumi, inquit, ex aromatibus myrrha, et thuris (Cant. iii).* Et notandum quia fumus iste ex aromatibus myrrhæ et thuris dicitur esse. Myrrha quippe corpora mortuorum condiantur, ne putrescant, thura vero in thuribulo accendantur ut odorem emittant. Hæc igitur gloriosissima Virgo, dum carnem suam a putredine vitiorum mortificabat, dum omnes mundi voluptates per continentiam abnegabat, morituro corpori quasi myrrham adhibebat, et ut post mortem ab æterna corruptione sanum permaneret, summopere satagebat. Dum vero a cordis cubiculo omnes superfluas cogitationes abjiciebat, quasi thuribulum coram Deo faciebat, in quo dum per dilectionem Dei et proximi virtutes congregabat, quasi carbones ignis in thuribulo coaptabat, in quo semetipsam igne charitatis in conspectu Dei incendebat. Duntaxat ferventes et mundas orationes ad Deum emittebat, quasi fumum aromatum ex thuribulo educebat, quo suave coram Deo redolebat, et proximos quosque ad amorem Dei per bona exempla excitare non cessabat.

Rursus de ea in eisdem Canticis Spiritus sanctus admirans ait: *Quæ est ista, quæ ascendit quasi aurora consurgens, pulchra ut luna, electa ut sol, terribilis ut castrorum acies ordinata? (Cant. vi.)* Mirabantur sanctorum animæ præ gaudio, quænam esset quæ etiam angelorum dignitatem vinceret. *Quæ est ista, inquit, quæ ascendit, quasi aurora consurgens;* quia videlicet Virgo semper Maria, relictis tenebris corruptionis, in suo ascensu rutilabat novitate incorruptionis ac perpetuæ immortalitatis. *Pulchra ut luna,* imo pulchrior quam luna; quia luna aliquando crescit, aliquando vero decrevit. Hæc autem sine defectu corruptionis tenebras sanctæ Ecclesiæ illuminat, et in ea æternæ beatitudinis claritas perseverat. Bene etiam ut sol dicitur electa, quia ipse eam elegit sol justitiæ, ut nasceretur ex ea. Unde dicit David propheta: *In sole posuit tabernaculum suum (Psal. xviii).* In sole, hoc est in hac beatissima Virgo aptavit thalamum

A suum. Terribilis esse perhibetur ut castrorum acies ordinata, quia in ascensione sua ex omni parte angelicis choris erat circumdata, et electorum spiritibus hinc inde comitata. Credimus hodierna die omnem cœlorum militiam cum agminibus angelorum festivo obviam huic beatissimæ Genitrici Dei Mariæ advenisse, atque eam immenso lumine circumfulsisse, et usque ad thronum sibi ante mundi constitutionem a Deo prædestinatum cum laudibus et canticis spiritualibus perduxisse. Nulli ergo dubium sit, tunc in assumptione tam præclaræ Virginis omnem cœlestem Jerusalem ineffabili lætitia exultasse, atque inæstimabili charitate jucundatam esse, ac de societate illius cum omni gratulatione jubilasse. Etiam quantum datur intelligi, B ipsemet Jesus Christus ei gratulabundus ac festivus occurrit, eamque secum in paterna gloria collocavit.

Interea, fratres charissimi, dignum est, in quantum divina largiente gratia possumus, ut nosmetipsos bonis coaptemus moribus, et ut penetralia cordium nostrorum a peccatis et vitiis emundemus, quatenus Deum in hac solemnitate semper Virginis Mariæ decenter laudare possimus; quia iter nostræ salutis in Dei consistit laudibus. Unde in Psalmis dicit sermo divinus: *Sacrificium laudis honorificabit me (Psal. xlii).* Videlicet sacrificium contriti cordis et casti corporis; sacrificium mundæ mentis ac puræ laudis honorificat Deum. *Et illic iter, quo ostendam illi Salutare Dei (ibid.).* Per istud iter non ambulatur pedibus, sed bonis moribus; istud iter non perficitur gressibus corporis, sed opèribus bonis; istud iter sic perficitur, ut corpus exerceatur in sanctis actionibus, et ut mens sit devota in Dei laudibus. Gloriosum iter, quod perducit laudantem ad cœli terræque Creatorem. Gloriosa semita, quæ perducit hominem ad æterna gaudia. Sed tamen, dilectissimi, iter istud nullatenus possumus invenire, nisi Deus illud nobis dignatus fuerit ostendere. Oportet igitur nos cum omni instantia Deum exorare, ut iter suæ laudis nobis dignetur demonstrare, per quod ad ipsum poseimus pervenire. Sed quia meritis indigni sumus impetrandi quod possumus, hujus gloriosissimæ D Reginæ cœlorum ac terræ auxilium flagitemus, ut illius sacratissimis adjuti precibus per iter laudum ad cœleste regnum mereamur pertingere, ipsumque de quo loquimur, Salutare Dei in gloria Patris regnantem, videre; ipso præstante, qui cum eodem Patre, et Spiritu sancto in Trinitate perfecta vivit, et regnat Deus per infinita sæculorum sæcula. Amen.

## SERMO QUARTUS.

## II IN NATIVITATE SANCTÆ MARIE.

Catalogi mansiones filiorum Israel, quæ a prima usque ad ultimam numerantur, simul quadraginta due sunt. Per has mansiones festinavit Hebraeus de terra Ægypti exire, et ad terram promissionis pervenire. Per has etiam figuratè Christianus debet currere, qui de Ægypto, hoc est de præsentis sæculo, cupit exire, et ad terram promissionis, id est ad cœlestem patriam pervenire. Nec mirum videatur, si sub illo numeri sacramento perveniamus ad regna cœlorum, sub quo etiam numero Dominus et Salvator noster typice ab Abraham patriarcha pervenit ad Mariam Virginem, quasi ad Jordanem, quæ pleno gurgite fluens, Spiritus sancti gratia redundavit. Ilas utique mansiones Matthæus evangelista figuratè in Evangelio suo demonstrat, cum enumeratione à patriarcha Abraham usque ad Christum, quadraginta duas generationes fuisse, narrat (*Matth. 1*).

Per has ergo quadraginta duas generationes ab Abraham quasi per tot mansiones recta linea per David descendens Christus ad Mariam venit, cum pro nostra redemptione in ea incarnari voluit. Regali ergo ex progenie Maria exorta refulget, cujus precibus nos adjuvari mente et spiritu devotissime credimus. Ideo semper Virgo Maria ex regali progenie scribitur, quia de stirpe regis David orta fuisse perhibetur. Ex regali prosapia descendit, quia veram de stirpe David originem duxit. Per humanam naturam ex regali progenie existit, sed per gratiam Deus eam sibi in filiam adoptavit. Secundum carnem de semine regio fuit nata, sed per adoptionem Dei altissimi est filia. Ex se ipsa Christum Deum et hominem genuit; sed tamen Christus eam creavit. Est igitur mater, et filia; mater, quia verum Deum et verum hominem genuit; filia, quia illam Deus, ut ex ea nasceretur, creavit.

Nobilis est ex progenie terreni parentis, sed longe est nobilior per gratiam Dei omnipotentis. Quasi illa regis David gloriosa est electa, sed multo est gloriosior, quia a Deo est electa. Nobilis est parentibus, sed tamen nobilior est moribus; nobilis est genere, sed nobilior sanctitate. Quare? Quia ab infans, divina præveniente gratia, cepit despiciere terrena, et amare cœlestia. Ab exordio nativitatis suæ dono illuminata supernæ gratiæ, studuit visibilia contemnere et invisibilia querere. Deum cum dilectione timebat, eumque cum timore diligebat; os suum a superfluo sermone restringebat, delicias ciborum respuebat, visus hominum fugiebat, seipsam in vultu et habitu magis Deo quam hominibus placere optabat. Præterea iram et

odium veluti quamdam mortiferam pestem vitabat; lenocinia cum omnibus hujus mundi blandimentis fugiebat. Fidem rectam custodiebat, nulla insipiens doctrina eam decipiebat, nulla religio per-versa corrumpebat, nulla pravitas a statu rectitudinis avertebat, nulla iniquitas a Dei dilectione separabat. Ab omnibus quæ lex vetat sese abstinerebat; omnia quæ Scriptura prohibet summo opere cavebat. Quotidie orationi insistebat, diebus ac noctibus suppliciter Deum exorabat, nocturnis vigiliis in Dei laudibus permanebat. In humilitate fundata erat, minimam se judicabat, ancillam Dei se esse dicebat, atque ut digna in conspectu Dei existeret, vigilantia cura elaborabat. Ostendebat in suo gressu simplicitatem, in motu puritatem, in gestu gravitatem, in incessu honestatem.

Sed quis poterit sufficienter aut digne perfectionem sanctitatis ejus referre? Omnis illius virtutibus exstitit plena; a peccatis vero et vitiis munda. Spiritus sanctus eam illuminavit, et virtutibus corroboravit, ab ubertate domus Dei inebriavit, atque ab omni carnali delectatione purgavit, ut Deum super omnia diligeret, eique cum omni devotione adhæreret; ita ut, desiderio superni amoris accensa, vix eam aliquis in bonis operibus imitari posset. In tantum in omni gente Judæorum virtutibus excrevit, seque ipsam cis honorum operum exemplum præbuit, ut recte de ea dici possit: Sicut spina generat rosam, ita Judæa genuit Mariam. Congruè Judæa comparatur spinis, quia semper Deum exacerbavit in operibus suis. Bene Scriptura Judaicam gentem spinis comparavit, quia quasi infligendo vulnera cruenta exstitit, dum prophetarum et proximorum sanguinem crudeliter effudit. Unde ei Dominus in Evangelio dicit: *Jerusalem, Jerusalem, quæ occidis prophetas, et lapidas eos qui ad te missi sunt* (*Matth. xxiii*). De qua etiam Elias querimoniam faciendo, dicebat Deo: *Domine, altaria tua suffoderunt, prophetas tuos occiderunt, et relictus sum ego solus, et quaerunt animam meam ut auferant eam* (*III Reg. xix*). Hoc etiam significavit, quod Dominus in rubo Moysi in flamma apparuit. Erat flamma in rubo, id est in spinis, et non cremabatur rubus (*Exod. iii*). Rubus significat spinas peccatorum Judæorum, flamma vero significat legem divinarum præceptorum; et sicut flamma rubum non comburebat, ita lex peccata Judæorum omnino non consumebat.

Congruè igitur semper Virgo Maria quasi rosa de spinis dicitur fuisse orta; quia quamvis originem duxerit de stirpe Judaica, tamen dum per Dei gra-

nam a peccatis et vitiis stetit aliena; dum utrique sexui, videlicet viris et feminis, perfectæ conversationis præbuit exempla, velut rosa decorat spineta, sic illa decoravit Judæam, imo etiam universam Ecclesiam. Dum vero seipsam per dilectionem Dei et proximi in omni mansuetudine et patientia conservabat, dum innocentiam et puritatem verbo et opere custodiebat, dum cuncta quæ in terris sunt, pro nihilo ducebat; quasi rosa flagrans suis proximis suaviter redolebat, dum eis bonæ famæ odorem præstabat. Unde bene illi convenit quod Spiritus sanctus in Canticis canticorum dicit: *Sicut lilium inter spinas, sic amica mea inter filias* (Cant. ii). Per filias in sacro eloquio negligentes quique, et in Dei dilectione tepidi nominantur; quia dum effeminatos mores nutriunt, dignitate viri amissa, quales interiorius habentur, exterius feminino nomine nunciantur. Et quia Christum solummodo verbis confitentur, operibus vero nihil aliud, nisi mundanas sollicitudines sectantur; recte non filii, sed filię nominantur.

Digne igitur sicut lilium inter spinas, sic beatissima Virgo Maria inter filias esse perhibetur; quia quamvis de radice humanæ fragilitatis processerit; quamvis de stirpe mortalitatis prodierit, quaravis de natura vitiata exierit; tamen dum sæditatem humanæ vitæ despiciendo, ad cælestem se crexit pulchritudinem; dum nigredinem Judicæ conversationis vilipendendo, corde et corpore munditiæ candorem conservavit; dum superbiæ montem deserendo, seipsam in convalle humilitatis plantavit; quasi lilium odore bonæ opinionis proximos suos, imo omnes fideles, refecit. Recte ergo in dignitate lili computatur, quia ab infantia candorem virginitalis amavit, et mentis munditiæ custodivit, per quam omnipotenti Deo præ cunctis virginibus placere meruit, sicut Scriptura dicit: *Elegit eam Deus, et prælegit eam* (Psal. cxxxii). Elegit eam videlicet præ aliis virginibus; et prælegit eam super omnes virgines, privilegio scilicet majoris dignitatis, ac singularis dilectionis: quia nec ei prima similis aliqua visa est, nec sequens erit, quæ ei assimilari possit, de qua etiam beatus Hieronymus dicit: « Invenitur prima inter primas summi Regis cohortes. » Prima dicitur inter omnes virgines summi Regis cohortes, non solum tempore, verum etiam dignitate et sanctitate. In summi regis curia invenitur prima, quia super omnes virgines, imo etiam super omnes mulieres est benedicta. Revera super omnes mulieres est benedicta, quia inter omnes feminas gloriosissimum Deo virginitalis munus obtulit prima. In summi Regis curia prima dicitur inveniri, quia in terris angelicam vitam studuit imitari.

Unde Propheta ait: *Adducentur regi virgines post eam: proximæ ejus afferentur tibi* (Psal. xli). Cæteræ virgines adducentur regi Domino, non in pri-

mo, sed in secundo loco, quia nulla æquabitur ei sive in sanctitate, sive in præmio. Deo dicatæ virgines, adducentur cælorum Regi, non pariter sed post eam; quia nulla ei, quamvis sit sancta, quamvis sit digna, poterit in præmio parificari. Cæteræ Deo consecratæ virgines illius sequaces possunt esse, non comites; quia hæc nobilissima Virgo domina est inter ancillas, regina inter sorores, magistra inter virgines. Sine dubio sanctarum virginum est magistra, quia eis bene vivendi præbuit exempla. Est etiam mater earum; quia eas genuit exemplo sanctarum virtutum. Unde Scriptura loquitur: *Unusquisque ejus filius dicitur, cujus doctrinam sequitur*. Certe non solum virginum, sed etiam omnium sanctarum seminarum mater est et magistra, quia super omnes mulieres a Deo est electa atque benedicta. Cui Spiritus sanctus in Canticis canticorum dicit in magna gloria: *Tota pulchra es amica mea, et macula non est in te* (Cant. iv). Sed cum scriptum sit: *Nemo est sine peccato: nec etiam infans, cujus vitiæ est unius diei super terram* (Job xiv); quid est quod hæc sanctissima Virgo tota pulchra esse dicitur, in qua macula non habetur? Alibi quippe legitur: *Sellæ non sunt mundæ in conspectu Dei* (Job xxv). Et alibi: *In multis offendimus omnes* (Jac. iii). Et Joannes apostolus ait: *Si dixerimus quia non peccavimus, mentimur, et non facimus veritatem* (I Joan. i).

Sed tamen beatissima Virgo Maria, sicut a Spiritu sancto tota pulchra et sine macula dicitur, ita et a sanctis Patribus prædicatur, quod de nullo alio sanctorum creditur. Decenter igitur eam sine macula Spiritus sanctus prædicat, quia illam præveniens a peccato prorsus purgavit, et fomite peccati liberavit, atque ab omni illicita cogitatione penitus mundavit; in tantum, ut ei postmodum peccandi occasio nullatenus exstiterit. Unde beatus Augustinus dicit (16): « Excepta et sacratissima Virgine, si omnes sancti et sanctæ in unum congregarentur, et quæreretur ab eis, an peccatum haberent; quid responderent, nisi quod Joannes ait? *Si dixerimus quia peccatum non habemus, nosmetipsos seducimus, et veritas in nobis non est.* » Hæc autem Virgo gloriosissima singulari gratia Spiritus sancti est præventa atque repleta, ut ipsum haberet sui ventris fructum, quem ab initio omnis creatura habuit Dominum. Recte ergo dicitur et absque ulla dubitatione, tota pulchra, et sine macula fuisse, in sinum cujus Verbum Patris, per quod facta sunt omnia, dignatum est descendere, ibique pro totius mundi salute humanitatem nostram sibi misericorditer conjungere. Nihilominus tota pulchra et sine macula fuit, in cujus utero Dei Filius nostra carne se induit, in qua pro nostra redemptione passus est, sicut voluit, et cum qua hostem antiquum potenter debellavit, atque infernum, quamvis illuc in sola anima descenderit, spoliavit, ejusque spolia post

(16) De natura et gratia, contr. Pelag., n. 42.

resurrectionem suam quadragesimo die ad cœlos A sublevavit, eamque, ut credimus, in æterna beatitudine collocavit. Sine dubio tota pulchra et sine macula fuit, quæ et genitricis dignitatem obtinuit, et virginalem pudicitiam non amisit. Virgo peperit, quia virgo concepit. Beata illa fecunditas, quæ pariendo mundum illuminavit, cœlos hæreditavit, damna angelorum et hominum reparavit, et tamen velamina virginitatis non perdidit. Felix venter ille, qui sine humano semine gignere novit, et corruptionem ignoravit. Felix certe est, et omni laude dignissima hæc semper Virgo, quæ cœlestem panem, id est Christum protulit sæculo, de quo sancti angeli reficiuntur in cœlo. Ex se ipsa protulit mundo panem vivum, de quo reficiuntur animæ fidelium; et tamen non perdidit virginitatis sigillum.

Unde dicitur in eisdem Canticis : *Hortus conclusus, fons signatus. Emissiones tuæ paradisi* (Cant. iv). Omnino est hortus deliciarum, in quo plantata sunt omnia genera florum, et odoramenta sanctarum virtutum : sic perfecte conclusus, ut nullatenus possit violari, neque ullis cogitationibus sive insidiarum fraudibus valeat corrumpi. Recte hortus conclusus dicitur, quia dum per bona exempla multos populos gignit, quasi hortus germinans pulchros flores emittit. Fons etiam signatus sigillo totius Trinitatis existit, ex quo fons vitæ procedit, qui et angelos in cœlo ex se ipso pascit, et fideles, ne laxentur in via hujus sæculi, reficit. C De quo fonte ipse Dominus in Evangelio dicit : *Qui biberit ex aqua quam ego dabo ei, non sitiet in æternum* (Joan. iv). Etiam illius uteri emissio, scilicet Christus, omnium supernorum civium est paradisi. *Paradisus* Græce, Latine *hortus* dicitur. *Eden* Hebraice, Latine interpretantur *delicia*; quæ simul juncta faciunt hortum deliciarum. Congruè in hoc loco horto comparatur Jesus Christus, quia quamvis in divinitate sua cum Patre et Spiritu sancto sit in-circumscribitus, tamen ita est circumscribitus, ut nunquam pervenire possit ad eum hypocrita, hæreticus, Judæus, sive paganus. Recte dicitur hortus deliciarum, quia in eo sunt omnes deliciae atque

divitiarum supernorum civium. Satis pulchre dicitur paradisi, quia ipse est refectio et suavitas ad se currentibus, atque omnibus in cœlo manentibus. Ideo hortus dicitur deliciarum, quia ipse cibus est et jucunditas omnium cœlestium ordinum beatorum spirituum, et animarum omnium sanctorum.

Igitur, fratres dilectissimi, si ad has delicias, de quibus loquimur, scilicet ad Christum, cupimus pervenire, necesse est ut illi cum omni devotione studeamus servire, eique in omni nostra conversatione placere, illi quo tota mente adhærere, ut recte cum Propheta possimus dicere : *Mihi autem adhærere Deo bonum est : ponere in Domino Deo spem meam* (Psal. LXXII). Ac si diceret : *Mihi videtur delectabile et utile esse, mundum contemnere. Deoque adhærere, atque in eo spem meam ponere, magis quam in temporalibus bonis quæ sub omni velocitate constant, ad nihilum devenire.* Dignum est ergo, ut ei adhæreamus castis moribus, eumque sequamur sanctis actionibus, mundatis prius pectoribus ab immundis et nefandis, vanis ac noxiis cogitationibus, quia nemo poterit eum digne contemplari, nec perfecte sequi sine istis virtutibus. In sua namque essentia sanctissimus est atque subtilissimus, nec poterit eum cernere immundus oculus. Ad ipsum ergo mundo corde et pura mente accedamus, illum præ omnibus et super omnia diligentes, eum in omnibus et per omnia amantes, ipsique cum omni instantia servientes, qui et se ipsum nobis alimentum præstat, ne deficiamus in hujus mundi via, et præmium servat, de quo gaudeamus in cœlesti patria. Sed quia innumeris exigentibus culpis, indigni sumus cœlestibus donis, auxilium imploremus beatissimæ Mariæ semper virginis, quatenus ejus sacratissimis precibus et meritis mundati ab omnibus peccatis et vitis, mereamur esse participes æternarum deliciarum, et pervenire ad gaudia æternæ beatitudinis, ibique videre eundem Jesum Christum Filium ejus regnantem in dextera Dei Patris : ipso præstante, qui cum eodem Patre et Spiritu sancto in Trinitate perfecta vivit et regnat Deus, per omnia sæcula sæculorum. Amen.

## SERMO QUINTUS.

### DE SANCTA CRUCE.

Ideo, fratres charissimi, Dominus noster Jesus D Christus de cœlis pro nostra salute ad nos dignatus est descendere, ut iterum nos de terris ad cœlum reduceret post se. Ilac de causa pro nostra reparatione usque ad mortem voluit humiliari, et crucis despectionem pati, ut nos liberaret de potestate inimici, et per se ipsum qui est via, veritas, et vita, perduceret ad æternam beatitudinem, id est ad vi-

sionem Patris sui. Audiamus igitur ab eo, qualiter post eum debemus ire, et ad ipsum pertinere, ut ubi est ipse, et nos per ipsum possimus esse. Ait enim : *Qui vult post me venire, abneget semetipsum, et tollat crucem suam, et sequatur me* (Matth. xvi). Prius ergo semetipsum debet abnegare, qui post Christum vult currere.

Sed quid est semetipsum abnegare? Propriis vide-

licet mortuus renuntiare. Ut qui superbus erat, et mala proximis suis inferebat, conversus ad Dominum, non solum amicis, verum etiam inimicis proximis bona faciat. Ille vero qui antea iracundus erat, se ipsum in omnibus mansuetum ac benignum exhibeat, ita ut omnes æquanimiter et patienter ferat. Is autem qui prius erat luxuriosus, mente et corpore studeat esse castus; ut non solum tactu non polluetur corpus, sed etiam nec immunda cogitatione animus. Qui avaritiæ deditus erat, aliena non concupiscat, pro amore Christi propria indigentibus triuat, paupertatem diligat, divitias contemnat. Qui hujusmodi propriis voluntatibus renuntiat, procul dubio semetipsum abnegat: sed tamen ad perfectum non sufficit, nisi accepta cruce post Christum pergat.

Sed quid est crucem ferre? semetipsum videlicet mortificare. Crucem ferre, et non mori, simulatio est hypocritarum; crucem autem ferre, et mori, studium est Dei servorum. Quicumque ergo ad servitium Dei accedit, si nondum a peccatis et vitiis moritur, crucem videtur ferre, sed tamen Christum non sequitur. Ille ergo veraciter crucem portat, et Christum sequitur, qui sæculo renuntians, a peccatis et vitiis recedit, et in Dei servitio sese fortiter stringit, propriæ voluntati in omnibus contradicit, atque humiliter seipsum imperio magistri, id est abbatis, subjicit. Iste cum Apostolo recte dicere poterit: *Mihi autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo!* (Gal. vi.) Illi sine dubio est mundus crucifixus qui mundum despiciat cum suis oblectationibus. Et e converso: ille est crucifixus mundo, quem causa amoris Christi mundus odio habet. Contingit aliquando ut homo mundum non teneat mente, sed tamen mundus eum cum suis occupationibus adstringit, et mortuus est homo mundo, et mundus quasi vivus cum conspicit, dum alio intentum in suis actibus rapere contendit. Sed Paulus mundum non cupit, nec mundus eum; ut in duobus mortuis neuter neutrum videt. Ac si diceret: *Nec ego mundi aliquid cupio, nec ipse suum aliquid in me cognoscit.* Crucem ergo, sicut jam supradictum est, ferre, semetipsum est mortificare, visibilia contemnere, invisibilia amare, jugum disciplinæ Christi suave, et onus mandatorum ejus leve cum omni devotione portare.

Gloriemur ergo et nos, dilectissimi, in vivifica cruce Domini nostri Jesu Christi, quæ digna fuit portare pretium hujus mundi, per cujus mysterium diabolus est victus, et mundus redemptus. Summopere nobis est gloriantium in ea, quia ejus beneficia non sunt recentia nec noviter inventa, sed ab antiquo figuris et ænigmatibus præstensa ac monstrata. Ista dulces figuraliter aquas fecit, quando Dominus in quinta mansione filiorum Israel, scilicet Mara, Moysi lignum ostendit, quod Moyses pro-

(17) Isid., *Quæst. in. Exod.*, c. 21.

tinus in amarissimas aquas mittens, statim eas in dulcedinem divina virtute convertit (Exod. xv) (17). Intelligitur amaras aquas habere figuram legis et litteræ occidentis, quibus si mittatur confessio crucis, et jungatur sacramentum Dominicæ passionis, tunc efficiuntur aquæ miræ suavitatis, et amaritudo litteræ vertitur in dulcedinem intelligentiæ spiritualis. Unde scriptum est: *Constituit Dominus populo legem et judicia, et tentavit eum* (Exod. xxxi). Alio quoque sensu, quod aquæ miræ amaritudinis, ligno in se suscepto, dulces sunt, indicium erat, amaritudinem gentium per lignum crucis quandoque esse convertendam in dulcedinis usum. Sciendum autem juxta superiorem sensum, quod primo ductus est Israel ad aquas salsas atque amaras, et ligno monstrato a Domino, dulcius effectus: postea venit ad fontes. Primo enim populus ducitur ad litteram legis, in qua donec permanet, ab amaritudine non potest recedere, nec Evangelii dulcedinem gustare. Cum vero per lignum vitæ dulcis effecta fuerit, et intelligi lex spiritualiter cœperit, tunc de veteri testamento venit ad novum, et venit ad duodecim apostolos, quos fontes Scriptura memorat, ex quibus fidelis plebs dulcissimam sufficienter aquam, scilicet spiritualem doctrinam haurit. Ibi et arbores requiruntur septuaginta palmarum, quia non solum duodecim apostoli fidem Christi prædicaverunt, sed et alii septuaginta missi ad prædicandum verbum Dei feruntur, per quos palmas victoriæ Christi mundus agnosceret. Siquidem et isti duodecim fontes septuaginta palmarum arbores irrigantes, apostolicam gratiam præfigurabant, decuplato rigante, ut per septiformem Spiritum demum legis Decalogus impletur.

Per hujus etiam sanctæ crucis mysterium typice destruantur dogmata philosophorum. Nam quod olim Ægyptus diversis plagis corporaliter affligitur, hoc in nobis modo spiritualiter agitur. Ægyptus quippe forma est sæculi, in qua aquæ vertuntur in sanguinem imperio Domini. Aquæ Ægyptiæ erratica et lubrica philosophorum dogmata intelliguntur, quæ merito in sanguinem vertuntur, quia in rerum causis carnaliter sentire probantur. Sed ubi crux Christi huic mundo lumen veritatis ostendit, hujusmodi eum correctionibus arguit, ut ex pœnarum qualitate propria agnoscat quæ prave egit.

Per hanc etiam crucem, jubente Domino, silex aquas jecit Moysi officio (18). In tricesima tertia mansione, scilicet Cades, Moyses offendit Dominum propter aquas contradictionis, et prohibetur transire Jordanem et intrare terram promissionis. Perturbatus enim populi murmure dubitantes petram percussit, quasi illud Deus facere non posset, ut aqua de petra proflueret (Num. xx). Sed quid hic fides Moysi insinuat dubia, quæ aquam titubaverit ejiciendam de petra? In hoc procul dubio prophetiam intelligimus de Christo. Dum enim Moyses in

(18) Isid., *Quæst. in Numer.*, c. 33.



Scripturis sanctis aliam atque aliam pro efficientiis A causarum personam gerat, nunc tamen populi Judæorum sub lege positi personam significabat, enimque in prophætica pronuntiatione figurabat. Nam sicut Moyses virga, per quam lignum sanctæ crucis figuratur, petram percutiens de Dei virtute dubitavit; ita ille populus, qui sub lege per Moysen data tenebatur, Christum ligno affligens, eum Dei virtutem esse non credidit. Sed sicut percussa petra manavit aquam sitientibus. Sic plaga Dominicæ passionis effecta est vita credentibus (19). Eadem autem petra quæ aquam evomit, Christi figuram habuit, quo aperto cuncta profuxerunt, ad quem, ut emanaret credentibus gratiam, velut virga lignum crucis accessit. Percussa enim petra, fons manavit; percussus in cruce Christus sitientibus atque credentibus lavacri gratiam et donum sancti Spiritus effudit. Petra ista figuram Christi habuisse probat Apostolus, cum dicit: *Bibebant autem de spirituali, consequente eos petra: petra autem erat Christus (I Cor. x)*. Quod autem sitiens populus aquam, murmuravit adversus Moysen, et propterea jubet Deus ut ostendat ei petram ex qua bibit; quid hoc significat nisi (20) quia lex Moysi adversus eum murmurat, quæ secundum litteram mortificat? Ostendit ergo ei petram Moysen, quæ est Christus; adduxit eum ad ipsum, ut inde bibat et sitim suam reficiat (21). Hanc igitur carnalem de Christi divinitate desperationem Deus jubet mori in ipsius Christi altitudine, cum mortem carnis Moysi in montem imperat fieri. Sicut enim petra Christum significat, ita et mons Christum indicat. Petra est humilis fortitudo, mons eminens altitudo. Itaque ut ipse Dominus ait: *Non potest civitas abscondi supra montem posita (Matth. v)*; se scilicet montem, fideles autem suos in sui nominis gloria fundatos, asserens civitatem. Prudentia enim vivit carnis, cum tanquam petra percussa Christi humilitas in cruce contemnitur ab incredulis. Christus namque crucifixus, Judæis siquidem est scandalum, gentilibus vero stultitia (I Cor. 1). Prudentia iterum carnis moritur, cum tanquam montis eminentia Christus excelsus agnoscitur. Ipsi enim vocatis Judæis, et gentilibus Christus Dei sapientia est, et Dei virtus.

Duo etiam ligna quæ vidua Sareptana colligebat D (III Reg. xvii), hanc adorandam crucem Christi significabant, quæ non ex uno construitur ligno, sed ex duobus constat. Ex ligni nomine et lignorum numero signum crucis exprimitur. Claudebatur cælum quando fames erat, quia nulla erat cognoscendæ Divinitatis ubertas; sed temporibus his, quibus fames omne genus urgebat humanum, ad viduam destinatus Elias est (22). Videte, fratres,

quemadmodum propria singulis gratia servetur. Angelus ad Virginem (*Luc. 1*), propheta ad viduam mittitur. Multæ viduæ erant, sed una omnibus antefertur. (23) Hæc vidua non tantum abstinentia corporis desinitur, sed virtute signatur (24). Magni meriti hæc sancta vidua fuit, quia quamvis fames esset maxima in omni terra, illius tamen cura Deo non defuit, dum prophetam ad alendam eam misit. Sanctam quippe Ecclesiam significat hæc vidua, quæ morte viri sui, scilicet Christi, est viduata. Non ergo otiose hæc vidua inter multas viduas præfertur, sed rationabiliter cunctis præponitur. Quæ enim talis vidua, vel ubi invenitur, ad quam tantus propheta, qui ad cælum raptus est, dirigitur? Eo præsertim tempore, quando clausum est cælum annis B tribus, et mensibus sex. Qui sunt isti tres anni, nisi forte illi quibus Dominus in terram venit, et fructum invenire non potuit? Unde scriptum est: *Ecce tres anni sunt, ex quo venio quærens fructum in fructu hac, et non invenio (Luc. xiii)*. (25) (De hac muliere novimus dixisse Salomonem: *Mulierem fortem quis inveniet? Procul et de ultimis finibus pretium ejus (Prov. xxxi)*. Pretium sanctæ Ecclesiæ et præmium Christus est, qui de ultimis finibus, id est de cælis, ad eam venit, eamque pretio proprii sanguinis sui mereatus est.) Hæc est profecto illa vidua, de qua dictum est: *Lætare sterilis quæ non parit: erumpe et clama quæ non parturit: quoniam multi filii desertæ, magis quam ejus quæ habet virum (Isa. liv)*. Bene etiam illi per prophetam dicitur: *Ignominie et viduitatis tuæ non eris memor; quia ego Dominus salvam te facio (ibid.)*. Hæc est igitur illa vidua, propter quam cum siccitas esset in terris cælestis verbi prophætæ sunt destinati. Unde nec nobis videtur illius persona esse mediocris, qui aridam terram rigavit rore verbi cælestis. Clausum quoque cælum non humana potestate reservavit, sed divina. Quis enim potest aperire cælum, nisi Christus, cui quotiædie cives Ecclesiæ cumulo congregantur de peccatoribus? Nec enim humanæ virtutis est dicere: *Hydria farina non deficiet nec lecythus, nil est vas, olei minuetur usque in diem, quo daturus est Dominus pluviam super terram (III Reg. xvii)*. Quid est autem, usque diem, quo daturus est Dominus pluviam super terram, nisi usque in diem, quo descendet Dei Filius sicut pluvia in vellus? (Psal. lxxi.)

In Scripturis quippe sub figuris ista latent; sed jam virtutes et beneficia crucis patent. Quæ beneficia? Reges videlicet in Christum credunt, et hanc sanctissimam crucem, depositis coronis ac flexis genibus adorant, qui prius odio nominis ejusdem Domini nostri Jesu Christi gravissima Christianis

(19) Hæc ex eod. Isid., *Quæst. in Exod. c. 24*.

(20) Locus depravatus sic restituendus ex edit.: nisi quia si quis est qui legens Moysen murmurat adversus eum, et duplicet ei lex quæ secundum litteram est scripta; ostendit et Moyses petram, qui est Christus et adducit eum ad iosam ut inde bibat et reficiat sitim suam.

(21) Rursus ex *Quæst. in Num.* ubi supra.

(22) Ex B. Ambros. *De vid.*, c. 4, n. 3.

(23) Hæc ex c. 2, num. 7.

(24) Jam ex cap. 3, num. 14.

(25) Quæ parenthesi includimus non sunt Ambrosii.

tormenta irrogabant. Per virtutem ejusdem sanctæ crucis fortis armatus ille ac superbus, qui in pace atrium suum custodire, et vasa possidere videbatur (*Luc. xi*). Juste et rationabiliter vincitur; vasa ejus, scilicet corda fidelium in quibus habitabat, diripiuntur; arma in quibus confidebat, superbia videlicet et dolus, franguntur; humanum genus Deo reconciliatur, templa idolorum destruuntur, sancta Ecclesia roboratur, Christiani in fide solidantur; pagani, eo quod idola adoraverint, confunduntur, Judæi scandalizantur, portæ inferi destruuntur, captivi qui diu illic detinebantur, ad perpetuæ lucis et pacis requiem transferuntur, janua paradisi aperitur, damna cœlestium ordinum reparantur, dæmonia reprimuntur, hostes superantur; et, ut breviter dicam, sine illa nullum sacramentum perficitur in sancta Ecclesia.

Alius enim signo sacrosanctum corpus Christi consecratur, Ecclesia Deo dedicatur, sacerdotes et cuncti gradus Ecclesiæ ordinantur, infantes baptizantur, pueri et adolescentes ab episcopis sacro chrismate in fide confirmantur, cibi fidelium sanctificantur, omnes Christiani populi benedicuntur, frontes utriusque sexus et ætatis muniuntur. Unde est illud: Nulla salus est in domo, nisi crucem mittit homo super liminaria. Revera nulla salus est in domo, id est in corpore, quod est habitatio animæ, nisi sanctæ crucis signaculum portaverit in fronte. Per virtutem quoque illius ægri sanantur, mortui resuscitantur, cæci illuminantur, leprosi mundantur, paralytici curantur, dæmones ab obsessis corporibus eliminantur, feræ in mansuetudinem convertuntur, serpentes fugantur, ignis exstinguitur; ad ultimum vero prosperitas tribuitur, et omnis adversitas repellitur.

Gratias igitur, dilectissimi, agamus omnipotenti Deo, qui per passionem et crucem Jesu Christi Filii sui tanta et tam innumerabilia bona præstitit universo mundo. Multa bona abstulit nobis superbus Adam per lignum prævaricationis, sed multo majora dedit nobis humilis Christus per lignum sanctæ crucis. Tanta enim fuit humilitas in Christo Dei et Virginis Filio, quæ omnibus suis ad salutem sufficere posset: sicut in primo homine tanta fuit superbia, quæ sibi et suis posteris noceret. Non est autem inventus inter homines aliquis, qui hoc posset implere, ut homines videlicet suis meritis Deo possent reconciliari, nisi leo de tribu Juda, qui aperuit librum, et solvit signacula ejus, implendo in se omnem justitiam (*Apoc. v*), id est consummatissimam atque perfectissimam humilitatem, qua major esse non potest. Nam alii homines debitores, id est culpabiles erant, et vix unicuique sua virtus vel humilitas sufficiebat. Nullus ergo eorum hostiam poterat offerre sufficientem nostræ reconciliationi. Sed Christus Deus et homo sufficiens et perfecta fuit hostia, qui multo amplius est humiliatus, amaritudinem mortis gustando, quam ille Adam superbivit per lignum vitæ, et, noxia delectatione

A perfruendo. Magna ergo in morte Unigeniti præstita sunt nobis, scilicet ut redire nobis in patriam liceat, sicut olim in morte summi pontificis his qui ad civitatem refugii confugerant, secure ad propria remeare licebat (*Num. xxxv*).

Sed inter hæc mirandum est, fratres charissimi, cur Dei Filius qui nunquam peccavit, et ab ore ejus mendacium non processit, tam pie tamque misericorditer pro nobis peccatoribus crucem ascendere, et in ea mori voluerit? Nunquid nostris exigentibus meritis ad nos venire, et de manu hostis antiqui nos dignatus est redimere, ut perveniendi ad cœlum rectum iter ostenderet? Nunquid aliqua bona præcesserant opera, pro quibus mereamur accipere tanta et tam incomparabilia dona, ut Dei videlicet Filius in cruce portaret peccata nostra? Non illum procul dubio ad nos de sinu Patris fecit descendere nostra sanctitas, sed illius summa et incomparabilis pietas. Quod ad nos Deus Pater eundem unigenitum sibi que cœterum Filium suum misit; quod nos de potestate inimici redemit; quod charitatem suam cordibus nostris infudit; quod nobis agnitionem sui tribuit; quod introitum regni cœlestis aperuit; quod ad contemplandam sui faciem non intronitit, nos nostris meritis, sed ejus largissima bonitas fuit. Sicut nostra providentia non sumus in hoc sæculo nati, ita nec nostro arbitrio de manu inimici redempti, nec nostro consilio spiritualiter regenerati. Ab ipso enim ex nihilo sumus creati, et ut ei serviamus spiritaliter instructi, et ut cœlum ascendere possimus, misericorditer adjuti. Ab ipso etiam accepimus, ut ab exsilio ad patriam, ab infimis ad superiora, a miseria ad felicitatem, de tenebris ad lucem, de tribulatione ad paradysum valeamus ascendere.

Hoc idem Sponsus, scilicet et Dominus noster Jesus Christus, asserit, cum figuraliter sponsæ, id est sanctæ Ecclesiæ, dicit: *Sub arbore malo suscitavite* (*Cant. viii*). Quid per arborem mali, nisi sancta crux designatur, quæ matum illud sustinuit, de quo eadem sponsa in superioribus dicit: *Sicut malus inter ligna silvarum, sic dilectus meus inter filios?* (*Cant. ii*). Procul dubio sponsam suam Christus sub arbore malo suscitavit; quia in cruce positus, subditam sibi Ecclesiam ad vitam vocavit, et ad bene operandum sollicitavit, ut a somno mortis surgeret, et cum illo se crucifigens ad novam resurrectionem properaret. Unde et Apostolus cuilibet in anima mortuo dicit: *Surge qui dormis, et exurge a mortuis, et illuminabit tibi Christus* (*Ephes. v*), id est lucebit tibi. Quas ergo, fratres charissimi, grates omnipotenti Deo valebimus referre, qui nobis peccatoribus nihil boni merentibus tanta dona dignatus est tribuere? Quo honore, vel quibus eundem Regem omnium sæculorum laudibus digne honorare possumus, sine quo non solum nihil boni agere, sed nec etiam cogitare, valeamus? Qualiter illum digne humana fragilitas glorificare poterit, cui non sufficit quod nobis temporalia bona tribuit,

sed etiam, quod est felicius, humanitatem nostram ad cœlestia regna vocavit? Quas ergo ei gratias referre dignas poterimus, nisi ut semper memores simus præceptorum ejus, et pro amore illius, sicut ille pro nobis passus est, libenter adversa patiamur? Crucem ergo vestram, dilectissimi, sine fraude suscipite, carnem vestram cum vitiiis et concupiscentiis crucifigite, prospera hujus mundi abjicite, adversa æquanimitèr tolerate, divinis officiis libenti animo insistite, injurias a proximis illa-

tas pro nihilo ducite, in damno temporalium rerum Deo gratias agite, temporalia respicite, æterna concupiscite, Christum sequimini non simulate, sed in veritate; ut carne mortui, in spiritu possitis vivere, et per eundem pastorem omnium fidelium Jesum Christum ad cœlestem patriam pervenire; qui cum Patre et Spiritu sancto in Trinitate perfecta vivit et regnat Deus per omnia sæcula sæculorum. Amen.

## SERMO SEXTUS.

IN FESTO SANCTI (26) MICHAELIS ARCHANGELI.

Moneo vos, fratres charissimi, ut sollicite audire dignemini ea quæ beatus Joannes apostolus et evangelista ad eruditionem vestram, imo totius Ecclesiæ, loquitur in Apocalypsi: *Factum est, inquit, prælium in cælo: Michael videlicet et angeli ejus præliabantur cum dracone, et draco pugnavat, et angeli ejus: et non vauerunt, neque locus eorum inventus est amplius in cælo (Apoc. xii). (27) Ecclesia Græcum vocabulum est, quod in Latinum vertitur convocatio, propter quod omnes ad se vocet ad serviendum Deo. Ideo etiam sancta Ecclesia dicitur catholica, quod universaliter per omnem sit mundum diffusa. Non enim sicut conventicula hæreticorum in aliquibus regionum partibus regionum partibus coarctatur, sed per totum terrarum orbem dilatata diffunditur, quod etiam Apostolus congratulando Romanis testatur: *Gratias, inquit, ago Deo meo pro omnibus vobis, quia fides vestra annuntiat in universo mundo (Rom. i). Sæpe Scriptura sanctam Ecclesiam cœlum nominat, quia pro eo quod ad cœlestia suspirat, jam Dominus in ea quasi in cælo regnat. Unde est illud: Vidi ostium apertum in cælo (Apoc. v). Ostium apertum Christum dicit in Ecclesia natum, et passum. Sic enim de seipso ait: Ego sum ostium (Joan. x). Simili modo et in hoc loco cœlum Ecclesiam vocat, in qua prælium factum narrat.**

*Factum est, inquit, prælium in cælo, id est in Ecclesia, in qua supradictus draco cum sanctis Dei pugnat, dum eos per multas adversitates tentat. Michaelem Christum dicit, et angelos ejus sanctos homines vocat, cum quibus in cælo, hoc est in Ecclesia, contra antiquum draconem sine intermissione pugnat (28). Angeli Græce vocantur, Hebraice dicuntur *Malaoth*, Latine vero nuntii interpretantur, ab eo quod Domini voluntatem populis nuntiant. Græca lingua archangeli inter-*

pretantur *summi nuntii*. Qui enim parva vel minima annuntiant, angeli, qui vero summa, nuncupantur archangeli. Archangeli dicti, eo quod primum teneant inter angelos. *Archos* enim Græce, *princeps* interpretatur Latine. Congruè siquidem in hoc loco nomine Michaelis Christus intelligitur, qui verò est Princeps militiæ angelorum, cui etiam *omne genu flectitur cœlestium, terrestrium, et infernorum (Philipp. ii)*. Sic namque de illius principatu propheta ait: *Factus est principatus super humerum ejus: et vocabitur nomen ejus admirabilis, Deus fortis, Pater futuri sæculi, Princeps pacis (Isai. ix)*. Procul dubio Dominus noster Jesus Christus est princeps pacis, qui in sanguine suo humanum genus Deo reconciliavit, et veram pacem inter angelos et homines reformavit, sicut in ejus nativitate angelorum chorus cecinit: *Gloria in excelsis Deo, et in terra pax hominibus bonæ voluntatis (Luc. ii)*. Etiam Jesus Christus Princeps regum dicitur, sicut de illo Joannes in initio libri Apocalypsis septem Ecclesiis, id est omni Ecclesiæ, testatur: *Gratia, inquit, vobis, et pax ab eo, qui est, et qui erat, et qui venturus est: et a septem spiritibus, qui in conspectu throni ejus sunt: et a Jesu Christo, qui est testis fidelis, primogenitus mortuorum, et Princeps regum terræ (Apoc. i)*. Cur autem Ecclesia cum una sit, a Joanne septem scribuntur, nisi ut una catholica septiformi plena spiritu designetur? Unde etiam de Christo novimus dixisse Salomonem: *Sapientia ædificavit sibi domum: excidit columnas septem (Prov. ix)*. Quas tamen septem unam esse non ambigitur, sicut Apostolus testatur: *Ecclesia Dei vivi quæ est columna veritatis (I Tim. iii)*. Nec etiam tibi, quicumque es, grave videatur, si Christus ex opere angelus vocatur, cum et apud prophetam magni consilii Angelus dicatur (*Isai. ix*). Quamvis quippe ipse sit Deus, et Dominus angelo-

venias

(27) Isid., lib. viii *Etym.* c. . .

(28) Ex eod., Isid. lib. vii *Etym.*, cap. 5.

(26) Quæ in Apocalypsi de prælio Michaelis cum dracone dicuntur, omnia auctor noster ad pugnam Christi et SS. ejus in Ecclesia mystice accommodat: ut mirum non sit, si nihil hic de vero Michaelè in-

rum, tamen quia voluntatem Patris ac suæ annuntiauit fidelibus populis, angelus vocatur in divinis Scripturis. Unde ipse ait in Evangelio: *Pater, nomen feci nomen tuum hominibus* (Joan. xvii). Iterum ex persona illius Psalmista Deo Patri loquitur, dicens: *Annuntiavi justitiam tuam* (Psal. xxxix), id est fidem justificantem, quia *justus ex seculo vivit* (Habac. ii): *In Ecclesia*, inquit, *magna*, id est non solum in Judæa, sed in omnium gentium Ecclesia (29). Michael interpretatur, *quis ut Deus*, subaudis, in virtutibus. Cum enim aliquid miræ virtutis sit in hoc mundo, hic archangelus mittitur a Deo. Ex ipso nemque opere est nomen ejus, quia nemo habet facere quod facere potest Deus. Recte igitur in hoc loco nomine Michaelis intelligitur Christus, quia veraciter præest omnibus angelicis spiritibus, atque omnibus cæli sublimitatibus, et in terra est magni consilii Angelus, per quem Deus Pater redemit humanum genus. Nec aliquis in cælo habet angelos, nisi Dei Filius; quia quamvis archangeli angelis præsumt, iste tamen præest omnibus secundum quod a Deo Patre subjecta sunt omnia sub pedibus ejus. Cumque in ipsis officii angelorum superiores potestates inferioribus præsumt, non tamen hoc a semetipsis habent, sed ut præsumt, ab isto acceperunt.

Dicatur ergo: *Factum est prælium in cælo*, id est in Ecclesia. *Michael, et angeli ejus*, Christus scilicet et sancti ejus, *pugnabant cum dracone*, hoc est cum diabolo (30). Diabolus Hebraice, *deorsum* *quens* interpretatur Latine: quia in cæli culmine quietus stare contempsit, sed superbæ pressus pondere deorsum cecidit. Græce vero diabolus *criminator* vocatur: quod vel crimina in quibus ipse homines allicit, Deo referat, vel quia electorum innocentiam criminibus falsis accusat. Unde dicitur: *Projectus est accusator fratrum nostrorum, qui accusabat illos in conspectu Dei nostri die ac nocte* (Apoc. xii). De hac pugna multo antea in Psalmo Propheta gratulabundus dicebat Christo: *Super aspidem*, inquit, *et basiliscum ambulabis; et conculcabis leonem et draconem* (Psal. xc). Aspidem dixit mortem, basiliscum peccatum, leonem diabolum, et draconem infernum. Congrue siquidem ista nomina diabolo sunt aptata, quæ tamen omnia sub pedibus Domini nostri Jesu Christi in ejus glorioso adventu fuerunt prostrata. Super quippe aspidem ambulavit, quia resurgens a mortuis mortem destruxit; super basiliscum ambulavit, quia nullum omnino peccatum fecit; Leonem conculcavit, quia diabolum qui habebat mortis imperium, vicit, et captivum flammis tradidit, ac vinculis inferni religavit. Unde ipse in Evangelio dixit: *Nunc princeps hujus mundi ejicietur foras* (Joan. xii), id est ab Ecclesia expelletur. Ipse leo ferocissimus quasi principatum in hoc mundo obtinebat, dum omnes, videlicet bo-

A nos et malos, justos et peccatores per terram suam secum ad perditionem trahebat. Draconem, id est infernum, conculcavit, quando in cruce positus Deo Patri animam suam commendans in ea ad infernum descendit, portas ejus confregit, et suos qui apud eum captivi tenebantur, potenter ac misericorditer abstraxit (Luc. xxii). (31) Ille enim totius malignitatis actor diabolus, quamvis ordinem nostræ liberationis nescierit, scivit tamen, quod pro salvatione hominum Christus advenit; sed, quia sua idem nos morte redimeret, ignoravit, unde et eum occidit. Nam si ille per mortem Christum redimere humanum genus scisset, non utique eum peremisset. Quod noverit diabolus pro salute humani generis Christum venisse, Evangelii testimonio docetur, quem ut vidit cognoscendo pertimuit, dicens: *Quid nobis et tibi, Fili Dei? venisti ante tempus perdere nos* (Marc. i). Ante adventum Christi quasi fortis armatus atrium suum in pace custodiebat et possidebat diabolus; sed veniens vera fortitudo, scilicet Dei Filius, illum expugnavit; arma in quibus confidebat, fregit, spolia quæ injuste retinebat, distribuit, secumque ad cælos reportavit. Quibus armis illum expugnavit Dei Filius? humilitate videlicet, et prudentia.

Audite, rogo, fratres, congruentem similitudinem, qua Dei et Virginis Filius humani generis prostravit hostem. Quamdã esse avem in regione orientis asseritur, quæ grandi et præduro armatoque rostro contra draconem, quem audacibus laceasit sibilis, pugnaturam, cœnum de industria expetit, ex cujus volutabro tetro habitu infecta sordescit, et diversorum gemmas colorum, quibus eam pulchrius atque indulgentius natura depinxit, luto operit. Quare? Ut humili videlicet despecta vestitu, et hostem novitate deterreat, et quasi vilitatis suæ securitate decipiat. Præterea caudam velut scutum ante faciem suam quadam arte bellatoris opponit, audaci impetu in caput adversarii furentis assurgit, atque improvise oris sui telo stupentis bestię cerebrum fodit, et sic miræ calliditatis ingenio immanem prosternit inimicum. Ita Dominus ac Redemptor noster contra spiritum serpentis antiqui humani generis supplantatorem in forma hominis pugnaturus, ad militiam salutis publicæ humana infirmitate se præcinxit, a luto se nostræ carnis involvit, ut impiũ deceptorem pia fraude deciperet; et postremis priora celavit, id est humanitate divinitatem abscondit, aut velut caudam humanitatis ante faciem divinitatis objecit, et tanquam rostro fortissimo venenatam veteris homicidæ malitiam in verbo sui oris exstinxit. Unde et Apostolus dicit: *Verbo oris sui interficiet impiũ* (II Thes. ii). Notandum tamen quia contra hunc draconem non pugnavit solus Dei et Virginis Filius, sed cum angelis suis, id est cum sanctis suis.

(29) Isid., ubi sup.

(30) Ex eod. Isid., lib. xviii Etymol., cap. 41.

(31) Isid. lib. i Sent., cap. 44.

*Factum est*, inquit evangelista, *prælium in cælo*, A hoc est in Ecclesia, *Michael et angeli ejus*, id est Christus et sancti ejus *præliabantur cum dracone*. Christus ergo pugnavit et sancti ejus, et quotidie pugnat contra antiquum hostem, qui accusabat humanum genus. Ad hoc sine dubio prælium discipulos suos sollicitabat, cum in Evangelio dicebat: *Cum audieritis prælia et seditiones, nolite terreri (Luc. xxi); tradent enim in conciliis, et in synagogis suis flagellabunt vos (Matth. x)*. Et alibi: *Si me, inquit, persecuti sunt, et vos persequentur (Joan. xv)*. Iterum eos consolans, dicit: *Capillus de capite vestro non peribit (Luc. xxi)*. Ad hoc prælium princeps apostolorum Petrus hortabatur discipulos, dicens: *Christus passus est pro nobis, vobis relinquens exemplum, ut sequamini vestigia ejus (I Petr. ii)*. Et iterum: *Christo igitur passo, et vos eadem cogitatione armamini (I Petr. iv)*. Paulus etiam fortissimus Christi miles ad hanc pugnam provocabat fideles, cum ad Ephesios loquebatur, dicens: *Induite vos armaturam Dei ut possitis stare adversus insidias diaboli, quoniam non est nobis colluctatio adversus carnem et sanguinem; sed adversus principes et potestates, et adversus mundi rectores tenebrarum harum, contra spiritualia nequitiae, in cælestibus (Ephes. vi)*. Et post pauca: *State succincti lumbos vestros in castitate, et induiti loriceam justitiæ, et calcate pedes in præparatione evangelii pacis: in omnibus sumentes scutum fidei, in quo possitis omnia tela nequissimi ignea extinguere: et galeam salutis assumite, et gladium spiritus, quod est verbum Dei (ibid.)*. C Ad hanc ergo pugnam cum Michael, id est cum Christo, cui nullus est similis in virtutibus, angeli, id est omnes sancti, conveniunt, et cum dracone in cælo, id est in Ecclesia, bellum committunt. Sed quis est iste draco malignus, contra quem cum angelis suis in cælo, hoc est in Ecclesia pugnat Christus?

Iste est humani generis inimicus, qui causa invidiae hominem a paradisi deliciis expulit, et secum miserabiliter ad perditionem traxit. Et quia gloriosus princeps esse despexit in palatio, fecit illum Deus laboriosum fabrum in hoc mundo; ut coactus totis viribus serviat, qui vacare Deo prius feliciter volebat, de quo Scriptura loquitur Deo: *Fabrum cum tibi servum sempiternum (Job xl)*. Quamvis diabolus in cælo subjectus Deo esse noluit, tamen inde projectus etiam nolens illius dispositioni servit (32). Ideo diabolus in sacris eloquiis Beemoth, id est animal dicitur, quia de cælis lapsus ad terras cecidit. Ideo Leviathan, id est *serpens de aquis* vocatur, quia in hujus sæculi mare volubili astutia versatur. Avis vero propterea nominatur, quia per superbiam ad alta sustollitur. In hoc enim diabolus divinæ dispensationi servit, quia ejus nequitia utilitati sanctorum proficit. Sic omnia in cælo et in

terra divinæ potentiae subjecta sunt, ut etiam illi nescientes consilium ejus perficiant, qui voluntati illius contraire volunt. Plenus ergo invidia et fallacia diabolus in hoc mundo quasi faber nigerrimus nesciens sanctorum servit utilitatibus, dum eos per multas tribulationes purgat a peccatorum sordibus, ut digni habeantur cælorum sedibus. Hujus quippe fabri caminus sunt afflictio et tribulatio, folles tentationes et suggestiones, mallei tortores, forcipes persecutores, limæ vel serræ linguæ maledicentium et detrahentium. Tali camino et his instrumentis purgat ipse malignus hostis aurea vasa cælestis regis, id est electos, in quibus renovat imaginem Creatoris. Reprobos autem qui faciunt contra Deum, ipse tortor ut hostis punit apud infernum.

B Sequitur: *Et draco, inquit, pugnavit, et angeli ejus (33)*. Absit enim ut credamus diabolum cum angelis suis ausum esse pugnare in cælo, qui in terris ut unum hominem scilicet Job læderet, postulavit a Domino. Non est credendum, quod ipse draco malignus auderet committere bellum contra Dei Verbum creatorem omnium, vel contra agmina sanctorum angelorum, qui sine licentia ingredi non præsumpsit in gregem porcorum (Matt. viii). Quomodo enim posset pugnare in cælo, qui statim ut creatus fuit, contra Deum in superbiam erupit, et mox cecidit? Nam juxta veritatis vocem ab initio mendax fuit, et in veritate non stetit (Joan. viii), quia statim ut factus est, cecidit (34). Fuit quidem in veritate conditus, sed non stando, confestim a veritate est lapsus. Unde ait in Evangelio Dominus: *Videbam Satan sicut fulgur de cælo cadentem (Luc. x)*. Primatum habuisse inter angelos diabolum ex qua fiducia cecidit, ita ut amplius reparari non possit. Cujus excellentiam prælationis propheta his annuntiat verbis: *Cedri non fuerunt altiores illo in paradiso Dei, abietes non adæquaverunt summitati: omne lignum paradisi non est assimilatum ei; quoniam speciosiore fecit illum Deus (Ezech. xxxi)*. Cedros et abietes cælestium ordinum intellige potestates, ad cujus comparationem videbantur esse inferiores. De ipso namque scriptum est: *Ipse est principium viarum Dei (Job xl)*. Unde et ad comparationem angelorum D archangelus appellatus est. Prius enim creatus exstitit ordinis prælatione, non temporis quantitate. Hic ergo draco malignus, non in cælo pugnat cum Deo et angelis ejus, sed in Ecclesia cum Dei Verbo carne induto, et sanctis illius.

Sed quid dicit Scriptura? *Et draco, inquit, pugnavit, et angeli ejus; et non valuerunt, neque locorum inventus est amplius in cælo*. In cælo, videlicet in omnibus sanctis, dixit, qui credentes Christum, diabolum semel expulsum non recipiunt, sed toto a se repellunt animo: *Expulsus est, itaque de cælo, id est ab Ecclesia, draco malignus,*

(32) Ibid., lib. iii Sent., cap. 5.

(35) S. Beatus in hunc locum.

(34) Ibid. lib. i Sent., cap. 10.

anguis antiquus, qui dicitur diabolus et Satanas seducens orbem; expulsus est in terram, et angeli ejus cum eo projecti sunt (35). Anguis vocabulum omnium serpentium genus est, quod plicari et torqueri potest. Et inde dicitur anguis, quod sit angulosus, et nunquam rectus. Recte ergo antiquus hostis anguis vocatur, quia in hoc sæculo tortuosa ac volubili astutia versatur. De quo dicitur: O tortuose serpens, qui mille per mæandros fraudesque flexuosas agitas quieta corda (36). Satanas in Latinum, sonat adversarius sive transgressor. Ipse est enim adversarius, qui est veritatis inimicus, et semper nititur contraire sanctorum virtutibus. Ipse transgressor est, qui prævaricator effectus in veritate non stetit, qua est conditus. Dæmones a Græcis dictos aiunt quasi demna, id est peritos ac rerum scios. Præsciunt enim futura multa, unde et solent aliqua dare responsa. Inest illis cognitio rerum plusquam infirmitati humanæ, partim subitioris [supp. sensus] acumine, partim experientia longissimæ vitæ, partim per Dei jussum angelica revelatione. Hi corporum aëriorum natura vigent. Ante transgressionem quidem cœlestia corpora gerebant, lapsi vero in variam qualitatem conversi sunt; nec aeris illius pluriore [f. puriora] spatia, sed juxta caliginosa tenere permissi sunt, qui eis quasi carcer est usque ad tempus judicii, in quo condemnandi sunt.

Iste draco malignus qui expulsus est, omnium malorum est princeps, et angeli ejus homines sunt mali et spiritus immundi, qui de cœlo, id est ab Ecclesia, cum eo sunt expulsi. Omnes enim qui ei consentiunt in malo, foris ab Ecclesia repulsi sunt cum suo principe, divina eos justitia atque potentia compellente. Per cœlum sanctos homines, per terram vero intelligimus peccatores. Unde est illud: *In principio fecit Deus cœlum et terram* (Gen. 1). Cœlum spirituales homines, qui cœlestia meditantur; terra carnales significat, qui terrenum hominem, id est terrena vitia, necdum deposuerunt. Sic etiam ait Dominus diabolo: *Terram manducabis* (Gen. 3), id est, ad te pertinebunt quos terrena cupiditate supplantabis. Iterum peccatori homini dixit: *Terra es, et in terram ibis* (ibid.). Ab ipsis ergo justis cœlestia desiderantibus excluduntur, et in terram sub pedibus sanctorum conculcandi projiciuntur. Unde Dominus discipulis suis loquitur: *Ecce dedi vobis potestatem calcandi super serpentes, et scorpiones terræ, et super omnem virtutem Satanæ* (Luc. 10). Non quod sancti malos homines vel dæmones pedibus conculcent, cum malum pro malo reddere non debeant; sed cum iniqui terrena desiderant, sancti ad cœlestia anhelant, et nihil terrenum desiderant, tribulationem

et paupertatem æquanimitèr tolerant, super ipsos non corpore sed quasi mente ambulant.

Iterum subjungit, dicens: *Nunc facta est salus, et virtus, et regnum Dei nostri, et potestas Christi ejus* (Apoc. 21). (37) Vox magna in cœlo victoria est Christi, et salus quam dedit Ecclesiæ suæ, cum apparuit in carne. Omnia regna mundi serviunt ei, id est sancti, quos ipse redemit proprio sanguine de manu inimici. Vere facta est salus et virtus, quia Dei Filius expulit hostem antiquum ab Ecclesia, scilicet de sanctorum cordibus. Modo facta est salus, et virtus, et regnum Dei nostri; quia mundus qui prius per idolorum culturam subditus erat diabolo, modo per fidem Christi est subditus Deo: *Quia projectus est, inquit, accusator fratrum nostrorum, qui accusabat illos ante conspectum Dei nostri die ac nocte et ipsi vicerunt eum in sanguine Agni, et propter verbum testimonii sui* [Suppl. et] ex eod. Beato, *non dilexerunt animas suas usque ad mortem* (ibid.) Vox ista non est angelorum, ut quidam putant; quia si de superiori cœlo esset, nequaquam *accusator fratrum nostrorum, sed accusator noster* diceret. Quod si justos in terra positos angeli appellant fratres suos, non erat gaudendum diabolum missum in terra esse, et homines in terra habitare. Si ita est intelligendum, gaudium erat habitare in terra hominibus cum dæmonibus. Sed ut supra (38) diximus, vocem credimus esse apostolorum, cum cognoverunt diabolum teneri ligatum, et Dei Filium regnare in sanctis suis incarnatum, cum dicerent: *Modo facta est salus, et virtus, et cætera, quæ nunc videntur esse in Ecclesia*. Scriptura enim sacra sæpe diem pro prosperis, noctem vero pro adversis ponere consuevit. In die ergo et nocte accusare non cessat, quia modo nos prosperis, modo in adversis tentat, et de erratibus accusat. In die accusat, cum in prosperis nos cogitat, aut verbo, sive facto peccasse insinuat; in nocte accusat, cum in adversis nos non habere patientiam demonstrat.

Dignum est ergo, dilectissimi, ut omnipotenti Deo Patri actiones referamus gratiarum, qui per Michaelem summum archangelum, cui nullus est similis in virtutibus, id est dilectissimum Filium suum, expulit de cœlo, scilicet ab Ecclesia, draconem malignum accusatorem fratrum nostrorum. State igitur, dilectissimi, fortes in bello spirituali, et pugnate cum antiquo serpente; ut post victoriam pervenire possitis ad delicias paradisi, quibus vos privavit et parentes vestros invidia ejusdem hostis antiqui. Viriliter agite, et contra malignum atque invisibilem hostem arma spiritalia accipite. Militantes terreno imperatori omnibus jussis ejus obedire decertant; quanto magis militaturi imperatori cœlesti studere debent, ut cœlestia præcepta

dixerit, vocem hanc auditam discipulorum Christi esse; verum Martinus apud quem antea nulla mentio est apostolorum, nimis oscitanter hæc transtulit.

(35) Isid. lib. XII *Etym.*, cap. 11.

(36) Ex eod. Isid. lib. VIII *Etymol.*, cap. 4.

(37) S. Beatus in hunc locum.

(38) Bene hoc Beatus asseruit, veluti qui supra

perficiant? (39) Milites terreni quocunque loco mittuntur, parati ac prompti sunt, neque se uxorum aut filiorum gratia excusare poterunt: multo magis milites Christi sine impedimento hujus sæculi eidem imperatori suo Domino Jesu Christo debent obedire, et contra aereas potestates pro amore illius spiritualibus armis pugnare. Milites sæculi contra hostem visibilem pergunt ad bellum; vos autem imperatoris vestri Jesu Christi docti exemplo, sine intermissione pugnate contra diabolum totius malitiæ magistrum. Milites terreni cum inimicis suis pugnare decertant armis utentes ferreis; vobis autem non est collectatio adversus carnem et sanguinem, sed adversus principes et rectores tenebrarum harum, adversus spiritualia nequitiae in cœlestibus cum armis spiritualibus (*Ephes vi*). Milites sæculares galeas in capitibus ferreas gestant in prælio; sed contra malignum draconem galea vestra Christus est et defensio. Illi ne vulnerentur ab inimicis, loriceis ferreis sunt vestiti; sed vos pro lorica Christi charitatem estis induti. Milites mortalis imperatoris contra inimicos suos lanceas non cessant emittere et sagittas; vos autem æterni imperatoris milites contra inimicum invisibilem orationes mittite puras. Illi donec pugnam perficiant, arma non projiciunt a semetipsis, ne vulnerentur ab adversariis; vos nunquam debetis sine armis esse, quia vester hostis callidior est illorum hoste. Terreni milites ad tempus contra hostes dimicant; vestri autem hostes, quandiu vivitis in corpore, vobiscum pugnare non cessant. Illorum arma laboriosa sunt ad portandum et gravia; vestra quippe levia sunt ac suavia. Illi pro terreno labore terrenum accipiunt donativum; sed vos pro spirituali cœleste accipietis præmium.

Ne timeatis ergo, dilectissimi, cum dracone

A committere bellum, quoniam Dominus Jesus Christus veniet vobis in auxilium. (40) In oculis carnalium hominum diabolus terribilis est; in oculis vero spiritualium terror ejus vilis est. Ab incredulis ut leo timetur; a fortibus in fide ut vermis contemnitur et conculcatur, atque ad momentum ostensus repellitur. Secundum quod ait Dominus: *Non fugavit eum vir sagittarius (Job xli)*; sed tamen fugabitur a viris religiosis contra eum puras orationes mittentibus. *In stipulam versi sunt ei lapides fundæ (ibid.)*; sed timebit servos Dei fortes in fide. Ipse malignus hostis reputat ut paleas ferrum, et ut lignum putridum æs (*ibid.*); formidabit autem viros in lege Domini studiosos, et in sancta conversatione humiles. *Æstimabit malleum ut stipulam, et deridebit vibrantem hastam (ibid.)*; pavebit tamen fideles, Dei et proximi custodientes charitatem perfectam. Charitas ergo Dei et proximi maneat in vobis, et contra malignum draconem frequenter mittite sagittas orationis. Dilectio Dei et proximi semper sit in corde, et ad expugnandum inimicum jugis oratio non deficiat de ore. Ignis charitatis in pectore non exstinguatur, et jacula precum contra invisibilem hostem sine intermissione janciantur. Oratio frequens diaboli tela exsuperat. Immundus spiritus precum expellit frequentia. (41) Hæc est prima virtus adversus dæmonum incursus. Dæmonia oratione vincuntur. Deum ergo, dilectissimi, super omnia diligite, eumque sine intermissione invocare, ut virtutem præliandi contra versutias draconis dignetur vobis concedere; quatenus ipsius adjuti gratia, illuc possitis ascendere unde idem malignus hostis noscitur corruisse; ipso præstante, qui per eundem dilectissimum Filium suum ab Ecclesia sua illum dignatus est projicere. Amen.

(39) Ex lib. *De salutarib. docum.*, cap. 20.

(40) *Isid.*, lib. III *Sent.*, cap. 5.

(41) *Isid.*, lib. II *Synonym.*, de Oratione.

## SERMO SEPTIMUS.

### IN FESTIVITATE OMNIUM SANCTORUM.

Joannes apostolus et evangelista, Zebedæi filius, D a Domino electus, atque inter cæteros magis dilectus, quem Christus nubere volentem a carnalibus removet amplexibus: qui et in cœna divina dispensatione recubuit super Magistri pectus; quique de ipso Dominici pectoris fonte inebriatus, verbi Dei sanctam Ecclesiam irrigavit quasi unus ex paradisi fluminibus. Postea vero divina præventus gratia, in spiritu cœlum ascendit die Dominica, ibique angelo sibi ostendente vidit divina mysteria (*Apoc. i*), ex quibus ad nostram eruditionem ait inter cætera:

Ecce ego Joannes vidi alterum angelum ascenden- tem ab ortu solis, habentem signum Dei vivi (*Apoc. vii*). Alterum angelum ab ortu solis ascendentem et signum Dei vivi habentem, Ecclesiam dicit, quæ a passione Christi, qui est verus Sol justitiæ, consurgit; quia de ejus latere in cruce pendentis exordium sumpsit, atque totius Trinitatis in baptismo signum reverenter suscepit. Græce angelus, Latine dicitur *nuntius*. Recte ergo angelus dicitur sancta Ecclesia, quia cunctis populis annuntiat Dei præcepta. Aliquando promittit paradisi gaudia, aliquando minatur inferni supplicia. Istos admonet,

ut bona appetant : illis suaet, ut mala caveant. Hortatur istos, ut in bono permaneant : prædicat illis, ut celeriter a malo recedant. Dicitur ergo : *Eccē ego Joannes vidi alterum angelum ascendentem ab ortu solis, habentem signum Dei vivi* : scilicet sanctam Ecclesiam signum Dei vivi habentem in fronte sua. *Et clamavit voce magna quatuor angelis, quibus datum est nocere terræ et mari, dicens : Nolite nocere terræ et mari, neque arboribus, quoadusque signemus sērvos Dei nostri in frontibus eorum* (ibid.). Per hos quatuor angelos diabolum intelligimus, qui in quatuor mundi partibus habitat in malis hominibus, in quibus tamen a passione Christi usque ad Antichristum est religatus, et sub pedibus Ecclesiæ substratus, ne quantum desiderat, tantum noceat humano generi. Sic enim in Evangelio legimus : *Dominus dedit suis discipulis potestatem super omnia dæmonia, et ut languores curarent* (Luc. ix). Et iterum : *Quis intrabit in domum fortis, et vasa ejus diripiet, nisi prius alligaverit fortem?* (Matth. xii). Ligatus est igitur in suo corpore diabolus, hoc est in malis hominibus, ne seducat nationes credentium in quatuor mundi partibus, scilicet sanctam Ecclesiam quæ est Christi corpus.

Hunc ergo increpat angelus, id est Ecclesia sub persona quatuor angelorum, ne terræ et mari noceat, hoc est congregationi fidelium, donec signentur electi, qui prædestinati sunt ad regnum cælorum. Ipsi enim datum est, scilicet diabolo, nocere terræ et mari, videlicet potestas tentandi Ecclesiam Dei ; sed tamen bonos tentat ad probationem, malos vero ad damnationem. Tentatio diaboli bonis proficit ad augmentum remunerationis : malis vero fit ad cumulum damnationis. Non amplius tentat electos diabolus, quam ei Deus permittit, quia quamvis per malam voluntatem semper eis tentationes inferre cupiat : tamen si a Deo potestatem non accipit, nullatenus adipisci potest quod appetit. Unde et voluntas ejus cum sit injusta, tamen, Deo permittente, potestas illius est justa. Nunquam virtus electorum Dei tentationes dæmonum sustinere potuisset, si Deus malitiam eorum pio moderamine non refrenaret. Unde et nunc dicitur : *Nolite nocere terræ, et mari, neque arboribus*. Ac si diceret : *Nolite nocere terræ*, id est terrenis actibus deditis, vel Judæis jam vomere legis exultis : *et mari*, gentilibus scilicet amaricatis, ac diversis vitiis fluentibus. In hac enim Ecclesia præsentī boni et mali simul sunt permisti. Dicitur ergo : *Nolite nocere Ecclesiæ Dei super id quod vobis est concessum, nec ante tempus a Deo constitutum, ut et justī iustificentur adhuc, et qui in sordibus sunt sordidentur adhuc* (Apoc. xxi) : quousque Christus ad iudicium veniat in quo iudicio vestra nequitia durius condemnentur, et sanctorum patientia gloriosius coronentur.

A Sequitur : *Et audivi numerum signatorum, centum quadraginta quatuor millia signati, ex omni tribu filiorum Israel* (Apoc. vii). Centum quadraginta quatuor millia omnis quippe est Ecclesia ad imaginem et similitudinem sui Creatoris signata. Unde in persona ejusdem Ecclesiæ canit Propheta : *Signatum est super nos lumen vultus tui, Domine* (Psal. iv). (42) Omnino hæc est omnis Ecclesia, quæ in tot numero membrorum creditur esse fundata per Christum, qui est firmissima petra. Nam sanctorum numerus innumerabilis esse perhibetur, sicut in Psalmo legitur : *Mihi autem nimis honorificati sunt amici tui, Deus : nimis confortatus est principatus eorum. Dinumerabo eos, et super arenam multiplicabuntur* (Psal. cxxxviii). Omnium sanctorum numerus nobis est incognitus, quia super arcem dicitur multiplicatus : sed tamen omnipotenti Deo integre est cognitus, ad cujus imaginem et similitudinem legitur præsignatus. Omnis procul dubio fidelis anima, si sui Creatoris sequitur vestigia, ejusque cum omni devotione servat præcepta, signum Dei vivi portat in fronte sua. Quamvis quisque in nomine Domini sit baptizatus, et sacro chrismate unctus : tamen si amplius exercetur in malis operibus quam in sanctis actionibus, in numero signatorum non est computatus. Quicumque igitur signum Dei vivi in fronte sua habere desiderat, fidem Dei quam in baptismo accepit in bonis operibus ostendat.

Iterum subjungit, dicens : *Post hæc vidi turbam magnam, quam dinumerare nemo poterat ex omnibus gentibus, et tribubus, et populis, et linguis : stantes ante thronum* (Apoc. vii). Non dixit, post hæc vidi alium populum, aut aliam turbam : sed vidi populum, id est eundem quem viderat in mysterio centum quadraginta quatuor millia, hunc vidit modo innumerabilem : et quem vidit ex omni tribu filiorum Israel, ipse est turba magna ex omni tribu, et populo, et gente, et lingua. Dominus manifestat in Evangelio, totam Ecclesiam sive ex Judæis, sive ex gentibus esse duodecim tribus Israel. *Vos, inquit, qui secuti estis me, sedebitis super duodecim sedes, judicantes duodecim tribus Israel* (Matth. xix) ; cum sancti apostoli omnem Ecclesiam iudicaturi sint, quæ non est ex sola circumcissione, sed ex omni tribu, et gente. Isti centum quadraginta quatuor millia non sunt infantes quos Herodes occidit, ut quidam putant ; quia illi fuerunt de tribu Juda fere duo millia, et pauci de tribu Benjamin ; is i autem ex omni tribu, et gente, et lingua.

Hæc est igitur universa Ecclesia, quæ fundata est supra firmam petram, hoc est in Christo in novem gradibus constituta. Primo gradu passione Domini fundatur Ecclesia, ejusque exemplo paupertatis et charitatis specialiter est instructa. Lavacro etiam salutari renascitur, et doctrina humilitatis perficitur. Postremo crucis tropæo munitur, ejusque pretioso sanguine captiva redimitur.



Secundo gradu duodecim apostolorum numero tanquam duodecim portæ, vel certe tanquam duodecim horæ diei claritatis refuserunt lumine in toto mundo per unius magistri exemplum: et tam opere facientes, quam sermone docentes, copiosum atque immensum credentium multiplicaverunt numerum: et sic in agone patientiæ et charitatis atque humilitatis, exemplo Salvatoris triumphantes, cœleste penetraverunt regnum.

Tertio gradu innumera martyrum agmina sanctorum apostolorum sunt secuti vestigia, accipientes sanctæ Dei arma, induti justitiæ lorica, despererunt mundanæ cupiditatis delectamenta, respicientes omnia quæ videntur, sicut stercora pro Christi nominæ (*Philip. III*), ne servirent idolis ad mortem, tradiderunt corpora sua. Et ipsi coronati felici martyrio cum apostolis deputati sunt in regno.

Quarto gradu sequitur pia atque fidelissima beatorum certamina confessorum, qui inter sævam rabiem paganorum sua idola defendentium constitentes Dominum et Salvatorem omnium, non parum et ipsi Domino acquisierunt populum per bonæ conversationis exemplum. Contumelias vero sibi illatas pro amore Christi æquanimiter tolerabant, et per charitatem pro inimicis suis Deum exorabant.

Quinto gradu occurrit dignitas pontificum, cæterique ordines catholicorum sacerdotum vicem suscipientes sanctorum apostolorum pro regimine Ecclesiarum, atque regeneratione credentium per lavacrum utriusque sexus fidelium populorum.

Sexto gradu succedit sacratissima religio cœnobarum, monachorumque, ac virginum, qui a sæculi segregati tumultu ad sanctum omnipotentis Dei congregati sunt servitium. Ibidem itaque permanentes religiosissime in summa abstinentia, et bonæ conversationis vita usque in finem perseverantes, digna posteris reliquerunt exempla.

Septimo gradu sequitur conversatio sanctorum Patrum anachoretarum, id est eremitarum, a publica conversatione recedentium, arduas eremi solitudines penetrantes, divino fruentes alloquio, finierunt vitam suam, cupientes dissolvi, et esse cum Christo (*Philip. I*).

Octavo gradu succedit ordo pœnitentium, et gratia crimina desistentium, qui nec ultra peccare contendant, et præterita plangere non desistunt. Et quantum fuit illis in peccando perversæ mentis intentio, tantum perseverat in eis humilitatis et charitatis usque in finem plena devotio.

Nonus hic novissime gradus superioribus comparat primæ ætatis infantiam parvulorum, qui antequam noxium incurrant peccati reatum, præsentis vitæ finiunt cursum. De quibus Dominus dicit in Evangelio: *Sinite parvulos venire ad me; talium est enim regnum cœlorum* (*Matth. XIX*). Per hos novem

A gradus sanctarum institutionum conscendens a passione Christi catholica, id est universalis de toto mundo collecta Ecclesia, penetravit et quotidie penetrat cœlorum regna, et regnat cum capite suo Jesu Christo in sæcula.

Sequitur: *Amicti, inquit, stolis albis, et palmæ in manibus eorum* (*Apoc. VII*). In stola alba vita signatur immaculata. Quod autem ait, *et palmæ in manibus eorum*, nec immerito; (43) quia palmæ comparatur vita justorum. Palma inferius tactu est aspera, et quasi siccis corticibus obvoluta; superius vero et visu et fructu est pulchra. Inferius corticum suorum involuionibus angustatur; sed superius amplitudine pulchræ viriditatis expanditur. Sic profecto est electorum vita, inferius despecta, superius pulchra; in terra vilis, in cœlo pretiosa. Vita justorum in terra, hoc est in hac vita, quasi multis corticibus involvitur, dum innumeris tribulationibus afflicta angustatur. In illa vero summa æternitate quasi pulchræ viriditatis foliis ampliatur, dum æternæ beatitudinis præmium a Deo consequitur. Sed tamen in hoc distat palma cæteris arborum generibus, quia cæteræ arbores juxta terram in suo robore grossiores existunt, sursum vero circa ramos angustiores fiunt: et quanto amplius crescendo sublimiores efficiuntur, tanto magis in altum sublimiores redduntur. Palma vero circa terram stricta est et angusta, sursum quippe est ampla; et quæ tenuis et delicata ab imis incipit, crescendo amplior ad summa conscendit. Alia itaque arbusta, quibus, nisi terrenis hominibus ac terrena lucra desiderantibus, inveniuntur esse similia? Quia sine dubio omnes hujus sæculi amatores in terrenis actibus sunt fortes, in cœlestibus autem sunt debiles. Pro temporali quippe gloria usque ad mortem desudare appetunt, et pro vita perpetua laborare contemnunt. Amatores hujus temporalis vitæ pro terrenis lucris sæpe injurias tolerant, et pro cœlesti mercede parvissimi verbi ferre contumelias recusant. Terreno judicio tota die infatigabiliter insistent, in oratione autem coram Deo in unius horæ spatio lassantur.

At contra vita justorum palmæ comparatur, quia in terra angustatur, et in cœlo ampliatur. In terrenis studiis sunt debiles, et in cœlestibus fortes. Sæpe conversatio electorum plus proficit finiendo, quam proposuit inchoando; et si metuens aliquando prima inchoat, ferventius ultima consumit; quia videlicet semper inchoare se existimat, et ideo infatigabilis in bono opere perseverat. Hanc scilicet justorum perseverantiam propheta intuens, dicebat: *Qui confidunt in Domino, mutabunt fortitudinem, et assumment pennas ut aquilæ, current, et non laborabunt; ambulabunt, et non deficient* (*Isai. XL*).

Vos igitur, fratres charissimi, si ad æternæ remunerationis præmia cupitis pervenire, vita vestra assimiletur palmæ. Si veraciter ad æternam desido-

(43) Ex Beato, pag. 351.

ratis pertingere beatitudinem, vestra conversatio palmæ habeat similitudinem. Vita vestra in imis sit angusta, in summis autem sit ampla; vestra conversatio stricta fiat in imo, lata vero in summo. Arcta quippe est via, quæ ducit ad vitam; ampla, quæ ducit ad mortem (*Matth. vii*). Per amplam viam impii descendunt in infernum, sed per strictam iusti ascendunt in cælum. Per latam quidem semitam amatores mundi pergunt ad interitum, per angustum vero iter amici Dei perveniunt ad regnum. Manus igitur vestræ, dilectissimi, sint ad bonum opus promptæ, et ad malum catenis dilectionis Dei et proximi sint aggravatæ. Pedes vestri velociter currant ad servitium omnipotentis Dei, et ad discurrendum per plateas civitatis (*Cant. iii*) compedo religionis sint obstructi. Oculos corporis reprimit, ne vanitatem videant hujus mundi; oculos vero mentis aperite, ut Deum in spiri. u possitis contemplari. Aures vestræ devote ad audiendum verbum Dei aperiantur, et ne per eas intret venenum mortiferum, verba scilicet adulantium sive detrahentium, spinis timoris Dei sepiantur. Ori vestro, secundum Psalmistam, custodia imponatur (*Psal. cxi*).

ne ab eo murmur, vel detractio, aut convitium egrediatur. Lingua uniuscujusque vestrum in Dei laudibus laxetur, et ne in contumeliam alicujus prorumpat, tempore congruo silentii viuculo religetur. Mentem vestram cum omni studio custodite, eamque per veram confessionem a peccatis et vitiis emundate, quia ibi consistit origo bonæ cogitationis aut malæ. Cor vestrum in meditationibus Scripturarum aperiatur Christo; noxia autem et vana respuendo claudatur diabolo. Ventri etiam mensura imponatur, ne multitudine ciborum supra modum distendatur, sed ut cum sobrietate mediocriter reficiatur. Hujusmodi, fratres et domini mei, ad instar palmæ vitam vestram in terrenis actibus coarctate, et in spiritalibus studiis amplificate, si in die iudicii cum omnibus sanctis laborum vestrorum palmas cupitis accipere. Maculas etiam vitæ vestræ quotidianis lacrymis abluite, ut postobitum vestrum ad cæleste regnum possitis pervenire, et Regem sanctorum in decore suo regnantem videre, ipso præstante, qui in Trinitate perfecta vivit, et regnat Deus per sæcula sæculorum. Amen.

## SERMO OCTAVUS.

IN TRANSLATIONE SANCTI ISIDORI (44).

*Non timebit domui suæ a frigidibus nivis; omnes enim domestici ejus vestiti sunt duplicibus* (*Prov. xxxi*). Anno ab Incarnatione Domini fere millesimo centesimo quadragesimo septimo nuntius summi Regis, videlicet angelus quem mittit Dominus in circuitu timentium eum (*Psal. xxxiii*), unus ex eis qui *semper vident faciem Patris qui in cælis est* (*Matth. xviii*); felici rumore nuntiavit in curia summi Imperatoris qui imperat ventis et mari (*Matth. viii*), parari, vel potius reparari domum beati Isidori Hispalensis quondam metropolitanæ episcopi intra muros urbis Legionensis religiosorum clericorum ordini et inhabitationi. Quo rumore suscepto, venerabilis Pater Augustinus catholicæ Ecclesiæ doctor egregius, gratulabundus et exultans, dominum Isidorum inter confessores præcipuum nescio quid secum meditantem, intuens, sic eum alloquitur: Quid est, reverende frater, quod tecum volvis? Nunquid aliquid de Scripturis exponendis meditaris? Sed in hac patria spirituum, cælum, id est Scriptura non extenditur sicut pellis (*Psal. ciii*), sed plicatur sicut liber (*Isai. xxxiv*); nec plebes doctrina indigere cognoscis, quia hic impletur illud quod scriptum est: *Non docebit vir proximum suum: omnes enim cognoscent me a minimo usque ad majorem* (*Jer. xxxi*).

Cum autem, ut videtur, de regimine et dispositione Ecclesiarum sollicitus sis, tamen de ea quæ te spiritalius (45) familiariusque contingit, decet ut solliciteris. Loquor autem de ea, quæ intra muros urbis Legionensis thesaurum corporis tui contineas, religiosis clericis præparatur inhabitanda.

Ad hæc dominus Isidorus: Sollicitor, inquit, super his; sed præcipue de indumentis Deo servantium in domo illa clericorum; nam victui ipsorum jam necessaria ex magna parte paravi, et reliqua sufficientius præparabo; sed terra illa non abundat vestibus. Volo autem eos habentes victum et vestitum lis contentos esse (*I Tim. vi*). Ad hæc Pater Augustinus: Et ego, inquit, providebo his filiis tuis indumenta. Legitur autem apud Salomonem de muliere quadam, quod *non timebit domui suæ a frigidibus nivis*, et cætera. De qua et ibidem subditur: *Operata est linum et lanam* (*Prov. xxxi*). Ad hunc ergo modum ego his filiis et domesticis tuis vestem duplicem ex lino lanaque contextam, superpelliceum scilicet et capam, in quorum altero munditiam, in altero volo humilitatem intelligi; quod ex ipsarum quoque vestium colore et apparatu potest agnosci. Nam corporis munditia candorem habet, et nigredo vestis humilitatem repræsentat. Nosti etiam beatis-

(44) Quare hic et sequens Sermo in Translatione Isidori de qua nec verbum ullum exhibent, ab auctore præstitulerunt, haud facile suspiceris. Totus

enim sese vertit in re omnino miranda, ejus fidem penes lectorem relinquimus.

(45) Forsitan specialius.

simam Virginem Matrem Domini utroque specialiter A fuisse vestitam. Unde et de ea scriptum est : *Gloria Libani data est ei : decor Carmeli, et Saron (Isai. xxxv)*. Et ipsa de se ait : *Quia respexit Dominus humilitatem ancillæ suæ (Luc. 1)*. In apparatu quoque harum vestium idem attenditur; nam vestis linea multo labore et difficultate perficitur, non usque adeo vestis lanæ. Ad hunc modum munditia corporis multo labore multoque conatu utiliter habetur et custoditur, utpote cui resistit lex membrorum, fomes, et languor naturæ, stimulus carnis quem pati se etiam Apostolus constituit (*II Cor. xii*), prava et fluxa consuetudo, exterior alienæ cutis illecebrosa tentatio, interior hostis incentiva suggestio.

De lino autem planum est, quia primum a terra avellitur, deinde in fasciculos colligatur, in lacum demittitur, ad solem exsiccatur, quisquiliis et stupa emundatur, per eolum in fila redigitur, in glomos complicatur, in telam extenditur et contextitur, tandem inciditur et insuitur, et sic superpelliceum aptatur. Linum enim de terra oritur, per quod candens decor munditiæ, et corpor. lis atque spiritualis castitas designatur. Linum ergo primum a terra avellitur, quia quicumque causa timoris et amoris Dei munditiam castitatis habere desiderat, necesse est ut primum terrenam ac sæcularem conversationem deserat, seque ipsum societati religiosorum virorum conjungat, congruum est etiam inde corporaliter quisque recedere, ubi se meminuit vitiiis deservisse. Plerumque enim dum mutatur locus, mutatur etiam mentis affectus. Deinde linum in fasciculos colligatur, quia oportet illum qui prius carnaliter vivendo per illicitos actus defluebat, ut vinculo divinæ charitatis obstrictus sese intra sui cordis hospitium recolligat. Linum post hæc in lacum dimittitur. Per lacum, quia semper est in imo, compunctio cordis figuratur, quia sicut linum in lacum mundatur et abluitur, ita peccator in lacrymis compunctionis, quæ cum profundo genitu peccatoris oriuntur, a peccatis et vitiiis mundatur atque abluitur. Deinde ad solem exsiccatur. Deus est verus Sol justitiæ, a cuius calore nemo se potest abscondere, scilicet ab ejus cognitione. Calore igitur æterni Solis exsiccatur in homine illicitus humor libidinis, quia illius succensus cognitione ac fervore charitatis, statim recedit ab intentione pravi operis. Mundatur etiam linum ab stupa et quisquiliis, quia quilibet conversus, per penitentiam mundatur ab illicitis et supervacuis actionibus. Linum item per eolum in fila redigitur. Eolum gestatur in sinistra, fusum vero in dextera : et sicut descendunt fila de colo, sic omnes actus servi Dei de prælati sui pendunt arbitrio, ita ut nihil ei agere liceat sine illius consilio. Deinde in glomos complicatur, quia sub imperio sui præpositi restringitur. Post hæc in telam extenditur et contextitur, dum jubente prælato, foris et intus discurrendo, bona quæ potest, operatur. Tela tandem inciditur et insuitur, dum servus

A Dei perfecte mundum contemnit, visibilia despicit, seque ipsum in contemplatione sui Creatoris introrsus recolligit, quasi jam a tumultu præsentis sæculi inciditur, et æternæ patriæ civibus mente et desiderio insuitur, hoc est innectitur, ut dulcedinem cœlestis regni, quam perfecte nondum potest, saltem suspirando degustet, et sic superpelliceum lotius munditiæ et honestatis aptatur, quia jam societati perfectorum idoneus efficitur.

Jam per Dei gratiam, fratres, superpelliceum habetis; sed tamen ovina capa adhuc indigetis. Lanæ et nigra vestis humilitatem insinuat religiosæ conversationis. Lanæ igitur primum tondetur, deinde mundatur et abluitur, colo suspenditur, in fila redigitur, textitur et insuitur, et sic capa perficitur. B In lanæ Dei dona ostenduntur, quæ nobis a Deo in præsentis vita tribuuntur. Lanæ ergo tondetur, cum propter Deum terrena substantia abjicitur. Lanæ quasi mundatur et abluitur, cum largitione eleemosynarum homo a peccatis mundatur. Unde illud : *Date eleemosynam, et ecce omnia munda sunt vobis (Luc. xi)*. Colo lanæ suspenditur, dum summa vigilantia attenditur, ne aliquid causa jactantiæ, vel inanis gloriæ amore tribuatur. In fila redigitur, cum discrete eleemosyna largitur. Lanæ contextitur, quando operibus misericordiæ studiose insistitur. Tela præciditur, cum jam voluntas habendi ab animo perfecte excluditur. Tandem insuitur, cum jam quilibet conversus de activa vita consensens, relicta omnibus, vitæ contemplativæ inseritur atque conjungitur, et sic regularis capa perficitur, dum sibi a Deo per bonam operationem indumentum æternæ gloriæ promeretur.

Iterum beatissimus Augustinus sanctum alloquitur Isidorum, dicens : Reverende frater, ecce omnes domesticos tuos, sicut promisi, duplicibus indumentis vestivi. Non ergo timeas ultra domui tuæ a niveis frigoribus, dum omnes domestici tui vestiti sunt duplicibus. Primum eis aptavi superpelliceum, quo significatur munditia mentis et corporis; deinde capam ovina lanæ contextam, in qua ostenditur innocentia vitæ, et humilitas conversationis. Tu igitur, venerande frater Isidore, eis victualia sufficienter acquire, ut, dum vestibus D abundant, sine indigentia Deo possint servire. Tibi etiam competit eos monere, dum es præsens spiritu et corpore, ut regulam sibi a me institutam cum omni devotione studeant implere. Prædica etiam illis, ut studiose spiritualibus inhæreant officiis, ne, quod absit, terrenis delectati bonis, omnino careant æternis. Ad hæc noster patronus sanctus Isidorus : O reverentissime Pater Augustine, sic te decet eos hortari, bene vivere. Omnipotenti Deo referimus actiones gratiarum, qui te constituit Doctorem sanctarum Ecclesiarum.

Ecce, fratres charissimi, per Dei gratiam a beato Augustino sufficienter estis instructi, et regularibus vestimentis, videlicet superpelliceo et capa, dupliciter induti. In superpelliceo, sicut jam supra-

dictum est, munditia mentis et corporis designatur. Cavete igitur, fratres, ne subter superpelliceum damnabilis lateat fornicatio. Mihi credite; superpelliceo non induitur, quisquis fornicatione polluitur. Quid prodest foris ante oculos hominum superpelliceum ostendere aqua ablutum, et intus ante oculos Dei portare corpus fornicatione pollutum? Aut quid prodest foris in conspectu hominum demonstrare munditiam vestis, et occultare intrinsecus immunditiam fornicationis? Nihil celatur ante Deum: videt occulta qui fecit abscondita: *Omnia nuda et aperta sunt oculis ejus (Hebr. iv)*. Vos igitur moneo, dilectissimi, ne velitis esse *sepulcra dealbata, quæ foris quidem apparent hominibus speciosa, intus autem plena sunt ossibus mortuorum, et vermibus, atque omni spurcitia (Matth. xxiii)*.

Capa ex lana contextitur ovis, et ideo humilitatem significat religiosæ conversationis. Igitur, charissimi, solerter provideate, ne lupo lateat sub ovina pelle. Unde Dominus in Evangelio: *Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces (Matth. vii)*. Lupus latet sub pelle ovina, quando sub habitu regularis vitæ latet simulatio, discordia, atque invidia. Sub pelle etiam ovina lupo latet, cum quilibet simulator sub specie religionis proximis suis nocet. Lupus rapax est intrinsecus; qui exte-

rius innocentiam simulando, non cessat, detrachendo, murmurando, susurrando, comedere carnes proximorum suorum in occulto. Habitum ergo religionis, fratres, quem prætenditis specie, bonis operibus implete. Non queratis aliud esse in occulto, et aliud in publico. Concordet animus interior cum religiosis vestibus. Concordet vita cum lingua. Sanctus est habitus, sanctus sit animus. Sancta sunt vestimenta, sancta sint opera vestra. Habentes igitur, dilectissimi, victum et vestitum, his contenti estote (*I Tim. vi*), et nullum apud vos retineatis proprium. Procul dubio ipse facit furtum, qui in commune habet omnia cum cæteris fratribus, et apud se aliquid habet absconditum. Omnia in commune cum cæteris fratribus possidere, et apud se aliud abscondere, quid est aliud nisi post mortem seipsum pœnis tradere? Qui in commune habet cum cæteris fratribus victum et vestitum, et aliud retinet absconditum, quid est aliud quam manifestum furtum? Ergo, fratres charissimi, divitias contemnite, paupertatem diligite, terrena despiciate, cœlestia desiderate. Nihil superfluum queratis, nihil apud vos retineatis, nihil abscondatis, si ad communem societatem electorum Dei pervenire desideratis ad quam vos perducere dignetur ille, qui in Trinitate perfecta vivit et regnat Deus per omnia sæcula sæculorum. Amen.

## SERMO NONUS.

### II IN TRANSLATIONE SANCTI ISIDORI.

*Non timebit domui suæ a frigidibus nivis; omnes enim domestici ejus vestiti sunt duplicibus (Prov. xxxi)*. Nuntius summi Regis, videlicet angelus quem mittit Dominus in circuitu timentium eum (*Psal. xxxiii*), unus ex eis qui semper vident faciem Patris qui in cœlis est (*Matth. xviii*) felici rumore nuntiavit in curia summi Imperatoris qui imperat ventis et mari (*Matth. viii*), parari, vel potius reparari domum beati Isidori Hispalensis quondam metropolitani episcopi intra muros urbis Legionensis religiosorum clericorum ordini et inhabitationi. Quo rumore suscepto, venerabilis Pater Augustinus catholicæ Ecclesiæ Doctor egregius, gratulabundus et exultans, dominum Isidorum Doctorem Hispaniarum, nescio quid secum meditantem intueus, sic eum alloquitur: Quid est, reverente frater, quod tecum volvis? Nunquid aliquid de Scripturis exponendis meditaris? Sed in hac patria spirituum, cœlum, id est Scriptura non extenditur sicut pellis (*Psal. ciii*), sed plicatur, id est involvitur sicut liber (*Isai. xxxiv*): nec plebes doctrina indigere cognoscis, quia hic impletur illud quod scriptum est: *Non docebit vir proximum suum, omnes enim cognoscent me a minimo usque ad*

*majorum (Jer. xxxi)*. Cum autem, ut videtur, de regimine et dispositione Ecclesiarum sollicitus sis, tamen de ea quæ te specialius familiariusque contingit, decet ut solliciteris. Loquor autem de ea, quæ intra muros urbis Legionensis thesaurum corporis tui continens, religiosis clericis præparatur inhabitanda.

Ad hæc dominus Isidorus, sollicitor, inquit, super his, sed præcipue de indumentis Deo servientium in domo illa clericorum; nam victui ipsorum jam necessaria ex magna parte paravi, et reliqua sufficientius præparabo; sed terra illa non abundat vestibus. Volo autem eos habentes victum et vestitum his contentos esse (*I Tim. vi*). Ad hæc Pater Augustinus, et ego, inquit, providebo his filiis tuis indumenta. Legitur autem apud Salomonem de muliere quadam, quod *non timebit domui suæ a frigidibus nivis, et cætera*. De qua et ibidem subditur: *Operata est linum, et lanam (Prov. xxxi)*. Ad hunc ergo modum ego his filiis et domesticis tuis vestem duplicem ex lana linoque contextam, superpelliceum scilicet et capam, in quorum altero munditiam, in altero volo humilitatem intelligi; quod ex ipsarum quoque vestium colore et apor-

rati potest agnosci. Nam corporis munditia candorem habet, et nigredo vestis humilitatem repræsentat. Nosti etiam beatissimam Virginem Matrem Domini harum vestium specialiter fuisse vestitam. Unde et de ea scriptum est: *Gloria Libani data est ei, decor Carmeli, et Saron (Isai. xxxv)*. Et ipsa de se ait: *Quia respexit Dominus humilitatem ancillæ suæ (Luc. 1)*. In apparatu quoque harum vestium idem attenditur: nam vestis linea multo labore et difficultate perficitur, non usque adeo vestis lana. Ad hunc modum munditia corporis multo labore multoque conatu utiliter habetur et custoditur, utpote cui resistit lex membrorum, fomes et languor naturæ, stimulus carnis, quem pati se etiam Apostolus constitetur (*II Cor. xii*), prava et fluxa consuetudo, exterior alienæ cutis illecebrosa tentatio, interior hostis incentiva suggestio.

De lino autem planum est, quia primum a terra avellitur, deinde in fasciculos colligatur, in lacum dimititur, ad solem exsiccatur, quiescitur et stupa emundatur, per colum in fila redigitur, in glomos complicatur, in telam extenditur et contextitur, tandem inciditur et insuitur, et sic superpellicem aptatur. Ad hunc modum multo labore sudatur, ut exeat ex carne rubigo ejus et tenax viscositas superetur, cujus aculeos expertus est homo post peccatum, ante motus aliorum peccatorum, cum coeperant rivi concupiscentiarum per membra sine lege diffundi, qui prius lege naturæ tenebantur cohibiti, ne inordinate erumperent. Unde erubuit nuditatem suam, et cucurrit ad umbram, ut obumbraret turpitudinem suam (*Gen. iii*). Vincendæ hujus bestię difficultatem notat Apostolus dicens: *Fugite fornicationem (I Cor. vi)*: quæ est vectigal, scilicet naturæ, et vos ipsos acrius et vicinius insequentem. Nam omnis virtus hostis in lumbis ejus, et fortitudo illius in umbilico ventris ejus (*Job xl*). Ista est Dalila, quæ dormit in sinu nostro (*Judic. xvi*), a qua custodire claustra oris nostri præcipit propheta (*Mich. vii*), nam nulla pestis efficacior ad nocendam, quam familiaris inimicus. Augustinus: Ut ergo vestis nuptialis præparetur sponso, ut omni tempore candida sint vestimenta (*Eccle. ix*) horum filiorum tuorum, o frater Isidore, ne nudi ambulent; avellat primo linum a terra sordidæ voluptatis, et carnalis colluvionis abominatio, in fasciculos colligare procuret regularis ordinis districtio, in lacum dimitat timor supplicii, ad solem exsiccet superni vapor desiderii, quiescitur et stupa per contusionem emundet carnis maceratio, per colum in fila redigat supernorum contemplatio, in glomos complicit frequens meditatio, in telam extendat certa futurorum expectatio, contextat charitatis connexio, incidat regularis exercitatio, consuat perseverantiæ fortitudo. In primo horum displicet homo sibi, in secundo abnegat se ipsum sibi, in tertio dimitit se infra se, in quarto suspendit se supra se, in quinto cohibet se intra se, in sexto excedit mente supra se, in septimo recolligitur ad se, in octavo confortatur de se, in nono

conjungitur et supra et circa se, in decimo roberatur, in ultimo perficitur et consummatur. Nam cum incipit homo cogitare intra se, quam brevis sit voluptas quæ famem sui patitur, et fastidio abjecta, cujus subinde operiat, aut reddent, aut possideat. (Nam habet hoc voluptas omnis: stimulis agit furentes, apumque par volantum, ubi grata mella fuderit, stimulum relinquit in conscientia.) Cum hæc, inquam, meditatetur homo, factus animal prouum et deditum ventri et genitalibus, cui Deus

*Os sublime dedit cælumque tueri  
Jussit, et erectos ad sidera tollere vultus;  
(Ovid. Met. l. 1.)*

exhorreat cœnum sordidæ voluptatis, et carnalis volutabrum colluvionis abominetur, et sic linum a terra avellitur. *Omne enim peccatum quodcumque fecerit homo, extra corpus est; qui autem fornicatur, in corpus suum peccat (I Cor. vi)*. Hoc linum a terra avulserant quibus Apostolus dicebat: *Quem ergo fructum habuistis tunc, in quibus nunc erubescitis? (Rom. vi)*

Consequenter cum disponit ascensionem in corde suo (*Psal. lxxxiii*), ut intret in potentias Domini (*Psal. lxx*), eligit magis abjectus esse in domo Dei, quam habitare in tabernaculis peccatorum (*Psal. lxxxiii*), et alligat se voto continentie et districtioni ordinis regularis. De hac colligatione planum est, quia sic colligatur et adstringitur, ut fiat fasciculus myrrinæ; ut sit sicut Isaac colligatus ad aram, fasciculo lignorum superpositus (*Gen. xxii*). Nam os habet, et non loquetur; oculos habet, et non videbit (*Psal. cxiii*), et cætera, ut possit vere dicere: *Christo confixus sum cruci (Gal. ii)*. Sed quia adhuc inter duas molas molitur, quas prohibet Moyses loco pignoris dari (*Deut. xxiv*); per inferiorem, quasi linum in lacum dimissum, præteritorum conscius, et futurorum pavidus, timet supplicia pro præteritis quæ commisit, et pro futuris quæ potest committere, *Beatus enim vir, ait Salomon, qui semper est pavidus (Prov. xxviii)*. Et Psalmista: *Initium sapientiæ timor Domini (Psal. cx)*. Nam timor supplicii janua est regni. Sed quoniam inter hæc supernorum desiderio ardet vir desideriorum, desiderio desiderans illud novum pascha manducare in regno Dei (*Luc. xxii*), et quasi holocaustum in ara altaris incenditur: omnis in eo carnalis humor quasi ad solem exsiccatur, ut quasi Deus in tympano collaudetur, et assum tantum igni quiddid est de agno Paschali comedatur (*Exod. xii*). Hoc igne ardebat Jeremias dicens: *Factus est quasi ignis exæstuans, claususque in ossibus meis (Jer. xx)*. Et discipuli dicentes: *Nonne cor nostrum ardens erat in nobis? (Luc. xxiv)*. Et David: *Concaluit cor meum intra me (Psal. xxxviii)*, etc.

Inter malleum quoque positus et incudem per carnis macerationem contunditur, sed non frangitur. Superfluis emundatur, necessariis non privatur, ut si hostem insequitur, civis non exstinguatur secundum illud Apostoli: *Curam carnis ne feceritis in*

*desideriis* (Rom. xiii). Nam cum venter et genitalia, sicut loca, ita sibi conjuncta sint vitio, venterque mero extrahens facile despumet in libidinem, nulla potest efficacior ad servandam corporis munditiam adhiberi medicina, quam parcimoniae deservire, gulam cohibere, ventrem restringere, carnem macerare ne effluat et resolvatur in turpem libidinem; sicut Loth, quem Sodoma non vicit, vina vicerunt (Gen. ix). Unde ait propheta: *Peccatum Sodoma fuit saturitas, et abundantia panis* (Ezech. xvi). Primus quoque parens per edulium ligni vetiti sua contra se arma movit, expertus est, et fecit sibi perizonata ad velandam turpitudinem, quam intellexit (Gen. iii). Princeps quoque cocorum muros Jerusalem destruxit (Jer. liii). Unde Apostolus: *Nolite inebriari vino, in quo est luxuria* (Eph. v). Et Salomo: *Luxuriosa res est vinum, et contumeliosa ebrietas* (Prov. xx): quæ etiam femora Noe denudavit, et filio ridenda monstravit (Gen. ix). Itaque vinum nec suo pepercit auctori. Hæc quilibet melius legit in libro experientiae:

*Vina parant animos, faciuntque caloribus aptos.*

Supernorum contemplatio subtilissima fila producit, de quibus vestis philosophiæ secundum Boetium con-textitur: ut quasi virgula fumi ex aromatis raptus in tertium caelum (*Cant. iii*), audiat verba quæ non licet homini loqui (*II Cor. xii*).

Quæ etiam complicat, et quasi in glorios recolligit frequens meditatio, sicut legitur de gloriosissima Virgine: *Maria autem conservabat omnia verba hæc, conferens in corde suo* (Luc. ii). Et Apostolus: *Hæc meditare* (*I Tim. iv*): ut vigilet ratio, ne dormitante ostiaria Isboseth percutiatur in inguine, et moriatur (*II Reg. iv*). Nam meditatio sermonum Domini intellectum dat parvulis (*Psal. cxviii*).

Mola vero superior, futurorum scilicet expectatio, telam in altum suspendit, ut dicat: *Nostra conversatio in caelis est: unde expectamus Jesum Christum, qui reformabit corpus humilitatis nostræ, configuratum corpori claritatis suæ* (*Philipp. iii*).

Verum texturam vestis charitas orditur et perficit, ut sit vestis inconsutilis desuper contexta per totum, quæ non est scissa, sed sorte divinæ prædestinationis (*Joan. xix*) contingit his quos prædestinabit, et prælegit fieri conformes imaginis Filii sui (*Rom. viii*). Hæc est vestis nuptialis. Beatus, qui hanc servat, ne nudus ambulet (*Apoc. xvi*). De exercitatione regularis ordinis in lectione, oratione, et aliis quæ sunt ex parte Mariæ, quæ optima prædicatur; vel in instructione minorum, et operibus pietatis, in quibus turbatur Martha et sollicita est erga plurima (*Luc. x*); vos melius exercitati me magis potestis docere, quam ab indocto aliquid discere.

Hanc vestem polynitam necesse est ut consuat perseverantia, ut sit vestis talaris Joseph (*Gen. xxxvii*), ut et offeratur cauda hostiæ in sacrificio Domini, vel potius in holocausto (*Lev. vii*). *Qui enim perseveraverit usque in finem, hic salvus erit* (*Matth. x*). Hoc superpelliceo, hac veste candida filii tui

A interiorius induantur: nam omnis gloria filiae regis ab intus est (*Psal. xlii*), ut sint candidi Nazaræi ejus super nivem dealbati (*Thren. iv*). Ut autem perfectæ vellentur a frigidibus nivis, et ut vestiti sint duplicibus, parabo etiam eis capam humilitatis.

Ut vero capa possit aptari, prius tondetur lana ab animali, deinde in fila redigitur, tela textitur, pannus coloratur, inciditur et consuitur. Detondet itaque lanam ad parandam humilitatis capam priorum abrenuntiatio, in fila redigit regularis instructio, telam textit obedientiæ professio, pannum colorat propriæ infirmitatis consideratio, incidit mortis recordatio, consuit retributionis certitudo. Horum ergo primum expedit, secundam erudit, tertium constringit, quartum deponit, quintum concutit, sextum erigit. Sane cum opes iperi sane, id est superbiam gignere et nutrire consueverint, sicut apparet in augelo, et in homine primo, quorum proflit iniquitas ex adipe (*Psal. lxxii*), sicut crassitudo terræ erupta est super terram (*Psal. cxi*).

Quasi tondetur lana ad humilitatis vestem texendam, cum renuntiat homo propriæ voluntati, propriæ possessioni, propriæ libertati, propriæ cogitationi, ut dicat patri et matri, non novi vos. Et sicut in tonsura animalis exoneratur animal, vermes moriuntur, lana decerpitur; ita in renuntiatione priorum exoneratur caelum, ut possit per foramen acus transire (*Matth. xix*). Nam ipsa humana felicitas multis amaritudinibus respersa est, quæ acquiritur cum labore, habetur cum timore, amittitur cum dolore (*Matth. xiii*). Unde et spinis in Evangelio comparatur. Unde Apostolus: *Qui volunt divites fieri, inserunt se doloribus multis* (*I Tim. vi*). Vermes quoque sollicitudinis temporalis moriuntur, et pænæ gehennalis. Nam ut ait Salomon: *Sicut vermis consumit ligna, sic tristitia mentem viri* (*Prov. xxv*). Et Isaias ad Nabuchodonosor: *Subter te sternetur tinea, et operimentum tuum erunt vermes* (*Isai. xiv*). Et iterum: *Vermis eorum non morietur, et ignis non exstinguetur* (*Isai. lxxvi*).

In regulari instructione lana quasi in fila pro-ducitur ad parandam humilitatis capam in silentio, quod est cultus justitiæ secundum Isaiam (*Isai. xxxii*), in oratione, et lectione, et reliquis, quæ humilitatis signa sunt, sicut est tonsura, frequens capitis inclinatio, veniæ petitio, et alterutrum confessio, in communi usu omnium, in vilitate indumentorum, in austeritate ciborum. Hanc lanam in fila produci volebat Apostolus dicens: *Omnia in vobis honeste, et secundum ordinem fiant* (*I Cor. xiv*). Ad hæc etiam suppetunt infinita Patrum exempla tam in Veteri quam in Novo Testamento.

Telam autem humilitatis textit obedientiæ professio. Nam quid est quod tam sit effectivum et conservativum humilitatis, quam loco Dei imponere hominem super caput suum, et ita totum de arbitrio pendere alieno? Ut sine superioris nutu os habeat, et non loquatur: oculos habeat, et

non vident: pedes habeat et non ambulet: manus habeat, et non eas extendat etiam ad suscipienda munera: et ideo victimis jure preponitur obedientia (*I Reg. xv*). In sacrificio quippe aliena caro, in obedientia propria mactatur: quandoque etiam usque ad sanguinis effusionem secundum illud: *Christus factus est pro nobis obediens Patri usque ad mortem (Philip. ii)*. Et ex contrario quoque melius intelligitur quid de hujus laude sentiatur. Unius hominis inobedientia morti addicit posteros et proscriptat universos. Nam, ut ait Samuel: *Crimen ariolandi est nolle obedire, et scelus idololatriæ nolle acquiescere (I Reg. xv)*. Sola ergo est quæ meritum fidei possidet, obedientia. Ad hanc hortatur Apostolus, dicens: *Obeditis prepositis vestris (Hebr. xiii)*.

Pannum colorat colore nigro propriæ infirmitatis consideratio. Si enim consideret homo quid fuit, quid est, quid erit; recolligit quia vile sperma, vas stercorum, esca vermium: *Quid ergo superbit terra, et cinis? (Eccli. x)* Quid tendit tur pellis morticina?

*Unde superbit homo, cujus conceptio culpa, Nasci pœna, dolor vita, necesse mori?*

Cognosce te ipsum, cadaver putridum; e cœlo descendet γῶδι σαυρόν, id est *cognosce te ipsum. In omnibus viis tuis recordare novissima tua, et in æternum non peccabis (Eccli. vii)*. Et hoc est quod pannum incidit ad cappam humilitatis consuendam.

Luciditur enim superbia, si consideratur conditio mortis, cunctis imposita secundum illud: *Pulvis es, et in pulverem reverteris (Gen. iii)*; et damnationis comminatio reprobis infligenda, secundum illud: *Detracta est ad inferos superbia tua (Isa. xiv)*. Et illud: *Sicut oves in inferno positi sunt (Psal. xlviii)*, etc.

Sed hanc capam consult retributionis certitudo. Si enim consideret homo quid sit ex se, quid ex dono Dei, vel qualis et quis futurus ex retributione Dei; sunt homini justitiæ suæ quasi pannus menstruatus (*Isai. lxiv*). Et hoc est, quod animalia pennata deponunt alas suas, cum sit vox super firmamentum, quod imminet capiti eorum (*Ezech. i*). Hanc capam pastor Ecclesiæ nos, admonet consuetore dicens: *Humiliamini sub potenti manu Dei, ut vos exaltet in tempore visitationis (I Pêt. v)*. His

ergo duplicibus vestimini, charissimi, ne timeatis domui vestræ a frigoribus nivis.

Hæc autem frigora nivis mortalia sunt peccata, et immissiones hostis antiqui, qui dicitur nix non incompetentem. Sicut enim nix de cœlo descendit, et illuc ultra non revertitur, ita et diabolus per superbiam de sublimibus corruens, non revertitur ultra ad manum de qua excussus est. Et sicut nix cum sit aqua, in aere violentia aquilonis induratur, ita diabolus secundum Job induratus est tanquam lapis (*Job xli*), qui et aquilo dicitur frigidus, scilicet et durus, nomine tantum dexter. Unde in Cantico: *Surge, aquilo, et veni, austra (Cant. iv)*. Frigoribus hujus nivis refrigerat claritas multorum, ut ait Dominus (*Matth. xxiv*).

Et Salomon: *Propter frigus piger noluit arare (Prov. xx)*.

Ut ab his ergo domui vestræ ne timeatis, his duplicibus vestimini, charissimi, ut conleratis duo cornua illius cerastus antiquæ præ aliis eminentiora. De quo ait Job: *In secreto calami dormit in locis humentibus (Job xl)*. Et iterum: *Huic montes herbas ferunt (ibid.)*. Et: *Ipsa est rex super omnes filios superbiæ (Job xli)*. Ista regina, hoc delictum maximum, ista bestiola, quæ plures interfecit de exercitu Absalon, quam gladius David; hæc vobis maxime est etiam in bonis quæ agitis formidanda et cavenda. Nam

*inquinat egregios adjuncta superbia mores.*

Quæ natione cœlestis, mentes sublimium inhabitat sub cinere latitans et cilio, prima a Deo recedentibus, et ultima redeuntibus. Nam

*Cum bene pugnaris, cum cuncta subactu putaria, Quæ post infestat, vincenda superbia restat.*

In curia manica quandoque et superbia longa. His ergo duplicibus vestimini, ut non diptoidi confusionis, sed stola geminæ glorificationis induamini, ambulantes cum Agno in albis (*Apoc. iii*), facti sicut angeli Dei, qui non nubent, neque nubentur (*Matth. xxii*), per humilitatem quam nunc servatis sessuri super sedes duodecim judicantes duodecim tribus Israel cum eo qui vivit, et regnat cum Deo Patre in unitate Spiritus sancti Deus per omnia sæcula sæculorum. Amen.

## SERMONES DE DIVERSIS.

### SERMO PRIMUS.

#### IN DEDICATIONE ECCLESIE.

Joannes apostolus et evangelista a Christo electus atque dilectus, in tanto dilectionis amore est prælatum, ut in cœna recumberet super pectus ejus

(*Joan. xiii*), ipsique soli cruci suæ adstanti Matrem propriam commendare est dignatus (*Joan. xix*). Provida siquidem dispensatione, ut ipsi ad custo-

diendam gloriosissimam Virginem tradidisset, quem nubere volentem, ad amplexum virginittatis asciverat, et impollutum mente et corpore praelegerat. Ille itaque cum propter verbum Dei et testimonium Jesu Christi in Pathmos insula in exilium mitteretur, illic ab eodem Apocalypsis praestensa describitur, in qua ad eruditionem nostram inter caetera, sic loquitur: *Dixit mihi angelus: veni, ostendam tibi sponsam Agni. Et sustulit me in spiritu in montem magnum et altum, et ostendit mihi civitatem sanctam Jerusalem novam descendantem de caelo a Deo, compositam sicut sponsam ornata viro suo (Apoc. xxi).* Montem magnum et altum Christum dicit, de quo propheta ait: *In illa die erit mons domus Domini in vertice montium, et elevabitur super colles (Isai. ii)*, id est super prophetas et apostolos; quia ipsi montes et colles dicuntur propter magnitudinem virtutum et excellentiam meritorum. Quod autem, in illa die, dicit, a passione Christi usque ad finem mundi unum diem esse ostendit.

Sequitur: Jerusalem caelestis multitudo sanctorum est, quae cum Domino dicitur esse ventura, sicut ait Zacharias propheta: *Eccae Dominus noster veniet, et omnes sancti ejus cum eo (Zach. xiv)*. Ibi praeparantur a Deo habitatione munda, ut habitent cum eo, sicut sponsam ornata viro suo. Christus est caput et vir totius Ecclesiae. Unde Salomon ait, cum de eadem Ecclesia sub persona fortis mulieris loqueretur, dicens: *Nobilis in portis vir ejus, quando sederit cum senatoribus terrae (Prov. xxxi)*. Vir sanctae Ecclesiae Christus est, qui cum senatoribus terrae, id est cum patriarchis, et prophetis, atque apostolis ad judicandum vivos et mortuos in die judicii sessurus est. Recte etiam dicitur nobilis, quia inter omnes filios hominum nullus est ei similis. Omnis igitur Ecclesia, id est omnes sancti, sanctitate et justitia Jesu Christo sponso suo conjungendi procedent ornati, et in aeternum cum eo mansuri. Congrue haec civitas Jerusalem, id est sancta Ecclesia, nova dicitur: quia per baptismi sacramentum, in Christo qui est novus homo, de die in diem renovatur. Haec enim quotidie in poenitentia descendit de caelo, scilicet in humilitate Filium Dei imitando. Sic enim Filius Dei cum in forma Dei esset, formam servi accipiens, de caelo descendit, quia usque ad mortem se humiliavit (Philipp. ii). Descensio Filii Dei de caelo, ejus est incarnatio. Haec igitur Jerusalem civitas quotidie imitando Deum, de caelo descendit; quia Jesu Christi sponsi sui vestigia sequens, in humilitate sese custodit. Miro modo sancta Ecclesia sive quaelibet sancta anima quanto amplius propter Deum per humilitatem descendit, tanto magis per Dei gratiam ascendit. Unde Dominus in Evangelio dicit: *Qui se exaltat, humiliabitur: et qui se humiliat, exaltabitur (Math. xxiii)*. Sic etiam ait eloquentissimus noster Isidorus (46-47): « Descende ut ascendas, hu-

milare et exalteris, ne exaltatus humiliaris. » Unusquisque ergo tanto in oculis Dei erit pretiosior et altior, quanto apud semetipsum pro amore Dei fuerit despectior ac vilior. Quare? Quia Deus humilia respicit, et alta a longe cognoscit (Psal. cxxxvii). Unde alibi Scriptura dicit: *Deus humilibus dat gratiam, superbis autem resistit (Prov. iii)*. Unde Dominus ad Saulem loquitur, dicens: *Nonne cum parvulus esses in oculis tuis, caput te constitui in tribus Israel? (I Reg. xv.)* Ac si diceret: Magnus mihi fuisti, quando despectus eras tibi. Nunc autem quia magnus es tibi, despectus es mihi.

*Habebat, inquit, haec civitas portas duodecim, et super portas duodecim angulos, et nomina supercripta duodecim tribuum Israel. Luminare ejus simile lapidi pretiosissimo, simile crystallo.* Eidem vero civitati propheta loquitur, dicens: *Non erit tibi sol amplius ad lucendum per diem, nec splendor lunae illuminabit te; sed erit tibi Dominus in lucem sempiternam, et Deus tuus in gloria magna (Isai. lx)*. Sicut enim lapis crystallinus naturali claritate est perlucidus, ita civitas illa describitur nullo siderum fulgore illuminari, sed sola Dei luce illustrari. Habebat murum magnum et altum. Unde Zacharias propheta ait: *Ego ero murus in circuitu ejus, dicit Dominus (Zach. ii)*. Dominus ergo totius majestatis est lumen et custos illius gloriosissimae civitatis. Quod autem dicit, *habens portas duodecim ex singulis margaritis, et in portis angulos duodecim, et nomina scripta, quae sunt nomina duodecim tribuum filiorum Israel.* Et in Evangelio legimus Dominum de se dixisse: *Ego sum ostium. Per me et quis introierit, salvabitur (Joan. x)*. Ergo Christus est hujus civitatis janua. Duodecim vero portae et duodecim tribus Israel duodecim apostoli sunt et duodecim prophetae, qui universam significant Ecclesiam in duodenario numero constitutam. Et tamen istae duodecim portae ad unam portam veniunt, quae est Christus. Portae autem ex singulis margaritis existunt, quia sancti apostoli, qui portae Ecclesiae sunt, intrantibus lumen veritatis ostendunt. Quod vero civitatem esse quadratam dicit (Apoc. xxi), sanctorum adunatam turbam ostendit, in quibus fides catholica nullo modo fluctuare potuit. Haec civitas in quadro est posita, quia in ordine quatuor evangelistarum super Dominicam incarnationem sancta Ecclesia firmiter est aedificata, et in quatuor mundi partibus constituta.

Iterum subjungit, dicens: *Et qui loquebatur mecum, habebat mensuram, scilicet arundinem auream.* In arundine aurea fidem incarnationis Domini nostri Jesu Christi ostendit, qui carnem humanae fragilitatis suscepit, in qua nobis exemplum perfectionis et viam nostrae salutis monstravit. Ipse solus est, per quem fidei mensura unicuique distribuitur, et sanctae Trinitatis integritas cognoscitur. *Et mensus est civitatem stadiis duodecim. Longitudo au-*

(46-47) Lib. ii. De synonymis., de humilitate.



tem, et latitudo, et altitudo ejus aequalia sunt. Fides enim Christi, et integritas sanctae Ecclesiae per hanc duodecim stadia, id est per apostolorum doctrinam et prophetarum fidem agnoscuntur; quia in eis nihil superfluum, nihil extrinsecus veniens, nihil minus habens invenitur. Etiam subditur: *Et erat structura muri ejus ex lapide jaspidis: ipsa vero civitas aurum mundum simile vitro puro.* In alio metallo quidquid interius continetur, absconditur; in vitro autem quilibet liquor qualis interius habetur, talis exterius demonstratur. Quid ergo aliud in auro vel vitro accipimus, nisi illam supernam patriam, illamque beatorum civium societatem, quorum corda sibi invicem et charitatem fulgent, et puritate translucent? Ipsa quippe eorum claritas sibi vicissim in alternis cordibus patet, quia cum uniuscujusque vultus attenditur, simul et conscientia penetratur. Pretiosi lapides ex quibus civitas aedificatur, sanctos et fortes in persecutione viros ostendunt, qui nec tempestate persecutorum, nec impetu pluviae, id est tribulationum, a statu verae fidei dissolvi poterunt. Platea vero, quae de auro purissimo esse dicitur, sanctorum corda ab omnibus peccatis munda insinuat, in quibus Dominus deambulat. Flumen autem vitae, quod de throno Dei et Agni procedebat (*Apoc. xii*), gratiam baptismi insinuat. Lignum vitae ex utraque ripa, secundum carnem adventum Christi ostendit, quem venturum et passurum vetus lex praedixit, et Evangelium jam venisse manifestavit. Fructus vero duodecim per singulos menses, duodecim apostolorum multimodam gratiam ostendunt, quam ab uno crucis ligno suscipientes, populos fame consumptos verbi Dei pabulo reficiunt. *Et folia ligni in curationem gentium.* Folia ligni, quae ad sanitatem gentium proficiunt, virtutes sanctae crucis ostendunt. *Omnis languor non erit amplius, quia absterget Deus omnem lacrymam ab oculis eorum, thronus Dei et agni erat in ea (ibid).* Thronus Graece, *sedes* dicitur Latine. Sedes igitur Dei erat in civitate illa, id est in sancta Ecclesia, testante Psalmista: *Sedes tua Deus in saeculum saeculi (Psal. xlii).* *Et servi ejus servient ei, et videbunt faciem ejus (Apoc. xii).*

Interea scire vos oportet, fratres charissimi, quia per tres portas ingrediuntur hanc nobilissimam civitatem omnes sancti. Tres solummodo portas habet sancta Ecclesia per quas caelestem Jerusalem, quae ut civitas ex lapidibus visis aedificatur quotidie in suis membris, feliciter ingreditur. Prima videlicet ad orientem, secunda ad aquilonem, tertia vero ad meridiem. Porta quippe in oriente est fides, quia per ipsam lux vera nascitur in mente hominis. Porta

A in aquilone est spes, quia unusquisque in peccatis positus, si de misericordia Dei desperaverit, funditus perit. Unde necesse est, ut qui propter iniquitatem suam jam mortuus fuerat, per misericordiam spem reviviscat. Profecto in meridie est porta charitatis, quia qui Deum perfecte diligit, ardet igne divini amoris. In meridiana etenim porta sol in altum erigitur, quia per charitatem lumen fidei in Dei et proximi dilectione sublevatur. Per has tres portas, scilicet fidei, spei, et charitatis, quisque fidelis in Dei et proximi amore solidatur, et in illa caelesti Jerusalem de qua loquimur, cives constituitur.

Nunc ergo, fratres charissimi, per has tres portas intrare contendite, et ut in illa superna civitate cives esse mereamini, summopere elaborate. Quicumque vestrum post fidem et baptismi sacramentum non ceciderunt in profundum vitiorum, Deo gratias referant, et per orientalem portam ingradientur regnum caelorum. Illi vero, qui post inchoationem fidei caloris, et luminis, in peccatorum suorum frigore atque obscuritate lapsi sunt, per poenitentiae compunctionem veniam sibi a Deo acquirant, et ad gaudia aeternae retributionis per aquilonis portam perveniant. Hi autem, qui igne sancti Spiritus succensi, sanctis desideriis ac virtutibus fervent, et spiritali intellectu quotidie interni gaudii mysteria penetrant, et ut caelestem Jerusalem per meridianam portam ingredi possint, studiose invigilant. Haec igitur, fratres et domini mei, vobiscum agite. Haec in mente sedula meditatione versate, et si vos in illa civitate delectat habitare, omnia quae sub caelo sunt, pro nihilo reputate, atque ad illam passibus bonorum operum quanto citius properate. Non vos ad illam festinantes superfluitas verborum impediatur, non dulcedo ciborum retrahat, non mollities vestimentorum retro abire faciat, non pulchritudo carnis detineat, non species humana reducat, non amor temporalium delectationum retardet, non cura parentum a recto itinere deviet. Ad illam ergo voto et desiderio tendite, ad illam medullis cordis indesinenter suspirate ob recordationem illius libenter lacrymas fundite, et ut aliquando ad illam possitis pertingere, votis omnibus Deum exorate. Jesus Christus Dei Filius, qui splendor Patris est et virtus, quique eandem civitatem illuminat claritate sui vultus, faciat nos per seipsum ad illam pertingere cum sanctis omnibus, atque in ea aeternaliter vivere in suis sacratissimis laudibus: qui cum eodem Patre, et Spiritu sancto vivit et regnat Deus per omnia saecula saeculorum. Amen.

## SERMO SECUNDUS.

## IN DEDICATIONE ECCLESIE H.

Fratres charissimi, rogo ut sollicitè audire dignetur charitas vestra, quæ ad eruditionem vestram, imo totius Ecclesiæ, loquitur venerabilis presbyter Beda. Ait enim (48): « Domum [Domus] quam Salomon ædificavit, Ecclesiæ figura fuit, quæ a primo electo usque ad ultimum quotidie per gratiam regis pacifici, id est Christi, ædificatur, quæ partim peregrinatur ab illo in terris, partim post peregrinationem jam cum illo regnat in cœlis, ubi post ultimum iudicium tota regnabit. Ad hanc sanctam Ecclesiam pertinent angeli, quorum nobis similitudo promittitur in futuro. Unde est illud: *Æquales erunt angelis, et sunt filii Dei: cum sint filii resurrectionis* (Luc. xx). Ad hanc pertinet Christus, sicut ipse ait: *Solvite templum hoc, et in tribus diebus excitabo illud. Hoc enim dicebat de templo corporis sui* (Joan. ii). De nobis autem dicit Apostolus: *Nescitis quia templum Dei estis?* (I Cor. iii.) etc. Si ergo ille templum secundum carnem factus est, per inhabitantem spiritum et nos efficiamur, constat quia figura omnium nostrum et ipsius Domini, id est membrorum et capituli, templum illud fuit. Sed ipsius tanquam lapidis angularis, electi, pretiosi, et in fundamento fundati (Isai. xxviii). Nostrum autem tanquam lapidum vivorum superædificatorum super fundamentum apostolorum et prophetarum (I Petr. ii, Eph. ii, 20), id est Christum. Quod melius, considerato ordine, ipsa templi ædificatio patebit, ut in quibusdam scilicet figura ad ipsum, in quibusdam ad omnes electos pertineat; in quibusdam in cœlis angelorum felicitatem, in quibusdam collata hominibus auxilia, in quibusdam remunerata cum angelis hominum certamina demonstret.

*Elegit ergo Salomon rex operarios de omni Israel* (III Reg. v). Non frustra operarios de omni Israel elegit; quia non de stirpe Aaron sacerdotis eligendi, sed de omni Ecclesia quærendi sunt, qui domum Dei exemplo verboque ædificent, et sine personæ acceptione sunt promovendi. Qui cum ad erudiendos infideles et in collegium Ecclesiæ vocandos ordinantur, quasi ad cædendas in Libano templi materias, id est cedros, viri strenui et electi mittuntur. *Et erat indicio triginta millia virorum, mittebatque eos in Libanum: decem millia virorum per singulos menses vicissim, ita ut duobus mensibus essent in domibus suis* (ibid.). Triginta millia cæsores eos significant, qui in fide sanctæ Trinitatis sunt perfecti, quod doctoribus maxime congruit. Sed quia triginta millia erant ordinata, ut dena per menses singulos operi instarent, magis denarii

numeri pendendum est sacramentum. Dena millia ad cædenda ligna de Israel in opus domus Domini mittuntur. Qui enim ad eruditionem insipientium ordinantur, decem præcepta legis per omnia servare, et auditoribus debent servanda monstrare, præmia quoque in cœlis futura, quæ per denarium figurantur, et ipsi spectare, et auditoribus speranda intimare. Terni autem menses quorum distantia singulis lignorum cæsores erat imposita, perfectionem trium virtutum evangelicarum denuntiant, scilicet eleemosynæ, orationis et jejunii. Per eleemosynam namque comprehenduntur omnia quæ ad dilectionem proximi expandamur benevole in fratres comparamus. Per orationem, omnia quibus per internam compunctionem nostro Conditori conjungimur. Per jejunium, omnia quibus a contagione vitiorum et illecebris sæculi observamur, ut libera mente et casto corpore semper dilectioni Dei et proximi valeamus inhærere.

« Hiram vero rex Tyri, qui *excelsæ vivens* interpretatur, erat super hujuscemodi indictionem. Excelsæ vivens Christus est, qui operariis templi præponitur ut ordinet quibus mensibus singuli ad operandum exeant, quibus ad procurandam domum redeant; cum prædicatorum mentes familiarium informat ut discernant quando ad conscientiam suam examinandam quasi propriam domum inspiciendam reverti, ut orationibus, et jejuniis et visitatore digna sit. Præpositi qui præerant operibus, tria millia trecenti fuerunt propter fidem sanctæ Trinitatis significandam, quam sancta Scriptura prædicat. Quod autem in Paralipomenon tria millia sexcenti scripti sunt, ad perfectionem eorum respicit (II Paral. ii). Senarius enim [suppl. numerus] in quo mundi completur ornatus, perfecta bonorum opera significat. Et quia sancta Scriptura cum fide veritatis opera justitiæ docet habenda, recte præpositi operum tria millia et sexcenti fuerunt. Præpositi autem sunt sacræ Scripturæ conditores, quorum magisterio erudimur inscios docere, contemptores corripere, et onera invicem nostra portare.

« Fuerunt itaque Salomoni septuaginta millia portantium onera, et octoginta millia latomorum in monte: absque præpositis, qui præerant singulis operibus, numero trium millium et trecentorum præcipientium populo, et his qui faciebant opus. Septuaginta ergo millia portantium onera, et octoginta millia latomorum cum præpositis suis non fuerunt Israelitæ, sed proselyti, id est adventæ qui mora-

bantur inter eos. Proselyti vocabantur Græce, qui ex aliis nationibus in consortium populi Dei accepta circumcissione transibant. Fuerunt ergo operarii domus Domini de Israel, et de proselytis, et de gentibus.

(49) Iterum Scriptura dicit: *Præcepit rex, ut tollerent lapides grandes, lapides pretiosos, quos dolaverunt cæmentarii Salomonis, et cæmentarii Hiram; viros scilicet præcipuos actione et sanctitate, qui familiariter Christo adhærent; ut quo firmiter in illo sperant, eo fortius aliorum vitam diligere, et fundamenti latitudinem portare sufficiant. Hi sunt prophetæ et apostoli, qui verbum et sacramenta veritatis visibiliter vel invisibiliter ab ipsa Dei sapientia perceperunt. Fundamentum templi, id est sanctæ Ecclesiæ, Christus est. Unde dicitur: Fundamentum aliud nemo potest ponere, præter id quod positum est, quod est Christus Jesus (I Cor. III). Qui recte fundamentum dicitur domus Dei, quia sicut Petrus ait: Non est aliud sub cælo datum nomen hominibus, in quo oporteat nos salvos fieri (Act. IV). Unde est illud: Superædificati super fundamentum apostolorum et prophetarum, ipso summo angulari lapide Christo Jesu (Ephes. II). Ideo hos lapides, id est fideles populos, sancti dolaverunt, ut omnes videlicet noxium et inane relinquerent, et in conspectu Dei solam justitiæ regulam quasi stabilem quadraturæ formam ostenderent. Ad ædificium domus Domini primo ligna et lapides de monte caduntur; quia eos quos in fide instruere quærimus, primo necesse est, ut abrenuntiare diabolo et prævaricationi in qua nati sunt, doceamus. Deinde quærendi sunt lapides pretiosi et grandes, et in fundamento apponendi; ut abdicata priorum conversatione, in omnibus vitam et mores eorum inspiciamus, et auditoribus imitandos proponamus, quos per virtutem humilitatis Domino specialiter adhærere novimus; et mentis stabilitate quadratos ad omnes tentationis incursus, immobiles durare conspiciamus. Grandes et pretiosi fama et merito. *Biblii [f. Giblii] paraverunt ligna et lapides ad ædificandam domum. Biblios [Giblos] civitas est Phœnicis et interpretatur diffiniens vel determinans. Qui enim corda hominum ad ædificium spirituale quod ex virtutibus animæ construitur, parant, sic auditores suos fidem et opera justitiæ docere sufficiunt, si prius sacris paginis edocti, quæ fides sit tenenda, quo virtutum calle eundum, cum certa definitione veritatis didicerint. Frustra sibi officium doctoris usurpat, qui discretionem fidei et honorum operum ignorat. Nec sanctuarium Domino, sed ruinam sibi ædificat, qui docere præsumit, quod ipse non didiscit.**

*Factum est autem quadragesimo et octogesimo anno egressionis filiorum Israel de terra Ægy-*

*pti in mense Zio, id est Maio, ipse est mensis secundus quarti anni regis Salomonis super Israel (III Reg. VI). (50) Martius (51) enim in quo Pascha celebratur, primus est apud Hebræos in mensibus anni. Unde patet quia post Pascha cœpit ædificare domum Domini, et consecratus mystica solemnitate populus misit manus ad mysticum opus, permansit autem cultus et religio tabernaculi annos quadragesimos octoginta, et sic templum ædificari cœpit; qua Scriptura Veteris Testamenti tanta perfectione redundat, ut qui eam bene intelligit, cuncta in se Novi Testamenti mysteria continet. Plures quoque Patres Veteris Testamenti tam perfecte vixerunt, ut apostolis et apostolicis viris in nullo putentur esse minores (52). Post fundamentum de talibus compositum ædificata est domus, præparatis lignis et lapidibus et ordine collatis, quæ de suo situ vel radice abstracta sunt; quia post prima fidei rudimenta (53), humilitatis addendus est in alium paries bonorum operum, et quasi superpositis sibi invicem ordinibus lapidum proficientium de virtute in virtutem.*

(54) *Domus autem quam ædificavit rex Salomon, habebat sexaginta cubitos in longitudine, et viginti in latitudine, et triginta in altitudine. Et porticus erat ante templum viginti cubitorum longitudinis. Longitudo domus longanimitatem Ecclesiæ significat, qua patienter adversa tolerat, donec ad celestem patriam perveniat. Hoc est sexaginta cubitorum, quia senarius numerus perfectionem bonorum operum indicat. Latitudo autem domus charitatem significat, quæ dilatato sinu mentis, amicos diligit in Deo, et inimicos propter Deum, donec ad pacem conversis vel funditus extinctis, cum solis amicis gaudeat in Deo. Viginti cubitos habebat in altitudine, propter geminam charitatis distantiam, qua Deum diligimus et proximum. Habebat etiam triginta cubitos in latitudine, propter fidem Trinitatis, in cuius visione cuncta desideria spei nostræ suspenduntur. Singuli numeri per decem multiplicantur; quia per fidem et custodiam legis patientia salubriter exercetur, charitas salubriter ardescit, et spes sublimer ad æterna gaudia rapitur. Altitudo significat spem retributionis æternæ vel futuræ; pro qua prospera vel adversa contemnit donec videat bona Domini in terra viventium (Psal. xxvi, 29). Templum Ecclesiam significat; porticus vero quæ ante templum prior lumen accipiebat solis, illam Ecclesiæ partem quæ Domini incarnationem præcessit, in qua patriarchæ et prophetæ fuerunt, qui orientem justitiæ Solem primi susceperunt, et nascenti Domino in carne vivendo, prædicando, et nascenti et moriendo testimonium præbuerunt. Antiqui justi in patientia et longanimitate expectabant, quando incarnatus Dominus evangelii gratiam afferret, pro-*

(49) Ex eod. Beda, cap. 4.

(50) Beda, cap. 5.

(51) E. lit. Aprilis.

(52) Hæc ex cap. 4, circa fin.

(53) Supp. ex edit. post collata in nobis juxta exemplum sublimium virorum fundamenta humilitatis, addendus est, etc.

(54) Jam cap. 6.

missiones suas a longe aspicientes et salutantes (Heb. xi). *Æquabat ergo porticus longitudinem et latitudinem templi; quia per longanimitatem mentis desiderabant venire ad dilectionem Ecclesiæ, quæ est in Christo Jesu.*

*Sed in quo loco cepit Salomon ædificare templum? In montem videlicet Moria, qui demonstratus fuerat David patri ejus in area Orna [f. Ornan] Jebusæi (55). Domus Domini in monte ædificatur, id est in Christo, de quo dicitur: Et erit in die illa præparatus mons domus Domini in vertice (Isai. ii), etc. Ipse quippe est mons montium, qui de terra secundum carnem ortus, omnium terrenorum potentiam et sanctitatem culmine dignitatis transcendit. Qui recte mons Moria, id est visionis, dicitur; quia quos ad æternam claritatis visionem conservat, in hac vita laborantes videre et adjuvare dignatur. Arca Ecclesiæ significat. Unde est illud evangelicum: Purgabit aream suam Dei Filius, id est Ecclesiam suam: triticum congregabit in horreum suum, paleas autem comburet igni (Matth. iii). Ornam vero qui illuminatus dicitur, natione Jesusæus, gentiles significat illustrandos a Domino, et in filios Ecclesiæ immutandos. Unde est illud: Fuiſtiſ aliquando tenebræ, nunc autem lux in Domino (Ephes. v). Jebus conculcatæ interpretatur; Jerusalem vero visio pacis dicitur, in qua dum Ornam gentilis regnat, Jebus dicitur; cum David in eam locum holocausti emit (I Paral. xxi), et Salomon ædificat templum Domini, Jerusalem vocatur; quia gentilitas divini cultus nescia conculcatur et illuditur a dæmonibus. Sed cum eam gratia Salvatoris respicit, pacis in se locum et nomen invenit. Unde dicitur: Beati pacifici, quoniam filii Dei vocabuntur (Matth. v).*

(56) *Fecit etiam Salomon in templo fenestras obliquas. Fenestræ obliquæ sunt, quibus pars exterior angusta, et interior diffusa est. Dicuntur autem fenestræ, eo quod lucem fenerentur. Lux enim Græcè ὄψ dicitur; alii fenestram putant, eo quod domus lucem ministret, compositum videlicet nomen ex Græco Latinoque sermone. In fenestris ergo obliquis pars illa per quam lumen intrat, angusta est; sed pars interior quæ lumen suscipit, lata; quia mentes contemplantium quamvis tenuiter de vero lumine videant, in semetipsis tamen magna amplitudine dilatantur, quæ videlicet et ipsa quæ conspiciunt, capere pauca vix possunt.*

(57) *Ostium templi Dominus est; quia nemo venit ad Patrem nisi per ipsum, sicut ipse ait (58): Ego sum ostium. Per me si quis introierit, salvabitur (Joan. x), etc. Templum enim versum erat ad orientem, et porticus habebat ostium ab oriente contra ostium templi, ita ut sol æquinoctialis oriens directis radiorum lineis per ostia tria, porti-*

*eus scilicet, templi, et oraculi, arcam testamanti perfunderet. In prima fronte porticus fuere primi justi, Abel scilicet, Seth, Enoc, Noe, Abraham, Isaac, et Jacob, et cæteri Patres veteris testamenti. In intimo ejus penetrati et quasi prope muram templi (59), præcursores Domini, Simeon videlicet, Anna et cæteri, qui etsi nativitatem ejus videre meruerunt, doctrinam tamen illius audire, et sacramenta percipere nequiverunt (60). Non habebat templum culmen in superioribus, sicut nec tabernaculum, sed erat æquale, quomodo in Palestina et Ægypto domus sunt. Tabulatum autem, quo operta est domus significat eximios in resurrectione viros, et singulari sanctitate ad virtutis apicem pervenientes, quorum uni dicitur: Inter natos mulierum non surrexit major Joanne (Matth. xi), etc. (61). Notandum quod triginta cubiti altitudinis, de quibus supra legitur, usque ad medium cœnaculum pertingebant, deinde triginta usque ad tertium addebantur, quousque ad porticum, quæ erat circa templum ab austro, aquilone, et occasu tectum perveniebant, secundum Josephum; deinde usque ad supremum templi tectum sexaginta cubiti numerabantur, et sic tota altitudo templi secundum Paralipomenon in centum viginti cubitos consummata est. Quod autem omnis altitudo templi erat centum viginti cubitorum, primitivam significat Ecclesiam, quæ Spiritus sancti donum accepit in hoc numero virorum (Act. i). Apte etiam in hoc tertio domus Domini cœnaculo consummatur, quia post præsentis fidelium labores, post acceptam in futuro requiem animarum plena totius Ecclesiæ felicitas in resurrectione complebitur.*

*Igitur ædificavit Salomon domum, et consummarit eam: et ædificavit parietes domus intrinsecus tabulatis cedrinis. Parietes intrinsecus tabulatis cedrinis operiuntur, cum corda fidelium amore virtutum redundant (62). Sicut enim cedrus perfectos significat viros, ita locis opportunis celsitudinem virtutum, quibus ad eandem pervenitur, perfectionem insinuat. A pavimento domus usque ad summitatem, et usque ad laquearia, operuit lignis intrinsecus. Teguntur omnia lignis a pavimento domus usque ad summitatem et usque ad laquearia, cum electi a primis fidei rudimentis usque ad perfectionem bonæ actionis, et usque ad perfectum patriæ cœlestis ingressum insudant operibus bonis; cum a primis justis usque ad ultimos in consummatione sæculi, omnes virtutibus student, quorum merito dicere audeant: Christi bonus odor sumus Deo (II Cor. ii). Et texit pavimento domus tabulis abiegnis. Hoc in Paralipomenon plenius scriptum est sic: Stravit pavimento templi pretiosissimo marmore multo decore (II Paral. iii). Unde patet, quod tabulas*

(55) Rursum ex cap. 5.

(56) Hæc ex S. Isid. lib. xv *Etym.*, c. 7.

(57) Rursum ex Bed., cap. 5.

(58) *Supp. ex edit.* Hinc alibi dicit.

(59) *Edii.* parentes præcursoris Domini, Si-

mon, et Anna, etc.

(60) Jam ex cap. 9.

(61) Hæc ex cap. 8.

(62) Rursum ex cap. 9.

abiegnas quibus pavementum texit, non in terra A posuit : sed primo illud marmore protexit, deinde tabulas superposuit, et tertium his duobus auro vestitum addidit. Aequitas pavementi, sanctorum concordiam et humilitatem insinuat. (63). Lapidis parietis vel pavementi, tabulae et aurum, sanctorum vitam significant; sed lapides vivi sunt sancti, fortitudine fidei in unam eandemque regulam glutinati; tabulae cedrinae vel abiegnae, latitudine variarum virtutum secundum donationes Spiritus sancti una fide ad alterutrum connexi. Marmor candidum ex quo constructa est domus, electorum actionem mundam significat, et conscientiam ab omni naevo corruptionis castigatam. Unde est illud: *Mundemus nos ab omni inquinamento carnis et spiritus, perficientes sanctificationem in timore Dei* (II Cor. vii). Auri laminae sunt supereminentem scientiae charitatem habentes.

(64) *Aedificavitque viginti cubitorum ad posteriorem partem templi tabulata cedrina, a pavimento usque ad superiora : et fecit interiorem domum oraculi in Sanctum sanctorum.* Prior domus in quam semper introibant sacerdotes, sacrificiorum officia consummantes, praesens Ecclesia est, in qua quotidie piis insistentes operibus, Domino sacrificia laudis offerimus. Interior vero, quae ad posteriorem templi partem facta est, vitam aeternam in caelis significat; interior quidem a conversatione nostri exsili, quia in praesentia summi Regis perpetua beatorum solemnitas agitur. Unde dicitur: *Intra in gaudium Domini tui* (Matth. xxv). Sed tamen posterior est tempore, quia post saeculi labores. *Porro quadraginta cubitorum erat ipsum templum pro foribus oraculi. Et cedro omnis domus vestiebatur, habens tornaturas, et juncturas suas fabrefactas.* Illic numerus in significatione praesentis laboris ponitur, sicut quinquagenarius futurae quietis et pacis. Decem enim sunt praecipua, quibus ad vitam pervenitur; denario significatur vita quam desideramus et pro qua laboramus. Quadratus vero, mundus in quo pro eadem acquirenda certamus, ut est illud: *De regionibus congregavit eos; a solis ortu, ab aquilone, et mari* (Psal. cvi). (65) *Habet domus in tabulis cedrinis tornaturas suas et juncturas fabrefactas, cum electi ad invicem pulcherrima charitatis copula* D *nectuntur, ut cor unum habeant et animam unam. Tornaturae enim quae juncturis tabularum apponuntur, ut unum tabulatum fiat ex omnibus, officia sunt charitatis, quibus sancta fraternitas copulatur, et unam Christi domum toto orbe terrarum componitur. Oraculum ubi erat arca, habebat vicinos cubitos in longitudine et latitudine, et altitudine, id est per quadratum; quia in superna patria ubi Christum Regem vident oculi sanctorum, sola charitatis divinae gratia refulget per omnia. Unde sequitur: *Et operuit illud atque vestivit auro purissimo; quia**

supernae moenia civitatis gratia charitatis implevit. (66) *Altare* (67) *etiam thymiamatis quod erat ante oraculum, de quo subditur: *Et totum altare oraculi texit auro.* Unde intelligitur, qui idem altare de lapide factum, cedro vestitum, deinde auro coopertum est. Paries caelivus domus interioris januaem habebat in superioribus per totum, quo fumus incensorum intraret; quia oculi Domini aperti sunt super domum eorum die ac nocte, et aures in oratione servorum suorum intente, et hoc per totam Ecclesiae latitudinem diffusae per orbem. Interior domus secreta caeli, arca foederis Salvatorem significat, in quo foedus pacis habentis apud Patrem, qui post resurrectionem ascendens in caelum, carnem sumptam de Virgine in Patris dextera collocavit. Oraculum enim vocatur, cum divina hominibus vel angelica locutio cum secretorum revelatione conceditur. Unde bene oraculum in abditiis, id est in interiore domo, factum est; quia in superna patria angelorum visio et allocutio et ipsa Dei praesentia revelabitur. Unde est illud: *Venit hora, cum jam non in proverbii loquar vobis, sed palam de Patre annuntiabo vobis* (Joan. xvi). Et iterum: *Ego diligam eum, et manifestabo et meipsum* (Joan. xiv). Domum quoque ante oraculum operuit auro purissimo; quia perfecti in hac vita necdum de Patre parabolam audire, idem (f. idem), necdum palam queunt videre; sed idem et opus justitiae, ne mortua aut otiosa videatur, divino ornant amore, per quam plenam Dei cognitionem mereantur. Clavi aurei quibus laminae aureae alligebantur, praecipua charitatis, et promissa aeternae claritatis surt, quibus in exercitio virtutum, ne deficiamus, donante Christi gratia continemur. *Et totum altare oraculi texit auro.* Hoc altare perfectorum vitam significat, qui quasi in vicinis oraculi positi, desertis infimis delectationibus, ad solum regni ingressum curam intendunt. Unde in hoc altari non carnes victimarum, sed sola incendebant thymiamata; quia tales non adhuc peccata carnis, et illecebras cogitationum in se mactare opus habent, sed tantum orationum et desideriorum spiritualium odora menta per ignem aeterni amoris in conspectu Conditoris offerunt: *Domus autem cum aedificaretur, lapidibus delatis atque perfectis aedificata est; et malleus, et securis, et omne ferramentum non sunt audita in domo, cum aedificaretur;* quia fideles qui ad aedificium caeleste pertinent, non debent litigare, murmurare, detrudere, nec in supervacuis rebus contendere, sed in omni pace et concordia vivere. In silentio proficit et aedificatur domus Dei, quia congregationi electorum, quae aeterni Regis est habitatio, ab omni convenit cessare tumultu saeculi.*

*Et fecit in oraculo duos cherubim de lignis ali-*

(63) Haec ex cap.

(64) Ex cap. 10. Beda ubi sup.

(65) Jam ex cap. 11.

(66) Ex cap. 12

(67) Suppl. et corrigo ex edit.: *Sed et altare vestivit cedro. Altare dicit thymiamatis, etc.*

varum, *decem cubitorum altitudinis* (68). Cherubim angelicæ dignitatis vocabulum est: et singulariter cherub, pluraliter vero cherubim. Per cherubim ergo angelica ministeria quæ Conditori semper assistunt in cœlis, possunt intelligi. De lignis olivarum decem cubitorum altitudinis esse dicuntur; quia angeli gratia spirituali uncti sunt, ne unquam arescant ab amore Dei, quos luce cœlestis sapientiæ mox ipse qui creavit, implevit. Possunt per duo cherubim duo testamenta figurari. Qui cherubim in oraculo sunt facti, quia in consilio divinæ provisionis nobis inaccessibili et incomprehensibili ante sæcula dispositum est, quando, et qualiter, quibusve auctoribus Scriptura conderetur. Duo facti sunt cherubim propter consortium charitatis significandum; quia minus quam Inter duos charitas constare non potest. Unde et discipuli ad prædicandum mittuntur bini (*Luc. x*). Alæ cum in sanctorum hominum mentibus fixæ ponuntur, virtutes eorum significant, quibus ad cœlestia volant et conversantur. Cum vero in significatione angelorum ponuntur, gratiam perpetuæ et indefectivæ felicitatis eorum, qui semper in cœlestibus in ministerio sui persistunt Conditoris. Vel quia levitate spiritualis naturæ sunt præditi, ut ubicunque voluerint, statim quasi volando perveniant. Quinque cubitorum ala cherub una, et quinque cubitorum ala cherub altera; quia in omni labentium rerum varietate sancti homines sensus corporis in obsequium Conditoris extendunt, oculos habentes semper ad Dominum, audire et desiderare vocem laudis ejus, et enarrare universa mirabilia ejus. Decem cubitorum altitudinis sunt, qui (*f. quia*) denario æternæ vitæ fruuntur, habentes inviolatam Conditoris imaginem, servata sanctitate, justitia et veritate in qua conditi sunt. Denarius enim decem obolis constat, et continere in se nomen et regis imaginem solet. Unius operis et mensuræ sunt duo cherubim, quia nulla dissensio voluntatis in superna patria est, ubi una eademque præsentis Dei visione et gloria omnes illustrantur. Alæ igitur cherubim interiores super arcam se invicem contingebant; quia pari de Domino attestations consentiunt. Item alis exterioribus istæ unum parietem, illæ alterum contingebant; quia Vetus Testamentum proprie antiquo Dei populo scriptum est, Novum nobis qui post incarnationem Domini ad fidem venimus. Et secundo parietis, id est septentrionali, comparantur, quibus post frigora et tenebras idololatriæ lucem veritatis cognoscere datum est. Extendunt alas ad invicem super arcam, cum ad laudem Creatoris referunt bonum quod acceperunt. Extendunt etiam ad utrumque parietem oraculi alas: quia lætantes in cœlesti patria justos utriusque plebis visione quoque suæ gloriæ ad laudem Creatoris excitant.

(68) Ex cap. 13

(69) Ex cap. 14.

Nec solum de illorum quæ secum habent Intus, justorum felicitate lætantur; sed etiam nostrum, quæ foris adhuc positi de profundis ad Dominum clamamus, curam gerunt. Unde de eis in Paralipomenon scriptum est: *Ipsi stabant erectis pedibus, et facies eorum versæ erant ad exteriorem domum* (*II Paral. iii*); quia scilicet a via veritatis in qua mox conditi positi sunt, nunquam aberraverunt; et nos ab hujus peregrinationis ærumna ereptos, ad suum desiderant pervenire consortium. Sic ergo pedibus stant erectis, sic alas auro tectas ad oraculi parietes extendunt, ut facies habeant versas ad domum exteriorem: quia angeli sic suam perpetuo innocentiam conservant, sic de sanctarum animarum beatiudine in cœlis exsultant; ut eis etiam quos adhuc in terris peregrinari conspiciunt, opem ferre non desistant, donec ad cœlestem patriam eos perducant. Omnes enim sunt *administratorii spiritus, in ministerium missi propter eos, qui hereditatem capiunt salutis* (*Hebr. i*).

Et omnes parietes templi per circuitum sculpti variis calaturis et torno (69). Sculpuntur parietes torno, cum prompto animo pollent fideles ad faciendum quæ Dominus præcipit, hoc per singula dicentis: *Benedicam Dominum in omni tempore; semper laus ejus in ore meo* (*Psal. xxxiii*). Et iterum: *Paratum cor meum Deus*, etc. (*Psal. lvi*). Quia tornatura cæteris artibus velocitate præcellit, et ipsa sibi regulam, qua sine errore operetur, servat, bene per hanc pia sanctorum vita signatur, quæ parata est semper ad obsequium Domini, et hoc implere sine diverticulo errandi, longousu virtutum exercitata, didicit. Facit picturas varias quasi prominentes de pariete et egredientes, cum Deus multifarias virtutum operationes fidelibus tribuit, viscera scilicet misericordiæ, benignitatem, humilitatem, patientiam, modestiam, etc.; super omnia autem charitatem, quæ est vinculum perfectionis (*Col. iii*). Pavimenti æqualitas, humilem concordiam fraternitatis significat, ubi cum sint Judæi et gentiles, barbari et Scythæ, liberi et servi, nobiles et ignobiles; cuncti se in Christo esse fratres, et eundem Patrem habere in cœlis gloriantur. Textit ergo Salomon pavementum domus auro intrinsecus, quia Christus angelos et animas justorum in cœlis plenario dono perfectionis implevit, et peregrinantes in sæculo cives patriæ cœlestis signaculo dilectionis æternæ a mortalium vilitate secretit.

Et in ingressu oraculi fecit duo ostiola de lignis olivarum, postesque angulorum quinque (70). Unus erat ingressus, sed duobus ostiis clauderetur, et eisdem reseratis aperiebatur, sicut et templum et porticus ante templum unum tantum habebant introitum, quia *unus Dominus, una fides, unum baptismum, unus Deus et Pater omnium* (*Ephes. iv*). Duo sunt ostiola, quia Deum et proximum diligunt au-

(70) Ex cap. 15.

geli et homines sancti; neque janua[m] vitæ nisi per A geminam dilectionem possunt intrare. Postes habent angulorum quinque, quia non solum animas electorum aula cælestis recipit, sed et corporibus immortali gloria præditis in iudicio fores aperit. Quinque enim sunt sensus corporis. Uterque ergo postis oraculi altus est quinque cubitorum, quia solis illis supernæ patriæ introitus panditur, qui omnibus cordis et corporis sensibus Domino serviunt. *Et sculpsit in ostiis picturam cherubim, et palmarum species, et anaglyfa valde proeminentia, et texit ea auro, et operuit tam cherubim, quam palmas, et cætera auro. Anaglyfa Græcæ, cælaturæ dicuntur Latine; quia virtutum operibus quæ per orbem Ecclesia in sanctis et perfectis viris exercet, illi præcipue quibus fidelium cura commissa et claves regni cælorum sunt datæ, omni debent solertia insistere, ut quantum gradu præeminent cæteris, tantum præcellant merito bonæ actionis. Habent enim in se picturam cherubim sculptam, cum cælestem in terris vitam pro posse suo mente et opere imitantur. Habent palmarum species, cum supernam retributionem fixa intentione meditantur. Palma enim victricis manus ornatus est. Habent anaglyfa valde proeminentia, cum certissima bonorum operum documenta, et quæ nemo sinistre interpretari valeat, ostendunt. Fecitque in introitu templi quadrangulatos postes de lignis olivarum, et duo ostia de lignis abiegnis altrinsecus: et utrumque ostium duplex erat, et se invicem tenens aperiebatur. C Sicut ingressus oraculi quo ad arcam Domini cherubimque pervenitur, introitum cæli significat, quo ad visionem Dei supernorumque civium nos introduci desideramus; ita introitus in templum primordia nostræ conversionis ad Deum insinuat, quando in præsentem Ecclesiam intramus. Iste ingressus nostrum ad fidem, ille designat ad speciem. Unde postes hujus introitus quadrangulati sunt propter quatuor Evangelii libros, quorum doctrina in fide veritatis crudimur. Aliter: Quadrangulatos esse referuntur propter quatuor scilicet principales virtutes, prudentiam, fortitudinem, justitiam, temperantiam, quarum fundamento firmissimo omnis bonorum actuum structura nititur. Prudentia enim est, qua discimus quid nos agere, qualiter vivere deceat. Fortitudo, per quam ea quæ agenda didicimus, implemus. Quas bene Propheta complectitur dicens: Dominus illuminatio mea, et salus mea (Psal. xxvi). Illuminatio scilicet, ut quæ agere debeamus, edoceat. Salus vero, ut hæc agenda confirmet. Temperantia est qua discernimus, ne plus aut minus justo prudentiæ vel fortitudini studeamus. Et quia quisquis prudentia, fortitudine, et temperantia utitur, vere est justus; quarta post prudentiam et fortitudinem et temperantiam justitia sequitur. Introitus interioris domus duo habe-*

bat ostia non duplicia sed simplicia; quia in æterna beatitudine non erit necessaria fides, nec spes, uli quæ nunc credimus et speramus, manifeste videbimus.

His ostiis velum additum est, sicut in Paralipomenon scriptum est: *Fecit, inquit, velum ex hyacintho, purpura, cocco, et bysso: et intexuit ei cherubim (II Par. iii)*, decoris scilicet gratia, ut inter parietes deauratos etiam olosericum fulgeret. Illius ergo veli sedula apertio, id est intrantibus revelatio, significat apertionem legis et regni cælestis, quæ nobis per incarnationem Christi donata est. Unde, baptizato Domino, cæli aperti sunt (Matth. iii), ut ostenderet, quia per baptismum quod ipse nobis consecravit, janua[m] cæli debemus ingredi. Et ipso moriente, idem *velum scissum est in medium a summo usque deorsum (Matth. xxvii)*; ostendens quia figuræ legis jam finitæ erant, et veritas Evangelii arcanaque cælestia, et ipse cæli ingressus non adhuc figuratim significandus, sed statim omnibus aperiendus, qui ab initio mundi in fide veritatis de mundo transierunt. Unde idem velum sub quo in oraculum intrabatur, ex hyacintho, purpura, cocco, et bysso factum est, eique cherubim intexti. Hyacinthus enim qui cæli colorem imitatur, supernorum desideriis comparatur. Purpura vero quæ sanguine conchyliorum conficitur, et sanguineam præfert speciem, sacramentum Dominicæ passionis significat; quam nos imitari, crucem nostram portando, debemus. In cocco rubei coloris virtus exprimitur Dei amoris. Unde dicitur: *Nonne cor nostrum ardens erat in nobis (71)? (Luc. xxiv.)* Bysus, id est linum, qui de terra virens oritur, et longo artificum exercitio exuit virorem, et educitur in alborem, castigationem carnis significat. Unde Apostolus: *Mortificate membra vestra, quæ sunt super terram, etc. (72), fornicationem, immunditiam, libidinem, etc. (Coloss. iii)*. Iterum ad album nos vult perducere candorem, cum dicit: *Obsecro vos ut exhibeatis corpora vestra hostiam viventem, sanctam, Deo placentem, etc. (Rom. xii)*. Intextuntur cherubim, et eisdem coloribus conficiuntur, cum in universis quæ pie agimus, a venenatis dæmonum telis per angelorum præsidia, Domino donante, protegimur. D

Post hæc *ædificavit atrium interius tribus ordinibus lapidum politorum, et uno ordine lignorum cedri (73)* Ædificium ergo templi intra atrium sacerdotum perfectorum in Ecclesia vitam significat, qui excellentia virtutum Domino appropinquant, et aliis verbo et opere ducatum salutis ostendunt. Sacerdoti enim indicitur, quod sacrum minoribus ducatum præbeat; quo nomine non solum altaris ministri, episcopi scilicet et presbyteri, sed et omnes censentur, qui altitudine doctrinæ et conversationis præeminent, qui nec sibi tantum, sed etiam plebi-

*cætera; manifeste corruptus est.*

(72) Superest hoc, etc.

(73) Ex c. 16. circa medium.

(71) Illic recte prosequuntur edit.: *dum loqueretur in via, et aperiret nobis Scripturas? Verum noster ws. qui ita scribit post verbum nobis; de i, d, et*

bus prosunt. Qui dum corpora sua hostiam viventem, A  
*sanctam, Deoque placentem* (Rom. xii) exhibent; sacerdotale ministerium spiritualiter exercent. Unde toti Ecclesie loquitur Petrus: *Vos autem regule sacerdotium, gens sancta, populus acquisitionis* (I Petr. ii). Tria legimus atria in circuitu templi fuisse. Nam quando in Sancta sanctorum intrabat pontifex, in ipsum templum sacerdotes purificati stabant; et non purificati, una cum Levitis et cantoribus, et cum viris Judæis orantes in iulium atrium sub divo, id est in aperto sub aere, si serenum esset, stabant; si vero tempestas, in porticus proximas sese recipiebant. In exterius vero atrium Judæe mulieres purificatae erant. In extremum vero atrium gentiles erant, et Judæi qui nuper venerant ex gentibus usque ad sextum purificationis diem. De his atriiis præcinens Psalmista dicebat: *Ecce nunc benedicite Dominum, omnes servi Domini, qui statis in domo Domini, in atriiis domus Dei nostri* (Psal. cxxxiii). In his atriiis atque porticibus Jeremias et alii prophetæ, in his Dominus et apostoli prædicabant, in harum aliqua Dominus sedebat docens, quando tentantibus Phariseis oblata est illi mulier adultera judicanda (Joan. viii). In his consistebant vendentes oves, et hoves, et columbas, quos eliminavit de templo (Joan. ii). In his Petrus et Joannes claudum invenientes sanaverunt (Act. iii). In his orabat omnis multitudo populi, quando incensum ponenti Zachariæ angelus ad altare thymiamatis apparuit, eumque de præcursoris Domini nativitate perdocuit (Luc. i). Accedebat vulgus usque ad atrium sacerdotum, et hostias usque ad januam deferebat susceptas a sacerdotibus, et in altari oblatas oculis prosequabatur; et ipsum etiam templum cum aperiebatur, a longe inspiciebat, nec tamen etiam atrium sacerdotum intrare poterat, sed de inferioribus ad Dominum clamabat; quia nec carnalium in Ecclesia simplicitas a Domino despicitur, quando fideliter, quæ possunt, vota pietatis offerunt. Inspiciunt enim in templum a longe, cum vitam sublimium discere et admirari gaudent; et quos virtutis imitatione sequi nequeunt, piæ venerationis amplectuntur affectu. Unus ordo lignorum cedri bona est operatio sine simulationis corruptione exhibitæ, sine cujus adjectione fides, spes, et charitas vera esse non potest. Ligna enim cedri propter odoris gratiam et imputribilem naturæ potentiam, perseverantiam, et famam piæ actionis designant.

Anno quarto regis Salomonis fundata est domus Domini in mense Zio, id est Maio; et in anno undecimo ejusdem regis mense Bul, id est October, perfecta est domus in omni opere suo, et in omnibus utensilibus suis. (74) Quod autem in octavo anno et octavo mense perfecta est domus in omni opere suo, ad futurum sæculum diemque judicii pertinet, ut quid ei amplius addatur, inveniri non possit. Tunc

(74) Ex cap. 17.

enim Christus ostendit nobis Patrem, et sufficit nobis (Joan. xiv). Dies autem judicii octonario numero typice exprimitur, quia hoc sæculum quod agitur septem diebus sequitur. Edificavitque eam annis septem, et octavo consummavit; quia Ecclesia toto hujus sæculi tempore, quod septem dierum circuitu peragitur, ex electis constructur animabus, et in fine sæculi suum incrementum ad perfectum perducit. Vel ob significationem spiritualis gratiæ, per quam Ecclesia solum ut sit Ecclesia percipit: quia sine Spiritu sancti donis nemo fidelis effici, vel fidem servare, vel merito fidei ad coronam justitiæ potest pervenire. Hiram artifex de Tyro, quem assumpsit Salomon adjotorem operis sui, electos de gentibus prædicatores significat. Mater ejus vidua præsentem Ecclesiam designat, pro qua Christus vir ejus morte gustata resurrexit, in cælum ascendens, peregrinantem reliquit in terris, casus filii sunt prædicatores et omnes fideles. Unde est illud: *Pro patribus tuis nati sunt tibi filii*, etc. (Psal. xlii).

Et finxit duas columnas æreas, decem et octo cubitorum altitudinis columnam unam, et ejusdem altitudinis columnam alteram; et linea duodecim cubitorum ambebat columnam utramque (75). Ter enim seni decem et octo faciunt; sed tria ad fidem pertinent propter Trinitatem, sex vero ad operationem, quia sex diebus factus est mundus. Tria per sex multiplicantur, cum justus ex fide vivit (Habac. ii), et cognitionem piæ fidei cumulat ex securitate bonæ actionis. Linea duodecim cubitorum quæ utramque ambebat columnam, doctrina est apostolorum. Norma igitur apostolicæ institutionis ambit columnam utramque, cum doctor Judæis vel gentibus prædicare missus, ea tantum curat facere et docere, quæ per apostolos accepit et didicit ab Ecclesia. Nam qui aliter vivere vel prædicare voluerit, et apostolica decreta spernere, non est columna in templo Dei; quia cum apostolica statuta sequi contemnit, vel exillitate inertiae, vel grossitudine elationis, duodecim cubitorum lineæ non convenit. Duo igitur columnæ apostolos et cunctos doctores significant fortes fide et opere et erectos contemplatione. Duæ autem sunt, ut præputium et circumcissionem prædicando in Ecclesia introducant. Ostium templi columnæ ab utroque latere positæ circumstant, cum ministri sermonis utriusque populo introitum cæli ostendunt. Duo autem capitella capitibus columnarum superposita duo sunt testamenta, quorum meditationi et observationi doctores et animo subjiciuntur et corpore. Unde et utramque capitellum quinque cubitos altitudinis habet; quia quinque libris Scriptura Mosaicæ legis comprehenditur. Quinque etiam sæculi ætates tota Veteris Testamenti series complexa est. Novum vero Testamentum non alia prædicat, quam quæ Moyses prædicanda per hoc prædixerat et prophetae. Unde est

(75) Ex cap. 18.



illud : *Si crederetis Moysi, crederetis forsitan et mihi* A  
(Joan. v).

*Et fecit species retis et catenarum sibi invicem miro opere contextarum* (76). Species enim catenarum, et similitudo retis in capitellis varietas est spiritualium virtutum in sanctis. Unde est illud : *Astitit regina a dextris tuis, etc.* (Psal. XLIV), id est in vestitu fulgidæ dilectionis, circumdata varietate diversorum charismatum. Vel multiplex contextio catenarum et expansio retis multifarias doctorum personas insinuat, qui cum verbis prædicatorum fideliter obediendo adhærent, quasi columnarum capitibus superpositi, retis et catenulæ miraculum suæ connexionis cunctis præbent. Hæ enim catenæ miro sibi invicem sunt opere contextæ, quia mirabili gratia Spiritus sancti actum est, ut vita fidelium locis, temporibus, gradu, conditione, sexu, et ætate multum discreta, una fide et dilectione : i conjuncta. *Et septena versuum retiacula in capitello uno erant, et septena in capitello altero.* Septenario numero spiritualis gratia signatur. Unde dicitur : *Septem spiritus Dei missi in omnem terram* (Apoc. v). Septena ergo versuum retiacula erant in capitello utroque; quia Patres utriusque testamenti per gratiam unius Spiritus septiformis ut essent electi acceperunt : *Et perfecit columnas, et duos ordines per circuitum retiaculorum singulorum, ut tegerent capitella, quæ erant super summitatem malogranatorum.* Facta sunt hæc retiacula ut tegerent capitella, id est undique in gyrum circumdarent; quia omnis Scriptura sacra cum recte intelligitur, gratiam per omnia sonat charitatis et pacis. Capitella enim sunt divina Volumina. Retia vero, vincula mutæ dilectionis. Et retiaculis teguntur capitella, cum sacra eloquia dono charitatis undique probantur vestita. Nam et in eis quæ in Scripturis non intelligimus, charitas latet, et in eis quæ intelligimus, late patet : *Capitella autem, quæ erant super capita columnarum, quasi opere liliæ fabricata erant in porticu cubitorum quatuor.* Per lilia, claritas supernæ patriæ et immortalitatis floribus redolens paradisi designatur amœnitas, per quatuor vero cubitos evangelicus sermo qui introitum æternæ beatitudinis promittit, et iter perveniendi ostendit. Cum ergo sancti doctores promissa nobis lumina regni cœlestis in quatuor D

*Et rursus alia capitella in summitate columnarum desuper juxta mensuram columnæ contra retiacula.* Quorum scilicet capitellorum factura perennis regni sublimitatem designat, quam nec oculus vidit, nec auris audivit, nec in cor hominis ascendit, quæ præparavit Deus diligentibus se (I Cor. XI). Post lilia quatuor cubitorum alia sunt posita capitella, quorum altitudo quanta fuerit non dicitur; quia multa de cœlesti beatitudine in Evangelio legimus, quod scilicet *ibi mundi corde Deum videbunt* (Matth. v); quod erunt *æquales angelis Dei*, quod

(76) Ex cod. cap.

*non nubent neque nubentur* (Matth. xxii); quod *morì ultra non poterunt* (Luc. xx); quod *ubi est Christus, ibi et ministri ejus erunt* (Joan. xii), et cætera hujusmodi quæ solis ejus civibus perfecte patent.

Sicut malogranatorum uno foris cortice multa interius grana concluduntur; ita sancta Ecclesia uno fidei munimine innumera electorum agmina includit. Bene autem capita columnarum malogranatis erant circumdata in gyro; quia sancti doctores priorum fidelium vitam ad memoriam revocant, eorum exemplis actus suos et sermones undique muniant; ne si aliter vixerint, errent. In malogranatis, ergo tota significatur Ecclesia. Ducenti ordines malogranatorum in circuitu utriusque capitelli fuisse referuntur. Centenarius vero numerus, qui prius transit ad dexteram, beatitudinem indicat æternam. Duplicatur hic numerus malogranatorum in circuitu capitelli secundi, ut significetur quod utriusque testamenti populus in Christo sit adunandus, et ad æternam coronam introducendus.

*Et statuit duas columnas in porticu templi, cumque stavitisset columnam dexteram, vocavit eam nomine Jachin, id est firmitas; similiter erexit columnam secundam, et vocavit nomen ejus Booz, id est in robore.* Dextera igitur columna eos significat, qui venturum in carne Dominum prophetando prædixerunt; secunda illos, qui jam hunc venisse et mundum redemisse testantur. Simili vocabulo ambæ columnæ censentur. Una enim firmitas, altera in robore dicitur: ut una fidei et operis fortitudo cunctis inesse doctoribus monstraretur, et nostri temporis inertia tacite notaretur, ubi se quidam doctores, sacerdotes et columnas domus Dei videri et vocari volunt, cum nihil in se firmæ fidei ad contemnendas sæculi pompas et desideranda bona invisibilia; nihil habeant roboris ad corrigendos, nihil industriæ saltem ad intelligendos eorum quibus prælati sunt, errores

*Fecit quoque mare fusile decem cubitorum a labio usque ad labium, rotundum in circuitu* (77). Mare baptismum significat, quia a primo baptizato in morem, id est in forma Jesu Christi, usque ad ultimum qui in fine sæculi crediturus et baptizandus est, omnis fidelium chorus eandem veritatis viam ingredi, et communem debet sperare a Domino justitiæ coronam. Quinque cubitorum erat altitudo ejus; quia quidquid visu, auditu, gustu, odoratu et tactu deliquimus, gratia Dei nobis per ablationem vivifici fontis relaxat. Sed non sufficit præteritorum remissio peccatorum, nisi quis deinceps bonis student operibus. Alioquin diabolus qui exierat de homine, si hunc a bonis viderit vacare operibus, multiplicius redit, et facit novissima illius pejora prioribus (Matth. xii). Per sacerdotes qui in hoc mari lavabantur, omnes electi signantur, qui sunt membra summi sacerdotis Jesu Christi. Unde dicitur : *Vos*

(77) Ex cap. 19.

*estis regate sacerdotium, gens sancta, populus acquisitionis* (I Petr. II). Recte hoc vas mare dicitur, in memoriam videlicet maris Rubri in quo prius per Ægyptiorum extinctionem baptismi forma præcessit. Unde est illud: *Patres nostri omnes sub nube fuerunt, et omnes mare transierunt, etc.* (I Cor. x.) *Et resticula triginta cubitorum cingebat illud per circuitum.* Resticula disciplinam cœlestium præceptorum indicat, quæ a voluptatibus mundi religantur. Unde dicitur: *Funiculus triplex difficile rumpitur* (Eccl. IV): quia observatio mandatorum quæ in cordibus electorum fide, spe et dilectione supernæ retributionis firmata est, nullo potest obstaculo dissolvi. Resticula mare ambit, cura sacramentum baptismi quod accepimus, piis operibus munire studemus. Resticula triginta cubitorum cingebat illud per circuitum, quia Dominus noster Jesus Christus cum esset triginta annorum, venit ad baptismum (Luc. III). Qui quoniam suo baptismate quod tricenarius accepit, consecravit nostrum baptismum; recte mare quod nostrum baptismum significabat, restis circuibat triginta cubitorum. *Duo etiam ordines sculpturarum histriatarum erant fusiles.* Sculptura autem histriata est, quæ aliquas rerum historias imitatur. Unde per sculpturas histriatas quibus mare circumdatur, exempla priorum temporum signantur, quæ nobis sunt intuenda, ut videamus quibus operibus ab initio sancti homines Deo placerent.

Iterum Scriptura dicit: *Et stabant subter duodecim boves, e quibus tres respiciebant ad aquilonem, et tres ad orientem, tres ad occidentem, et tres ad meridiem, et mare desuper erat super eos: quorum posteriora universa intrinsecus latitabant.* Per hos boves apostolos intelligimus et evangelistas, imo omnes Verbi ministros. Unde est illud: *Non alligabis os bovi trituranti, etc.* (Deut. xxv.) Ili mare sibi superimpositum portant, cum apostoli eorumque successores inunctum sibi Evangelii officium prompta devotione implent. E quibus tres respiciebant ad aquilonem, etc., quia universe quadrati orbis partibus fidem prædicant Trinitatis. Hinc quoque apostoli duodecim quater terni sunt electi, ut fidem et confessionem Trinitatis per quatuor mundi partes evangelizantes, baptizarent omnes gentes in nomine Patris, et Filii, et Spiritus sancti. Quorum et successorum suorum verba, actus, et passiones facile in præsentem videre et cognoscere legendo valemus. Quæ vero illis in futuro maneat gloria retributionis, nondum videre possumus. *Grossitudo autem lateris trium unciarum erat;* quia robore fidei, spei, et charitatis munitur perceptio baptismi. Neque aliter proficuum esse accipientibus ostenditur, nisi harum trium virtutum firma certitudo mentem accipientium et opera confirmet. *Labium maris erat quasi labium calicis, et folium repandi lili.* Liliū comitante odoris gratia candidum odorem foris,

(78) Melius edit. *efficimur.*(79) Edit. *Trium*, ut et *Vulgata.*

A intus arosum ostendit. Ideo gloriam resurrectionis ejus insinuat, qui corporis immortalitatem foris discipulis ostendit, et animam divina luce coruscantem simul inesse docuit. Christus quoque ante passionem suam quasi adhuc clausum, liliū fuit, eum in miraculis clarus homo refulsit. Post resurrectionem vero et ascensionem repandum sese liliū cœli avibus, id est angelis et omnibus sanctis, exhibuit, quibus in assumpta humanitate potentiam divinæ claritatis quam habuit, antequam mundus esset, ostendit. Unde dicitur: *Ego flos campi, et liliū convallium* (Cant. II). Labium ergo maris in quo sacerdotes labantur, quasi labium fuit calicis, et folium repandi lili; quia baptismus quoniam membra summi sacerdotis (78) mundantur, in fide passionis ejus nos a peccatis purificat, et purificatos ad visionem gloriæ suæ introducit. Cum prædictum sit, quod resticula triginta cubitorum mare circumferit, et sculptura rursus subter labium posita decem cubitis ambierit; patet quia vas erat in modum phialæ repandum et diffusum, quod a triginta cubitis circuitus quos habebat in labio, usque ad decem coarctavit. Mare duo millia capiebat batos, vel tria millia metretas. Batus capiebat metretam et dimidiam. Batus mensura Hebræorum est, quæ apud eos *bath* dicitur, habens modios tres. Ipsa est ephi, quam illi *epha* nuncupant; sed ephi pertinet ad mensuram frugum, batus vero ad liquida, vinum scilicet, aquam et oleum. Batus ergo, quæ certæ mensuræ norma est, opera æquitatis scilicet et justitiæ designat, quibus hi qui in remissionem peccatorum baptizantur, necesse habent institui. Mille batos capit mare, cum aqua baptismatis plebem Judæorum abluens, ad regnum cœlestem transmittit. Recipit et alios mille, cum gentiles eodem fonte renatos, et operibus justitiæ confirmatos, ejusdem regni facit esse participes.

*Et fecit decem bases æneas, quatuor cubitorum longitudinis bases singulas, et quatuor cubitorum, latitudinis et (79) quatuor cubitorum altitudinis. Et ipsum opus basium interrasile erat, id est intrinsecus cavum* (80). Multifarie multisque modis eadem nostræ salutis sacramenta figurantur. Apostoli enim et apostolici viri sicut per boves mare portantes designantur, et per bases quæ portandis lateribus paratæ erant, figurantur; sic ipsi lateres spirituale lavacrum, sicut et mare significabant. Siquidem juxta Paralipomenon, omnia in eis, quæ in holocaustum oblaturi erant, lavabant (II Par. IV). Holocaustum autem Domini generaliter omnis multitudo electorum intelligitur, qui baptizantur in Spiritu sancto et igni. Sicut ergo sacerdotes qui in mari lavabantur, significant eos qui per baptismum efficiuntur summi sacerdotis consortes, scilicet Christi; ita et holocausta eosdem significant, cum per abluitionem baptismi gratia Spiritus sancti replentur. Lavatur enim in lutere hostia, cum fidelis baptismo perfun-

(80) Ex cap 20.

ditur. Offeritur in holocaustum, cum impositione manus episcopi donum sancti Spiritus accipit. Quatuor cubitorum erat longitudo et latitudo basium; quia praedicatorum sive adversa mundi, et longitudinem exsilii, et laborum praesentium foris tolerant, sive cor in dilectione Dei et proximi interna exultatione dilatent, semper virtutibus student; prudenter scilicet interna bona et mala discernentes, fortiter adversa sustinentes, cor ab appetitu voluptatum temperantes, justitiam in operatione tenentes.

Sed et sculpturae erant inter juncturas, quibus scilicet luterum tabulae sibi nectabantur, ut ex quatuor scilicet vel quinque tabulis una fieret basis. Quales autem sculpturas bases inter has juncturas, id est in suis lateribus ante et retro, dextera et sinistra, et supra circulos quoque haberent, aperit, dicens: *Inter coronulas et plectas, leones et boves, et cherubim, et in juncturis similiter desuper.* Tabulae ex quibus bases factae sunt, quadratae fuerunt, in quibus formae rotundae erant, quae coronulae sive plectae appellantur, in quarum medio caelaturae erant. Non erat plana ulla ex parte superficies basis, sed undique mysticis sculpta figuris; quia sanctorum mentes, imo universa eorum conversatio virtutum gratia praetendit. Nec aliqua hora vacua praeterit, in qua non vacent piis operibus, vel sermonibus, vel cogitationibus. Coronulas in se sculptas habent, cum ad ingressum perennis vitae infatigabili desiderio anhelant. Plectas habent, cum inter desideria vitae caelestis quae sursum est, fraternae charitatis quae juxta est, vincula non dissolvunt. Habent inter coronulas et plectas leones, cum ita ad speranda caelestia mentem erigunt, ita ad diligendos proximos dilatant, ut quandoque errantes qui sibi commissi sunt, aspere intueantur et corrigant. Cum leonibus etiam boves habent, quando in correctione asperitati mansuetudinem miscent. Ungulam habere scissam non desinunt; quia discretionem actionis et locutionis summi opere custodiunt. Semper ruminant; quia verba divinae lectionis in ore volvere non cessant. Bene post coronas et plectas, post leones et boves cherubim sculpti esse memorantur, qui multitudinem scientiae scilicet Scripturarum significant; quia doctores fidelium quanto studiosius divinae Scripturae insistent, tanto et in severitate discretionis qua peccantes judicant, et in mansuetudine lenitatis qua poenitentibus remittunt, timent judicium Dei, ne injuste ligando aut solvendo, juste ipsi ligentur ab eo cuius non potest errare judicium. *Et super leones et boves quasi lora ex aere pendentia.* Per lora potestas ligandi atque solvendi ostenditur, quae a Domino Deo in Christo praelatis Ecclesiae in Petro et successoribus ejus conceditur.

Iterum subjungit, dicens: *Et quatuor rotae per bases singulas, et axes aerei, super quos bases erant; et per quatuor partes quasi humeruli subter luterem fusiles, contra se invicem respectantes, ut illum por-*

tae tarent. Quatuor rotae quatuor Evangeliorum libri sunt; quia, sicut volubilis rota citissime currit quod ducitur, ita jubente Domino, per apostolos totum mundum in brevi impleverunt. Et sicut rota impositum currum a terra sublevat, et quo auriga dirigit, portat; ita Evangeliorum libri electorum mentes a terrenis ad caelestia suspendunt, et ad profectum operationis vel mysterium praedicationis, quo spiritualia gratia adjuvare voluerit, ducunt; quia subditur: *Tales erant rotae, quales in curru solent fieri.* Sic etiam legimus de sanctis: *Carrus Dei decem millibus multiplex, millia latantium; Dominus in iis (Psal. LXXV).* Humeruli qui rotis antepositi ne ab axibus dilabi possent, obsistebant, praecordia sunt prophetarum, quibus evangelica et apostolica Scriptura, ne cui legentium in dubium veniant, confirmantur. Unde dicitur: *Habemus firmiorem prophetica sermonem cui benefacitis attendentes, quasi lucernae in caliginoso loco (II Pet. I).* Axes rotarum qui bases portant, corda doctorum sunt, quae evangelicis assidua praecipit eos ab imis sustollunt, et velut inmissis rotis axes a terra bases altius sublevant.

E contra os luteri intus erat versum; os unius cubiti; fundus cubiti et dimidii erat, venter autem quatuor cubitorum fuisse creditur, ut ad caelestia nobis per baptismum iter patefactum esse doceret. Et quod ex eo forinsecus apparebat, unius cubiti erat totum rotundum propter unitatem videlicet confessionis et fidei, qua omnes in confessione Patris, et Filii, et Spiritus sancti baptizantur. Unde est illud: *Unus Dominus, una fides, unum baptismum, Unus Deus et Pater omnium, qui est super omnia (Ephes. IV).* Habebat etiam unum cubitum et dimidium, propter perfectionem scilicet operis et luterum perfectionem indicat actionis honestae, quam habent sancti homines divinae gratiae operatione. In angulis autem columnarum, id est in lateribus basium, variae caelaturae erant, et media inter columnam quadrata, non rotunda. Mediam inter columnam dicit tabulam superiorem, quae sicut alia quadrata erat, similiterque sculpta et in summitate sui habebat rotunditatem unius et dimidii cubiti, in qua luter ponebatur. Rota quoque uno cubito et dimidio mesurantur, quia Scriptura Evangelii, qualiter, qui perfecti esse volunt, vivere debeant, ostendit, et donum aeternae retributionis promittit. Bases vero unum habebant cubitum, et semissem amplitudinis in summitate sui, ubi luteris reciperent, quia doctores et ministri lavacri opere quippe perfecti in hac vita fulserunt, se [sed] luce contemplationis ex parte finiti sunt. Unde dicitur: *Ex parte enim cognoscimus, et ex parte prophetamus (I Cor. XIII).* Quadraginta batos capiebat luter unus. Quadragenarius numerus magnam perfectionem significat, quia quater deni quadraginta faciunt. Decem autem sunt praecipua, quibus omnis nostra operatio in lege Dei praefixa est. Quatuor vero sunt Evangelio-

rum libri, in quibus per dispensationem Dominicæ incarnationis cœlestis patriæ nobis patefactus est introitus. Et quia omnes qui ad mysterium baptismi pertinent, cum fide et sacramentis Evangelii fructum debent rectæ operationis ostendere, singuli luteri, in quibus holocausta lavabantur, quadraginta batos capiebant.

*Et constituit decem bases, quinque ad dexteram partem templi, et quinque ad sinistram.* Dexteram partem templi et sinistram non intus in ipso templo, sed ante templum dicit ad orientalem plagam, scilicet in atrio interiori, quod sacerdotum proprie vocabatur. Quinque autem posuit ad dexteram partem templi propter Judæos, qui sole justitiæ per doctrinam legis antiquitus utebantur; et quinque ad sinistram propter nos, qui cæco diutius corde adhærebamus ei qui ait: *Ponam sedem meam ad aquilonem, et era similis Altissimo (Isa. xiv).* Quasi diceret: In illis cordibus requiescere desidero, quæ a luce veritatis et flamma diviniæ charitatis aliena esse opto.

Mare autem positum est ad dexteram partem templi in eodem atrio. Ingredientibus enim atrium ab oriente, primo divertendum erat ad meridiem, ubi mare in ipso angulo s'abat ad lavandum sacerdotibus paratum; deinde progredientibus intro, occurrebant luteri ad lavandas hostias ab utraque parte positi. Intra hos etiam basis erat ænea quinque cubitorum longitudinis, et quinque cubitorum latitudinis, et trium cubitorum altitudinis, in qua stans Salomon dedicabat templum.

*Fecit quoque Hiram lebetes, ollas scilicet æreas* ad suscipiendos cineres altaris; *Fecit et scutras, vasa videlicet ænea æqualis in fundo et ore amplitudinis ad calefaciendum.* Fecit *et hamulas, vasa scilicet ad offerenda vina (81).* Terra argillosa de qua factæ sunt formæ ad fundenda vasa, Scripturam significat, de qua regulam bene vivendi sumimus. Quasi enim argilla ignibus indurata format vasa, cum nobis Scriptura regulam justitiæ quam sequamur, ostendit (82). Mensa aurea super quam ponebantur panes, Scriptura est spiritali intelligentia clara. De qua dicitur: *Parasti in conspectu meo mensam (Psal. xxii).* Panes propositionis sancti doctores sunt, quorum opera nobis vel verba ad exemplum proposita in divinis paginis, qui bene quaerit, invenit. Unde panes in Exodo (83) duodecim fieri præcepti sunt propter apostolos videlicet duodecim, per quos Scriptura Novi Testamenti condita est, et Veteris revelata mysteria. In verbis dierum legimus, quod fecit Salomon mensas in templo, quinque a dextris, et quinque a sinistris; in quibus vasa Domini reponerant, scyphos videlicet, phialas, thuribula, mortariola, thymiama, (II Paral. iv) (84). etc. Sicut ergo una mensa duodecim panibus

ornata, unanimem Scripturæ, qua pascimur, concordiam auctoritate apostolica munitam significat; ita decem mensæ eloquia legis et prophetarum denuntiant, quæ nobis fidelium exempla quasi propositorum in æ vasorum Domini claritatem et miracula proponunt. Mensæ sunt quinæ; quia lex tam quinque libros Moysi quam quinque ætates sæculi complectitur. Bis; quia post incarnationem Domini utrique populo, Judæo scilicet et gentili, committitur: *Et statuit decem candelabra aurea, quinque ad dexteram, et quinque ad sinistram contra oraculum ex auro puro; et quasi lilii flores, et lucernas desuper aureas (85).* Quasi lilii flores flos videtur dicere, quia suprema pars candelabrorum in modum rotandi lilii erat deformata. Lucernas aureas per quod continetur id quod continet, id est vascula aurea in quibus oleum lucebat, designantur. Sicut mensæ in typis Scripturæ ponuntur, quia panem verbi ministrant, et vasa ferunt ministerii, id est justorum nobis actus in exemplum proponunt; ita per candelabra eadem figurantur, quia lucem sapientiæ errantibus proferunt. Unde Salomon: *Mandatam lucerna est, et lex lux (Prov. vi).* Unde David dicit: *Lucerna pedibus meis verbum tuum, et lumen semitis meis (Psal. cxviii).* Quod candelabra quinque a dextris, quinque autem a sinistris, idem est quod supra de mensis. Oraculum ubi erat arca, aditus patriæ cœlestis est, ubi Christus in dextera Patris sedens, paternorum utique conscius secretorum. Candelabra contra oraculum notant, quod eloquia Dei ad habitationem supernæ civitatis aspectant, ut ad eam promerendam nos accendant.

Fecitque forcipes aureos, id est emunctoria quibus emungebantur lucernæ, ut reparatæ in melius luocerent. Significant emunctoria duo testamenta quibus peccata purgantur, quæque inter se sancti Spiritus unione sociantur. Hydriæ præcordia sanctorum significant, aqua sapientiæ et vino compunctionis repleta. Fuscinae quibus carnes præparantur, prædicatores insinuant, qui suis auditoribus cibum intelligentiæ administrant, quorum officium est corpus et sanguinem fidelibus distribuere, infidelibus vero abnegare. Phialæ, doctores significant plenos utilibus aquis. Mortariola sunt pœnitentium labor passioque tolerantæ, quibus mortificantur membra eorum super terram. Thuribula de auro purissimo virtutes indicant operum, et orationes sanctorum, quibus odor suavitatis ascendit ad Dominum ex conscientia bona et fide non ficta (86) (I Tim. i). Cardines utrorumque ostiorum sensus et corda sunt angelorum et sanctorum, quibus immobiliter contemplationi et dilectioni Conditoris adhærent, ut eo ministerium sibi delegatum recte compleant, quo a voluntate Domini nunquam oculos avertunt.

*coques ex ea duodecim panes, etc.*

(81) Ex cap. 23.

(82) Ex cap. 22.

(83) Ita et in edit., sed melius in Levitico dixeris, ubi cap. xxiv, 25, legitur: *Accipies... simlam, et*

(84) Ex cap. 23.

(85) Ex cap. 23.

(86) Ex cap. 23.

Et intulit Salomon quæ sanctificaverat David pater suus, aurum, et argentum, et vasa, reposuitque ea in thesauris domus Domini. Sanctificavit David pater Salomonis argentum, cum Deus Pater eloquentes gratia sui Spiritus ad loquendum verbum Dei confortat; sanctificat aurum, cum naturali ingenio præditos ad intelligendum legem illuminat; sanctificat etiam vasa, cum omnibus Ecclesiae filiis sancti Spiritus gratiam largitur. Hæc sanctificata Salomon offert in templum, cum Dominus peracto iudicio doctorum et cæterorum fidelium cœtum in gaudium cœlestis regni introducit.

Fecitque Salomon omnia vasa in domo Domini. Superius dixit, Hiram fecisse Salomoni omnia vasa, nunc vero Scriptura subjungit eadem fecisse Salomon; quia videlicet Salomon fecit dictando, Hiram operando. In campestri regione Jordanis fudit rex vasa templi Domini in argillosa terra (87). Non enim aliter vasa electionis et misericordiae efficiuntur, nisi ad baptismum ejus respicientes in tali flumine satagamus ablui. Notandum autem, quod non tantum in regione Jordanis, sed et in campestri regione illius facta dicit eadem vasa; significans multiplicationem fidelium, quæ non solum in Judæa, sed et in omnium regionum latitudine erat futura secundum illud: *Gaudebunt campi, et omnia, quæ in eis sunt* (Psal. xcvi). Fudit ergo rex vasa domus Domini in campestri regione Jordanis; quia Christus baptismum salutis, de quo vasa misericordiae faceret, per totam mundi latitudinem implevit.

Solemnitas quam fecit Salomon et omnis Israel, significat gaudium sanctorum quod cum Christo vero et pacifico rege perpetualiter habent. Emath interpretatur Domini veritas. Rivus sive torrens Ægypti significat mortem temporalem, quam in Ægypto consistens, id est in tenebris hujus mundi, nullus evadere potest. Omnis ergo Israel a rivo Ægypti usque Emath festum celebrat cum Salomone, quando sancti post finem præsentis vitæ veraciter æternis gaudiis cum Domino Jesu Christo perfruuntur.

Templum Domini sancta Ecclesia est juxta illud: *Templum Domini sanctum est, quod estis vos* (I Cor. iii). Hanc dedicavit rex Christus, cum eam sanguine suo mundavit a peccatorum sorlibus. Hanc dedicant et filii Israel, cum fideles secundum donum sibi collatum verbo prædicationis et virtutum operibus proximis suis prosunt.

Quid est quod Salomon sanctificavit medium atrii, offerens illi holocausta, quia altare æneum quod erat ante fores templi, non poterat capere totum; nisi quod Christus, quæ in lege propter infirmitatem populi perfici non poterant, nunc in Ecclesia pleniter gerit? Ipse est enim atrium domus Domini, quia per ipsum ingressus patet in Jerusalem cœlestem. Quia ergo holocausta et sacrificia in altari typico non poterant offerri, eo quod omnia ibi figuratiter fiebant, rex noster crexit altare fidei

A in Ecclesia, in quo holocausta et sacrificia quotidie spiritualiter offeruntur. Hinc est quod Dominus ait per Isaiam: *Holocausta et sanguinem victimarum, hircorum et taurorum nolui* (Isa. i).

Tulerunt sacerdotes arcam Domini, et tabernaculum fœderis, et omnia vasa sanctuarii, quæ erant in tabernaculo, et intulerunt arcam in oraculum templi in Sanctum sanctorum subter alas cherubim. Moyses fecit duos cherubim aureos quos posuit in propitiatorio, quod erat super arcam (Exod. xxv): Salomon vero addidit duos majores, sub quorum alis nunc dicitur arcam posuisse cum propitiatorio, et duobus cherubim prioribus. Domus templi exterior peregrinantem Ecclesiam, Sancta sanctorum supernæ patriæ felicitatem designant. Illata in Sancta sanctorum arca assumptam Christi humanitatem intra velum regni cœlestis inductam demonstrat.

B Vectes quibus arca portabatur, prædicatores sunt, per quos Christus mundo innotuit. Apparebant summitates vectium ante oraculum non semper, sed cum ostia oraculi aperirentur; neque omnibus, sed his solum qui propius accedentes, attentius interiora satagebant intueri. Vectes sunt in oraculo conditi, quia electi qui excesserunt, nunc sunt in abscondito vultus Dei. Quod tamen summitates vectium aperto oraculo, his qui appropiant, videntur, cum perfectioribus oraculum cordis purificantibus Dei gratia aliquid extremum de supernorum gaudio contemplandum donaverit, quia his qui paulo longius recesserint, id est mente exterius vagantibus, contemplatio minime conceditur.

C Erat in arca urna aurea habens manna; quia in homine Christo *habitat omnis plenitudo divinitatis corporaliter* (Coloss. ii). Erat et virga Aaron quæ excisa denuo floruerat; quia potestas judicandi penes eum est, cujus iudicium in humilitate videbatur esse sublatum. Erant et tabulæ testamenti, quia in illo sunt *omnes thesauri sapientiæ et scientiæ Dei absconditi* (ibid.). Adhærebant ei vectes quibus portabatur; quia doctores qui laborant in verbo nunc præsentis visione congaudent gloria Christi. Unde Paulus: *Cupio dissolvi, et esse cum Christo* (Phil. i). Ipsa arca qualis et quomodo esset posita, solis eis qui oraculum intrassent, videre licebat; quia soli supernæ patriæ civis gloriam inibi Redemptoris plene contuentur.

D Nebula domum Domini, id est Synagogam, implevit; quia eorum mentes infidelitatis caligo replevit. Et sacerdotes propter nebulam ministrare non poterant; quia dum mysticos sensus litteræ velamine coopertos, et nativitatis Christi sacramenta investigare despiciunt; debitum fidei ministerium per erroris sui nebulam perdiderunt; ita ut exigentibus meritis non agnoscant cultum credulitatis.

(87) Ex cap. 21.

Classis Salomonis Ecclesia est Christi, quæ in mari mundi posita studium impendit thesauros scientiæ et sapientiæ, opesque virtutum acquirere. Ibi sunt servi Hiram nautici et gnari maris cum servis Salomonis, dum gentiles sæculari scientia et sapientia eruditi, cum his qui in lege Moysi periti sunt, in unitate fidei sociantur. Hos Salomon noster, id est Christus, in Ophir, quæ interpretatur *infirmans*, id est in vilitatem mittit, ut sumptum inde aurum, sensum videlicet pretiosum sibi deferant. Quantum? Quadraginta scilicet triginta talenta, id est historiam, allegoriam, tropologiam, et alogogen in duobus Testamentis. Ophir nomen est provinciæ in India, ab Ophir uno videlicet de posteris Heber nominatæ, quæ et terra aurea appellatur, eo quod montes aureos habeat, qui a leonibus et sævissimis bestiis incoluntur, ad quos nullus aliter accedere audeat, nisi stans juxta littus, terram quam unguibus leonum effossam invenerit, in suam navem recipit, ut si bestiæ eos senserint, facile in mari recipiantur.

Volo etiam vos, dilectissimi fratres, scire, quia tabernaculum quod plebs Hebræa in eremo condidit, hujus spiritualis domus figura fuit. Sed quia tabernaculum in itinere quo ad terram promissionis veniebant, hæc in ipsa ædificabatur civitate Jerusalem, illud ut de loco ad locum crebro ministerio Levitarum, portatum tandem in terram promissionis inducitur, hæc ut mox in patria ipsa, et in civitate regia constructa, inviolabili semper fundamento consisteret, donec inditum sibi figurarum cælestium munus impleret; potest in illo tabernaculo præsentis Ecclesiæ labor et exilium, in hac autem domo futura quies et beatitudo figurari. Vel quia illud a solis filiis Israel, hæc a proselytis etiam et gentibus facta est; possunt principaliter in tabernaculo Patres veteris testamenti et antiquus Dei populus: in hac vero congregata de gentibus Ecclesia exprimi; quamvis utrumque ædificium enucleatius discussum, et labores præsentis Ecclesiæ quotidianos et præmia æterna, in futura gaudia regni cælestis, electionem primitivæ Ecclesiæ, et salutem omnium gentium in Christo multimodis ostendat figurari.

Igitur, fratres charissimi, templum illud manufactum in figura Jesu Christi et omnium nostrum, id est capitis et membrorum a Salomone fuit conditum. Ad spiritualis ergo templi ædificium pertinetis, dum recte credendo, et bona operando, Christi membra estis. Cum enim vos ad templi ædificium dico pertinere, non tamen ad illud quod Nabuzardan servus regis Babylonis succendit et thesauris spoliavit (*IV Reg. xxv*), sed ad illud quod Deus Pater ante omnia sæcula in dilectissimo sibi hique cœterno Filio suo Jesu Christo in cœlesti Jerusalem, facere decrevit. Unde est illud: *Jerusalem quæ ædificatur ut civitas*, etc. (*Psal. cxxi*.) Et iterum: *Jerusalem civitas regis magni* (*Psal. xlvii*). Ad illud ergo vos, dilectissimi, volo et desidero pertinere, in cujus interiori domo, id est in Sanctis

A sanctorum collocata est arca, id est Dei Filius, in quo fœdus pacis apud Patrem habemus. Manna etiam in arca habetur; quia in Christo sunt omnes thesauri sapientiæ et scientiæ Dei (*Coloss. ii*). Ipsi etiam virga Aaron quæ floruerat, est commissa, scilicet potestas a Deo regendi Israeliticam plebem, imo universam Ecclesiam in sæcula. Idem etiam Dei Filius post resurrectionem suam ascendens in cœlum semel introivit in ipsum non manufactum, spirituale videlicet templum, constitutum a Deo iudex vivorum et mortuorum. Ad hoc etiam templum angelos pertinere existimamus. . . . . in interiori parte ejusdem templi, ante faciem videlicet ipsius summi pontificis Jesu Christi; quia semper ad ministerium illius sunt parati. Sic pedibus erectis stant, et oculos in propitiatorio, hoc est in ipso defigunt; sic suam perpetuo innocentiam conservant: sic de sanctarum animarum beatitudine in cœlis exsultant, ut nobis quos etiam adhuc in terris peregrinari conspiciunt, opem ferre non desinant, donec ad cœlestiam patriam, Deo jubente, nos perducant.

Moneo igitur vos, dilectissimi, ut studium sacris sedulo impendatis Scripturis; quatenus hos Cherubim, qui *multitudo scientiæ* interpretantur, imitari valeatis. In divinis quippe Scripturis multitudinem scientiæ invenietis, si diligenter quæseritis, qua spiritualiter inebriati, terrena despiciere, cœlestia amare, transitoria vilipendere, æterna concupiscere, ad ultimum vero oculos mentis in propitiatorio, hoc est in Christo, sine intermissione defigere possitis. De hoc propitiatorio ait Joannes: *Advocatum habemus apud Patrem, Jesum Christum justum; et ipse est propitiatio pro peccatis nostris* (*Joan. ii*). Et Paulus apostolus: *Non enim in manufactis sanctis templis Jesus introivit exemplaria verorum; sed in ipsum cœlum, ut appareat nunc vultui Dei pro nobis* (*Hebr. ix*). Cherubim Dei, eos confirmante gratia, perpetuo in sua perseverant innocentia. Sic et vos, dilectissimi, pactum quod cum Deo pepigistis, sive in die baptismatis, sive etiam in susceptione ordinis, jugiter ac fideliter operibus conservate bonis. Castitatem etiam custodite tam mentis quam corporis, quæ Deo est acceptabilis, et angelicæ vitæ imitatrix; quia in carne præter carnem vivere, non terrena vita est, sed cœlestis. Castitas quoque longa et humilis præmium consecutura est æternæ beatitudinis, ita tamen si in proposito perseveraverit usque in diem mortis (*Matth. x*). Ubi etiam caro jam a concubitu non potest esse integra, sit virgo in fide conscientia. Nulla igitur vobis charissimi, inordinata cogitatio aliquid illicitum suggerat, nulla immunditia polluat, non luxuria reos constituat, non cupiditas in amorem terrenarum rerum animum accendat, non iracundia proximos lædat, non elatio mentem in superbiam elevant, non injuria a proximis illata perturbet, non simulatio ante oculos hominum sanctitatem prætentat, non hypocrisis coram Deo culpabiles reddat, non malitia

locum in cœlesti curia tollat, nulla perversitas vos a societate supernorum civium velut indignos repellat. Sic etiam Cherubim de sanctarum animarum beatitudine in cœlis exsultant, ut nobis quos adhuc in terris peregrinari conspiciunt, opem ferre non desistant.

Horum itaque, dilectissimi, beatorum spirituum, scilicet cherubim, exempla ante mentis oculis sæpe reducite, et quod illi perfecte in cœlis agunt sine intermissione, vos, dictante charitate, in terris pro modulo vestro agite. Vosmetipsos ergo cum Dei juvamine a peccati contagione custodite, et pro totius mundi ac proximorum salute studiosè Domino preces fundite. Pro cunctis etiam fidelibus defunctis qui adhuc retinentur in pœnarum receptaculis, moneo ut orationes, sacrificia, suspiria, et lacrymas Deo offeratis, quatenus intercessu vestræ compassionis de amarissimis erepti pœnis, merean-

tur transire ad loca refrigerii lucis et pacis. Nec in hoc solummodo contentos vos esse volo; sed ut pro eis etiam gratiarum actiones persolvatis Domino, qui jam ab eo sunt collocati in cœli palatio. Sic ergo de vestro profectu solliciti esse debetis, ut tamen proximorum salutem non negligatis. Nihil malum quod non vultis pati, inferatis; nulli bonum quod vobis fieri desideratis, facere recusetis. Deum super omnia diligite, proximos sicut vosmetipsos in Deo amate, inimicos propter Deum patienter tolerate, oculos mentis ad cœlestem patriam cum omni devotione erigite, atque ut aliquando ad illam possitis attingere, summo studio cum lacrymis orationes fundite; ad quam vos perducere dignetur ille qui per eundem dilectissimum Filium suum Dominum nostrum Jesum Christum de vivis et electis lapidibus æternam majestati suæ ante sæcula disposuit condere templum. Amen.

## SERMO TERTIUS.

### AD FRATRES, UT NON HABEANT PROPRIUM.

Fratres charissimi, quia per Dei gratiam ad componendum atque ad emendandum mores vestri ordinis, in unum convenistis; dignum est, ut ad memoriam reducatis ea, quæ Deo et abbati vestro promissis, quando primum ad ordinem venistis. Cum primum ante abbatem præsentati fuistis, ipso interrogante tria sunt, quæ vos Deo implere voluistis, videlicet obedientiam, castitatem, et ut proprium non haberetis. Dignum valde fuit, dilectissimi, quod Deo obedientiam et castitatem promissistis, quia sine illis Deo nequaquam placere poteratis; et ideo si placet, de singulis, et primum de obedientia, aliquid dicamus vobis. Obedientia est virtus, quæ cæteras virtutes menti inserit, insertasque custodit (88). De qua Paulus ait: *Fratres, obedite præpositis vestris, et subjacete eis; ipsi enim pervigilant quasi rationem reddituri pro animabus vestris (Hebr. xiii)*. Unde Salomon dicit: *Vir obediens loquitur victorias (Prov. xxi)*. Revera vir obediens victorias loquitur, quia semetipsum vincit, dum alienam voluntatem propriæ voluntati anteponit. Sic et nos, dum abbati nostro humiliter obedimus, nosmetipsos in corde superamus. Unde etiam Samuel propheta loquitur dicens: *Melior est obedientia quam victimæ; et auscultare magis quam offerre adipem arietum. Quoniam quasi peccatum ariolandi est repugnare; et quasi scelus idololatriæ, nolle acquiescere (I Reg. xv)*. Revera melior est obedientia quam victimæ, quia per victimas aliena caro mactatur, per obedientiam vero propria voluntas restringitur. (89) Arioli sunt, qui

circa aras idolorum nefarias preces emittunt, et nefanda sacrificia dæmonibus offerunt. Idololatria vero est servitus idolorum (90). *Latria* enim Græce, Latine *servitus* dicitur. Hoc est ergo summum malum, cum servi Dei in monasterio positi per inobedientiam incurrunt peccatum ariolandi. Mibi videtur grande malum esse in monasterio videlicet servos Dei sub habitu religionis vivere, et per inobedientiam atque contumaciam scelus idololatriæ committere. Magna miseria est, quando viri religiosi per iter virtutum descendunt in infernum. Hæc est maxima infelicitas, quando viri ecclesiastici per inobedientiam sub habitu religionis periculum incurrunt æternæ damnationis.

Audiamus etiam Paulum apostolum dicentem: *Sicut per inobedientiam unius hominis, scilicet Adæ, peccatores constituti sunt multi; ita et per obedientiam unius hominis, scilicet Christi justii constituuntur multi (Rom. v)*. Et sicut per inobedientiam unius hominis multi descenderunt in infernum, ita et per obedientiam unius hominis multi ascenderunt, et sunt ascensuri in cælum. Sic etiam de Domino nostro Jesu Christo legitur: *Christus factus est pro nobis obediens Patri usque ad mortem (Philipp. ii)*. Si ergo Jesus Christus, rex cœlorum ac terræ, dignatus est obedire usque ad mortem Deo Patri, cur homo miserrimus in monasterio positus delinquatur obedire suo abbati? Et si Dominus noster Jesus Christus, qui est verus rex gloriæ, Deo Patri usque ad mortem obediit, cur homo mortalis et cibus vermium præ-

(88) Ex Greg. lib. xxv Mar. c. 15, n. 28.

(89) Ex Isai., lib. viii.

(90) *Etyrn.*, cap. 9 et 11.

cepta sui abbatis contemnit? Quare, nisi quia non sequitur Christum, ut cum eo ascendat in cœlum, sed sequitur Adam ut cum eo per inobedientiam descendat in infernum? Quare non vult obedire suo abbati, nisi quia contemnit Christum, et sequitur diabolus? Sic Dominus in Evangelio servis suis dicit, quibus Ecclesiam suam regendam commisit: *Qui vos audit, me audit; et qui vos spernit, me spernit (Luc. x)*. Ac si diceret: *Qui vobis est obediens, et mihi obediens est, et qui vos despiciat, me despiciat*. Igitur, dilectissimi fratres, hanc sententiam Domini nostri Jesu Christi ad mentem reducite, et eam sedula intentione recogitate, quia quicumque in monasterio inobediens est abbati suo, non solum inobediens est abbati, sed et Christo. Et quicumque despiciat prælatum suum, non solum despiciat prælatum, sed et Christum.

Fratres mei, secundo loco, Deo et abbati vestro castitatem promisistis, cum primum ad monasterium venistis; quam nisi custodistis, in vacuum in omnibus operibus vestris laborastis. Si castitatem non custodistis a die, qua eam Deo et abbati vestro promisistis, in vanum omne tempus vitæ vestræ expendistis. Quicumque Deo et abbati suo castitatem promisit, si eam mente et corpore non custodierit, religiosus esse non poterit, nisi hoc per asperissimam pœnitentiam emendaverit. Quare? Quia per unum malum multa bona pereunt. Per unam culpam multæ justitiæ annihilantur. Per unam iniquitatem multa bona possunt subverti. Malum mistum bonis contaminat plurima. Parum fellis in amaritudinem convertit dulcedinem mellis. Parum ignis magnam silvam incendit (*Jac. iii*). Modicum fermentum totam massam corrumpit (*I Cor. v*). Unde Scriptura dicit: *Qui in uno peccaverit, factus est omnium reus (Jac. ii)*, scilicet quantum ad vitam æternam. Quasi enim si omnibus peccatis esset involutus, ita si in uno tantum maneat, æternæ vitæ januam non intrabit. Sic homo per unum peccatum condemnari poterit, nisi illud per asperissimam pœnitentiam emendaverit; et maxime per fornicationem, quia si e castitate nullum opus perfectum, sine castitate nullum opus magnum. Unde beatus Gregorius dicit (91): « Nec castitas magna est sine bono opere, nec opus bonum est aliquid sine castitate. » Amanda est ergo castitatis pulchritudo (92). Castitas fructus est suavitatis. Castitas est inviolata virtus sanctorum. Castitas est securitas mentis, et sanitas corporis. Castitas Deo est amabilis et omnibus sanctis. De qua scriptum est, quia *sine castimonia nemo videbit Deum (Hebr. xii)*. Unde venerabilis Beda in quadam homilia. « Nemo in die resurrectionis, nisi illi qui sunt casti corpore, ad cœlos poterunt sublevari; nemo post resurrectionem, nisi illi qui sunt mundi corde, essentiam diviniæ majestatis poterunt intueri. »

Tertio loco Deo promisistis, ne proprium habe-

(91) Hom. 13, in *Evang.*

A retis. Multis molis diabolus in acquirendo plurima sollicitat, qui in modicis et paucis contenti esse promiserant. Multi de sæculari vita ad Deum convertuntur, et monasterium ingrediuntur, atque omnes divitias suas libenter pauperibus et monasteriis tradunt, ac deinceps in omni vita sua magis paupertatem quam divitias diligunt, sicut sancti apostoli fecerunt. Plerique etiam sæculares ad Deum in monasterio convertuntur, et de rebus monasterii fraudem vel furtum facere præsumunt, sicut Judas traditor fecit, de quo legitur, quia loculos habebat, et ea, quæ in communi mittebantur, abscondebat et furabatur. Nonnulli etiam de sæculo ad monasterium veniunt, et de divitiis suis, quas in sæculo habuerunt, unam partem sibi retinent et abscondunt, temporalem pertimescentes inopiam, alteram vero secum monasterio tradunt, sicut Ananias et Saphira fecerunt, de quibus nimirum scriptum est, quia agrum vendiderunt, et de pretio illius quamdam partem ante pedes apostolorum posuerunt, quamdam vero absconderunt (*Act. v*). Quidam etiam pauperes de sæculari vita ad monasterium veniunt, et quamvis in sæculo pauperes fuerunt, tamen in monasterio divites fieri volunt, sicut fecit Giezi discipulus Elisei. Cui dixit Eliseus: *Quia post Naaman cucurristi, et divitias ab eo accepisti, in perpetuum lepra Naaman adhærebit tibi (IV Reg. v)*. Quicumque ergo propter Deum omnia quæ in hoc mundo sunt, despiciunt, sicut sancti apostoli fecerunt, cum eisdem apostolis lætabuntur, et remunerabuntur in perpetuum. De quibus ait Dominus in Evangelio: *Beati pauperes spiritu; quoniam ipsorum est regnum cœlorum (Matth. v)*. Ille vero, qui de sæculo ad monasterium transit, et de rebus monasterii fraudem vel furtum facit, Judas est, et cum Juda pœnam in inferno sustinebit. Qui autem de sæculari vita ad Domini servitium convertuntur, si ex his, quæ in sæculo habuerunt, partim sibi reservant, partim distribuunt, sententiam maledictionis cum Anania et Saphira portabunt. Qui autem de sæculo ad monasterium venit, si divitias, quas in sæculo habere non potuit, in monasterio voluerit, sine dubio lepra Giezi adhærebit ei, et quod Giezi passus est in corpore, iste patietur in anima. His ergo, qui in veritate propter Deum, more apostolorum, omnia, quæ in hoc mundo sunt, despiciunt, convenit illud Psalmistæ dicentis: *Mihi autem adhærere Deo bonum est; ponere in Domino Deo spem meam (Psal. lxxii)*. Et illud: *Facta cogitatum tuum in Domino et ipse te enutriet (Psal. lvi)*. Judæ vero et sequacibus ejus dicitur: *Ascendant usque ad cœlos, et descendant usque ab abyssos; anima eorum in malis tabescebat (Psal. cvi)*. Ananiæ autem et suis similibus pertinet illud: *Qui confidunt in virtute sua, et in multitudine divitiarum suarum gloriantur (Psal. xlviii)*. Giezi et sociis ejus congruit illud: *Eccæ homo qui non posuit Deum adjutorem suum; sed*

(92) Isidor., lib. ii *Sentent.*, c. 40.



*speravit in multitudine divitiarum suarum, et prævaluit in vanitate sua (Psal. LI).*

Sed ecce, fratres clarissimi, dum aliorum peccata tanto studio perscrutamur, timeamus ne oculos divinæ majestatis offendamus. Dignum est ergo, ut nos, qui tanta cura festucas in oculis aliorum conspicimus, de oculis nostris trabes ejicere festinemus (*Math. VII*). Quid ergo nobis inter hæc agendum? Illud videlicet quod ait Psalmista: *Vovete, et reddite Domino Deo vestro (Psal. LXX)*; alioquin multo melius esset non *vovete, quam post votum promissa non solvere (Eccli. V)*. Quare? Quia, sicut ait beatus Isidorus (93), inter infideles inveniendi

(93) Lib. II *Synonym.*, De voto.

A sunt, qui bona, quæ Deo voverunt, non impleverunt. Igitur, fratres dilectissimi, ad vosmetipsos introrsus reddite, et si ea quæ Deo promisistis, vos opere inveneritis implevisse, Deo gratias agite. Si autem in his, quæ Deo vovistis, vos transgressores et negligentes cognoveritis esse, per puras orationes et quotidianas lacrymas ab omnipotenti Jesu Christo veniam postulate, quatenus in die districti judicii sui non permittat vos cum infidelibus perire, sed cum electis suis ad regnum cælorum vos dignetur perducere, qui cum eodem Patre et Spiritu sancto in Trinitate perfecta vivit et regnat Deus per omnia sæcula sæculorum. Amen

## SERMO QUARTUS.

### DE PRÆLATIS ECCLESIAE.

Hispaniarum doctor Isidorus vir in omni locutionis genere formatus, ut imperito doctoque secundum qualitatem sermonis existeret aptus, ad eruditionem sacerdotum inter cætera sic est locutus (94): « Sicut peccatores et iniqui ministerium sacerdotale suscipere prohibentur, ita indocti et imperiti a tali officio retrahuntur. Illi male vivendo suis pravis exemplis vitam honorum corrumpunt, isti vero per ignorantiam iniquos corrigere nesciunt. Quomodo enim docere poterunt, quod ipsi non didicerunt? (95) Desinat ergo locum docendi suscipere, qui nescit docere. Unusquisque igitur doctor et bonæ actionis et bonæ prædicationis habere debet studium, quia alterum sine altero inutilem facit et imperfectum. Oportet igitur prælatum cum omni instantia dulcedinem et suavitatem Dei annuntiare subditis, eosque suis ad bene operandum sollicitare exemplis, et frequenter dulcibus admonere verbis, ut recte possit computari in sanctæ Ecclesiæ membris, sicut sponsus, scilicet Christus, sub persona sponsæ eidem Ecclesiæ loquitur in Canticis

*Favus distillans labia tua sponsa, mel et lac sub lingua tua (Cant. IV)*. (96) Prædicatores Ecclesiæ bene labia sponsæ esse dicuntur, quia per eos populus loquitur et per eos parvuli quique ad fidem erudiuntur, dum per eos occulta Scripturæ quasi cordis latentia manifestantur. In favo autem mel latet, et cera patet. Recte ergo labia sponsæ, id est sanctæ Ecclesiæ, favus vocantur, quia dum in carnis fragilitate sapientia magna habetur, quasi mel in cera absconditur. Quando vero electus quisque prædicat, quando cælestia gaudia nescientibus revelat; tunc favus distillat, quia quanta dulcedo sapientiæ in corde lateat, per oris fragilitatem audientibus manifestat. Unde scriptum est: *Habemus thesaurum istud in vasis fictilibus (II Cor. IV)*. Ideo subditur: mel et lac sub lingua tua. Nimirum

(94) Lib. III *Sent.*, cap. 35

(95) Cap. 36.

B falsi prædicatores mel in lingua portant. Quod sub lingua non habent, quia cælestia gaudia aliquando prædicant tanquam veri essent, cum ipsi terrestria bona totis desideriis appetant. Sancta vero mens in lingua mel prætendit, quia sapientiæ dulcedinem loquendo aliis ostendit, quam veraciter prædicans audientes tanquam mellis dulcedine reficit. Bonus pastor lac sub lingua gerit, quia congruenti sibi doctrina parvos quosque in Ecclesia nutrit. Sub lingua autem hæc omnia sibi ipsi reservat, quia internam dulcedinem assidue secum portat. Dum enim terrena abjicit, dum vitiorum amaritudinem respuit; in interioribus sapientiæ dulcedine se pascit, quæ robur colligit, ut ad æthera gradiens in labore viæ lacescere non possit.

C Hujusmodi prædicando prudens pastor in cordibus subjectorum dulcedinem et suavitatem Dei infundit, eosque exemplis bonæ actionis ad cælestia desideranda sustollit. Nimirum ille est prudens pastor, qui super gregem sibi commissum sollicite vigilat; quia dum se et oves ex omni parte prudenter circumspicit, hostiles insidias declinat. Audiat igitur negligens pastor, quid sibi et prudenti pastori Dominus loquitur: *Bonus, inquit, pastor animam suam pro ovibus ponit; mercenarius autem fugit (Joan. X)*. Animam pro ovibus suis ponit, qui periculosum regiminis ascendens locum, clauso silentii ostio, gregem claustralium fratrum in pace custodit. Animam pro ovibus ponit, qui solus inter mundana pericula exteriora negotia procurans, necessaria et utilia fratribus quærit. Animam ponit, qui ad sustinenda jurgia rei familiaris solus exit et inter adulantium ac detrahentium linguas medius incedit, pro infirmis laborat, et laborantes pascit, consolatur pusillanimes, et cum superbis increpando contendit. Talis pastor cum Christo et per Christum potest dicere: *Cognosco meas, et cognoscunt me*

(96) Ex Greg., in hunc loc., cur sanctus prædicat, favo comparatus.

*meæ* (Joan. x). Cognoscunt oves pastorem, quem sæpe vident præsentem, quem subjectis fratribus familiaritas facit notum, quem beneficia reddunt amicum. Cognoscunt fratres prælatum, quia sive per charitatem tolerando, sive per zelum justitiæ castigando, sive exterius necessaria ministrando, sese eis reddit in omnibus utilem atque benignum. Subjecti prælatum cognoscunt, dum eis sicut pater illis necessaria præsentis vitæ præparat, et sicut magister spiritalia prædicat. Oves vero pastor cognoscit, dum subditorum mores et actus diligenter attendit. Unde scriptum est : *Considera diligenter vultum pecoris tui* (Prov. xxvii). Vultum pecoris considerat, qui, quid singuli subjectorum possint, non ignorat. Vultum pecoris sui diligenter inspicit, qui qualitates, et actus, ac possibilitates fratrum quorum ad se pertinet cura, studiose perquirat. Cui per confessionem corda subjectorum sunt manifesta, per circuitationem nota sunt opera ; per experimentum quid possint, per effectum quid velint, ratio demonstrat : *Et vocem, inquit, meam audient* (Joan. x).

Tres sunt pastoris voces : suavis scilicet, dulcis, et alta. Vox suavis pertinet ad infirmum, dulcis ad morientem, alta pertinet ad surdum, id est ad inobedientem. Infirmus est qui tentatur. Qui vero de misericordia Dei desperat, moritur. Surdus est, qui non audit, id est qui obedire contemnit. Quandoque infirmus, id est qui in tentationibus est positus, audit suavam magistri vocem consolationis ; audit qui præ magnitudine peccatorum de misericordia Dei desperat, vocem obsecrationis ; audit surdus, id est inobediens, altam, id est asperam vocem increpationis.

Iterum dicitur : *Et sequuntur me meæ* : Oves pastorem sequuntur. Quem pastorem sequuntur oves ? Bonum sive malum. Quo sequuntur illum ? Quocunque ipse præcedit. Si bonus est pastor, oves sequuntur illum ad vitam ; si autem malus est, sequuntur eum ad mortem. *Si autem cæcus cæcum sequatur, ambo in foveam cadunt* (Matth. xv). Quomodo bonus pastor vadit ante oves ? Vita videlicet et doctrina. Quando bene vivit et recte docet ecclesiasticus doctor, tunc fit unum ovile, et unus pastor. Pastor unus debet esse in se, et unus cum grege ; ut quod docet verbis, impleat operibus bonis. Unus debet esse, ut per iracundiam non mutetur a mansuetudine, non elevetur prosperitate, nec frangatur adversitate ; sed idem permaneat patientia perseverante. Ille ergo veraciter tenet et amat unitatem fraternitatis, qui gaudet de servitute charitatis, imitando exemplum veri pastoris, qui *venit non ministrari sed ministrare, et dare animam suam redemptionem pro multis* (Matth. xx). Nimirum ipse est idoneus pastor, et secundum Deum gregem gubernat, qui ad tantummodo laborat, ut plures secum ad Deum verbo et exemplo trahat ; quem non delectat honor prælationis, sed onus ; charitas, non potestas ; servitus impensa aliis, non suscepta ab

A aliis ; juxta quod ait Paulus : *Cum essem liber ex omnibus, omnium me servum feci* (I Cor. ix). Tenet etiam pastor cum grege unitatem, quando non dividitur ab eo per habitum pretiosorem, vel per cibum delicatorem ; dum sit unus cum infirmis per compassionem, et cum delicatis per dispensationem. Taliter ergo oportet prælatum vivere, ut recte cum Apostolo possit dicere : *Omnibus omnia factus sum, ut omnes lucrifacerem* (ibid.).

Pastor autem negligens fugit, et a grege recedit. Sunt enim quidam prælati, qui bona, quæ aliis præcipiunt, facere contemnunt. Cum enim onera gravia et importabilia subjectis imponunt, et ea digito movere nolunt ; quod aliis præcipiunt, portare despiciunt. Fugiunt, dum a divinis officiis se subtrahunt, et cum fratribus pondus ordinis ferre contemnunt. Fugiunt, qui per alienas domos vagantes discurrunt, feliciores se existimantes dum tardius ad claustra redeunt. Fugiunt, qui ideo a clauastro longius recedunt, ut licentius otiosis fabulis insistant, et abundantius stomachum cibus repleant, ac securius dormiant quam in clauastro solebant. Fugiunt, qui non ea quæ fratribus sunt communia, sed quæ sunt propria, quærunt. Fugiunt, qui licet præsentis sint, tamen cum negligentias viderint, se sub silentio abscondunt. Fugiunt, qui remoti a conventu, sub olio vivunt ; qui a communi fratrum consilio recedunt, qui male vivunt et reprehendi nolunt. Unde beatus Gregorius : « Libet, inquit, ut dum licenter etiam illicita faciunt, nemo eis subditorum contradicat. » Et in eodem (97). « Cunctis se existimat prælati amplius sapere, quibus se videt amplius posse. » Illos amant scilicet videri sapientes et esse potentes. Hæc fuit causa angelicæ et humanæ ruinæ. Ponam, inquit, angelus, sedem meam ad aquilonem, et ero similis Altissimo (Isa. xiv). Et homini per serpentem dixit : *Eritis sicut dii* (Gen. iii). Timeat igitur ruinam prælati, quam meruit homo et angelus. Angelus enim, quia voluit esse potentior, cecidit ; et homo, quia voluit esse sapientior, desipuit. Sunt præterea quidam prælati, qui bene vivunt, et subjectos sibi male vivere permittunt. Quidam etiam male vivunt, et subjectos bene vivere compellunt. Sunt et alii, qui male vivunt, et subjectos male vivere volunt. Illi ergo, qui bene vivunt, et subjectos male vivere permittunt, exemplo bonæ actionis præcedunt ; sed cum eos corrigendo non increpant, etiam cum errantibus delinquant. Licet enim ipsi bene vivant, necessarium tamen est, ut de grege sibi commisso Domino rationem reddant. Illi tales, cur suscipiunt curam gregis, et sustinere nolunt pondus laboris ? Aut si gregem regere nesciunt, quare regendi curam suscipiunt ? Vel sciunt, et per negligentiam peccare subditos permittunt, cum soli bene vivere possent, cur æternam mortem incurrunt, dum aliorum vitam in periculum animarum suarum convertunt ? Tales

(97) Lib. xxvi Mor., n. 44.

prælatis filios Heli sacerdotis nutriunt, qui cum mulieribus quæ observabant ad ostium tabernaculi, dormiunt; qui venientes in Silo sacrificare non permittunt, sed antequam incendatur adeps, carnem crudam rapiunt (*I Reg. 11*). Quasi filii Heli sunt, qui sub prælatis bene viventibus dissolute et negligenter vivunt, qui cum mulieribus dormiunt, qui cum vel hoc realiter agunt, vel cum carnis desideriis se conjungunt. Illos etiam qui veniunt in Silo, ne sacrificent, impediunt; cum noviter conversos verbis et exemplis ab exercitio bonæ operationis avertunt. Accendi non permittunt adipem, quia extincto charitatis igne non infundunt bonæ actionis cordis dulcedinem. Non carnem coctam sed crudam quærunt, quia tribulationis ignem fugientes paupertati et labori se subtrahunt, nec pro Domino adversa pati volunt. In camino etenim tribulationis et paupertatis decoqui solent vitia carnis. Carnem crudam idcirco desiderant, ut quando et quomodo et quantum et qualem velint, sibi coquant. Tales sunt quidam, qui morantur in claustro, quasi in Silo, qui nihil aliud faciunt, nisi quod et quomodo et quando et quantum volunt. Quasi in Silo subjecti commorantur, qui plus voluntates proprias implere festinant, quam ea quæ sibi a bonis prælatis imperantur. Illi tales non imitantur Samuelem, qui prius unxit reges in regno Judæorum (*I Reg. x*); sed imitantur Ophni et Phinees, quorum peccato arca Domini translata est ab Allophylis in terram Philistinorum (*I Reg. 14*). Illi vero qui male vivunt, et subjectos bene vivere cogunt, errantes quidem a malo revocant, sed fortes, id est in Dei servitio studiosos occidunt. Perversos a sua nequitia corrigunt verbis, sed religiose viventes occidunt pravis exemplis.

A Religiosi videri appetunt, quia religiosos sub se habent, sed religiose vivere contemnunt. Gloriantur de subditorum bonis operibus, non de suis actibus. Quæ operari nolunt, aliis imperant: operantur ipsi quod aliis operari licitum esse non putant. Subjectos ad bene operandum cogunt, et ipsi a nemine cogi volunt.

Teneat igitur pastor cum grege unitatem, ut cum eo pervenire possit ad cœlestis regni hæreditatem. Non dividatur ab eo per pretiosorem habitum, nec per delicatorem cibum, nec per inanis gloriæ appetitum. Circa gregem sibi commissam sollicitus existat; bonos, ut in melius proficiant, dulciter admoneat; malos, ne in deterius eant, sollicitè corrigat; infirmos frequenter visitare studeat, tristes B blande et leniter consolari non renuat. Præterea claustrum assidue intret, pigros ad bene operandum sollicitet, negligentes increpet, atque omnibus in commune gaudia paradisi et pœnas inferni sine intermissione denuntiet. Ante omnia vero bona quæ aliis prædicat, ipse prius implere non negligat, pondus ordinis cum cæteris fratribus libenter sustineat, eisque tam in spiritalibus quam in temporalibus sicut pater filiis bona provideat, pro eis rationem se esse redditurum Deo sollicitè sciat. Verum super hæc omnia pro eis preces Domino semper fundat, quatenus de grege sibi commissio nullus pereat, nec lupus rapax aliquem a via veritatis errantem inveniat quem auferat, sed ut cum eisdem ovibus, Christo duce, ad pascua semper virentia C sumniopere pervenire studeat, præstante eodem Domino nostro Jesu Christo qui cum Patre et Spiritu sancto in Trinitate perfecta vivit et regnat Deus per omnia secula sæculorum. Amen.

## SERMO QUINTUS.

### DE OBEDIENTIA.

Præposito tanquam patri obediatur, multo magis D presbytero, qui omnium vestrum curam gerit. Oportet nos prælatum nostrum timere ut Dominum, diligere ut patrem, et credere quidquid nobis boni præcipit animæ nostræ esse profectum. In hoc loco nomine præpositi prior insinuat claustrum, sive procurator monasterii. Quod si in congregatione ubi canonicus ordo servatur, non est episcopus, nec abbas, sed prior; ipse nomine presbyteri designatur. Si vero episcopus vel abbas est in congregatione, ipse, qui in ea major est, intelligitur presbyteri nomine. Nobis quippe obedientia usque ad mortem servanda præcipitur, quia sine illa omnis conversatio regularis pro nihilo habetur. Scendum

vero est, quia per obedientiam a prælato nihil mali debet præcipi, nec a subditis perfici. Unde ait egregius doctor Isidorus (98): « Non obedias cuiquam potestati in malo, etiam si pœna compellat, si tormenta immineant. » Quare? Quia melius est mori, quam illicita jussa implere. Quicumque ergo prælato obediens est in malo, inobediens est Christo, qui dixit in Evangelio: *Omnis qui facit peccatum, servus est peccati (Joan. VIII)*. Et quicumque in malo non vult prælato suo obedire, obediens est Christo omnium Domino, qui per Prophetam jussit a malo declinare, et bonum facere (*Psal. xxxvi*). Si ergo qui facit peccatum, servus est peccati, non debemus in malo obedire cuiquam potestati.

(98) Lib. 11 *Synonym.*, cap. *Malis jussionibus*.

Sciendum etiam summopere est, quod obedientia aliquando, si de suo aliquid habeat, nulla est; aliquando autem, si de suo aliquid non habeat, minima est (99): Nam cum hujus mundi successus præcipitur, cum locus superior imperatur; ille, qui ad hæc suscipienda invitatur, obedientiæ sibi virtutem evacuat, si ad hæc etiam ex proprio desiderio anhelat. Rursum cum alicui ex subditis prælatus despectum hujus mundi præcipit, cum probra adipisci contumeliæ jubet; si hoc ex semetipso libenter non appetit, obedientiæ sibi meritum minuit, quia illa quæ in hac vita despecta sunt, invitatus nolensque suscipit. Debet ergo obedientiam in adversis et vilioribus ex suo aliquid habere, et rursum in prosperis ex suo aliquid omnino non habere; quatenus in adversis et contemptibilioribus tanto sit gloriosior, quanto divinæ dispensationi etiam ex desiderio subditur; et in prosperis tanto sit vilior, quanto a præsentī ipsa, quam divinitus percipit, gloria, funditus ex mente superatur. Sicut sanies emanat ex vulnere, ita morbus inobedienciæ procedit ex tumore superbiæ et contemptus ulcere. Morbus inobedienciæ languor est animæ. Qui enim non vult operari bona et potest, vivit; sed tamen infirmus est; vivit potestate, sed languet prava voluntate. Hoc morbo primus homo languit, qui cum viveret potestate, et sanus esset bona voluntate, bestiis terræ, et avibus aeris, ac piscibus maris præpositus fuit (*Gen. 1*); per inobedienciæ vero culpam lapsus, a paradisi gaudiis dejectus, etiam nunc muscis et culicibus expositus ac subjectus servit. Quando infirmitas carnis adunatur in amorem, contigit quandoque, ut generet languorem. Mens enim carnalis per tumorem superbiæ incurrit sæpissime languorem inobedienciæ.

Duæ autem sunt species tumoris: dura videlicet, et mollis. Dura species tumoris est in carne obstinatio carnalium in conversatione. Hæc autem tribus modis meleri solet: emplastro scilicet, unguento, et ferro, id est exemplo boni operis, verbo comminationis, disciplina correctionis. Cum enim mens non emittit saniem pravæ intentionis per confessionem, vel ex commotione non promittit emendationem; restat ut recipiat ferri incisionem, id est asperrimam disciplinæ correctionem. Unde dicit beatus Isidorus doctor eximius (100): « Qui blando verbo castigatus non corrigitur, necesse est ut acrius arguatur. Cum dolore enim abscondenda sunt, quæ leniter sanari non possunt. Qui admonitus secretim, corrigi de peccato negligit, publice est arguendus: ut vulnus quod occulte nescit sanari, manifeste debeat emendari. » Est autem tumor mollis, cum mens inflata delectatur voluptuosis cibis, dum sectatur otium, somnolentia torpescit, vanis gaudet fabulis. Ex his ergo languor animæ nascitur, quando duritia obstinationis pressa, vel mollitie delectationis dissoluta, mens superba nihil

boni operatur. Assumit sibi inobediencia quandoque nomen obedientiam, ut de ea solo nomine gloriatur, et non opere. Sed quia obedientia multis modis dicitur, expedit ut sermo de ea habitus alius ordinatur.

Imponitur enim obedientia præcepto, facto, et loco, ut designetur quod præcipitur, monstret quod agitur, nominet locum in quo quis moratur. De præcepto enim dicitur: injunxit ei obedientia; de facto: complevit obedientiam; de loco: moratur apud obedientiam, cum aliquam domum servat remotam. Prima est facilis, secunda gravis, tertia ad utrumque se habet. Leve est præcipere, sed grave est implere; locus vero aliquando placet, aliquando displicet. Placet quibusdam obedientia, non ut in ea exercentur bonis operibus, nec quia abundet fratribus; sed multis epulis et diversis deliciis. Placet obedientia quibusdam, non ut in ea magis Deo serviant quam in claustro studiosius, sed ut sibi obsequium præbeatur a famulis diversæ ætatis abundantius, et deserviant otiosis fabulis suisque voluptatibus licentius. Ideo obedientia placet, quia in domo cuncta solus possidet, et quæ vult, aliis donat, quæ vult, sibi retinet, dum propriam voluntatem sæpe rationi præfert. Sicque fit, ut apud eum qui obedientiam perversa voluntate suscipit, vocetur obedientia, cum non sit. Hanc obedientiam multi desiderant, non ut Deo et prælato suo tota mente obediant, sed ut extra obedientiam esse queant. Multis autem modis a quibusdam obedientiam esse queant. Multis autem modis a quibusdam obedientia quæri solet, videlicet auxilio parentum, consilio fratrum, simulationis ingenio, ut quod minus parentum vel exhortationibus fratrum non potest obtineri, saltem simulationis ingenio possit adipisci. Hæc autem obedientia, quæ conceditur alicui parentum minus seu qualibet exactione, sive fratrum seductoria exhortatione, vel etiam boni operis simulatoria ostensione nomen habet obedientiæ, sed caret re. Obedientia vocatur exterius, sed fructum remunerationis non habet interius. Hujusmodi obedientia non acquiritur, ut corpus pro Deo laboribus fatigetur; sed ut præsentis vitæ blandimentis delectetur.

Ad hanc etiam obedientiam aliis modis perventur, ut quod illis tribus præcedentibus non potest, promissione muneris obtineatur. Sic adhuc cum Petro Simon magus moratur in Ecclesia, moratur et Ananias cum Saphira (*Act. v*). Per Petrum boni prælati intelliguntur, per Simonem vero, Ananiam et Saphiram mali subditi designantur. Voluit Simon emere Spiritus sancti gratiam (*Act. viii*), volunt isti emere obedientiam. Simon pecunia voluit donum Spiritus sancti emere, isti nituntur Ecclesiæ redditus pretio acquirere. Isti ergo Petri apostoli non sunt filii per doctrinam, sed Simonis magi

(99) Ex Greg., lib. xxxv *Mor.*, numer. 30.

(100) Lib. iii *Sent.*, cap. 46.

per avaritiam (1). Eius quisque filius dicitur, cujus doctrinam sequitur. De errore auctoris a quibusdam nomen et culpa trahitur, ut ipsius vocabulo censeatur, cujus errorem sequitur. Sic loquitur Dominus per prophetam Israel: *Pater tuus Amorrhæus, et mater tua Cethæa* (*Ezech. xvi*); non utique nascendo, sed imitando. Sic et in meliorem partem filii Dei nuncupantur, qui præcepta Dei tota mente sequuntur. Unde et nos non natura sed adoptione clamamus Deo in oratione dicentes: *Pater noster, qui es in cælis* (*Matth. vi*). Recte ergo dicuntur filii magi Simonis non natura sed imitatione, qui pretio emunt obedientias, sive quaslibet dignitates Ecclesiæ. Ananias et Saphira absconderunt partem substantiæ (*Act. v*), isti vero negotiis incumbunt acquirende pecuniæ. Sed sicut scriptum est: *Nemo militans Deo implicat se terrenis negotiis* (*II Tim. ii*). In hoc ergo manifestum est eos non militare Christo sed mammonæ, quia non sectantur spirituales divitias, sed lucra temporalis vitæ. Non student ut Jesu Christo cælesti regi placeant, sed ut temporaliter divites fiant. Amplius regnat in eorum cordibus avaritia, quæ est servitus simulacrorum, quam voluntaria paupertas, quæ introducit hominem in regno cælorum. Hi tales plus gaudent equitando per plateas civitatis discurrere, quam in claustro psalmos sub silentio recitare. Hæc est obedientia cum Simonia plena avaritia et inani gloria, quæ amatorem suum non subleval ad æterna gaudia, sed præcipitat in tartara.

Est et alia species obedientiæ, quæ tantum obedientia vocatur: de qua dicitur: *Quia obedisti voci uxoris tuæ, et comedisti de ligno, maledicta terra in opere tuo* (*Gen. iii*). Quatuor sunt autem voces, scilicet uxoris, mundi, et diaboli, ac Dei. Audiam igitur quid loquatur in me Dominus Deus (*Psal. lxxxiv*). Nunquid loquetur diabolus? nunquid caro? nunquid mundus? Vox uxoris vox carnis; vox autem carnis voluptas; vox mundi vanitas; vox Dei bonitas (2). Suggestionem quippe diaboli serpente accipimus. Mulier vero sensus est animalis corporis, id est carnis, quem habemus communem cum bestiis, et dicitur inferior pars rationis. Unde quando occurrit nobis peccati suggestio, quasi serpens loquitur. Si vero oblectatur caro prava: illius suggestionis consensu, quasi mulier consentit. Sed si refrenatur et expellitur a cogitatione perversa suggestio, quasi mulier sola comedit illicitum lignum. Si vero ipsum peccatum, quod serpens, id est diabolus suggerit, et caro delectando, id est inferior pars rationis scilicet mulier manducat, et si mens hominis, id est superior pars rationis ipsum peccatum perpetrare consenserit, jam quasi vir deceptus est. Jam mulier viro cibum dedit, cum mens rationalis ad peccandum delectationibus carnis consensum præbuit. Qui-

cunque ergo libenter audit vocem serpentis, id est suggestionem diaboli, et obediens est voci mulieris, scilicet delectationi suæ carnis, statim inobediens efficitur voci Creatoris. Voci igitur uxoris obediunt, qui carnis delectationibus non contradicunt, et plus voluptati carnis quam voci Dei obediunt. Est autem Creatoris vox de prælatiis dicens ad subjectos: « Quod dicunt, facite; quod autem faciunt, facere nolite (*Matth. xxiii*). » Ut perversis obediatis prælatiis innult, qui etiam male operantibus obedire jussit (*I Petr. ii*), ut ingrediaris et egrediaris cum David sub Saule, et eundem honores licet reprobum cum Samuele. Obediendum est ergo prælatiis, si recta præcipiant, quamvis ipsi male vivant. Inobedientes igitur et superbos se esse testantur, qui prælatiis licet perversis non obediunt, et eos non venerantur. Audi etiam breviter quid te oporteat facere, et qualiter prælatiis, sive bonis sive malis, debeas obedire. Nec bonis prælatiis obediatis in malis præceptis, nec malis contradicatis in bonis. Esto obediens malis prælatiis in bonis præceptis, et cave ne obediatis bonis in iussionibus malis.

Interea, fratres charissimi, Pauli apostoli sententiam ad memoriam reducite, ut perfectius intelligere valeatis virtutem obedientiæ. Sic enim ait ipse: *Quæcunque ordinata sunt, a Deo ordinata sunt. Igitur qui potestati resistit, Dei ordinationi resistit* (*Rom. xii*). Ille ergo Dei ordinationi resistit, qui prælati sui præcepta contemnit. Quicumque prælato Ecclesiæ digna præcipienti contradicit, non solum homini, sed et Deo rebellis atque inobediens existit. Dathan et Abiron hac de causa perierunt, quia prælatiis suis, scilicet Moysi et Aaron, inobedientes fuerunt, quando sibi per contumaciam sacrificandi licentiam usurpaverunt (*Num. xvi*). Unde scriptum est in libro Psalmorum: *Aperta est terra, et deglutivit Dathan; et operuit super congregationem Abiron* (*Psal. cv*). Hi enim, ob temeritatis suæ videlicet audaciam, terræ compagibus ruptis, viventes profundo hiatu merguntur, ac traduntur inferni suppliciiis. Nonne etiam rex Saul, propter culpam inobedientiæ a Domino fuit reprobatus, de sede regni expulsus, dominio Satanæ mancipatus, et ad ultimum a Philisthæis interfectus? Pensate ergo, dilectissimi, quam gravis sit culpa inobedientiæ pro qua non solum animæ cruciantur in inferno, sed et corpora puniuntur in hoc sæculo. Perpendite quam grave peccatum sit Dei ordinationi resistere, pro quo non solum in anima exsolvitur pœna, sed etiam in corpore. Audiant ergo rebelles, timeant inobedientes mandatis seniorum, ne cum Dathan et Abiron tradantur tormentis infernorum. Caveant imitari vestigia Core seditiosi, ne forte mergantur cum eo in profundum inferni. Non velint imitari Core seditiosum, qui per contumaciam et rebellionem multos secum præcipitavit in infernum; sed Christum sequantur, qui per humilitatem Deo Patri

(1) Ex Isidor. lib. i *Sent.*, cap. 12(2) Isid., *Quæst. in Gen.*, c. 4

obediens usque ad mortem (*Philip. 11*), multos quotidie post se trahit ad regnum (*Joan. 111*). Christum ergo, fratres et domini mei, timete, ipsumque super omnia diligite, ejusque ordinationibus reverentiam exhibete. Sic enim ait ipse: *Si quis diligit me, sermonem meum servabit* (*Joan. 14*). Appareat ergo dilectio illius in vestris operibus. Exemplo ejus tenete humilitatem in vestra conversatione, et pro amore ipsius prælatis vestris obedientes estote. Libenter in hac vita prælatis jussionibus obtempe-

rate, ut ad æternam libertatem possitis pertingere. Devote igitur colla divinæ dispensationi subjicite, propriis desideriis renuntiate, voluntatem prælati vestri propriis voluntatibus anteposite, præcepta illius sine murmuratione implere satagite; ut post hanc vitam ad cœlestem patriam possitis pervenire, ibique de visione Dei Patris in æternum gaudere; ipso præstante, qui cum eodem Patre et Spiritu sancto in Trinitate perfecta vivit et regnat Deus per omnia sæcula sæculorum. Amen.

## SERMO SEXTUS

### DE DISCIPLINA.

Audite, fratres charissimi, quid Dominus noster Jesus Christus ad eruditionem et consolationem totius Ecclesiæ suæ dicat in Apocalypsi. Ego, inquit, quos amo, arguo, et castigo (*Apoc. 111*). Illis verbis ad tolerantiam atque disciplinam hortatur nos, sicut Pater piissimus, ut omnia quæ nobis ab eo sive a prælatis nostris præcipiuntur, patienter et cum omni mansuetudine toleremus. Ideo nos pro peccatis et negligentis per se et sanctæ Ecclesiæ ministros arguit Dominus et castigat in hoc præsentis sæculo, ne cum hoc mundo, hoc est cum amatoribus mundi, damnemur in futuro. (3) Quisquis igitur Deo exercitationibus disciplinæ non servit, Deum absque disciplinæ rigore evadere non poterit; atque ideo Psalmista consulendo indiscipline viventibus dicit: *Apprehendite disciplinam, nequando irascatur Dominus, et pereatis de via justa* (*Psal. 11*). Sed quid est disciplina? Disciplina est morum ordinata correctio, et majorum præcedentium regulæ observatio. De qua disciplina Paulus apostolus ita loquitur, dicens: *In disciplina perseverate. Tanquam filiis vobis offert se Deus* (*Hebr. 12*). Quod si extra disciplinam estis, ejus participes facti sunt omnes; ergo adulteri, et non filii estis. Qui ergo sine disciplina sunt, adulteri sunt, et cœlestis regni hæreditatem non accipiunt. Filii autem paternæ disciplinæ correctionem libenter portant, et hæreditatem cœlestis patriæ omnino recipere non desperant. De qua etiam disciplina Isaias indiscipline plebi prædicat, dicens: *Quiescite agere perverse, discite benefacere* (*Isa. 1*). Et eadem Psalmista prosequitur dicens: *Declina a malo, et fac bonum* (*Psal. xxxvi*). Unde etiam Salomon ait: *Multum errat, qui disciplinam abjicit* (*Sap. 111*). Ille igitur est infelix, qui abjicit disciplinam patris, id est ecclesiasticæ dispensationis. Sicut milites Christum crucifigentes non diviserunt ejus tunicam (*Joan. 19*); sic nos non debemus scindere

nec dividere Ecclesiæ Christi disciplinam. Sicut enim tunica totum corpus præter caput tegit, ita disciplina omnem Ecclesiam præter Christum, qui eandem disciplinam tradidit, ornat et tegit. Ipsa vero tunica contexta desuper fuisse per totum describitur, quia eadem Ecclesiæ disciplina a Domino de cœlo tribuitur et integratur. De qua Dominus, postquam surrexit a mortuis antequam ad Patrem ascenderet, loquebatur discipulis suis: *Vos autem sedete hic in civitate, quousque induamini virtute ex alto* (*Luc. 24*). Tunica ergo corporis Christi disciplina Ecclesiæ est. Qui autem extra disciplinam est, a corpore Christi alienus est. Non scindamus igitur tunicam Christi, sed sortiamur de illa, id est summopere studeamus, ut eam integram conservemus, ne forte ab illius integritatis portione vacui remaneamus. Nemo quidquam de mandatis Christi solvat, sed unusquisque in quo vocatus est, in eo apud Deum permaneat.

Quicumque disciplinam Christi et catholicorum sacerdotum, quos ipse Ecclesiæ suæ præposuit, contemnit, per diversas errorum vias eundo perditionis laqueum incurrit. Unde sub prævaricatoris populi persona humanum genus ita deplangit propheta: *Nos sicut oves erravimus, unusquisque in viam suam declinavit* (*Isa. 53*). De (4) illis etiam qui disciplinam Domini abjiciunt, et voluntatem propriam sequuntur, sapientia per Salomonem sic loquitur: *Multæ viæ videntur hominibus rectæ, et novissima eorum ducunt ad mortem* (*Prov. 14*). Quæ utique multæ perditionis viæ tunc sequuntur, cum una regalis via, lex Dei videlicet, quæ neque ad dexteram nec ad sinistram declinat, per negligentiam deseritur. De qua scilicet via Dominus Jesus Christus, qui est finis legis ad justitiam omnium credenti (*Rom. 10*), denuntiat dicens: *Ego sum via, veritas et vita, nemo venit ad Patrem, nisi per me* (*Joan. 14*). Ad quam viam omnes homines

(3) Ex lib. *De duodec. abusion. gradib.*, gradu 11, in *App. Ang.*, tom. VI.

(4) *Ibid.*, gradu 12

concomititer invitat, dicens: *Venite ad me, omnes qui laboratis et onerati estis, et ego reficiam vos* (Matth. xi), quia non est acceptio personarum apud Deum (Deut. x). Ubi non est Judæus et Græcus, masculus et femina (Gal. iii), *servus et liber, barbarus et Scythia: sed omnia et in omnibus Christus* (Coloss. iii). Omnes ergo unum sunt in Christo Jesu. Dum ergo Christus finis est legis (Rom. x), qui sine lege, id est sine disciplina sunt, sine Christo fiunt. Quicumque ergo sunt sine doctrina, non sequuntur Christi vestigia. Incongruum est ergo et a justitia devium, in temporibus Evangelii servi Dei sine Christo fieri, quando apostolis in cunctis gentibus licentia prædicationis data est (Matth. xxviii); quando per cunctas sæculi partes intonuit tonitruum, vox scilicet Evangelii; quando gentes, quam non sectabantur, apprehenderunt justitiam (Rom. ix); quando qui longe fuerunt, facti sunt prope in sanguine Christi (Ephes. ii); qui aliquando non populus, nunc autem populus sanctus in Christo (Ose. ii); quando est tempus acceptabile et dies salutis (II Cor. vi), et tempora refrigerii in conspectu Altissimi (Act. iii). Quando unquamque gens habet testem resurrectionis, quomodo protestatur Dominus suis discipulis: *Ecce ego vobiscum sum omnibus diebus, usque ad consummationem sæculi* (Matth. xxviii). Non faciamus ergo aliquid sine Christo, ne sine nobis Christus esse incipiat in futuro.

Dignum est ergo, dilectissimi, ut disciplinam Christi cum omni devotione suscipiamus, et ut prælatis nostris pro Christo obedientes simus. Revera necessaria est adolescentibus atque juvenibus disciplina, et ut præceptis seniorum subjiciantur cum omni humilitate ac reverentia. Unde et Dominus in Veteri Testamento Levitis ab anno vigesimo quinto tabernaculo servire mandavit, et a quinquagesimo custodes vasorum fieri præcepit (Num. viii) (5). Quid enim per annum vigesimum quintum, in quo flos juventutis oboritur, nisi ipsa vitiorum bella contra unumquemque signantur? Et quid per quinquagesimum annum, in quo jubilæi requies continetur, nisi interna quies edomitæ mentis exprimitur? Quid vero per vasa tabernaculi, nisi fidelium animæ signantur? Levitæ ergo ab anno vigesimo quinto tabernaculo deservunt, et quinquagesimo custodes vasorum fiunt; ut videlicet qui adhuc impugnantium vitiorum certamina tolerant, aliorum curam suscipere non præsumant; sed disciplinis majorum subesse studeant. Cum vero tentationum bella subjiciunt, cum apud se jam in intima tranquillitate securi sunt; animarum custodiam, quasi docti, spiritali prælio suscipiunt. Sed quis hæc prælia perfecte subjiciat, cum Paulus, doctissimus videlicet ac fortissimus præliator dicat: *Video aliam legem in*

*membris meis repugnantem legi mentis meæ, et captivum me ducentem in lege peccati* (Rom. vii). Sed aliud est bella fortiter perpeti, aliud bellis enerviter expugnari, et dissolute vinci.

In istis ergo fortissimis præliis exercetur virtus juvenum, ne extolli debeat; in illis vero debilibus et dissolutis omnino exstinguitur, ne subsistat. Bonum est igitur adolescentibus et juvenibus, ut dum calor naturæ pullulat in membris, et in corpore proficit vigor ætatis, cum omni humilitate famulentur præpositorum imperiis (6). Qualiter namque in senectute ministrari sibi ab aliis sperat, qui in adolescentia senioribus obedientiam exhibere recusat? Qui in juventute positus disciplinis majorum non vult esse subditus, quomodo in senectute constitutus putat sibi reverentiam deferri a junioribus? Unde et in proverbio apud veteres habetur, quod illi servire alii nolint, qui prius alicui servitutum denegat. Propter quod et Dominus Jesus Christus in temporibus adolescentiæ dum adhuc ad legitimam ætatem doctoris non pervenerat, obedienter ministrationem parentibus suis exhibebat. Ideo quippe in juvenili ætate honorem, et reverentiam, atque ministrationem deferebat suis parentibus, ut exemplum obediendi ac ministrandi præberet juvenibus (Luc. ii). Sicut ergo in senibus sobrietas et morum perfectio requiritur, ita in adolescentibus obsequium, et subjectio, atque obedientia rite debetur. Quapropter et in mandatis legis primum horum quæ ad homines pertinent, patris et matris honor imperatur (Exod. xx); quia, quamvis carnalis pater non supervixerit, aut indignus fuerit, alicui tamen viventi paternum honorem usque ad perfectam et dignam ætatem a filiis præbendum esse ostenditur. Congruenter quousque ad legitimam ætatem pervenerint filii, præcipiuntur vivere sub disciplina patris sui, vel alienjus extranei, quia indisciplinatus quisque et indoctus nequaquam poterit esse discipulus Christi.

Quinque etenim modis in Scripturis divinis patres vocantur: hoc est, natura, gente, admonitione, ætate atque adoptione. De patre namque naturaliter Jacob dixit ad Laban: *Nisi timor patris mei Isaac adfuisset, tulisses omnia que mea sunt* (Gen. xxxi). Gente vero pater vocatur, quando Dominus ad Moysen de rubo loquebatur: *Ego sum, inquit, Deus patrum tuorum, Deus Abraham, Deus Isaac, et Deus Jacob* (Exod. iii). Ætate autem pater et admonitione dicitur, cum Moyses in cantico Deuteronomii loquitur: *Interroga patrem tuum, et annuntiabit tibi; majores tuos, et dicent tibi* (Deut. xxxii). Nos vero adoptionis patrem vocamus, cum in oratione, *Pater noster, qui es in cælis* (Matth. vi), dicimus. Quod si ergo naturalis pater superstes non fuerit, aut indignus exstiterit; admonenti tamen seniori ab adolescentibus obedientia exhibe-

(5) Ex Greg. xxxiii, Mor., n. 21.

(6) Ex præfatio lib. De duodecim abusivorum gradibus, gradu 3,

benda erit. Quomodo enim honorandus in senectute apparebit, qui disciplinæ laborem in adolescentia non sustinuerit? Quodcumque etenim homo laboraverit, hoc et metet (*Galat. vi*). *Omnis namque disciplina in presenti non videtur esse gaudii sed mœroris, nec requiei sed laboris: Postea autem fructum pacatissimum justitiæ reddet exercitatis* (*Hebr. xii*). Sicut ergo fructus non invenitur in arbore, in qua pampinus aut flos prius non apparuerit; sic et in senectute honorem consequi legitimum non poterit, qui in adolescentia disciplinæ alicujus bonæ exercitationis non laboraverit. Disciplina igitur absque obedientia qualiter fieri poterit? Adolescens ergo sine obedientia, adolescens est sine disciplina. Quare? Quia ipsa obedientia, quæ omnium virtutum mater est et perfectio, magna exercitatione indiget, ut sui normam studii exhibeat Christo Domino, qui obediens Patri usque ad mortem, crucis ignominiam libenter sustinuit pro omni populo suo (*Philip. ii*).

(7) Doctorum tamen catholicorum disciplinam temperatam esse oportet, ne per nimiam crudelitatem vulneret quos mederi et sanare debet. (8) Superbi doctores vulnerare potius noverunt quam emendare, Salomone testante: *In ore stulti virga superbiæ* (*Prov. xiv*). (9) Revera superbi doctores in ore virgam superbiæ ferunt, quia increpando rigide feriunt, et compati humiliter ac misericorditer nesciunt. Iracundi etiam doctores per rabiem furoris disciplinæ modum ad immanitatem convertunt crudelitatis, et unde emendare poterant, inde potius vulnerant. Ideo sine mensura ulciscitur culpas præpositus iracundus, quia cor ejus dispersum in rerum curis, non colligitur in amorem unius dignitatis. Mens enim soluta in diversis, catena charitatis non astringitur, sed male laxata male ad omnem occasionem movetur.

(10) Notandum igitur ab omni prælato vehementer, ut tanto se erga sibi commissos cautius agat, quanto durius a Christo pro eisdem judicari formidat. Nam sicut scriptum est: *In qua mensura mensi fueritis, in ipsa remetietur vobis* (*Matth. vii*). (11) Quicumque ergo ad reginam prædicatur, taliter se erga disciplinam subditorum debet præstare, ut non solum clarescat auctoritate, verum etiam humilitate. Sed tamen ita aderit in eo virtus humilitatis, ne vita subditorum dissolvatur in vitis. Atque ita aderit auctoritas potestatis, ne per tumorem cordis severitas existat immoderationis. Hæc est ergo in Dei sacerdotibus vera discretio, quæ nec per libertatem superbi, nec per humilitatem sint remissi.

(12) Sciendum vero est quia non omnibus subiectis una eademque doctrina est adhibenda, sed

A pro qualitate morum diversa erit exhortatio doctorum (13). Manifesta igitur peccata non sunt occulta correctione purganda. Palam enim sunt arguendi, qui palam nocent; ut, dum aperta oburgatione sanantur, hi qui eos imitando deliquerant, corrigantur. Dum unus corripitur, plurimi emendantur. Utilius est enim ut pro multorum salvatione unus condemnetur, quam per unius licentiam vel pravitatis exemplum multi periclitentur. Ita ergo delinquenti sermo est proferendus, sicut ejus qui corripitur, expostulat salus. Nam quosdam increpatio dura, quosdam vero increpatio corrigit blanda. Unde dicit beatus Ambrosius, vir magnæ reverentiæ et eximie conversationis in Christi Ecclesia: « Leuiter castigatus exhibet reverentiam castiganti; asperitate vero animæ increpationis offensus, nec increpationem recipit, nec salutem. » Sic enim ait beatus Isidorus doctor egregius (14): « Sicut periti medici ad varios corporis morbos diverso medicamine servant, ita ut juxta vulnere qualitates diversa medicamenta adhibeant; sic et doctor Ecclesiæ singulis quibusque congruum doctrinæ remedium adhibebit, et quid cuique oporteat, pro ætate, pro sexu ac professione, annuntiabit (15). Nonnunquam etiam discreti doctores duris feriunt increpationibus subditos, qui tamen a charitate eorum, quos corripunt, non recedunt. Sæpe etiam Ecclesiæ censura arrogantibus videtur esse superba, et quod pie fit a bonis, crudeliter fieri putatur a pravis, quia non recto discernunt oculo, quod a bonis recto fit animo. »

(16) Est præterea quorundam excusatio peccatorum, qui, dum pro facinoribus suis arguuntur, verba præpositorum justorum pro censura declinanda abjiciunt, servantes se divino judicio, quo durius puniendi sunt, dum temporaliter judicari se ab hominibus contemnunt. Iniquis molesta est veritas, et amara justitiæ disciplina, nec delectantur nisi propriæ imbecillitatis placentiæ; justitiæ infecundi, et steriles veritatis, cæci ad contuendam lucem, et oculati ad tenebrarum aspiciendum errorem. Nonnullos esse [add. videas] pravitatis homines, qui, dum ipsi a malo corrigi negligunt, correctorem falsa criminatione detrectant, et ad sui solatium sceleris usurpant, si vel falso compererint quid ad infamiam bonorum objiciant. Unde in Salomone legitur: *Bona in malum convertet impius, et in electos imponet maculam* (*Eccli. xi*). Plerique etiam mali similes a bi in malum defendunt, et patrocinio suo pravos contra correctionem bonorum suscipiunt, ne unde displicent, emendentur; adjicientes in se aliena delicta, ut non tantum de suis malis, sed etiam de aliorum facinoribus quorum peccata defendunt, condemnentur. Disciplina igitur ecclesiastica moderata

(7) Isidor. lib. iii *Sent.*, cap. 41.

(8) Ex Greg. lib. xxiv, n. 40.

(9) Isidor. ubi sup., cap. 40.

(10) *Ibid.*, cap. 46.

(11) *Ibid.*, cap. 24.

(12) *Ibid.*, cap. 42.

(13) *Ibid.*, cap. 45.

(14) Ubi sup., c. 43.

(15) Jam ex cap. 43.

(16) *Ibid.*, ex c. 32.



esse et discreta oportet, ut negligentes emendet, debiles confortet, bonos ad æmulandum charismata meliora provocet.

Vos igitur moneo, fratres et domini mei, ut disciplinam Domini nostri Jesu Christi, quæ vobis per vestros denuntiatur prælatos, libenter suscipiatis, et eorum præcepta pro viribus implere studeatis, atque in omnibus illorum voluntatem propriis voluntatibus anteponeere festinetis. Nemo vestrum dicat: Quare abbatibus mei suscipiam disciplinam, cum ego doctior illo sim, et in Scripturis majorem habeam intelligentiam? Aut: Quare subijciar prælati mei disciplinis, cum ipse sit infirmi generis, ego autem filius sim potentioris ac fortioris hominis? Cur mandata illius impleam, cum ipse in moribus negligentior sit, et ego sanctius vivam? Nolite, fratres dilectissimi, ista dicere apud vos; quia nec opus, nec ratio, nec scientia, nec sapientia aliquid valet apud inferos (Eccle. ix). Nemo se extollat quod sit filius alicujus magnatis, quia in die districti examinis Domini nostri Jesu Christi non poterit ei subvenire nobilitas generis (17). Nullus etiam propter sanctitatem sibi a Deo collatam in superbiam elevetur contra suum prælatum, quia multorum temporum jejunia, elemosynæ, vigiliæ, lacrymæ, orationes, et cætera bona, si cum superbia linem acceperint, pro nihilo reputantur apud Deum. Illumines igitur estote, et disciplinam prælati vestri cum omni devotione suscipite; quia utilius est corripri vel castigari a justo homine, quam decipi vel adulari a peccatore. Unde Psalmista dicit: *Corripiet me justus in misericordia, et increpabit me: oleum autem peccatoris non impinguet caput meum* (Psal. cxl). Oleum peccatoris laus est adulatoris. Tunc ergo

A caput oleo ungitur peccatoris, quando adulationibus delectatur mens audientis. Mens enim pro capite ponitur in divinis Scripturis. Libenter ergo dorsa flagellis subjicite, ut tormenta inferni possitis evadere. Non videatur vobis durum abbatibus manu flagellari, ut in cœlesti curia in numero martyrum possitis computari. Nonne melius est vobis pro culpis et negligentibus a prælato temporaliter virgulis verberari, quam apud gehennam æternos cruciatus perpeti? Nonne multo melius ac tolerabilius est abbatibus sententiam humiliter ferre in hoc sæculo, quam per superbiam et contumaciam æternæ damnationis pœnam cum diabolo et angelis ejus sustinere in inferno? Devote igitur, dilectissimi, tenete et custodite disciplinam vestri pastoris, ut cum eo B hæredes possitis esse æternæ beatitudinis. Castiganti reverentiam exhibete, corripientem amate, admonenti honorem rependite, flagellanti gratias agite, bona suadenti obsequium præbete, regularia ac Deo placita mandata præcipienti in omnibus obtemperate. Mala pro bonis non reddatis, benedicti maledictionem non opponatis, prædicanti convicium non retorqueatis, increpantem non dehonestetis. In omnibus ergo vosmetipsos sicut Dei ministros ac discipulos exhibete; terreatria contemnite, cœlestia amate, peccata vestra et eorum quorum elemosynas comeditis, studiosè dellete, pœnas inferni formidate, gaudia æternæ vitæ desiderate, ut, inoffenso pede vestigia Christi sequentes, ad cœlestem patriam cum abbate, qui vobis præest, possitis C pertingere: ipso præstante, qui cum eodem Patre et Spiritu sancto in Trinitate perfecta vivit et regnat Deus per omnia sæcula sæculorum. Amen.

(17) Ex lib. *De salutarib. docum.*, cap. 32, in *App. Aug.*, tom. VI.

## SERMO SEPTIMUS.

### QUALITER JUVENES OTIUM FUGIANI

Dignum est, fratres et domini mei, ut ea in communi audiamus, quæ ad eruditionem nostram, imo totius Ecclesiæ, Hispaniarum doctor loquitur Isidorus. Idcirco nobis, ut credo, corpus illius donavit Deus, quatenus saluberrimam illius doctrinam devote suscipiamus, eamque bonis operibus implere festinemus. Ita ergo admonitionem illius reverenter debemus audire, ac si nobiscum vivens loqueretur in corpore. Ait enim (18): « Sicut legendo scire concupiscimus ea quæ nescimus, ita sciendo recta quæ didicimus, opere implere debemus. » Lector strenuus potius ad implendum opere ea quæ legit, quam ad discendum ea quæ nescit, erit promptis-

D simus. Lex Dei præmium habet et pœnam legentibus eam. Præmium habet his, qui eam bene vivendo custodiunt; pœnam vero illis, qui illam male vivendo contemnunt (19). Ad majoris culpæ cumulum pertinet scire quemquam quod sequi debeat, et nolle sequi quod sciat. Unde Dominus in Evangelio: *Servus, inquit, sciens voluntatem Domini sui, et non faciens, plagis vapulabit multis* (Luc. xii). Et Jacobus: *Scienti bonum, et non facienti, peccatum est* (Jac. iv). (20) Dei ergo servum sine intermissione legere, orare et operari oportet, ne forte mentem otio deditam spiritus fornicationis subrepat, et ad peccandum provocet. Luxuria cito præ-

(18) Lib. iii *Sent.*, cap. 8.

(19) Hæc ex lib. ii, cap. 4.

(20) Rursum ex lib. iii, c. 19.

bécupat hominem illum, quem invenit otiosum; A  
 minus vero delictatur flagitio corpus labore fati-  
 gatum. « Contuere regem Salomonem per otium  
 multis fornicationibus involutum, et per fornicati-  
 onis vitium usque in idololatriam lapsum (*III Reg.*  
*xi*): (21) Multum ergo apud Deum utraque sibi  
 commendantur necessário: ut oratione operatio,  
 et opere fulciatur oratio. Unde etiam Jeremias ait:  
*Levemus corda nostra cum manibus ad Deum*  
*(Thren. iii)*. Cor enim cum manibus levat, qui ora-  
 tionem cum bono opere sublevat. Nam quisquis orat  
 et non operatur, cor levat, et manus non levat.  
 Quisquis vero operatur et non orat, manus levat  
 ad Deum, et cor non elevat. Sed quia et operari  
 necesse est et orare, bene juxta utrumque di-  
 ctum est: *Levemus corda nostra cum manibus ad*

*Deum.*  
 Igitur, fratres charissimi, ne de negligentia man-  
 ditorum corde reprehendamus, dum salutem nos-  
 tram obtinere sola oratione aut sola operatione  
 contendimus, necesse est ut, postquam bonum opus  
 agimus, lacrymæ orationum fundantur ut meritum  
 bonæ actionis humilitas impetret precis. Quicumque  
 igitur Deo in omni conversatione sua placere desi-  
 derat, otium fugiat, interdum orationi incumbat,  
 interdum vero utile sibi et aliis opus quaerat; quia  
 otium stultitiam auget, labor vero scientiam ge-  
 nerat (22). Hac de causa in omni opere bono fraus  
 et desideria sunt formidanda. Fraudem Deo faci-  
 mus, quoties de bono opere nostro non Deum sed  
 nosmetipsos laudamus. Desidia agimus, quoties  
 per torporem languide ea quæ Dei sunt, operamur.  
 Omnis ars hujus sæculi strenuos habet amatores;  
 et ad exsequendum promptissimos; et hoc proinde  
 fit, quia præsentem habet operis sui remunerati-  
 onem. Ars vero divini timoris plerosque habet se-  
 ctatores languidos, tepidos, pigritiæ inertia conge-  
 latis; sed proinde, quia labor eorum non præsentem  
 sed pro futura remuneratione differtur. Ideoque  
 dum eorum laborem mercedis retributio non statim  
 consequitur, spe dissoluta pene in bono opere lan-  
 guescunt.

Est autem labor et otium interioris hominis, est  
 labor et otium exterioris. Labor interioris hominis  
 labor scientiæ, labor exterioris exercitium opera-  
 tionis. Labor scientiæ in tribus dividitur partibus:  
 id est in labore disciplinæ, et exercitii, atque do-  
 ctrinæ. In pueritia est labor disciplinæ, in juven-  
 tute labor exercitii, in senectute labor doctrinæ;  
 ut qui nescit, in pueritia discat; qui didicit, in ju-  
 ventute ad usum ducat; quod autem ad usum duxit,  
 in senectute doceat. Est et alius labor interior,  
 scilicet cogitationis et meditationis, ut ad requiem  
 perveniat contemplationis; ut, si quid per obli-  
 vionem sub nube dubitationis latet obscurum, fiat  
 cogitatione liquidum, meditatione liquidius, con-  
 templatione liquidissimum. Cum enim aliquid de

cælestibus offert memoria menti, prius quasi con-  
 fusum in cogitatione cernitur, postea meditatione  
 discernitur, ad ultimum vero contemplatione digno-  
 scitur. Accenditur ergo consideratione cogitatio;  
 inflammatur discretione meditatio, illuminatur co-  
 gnitione contemplatio. Est enim cogitatio in mente;  
 quasi fumus in igne; meditatio, quasi flamma cum  
 fumo; contemplatio, ignis cum flamma sine fumo.  
 Cum autem mens ad consideranda cælestia laborat,  
 tunc cogitatio occupatione temporalium rerum im-  
 peditur, meditatio quippe otio conturbatur, con-  
 templatio curiositate revocatur; et sic fit quando-  
 que; ut mens otiosa voluptate torpescat, ac vitium  
 subiciatur. Cum igitur homo interior jacet in le-  
 ctulo voluptatis, dum somno torpescit inertiae, et

sonnis deluditur curiositatis, convocat et hortatur  
 hominem exteriorem, ut inclinet aures furoribus,  
 loquatur vana, induatur mollia, mane comedat,  
 lectionem cœnæ terminet gallus. Euntibus dormi-  
 tum, surgentes ad vigiliis fratres obviunt, vigi-  
 lantibus illis dormiant, redeuntibus surgant. Sed  
 melius forsitan esset, si nihil dicerent, quam si  
 subtractis syllabis aut dictionibus psalmos decan-  
 tarent. Hac est otiosorum tarditas, qui nihil ope-  
 rantur ad horam, sed semper comitantur moram.  
 In hoc potius gaudent, ut extra conventum com-  
 edant, et ad horas tardius surgant. Illi sunt qui  
 expectant cum asino, nec ascendunt cum Isaac in  
 montem: portantes paleas et stimulum, quæ ad asi-  
 num pertinent; non ignem et gladium, quæ perti-  
 nent ad sacrificium. Ait enim Abraham ad pueros:  
*Expectate hic cum asino: ego et puer, postquam ado-*  
*raverimus, revertemur ad vos (Gen. xxi)*. Pueri sunt  
 pueriles sensus animi, qui cum asino expectant;  
 quia tarditatem seipsum accant. Duo dicuntur esse  
 pueri, otiosi videlicet et lepidi portantes stimulum  
 carnis et paleas levitatis. Abraham vero, qui in-  
 terpretatur pater multarum gentium, id est animus  
 genitor multarum cogitationum, cum puero ascen-  
 dit, id est cum corde puro, portans in manibus  
 ignem et gladium. Per ignem charitatem, per gla-  
 dium prædicationis intelligimus verbum. Ille igitur  
 portat ignem et gladium in manibus, qui quod amat  
 et prædicat, bonis implet operibus: *Ego, inquit, et*  
*puer revertemur ad vos.* Necesse est ut ambo red-  
 eant, id est vis rationis, et puritas mentis, ut re-  
 vertantur ad agendam curam carnis, non in desi-  
 deriis, sed in necessariis (*Rom. xiii*). Semper enim  
 caro querit ciborum affluentiam, et otii libertatem.  
 Necessaria vero sunt impendenda, non subtra-  
 henda. Sed tamen ne vacet otio, dum impenditur  
 cibus, sequantur quæ conveniunt asino, virga scilicet  
 et onus (*Eccli. xxxiii*). Virga correctionis, et  
 onus laboris. Inter virgam siquidem et onus non  
 est otii locus. Laboret igitur homo interior et ex-  
 terior, et studiose insistant operi, ne eis dicatur:  
*Quid hic statis tota die otiosi? (Math. xx.) Tota*

(21) Ex eod. lib. iii, *Sent.*, c. 7.

(22) Hæc etiam ex lib. ii *Sent.* Isidori, c. 10.

die otiosi stant, qui omni tempore vitæ suæ cessantes a bono opere, in foro vanæ gloriæ torpentes perseverant. Conventus fratrum quasi otiosus stat, si eos abbas ad laborem, id est exercitium regularis vitæ, prædicando et admonendo non invitat. Otiosus stat populus, quia non episcopus, non archidiaconi eos conducunt ad bonum opus. Tamen audiant prælati causam hujus otii: *Nemo*, inquit, *nos conduxit (ibid.)*. Non episcopi, non presbyteri conducunt populum, non abbates, non priores conventum. Quo enim eos conducunt? Forsitan ad querendum temporalem honorem, et non ad spiritalem laborem. Forsitan studiosius illos conducunt ad regis curiam quam ad Domini vineam. Ibi curiosius agitur de pondere pecuniæ quam de quantitate culpæ. Nascitur illis sermo de examinatione argenti, non de purgatione peccati. Sunt tamen quidam boni prælati, qui operarios ad laborem conducunt; verbo enim docent, et exemplo præcedunt. Ad hunc laborem diversi veniunt, id est pueri, juvenes et senes. Veniunt diversis ætatibus et temporibus, scilicet vespere, mane et meridie. Mane veniunt pueri, meridie juvenes, vespere senes; ut ita dicam, mane venit Maurus, meridie Paulus, vespere Tranquellinus, sive Gentianus. Illic large accipimus juventutem, et non adolescentiam tantum, sed etiam maturam comprehendimus ætatem. Hæc est ætas labori congrua, quia nullus poterit operari in futura vita. *Venit nox in qua nemo potest operari (Joan. 12)*. In hac ætate Paulus volens redimere tempus, non solum instabat contemplationi, sed etiam operationi.

Patriarcham Issachar, si placet, ad medium deducamus; et ab eo exemplum exercitationis, perseverantiæ et perfectionis sumamus. Issachar qui *merces* interpretatur, ad populum gentium, quem Dominus pretio sanguinis sui est mercatus, refertur. (23) Illic Issachar scribitur asinus fortis (*Gen. xl*), quia prius gentilis populus quasi brutum et luxuriosum animal erat serviens idolis. Vere nunc fortis est Redemptoris Domini jugo colla subjiciens, et onus disciplinæ evangelicæ perferens. Illic, accubans inter terminos, *vidit requiem quod esset bona, et terram quod optima, et supposuit humerum suum ad portandum, et factus est tributis serviens (ibid.)*. Oportet ergo nos, dilectissimi, transire de terra ad terram, de terra aliena ad terram propriam, de exilio ad patriam, de gente ad gentem, de regno ad populum alterum, de terra morientium ad terram viventium, si volumus experiendo nosse verum et internum gaudium.

Concupiscamus et nos terram illam, quam Issachar iste vidit et concupivit. Si enim non vidisset, non cognovisset; et si non cognovisset, non concupisset (*Joan. xiv*). Pro hac terra asinus factus et fortis effectus libenter supposuit humerum suum ad portandum, et factus est tributis serviens. Mul-

ti tunc sibi subito viluerat, qui se asinum, animal vilidelicet pene præ cæteris vilius, reputabat. Multum concupivit terram, quam vidit, pro qua ad omnem laborem fortis perduravit. Vidit sane quod ad pulchritudinem illius terræ omnes justitiæ nostræ erant ut pannus mulieris menstruatae (*Isa. lxiv*): viderat nihilominus quod non sunt condignæ passionibus hujus temporis ad futuram gloriam, quæ revelabitur in nobis (*Rom. viii*). In quo igitur sibi vilis, in altero fortis effectus; de uno humiliatus, de altero roboratus, fortitudinis suæ humerum ad omnem laborem libenter inclinavit, et ad requirendam divinam gloriam non suam cælesti vero regi dignum tributum persolvit. Vultis audire, et alterum simili ratione sibi viluisse, et ad omnem nihilominus laborem convaluisset? *Ut jumentum*, inquit David, *factus sum apud te (Psal. lxxii)*. Et alibi: *Propter te*, inquit, *mortificamur tota die (Psal. xlii)*. Ecce quam vilis, ecce quam fortis. Vilis ut jumentum, fortis ad se mortificandum. *Issachar, asinus fortis, habitans inter terminos vidit requiem quod esset bona, et terram quod esset optima*. Pene igitur, non plene, illam viventium terram apprehenderat, qui inter terminos habitabat. Quia vilissimis et paucissimis hujus vitæ bonis contentus erat, hujus terræ miseræ extrema tenebat. Et quia frequentibus mentis excessus perennis vitæ bona prægestabat, illius beatæ terræ initia tangebatur. *Vidi*, inquit, *requiem quod esset bona*. Requies ergo bona ibi est, hoc est in cælesti patria, quia, si ibi non esset, ibi eam minime vidisset; et si bona non esset, propter eam humerum suum ad portandum minime supposuisset. *Mansueti autem*, inquit Propheta, *hereditabunt terram, et delectabuntur in multitudine pacis (Psal. xxxvi)*. Ecce qualis terra, ibi et requies vera, pax plena, requies bona, pax quieta, quies pacifica. In illa cælesti patria labor non est, sed ad illam siue labore perveniri non potest. Propter ipsam in hac vita laboratur, sed in ipsa a nemine labor exigitur. Extra hanc terram non invenitur requies vera, quia nullus penitus labor est in ea. Si ergo cum Paulo cupimus tempus redimere, et dies malos evadere, oportet nos in hac præsentis vita frequenter orare, operari et legere (*Ephes. v*). Sic etiam Jacob, cum Rachel et Lia revertitur ad patriam (*Gen. xxx*), sic Mariæ et Marthæ precibus Lazarus adjuvatur ad vitam (*Joan. xi*). Cum Rachel et Lia Jacob revertitur, quando aliquis desiderio bene operandi gradus, activæ et contemplativæ vitæ sociatur. Lazarus vero interpretatur *adjutus*. Qui tunc resuscitatur, quando aliquis hinc bonis operibus, hinc lacrymis a morte peccati liberatur. Nemo igitur a labore excusatur; non pueri, non juvenes, non senes; sola tamen juvenis portat pondus diei et æstus. Portat materialiter pondus laboris, et æstum solis. Portat moraliter pondus carnalis fragilitatis, sustinet æstum libidinis. Labore igitur ma-

(23) Ex B Isidor., *Quæst. in Gen.*, c. 31.

uum annihilatur pondus tentationum; otio multiplicatur tentatio vitiorum. Labore caro affligitur, otio nutritur. Juvenis autem in otio, quasi juvenis sine iugo, qui dum non tenetur obedientiæ vinculo, in æqualitate fraternæ societatis quasi vox lasciviens discurrit per desideria propriæ voluntatis.

Moneo igitur vos, fratres charissimi, ut ea quæ dicuntur, sollicite audire dignemini. In illa terra bona et optima, hoc est in cœlesti patria, nullus labor est, sed tamen ad illum sine labore nemo pervenire potest. Unde est illud: «Ad magna præmia perveniri non potest nisi per magnos labores (24). Et iterum: *Non coronabitur, nisi qui legitime certaverit (II Tim. ii)*. Regnum cœlorum non dabitur tepidis, otiosis et vagantibus; sed in Dei servitio exercitatis, et studiose contra vitia et tentationes certantibus. Ad illam ergo terram bonam et optimam oculos mentis erigite, et pro amore illius omnia quæ in hoc mundo sunt, despiciate; et ut eam vobis in hereditatem possitis acquirere, libenter humerum ad portandum onus ordinis supponite. Prælati vestri præcepta tota intentione custodite, et ut ad illam optimam cœlestis patriæ terram pertingere valeatis, voluntarie colla iugo divinæ ordinationis submittite. Vos ipsos pro amore Christi vilipendite, et in Dei servitio fortes exhibete, præsentia despicite, futura bona concupiscite, car-

nalia abhorrete. spiritualia amate, temporalia ad necessitatem possidete, æternam ad jucunditatem desiderate. Sed mens, quæ ad æternum gaudium nondum tota colligitur, quæ sit vera requies, minime experitur. Væ mihi misero qui usque hodie vagus et profugus sum super terram! Vagus, sequendo concupiscentiam; profugus, declinando miseriam. Concupiscentia me facit vagum, miseria efficit profugum. Est procul dubio terra ista, non stabilitas cordis, sed duritia et insensualitas mentis. O felix, qui potuit vel ad horam malorum omnium oblivisci, et illa interna pace vel requie saltem ad modicum potiri! Felicem nihilominus, cui datum est dispersiones cordis in unum colligere, et in illo veræ felicitatis fonte desiderium figere! Transeamus ergo et nos, dilectissimi, cum patriarcha Isachar mente et opere de terra miseriæ ad terram optimam, de terra aliena ad terram propriam, de exilio ad patriam, de carcere ad curiam, de infelicitate ad gloriam, de captivitate ad libertatem, de morte ad vitam, de tenebris ad lucem, de theatro ad palatium, de ergastulo ad regnum, de cloaca ad cœlum, de volutabro vitiorum ad consortium angelorum, ad quod Jesus Christus nos perducere dignetur, qui cum eodem Patre et Spiritu sancto in Trinitate perfecta vivit et regnat Deus per omnia sæcula sæculorum. Amen.

(24) Greg., hom. 57, in Ev.

## SERMO OCTAVUS.

### QUALITER SENES AC JUVENES DEO SERVIRE DEBEANT

Moneo vos, fratres charissimi, causa vestræ salutis, ut sollicite audire dignemini verba sapientissimi Salomonis: *Cani sunt sensus hominis, et ætas senectutis vita immaculata (Sap. iv)*. Non ergo veraciter dicitur senex, qui ætate est provecus, sed qui sensu est perfectus. *Senectus enim venerabilis est, non diuturna, nec in numero annorum computata (ibid.)*; sed innocens et Deo placita vita. Nulli deest ætas puerilis, si fuerit sensu parvulus et levis. Unde est illud: *Maledictus puer centum annorum (Isa. lxxv)*. (25) Quamvis quisque sit ætate parvulus, tamen si fuerit sensu magnus, non inter juvenes, sed inter senes est computandus. Sic enim de Daniele legitur: *Juvenis quidem erat ætate, senior vero scientia ac mansuetudine*. Nam et David cum ætate esset puer, et sensu perfectus, cor suum et mentem habebat in Domino defixam; et ob hoc in regem est elevatus. Et Saul cum esset in senili ætate, quia in se magnam habuit nequitiam et puerilem levitatem, expulsus est de regali culmine. Dominus vero et Salvator noster a senioribus crucifigitur, et ingressus Jerosolymam a pueris collaudatur. Nam et

carbor multorum annorum si infructuosa fuerit, exciditur; si autem fuerit novella et fertilis, ut magis ampliorem proferat fructum, excolitur

Ideo, fratres dilectissimi, has similitudines vobis proposuimus, ut nullus vestrum, quamvis sit juvenis, quamvis senex, de sua virtute præsumat, nec de suis confidat operibus; sed semper, ne in aliquo opere displiceat Deo, sit pavidus, semperque, ne pro aliquo ab eo in perpetuum separetur, sit suspectus. Quid ergo? *Qui gloriatur, in Domino gloriatur (I Cor. i)*, et non in se.

Sciendum tamen est quia in quibusdam nos oportet esse infantes, in quibusdam vero senes. Unde Dominus in Evangelio: *Nisi conversi fueritis, et efficiamini sicut parvuli, non intrabitis in regnum cœlorum (Matth. xviii)*. Et Petrus apostolus: *Quasi modo geniti infantes, rationabiles sine dolo concupiscite (I Petr. ii)*. Sic etiam et Paulus: *Nolite pueri effici sensibus, sed malitia parvuli estote; sensus autem viri perfecti (I Cor. xiv)*. (26) Omnibus ergo hominibus studiose convenit Deo servire, eique per bonam operationem adhærere; sed maxime senibus,

(25) Ex lib. *De salutarib. docum.* cap. 45.

(26) Ex lib. *De duodec. abusione grad.*, grad. 2.

qui jam pedes habent in margine fossæ. Plus ergo omnibus religioni operam dare convenit, quos præsentis sæculi florida ætas transacta jam deserit. Sicut namque in lignis ipsa reproba arbor compareret, quæ, post flores, fructus optimos cultori suo non exhibet; sic et in hominibus ipse reprobus est, quem flos juventutis deserit, et tamen in sui corporis senectute honorum operum maturos fructus proferre parvipendit. Quid ergo stolidius quidve stultius fieri potest, si mens ad perfectionem festinare non contendat, quando totius corporis habitus senectute confectus, homo ad interitum properat? dum oculi caligant, aures graviter aut fere nihil audiunt, capilli fluunt, facies in pallorem mutatur, dentes lapsi numero minuuntur, cutis arefcit, rugis contrahitur, flatus jam non suaviter olet, pectus suffocatur, tussis fervet atque cachinnat, genua trepidant, talos et pedes tumor inflat, homo interior qui non senescit, his omnibus aggravatur, et hæc omnia ruituram jam jamque domum corporis cito prænuntiant. Quid ergo superest, nisi dum hujus vitæ defectus appropiat, nihil aliud cogitare quam quomodo futuri aditus prosperitates comprehendantur, et pericula animæ evadantur quisque senes appetat? Juvenibus enim incertus hujus vitæ instat terminus, senibus vero cunctis maturior ex hac luce imminet recessus.

Cavendæ sunt ergo homini duæ particulæ, quæ in illius corpore non veterascunt, et totum hominem ad peccandum pertrahunt: cor videlicet et lingua; quia cor novas semper cogitationes machinari non desinit, lingua vero impigre loquitur quodcumque cor machinari senserit. Non dicat ergo senex: Humanum sanguinem non effundo, domos proximorum non succendo, res alienas non diripio. Quia si a corde superfluas, et quod gravius est, nocivas cogitationes non expulerit, et ori suo custodiam non imposuerit, apud Christum, districtum videlicet judicem, pro solo otioso verbo culpabilis erit. Caveat igitur senilis ætas, ne istæ juvenescens particulæ, lingua scilicet effrenata, et cor inutilia cogitans et vana, totam harmoniam decipiant, et per ineptas res reliqui corporis gravitatem illudant, et tormentis gehennæ tradant. Senex vero qui morti proximus, mortis adventum non abhorret nec formidat; qui quasi ad ostium hujus mundi positus, fortis et obstinatus spectat, nec tamen vitæ præsentis attendit egressum, nec ingressum futuræ considerat, seipsum a cœtu justorum alienat. Audit nuntios mortis, et credere non vult eis. Tres sunt enim nuntii mortis: casus videlicet, infirmitas et senectus. Casus dubia, infirmitas gravia, senectus certa nuntiat. Casus mortem nuntiat latentem, infirmitas apparentem, senectus præsentem.

Ex incertitudine mortis, timor; ex infirmitatis gravitate, dolor; ex certitudine senectutis, non obstinatio, sed humilitas et afflictio sequi deberet; sed forsitan funiculus triplex, quo ligatur senex, non facile rumpitur (*Eccle. iv.*). Triplex funiculus pravæ consuetudinis est usus, qui ex tribus conficitur,

A quando meditatio sermoni, sermo operationi ab otiosis hominibus complicatur. Dum enim a pœnitentia in mente senis per cogitationem semitam fecerit voluptas, in sermone vanitas, in opere perversitas, quid aliud agitur, nisi quod in consuetudinem hæc tria torquantur? Est autem laqueus in fune, dulcedo temporalis in consuetudine: circumdatio funis impedimenta sunt carnis. Dulcedine igitur temporalium rerum decipimur, consuetudine ligamur. Ille autem laqueum evaserat, qui de se suisque sociis dicebat: *Anima nostra sicut passer erepta est de laqueo venantium; laqueus contritus est, et nos liberati sumus (Psal. cxxiii).* Absalon vero crinibus inhærens quercui, duritiam designat cujuslibet hominis ad opus bonum obstinatio. Qui dum patris exercitum fugeret, contigit ut condensæ quercui crinibus inhæreret (*II Reg. xviii*). Absalon pax patris interpretatur, quia pater eum licet persequentem patiebatur. Non dicitur pax filii, quia patrem nolebatur pati. Quercus intus durior, exterius vero comprobatur esse fragilior. Cui Absalon suspensus inhæret, quia interius obstinationem mentis, exterius vero comitatur fragilitatem carnis. Crinibus inhærens suspenditur, quia superfluitatis amore detinetur. Mulus autem cui insederat, pertransiit, sed ipse quercui suspensus inhæsit; quia et luxuria et dolus, cui semper servierat, periit, sed pœna peccati remansit. Tribus lanceis, id est avaritia, superbia et luxuria, cor ejus perforatur. Unde et usque in hodiernum diem acervus magnus lapidum super eum projicitur, quia peccatorum sive suppliciorum multitudine in æternum gravatur. Nec mirum si magnus acervus lapidum fuerit, quia per obstinationem usque in finem cor impœnitens gessit.

Sunt etiam tres species obstinatorum: prima scilicet eorum, qui ex correctione proficiunt; secunda eorum, qui ex commonitione deteriores sunt; tertia eorum, qui emendationem promittunt, sed promissum non faciunt. Ex correctione rex Manasses factus est melior (*II Paral. xxxiii*), Nabal ex commonitione deterior (*I Reg. xxv*), Pharaon ex afflictione exstitit durior (*Exod. vii*). Manasses in carcere positus, catenis et compedibus astrictus, Deum cognovit, quem prius liber cognoscere noluit.

D Tales sunt quidam claustrales, qui quandiu sui juris sunt, perverse vivunt. Dum vero in claustris quasi in carcere tenentur astricti catenis, obedientiæ scilicet et timoris; dum compedes etiam adduntur, quia vagari vel egredi foras non permittuntur; sit quandoque, ut Deum, quem prius despexerant, correpti diligant; et qui fecerant de libertate servitutem, faciant de necessitate virtutem. Quos igitur perversos propria fecerat libertas, devotos reddit per correctionem aliena potestas.

Nabal vero designat quosdam doctores, qui ex commonitione subditorum sunt deteriores; qui pueris David cibum negant, quia pure vivere volentibus verbum Dei non propinant. Tonsoribus vero suis convivium parant, quia vacantes otio, adulantium

confabulationes amant. Accusat Nabal David, et dicit: *Hodie increverunt servi, qui fugiunt dominos suos* (4 Reg. xxv). Perversi siquidem prælati dolent, cum vident numerum religiosorum multiplicari: timent, cum David vident, id est bonos subditos, ungi in regem; et Saul deieci, id est perversus prælatos honore prælationis privari. Sed quare timent? Videlicet ne et ipsi honoribus priventur, ne loco eorum aliquis melior restituatur. *Et indicavit Abigail Nabal omnia verba quæ audierat a David, et emortuum est cor ejus intrinsecus, et factus est quasi lapis* (ibid.), cum aliquis morte perpetua induratur. Post mortem Nabal Abigail regina constituitur, quia qui sub perverso magistro bene vixerit, ad regimen animarum sublimari poterit, ut cum David obtineat temporale regnum, et cum Christo regnet in æternum. Misit enim David ad Abigail nuntios, ipsa autem secuta est eos. Nuntios David Abigail sequitur, dum quilibet fidelis Ecclesiæ doctores vita et moribus imitatur. *Sed et quinque puellæ pedissequæ ierunt cum ea.* Quinque pedissequæ ejus sunt quinque corporis sensus, qui quasi puellæ pedissequæ cum Abigail gradiuntur, dum per munditiam continentia cuilibet justo servientes obsequuntur.

Pharao vero, qui populum Dei Moysi dimittere promisit, nec tamen dimisit, illos designat qui vitæ melioris emendationem promittentes, nec culpam dimittunt, nec tamen in spiritu columbino contritionem, sed in voce corvina dilationem quærunt; quorum terra diversis plagis affligitur, nec emollitur, sed consuetudine peccandi magis ac magis induratur. Tunc enim Dominus aquas in sanguinem convertit, cum de rerum causis aliquis carnaliter sentit. Terra producit ranas, cum in aliquo garrienti dominatur vana loquacitas. Cynomyia quidem et cinipies sunt in portum mentis impetus et canini mores. Mors pecorum mortem designat cogitationum, quæ pecoribus assimilari solent, quando rationabili intellectu carent; sicut enim *homo comparatus est jumentis insipientibus, et similis factus est illis* (Psal. XLVIII). Sexta plaga est cum tument vesicæ, corrumpuntur viscera; quod fit, dum interiora mentis tument odio, et ebulliunt ira. Plaga grandinis in fructibus iniquitatem designat manifestam in operibus. Plaga locustæ instabilitas est animæ, quæ ore lædit cum detrahit; dat saltus, dum ad carnis se extendit affectus. Plaga siquidem tenebrarum cæcitatem designat animarum, quæ palpabiles esse comprobantur, dum perversa, quæ mens cogitat, opere perpetrantur. Hoc enim palpabile est, quod manu tangi potest. Nota quod inter plagam grandinis et plagam tenebrarum media ponitur plaga locustarum. Ab iniquitate etenim quæ designatur per grandinem, fit quasi saltus locustarum ad æternæ damnationis cæcitate. Novissima plaga est mors primogenitorum. Primogenita siquidem mentis moraliter sunt voluntas et intentio cujuslibet operantis. Dum enim voluntas et intentio cor-

A rumpuntur, quasi primogenita Ægyptiorum morte percutiuntur. His igitur plagis affligitur obstinatio senis, qui carnalibus delectatur, loquacitate gaudet, importunus et gravis est omnibus, more pecorum pronus ad vitia, iracundia timent, ad injuriam manifestus, ad omnia mobilis, luce veritatis carens, et ideo se ipsum palpans.

Iterum, dilectissimi, obstinato seni compatiendo ad vos revertor loquendo. Senex, qui mane, hora tertia, sexta et nona, id est in pueritia, adolescentia, juventute, senectute ad bonum opus invitatur, et venire contemnit, quid aliud nisi noctem æternæ damnationis exspectat, in qua nihil boni amplius operari poterit? Senex qui tota die stetit otiosus, et noluit pro Deo ponulus diei sustinere nec æstus, quid præstatur, nisi ut post modicum æternis tradatur suppliciiis cruciandus? Unde beatissimus Joannes Baptista ait: *Jam securis ad radices arborum posita est. Omnis arbor quæ non facit fructum bonum, excidetur et in ignem mittetur* (Matth. III). Arbor infructuosa nihilominus præciditur et igni traditur, quando infructuosus senex et ad bene operandum obstinatus morte præciditur, et gehennæ ignibus deputatur. Quomodo etiam ad nuptias æterni Regis intrare se credit, qui, audita et contempta invitantis Domini voce, per exercitationem boni operis ad eum venire despicit? Omnes quippe homines oportet bonis operibus insistere, et præcipue senes, quos citius constat, morte cogente, ab hac vita discedere. Senex deditus levitati et illicitis actibus, non de suis solummodo sceleribus, verum etiam de aliorum peccatis, quibus male vivendi in omni vita sua præbuit exempla, est rationem redditurus. Necesse est ergo ut negligens senex, quamvis sero ad se ipsum redeat, funiculum triplicem, quo tenetur astrictus, rumpat, id est pravam consuetudinem vincat, et animam suam de laqueo venantium bene vivendo eripiat. Præterea se ipsum disciplina Ecclesiæ cum omni devotione subjiciat, non simulate, nec in voce corvi, cras, cras, id est dilationem promittendo; sed in gemitu columbæ, hoc est in humilitate, mala quæ egit emendando. Crines capitis sui tondeat, id est amorem levitatis et superfluitatis abjiciat, ne quæreni, id est duritiæ et avaritiæ mentis inhærendo, suspensus intereat, hoc est a bonis operibus vacuus a societate electorum Dei pereat. Audi ergo quicumque es, inutilis et infructuose senex, audi quæ dico, auscultata quæ loquor, attende quæ moneo. Desine jam peccata tua augmentare, et sceleribus tuis finem impone. Jam tempus est ut ad te ipsum redeas, et quid sis, et quare natus, et ad quam rem in sæculo procreatus, agnoscas. Nunquid ideo omnipotens Deus te in hac vita creavit, ut omne tempus vitæ tuæ otiose transires, et non magis ut illum agnosceres eique fideliter servires, et ad ultimum cum eo in cælo regnares? Cur ergo prave vivendo, ab illo qui te et omnia ex nihilo creavit, discedis, et te ipsum flammis gehennæ exponis?

Curr ergo pro te, miser, dum potes, ne, si dum potes, dum Deus tibi licentiam vivendi præstat: ne ille qui naturalibus non pepercit ramis, si tardaveris, forte nec tibi parcat (Rom. xi). Age itaque jam ut oportet. Terminum vitæ tuæ quotidie intinere. Memoriam mortis tuæ tibi objice. Propone ut ulterius non pecces; ne ultra delinquas statue; culpas tuas cavè iterare. Propone tibi futurum iudicium; reduc ad memoriam perpetuos inferorum ignes; propone tibi gehennæ pœnas horribiles. Ora cum lacrymis indesinenter, ora jugiter, precare Deum diebus ac noctibus, ut clementer indulgeat tuis criminibus. Peccata tua cum lacrymis manifesta, et misericordiam Dei indubitanter spera. Depone injustitiam, et in bonitate Dei habeto remissionis fiduciam.

Vos iterum nosse volo, fratres charissimi, quia Dei Filius non solum pro senibus, sed etiam pro omnibus quos ad vitam æternam prædestinavit, dignatus est mori. Omnibus igitur pueris, adolescentibus, juvenibus, senibus, omnibusque fidelium ætatibus convenit ipsum cum Patre et Spiritu sancto unum verum Deum cognoscere, eumque cum timore diligere, et cum dilectione timere, atque illi pura et devota adherere mente, ac placitam pro viribus servitutem exhibere. Vestigia ergo illius, in quantum possibile est, studiose sequimini, ut possitis eum videre regnantem in dextera Patris sui; ipso præstante, qui cum eodem Patre et Spiritu sancto in Trinitate perfecta vivit et regnat Deus per omnia sæcula sæculorum. Amen.

(28) Lib. III *Sent.*, cap. 48.

## SERMO NONUS.

### NE MONACHI SIVE CANONICI REGIS CURIAM FREQUENTARE PRÆSUMANT.

Rogo et moneo vos, fratres et domini mei, ut attentius audiat verba Hispaniarum doctoris Isidori (28): « Alia, inquit, sunt præcepta, quæ dantur fidelibus communem in hoc sæculo vitam degentibus, atque alia huic sæculo renuntiantibus. Omnibus in hoc sæculo communem vitam degentibus dicitur, ut sua omnia bene et iuste gerant; sæculo autem renuntiantibus præcipitur, ut pro Christo omnia sua derelinquant. Illi, videlicet cuncti fideles, generalibus præceptis astringuntur; isti, id est religiosi, generalia præcepta perfectius vivendo transcendunt. Illis dicitur ut aliena non rapiant; istis, ut habita deserant. Indicitur illis, ut non occidant; istis, ut neminem odio habeant, sed ut pro inimicis Domino preces fundant. Licitum est illis legitime uxores accipere; istis vero illicitum de opere conjugii aliquid cogitare. Mandatur illis, ne adversus quemquam falsum testimonium dicant; istis, ut ori suo custodiam imponant. Omnibus in commune fidelibus conceditur, ut mundanis rebus bene utantur; religiosi dicitur, ut, abnegatis om-

nibus, soli Deo vivere delectentur. Sæcularium hominum est huc illucque per plateas civitatis bona operando discurrere; religiosorum est visus hominum fugere, seque ipsos intra parietes claustrum includere (29). Hi ergo qui pro Dei timore sæculo renuntiant, et tamen curis rerum familiarium implicantur, quanto se rerum negotiis occupant, tanto se a charitate divina separant. Qui simul et terrenis parere curis, et divinis exerceri officiis student, utrumque complecti simul non valent; quia duæ pariter curæ inesse pectori humano non possunt, et duobus servienti dominis, utrisque placere difficile est (30). Qui, post renuntiationem mundi, ad supernam patriam sanctis desideriis inhiat, ab hac terrena intentione quasi quibusdam pennis sublevatus erigitur, et in quo lapsus erat, per gemitum conspicit; et ubi pervenerit, cum gaudio magis intendit. Qui vero a contemplationis requie reflexus, vitiis hujus sæculi incidit, si ad memoriam sui revertatur, protinus ingemiscit; quantumque fuerint tranquilla quæ perdidit, quamque confusa sint

(27) Ex lib. *De salutarib. docum.*, cap. 56.

(28) Ex eod. lib. III, cap. 21.

(30) *Ibid.*, cap. 16.

in quibus cecidit, ex ipsa laboris sui difficultate cognoscit. Quid enim in hac vita laboriosius quam terrenis desideriis æstuarè, aut quid hic securius, quam hujus sæculi nihil appetere? Qui enim hunc mundum diligunt, turbulentis ejus curis ac sollicitudinibus conturbantur; qui autem odium nec sequuntur, internæ quietis tranquillitate fruentes futuræ pacis requiem quam alibi spectant, hic jam quodammodo habere inchoant.

(31) Monachus Græca etymologia vocatur, eo quod sit singularis. *Monas* enim Græce, *singularitas* dicitur Latine. Ergo si solitarius vocabulo monachus interpretatur, quid facit in turba qui solus est, et cur in medio populi versatur? (32) Plura sunt autem genera monachorum. Primum genus est cœnobarum, quos nos in commune viventes possumus appellare. Cœnobium enim plurimorum est, ad instar sanctorum illorum qui temporibus apostolorum, Jerusalemis, vendita et distributa cuncta sua indigentibus, habitabant in sancta communione vitæ, non dicentes aliquid proprium, sed erant illis omnia communia, et anima una, et cor unum in Domino (Act. ii, iv). Horum igitur institutione atque exemplo monasteria sumpserunt principia sub Spiritus sancti magisterio. Secundum genus est eremitarum, qui procul ab hominibus recedentes, deserta loca et vasta inhabitare perhibentur, ad imitationem scilicet Eliæ et Joannis Baptistæ, qui eremi secessus penetraverunt. Tertium genus est anachoretarum, qui cœnobiali conversatione perfecti, includunt semetipsos in cellulis, procul ab hominum conspectu remoti et ad se raro alicui accessus præbentes, sed in sola contemplatione atque conversatione Domini viventes (33). *Abba* vero nomen est Syrum et significat *patrem* in Latium, quod Paulus Romanis scribens exposuit, dicens: *In quo clamamus: Abba (Pater)* (Rom. viii), in uno nomine duabus usus linguis. Dicit enim Syro nomine patrem, et rursus Latine nominat idem patrem. *Canon* Græce *regula* dicitur Latine. Unde et canonici regulares appellati sunt, qui in monasteriis secundum normam sub sanctis apostolis constitutam religiose et communiter vivunt. Monachi ergo specialiter et canonici pro amore Christi sæculo renuntiant, et seipsos a sæculari vitæ tumultu segregant, atque intra claustrum parietes,

*ne levi saltem eis maculare vitam  
fœmine contingat, devote coarctant* (34),

arbitrioque præpositorum ac regimini humiliter commendant. Hi monachi, videlicet et canonici, dum visus hominum fugiunt, dum confabulationes sæcularium spernunt, dum divitias sæculique voluptates abjiciunt, dum causa amoris Christi parentes a se repellunt, dum die ac nocte orationi, lectioni divinæque contemplationi studiose

A insistant, quasi inter homines eremum sibi constituent, quo licentius Deo in psalmis, hymnis et canticis spiritualibus pure ac sollicitè deservunt. Tamen sunt quidam monachi et canonici, quod nos sine gravi gemitu dicere non possumus, qui sæculo renuntiantes, sub habitu religionis in monasterio vivunt, et tamen se ipsos intra claustrum parietes continere nolunt, sed magis curias regum ac principum frequentare appetunt.

Quoniam de curiali monacho aliqua dicturi sumus, notandum fateor ut et de canonico seu curiali converso eadem sentiamus. Licet enim diversus sit habitus, idem tamen debet esse religionis effectus: ut non affectent placere vestibis, sed bonis moribus. Cum ergo dicitur monachus sive canonicus curialis, ex adjuncto designatur aliquid levitatis. Nisi enim monachus levitati esset deditus, nullatenus se objiceret regum confabulationibus. Qui enim sæcularium hominum consortia diligunt, qui se consiliis principum libenter ingerunt, qui secretorum consilii sunt, curiales appellari possunt. Consilia principum perversa, si ea scias, et internuntius fias, timeo ne consentias, et anime tue maculam contrahas. Ordo claustrum et ordo curiæ diversus est. Ordo claustrum quietus, ordo curiæ tumultuosus. In claustrum quiescit et salutifera conversatio, in curia vero turbulenta et periculosa habitatio. Habitatores claustrum bona operando, Deum sibi placeant; habitatores curiæ illicita agendo, illum ad iracundiam provocant. In curia sedes in insidiis cum divitiis in occultis, ut interficias innocentem (Psal. ix); in claustrum audis: *Non sedi cum consilio vanitatis, et cum iniqua gerentibus non introibo* (Psal. xxv). Ibi insidiaris ut rapias pauperem, rapere pauperem dum attrahis eum (Psal. ix); hic dicis: *Odium Ecclesiam malignantium, et cum impiis non sedeo* (Psal. xxv). Ibi dextera tua repleta est muneribus; hic lavas inter innocentes manus tuas. Ibi pauperum res violenter auferuntur; hic a principibus sponte offeruntur. Ibi laudatur peccator in desideriis anime sue, et iniquus benedicitur (Psal. ix); hic autem Dominus benedicit justo (Psal. v). Si vis igitur esse monachus vel canonicus curialis, laudas quod non debes, quod non expedit defendis, operaris quod non licet, quod non decet loqueris.

Dux tamen sunt curiæ principum sæcularium, quorundam scilicet qui ecclesias construunt, et quorundam qui destruunt. Ad utramque quamvis necessarius sit religiosorum virorum accessus, curialium tamen monachorum inutilis est et periculosus. Hæc est curia David, illa Absalon. In utraque vero necessarium est consilium Chusi. Lego Achitophel consiliarium David quandoque fuisse, sed tamen ab eo recessisse, et cum Absalon permansisse (II Reg. xv). Locus est forsitanti

(31) Rursus Isidor. lib., vii *Etym.*, c. 43.

(32) Hæc ex eod., *De eccles. offic.* lib. ii, c. 10.

(33) Ex citat. loc. *Etymolog.*

(34) Hym. de Comm. monach. ss.



ut exquisitius de adducto loquamur exemplo. **D**ux sunt enim curiæ David et Absalon. In utraque autem prævaluit consilium Chusi, non consilium Achitophel. Chusi *silentium*, Achitophel *ruina fratris* interpretatur (*II Reg. xvii*). *Vir linguosus non dirigitur in terra: virum injustum mala capient in interitu* (*Psal. 139*). Si autem diligis dies videre bonos, *prohibe linguam tuam a malo, et labia tua ne loquantur dolum* (*Psal. xxxiii*). Hoc est consilium Chusi, illud Achitophel. Lingua enim sedet in uero, et in illa ruina fratrum. In silentio vero pax nutritur, servatur David, ne moriatur. Erat, ut scriptum est, Chusi amicus David (*II Reg. xv*). Sed quomodo amabat eum? *Obmutui, inquit, et humiliatus sum, et silui a bonis* (*Psal. xxxviii*). Sic enim fructum silentii justus amat, ut etiam a quibusdam bonis sileat. Sic amat consilium Chusi, ut ori suo imponat custodiam, dum non loquitur nisi per licentiam. Cantat David psalmum pro verbis Chusi (*Psal. vii*). Verba Chusi, verba silentii; verba silentii, verba mysterii. Tria sunt tamen silentia, videlicet silentium oris, tranquillitas mentis, velamen mysterii. Verba primi silentii discreta, secunda secreta, verba tertii silentii manifestatio mysterii. Nosti historiam, nota mysterium, assigna moralitatem. Persequatur Absalon David, Judas Christum, appetitus carnis animum. *Æstuabat Absalon amore regnandi. Hæc est radix omnium malorum cupiditas* (*I Tim. vi*), ipsa est caput, ex quo pendet omnium vitiorum cæsaries. Hæc est cæsaries quam Absalon nutrieat, et eum gravabat, et non nisi semel in anno tondebat, et tunc ducentis siclis crines suos pondere publico ponderabat (*II Reg. xiv*). Absalon *pax patris* interpretatur, ipse est et Judas traditor. Audi pacem patris: *Qui intingit, inquit, mecum manum in paropside, hic me traditurus est* (*Matth. xxvi*). Audi pacem filii: *Quemcumque osculatus fuerit, ipse est, tenete eum* (*ibid.*). Osculo pacem promittit, et affligit. Comam nutrieat. Sed quomodo? *Fur erat et oculos habebat* (*Joan. xii*). Sed semel in anno totondit, quando semel triginta argenteos retulit, et in templo projecit. Crines ducentis siclis ponderabat, qui numerus est immundorum; quia pœnitentia ductus ait: *Peccavi, tradens justum* (*Matth. xxvii*). Si sciret injustitiam ponderis, id est pretium sanguinis, non ad laqueum curreret, sed ad crucem Domini properaret humilis. Ponderavit autem pondere publico, non pondere sanctuarii: posuit talentum plumbi super quod sedet diabolus, non leve pondus misericordiæ cui supponit manum suam Dominus. Posuit pondus desperationis, non misericordiæ; quia hoc pondus apud se habebat, illo carebat. Et ideo forsitan quia misereri noluit, misericordiæ veniam quærere dubitavit. Audi pondus sanctuarii: *Peccavi: Delictum meum cognitum tibi feci, et injustitiam meam non abscondi. Dixi: Confitebor adversum me injustitiam meam Domino; et tu remisisti impietatem peccati mei* (*Psal. xxi*). O justum pondus, abundans

misericordia! Delictum suum cognitum facit, consistetur injustitiam; et quo plus peccatum detegitur ab eo, tanto plus tegitur a Deo. Audi publicum pondus Cain; ait enim: *Major est iniquitas mea, quam ut veniam merear* (*Gen. iii*). Iste plus ponderavit suam malitiam quam Dei misericordiam. Sed et appetitus carnis cæsariam nutrit, quia cogitationum superfluitatem producit. Quæ cæsaries gravat mentem, dum deprimit terrenis inhabitatio sensum multa cogitantem (*Sap. xiv*). Qui tonsus semel in anno, ducentis siclis crines ponderat, quando in omni spatio vitæ suæ cupiditatibus suis semel renuntiat, et in fine carnalia desideria abnegat. Tunc enim tantum ab his quæ possidet, spoliatur, quando successione mortis ultimæ a terrenis separatur. Ponderat autem plus terram quam cælum; plus enim amat esse in domo lutea quam in domo non manu facta, quæ est in cælis; in transitoria quam in æterna; et hoc pondere publico, non pondere sanctuarii, id est non causa amoris Dei, sed terreni desiderii. Audi pondus sanctuarii, scilicet pondus Pauli: *Cupio, inquit, dissolvi, et esse cum Christo* (*Philip. i*). Audi pondus publicum: *Vae habitantibus in terra* (*Apoc. viii*); non illis qui corpore habitant, sed qui corde amant; non illis qui corporaliter in terra commorantur, et in cælo cogitatione et aviditate conversantur; sed qui poculo terrenæ delectationis inebriantur.

Amet igitur monachus sive canonicus curialis consilium Chusi, scilicet claustrum silentium; respuit autem Achitophel consilium, ut non amet negotia principum, nec sæcularium vagus quærat accessum. Diligat præcepta regulæ, per quæ poterit adipisci donum æternæ gratiæ, fugiatque rumores curiæ et spumas locutionis superflue. Plus amet societatem humilium fratrum in monasterio quam superbiorum militum in regis palatio. Amplius delectet illum audire Dei laudes cum cætoris fratribus in ecclesia, quam inutiles atque otiosas confabulationes in regis curia. Convenientius est canonico sive curiali monacho in domo Dei divinis interesse officiis quam sæcularibus in domo regis admisceri negotiis. Hujusmodi canonicos et curiales monachos monasteria vilipendentes, sequi ipsos impertine sæcularibus turbis ingerentes, et curias principum ac civitatum plateas frequentantes, Jeremias propheta lacrymabili voce deplorat, dicens: *Quomodo obscuratum est aurum, mutatus est color optimus, dispersi sunt lapides sanctuarii in capite omnium platearum?* (*Thren. xli*.) Per aurum intelligimus viros religiosos a strepitu sæcularium segregatos, et in Dei servitio exercitatos, qui per sapientiam et sanctitatem sibi a Deo concessam debent illuminare universum mundum. Quibus ait Dominus in Evangelio: *Vos estis lux mundi* (*Matth. v*). Etiam de eorum sapientia quæ per aurum ligatur, in Salomone legitur: *Thesaurus desiderabilis requiescit in ore sapientis* (*Prov. xxi*). Sapientes igitur illos esse et sanctos oportet, quatenus

verbo prædicationis de aliorum cordibus tenebras expellant, eisque bonæ operationis exemplo perveniendi ad cælum rectum iter ostendant. Recte viri ecclesiastici auro comparantur; quia sicut aurum splendidius est cunctis metallis, ita ordo clericorum sapientia et discretione lux est omnibus laicis. Unde quidam sapiens ait: « Quantum distat a terra cælum, tantum distat clericorum discretio a discretione laicorum. » Debet igitur ecclesiasticus ordo omnibus fidelibus fulgore sanctitatis splendescere, et prædicatione evangelicæ doctrinæ lucere. Unde est illud: *Luceat lux vestra coram hominibus, ut videant opera vestra bona, et glorificent Patrem vestrum qui in cælis est (Matth. v)*. Si ergo viri ecclesiastici lux sunt mundi, sicut ait Dominus, quid est quod Jeremias præmisit superius: *Quomodo obscuratum est aurum, mutatus est color ejus optimus? Sine dubio verax propheta veram de nobis nostrisque temporibus protulit sententiam; quia quam ille spiritaliter fore intelligens futuram, nos præsentialiter cernimus impletam. Revera hodie in nobis impletur hæc propheta, cum vita nostra per actiones infimæ ostenditur reproba. Auri color optimus religionis conversationis est habitus. Hodie igitur obscuratum est aurum, quando viri religiosi, qui cæteris debuerant esse formam honorum operum, fiunt pravitatis exemplum. Mutatus est color auri optimus, quoties habitus sanctitatis ad ignominiam venit despectionis. Tunc procul dubio mutatur color auri optimus, id est religionis habitus, quando sub ovina pelle latet lupo. Tunc etiam optimus color auri, id est religiosorum virorum habitus ab aspicientibus in despectione vertitur, cum perversa operatio interior tegitur, et exterius a populo non ignoratur. Nunquid, fratres dilectissimi, sine causa nos despiciunt populi? Nequaquam. Recte enim despiciuntur ab eis, quia aliud sumus intus, et aliud foris. Aliud intrinsecus occultamus, et aliud extrinsecus demonstramus. Intus superbia et inanis gloria absconditur, exterius vero humilitas simulatur. Latet interior venenum odii et discordiæ, patet foris habitus sanctitatis et innocentiae. Intus occultamus habendi divitias voluntatem, foris prætendimus voluntariam paupertatem.*

Sequitur: *Dispersi sunt lapides sanctuarii in capite omnium platearum.* Lapidem sanctuarii sunt religiosi viri in fundamento Ecclesiæ fundati. La-

pidem ergo sanctuarii tunc in capite omnium platearum disperguntur, quando viri ecclesiastici vana et inutilia sequendo foris vagantur. Et revera in capite omnium platearum disperguntur, quia nunc in foro, nunc in platea civitatis, nunc in curia regis inveniuntur. Lapidem, scilicet viri ecclesiastici, foris sunt dispersi, cum hi qui per puram orationem et divinam contemplationem intus debuerant commorari, egrediuntur ad sui explendas desiderii curas cum amatoribus mundi. Et nota, *in capite omnium platearum*; quia facti sunt caput erroris, quibus debuerant esse speculum veritatis, et exemplum perfectionis.

Igitur, fratres charissimi, quia per Dei gratiam mundum contempsistis, et monasterium elegistis, moneo vos ut curiam regis frequentare, non nisi inevitabili necessitate cogente, præsumatis. Causa amoris Dei vos ipsos intra parietes claustræ coarctate, sanctarum libros Scripturarum assidue legite, sine intermissione orationi vacate, silentium opportuno tempore custodite, meditationi et divinæ contemplationi operam date, et ut gustare et videre quam dulcis quamque suavis est Dominus possitis, summopere invigilate. Dulciora vobis sint in refectorio legumina, quam multorum in regis curia ciborum ferula. Delectabilius sit vobis inspicere diversarum libros materialium in claustræ, quam diversi generis capes, et milites diversæ ætatis accipitres manibus gestantes in palatio. Sint etiam vobis amabiliora fratrum solatia in domo Domini, quam principum salutationes in conspectu populi. Tamen si veraciter curiales esse quæritis, summo desiderio ad curiam tendite summi Regis. Si vere vos magnæ nobilitatis milites delectat videre, ad æterni Imperatoris palatium pervenire gressibus honorum operum contendite, in quo eidem Imperatori omnis militia cælestis exercitus ministrat sine fine. Manus igitur vestras, dilectissimi, excutite ab omni munere, aures vestras timoris Dei spinis sepiate, oris vestro cytodiam imponite, omni studio oculos cordis inundate ab ira, invidia, odio, et omni mala voluntate, ut post hanc vitam ad cælestem patriam possitis pertinere, ipsumque omnium sanctorum Regem in decore suo regnantem videre; quod ipse gratuita bonitate sua dignetur prestare, qui in Trinitate perfecta vivit et regnat Deus per omnia sæcula sæculorum. Amen.

## SERMO DECIMUS.

NE MONACHI SIVE CANONICI SECRETA PRINCIPUM SCIRE APPETANT.

Moneo vos, fratres charissimi, ut diligenter audiat verba Domini nostri Jesu Christi. Ait enim: *Qui mihi ministrat, me sequatur; et ubi sum ego, illic et minister meus erit (Joan. xii)*. Dignum

quippe est et valde necessarium sequi Christum, eique ministrare, quia sequaces suos ac ministros ad se usque facit pervenire. Quid ergo dignius ac felicitius esse poterit, quam cum omni devotione

Christum sequi, qui in sua et Dei Patris præsentia tam nobiliter ministros suos remunerare novit? (34\*) Quæ, rogo, major nobis gloria aut felicitas erit quam illius Imperatoris esse ministros atque amicos, qui est super omnes imperatores, et coronat immarcescibilibus coronis milites suos? Quanto ille Imperator noster sublimior est omnipotentia et virtute, tanto nos majoris diligentiae et observantiae debemus esse mandatorum ejus in sanctitate, justitia et humilitate (35). Recognoscamus igitur et recogite: us cum omni diligentia, quali honore nobis illius legatio sit accipienda. Quod si legatio a rege veniret ad nos, aut sigillum vel indiculus, nunquid non, mox aliis curis postpositis, prompta voluntate et cum omni devotione litteras acciperemus, et lectis implere satageremus? Et ecce de caelo Rex regum et Dominus dominantium, imo et Redemptor noster, per prophetas et apostolos dignatus est litteras suas dirigere; non ut aliquod servitium sibi necessarium a nobis quaereret, sed ut ea quæ ad salutem et gloriam nobis prodesse possint, innotesceret. Nec in hoc solummodo voluit contentus esse, sed etiam, quod est mirabilis ac misericordiosus, per semetipsum ad nos dignatus est venire, et perveniendi ad se viam nobis rectam ostendere. Dignum est ergo ut eum tota mente sequamur honorum operum passibus, eique cum omni devotione ministremus; quia si hoc facere noluerimus, apud districtum ejus judicem periclitabimur. Sed quid est Christo ministrare? Bonis videlicet operibus amore illius sine fraude insistere. Sed forte dicit aliquis: Quomodo fraudem Christo facimus? Sed qui hoc dicit, diligenter audiat, quæ beatus loquitur Isidorus (36): «*Fraudem, inquit, Deo facimus, cum de bonis operibus non Deum, sed nosmetipsos laudamus.*» Quidam etiam in Christo fraudem operantur, dum de castitatis et abstinentiæ meritis apud semetipsos gloriantur. Nam et qui eleemosynam vanæ gloriæ causa donat, fraudem perpetrat. Sed et is qui de sapientia arrogantiam habet, et qui pro justitia præmium appetit, et qui aliquod donum Dei, quod meruit, in suam laudem convertit, aut in malos usus assumit, procul dubio fraudem Christo facit. Qui hujusmodi virtutes in vitia commutant, Christo non ministrant; quia pro bonis operibus plus temporalem ab hominibus laudem quam æternam a Christo remunerationem æquirere desiderant. Tales igitur ministri a Christo non remunerantur, sed condemnantur; quia bona quæ agunt, non pro eo, sed pro temporali laude operantur. Quibus ipse in judicio diciturus est: *Diccedite a me, operarii iniquitatis; nescio vos undesitis* (Luc. xiii). Studeant ergo filii Ecclesiæ sine fraude et simulatione Christo ministrare, non pro vana hominum gloria, sed pro æterna felicitate. Honorari ab hominibus pro inani gloria refugiant.

(34\*) Ex lib. *De salutarib. docum.*, cap. 8.(35) *Ibid.*, cap. 9.

seipsos a conventu sæcularium secernant, sectioni et orationi devote in domo Dei incumbant.

Sed tamen sunt quidam, quamvis sine gravi gemitu dici non possit, qui, post renuntiationem sæculi plus diligunt temporalia quam æterna, plus carnalia quam spiritualia, plus confabulationes divitum quam decantationes psalmodiarum, plus equitando sæcularia conspiciere, quam legendo in claustris sedere. Contingere etiam quandoque solet, ut monachi sive canonici qui curias frequentant, causas audiunt, judicia perquirunt; ut, si aliquando propriæ causæ necessitates occurrerint, ad eurlam securiores recurrant. Hi enim jam non tantum suas, sed et jam alienas defendunt causas. Et quia hæc amant, hæc frequentant. Amant decreta conciliorum, non secreta mysteriorum; non psalmos recitant, sed decreta ruminant. Fiunt oratores in causis, et coloribus utuntur rhetoricis. Laudari appetunt, quia loquuntur pro multis; sed monachus vel canonicus multum loquens displicet multis. Conjugia copulant illicita, quandoque dissolvunt licita. Sæpe quorum non noverunt patres, avos nominant, consanguinitatis ordinem narrant. Hunc ex illo descendisse confirmant, de incertis judicant, testantur sapissime quod ignorant. Si vero aliquoties illicita connubia conjungunt, communem utilitatem prætendunt. Promittunt Ecclesiarum quietem, populi pacem, patriæ salutem. Si vero res sic ad effectum pervenire non valeat, monachus sive canonicus caudicibus iter parat, ut quod alibi fieri non potuit. Romæ fiat. Pro principe igitur sæculari Alpinum frigus, libenter Italiæ calorem patitur, qui pro magistro spirituali, id est abbate, multo leviora forsitan non pateretur. Oneratus cartulis, auctoritatibus fultus revertitur, ponit diem causæ, personas inducit, quæ, si velis, paratæ sunt jurare quod est; et si velis, iterum jurent quod non est. Hæc sunt principum negotia. Nunc iterum audi Judicium Joannis Baptistæ in consimili causa. *Non licet, inquit, tibi habere uxorem fratris tui* (Marc. vi). Quid igitur dicam? Nonne magis amat monachus caudicibus esse simul discumbentibus cum Herode, quam in vinculis et in carcere teneri cum Joanne? In quo convivio licet non videat caput Joannis, videt tamen quæ effuso sanguine acquiruntur, vaccam scilicet viduæ, et porcum pauperis. In carcere principis pauper moritur, et tamen de substantia pauperis comedens monachus sive canonicus principi blanditur.

Sed et ego, charissimus, quandoque cum Herode in convivio moraliter discumbo, saltantem puellam considero, caput Joannis truncatum in disco conspicio. Herodes siquidem interpretatur gloria. Omnis enim gloria filiarum Sion ab intus, gloria vero filiarum sæculi deforis est. In convivio igitur cum Herode sedeo, dum in delectatione vitiorum vauz

(36) Lib. ii *Sent.*, cap. 10.

gloriæ favorem quæro. Saltantem conspicio filiam Herodiadis, dum mihi placet vanitas curiositatis. Hæc sunt illa duo, quæ auferunt caput Joannis, delectatio scilicet vitiorum, et favor curiositatis. Joannes *Dei gratia* interpretatur. Hujus igitur gratiæ Deus caput est. Caput ergo a corpore separatur, quando aliquis non Deo, sed sibi ascribit bonum quod operatur; tales apud Deum gratiam non inveniunt, quia nec quærunt. Superbi enim apud homines, apud Deum humiles gratiam quærunt. Unde et Paulus: *Gratia Dei sum id quod sum (I Cor. xv)*, etc. Audiat canonicus sive monachus caudidicus apostolum dicentem: *Quod tuum est ne repetas (Luc. vi)*: audiat et determinet causas. Ne repetas, inquit, cum litigio, nec cum molestia prosequaris; et tamen si quid ei auferatur, subire iudicium non recusat; periculum perjurii cum vel aliquis pro seipso, vel pro alio juret, non evitat. Inde conqueritur Apostolus quod fraudem pati nolumus, quod iudiciis contendimus, quod ira succenci nosmetipsos vindicamus (*I Cor. vi*), dicens: *Nos nosmetipsos defendentes, charissimi, sed date locum iræ (Rom. xii)*, etc. Prohi dolor! Ubi vera religio, ubi perfectionis integritas, ubi charitatis invenietur fundamentum? Forsitan in claustralibus, qui seipsos iudicantes quotidie accusant, summi iudicij sententiam formidant, et assidue cum profundo gemitu cordis clamant: *Non intres in iudicium cum servo tuo, Domine (Psal. cxlii)*, etc. Scrutantur enim claustrales iudicia Dei vera, non secularia. Legem Domini custodiunt vivendo, meditando, amando. Vivendo, puritas conscientiæ; meditando, plenitudo scientiæ; amando, charitatis perfectio solet adipisci. Habet etiam lex claustralium iudices, et testes atque consiliarios suos. In lege etenim Domini duo testes sunt: vita scilicet et conscientia: duo iudices, meditatio et scientia; duo consilarii, amor Dei et proximi. Testis coram Deo est conscientia, coram hominibus vita. Concordant autem in iudicia scientia et meditatio, dum quod sit aut quod dicitur, diligenti consideratione providetur. Tota vero justitia prædictæ legis pendet ex duobus precedentibus consiliariis. *Ex his duobus mundanis tota lex pendet et propheta (Matth. xxii)*. Si quid igitur in hoc sæculo perfectionis est, in claustralibus inveniri potest. Nec tamen servari potest perfectionis integritas, nisi tota intentione diligitur paupertas. Qui enim divitiis abundant, si cor apponant, gravantur curis, et implicantur negotiis. Periculosa igitur vanitate seducitur, qui post reuuntiationem sæculi, terrenis iterum curis implicatur. Quanto altior ascensus, tanto periculosior est casus. De alto cadit qui, degustata contemplationis dulcedine, denuo nullo cogente ad secularia redit. Canis reversus ad vomitum, monachus sive canonicus rediens ad sæculare negotium. Unde ait Dominus in Evangelio: *Nemo mit-*

*tens manum suam in aratrum, et aspiciens retro, aptus est regno Dei (Luc. ix)*. Magnum ergo malum incurrit, qui ascendere debuerat, et descendit. Magnum malum incurrit, qui per spiritualis vitæ exercitationem debuerat proficere in melius, et per temporalis gloriæ appetitum quotidie velat in deterius. Quamvis Deus electorum vitam in medio protegat sæcularium, impossibile tamen est quemquam inter sæculi voluptates positum a vitiis manere illibatum. Quosdam novimus a claustro recessisse, et contagionibus vitiorum illico mancipatos fuisse, atque ab amore Creatoris discessisse, ac per hoc animarum suarum damnationem invenisse. Quicumque ergo vitam immaculatam conservare desiderat, intra parietes claustrum contineatur, ne foris, nisi præcepto sui abbatis cogente egrediat, reminiscens illud quod sponsa, id est sancta anima in Canticis se vocanti sponso, scilicet Christo, respondens loquitur: *Exspoliavi me tunica mea, quomodo reinduar illam? Lavi pedes meos, quomodo iterum inquinabo illos (Cant. v)? (37)* Tunica sua sponsa, id est sancta anima, se exspoliavit, quia omnia exteriora quibus ornabatur abiecit. Tunica se exspoliavit, quia mundo cum suis oblectationibus renuntians, soli Deo vivere concupiscit. Pedes etiam suos sponsa lavit, quia, dum in sancto otio anima vivit, opera sua studiose ad memoriam reducit, et quidquid in eis sordidum examinando deprehendit, lacrymis quotidianis et gemitibus plangit. Pedes lavit, quia præterita opera quibus per hunc mundum dissolute ambulaverat, fluctibus diluit. Pedes lavit, quia peccata lacrymis abluens, munda in conspectu dilecti sui apparere concupiscit. Hos pedes iterum inquinare metuit, quia valde sollicita est, ne, si amplius in negotiis implicita secularibus fuerit, macula terreni pulveris foedata, in oculis Jesu Christi sponsi sui vilis et reproba sit. Quæ ideo ab otio spirituali discedere refugit, quia, dum a marinis fluctibus, id est a tumultu sæculi aliena est, quasi in littore posita securius vivit.

Hæc igitur, dilectissimi, vobiscum agite, hæc in mente sedula meditatione versate, et tunicam, id est terrenam substantiam qua semel vos pro Christi amore exspoliastis, reindui nolite. Pedes vestros scilicet maculas transactæ vitæ, quas jam lacrymis et crebris singultibus lavistis, iterum inquinare, id est similia committere, formidate; causas et negotia principum ne velitis perquirere, jurgia et contentiones fugite, iudicio contendere recusate. Sic ait Dominus: *Noli resistere malo (Matth. v)*. Et paulo post: *Si quis voluerit tecum iudicio contendere, et tunicam tuam tollere, relinque ei et palium (ibid.)*. Si vos igitur, dilectissimi, Christi discipuli estis, disciplinam Christi ostendite, non solum verbis, sed etiam operibus bonis. Vosmetipsos non quærat defendere, sed date locum iræ. Quare? Quia Domini est vindicta et unicuique juxta opera

(37) Greg. in hunc. loc.

sua retribuere, vosque de manu odientium eripere. Moneo igitur vos, dilectissimi, ut amplius perquirere studeatis secreta mysteriorum, quam decreta conciliorum. Plus in choro psalmos cantare quam in curia temporalium rerum causas diffinire. Plus in domo Dei diurnis ac nocturnis horis orationi, lectioni, ac divinæ contemplationi insistere, quam in domo principis diversorum negotiis atque concertaminibus interesse. Ista enim ad cœlestia mentem sublevant, illa a Deo alienant; ista cœlestibus animum dapibus reliiciunt, illa peccatis et vitiis involvunt; ista spiritualibus animam deliciis satiant, illa virtutibus evacuant. In claustro igitur mensa spiritualis scilicet divina lectio apponitur, ex qua servorum Dei mentes reficiuntur, ne inter præsentis vitæ pericula spirituali fame lassentur, sed ut validius ad cœlestis patriæ gaudia sublevantur. In sanctarum Scripturarum mensa parvulus noviter scilicet ad Deum conversus vel minus intelligens invenit lac, blandam videlicet ac suavem doctrinam, qua ad bene operandum nutriatur; invenit et robustus, id est, in Dei servitio exercitatus, sive divina cognitione perfectius instructus, panem quo reficiatur, scilicet altiora præcepta, quibus ad serviendum Deo; studiosius accingatur. Ibi cognoscit Dei servus qualiter a mundi recedat delectationibus, ibi degustare incipit quam dulcis, quamque suavis est Dominus. Ibi dicit quomodo præsens sæculum despiciatur, et quo ordine Deus ac proximus diligatur; ibi deprehendit astutias atque tentationes antiqui hostis, et adversus spiritum concupiscentias propriæ carnis. Ibi invenit bona quæ faciat, et mala quæ caveat, qualiter vitiis re-

nuntiet, et virtutibus inhaereat, quæ rétro sunt obliviscens, et in anteriora se extendat; ori suo custodiam imponat, aures suas, ne malum audiat, claudat; oculos suos, ne vanitatem videat, avertat; malum pro malo non reddat, ea, quæ non vult pati, nemini inferat, quæ sibi fieri cupit, aliis faciat. Verum super hæc omnia in hac spirituali mensa invenire poterit viam, qua pertingere possit ad cœlestem patriam.

Ad hanc ergo, dilectissimi, spiritualem mensam studiosius solito convenite, et secundum vobis intelligentiam a Deo concessam spirituales ex ea cibos sumite, ne verbi Dei fame lassimini in hac peregrinatione. *Non enim in solo pane vivit homo, sed in omni verbo quod procedit de ore Dei (Matth. iv).*

Sancta enim Scriptura pro uniuscujusque lectoris intelligentia variatur, sicut manna quod populo veteri pro singulorum delectatione varium dabat saporem. Juxta sensus enim capacitatem, scilicet intelligentiam singulis congruit sermo Dominicus, et dum sit pro uniuscujusque intellectu diversus, in se tamen permanet unus. Exteriora igitur, charissimi, vilipendite, interiora appetere curate, visibilia contemnite, invisibilia amate, terreni principis curiam nisi magna necessitate adire recusate; ad æterni regis palatium gressibus bonorum operum quantocius properate, atque ut ibi eundem redeemptorem vestrum in dextera Patris regnantem possitis videre, cum profundo cordis gemitu incessanter lacrymas fundite, quod ipse præstare dignetur qui cum eodem Patre, et Spiritu sancto in Trinitate perfecta vivit et regnat Deus per omnia sæcula sæculorum. Amen.

## SERMO UNDECIMUS

### DE ACTIBUS APOSTOLORUM.

Lucas evangelista et apostolicæ conscriptor historiæ, natione Syrus, arte medicus, Græco eloquio eruditus, Pauli apostoli discipulus, ejusque peregrinationis comes individuus, gratia Spiritus sancti cooperante, a pueritia fuit castissimus. In initio nascentis Ecclesiæ Theophilo (38) episcopo condiscipulo suo loquitur, dicens: *Primum quidem sermonem feci de omnibus, o Theophile, quæ capit Jesus facere, et docere usque in diem, qua præcipiens apostolis per Spiritum sanctum, quos elegit, assumptus est (Act. i).* Notandum quia prius dixit: *quæ capit Jesus facere*, deinde subjunxit, *docere*; quia videlicet ut perfectus doctor prius fecit quæ postea docuit. Sine macula vixit, et sine mendacio docuit. Nullum in omni vita sua peccatum fecit, nihil

quod digne reprehendi posset, prædicavit. Innocenter conversatus est inter Judæos, veraciter docuit ad se concurrentes populos. Bene ergo Lucas prius se facere sermonem dixit de his quæ Jesus facere et docere cœpit; quia discipulis suis, quos ad docendas universas gentes missurus erat, imo omnibus Ecclesiæ rectoribus, perfectionis formam tribuit. Hæc est forma ecclesiasticæ religionis, ut quisque prædicator prius studeat bene vivere, deinde bene docere; ut quos in fide generat verbis, nutriat exemplis. Incomparabiliter ergo Dei et hominis Filius in hoc mundo vixit, et salubriter ad se confluentes populorum turbas docuit, ac cœlestis verbi pane sufficienter refecit. *Usque in diem qua per Spiritum sanctum præcipiens apostolis quos elegit,*

(38) Quis hic fuerit Theophilus, incertum est; sed adhuc incertius an episcopus et Lucæ condiscipulus; quam ultimam appellationem nullus inter-

pretum commemorat, ut videre est apud Malianum et Calmetium ad cap. 1 *Evang.* secundum Lucam.

prædicare evangelium omni creaturæ, in cælum, unde descenderat, *assumptus est*. Paucos elegit, per quos multos acquisivit. Elegit pauperes, per quos sibi subdidit divites et potentes; humiliavit superbos, repressit elatos, stravit tyrannos, et suæ fidei jugo subjecit omnes ad æternam vitam prædestinatos. Indoctos quippe et timidos elegit, per quos Spiritum sanctum, ut prædictum est, ad prædicandum docuit, et ad tolerandas perversorum persecutiones roboravit. Utique apostoli Domini nostri Jesu Christi timebant, quando nec prædicare, nec extra limen domus metu Judæorum pedem movere audebant. Et prædicare, nisi eos divina gratia illustrasset, qualiter poterant, qui litteras et gentium linguas ignorabant? In eisdem quippe tunc apostolis primitiva Ecclesia tenera, timida, et indicta consistebat, sicut multo, antea Salomon in Cantico amoris sub persona sponsi, videlicet Jesu Christi, prædixerat.

*Soror*, inquit, *nostra parvula est, et ubera non habet* (Cant. viii). (39) Sororem Christus Ecclesiam vocat, qui de ipsis apostolis dicebat: *Ite, dicite fratribus meis ut eant in Galilæam, ibi me videbunt* (Matth. xxviii). Soror autem parvula Ecclesia erat, et ubera non habebat, quando in solis apostolis consistebat; quia nec se ipsam nec alios lacte prædicationis nutrire poterat. Quid Petrus aliis prædicaret, cum se discipulum Christi in unius ancillæ (40) voce detestando, jurando, esse negaret? (Matth. xxvi.) Parvula ergo Ecclesia erat, et ubera non habebat, quia post Christi resurrectionem in una domo inclusa, inter persecutores suos non dico prædicare, sed et videri timebat.

Iterum Dei et Virginis Filius subjungit, dicens: *Quid faciemus sorori nostræ in die quando alloquenda est?* (Cant. viii.) Allocutus est Christus eandem sororem suam, quando super apostolos Spiritum sanctum misit, et in interioribus loquens, illos omnes mundi loquelas multiplici distributione docuit, et ad toleranda adversa roboravit. Perfectus quippe prædicator esse non poterit, qui timet prædicare bona quæ didicit; sicut nec indoctus, qui prædicare præsumit ea, quæ nescit. Roboravit ergo Dei Filius et docuit discipulos suos, id est Ecclesiam suam, ut bona audacter prædicaret, et mala patienter toleraret.

Quod bene Jacob patriarcha præsignabat, cum Zabulon filium suum benedicens, figurate dicebat: *Zabulon in littore maris habitabit et in statione navium* (Gen. xli). (41) Zabulon, qui interpretatur habitaculum fortitudinis, Ecclesiam significat fortissimam ad omnem passionis tolerantiam. Ilæc habitat in littore maris, habitat et in statione navium: ut credentibus refugium et periclitantibus ostendat veræ fidei portum. Hæc contra omnes tur-

(39) Greg. in hunc loc.

(40) Aptissime Greg. lib. xvii Mor., num. 48: *Ecce quam vis est ad tentandum persona requisita, ut aperte proderetur quanta eum timoris infirmitas*

bines sæculi immobili et inconcussa firmitate solidata, spectat naufragium Judæorum et hæreticorum, et procellas omnium quæ circumferuntur. Quæ, si tunditur fluctibus, frangit tamen ipsa fluctus, nec ab ullis frangitur. Nec ullis tempestatibus hæresis cedit, nec ulli vento schismatis commota succumbit. Peritendit autem usque ad Sionem, id est usque ad gentium populos pervenit. Legitur etiam in Evangelio inde assumptos esse aliquos apostolorum, et in ipsis locis Dominum sæpe docuisse. Unde in Psalmo dicitur: *Principes Juda, duces eorum; principes Zabulon, principes Nephthalim* (Psal. lxxvii). Ac si apertius diceret: *Principes Juda duces eorum*, id est, principes fidei, sancti videlicet apostoli, erunt duces eorum qui sunt in Ecclesia: *Et principes Zabulon*, id est principes spei; *Et principes Nephthalim*, scilicet charitatis; quæ charitas dicitur dilatatio, quoniam in charitate sic quidam eorum extendebantur, ut etiam pro inimicis orarent.

Sequitur: *Manda Deus virtuti tuæ: confirma, Deus, hoc quod operatus es in nobis* (Ibid.). Quasi diceret: *Manda Deus virtuti tuæ*, scilicet ut te benedicant conversi fideles per apostolos in ecclesiis. Ac si dicatur: O Deus Pater, *manda*, id est commenda, *virtutem tuam*, scilicet Verbum tuum incarnatum, quod est virtus tua. Unde Paulus: *Christus, inquit, Dei virtus est et Dei sapientia* (I Cor. i). Vel *manda virtuti tuæ benedictionem illam*, ut per virtutem tuam omnis fiat benedictio. Vel *manda virtutem tuam*, id est charitatem quam habuisti erga homines, quoniam cum adhuc peccatores essemus, Christus pro nobis mortuus est. Iterum dicit: *Confirma, Deus, hoc quod operatus es in nobis* (Rom. v); id est gratiam illam quam nobis attribuisti, *confirma*; id est simul nobis et gentibus firmam redde, incipiendo a templo tuo quod est in Jerusalem; ibi enim verbum Dei prius prædicatum est. Sed quia exæcati Judæi illud humiliter suscipere noluissent, prædicatores, scilicet sancti apostoli, conversi sunt ad gentes. *Confirma*, inquit, *o Deus, quod operatus es in nobis*; nam si confirmaveris, *reges*, id est apostoli tui, *afferent tibi munera*. Nam Petrus offerret tibi conversos ex circumcisione, Paulus ex præputio, Thomas Indos, Jacobus Hispanos, Matthæus Æthiopes, Joannes Asianos, Marcus Ægyptios, et quisque suos quibus prædicabit.

Aliter: *Principes Juda duces eorum; principes Zabulon, principes Nephthalim*. Cassiodorus per hæc nomina tribuum Christum et apostolos ejus indicat. Augustinus: Forsitan enim ex his tribubus fuerunt apostoli, et isti sunt duces eorum qui in Ecclesiis benedicunt Deum. Sed magis placet sensus qui colligitur ex interpretatione nominum, quæ convenit Ecclesiæ. Juda enim interpretatur *confessio*, Zabulon

*possideret qui nec ante vocem ostiariæ ancillæ subsisteret.*

(41) Isid., *Quæst. in Gen.*, cap. 31.

*habitaculum fortitudinis*, Nephthalim dilatio, quæ principibus Ecclesiæ conveniunt. In martyriis namque prima est confessio, pro qua quidquid acciderit, fortiter tolerandum est. Inde finitis angustiis, latitudo sequitur in præmio; et est: *Ibi sunt principes Juda*, id est confessionis; *principes Zabulon*, id est fortitudinis; et *principes Nephthalim*, id est dilata-tionis. Vel ita ut agatur de tribus virtutibus, quæ significantur per has nominum interpretationes; quia confessio est in fide, fortitudo in spe, latitudo in charitate. Et est sensus: *Benedicite Deo*, vos dico; *potati de fontibus Israel*, id est potati de doctrina apostolorum, sicut decet; quia ibi sunt *principes Juda*, *principes Zabulon*, *principes Nephthalim*, id est principes fidei, spei, et charitatis et hi sunt duces eorum qui sunt in Ecclesiis; et per hoc quisque eorum est *Benjamin*, id est filius dexteræ; *adolescentulus*, deposita vetustate malitiæ; *in mentis excessu*, id est in mente sursum invecta. *Ibi Benjamin adolescentulus in mentis excessu*. Cassiodorus: *Ibi*, id est inter fontes aquæ vivæ, hoc est inter apostolos vel in Ecclesiis est *Benjamin*, id est apostolorum novissimus. *Adolescentulus*, id est novissime assumptus, qui fuit de tribu Benjamin. Unde dicitur: *Benjamin lupus rapax, mane comedet præ-dam, et vespere dividet spolia* (Gen. xlii). Hic est Paulus, qui mane suæ ætatis sanctos persecutus est, sed vespere suæ conversionis ad Deum spolia diabolo erepta divisit per diversa officia. Augustinus: Ipse est in mentis excessu, mente scilicet alienata a sensibus corporis, ut quando raptus fuit usque ad tertium cælum; vel in mentis pavore. Dominus noster Jesus Christus in hunc mundum veniens, diaboli vires confregit, et discipulos per quos Ecclesiam suam docuit, de humili conversatione elegit. Prius per patriarchas et prophetas, ac legis doctores docuit synagogam; ad ultimum vero sanctos apostolos eorumque successores, destructo mortis principe et æterna pace concessa, docuit sanctam Ecclesiam. Unde Michæas propheta introducit Dominum loquentem; quasi vere erit pax sanctæ Ecclesiæ, et quod facile conteretur diabolus in adventu Christi. Dicit ergo omnipotens Deus qui trinus est in personis, et in deitate unus.

*Suscitabimus*, inquit, *super Assyrium septem pastores, et octo primates. Et pascent terram Assur in gladio, et terram Nemrod in lanceis suis; et liberabit populum suum ab Assur; et pax erit in terra eum venerit* (Mich. v). Ac si Deus Pater diceret: Ego, et dilectissimus Filius meus, mihi que cœternus, quem ante omnia sæcula ex utero ante luciferum genui; et Spiritus sanctus nobis consubstantialis *suscitabimus super*, id est contra *Assyrium septem pastores*, omnes scilicet patriarchas et prophetas, et sanctos veteris testamenti in quo Sabbatum celebrabatur;

**A** *Et octo primates*, apostolos videlicet et evangelistas, cæterosque novi testamenti doctores; *Et pascent terram*, id est, lacerabunt et vastabunt Assur in gladio divini sermonis, qui missus est in terram, ut dividat duos in tres. Vastabunt et terram Nemrod in lanceis ejus, id est jaculis prædicationis Christi, qui est pax nostra; *Et liberabit ab Assur*, id est a diabolo populum suum, Nemrod interpretatur *tyrannus*, sive *tentatio descendens*. Iste enim prior arripuit insuetam in populis tyrannidem, et ipse aggressus est adversus Deum impietatis ædificare (42) turrem, significans illum qui dixit: *Ponam sedem meam ad aquilonem, et ero similis Altissimo* (Isai. xiv). Nemrod etiam tentatio descendens interpretatur, et significat illum qui ut fulgur de cœlo **B** cecidit (Luc. x), et quasi venator inter bestias semper versatur. Infructuosa ligna lustrat et saltus, id est homines bonis operibus steriles. Sancti autem veteris et novi testamenti doctores, patriarchæ scilicet et prophetæ, apostoli et evangelistæ a Deo missi, terram vastant diaboli arguentis et tentantis, et ita liberat Deus populum suum de manu Assur, ejusdem scilicet diaboli cupientis calcare terminos Israel, id est sanctæ Ecclesiæ. Et quia idem malignus hostis destruere nititur Dei familiam, a Christo et a ministris ejus vulneratur, et ligatur secundum Evangelium in domum suam.

Iterum dicit: *Et erunt reliquæ Jacob in medio populorum multorum quasi ros a Domino, et quasi stillæ super herbam, quæ non exspectat virum, et non præstolatur filios hominum* (Mich. v). Quod in tribus pueris historialiter factum legimus, hoc universaliter in omnibus gentibus doctrina apostolorum fecit (Dan. iii). *Et quasi stillæ*, inquit, *super herbam, quæ herba non exspectat virum*, id est, non exspectat auxilium hominis, nisi solius Dei: *Et non præstolatur filios hominum*, sed Filium Dei de cœlis. Liberatis ergo nobis de Assur, id est de potestate diaboli per Deum, qui contra eum suscitavit septem (43) et octo pastores, patriarchas videlicet et prophetas, apostolos et evangelistas; tunc reliquæ Jacob, apostoli scilicet et primitiva Ecclesia, quæ ex Judæis habuit initium, erunt in populo quasi ros ad extinguenda ignea diaboli jacula in cordibus hominum. Sequitur: *Et erunt reliquæ Jacob in gentibus in medio populorum multorum, quasi leo in jumentis sylvarum, et quasi catulus leonis in gregibus porcorum*. Quasi diceret: Fortes erunt apostoli, et invincibiles in passionibus, quasi catulus leonis in gregibus porcorum. Christus leo et catulus leonis hoc dedit apostolis, ut sicut leoni non potest resisti in raptu jumentorum vel ovium, sic apostoli liberati de manu Assyrii, id est diaboli, rapiunt et separant ab infidelibus jumenta, id est simplices ut salventur.

(42) Ita Isidor. lib. vii *Etym.* cap. *A Lapide* ad cap. x Gen. ait: *Nemrod fuit auctor, incensor et conditor turris*. S. Aug., lib. xvi *De civ. Dei*, cap. 4 *Ergebat* (Nemrod) *cum suis populis turrim contra*

*Dominum*. Sed videas hac de re dissertationem Calmetii *De turre Babelica*.

(43) Forte hic legendum: *septem pastores et octo primates*.

Hos invincibiles Christi milites, sanctos scilicet apostolos et martyres, Gedeon fortissimus virorum præfiguravit, cum Madianitas non armis, sed lagenis et lampadibus ac tubis superavit (*Judic. vii*) (44). Gedeon ergo, cum jam contra Madianitas simicare contenderet, et exercitus multitudinem ad bella produceret, omnes quos flexis genibus aquas haurire conspexit, a bellorum conflictu removit, et cum trecentis viris tantummodo, qui stantes, manibus aquas hauerant, remansit. Cum his Gedeon ad prælium perguit, eosque non armis, sed tubis, et lagenis, ac lampadibus armavit. Nam sicut scriptum est, *accensas lampades miserunt intra lagenas, et tubas in dextera, lagenas in sinistra tenuerunt, et super hostes suos cominus venientes concinerunt tubis, lampadesque apparuerunt. Et hinc tubarum sonitu, illinc lampadarum coruscatione territi hostes, in fugam versi sunt.* Quid hoc est, quod tale bellum per prophetam ad medium deducitur? An indicare nobis propheta studuit, quod Redemptoris nostri adventum contra diabolum illa sub Gedeone duce pugna designavit? Talia illic nimirum acta sunt, quæ quanto magis usum pugnandi transeunt, tanto amplius a prophetantis mysterio non recedunt. Quis enim unquam cum lagenis et lampadibus ad prælium venit? Quis contra arma veniens, arma deseruit? Ridiculum [r.dicula] nobis hæc profecto forent, si terribilia hostibus non fuissent. Sed victoria ista attestante, didicimus, ne parva esse quæ facta sunt, perpendamus. Gedeon namque ad prælium veniens, Redemptoris signat adventum, de quo scriptum est: *Tollite portas, principes, vestras, et elevamini, portæ æternales; et introibit rex gloriæ (Psal. xxiii).* Et iterum: *Quis est iste rex gloriæ? Dominus, scilicet, fortis et potens: Dominus potens in prælio (Ibid.).* Hic Redemptorem nostrum non solum opere, sed etiam nomine prophetavit. Gedeon namque interpretatur, *circuiens in utero.* Dominus enim per majestatis potentiam omnia circumplectitur, et tamen per dispensationis gratiam intra uterum Virginis venit. Quid ergo est circuiens in utero, nisi quia omnipotens Deus Christus intra uterum fuit per infirmitatis substantiam, et extra mundum per divinitatis potentiam? Madian interpretatur *Dei judicium.*

Ut enim hostes ejus repellendi et destruendi essent, non de vitio repellentis, sed de judicio judicantis fuit. Ideo ergo Madianitæ Dei judicium vocantur; quia alieni a gratia Redemptoris justam damnationis causam etiam in vobabulo nominis trahunt. Contra hostes Gedeon cum trecentis viris vadit ad prælium. Solet in (45) trecenario numero plenitudo perfectionis intelligi. Quid ergo per (46) trecenarium numerum, nisi perfecta cognitio Trinitatis designatur? Cum his quippe Redemptor noster adversarios fidei destruit, cum his ad prædi-

cationis bella descendit, qui possunt divina cognoscere, qui sciunt de Trinitate quæ Deus est, perfecte sentire. Notandum vero est, quia iste trecenarius numerus in Tau littera continetur, quæ crucis speciem tenet. Cui si super transversam lineam id quod in cruce eminet, adderetur, non jam crucis species, sed ipsa crux esset. Quia ergo iste trecenorum numerus in tau littera continetur, et per tau litteram, sicut diximus, species crucis ostenditur, non immerito his trecentis Gedeonem sequentibus illi designati sunt, quibus dicitur: *Si quis vult post me venire, abneget semetipsum, et tollat crucem suam, et sequatur me (Matth. xvi).* Qui sequentes Christum tanto verius crucem tollunt, quanto acrius sese dominant, et erga proximos suos charitatis compassionem cruciantur. Unde per Ezechielem prophetam dicitur: *signata sunt super frontes [Id. virorum] eorum (Ezech. ix),* gementium videlicet et dolentium. Vel certe in his trecentis, qui in tau littera continentur, hoc exprimitur, quod ferrum hostium crucis ligno superetur. Ducti itaque sunt ad fluvium, ut aquas biberent, et quicumque aquas flexis genibus hauerunt, a bellica expeditione remoti sunt. Aquis namque doctrina intelligitur sapientiæ; stantium autem [*Id. stante autem genu*] recta operatio designatur. Qui ergo dum aquas bibunt, genuflexisse perhibentur, et a bellorum certamine prohibiti recesserunt, hi sunt qui doctrinam cum operibus rectis non hauriunt. Qui vero doctrinam fluentia hauriunt, ut nequaquam in pravis operibus carnaliter inflectantur; hi, Christo duce, contra hostes fidei ad prælium pergunt. Vadunt ergo cum tubis et lagenis; quia iste, ut diximus, fuit ordo præliandi. Cecinerunt tubis, intra lagenas missæ sunt lampades, contractis vero lagenis, ostensæ sunt lampades, quarum coruscante luce, territi hostes fugam dederunt. Designatur itaque in tubis clamor prædicationum, apostolorum scilicet, evangelistarum, et sanctorum martyrum; in lampadibus claritas miraculorum, in lagenis vero fragilitas corporum. Tales quippe dux noster Jesus Christus secum milites ad prælium duxit; qui, despecta corporum salute, hostes suos moriendo prosternerent, eorumque gladios non armis, sed patientia superarent. Armati enim venerunt sub iudice suo ad prælium martyres nostri tubis, lagenis, et lampadibus. Tubis sonuerunt, dum prædicant, lagenas confregerunt, dum solvenda in passionibus sua corpora, hostilibus gladiis exponunt, resplenduerunt lampades, cum post solutionem corporum, miraculis coruscant. Moxque hostes in fugam versi sunt, quia dum mortuorum martyrum corpora miraculis coruscare conspiciunt, luce veritatis confRACTI sunt, quam impugnaverunt. Cecinerunt ergo tubis, ut lagenæ frangerentur; lagenæ fractæ sunt, ut lampades apparerent; apparuerunt lampades, ut in fugam hostes verterentur, id est prædicaverunt martyres, donec eorum corpora in

(44) *Ibid.*, Quæst in *Judic.* cap., 5.(45) *Edit.*, centenarium.(46) *Ibid.*, per ter ductum centenarium.



morte solverentur; corpora eorum in morte soluta sunt, ut miraculis coruscarent. Coruscaverunt miraculis, ut hostes suos ex divina luce prosternerent. Et notandum, quod steterunt hostes ante lagenas, et fugerunt ante lampades, quia nimirum persecutores sanctæ fidei prædicatoribus adhuc in corpore positis resistunt, post solutionem vero corporum, apparentibus miraculis in fugam versi sunt, quia pavore contriti [Id. conterriti] a persecutione fidelium cessaverunt. Intuendum est etiam quod illic scriptum est, quia in dextera tubas, illic lagenas autem in sinistra tenuerunt, quia Christi martyres pro magno habuerunt prædicationis gratiam, corporum vero utilitatem pro minimo. Quisquis enim plus facit utilitatem corporis, quam gratiam prædicationis, in sinistra tubam, in dextera vero lagenam tenet. Si enim priori loco gratia prædicationis attenditur, et posteriori utilitas corporis, certum est quia in dextris tubæ, et in sinistris lagenæ tenentur. Ut ergo supra dictum est, Christi milites, apostoli scilicet et martyres non mala inferendo, sed patienter adversa tolerando, miraculis coruscando, persecutores Ecclesiæ vicerunt.

Hos divina gratia a Judæa expelli permisit, et ad gentium populos transmigrare fecit, sicut beatus Job inter cætera magna et inenarrabilia esse opera Dei considerans, dicit: *Qui transtulit montes, et necierunt (Job 1x)*. Gregorius (47): *« In Scriptura sacra montium nomine prædicantium altitudo signatur, de quibus per Psalmistam dicitur: Suscipiant montes pacem populo tuo, et colles justitiam (Psal. Lxxi)*. Electi quippe prædicatoris æternæ patriæ non immerito montes vocantur, quia pro vitæ suæ celsitudine ima terrarum deserunt, et cælo propinqui sunt. Sed montes, scilicet prædicatores Deus transtulit, id est a Judæa obduratione subtraxit. Unde recte iterum per Psalmistam dicitur: *Transtulerunt montes in cor maris (Psal. xlv)*. In corde enim maris montes translati sunt, cum prædicantes apostoli a Judæa perfidia repulsi, ad intellectum gentilium venerunt. Inde ipsi quoque in suis Actibus dicunt: *Vobis oportebat primum loqui verbum Dei; sed quia repulistis illud, et indignos vos iudicatis æternæ vitæ, ecce convertimur ad gentes (Act. xiii)*. Sed hanc eandem translationem montium ipsi nescierunt, qui in Domini furore subversi sunt. Cum enim de suis finibus Hebræi apostolos pellerent, lucrum se fecisse arbitrati sunt, quod prædicationis lumen amiserunt. Exigentibus quippe meritis justa animadversione percussi, tanto intelligentiæ errore cæcati sunt, ut quod lucem perderent, hoc esse gaudium putarent. Sed, repulsi apostolis, per Romanum protinus principem, scilicet Titum Judæa destruitur, atque in cunctis gentibus sparsa dissipatur. Unde et translatis montibus, recte subjungitur: *Qui commovet terram de loco suo et columnæ ejus concutientur (Job 1x)*. De loco

A quippe suo terra commota est, cum plebs Israëlita de Judæa finibus evulsa, colla gentibus subdidit, quæ subdi auctori recusavit. Quæ scilicet terra quondam columnas habuit, quia in sacerdotes et principes legis, doctores atque Phariseos, ruitura ejus pertinaciæ structa surrexit. In ipsis namque litteræ ædificium tenuit, et tranquillitatis suæ tempore sacrificiorum carnalium, quasi superimpositæ fabricæ, onera portavit. Sed translatis montibus columnæ concussæ sunt, quia subductis a Judæa apostolis, nec ipsi vivere in illa permisi sunt, qui ab illa vitæ prædicatores expulerunt. Dignum quippè erat ut terrenam patriam subacti perderent, cujus amone nequaquam sunt veriti cælestis patriæ milites impugnare. Sed expulsis sanctis doctoribus, Judæa funditus torpuit, et justo judicantis examine, in erroris tenebras oculos mentis clausit. Unde et adhuc subditur:

*« Qui præcipit soli, et non oritur: et stellas claudit quasi sub signaculo (Job 1x)*. Aliquando namque in sacro eloquio solis nomine prædicatorum qualitas designatur, sicut per Joannem dicitur: *Factus est sol sicut saccus cilicinus (Apoc. vi)*. In extremo quippe tempore sol sicut saccus cilicinus ostenditur, quia fulgens vita prædicantium, ante reproborum oculos, aspera et despecta monstratur. Qui stellarum quoque claritate figurantur, quia, dum recta prædicatoribus prædicant, tenebras nostræ noctis illustrant. Unde et subtractis prædicatoribus, per prophetam dicitur: *Prohibitæ sunt stellæ pluviarum (Jer. iii)*. Ad litteram vero stellæ pluviarum sunt, Orion, arcturum, et hyadas, quæ pluvias generant. Quia vero per diem sol fulget, stellæ obscuritatem noctis irradiant; plerumque in sacro eloquio diei appellatione æterna patria, noctis autem nomine præsens vita signatur. Prædicatores ergo sancti, et sol nostris oculis sunt, cum contemplationem nobis veræ lucis aperiunt; et velut stellæ in tenebris lucent, cum per activam vitam proluturi, nostris necessitatibus terrena disponunt. Quasi in die ut sol coruscant, cum ad contemplandam internæ claritatis patriam, mentis nostræ aciem sublevant; et quasi stellæ in nocte resplendent, quia et cum terrena agunt, offensurum nostri operis pedem, exemplo suæ rectitudinis diriguunt. Sed quia expulsis prædicatoribus, non fuit qui plebi Judaicæ in perfidiæ suæ nocte remanenti, vel claritatem contemplationis ostenderet, vel activæ vitæ lumen aperiret; veritas, quæ hanc repulsam deseruit, subtracto prædicationis lumine, merito eam suæ pravitatis excæcavit. Recte ergo dicitur: *Qui præcipit soli, et non oritur: et stellas claudit quasi sub signaculo*. Oriri ei quippe solem noluit, a qua prædicantium animos divertit. Et quasi sub signaculo stellas clausit; quia dum prædicatores suos per silentium intra semetipsos retinuit, cæcis iniquorum sensibus cæleste lumen abscondit. Pensandum vero est, quia

(47) Lib. 1x Mor., cap. 2.

idcirco aliquid sub sigillo claudimus, ut hoc cum tempore congruerit, ad medium deducamus. Ex sacro attestante eloquio didicimus, quod Judæa, quæ nunc deseritur, ad sinum fidei in fine colligetur. Hinc namque per Isaiam dicitur: *Si fuerit numerus filiorum Israel quasi arena maris, reliquæ salvæ fient (Isai. x)*. Hinc Paulus ait: *Donec plenitudo gentium intraret, et sic omnis Israel salvus fiet (Rom. ix)*. Qui igitur prædicatores suos nunc Judææ oculis subtrahit, sed postmodum ostendit, quasi sub signaculo stellæ claudit, ut absconsi prius et post coruscantibus astrorum spiritualium radiis, noctem suæ perfidiae et nunc repulsa non videat, et tunc illuminata deprehendat. Hinc est, quod duo eximii prædicatores dilata morte subtracti sunt, ut ad prædicationis usum in fine revocentur: hi sunt duæ oliuæ, et duo candelabra in conspectu Domini terræ stantes (*Apoc. xi*), quorum unum in Evangelio per semetipsam Veritas pollicetur, dicens: *Elias venturus est, et restituet omnia (Matth. xvii)*. Quasi ergo sub signaculo stellæ clausæ sunt: qui et nunc occultantur ne appareant, et post, ut prodesse valeant, apparebunt. Sed tamen plebs Israëlita, quæ ubertim in fine colligetur, in ipsis sanctæ Ecclesiæ exordii crudeliter obduratur; nam prædicatores veritatis renuit, verba adjutorii spernit. Quod tamen mira auctoris dispensatione agitur, ut nimirum prædicantium gloria, quæ recepta in uno populo latere poterat, in cunctis gentibus repulsa dilatetur.

Doctrina ergo Evangelii per apostolos in universas gentes exiit; et sicut bonum semen, universum orbem implevit: Sicut multo antea Michæas propheta prædixit: *De Sion, inquit, exibit lex, et verbum Domini de Jerusalem (Mich. iv)*. Sion speculatio interpretatur. Sancta Ecclesia Sion dicitur, eo quod cælestia contemplando, bona operando, adversa vitando, indesimenter cælestis regni introitum speculetur. Dicit ergo hic sanctus propheta: *De Sion, id est de Ecclesia primitiva in qua doctor est et pontifex ille Dei et Virginis Filius, exhibit lex spiritualis per apostolos ad gentes: Et verbum Domini de Jerusalem, id est sermo prædicationis per universum mundum. Unde dicitur: In omnem terram exiit sonus eorum et in fines orbis terræ verba eorum (Psal. xviii)*. Sequitur: *Et concident gladios suos in vomeres, et hastas suas in ligones (Mich. iv)*. Allegorice per fidem Christi ira effrenata et convicia deponuntur, ut ponat quisque manum suam ad aratrum, apostolis momentibus, ne respiciat post tergum, ut contractis jaculis persecutionum et contumeliarum, metat Christus spirituale frumentum per angelos. Nemo intendit subvertere auditores, nec prohibere prædicatores, scilicet apostolos, quia tempus plantandi est. Iterum subjungit dicens: *Non sumet gens adversus gentem gladium: nec discent ultra belligerare. Sedebit vir sub vite, ut premat vinum spiritualis intelligentiæ, quod lætificat cor hominis; et sub ficu, ut ditia [dulcia, ut in Glossa] sancti*

A Spiritus poma decerpant. Ante nativitatem Christi totus pene orbis plenus erat sanguine, Roma etiam in civilibus bellis dilacerabatur. Postquam vero ad Christi præceptum singulare imperium Roma sortita est, apostolorum itineri prævius factus est orbis, et eisdem apostolis apertæ sunt portæ urbium, atque ad prædicationem unius Dei singulare imperium constitutum est. Omnipotens Deus per dilectissimum Filium suum, missis per uniuersum mundum apostolis, omnes gentes ad cognitionem et charitatem suam misericorditer vocavit, sicut ipse per Zachariam prophetam prædixit.

*Sibilabo, inquit, eis et congregabo illos, ego qui redemi eos, et multiplicabo illos, sicut ante fuerant multiplicati. Et seminabo eos in populis, et de longe recordabuntur mei; et vivent, cum filiis, et revertentur. Et deducam eos de terra Ægypti, et de Assiriis congregabo illos, et ad terram Galaad et Libani adducam eos, et non inuenietur eis locus, (Zach. x)*. Allegorice: His qui captivi erant in peccatis, significat Dominus per suam clementiam, ut congregentur ad eum sicut ad Redemptionem dicens: *Tollite jugum meum super vos, etc. (Matth., xi)*. Hos sanctos, videlicet apostolos, multiplicat, non carnali sed spirituali benedictione. Hi seminantur in populis, quibus dicitur: *Euantes docete omnes gentes: baptizantes eos in nomine Patris, et Filii, et Spiritus sancti (Matth., xxviii)*. Per illos Christi discipulos in cunctis seminatos gentibus, populi longe per idololatriam positi recordabuntur Domini, in cujus conspectu adorabunt universæ familiæ gentium. *Et vivent cum filiis suis, quos videlicet Domino acquisierunt prædicando; et revertentur, ut prius mortui in infidelitate, vivant spiritualiter. Hi sunt filii, quibus Paulus lac ministrabat. Sequitur: Et deducam eos de terra Ægypti, et de Assiriis; de terra videlicet cui imperabat rex Pharaon, qui dicebat: mea sunt flumina, et ego feci ea (Ezech., xxix); et cui terræ dominabatur rex Assyrus, scilicet magnus sensus, id est diabolus superbus, qui se dicit magnum, qui etiam arguens vel convicena interpretatur; hi tales ducuntur in terram Galaad, id est de terrenalibus ad spiritualia. Galaad enim testimonium transmigrationis interpretatur. Ducuntur etiam fideles per apostolos ad Libanum, id est ad dealbationem, ut de tenebris mundi hujus educti, dealbentur; et tunc non inuenietur locus in illis, quia non constringentur angustiis terræ, sed latitudine cæli perfruentur. Per ipsos etiam apostolos cordibus fidelium magnam Deus suæ benignitatis dulcedinem infudit, sicut Joel propheta exultans, ac figurate loquens, prædixit.*

*Erit, inquit, in die illa: stillabunt montes dulcedinem, et colles fluent lacte; et per omnes rivos Judæ ibunt aquæ (Joel., iii)*. Post resurrectionem atque ascensionem Domini ad cælos, montes, id est apostoli, et post eos Ecclesiæ doctores celsi

mente abundabant suavitate, et dulcedine sapientiæ et divini eloquii; et stillabant ex eis spirituales gratiæ; et colles, id est non habentem tantam intelligentiæ plenitudinem, emittent lac, quo nutritur infantia Ecclesiæ. *Et per omnes rivus Judææ*, id est super credentes filios Ecclesiæ, abundabant aquæ, apostolorum scilicet et evangelistarum prædicationes, et charismatum dona, quia nihil in eis aridum erit. Sequitur: *Et fons de domo Domini egredietur, et irrigabit torrentem spinarum.* De domo Domini, inquit, id est de primitiva Ecclesia egredietur fons baptismatis, et doctrinæ spiritualis, qui irrigat corda gentilium, quæ spinis vitiorum, et aculeis malarum cogitationum pungebantur, ut ibi orientantur flores virtutum, ubi prius oriebantur punctiones vitiorum. Tunc fons iste de domo Domini est egressus, quando discipulis suis ait Dominus: *Ite, docete omnes gentes, baptizantes eos in nomine Patris, et Filii, et Spiritus sancti.* Montes etiam tunc et colles dulcedinem, id est mel sapientiæ et spiritualis intelligentiæ, et colles lac, id est doctrinam, qua parvuli Ecclesiæ in Dei cognitione nutriuntur, stillarunt; quando sancti apostoli eorumque successores verbis et exemplis, ac verissimis Evangeliorum atque Epistolarum scriptis, universam Ecclesiam irrigarunt. Huic simile est, quod Zacharias propheta, tempus resurrectionis et ascensionis Christi in spiritu prævidens, gratulante dicebat:

*In die illa exibunt aquæ vivæ de Jerusalem: medium earum ad mare occidentale [orientale], et medium earum ad mare novissimum, in æstate et hieme (Zach. xiv).* Ac si apertius de primo adventu Christi ejusque Ecclesiæ diceret: *Erit in die illa, quæ soli Deo est nota, exibunt aquæ vivæ de Jerusalem.* Aquæ ideo vivæ dicuntur, quia per Christi gratiam vitam tribuunt. Quasi enim una dies est et unum tempus a primo adventu Christi, usque ad secundum. *Medium*, inquit, *earum ad mare occidentale [orientale]*, quod mortuum dicitur; eo quod animantia occidat, vel quod in ejus aquis nihil possit vivere. *Et medium earum ad mare novissimum*, quod vocatur magnum. Vel per duo maria, allegorice duo intelliguntur Testamenta, quæ nisi lumine spiritualis intelligentiæ fuerint dulcorata, littera occidente et spiritu non vivificante, amara sunt. *In æstate*, ait, *et hieme*, ac si diceret: aquæ, quæ de Jerusalem, id est de Ecclesia egredientur, nec calore siccabuntur, nec hieme constringentur. Aquæ quæ de Jerusalem, id est de Ecclesia exeunt, doctrina est Salvatoris, id est baptismus; quarum una pars vadit ad mare occidentale [orientale], id est ad populum circumcisionis, qui in apostolis et per apostolos electus est; et pars ad mare novissimum, quia *ab oriente et occidente venient qui recumbent cum Abraham, Isaac et Jacob in regno*

(48) Rectius videtur legendum juxta Vulgatam: *de colle Remmon ad austrum Jerusalem, et exalta-*

*torum (Math. viii).* Hæ aquæ nec æstate prosperitatis, nec hieme persecutionis cessabunt. Sequitur: *Et erit Dominus rex super omnem terram.* Ac si dicatur: cum tales aquæ utrumque mare fuerint ingressæ, et amaras aquas dulci lumine mitigaverint, Dominus, scilicet Christus, erit rex super omnem terram. Tunc rex ille fortissimus cognoscetur, de quo dictum est: *Domine Dominus noster, quam admirabile est nomen tuum in universa terra! (Psal. viii.)*

Iterum subjungit dicens: *In die illa erit Dominus unus, et nomen ejus unum, et revertetur omnis terra usque ad desertum, de colle Adremon ad austrum, et Jerusalem exaltabitur (48), et inhabitabit in loco suo*, id est in loco pristino ædificabitur, a porta videlicet Benjamin usque ad locum portæ prioris, et usque ad portam angulorum; et a turris Hananael, usque ad torcularia regis. *Et habitabunt in ea, et anathema non erit amplius.* Cum Dominus Jesus Christus rex fuerit super omnem terram, tunc erit unus Dominus de quo scribitur: *Scitote quoniam Dominus ipse est Deus; ipse fecit nos, et non ipsi nos (Psal. lxxix).* Et erit unum nomen Domini, prava religione idolorum calcata. Tunc revertetur omnis terra in qua habitaverunt Judæi usque ad desertum, id est usque ad populum gentium; qui prius desertus, quia sine notitia legis, et de colle ad Adremon, id est ad excelsum, quia de terra et de deserto ad colles, et de collibus usque ad montana consurgens; et inde usque ad austrum plenæ lucis, et sic conscendendo exaltabitur Ecclesia, et habitabit in loco de quo scriptum est: *In loco pascuæ ibi me collocavit (Psal. xxi).* Et a porta Benjamin, incipiendo a virtute quam dextera significat, perveniet ad portam priorem, ut per eam ingrediatur ad cæteras. Post occurrit porta angulorum, ubi est lapis angularis, scilicet Christus, qui conjungit duos parietes in unum. Post occurrit turris Hananael, qui gratissimus Dei dicitur. De hac turris dicit David ad Deum: *Factus es spes mea; turris fortitudinis a facie inimici (Psal. lx).* Qua turris nihil est gratius homini de laboribus mundi ad Deum suspiranti. Inde venit ad torcularia regis, ut imitatores passionis Christi bibant vinum quod lætificat cor hominis, introducti in cellam vinariam Dei, in qua est vinum evangelicæ prædicationis; et qui hujusmodi torcularibus inebriantur, habitabunt in cœlesti Jerusalem, in qua non erit anathema, id est maledictio et separatio a Deo; sed secunda quies confidentibus in Deo. Ut ergo supradictum est, aquæ vivæ de Jerusalem egressæ sunt, quia sancti apostoli universum mundum evangelicæ prædicationis doctrina irrigarunt.

(49) Hos nimirum Christi apostolos Jacob patri-

bitur, etc.

(49) Ibid., *Quæst. in Gen., cap. 31.*

archa præsignabat, cum Nephtholim filium suum benedicentem, illum figurate cervum missum vocabat. Igitur Nephtholim quod interpretatur *dilatatio*, apostolos et prædicatores cæteros significat, quorum doctrina in longitudine totius mundi diffusa est. Ex hac enim tribu fuerunt apostoli, qui sunt principes Ecclesiarum et duces. Nam et quod in Psalmo legitur, principes videlicet Zabulon, principes Nephtholim, sine dubio ad apostolorum personam refertur (*Psal. lxxvii*). Ipsi sunt filii excussorum, id est prophetarum, qui in manu omnipotentis Dei positi, tanquam sagittæ excussæ pervenerunt usque ad fines terræ. Unde et bene hic Nephtholim cervus missus scribitur, quia nimirum apostoli sive prædicatores cæteri veluti saltu exsistentes in marem cervorum, transcendunt implicamenta sæculi hujus. Sicque excelsa ac sublimia meditatur eloquia pulchritudinis, id est prædicant cunctis gentibus gratiam Dei Salvatoris. Deus igitur per universum mundum sanctos apostolos dilatavit, quia per eos cunctis gentibus nomen suum manifestavit, sicut beatus Job prædixit, inter multa quæ de Dei omnipotentia locutus est. Ait enim :

*Qui extendit cælos solus, et graditur super fluctus maris (Job ix)*. Gregorius (50) : « Quid namque cælorum nomique, nisi sanctorum apostolorum, cæterorumque prædicatorum cælestis via signatur. De quibus per Psalmistam dicitur : *Cæli enarrant gloriam Dei, et opera manuum ejus annuntiant firmitermentum (Psal. xviii)*. Ipsi igitur cæli, ipsi sol esse memorantur. Cæli videlicet, quia intercedendo protegent; sol autem, quia prædicando vim luminis ostendunt. Cæli ergo extensi sunt; quia, cum Judæa ad vim persecutionis infremuit, apostolorum vitam Dominus in cunctarum gentium cognitione dilatavit. Et illa per justum judicium captiva in quiddam dispergitur; isti ubique per gratiam in honore tenduntur. Angusti quippe cæli fuerant, cum una plebs tot egregios prædicatores tenebat. Quis enim gentilium Petrum nosset, si in solius Israelitici populi prædicatione remaneret. Quis Pauli virtutes agnosceret, nisi hunc Judæa ad nostram notitiam persequendo transmisisset. Ecce jam qui flagris et contumeliis ab Israelitica plebe repulsi sunt, per mundi fines ornantur. Solus ergo Dominus cælos extendit, qui secreti mira dispensatione consilii, prædicatores suos unde perquisit in una gente opprimi, fecit in mundi cardines inde dilatari. Sed nec hæc ipsa præsentem dedita mundo gentilitas, cum culpas ejus apostolorum lingua corripuit, verba vitæ libenter accepit. Nam protinus in elatione contradictionis intumuit, atque ad crudelitatem persecutionis se excitavit. Sed quæ prædicationis verbis contraire nititur, signorum citius ad inspirationem temperatur. Unde quoque in actoris haude apte subjungitur : *Et graditur super fluctus maris (51)*. Quid enim maris nomine nisi in

(50) Lib. ix Mor., cap. 4.

A bonorum necem sæviens mundi hujus amaritudo signatur. De quo per Psalmistam dicitur : *Congregans sicut in utre aquas maris (Psal. xxxii)*. Aquas enim maris quasi in utre Dominus congregat, cum miro moderamine cuncta disponens, in suis clausa cordibus carnalium mñas frenat. Super fluctus ergo maris Dominus graditur, quia cum se procelle persecutionis erigunt, miraculorum ejus obstupescatione franguntur. Qui enim tumores humanæ vesanæ mitigat, quasi erectus in tumultu undam calcit. Nam cum morem suum gentilitas destrui nova conversatione conspiceret, cum mundi hujus divites elationi suæ contraire facta pauperum viderent, eum sapientes sæculi adversarii sibi imperitorum verba pensarent, in persecutionis protinus tempestate tumuerunt. Sed qui verborum adversitate commoti, ad persecutionis procellas insiliunt, signorum, ut diximus, admiratione temperantur. Tot ergo in his fluctibus Dominus gressus posuit, quot superbis persecutoribus miracula ostendit. Unde bene rursus per Psalmistam dicitur : *Mirabiles elationes maris, mirabilis in altis Dominus (Psal. xcii)*. Quia cum contra electorum vitam ad persecutionis undas mundus se mirabiliter extulit, eum supernorum conditor sublevata virtute prædicationum mirabilis stravit. Ministros enim suos ostendit posse per miracula, quod potestates terrenæ tumuerunt per iram.

Quod bene etiam per Jeremiam Dominus exteriora narrans, interiora denuntians, dicit : *Posui arenam terminum mari, præceptum sempiternum, quod non præteribit; et commovebuntur, et non poterunt; et intumescunt fluctus ejus, et non transibunt illud (Jer. v)*. Arenam quippe Dominus mari terminum posuit, quia ad frangendam mundi gloriam abjectos et pauperes elegit, cujus nimirum maris fluctus intumescunt, cum potestates sæculi ac commotionem persecutionis exsiliunt. Sed transire arenam nequeunt, quia despectorum apostolorum martyrumque miraculis et humilitate franguntur. Sed dum mare sævit, dum per insanæ suæ fluctus erigitur, dumque virtutis intimæ ostensione calcatur, sancta Ecclesia proficit, atque ad statum sui ordinis per temporum incrementa consurgit.

D Revera apostoli Jesu Christi, et sancti martyres evangelica prædicatione, et suorum corporum sanguinis effusione universum mundum ad Dei cultum revocarunt, et quasi cultores agrorum, dulcissimum Deo fructum ex culta terra usque hodie reddunt. De quibus Amos propheta Spiritu sancto edoctus exsultans dicebat : *Ecce dies venient, dicit Dominus : et comprehendet arator messorum, et calcietur vineam mittentem semen : et stillabunt montes dulcedinem, et omnes colles culti erunt (Amos, ix)*. Per hos omnes prædicatorum ordo, apostolorum videlicet et ecclesiasticorum virorum, figuratur. Allegorice : *Dies veniunt, scilicet post resurrectionem et ascen-*

(51) Greg., cap. 5.

nionem Domini, in quibus arator, id est ordo doctorum, apostolorum videlicet et cæterorum doctorum, qui sua et aliorum corda fide et dilectione exarant, repulsa infidelitatis duritia, fructum bonæ operationis afferant. Isti aratores, scilicet sancti apostoli, comprehendunt messorum, id est eos qui prædicando verbum Dei homines a curis sæculi eyellunt ut in sancta eos Ecclesia recondant. Per uvæ calcatorem apostoli, et sancti martyres intelliguntur, qui mortem, et ipsum diabolium calcantes, pro nomine Christi patiendo, musta sui sanguinis fundunt, ut aliis præbeant exempla virtutum. Hoc omnes mittit Deus in Ecclesia, ut semen in electorum cordibus verbi Dei seminent, eosque a curis sæculi segregent, et ipsi pro sibi commissis gregibus animas ponant. Et alius alium apprehendit, quia alius alii succedit. Ut ergo jam supradictum est, Dei et Virginis Filii per prophetas resurrectionem suam præcuntiauit futuram, et per apostolos nobis ostendit factam. Unde per Sophoniam prophetam Ecclesiæ suæ loquitur, dicens :

*Exspecta me in die resurrectionis meæ in futurum, quia iudicium meum ut congregem gentes, ad fidem videlicet, et colligam regna, principes scilicet peruersorum dogmatum, qui divino ardore consumerentur; et effundam super eos indignationem, omnemque iram furoris mei (Saph. III). Ac si Dei et Virginis Filius sanctæ Ecclesiæ sponsæ suæ loqueretur : Exspecta me repellendo idola a te, et in die resurrectionis in futurum, quando videlicet, de morte, quam pro tua redemptione passurus sum, resurrexero, per baptismum te ad vitam æternam regenerabo, et Spiritu sancto ad cognoscendum me oculos cordis tui illuminabo, pane cœlestis verbi confortabo, vino evangelicæ prædicationis inebriabo. O sponsa igitur exspecta me, ut recte cum Propheta valcas dicere : Paratum cor meum, Deus, paratum cor meum; cantabo et psallam in gloria meâ (Psal. LVI). Possunt autem hæc allegorice de primo adventu intelligi, quando dæmone calcato, et omni errore sublato, terrenis etiam operibus destructis, omnibus linguis apostoli locuti sunt. Quando etiam post vitia et peccata Deus in nobis resurgere visus est, atque omnes congregantur ad fidem, et timore iræ Dei accenduntur igne divino, quo devorantur in illis omnia opera terrena. Iterum Dominus loquitur dicens : In igne enim zeli mei devorabitur omnis terra. Quia tunc reddam populo labium electum, ut invocent omnes nomen Domini, et serviant ei humero uno (Soph., III). Et restituetur (52), inquit, omnibus una lingua, ut unusquisque, deposito errore suo, ad antiquum confessionis Dei eloquium revertatur, ut uno ore invocent Deum, confitendo, quod Dominus Jesus Christus est in gloria Dei Patris, in cuius nomine læctitur omne genu cœlestium, terrestrium, et infernorum (Philip. II).*

A Possunt hæc et de secundo adventu dici quando post vitia præsentis sæculi, Ecclesia expectante adventum sponsi, gentes congregabuntur ad iudicium, et reges colligentur in locum suppliciorum, et tunc effundetur furor Dei puniens omnia mala, ubi potentes poterent tormenta sustinere, et qui minus peccavit, cito veniam merebitur. *In igne zeli mei, ait, devorabitur terra, quia gentibus ad iudicium congregatis, et regibus ad supplicia, consumeretur in toto orbe quidquid terrenum est, et ad opera carnis pertinet, ut in salvandis omnibus, verpibus et spinis combustis, unusquisque illorum ad antiquum confessionis Dei revertatur eloquium, in sæcula sæculorum laudans Deum, et conjuncto studio serviant ei assidue in templo ejus.*

B Dignum valde est, ut ei grates et laudes non solum in præsentem, sed et in futura vita ab angelis et hominibus referantur, qui omnes homines quamvis indignos, id est universam Ecclesiam, per prophetas et apostolos misericorditer ad se vocare non cessat; sicut per prophetam Osee dulcedinem sui amoris et benignitatis ostendens, eidem Ecclesiæ suæ loquitur dicens : *Sponsabo te mihi in sempiternum; et sponsabo te mihi in iustitia et iudicio, et in misericordia, et miserationibus (Ose. II). Circumcisio data Abraham signum fuit inter Deum, et semen illius. Sequitur : Et sponsabo te mihi in fide, et scies quia ego sum Dominus. Nota misericordiam viri, scilicet Dei. Meretrix diu fornicata ad virum revertitur, nec conciliari viro, sed sponsari dicitur. Et nota distantiam inter Dei, et hominum conjugia; homines de virginibus corruptas faciunt, Deus conjunctus meretricibus virginis reddit.*

C Iterum dicit : *Et erit in die illa : exaudiam, dicit Dominus, et exaudiam cælos, et illi exaudient terram. Et terra exaudiet triticum, et vinum et oleum.* Ac si diceret : *Erit in die illa, scilicet quando te mihi in fide spondero, exaudiam cælos, id est apostolos; et illi exaudient terram, videlicet illam de qua veritas orta est, et in qua paterfamilias, scilicet Christus, seminat bonum semen, et eam cœlestis verbi pluvia irrigent : Et terra exaudiet triticum, et vinum, et oleum, hoc specialiter ad apostolos pertinet, qui incipiendo a Jerusalem sua prædicatione, et miraculis corda audientium ubique fructificare faciunt; qui sunt semen, dum audiunt a Domino; seminatores, dum in omnem terram exiit sonus eorum. Sequitur : Et sponsabo te, ait, mihi in sempiternum. Primo Deus Pater despondit eam sibi in Abraham, vel cum eduxit eam de Ægypto, ut uxorem haberet sempiternam. Secundo in monte Sina, dans ei pro sponsalibus legis iustitiam et iudicium, conjunctam legi misericordiam, ut si peccaverit captivetur, si pœnituerit revocetur. Tertio despondit eam in adventu Filii sui, quod est in fide sanctæ Trinitatis, in qua fide credentes statim sciunt illum esse, quem prius negaverunt. Hæc*

(52) Hæc verba non sunt textus sed Glossæ, quam videre oportet ne quis confundatur.

ergo meretrix, quæ prius fuerat conjuncta in æternos viri complexus, quia in Ægypto idola coluit, iterum per legem assumitur, quam, quia præterit, prophetis, quasi sponsi sodalibus interfectis, tertio venit Filius.

Quo crucifixo, et a mortuis resurgente, desponsatur Ecclesia, scilicet non jam in justitia legis; sed in fide et gratia Evangelii, et cognitione veritatis. Hieronymus: Secundum litteram potest intelligi, quod in adventu Christi bona temporalia promittuntur credentibus, ut per ipsum qui semen Dei est, omnia in suo ordine currant, sicut ab initio condita sunt, et utilitati hominum deserviant. Et tamen Judæi post tanta bona, adhuc Antichristum corporaliter expectant. Spiritualiter: cœli, qui gloriam Dei enarrant, exauditi sunt, rogantes pro muliere Chananaea (Matth. xv), et pro socru Petri (Luc. iv). *Et cœli*, id est apostoli, *audiunt terram*, homines videlicet, qui sunt Ecclesia, quamvis necdum perfecti, et tamen custodientes Dei præcepta. *Et terra*, id est, Ecclesia, *audit triticum*, id est ita præbet spirituales intelligentiam Veteris et Novi Testamenti, ut lætificet corda audientium, modificando doctrinam secundum capacitatem singulorum. Et hæc omnia, id est cœlum, et terra, apostoli scilicet, et universalis Ecclesia, *audient Israel*: id est, semen verbi Dei perducunt ad effectum operis, ut aliud semen faciat fructum centesimum, aliud sexagesimum, et aliud trigesimum (Matth. xiii). Nimirum semen, id est apostolorum doctrina centesimum fructum attulit, quia illis prædicantibus multitudo gentium et pars quædam Judæorum ad Christi fidem venit. In passione et resurrectione Filii Dei et Virginis, quamvis Judæi innumera signa et miracula viderent, tamen quædam pars illorum damnabiliter in sua permansit malitia; quædam vero gratiam baptismi est consecuta.

Horum quippe duo calathi figuram præferebant, quos Jeremias Propheta sibi ostensos a Domino fuisse ante templum Domini prædixerat, ait enim: *Ostendit mihi Dominus: et ecce duo calathi*, id est, duo cophini, *pleni ficis ante templum Domini. Et calathus unus ficus bonas habebat, bonas nimis: et calathus alius ficus habebat malas nimis, quæ comedi non poterant* (Jer. xxiv). Duos calathos bonarum malarumque ficuum quidam interpretantur in lege et Evangelio, Synagogam et Ecclesiam, Judæorum et Christianorum populum, gehennam, et regnum cœlorum; quorum alterum pertinet ad supplicia peccatorum, alterum vero ad sanctorum habitaculum. Nos autem juxta Apostolum legem bonam et sanctam, et mandatum bonum et sanctum sentientes, et unum esse utriusque testamenti Deum (Rom. vii), ad Judæos hæc referamus, qui in adventu Domini crederunt, vel non crederunt; ut illi qui clamaverunt Pilato, dicentes: *Crucifige*,

*Crucifige eum* (Matth. xxvii), calathi sunt malarum ficuum; qui vero crederunt, ad bonas ficus, et ad calathum optimum referantur. Calathus ergo bonarum ficuum, Petrus et Paulus, Joannes et Jacobus, Andreas et Thomas, et cæteri apostoli, omnesque discipuli fuerunt, qui verbum vitæ per universum mundum seminaverunt. Calathus vero malarum ficuum, Caiphas, Annas, et cæteri infideles exstiterunt, qui se et filios suos antequam nascerentur, condemnaverunt, dicentes: *Sanguis ejus super nos, et super filios nostros* (ibid.). Dulcedo igitur bonarum ficuum dulcedinem et suavitatem designat Evangeliorum. Et amaritudo malarum, quæ comeli non poterant, versutias et infidelitatem præmonstrat Judæorum. In Christi ergo Ecclesia bonarum ficuum calathi, apostoli Domini nostri Jesu Christi exstiterunt, qui adversariis illius viriliter restiterunt, et, ut eam ad rectitudinis statum perducerent, sanguinem suum libenter fuderunt.

Mystice Godolias (55), qui interpretatur *magnificatus Domino*, hos Ecclesiæ nobilissimos præfiguravit prædicatores, qui Domini nutu perficiuntur, ut timentes Dominum habeant refugium, et eorum solatium; hi pro subjectis animas ponunt, et contra perfidos exemplo Jesu Christi magistri sui scuta protectionis opponunt. Usque ad mortem in officio fideliter persistentes ab iniquis persequuntur, sicut Godolias innocens a perfido Ismaele occisus est. Deus igitur sanctam Ecclesiam ad laudem et gloriam nominis sui constituit, et in ea sanctos apostolos ad illius custodiam et defensionem posuit, eique gloriosos martyres quasi exemplar virtutum dedit, et præclaros veteris ac novi testamenti doctores, qui sufficienter eam cœlestis doctrinæ inlribus irrigarent, transacto jam persecutionis tempore, tribuit. De quibus omnibus beatus Job Deum in operibus ejus laudans, figurative quasi de cœlestibus astris loquitur, dicens:

*Qui facit Arcturum, et Oriona, et Hyadas, et interiora auri* (Job ix). Gregorius (54): « Nequam sermo veritatis vanas Hesiodi, Arati, et Callimachi (55) fabulas sequitur, ut Arcturum nominans, extremam stellarum septem, caudam ursæ suspicetur, et quasi Orion gladium teneat, amator insanus. Hæc quippe astrorum nomina a cultoribus sapientiæ carnalis inventa sunt. Sed Scriptura sacra idcirco eisdem vocabulis utitur, ut res, quas insinuare appetit, notitia usitate appellationis exprimantur. Nam si astra, quæ vellet, per ignorata nobis nomina diceret; homo pro quo hæc eadem Scriptura facta est, nesciret procul dubio, quid audiret. Sic igitur in sacro eloquio sapientes Dei sermonem trahunt a sapientibus sæculi; sicut in eo pro utilitate hominis vocem in se humanæ passionis ipse conditor omnium sumit Deus; ut videlicet, dicat: *Ponitet enim me fecisse homines super ter-*

(53) Ex Glossa ad cap. xi. Jeroniæ hæc desumuntur.

(54) Lib. ix Mor., cap. 6.

(55) Mos. vitiose calli et Marci.

ram (*Gen. vi*); cum profecto constet, quia is, qui A cuncta priusquam veniant, conspicit, nequaquam postquam aliquid fecerit, pœnitendo respiscit. Quid ergo mirum, si spirituales v̄iri utantur verbis carnalium, quando ipse ineffabilis et creator omnium Spiritus, ut ad intellectum suum carnem pertrahat, in se ipso carniæ sermonem format. In Scriptura igitur sacra, dum vota astrorum nomina audimus; de quibus astris sermo habeatur, agnoscimus; cum vero astra, quæ narrantur, perpendimus, restat ut ex eorum motibus, ad spiritualis intelligentiæ arcaua surgamus. Neque enim juxta litteram mirum aliquid dicitur, quod Deus Arcturum, et Oriona, et Hyadas fecit, de quo nimirum constat, quia omnino in mundo nihil sit, quod ipse non fecit. Sanctus itaque vir hæc facisse Dominum dicit, per quæ B signari propriæ ea quæ spiritaliter geruntur, intelligit. Quid namque Arcturi nomine, qui in cœli axe constitutus septem stellarum radiis fulget, nisi Ecclesia universalis exprimitur, quæ in Joannis Apocalypsi per septem Ecclesias, septemque candelabra figuratur? (*Apoc. i*). Quæ dum in se dona septiformis gratiæ spiritus continet, claritate summæ virtutis irradiata, quasi ab axe veritatis lucet. Pensandum quoque est, quod Arcturus semper versatur, et nunquam mergitur; quia sancta Ecclesia persecutiones iniquorum sine cessatione tolerat, sed tamen usque ad mundi terminum, sine defectu perdurat. Sæpe namque reprobis, qui usque ad internecionem eam persecuti sunt, quasi hanc funditus extinxisse crediderunt, sed eo multipliciter ad statum sui perfectior rediit, quo inter manus persecutionum moriendo laboravit. Arcturus ergo dum versatur, erigitur; quia tunc sancta Ecclesia valentius in virtute reficitur, cum ardentius pro veritate fatigatur. Unde apte quoque post Arcturum protinus Orion subdit; Oriones quippe in ipso pondere temporis hiemalis oriuntur, suoque ortu tempestates excitant, et maria terrasque perturbant. Quid igitur post Arcturum per Oriones, nisi martyres designantur? Quia dum sancta Ecclesia ad statum prædicationis erigitur, ipsi martyres persecutorum molestias passuri ad cœli faciem, quasi in hieme venerunt. His etenim natis, mare terraque turbata est, quia dum gentilitas mores suos destrui, apparente illorum fortitudine, doluit, in eorum necem non solum iracundus ac turbidos, sed etiam placidos erexit. Ex Orionibus itaque hiems inhorruit, quia clarescente sanctorum apostolorum, et martyrum constantia, frigida mens infidelium ad tempestatem persecutionis excitata est. Oriones ergo cœlum edidit, cum sancta Ecclesia martyres misit. Qui dum loqui recta rudibus ausi sunt, omnino pondus ex frigoris adversitate pertulerunt. Bene autem protinus Hyadas subdidit, quæ juvenescente verno, ad cœli faciem prodeunt, et cum jam

sol caloris sui vires exerit, ostenduntur. Illius quippe signi initiis inhærent, quod sapientes sæculi Taurum vocant; ex quo angeri sol incipit, et ad extendenda diei spatia, ferventior exurgit. Quid itaque post Oriones Hyadam nomine, nisi doctores sanctæ Ecclesiæ designantur, qui subductis martyribus eo jam tempore ad mundi notitiam venerunt, quo et clarius elucet; et repulsa infidelitatis hieme, altius per corda fidelium sol veritatis calet. Qui remota tempestate persecutionis, expletis longis infidelitatis noctibus, tunc sanctæ Ecclesiæ orti sunt, cum ei jam credulitatis vernum lucidior annus aperitur. Nec immerito doctores sancti Hyadam nuncupatione signantur. Græco quippe eloquio hyetos pluvia vocatur, et Hyades a pluviis nomen acceperunt, quia ortæ, procul dubio imbres ferunt. Bene Hyadam appellatione expressi sunt, qui ad statum universalis Ecclesiæ, quasi in cœli faciem deducti, super arentem terram humani pectoris, pluviam evangelicæ doctrinæ infundunt. Nam si sanctæ prædicationis sermo pluvia non esset, nequaquam Moyses dixisset: Expectetur sicut pluvia eloquium meum (*Deut. xxxii*). Et Dominus per Isaiam: *Mandaþo nubibus ne pluant super eam imbrem* (*Isai. v*). (Et (56) iterum: *Prohibitæ sunt stellæ vel stillæ pluviarum* (*Jer. iii*), Arcturum scilicet, Orion et Hyades, quæ pluvias generant.) Dum ergo Hyades cum pluviis veniunt, ad cœli spatia altiora sol ducitur, quia apparente doctorum scientia, dum mens nostra imbre prædicationis infunditur, fidei calor augetur. Et perfusa terra ad fructum proficit, cum lumen ætheris ignescit, quia uberius fruges boni operis reddimus, dum per sacræ eruditionis flammam in corde clarius ardemus. Dumque per eos diebus singulis magis magisque scientia cœlestis ostenditur, quasi interni nobis luminis vernum tempus aperitur; ut novus calor nostris mentibus rutilet, et eorum verbis nobis cognitus se ipso quotidie micet clarior. Urgente etenim mundi fluxu, superna scientia proficit, et largius cum tempore excrescit. Hinc namque per Daniele[m] dicitur: *Pertransibunt plurimi, et multiplex erit scientia* (*Dan. xii*). Hinc Joanni in priori parte revelationis angelus D dicit: *Signa, quæ locuta sunt septem tonitrua* (*Apoc. x*). Cui tamen in ejusdem revelationis termino, præcipit dicens: *Ne signaveris verba prophetiæ libri hujus* (*Apoc. xxi*). Pars quippe revelationis anterior signari præcipitur, terminus prohibetur; quia quidquid in sanctæ Ecclesiæ initiis latuit, finis quotidie ostendit. Nonnulli vero a Græca littera quæ Y dicitur, Hyadas nuncupari arbitrantur. Quod si ita est, significationi, quam diximus contrarium non est; doctores enim his stellis non inconvenienter expressi sunt, quæ a litteris nomen trahunt. Sed quamvis Hyades ab ejusdem litteræ visione non di-

(56) Quæ parenthesi includimus, desunt hic in edit. ubi tantum legitur: *Atque hoc quod paulo*

*ante protulimus* (cap. 3) *quamobrem prohibitæ sunt stellæ pluviarum.*

screpent, certum tamen est, quia *Hyetos* imber dicitur, et ortæ pluvias apportant. »

Quid etiam beatus Isidorus Hispaniarum doctor, ac noster patronus de ejusdem stellis dicat, audiamus (57) : « Signorum primus arctos, qui in axe fixus, septem stellis in se revolutis rotatur. Nomen est Græcum, quod Latine dicitur *Ursa*; quæ, quia in modum plaustræ vertitur, nostri eam Septentrionem dixerunt. Triones enim proprie sunt boves, aratorii, dicti eo quod terram terant, quasi teriones. Septentriones autem non occidere axis vicinitas facit, quia in eo fixæ sunt. Arctophylax dicitur, quod Arcton, id est, Heliem Ursam sequitur. Eundem et Bootem dixerunt, eo quod plastro hæret; signum multis inspectabile stellis, inter quas Arcturus. Arcturus stella est post caudam Majoris Ursæ, posita in signo Bootis, unde Arcturus dicta est, quasi e yoypa, quia Bootis præcordis collocata est. Oritur autem, autumnali tempore. Orion autem ante Tauri vestigia fulget, et dicitur Orion ab urina, id est ab inundatione aquarum. Tempore enim hiemis obortus, mare et terras aquis ac tempestatibus turbat. Hunc Latini Jugulum vocant, eo quod sit armatus ut gladius, et stellarum luce terribilis, atque clarissimus, in quo si effulgent omnia, serenitas portenditur; si obscuratur hujus acies, tempestas cernitur imminere. Hyades dicte, ἀπὸ τοῦ ἕειν, id est a *succo* et *pluviis*. Nam pluvie Græcè ὑετός dicuntur. Ortu quippe suo efficiunt pluvias; unde et eas Latini Sucas appellaverunt; quia quando nascuntur, pluviarum signa monstrantur, de quibus Virgilius:

*Arcturum, pluviasque Hyadas.*

Sunt autem septem stellæ in fronte Tauri, et oriuntur tempore vernali. » His, docente beato Isidoro, auditis, ad ea iterum necesse est ut redeamus, quæ superius reliquimus.

Sanctus itaque Job redemptionis nostræ ordinem in spiritu contemplans, et diversa doctorum, apostolorum, scilicet evangelistarum, martyrum et confessorum officia considerans admiretur, atque admirans exclamet, dicens: *Qui extendit cælos solus, qui suoi: Arcturum, et Orionem, et Hyadas.* Gregorius: Extensis etenim cælis Dominus formavit Arcturum, quia in honorem deductis apostolis, in cælesti conversatione fundavit Ecclesiam. Formato quoque Arcturo, fecit Orionem, quia roborata fide universalis Ecclesiæ, contra procellas mundi edidit martyres. Editis quoque Orionibus protulit Hyadas, quia convalescentibus contra adversa martyribus ad infundendam ariditatem humanorum cordium, doctrinam contulit magistrorum. Isti itaque sunt astrorum spiritualium ordines, qui dum summis virtutibus eminent, semper ex supernis lucent. Sed post ista quid restat, nisi ut sancta Ecclesia laboris sui fructum recipiens, ad videnda supernæ patriæ interna perveniat; unde et apte quia dixit: *Qui*

*facit Arcturum, et Orionem, et Hyadas*; protinus addidit: et *interiora austri*. Quid namque in hoc loco austri nomine, nisi fervor sancti Spiritus designatur? Quo dum repletus quisque fuerit, ad amorem patriæ spiritualis ignescit. Unde et sponsi voce, in Canticis canticorum dicitur: *Surge, aquilo, et veni, auster, perfla hortum meum, et fluant aromata illius* (Cant. iv). Austro quippe veniente, aquilo surgens recedit, cum adventu sancti Spiritus expulsus antiquus hostis, mentem quam in torpore constrinxerat, deserit. Et hortum sponsi auster perflat, ut aromata defluant; quia nimirum dum sanctam Ecclesiam donorum suorum virtutibus Spiritus sanctus impleverit, ab ea longe lateque odores boni operis spargit. Interiora ergo austri sunt, occulti illi angelorum ordines, et secretissimi cælestis patriæ sinus, quos implet calor sancti Spiritus. Illic quippe sanctorum animæ, et nunc corporibus exutæ, et post corporibus restitutæ perveniunt et quasi astra in abditis occultantur. Ibi per diem quasi in meridiano tempore ardentius solis ignis accenditur, quia conditoris claritas, mortalitatis nostræ jam pressa caligine manifestius videtur, et velut spheræ radius, ad spatia altiora se elevat, cum de semetipsa nos veritas subtilius illustrat. Ibi lumen intimæ contemplationis sine interveniente umbra mutabilitatis cernitur; ibi calor summi luminis, sine ulla obscuritate torporis perseverat; ibi invisibiles angelorum chori, quasi astra in abditis micant, qui eo nunc ab hominibus videri nequeunt, quo flamma veri luminis altius perfunduntur. Valde itaque mirum est, quod missis apostolis Dominus cælos extendit, quod temperatos persecutionem tumores super maris fluctus gradione represcit, quod solidata Ecclesia Arcturum statuit, quod roboratis contra adversa martyribus, Orionas misit, quod repletis in tranquillitate doctoribus Hyadas præbuit, sed post hæc, valde est admirabile, quod sinum nobis cælestis patriæ, quasi interiora Austri reparavit. Pulchrum est omne hoc, quod quasi in cæli facie de divina dispensatione cernitur, sed longe illuc pulchrius, et incomparabilius invenitur. Unde bene iterum sponsus in suæ sponsæ laudibus dicit: *Quam pulchra es, amica mea, quam pulchra es! Oculi tui columbarum absque eo quod intrinsecus latet* (Cant. iv). Pulchram eam narrat, et pulchram replicat, quia alia est ei pulchritudo morum, in qua nunc cernitur, atque alia præmiorum, in qua tunc per conditoris sui speciem sublevabitur. Cujus membra, videlicet omnes electi, quia ad cuncta simpliciter incedunt, ejus oculi columbarum vocantur, quia magna luce irradiant, quia et signorum miraculis cærescant. Sed quantum est omne hoc miraculum, quod videri potest, illud de internis miraculum est mirabilius, quod videri nunc non potest, de quo illic apte subditur, absque eo quod intrinsecus latet. Hoc ergo nobis

(57) Lij. iii *Etymolog*, cap. 71.



beatus Job intimat, cum austri interiora commendat. Sponso igitur absente, sancta ingemiscit Ecclesia inter præsentis mundi angustias posita, sicut in ejus persona Jeremias deplorat dicens :

*Audierunt quia ingemisco ego, et non est qui consoletur me* (Thren. 1). Ac si apertius sancta Ecclesia diceret: Audierunt inimici mei, quia ingemisco ego, absente Jesu Christo sponso, et non est qui consoletur me, fugato scilicet Spiritu sancto. Allegorice deplorat Ecclesia sua, et suorum mala, persecutiones videlicet, et martyria. Unde præponitur Sin littera, quæ dentium sonat: hic est dentium fletus, de quibus in Canticis legitur: *Dentes tui sicut greges tonsarum* (Cant. iv), etc. Hi sunt qui non lacte infantie indigent, sed manducant solidum panem, sicut Petro dictum est: *Macta, et manduca* (Act. x). Quasi diceretur: non solum panem tibi manducandum apposui, sed reptilia. Tales enim doctrinæ acumine sciunt vitia mactare, et reptilia, id est, homines diversarum gentium, in Christi corpus trahere. Dentium autem diversum est officium; alii dividunt, alii molunt, alii voces formant. Sic dentes mystici, alii sunt, ut greges tonsarum, qui vetustate spoliati, fetibus suis lac doctrinæ, et indumenta virtutum ministrant; alii lacte candidiores, pulchritudine officii sunt decorati, ad summam subtilitatem verbum auditoribus ministrant. Unde Apostolus: *Perceptorum est solus cibus, qui exercitatos habent sensus* (Hebr. v), videlicet sancti apostoli, et Ecclesiæ doctores. Ait enim: *Audierunt quia ingemisco ego, et non est, qui consoletur me*. Audiunt inimici sponsam, id est sanctam Ecclesiam plorantem, quæ sentit sponsum absentem, qui etsi semper adest per majestatem, patitur tamen sponsam tentationibus concuti, ut semper sollicita sit, et timida, ne corruptoris suggestionem suscipiat. *Audierunt, inquit, quia ingemisco ego, quod semper optaverunt, quod nunquam suspicati sunt. Non est qui consoletur; quia Spiritus sanctus non habitat in corpore subdito peccatis, et quotidie multiplicatur malum meum, tentationes videlicet filiorum meorum, et pericula præsentis sæculi. Iterum dicit: Omnes inimici mei audierunt malum meum, lætati sunt* (Thren. 1), etc. Inimici Ecclesiæ sunt demones, hæretici, et falsi Christiani, et persecutores pagani. Nam et Judæi graviter eam affixerunt in ipso capite suo Christo, et suis membris, id est in apostolis, et martyribus, et cæteris fidelibus; quia quibusdam interfectis, alios de finibus suis ejecerunt. Dicat itaque Christi sponsa, quasi de inimicis suis querimoniam faciendo, eidem sponso suo: *Omnes inimici mei audierunt malum meum, demones scilicet, et persecutores cæteri audierunt persecutiones apostolorum, passiones Stephani, et aliorum martyrum, et meorum afflictiones membrorum. Lætati sunt quoniam tu fecisti, id est justo judicio fieri permisisti. Unde dicitur: Ego Dominus faciens pacem, et creans malum* (Isai. lv), id est justo judicio permittens. Ad hoc ipse permisit, ut

A Ecclesia ab adversariis in terra odio nominis sui pateretur, quatenus ab eo gloriosius in cælo coronaretur. Sequitur: *Adduxisti diem consolationis, et fient similes mei* (Thren. 1). Ac si apertius Christi sponsa, sancta videlicet Ecclesia consolari ab eodem cælesti sponso omnino expectans, et adversarios qui se affixerunt, puniri ab eodem non dubitans, loqueretur dicens: *Adduxisti diem consolationis, id est adduces diem judicii, et qui me persecuti sunt, fient similes mei, captivi scilicet, et afflicti, sicut ego fui. Hoc magis Ecclesiæ convenit, quia post ultimam captivitatem nulla consolatio restat Judæis, et cæteris Ecclesiæ persecutoribus. In die judicii reddet Dominus consolationem bonis, et supplicia malis: Deplorat anima in hac præsentis vita virtutum detrimenta, dicens: Audierunt quia ingemisco ego, inimici videlicet in malis quæ tolero. Non est, inquit, qui consoletur me; anxietatæ animæ doloris est augmentum, quia in quo sperat, differt auxilium. Hoc quoque ineffabiliter dolet, quod irident hostes invisibiles, qui prius blandiebantur. Conscientia autem gravius accusando insultat, et vitia, quæ prius videbantur dulcia, patescunt amara; qui enim ante videbantur amici, qui debuerant compati, si forte scelera sciunt, irident quasi inimici. Unde David: *Qui custodiebant animam meam, consilium fecerunt in unum, dicentes: Deus dereliquit eum* (Psal. lxx). Cassiodorus: *Gravior est fascis, qui non dividitur. C* Ipsi dixerunt communi consilio: *Deus dereliquit eum, persequimini, et comprehendite eum*. Quasi in ordine suo dicerent apud se: Deus ille quem sibi Deum facit, dereliquit eum. Quem vident calamitatibus fatigatum, putant a Deo esse derelictum. Ergo *persequimini eum, ut tardum, et comprehendite, ut invalidum; quia non est, qui eripiat comprehensum. Sed quisque servus Dei vincit omnia adversa præsentis mundi, cum Dei juvamine. Anima itaque, ut prædictum est, habet dentes, virtutes scilicet, et discretas cogitationes, quæ prospera, et adversa norunt dividere, et consolantem Spiritum sanctum requirere, et Dei misericordiam sperare.**

Unde addidit: *Adduxisti diem consolationis, e. c.* D Seit enim fidelis anima, poenitentibus post angustiarum veniam dari, et insultantibus supplicia retribuere. Igitur Deus Pater ab initio per Verbum suum cœternum sibi, et consubstantiale, prophetas et apostolos eligere, et per eos Ecclesiam suam consolari, et ab infidelibus segregare non destitit. Hoc Verbum Deo Patri cœternum factum est ad Jeremiam prophetam a Domino, ut eosdem apostolos et doctores ad prædicandum sollicitaret, dicens: *Audite verbum pacti hujus, et loquimini ad viros Juda, et habitatores Jerusalem* (Jer. xi), etc. Ac si apertius diceret: audite Verbum quod erat in principio apud Deum, et Deus erat Verbum. Et si Deus Pater prophetis, et apostolis cæterisque Ecclesiæ doctoribus loqueretur, dicens: *Audite verbum pacti hu-*

jus, unigeniti scilicet Filii mei vobis a me pro salute vestra missi. Obedite ergo illi in omnibus quæcumque dixerit vobis. De quo Moyses : Prophetam, inquit, suscitabit vobis Dominus Deus vester de fratribus vestris, tanquam meipsum audietis juxta omnia quæ locutus fuerit vobis (*Deut. xviii*). De quo etiam Deus Pater tribus discipulis, Petro videlicet, Jacobo et Joanni, ipsum in monte transfiguratum cernentibus ait : *Hic est Filius meus dilectus, in quo mihi complacui; ipsum audite* (*Matth. xvii*). Ac si diceret : omnia quæcumque dixerit vobis, servate, et facite; hæc enim est utilitas prædicantium, si ad singulos fiat Dei verbum. Quid enim prodest mihi convenisse in mundum, si non habeam verbum illud quod factum est ad prophetas. Et discipulis ait : *Ecce ego vobiscum sum omnibus diebus usque ad consummationem sæculi* (*Matth. xxviii*). Dicat ergo Deus Pater prophetis, et apostolis, atque ecclesiasticis viris : *Audite verbum pacti hujus*, id est magni consilii : *et loquimini ad viros Juda*, scilicet Christianos, qui vere sunt confessores Christi : *Et habitatores Jerusalem*, Ecclesiæ videlicet, quæ est civitas regis magni, et visio pacis. Pax enim in ea per eundem Christum, qui est Verbum Patris, multiplicatur et cernitur. Judæi confessores interpretantur a Juda patriarcha, de cujus tribu ortus est Dominus, de quo vere dicitur : *Juda, te laudabunt fratres tui; manus tuæ in cericibus inimicorum tuorum* (*Gen. xlix*). Cum ergo ad viros Juda, et ad habitatores Jerusalem verbum prædicationis fieri præcipitur, ad Christianos, qui vere confessores Christi sunt, refertur. Loquantur itaque prophetæ, et apostoli verbum pacti Domini : *Hæc dicit Dominus Deus Israel: Maledictus vir, qui non audierit verba pacti hujus, quod præcepi patribus vestris in die qua eduxi eos de terra Ægypti, de fornace ferrea dicens: Audite vocem meam, et facite omnia quæ præcepi vobis, et eritis mihi in populum, ego ero vobis in Deum* (*Jer. xi*). Ac si dicat : Non generis privilegio, non circumcisionis prærogativa, non Sabbati otio, sed propter obedientiam Israël efflorerit ejus Deus, et ipse populus meus. Et hic quidem, hoc est, in lege ad servos loquitur, in Evangelio autem ad amicos : *Vos, inquit, amici mei estis, si feceritis quæ ego præcipio vobis* (*Joan. xv*). Et iterum : *Jam non dicam vos servos, sed amicos; quia servus nescit quid faciat Dominus ejus* (*ibid.*). Cum autem amici fuerint, de amicis in filios transeunt. Quotquot autem receperunt eum, dedit eis potestatem filios Dei fieri (*Joan. i*) etc. Amicis autem, et filiis præcipit, dicens : *Estote perfecti, sicut Pater vester celestis perfectus est* (*Matth. v*). In hoc quod perfectionem nominat, non æqualitatem, sed similitudinem signat. In lege obedientia mandatorum præcipitur, in Evangelio autem similitudo Dei filiis Ecclesiæ promittitur. *Maledictus, inquit, vir qui non audierit verbum pacti hujus.*

A Judæi ergo maledicti sunt, qui non audierunt testamentum Dei, quando eduxit eos de terra Ægypti. Nos autem qui in Christum credimus, testamento ejus obedimus; quod per Moysen traditur; quia in semine Abrahæ, hoc est in Christo benedicimur. Ad hoc ergo Dei Filius sanctos apostolos elegit, eosque per universas mundi partes ad prædicandum misit, ut cordibus omnium quæ sub cælo sunt nationum, verba pacti hujus, velut nubes aquam infunderent; scilicet ut ipsum cum Patre et Spiritu sancto unum et verum Deum esse crederent. Hoc etiam eisdem suis præcepit discipulis, ut profunda et mystica perfectionibus, aperta autem rudibus, minus videlicet intelligentibus, prædicarent. Unde beatus Job Deum in ipsius operibus laudans, ait :

*Qui ligat aquas in nubibus, ut non erumpant pariter deorsum* (*Job xxvi*). Gregorius (58). Quid hoc loco aqua, nisi scientia, quid vero nubes, nisi prædicatores, id est sancti apostoli appellantur. Nam quod in sacro eloquio aliquando aqua scientia dicitur, Salomone attestante didicimus, qui ait : *Aqua profunda verba ex ore viri; et torrentis redundans, fons sapientiæ* (*Prov. xviii*). Aquam significare scientiam, David propheta testatur dicens : *Tenebrosa aqua in nubibus aeris* (*Psal. xvii*), id est occulta scientia in prophetis; quia ante adventum Domini dum occultis sacramentis gravidi immerita mysteria gestarent, intuentium oculis eorum intelligentia caligabat. Nubium vero nomine, quid hoc loco aliud quam prædicatores; sancti apostoli videlicet, designantur, qui per mundi partes circumquaque transmissi, et verbis noverant plueret, et miraculis coruscare, et minis terrere. Quod Isaias propheta longe ante intuens dixit : *Qui sunt isti, qui ut nubes volant?* (*Isai. lx*). Quia igitur beatus Job prophetico plenus spiritu, in hæc locutione sua ad Dei laudem initia nascentis Ecclesiæ desiderat exoriri, studet ejus ordinem ab apostolorum prædicatione narrare, quia curaverunt summopere rudibus populis plana et capacibilia, non summa et ardua prædicare. Nam si scientiam sanctam, quæ hic aquæ nomine designatur, ut per Spiritum sanctum hauriebant corde, ore fundere, immensitate ejus auditores suos opprimerent potius quam rigarent. Unde religata intrinsecus scientia, ut non pariter deorsum erumperet, auditores suos distillatione verborum nutrens, nubs illa loquebatur dicens : *Non potui vobis loqui, quasi spiritualibus, sed quasi carnalibus. Tanquam parvulis in Christo, lac vobis potum dedi, non escam* (*I Cor. iii*). Quis enim ferre potuisset, si raptus ad tertium cælum, raptus in paradysum; etiam arcana verba audiens, quæ dici homini non liceret, tam immensos supernæ scientiæ sinus aperiret? Aut cujus auditoris virtutem non opprimeret, si ea quæ intrinsecus hauriri poterat, in quantum carnis lin-

qua sufficeret, extrinsecus inundans aquæ hujus A immensitas emanasset? Ut vero auditores rudes non inundatione scientiæ, sed moderata prædicationis distillatione proficiant, ligat Deus aquas in nubibus, ut non erumpant pariter deorsum; quia doctorum prædicationem temperat, ut auditorum infirmitas doctorum rore nutrita conualescat. Quod bene in Evangelio mystica narratione narratur, cum dicitur: *Ascendit Jesus in naviculam Petri, et rogavit eum, ut a terra reduceret pusillum, et sedens prædicabat turbis (Luc. v).* Per navem Petri quid aliud, quam commissa Petro Ecclesia figuratur. De qua, ut Dominus turbis confluentibus prædicet, eum a terra paululum reduci jubet. Quam non in altum duci, et tamen a terra præcipit removeri, profecto insinuans prædicatores suos, rudibus debere populis nec alta nimis de cælestibus, nec tamen terrena prædicare. Aqua itaque ligatur in nubibus, quia prædicatorum scientia infirmorum mentibus loquens, quantum sentire valet, loqui prohibetur. Nam plerumque si auditorum cor, verbi immensitate corrumpitur, lingua docentium indiscretionis pœna multatur. Unde scriptum est: *Si quis aperuerit cisternam, et effoderit, et non operuerit eam, descenderitque bos vel asinus in ea, Dominus cisternæ reddet pretium jumentorum (Exod. xxi).* Quid est enim aperire cisternam, nisi intellectu valido Scripturæ sacræ arcana penetrare? Quid autem per bovem, et asinum, id est mundum immundumque animal, nisi fidelis et infidelis accipitur? Qui ergo cisternam fodit, cooperiat, ne illuc bos vel asinus ruat; id est qui in sacro eloquio jam alta intelligit, sublimes eorum sensus non capientibus per silentium tegat, ne per scandalum mentis, aut fidelem parvulum, aut infidelem qui credere potuisset, interimat. Ex morte enim jumentorum debet pretium, quia illud scilicet admisit, unde ad agendam pœnitentiam reus tenetur. Operienda est itaque cisterna, quia coram parvulis mentibus tegenda est alta scientia, ne unde cor docentium ad summa attollitur, inde infirmitas auditorum ad ima dilabatur. Dicatur itaque recte: *Qui ligat aquas in nubibus, ut non erumpant pariter deorsum.* Pariter namque erumperent, si coram infirmis auditoribus, quanta est scientia, ex ore loquentis emanaret; si simul se omnis plenitudo prædicationis effunderet, et nihil sibi cum proficientibus reservaret. Dignum quippe est, ut qui prædicat, audientis modum consideret, quatenus ipsa prædicatio cum auditoris sui incrementis crescat. Sic quippe agere unusquisque prædicator debet, sicut cum illo divinitus agitur: ut nequaquam cuncta quæ sentit, infirmis insinuet; quia et quousque ipse carne mortalitatis infirmus est, quæ superna sunt, cuncta non sentit. Prædicare ergo rudibus non debet, quantum cognoscit, quia et ipse de supernis mysteriis cognoscere non valet

A quanta sint. Prædicatores igitur sanctæ Ecclesiæ juxta audientium capacitatem, ut dictum est, debent prædicare, ut in eorum cordibus vitia pes in resecare, virtutes nutrire, et omnibus modum Christianæ religionis imponere, eosque ad ædificium Jerusalem cælestis aptos exhibere. Deus enim veteris, et novi testamenti doctoribus prædicandi mensuram tribuit, sicut Ezechiel propheta de eisdem figurate loquitur, dicens:

Vidi in porta virum stantem, qui in manu sua calamum habebat, et ædificium ejusque portas mensurabat et mensus est limen portæ, juxta vestibulum portæ intrinsecus, calamo uno (*Ezech. xl*).

Vir iste Christus est, qui calamum in manu sua, hoc est mensuram sacræ Scripturæ in potestate

B sua tenet, qua utrumque limen, interius videlicet et exterius metitur, id est sanctorum veteris et novi testamenti vitam disponit, et per eos cunctorum mores fidelium regit, et vitia corrigit. Gregorius (59): Limen exterius, Patres veteris testamenti, per quorum prædicationem perversa opera

punita sunt, et limen interius, doctoris novi testamenti accipimus, quorum doctrina ab illicitis cogitationibus animus coercetur. Illi extrinsecus

luerunt, qui Christum in carne non viderunt, sed tamen a sancta Ecclesia divisi non fuerunt, quia mente, opere, prædicatione, ista fidei sacramenta tenuerunt. Sicut enim nos in præteriti Christi passione salvi sumus, ita illi per fidem in eandem

C venturam sunt salvati. Illi foras fuerunt, non extra mysterium, sed extra tempus. Mali autem pastores nunquam intus, sed semper foras fuerunt, ideoque repulsi sunt a Domino. Quia ergo Dominus per passionem et resurrectionem Jesu Christi Filii sui, Synagogæ pastores, non dico pastores, sed legis transgressores, Scribas scilicet et Phariseos a facie sua propter illorum iniquitates decreverat projicere, et eorum loco apostolos subrogare; per

Jeremiam prophetam hoc eis curavit indicare, dicens: *Vos dispersistis gregem meum, ejecistis, et non visitastis eos; et quia hoc fecistis, ecce ego visitabo super vos malitiam studiorum vestrorum dicit Dominus (Jer. xxiii).* Quia omnis spes Judaici defecerat regni, transit ad Ecclesiæ principes Sy-

D nagoga cum suis pastoribus, derelicta atque damnata, ad apostolos fit sermo de quibus dicitur: *Suscitabo super eos pastores, etc. Ecce, inquit, ego congregabo reliquias populi mei de omnibus terris, ad quas ejeceram eos illuc; et convertam eos ad rura sua; et crescent et multiplicabuntur (Ibid).* Quasi diceret: ecce ego et non alius, congregabo reliquias

gregis mei, gentilem scilicet populum longe lateque peccando vagantem, de omnibus terris ad quas, exigentibus peccatis, ejeceram eos illuc, et convertam eos ad rura sua, id est ad sanctam Ecclesiam, ut ibi pascantur in herbis sanctarum Scripturarum

summi pontificis quod similiter facit in consequentibus.

summi pontificis quod similiter facit in consequentibus.

summi pontificis quod similiter facit in consequentibus.

summi pontificis quod similiter facit in consequentibus.

(59) Desumuntur hæc ex Greg. Hom. 15, in Ezech. Sed Martinus transcribit Glossam non tam

virentibus, et fiet unum ovile, et unus pastor, et crescent virtutibus, et multiplicabuntur spirituali, novaque progenie. Iterum dicit: *Et suscitabo super eos pastores, et pascent eos.* Abiectis pastoribus Synagogæ, Scribis scilicet et Phariseis, suscitabo super populum meum pastores, apostolos videlicet et ecclesiasticos viros; et pascent eos pane verbi Dei. Possumus hoc juxta tropologiam, de Ecclesiæ principibus intelligere, qui non regunt oves Domini digne. Quibus abiectis, atque damnatis, salvatur populus hõnis traditus pastoribus, et reliquæ salvantur. Perdunt oves pastores hæresim docentes, lacerant et dissipant schismata facientes, ejiunt ab Ecclesia injuste persequentes, et superba agentes; nec visitant in fide debiles, prænitentibus manum retrahentes. Quorum omnium miseretur Dominus, pristina pascua reddens, et malos pastores auferens. Boni pastores sancta animalia, id est fideles populos resciant suis prædicationibus, velut angelicis dapibus. Sanctorum igitur Patrum doctrina cœlestis dulcedinis est mensa. Unde Ezechiel propheta in visione sibi divinitus ostensa, figurate loquitur, dicens: *Vidi in vestibulo portæ interioris duas mensas hinc, et duas inde; ut immolaretur super eas holocaustum pro delicto, et pro peccato* (Ezech. xl). Gregorius: Porta nostra, id est catholica fides in interiori vestibulo quatuor mensas habet, quia sancta Ecclesia ad eruditionem fidelium, quatuor accepit ordines regentium. Unde beatissimus Paulus loquitur, dicens: *Ipsæ*, scilicet Deus, *dedit quosdam quidem apostolos, quosdam autem prophetas, alios vero evangelistas, alios pastores, et doctores* (Eph. iv), qui unus ordo sunt. Isti ergo dum prædicant, gregem Domini, id est fidelem populum spirituali dulcedine satiant. Habet et porta exterior quatuor mensas, Synagoga scilicet, principes sacerdotum, et seniores populi Scribas et Phariseos; qui Pharisei legis doctores vocati sunt. In utraque ergo porta duæ mensæ sunt hinc, et duæ inde, quia sancta Ecclesia in sui exordio apostolos et prophetas habuit, qui scilicet post apostolos orti sunt. Nunc autem habet evangelistas, atque doctores. Evangelistæ sunt, qui gaudia cœlestis patriæ populis nuntiant. Interioris autem portæ, id est sanctæ Ecclesiæ mensæ holocaustum habent, quia sive in cordibus apostolorum atque prophetarum, sive in mente evangelistarum et doctorum, ignis sancti Spiritus exarsit, et ardet, qui omnem intentionem simul et cogitationes absorbit. Flamma etiam amoris Dei quasi holocaustum totum simul quod invenit, incendit. Mensæ vero hæc ex quadris lapidibus factæ sunt; quia dum quotidie sacri eloquii verba meditantur, ad offerendum Domino orationis holocaustum, quasi ex quadris lapidibus construuntur. Verba enim sanctæ Scripturæ lapides quadri sunt, quæ ubique firmiter stant, et nusquam reprehenduntur. Nam in omne quod præteritum narrant, in omne quod venturum prædicant, in omne quod spiritualiter sonant, in omne quod moraliter annun-

tiunt, quasi in diverso latere statum habent. Corda itaque sanctorum mensæ Dei sunt ad holocaustum quadris lapidibus constructæ, quia, qui verba Domini semper cogitant, semet ipsos Domino a carnali vita inactant. Unde dicitur: *Lex Dei ejus in corde ipsius* (Psal. xxxvi), etc. Cassiodorus: « Lex Dei ejus, id est præcepta Dei sunt in corde ipsius, et quasi cor, consonant lingue. Et quid illi prodest? hoc videlicet, quia non supplantantur gressus ejus. Supplantare est, plantis foveam insidiarum prætere. Et est sensus: Verbum in corde liberat a laqueis peccatoris, ut non supplantentur gressus hominis Deum laudantis. »

Procul dubio qui in lege Domini meditantur die ac nocte etiam cum Propheta potest dicere: *In corde meo abscondi eloquia tua, ut non peccem tibi* (Psal. cxviii). Quasi diceret: Exquisivi mandata tua, et etiam memoriæ commendavi; et hoc est in corde meo abscondi eloquia tua, recondita abscondi, porcis videlicet et canibus. Cassiodorus: « Genus enim peccati est, obstinatis prædicare, et ideo abscondi eloquia tua, ut non peccem tibi, qui dicis: *Nolite dare sanctum canibus: et margaritas ante porcos ponere* (Matth. vii). Vitium est enim secreta mysteria indignis vulgare, et quasi Babylonis thesauros domus Domini ostendere; quod ab aliquo sit vel adulatione, ut placeat ei cui divulgat; vel avaritia, ut aliquid lucretur; vel jactantia, ut plura scire videatur; vel loquacitate incauta, dum sine judicio semel emissum volat irrevocabile verbum. » Assumenda est enim disciplina silentii, ut prius quis taceat, quam loquatur. Unde dicitur: *Sit omnis homo velox ad audiendum, tardus autem ad loquendum, et tardus ad iram* (Jac. i). Ideoque Isaïas cum ei dixisset Dominus, *clama*, non prius clamavit, quam audiret, quid clamare deberet, dicens: *Quid clamabo* (Isai. xl). Dominus etiam in Evangelio comparat regnum cœlorum thesauro abscondito in agro; hic est thesaurus sapientiæ, et cognitionis, quem cum invenerit homo abscondit in corde suo, nec divulgat (Matth. xiii); sicut *Maria conservabat omnia verba Domini conferens in corde suo* (Luc. ii). Ut ergo supradictum est, corda sanctorum mensæ Dei sunt, qui verba Domini sine intermissione meditantur, ex quibus Ecclesiæ parvulos resciant. De his itaque lapidibus per Isaïam dicitur: *Lateres ceciderunt, sed quadris lapidibus ædificabimus* (Isai. ix). Ac si apertius diceretur: *Lateres ceciderunt*, id est Judæi; *sed quadris lapidibus ædificabimus*, id est sanctis apostolis, et martyribus, et Ecclesiæ doctoribus, quibus ædificatur cœlestis Jerusalem ædificium ex vivis et electis lapidibus. De his populus Christianus, vestibulum scilicet, mensas habet quatuor constructas; quia fidem, vitam rectam, patientiam, benignitatem de vita sanctorum in exemplum sumit. Solus ergo Deus ab hominibus, atque ab omnibus cœli beatorum spirituum ordinibus est adorandus, glorificandus, et super omnia diligendus, qui in suæ

dilectionis Filio, id est in Christo, omnia restauravit in angelis, et sanctis hominibus. De quo Jeremias propheta Spiritu sancto edoctus, ait :

*Qui facit terram in fortitudine sua, præparat orbem in sapientia sua, et prudentia sua extendit cælos (Jer. x).* Ac si diceret : Deus Pater facit terram in fortitudine sua, de peccatoribus scilicet justos facit et sanctos; et præparat orbem ad serviendum sibi in sapientia sua, hoc est in Filio, qui fortitudo et virtus et sapientia ejus est; et prudentia sua extendit cælos, doctrinam videlicet apostolorum per universum mundum late diffundit. *Ipse enim dixit et facta sunt; ipse mandavit et creata sunt (Psal. cxlviii),* sic loquens ad Filium : *Faciemus hominem ad imaginem et similitudinem nostram (Gen. 1).* De quo iterum propheta recte subjungit : *A voce sua dat multitudinem aquarum in cælo, et elevat nebulas ab extremitatibus terræ (Jer. x).* Omnis doctrina Domini de cælestibus fluit. Unde dicitur : *Terra mota est, etenim cæli distillaverunt a facie Dei Sinai; a facie Dei Israel (Psal. lxxvii).* Augustinus : Terra mota est, id est terreni ad fidem Christi excitati sunt; sed unde hoc ? Etenim, id est quia cæli, apostoli scilicet distillaverunt pluviam, id est gratiam; et hoc a facie Dei, id est non a se, sed a Deo qui in illis est. Sequitur : *Mons Sina a facie Dei Israel,* subaudis, distillavit a facie Dei, et præ aliis. Alia littera : *Mons Sina distillavit a facie Dei Israel :* id est Paulus apostolus gentium, qui plus omnibus stillavit doctrinæ guttas, qui bene significatur per montem Sina, quia prius fuit generatus in servitutem ex lege, quæ fuit data in monte Sina. Vel ita secundum eandem litteram, quæ mons Sina a facie Dei Israel scilicet distillavit. Item sunt cæli et montes, id est idem scilicet apostoli significantur per cælos et montes. Nec tamen dicit montes, sed mons, idem significans singulari numero quod plurali, sicut et alibi cum dicitur : *Cæli enarrant, et firmamentum annuntiat (Psal. xviii);* idem significat per cælos et firmamentum. Et est sensus : *Mons Sina,* id est apostoli a facie Dei Israel distillaverunt. Quidam tamen libri sunt Græci et Latini, qui non habent talem litteram, scilicet, *Mons Sina a facie Dei Israel,* sed habent, *a facie Dei Sinai, a facie Dei Israel.* Et est

D sensus : *Cæli,* id est apostoli, *distillaverunt a facie Dei.* Cujus Dei? Dei, videlicet *Sinai, Dei Israel;* id est qui legem dedit populo Israel; quia qui dedit per Moysen legem, qua terreret, dat et per apostolos benedictionem qua liberet.

Quid distillaverunt cæli? Pluviam, id est doctrinam gratia sancti Spiritus voluntariam, quæ sine meritis datur sola Dei voluntate. Ipse quippe *genuit nos voluntarie verbo veritatis (Jac. 1).* Hanc *pluviam segregabis, Deus, hæreditati tuæ,* scilicet fidelibus in quos pluvia proflua irrigatione descendit. Illa hæreditas infirmata est, id est agnovit se nihil esse

A ex se; tu vero perfecisti eam, quia *virtus in infirmitate perficitur (II Cor. xii).* Aliter : *Pluviam voluntariam segregabis, Deus, hæreditati tuæ.* Et hoc quomodo fiet? Nam cæli distillaverunt, id est apostoli distillabunt a facie Dei Sinai, id est a cognitione Dei dantis legem in Sina, a facie Dei Israel. Israel dico, non secundum carnem, sed veri Israel recipientis gratiam, et non præsumptis de carnali observantia. Ad hoc enim dedit legem, ut terreret de se præsumptis; dedit et benedictionem, ut liberaret in se sperantes. Dicat ergo David rex et propheta : *Pluviam voluntariam segregabis, Deus, hæreditati tuæ, Cæli inquit, distillabunt.* Et quid distillabunt? Pluviam scilicet voluntariam, id est imbrem verbi Dei voluntarie, et non per merita hominum attributum, quam *segregabis, Deus, hæreditati tuæ,* id est tuis electis. Tantum pluviam illam commendabis, quia non est omnium fides; et infirmata est hæreditas recognoscens peccata sua, et nihil sibi tribuendum sentiens. Ipsa infirmatur, tu vero, hoc est in rei veritate eam perfectam fecisti. Unde Apostolus : *Qui sui, inquit, persecutor, et blasphemus, misericordiam consecutus sum (I Tim. 1).* Vel sic : infirmata est hæreditas in se ad tolerandas tribulationes, tu vero confortasti eam, et sic perfectam reddidisti. Dicat ergo Jeremias de Dei omnipotentia : *A voce sua dat multitudinem aquarum in cælo, et elevat nebulas ab extremitatibus terræ (Jer. x).* Ac si apertius diceret : *A voce sua dat Deus in cælo, hoc est in Ecclesia, multitudinem aquarum,* id est multiplicem sanctarum doctrinarum Scripturarum. Unde est illud : *In voce catractarum tuarum (Psal. xli),* id est apostolorum et prophetarum. *Ei elevat, inquit, nebulas ab extremitatibus terræ,* quia non superbos sed humiles, non divites sed pauperes elegit predicatores, apostolos scilicet piscatores contemptibiles, ut tumentia destruerent argumenta hæreticorum ac philosophorum. Unde dicitur : *Infirma hujus mundi, et contemptibilia elegit Deus, ut confundat fortia (I Cor. 1).* Quisquis ergo mentem in superbiam elevat, prædicare proximis non præsumat. Ille utique justitias Domini annuntiare digne aliis poterit, qui in humilitate fundatus fuerit. Unde est illud : *Qui vult inter vos primus esse, sit omnium novissimus (Marc. ix).* Aliter enim nemo esse nubes poterit, id est ad irrigandum corda audientium doctrina cælestis pluvie idoneus aliter non erit. Isidorus (60) : « Nebula inde dicta, unde et nubila, ab obnuvendo, hoc est, ab operiendo terram, sive quod volans nubes faciat. Exhalant enim valles humidæ nebulas, et sunt nubes; inde nubilum et nives. Nebulæ autem ima petunt, cum serenum est; summa vero, cum nubilum. » Dominus ergo, ut dictum est, *elevat nebulas ab extremis terræ;* nebulas dico, quæ noverunt quibus pluvias impendant, et quibus suspendant; sanctos videlicet apostolos, eorumque

(60) Lib. xiii *Etymolog.*, cap. 10.

successores, qui secundum gratiam, et potestatem sibi commissam spiritualibus corda fidelium imbris irrigant. Isti bene noverunt, quando, et quibus prædicationis verbum proferre debeant. De quibus dicitur: *Mandabo nubibus meis ne pluant super eam imbrem (Isai v)*, id est super gentem peccatricem salutis doctrinam. Iterum Dei voluntatem facientibus promittitur: *Dabo vobis pluvias temporibus suis (Lev. xxvi)*. Moyses quasi nubes pluviam desuper infundebat, qui dicebat: *Expectetur sicut pluvia eloquium meum, et descendant sicut ros super fenem verba mea (Deut. xxxii)*. Et Isaias: *Audi cœlum, et auribus percipe terra, quoniam Dominus locutus est (Isai. i)*. Deus non educit pluviam cœlestis doctrinæ a superbis consiliis, non a ducibus, non a divitibus, sed ab humilium cordibus prædicatorum, apostolorum videlicet et doctorum; quia beati pauperes spiritu, quoniam ipsis commissum est regimen sanctæ Ecclesiæ, quæ regnum cœlorum dicitur (*Matth. v. Luc. vi*). Unde Dominus in Evangelio Deum Patrem glorificans, dicebat: *Confiteor tibi, Domine Pater cœli et terræ, quia abscondisti hæc a sapientibus et prudentibus, et revelasti ea parvulis (Matth. xi)*, id est humilibus, et simplicibus non de se, sed de tua misericordia præsumptibus. Iterum Jeremias ad laudem Conditoris subjungit, dicens: *Fulgura in pluviam facit, et educit ventos de thesauris suis (Jer. x)*. Fulgura in pluviam Deus facit, cum amentia hominum corda coruscanti doctrina terrificat et satiat. Ut ferunt, fulgura ex nubium collisione generantur, sicut ex durioribus sibi compositis silicibus medius ignis elabatur. Moyses et Josue nubes erant, quia dum sibi colloquuntur, ex eorum sermonibus fulgura micant, Jeremias quoque et Baruch sibi colloquentes rutilantia mittunt fulgura.

Psalmistam quoque Dei omnipotentiam considerans dicebat: *Educent nubes ab extremo terræ; fulgura in pluviam fecit (Psal. cxxxiv)*. Augustinus: «Has nubes Deus non tantum de Israel misit, sed ab extremo terræ excitat, et in fines orbis terræ mittit.» Sed quid de ipsis nubibus operatur? Fulgura videlicet in pluviam fecit, id est minas ad misericordiam flexit, de terroribus irrigavit. Prædicatorum namque et terrent, et blandiuntur. Terrent, quando æterna supplicia minantur; mulcent, promittendo æterna gaudia; et ideo legitur, quod manna liquebat ad solem, et indurabatur ad ignem (*Exod. xvi. Sap. xvi*). Manna enim cœlitus datum figura est divini eloquii; quod liquefit ad solem, dum mentes fidelium future claritatis promissione glorificat, cum ait: *Fulgebunt justi sicut sol in regno Patris mei (Matth. xiii)*. Induratur autem manna ad ignem, dum mentes peccantium noscens future pœnæ comminatione advertit, dicens: *Omnis arbor, quæ non facit fructum bonum, excidetur, et in ignem mitte-*

*tur (Matth. iii)*. Ideo in veteri lege in summi pontificis veste erat, coccus bis tinctus qui habet speciem ignis (*Exod. xxviii*). Ignis vero duo facit. Urit scilicet, et lucet; quia prædicator peccantium cor adurere debet fulgure, et terrore comminationis, et piorum mentes confovere promissione æternæ lucis. Inde est, quod baculus pontificis ex inferiori parte pungit, superius in anteriora extendit; quia prædicator pungere debet vitia carnis, et mentis vires in anteriora dirigere; ita tamen ut ad sui considerationem semper redeat, ne cum aliis prædicaverit, ipse reprobus efficiatur (*I Cor. ix*). Et in principio sui sermonis accusator sit sui, ne videat festucam in oculo alterius, trabem gestans in suo (*Matth. vii*). Deus ergo, ut promissum est, fulgura in pluviam facit, quia in prædicatione humilium audientium corda spiritali doctrina satiat, et mentis suppliciorum terrificat.

Premiorum demulcet promissione, et suppliciorum terret denuntiatione. Isidorus (61): «Nubes dicitur ab obnubendo, id est operiendo cœlum; unde et nuptæ dicuntur, quod vultus suos velent, inde et Neptunus quod nubat, id est mare et terram tegat. Nubem autem aeris densitas facit. Venti enim aerem conglobant, nubesque faciunt; Unde est illud: Atque in nubem cogitur aer. (62) Tonitruum dicitur, quod sonus ejus terreat; nam tonus sonus. Qui ideo interdum tam graviter concutit omnia, ita ut cœlum discidisse videatur, quia cum procella vehementissimi venti nubibus se repente immiserit, turbine invalescente exitumque querente, nubem quam excavavit, impetu magno præscindit, ac sic cum horrende fragore deferretur ad aures. Quod mirari quis non debeat, cum vesicula animalis quamvis parva, magnum tamen sonitum displosa emittat. Cum tonitruus autem simul et fulgura apparent, sed fulgur celerius videtur, quia clarum est, tonitruum autem ad aures tardius pervenit. Lux autem quæ apparet ante tonitruum, fulgetra vocatur; quæ, ut diximus, ideo ante videtur, quia clarum est lumen (63). Fulgur et fulmen ictus cœlestis jaculi a feriendo sunt dicti. Fulgere enim ferire est atque percutere. Fulmen autem collisa nubila faciunt; nam rerum collisio ignem creat, ut in lapidibus cernimus, vel attritu rotarum, vel in silvis arborum. Simili modo in nubibus sit ignis; unde et prius nubila sunt, deinde ignes. Ex vento autem et igne fulmina in nubibus dicitur fieri, et impulsu ventorum emitti; ideo autem fulminis ignis majorem habet vim ad penetrandum, quam noster ignis, qui nobis in usum est; quia ex subtilioribus elementis factus est. Tria sunt autem ejus nomina, id est fulgur, fulgor, et fulmen. Fulgur quia tangit, fulgor quia incendit et urit; fulmen, quia fradit, ideoque cum teruis radiis fingitur.»

(61) Lib. xiii *Etymolog.*, cap. 7.

(62) Id. cap. 8.

(63) Cap. 9.

Iterum Jeremias propheta de Dei omnipotentis operibus subjungit, dicens : *Et educit ventum de thesauris suis (Jer. x)*, hoc est de humilium cordibus ventum sapientiae producit, qui eosdem simplices et humiles ad praedicandam suae fidei doctrinam mittit. In ipsis enim thesauri sunt absconditi sapientiae et scientiae Dei. Tunc ergo Deus ventum profert de thesauris suis, cum per eosdem humiles, apostolos scilicet et evangelistas, aliosque doctores, secretorum suorum mysteria cunctis per orbem annuntiat populis. Venti quippe qui terras perficiunt, horum spiritualium ventorum figuram gerunt. Hinc simile est, quod ait Psalmista : *Qui producit ventos de thesauris suis (Psal. cxxxiv)*. Praedicatores nubes sunt et venti; nubes videlicet propter carnem, venti propter spiritum. Nubes videntur, venti sentiuntur, et non videntur. Et quia caro de terra est, ideo dicitur, quod nubes excitat ab extremo terrae, sed spiritus hominis ignoratur unde veniat. Unde recte dicitur : *Qui producit ventos de thesauris suis*. Vel propter aliud venti dicuntur apostoli, scilicet quia totum mundum velociter percurrunt. Ad litteram, ut ait beatus Isidorus (64) : *Ventus est aer commotus et agitato; et pro diversis partibus caeli nomina diversa sortitur; dictus autem ventus, quod sit vehemens et violentus. Vis enim ejus tanta est, ut non solum saxa, et arbores evellat, sed etiam caelum, et terram conturbet, maria commoveat. Ventorum quatuor principales spiritus sunt, quorum primus ab oriente Subsolanus, a meridie Auster, ab occidente Favonius, a septentrione ejusdem nominis ventus aspirat, habentes hinc inde geminos ventorum spiritus. Subsolanus a latere dextro Vulturum habet; a laevo Eurum; Auster, a dextris Euroaestrum habet, a sinistris Austroafricanum. Favonius a parte dextera Africum, a laeva Corum. Porro Septentrio a dextris Circium, a sinistris habet Aquilonem. Hi duodecim venti mundi globum circumagunt, quorum nomina propriis ex causis signata sunt. Nam Subsolanus vocatur, eo quod sub ortu solis nascatur. Eurus, eo quod ab Eo fiat [N. ss. ab eo fiat], id est ab oriente. Est enim conjunctus Subsolano. Vulturum vocatur, quia alte tonat; de quo Lucretius :*

*Africanus Vulturum, et Auster fulmine pollens.*

(Lucan., v, 744.)

Auster ad hauriendo aquas vocatus, unde et crassum aerem facit, et nubila nutrit. Hic Graece *véroc* appellatur, propter quod interdum corrumpat aerem. Nam pestilentiam, quae ex corrupto aere nascitur, Auster flans in reliquas regiones transmittit; sed sicut Auster pestilentiam gignit, sic Aquilo repellit. Euroauster dictus, quod ex una parte habeat Eurum, et ex altera Austrum. Austroafricanus, quod junctus sit hinc inde austro et Africo. Ipse est et Libonotus, quod sit ei Libi hinc, et inde Notus. Zephyrus, Graeco nomine appellatur, eo quod flores et germina

A ejus flatu vivificentur. Hic Latine Favonius dicitur, propter quod foveat quae nascuntur. Austro autem flores solvuntur, a Zephyro, id est Favonio flunt. Favonius nuncupatur, eo quod foveat fruges ac flores. Hic Graece dicitur *Zéyφος*, quia plerumque vere fiat. Unde est illud :

*Et Zephyro patris se gleba resolvit.*

(Virg., Georg., 1, 43.)

Africus a propria regione vocatur. In Africa enim initium flandi sumit. Corus est, qui ab occidente aestivo fiat, et vocatur Corus, quod ipse ventorum circulum claudat, et quasi chorum faciat. Septentrio dictus, eo quod a circulo septem stellarum consurgit, quae vertente se mundo resupinato capite ferri videntur. Circius dictus, eo quod Coro sit junctus. Hunc Hispani Gallecum vocant, eo quod eis a parte Galleciae efflat. Aquilo dictus, propter quod aquas stringat et nubes dissipet; est enim gelidus ventus et siccus. Ideo et Borcas vocatur, quia ab Hyperboreis montibus fiat. Inde enim origo ejusdem venti est, unde et frigidus est. Natura enim omnium septentrionalium ventorum frigida et sicca est, australium humida et calida. Ex omnibus autem ventis duo cardinales sunt : Aquilo [Septentrio] scilicet et Auster. )

His breviter a beato Isidoro de ventorum naturis et diversitatibus dictis, ad ea, quae superius omisitimus, necesse est ut redeamus. Venti ergo qui terras perficiunt, in thesauris Dei non sunt, quia eorum natura manifesta est; sed sunt thesauri ventorum, id est spirituum; spiritus videlicet sapientiae et intellectus, spiritus consilii et fortitudinis, spiritus scientiae et pietatis, et spiritus timoris Domini (Isai xi). Hi autem thesauri plenissime sunt in Christo absconditi, qui est fons omnium honorum. Sunt et in cordibus servorum ejus per partes. Ab ipsius summi thesauri plenitudine oritur, ut alius sit sapiens, alius fidelis, alius humilis, alius castus, alius charitate plenus, alius sobrius, alius orationi et divinae contemplationi deditus, alius in elemosynis largus, alius hospitalitati et misericordiam operibus intentus, alius adversa hujus mundi patienter sustinens, alius divitias contemnens, et propter aeternam remunerationem libenter paupertatem amplectens. Dicat iterum Jeremias propheta de fortitudine et sapientia, et prudentia Dei Patris : *Qui facit, inquit, terram in fortitudine sua, preparat orbem in sapientia sua, et prudentia sua extendit caelos. Tres quodammodo virtutes assumens propheta, fortitudinem, scilicet, sapientiam, et prudentiam, unicuique propria opera attribuit, fortitudini videlicet terram; sapientiae orbem terrarum, prudentiae caelum; in nostra ergo terra, de qua dictum est : *Terra es, et in terram ibis (Gen. iii)*, necessariam habemus fortitudinem Dei sine qua impossibile est exsequi quae repugnant carni. Cum autem, ut ait Apostolus, mortificata*

64) Lib. xiii Etymol., cap 11.

fuert nostra membra super terram (Colos. iii), A tunc caro parebit voluntati spiritus. Spiritu enim carnis facta mortificantur, quia sicut in Job scriptum est, statuit Deus terram super nihilum; quo constat, fortitudine illius in medietate mundi terræ libram sustineri.

Qui extendit, inquit, aquilonem super vacuum, et appendit terram super nihilum (Job xxvi). Gregorius (65): « Aquilonis nomine in sacro eloquio appellari diabolus solet, qui, ut torporis frigore gentium corda constringeret, dixit: *Sedebo in monte testamenti in lateribus aquilonis.* (Isai. xiv). Qui super vacuum extenditur, quia illa corda possidet, quæ divini amoris gratia non replentur. Sed tamen omnipotenti Deo suppetit, etiam vasa diaboli cunctis virtutibus vacuæ suæ gratiæ munere implere, in eisque divini timoris soliditatem ponere quos nulla conspicit rectitudinis actione roborari. Unde apte subjungitur: *Qui appendit terram super nihilum.* Quid enim terræ nomine, nisi sancta Ecclesia designatur, quæ dum verba prædicationis suscipit, fructum boni operis reddit? De qua per Moysen dicitur: *Audiat terra verba ex ore meo* (Deut. xxxii). Et iterum: *Expectetur sicut pluvia eloquium meum* (ibid.). Et quid per nihilum nisi gentiles populi designantur? De quibus per Isaiam dicitur: *Omnnes gentes velut nihilum et inane reputatæ sunt ei* (Isai. xl). In eo ergo nihilo terra suspenditur, quo prius vacua ab aquilone tenebatur; quia illa corda gentilium repleta sunt charitate Dei, quæ pressa prius fuerant torpore diaboli. Mortificemus ergo membra nostra quæ sunt super terram, id est carnis vitia, et vivificentur per Dei gratiam virtutes in uniuscujusque nostrum anima; ut habitaculum cordis nostri claudatur diabolo et aperiatur Christo. Potest vero et per hoc vacuum, Judæ infidelitas; et per terram, sicut diximus, sanctæ Ecclesiæ fructificatio designari. Vir ergo sanctus causam Judæ pereuntis aspiciat, et gentilitatis merita ad veniam redeuntis cernat; et dicat: *Qui extendit aquilonem super vacuum, et appendit terram super nihilum.* Nam quia Judæorum corda fide vacua, diabolo sunt subdita, extendit aquilonem super vacuum. Quia vero nullis existentibus meritis, super gentes Dominus fundavit Ecclesiam, quæ per Prophetam nihil ante conversionem sunt vocatæ, apte secutus adjuvit; appendit terram super nihilum. Hoc etiam loco satis congruere potest, quod ait Psalmista: *Pro nihilo salvas facies illos* (Psal. lv).

Si ergo, ut supra dictum est, membra nostra, quæ sunt super terram mortificaverimus, ventus aquilo a nobis longius repellatur, et in membris Ecclesiæ computabimur, et anima nostra a Spiritu sancto inhabitabitur (66). Orbem terrarum Græce *chromines* dicitur, id est, inhabitata. Scio animam inhabitatam, scio et derelictam. Si enim non habet Deum Pa-

(65) Liber. xvii Mor., num. 34

(66) Videtur hic deesse aliquid.

(67) Legas hic operatorem omnium, seu operato-

trum; et Filium dicentem: *Ego et Pater unum sumus* (Joan. x), et ad meum dilectorem venimus, et mansionem apud eum faciemus (Joan. xiv); et Spiritum sanctum qui ab utroque procedit, vere deserta est. Illa autem anima inhabitata est, quæ Deo plena est, et habet Christum et Spiritum Domini. Hinc David in Psalmo confessionis ait: *Spiritu principali confirma me. Spiritum rectum innova in visceribus meis. Spiritum sanctum tuum ne auferas a me* (Psal. l). Hæc ad probationem ejus redimus, quo inhabitata, id est orbis terrarum in sapientia Dei fabricata sit. Nam sicut scriptum est: *Sapientia auxiliatur justo super decem potestatem habentes in civitate* (Eccl. vii). *Sapientiam enim et disciplinam qui abjicit infelix est, et vana spes ejus, et labores ejus insensati, et inutilia opera* (Sap. iii). Laboremus ergo, fratres clarissimi, ut anima nostra a Deo Patre, ejusque Filio et Spiritu sancto sit inhabitata, et erigatur ejus sapientia. Cædit enim venientibus nobis de sublimi in hunc lacum miseriarum, postquam peccavimus. Denique quicumque est in isto orbe, ante correctionem cecidit. Omnes enim corruimus per peccatum in orbem terrarum, sed Dominus elevavit jaccutes, et in prudentia sua extendit cælos, id est animos. Non fortitudo, non sapientia in cæli extensione assumpta est. Unde dicitur: *Dominus fundavit terram, præparavit autem cælos prudentia* (Prov. iii). Est ergo aliqua prudentia Dei, quam nolo ut extra Christum requiras, quia omnia quæ Dei sunt, Christus est (Colos. iii). Ipse sapientia, ipse fortitudo, ipse justitia et sanctitas, prudentia ejus est. Sed cum unum sit in subjacenti, pro varietate sensuum diversis vocabulis nuncupatur. Aliud significat sapientia atque aliud justitia; quando enim sapientia dicitur, disciplinis te humanarum divinarumque rerum instituit; quando justitia, distributor et iudex meritorum significatur. Ita ergo prudentiam ejus hic intellige, cum doctrina est, et demonstratio bonarum aut malarum rerum, aut utrarumque. Sic enim extendisse cælum dicitur in prudentia sua. Unde dicitur: *Extendi verba mea, et non attendistis* (Prov. i). Asserit enim quamdam esse verborem extensionem, ut cæli. Unde est illud:

*Extendens cælum sicut pellem; qui legis aquis superiora ejus* (Psal. ciii). Ac si diceret: Tu es Deus extendens cælum. Ad litteram cælum quasi tectum mundi extendit Deus; facit enim amplum firmamentum, ut tegat orbem terrarum et hoc sicut pellem, id est, non labore aliquo, ut tu homo tuum tectum extendis; sed tam facile, ut pellem quis. Dum vero ait *Sicut pellem*, designat etiam ipsum esse operatum (67) omnium quæ circa omnia sunt. Mystice etiam potest legi, et pendet ex illa sententia qua supradictum est, induisse eum Ecclesiam. Sed quomodo fecit ut hanc indueret, converso ad

rum omnia. Interlinealis ad verba, *qui legis aquis*, exponit *operaturam omnium*.



ipsum sermone, exponit dicens: Tu es *extendens cælum sicut pellem*. Figuratis sacramentis exponit, quando Ecclesia facta est lux, et sine macula vel ruga. Per cælum enim Scriptura sacra accipitur; per pellem, quæ mortuis animalibus detrahitur, mortalitas prædicantium intelligitur. Unde primi parentes nostri, Adam scilicet et Eva, post transgressionem facti mortales, induti sunt tunicis pelliceis. Verbum tamen Dei æternum est, et Deus apud Deum. Et quia in sapientia Dei non cognovit mundus Deum; per stultitiam prædicationis, id est per mortales prædicatores, qui stulti videbantur, *salvat Deus credentes*, et in mortali homine, facit agnosci Verbum immortale (I Cor. 1). Bene etiam pellibus comparantur prædicatores, quia sicut mortuis animalibus major usus pellium est, ita verbum Dei in tantum per prædicatores, imo etiam post eos magis innotuit. Mortui enim sunt prophetae et apostoli; quæ autem dixerunt, stant; modo tamen dicitur sermo eorum mortuorum, quia post mortem plus ipsi innotuerunt. Prophetas enim vivos sola Judæa habet, mortuos omnes gentes, quibus extenderunt eorum sermo ut in eo legamus, post ut liber plicabitur. Et est sensus: Quando fecisti ut indueres. Ecce tu es Deus *extendens cælum*, id est Scripturam sacram, ut legat orbem omnem terrarum, et per eam cognoscatur æternum Dei verbum. Extendens dico, sicut pellem, id est, per mortales prædicatores. Verbum enim Dei quod usque erat, sed mundus eum non cognovit (Joan. 1), per mortales cœpit nosci, et post eos magis innotuit.

Extenditur ergo anima nostra, ut supradictum est, quo prius fuerat contracta. Qui autem cœlestem hominem portant, cœli sunt. Si autem ad peccatorem dicitur: *Terra es, et in terram ibis* (Gen. 3), cur non dicitur ad justum: *Cælum es, et in cælum ibis*? Aut si propter coitum ei, qui portat imaginem choici dicitur ei: *Terra es, et in terram ibis*; cur propter cœlestem ei qui portat imaginem cœlestis, non dicitur: *Cælum es, et in cælum ibis*? Unusquisque nostrum aut cœlestia facta habet, aut terrena. Si terrena sunt, ad cognatam sibi terram deducunt eum qui thesaurizat in terra, et non in cœlo; si vero cœlestia, thesaurizatorem suum ad propinquam sibi regionem perducunt. Ad hoc ergo Deus Pater per dilectissimum Filium suum, sanctos apostolos in universas mundi partes misit, ut de terrenis cœlestes, de carnalibus spirituales, de peccatoribus justos facerent, eorumque mores ad servendum Deo spiritualiter instituarent, sicut beatus Job, eorumdem apostolorum a Judæa repulsionem in spiritu prævidens loquebatur, dicens:

(68) Lib. xviii Mor., num. 55.

(69) Videas hic nostros mss. iis omnibus conformes quæ adducunt Benedictini in hoc loco ad veram lectionem restituendam in edit. corruptissimam, quoniam hic legebatur, *custitores*; et infra: *pro negotiatoribus institores*, loco *pro institoribus institu-*

*Non calcaverunt eam filii institutorum, nec pertransivit per eam læena* (Job xxviii). Gregorius (68): « In cunctis Latinis colicibus (69) institutores positos reperimus, in Græcis vero negotiatores invenimus. Ex qua re colligi valet, quod hoc in loco pro institoribus, institutores scriptores quique ignorando posuerunt. Institores enim negotiatores dicimus, pro eo quod exercendo operi instant. Sed uterque sermo, licet in voce dissonet, intellectu tamen non discrepat; quia omnes, qui fidelium mores instituunt, spirituale negotium gerunt, ut cum prædicationem suis auditoribus præbent, ab eis fidem, et opera recta percipiant, sicut de sancta Ecclesia scriptum est: *Sindonem fecit, et vendidit* (Prov. xxxi). De qua et paulo post illic subditur. Vidit quod bona est negotiatio ejus. Quid ergo hoc loco Institores, nisi prophetæ sancti vocati sunt, qui Synagogæ mores ad fidem instituere prophetando curaverunt? Quorum nimirum illi sancti apostoli nuncupantur, qui, ut Deum hominem crederent, ad eandem fidem ex eorum sunt prædicatione generati; de quibus sanctæ Ecclesiæ per Psalmistam dicitur: *Pro patribus tuis nati sunt tibi filii; constitues eos principes super omnem terram* (Psal. xlv). » Cassiodorus: « Ille dicit quanto incremento sponsa, id est sancta Ecclesia profecerit. A prole commendat, quasi diceret: *Adducuntur*; nam *pro patribus tuis*, id est pro antiquis patribus idolorum cultoribus, *nati sunt tibi filii*, id est apostoli principes prædicationis. » Augustinus: « *Pro patribus tuis nati sunt tibi filii*, id est post prophetas apostoli, et post apostolos et pro apostolis episcopi, et alii doctores quos Ecclesia genuit, et in sede Patrum constituit. Unde sequitur: *Constitues eos principes super omnem terram*, etc. Pro patriarchis ergo et prophetis sanctæ Ecclesiæ nati sunt filii, id est sancti apostoli. Sed quia a Judæis repulsi, a Synagogæ finibus sunt egressi, recte nunc dicitur: *Non calcaverunt eam*, Synagogam scilicet, *filii institutorum*. Si prædicatores sancti ejusdem Synagogæ vitia calce virtutis premerent, eam utique calcarent. Si autem institores, eosdem sanctæ Ecclesiæ prædicatores accipimus, institutorum filios pastores ac doctores, qui apostolorum viam secuti sunt; nihil obstat intelligi, qui Synagogam minime calcaverunt, quia dum eorum patres, id est apostoli, ab illa repulsi sunt, ipsi quoque et ab ejus revocatione cessaverunt. Per quam videlicet Synagogam læena non pertransivit, quia sancta Ecclesia collectioni gentium dedita, nequaquam se ad illum Judææ populum diutius occupavit. Recte autem Ecclesia læena nuncupatur; quia male viventes in vitis ore sanctæ prædicationis interfecit. Unde et ipsi primo prædicatori, quasi hujus læenæ

res: sed cum asserat Greg. Mag. Latinos codices corrupte legisse *institutores*, pro *institores*, prave iidem nostri mss. vitiosam hic lectionem retinere *institutorum*, pro *institorum*; cum postea legitimum amplectantur.

ori dicitur: *Macta et manduca* (Act. x). Quod mactatur quippe, a vita occiditur. Id vero quod comeditur, in comedentis corpore commutatur. *Macta* ergo et *manduca* dicitur, id est a peccato eos in quo vivunt, interfice, et a se ipsis in tua illos membra converte. Et quia hæc Ecclesia corpus est Domini, ipse etiam Dominus Jacob voce leo vocatur ex se, et læna vocatur ex corpore, dum ei sub Judæ specie dicitur: *Ad prædam, fili mi, ascendisti* (Gen. xlix): *requirrens ut leo accubisti, et quasi læna, quis suscitabit cum?* Hæc igitur læna, nequaquam dicitur, quod Judæam non transit, sed dicitur, non pertransiit. Sic ait beatus Job: *Non pertransiit per eam læna* (Job xxviii). Apostolis quippe prædicantibus prius ex Judæa tria millia, postmodum vero quinque millia crediderunt (Act. ii, iv). Læna itaque, id est Ecclesia per Synagogam transit, sed non pertransiit, quia ex illa ad fidem aliquantos rapuit, sed tamen illum infidelem populum a perfidia funditus non extinxit. Sed quod sæpe jam diximus, læna, id est primitiva Ecclesia repulsa ab infidelitate Judæorum deduxit ad vocationem gentium. Unde adhuc de eadem læna, id est sancta Ecclesia dicitur: *Ad silicem extendit manum suam, subvertit a radicibus montes* (Job xxviii). Manum quippe ad silicem læna extendit, quia ad duritiam gentium brachium suæ prædicationis Ecclesia misit. Unde et idem beatus Job passionis suæ historiam in nobis gentibus præsciens texendam dixit: *Scribantur hæc stylo ferreo in plumbi lamina, vel celte sculpanitur in silice* (Job xix). Quid vero hoc loco montes, nisi hujus sæculi potestates accipimus, qui pro terrena substantia altum tument: De quibus Psalmista ait: *Tange montes, et fumigabunt* (Psal. cxliii). Cassiodorus: « Domine, de tua gratia tange montes, id est relationes terræ unitas granditates, id est superbos; et fumigabunt, fatentur scilicet peccata sua. » Gregorius (70): « Montes a radicibus sunt eversi, quia, prædicante sancta Ecclesia, summæ hujus sæculi potestates in adorationem omnipotentis Dei ab intima cogitatione ceciderunt. Radices enim montium sunt cogitationes intinxerunt superborum; et a radicibus montes cadunt, quia ad colendum Deum potestates sæculi ab intimis cogitationibus prosternuntur. Dicat ergo beatus Job de læna, id est de primitiva Ecclesia: *Ad silicem extendit manum suam, subvertit a radicibus montes*: quia, dum duritiam gentium sancta apostolorum prædicatio petiit, superborum altitudinem funditus extraxit. »

Ad hoc enim Dei Filius discipulos suos misit, ut tam in sublimibus quam in humilibus hujus mundi hominibus gladio verbi Dei vitia researent, mores componerent, et ab eorum cordibus inutiles ac perveras funditus cogitationes evellerent. Unde Jeremias ait: *Maledictus homo, qui prohibet gla-*

*dium suum a sanguine* (Jer. xlviii). Ac si diceret: *Maledictus qui verbo Dei carnalia præcedere negligit vitia, tam in se quam in subditis. Unde beatus Gregorius (71): « Gladium a sanguine prohibere, est prædicationis verbum a carnalis vitæ interfectione retinere. De quo dicitur: Gladius meus devorabit carnes (72) (Deut. xxxii). » Hinc Paulus ait: *Contestor hodie, quia mundus sum a sanguine omnium. Non enim subterfugi, quominus annuntiarem omne consilium Dei vobis* (Act. xx). Potest etiam hoc carnaliter viventibus convenire, qui luxum sæculi sequuntur, et corpus suum castigare et servituti subicere negligunt, secundum illud: *Qui autem sunt Christi, carnem suam crucifixerunt cum vitis, et concupiscentiis* (Gal. v). *Sine sanguinis enim effusione non fit remissio peccatorum* (Hebr. ix). *Caro etiam et sanguis regnum Dei possidere non possunt* (I Cor. xv). Maledictus ergo qui prohibet gladium, id est verbum Dei a sanguine, quo scilicet animatur materia peccatorum. Sciendum est ergo, quia quidquid in membris nostris carnale et terrenum inolevit, resacandum est gladio verbi Dei. Sed quod sine gravi gemitu dicere non possumus, nonnulli ecclesiastici viri inutilia libenter loquuntur, et quæ multorum auditioni professe poterant, negligenter tacent; qui causa amoris Dei et proximi superflua tacere et bona gratis loqui indecenter debuerant. Voluntarie quippe Dei præcepta populis prædicabat ille qui dicebat: *Annuntiavi justitiam tuam in ecclesia magna, ecce labia mea non prohibebo: Domine, tu scisti* (Psal. xxxix). Ac si diceret: *Annuntiavi*. Hæc dicit in membris, id est in persona membrorum; quasi diceret: Prius per me locutus sum, post et in membris annuntiavi alius justitiam tuam esse, id est quæ a te est justitia. *Annuntiavi justitiam tuam in Ecclesia magna*, quæ est in toto orbe terrarum, non parva, ut fuit prius; et si quid insurget, timor non prohibebit me loqui, et hoc est: *Ecce labia mea non prohibebo loqui*. Quasi diceret: Non habeo in solo corde, ut timore taceam. Hoc dicit contra timorem mundanum; quasi diceret: Sine simulatione etiam id agam, quia, *Domine, tu scisti cor meum*. Quasi dicat: *Labia mea sonant hominibus, sed tu, Domine, nosti cor meum*. Hoc dicit, ne in solis labiis esset annuntiatio: quia *corde creditur ad justitiam, ore autem confessio fit ad salutem* (Rom. x). Et dicit hoc contra simulationem. Vel sic: *O Domine, non prohibebo labia mea*: tu scis, quod timor non prohibet me loqui. Vel sic: *Non prohibebo labia mea*, et hoc per te est, quia *tu, Domine, scisti*, id est ita prædestinasti futurum. Et ad hoc non sum piger qui *justitiam tuam non abscondi in corde meo, sed veritatem tuam, et salutare tuum dixi*. Non abscondi in corde meo, quando potui prodesse aliis, justitiam tuam, vel meam; id est fidem confessus sum,*

(70) Ubi supra.

(71) *Reg. Pastor.*, in part., cap. 25.(72) Edit. *manducabit*. Sed Martinus sequitur

hic Vulgatam quam et sequuntur nonnulli mss., ut videre est apud Benedictinos in hoc loco.

non celo tuum, id est saluationem tuam dixi, Augustinus: Vel veritatem tuam, et salutare tuum, id est Christum, dixi, id est prædicavi, nec propter multos concilians dimisi. Viri ergo Ecclesiastici, ut supra dictum est, libenter populis Iustitiam Dei prædicare debent, et summo opere cavere, ne aut indocti inordinata proferant, aut negligenter necessaria auditoribus taceant, sed in omnibus, ut apostolicæ doctrinæ normam sequi valeant, studere.

Hos mirum e celos de gentibus prædicatores Hiram de Tyro artifex præfigurabat, quem rex Salomon adiutorem sui operis assumpsit (III Reg. vii. II Paral. n). Mater vero ejus vidua præsentem Ecclesiam designabat, pro qua Dei et Virginis Filii misericorditer animam posuit, et in celum ascendens, eam in terris peregrinantem quasi viduam reliquit, cujus filii sunt prædicatores post apostolos electi. Unde dicitur: *Pro patribus tuis nati sunt tibi filii* (Psal. XLIV), etc. *Et fixit Hiram duas columnas æreas, decem et octo cubitorum altitudinis: et linea duodecim cubitorum ambiebat columnam utramque* (III Reg. vii). Linea ergo duodecim cubitorum quæ utramque ambiebat columnam, doctrina est apostolorum. Norma igitur apostolicæ institutionis ambit columnam utramque, cum doctores sancti Judæis vel gentibus prædicare jussi, eâ tantum facere et docere curant, quæ per apostolos accepit et didicit Ecclesia. Nam qui aliter vivere vel docere voluerit, et apostolicam doctrinam spernere, non est columna in templo Dei; quia cum apostolica statuta sequi contemnit, vel exlilitate inertie, vel grossitudine elationis, duodecim cubitorum lineæ non convenit. Dux igitur columnæ apostolos et cæteros Ecclesiæ doctores significat, fortes fide et opere, et erectos contemplatione. Dux autem sunt, ut præputium et circumcisionem prædicando in Ecclesiam introducant. Deus igitur qui non solum per Judæos, sed etiam per gentiles ad sui nominis gloriam templum ædificare voluit, ipse post apostolos, præclaros de gentibus ad ædificandam Ecclesiam suam doctores elegit, sicut beatus Job Deum laudans, inter cætera dicit: *Qui aufert stellas pluvie, et effundit imbres ad instar gurgitum, qui de nubibus fluunt* (Job xxxvi). Gregorius (75): *¶ Duo in hæc vita sunt genera justorum: unum videlicet bene viventium, sed nulla docentium; aliud vero recte viventium, et eadem recta docentium. Sicut et in cæli facie plæ stellas prædeant, quas mille pluvie subsequuntur; aliæ vero, quæ arenam terram magnis imbribus infundunt, ut est Arcturus, Orion et Hyades. Igitur quoties in sancta Ecclesia recte quidam vivunt, sed tamen prædicare eandem rectitudinem nesciunt; stellæ quidem sunt, sed in siccitate aeris natæ; quia per exemplum bene vivendi, lucere cæteris possunt,*

(75) Lib. xxvii, Mor. num. 42.

(74) Supplendum hic ex edit. recte dicitur: *Qui aufert stellas pluvie, etc. Nam cum prophetas ab-*

sed prædicationis verbis pluvie necesse sunt. Cum enim in ea quidam et recte vivunt, et aliis eandem rectitudinem verbis prædicationis influunt, quasi ad proferendas pluvias in celum, stellæ producentur, quæ sic vitæ suæ meritis luceant, ut etiam sermone prædicationis pluant. An non in hoc celo astrum pluvie Moyses exstitit, qui cum de supernis emicuit, corda peccantium, quasi arenam inferius terram, sanctæ exhortationis pluvia ad ubertatem germinis infudit? An non Isaias astrum pluvie ostensus est, qui in eo quod lucem veritatis prævidens tenuit, siccitatem infidelium prophétando annuntians rigavit? An non Jeremias et prophete cæteri velut in celo positi, stellæ pluvie fuerunt, qui in prædicationis culmine erecti, dum pravitatem peccantium habere increpare ausi sunt, quasi verborum guttis obcecationis humanæ pulverem rigando presserunt? Quorum videlicet animas ab hac corruptibili carnis susceptas, quia ex præsentis vita superna judicia auferunt, quasi a cæli facie stellæ pluvie subtrahuntur. Et oculos astra redeunt, dum peractis suis curibus sanctorum animæ in thesauris dispositionis intimæ recoaduntur. Sed quia terra aretaret, si, subductis stellis, pluvie superna funditus fluere cessarent (74), id est si, postquam subductis antiquis patribus, exteriora legis prædicamenta tacuissent. Stellæ igitur pluvie abscondit, et ad instar gurgitum imbres fudit, qui [quia] dum prædicatores legis ad secreta et intima intulit, persequentium dicta uberius vis prædicationis emanavit. Possunt quoque per stellas pluvie sancti Apostoli designari, de quibus Judææ reprobata per Jeremiam dicitur: *Prohibita sunt stellæ pluviarum, et ærotinus imber non fuit* (Jer. iii). Stellæ ergo pluvie Dominus abstraxit, atque ad instar gurgitum imbres fudit, quia cum de Judæa prædicantes apostolos abstulit, doctrina novæ gratiæ mundum rigavit. Quod utrumque factum in Ecclesia potest convenienter intelligi; quia cum, solutis corporibus ad secreta supernorum sinus, apostolorum animas transtulit, quasi a cæli facie stellæ pluvie abscondit. Sed, ablatis pluvie stellis, in more gurgitum imbres dedit, quia etiam, reductis ad superna apostolis, expositorum sequentium linguas fluente divini scientiæ diæ abscondita largiori effusione patefecit. Nam quod illi sub brevitate locuti sunt, hoc exponendo isti, multipliciter asserunt. Unde et non immerito ipsa expositorum prædicatio gurgitibus comparatur; quia dum multorum præcedentium dicta colligunt, ipsi in eo quod astruunt, profundius dilatantur. Nam duo testimonia testimoniis jungunt, quasi ex gurgitibus gurgites faciunt; quorum verbis dum gentilitas quotidie docetur, quia peccatorum mens cælestem scientiam accipit, quasi stans in terra aqua gurgites ostendit. Sed quia nequaquam se eisdem apostolis expositores in scientia stultit, eorum vice Dominus apostolos misit, qui in similitudinem gurgitum pluerent, postquam subductis, etc.

præferunt; cum exponendo latius loquuntur, meminisse incessanter debent, per quos ejusdem scientiæ invectiones acceperunt. Unde et apte subjungitur: *Qui de nubibus fluunt*. Illi quippe gurgites de nubibus fluunt, quia a sanctis apostolis vis intelligentiæ, si non inciperet, nequaquam per ora doctorum largior emanaret. In Scriptura enim sacra aliquando per nubes mobiles quique homines, aliquando prophetæ, aliquando apostoli designantur. Per nubes quippe mobilitas humanæ mentis exprimitur, sicut Salomon ait: *Qui observat ventum non seminat; et qui observat nubes, nunquam metet* (*Eccle. ii*). Ventum procul dubio immundum spiritum, nubes vero subjectos ei homines appellat; quos toties huc illucque impellit et revocat, quoties tentatio ejus eorum corda suggestionum flatibus alternat. Qui igitur ventum observat, non seminat; quia qui tentationes venturas metuit, cordi bona opera non præponit. (75) Et qui considerat nubes, non metet; quia is, qui ante humanæ mutabilitatis terrorem trepidat, mercede se æternæ retributionis privat. Per nubes prophetæ figurantur sicut per Psalmistam dicitur: »

*Tenebrosa aqua in nubibus aeris* (*P. al. 17*). Augustinus: « Tenebrosa aqua in nubibus aeris, id est obscura doctrina in prophetis et in omnibus præicatoribus, qui a terrenis elevati, inferioribus compluunt verbum Dei. Obscura dico præ fulgore qui erit in conspectu ejus, id est in comparatione fulgoris qui erit in manifestatione ejus. Nunc enim per speculum videmus, tunc autem facie ad faciem (*I Cor. xiii*). » Sequitur: *Nubes transierunt*. Quasi obscura aqua est in nubibus; quæ nubes, id est divini verbi prædicatores transierunt ad gentes, et jam in Judæa non sunt. Aliter: *Inclinavit cælos*, id est prædicatores humiliavit a contemplativa vita ad ministerium activæ, ut Rachel virum suum Liæ concedat (*Gen. xxix*), et descendat ipse per eorum doctrinam in quorundam simplicium notitiam, qui majora capere non valent; et ideo ait, *descendit, vel inclinavit cælos*, id est humiliavit prædicatores ad ferendas molestias, et descendit ipse sponsus Ecclesiæ passus in eis cum quibus est unum.

(75) Edit. proponit.

A « Per nubes quoque, ut superius ait beatus Gregorius, et apostoli designantur, sicut per Isaiam dicitur: *Mandabo nubibus ne pluant super eam imbrem* (*Isa. v*). Ipsi ergo stelle, vitæ meritis lucent; ipsi sunt nubes, quia arcem nostri pretoris terram ecclæstis intelligentiæ imbribus rigant. Si enim nubes non essent, nequaquam ens intuens propheta dixisset: *Qui sunt isti, qui ut nubes volant?* (*Isa. lx*.) In brium itaque gurgites de nubibus fluunt, quia profundæ prædicationes sequentium intelligentiæ originem a sanctis apostolis acceperunt. »

Ipsi enim discipuli veracissimæ veritatis, ipsi sunt post gloriosissimum magistrum suum Christum initium prædicationis. Ipsis dictum est: *Euntes in mundum universum prædicate Evangelium omni creature* (*Marc. xvi*). Ipsis præceptum est, ut per orbem terrarum irent, et in fide summæ et individûæ Trinitatis universas gentes baptizarent (*Matth xxviii*). Ipsi, quæ in aure audierunt, super tecta prædicaverunt; et quæ in tenebris, id est in abscondito, a Domino didicerunt, in universis urbibus, imo cunctis per orbem nationibus, annuntiaverunt. Isti electa seminis grana super rationalem terram, id est super corda humani generis jactaverunt, et centuplicatum Deo fructum sanctarum videlicet animarum retulerunt. Istis Dei et Virginis Filius peregre proficiscens, id est in cælum ascendens, bona sua ad negotiandum divisit, dona scilicet sancti Spiritus tradidit, ut denuo inde cum eis rationem positurus rediens, scilicet ad judicium, sciat quantum quisque negotiatus sit. Illi vero ut fideles ac devotissimi servi talenta sibi commissa cunctis sub cælo nationibus ad usuram tradiderunt, et eidem patrifamiliæ maxima sanctorum animarum lucra reportarunt. Hos idem illorum dulcissimus Magister in fine mundi secum esse sessuros, et duodecim tribus Israel judicaturos prædixit. Horum igitur, fratres charissimi, sanctorum apostolorum, in quantum divina gratia concesserit, vestigia sequamur, quatenus eorum meritis et precibus adjuti, ad æterna pervenire gaudia mereamur; ipso præstante, qui in Trinitate perfecta vivit et regnat Deus, per omnia sæcula sæculorum. Amen.

## SANCTI MARTINI

LEGIONENSIS PRESBYTERI

### EXPOSITIO IN EPISTOLAM B. JACOBI APOSTOLI.

Scire vos, fratres charissimi, volo, quia amici Dei D norum operum gressibus Christi vestigia cum cum presentem mundum perfecte contemnentem, et devotione sequentes, quousque ad diu desideratum

cœlestis patriæ ingressum perveniant, Innumeras A tormentis, et in futuro integri plenam beatitudinem mentis et corporis, interius videlicet et exterius, tentationes tolerant. Interius antiquus hostis suggerit illicita, et exterius pravi homines commovent adversa. Invisibilis hostis excitat intus titillationes carnis et impii foris diripiunt subsidia vitæ temporalis. Intus tolerat Dei servus libidinis incentiva, et extra à proximis convitia atque opprobria; intus certamina vitiorum, foris damna temporalium rerum (II Cor. vii). Quid plura? *Koris fugate, intus timores; foris rabidi homines, intus naturales illecebrosæ carnis stimuli quiete non permittunt vivere sæculi contemptores. Hos beatus Jacobus consolans hortatur, ne in tentationibus a fide deficiant; peccantes castigat et admonet, ut se a peccatis abtineant, et virtutibus proficere studeant.* B Ait enim in Epistola canonica vel catholica. *Omne gaudium existimate, fratres mei, cum in tentationes varias incideritis: scientes quod probatio fidei vestra patientiam operatur. Patientia autem opus perfectum habet, ut sitis perfecti et integri in nullo deficientes* (Jac. i). Ideo hæ Epistolæ catholice dicuntur, id est universales, quia a fide universalis Ecclesiæ non discordant. Dicuntur etiam canonicæ, id est regulares, ad distantiam videlicet earum quas fecerunt pseudoapostoli sub nomine sanctorum apostolorum. Dicatur ergo: *Omne gaudium existimate, fratres mei, cum in tentationes varias incideritis.* Ac si diceret: Tribulatio in præsentia justitiam, in futuro auget coronam, et ideo nihil est unde dolere debeat. Ideo tentamini adversis vel a persecutoribus, vel a concupiscentia quæ varie tentat, ut per hoc probare possitis, quia firmam fidem futuræ retributionis in corde gestatis, quod est intelligere, (76) quam exigit fides vestra. Ne ergo indignemini, si mali in mundo florent, et vos patimini; quia non est Christianæ dignitatis in temporalibus exaltari, sed potius deprimi. Mali nihil habent in cœlo, boni nihil in mundo; sed spe illius boni ad quod tenditis, quidquid in via contingat, gaudere debetis. *Scientes, inquit, quod tribulatio fidei vestra patientiam operatur, id est facit intelligere et habere virtutem ipsius patientiæ. Eadem sententiæ, sed converso ordine in Paulo legitur. Scientes, ait, quod tribulatio patientiam operatur, patientia vero probationem* (Rom. v), quia cujus patientia non vincitur, (77) perfectus probatur. Quæ sententiæ hic quoque dicitur. Patientia opus perfectum habet, et probatio operatur patientiam; quod est: tribulatio quæ datur ad probationem fidei, facit per patientiam exerceri, per quos fides perfecta probatur. Patientia ergo opus perfectum habet, id est perfectos operantes facit, propter hoc quod subditur: *Ut sitis perfecti et integri in nullo deficientes:* ac si diceret: *Ut sitis perfecti non deficientes in*

tormentis, et in futuro integri plenam beatitudinem suscipientes.

Item subjungit, dicens: *Si quis vestrum indiget sapientia, postulet a Deo, qui dat omnibus affluenter et non impropere* (Jac. i). Quasi diceret: *Si quis vestrum indiget sapientia, qualiter præsentis mundi tribulatio sit utilis, postulet a Deo spiritum illuminatorem qui dat omnibus pie petentibus affluenter, quia dona ejus non sunt ad mensuram et non impropere fragilitatem petentis et dabitur et ipsa sapientia, quæ de cœlo venit. Non omnis qui dicit Domine, Domine, intrabit in regnum cœlorum* (Math. vii), nec omni iusto dat Deus quod petit, si contra suam petat salutem, sicut Paulo dictum est, dum peteret: *Sufficit tibi gratia mea; nam virtus in infirmitate perficitur* (II Cor. xii). Tanta est utilitas tribulationum; quam si quis ignorat nondum illuminatus per Spiritum sanctum, petat ut per Spiritum sanctum aperiat sensus illius, et cognoscat qua pietate corrigat Pater filios, quos recipit. Nec quisquam conscius de sua fragilitate diffidat, quia dat omnibus, et non impropere.

Unde Psalmista: *Benedixit omnibus, qui timent Dominum, pusillis cum majoribus* (Psal. cxiii). Cassiodorus: *Nullum genus hominum a benedictione excluditur, dum pusillis benedixit cum majoribus.* Sequitur: *Adjiciat Dominus super vos: super vos, et super filios vestros.* Ac si diceret: *Adjiciat Dominus benedictionem super vos, o Judæi, et super vos, o gentes, et super filios vestros.* Augustinus: *Vel ita distinguit inter patres et filios, scilicet inter magistros et discipulos dicens: O patres, o magistri, adjiciat Dominus super vos, id est numero vestro adjiciat multos alios. Quod et factum est, quia crevit numerus magistrorum; et adjiciat super filios vestros, quod et factum est, quia crevit numerus sequentium, cum de lapidibus suscitantur filii Abrahæ. Accessit enim fides omnium gentium, et crevit numerus non solum sapientium antistitum, sed etiam obedientium populorum.* Ut ergo superius dictum est, Dominus omnibus benedixit, quia secundum suam perfectissimam dispensationem omnibus bene viventibus, et in fide recte petentibus æterna bona tribuit.

Et quia, ut diximus, multi petunt, (78) qui accipere merentur, ideo subditur qualiter petere debeant. *Postulet, inquit, in fide nihil hæsitans.* Ac si apertius diceret: *Sic credat, et sic vivat, ut dignus sit exaudiri; quia, qui obturat aurem suam non audiat legem, oratio ejus erit execrabilis* (Prov. xviii). *Qui autem hæsitat, similis est fluctu maris, qui a vento movetur et circumfertur.* Qui conscientia peccati pressus, de præmiis dubitat cœlestibus, superveniente tentationis vento, facile deserit fidei statum, et secundum tentatoris voluntatem detrahitur

(76) Hic forte deest quod habet Glossa: *Virtutem ipsius patientiæ.*

(77) Al. ms. addit hic cum Glossa: *per tribula-*

*triones.*

(78) Glossa, qui non.

ad errorem, et fit a Deo athenus. Sequitur: *Non ergo existimet homo ille, quod accipiat aliquid a Deo.* Carnalis homo, qui hæsitat, non accipiet aliquid a Deo, vel hic vel in futuro. *Vir duplex animo inconstans est in omnibus viis suis* (79). Qui hæsitat, non accipit, quia qui hæsitat, duplex est, et duplex non accipit. Facile enim terretur adversis, et irretitur pro-peris, ut a veritate divertat. Vir duplex est, qui genu ad precem flectit, et mordente conscientia, de impetratione diffidit. Duplex est et ille, qui hic vult gaudere cum sæculo, et in æternum cum Deo; qui de bonis, quæ agit, non Deum, sed favorem quærit. Unde dicitur: *Væ ingredienti terram duabus viis* (Eccl. ii). *Glorietur ergo frater humilis in exultatione sua: dives autem in humilitate sua, quia sicut flos feni transibit.* Ac si diceret: *Glorietur frater humilis factus pauper et depressus, et hanc humiliationem intelligat apud Deum exaltationem.* Quasi diceret: (Non solum verbera et carceres, et amissiones rerum quæ sunt viles et transitoria, et amatores earum puniendi.) *Glorietur, inquit, dives in humilitate sua, quia sicut flos feni transibit.* Ac si dicatur *Glorietur* ironice; quasi non debet gloriari in sua gloria, qua superbit, et alios deprimit, quia vincenda est, et humilianda in inferno. Vel gloriatur in humilitate sua, id est non superbiat, sed humilibus (80) subserviendo, et ministrando aliis de divitiis suis. Quod si non fecerit, cito gloria ejus sicut flos feni transibit. Divitem vocat illum, qui totam spem suam in divitiis ponit. Non (81) nocet divitias habere, sed amare. Justus ergo ut palma arescit (Psal. xci), injustus ut fenum arescit; quia ille manet, hic cito transit. Flos justis spes, quæ fructum expectat, radix justis charitas, quæ immobilis manet. Radix mali hominis cupiditas, flos ejus delectatio temporalium rerum.

*Exortus est ergo sol cum ardore, et arefecit fenum, et flos ejus decidit, et decor vultus ejus deperit.* Vere flos cito transibit, quia sol justitiæ Christus, cum ardore exortus arefecit fenum, et tunc flos ejus decidit. Decidente flore tota palebritudo feni perit, decor vultus ejus deperit, honor videlicet sæculi, amicitia et cætera hujusmodi. Ardor solis adventus est severi judicis, vel in morte cujusque improvisus, vel in judicio communiter, in quo justus ut arbor fructifera manebit. *Ita et dives in itineribus suis marcescet.* Viæ, divitis temporalia bona quibus beatificari quærit, quæ cito destruentur. In suis ergo itineribus marcescet dives, id est in actibus suis peribit, quia iter Domini rectum ambulare neglexit. Omne igitur gaudium, ut supra dictum est, exstimare debent fideles Christi, cum in tentationes varias inciderint; quia si animus tentationi non cedit, magnum sibi ex illa quisque tentatus præmium acquirit, sicut beatus Jacobus

consequenter hic dicit: *Beatus vir, qui suffert tentationem; quia cum probatus fuerit, accipiet coronam vitæ, quam repromisit Deus diligentibus se.* Quia difficile est hortari ad contemptum mundi, ideo subdidit de magnitudine præmii. Quasi diceret: Vere quisque fidelis debet pati tentationem, quoniam cum per illam probatus fuerit, accipiet, ut triumphatores, coronam vitæ, quam per prophetas et apostolos repromisit Deus diligentibus se. Qui per exercitum tentationis probatur, perfectus est in fide, propter quod et tentatur. Sequitur: *Nemo cum tentatur, dicat quoniam a Deo tentatur.* Hæcenus de exterioribus egit tentationibus, nunc de illis, quas interioris instigatione diaboli, vel etiam fragilitate naturæ toleramus; ubi etiam illorum errorem destruit, qui dicebant, malas cogitationes sicut et bonas a Deo nobis inspirari, et hominem quasi ex necessitate peccare. Dicitur ergo apertius: *Nemo cum tentatur, id est eum interiori tentatione capitur, dicat quoniam a Deo tentatur,* quasi Deus immittat malas cogitationes. Exteriorem quippe tentationem immittit Deus ad suorum probationem, interiorem vero qua sæpe concipitur furtum, adulterium, homicidium, non immittit Deus. Iterum dicit: *Deus enim intentator malorum est.* Ac si diceret: Deus non est inmissor tentationum. Tribus modis tentatio agitur, scilicet suggestione hostis, delectatione, vel etiam consensu nostræ fragilitatis.

Quod si suggestioni non consentimus, tentatio nobis ad victoriam provenit. Sed si suggestio illicit delectando, jam offendimus, sed nondum mortem incurrimus. Ac si delectationem concepti in corde factioris sequitur partus prævæ actionis, jam nobis mortis reis victor hostis abscedit. Sequitur: *Ipse, scilicet Deus, neminem tentat, id est nullum in tentationem ducit.* Duo sunt genera tentationum, unum videlicet quod tentatum probat, sicut tentavit Deus Abraham (Gen. xxi). Aliud quod decipit, secundum quod Deus neminem tentat. Unde autem tentatio oriatur, subdendo manifestat, dicens: *Unusquisque tentatur a concupiscentia sua abstractus et illectus.* Ac si apertius diceretur: A Deo nullus, sed potius unusquisque tentatur a concupiscentia sua, vel cum caro suavia sibi quærit, vel cum diabolus incentiva immittit, a recto itinere abstractus et illectus ad malum. *Deinde, inquit, concupiscentia cum conceperit parit peccatum, id est cum conceperit delectando, vel consentiendo, perducit ad actum manifeste.* Sequitur: *Peccatum vero, cum consummatum fuerit, generat mortem, id est cum peractum, et consuetudine consummatum fuerit, generat mortem;* quia sicut qui tentatus superat, præmium vitæ acquirit; ita qui concupiscentiis illectus superat, merito ruinam mortis incurrit. Cum super fundamentum ligna, fenum, stipulam edificamus, diabolus suppo-

(79) Quæ unciis inclusa apparent, adducit Glossa ad exponenda illa verba: *Beatus vir qui suffert tentationem, etc.*; atque: *Non solum verbera... debetis pati, sed et amissiones, etc.*

(80) Glossa humiliet se.

(81) Plus enim concupiscentia mundi, quam substantia nocet. Bernardus, seu Gaufridus declam. De colloq. Simon. cum Jesu.

nit lacendiam. Sed si ædificamus aurum, argentum, lapides pretiosos, tentare non audeat, nec tamen omnino desistat, sed *sedet in oculis ut interficiat innocentem* (Psal. ix).

Cassiodorus: Sedet quasi cum mora in insidiis cum divitiis hujus sæculi quos ditabit, et meritis cumulat, quorum falsam felicitatem ad alios decipiendos ostentabit. In insidiis dico positus in occultis, id est in ambiguis, ubi non facile intelligitur quid appetendum sit, quidve non. Potest hoc de diabolo, ut supradictum est, intelligi, potest et de quolibet impio homine, sicut Ecclesie insidians, adverti. Augustinus: Ad quid sedet impius in insidiis? Videlicet ut interficiat innocentem, ex innocenti faciendo nocentem. Deinde exponit insidias ejus dicens: *Oculi ejus in pauperem respiciunt: insidiatur quasi leo in spelunca sua* (Ibid.). Quasi diceret: Oculi ejus respiciunt veluti cum misericordia et affectu in pauperem. Vel alios sic decipit, quia oculi ejus respiciunt crudeliter in pauperes spiritu, quorum est regnum cælorum (Matth. v), quia iustis et pauperibus spiritu maxime insidiatur. Et ipse in abscondito insidiatur, quia ille nescit qui decipitur. Ipse dico quasi leo existens propter vim in spelunca sua, scilicet propter dolorem. Iterum beatus Jacobus consolans, hortatur fideles, dicens: *Nolite itaque errare, fratres mei dilectissimi*. Ac si diceret: Nolite errare existimando, quod testamenta vitiorum a Deo procedant; et ideo a nobis dissentire non debetis, quia nihil inutile, sed quod vobis est necessarium suadeo. Et quia peccata non sunt a Deo, sed virtutes, recte subjungit, dicens: *Omne datum optimum, et omne donum perfectum desursum est descendens a Patre luminum, apud quem non est transmutatio, nec vicissitudinis obumbratio*. Ostense quod vitia non a Deo, sed a nobis ipsas sunt; e contra ostendit quia quicquid boni agimus, non a nobis, sed ex Deo est. Unde Patrem luminum vocat, id est auctorem omnium spiritualium donorum. Dicatur ergo apertius: Quia igitur mala non a Deo, sed potius bona oriuntur: *Omne datum optimum, ut castitas videlicet et alie virtutes, et omne donum perfectum, id est executio ipsarum virtutum, vel vita æterna quæ est perfecta, desursum est, descendens a Patre luminum quasi radius a sole, apud quem non est transmutatio, id est in ejus natura mutabilitas nulla est, sed identitas, et non solum in natura, sed etiam in largitione donorum; quia sola dona lucis, et non tenebras immittit errorum; nec vicissitudinis obumbratio, quia lumen ejus aliqua umbra non intercidit, ut aliqua mala immittat, sed semper bona lucis dona. In nobis aliquando sunt Dei dona, quæ supervenientia obumbrant peccata, quæ non sunt in Deo. Datum refertur ad naturam, donum ad gratiam; et datum ipsi homini, donum gratiæ Dei solet ascribi: sed et bonum nature a Deo. Iterum Dei beneficia reducit ad memoriam, cum subjungit dicens: *Voluntarie genuit nos verbo veritatis, ut simus initium aliquod creature ejus*.*

A Quasi diceret: Omne bonum est a Deo, et non meritis nostris ad hoc accessimus, sed sola gratia divinæ voluntatis. Dicatur ergo apertius: Voluntarie post filios tenebrarum genuit nos per aquam regenerationis in filios lucis: *Verbo veritatis*, in doctrina evangelii, ad hoc videlicet, *ut simus initium aliquod creature ejus*; ne per hanc scilicet genituram putemus nos esse quod ipse est, sed quendam principatum in creaturis adoptione nobis concessit. Quodammodo princeps est homo omnium creaturarum, quæ sub eodem sunt. Unde alius translator ait: *Ut simus initium aliquod creature ejus*. Supra monuit ad tolerantiam temptationum, deinceps moralibus instruit præceptis. Ait enim: *Scitis, fratres mei dilectissimi*. Quasi diceret: Scitis quod a vobis ipsis habuistis ad vitia labi, a Domino superna gratia illustrari, et cum initium creature aliquod genuisti estis, in vobis perseveret. Sequitur: *Sit autem omnis homo velox ad audiendum, tardus autem ad loquendum, et tardus ad iram*. Ac si diceret: Sit omnis homo tardus ad loquendum, ne videlicet ante tempus presumat docere; et *tardus ad iram*, id est, ut siue causa non temere irascatur, vel contra subditos peccantes, vel contra quoslibet fratres, vel contra felicitatem malorum, quia maturitas sapientiæ non nisi tranquilla mente percipitur. Et qui iratus judicat, etiam si iustitiam judicat, tamen divini examinis iustitiam, in quam perturbatio non cadit, non potest imitari. Quare? *Quia ira iri iustitiam Dei non operatur*.

C Homo iracundus, etsi apud homines videatur justus, apud Deum tamen est injustus. *Propter quod abicientes, inquit, omnem immunditiam, et abundantiam malitiæ, in mansuetudine suscipite insitum verbum quod potest salvare animas vestras*. Monuit ad inquirendam doctrinam; ad quam suscipiendam, et ut ea possint proficere, hortatur ad munditiam corporis et animæ; quia qui non declinat a malo, non potest facere bonum. Dicatur ergo apertius: *Propter quod*, id est propter illud quod supradictum est, *attenti debetis esse prius ad audiendum, deinde ad docendum, abicientes omnem immunditiam, animæ videlicet et corporis, et abundantiam malitiæ. Malitia proprio ad interioris hominis pravitatem respicit. Vel abundantia, id est malos homines abundantes in malis. In mansuetudine, videlicet contra iram, suscipite insitum verbum cum magno honore, quod vestris cordibus prædicando imponimus. Vel verbum quod insitum et seminatum est in die redemptionis, quando vos genuit Deus, quod potest salvare animas vestras, etiam si in corpore temptationem vel mortem patimini. Et non solum auditu illud suscipite, sed etiam opere implete, quia non auditores legis justi sunt, sed factores (Rom. ii).*

Iterum consulendo subjungit, dicens: *Estote factores verbi, et non auditores tantum, fallentes vosmetipsos*. Quasi diceret: Nunc perfectius suscipite, et operibus implete, quod in mysterio tenetis. Ac si

patenter dicat : Estote opere factores verbi, et non auditores tantum, fallentes vosmetipsos, si per solum auditum vos salvandos putatis; quia si quis auditor est verbi, et non factor, hic comparabitur viro consideranti vultum nativitat<sup>s</sup> suæ in speculo, corporali scilicet, ubi sola umbra relucet. Allegorice: Qui proponit in animo suo considerare in Scripturis, quasi in speculo, vultum nativitat<sup>s</sup> suæ, videlicet qualiter sit homo natus, quam fragilis, vel quid futurus, quam brevis ævi, in quantis miseriis positus, compunctionem magnam et voluntatem poenitendi contraxit, et statim aliqua seductus tentatione, obliviscitur compunctionis, et ad peccata redit; cuius inconstantie comparatur, qui libenter verbum audit, et implere negligit. Et est similis tudo inter illum qui sponte sua, sine doctore, ac ad Scripturas applicuit, et illum, qui ab alio Scripturas audit, cum nenter impleverit. Sequitur: Consideravit se, et abiit, et statim oblitus est qualis fuerit. quia videlicet non rem, sed solam umbram vidit, sicut ille qui habet solam verborum umbram, et non corpus operis. Puer cum nascitur, vagit, per quod indicatur dolor animæ, quæ in vita intrat ad miseras carnis, quem dolorem postea obliviscitur consueta illocebris carnis. Sequitur: Qui autem perspexerit in legem perfectam libertatis, et permanserit in ea, non auditor obliviosus factus, sed factor operis, hic beatus in facto suo erit. Quasi diceret: Qui solo auditu putat se salvari, fallitur; sed qui perspexerit in legem perfectam libertatis, id est audiendo verbum Evangelii, et permanserit in ea continuatione operis, non auditor obliviosus factus, sed factor operis; hic beatus non in auditu, sed in facto suo erit in futuro, etiamsi hic est miser. Legem perfectam libertatis gratiam vocat Evangelii, quæ perfecte liberos facit a servitute timoris. Qui legem tenebant, in timore serviebant; quia quisquis eam transgrediebatur, sine miseratione lapidabatur. Hæc lex neminem ad perfectum perduxit, quia, etsi cogeat timore servire, non dabat gratiam ut completeretur amore, et a parvis inferni non poterat liberare (Hebr. vii). Sed claritas, quæ datur in Evangelio, mittit foras timorem, et ducit ad vitam (I Joan. iv). Iterum ad illorum instructionem subiungit, dicens: Si quis putat se religiosum esse, non refrenans linguam suam, sed seducens cor suum, hujus vana est religio. Monuerat superius, ut verbum Dei non audiret solum, sed etiam implerent; nunc autem ut undique munus reddat, addit nihil valere hæc omnia, nisi etiam lingua refrenetur a detractionibus, et mendaciis, ac blasphemis, stultiloquiis, atque multiloquio, quia corrumpunt bonos mores colloquia mala (I Cor. xv). Dicatur ergo apertius: Si quis putat se religiosum esse, per fidem scilicet, quam habet, et opera fidei, non refrenans linguam suam, sed seducens cor suum, non intelligens se puniendum pro peccatis linguæ, hujus vana est religio, id est inutilis, vel non munda. Quasi diceret: Non solum sitis factores verbi, sed et lin-

gnam refrenate. Iterum misericordie opera commendans, subiungit dicens: Religio munda et immaculata apud Deum et Patrem, hæc est: Visitare pueros, illos et viduas in tribulatione eorum, et immaculatum se custodire ab hoc sæculo. Ac si apertius diceret: Religio munda in cordis intentione, et immaculata operis executione, apud Deum et Patrem, qui non fallitur in discernendo, sicut homines, et filiis pie consultit et retribuit, hæc est: Visitare pupillos, id est succurrere eis qui carent præsidio patrum, et viduas, quibus deest solatium maritorum, in tribulatione eorum, id est in tempore necessitatis de quibus dicitur: Quamdiu fecistis uni de his fratribus meis minimis, mihi fecistis (Matth. xxv). Et immaculatum se custodire ab hoc sæculo, munditiam cordis conservando et prava opera fugiendo. Quia dixerat factorem beatum, nunc quæ facta maxime placeant dicit, scilicet misericordia et innocentia. Nam in eo quod pupillos et viduas visitare iussit, cuncta, quæ erga proximum agere debemus, insinuat; quod immaculatos a sæculo jubet custodiri, universa, in quibus nos castos observare decet, ostendit, in quibus sunt et ea quæ supra observare monuit, ut tardi ad loquendum, et tardi ad iram.

Sequitur: Fratres mei, nolite in personarum acceptione habere fidem Domini nostri Jesu Christi gloriæ. Quare? Quia mundus pauperem abiecit, divitem cælit; fides Christi e contra docet, quia omnis gloria divitum tanquam flos feni (I Petr. i), misericordia vero in pauperes floret in æternum. His verbis beatus Jacobus ostendit, quoniam hi, quibus scribebat, fide imbuti sed operibus vacui erant; et eleemosynarum, quam prædicabant, non pauperibus propter æterna, sed divitibus propter temporalia commoda faciebant. Unde eos redarguens Dominum gloriæ nominat, ut ejus jussis obediatur, qui sempiterna gloria remunerat quicquid pro ejus amore pauperibus datur. Quicumque divitem propter divitias eligit, et pauperem propter paupertatem abiecit, in utroque peccat. Unde et recte subditur: Etenim si introierit in conspectu vestro vir aureum anulum habens in veste candida, introierit autem et pauper in sordido habitu, et intendatis in eum, qui est indutus veste præclara, et dixeritis ei: Tu sede hic bene; pauperi autem: Tu sta illic aut sede sub scabello pedum meorum. Augustinus: Si hanc distantiam sedendi et standi ad honores ecclesiasticos referamus, non est putandum, leve esse peccatum in personarum acceptione habere fidem Domini gloriæ. Quis enim ferat eligi divitem ad sedem honoris Ecclesiæ, contempto paupere instructiore et sanctiore? Si autem de quotidianis concessibus loquitur, quibus differenter divites et pauperes suscipimus, quis non hic peccat? Non tamen peccat, nisi cum apud semetipsum intus ita iudicat, ut et ei tanto melior, quanto ditor ille videatur; hæc enim videtur significasse subdendo: Nonne judicatis apud vosmetipsos, et facti estis iudices cogitationum iniquarum, id est hu-



manarum? *Audite, inquit, fratres mei dilectissimi, A* *nonne elegit Deus pauperes in hoc mundo, divites autem in fide et hæredes regni quod promisit diligentibus se? Pauperes elegit Deus dicens: Nolite timere, pusillus grex, quoniam complacuit Patri vestro dare vobis regnum (Luc. xii). Nam et ipse Dei et Virginis Filius pauperes elegit parentes, quorum officio secundum carnem nutreteretur. Dicatur ergo apertius: Audite, fratres mei dilectissimi, id est diligentius attendite, quia non qui ditiores in sæculo, meliores sunt in examine divino; et ideo pauperibus non præferendi. Nam Deus non divites, sed pauperes elegit, id est humiles pro contemptu rerum visibilibus, fide autem invisibilium divitiarum mundo despicabiles apparent, sed hos tamen exspectatione futuri regni præclaros reddidit, et nobiles. Vos, inquit, exhonoraatis pauperem, dicendo, videlicet: Tu sta illic, aut sede sub scabello pedum meorum. Sequitur: Nonne divites per potentiam opprimunt vos, et ipsi trahunt vos ad judicia? Ac si diceret: Divites per potentiam opprimunt vos, bona auferendo et verbera dando; etiam ipsi trahunt vos ad judicia, et sine causa faciunt condemnari. Hoc loco apertius ostendit, quos divites superius dixit; scilicet illos, qui divitias Christo præferunt; et ipsi, alieni a fide eos, qui credunt, per potentiam opprimunt, et ad judicia potentiorum trahunt. Et est alia causa, quare non sunt divites eligendi, scilicet quia mala inferunt fidei. Nonne, inquit, ipsi blasphemant bonum nomen, quod invocatum est super nos? Hoc apostolorum temporibus plures gentilium et Judæorum, maxime priores, fecisse inveniuntur. Bonum nomen, ait, blasphemant, id est salutare Christi nomen, quod invocatum est super nos, ad perfectionem nostram. Iterum dicit: Si tamen legem perficitis regalem secundum Scripturas, videlicet: Diliges proximum tuum sicut te ipsum, bene facitis; si autem personas accipitis, peccatum operamini, redarguti a lege quasi transgressores. Ac si apertius loqueretur dicens: Si legem perficitis regalem, id est excellentem inter alias; secundum Scripturas, secundum videlicet quod Scripturæ testantur, scilicet hanc: Diliges proximum tuum sicut te ipsum. Quia aspere superius de contemptu mundi locutus erat, et quodammodo contrarius legi divinæ, quæ omnes diligi præcipit, ne omnino contemnendi divites putentur, subdit: Quasi propter prædictas causas non sunt eligendi; sed tamen si perficitis hanc legem, quæ dicit, Diliges proximum tuum sicut te ipsum (Lev. xix), bene facitis; quia etsi divites propter divitias non sunt eligendi, non tamen propter Deum minus sunt diligendi. Si autem personas accipitis, peccatum operamini, redarguti a lege quasi transgressores, quæ lex dicit: Non confundas personam pauperis, nec honores cultum potentis (ibid.). Et in Veteri Testamento dicitur: Nulla erit distantia personarum, ita parvum ut magnum audietis; quia iudicium Domini est (Deut. 1). Ne ergo putarent quibus loquebatur,*

contemptibile esse peccatum in hac una re legem transgredi, consequenter addidit, dicens: Quicumque totam legem observaverit, offendet autem in uno, factus est omnium reus.

Ac si dicatur: Quicumque totam legem observaverit, id est in animo observare proposuerit, offendet autem in uno, non ex humana fragilitate, sed reputando leve esse, factus est omnium reus apud Deum, qui nihil dimittit impunitum, et scit quam necessariam legem dederit. Qui enim dixit, Non mæchaberis, dixit et Non occides. Qui negligit mandatum, credit illud inaniter a Deo esse constitutum. Quod si non mæchaberis, occidas autem, factus es transgressor legis, et ita contemptor legislatoris. Hanc sententiam ex simili videamus. Si quis me

B offenderet, omnes fratres et amicos meos in me offenderet, et quodammodo contra omnes peccaret. Sic ille qui unum mandatum negligit, cætera quæ completa videbantur adjuvare, sibi inutilia reddit. Vere qui in uno offendit, transgressor totius legis est, quia peccat, et contra auctorem legis, quem in sua lege negligit, et contra charitatem, quæ est causa et quasi mater totius legis. Vel aliter: Charitas est plenitudo legis, in cuius præceptis tota lex pendet (Math. xxii). Qui ergo contra charitatem facit, merito omnium reus est. Nemo autem peccat, nisi contra charitatem faciat, quia nec Deum vere diligit, cuius legem diligit, nec proximum, in quem delinquit. Quia ergo superius ostendebat eos in

C charitate peccare, quando dicunt pauperi: Tu sta illic, competenter subdit: Qui in uno, id est in charitate offendit, quæ est radix omnium præceptorum, ab omnibus præceptis, quæ sunt filii charitatis, accusatur. Cum ergo non dicantur paria peccata, nisi forte quia magis facit contra charitatem, qui gravius peccat, et minus qui levius? Sequitur: Sic loquimini, et sic facite, sicut per legem libertatis incipientes iudicari. Ac si diceret: Sic loquimini proximis, et ita estote eis misericordes, sicut Deus vobis. Aliter: Gravius iudicatur, qui legem Moysi, quam qui naturalem contemnit; gravius etiam qui legem gratiæ, quam qui legem Moysi despicit. Quasi ergo diceret: Bene loquimini et bene facite; quia si negligitis, gravius damnabimini, quam qui fuerant tempore Moysi; quia cui plus committitur, plus ab eo exigitur. Quandoquidem malum est, propter divitias divitem eligi, pauperem ahjici; et quia bonum est, propter Deum etiam divites diligere, pupillos et viduas visitare, ergo sic loquimini et sic facite. Hæc loquendo et faciendo curate, ut proximos diligendo, a Deo diligi mereamini; misericordiam impendentes, misericordia digni existatis. Incipientes, inquit, iudicari sicut per legem libertatis. Lex libertatis, lex est charitatis, quam superius regalem vocavit, qua dicitur: Diliges proximum tuum sicut te ipsum, qua lege vos Deus iudicat, cum magnam misericordiam donat; quia non iudicamini per legem personarum et servitutis, sed per legem gratiæ, quæ spontaneus

vocat ad pœnitentiam, et peccata dimittit. *Judicium*, inquit, *sine misericordia illi, qui non fecit misericordiam*. Ac si apertius diceretur: Oportet vos misericorditer agere, quia qui potuit et non fecit misericordiam antequam judicaretur, sine misericordia judicabitur. Quo plus majorem quis misericordiam a Domino consequitur, eo injustius indigenti proximo misericordiam negat, et justius impietatis pœnas luit. Iterum misericordiae opera fidelibus commendans, ait: *Superexaltat misericordia iudicium* (*Matth.*, v): id est supponitur ei scilicet iudicio. Misericordia quasi illuminat iudicium; quia iudicium, quod est cum misericordia, per ipsam misericordiam commendabilius est, et magis placet. Sicut in iudicio dolebit qui non fecit misericordiam; Ita qui fecit, remuneratus exsultabit atque gaudebit. Aliter: *Superexaltat*, id est supponitur misericordia iudicio; quia in quo inventum fuerit opus misericordiae, et si habuerit aliquid in iudicio quo puniatur, tanquam unda misericordiae ignis peccati exstinguitur. Aliter: *Superexaltat misericordia iudicium*. Plures per misericordiam colliguntur, sed qui misericordiam præstiterunt. *Beati enim misericordes: quoniam ipsi misericordiam consequentur* (*ibid.*) Sequitur: *Quid proderit, fratres mei, si fidem quis dicat se habere, opera autem non habeat? Nunquid fides poterit salvare eum? Quasi diceret: Debetis bona agere, quia falluntur, qui solam fidem sufficere credunt, cum tempus habeant operandi. Sola nimirum fides salvat hominem, quæ per dilectionem operatur. Sicut sola verba pietatis nudum, vel esurientem fratrem, aut sororem non recreant, si non cibus, vel vestis præbeatur; ita fides verbo tenus servata non salvat. Hic latius de operibus misericordiae loquitur, ut quos præcedente sententia terruerat consoletur docendo quibus remediis expientur quotidiana peccata, sine quibus non agitur præsens vita; ne illi, qui in uno tantum, sed qui in multis offendunt, in iudicio inveniantur rei omnium. Quod legitur, *qui crediderit, scilicet, et baptizatus fuerit, salvus erit* (*Marc.*, xvi); de fide perfecta, quæ per dilectionem operatur, est intelligendum. *Fides ergo, si non habeat opera*, quibus reviviscat, *mortua est in seme ipsa*, id est contra seipsam; quia quod verbis promisit, operibus non implevit. *Sed dicit quis, vobis videlicet irridendo: Tu fidem habes, et ego opera*. Quasi diceret beatus Jacobus: Non solum propter prædictas rationes debetis ad bene operandum incitari, sed propter hoc, ne improprium videlicet ab aliis patiamini; quia aliquis assumpta fiducia de suis operibus, ut ostendat solam fidem non valere, impropere dicat: *Tu fidem habes sine operibus, et ego opera fidei*.*

Quia ergo non habes opera, ostende mihi, si potes, fidem tuam sine operibus, per aliqua certa signa ut credam te esse fidelem. Sed quia non poteris, cum desint opera, ego ostendam tibi per opera quæ habeo fidem meam, quibus operibus me esse

fidelem probare possum. Hoc loco beatus Jacobus probavit eos, qui opera non habebant, veram fidem non habere; nunc autem ejusmodi fidem habeant, patefacit; ne illam talem fidem magis faciant. Ait enim: *Tu credis quoniam unus est Deus: bene facis; et dæmones credunt, et contremiscunt*. Scriptum est enim: *Exibant dæmonia a multis clamantia, et dicentia: Quia tu es Filius Dei* (*Luc.* 17). Sed et legio, quæ hominem obsidebat, timens clamabat: *Quid nobis et tibi, Fili Dei summi? Venisti ante tempus perdere nos? Adjuramus te per Deum, ne nos torqueas* (*Matth.* viii. *Luc.* viii). Qui ergo Deum esse non credunt, vel creditum non timent, dæmonibus tardiores et proterviores sunt. Dicatur ergo apertius: *Tu credis quoniam unus est Deus: bene facis*, id est non improbo, sed tamen non sufficit; et ne putes quod in hoc aliquod magnum facias; nam et dæmones unum esse Deum credunt, et, quod plus est, contremiscunt. Probato quod fides sine operibus mortua est; ut evidentius ad bonam operationem eos invitet, elegans exemplum bonæ operationis de Abraham patriarcha proponit illis, qui de circumcissione crediderant, ut bonam patrem, quasi boni filii in tentatione et operatione imitentur. Ait enim: *Vis scire, homo inanis, quoniam fides sine operibus mortua est? Abraham pater noster nonne ex operibus justificatus est, offerens filium suum Isaac super altare? Non solum rationibus, sed etiam exemplo et auctoritate utitur. Licet Abraham per fidem quam habebat, justus erat; tamen per opera quæ addidit, amplius est justificatus; quæ nisi fecisset, meritum præcedentis fidei amisisset. Arbitrabatur Abraham, quando filium suum offerrebat super altare, quod et mortuos potens est Deus suscitare* (*Hebr.* xi). Magna tentatio, cum filium jubebatur occidere; magna fides, cum etiam de mortuo credebatur se posse semen accipere: magnum opus, cum dilectissimum non dubitaret filium offerre. Quia ergo illum obtulit in quo acceperat promissionem, apparet magna virtus fidei, quia etsi eum offerret, credebatur promissionem implendam, quia potentem credebatur Deum etiam suscitare mortuum. Quod Abraham per fidem sine operibus justificatus dicitur; de operibus, quæ præcedebant, intelligitur: quia per opera, quæ fecisset, non fuit justus, sed sola fide (*Rom.* 14). Hæc de operibus agitur, quæ fidem sequuntur, per quæ amplius justificatur, cum jam per fidem fuisset justus. Unde Paulus: *Fide Abraham obtulit Isaac, cum tentaretur* (*Hebr.* 11): Hæc oblatio est opus et testimonium fidei et justitiæ. Paulus in Abraham fidei constantiam, Jacobus laudat operum magnificentiam, quia in utroque fuit perfectus Abraham, et de utroque in exemplum proponitur. Et ne discipuli Christiani, quibus sanctus Jacobus scribebat, opera tanti Patris imitari non possent, præsertim cum modo nullus cogat filios offerre, addit exemplum mulieris peccatricis, quæ per opera misericordiae et hospitalitatis soluta est a peccatis, et

ascipia civibus Iaracuti populi, et adnumerata in generationibus Salvatoris. Ait enim: *Similiter et Rahab meretriz, nonne ex operibus justificata est suscipiens nuntios, et alia via ejiciens.* Ac si apertius diceret: *Similiter*, id est non solum Abraham per majora opera, sed etiam Raab (per minora sua opera est justificata, suscipiens nuntios Josue, et alia via ejiciens, ne a viris Jericho occiderentur. Raab *latitudo* interpretatur, et significat Ecclesiam fide dilatatam. Hujus exemplo monet, patriæ periculis interitum cavere, per opera misericordiæ, nuntios Christi suscipere, et servare et ad Jesum remittere, sicut legitur beatus Gamaliel fecisse (Act. v).

Fuere nonnulli temporibus apostolorum, qui accedentes de Judæa Antiochiam non bene eruditi in lege fidei, docebant credentes ex gentibus debere circumcidi; et alios errores inducebant, qui veris prædicatoribus non parvum laborem quæstionis contulerunt (Act. xv). Hos ergo ab officio verbi removet beatus Jacobus, ne veros impediant prædicatores. Dicit ergo: Sicut monui vos, inquit, ad opera misericordiæ faciendâ, sic moneo ad vitandâ stultâ magistraria, *Nolite itaque plures magistri fieri fratres mei [scientes], quoniam majus judicium sumit. Qui indoctus officium docendi usurpat, et Christum non sinceriter nuntiat, majorem damnationem meretur, quam si solus in suo scelere periret; sicut e contra qui bene ministrat, gradum sibi bonum acquirit.* Dicit ergo apertius hic sanctus Apostolus: *Nolite plures magistri fieri, fratres mei. Quare? Quia in multa offendimus omnes.* Verè periculosum est, quia non tantum vos minus eruditi, sed nos omnes prædicatores etiam majores in multis offendimus, alii videlicet male vivendo, alii male docendo. His et aliis modis se illis connumerat, ut eos liberius arguat. Aliter justus, et aliter malus offendit. Justus fragilitate carnis offendit, et tamen justus esse non desinit. Unde Salomon: *Septies in die cadet justus et resurget* (Prov. xxiv). Sicut ergo quotidiana est offensio, ita quotidiana orationum et bonorum operum medela cunctis est necessaria. Impii vero post offensionem corruunt in malum. Sequitur: *Si quis in verbo non offenderit, hic perfectus est vir.* In verbo illo videlicet, cujus offensionem humano potest vitare fragilitas, ut verbum detractionis, superbiæ, jactantiæ, sed et otiosæ et superflue locutionis, qui non offendit, perfectus est vir. Ac si apertius loqueretur dicens: *In multis offendimus*, quia istis et multis aliis modis, et ideo non sumus perfecti, quia ille tantum est perfectus, qui in verbo non offendit. Hac sententia vult ostendere inevitabilem verbi offensionem, ut imperitos deterreat, ne cupiant prælationem, quia qui cupit præesse, oportet aliis perfectiorem esse, ne offendant, dum debet prodesse. Iterum dicit: *Si frenos equis in ora mittimus ad consentiendum nobis sub-*

audis, in ora nostra nullo magis debemus mittere. Dum similitudinem de equis ad linguam trahit, convenientiam et facultatem refrenandi linguam ostendit. Quasi diceret: Convenit ut in ora nostra frenos continentie mittamus ad consentiendum Creatori nostro, ut per linguæ custodiam, operum quoque rectitudinem obtineamus. Consequenter etiam de navibus aliam proponit similitudinem, dum dicit: *Ecce naves cum magna sint, et a ventis validis minentur, etc.* Allegorice: Magnæ naves in mari mentes hominum in mundo, venti a quibus minantur, appetitus mentium sunt, per quos naturaliter coguntur aliquid agere, quo perveniant ad bonum suum vel ad malum. Gubernaculum cordis intentio quæ boni, transgressus fluctibus sæculi, salutis portum inveniunt reprobis quasi in Scylla vel Charybdi intereunt.

Scylla et Charybdis duæ rupes sunt in insula Siciliæ, quibus naves absorbentur, aut læduntur. (82) Scyllam quoque ferunt feminam capitibus caninis succinctam, cum latratibus magnis propter fretum Siculi maris, id est Siciliæ, in quo navigantes verticibus in se concurrentium undarum exterriti, latrare existimant undas, quas sorbentis æstus vorago collidit. Ut ergo supra dictum est, Scylla et Charybdis duæ rupes sunt in mari Siculi, id est Siciliæ, innumera in circuitu habentis latibula aquas absorbentia vicissim et evomentia. Quas dum interdum absorbent et evomunt, videntur a transeuntibus quasi multorum canum voces latrantium. Unde in proverbio dicitur: *Si evasis Scyllam, cave ne incurras Charybdim.* Sicut ergo superius dicitur, bona intentio est gubernaculum cordis, quæ boni salutis portum inveniunt, reprobis vero quasi Scylla vel Charybdi per malam intentionem intereunt. Quia ergo boni portum salutis inveniunt, et mali cito intereunt, recte subjungitur:

*Ita et lingua modicum membrum est, sed magna exaltat*, id est magna præmia, si impetus dirigentis bene eam gubernat; si autem male, sibi suisque magna perditionis exaltat. Unde Salomon: *Mors et vita in manibus linguæ* (Prov. xviii). Lingua exaltat vitam, si bene docet Ecclesiam; exaltat autem mortem, si male. Agit namque contra illos qui vita et scientia destituti erant, et docere præsumebant. Quidam libri habent: *Et magna exsultat*; quia cæterorum, scilicet verba et sensus despiciens, singulariter se esse sapientem jactat et facundum. Unde dicitur: *Nolite multiplicare loqui sublimia, gloriantes* (1 Reg. ii). Iterum de igne exemplum satis congruum ponit cum subjungit: *Ecce quantus ignis quam magnam silvam incendit! Et lingua ignis est, universitas iniquitatis.* Sic et lingua incontinens magnam bonorum operum materiam perire facit; et cum fere impossibile sit vitari peccatum etiam a perfectis, non quilibet ap-

(82) Isidor. lib. ii *Etym.*, cap. 3.

petere debet mysterium. *Et lingua, inquit, igni est universitas iniquitatis: quia virtutum videlicet silvam male loquendo devorat, et per eam cuncta fere facinora, aut concinantur, ut atrocina, supra; aut perpetrantur, ut perjuria, falsa testimonia; aut defenduntur, ut eum quilibet impurus excusando scelus quod admisit, simul et bonum quod non fecit. Sequitur: Lingua constituitur in membris nostris, quæ maculat totum corpus nostrum, et inflammatur rotam nativitatis nostræ inflammata ad gehennam, id est contaminat totum cursum temporalis vitæ, quousque ad mortem, velut corrente rota, agitatur. Vel ideo rotam nativitatis nostræ dicit, quia merito primæ prævaricationis ab interna stabilitate projecti, huc illucque vaga mente rapiamur; ubi periculum, vel ubi sit salus, prorsus ignoramus. Inflammatur hæc rota nativitatis igne linguæ, cum vitium nativæ perturbationis ineptis etiam et noxiis sermonibus maculatur. Inflammata, inquit, ad gehennam. Sicut gehenna semper ardet, sic et diabolus, propter quem facta est, ubicunque sit, vel in aere, vel sub terra, secum fert tormenta suarum poenarum, et flammarum; et hæc poena commotus, flammam vitiorum suggerit hominibus, et ea quæ invidendo eis suggererit, per linguæ incontinentiam aperit, et per cætera membra ad effectum perducere cogit. Iterum malignitatem indomitæ linguæ aperit ostendens, dicit: Omnis natura bestiarum, et volucrum, et serpentium, et cæterorum domatur, et domita sunt a natura humana; linguam autem nullus hominum domare potest, inquietum malum, plenam veneno mortifero. Lingua pravorum bestiis ferocitate, volucris levitate, serpentibus virulentia præcellit. Sunt quidam bestiales, qui exacuunt ut gladium linguas suas (Psal. LXXIII); sunt volatiles, qui ponunt in cælo os suum, et quorum os locutum est vanitatem (Psal. LXXII); sunt serpentine, de quibus dicitur: Venenum aspidum sub labiis eorum (Psal. XIII).*

Legimus in Plinio immanissimam aspidem in Ægypto a patrefamilias domitam quotidie de caverna sua egressam, et a mensa ejus ammoniam percipere solitam. Legimus in Marcellino, tigridem mansuetam factam, ab India Anastasio principi missam. Aliqui sunt bestiales sensu et opere; alii volucres inabilitate; alii serpentes astutia nocendi, quorum linguam difficile est a magistro refrenari. Linguam ergo nullus hominum domare potest, id est nullus doctorum potest cohibere linguam verbosorum subditorum. *Inquietum malum, id est non potest domari, quia non quiescit in uno, ut solus linguosus peccet, sed serpit more veneni de uno in alium transeu do.*

Quia lectio Plinii superius mansuetam nobis aspidem ad memoriam reduxit, latius, si placet, de ejusdem serpentis natura, beato Isidoro docente,

(83) Lib. XII *Etymolog.*, c. 4, et vide notationes Gratii in hunc locum.

(84) Videtis hæc de re dissertationem Calmetii :

A aliqua audiamus (83). « Aspis, inquit, vocata, eo quod morsu venenum immittat et spargat; Æt enim Græci *venenum* dicunt, et inde aspis, quod morsu venenato interimat. Hujus serpentis diversa genera sunt et species, et disparēs effectus ad nocendum. Fertur (84) autem aspis cum creperit pati incantatorem, qui eam quibusdam carminibus evocat, ut illam de caverna producat; illa cum exire noluerit, unam aurem in terram premit, alteram vero cauda obturat, et operit; atque ita voces illas magicas non audiens, non exit ad incantatorem. Dipsas genus est aspidis, quæ Latine situla dicitur, quia quem momorderit, siti perit. Hypnalis, genus est aspidis dicta, quod somno necat: hæc sibi Cleopatra apposuit, et ita morte quasi somno soluta est. Hæmorrhoids aspis nuncupata, eo quod sanguinem sudet, qui ab ea percussus fuerit, ita ut dissolutis venis, quicquid vitæ est, per sanguinem eocot. Græce enim sanguis *αἷμα* dicitur. Præter aspis semper ore patenti et vaporante currit; cuius poeta sic meminit :

*Oraque distendens avidus fumantia præter.*

Quem hic percusserit, distenditur, enormique corpulentia necat, extabratum enim putredo sequitur. Seps, tabificus aspis, dum momorderit hominem, statim eum consumit, ita ut liqueat totus in ore serpen. is. »

C Illis breviter de aspidum generibus dictis, iterum Hispaniarum doctor Isidorus de tigridis natura, cujus superius Marcellinus memoriam fecit, nobis audire cupientibus ad Dei laudem, qui in suis creaturis atque operibus semper est mirabilis, aliquid dicat (85) : « Tigris, inquit, vocatur propter volucrum fugam. Ita enim Persæ et Medi sagittam nominant. Est enim bestia variis distincta maculis, virtute et velocitate mirabilis, ex cujus nomine flumen Tigris appellatur, quod rapidissimus sit omnium fluviorum. » Hos magis regio Hyrcania gignit, quæ juxta Fison fluvium est posita. Solent præterea feminas canes, id est catellæ, noctu in silvis alligatas admitti ad tigrides bestias, a quibus insili, et nasci ex eorum fetu canes adeo acerrimos et fortes, ut in suo complexu leones prosternant.

D Lingua ergo pravorum, ut supradictum est, bestiis ferocitate, volucris levitate, serpentibus virulentia præcellit; quia ab humana natura bestias domantur, et pravorum linguæ domari etiam a perfectioribus magistris non possunt. Ideo et nos hæc ferocissimas bestias huic lectioni inseruimus, ut prudens lector facile intelligere possit, indumita lingua erga se et proximos quam gravis, quamque mortifera pestis sit. *In ipsa, ut ait beatus Jacobus, benedicimus Deum et Patrem: et in ipsa maledicimus homines, qui ad similitudinem Dei facti sunt. Quasi diceret: In ipsa benedicimus Deum et Patrem: gra-*

*De exantatis serpentibus.*

(85) Lib. XII *Etymolog.*, csp. 2.

tias videlicet agendo, laudando : *et in ipsa detrahendo maledicimus homines* ; quia qui detrahit fratri, provocat illum ad maledicendum, de cujus veneni atrocitate plura subnectit, dum in vituperio creaturæ Creatorem offendimus. In ipsa maledicimus homines rationales (86) vere Dei cognitionem habentes. Vel sicut ipse principaliter præest omnibus, ita et homines, qui ad similitudinem ejus facti sunt, præ sunt cæteris creaturis. Sequitur : *Nunquid fons de eodem foramine emanat dulcem, et amaram aquam ?* Oportet prædicatorem aliquando dulci, aliquando amara prædicatione uti, attrahendo, increpando, quod satis difficile est, ut diversis verbis ad idem tendentibus utrumque facere possit. *Non oportet, inquit, fratres, hæc ita fieri.* Vere non oportet ut eodem ore benedicamus de capite, et maledicamus de membris, quia amaritudine maledictionis consumitur dulcedo benedictionis, quod melius per similitudinem ostendimus. Si simul misces dulcem et amaram aquam, et per idem foramen exeant, dulcis commistione amaræ in amaram convertitur, non amara in dulcem commistione dulcis. Sic non placet dulcedo linguæ si mista est amaritudine ; quia *modicum fermentum totam massam corrumpit* (I Cor. v), nec speciosa laus est in ore peccatoris (Eccli. xv). Iterum alia exempla proponit dicens : *Nunquid potest, fratres mei, ficus uvas facere, aut vitis ficus ?* Quasi diceret : Sicut arbor, amisso naturali fructu, alterius arboris non fert fructum ; sic maledictio etsi loqui bene videatur, fructum tamen benedictionis non habet. Quare ? quia *facilius dulcia in amarum, quam amara in dulce vertuntur.* Nunquid oportet, ut doctor sit ficus dulcedine beatitudinis, ad quam monet, et dulcibus utatur verbis, et ut sit vitis faciens oblivisci omnium temporalium, in quibus oportet asperis uti ? Sed nunquid potest idem doctor esse ficus, dulcibus attrahendo, et potest esse vitis, asperioribus ab amore terrenorum retrahendo ? Quasi difficile est, *salsam dulcem posse facere aquam*, id est aliquis prædicator acriter mordens aliorum mores, in eadem doctrina non potest esse dulcis eisdem. Sequitur : *Quis sapiens, et disciplinatus est inter vos ? Ostendit ex bona conversatione opera sua in mansuetudine sapientiæ.* Confutatis illis, qui nec vitæ sanctitatem, nec linguæ continentiam habebant, monet illos, qui sibi sapientes esse videbantur, et qui erant, ut sapientiam suam magis ostendere deberent vivendo disciplinate, quam alios docendo ; quia qui proclivior est ad docendum, quam ad faciendum, aliquando factantiam, vel contentionem incurrit, vel invidiam contra alios doctores, et alia multa mala. Ac si apertius prædicare præsumptibus diceret : Non debetis cito effici doctores, quia quis ex vobis est *ideo sapiens agnitione, et disciplinatus exercitio vitæ, ut audeat magisterium sibi assumere ?* Prius discat

A bene operari, quam alios docere, ut bene conversando inter vos, exemplum aliorum possit esse ; et hoc in mansuetudine, ne propter suam sapientiam, et bonam operationem alios despiciat. Iterum eos ad charitatem et pacem invitans dicit : *Quod si zelum amarum habetis, et contentiones sunt in cordibus vestris : nolite gloriari, et mendaces esse adversus veritatem.* Quasi diceret : Si zelum Dei habentes bona facitis, et ex conscientia bonorum operum amari erga proximos estis, et eos despicitis, et indignantibus verbis deturbatis, et quod minus est, contentiones sunt in cordibus vestris, quamvis non prorumpunt in verba ; *Nolite ergo gloriari, et mendaces esse adversus veritatem*, id est nolite iacenti Deo, cui in baptismo promisistis abrenunciare pompis diaboli, quod vos non facitis, cum de bono opere superbitis. Ne putetis vos habituros gloriam pro his quæ sunt ex superbia, et ad depressionem aliorum, sed penam. *Non est, inquit, ista sapientiæ desursum descendens ; sed terrena, animalis, diabolica.* Quasi diceret : Ista inflata et indignans sapientia non est desursum descendens a Deo, qui est spiritualium bonorum doctor et dator ; *sed terrena, animalis, diabolica*, terrena scilicet gloriæ cupida, non spiritualis, sed more animalium sola sensibilia querens. Ista terrena et diabolica sapientia id solum sapit et agit, quod diabolus in natura humana propter prævaricationem infudit ; scilicet ad vesana et noxia se convertit. Sequitur : *Ubi zelus et contentio, ibi inconstantia et omne opus prævium.* Ac si apertius diceretur : Vere terrena sapientia non est a Deo, quia ubi est zelus Dei, et contentio contra proximos in verbis, ibi in constantia est mentis huc illucque fluctuantis, quia se ad unam superni intuitus anchoram figere negligit, *et omne opus prævium*, in conspectu Dei videlicet, etsi hominibus rectum esse videatur. Iterum subjungens ait : *Quæ autem desursum est sapientia, primum quidem pudica est, deinde pacifica, modesta, suavis, bonis consentiens, plena misericordia, et fructibus bonis.* Hæc est mansuetudo, quam superius habendam esse præcepit, zelo amaritudinis et contentionis adversa. Nisi primum pudicitia sedeat in mente, nulla perfectio sequitur in opere. Sapientia ergo quæ desursum est, primum pudica est, quia videlicet caste intelligit, et operatur. Deinde pacifica, quia per elationem a Deo vel proximorum societate non se disjungit. *Modesta*, id est in quibuscunque non ultra modum, nec infra subsistit ; *suavis*, quia videlicet, si in aliquo minus agit, vel propter ignorantiam, vel negligentiam, bonorum quæstioni assensum præbet ; *bonis consentiens*, id est quod bonis placere videt, sibi non displicet ; *plena misericordia*, in animo videlicet, *et fructibus bonis*, id est operibus misericordiæ, jejuniis scilicet, vigiliis, orationibus ; *judicans sine simulatione*, quia non appetit videri

(86) Glossa interlinealis : *rationales, ut ipse est. Vel sicut ipse, etc.* Videsis eam in hoc loco, si au-

cloris nostri sensum percipere velis, nam presso ut semper utramque glossam transcribit.

sanctior vel doctior quam est, nec lacerat proximum ad commendationem sui, quod sæpe contentiosa facit sapientia. Quasi diceret: Non solum propter prædicta debetis huiusmodi sapientiam appetere, sed etiam ideo quia facientibus pacem, quasi jacientibus hoc semen, seminatur et præparatur in pace æternæ beatitudinis fructus, id est merces justitiæ, quæ pro justis operibus retribuitur. Qui hic studet paci, et terram cordis sui operibus pacis, quasi semente aspergit, justum est, ut habeat æternam pacem, quasi fructum ejus seminis.

Sequitur: *Unde bella, et lites in vobis?* Quasi diceret: Ex vera sapientia oritur pax hic et in futuro: sed e contra in vobis unde bella, et lites nisi ex zelo et contentione? *Nonne, inquit, ex concupiscentiis vestris, quæ militant in membris vestris?* Quia videlicet, quo mens prava suggerit, manus et lingua implere satagit. *Concupiscitis, ait, et non habetis: occiditis, et zelatis: et non potestis adipisci.* Ac si diceret: Vere ex concupiscentiis sunt in vobis lites, et hoc ordine: Quod concupiscitis, non habetis; occiditis ut habeatis, zelatis, et tamen non potestis adipisci. *Litigatis, inquit, et belligeratis, et non habetis propter quod postulastis. Petitis et non accipitis, eo quod male petatis; ut in concupiscentiis vestris insumatis.* Prohibuerat superius zelum et contentionem, unde etiam latius disputat addens alia vitia quæ inde sequuntur, contentiones scilicet concupiscentiæ, et ex concupiscentiis bella et lites. Qui enim cupit præferri se aliis, vel temporalibus abundare bonis, odit, invidet, occidit. Unde et nunc subditur: *Litigatis, et belligeratis pro temporali gloria, et non habetis propter quod postulastis. Petitis ad superfluitatem, et non accipitis; quia magis terrena quam Deum amatis. Eo quod male petatis, Deo scilicet datori ingrati estis.* Propter hoc, inquit, non accipitis quod petitis, quia Deum digne non postulatis; si enim illum pia intentione postularetis, non solum sempiterna, sed et temporalia vobis ad usum necessaria daret. Quibus hæc apostolus Jacobus scribebat, dicere possent: Dicis nos non postulare, certe quotidie. Respondit eis: Petitis quidem aliquando, et tamen non accipitis, eo quod male petatis.

Iterum subjungit dicens: *Adulteri nescitis quia amicitia hujus mundi inimica est Deo? Quicunque ergo voluerit amicus esse sæculi hujus, inimicus Dei constituitur.* Dixerat supra de apertis inimicis Dei, *Nonne divites per potentiam opprimunt vos, et ipsi attrahunt vos ad judicia, etc.?* Sed ne repententur hi soli esse inimici, qui aperte blasphemant, et persequuntur, agit hic etiam de omnibus amatoribus mundi, quod inimici Dei sunt. Quasi diceret: Non debetis in concupiscentiis insumere, id est perseverare, vel vitam consumere, quia per hoc probamini esse amatores mundi, et ita adulteri quia relicto cælestis sapientiæ amore, ad mundi hujus amplexum declinatis, et pro hoc inimicos Dei vos constituitis. Iterum subdens dicit: *Aut putatis quia*

*A inaniter Scriptura dicat: Ad invidiam concupiscit spiritus, qui habitat in vobis.* Scriptura, quæ a malorum societate coercet, ita per Moysen loquitur: *Non inibis cum hominibus terræ illius sædus, nec cum diis eorum (Deut. vii).* Et rursus: *Non facies opera eorum, sed cõsfringes statuas eorum (Exod. xxiii).* Dicit ergo beatus Jacobus: Non debetis litigare, nam spiritus qui in vobis est, non concupiscit ad invidiam, sed potius facit concordēs. Aliter: *Ad invidiam concupiscit spiritus, qui habitat in vobis;* id est cupit ut mundo invideatis. Vel spiritus concupiscit ad invidiam, id est contra invidiam; hoc scilicet desiderat, ut invidia tollatur: vel cupit ut invideatis mundo, nec ametis enim. Vel spiritus cujuslibet hominis cupit temporalia ad invidiam, quia invidet aliis quod non habet. Sequitur: *Majorem, inquit, dat gratiam.* Propter quod dicit: *Deus superbis resistit, humilibus autem dat gratiam (Prov. iii).* Ac si diceret: Spiritus gratiæ non facit invidere, imo dat gratiam, id est gratuita dona, majora quam sint divitiæ sæculi. Propter quod, id est ut sciamus quibus dat, et quibus non dat, sic ait Scriptura: *Deus superbis resistit, humilibus dat gratiam.* Ac si apertius diceretur: Malos omnes punit Deus; sed superbis præcipue resistere dicitur, quia eos majori pœna plectitur, qui Deo subditi pœnitendo negligunt. Sed humilibus dat gratiam, qui in suorum plagis manibus veri medici se subdunt. *Humilibus, inquit, dat gratiam,* id est, vitam æternam, et bonam operationem. Iterum subjungit dicens: *Subditi ergo estote Deo, resistite autem diabolo, et fugiet a vobis.* Appropinquate autem Domino et appropinquabit vobis. Quasi diceret: Quia Deus humilibus dat gratiam, subditi estote Deo, id est voluntatem ejus implete. Resistite diabolo mala suggerenti, et ita fugiet ipse a vobis. Appropinquate Domino per humilitatem, et cætera bona opera; et appropinquabit vobis dando gratiam ut promoveamini in melius, et liberando ab angustiis. Rursus ad perfectionem eos ducere volens ait: *Emundate manus, peccatores: et purificate corda, duplices animo.* Ac si diceret: Si veraciter Deo vultis appropinquare, qui usque nunc peccatores fuistis, purificate et mundate corda, et manuum innocentiam habete, ne sitis duplices animo, ut æterna et temporalia simul diligatis. *Miseri, inquit, estote, et lugete: risus vester in luctum vertatur, et gaudium in mœrorem.* Quasi diceret: Miseri estote et lugete, memores scelerum. Qui miseros fecistis, miseras hujus mundi, et paupertatem tolerate, et lugete in animo pro commissis. Risus vester, qui fuit de levitate sæculi, in luctum vertatur et gaudium animi pro perpetracione alicujus peccati in mœrorem.

Sequitur: *Humiliamini in conspectu Domini et exaltabit vos.* Ac si apertius diceret: Omnibus modis humiliamini, paupertatem et tribulationem ejus amore ferendo, vos ipsos abjiciendo, et exaltabit vos in vita æterna. Iterum dicit: *Nolite detrahere alterutro fratres. Quia qui detrahit fratri, aut*

*judicat fratrem, detrahit legi, et judicat legem.* Quasi A  
 Dicere: Non solum erga Deum ita vos habeatis,  
 sed etiam a vitio detractionis linguas refrenate.  
 Vitium detractionis ad linguæ venenum respicit.  
 Qui ergo detrahit fratri, aut judicat fratrem, pro-  
 pter aliquod videlicet leve peccatum, vel propter  
 minorem scientiam, vel aliquid tale; detrahit  
 legi, quæ detractionem prohibuit, et judicat legem,  
 quasi diceret: Lex non recte fecit. Vel aliter: Qui  
 detrahit fratri legem facienti, detrahit legi, et  
 judicat legem, quare talia jussa dederit, quæ in-  
 jurias fratrum jubet oblivisci. Et ne putarent esse  
 leve peccatum detrahere legi, addidit esse punien-  
 dos sicut transgressores, dicens: *Quicumque judi-*  
*cat legem, non est factor legis, sed iudex:* id est  
 vituperator. Iterum quasi interminando subjungens,  
 ait: *Unus est legislator, et iudex, qui potest perdere,*  
*et liberare.* Ac si apertius diceret: Non debes ju-  
 dicare, quia a Deo judicaberis. Qui enim dedit  
 legem, ut impleretur, potens est et ipse judicare  
 non implentes. *Potens est, inquit, ipse legislator, et*  
*iudex perdere, et liberare:* perdere videlicet non  
 implentes, et liberare implentes. Sequitur: *Tu au-*  
*tem quis es, qui iudicas proximum tuum?* Quasi dice-  
 ret: Tu pejor es, et nequior ipso, et in majora potes  
 peccata præcipitari, et ille potest surgere ad bona.  
 Ac si apertius diceretur: Non solum ideo tu debes  
 detractiones vitare, ne ut transgressor legis a Deo  
 judiceris; sed ideo etiam, quia fortasse in nullo  
 præcellis eos quos vituperas. Iterum ad illorum  
 correctionem subjungit dicens: *Ecce qui nunc di-*  
*ditis: Hodie, aut cras ibimus in illam civitatem, et*  
*faciemus quidem ibi annum, et mercabimur, et*  
*lucrum faciemus: qui ignoratis quid sit in crasti-*  
*num.* Post increpationem detractionis arguit illor-  
 um temeritatem, qui non habentes certitudinem  
 vitæ, cupiditate temporalium, vitam et lucrum  
 promittunt sibi in futurum. *Ecce, inquit, vos estis*  
*qui dicitis: Hodie, aut crastino ibimus in civitatem*  
*illam, etc.* Dixit vitandam detractionem, et ecce  
 aliud vitium: stulta scilicet levitate animi spatium  
 vitæ sibi proponentes. Multimodam hic stultitiam  
 notat, quia et de lucrorum augmento agunt, et se  
 multo tempore victuros, et suæ potestatis existi-  
 mant, ubi annum faciant; et in his omnibus su-  
 perni examen judicis ad mentem revocare contem-  
 nunt. *Quæ est enim, ait, vita vestra?* Non consentit  
 illis qui dicunt post mortem nihil esse, sed ut doceat,  
 quia vita pravorum brevis est in præsentem, quam ta-  
 men in futuro mors æterna sequitur. Quasi diceret:  
 Non debetis hæc vobis promittere, quia vita vestra  
 brevis est, et vapor ad modicum apparens, et deinceps  
 exterminabitur, pro eo ut dicitis: *Si Dominus vo-*  
*luerit: Et: Si rixerimus, faciemus hoc aut illud.* Ac  
 si apertius diceretur: Hæc omnia dico vobis pro  
 eo, ut vos spe longioris vitæ non promittatis vobis  
 lucra futuri temporis, sed potius in voluntate et  
 potentia Dei omnia relinquatis. Sequitur: *Nunc*  
*autem exsultatis in superbis vestris, et omnis exsul-*

*tatio talis, maligna est.* Quasi diceret: Non solum  
 spatium vitæ et lucra futuri temporis vobis pro-  
 mittitis; sed etiam in superbis vestris, id est in  
 divitiis, quæ faciunt superbos, exsultatis; et est  
 maligna talis exsultatio, quia ad aliorum fit depres-  
 sionem. Iterum subjungit dicens: *Scienti bonum*  
*facere et non facienti, peccatum est illi.* Per totum  
 Epistolæ textum ostendit, quia hi quibus scribebat,  
 scientiam bene faciendi habebant, et rectam fidem  
 didicerant, ita ut aliis se magistros fieri præsa-  
 merent, nec tamen ope un perfectionem, neque  
 mentis humilitatem, neque sermonis continentiam  
 adepti erant; propter quod inter alia increpationis  
 et excitationis verba modo eos multum terret,  
 quia scientes bene facere, et non facientes, majus  
 peccatum habent, quam si nescirent, licet igno-  
 rantia ipsa boni magnum sit peccatum, cum scri-  
 ptum sit: *Ignorans ignorabitur (1 Cor. xiv).* Dicatur  
 ergo: *Scienti bonum, et non facienti, peccatum est illi.*  
 Quasi diceret: Exsultatis, et superbis, et ideo  
 graviter puniemini, quia scitis bonum, et non facitis.

Iterum subjungens dicit: *Agite nunc divites, plo-*  
*rate ululantes in miseriis, quæ advenient vobis.* Ac  
 si apertius diceretur: Nunc in hoc tempore accepto,  
 et die salutis, futuras pœnas scitibus et elemosynis  
 redimite; hucusque peccastis, sed jam pœnitentiam  
 agite. *Agite, inquit, nunc divites, in pecunia vide-*  
*licet, et in peccatis; plorate in corde, ululantes*  
*in miseriis, manifestatione scilicet vocis et operis,*  
 C *respectu futurarum miseriarum, quæ advenient*  
*vobis.* Sequitur: *Divitiæ vestræ putrefactæ sunt:*  
*et vestimenta vestra a tineis comesta sunt. Aurum,*  
*et argentum vestrum æruginavit, et ærugo eorum in*  
*testimonium vobis erit, et manducabit carnes ve-*  
*stras sicut ignis.* Non solum immisericordes divites  
 invisibilis gehennæ ignis carnes exuret, cum sibi  
 irasci cœperit, quare culpas elemosynis non  
 redemerunt, sed etiam animas cruciabit.

Unde dicitur: *Fili, recordare quia receperisti bona*  
*in vita tua, et Lazarus similiter mala (Luc. xvi).*  
 Ecce ærugo pecuniæ vertitur in testimonium ne-  
 quitie, et augmentum pœnæ, quia intelligit se  
 male congregasse ea, quibus non indigebat ad  
 usum vitæ, et propterea gravius punitur. Dicatur  
 ergo apertius: *Divitiæ vestræ, in quibus confisi*  
 D *estis, et quas superflue congregastis, putrefactæ*  
*sunt; et vestimenta vestra, quibus indigentes vestre*  
*potuistis, non usu necessario attita, sed a tineis*  
*comesta sunt. Aurum et argentum vestrum, magis*  
*scilicet pretiosum, et durabilius inter divitiæ,*  
 quod non congregastis propter usum vitæ, ærugi-  
 nabit, id est ex sua infirmitate defecit; et ærugo  
 eorum, superflua videlicet congregatio eorum,  
 quæ cum non erant necessaria, congregata pu-  
 trefecit, erit in testimonium vobis, et manducabit  
 carnes vestras, scilicet corpora, vel carnales con-  
 cupiscentias, sicut ignis, quia luxuriosas animas  
 et exterius sevens flamma cruciabit, et interiori-  
 pungens dolor suæ tenaciæ accusabit. *Theauri-*

satis, ait, vobis tram in novissimis diebus. Quasi A  
diceret: Vere ita patiemini, quia quando, ne-  
glecta cura pauperum, thesauros pecuniæ con-  
gregatis, iram interni iudicis vobis cumulatis.  
Quasi nondum apparet, sed in novi-simis diebus  
jam certissima restat. Sequitur: *Ecce merces ope-  
rariorum, qui messuerunt regiones vestras, quæ  
frandata est a vobis, clamat: et clamor eorum in  
aures Domini Sabaoth introivit.* Magna iniquitas est,  
cum divites misericorditer nolunt suscipere pau-  
peres; sed multo major est, cum etiam merce-  
nariis et famulis debitam laborum mercedem no-  
lunt reddere.

Unde ait beatus Job: *Si adversum me terra mea  
clamat, et sulci ejus deflent: et si fructus ejus  
comedi absque pecunia (Job xxxi).* Terra quippe B  
clamat, cum operatores ejus adversus avarum et  
superbum terræ possessorem pro mercede sibi  
promissa et non reddita murmurant. Sulci, quæ-  
vis vocabulo a terra distinguuntur, tamen terra  
sunt. Sulci ergo deflent, cum fidem operarii diu-  
turno labore amittunt, et mercede sibi promissa pri-  
vati, de illo, qui eos ad laborem conducit, con-  
queruntur. Ipse etiam possessor agri sine pecunia  
fructus terræ comedit, quando suis operariis  
mercedem, quam ex conventionem debet, non  
reddit.

Gregorius vero mystice hanc sententiam expo-  
nens ait (87): *Quid est clamare terram, de-  
flectere sulcos, et fructus proprios emendo come-  
dere? Cui unquam necesse est sua emere? Quis  
clamantem audivit terram? Quis vidit sulcos de-  
flectentes? Et cum sulci terræ semper ex terra sint,  
quid est quod pronuntiatione distincta et clamasse  
terra, et sulci ejus cum ea deflectere dicantur? Cui  
enim nihil sit aliud sulcus terræ, quam terra,  
magnæ distinctionis ratione non caret, cum sub-  
jungit: *Et cum ea sulci ejus deflent.* Qua videlicet  
in re, quia ordo historiarum deficit, sese nobis intel-  
lectus mysticus, quasi apertis jam floribus, osten-  
dit. Ac si patenter clamat: *Quia rationem litteræ  
defecisse cognoscitis, nimirum restat, ut ad me  
sine dubitatione redeatis.* Omnis enim, qui vel  
privato jure domesticam regit familiam, vel pro  
utilitate communi fidelibus præest plebibus, in hoc  
quod jura regimini in commissis sibi fidelibus  
possidet, quid aliud quam terram incolendam  
tenet? Ad hoc quippe divina dispensatione cre-  
teris unusquisque præponitur, ut subjectorum  
animus, quasi subtracta terra, prædicationis illius  
semine fecundetur. Sed terra contra possessorem  
clamat, si contra eum, qui sibi præest, aliquid  
justum vel privata domus vel sancta Ecclesia  
murmurat. Clamare quippe terræ est, contra re-  
gentis injustitiam rationabiliter subjectos dolere.  
Ubi recte subjungitur: *Et cum ea sulci ejus de-**

flent. Terra enim nullis etiam operibus exulta.  
plerumque ad usum hominum aliquod alimentum  
profert, exarata vero fruges ad satietatem parit.  
Et sunt nonnulli, qui nullo lectionis, nullo exhor-  
tationis vomere præcisi, quædam bona, quamvis  
minima, tamen ex semetipsis proferunt, quasi  
terra necdum exarata. Sunt etiam nonnulli, qui ad  
audiendum semper atque retinendum, sanctis præ-  
dicationibus intenti, a priori mentis duritia, quasi  
quodam lingue vomere scissi, semina exhortationis  
accipiunt, et fruges boni operis per sulcos volun-  
tariæ afflictionis reddunt. Sepe vero contingit, ut hi  
qui præsent, injusta aliqua faciant, sicut ut ipsis  
subjectis noceant qui professe debuerant. Quæ-  
dum rudes quique conspiciunt commoti contra  
rectores murmurant, nec tamen valide proximum  
per compassionem dolent. Cum vero hi qui jam  
aratro lectionis attriti sunt, atque ad frugem boni  
operis excoli, gravari vel in minimis innocentes  
aspiciunt, per compassionem protinus ad lamenta  
vertuntur; quia velut sua plangunt ea, quæ proximi  
injuste patiuntur. Perfecti namque, quantum semper  
de spiritualibus moveantur, tanto sciunt de alienis  
corporalibus damnis ingemiscere, quanto jam  
edocti sunt, non dolere de suis. Omnis ergo qui  
præest, si perversa in subditis exercet, contra  
hunc terra clamat, et sulci deflent, quia contra  
ejus injustitiam rudes quidem populi in murura-  
tionis vocibus erumpunt, sed perfecti quique pro  
ejus pravo opere sese in fluctibus affligunt. Quodque  
imperiti clamant et non dolent, hoc probatoris  
vitæ subjecti deflent et tacent. Clamat terra, id est  
imperiti, errata prelati, et non dolet. Sulci, id  
est perfectioris vitæ homines deflent, et tacent.  
Cum clamante ergo terra, sulcos plangere est per  
hoc, unde se multitudo fidelium juste contra re-  
ctorem conqueruntur, sanctoris et sapientioris  
vitæ subjecti ad lamenta pervenire. Sulci itaque et  
ex terra sunt, tamen a terra vocabulo distinguuntur,  
quia hi qui in sancta Ecclesia mentem suam la-  
bore sacræ meditationis excolunt, cæteris fidelibus  
tanto meliores sunt, quanto per accepta semina  
fecundiores operum fruges reddunt. Et sunt non-  
nulli, qui sanctis plebibus prelati, vitæ quidem  
stipendia ex ecclesiastica largitate consequuntur,  
sed delicta exhortationis ministeria non impendunt.  
Contra quos adhuc exemplum sancti viri  
recte subjungitur, cum ab eo protinus subinfertur:  
*Si fructus ejus comedi absque pecunia.* Fructus et-  
enim terræ absque pecunia comedere, est ex Ecclesia  
quidem sumptus vitæ accipere, sed eidem Ecclesie  
prædicationis pretium non præbere. Sive ergo ad  
litteram, sive ad mysticum sensum, grave pecca-  
tum est sine pecunia fructus terræ comedere, id  
est mercedem operariorum fraudare, vel plebem  
fidelem sanctis prædicationibus non irrigare. Etsi  
operatores patienter omnia ferentes, adversus



terræ possessorem non clamant, merces tamen A  
retenta clamat.

*Clamor, inquit, eorum in aures Domini Sabaoth, id est exercituum, introivit ad damnationem videlicet illorum, qui pauperes putant nullum habere tutorem; sed Dominus omnipotens causas singulorum intuetur. Iterum subjungit dicens: Epulati estis super terram, et in deliciis enutristis corda vestra. Apparet quia illos divites alloquitur, quibus ait: Agite nunc divites; qui in necem Domini conjuraverant, et necdum fidem ejus, qua salvarentur, acceperant, de quibus et supra loquitur ad credentes: Nonne divites per potentiam opprimunt vos, et pertrahunt ad judicia? Insuper et blasphemant bonum nomen quod invocatum est super nos? Et quia ad duodecim tribus, quæ sunt in dispersione, scribit; ita B  
licet monent opera fidelium facere, ut eos qui necdum etiam crediderant, ad fidem et opera converti suadeat. Ac si eisdem divitibus qui Christum crucifixerunt, et sanctos apostolos de sinibus suis ejecerunt, apertius loqueretur dicens: Neglectis gaudiis cælestibus, ad quæ per jejunia et afflictiones venire oportet, carnales epulas diligitis; quas tanta famens et sitis in futuro sequentur, ut nec gutta aquæ inveniri possit, per quam ardens lingua valeat refrigerari (Luc. xvi). Nec tantum peccastis superflua congregando, aliena rapiendo; sed etiam superflue expendendo. Omni voluptate usi estis, et nullam de pauperum nutrimento curam habuistis. Iterum eos de Salvatoris passione increpat, dicens: In die occisionis adduxistis et occidistis justum, et non restitistis C  
vobis. Hoc loco improperat illis mortem Filii Dei; et quasi nihil mali fecissent, luxuriose et avarè vivebant. Quibus proprie convenit quod ait, avaritiam carnes eorum, instar ignis, manducaturam, et quia thesaurizaverunt sibi iram in novissimis diebus. Dicitur ergo apertius: In die occisionis, hoc est, cum data esset vobis facultas occidendi, adduxistis ad judicium Jesum Christum justum, et occidistis eum. Ille autem tanquam ovis ad occisionem ductus, non restitit vobis (Isai. liii). Hinc ergo iram Dei, quam sibi thesaurizaverunt, non solum in futura, verum etiam in præsentis vita est in eis completa, cum Jerusalem, imo omnis Judæa, expugnaretur ac vastaretur a Romanis in ultionem Domini sanguinis, et D  
cæterorum scelerum quæ fecerunt. Iterum ad fidelium consolationem loquitur dicens: Patientes igitur estote, fratres, usque ad adventum Domini.*

Quasi diceret: Quia infideles divites puniendos videtis, vos estote patientes usque ad adventum Domini, qui in fine cujusque incipit. *Ecce, inquit, agricola expectat pretiosum fructum terræ, patienter ferens donec accipiat temporaneum, et serotinum. Ac si apertius diceret: Si agricola pro fructu terræ, quem sperat, tam patienter laborat, quanto magis vos pro cælesti? Donec accipiat, inquit, temporaneum, et serotinum. Quasi diceret: Sicut agricola,*

sic vos accipietis temporaneum fructum, id est vitam animæ post mortem; et serotinum, carnis videlicet incorruptionem. Vel temporaneum in operibus justitiæ, serotinum in laborum retributione. Unde Apostolus: *Habetis fructum vestrum in sanctificatione, finem vero vitam æternam (Rom. vi).* Increpatis superbis et incredulis, rursus convertitur ad eos, qui talium improbitate fuerant oppressi, invitans ad poenitentiam, quia cito finientur pressuræ, vel justis raptis ad Dominum, vel persecutoribus privatis potestate, dicens: *Patientes estote et vos, et confirmate corda vestra, quoniam adventus Domini appropinquavit.* Ac si patenter dicat: Quamvis Dominus faciat moram, vos tamen patientes estote sicut agricola, et confirmate corda vestra, B  
etiamsi gravia inferuntur, quoniam adventus Domini appropinquavit, ut vos ad gloriam, illi ad poenam rapiantur.

Sequitur: *Nolite ingemiscere, fratres, in aëternum, ut non judicemini.* Quasi diceret: Nolite ingemiscere, quasi vos majora meritis patiamini, et persecutores vestri, cum mala fecerint, nihil videantur ferre adversi. *Ut non judicemini, ait, id est ut non damnemini, eo quod justum Judicem, quasi non æque judicaret, vituperatis. Ecce, inquit, judex ante januam assistit, qui vobis præmia dabit, et inimicis poenam. Ante januam assistit, quia vel proxima est ad cognoscenda quæ geritis, vel cito veniet ad retribuendum vobis et illis juxta merita. Iterum eos hortatur ad imitandum priores Patres, qui patienter propter justitiam adversa pertulerunt, dicens: C  
*Exemplum accipite, fratres, exitus mali, et longanimitatis, laboris, et patientiæ prophetarum, qui locuti sunt in nomine Domini.* Prophetæ quidem sancti erant, ita ut Dei Spiritus per eos sua mysteria loqueretur; qui exitum malum habere visi sunt, mortem patiendò ab infidelibus in veteri et novo testamento, ut Zacharias, Joannes, Stephanus, et alii multi; nec tamen pro hoc exitu ingemuerunt, sed longanimitè ferre volebant. Alii longos sustinuerunt labores sine murmuratione, ut Noë in ædificatione arcæ, Moyses in regimine et ducatu populi, Joseph in servitute, David in expulsionè patriæ. *Ecce, ait, beatificamus illos, qui sustinuerunt; quia illos D  
videlicet magnos reputamus, et veneramur. Sufferentiam Job audistis, et finem Domini vidistis, quoniam misericors est Dominus, et misericors. Sufferentiam, inquit, Job audistis, scilicet in lectione; vidistis oculis in cruce Dominum longanimitè patientem; sed et gloriam resurrectionis, et ascensionis evangelica prædicatione didicistis. Ad utraque autem firmum et immutabile (88) subjungit exemplum, de Job quantum ad labores, de Domino quantum ad exitum mortis. Non dicit, finem Job audistis, cui temporalia sunt restituta; sed patientiam Job, et finem Domini; quia et ad patiendum exemplo Job invitatur; et tamen non ut temporalia**

(88) Forte immutabile, ut Glossa

recipiant, sicut Job vetus homo; sed æterna, sicut Christus novus homo. *Quoniam*, inquit, *misericos est Dominus*; et *miserator*. Quasi diceret: Ideo potius debetis imitari illum, quoniam misericors est in natura, et in exhibitionibus gratiarum, ut vel in presenti suos a tentationibus liberet, et per constantiam fidei etiam coram hominibus viventes glorificet, vel post mortem in occulto coronet, et nec sic quidem memoriam laudis quam meruere ab hominibus auferat. Vitia linguæ ex toto ab eis rescicare volens, iterum subjungit, dicens:

*Ante omnia, fratres mei, nolite jurare neque per cælum, neque per terram, neque per aliud quodcumque juramentum.* Quia mortiferum linguæ virus in suis auditoribus ad integrum exhauriri desiderat; qui detrahere alterutro vetuit, qui judicare proximo interdixit, qui in adversitatibus ingemiscere prohibuit, quæ sunt aperta peccata; addidit etiam hoc quod quibusdam leve videtur, ut jurandi consuetudinem tollat; quia, *omne otiosum verbum quod locuti fuerint homines, reddent rationem de eo in die judicii* (Matth. xii). Eos qualiter loqui debeant, sequenter instruit, dicens: *Sit sermo vester: est, est; non, non; ut non sub judicio decidatis.* Ac si patenter dicat: Ideo a jurationis vos culpa compesco, ne frequenter jurando vera, aliquando in perjurium incidatis; sed eo longius a perjurio stetis, quod nec vera jurare velitis, nisi necessitas cogat inevitabilis. Sed et ille sub judicio reatus decidit, qui etsi nunquam pejerat, celerius tamen quam opus est, verum dejerat. Iterum tristibus atque mœrentibus qualiter se habeant, insinuat, dicens: *Tristatur aliquis vestrum*, pro illata scilicet injuria, vel pro aliqua culpa, vel domestico damno, vel pro qualibet re, *oret aquo animo, et psallat.* Quia in pressuris ingemiscere eos prohibuit, nunc e contra quid eis gerendum sit, ostendit. Dicit ergo apertius: *Tristatur aliquis vestrum, non murmuret, nec judicium Dei vituperet; sed ad Ecclesiam currat; flexis genibus, ut Deus ei consolationem mittat, oret: ne sæculi tristitia, quæ mortem operatur* (II Cor. vii), eum absorbeat; et crebra psalmodiæ dulcedine nocivam tristitiæ pestem de corde pellat. Sequitur: *Infirmatur quis in vobis? induc at presbyteros Ecclesiæ, et orent super eum, ungentes eum oleo sancto in nomen Domini: et oratio fidei salvabit infirmum, et allevabit eum Dominus; et si in peccatis sit, dimittentur ei.* Sicut dederat contristato, sic dat et infirmanti consilium, qualiter se a murmurationis stultitia taceatur, juxtaque modum vulneris, modum ponat medelæ. Tristatus, pro se oret; infirmatus corpore vel fide (quia majorem sustinet plagam) plurimorum se adiutorio, et hoc seniorum, curare meminerit. Ac si patenter dicat: *Infirmatur aliquis in vobis? inducat presbyteros Ecclesiæ*; ne ad juniores minusque doctos causam suæ imbecillitatis referat, ne forte quid per eos allocutionis vel consilii nocentis accipiat. *Et orent super eum ungentes eum oleo sancto*, id est consecrato; *et oratio fidei, qua non cu*

*A Domini jugiter invocatur, salvabit infirmum, et allevabit eum Dominus* ab infirmitate corporis; *et si in peccatis sit*, id est etiam si contigerit mori, *remittentur ei.* Multi etiam propter peccata corporis puniuntur morte. Si ergo infirmi in peccatis sint, et hæc, presbyteris confessi, perfecto corde reliquerint, et emendare sategerint, dimittentur eis. Neque enim sine confessione emendationis peccata queunt dimitti.

Unde recte subditur: *Confitemini alterutrum vestra peccata, et orate pro invicem ut salvemini.* Ac si apertius diceret: *Confitemini alterutrum*, id est coequalibus, scilicet presbyteris, peccata vestra quotidiana, et levia; gravioris vero lepræ immunditiam sacerdoti, id est abbati, vel episcopo; et quanto tempore quæ jusserit, purgare cum omni devotione curate. *Et orate pro invicem ut salvemini, quia multum valet deprecatio justi assidua.* Nota *justi et assidua.* Sequitur: *Elias homo erat similis nobis passibilis: et oratione oravit ut non plueret super terram, et non pluit annos tres, et menses sex. Et rursum oravit: et cælum dedit pluviam, et terra dedit fructum suum.* Astruit exemplo, quantum valeat justis deprecatio assidua, cum Elias tantum una oratione tam longo tempore continerit cælos, terris imbres averterit, fructus mortalibus negaverit. Quasi diceret: *Elias homo erat, quamvis nullus hominum virtute secundus, similis nobis origine carnis, mundum translatus, passibilis ut nos, mentis et carnis fragilitate; Et oratione oravit ut non plueret super terram*, ad convincendam videlicet superbiam regis, et idololatræ gentis duritiam. Ubi vero tempus perspexit, ubi tunc longæ inediæ cor superbi regis et gentis idololatræ ad pœnitentiam inflexum viderit, una oratione oravit, et fructus, et aquas, quas negaverat, terris restituit. De Elia nobis exemplum proponit, ne videlicet nostra trepidaret fragilitas, reputans se non posse dicere similia tanto prophætæ, qui curru igneo rapui meruit ad cælos (IV Reg. ii). Consulte de ejus oratione locuturus, ab humilitate inchoavit, dicens: *Similis nobis passibilis.* Elias carne infirmus a vidua pascitur (III Reg. xvii), mente infirmus, unius mulierculæ minis exterritus fugit per deserta (III Reg. xix). Tanta si unus Elias una oratione impetravit, quid ergo multi fideles multis orationibus? Ostensa efficacia orationis, ostendit quanti sit meriti pro fratribus orare, et ad sospitatem eos revocare. Qui ergo in superiori parte hujus Epistolæ a lingua nostra malignam et otiosam removet locutionem, utilitatem correctionis erga errantes insinuat dicens: *Si quis ex vobis erraverit a veritate, et converterit quis eum; scire debet quoniam qui converterit peccatorem ab errore viæ suæ, salvabit animam ejus de morte, et operiet multitudinem peccatorum.* In fine Epistolæ ostendit, quid loqui debeamus; orare et psallere, quoties adversis pulsamur; peccata confiteamur, pro invicem oremus, ut salvemur; pro salute proximorum, non solum temporali sed potius æterna, Domino devote procca

fundamentis. Si enim magnæ mercedis est a morte carnem eripere omnino morituram, quanto majoris meriti est animam a morte liberare in cœlesti patria sine fine victuram? Dicatur ergo apertius: *Si quis ex vobis erraverit a veritate, et converterit quis eum, vel bene monendo, vel tacente lingua exempla bonæ actionis ostendendo, salvabit animam ejus a morte, et ovetiet multitudinem peccatorum*, ab aspectu interni judicis suppositione vitæ melioris abscondit. Quidam codices habent: *Salvabit animam suam de morte*. Et vere, qui errantem corrigit, per hoc ampliora gaudia vitæ cœlestis sibi conquirit.

Studium ergo orationis, fratres charissimi, diligite, quod vobis ex proximis vestra erit utile, solatium videlicet utriusque vitæ præsentis scilicet et futuræ. Assidua oratio vestra sit levamen infirmorum, et tam in vobis quam in ipsis operat multitudinem peccatorum. Tam pura, tamque devota, et ab omni strepitu sæculari remota sit oratio vestra, ut et mente et corpore infirmis obtinere possit salutem, peccatoribus remissionem, et cunctis fidelibus æternam beatitudinem. Nolo tamen vos lateat, dilectissimi, quia quisquis terrenis desideriis vel actionibus implicatus fuerit, orationi perfecte vacare non poterit. Animus, qui in terrenis actibus, sive carnalibus concupiscentiis existerit occupatus, minus de spiritualibus intelliget, nec perfecte cum Deo loqui in oratione poterit, nec etiam Dei vocem in Scripturis sibi loquentis aure cordis percipere valebit, quia illius oculus pulvis terrene actionis claudit. Qui veraciter ac devote orat, cum Deo loquitur. Qui vero a strepitu sæculari remotus sanctarum Scripturarum libros studiose percurrit, et in eis divinam voluntatem cognoscere cupit, Deus loquitur cum eo. Unde Eliu iratus adversum Job dixisse legitur, ubi ait:

*Semel loquitur Deus hominibus per somnium in visione nocturna, quando irrui sopor super homines et dormiunt in lectulo, et [secundo] id ipsum non repetit (Job xxxiii). Gregorius (89): Semel loquitur Deus, et secundo idi sum non repetit. Hoc intelligi subtiliter potest, quod Deus Pater unigenitum, et consubstantialiam sibi Filium genuit. Loqui enim Dei est Verbum genuisse. Semel autem loqui, est verbum aliud præter unigenitum non habere. Unde et aperte subditur: Et secundo id ipsam non repetit: quia videlicet hoc ipsum Verbum, id est Filium, non nisi unicum genuit. Sequitur: Per somnium in visione nocturna, quando irrui sopor super homines, et dormiunt in lectulo. (90) Quid est quod per somnium nobis locutio Divinitatis innotescit, nisi quod Dei secreta non cognoscimus, si in terrenis desideriis vigilamus. In somnio exteriores sensus dormiunt, et interiora cernuntur. Si ergo interna contemplari volumus, necesse est ut ab exteriori implicatione dormiamus. Vox videlicet Dei quasi per somnium auditur, quando tranquilla mens ab hujus sæculi*

actione quiescit, et in ipso mentis silentio divina præcepta pensantur. Cum enim ab externis actionibus mens sopitur, tunc plenius mandatorum Dei pondus agnoscitur, tunc verba Dei mens vivacius penetrat, tunc ejus vox aure cordis clarius auditur, ejusque voluntas perfectius cognoscitur. cum ad se admittere curarum sæcularium tumultus recensat. Male autem homo vigilat, quando eum sæcularium negotiorum æstus insolenter inquietat. Aurem quippe cordis terrenarum cogitationum turba dum perstrepat, claudit; atque in secretarium mentis quanto minus curarum tumultuantium sonus compescitur, tanto amplius vox præsentis judicis non auditur. Neque enim homo perfecte sufficit ad utraque divisus; sed dum sic interius erudiri appetit, et tamen exterior implicatur, unde exterior auditum aperit, inde interius obsurdescit. Moyses admittens Ægyptiis quasi vigilabat, et ideo vocem Domini in Ægypto positus non audiebat. Sed extincto Ægyptio, postquam in desertum fugit, illic, dum quadraginta annis degit, quasi ab inquietis terrenorum desideriorum tumultibus obdormivit, atque ideo divinam vocem percipere meruit; quia per supernam gratiam quanto magis ab appetendis exterioribus torpuit, tanto verius ad cognoscenda interiora vigilavit. Rursus Israelitici populi turbis prælatus, ut legis præcepta percipiat, in monte ducitur, atque ut interna penetret, ab externis tumultibus occultatur. Unde et sancti viri qui exterioribus ministeriis deservire officii necessitate coguntur, studiose semper ad cordis secreta refugiunt, ibique cogitationis intinxæ cœumen ascendunt, et legem quasi in monte percipiunt, dum postpositis tumultibus actionum temporalium in contemplationis summitate supernæ voluntatis sententiam perscrutantur. Hinc est quod idem Moyses crebre de rebus dubiis ad tabernaculum redit, ibique secreto Dominum consulit, et quid certius decernat agnoscit. Relictis quippe turbis ad tabernaculum redire est, postpositis exteriorum tumultibus secretum mentis intrare. Ibi enim Dominus consulitur; et quod foras publice agendum est, intus silenter auditur. Hoc quotidie boni doctores faciunt, cum se res dubias discernere non posse cognoscunt, ad secretum mentis velut ad quoddam tabernaculum revertuntur. Divina lege perspecta, quasi coram posita arca, Dominum consulunt; et quod prius intus tacentes audiunt, hoc foras postmodum agentes innotescunt. Ut enim exterioribus officiis inoffense deserviant, ad secreta cordis recurrere incessabiliter curant, et sic vocem Dei quasi per somnium audiunt, dum in meditatione mentis a carnalibus sensibus abstrahuntur. Hinc est quod sponsa in Canticis canticorum, Sponsi vocem quasi per somnium audierat, quæ dicebat: *Ego dormio et cor meum vigilat (Cant. v)*. Ac si diceret: Dum exteriores sensus ab hujus vitæ sollicitudinibus sopio, vacante mente, vivacius interna cognosco.

(89) Lib. xxiii Mor., c. 11.

(90) Cap. 12.

Foris dormio, sed intus cor vigilat, quia dum exteriora quasi non sentio, interiora sollerter apprehendo. Bene ergo Eliu ait, quia *per somnium loquitur Deus*; atque apte subdidit *in visione nocturna*. In nocturna enim visione apparere contemplatione mentis sub quibusdam imaginationibus solet. In diurna autem luce certius cernimus, in nocturna vero visione cunctanter videmus. Et quia sancti omnes, quandiu in hac vita sunt, divinæ naturæ secreta quasi sub quadam imaginatione conspiciunt, videlicet quia necdum sicut sunt ea manifestius contemplantur; bene Eliu postquam dixit, Deum nobis per somnium loqui, subdidit *in visione nocturna*. Nox quippe est vita præsens, in qua quandiu sumus, per hoc quod interna conspiciamus, sub incerta imaginatione caligamus. Propheta namque ad videndum Deum quadam se premi caligine sentiebat, dicens: *Anima mea desideravit te in nocte (Isai. xxvi)*. Ac si diceret: in hac obscuritate vitæ præsentis videre te appeto, sed adhuc infirmitatis nubilo circumscribor.

David quoque hujus noctis caliginem vitans, claritatem veri luminis prætolatus, ait: *Mane astabo tibi et videbo te: quoniam non Deus volens iniquitatem tu es (Psal. v)*. Hunc versiculum beatus Augustinus (91) exponit dicens: *Mane astabo tibi*, hoc est mane non ero horarius, sed astabo tibi perseveranter, et hoc per munditiam vitæ; non jacebo in terrenis querens in eis beatitudinem. Per hoc enim quod ait, *astabo*, duo notat: mentis scilicet directionem ad æterna, et perseverantiam. *Et videbo*, id est sciam quoniam tu es proprie qui stabilis manens, das cuncta moveri, quia Deus es; et ideo *non es volens iniquitatem*, id est sciam quod esse Deum, et velle iniquitatem, nunquam conveniunt. Nota singula verba. *Es*, dicit, quod proprie convenit Deo. Item, *astabo tibi*. Astat ille Deo ut præsens, qui purus est, et hoc mane; mox [F. noctem] videlicet ut tenebras vitiorum deserit. Vel ita, mane astabo tibi: hoc non mutatur, et tunc videbo te. Non enim videt Deum qui terrenis inhæret, sed qui mane virtutum astat Deo. *Beati enim mundo corde, quoniam ipsi Deum videbunt (Matth. v)*. Ideo mane astabo ut videam te quoniam tu es Deus non volens immunditiam. Iniquitas, mendacium, homicidium, dolus

A Et reddidit causam cur mane astat et videbit: quoniam non Deus vult iniquitatem; quoniam, si vellet, posset ab iniquis videri sine mane bonorum operum. Adhuc ergo in nocte minus sese videre conspicit, qui ad videndum Deum, futurum mane concupiscit.

Quia vero, ut diximus, ab exteriori actione cessare, dormire est, bene Eliu subdidit: *Quando irrui sopor super homines*. Quia autem sancti viri cum exteriori actioni deserviant, intra mentis cubilia conquiescunt, apte subjunxit: *Et dormiunt in lectulo*. Sanctos enim viros dormire in lectulo est intra mentis suæ cubile quiescere. Unde scriptum est: *Exsultabunt sancti in gloria, et lætabuntur in cubilibus suis (Psal. cxlix)*. Gloria est bonorum actuum frequens laudatio. Justii lætabuntur. Ubi? Non extra in populari favore, sed in cubilibus suis, id est in conscientia; ideoque habent tam bonum Dominum, qui dat peccantibus gratiam, inmeritis vitam æternam. Fatuus vero extra in fabulis hominum lætatur. Sanctis autem hic modus gaudii est, ut ad illum referant bona, qui dedit.

Dicatur ergo quod semel nobis loquitur Deus per somnium in visione nocturna, quando irrui sopor super homines, et dormiunt in lectulo, quoniam nimirum tunc secreta Divinitatis agnoscimus, cum nos ab hujus mundi tumultuosa concupiscentia intra mentis nostræ cubilia segregamus. Quia vero, ut jam sæpe diximus, anrem cordis tumultus sæcularium negotiorum claudit, et quies secretæ considerationis illam aperit; dignum est, dilectissimi, ut visibilia et caduca respualis, spiritualibus vero studiis summo desiderio inhæreatis. Tales igitur vos in Dei servitio secundum beati Jacobi apostoli consilium exhibete, ut assidua oratio vestra apud Deum sit exaudibilis, et inter angustias præsentis temporis valeat multis. Frequentia precum vestrarum tam corporum sit medicina, quam animarum. Ad imitationem Jesu Christi summi et veri pastoris, mortuos in peccatis resuscitate instantia puræ orationis, ut de æternis liberatos pœnis, vobiscum eos ad societatem electorum perducere possitis; ipso præstante, qui in Trinitate perfecta vivit et regnat Deus, per omnia sæcula sæculorum. Amen.

(91) Auctor noster secutus Glossam tribuit Augustino hanc expositionem; sed S. præsul ad litteram sic ait: *Astabo quid est, nisi non jacebo? Quid est autem aliud jacere, nisi in terra quiescere, quod*

*est in terrenis voluptatibus beatitudinem querere? Non est ergo inhærendum terrenis, si volumus Deum videre, qui mundo corde conspicitur.*

# SANCTI MARTINI

LEGIONENSIS PRESBYTERI

## EXPOSITIO IN EPISTOLAM I B. PETRI APOSTOLI.

Tempore quo post passionem, et resurrectionem, atque ascensionem Domini nostri Jesu Christi exordium sumpsit Ecclesia, quidam de gentilitate, qui transierant ad Judaismum, Deo crediderant, et pro Christi fide patiebantur, et dispersi erant. Hos confortat apostolus Petrus scribens eis a Roma tempore Claudii Cæsaris dicens: *Petrus apostolus Jesu Christi, electis advenis dispersionis Ponti, Galatiæ, Cappadociæ, Asiæ, et Bithyniæ secundum præscientiam Dei Patris, in sanctificatione Spiritus, in obedientiam, et asperionem sanguinis Jesu Christi: Gratia vobis et pax multiplicetur (I Petr. 1).* Omnes hæ provinciæ superius memoratæ Græcorum sunt in Asia, sed etiam alia Bithynia est in Europa, de qua illi qui sunt in Asia, originem habuerunt. Illa quæ in Asia est Bithynia, et major Phrygia vocatur, quæ Hiera flumine a Galatia disternitur (92). Advenæ Latine, Græce *proselyti* dicuntur. Sic appellabant illos qui de gentilibus nati, in Deum credere, et circumcissione accepta, Judaico more vivere juxta legem Dei volebant. Reiectos a Judæa advenas dicit, qui de gentilitate ad susceptionem legis, et postmodum ad acceptionem fidei pervenerunt. Sed et nos si veraciter cum Propheta dicere volumus, quoniam incolæ nos sumus apud te in terra, et peregrini sicut omnes patres nostri (*Psal. xxxviii*), tanquam ad nos Epistolas B. Petri apostoli scriptas credere, et ut nobis missas legere debemus. Denique in ipsis Epistolis admonet, quasi nos alibi patriam habentes, ubi ait: *Charissimi, obsecro vos tanquam advenas et peregrinos abstinere vos a carnalibus desideriis, quæ militant aduersus animam.* Dicatur ergo apertius:

*Petrus apostolus Jesu Christi, celebre videlicet nomen, electis advenis dispersionis, id est dispersis advenis ab Ierosolymis in persecutione quæ facta est sub Stephano (Act. viii), vel aliis multis persecutionibus, tum a Judæis, tum a gentilibus, et pro fide Christi afflictis, et sæpe a sedibus suis expulsis. Secundum præscientiam Dei Patris, id est non nostris meritis, sed quos præsciuit, et prædestinavit conformes fieri imaginis Filii sui (Rom. viii): In sanctificatione Spiritus electis, scilicet ad hoc, ut per dationem sancti Spiritus sanctificarentur mundati ab omnibus peccatis, ut obedire inciperent*

A Christo, qui per inobedientiam perierant, ut aspersi sanguine Christi potestatem diaboli vitarent, sicut Israel per agni sanguinem de Ægypto exiit. In veteri lege quæcunque sanctificanda erant, sanguine huiusmodi solebant aspergi (*Exod. xii. Hebr. x*). *Gratia, inquit, vobis et pax multiplicetur, scilicet ut quod bene cœpistis, perfecte expleatis, quia sine gratia Christi ad pacem reconciliationis ejus non pervenitur, nec aliquid potest esse nobis pacificum.*

Sequitur: *Benedictus Deus, et Pater Domini nostri Jesu Christi, qui per misericordiam suam magnam nos regeneravit in spem vitæ, per resurrectionem Christi ex mortuis, in hæreditatem incorruptibilem, et incontaminatam, et immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo.* Quasi diceret: *Benedictus Deus et Pater Domini nostri Jesu Christi, hominis videlicet in mundo nati, sibi consubstantialis Filii; qui per misericordiam suam magnam regeneravit nos in spem vitæ: cum nostris meritis nati essemus ad mortem, sua misericordia regeneravit ad vitam. Sic nostram dilexit vitam, ut pro hæc Filium suum mori disponeret; et morte per resurrectionem destructa, spem vobis exemplumque resurgendi ostenderet. Mortuus est, ne mori timeremus; surrexit, ut resurgere speremus; et hoc per resurrectionem ejus remoti ex mortuis, ubi nec senio, nec morbo, nec alia mœstitia tangeremur. In hæreditatem incorruptibilem, ne scilicet corrumpamur criminalibus; incontaminatam, ne etiam in mediocribus contaminemur; immarcescibilem, ne quotidianis et venialibus marcescamus; conservatam in cælis, ut ita servemur in anima et corpore, ut per munditiam simus cæli, et sedes Dei. Incontaminatam, inquit, quia nec in ipsis beatorum hominum mentibus ex longo usu cœlestis illa conversatio valet aliquando vilis esse, sicut nec lux (93) præsentis sæculi valet aliquando in fastidium verti ex longo usu. Immarcescibilem, conservatam in cælis: non in tempore præsentis dandam, sed tempore prædestinato reddendam vobis in cælo; vobis, inquam, qui in virtute Dei custodimini per fidem in salutem, etc.* Nullus suæ libertatis potentia custodi

(92) Mss. mendose: determinatur.

(93) Glossa: sicut lux.

valet in bonis, nisi ille perficiat a quo initium bonæ actionis, (94) et initium habetis laborare de fine, per fidem venturi in salutem æternam, quæ etsi modo non apparet, tamen parata est revelari, si nos fuerimus parati. *In vobis*, ait, *qui in virtute Dei custodimini*; ille scilicet, qui dedit vobis credentibus potestatem filios Dei fieri (Joan. 1), posuit in vobis illam peræverantiam per quam hæreditatem accipitis in cælis; quia qui non conservaverit disciplinam Patris, non meretur accipere hæreditatem ejus (Prov. xv). Sed de præsentī ad hoc generavit, ut essetis hæreditas ejus quos possideret, sicut aliquis homo hæreditatem. Prius nos de materia, postea secundum profectum vitam regeneravit. *In salutem*, inquit, *paratam revelari in tempore novissimo, in quo exsultabitis*. Ac si diceret: In tempore quo novissima destruetur inimica mors, exsultabitis sicut triumphatores. Sequitur: *Modicum si oportet contristari in variis tribulationibus: ut probatio fidei vestræ multo pretiosior sit auro quod per ignem probatur*. Ubi æterna merces tribuitur, breve et leve videtur, quod in tribulationibus sæculi æternum videbatur et grave. Patientia sanctorum auro comparatur, quia sicut in metallis nihil auro pretiosius est, ita hæc apud Deum omni est laude dignissima. Sicut enim aurum in fornace examinatur, prolatum foras cuius sit fulgoris apparebit; ita fidelium constantia inter pressuras præsentis vitæ contemptibilis videtur, sed, finito certamine, in iudicio quantæ sit gloriæ ostendetur. Unde dicitur: *Pretiosa in conspectu Domini mors sanctorum ejus* (Psal. cxv). Dicatur ergo apertius: *Nunc si oportet contristari in variis tribulationibus*, id est quia non nisi per tristitiam potest aliquis in gaudium pervenire, non oportet in variis tribulationibus sive exterioribus, sive interioribus contristari. Non conveniunt vobis ad malum, sed ut probatio fidei vestræ, et vos probati fideles in camino tribulationis, excocta omni rubigine vetustatis, apparere in futuro possitis. Plus placeat Deo summo artificii vestra fides, quam alicui artificii aurum materiale.

*Inveniatur in laudem, et gloriam, et honorem, in revelatione Jesu Christi; quem, cum non videtis, diligitis; in quem nunc quoque non videntes creditis; credentes autem exsultatis lætitia inenarrabili, et glorificata: reportantes fidei vestræ finem, salutem animarum vestrarum*. Probatio, inquit, *vestræ fidei inveniatur in laude*, id est ut laudabiles et gloriosi sitis per constantiam in revelatione Jesu Christi, hoc est in die iudicii quando revelabitur quam magnæ potentæ sit Deus. Ac si patenter diceret: *Probatio fidei vestræ inveniatur in laudem*, cum iudex eam laudans dicet: *Esurivi et dedistis mihi manducare, etc.* (Matth. xxv). *Inveniatur et in gloriam*, cum glorificans eam dicet: *Venite, benedi-*

(94) Glossa clarius: a quo iustitiam bonæ actionis habetis. Laborate de fide per fidem venturi, etc.

*cti Patris mei, percipite paratum vobis regnum ab origine mundi* (ibid.). *Inveniatur in honorem*, quando dicitur: Tollatur impius ne videat gloriam Dei; et tunc iusti ibunt in vitam æternam (ibid.). Unde dicitur: *Si quis mihi ministraverit, honorificabit eum Pater meus* (Joan. xii). *Exsultabitis*, ait, *lætitia inenarrabili*; quia videlicet *nec oculus vidit, nec auris audivit, nec in cor hominis ascendit, quæ præparavit Deus diligentibus se* (I Cor. ii). *Reportantes fidei vestræ finem*: ipsum scilicet Deum, qui est finis omnis consummationis. *Salutem animarum vestrarum*: nullam amplius infirmitatem passuri. Quæ salus multum est amanda, quia de hac salute multi multum exquisierunt, quando vel quo ordine salutis æterna mundo adveniret. Unde dicitur: *Multi reges et prophætæ voluerunt videre quæ videtis, et non viderunt; et audire quæ auditis, et non audierunt* (Luc. x). Unde et nunc dicitur: *De qua salute exquisierunt, atque scrutati sunt prophætæ, qui de futura in vobis gratia prophetaverunt; scrutantes quod vel quale tempus significaret: (95) quæ in eis Spiritus Christi prænuntians eas quæ in Christo sunt passiones, et posteriores glorias*. Quasi diceret apertius: De hac æterna salute, id est de adventu Christi scrutati sunt prophætæ in occulto, scilicet a Domino vel ab angelis. Unde unus eorum pro magno scientiæ salutaris amore vir desideriorum ab angelo appellari meruit (Dan. ix). *Qui de futura, inquit, in vobis gratia prophetaverunt: palam videlicet hominibus loquendo, et exponendo quæ in occulto internæ contemplationis ipsi cognoverant. Scrutantes quod vel quale tempus significaret; quo anno, sub quo principe, quale bellicosum, vel pacificum, vel quo ordine per partum Virginis, vel quo alio modo. Spiritus Christi in eis prænuntians eas quæ in Christo sunt passiones, et posteriores glorias*. Ac si diceret: Quamvis in eis esset Spiritus Christi non tantum adventum ejus prænuntians, sed etiam passiones tardas, et diu desideratas, quæ in ipso capite sunt, et in ejus membris; quod etiam per crucem finiendus et sepeliendus esset. Archangelos et propinquos angelos vocat Spiritus Christi, per quos operatur Dominus, qui Christo sunt subjecti. *Et posteriores, inquit, glorias*. Duæ sunt glorificationes Domini secundum suscepti hominis formam: una scilicet qua surrexit a mortuis, et alia qua ascendit gloriosissime in cælum ante oculos discipulorum. Restat tertia et ipsa in conspectu hominum, cum venerit in majestate sua, ut reddat unicuique juxta opera sua (Matth. xvi). Hæc sunt posteriores gloriæ, quas per Spiritum Christi, beatus Petrus asserit prophetis revelari. Unde etiam sequitur: *Quibus revelatum est, prophetis scilicet, quoniam non sibi metipsis, vobis autem ministrabant ea, quæ nuntiata sunt vobis per eos, qui evangelizaverunt vobis, Spiritu sancto*

(95) Vetus Itala: significaret, qui in eis erat, Spiritus Christi.

missio de cælo, in quem desiderant angeli prospicere. Hæc ideo dicit, ut moneat illos curam gerere salutis oblatae, quam sic amaverunt priores sancti. Ac si apertius diceretur: Prophetis quibus revelatum est, illis videlicet scrutantibus in cætera occulta, hoc est etiam intimatum, quoniam non sibi ipsis, id est non in dictis ipsorum ea salus, sed in vestris potius qui in fine sæculorum nascimini, esse ventura. *Vobis autem ministrabant ea, quæ vobis nuntiata sunt*, id est ipsi non erant domini salutis, sed ministri vestri omnia redemptionis mysteria prænuntiantes, quæ modo sunt impleta et nuntiata, quæ multos latent. Nuntiata dico per eos, qui evangelizaverunt vobis, Spiritu sancto misso de cælo, id est per tam valentes nuntios, scilicet sanctos apostolos, qui non mendose, non fantastice, sed, Spiritu sancto dictante, nuntiaverunt Christum, in quem desiderant angeli prospicere. Spiritus in prophetis et in apostolis ita apparet, quod prophetæ et apostoli eandem salutem nuntiant; illi scilicet venturam, isti impletam. Una est igitur Ecclesia, cujus pars præcessit a ventum Christi, pars sequitur.

In quem desiderant, inquit, angeli prospicere. Quasi diceret. Tanta est ejus, qui passus est pro nobis, hominis gloria posterior, ut etiam angelicæ in cælo virtutes, cum sint æterna salute perfectæ, non solum immortalis deitatis magnificentiam, sed etiam assumptæ humanitatis ejus claritatem semper aspicere gaudant. Sed cur cernere desiderant, cujus faciem cernere nunquam cessant, nisi quia contemplatio divinæ præsentis ita angelos beatificat, ut etiam semper ejus dulcedinem quasi novam insatiabiliter esuriant? vel in quem Spiritum sanctum desiderant angeli prospicere qui tantæ majestatis est et gloriæ, ut semper ejus visio, sicut et ipsius Patris et Filii desideretur ab angelis, quem gratia divinæ pietatis ad terras, causa humanæ salutis, misit, et illustrandis fidelium mentibus infudit, ejus semper visa gloria satientur. Sequitur: *Propter quod succincti lumbos mentis vestræ, sobrii, perfecti sperate in eam, quæ offertur vobis, gratiam, in revelationem Jesu Christi; quasi filii obedientiæ, non configurati prioribus ignorantia vestra desideratis: sed secundum eum, qui vocavit vos, Sanctum: ut et ipsi sancti in omni conversatione sitis. Propter quod, inquit, succincti lumbos mentis vestræ*, id est quia tanta gratia vobis est promissa, ut revelate videatis illum, quem nunc vident angeli; tanto amplius digni esse curate. *Succincti lumbos mentis vestræ*: ut etiam superfluas voluptates a corde resecetis, et eandem gratiam percipere valeatis. *Sobrii perfecti sperate*, constantes perseverando, in eam, quæ offertur vobis, gratiam, id est securi expectate, mente et corpore casti. Nam qui Domino placere se non novit, merito spe bonorum carens, ne citius adveniat meruit. Offertur gratia in revelatione Jesu Christi, id est manifestatur gratis a Christo fidelibus danda.

Quasi filii obedientiæ estote in bono perseverantes, ut secure possitis expectare, et filii obedienter esse patri corripienti: *Non configurati prioribus ignorantia vestra desideratis*, id est non sitis canes relictos ad vomitum (II Petr. II); quia per hoc quodammodo prius eratis excusabiles, sed jam nostis veritatem secundum eum, exemplo videlicet Christi, qui vocavit vos, Sanctum, id est sanctificatum, et sanctificantem vos, ut in omni conversatione sitis sancti. Unde dicitur: *Estote et vos perfecti, sicut et Pater vester cælestis perfectus est* (Matth. V). Ad hoc vocavit vos, ut et ipsi sancti, id est filii ejus in omni conversatione sitis, et firmi contra vitia, et contra tribulationes, quoniam scriptum est: *Sancti estote, quoniam ego sanctus sum* (Levit. XI). Ac si diceret: Ego sum Pater vester, qui tales volo, qualis sum. Sequitur:

Et si Patrem invocatis eum, qui sine acceptione personarum judicat secundum uniuscujusque opus, in timore, incolatus vestri tempore, conversamini. Ac si apertius diceretur: Si Patrem invocatis eum, dicendo in oratione: *Pater noster qui es in cælis* (Matth. VI): *qui sine acceptione personarum judicat*, id est non ut carnalis pater qui filiis peccantibus indulgentius parcere, quam servis consuevit; sed Deus Pater et servos obedientes, imo et hostes manuum sibi dantes, in filios adoptat; et qui filiorum nomine videbantur honorabiles, pro inobedientia hæreditatis reddit extores. *In timore conversamini in omni tempore incolatus vestri, quia secundum uniuscujusque opus judicat*. Quasi diceret: Cavete ne per negligentiam et desidiam tanto Patre sitis indigni, et dum tempore exsilii vestri securi estis, quod absit ad patriam beatitudinis pervenire non possitis. Ut ergo sancti esse possitis, omni tempore incolatus vestri, id est quandiu in hujus mundi exsilio estis, in timore Dei conversamini. *Beatus enim homo, qui semper est paridus* (Prov. XXVIII). Ac si apertius diceret: Deum recte omnino non invocatis, si timidi et solliciti non estis. *Scientes quod non corruptibilibus auro vel argento redempti estis de vana vestra conversatione paternæ traditionis; sed pretioso sanguine, quasi Agni immaculati et incontaminati Jesu Christi, præcogniti quidem ante constitutionem mundi, manifestati autem novissimis temporibus propter vos, qui fideles estis in Deo, qui suscitavit eum a mortuis, et dedit ei gloriam, ut fides vestra et spes esset in Deo*. Quasi diceret. Quanto majus est pretium quo redempti estis a corruptione vitæ carnalis, tanto amplius timere debetis, ne revertendo ad corruptelam vitiorum, Redemptorem vestrum offendatis. Dicatur iterum apertius: *In timore Dei, et sollicitudine conversamini, scientes quod non corruptibilibus auro vel argento* (quibus pretiis solent adimi peccata inter homines) *redempti estis de vana vestra conversatione paternæ traditionis, etiam a prævaricatione legis, sed pretioso sanguine, quia immunis a peccato, quasi agni incontaminati aliquo actuali, et immaculati Christi ab originali; agni scilicet mansueti non*

aperientis os suum (Act. viii), lava sua vos vestientis, id est prædicatione sua vos erudientis, et charitate reficientis. Hic tangit Leviticæ et sacerdotales celebrationes, et significat animam mundam per justitiam quæ offertur Deo. *Redempti estis*, ait, *pretioso sanguine Christi, præcogniti quidem ante constitutionem mundi*, id est præordinati a Deo, ut per eum fieret redemptio; *manifestati autem novissimis temporibus per assumptionem humanitatem propter vos salvandos, qui per ipsum*, hoc est per justificationem ejus *fideles estis in Deo*, ut ipsius corporis membra; *qui suscitavit eum a mortuis tertia die*, et dedit ei gloriam in ascensione. Hoc toto non ideo quod ipse ludigeret, sed *ut fides vestra et spes esset in Deo*, id est ut eandem gloriam per ipsum vos speretis habere.

*Animas*, inquit, *vestras castificantes in obedientia charitatis, in fraternitatis amore, simplici ex corde diligite attentius: renati non ex semine corruptibili sed incorruptibili, per verbum Dei vivi, et permanentis, quia omnis caro fenum: et omnis gloria ejus tanquam flos feni*. Quasi diceret: Ergo invicem diligite castificantes animas vestras, ut uni sponso servent fidem in obedientia charitatis, id est ex dilectione Dei obedientes sitis ad omnia ferenda in fraternitatis amore, etiam si fratres vobis nocent. *Simplici ex corde*, id est non aliquo commodo vel incommodo; *invicem diligite attentius*, quoniam hucusque renati estis non ex semine corruptibili sed incorruptibili. Ac patenter dicat: Ideo hoc agite, quia *non ex sanguinibus, neque ex voluntate carnis, neque ex voluntate viri, sed ex Deo nati estis* (Joan. i). *Non ex semine corruptibili*, id est non ex lege, quæ in multis deficit, sed in Evangelio immutabili. *Per verbum Dei vivi*, inquit, *et permanentis*, id est per Filium Dei, vel per Evangelium quod corrumpi non potest. Sicut ex semine corruptibili caro, quæ corrumpitur, nascitur; sic per aquam verbo Dei consecratam vita, quæ finem nescit, tribuitur. Quod etiam aperte prophético astruit testimonio dicens: *Quia omnis caro fenum*, id est, transitoria; et omnis gloria ejus, id est omnes delectationes carnis, *tanquam flos feni*. *Exaruit enim fenum*, id est cura, infirmitate vel morte; *et flos*, id est gloria ejus *decidit, verbum autem Domini manet in æternum*. Gloria carnis ideo *flos* dicitur, quia aliquid ex se promittit, et tamen nullum ex se profert fructum. Sicut incorruptibile est pretium Dominicæ passionis, quo redempti sumus; ita etiam incorruptibile est sacramentum sacri fontis, quo renascimur; quæ ita sibi invicem connectuntur, ut unum sine altero salutem conferre nequeant. Ita enim Dominus tempore incarnationis suæ sanguine suo omnes redemit, ut nos quoque, nostro tempore, per regenerationem baptismi ad consortium ejusdem regenerationis pervenire mereamur. Sicut ergo corruptibilis corruptibilem generat, ita verbum quod manet in æternum, dat vitam æternam renatis ex aqua et Spiritu sancto in carne

et anima (Joan. iii). Iterum subjungit dicens: *Hoc est autem verbum quod evangelizatum est in vobis*, per me scilicet, et per alios apostolos.

*Deponentes igitur omnem malitiam, et omnem dolum, et simulationes, et invidias, et omnes detractiones, sicut modo geniti infantes, rationabiles, sine dolo lac concupiscite, ut in eo crescatis in salutem*. Quasi diceret: Quia sic renati estis, et filii æterni Patris effecti; tales estote per studium bonæ conversationis, quales sunt infantes recenter nati per naturam ætatis. Dicatur ergo apertius: *Deponentes omnem malitiam*, id est voluntatem nocendi aliis; *et omnem dolum*, id est deceptionem; *et simulationes*, ne aliud in corde et aliud in ore gestetis; *et invidiam cordis*, contra aliorum felicitatem; *et omnes detractiones verbi, sicut modo geniti infantes, rationabiles sine ruga duplicitatis, lac concupiscite*, id est simplicia rudimenta fidei de uberibus matris Ecclesiæ quaerite, id est de utriusque Testamenti doctoribus, qui divina eloquia scripserunt, vel viva voce prædicant: *ut in eo crescatis in salutem*, id est ut bene discendo per sacramenta Dominicæ incarnationis perveniat ad contemplationem divinæ majestatis. *Quasi modo geniti infantes, rationabiles, sine dolo*. Ac si diceret: Quamvis infantes per malitiam remotam, tamen rationabiles per sapientiam, ne ratio ad versutias sæculi vos trahat, sed sine dolo sitis. Unde dicitur: *Estote prudentes, sicut serpentes, et simplices, sicut columbæ* (Matth. x). *Lac concupiscite, ut in eo crescatis in salutem*. Hoc loco tangit illos, qui ad audiendas lectiones sacras fastidiosi adveniunt, ignari videlicet illius sitis et esuriei, de qua Dominus ait: *Beati qui esuriunt et sitiunt justitiam; quoniam ipsorum est regnum cælorum* (96) (Matth. v). Ideoque tardius ad perfecta salutis incrementa perveniunt, quo possint solido cibo verbi refici, id est arcana cognoscere divina, vel majora facere bona. Sequitur: *Si tamen gustatis quam dulcis est Dominus, ad quem accedentes lapidem vivum ab hominibus quidem reprobaturum, a Deo autem electum, et honorificatum*. Quasi diceret: Hoc pacto videlicet purgata cordis malitia, utilem Christi alimoniam concupiscite, si quanta sit divina dulcedo, sapitis. Nam qui nihil de ejus dulcedine gustat, non est mirum, si hunc terrestribus desideriis sordidare non evitat. Accedite ergo ad eum, et accedentes per fidem superædificamini, super Christum fundamentum firmissimum, quia *fundamentum aliud nemo potest ponere, præter id quod positum est, quod est Christus Jesus* (I Cor. iii). Dicatur ergo apertius: *Ad quem accedentes, fide et imitatione, lapidem vivum, super quem fundatur superna civitas, non materiale, sed vivum lapidem, qui sicut nullis contusionibus potuit dejici, sic nec illi, qui in eo sunt fundati, poterunt decipi*. *Ab hominibus reprobaturum*, videlicet cum dicerent: *Non habemus regem nisi Cæsarem* (Joan. x); *a Deo autem, qui non*

(96) Ita legit Maximus Taurinensis hom. iv, De jejunio Quadragesimæ, circa finem.



fallitur in sui dispositione, *electum*, ut faceret utraque unum (*Eph. ii*); et *honorificatum*, in miraculis scilicet, et in ascensione. Iterum subjungens, ait: *Ipsi tanquam lapides vivi, superædificamini domos spirituales, sacerdotium sanctum, offerre spirituales hostias acceptabiles Deo per Jesum Christum.* Homines per infidelitatem lapides duri et insensibiles sunt; sed per discretionem eruditi vivificantur, et apti sunt, ut in Dei ædificio charitate compaginentur. Ac si apertius diceret: Vos etiam tanquam lapides in fide solidi, vivi in bonis operibus, superædificamini in domos spirituales contra pluvias, ventos, et flumina: *Sacerdotium sanctum, vos dico existentes sacerdotes cuncti oleo lætitiæ inuncti, offerre spirituales hostias, acceptabiles Deo per Jesum Christum Dominum nostrum*; videlicet non sicut in veteri lege, sed superædificamini ad offerendum opera bona, eleemosynas scilicet, preces, vos ipsos; per *Jesum Christum*, hoc ad omnia refertur. Quasi diceret: *Ædificamini, quia sacerdotes estis, hostias offertis, et hoc totum per Jesum Christum, cujus gratia omnia habetis.* Iterum ad confirmandum, quod Dominus propter similitudinem suam jure lapis sit vocatus, ait: *Propter quod continet Scriptura: Ecce pono in Sion lapidem summum angularem, electum, pretiosum: et qui crediderit in eum non confundetur.* Ac si patenter dicat: *Ecce pono in Sion, quia in Judæa natus, lapidem solidum, summum, id est perfectiorem omnibus, angularem, duos scilicet populos in se conjungentem, electum ex omnibus; pretiosum, quia in pretium redemptionis datur. Et qui crediderit in eum, illum scilicet imitando, non confundetur, quia neque in præenti de casu erubescet, neque in futuro vacuus erit a præmio.* Sequitur: *Vobis igitur honor credentibus; non credentibus autem lapis, quem reprobaverunt ædificantes, hic factus est in caput anguli; et lapis offensionis, et petra scandali, his qui offendunt verbo, nec credunt in quo et positi sunt.* Dei Filius credentibus est honor, sed non credentibus est lapis quem reprobaverunt ædificantes. Ita reprobatus est ab istis, sicut ab illis. Et ille lapis hic, id est fidelibus, factus est in caput anguli; et infidelibus est lapis offensionis, et petra scandali. Non credentibus est factus lapis, quem reprobaverunt ædificantes, quia sicut ipsi in sua ædificatione eum reprobaverunt, sic et ipse in suo adventu reprobavit eos accipere in ædificatione domus suæ quæ est in cælis. Dicatur ergo apertius: *Vobis honor credentibus, quia credentes in Filium honorificat Pater, et in adventu Filii non confundentur. Non credentibus autem lapis quem reprobaverunt ædificantes: quem noluerunt ponere in fundamento cordis sui, Judæi scilicet legem suam carnaliter tenendam confirmantes, et omnes justitiam suam constituere volentes; hic tamen factus est in caput anguli, id est in Christiana ædifica-*

tionem. Hic etiam factus est lapis offensionis et petra scandali; cum lapis sit, in quo sustententur, e. tuti quiescant boni, incredulis erit causa offensionis, quia in præsentem non credunt in eum, et ideo cadent de vitio in vitium: et in futuro erit petra scandali, quia ad illum quem humilem conculcaverunt, collidentur gressus eorum, et cadent in infernum. *His, inquit, qui offendunt verbo, nec credunt in quo et positi sunt.* Ille offendit verbo qui eum quod verbum audivit, offendit animo, dum quod audivit non credit. Cujus stultitia exaggerat, nec credit in quo vel quod et positus est. Per naturam ad hoc sunt facti homines ut credant in Deum et ejus voluntati obtemperent. In quo et positi sunt, quia *in ipso vivimus, movemur, et sumus* (*Act. xvii*)

**B** Iterum dicit: *Vos autem estis genus electum, regale sacerdotium, gens sancta, populus acquisitionis; ut virtutes ejus annuntietis qui de tenebris vos vocavit in admirabile lumen suum.* Hoc testimonium laudis quondam antiquo populo per Moysen datum, gentibus dat apostolus, quia in Christum credunt, qui velut lapis angularis, in eam quam in se Israel habuerat salutem, gentes advenit (*Exod. xix*). Hinc probatur, quia per hanc Epistolam scribit his, qui de gentibus ad fidem venerant. Assumuntur hi versus (97) de prophetia Osee, in qua agitur de vocatione gentium. Dicatur itaque apertius: *Vos estis genus electum, per fidem scilicet electi, et distincti ab illis, qui reprobantes lapidem Christum, facti sunt reprobi: regale sacerdotium, summi videlicet Sacerdotis corpori uniti, qui et regnum sperare, et hostias immaculatæ conversationis Deo offerre debeant; gens sancta, non jam in passionibus desiderii, sed sancte et juste viventibus; populus acquisitionis, acquisiti scilicet in sanguine Redemptoris, quod erat quondam populus Israel redemptus sanguine agni de Ægypto.* Unle et in sequenti versu mystice recordatur veteris historiæ, et hanc in novo populo spiritaliter impletam esse docet. *Ut virtutes ejus annuntietis: sicut liberati de Ægypto triumphale carmen Domino cantaverunt* (*Exod. xv*), ita nos post tenebras dissolutas, post acceptam remissionem per Christum ducendi ad patriam æternæ claritatis, debemus Deo rependere dignas gratias pro celestibus beneficiis; qui de tenebris nos vocavit in admirabile lumen suum, sicut illos duxit etiam columna ignis (*Exod. xiii*). Sequitur: *Qui aliquando non populus, nunc autem populus Dei.* Quasi diceret: Qui aliquando eratis alienati a conversione populi Dei, nunc autem populus Dei: tempore videlicet gratiæ populo ejus estis uniti. *Qui non consecuti misericordiam, id est qui nec misericordiam sperare noveratis, nunc autem misericordiam consecuti estis.*

**D** Iterum subjungens ait: *Charissimi, obsecro vos tanquam advenas, et peregrinos abstinere vos a car-*  
*antem populus Dei.* Vel ut legitur Osee II, 24: *et dicam non populo meo: Populus meus es tu.*

(97) Versus qui assumuntur de Osee non sunt ii videlicet: *Vos estis genus electum, etc.*; sed inferioris expositi: *Qui aliquando non populus, nunc*

malibus desideriis, quæ militant adversus animam; conversationem vestram inter gentes habentes bonam, ut in eo, quod detractant, de vobis tanquam de malefactoribus, ex bonis operibus vos considerantes, glorificent Deum in die visitationis. Hucusque nimirum beatus Petrus generaliter instruxit Ecclesiam, explicans vel beneficia, quibus Deus nos ad salutem vocare, vel donâ, quibus aliquando Judæos, nunc autem nos, honorare dignatus est. Illic diversas fidelium personas solerter hortatur, ne carnaliter vivendo, se reddant indignos tantæ gratiæ Spiritus sancti, et ne degenerent a gloria nobilitatis sibi promissæ. Et primo liberos et servos, dehinc viros et mulieres, tandem seniores et adulescentes, qualiter se habere debeant, docet. Et apte liberos monet a carnalibus desideriis abstinere, quia solet libertas vitæ remissioris majora illecebrarum titillantium pati pericula. Dicatur ergo apertius: *Charissimi, obsecro vos tanquam advenas et peregrinos abstinere vos a carnalibus desideriis*. Quasi diceret: Quia jam estis misericordiam consecuti, eò minus animum terrenis rebus supponite, quo vos patriam in cœlis habere memineritis. Reprobi hic habent patriam, cujus desideriis inhiant, ideoque in perpetuum relegantur exilium, carentes voluptatibus. *Quæ militant, inquit, adversus animam*; quia dum concupiscentiis blandientibus caro enerviter subjugatur, jam vitiorum exercitus firmiter adversus animum armatur. *Conversationem vestram inter gentes habentem bonam, bene scilicet operando; ut in eo quod detractant de vobis tanquam de malefactoribus*, id est in eo quod putant vos stultos esse, quia deos eorum reliquistis, et propter peccata vestra in mundo vos colligitis. *Ex bonis operibus*, id est ex vestra casta conversatione vos, id est vestram dignitatem considerantes, glorificent Deum in die visitationis, in tempore scilicet retributionis. Ac si diceret: Quanta sit vobis gloria donanda per Deum, jam nunc cognoscunt increduli, cum vos instanter per omnia pericula illum sequi perspexerunt. *Vel in die visitationis*, quando scilicet visitabit illos Deus convertendo de malo ad bonum. Plurimumque contigit, ut pagani, qui vituperabant fidem Christianorum, postea considerantes bonam eorum conversationem, Christum laudare inciperent. Sequitur: *Subditi estote omni humanæ creaturæ propter Deum: sive regi, quæsi præcellenti; sive ducibus, tanquam ab eo missis ad vindictam malefactorum, laudem vero bonorum*. Quasi diceret: Ut conversatio vestra omnibus placeat, subditi estote omni humanæ creaturæ, fidelibus scilicet et incredulis, propter Deum, id est non resistatis alicui dignitati hominum, alicui principatui, cui vos Deus subdi voluit; quia *non est potestas nisi a Deo, et qui potestati resistit, Dei ordinationi resistit* (Rom. xii). Creaturam per partes exponit, cum ait: *Sive regi præcellentij*, ne vel in hoc fidei et religioni Christianæ possit detrahi, quod per eam turbentur jura conditionis. Subditi etiam

estote ducibus tanquam ab eo, id est a rege vel a D. o missis ad vindictam malefactorum, id est ad pœnam; et ad laudem bonorum, non quod semper ita sit, sed quæ esse debeat actio ducis, simpliciter narrat; qui etiamsi bonos damnat, non minus ad eorum laudem pertinet quod agit, si patienter ejus improbitatem ejus tolerant boni, et sapienter ejus astutiæ resistunt. Multoties Deus aliquem malum tyrannidem exercere permittit, ut et mali confundantur, et boni magis probentur. Iterum dicit: *Quia sic est voluntas Dei, ut beneficientes obmutescere faciatis imprudentiam hominum ignorantiam*. Ac si apertius diceret: Vere quidquid duces agant, boni laudem consequuntur, quia hoc vult Deus, qui etiam malis utitur in bonum; ut vos etiam utentes illis in bonum, sive boni, sive mali sint, faciatis obmutescere ignorantiam et imprudentiam eorum; ut illi videlicet duces ignorantes, quomodo eis in bonum utamini, et per eos laudem mereamini; non inveniant quid vituperent in vobis, dum etiam ipsos honoratis, et patimini, quamvis sint immundi et indigni. *Quasi liberi, inquit, et non quasi velamen habentes malitiæ libertatem, sed sicut servi Dei*. Ac si patenter dicat: Quo majori libertate apud homines utimini, eo liberius divino famulati sitis subjugati; et non habentes libertatem vestram in velamen malitiæ, id est libertas vestra non obnubilet corda vestra; ut tanto licentius peccetis, quanto minus jugo servitii deprimimini; et ne culpam vestram nomine libertatis prætexatis. Vult autem apostolus eos liberos esse a servitio culparum, ut permaneant servi Creatoris boni et fideles. Unde adjicit: *Sed sicut servi Dei*. Servitus Dei humilitatem requirit. Sequitur: *Omnes honorate: fraternitatem diligite*. Quasi diceret: *Quæ Cæsaris sunt, Cæsari reddite* (Matth. xii), et unumquemque pro modo suo honorate. *Fraternitatem diligite*, hoc est inter omnia fratres amate; etiam et illos, qui conditione temporali subjecti sunt vobis, sicut fratres in Christo diligite. Item dicit: *Deum time, regem honorificate*. Ac si diceret: *Deum time, ut in omni obsequio timor Dei præcedat; regem honorificate*, quasi præcellentem videlicet ampliori honore veneramini. Hucusque exhortatus est liberos ad subjectionem, nunc servis loquitur, ut et ipsi subjecti sint dominis, dicens: *Servi, subditi estote in omni timore dominis*, ut nec Deum offendatis, nec dominis obedire recusetis; *non tantum bonis*, fide scilicet, vita, moribus: *et modestis*, id est moderate imperantibus et condonantibus; *sed etiam dyscolis*, id est indisciplinatis. Schola Græce locus dicitur, in quo ad audiendos magistros liberalium artium conveniebant. Unde schola interpretatur *vacatio*, quia ibi vacabant studiis. Scholastici igitur sunt eruditi, dyscoli vero sunt indocti et agrestes. Ecce quomodo monebat supra, subdi omni humanæ creaturæ propter Deum. Si propter Deum scientem bonam intentionem aliquis patiens verbera a domino injuste,

cum ei bene serviat, sustinet, id est leves reputat tristitias, hæc est gratia, id est per hæc efficitur gratus Deo, et hoc exigit gratia fidei. Unde subjungens, ait: *Hæc est enim gratia, si propter conscientiam Dei sustinet quis tristitiam, patiens injuste.* Quasi diceret: Si injuste patimini, gratiam Dei acquiritis. *Quæ enim gratia est, si peccantes, colaphizati suffertis?* Ac si diceret: Si vos patienter suffertis pœnas illatas a dominis, vos dico peccantes, nolendo obedire eis; et colaphizati ab ipsis dominis, id est sæpe correcti ab illis, ut per colaphos ad obediendum induceremini, quæ gratia erit vobis inde? Nihil propter hoc accipietis a Deo. Sed si patienter bene facientes suffertis, id est quamvis bene feceritis, mala illata a dominis suffertis, hæc est gratia apud Deum.

Multum glorificat conditionem servorum, quos bene facientes, et absque culpa vapulatos a dominis crudelibus et improbis, affirmat esse imitatores Dominicæ passionis. Sequitur: *In hoc enim vocati estis: quia Christus passus est pro nobis, vobis relinquens exemplum, ut sequamini vestigia ejus; qui peccatum non fecit, nec inventus est dolus in ore ejus.* Quasi diceret: *In hoc vocati estis*, scilicet ut patiamini, et hoc exemplo Christi, quia Christus passus est pro nobis. Gaudes et in hoc, quia Christus pro te mortuus est; attende quod sequitur: *Vobis relinquens exemplum*, tribulationum videlicet, contumeliarum, flagellorum, crucis, mortis; ut sequamini vestigia ejus, *qui peccatum non fecit*, licet pateretur, *nec inventus est dolus in ore ejus*, a Judæis scilicet et Phariseis observantibus eum, quia nec in verbo peccavit. *Qui cum malediceretur*, quasi seductor, et dæmoniacus, non *maledicebat*, id est non improperebat illis mala quæ vere in ipsis erant. *Cum pateretur*, a Judæis scilicet, non comminabatur illis. *Tradebat autem judicanti se injuste: qui peccata nostra ipse pertulit in corpore suo super lignum: ut peccatis mortui, justitiæ vivamus; cujus livore sanati estis.* *Tradebat se judicanti injuste*, illis videlicet judicantibus secundum injustam sententiam, utpote justissimus existens; sive tradebat Deo Patri injuste judicantes, id est eos qui eum nequissime condemnabant, et neci ejus insistebant, ut supplicia sumentes erudirentur. *Peccata nostra ipse pertulit in corpore suo super lignum*, id est pœnam pro peccatis omnium communiter debitam super lignum posito ut *peccatis mortui*, sicut ipse mortuus est corporaliter; *justitiæ vivamus* sicut ipse vivit nova vita; *cujus livore sanati estis*, sola scilicet dilectione, vel carne ejus facta livida in passione. Cum supra spiritualiter servos, nunc totam Ecclesiam instruit, ut etiam dominis in memoriam revocet, quid pro eorum liberatione suus actor pertulerit. Sequitur: *Eratis enim sicut oves errantes, sed (98) conversi estis nunc ad pastorem et episcopum animarum vestrarum.* Tangit evangelicam parabolam, ubi pius

A pastor, relictis nonaginta novem ovibus in deserto, venit visitare unam quæ erraverat (*Math. xviii*). Dicitur itaque apertius: *Eratis sicut oves errantes, sine pastore per vitia, dilacerati spinis vitiorum; sed conversi estis nunc ad pastorem*: in passionem videlicet Christi, corpore et anima reversi estis ad eum, qui vos pascit verbo veritatis; et episcopum vel visitatorem animarum vestrarum quod idem est. (99) Episcopatus autem vocabulum, ut ait beatus Isidorus, inde sumptum est, quod ille qui superreficitur, superintendat, curam scilicet subditorum gerens, *ἐπισκοπῆς* enim Græce, Latine *intendere* dicitur. Episcopi vero Græce, Latine *speculatores* interpretantur; nam speculator est præpositus in Ecclesia, dictus, eo quod speculetur, atque prospiciat populorum infra se positorem mores et vitam.

B Rectissime ergo Jesus Christus dicitur episcopus, id est superintendens: quia, *Oculi Domini super justos, et aures ejus in preces eorum* (*Psal. xxxiii*). Cassiodorus: Hic agit Propheta de retributionibus bonorum et malorum, ne in passionibus vel periculis justus aliqua dubietate mollescat. Quasi diceret: *Diverte a malo, inquire pacem, et ne ex infirmitate tua diffidas; quia oculi Domini*, id est respectus misericordiæ Dei *super justos*; etsi, ut medicus, secat et urit, per quod videtur non exaudire, hoc facit ut sanet, et parcat in sempiternum. *Et aures ejus sunt in preces eorum*, ut det quod petunt, scilicet gratiam pro gratia. Et nota quod non ait, *ad preces*, sed *in preces eorum*; in quo notatur celeritas audiendi. Augustinus: Forte dicit malus: *Secure facio male, quia non sunt super me oculi Domini.* Ad justos Deus attendit, et me non videt. Ideo subjicit dicens: *Vultus autem Domini super facientes mala: ut perdat de terra memoriam eorum.* Quasi diceret: *Justos respicit Deus: sed ne malus putet se nesciri; quia vultus Domini, id est cognitio Dei super facientes mala.* Non tamen eos respicit misericorditer, videlicet ut exaudiat, sed cognoscit ut puniat. Unde subdit: *Ut perdat de terra memoriam eorum*, videlicet ut nec mentio, id est intercessio fiat pro eis inter bonos, quia placet eis justitia Dei. Unde in Evangelio ait Abraham ad divitem: *Chaos magnum firmatum est inter nos et vos* (*Luc. xvi*): ut boni videlicet non possint condescendere ad eos compassione aliqua, propter confusionem peccatorum quæ admiserint. Et vere oculi Domini super justos; quia justus, sicut Abraham, Isaac, Jacob, Moyses, Aaron, Josue, Samuel, David, et cæteri, clamaverunt ad Dominum, et ipse exaudivit eos, et ex omnibus tribulationibus eorum liberavit eos. Unde etiam Zacharias propheta ait: *Visitavit nos Oriens ex alto* (*Luc. i*).

Iterum beatus Petrus subjungens, dicit: *Similiter et mulieres subditæ sint viris suis: ut et si qui non credunt verbo, per mulierum conversationem sine verbo lucrifiant, considerantes in timore sanctam con-*

(98) Al ms. *vidiose nisi*.(99) L. b. vii *Etymo'og.*, c. 12.

versationem vestram. Quarum sit non exterius capitatura, aut circumdatio auri, aut indumenti vestimentorum cultus : sed qui absconditus est homo cordis, in incorruptibilitate quieti, et modesti spiritus, qui est in conspectu Dei locuples. Videtur, quod mulieres eorum, qui in tribulatione erant, contemnebant viros ; et, ut aliis placerent, ornabant se pulchre, et hoc fieri prohibet. Ita bonas mulieres vult viris incredulis subdi, ut non solum nihil mali ad imperium eorum faciant, sed etiam in tam sancta conversatione persistent insuperabiles, ut ipsis etiam viris exemplum sint charitatis et fidei. Ac si aperte dicat : Sicut servi debent esse subditi dominis propter Deum, similiter et mulieres patientes cum sponis, et etiam ipsis sponis subditæ sint : non adulteris, sed viris suis ; ut, si qui mariti non credunt verbo Evangelii, per mulierum conversationem bene se habentium, et humiliter omnia patientium, sine verbo prædicationis lucrifiant, id est convertantur ad fidem ; considerantes tantummodo in timore sanctam conversationem vestram, habitam etiam timore Dei conservato ; quarum cultus sit non capillatura, aut aurum circumdans ; aut non sit cultus vestimentorum indumenti, non sint festiva indumenta, quibus induantur ; sed sit vobis ornatus, homo cordis interior soli Deo notus in incorruptibilitate spiritus. Spiritus dico quieti ab impugnatione vitiorum ; et modesti, ne superbiat : *Qui est in conspectu Dei locuples* ; quia talis spiritus, etsi hominibus non patet, tamen in conspectu Dei est dives. Sicut Cyprianus ait : Serico et purpura mulieres indutæ, Christum induere non possunt. Auro, margaritis, et monilibus adornatæ, ornamenta cordis et pectoris perdidit. Quod si Petrus mulieres quoque admonet coercendas, et ad ecclesiasticam disciplinam religiosam observatione moderandas, quæ excusare cultus suos possunt per maritum ; quanto id magis observare virginem fas est, cui nulla ornatus sui competat venia, nec derivari in alterum possit mendacium culpæ, sed sola ipsa remaneat in crimine ? Igitur quoniam exterior homo vester corruptus est, et beatitudinem integritatis, quæ proprie virginum est, habere destitistis ; imitamini incorruptionem spiritus per abstinentiam, et quod corpore non potestis, mente perstate. Has enim

Christus divitias, et hos vestræ conjunctionis querit ornatus. Apud Pythagoram, naturali scientiæ lege dictante, eadem sententia invenitur : Vera ornamenta matronarum pudicitiam, non vestes esse. Sequitur : *Sic enim et sanctæ mulieres, sperantes in Deo, ornabant se, subjectæ propriis viris : sicut Sara obediebat Abraham, dominum eum vocans : cuius estis filia benefacientes, et non pertimescentes ullam perturbationem.* Quasi diceret : Sic aliquando et sanctæ mulieres, incorruptione spiritus, sperantes in Deo, etiam ante tempus gratiæ, ornabant se subjectæ propriis viris, non in ornatu vestium, sed in spirituali ; sicut Sara obediebat Abraham, etiam in his quæ gravia videbantur, dominum eum vocans ex

A reverentia (*Gen. xviii*) : *Cujus estis filia benefacientes, honorando videlicet maritos ; et non pertimescentes ullam perturbationem : etiam, si aliquid mali infertur maritis, vos non inde turlemini. Viri similiter cohabitantes secundum scientiam, quasi infirmiori vasculo muliebri impertientes honorem, tanquam et cohereditibus gratiæ, et vitæ ; ut non impediantur orationes vestræ.* Si abstinemus a coitu, honorem tribuimus ; si non abstinemus, perspicuum est, honori contrarium esse concubium. Quasi diceret : Ideo ita modeste vos habete cum uxoribus, ut non impediantur orationes vestræ ; si enim discordes fueritis, orationes vestræ Deo non placebunt. Aliter : *Ut non impediantur orationes vestræ.*

B Impediri orationes officio conjugali commemorat, quia quotiescunque uxori debitum redditur, oratio impeditur. Quod si juxta Apostoli sermonem *sine intermissione orandum est* (*1 Thess. v*), nunquam conjugio mihi serviendum est, ne ab oratione, cui semper insistere jubeor, ulla hora impediar. Dicit ergo beatus Petrus : Sicut præ. epi uxoribus, ut per sanctam conversationem suam lucrificarent maritos, et servirent illis ; similiter præcipio vobis, o viri, ut per vestram conversationem lucrifiant mulieres. Et custodite illas ; vos, dico, cum illis, reddendo debitum, cohabitantes ; et hoc secundum scientiam, non in passionibus desiderii ; sed sicut intelligitis Deum velle, scilicet ut generetis filios in cultum unius Dei, impertientes videlicet honorem vasculo muliebri quasi infirmiori. In vestibus et aliis necessitatibus eis providete ; etiam aliquando, si illis placet, a coitu cessate. Impendite illis honorem, quia infirmiores sunt ; impendite etiam tanquam cohereditibus gratiæ in præsentia datæ a Deo, et vitæ dandæ in futuro, vel vitæ per gratiam dandæ. Ac si patenter loqueretur, dicens : Diversas personas, diversas conditiones, diversos sexus docui, jam nunc omnes communiter admono, ut in causa Dominicæ fidei unum cor, et unam animam habeatis. Unde et subjungit, dicens : *In fide autem omnes unanimes in oratione estote, compatientes, fraternitatis amatores, misericordes, modesti, humiles.* Quasi diceret : *In fide unanimes in oratione estote*, videlicet ut nec cogitatione desperetis, ne scilicet fraternitatem destruat, et per hoc liberius a fide recedatis ; *miseriordes*, condonando peccata, et eleemosynas faciendo ; *modesti*, omnia scilicet cum modo facientes ; *humiles* ne de his superbiatis.

Sequitur : *Non reddentes malum pro malo, nec maledictum pro maledicto, sed e contrario benedicientes, quia in hoc vocati estis, ut benedictionem hereditate possideatis.* Ac si apertius diceretur : *Non reddentes malum pro malo*, quid videlicet secundum justitiam sæculi in actu videretur fieri posse iuste. *Nec maledictum pro maledicto*, in verbis ; sed *e contrario benedicientes*, id est non solum cessetis reddere maledictum, sed etiam pro maledicto date benedictionem ; *quia in hoc vocati estis ; ut benedictionem hereditate possideatis*, dicente ju-

dico : *Venite, benedicti Patris mei, percipite regnum, quod vobis paratum est ab origine mundi (Matth. xxv).* Vel benedictionem, qua sancti in futura vita Deum benedicent. Quod ergo quisque in futuro desiderat invenire, hoc in præsenti meditari et agere satagat, conditorem et fratrem benedicat, seque dignum divina et fraterna benedictione reddat. Iterum dicit: *Qui enim vult vitam diligere, et videre dies bonos, coerceat linguam suam a malo, et labia ejus, ne loquantur dolum.* Quasi diceret : *Qui vult vitam diligere*, id est qui vult ostendere dilectionem se habere ; *et videre dies bonos*, cum in hoc sæculo dies mali sint, *coerceat linguam suam*, interius a malo ne murmuret, et labia ejus exterius ne loquantur dolum, ne scilicet aliquid proferant dolosum. *Declinet autem a malo, et faciat bonum, inquirat pacem, et sequatur eam.* Ac si dicat : Si etiam exterius occasio datur ut peccet, declinet tamen a malo, et faciat bonum, *inquirat pacem*, ut rem absconditam cum Deo et fratre suo, *et sequatur eam*, ut rem fugitivam. *Quia oculi Domini super justos, et aures ejus in preces eorum : Vultus autem Domini super facientes mala*, iudicium videlicet, vel manifestatio, vel primo loco, vel reddendo illis mala. Quia prohibuerat malum pro malo reddere, sed potius maledicentibus benedicere jusserat, recte prophætico astruit testimonio, superna inspectione et malos semper et bonos videri, ut meminerimus et nostram patientiam, qua patimur malos, et nostram benevolentiam, qua persequentibus bona optamus, æterno præmio remunerandam, et persecutores digno plectendo supplicio. Si vero pœnituerint, nos quoque pro ipsorum salute quam precamur, coronam accepturos.

Sequitur : *Et quis est qui vobis nocent, si non imitatores fueritis?* Ac si diceret : Ideo debetis declinare a malo, et facere bonum, quia nemo potest vos retrahere a bono ; nec a corona, si persistere volueritis, imo prosunt, dum nocere cupiunt. *Sed et si quid patimini propter justitiam, beati eritis*, id est, non solum nocet, quod a malis irrogatur, sed etiam prodest, quia patientiam exercet. Si verba contumeliosa, si rerum damna, si tormenta inferunt, non nocent, sed patientiam vestram exercent. Si quis autem victus his deficit, non ille qui malum intulit, sed ipse qui malum non pertulit, nocuit. Tentatur omnis domus, et ea videlicet quæ supra petram, et ea quæ super arenam fundatur, sed uni firmitas fundamenti coronam perseverantiæ tribuit, alteram vero fragilis structura stravit. Iterum subjungit dicens : *Timorem autem eorum ne timueritis, et non conturbemini.* Quasi diceret : In futuro eritis beati, in præsenti autem ne timorem eorum timueritis, id est illa quæ in eis possunt videri timenda, ut regia potestas, et hujusmodi. Non ergo eos timueritis : *Et non conturbemini, recedendo videlicet a fide et dilectione Dei. Dominum autem Christum sanctificate in cordibus vestris.* Ac si diceret :

A Sanctitatem Christi, quam sit incomprehensibilis, intimo cordis affectu intuemini, et sic ipsum Christum sancite in vobis, ut non a memoria, non ab amore recedat. Qui hanc sanctitatem non considerat, deficit ad hostis insidias. Sequitur : *Parati semper ad satisfactionem omni poscenti vos rationem de ea, quæ in vobis est, spe.* Duobus modis de spæ nostra et fide rationem reddere debemus, ut quærentibus fideliter vel infideliter, rectas causas spæ et fidei intinemus, et ipsam fidem et spem inter pressuras illibatam teneamus, ostendentes per patientiam, quam rationabiliter eam conservandam didicimus, pro ejus amore, nec adversa pati, nec mortem subire formidamus. Parati ergo semper ad satisfactionem omni nos poscenti rationem esse debemus, id est volenti mutuo percipere rationabilem pecuniam, non negemus. Unde Paulus : *In sapientia ambulate propter eos qui foris sunt : scientes quomodo oporteat singulis respondere (Coloss. 19).* Foris enim existentes, id est nondum fideles, volunt aliquid cognoscere de spe, quæ in vobis est. Qui ergo ecclesiastico utitur magisterio, doceat patientes, obstruat resultantibus. Iterum dicit : *Cum modestia et timore, conscientiam habentes bonam, ut in eo quod detrahunt de vobis, confundantur, qui calumniantur vestram in Christo bonam conversationem.* In ipsa doctrinæ scientia qualitatem docendi monet observari, ut humilitas et loquendo et vivendo monstratur. Quasi diceret : *Cum modestia et timore rationem poscentibus reddite*, id est non tantum doctrinam, sed etiam in doctrina modestiam habete, quæ est mater omnium virtutum. Vel secundum modestiam et timorem, ut quod exterius ostenditis, interius habeatis ; ut, qui fidem et spem cœlestium, quam videre non possunt, in vobis irident, per vestra bona opera confundantur, quæ bona esse negare non possunt. Vel curate beneficientes, ut qui vestræ bonæ conversationis detrahunt, veniente retributionis tempore, confundantur, videntes vos cum Christo coronari, secum vero diabolum damari. Quasi de hoc confundantur, quod calumniantur.

Sequitur : *Melius est enim beneficientes (si velit voluntas Dei) pati, quam malefacientes, quia et Christus semel pro peccatis nostris mortuus est, justus pro injustis, ut nos offerret Deo, mortificatos quidem carne, vivificatos autem spiritu.* Hic illos arguit, qui cum pro culpâ arguuntur a fratribus, vel etiam pœnis coercentur, patienter tolerant. Sed si absque culpa aliquid eis a fratribus inferitur, mox corruunt in iracundiam, et qui hactenus ridebantur innoxii, per impatientiam et murmurationem reddunt se noxios. Utilius fuit Tobiam percuti cœcitate sine culpa, ut ejus probaretur patientia (Tob. 11), quam Elymas (100) magus, qui pro perfidia percussus, a creditorum societate removeretur, et æternæ ultioni præparatur (Act. xiii). *Melius est, inquit, benefa-*

(100) Ms. *Ermias*, 415.

*eientes (ut vellet voluntas Dei) pati, quam malefacientes.* Ac si diceret : Ita debetis calumniatores pati et confundere, quia tutius est vobis pati pro benefactis, quam pro malefactis, ita dico, si vellet voluntas Dei, quæ majorem præparat retributionem. *Nam et Christus semel pro peccatis nostris mortuus est.* Sic et nos semel morimur, id est temporali morte, pro qua reddetur merces æterna. Qui ergo iustus patitur, Christum imitatur, qui flagellis corripitur, latroni assimilatur, qui cum Christo in cruce cognito paradysum intravit (*Luc. xxiii*). Qui nec flagellis corrigitur, sinistrum latronem imitatur, qui propter peccata ascendit in crucem, et post crucem ruit in tartarum. *Iustus inquit, pro injustis mortuus est, ut nos offerret Deo, mortificatus quidem carne, vivificatus autem spiritu.* Offert nos Christus Patri, et vitam nostram laudabilem in conspectu Patris ostendit, cum per mortificationem carnis pro illo gaudemus immolari. Vel offert nos Deo, cum absolutus carne in æternum regnum nos introducit. Sequitur :

*In quo, et his qui in carcere erant, spiritu veniens prædicavit, qui increduli fuerant aliquando, quando expectabant Dei patientiam in diebus Noe, cum fabricaretur arca : in qua pauci, id est octo animæ salvæ factæ sunt per aquam.* Qui habent sensum obscuratum tenebris, merito etiam in hac vita dicuntur carcere inclusi, et in hoc interiori carcere mentis, operibus injustis gravantur, donec carne soluti, in exteriores tenebras projiciantur æternæ damnationis. Habent et justi hic carcerem, sed tribulationum, reprobi vero vitiorum. Ait enim : *In quo et his qui in carcere erant, spiritu veniens prædicavit.* Quasi diceret : Ille, qui nostris temporibus carne veniens, tunc vitam mundo prædicavit, ipse etiam ante diluvium eis, qui tunc increduli erant, et carnaliter vixerant, spiritu veniens prædicavit, quia per Spiritum sanctum erat in Noe, et in aliis bonis hominibus, per quorum bonam conversationem aliis malis prædicabat, ut converterentur ad bonum. Dicatur iterum apertius : *In quo, id est in quo spiritu, et his qui in carcere, tenebrarum videlicet, et infidelitatis, vel (1) carne, id est in carnalibus desideriis erant, veniens prædicavit, ideo scilicet ut illos Deo offerret, quia tunc si qui ad prædicationem Domini, quam per vitam fidelium prætendebat, credere voluissent, et ipsos offerre gaudebat Deo patri, si qui autem detrahebant de bonis quasi de malefactoribus, imminente diluvio confundebantur. Qui increduli fuerant aliquando, id est qui non crediderant Deo per Noe comminanti, quando expectabant Dei patientiam, cum videlicet patientia Dei invitaret illos ad pœnitentiam, parcens illis per centum annos, quibus Noe construebat arcam, per quam ostendebatur, quid futurum esset mundo, ipsi non utebantur patientia Dei ad*

(1) Ita legit Beda et alii nonnulli, ut videre est apud Sabbatier, quapropter errat manifeste alter ms. et glossa interlinealis, dum hic corrigunt, vel carcere. Nec enim satis congrua erit expositio, in

pœnitentiam, sed expectabant eam, quasi semper duraturam, in qua arca pauci, qui Deo crediderant, id est, octo animæ, quæ spem octavæ diei habebant, salvæ factæ sunt per aquam. Sicut arca fabricata est de lignis levigatis, sic Ecclesia de collectione fidelium animarum : et sicut pereunte mundo pauci salvantur per aquam, sic ad comparationem pereuntium parvus est electorum numerus, quia, *Angusta est via quæ ducit ad vitam, et pauci sunt qui inveniunt eam (Matth. vii).* Quod aqua diluvii nullos salvavit extra arcam positos, sed occidit, significat, omnem hæreticum, licet habentem baptismi sacramentum, non aliis, sed ipsis aquis ad inferna mergendum, quibus arca sublevatur ad cælum. Sequitur : *Quod et nunc similis formæ salvos facit baptismus, non carnis depositio sordium, sed conscientiæ bonæ interrogatio, in Deum per resurrectionem Domini nostri Jesu Christi, qui est in dextera Dei deglutiens mortem, ut vitæ æternæ hæredes efficeremur : profectus in cælum subjectis angelis sibi, et potestatibus, et virtutibus.* Per illos, qui in diluvio submersi sunt, significatur mortificatio carnis, per illos vero, qui salvati sunt, signatur vivificatio spiritus. Noe, qui interpretatur requies, significat Christum, qui dat suis fidelibus requiem animarum. Dicatur itaque apertius : *Quod et nunc similis formæ salvos facit baptismus : videlicet quod etiam nunc facit baptismus, scilicet facit salvos, baptismus dico similis formæ, id est per omnia assimilatum illi arcæ ; quia quicquid ibi carnaliter, hic geritur spiritualiter. Non carnis depositio sordium, id est non dico illud baptismus salvare, ubi tantum est depositio carnis sordium, id est tantum abluitur caro exterius, quod et hæretici habuerunt, sed ubi est interrogatio puræ conscientiæ, id est ubi interrogatur et exigitur ad baptismus bona conscientia baptizandi, quia tale baptismus salvat, illud aliud occidit. Interrogatio facta et tendens in Deum, ut per bonam conscientiam unum efficiatur in Deo. Bonæ conscientiæ interrogatio in Deum, id est non sufficit baptizando habere bonam conscientiam, nisi ad interrogationem Ecclesiæ suam fidem ostendat, et hoc per resurrectionem Domini nostri Jesu Christi ; ut sicut Christus resurrexit a mortuis per gloriam Patris, ita purgati a vitiis per aquam regenerationis, in novitate vitæ ambulemus (Rom. vi).* Quod etiam significabant octo animæ in arca salvatæ. Per eum, inquit, qui est in dextera Dei deglutiens mortem. Quod deglutimus, agimus, ut in nostri corporis interiora assumptum, nusquam appareat. Sic Dominus mortem funditus consumpsit, ut nihil contra se valeret ; et manente specie veri corporis, abesset labes prisce fragilitatis, quod et nobis promittitur. Unde subdidit : *Ut et nos vitæ æternæ hæredes efficeremur. Profectus, inquit, in cælum subjectis ange-*

*carnalibus desideriis, si demas lectionem, vel carne.* Nihilominus et hanc et superiorem alteram, spiritu, pro, spiritibus, in mendo cubare constat, inquit Calmet in hunc locum.

lis sibi, et potestatibus, et virtutibus. Angelus primus, potestates secundus, virtutes tertius ordo est. Semper angelos subjectos fuisse Filio Dei, non dubitamus; sed hic ideo subjectiois meminit, ut assumptam humanitatem ita in resurrectione sublimatam monstraret, quod enim angelicæ dignitatis potentia præferatur. Unde est illud: *Omnia subjecti sub pedibus ejus, oves et boves universas; insuper et pecora campi* (Psal. viii).

Augustinus: Ac si Propheta Deo Patri diceret: Omnia sub pedibus Jesu Christi Filii tui subjecti, oves scilicet, id est innocentes, tam homines quam angelos; et boves, scilicet arantes et triturantes, qui in vinea Domini vomere spirituali rura criminis conscindunt; boves dico universas. Femineo genere utitur, ut notet fructificantes, qui semine verbi Dei hominum corda fructificare faciunt, et illi sunt homines et angeli. Sequitur: *Insuper et pecora campi*. Quasi diceret: Non tantum bonos subjecti ei, sed insuper et pecora campi. Per hoc quod dicit, *insuper*, distinguit hoc a prædictis sanctis; hæc enim sunt acina, sicut prædicti sunt vinum. Maslos etiam Christo subjectos vocat, quod minus videtur, quod significat cum ait, *et pecora campi*, id est carnales in amplitudine voluptatum, tanquam in latitudine camporum, non in montibus habitantes virtutum. Pecora ergo campi sunt homines, qui in carne vivunt; ubi nihil laboriosum, nihil arduum ascenditur, sed lata via est cui hærent, quæ ducit ad mortem (Matth. vii). Uude et Abel a fratre occiditur in campo (Gen. iv). Iterum subjungens, ait: Subjecti ei et *volucres cæli* (Psal. viii), id est, superbos. Bene [per] volucres cæli significantur superbi, de quibus dicitur: *Posuerunt in cælum os suum* (Psal. lxxii). Quorum caput dicit: *Ascendam in cælum, et exaltabo solium meum* (Isai xiv), etc. Sequitur: *Et pisces maris*, id est curiosos: *qui perambulant semitas maris*, id est qui in profundo seculi hujus temporalia, quæ, quasi semitæ in mari, cito evanescent, pertinaci studio inquirunt. Unde recte non ait, *ambulant*, sed, *perambulant*; per hoc ostendens pertinacissimum studium inania et præterfluentia requirentium. Hæc autem tria genera vitiorum, id est voluptas carnis, curiositas, et superbia includunt omnia vitia, quæ, sicut beatus Joannes ait, sunt *concupiscentia carnis, ambitio sæculi, id est, superbia, et concupiscentia oculorum* (I Joan. ii). Per oculos namque curiositas maxime prævalet. De his tribus tentatus fuit Salvator, et vicit, quibus primus homo victus succubuit. Omnia ergo, ut supradictum est, quæ in cælis, in terris, et in mari sunt creata, sub pedibus Jesu Christi Dei et hominis sunt Filii subjecta, qui non propter sua, sed propter totius humani generis peccata dignatus est pati; et sicut Christus resurgens ascendit in cælum, (2) sedet ad dexteram Dei Patris; sic

A etiam per baptismum nobis viam salutis et regni cælestis introitum patriæ aperuit.

Postquam exemplum Dominicæ resurrectionis, et nostræ ablutionis de arcæ et diluvii sacramento beatus Petrus astruxit, reddit ad hoc quod cœperat, ut imitantes Salvatorem, inter bona, quæ agimus, patienter malorum nequitiam toleremus, dicens:

*Christo igitur passo in carne, et vos eadem cogitatione armamini: quia qui passus est in carne, desit a peccatis: ut jam non hominum desideris, sed voluntati Dei, quod reliquum est in carne vivat temporis.* Quisquis justorum corpus martyrio subjicit, nihil in mundo habens ubi peccet, hoc tantum desiderare cogitur, ut finito certamine percipiat coronam vitæ. Talium mentem semper cupit Petrus imitari; cum proposito Dominicæ passionis exemplo, nos eadem cogitatione contra nequitiam pravorum, contra oblectamenta vitiorum præcipit armari; volens intelligi, quod etiam nos in pace Ecclesiæ quiescentes, si habitum patientis induimus, facile, juvante Domino, lapsus peccatorum vitamus. Dicit ergo apertius princeps apostolorum Petrus: *Christo passo in carne, non in deitate, et vos eadem cogitatione armamini, id est sicut ipsa sponte, et nos sponte; sicut ipse toleravit omnia, et nos toleremus; et inde evenit utilitas, quia qui passus est in carne, desit a peccatis; quia qui timore cælestium judiciorum carnales in mente concupiscentias extinguit, jam, similis Christo crucifixo, quasi mortuus existens peccatis, Dei tantum servitio vivit: ut jam non hominum desideris, sed voluntati Dei confirmando se in bonis operibus, quod reliquum est, in carne vivat temporis.* Dignum quippe est, ut se quisque fidelis propter æternam remunerationem, ad tolerandas tentationes et passionis corporis viriliter accingat, et sui Redemptoris imitator existat, qui suis discipulis, imo omnibus in se credentibus dicebat: *Qui vult venire post me, abneget semetipsum, et tollat crucem suam et sequatur me* (Matth. xvi). Nam et ad corroborandam inter hujus sæculi adversa mentem, verba beati Job ad memoriam reducat, qui inter flagella positus, dicebat:

*Sicut cervus desiderat umbram, et sicut mercenarius præstolatur finem operis sui: sic et ego habui menses vacuos, et noctes laboriosas enumeravi mihi* (Job vii). Gregorius (3): Umbram quippe cervus desiderare est, post tentationis æstum sudoremque operis æterni refrigerii requiem quærere. Hanc namque umbram cervus ille desiderabat, qui dicebat: *Sitivit anima mea ad Deum vivum; quando veniam et apparebo ante faciem Domini* (Psal. xli). Augustinus: Illic determinat desiderium suum, quia poterat cervus desiderare (4) fontem intelligi causa bibendi, vel lavandi, et ostendit quia maxime causa bibendi, fontem desiderat. Quasi dicat: *Desiderat*

(2) Supp. ex Glossa, et.

(3) Lib. viii Mor., cap. 4.

(4) Ms. mendose desiderate.

anima mea ad te. Cassiodorus : Sitivit inquam et olim, non modo primum anima mea ad Deum fontem, vel fontem, id est Christum, qui est fons aquarum irriguus, unde omnia bona fluunt ; vivit (5), non ad mortua simulacra gentium. Et quid sitivit ? Venire scilicet et apparere ante faciem Dei, et hoc est : quando veniam. Quasi diceret : Cupio dissolvi, quia sitio in peregrinatione, sitio in cursu ; satiabor in adventu, sed quando veniam ! Hoc ideo ait, quia quod citius est Deo, tarde est desiderio. *Et apparebo*, inquit, quia et nos tunc apparebimus, qui modo latemus, ante faciem Dei, quia tunc videlicet cum sicuti est (I Joan. III). Dicat ergo David propheta : *Quando veniam et apparebo ante faciem Dei ?* Qui quasi a labore agri æstum fugiens, atque ad obtinendam refrigerii requiem tegmen quærens, iterum dicit :

*Ingrediar in locum tabernaculi admirabilis, usque ad domum Dei (Psal. IV). Augustinus : Tabernaculum in terra fideles sunt, in quibus iste jam miratur, scilicet, quod in corpore non regnat peccatum, sed est arma justitiæ, et quod anima obedit Deo, et tolerat aspera, et tendit in altum, et hujusmodi. Transit etiam hæc, et pervenit mente usque ad domum Dei cœlestem, et stupet : et hoc est, ideo effudi animam meam, quoniam hoc modo transibo, vel ingrediar in locum tabernaculi admirabilis, id est in præsentem Ecclesiam, quæ est quædam imago et species futuræ Jerusalem ; quæ dum videtur, amplius illa desideratur, et in ista amplius gemit. Ideo dicit, ingrediar in locum tabernaculi, quia extra locum tabernaculi hujus aliquis quærens Deum, errat. Ego dico perveniens mente usque ad domum Dei, non captus desiderii sæculi. Quomodo ad secretum domus pervenis ? In voce, videlicet, exultationis, et confessionis sonus epulantis. De æterna enim festivitate sonat nescio quid canorum et dulce cordi ejus, unde rapitur sicut cervus ad fontes aquarum, et mulcetur. Sequitur : *Et confessionis*, id est laudis æternæ, quæ ab angelis Deo decantatur, unde sonat ei mira suavitas. Dicat ergo beatus Job :*

*Sicut cervus desiderat umbram, et sicut mercenarius præstolatur finem operis sui, etc. (6)* Hanc umbram comprehendere Paulus anhelabat, desiderium habens dissolvi, et esse cum Christo (Philip. I). Ad hanc umbram ex desiderii jam perfectione pervenerant qui dicebant : *Nos portavimus pondus diei, et æstus (Math. XX)*. Bene autem qui desiderare umbram dicitur, cervus vocatur ; quia electus quisque, quousque infirmitatis conditione constringitur, sub dominantis jugo corruptionis, quasi sub æstus anxietate retinetur. Qui nimirum cum corruptione exutus fuerit, tunc sibimetipsi liber et tranquillus innotescit. Unde etiam recte per Paulum dicitur : *Ipsa creatura liberabitur a servitute corruptionis in libertate gloriæ filiorum Dei (Rom. VIII)*. Electos

(5) Fort. *vivum*, ut substantivo *fontem* concordet.  
(6) Greg. ubi supra.

A enim nunc pœna corruptionis deprimit, tunc autem gloria exaltabit ; et quanto ad præsentis necessitatis pondera nunc in Dei filiis de libertate nihil ostenditur, tanto vero ad subsequentis libertatis gloriam tunc in Dei famulis de servitute nihil apparebit. Creatura ergo servitute corruptionis exuta, et libertate dignitatis accepta, in filiorum Dei gloriam vertitur ; quia unita Deo per spiritum, quasi hoc ipsum quod creatura est, transisse ac subegisse declaratur. Sed quia adhuc umbram desiderat, cervus est ; quia quousque æstum tentationum et passionum tolerat, jugum miseræ conditionis portat. Ubi aptesubditur : *Et sicut mercenarius præstolatur finem operis sui. (7)* Mercenarius etenim cum faciendo opera conspicit, mentem protinus ex longinquitate et pondere laboris abducit. Cum vero lassescentem animum ad desiderandum operis præmium revocat, vigorem mox animæ ad exercitium laboris reformat, et quod grave perpendit ex opere leve æstimat ex remuneratione. Sic electi quique, cum mundi hujus adversa patiuntur, cum honestatis contumelias, rerum damna, cruciatus corporis tolerant, esse gravia, quibus exercentur, pensant, sed cum mentis oculum ad æternæ patriæ considerationem tendunt, ex consideratione præmii, quam sit leve quod patiuntur inveniunt. Quod enim valde esse importabile ex dolore ostenditur, consideratione provida ex remuneratione levigatur. Hinc est quod Paulus semper semetipso robustior contra adversa erigitur, quia nimirum finem sui operis sicut mercenarius præstolatur.

C Grave namque quod sustinet æstimat, sed leve quippe hoc per præmii considerationem pensat. Ipse quippe quam sit grave quod patitur, indicat, qui in carceribus abundantius, in plagis supra modum, in mortibus frequenter se fuisse testatur ; qui a Judæis quinquies quadragenas unam minus accepit ; qui ter virgis cæsus, semel lapidatus est, ter naufragium passus, nocte et die in profundum maris fuit (II Cor. II). Qui pericula fluminum, latronum, ex genere, ex gentibus, ex civitate, in solitudine, in mari, in falsis fratribus pertulit ; qui in labore et ærunna, in jejuniis multis, in fame et siti, in vigiliis multis, in frigore et nuditate laboravit : qui foris pugnas, intus timores sustinuit (II Cor. VII) : qui ultra vires gravatum se asserit, dicens : *Supra modum gravati sumus, ita ut tæderet nos vivere (II Cor. I)*. Sed quomodo remunerationis linteo sudorem tanti laboris tergat, ipse denuntiat, dicens : *Non sunt condignæ passiones hujus temporis ad futuram gloriam, quæ revelabitur in nobis (Rom. VIII)*. Finem itaque operis quasi mercenarius præstolatur, qui dum profectum remunerationis considerat, vile æstimat, quod pene deficiens laborat. Apte itaque subditur : *Sic et ego habui menses vacuos, et noctes laboriosas enumeravi mihi* Electi quippe Conditori rerum serviunt, et

(7) Greg., cap. 5.



sæpe rerum inopia coangustantur. Per amorem Deo inhærent, et tamen subsidio vitæ præsentis egent. Qui igitur per actiones suas præsentia non quærunt, a mundi compendiis vacuos menses ducunt. Noctes quoque laboriosas tolerant, quia adversitatum tenebras non solum usque ad inopiam, sed sæpe usque ad corporis cruciatum portant. Despectum namque egestatemque perpeti, laboriosum bonis mentibus non est; sed cum usque ad afflictionem carnis adversitas vertitur, labor procul dubio ex dolore sentitur. Potest etiam non inconvenienter intelligi, quod sanctus quisque menses vacuos sicut mercenarius ducit, quia laborem jam sustinet, sed præmium necdum tenet; hoc tolerat, illud exspectat. Noctes laboriosas enumerat, quia adversitates sibi præsentis temporis sese in virtutibus exercendo coacervat. Nam si proficere in mente non appetit, minus fortasse aspera, quæ mundi sunt, sentit. Quæ enim sententia, si ad vocem sanctæ Ecclesiæ ducitur, intellectus ejus paulo subtilius indagatur. Ipsa quippe menses vacuos habet, quæ in infirmis membris suis terrenas actiones absque vitæ præmio defluentes sustinet. Ipsa noctes laboriosas enumerat, quæ in membris fortibus multiplices tribulationes portat. In hac etenim vita quædam laboriosa sunt, quædam vacua. Quædam vero vacua simul et laboriosa. Amore quippe conditoris, præsentis vitæ tribulationibus exerceri, laboriosum quidem est, sed vacuum non est. Amore autem sæculi, voluptatibus solvi, vacuum quoque est, sed non laboriosum. Amore vero ejusdem sæculi, adversa aliqua perpeti, et vacuum simul est et laboriosum, quia ex adversitate mens afficitur, et remunerationis præmio non repletur. In his itaque sancta Ecclesia, qui in ea jam positi adhuc voluptatibus defluunt, et proinde fructu operis non ditantur, menses vacuos ducit; quia vitæ tempora sine retributionis munere expendit. In his vero qui æternis desideriis dediti, mundi hujus adversa patiuntur, laboriosas noctes sancta Ecclesia numerat; quia tribulationum tenebras, quasi in caligine vitæ præsentis portat. In his autem, qui et transeuntem mundum diligunt, et tamen ejus contrarietate fatigantur, simul menses vacuos et noctes laboriosas tolerat; quia eorum vitam et retributio subsequens nulla remunerat, et præsens tribulatio angustat. Recte autem nequaquam dies, sed in eis menses vacuos habere se perhibet; mensium quippe nomine dierum collectio et summa signatur. Per diem ergo unaquæque actio exprimi potest, per menses autem actionum finis innuitur. Et sæpe cum in hoc mundo aliquid agimus intenta spei alacritate suspensi, hoc ipsum quod agimus, vacuum non putamus. Sed postquam ad actionum terminum pervenimus, non obtinentes quæ appetimus, laborasse nos in vacuum dolemus. Non solum igitur dies, sed et menses vacuos ducimus, cum nos in terrenis actionibus sine fructu la-

borasse, non ex actionum principio, sed ex fine pensamus. Cum enim labores nostros adversitas sequitur, quasi vitæ nostræ vacui menses arguuntur, quia ex completionem actionum agnoscitur; quam frustra laboramus. Nox vero pro ignorantia ponitur, Paulo attestante, qui venturam vitam scientibus discipulis, ait: *Omnes vos filii lucis estis et filii diei; non sumus noctis, neque tenebrarum* (I Thesa. v). Quibus præmisit, dicens: *Vos autem, fratres, non estis in tenebris, ut vos dies illa tanquam fur comprehendat* (ibid.). Potest hoc in loco ex eorum persona vox sanctæ Ecclesiæ accipi, qui post ignorantie suæ caliginem ad amorem rectitudinis redeunt, et veritatis radiis illustrati, fletibus diluunt, quod erraverunt. Illuminatus etenim quisque respicit, quam turpe fuerit quod præsentis vitæ amore laboravit. In eis ergo sancta Ecclesia in quibus ad vitam revertitur laborem suum æstuanti servo et desideranti finem mercenario comparat, dicens: *Sicut cervus desiderat umbram, et sicut mercenarius præstolatur finem operis sui: sic et ego habui menses vacuos, et noctes laboriosas enumeravi mihi*. In comparatione enim duo sunt, quæ præmisit. In expressione etiam fatigationis duo subdidit. Protinus ad æstantem quippe menses vacuos reddidit, quia quo magis æternum refrigerium quæritur, eo magis conspicitur, quam vacue pro ista vita laboratur. Ad præstolantem vero laboriosas noctes subintulit, quia quo magis ex termino operis præmium, quod assequamur inspiciamus, eo magis ingemiscimus bonum nescisse, quod sequeremur. Unde et ipsa pœnitens cura vigilantem exprimitur, ut laboriosas noctes enumerasse diceretur; quia quanto verius ad Deum revertimur, tanto subtilius labores, quos per ignorantiam in hoc mundo pertulimus, dolendo pensamus. Nam quo unicuique plus dulce fit, quod de æternis desiderat, eo et magis græve ostenditur, quod pro præsentium amore tolerabat.

(8) « Cervus dicitur, ut ait beatus Isidorus, ἀπὸ τῶν κέρατων, id est, a cornibus. Κέρατα enim Græce cornua dicuntur. Hi quippe serpentibus sunt inimici; qui cum se gravatos infirmitate perspexerint, spiritu narium eos extrahunt de cavernis, et superata pernicie venenorum pabulo reparantur. Dictamnum herbam ipsi prodiderunt. Nam ea pasti excutiunt acceptas sagittas. Mirantur autem sibilum fistularum; erectis auribus acute audiunt, submissis nihil. Si quando immensa flumina vel maria transnatant, capita clunibus præcedentium superponunt, sibi quæ invicem succedentes, nullum ponderis laborem sentiunt. »

His breviter de cervorum natura a beato Isidoro dictis, ad ea iterum necesse est, ut redeamus, quæ superius omisimus. Quisque ergo fidelis desiderii videndi Christum, qui fons est omnium bonorum,

(8) Lib. xv *Etymolog.*, c. 1.

efficiatur cervus, et propter cœlestia dona patienter tolerando adversa, sit quasi mercenarius; ut, sicut ait beatus Petrus, non jam hominum desideriis sed voluntati Dei conformando se, in bonis operibus quod reliquum est in carne vivat temporis: scilicet ut moriatur mundo, et vivat Deo, libenter procius amore passiones sustinendo. Dicat iterum beatus Petrus: *Sufficit præteritum tempus ad voluntatem gentium consummandam, qui ambulaverunt, in luxuriis, desideriis, violentiis, comessionibus, potationibus, et illicitis idolorum cultibus, in quibus nunc obstupefcunt. Quasi diceret: Vere jam cessat a peccatis qui mortuus est in carne; quia, considerata immanitate scelerum, sufficit impendisse præteritum tempus secundum voluntatem gentium consummandam. Ita dico consummandam; quia, sicut gentes, ambulaverunt de vitio in vitium, non stabiles in uno vitio. In quo admirantur non concurrentibus vobis in eadem luxuriæ confusionem, blasphemantes, qui reddent rationem ei, qui paratus est judicare vivos et mortuos. Ac si apertius diceret: Admirantur non concurrentibus vobis in eadem luxuriæ confusionem in qua prius currebatis, quia jam carnem vestram crucifixistis cum vitiis et concupiscentiis. Et si blasphemant vos jam segregatos a perfidia sua, tamen in vestra conversatione opera justitiæ, et pietatis videntes, mirantur; et fidei quoddammodo venerantur. Quasi diceret: Ideo minus curate, si beneficientes blasphemamini a reprobis, quia et si vos tacetis, non tacebit justus iudex, qui et illis blasphemix pœnam, et vobis patientiæ præmia restituat. Sequitur: Propter hoc enim et mortuis evangelizatum est; ut judicentur quidem secundum homines in carne, et vivant secundum Deum in spiritu. Tanta cura est Deo, nos mortificari carne, vivificari spiritu, ut his quoque, qui majoribus involuti criminibus, inter mortuos erant numerandi, verbis fidei evangelizari præceperit: Ut judicentur quidem, id est, condemnentur a seipsis, secundum homines, id est, secundum quod ad morem peccatorum (9) vixerunt in carne, hoc est in carnalibus desideriis; et, abjectis vitiis, vivant in spiritu, id est spiritualiter juxta voluntatem Dei. Vel judicentur secundum homines, id est secundum rationem, quam Deus dedit hominibus, ut ratio ipsorum damnet mala in ipsis. Ait enim: Omnium autem finis appropinquabit. Quia dixerat, in judicandos vivos et mortuos; ne quis blandiretur sibi de longinquitate futuri iudicii, consulte admonet, quia etsi incertus adventus extremi discriminis est, tamen certum est omnibus, quod in hac vita diu existere nequimus.*

Sequitur: *Estote itaque prudentes, et vigilate in orationibus.* Quasi diceret: Quia ergo incerta est hora mortis, estote prudentes, id est non deficientes

(9) Al. ms. *peccatorum*: et infeliciter forte manus ignara emendare voluit lectionem nostri, qui *peccatorum* posuit, id est *peccatorum*, ut et Glossa.

(10) Glossa: *præter utilitatem fratrem doceat*: et

*A* a fide; et vigilate in orationibus, ne animus aliquid cogitet præter id solum quod precatur. Cum ad orandum stamus, omnis carnalis cogitatio absistat. Iterum subjungit, dicens: *Ante omnia autem mutuum in vobismetipsis charitatem continuam habentes; quia charitas operit multitudinem peccatorum.* Ex fragilitate carnis non semper possumus orationi, et hospitalitati, vel aliis virtutibus insistere, quas per officia corporis et per opportuna tempera fieri necesse est. Ipsa autem charitas, cujus instinctu hæc foras aguntur, quæ interiori homini præsidet; semper ibidem haberi potest, quamvis non semper in publicum ostendi possit. Dicatur ergo apertius: *Ante omnia mutuum in vobismetipsis charitatem continuam habentes*, id est, ut intelligatis modum orandi, et impetrare possitis quod oraveritis; habete charitatem inter vos, non propter exteriora vestra sed in vobis ipsis, id est vos ipsi sitis causa dilectionis. *Charitas*, inquit, *operit multitudinem peccatorum*, hoc est, cum per alias virtutes culpæ diluantur, maxime per charitatem, per quam proximis debita dimittimus, ut a Deo dimittatur nobis. Qui per charitatem proximum monet, increpat, castigat, per charitatem operit multitudinem peccatorum; quia qui converti fecerit peccatorem ab errore viæ suæ, salvabit animam ejus de morte, et operit multitudinem peccatorum. *Hospitales invicem sine murmuratione*, hoc est ut de longo usu hospitalitatis non murmuraret. *Unusquisque, sicut accepit gratiam, in alterutrum illam administrantes, sicut boni dispensatores multiformis gratiæ Dei*, id est formatæ secundum desiderium uniuscujusque, sicut manna sapiebat secundum cibos quos volebant. Iterum dicit: *Si quis loquitur, quasi sermones Dei*: hoc est, si quis habet scientiam loquendi, non sibi sed Deo imputet, timeatque ne præter Dei voluntatem, vel præter sanctarum Scripturarum auctoritatem, vel (10) præter fratrum utilitatem doceat, ne etiam quod docendum est, taceat. *Si quis ministrat, tanquam ex virtute quam administrat Deus*: ut in omnibus honorificetur Deus per Jesum Christum Dominum nostrum: cui est honor et gloria in sæcula sæculorum. Amen. Ac si dicatur: *Si quis ministrat, elemosynam scilicet, vel aliquod bonum opus humiliter impendat, quia nihil habet a seipso quod tribuat, sed a solo Deo; ut in omnibus videlicet factis vestris, honorificetur Deus*: cum omnia scilicet bene, et secundum voluntatem ejus feceritis, non vestris meritis, sed ejus gratiæ tribuatis; ut alii videntes vestra bona opera, glorificent Patrem vestrum, qui in cœlis est (Matth. v): per Jesum Christum adiutorem et mediatorem, cui est gloria, id est bona fama, et imperium, id est potestas in sæcula sæculorum. Amen.

vitiöse al. ms. *præter fratrum utilitatem*, ex prava intelligentia notæ *frm.* quæ utrumque sensum admittit juxta rationem constructionis.

*Charissimi, nolite peregrinari in fervore, qui ad tentationem vobis fit, quasi novi aliquid vobis contingat; sed communicantes Christi passionibus gaudete, ut et in revelatione gloriæ ejus gaudeatis exultantes.* Quasi diceret: Si patimini fervorem tribulationum quæ certa ratione inferuntur ad vestram probationem et gloriam, ne ideo putetis vos exsules esse a membris Christi; et nolite mirari de illatis malis, ut per illa tentet vos Deus, et probet; quia antiquum et frequens est, electos Dei pro æterna salute in præsentī adversa pati. *Nolite, inquit, peregrinari in fervore, id est supradicta bona facite, et pro nulla tribulatione cessate: ne (11) æstuetis vel mutari deficiatis a fide: sed communicantes Christi passionibus, representando, gaudete, ut et in revelatione gloriæ ejus, quando videlicet omne velamen auferetur, gaudeatis animo, exultantes corpore.* Qui patitur pro nomine Christi, beatus est. Non enim debetis credere, quod sine remuneratione patiamini, sicut illi qui pro suis sceleribus patiuntur, et invidi puniuntur. Vel nemo erubescat committere scelera, pro quibus juste puniatur. Quod si patitur ut Christianus pro fide et confessione nominis Christi, non erubescat, sed potius glorificet Deum, permanens in hoc nomine, ut possit dici: Bonus est Dominus iste, qui tam fideles habet servos. Sequitur: *Si exprobramini in nomine Christi, beati eritis: quoniam quod est honoris, gloriæ, et virtutis Dei, et qui est ejus Spiritus super vos requiescet.* Quasi diceret: Quia requiescet super vos patientes, et in præsentī ex parte ad bene operandum et in futuro perfecte ad remunerandum: quod est honoris, ut in præsentī sitis honorabiles in bonis operibus, et in futuro participes honoris Christi; et quod est gloriæ, in præsentī pura conscientia, in futuro sine omni corruptione tam in anima, quam in corpore; et quod est virtutis, et in præsentī et in futuro super diabolum et membra ejus. Et unde hæc omnia subjungit: et requiescet super vos Spiritus sanctus, qui est ejus Christi; quia ipse plene accepit, et membris suis dedit, et in futuro maxime dabit. Iterum dicit: *Nemo enim vestrum patiatut quasi homicida, aut fur, aut maledicus, aut alienorum appetitor.* Ubi enim aliquis quasi fur patitur, ibi prorsus nulla remuneratio expectatur. Tanquam maledicus patitur, qui passionis suæ tempore in sui salutem injuria persecutoris effrenatur. *Si autem ut Christianus patitur, non erubescat: glorificet autem Deum in isto nomine; quoniam: empus est, ut incipiat judicium a domo Dei.*

Quasi diceret: Ideo patiendum est pro nomine Christi, quia cum nullum malum sine pœna possit transire, et Deus (12) in ultimo malos sit aspere judicaturus, in præsentī flagellat et corripit omnes, quos in futuro vult recipere ad salutem. Unde Salomon: *Fili, accedens ad servitutem Dei præpara ani-*

(11) Apertius Glossa interlinealis: *Nolite peregrinari, vel mirari, ab amore Dei ne æstuetis delictantes a fide.*

*am tuam ad tentationem. (Eccli. 11). Duo sunt judicia: unum occultum, pœna scilicet, qua nunc unusquisque aut exercetur ad purgationem aut monetur ad conversionem, aut, si contemnit vocantem, exercetur ad damnationem. Alterum judicium est manifestum, quo venturus est judicare vivos et mortuos, et sæculum per ignem. Nunc autem tempus est, ut Ecclesia per exercitia sæculi ad gloriam reparetur. Nunc vero reprobi ducunt in bonis dies suos, et in puncto ad inferna descendunt (Job, xxi). Si autem, inquit, primum a nobis fit judicium, quis finis eorum, qui non credunt Evangelio? Ac si apertius diceret: Si primum sit judicium a nobis, id est si hic cruciat quos amat, si flagellat filios quos recipit (Hebr. xii), quid sperare debent servi nequissimi? Sequitur: *Et si justus quidem vix salvabitur, impius et peccator ubi apparebunt?* De Proverbiis hoc assumptum est juxta veterem translationem. In nostra autem, quæ secundum Hebraicam veritatem est, ita habetur: *Si justus in terra recipit, subaudis flagella, quanto magis impius et peccator?* (Prov. xii.) Id est si tanta est fragilitas vitæ mortalis, ut nec justus quidem, qui in cælo coronandi sunt, hanc sine tribulationibus propter innumeram vitiarum naturæ labem transeant; quanto magis hi qui a cælesti sunt gratia exortes, certum damnationis suæ perpetuæ exitum expectant? Dicatur itaque apertius: *Si justus, ille videlicet, qui verba Dei suscipit et amplectitur non sibi conscius alicujus mali, vix salvabitur, cum magno videlicet certamine æstuando, decertando: impius et peccator, ille scilicet, qui contradicit verbo Dei, ubi apparebunt?* Omnino extra Deum in fetido et horribili loco. Qui, etsi verba Dei recipit, non in eum fideliter credit; sed ipsa contemnit, et membra ejus affligit. Iterum subjungens, ait: *Hi, qui patiuntur secundum voluntatem Dei, fidei Creatori commendent animas suas.* Quasi diceret: Quia judicium incipit de domo Domini, et per multas tribulationes oportet nos ingredi in regnum Dei (Act. xiv); hoc tantum restat illis passuris, ut quando patiuntur secundum quod Deus vult, id est propter justitiam, commendent animas suas Deo nihil de se præsumentes: ut et hic secundum quod Deus vult purget, et in futuro beatificet; quia fidelis est, bona reddendo illis, quos creavit (I Joan. 1). Patiuntur dico in benefactis, non propter peccata. Non est laboriosum Deo liberare justum; sed ut ostendatur, quod merito fuerit damnata tota humana natura, non vult facile de tanto malo nec ipse Omnipotens liberare. Propter quod peccata proclivia sunt, et laboriosa justitia, nisi Deum amantibus: sed charitas, quæ hos amantes facit, ex Deo est (I Joan. iv). Sequitur:*

*Seniores ergo, qui in vobis sunt, obsecro, consenior et testis Christi passionum: qui et ejus quæ in futuro revelanda est, gloriæ communicator.* Cum supra

(12) Glossa: *Deus malos sit judicaturus, aspere in præsentī flagellat.*

distincte monstrasset liberos, servos, et viros, et mulieres; post interpositam communem exhortationem, hic alloquitur senes et juvenes, dicens: *Seniores qui in vobis sunt obsecro, consenior et testis Christi passionum*. Quasi diceret: Quia oportet pati, et qui patiuntur animas suas Deo commendanti, ergo patimini et laborate pro eo. Ac si apertius diceret: *Seniores, ætate scilicet vel etiam cura, obsecro ego consenior*, id est simili ætate favente, qui sum testis Christi passionum, quia præsens Christo patiente astiti, et pro ejus nomine carcerem, et vincula pertuli, et quæ vidi de eo scripsi. *Testis*, inquit, sum passionum Christi, et ejus etiam quæ in futuro est revelanda gloriæ, sum communicator. Nimirum Petrus gloriæ Christi communicator existit, cum in sancto monte cœlestem gloriam vultus ejus cum Jacobo et Joanne vidit, cujus etiam sperat se participem fore: sive cum resurrectionis et ascensionis ejus potentiam eum aliis apostolis, qui affuerunt, vidit (Matth. xvii). Iterum dicit: *Pascite qui in vobis est gregem Dei providentes non coacte, sed spontaneæ secundum Deum*. Sicut Dominus Petro totius gregis curam habere jussit, ita Petrus sequacibus Ecclesiæ pastoribus jure mandat, ut eum quisque, qui secum est, gregem Dei gubernatione sollicita tutetur. *Pascite*, inquit, qui in vobis est gregem Dei, id est qui inter vos est grex, vel vos ipsi estis grex Dei, providentes illis subditis de omnibus necessariis non coacte, id est non prædicetis Evangelium propter inopiam temporalium, ut de Evangelio vivere possitis; sed spontaneæ secundum Deum, id est solo intuitu supernæ mercedis. Sequitur: *Neque turpis lucri gratia, sed voluntarie: neque ut dominantes in clericis, sed forma facti gregis ex animo. Et cum apparuerit princeps pastorum, percipietis immarcescibilem gloriæ coronam*. Quasi diceret: Nullus quæstus vos impellat; quia cuncta opera religionis debent esse voluntaria: sicut in constructione tabernaculi, quod præsentem Ecclesiæ constructionem significat, omnis multitudo filiorum Israel mente devota primitias Domino, ad faciendum opus tabernaculi offerebat, et ipsi artifices sponte se obtulerunt (Exod. xxxv). *Non turpis lucri gratia*, inquit, neque ut dominantes in clericis. Ac si apertius diceret: Humilitatem quam subditos habere vultis, ipsi prius et actu monstretis, et animo integro servetis, ut forma facti gregis ex animo, per vos informetur grex ad humilitatem: et inde cum apparuerit Princeps pastorum qui prior humiliatus est, hoc præmium consequemini: percipietis videlicet immarcescibilem gloriæ coronam.

Sequitur: *Similiter adolescentes subditi estote senioribus*. Postquam seniores quomodo præessent docuit; etiam juniores ad obediendum eorum provisioni instruit, nihilque aliud monet, nisi ut senibus, quos plenius instruxerat, subditi sint, et exempla illorum respiciant, et imitentur. Sed ne prælati hæc audientes putarent subditis suis, et non sibi humilitatis iura esse servanda, continuo gene-

A raliter admonendo subjicit: *Omnes autem, et senes videlicet regendo, et juvenes obsequendo, invicem humilitatem insinuate, quia Deus superbis resistit, humilibus autem dat gratiam*. Auctoritate Salomonis deterret omnes se audientes a superbia quæ diabolum dejecit (Prov. iii). *Deus superbis resistit*, primum videlicet diabolo, postea homini; *humilibus autem dat gratiam*, sicut omnibus penitentibus. Quæ sit gratia quam Deus confert humilibus, subdit: ut quo magis humiliati fuerint propter ipsum tempore certaminis, eo gloriosius exalantur tempore retributionis. Humilitatem dicimus, vel cum aliquando aliquis pro abluendis peccatis incipit salubriter alteri; vel quando spontanea mentis devotione perfectiores Deo et proximis humiliantur; vel quando contra persecutores patientiæ virtute invictus armatur animus, et ad omne genus humilitatis sequitur congrua merces exaltationis. Iterum dicit: *Humiliamini igitur sub potenti manu Dei, ut vos exaltet in tempore visitationis*. Quasi diceret: Vos qui estis in hac peregrinatione, humiliamini sub potenti manu Dei, ut vos exaltet in tempore visitationis, hoc est in die judicii. *Omnem, inquit, sollicitudinem vestram projicientes in eum quoniam ipsi cura est de vobis*. Ac si diceret: *Omnem sollicitudinem vestram, corporis scilicet et animæ, projicientes in eum, sicut anchora in mari, quoniam ipsi cura est de vobis*. Ita projicite sollicitudinem vestram in Deum, ut etiam vos collaboretis adjunctrici gratiæ. Iterum subjungens ait: *Sobrii estote et vigilate, quia adversarius vester diabolus, tanquam leo rugiens, circuit quærens quem devoret: cui resistite fortes in fide: scientes eandem passionem ei, quæ in mundo est, vestræ fraternitati fieri*. Quasi diceret: *Sobrii estote*, non intenti delectationibus sæculi; et vigilate in bonis operibus, quia adversarius vester diabolus circuit quærens quem devoret. Sicut rugitus leonis impedit aures, ne alium sonum excipiant; sic diabolus, fidelium mentes terrendo vel illicita suggerendo, a via veritatis, ne vocem Christi audiant, avertit. *Circuit*, ait, quærens quem devoret, tanquam hostis videlicet clausos obsidens muros explorat, an sit pars aliqua murorum minus stabilis. Cujus aditus, ad interiora ut penetretur, offert oculis formas illicitas et faciles voluntates, ut visu destruat vigorem; linguam convicio provocat; manum injuriis lacescentibus ad cædem instigat; honores terrenos promittit, ut cœlestes adimat, et cum latenter non potest fallere, apertos addit terrores. In pace subdolos, in persecutione violentus: contra quem animus tantum debet esse paratus ad resistendum, quantum ille paratus est ad impugnandum. Sequitur: *Deus autem omnis gratiæ, qui vocavit nos in æternam suam gloriam in Christo Jesu, modicum passos perficiet, confirmabit, solidabitque*. Quasi diceret: Vos quod e vobis est facite; Deus autem omnis gratiæ dator, fidei scilicet, spei et charitatis, et aliarum virtutum, qui vocavit nos in æternam suam gloriam, in Christo Jesu existentes ut

membra, modicum passos perfiriet, illis scilicet A virtutibus, quas jam habetis, super addet alias vobis necessarias; confirmabit ad tolerandas tribulationes, solidabitque membra timore, vel errore dissoluta, in unitatem videlicet Ecclesie reducet. *Ipsi gloria, et imperium in secula seculorum. Per Silvanum fidelem fratrem vobis, ut arbitror, breviter scripsi: obsecrans et contestans hanc esse veram gratiam Dei, in qua statis. Ac si diceret: Scripsi vobis, non imperaus sed obsecrans vos fortes in fide persistere; vel obsecrans et contestans auctoritate Scripturarum hanc esse veram gratiam, quam scribendo predicatio; quia non est in alio aliquo salus, in quo oporteat vos salvos fieri (Act. iv): et obsecrans vos, ut faciatis hanc gratiam, in qua scilicet imbuti estis; quia hæc est vera gratia proficiens vobis. Qui gratiam spernit, non gratiam invenit, sed hanc non suam, id est non sibi utilem reddit. Salutat vos Ecclesia quæ est in Babylone et Marcus filius meus. Romam Babylonem vocat, propter confusionem multiplicis idololatricæ, in cujus medio sancta Ecclesia jam rudis habitabat: parva scilicet fulgebat, sicut plebs Israelitica parva numero, et captivata sedens super flumina Babylonis absentiam sanctæ terræ desolebat, nec canticum Domini in aliena terra cantabat (Psal. cxxxvi). Et bene dum auditores suos hortatur ad tolerantiam adversitatum præsentium, dicit Ecclesiam, quæ secum est, in Babylone constitutam, id est in confusione tribulationum, quia sancta Dei civitas a permitione et pressura diaboli non potest esse immunis. Salutat vos etiam Marcus (evangelista) filius meus, a me videlicet baptizatus et doctus, Salutate invicem in osculo sancto, in signum scilicet communis fidei, et osculo pacifico atque columbino, non subdolo vel ficto. Gratia vobis omnibus qui estis in Christo Jesu. Amen. Epistola ista a gratia cœpit, in gratia finit. Quasi diceret: Quod prænominatis Ecclesiis scribo, omnibus per orbem terrarum Ecclesiis scribo.*

Gratias ergo, fratres charissimi, cum beato Petro, et cum omnibus sanctis nos humiliter oportet Deo omnipotenti referre, qui ut nos redimeret de potestate inimici, proprio Filio suo non pepercit, sed pro nobis misericorditer morti tradidit illum, ut nos in eo æternæ vitæ participes essemus (Rom. viii). D Tanto igitur ei magis devoti, atque ad serviendum promptiores esse debemus, quanto majora ab eo dona percepimus. Summo itaque studio mentis, et corporis munditiam diligamus, summa vigilantia, quid in conspectu ejus sit placitum, perquiramus, maculas prævæ cogitationis simul et operis a nobis expellamus, nec aliquod vitium in corde latere putemus, quia omnia nuda sunt et aperta oculis majestatis ejus (Hebr. iv). Sicut cum non laet aperta operatio, sic nec occulta cogitatio, videt enim occulta qui fecit abscondita. Nam et ipse perfecte novit, quod in nobis ignoramus. Unde beatum Job

dixisse legimus: *Non sunt tenebræ, et non est umbra mortis, ut abscondantur ibi, qui operantur iniquitatem (Job xxxiv)*. Gregorius (13): « Quid per tenebras, nisi ignorantiam, et quid per umbram mortis, nisi oblivionem, studuit signare? De quorundam quippe ignorantia dicitur: *Tenebris obscuratum habentes cor, vel intellectum (Ephes. iv)*, et rursus de oblivione, quæ in morte contingit, scriptum est: *In illa die peribunt omnes cogitationes eorum (Psal. cxlv)*, quando videlicet exhibit spiritus ejus, et revertetur in terram suam. » Augustinus: *Exhibit spiritus ejus, id est, anima ejus exhibit subito, quando non vult, vel scit: et exeunte spiritu revertetur in terram suam, unde cepit initium: et in illa die, mortis scilicet, peribunt, id est frustabuntur omnes cogitationes ejus quæ in diversos ambitus seculi tendebant. Quia igitur de anima ejusque sensibus sufficienter loqui minime possumus, beatum Isidorum, Hispaniarum doctorem, quem Deus magno sapientiæ dono ditavit, interrogemus, et quidquid nobis de illius natura dixerit attentius audiamus.*

(14) « Duplex, inquit, est homo, interior scilicet et exterior. Interior homo anima, exterior vero est corpus. Anima autem a gentilibus nomen accepit, eo quod ab eis ventus crederetur. Unde et Græce ventus *ἀνεμος* dicitur, eo quod ore trahentes aerem vivere videamur. Sed apertissime falsum est, quia multo prius gignitur anima, quam concipi aer ore possit, quia jam in genitricis utero vivit. Spiritum idem esse quod anima evangelista pronuntiat de Christo dicens: *Potestatem habeo, inquit, ponendi animam meam: et iterum potestatem habeo sumendi eam (Joan. x)*. De hac quoque ipsa Domini anima passionis tempore evangelista ita protulit dicens: *Inclinato capite tradidit spiritum (Joan. xix)*. Quid est enim emittere spiritum nisi animam ponere? Sed anima dicta, propter quod vivit; spiritus autem vel pro spirituali natura vel pro eo quod inaspiret in corpore. Item animum idem esse quod animam, sed anima vita est, animus consilium. Unde dicunt philosophi, etiam sine anima vitam manere, et sine mente animam durare. Unde et amentes dicuntur. Nam mentem vocari, ut sciat, animum, ut velit. Mens autem vocata eo quod emineat in anima, vel quod nemini, unde et immemores amentes dicuntur. Quapropter non anima, sed quod excellit in anima mens vocatur, tanquam caput ejus vel oculus. Unde et ipse homo secundum mentem imago Dei dicitur. Hæc autem omnia adjuncta sunt animæ et una res sunt. Pro efficientiis enim causarum diversa nomina sortita est anima. Nam et memoria mens est. Unde et immemores amentes dicuntur. Dum ergo vivificat corpus anima est, dum vult, animus est, dum scit, mens est, dum recollit, memoria est, dum rectum judicat, ratio est, dum spirat, spiritus est, dum aliquid sentit, sensus est.

(13) Lib. xxv *Mor.*, cap. 4.

(14) Lib. xi, *Etymolog.*, cap. 1.

Nam inde animus sensus dicitur, eo quod sentit, unde et sententia nomen accepit. » His breviter a beato Isidoro de animæ sensibus dictis, ad ea iterum necesse est ut redeamus, quæ superius omisimus.

Ut ergo ait beatus Gregorius, per tenebras ignorantiam, et per umbram mortis oblivionem, quæ in morte contingere solet, intelligimus, dum quorundam intellectus ignorantiae tenebris obscuratur, et umbra mortis interveniente, oblivioni traditur quidquid in vita cogitatur. « Umbra ergo mortis quasi quædam oblivio est. Sicut enim agit mors interveniens non esse quod fuit in vita; ita interveniens agit oblivio, non esse quod fuit in memoria. Recte itaque umbra mortis dicitur, quia velut de ipsa exprimitur, dum vim illius sopiendo, sensus immutatur. Deus autem, quia mala omnium nec cogitata ignorat, nec perpetrata obliviscitur, nisi ab ejus oculis poenitendo deleantur; congrue dictum est: *Non sunt tenebræ, et non est umbra mortis, ut abscondantur ibi, qui operantur iniquitatem.* Ac si diceret: Idcirco ejus judicio nullus absconditur, quia nullatenus potest, aut non videre quod facimus, aut oblivisci quod videt. Quamvis intelligi tenebræ et umbra mortis, etiam aliter possunt. Omnis namque immutatio, velut quædam mortis imitatio est. Id enim quod mutat, quasi ab eo quod erat interficit, ut desinat esse quod fuit, et incipiat esse, quod non fuit. Lumen igitur verum, Creator videlicet noster est, qui nulla mutabilitatis vicissitudine tenebrescit, nullis naturæ suæ defectibus obumbratur; sed ejus esse sine mutabilitate fulgere est, tenebræ ei vel umbra mortis dicuntur non inesse. Unde alias scriptum est: *Apud quem non est transmutatio nec vicissitudinis obumbratio (Jac. 1).* Et unde rursus Paulus dicit: *Qui solus habet immortalitatem, et lucem habitat inaccessibilem (I Tim. vi).* Sed cum cuncti noverimus, quod et humana anima, et angelici spiritus sint immortales instituti, cur ab Apostolo Deus solus immortalitatem habere perhibetur, nisi quia solus vere non moritur, qui solus nunquam mutatur? Humana quippe anima in lapsum non caderet, si mutabilis non fuisset. Quæ a paradisi quoque gaudiis expulsa, si mutabilis non esset, ad vitam minime rediret. In hoc ipsum vero quod redire ad vitam nititur, defectus suos cogitur alterna semper mutabilitate tolerare. Quia ergo ex nihilo condita, ex se nihilominus infra se tenet nisi ad boni desiderii statum artificis sui manu teneatur. Ex eo itaque quod creatura est, deorsum ire habet. Virtute namque propria in præceps posse se ire considerat, sed ad Creatorem suum amoris manu, se retinet, ne cadat, quousque ad immutabilitatem transcat; et eo vere immorta-

liter, quo immutabiliter vivat. Ipsi quoque angelici spiritus mutabiles ex natura sunt conditi, quatenus aut sua sponte caderent, aut ex arbitrio starent. Sed quia humiliter elegerunt ei inhærere, a quo creati sunt, hanc ipsam in se mutabilitatem suam standi jam immutabilitate vicerunt, ut hoc ipsum merito transcenderent, quo naturæ suæ ordine mutabilitati subesse potuissent. Quia ergo solius divini naturæ est, umbras ignorantiae mutabilitatisque non perpeti; dicatur recte: *Non sunt tenebræ, et non est umbra mortis, ut abscondantur ibi qui operantur iniquitatem.* Lux enim æterna, quæ Deus est, quanto immutabiliter fulget, tanto penetrabiliter videt: et neque occulta nescit, quia cuncta penetrat; neque penetrata obliviscitur, quia incommutabilis durat. Proinde quoties indignum aliquid corde concipimus, toties in luce peccamus, quia ipsa nobis, et non sibi, præsentibus præsto est, et perverse gradientes in ipsa impingimus, a qua per meritum longe sumus. Cum vero nos videri non credimus, in sole oculos clausos tenemus: illum videlicet nobis abscondimus, non nos illi. Nos ergo, dum possumus, a conspectu æterni Judicis male cogitata et pejus perpetrata deleamus. Revocamus ante oculos cordis quidquid perverse egimus per nequitiam præsumptionis. Nihil sibi nostra blanditur infirmitas; atque in his quæ recolit semetipsam delicate non palpet; sed quanto sibi male sit conscia, tanto in se benignius sit severa. Proponat contra se divinum judicium; et quæque in se sentit districte ferienda per sententiam Judicis, hæc ipsa pie feriat per poenitentiam conversionis. »

Ut ergo, charissimi, superius diximus, dignum est ut cor ab immundis cogitationibus, et manibus a pravis actionibus custodiamus, qui in conspectu Dei omnipotentis nihil celare possumus etiam si velimus. Ab omni inquinamento carnis ac spiritus nos ipsos purgemus; et Christi vestigia secundum beati Petri apostoli consilium, in quantum possibile est, sequamur; et si necesse fuerit, proprium pro eo sanguinem fundamus, ut in numero electorum ejus computari possimus. Ad hoc ille pro nobis passus, patiendi nobis reliquit exemplum, ut et nos pro eo passi mereamur pertingere usque ad ipsum. Maculas igitur mentis et corporis sedula lacrymarum compunctione tergamus, et illius exemplo, hujus mundi adversa libenter patiamur. Si enim compatimur et conregnabimus (II Tim. ii). Crucem itaque nostram, sicut ipse præcipit, accipiamus; indesinenter bona operando illi ministremus; ut, ubi ipse est, et nos esse possimus, ipso præstante, qui cum Patre et Spiritu sancto in Trinitate perfecta vivit et regnat Deus, per omnia sæcula sæculorum. Amen.

# SANCTI MARTINI

LEGIONENSIS PRESBYTERI

## EXPOSITIO EPISTOLÆ I B. JOANNIS.

Joannes apostolus et evangelista, Zebedæi filius, a Domino virgo est electus, atque inter cæteros magis dilectus. Qui etiam super pectus magistri recumbens, Evangelii fluentia de ipso sacro Dominici pectoris fonte potavit, et quasi unus de paradisi fluminibus verbi Dei gratiam in toto terrarum orbe diffudit; quique in locum Christi, Christo jubente, successit, dum matrem magistri suscipiens discipulus, etiam pro Christo alter quodammodo derelictus est filius. Hic dum Evangelium Christi in Asia prædicaret, a Domitiano Cæsare in Pathmos insula metallo relegatur, ubi etiam positus Apocalypsim propria manu scripsit. [Hic Domitianus Vespasiani filius, et frater Titi, illius videlicet qui Jerosolymam subvertit (15)]. Interfecto autem a senatu Romano Cæsare Domitiano, sanctus Joannes exilio resolutus, in Ephesum rediit, ibique ob hæreticorum refutandas versutias, rogatus ab Asiæ episcopis Evangelium novissimum edidit. Cujus quidem inter alias virtutes magnitudo signorum hæc fuit: Mutavit in aurum silvestres virgas, littoreaque in gemmas saxa. Item gemmarum fragmenta in propriam reformavit naturam. Viduam quoque ad precem populi suscitavit, ac redivivum juvenis corpus revocata anima reparavit. Bibens lethiferum haustum, non solum evasit periculum, sed et eodem prostratos poculo in vitam reparavit statum. Hic autem anno nonagesimo (16) nono ætatis suæ sub Trajano principe longo jam vetustatis senio fessus, cum diem transmirationis suæ imminere sibi sentiret, jussisse fertur effodiri sibi sepulcrum, atque inde valedicens fratribus, facta oratione, vivens tumulum intravit, deinde in eo tanquam in lectulo requievit. Unde accidit, ut quidam eum vivere asserant, nec mortuum in sepulcro, sed dormientem jacere contendant, maxime pro eo quod illic terra sensim ab imo scaturiens, ad superficiem sepulcri

(15) Præter quæ ansulis includimus, cætera de B. Joanne transcribit auctor ex lib. Isidori *De ortu et obitu Patrum*, cap. 72. Quoniam vero plura hic adducantur non satis probatæ fidei; breviter notabimus Domitianum interfectum fuisse a Stephano procuratore Domitillæ eo modo quem narrat Baronius ad annum Christi 98, num. ix, qui etiam num. xix rejicit ut apocrypha miracula quæ evangelista patrasse refertur, si exceperis revocationem mortui hominis ad vitam. Portenta quæ contigisse memorantur in transmiratione beatissimi apostoli similiter explodit ad annum 101, num. 11 et sequentibus, visus præcipue testimonio Augustini, tract. 114 in

A conscendat, et quasi flatu quiescentis deorsum, ad superiora pulvis ebulliat. Quievit autem apud Ephesum, vi Kalendas Januarii.

Hic ergo beatissimus evangelista et apostolus Joannes scripserat Evangelium, ut supra dictum est, adversus dogmata hæreticorum, qui de Verbi æternitate male sentiebant, et male prædicabant. Scripsit etiam Epistolam adversus eorundem et aliorum hæreticorum stultitiam, in qua de fidei et charitatis perfectione agit, ut intelligamus, quid diligere quidve credere debeamus. Multi enim pravus dogmatibus inducti de sinceritate fidei et charitatis non bene intelligebant. Dicebant enim opera esse charitatis crebro convivari, luxuriari, consentire vitiiis alienis, contradicentes communicare passionibus Christi, et cæteris, quæ implentur per charitatem Dei et proximi. « Hæresis, ut ait Hispaniarum doctor Isidorus (17), Græce ab electione vocatur, eo scilicet quod unusquisque id sibi eligat quod melius illi esse videtur, ut philosophi Peripatetici, Academici, et Epicurei, et Stoici, vel sicut alii, qui, perversum dogma cogitantes, arbitrio suo de Ecclesia recesserunt. Inde ergo hæresis dicta Græca voce ex interpretatione *electionis*: quia [s. qua], quisque arbitrio suo ad instituenda, sive ad suscipienda quælibet, ipse sibi eligit. Nobis vero nihil ex nostro arbitrio inducere aliquid licet, sed neque eligere quod aliquis ex arbitrio suo induxerit. Apostolos Dei habemus auctores, qui nec ipsi quidquam ex suo arbitrio, quod inducerent, elegerunt; sed acceptam a Christo disciplinam fideliter nationibus assignaverunt, id est tradiderunt. »

Biguum est ergo, charissimi, ut et nos ex arbitrio nostro nihil eligamus vel superinducamus; sed quæ a Christo et ab apostolis ejus accepimus, fideliter teneamus. Beatus itaque Joannes in principio hujus epistolæ ad commendationem sermonis, di-

Joann. qui videndus omnino est. Critici omnes recentiores perillustri cardinali astipulantur, et legendus præ aliis Tillemontius, tom. I *Hist. eccles.*

(16) Rectius Isidor. *anno sexagesimo septimo* (sep potius octavo cum Hieron.) *post Passionem Domini*. Nam obiisse evangelistam anno 99 ætatis suæ, primus Usuardus scripsit, inquit præfatus cardinalis ad eundem annum 101, num. 8, nulla certa aliqua antiquorum assertionem. Probabilius est vita eum defecisse annos natum nonaginta tres, ut videtur Baronio, vel nonaginta quatuor, ut sentiant alii.

(17) Lib. viii *Etymolog.*, c. 3.

viuitatem et humanitatem Christi designat, in qua charitatem Dei ad homines, et suam ad illos quibus scribit insinuat, dicens: *Quod fuit ab initio, quod audiuimus, quod vidimus oculis nostris, quod perspeximus, et manus nostræ contrectauerunt de Verbo vitæ; et vita manifestata est, et vidimus et testificamur, et annuntiamus vobis vitam æternam, quæ erat apud Patrem et apparuit nobis (I Joan. 1).* Quasi diceret: Quod fuit in vero esse Deitatis, quod audivimus per legem et prophetas, quod vidimus, hominem scilicet visibiliter et sensibiliter venientem, quod perspeximus diuinitatem advertentes in hominem, et manus contrectauerunt de Verbo vitæ, non fortuito consentientes ei, qui in carne visus est, sed cum multa contrectatione persecutantes Scripturas perhibentes testimonium de ipso Verbo.

Quod vidit aliquis, nuntiare potest aliis; quod perfecte conspicit; aliquando non potest explicare verbis. Dicatur ergo apertius: *Quod fuit ab initio, Filius Dei scilicet in principio; sed eundem in carne viderunt et audierunt discipuli, quia in principio erat Verbum, et Verbum erat apud Deum, et Deus erat Verbum (Joan. 1). Quod audiuimus, auribus videlicet mentis et corporis; quod vidimus oculis nostris, hominem scilicet cum hominibus conversantem. Nam et gloriam speciei ejus vidimus, quasi gloriam Unigeniti a Patre (ibid.). Quod perspeximus, vitam scilicet et mores, et etiam spiritualibus oculis diuinam virtutem ejus in monte cognouimus (Matth. xvii). Et manus nostræ contrectauerunt de Verbo vitæ, magna videlicet ei familiaritate conjuncti, veram carnem habere palpando probauimus, et ante et post resurrectionem ejus, quibus dicitur: *Palpate et videte, quia spiritus carnem et ossa non habet, sicut me videtis habere (Luc. xxiv). Manus, inquit, nostræ tractauerunt de Verbo vitæ, id est vivificante. Et vita manifestata est, panis scilicet angelorum assumptione carnis hominibus innotuit, miraculis claruit, surrexit, et alios secum resurgere fecit. Et vidimus, et testificamur, et annuntiamus vobis vitam æternam: per hæc scilicet supradicta vita manifestata est, esse cum fidelibus, quæ erat apud Patrem in æterna diuinitate, et apparuit nobis in tempore in humanitate. Quasi diceret: vidimus manifestam vitam, id est Christum, quam infideles non viderunt; et testes sumus. Vidimus dico, et incredulis annuntiantes, martyres facti sumus. Sequitur: *Quod vidimus et audiuimus, annuntiamus vobis, ut et vos societatem habeatis nobiscum, et societas vestra sit cum Patre et Filio ejus Jesu Christo.* Ac si apertius diceretur: *Quod vidimus, id est Christum in carne: et audiuimus, verba videlicet ex ore ejus; annuntiamus vobis, et debetis credere illis, qui audierunt et viderunt; ut et vos qui non vidistis, societatem habeatis nobiscum, bene credendo, bene vivendo, patienter omnia ferendo; et societas nostra sit cum Patre et Filio ejus Jesu Christo, id est, per nostram***

(18) Glossa vitiosc: *Hæc.*

A societatem transeatis ad Dei societatem, ut simus *hæredes Dei, cohæredes autem Christi (Rom. viii).* Quicumque vult Deo sociari, prius debet societati Ecclesiæ adunari. Nec (18) minus habent qui per apostolos, quam qui per ipsum Christum crediderunt. Unde dicitur: *Beati qui non viderunt et crediderunt (Joan. xx).* Et iterum: *Non pro his rogo tantum, sed pro eis, qui credituri sunt per verbum eorum in me (Joan. xvii).* Iterum subjungens ait: *Hæc scribimus vobis ut gaudeatis, et gaudium vestrum sit plenum.* Quasi diceret: *Hæc scribimus vobis, id est, non transitorie nuntiamus, sed memoriæ commendamus, ut multos ad eandem societatem nobiscum ducamus, et gaudium nostrum sit plenum in hoc sæculo, videlicet in unitate Ecclesiæ, et in futuro in angelorum societate. Sequitur: *Hæc est annuntiatio quam audiuimus ab eo, et annuntiamus vobis: quoniam Deus lux est, et tenebræ in eo non sunt ullæ. Ac si diceret: Applicuimus nos ad lucem, et lux nos irradiavit; tenebræ eramus, sed modo per lucem lux sumus et alios illuminamus, dum peccata dimittit et tenebras expelli nuntiamus. Deus lux est. Qui ergo vult habere societatem cum luce, pellat tenebras peccatorum, quia tenebræ cum luce societatem habere non possunt. Deus, inquit, lux est, tenebras scilicet peccatorum expellit; et tenebræ in eo non sunt ullæ, id est persistentes in peccatis, et alios obscurantes, non computantur in membris ejus. Forte dicit aliquis: Quare Verbum caro factum est? Quid novi attulit Christus mundo? Cur venit pati? Non frustra fuit. Vide quod voluit docere: videlicet quia *Deus lux est.* Hac sententia diuinæ puritatis excellentiam monstrat quam imitari jubemur. Hinc Manichæi confutantur qui Dei naturam a principe tenebrarum bello dicunt esse victam et vitiatam (19). « Manichæi a quodam Persa exstiterunt, qui vocatus est Manet [f. Manes]. Hic duas naturas et substantias introduxit, id est, bonam et malam; et animas ex Deo, quasi ex aliquo fonte manare asseruit. Ii Testamentum Vetus respuunt, Novum ex parte recipiunt. »**

Hactenus commendatio Epistolæ. Hic ostendit evangelista qualiter charitas sit habenda. Si ergo, inquit, *dixerimus quia societatem habemus cum illo, et in tenebris ambulamus, mentimur, et veritatem non facimus.* Quasi diceret: cum Verbum caro factum est, ut hoc annuntiares mundo, si *dixerimus quia societatem habemus cum illo, per fidem et charitatem quæ Deo sociant et in tenebris, id est, in peccatis ignorantie vel nequitie ambulamus, peccatum peccato addentes, mentimur in nobis, et veritatem non facimus, dum ad idem mendacium exemplo nostro alios inducimus. Unde beatus Paulus: *Quæ conventio Christi ad Belial? Aut quæ societas lucis ad tenebras? Si autem in luce ambulamus, sicut ipse in luce est, societatem habemus ad invicem, et sanguis Jesu, Filii ejus emundat nos ab omni peccato (II**

(19) Isid. lib. viii *Etym.*, c. 5.



Cor. vi). Dens in luce esse dicitur, quia summa bonitas ubi proficere valeat non invenit. In luce homo habitat quia virtutum operibus ad meliora proficit.

Dicatur ergo apertius : *Si in luce ambulamus*, id est, si eadem causa ducimur, qua Christus dictus est lux ; *sicut et ipse in luce est*, id est, exemplo illius alios illuminantes, *societatem habemus per charitatem ad invicem*, et hoc merito : *quia sanguis Jesu filii ejus emundat nos ab omni peccato* : Sacramentum videlicet Dominicæ passionis omnia peccata originalia et actualia laxat. Si ambulamus in lucem, ita sumus mundi ; sed tamen non debemus nos putare, quandiu vivimus, omnino a peccatis posse mundari. Illi etiam non habent charitatem, qui de suis meritis superbientes, dicunt se esse mundos. Sequitur : *Si dixerimus quia peccatum non habemus, ipsi nos seducimus, et veritas in nobis non est*. Non ait, non habuimus peccatum, ne forte de præterita vita dictum videretur. Dicatur ergo apertius : si elati de aliqua nostra justitia, *dixerimus quia peccatum non habemus, ipsi nos ad majora peccata seducimus, et veritas, id est Deus, in nobis non est*, quia ab elatis se subtrahit. Iterum subjungit dicens : *Si confiteamur peccata nostra, fidelis et justus est Deus, ut remittat nobis peccata nostra, et emundet nos ab omni iniquitate*. Quia in hac vita sine peccato esse non possumus, prima salutis spes est confessio plus ex humilitate, quam ex necessitate ; deinde dilectio quia diligimus eum cui humiliamur, et charitas operit multitudinem peccatorum (I Petr. iv). Superbia extinguit charitatem, charitas vero extinguit peccatum. Ergo roboret humilitas charitatem, humilitas hominem ducat ad confessionem. Ac si apertius diceretur : *Si confiteamur peccata nostra, fidelis et justus est Deus*, qui promittit gratiam humilibus. *Fidelis est exsequendo, et justus, quia veræ confessioni juste dimittit* : ut in hac vita remittat nobis peccata nostra, sine quibus non vivitur ; et post solutionem emundet nos ab omni iniquitate ut nec peccare velimus, nec possimus, in æterna scilicet vita. Sequitur : *Si dixerimus quoniam non peccavimus, mendacem facimus eum, et verbum ejus non est in nobis*. Solus Deus est verax ; homo vero ex Deo verax, ex se autem mendax. Impossibile est quemlibet sanctum aliquando non cadere in minutis peccatis, nec tamen justus esse desinit, quia citius, opitulante Deo, resurgit. Dicatur ergo apertius : *Si confitemur peccata nostra, mundamur a peccatis ; sed si dixerimus quoniam non peccavimus, id est si nos ipsos volumus excusare, quasi non egeamus absolvi, mendacem facimus eum qui dicit, nec infans unius diei est sine peccato (Job xiv) ; et verbum ejus non est in nobis* : Christus videlicet per quem remissio datur, non manet in superbis. Vel verbum quod dixit : *Quanto major es, tanto humilia te in omnibus (Eccli. iii)*.

Sequitur : *Filioli mei, hæc scribo vobis, ut non*

*peccetis*. Quasi diceret : Si ex humana fragilitate non potestis omnia vitia cavere, date operam, ut saltem majora et apertiora caveatis, ut non apprehendat vos tentatio nisi humana (I Cor. x). *Ut non peccetis*, inquit, id est, ne malam securitatem assumatis, audientes nos a Deo mundari, sed utilem timorem habeatis. Ac si patenter dicat : *Filioli mei, quibus debeo providere, et vos mihi obedire, hæc scribo vobis, scilicet ut memoriter teneatis, et non peccetis*, dicendo, Non peccavimus. Iterum subjungit, dicens : *Sed et si quis peccaverit, advocatum habemus apud Patrem Jesum Christum justum ; et ipse est propitiatio pro peccatis nostris, non pro nostris autem tantum, sed etiam pro totius mundi*. Ac si diceret : Si quis etiam post admonitionem meam ceciderit, non desperet. Non est advocatus Dei Filius, nisi se pure vocantibus. Displiceant ergo tibi peccata tua, clama, et ipse audit, atque liberat. Joannes vir justus contemperans se infirmis, non dixit, *advocatum habet, sed, habemus*, se videlicet ponens in medio vel numero peccatorum, ut habeat Christum advocatum. Justus advocatus injustas causas non suscipit. Qui tamen nos justos defendet in judicio, si non accusamus injustos in hoc sæculo. *Ipse est*, inquit, *propitiatio pro peccatis nostris*, nos scilicet propitiatus Deo Patri prædicatione, et intercessione, *non pro nostris tantum*, qui modo in carne vivimus, *sed etiam pro totius mundi*, id est pro omni ecclesia. Nemo ergo dicat, Ecce hic Christus, aut illic est Christus (Marc. xiii). Quare ? Quia ubique est Christus, et ubique propitiatur. *Et in hoc scimus quoniam cognovimus eum, si mandata ejus observemus*. Scire vel cognoscere, non semper pro notitia dicitur, sed pro experimento, et unione alterius rei. Cognoscimus Deum, quando unimur ei ; quia qui sic noscit, mandata servat. Quasi diceret : *In hoc scimus*, id est, notitiam habemus, quia novimus unum Deum adhærentes ei, *si mandata ejus, id est charitatem observamus, sicut ubi ait : Hoc est præceptum meum, ut diligatis invicem sicut dilexi vos (Joan. xv)*. Debemus ergo fragilitatem nostram attendere, debemus in peccatis advocatum quærere ; quod ut impetremus, de custodiendis mandatis laboremus, per quæ ad cognitionem ejus venitur. Sequitur : *Qui dicit se nosse Deum, et mandata ejus non custodit, mendax est, et in eo veritas non est*. Non est magnum unum Deum nosse, cum et dæmones credant, et contremiscant (Jac. ii). Hoc est ergo Deum nosse, quod amare. Ac si diceret : *Qui dicit se nosse Deum, id est, qui mandata ejus servat, ille scit Deum*. Nam qui non servat mandata, nescit illum, *et in eo veritas non est*, Christus scilicet qui dicit : *Ego sum via, veritas, et vita (Joan. xiv)*. *Qui autem servat verbum ejus, vere in hoc charitas Dei perfecta est*, id est, ille scit eum. *In hoc scimus quoniam in ipso vivimus vera vita, et non morimur*. Sequitur : *Qui dicit se in illo manere, debet, sicut ille ambulavi, et*

*ipse ambulare.* Ac si patenter dicat: Vere observanda sunt mandata Dei, quia post baptismum dicimus nos in ipso manere, et qui dicit, se in ipso manere, debet sicut ille ambulavit, qui pro inimicis oravit, et ipse in via justitiæ, et charitatis, et patientiæ pro modulo suo ambulare de virtute in virtutem. Unde dicitur: *Qui vult post me venire, abneget semetipsum, et tollat crucem suam, et sequatur me* (Matth. xvi). Iterum subjungens ait:

*Charissimi, non mandatum novum scribo vobis, sed mandatum vetus quod habuistis ab initio.* Eadem charitas mandatum vetus est, quia ab initio commendata est eadem et mandatum novum est, quia tenebris ejectis, desiderium novæ lucis infundit. Ac si apertius diceret: *Non mandatum novum scribo vobis, sed mandatum vetus,* id est usitatum a justo Abel et a sanctis Patribus, non quod ad solum veterem hominem pertineat, sed etiam ad novum quod habuistis ab initio fidei vestræ. *Mandatum vetus est verbum quod audistis.* Ac si apertius diceret: verbum istud, quod audistis a me et ab aliis prædicatoribus, est illud *vetus mandatum;* et ideo *vetus,* quia ab initio fidei vestræ illud audistis. Sequitur: *Iterum mandatum novum scribo vobis, quod verum est in ipso, et in vobis, quia tenebræ jam transierunt, et lumen verum jam lucet.* Quasi diceret: Hoc mandatum debetis tenere; quia non tantum semel prædico et commendo, sed quia multum vobis illud utile video, iterum iterumque illud quasi novum replico. *Quod verum est,* inquit, *et in ipso et in vobis,* id est secundum quod promisi per observationem mandatorum Dei ad ipsius cognitionem et dilectionem perveniri, et in ipso Christo impletum quia obedivit Patri usque ad mortem, et ideo est glorificatus (Philip. ii). *Verum est hoc mandatum et in vobis,* quorum quidam jam per hoc cum Deo gloriantur. Et vere est novum, quia *tenebræ jam transierunt, et lumen verum jam lucet.* *Tenebræ* ad veterem hominem, lux vero ad novum pertinet. *Tenebræ,* id est corpus passibile, et miseriæ carnis in Christo transierunt, et *verum lumen* immortalitatis jam lucet, ex eo in quo illuminat etiam alios, qui fuerunt veteris hominis et tenebræ, nunc autem lux sunt in Domino (Ephes. v). Iterum subjungens ait: *Qui dicit se in luce esse, et fratrem suum odit, in tenebris est usque adhuc.* Hic determinat quod mandatum accipiat, id est charitatem; et qualiter charitas ipsa habenda sit, scilicet dilectio proximi. Quasi diceret: Qui dicit se in luce esse Christianæ fidei, vel bonæ operationis, et fratrem suum, quem Deus præcipit diligere, odit, in tenebris est, usque adhuc, in peccatis videlicet in quibus natus erat; vel deputatus est tenebris inferni. Iterum dicit: *Qui diligit fratrem suum, in lumine manet, et scandalum non est in eo.* Qui diligit fratrem tolerat omnia propter unitatem charitatis: etiam si fratri adhibet correctionem, non irascitur, non ignominiosa infert.

(20) Al. ms. vitiose ostenditur.

**A** Unde Psalmista Deo loquitur dicens: *Pax multa diligentibus legem tuam, et non est illis scandalum* (Psal. cxviii). Ac si Propheta Domino apertius loqueretur dicens: *Pax multa est in mente diligentium legem tuam, etsi non omnimodo: vel multa pax erit in futuro ubi vere perfecta erit charitas diligentibus te.* Charitas enim pellit omnes perturbationes. *Et non est illis scandalum,* id est non offenditur (20) diligentibus legem Dei in petra scandali, ut Judæis et hæreticis. Illi qui diligunt non scandalizantur, quia non sunt pusilli, de quibus Dominus dicit: *Quicumque scandalizaverit unum de pusillis istis, qui in me credunt* (Matth. xviii), etc. Pusillorum est scandalizari, non perfectorum. Vel non est illis scandalum ipsa lex; quia qui diligit legem, si quid in ea non intelligit, honorat, et quod absurde sonare videtur, judicat esse magnum, et se nescire, et ideo illi lex non est scandalum. Vel nullum undecunque est eis [f. ei] scandalum, quia fides ejus ex ipsa lege pendet ut [f. non] ex moribus hominum; ne aliquibus cadentibus, qui magni habebantur, ipse scandalo pereat. Legem vero secuturus (21) diligit, et est ei pax et nullum scandalum; in qua lege etiamsi multi peccant, ipsa tamen non peccat, nec peccare novit.

*Multa ergo pax est diligentibus legem Dei, id est charitatem, et non est illis scandalum.* Ac si apertius beatissimus evangelista Joannes diceret: *Qui diligit fratrem suum postquam videlicet per baptismum ad Deum accessit, in lumine bonorum operum manet,* quia tunc ei bona opera, et lux fidei prosunt. Sequitur: *Qui autem odit fratrem suum, in tenebris est, et in tenebris ambulat, et nescit quo vadat, quoniam tenebræ obcæcaverunt oculos ejus.* Quasi diceret: Qui diligit fratrem, est in lumine scientiæ et operationis; sed qui odit est in tenebris ignorantiæ, et per ipsam ignorantiam ambulat de vitio in vitium; et nescit, id est non prævidet quo eat, vel ad quam pœnam rapiendus sit. Quo eat ignorat, viam scilicet qua convertatur ad melius; et hoc non ideo quin via aperta sit, sed quia tenebræ obcæcaverunt oculos ejus; quia a lumine Christi recedens, peccatis, et carnali voluptate ita præpediuntur, ut etiamsi bonum videat, non tamen exsequitur. Iterum dicit: **D** *Scribo vobis, patres, quia cognovistis eum, qui ab initio est.* Quasi diceret: Hoc etiam modo potest haberi charitas, si Deum diligitis, et mundum cum omnibus, quæ sunt ejus, despiciatis; et hoc scribo vobis, ut rem utilem.

Ac si apertius dicat: *Scribo vobis, patres,* non ætate, sed sapientia, quorum est antiqua meminisse, et minoribus pandere; *quia cognovistis eum qui ab initio est,* Christum videlicet cum Patre, et Spiritu sancto, semper fuisse scitis, et hoc aliis nuntiatis. Vel, patres sunt venerandi senes, quibus jam debet amor mundi frigescere. Quasi diceret: Omnibus scribo: quibusdam vero ut patribus; qui-

(21) Glo sa · securus.

busdam ut filiis; aliis autem ut juvenibus. Sequitur: *Scribo vobis, filioli, quoniam remittuntur vobis peccata propter nomen ejus.* Ideo ergo patres, quia cognovistis antiqua; ideo filii, quia remittuntur vobis peccata; ideo juvenes, quia fortes estis, et vicistis. Omnes vocat filios quos ipse in fide præcessit. Filioli parvuli sunt, non ætate sed scientia. Ac si aperte dicat: *Scribo vobis, filioli, obedientes, scilicet Patri, vel nuper geniti; quoniam remittuntur vobis peccata.* Proponit causam, qua possit eos abstrahere ab amore mundi; quia baptizatis in nomine Christi, ejusque nomen invocantibus dimituntur peccata; ergo magis Christo adhærendum est quam mundo. Iterum dicit: *Scribo vobis, adolescentes, quoniam vicistis malignum.* Adolescentiæ tempus, propter incentiva carnis, est lubricum, sed, propter robur ætatis, est habile et certamini aptum. Hi juvenes quos laudat, tentamenta voluptatum verbi Dei amore vicerunt, et persecutiones contempserunt. Sequitur: *Scribo vobis, infantes, quoniam cognovistis Patrem.* Hoc in loco infantes dicit humiles spiritu, qui quo magis humiliantur sub potenti manu Dei, eo sublimius norunt arcana æternitatis. Unde dicitur: *Revelasti ea parvulis (Matth. xi).* *Scribo vobis, patres, quia cognovistis eum qui ab initio est.* Commendat et repetit. Quasi diceret: Mementote vos esse patres; quia si obliviscimini eum, qui ab initio est, perdidistis paternitatem. Sequitur: *Scribo vobis, juvenes, quoniam fortes estis: et verbum Dei manet in vobis, et vicistis malignum.* Quasi diceret: *Scribo vobis juvenes, qui virtute animi, et amore verbi Dei incentiva carnis vicistis, et diabolo tentanti viriliter resististis.* Trahebantur tunc temporis ex consuetudine ad lupanar, sed isti viriliter resistendo vincebant. Ac si patenter diceret: Considerate etiam quia juvenes estis; pugnate, ut vincatis; vincite, ut coronemini; humiles estote, ne in pugna cadatis; et quia jam vicistis malignum, turpe esset vinci ab illo, quem jam vicistis.

Quia ergo de hominum ætatibus, beatissimo Joanne evangelista prædicante, lectio nobis sese obtulit; dignum est, charissimi, ut de earumdem ætatum differentiis, sancto Isidoro Hispaniarum doctore disserente, latius aliqua audiamus (22). « Gradus, inquit, ætatis hominis sex sunt: infantia videlicet, pueritia, adolescentia, juvenus, gravitas, atque senectus. Prima ætas infantia est, quæ porrigitur in septem annis. Secunda ætas pueritia, id est pura et necdum ad generandum apta, tendens usque ad quartum decimum annum. Tertia ætas adolescentia, ad gignendum adulta, quæ porrigitur usque ad viginti octo annos. Quarta juvenus, firmissima ætatum omnium, finiens in quinquagesimum annum. Quinta ætas senlorum, id est gravitas, quæ est declinatio a juvenute in senectutem, nondum senectus, sed jam non juvenus,

A quia senioris ætas est, quam Græci πρεσβύτης vocant; nam senex apud Græcos presbyter, sed γέρον dicitur; quæ ætas a quinquagesimo anno incipiens, septuagesimo terminatur. Sexta ætas senectus, quæ nullo annorum tempore finitur, sed post illas quinque ætates, quantum vitæ est, senectutis deputatur. Senium autem pars est ultima senectutis dicta, quod sit terminus sextæ ætatis. In his igitur sex spatiis philosophi vitam descripserunt humanam in quibus mutatur, et currit, et ad mortis terminum pervenit. »

Ad ea iterum necesse est, ut redeamus, quæ superius omisimus. Ait etiam sanctus Joannes evangelista: *Charissimi, nolite diligere mundum, neque ea, quæ sunt in mundo.* Quasi diceret: Utimini mundo ad necessitatem, sed non diligatis ad superfluitatem; *et carnis curam ne feceritis in desideris (Rom. xiii).* Quasi diceret: *Vobis omnibus hoc scribo: Nolite diligere mundum, id est abundantiam mundi, vel pulchritudinem ejus; neque ea, quæ in mundo sunt, ut aurum, argentum, et omnem fluxum divitiarum.* Sequitur: *Si quis diligit mundum, non est charitas Patris in eo.* Ac si dicatur: Quia cor duos sibi adversarios non capit amores, radicati in charitate, super hanc radicem nihil ædificetis, nisi quod convenit charitati, quia non potestis duobus dominis servire (Matth. vi). Sicut dilectio Dei est fons omnium virtutum, ita dilectio mundi omnium vitiorum. Unde sequitur: *Omne quod est in mundo concupiscentia carnis est, et concupiscentia oculorum, et superbia vitæ: quæ non est ex Patre, sed ex mundo est. Et mundus transibit, et concupiscentia ejus.* Quæ concupiscentia, et superbia non est ex Patre. Pugna etiam vitiorum non est ex Deo Patre et conditore, sed ex mundi amore quem Deo præferimus. Fecit Deus homines rectos, ipsi autem se miscuerunt infinitis questionibus (Eccl. vii). *Deus intentator malorum est, sed unusquisque tentatur a propria concupiscentia (Jac. i).* Omnes dilectores mundi nihil habent, nisi hæc tria quibus omnia vitiorum genera comprehenduntur.

Concupiscentia carnis est desiderium omnium, quæ ad voluptates et delicias corporis pertinent, ut cibus, potus concubitus, et hujusmodi; concupiscentia oculorum est omnis curiositas, quæ sit in discutiendis magicis artibus, in contemplandis spectaculis turpibus, in supervacuis acquirendis rebus temporalibus, in dignoscendis, in carpendisque vitiis proximorum; superbia vitæ est cum quis se jactat in honoribus, et magnas familias expetit. Per hæc tria visus est Adam, quia cibum vetitum concupivit, et esse voluit sciens bonum et malum, id est sicut Deus esse voluit (Gen. iii). Hæc tria vicit Christus qui non captus amore corporalis panis, non descendit de pinna, nec tolli voluit super mundi regna (Matth. iv). Dicatur itaque apertius: *Omne quod in mundo est, concupiscentia carnis est, cum per tactum*

(22) Lib. xi, *Etyrnolog.*, c. 2.

videlicet vel gustum caro delectatur; et *concupiscentia oculorum* quando visus delectatur, ut in pulchris vestibus, et auro, et talibus, et *superbia vitæ*, omnis scilicet ambitio sæculi, quæ non est ex Patre, non est videlicet ex Deo creante, et paterne nobis providente, sed ex mundo est, id est ex eo quod nos applicamus ad mundum. Adhæreamus ergo Deo Patri in hoc mundo, quia *mundus transibit* in novam scilicet formam, et *concupiscentia ejus*, cum in illa die perierint omnes cogitationes malorum (*Psal. cxxlv*). Qui autem facit voluntatem Dei, manet in æternum, quia dum viveret, æterna quæsit.

*Filioli, novissima hora est.* Quasi diceret: Prope est unuscujusque finis, et ideo convenit vos instare operibus bonis: *Et sicut audistis*, inquit, quia *Antichristus venit, nunc Antichristi multi facti sunt*; unde scimus quia *novissima hora est*. In undecima hora sumus. Venit Salvator in carne, et secutura est Antichristi pestis, quæ præconia salutis impugnet, quæ vineam, quam Christus excolit, exstirpet: et hujus nequissimi capitis jam multa membra præmissa sunt, a quibus est cavendum, quia jam imminet finis sæculi. Vel *novissima hora*, id est similis novissimæ, similis videlicet, hæc persecutio illi futuræ. Quasi diceret: Hoc etiam modo potest haberi charitas, si nullo instinctu hæreticorum devietis a fide, et cæteris quæ sunt Dei, et ut eam teneatis, permaneant in vobis, quæ audistis ab initio. Proponit causas quia *filioli*, et quia *novissima hora est*. *Antichristi* sunt omnes hæretici: omnes videlicet qui fidem quam confitentur, destruunt actibus: omnes scilicet Christo contrarii, qui venturo capiti suo reddunt testimonium, quia *ministerium iniquitatis jam operatur* (*II Thess. II*). *Antichristi* sunt qui baptizati, et chrismate inuncti: per quod melius possunt accipi, qui sunt Christo ejusque Ecclesiæ contrarii. Ac si apertius diceret: Propter hoc in fide et bonis operibus debetis persistere, quia *multi Antichristi sunt* qui vos seducere volunt: et sicut jamdudum audistis cum quanto impetu et errore Antichristus venturus est, cum tanta violentia, et isti veniunt. *Unde scimus quia novissima hora est*, id est quia multi Antichristi sunt, absque dilatione veniet dies judicii. Iterum dicit: *Ex nobis prodierunt, sed non erant ex nobis*. Ac si patenter dicat: Multi sunt Antichristi, non tamen vos terreant, si ad Judaismum, vel paganismum redierunt. Non etiam per hoc putetis Ecclesiam pati aliquod damnun, quia etsi *exierunt ex nobis*, tamen *non erant ex nobis* veraciter, nec potuissent egredi nisi Christo essent contrarii. Qui Christo non est contrarius, in corpore Christi manet.

Quid de Antichristo ejusque membris beatus Isidorus sentiat, ad eruditionem nostram ostendat (23). *Antichristus*, inquit, appellatur, quia contra Christum venturus est. Non igitur quomodo quidam

A simplices intelligunt, Antichristum ideo dictum, quod ante Christum venturus sit, id est post eum veniat Christus, sed quia Antichristus Græce dicitur, quod est Latine *contrarius Christo*: *ἀντι* enim Græce, in Latinum *contra* significat. Christum enim se esse mentietur, dum venerit, et contra eum dimicabit, et adversabitur sacramentis ejus, ut veritatis illius Evangelium solvat. Nam et templum Jerosolymis reparare, et omnes veteris legis cæremonias restaurare tentabit; nam et ille Antichristus est qui negat Christum esse Deum, qui contrarius Christo est, omnes etiam qui exeunt de Ecclesia et ab unitate fidei præclicantur, et ipsi Antichristi sunt.

Iterum beatus Joannes subjungit dicens: *Si fuissent ex nobis, permansissent utique nobiscum: sed, ut manifesti sint, quoniam non sunt ex nobis, idco exierunt a nobis*. Sic sunt fidei Christiani in Ecclesia quomodo humores mali in corpore; et sicut, cum evomuntur, relevatur corpus, sic, cum exeunt mali, relevatur Ecclesia. Multo qui non sunt ex nobis accipiunt nobiscum sacramenta Christi; sed tentatio probat eos, qui non sunt ex nobis. Quando illis tentatio venerit; quasi occasione venti foras volant, quia grana non erant. Sed omnes mali procul dubio tunc volabunt, cum Dominica area cœperit in die judicii. Dicatur iterum apertius: *Si fuissent ex nobis, permansissent utique nobiscum*: hoc est, inde probatur, quod non erant ex nobis prædestinatione et electione Domini; sed ut manifesti sint, ideo, permittente Deo, quidam ultima discussione exeunt ab Ecclesia, ostendentes se non fuisse de Christi corpore, ut per hoc manifeste clarescat, *quoniam non sunt omnes ex nobis*, qui nobiscum intus positi, sacramenta Christi percipiunt, et ideo non debet vos gravare eorum separatio. Iterum subjungens: *Sed vos unctionem habetis a Sancto et nostis omnia*. Cum de hæreticis loqueretur, repente ad suos conversus, dicit, eos unctionem habere a Sancto, id est a Christo, ut e contrario ostendat, quod hæretici et omnes Antichristi munere spiritualis gratiæ sint privati, nec pertinent ad eum, qui Sanctus vocatus est a prophetis. Ac si apertius diceretur: Vos debetis permanere in fide et bonis operibus, quia *habetis unctionem a Sancto* (Christo), baptismum scilicet vel Spiritum sanctum, per quem omnis dolor peccati, et ignorantia pellitur: *Et nostis omnia*, qui videlicet sunt boni, qui mali; nec opus est ut doceamini, quia unctio vos docet. Quasi diceret: Nostis veritatem fidei, docti per unctionem Spiritus, nec opus habetis doceri, nisi ut persistatis in eo quod cœpistis. Quasi diceret: *Non scripsi vobis quasi ignorantibus veritatem, sed quasi scientibus eam*. Ac si patenter dicat: Vere *nostis omnia*: nam si ignoraretis, quæ de fide tenenda essent, possem vobis, quasi parvulis, lac ministrare; sed quia perfecti estis in scientia, scripsi vobis sicut per-

(23) Lib VIII *Etymolog.*, c. 11.

fectis. Iterum dicit : *Et quoniam omne mendacium ex veritate non est ; quis est mendax, nisi is qui negat quoniam Jesus non est Christus ?* Quasi diceret : nullum mendacium est ex veritate ; quia qui mentitur non est ex Christo ; sed spiritualiter quis est mendax nisi is qui negat quoniam Jesus non est Christus, id est, Messias promissus in lege. Hic est Antichristus qui negat Patrem et Filium. Frustra confitetur Deum Patrem, qui negat Filium, qui ex eo procedit. Ne quis dicat : Christum non colo, sed Deum Patrem colo, addit : *Omnis qui negat Filium nec Patrem habet*, id est, qui negat Jesum esse Dei Filium, nec Filium, nec ipsum Patrem habet placatum. *Qui autem confitetur Filium, et Patrem habet* : id est, qui confitetur Jesum esse Filium Dei, et Patrem habet propitium. Ecce admoniti sumus quomodo agnoscamus Antichristum, scilicet eum quicumque negat Christum. Dixerat omne mendacium non esse ex veritate ; sed quia multa sunt genera mendaciorum inter se disparia, nunc singulare ponit mendacium negationis Christi, in cuius comparatione cætera, ut parva aut nulla videantur. Hoc proprium est Judæorum, qui dicunt mentiundo Jesum non esse Christum ; sed et omnium qui Christi mandatis obtemperare contemnant.

Sequitur : *Vos quod audistis ab initio, in vobis permaneat.* Ac si aperte dicat : *Quod audistis per prædicatores ab initio conversionis vestræ, in vobis permaneat* : id est, per observationem memoriter teneatis. Quasi diceret : Si quis dixerit vobis : *Ecce hic Christus aut illic (Matth. xxiv) est Christus ; ne credideritis, sed hoc tantummodo tenete quod ab apostolis didicistis.* Iterum dicit : *Si autem in vobis manserit quod audistis ab initio, et vos in Filio et Patre manebitis.* Primo Filium ponit, quia nemo venit ad Patrem nisi per Filium (Joan. xiv). Ac si apertius dicatur : Si in vobis permanserint quæ audistis, eritis membra Patris et Filii, ita ut a memoria et protectione Patris et Filii non excidatis : et hoc maxime debetis appetere, ut sitis in Patre et Filio, quia inde mercedem consequemini. *Hæc est repromissio, quam ipse pollicitus est nobis, vitam scilicet æternam.* Quasi diceret : Memoria mercedis promissæ faciat vos perseverantes in bono opere. Ac si aperte dicat : *Hæc est repromissio quam ipse qui non mentitur, pollicitus est nobis per se et per suos prædicatores, non aurum scilicet, non argentum, nec aliquid terrenum, sed vitam æternam.* *Hæc, inquit, scribo vobis de his qui seducunt vos.* Quasi diceret : Moneo ut ad hæc sitis attentus quæ dico, quia propter vitandos malos scripsi vobis hæc. *De his, ait, scripsi vobis qui seducunt vos ;* vel perversis dogmatibus, vel per aliquas illecebras, vel per adversa sæculi a vita æterna vos retrahunt. Sequitur : *Et vos unctionem, quam accepistis ab eo, maneant in vobis.* Ac si patenter dicat : Ut doctrinam

A quam exterius vos doceo, bene teneatis, curate ut sancti Spiritus gratiam, quam in baptismo consecuti estis, integram in corde et corpore servetis. Iterum dicit : *Non nece se habetis ut aliquis doceat vos, sed sicut unctio ejus docet vos de omnibus, et verum est, et non est mendacium.* Et, sicut docuit vos, manete in eo : ut, cum apparuerit, habeamus fiduciam et non confundamur ab eo in adventu ejus. Quasi diceret : *Non necesse habetis ut aliquis doceat vos,* quia sic fit ut, docente vos interius Spiritu sancto, minus indigeatis extrinsecus hominum instructione doceri. *Sed sicut unctio ejus, id est Spiritus sanctus, cujus sacramentum est in unctione visibili, docet vos de omnibus quæ tenenda sunt ;* vel unctio ejus, charitas quæ diffunditur in cordibus nostris per Spiritum sanctum qui datus est nobis ; quæ charitas ad observanda Dei mandata, cor quod implet, inflammat. (24) Nemo ergo, ut ait beatus Gregorius, docenti tribuat quod ex ore ejus intelligit ; quia nisi intus sit Spiritus sanctus qui doceat, lingua doctoris exterius in vacuum laborat. Nec tamen doctor taceat, sed bonum quod potest agat. *Verum est, inquit, et non est mendacium, subaudis quod prædico ;* quia qui aliter docent falsi sunt. Nec vos aliter invenietis vitam æternam, nisi sequamini viam castam fidei, quam per me audistis. *Verum est, et non est mutabile ut vetus lex.* Alia translatio et vera est, scilicet unctio, et non est mendax, et sicut docuit vos, manete in eo.

C Quasi diceret : Ideo quia verax est, sicut unctio ejus docuit vos, manete in eo. Et nunc, filioli, manete in eo. Crebra iteratione verba inculcat, ut mentibus acutius infligat. In eo, inquit, manete, etsi quid boni habetis, illi totum et non vobis ascribite ; mala autem vobis et diabolo imputate : ut cum apparuerit, ad præmium honorum, et damnationem malorum, habeamus fiduciam, hoc commodum habituri, et non confundamur ab eo, pro eo neglecto vel negato, in adventu ejus. Qui inter persecutiones in Domino manet non confusus, spem habet in ejus adventu ; sed qui hic erubescit, confundetur in ejus adventu, cujus præcepta negligit. Si scitis quoniam justus est, scitote quoniam et omnis qui facit justitiam ex ipso natus est. Si ergo nati sumus ex justo, justitiam justis Patris oportet nos sequi. Justitia perfecta vix est in angelis, vel in sanctis viris qui semper manent in contemplatione Dei. In nobis autem justitia ex fide incipit. Initium vero justitiæ confessio peccatorum est ; perficietur autem justitia quando jam non erit lucta cum carne, sed triumphus de hoste. Dicatur iterum apertius : Si scitis, id est, si hoc constat vobis, quoniam justus est, id est principaliter actor et natura totius justitiæ, scitote etiam hoc quoniam et omnis qui facit justitiam ex ipso (ministrante) natus est, de malo in bonum.

Sequitur : *Videte qualem charitatem dedit nobis*

(24) Hom. 30, in Evang.

*Pater ut Filii Dei nominemur et simus.* Dedit nobis charitatem Deus Pater, ut cum eum amare noverimus et possimus, non tantum ut Dominum servi, sed et ut Patrem filii amemus. Unde dicitur: *Quotquot autem receperunt eum, dedit eis potestatem filios Dei fieri, his qui credunt in nomine ejus (Joan. 1).* Videte, inquit, qualem charitatem dedit nobis Pater: hoc est, etsi non intelligitis, quod omnis justitia sit ex Deo, per hoc probate quantis et qualibus donis ostendit Deus erga nos paternam charitatem. Dedit enim nobis ut in hoc sæculo nomine et actu nominemur filii Dei et in futuro simus, possidendo hæreditatem in æterna beatitudine. Iterum dicit: *Propter hoc mundus non novit nos, quia non novit eum, scilicet Patrem.* Quasi diceret: Propter hoc quod filii Dei dicimur, mundus, id est, amatores mundi non diligunt nos, id est non percipiunt nostram dignitatem; non venerantur nos, sed affligunt. Iterum subjungens ait: *Charissimi, nunc filii Dei sumus, sed nondum apparuit quid erimus.* Quasi diceret: Esse et dici filios Dei, quæ dignitas est? Respondet: Nunc per miracula quæ facimus, et per puritatem vitæ, apparet quod sumus filii Dei; sed quidquid est in præsentī sæculo, parum est respectum (25) futuri: *Nondum apparuit quid erimus, quia nec oculus vidit, nec auris audivit, nec in cor hominis ascendit, quæ præparavit Deus diligentibus se (I Cor. 1).* Sequitur: *Scimus quoniam cum apparuerit, similes ei erimus, quoniam videbimus eum sicuti est.* Cum immutabilis et æternæ divinitatis contemplatione perfruemur, nos quoque immortales et æterni in illo erimus; non idem quod ipse, sed *similes*, quia creatura. Secundum quod *Verbum caro factum est (Joan. 1)*, viderunt mali Christum, et in judicio sunt visuri; sed quomodo Verbum in principio erat apud Patrem (*ibid.*), videbunt soli justī; et tolletur impius ne videat gloriam Dēi (*Isa. xxvi*). Ac si aperte dicat: *Scimus quoniam cum apparuerit in suo adventu secundum corpus, similes ei erimus, videlicet immortales et impassibiles, quoniam videbimus eum sicuti est, quia eum in ipsa deitatis suæ substantia contemplabimur, quod in hac vita nulli conceditur.* Iterum subjungens ait: *Omnis qui habet hanc spem in eo, sanctificat se, sicut et ille sanctus est.* Non solum per gratiam Dei facti sumus filii Dei, et speramus quod ei similes erimus; sed etiam ab iniquitate liberamur, quia ideo apparuit, ut peccata tolleret, de qua iniquitate nemo se excuset, quia: *Omnis qui facit peccatum, et iniquitatem facit: et peccatum est iniquitas. Et scitis quia ille apparuit, ut peccata tolleret: et peccatum in eo non est.* Omnis ergo, ut supradictum est, qui habet hanc spem, videlicet quod ad similitudinem Dei perventurus sit; *sanctificat se*, id est, in præsentī sanctitatem Dei non ex toto, sed pro modulo suo imitatur, pie vivendo, sæcularia abnegando, *sicut et ille sanctus est.* Nemo ergo dicat: Homo peccator sum, sed iniquus non sum; quia,

(25) *Respectu*, seu cum Glossa: *ad respectum.*

**A** *qui facit peccatum et iniquitatem facit.* Non aufert liberum arbitrium, dum dicit, quod homo se sanctificat; nec tamen consentit Pelagianis, qui dicunt hominem non indigere Dei gratia; sed sicut gloriam divinæ similitudinis pro modulo nostro præcipimur sperare, sic munditiam divinæ sanctitatis pro nostra capacitate jubemur imitari, ut præeunte gratia, vitare mala laboremus, dicentes Deo:

*Adjutor meus esto, Domine: ne derelinquas me, neque despicias me, Deus salutaris meus (Psal. xxvi).* Ac si apertius Propheta Deum deprecaretur dicens: *Adjutor meus esto, Domine*, quia ego, quamvis liber et in via positus, mihi tamen non sufficio. Quando enim inveniam te, nisi tu adjuves me? Sine te deliciam, et ideo peccator; in hoc, id

**B** est in hac via, *ne derelinquas me*, quasi incepto itinere. Jam in via me posuisti, sed aberrabo si me derelinquis. Voluntatem liberam mihi dedisti, sed sine te nihil est conatus meus. *Neque despicias me*, id est non contempnas, quia ego mortalis te æternum audeo quærere; quia tu es Deus qui me creasti, et salutaris meus, qui sanas plagam mei peccati. Quasi diceret: Frustra creasti et recreasti, si mortalem despicias; quod non debes, quia non mea propria, sed parentalis culpa est, qua in hanc mortalitatem decidi. Indiget ergo homo divina gratia, qua possit bona agere, et mala vitare quam Pelagiani omnino asserunt non indigere. Pelagiani a Pelagio monacho Africano sunt exorti. Ili litterum arbitrium divinæ gratiæ anteponunt, dicentes

**C** sufficere voluntatem ad implenda jussa divina. Omnis ergo, ut dictum est, qui facit peccatum, contrarius est divinæ legi. Græcè νόμος Latine *lex* dicitur. Inde *anomia*, id est *iniquitas*, quæ est contra legem vel sine lege. Inde dicit: Peccatum est iniquitas, quia cum peccamus, contra legem Dei facimus. Unde Psalmista: *Prævaricantes reputavi omnes peccatores terræ; ideo dilexi testimonia tua (Psal. cxviii).* Ac si patenter dicat: *Prævaricantes sunt, quales ego reputavi, vel æstimavi, vel reputavi omnes peccatores terræ; quia etsi prævaricatio non est, ubi non est lex, et non omnes habent legem scriptam, scilicet per Moysen datam, tamen habent naturalem legem, quæ dicit:*

**D** *Quod tibi non vis, alteri ne feceris (Matth. vii), contra quod omnes faciunt.* Parvuli etiam prævaricatores existunt, sicut in Patre sunt peccatores. Omnis ergo peccator prævaricator est, et bene ait, *peccatores terræ: quia sunt et peccatores cæli, sicut ille qui ait: Pater, peccavi in cælum et coram te (Luc. xv).* Nam et quicumque minuit aliquid de gratia, quam accepit de cælo, quam Spiritus sanctus dat vel infundit, in cælum peccat. Peccat ergo in cælum, qui, cæli incolæ, cælum relinquit; peccator terræ est, qui terrenis in olivitur delictis. Sequitur: *Ideo dilexi testimonia tua.* Quasi diceret: Et quia lex vel in paradiso data, vel naturaliter insita, vel scripta litteris, fecit omnes prævarica-

tiones, *ideo dilexi testimonia tua*, quæ sunt in lege de tua gratia, ut non sit in me justitia mea, sed tua. Lex enim data est, ut mittat ad gratiam, non solum attestando eam, sed timore prævaricationis quam fecit. *Ideo* igitur ait, *dilexi testimonia tua*, quia lex ad gratiam ducit, quæ sola liberat. Non solum ergo prævaricatores sunt, qui scriptam legem contempnunt, sed etiam qui innocentiam naturalis legis corrumpunt.

Iterum beatus Joannes subjungit, dicens: *Scitis quia ille apparuit ut peccata tolleret mundi*; ne nos videlicet, qui peccatis et iniquitatibus carere non possumus, desperemus, subdit quod per Christum a peccatis solvimur. Unde dicitur: *Ecce Agnus Dei, ecce qui tollit peccata mundi* (Joan. 1). Dei Filius tollit dimittendo peccata jam transacta; adjuvando, ne fiant similia; ducendo ad vitam æternam, ubi fieri omnino non possint. *Et peccatum non est in eo*; quia, si in illo esset peccatum, illi esset auferendum, non ipse auferret. Quasi diceret: Et quid prodest nobis, si sine peccato venit? Respondit: *Omnis qui in Deo manet, non peccat; et omnis qui peccat, non vidit eum, nec cognovit eum*. Ac si apertius diceret: *Qui peccat, non videt eum; et qui manet in eo, non peccat*. Quasi diceret: Vere ipse est immunis ab omni peccato, qui in Deo manet; quia etiam ille qui adhæret ei, in quantum in eo manet, non peccat, sed ex hoc quod ei adhæret, vitat peccata. Nam et omnis qui peccat, fide non videt eum in humanitate, nec cognovit eum, gustando scilicet suavitatem ejus. Si enim gustaret suavitatem ejus, id est, quam suavis est Dominus, non peccando a videnda ejus gloria se removeret.

Sequitur: *Filioli, nemo vos seducat*, dicendo quod vel justitia sit ex homine, vel quod cum peccato possit aliquis in Deo manere; quia et omnis justitia ex Deo est, et omne peccatum ex diabolo. Iterum dicitur: *Qui facit justitiam, justus est: sicut et ille justus est*. Sicut non semper in æqualitate dici solet; verbi gratia: Ut multum interest inter faciem hominis et imaginem de speculo, quia hic corpus, ibi tantum imago; et tamen hic et ibi oculi, hic et ibi aures; ita et nos habemus imaginem Dei, justitiam videlicet et sanctitatem Dei; sed non imaginem, qua Filius est æqualis Patri; non justitiam Dei, qua ille justus est incommutabili perpetuitate: nos credendo in eum quem non videmus; non sanctitatem, qua ille sanctus est sua æternitate, nos vero sola fide sancti. Ac si apertius diceret: *Qui facit justitiam, justus est*: id est qui habet actum justitiæ et intentionem, justus quidem est, sed non ex se; sed *sicut ille est*: id est ab eadem radice procedit justitia; sed in illo est principaliter, in isto secundarie; in illo naturaliter, in isto per adoptionem; quia quicumque justus est, ab illo justus est. Iterum subjungens ait: *Qui facit peccatum, ex diabolo est: quoniam ab initio diabolus*

*peccat*. Ex diabolo est qui peccatum facit, non carnis originem ducendo, sicut Manichæus voluit de cunctis hominibus; sed imitationem et suggestionem peccandi sumendo ab illo, sicut filii Abrahæ dicuntur imitando fidem ejus, et Judæi deserentes fidem Abrahæ, facti sunt non filii Abrahæ, sed filii diaboli. *Ab initio*, inquit, *diabolus peccat*, id est ab initio suæ creationis peccare cœpit, et peccat quotidie usque in præsens tempus. Sequitur: *In hoc apparuit Filius Dei, ut dissolvat opera diaboli*. Quasi diceret: *In hoc apparuit Filius Dei, per carnem ut dissolvat*, id est destruat opera diaboli, illam videlicet nativitatem quam a diabolo traximus. Adam a Deo factus est, sed peccando a diabolo natus. Tales diabolus filios genuit, qualis fuit.

*Cum concupiscentia nati sumus*; antequam nostra delicia aditamus, de illa damnatione nascimur, et morimur. Sed natus est Christus Deus et homo, ut solvat peccata hominum, et reducat ad vitam. Iterum dicit: *Omnis qui natus est ex Deo, peccatum non facit; quoniam semen ipsius in eo manet, et non potest peccare, quoniam ex Deo natus est*. Quasi diceret: Ita Christus solvit peccata, quia omnis qui natus est ex Deo in baptismo, peccatum non facit; quoniam semen ipsius, id est verbum per quod generatur, in eo manet; et non solum (26) quia non peccat, sed etiam non potest peccare, quodiu verbum retinet: quoniam ex Deo natus est, in quo peccatum non est. Non de omni peccato dicit: *Si enim dixerimus quoniam peccatum non habemus, nos ipsos seducimus et veritas in nobis non est*. De violatione ergo charitatis dicit, quoniam [f. quam] qui semen Dei, id est Verbum Dei quo renatus est, in se habet committere non potest, et ad hoc sequentia spectant; vel de quolibet criminali potest accipi.

*In hoc, ait, manifesti sunt filii Dei, et filii diaboli*. Verus filius legem Patris non potest dimittere. Lex Patris est: *Mando vobis ut diligatis invicem, sicut dilexi vos* (Joan. xv). Quasi diceret: *In hoc manifesti sunt filii Dei*, quod non peccant; et filii diaboli, in hoc quod peccant. Unde dicitur: *A fructibus eorum cognoscetis eos* (Matth. vii). Sequitur: *Omnis qui non est justus, non est ex Deo; et qui non diligit fratrem suum; quoniam hæc est annuntiatio quam audistis ab initio ut diligatis alterutrum*. Dilectio est certum signum quo discernuntur filii Dei et filii diaboli. Alia præcepta communia sunt bonis et malis, sed de hoc fonte non communicat alienus. Quidquid vis, habe; hoc solum si non habeas, nihil tibi prodest. Alias virtutes non habeas; hanc si habes, implesti legem, quia plenitudo legis est charitas (Rom. xiii). Ac si apertius diceret: *Omnis qui non est justus, id est, qui non rependit Deo quod debet, non est ex Deo; et qui non diligit fratrem suum, non est ex Deo*, quoniam vere habenda est dilectio, quam audistis ab initio. Unde dicitur: *Hoc est præceptum meum, ut diligatis invicem* (Joan. xv). Bonum est ergo ut diligamus alterutrum, sed non si-

(26) Hæc particula decet in Glossa et superflua videtur.

cut Cain, qui ex maligno erat, et occidit fratrem suum. Et propter quod occidit eum? Quoniam scilicet opera ejus maligna erant (27). Ubi est invidia, non est fraternus amor. Opera Cain mala non dicit, nisi invidiam et odium fratris; opera Abel justa non dicit, nisi charitatem. Ili discernuntur homines ut nemo attendat linguas, sed facta. Cor, si non bene faciat pro fratribus suis, ostendit quid in se habeat, scilicet odium. Cain recte offerebat creaturam Creatori, sed non bene dividebat, quando credebatur placere munera quæ offerebat cum odio fratris; Abel cum dilectione munera Deo obtulit, et Creatori placuit. Quasi diceret: *Non sicut Cain, qui ex maligno*, id est, ex diabolo erat, qui invidit Deo, et cecidit de cælo; invidit homini, et ejecit eum de paradiso; *quoniam opera ejus erant maligna*, id est, invidebat fratri; opera autem Abel bona erant, per charitatem videlicet Deo placita. Non mirum si amator mundi fratrem odit, fratrem dico separatim ab amore mundi, et cælestibus intentum desideriiis. Sequitur:

*Nolite mirari, fratres, si odit vos mundus*, id est, mundi amatores. Ac si apertius diceret: Dilectionem habete, nec propter mundi odium vel persecutiones dilectionem dimittatis, quia tentationibus probamini. *Nos scimus*, ait, *quoniam translati sumus de morte ad vitam quoniam diligimus fratres*. Nemo de virtutibus se extollat, nemo virium suarum paupertatem metuat; quoniam qui fratrem diligit, apertum dat indicium quia ad sortem justorum pertinet. Ac si patenter dicat: *Nos scimus*, quia propter mundum non debet minui dilectio, *quoniam translati sumus de morte ad vitam*, scilicet æternam, quoniam per hoc diligimus fratres; *sed qui non diligit, manet in morte*: id est, non tantum venturus est in æternam mortem, sed jam nunc manet in morte animæ. *Omnis*, inquit, *qui odit fratrem suum, homicida est*. Qui ex odio insequitur fratrem, provocat illum ad iracundiam, et discordiam, et sic quantum ad se, occidit eum in anima. Unde sequitur: *Omnis qui odit fratrem suum, homicida est*. Vita carnis anima, vita animæ Deus est; corporis mors amittere spiritum, animæ mors amittere Deum; qui igitur per odium fratris amittit Deum, amittit vitam. Diligere ergo debemus, non odisse; quia *qui odit homicida est*. Et scitis quia *omnis homicida non habet vitam æternam in se manentem*. Homicida est qui vel ferro percutit, vel odio insequitur. Si quis contemnit odium fratris, non contemnet in corde suo homicidium, non movet manus ad occidendum, et homicida jam tenetur; vivit ille, et iste interfectus judicatur. Dicatur iterum apertius: *Scitis quia omnis homicida*: id est, quamvis per fidem hic inter sanctos vivere videatur, tamen cum Cain perpetuo damnabitur; quia hoc genere homicidii tenetur ut discordet a fratribus. Sæpe cum illum, quem diligere nos dicimus, flagello castigationis

(27) Hic desunt verba quæ in Vulgata leguntur: *Frater autem ejus, justus*.

A Deus percutit, atque hujus sæculi adversitatibus tangit, despiciamus; et tanto illum inter amicos habere contemnimus, quanto amplius divina castigatione humiliatum videmus; ac per hoc, dum ei in necessitatibus subvenire dedignamur, Deum qui illum misericorditer flagellavit, offendimus. Unde beatum Job dixisse legimus:

*Qui tollit ab amico suo misericordiam, timorem Domini derelinquit* (Job. vi) Gregorius (28). « Quis hoc loco amici nomine, nisi quilibet proximus designatur, qui eo nobis fideliter jungitur, quo percepto nunc a nobis bono opere ad obtinendam post æternam patriam veraciter auxiliatur? » Quia autem duo sunt præcepta charitatis, Dei videlicet amor et proximi, per amorem Dei amor proximi gignitur, et per amorem proximi Dei amor nutritur. Nam qui amare Deum negligit, profecto amare proximum nescit, et tunc plenius in Dei dilectione proficimus, si in ejusdem dilectionis gremio prius charitate proximi lactamur. « Quia enim amor Dei amorem proximi generat, dicitur per legem Dominus: *Diliges proximum tuum sicut teipsum* (Lev. xix), præniisit dicens: *Diliges Dominum Deum tuum* (Deut. vi); ut scilicet in terram pectoris nostri prius amoris sui radicem sizeret, quatenus per ramos postmodum dilectio fraterna germinaret. Et rursus, quia amor Dei proximi amore coalescit, testatur Joannes qui in hac Epistola increpat, dicens: *Qui non diligit fratrem suum quem videt, Deum quem non videt quomodo potest diligere?* Quæ tan. en divina dilectio per timorem nascitur, sed in affectu crescendo permutatur. Sæpe vero omnipotens Deus ut ostendat quantum quisque a charitate ejus vel proximi longe sit, miro ordine cuncta dispensans, alios flagellis deprimit, et alios successibus fulcitur; et cum quosdam temporaliter deserit, in quorundam cordibus, quod malum latet ostendit. Nam plerumque ipsi nos miseros insequuntur, qui felices sine comparatione coluerunt. Quisque positus in prosperitate diligitur, cadens vero in paupertatem contemnitur: quia amissio felicitatis interrogat vim dilectionis. Unde bene quidam sapiens ait: *Non agnoscitur in bonis amicus, et non absconditur in malis inimicus* (Eccl. xii). Nec prosperitas quippe amicum indicat, nec adversitas inimicum celat, quia et ille sæpe prosperitatis nostræ reverentia tegitur, et iste ex confidentia adversitatis aperitur. Vir igitur justus in flagellis positus, dicat: *Qui tollit ab amico suo misericordiam, timorem Domini derelinquit*. Quia nimirum qui ex adversitate proximum despicit, aperte convincitur quod in prosperis non amavit. Et cum omnipotens Deus ideo quosdam percutiat, ut et percussos erudiat, et non percussis occasionem boni operis præbeat, quisquis percussus despicit, occasionem a se virtutis repellit; et tanto se nequius contra actorem erigit quanto hunc nec pium in salute propria, nec justum in alieno vulnere agnoscit. Intendum vero

(28) Lib. vii *Etymolog.*, c. 10.



est, quod beatus Job sic sua loquitur, ut totius quoque electi populi per eum vita signetur. Quia enim ejusdem populi membrum est; cum ea quæ ipse patitur, narrat, etiam quæ sustinet ille denuntiat, dicens: *Fratres mei præterierunt me, sicut torrens qui raptim transit in convallibus*. Reproborum mens quia sola præsentia diligit, quæ nunc tanto aliena existit a verbere quanto post extranea remanebit ab hæreditate, ut superba justos despicit, quos paterna misericorditer severitas affligit; sæpe vero reprobi eandem fidem, qua vivimus retinent eadem fidei sacramenta percipiunt, ejusdemque religionis unitate continentur, sed tamen compassionis viscera nesciunt, charitatis vim qua in Deum et proximum flagramus non agnoscunt. Recte ergo et fratres et prætereuntes vocantur, quia ex uno matris nobiscum gremio per fidem prodeunt, sed in uno charitatis studio erga Deum et proximum non liguntur. Unde et apte etiam torrenti, qui raptim transit in convallibus, comparantur. Torrens namque ex montanis ad ima defluit, et collectus hiemalibus pluviis, æstivo sole crescit. Qui enim terrena diligentes, spem supernæ patriæ deserunt, quasi ex montibus valles petunt. Quos tamen hiems præsentis vitæ multiplicat, sed ætas venturi judicii exsiccat, quia cum sol supernæ districtiois incaluerit, reproborum lætitiæ in ariditatem vertet. Bene est autem dicere, *raptim transit in convallibus*. Torrentem quippe ad convalles raptim transire, est pravorum mentes ad ima desideria sine ullo obstaculo ac difficultate descendere. Omnis namque ascensus in labore est, descensus in voluptate, quia per adusum gressus ad superiora tenditur, per remissionem vero ad inferiora declinatur. Ad montis verticem saxum subvehere, magni laboris est; idque a summis ad ima dimittere laboris non est; sine mora videlicet proruit, cum magnis vero conatibus ad summa pervenit. Longo studio seges seritur, sole atque hmbre diutino nutritur; sed tamen una et summa scintilla consumitur. Paulisper alta ædificia proficiunt, sed repentinis casibus terram petunt. Robusta arbor per tarda incrementa se erigit; sed quidquid diu ad alta protulit, semel et simul cadit. Quia igitur descensus in voluptate est, recte nunc dicitur: *Fratres mei præterierunt me sicut torrens, qui raptim transit in convallibus*. Quod tamen sentiri et aliter potest. Si enim convalles ima pœnarum loca intelligimus, injusti quique raptim sicut torrens ad convalles transeunt, quia in hac vita quam totis desiderii appetunt, diu stare nequaquam possunt. Nam quot dies ætatis accipiunt, quasi tot quotidie gressibus ad finem tendunt. Angeri sibi tempora optant; sed quia concessa persistere nequeunt, quot augmenta vivendi percipiunt, de vivendi spatio totidem perdunt. Momenta ergo temporum, quod [edit. quo] sequuntur, fugiunt, quod accipiunt, amittant. Raptim itaque ad convalles transeunt, qui in longa quidem voluptatis desideria trahuntur, sed ad inferni claustra repente deducuntur. Quia

A enim hoc etiam, quod qualibet longævitæ extensum est, si sine clauditur, longum non est; ex sine miseri colligunt, breve fuisse quod amittendo tenuerunt. Unde bene per Salomonem dicitur: *Si multis annis vixerit homo, et in his omnibus lætus factus; meminisse debet tenebrosi temporis et dierum multorum qui, cum venerint, vanitatis arguuntur præterita* (Eccl. xi). Stulta etenim mens cum malum repente invenerit, quod nequaquam præterit, æternitate ejus tolerando intelliget, quia quod præterire potuit vanum fuit. Qui ergo, ut supra diximus, fratrem aliqua adversitate percussum despicit; Deum qui illum pro animæ salute afflxit, offendit, quia et erga fratrem impius, et erga Deum superbus existit. Dignum est itaque, ut, sicut nos dilexit Dens, et nos invicem verbo et opere diligamus, ne per odium reos nos homicidii in ejus judicio constituamus. Ait iterum beatus Joannes:

*In hoc cognovimus charitatem Dei, quoniam ille pro nobis animam suam posuit. Et nos debemus pro fratribus animas ponere*. Propositis multis rationibus de habenda charitate, tandem supponit de charitatis perfectione sub exemplo Dominicæ passionis. Hanc Petrus monetur habere, cum Domino interroganti profiteretur se amare; cui dicitur: *Cum senueris extends manus tuas, et alius te cinget*. (Joan. xxi). In quibus verbis ut animam pro ovibus poneret, docebatur. *Majorem enim charitatem nemo habet quam ut ponat quis animam suam pro ovibus suis* (Joan. xv). Quasi diceret: Multis modis habendam charitatem probavi; ut autem ad finem veniam, ex charitate debemus animam pro fratribus ponere, sicut Christus animam suam posuit pro omnibus nobis. Iterum dicit: *Qui habuerit substantiam mundi hujus et viderit fratrem suum necesse habere, et clauserit viscera sua ab eo: quomodo charitas Dei manet in eo?* Si vel ex temporis opportunitate, vel ex humana infirmitate non contigerit animam ponere, debemus saltem res nostras pro fratribus ponere, quia hoc est nutrimentum charitatis. Qui didicit rem suam indigentem dare, consequenter poterit seipsum pro salute fratris impendere. Ac si patenter dicat: *Qui viderit fratrem suum necesse habere, vestitus scilicet vel victus; et clauserit viscera sua ab eo*, ut non compatiatur miseræ illius; vel nihil ei det, etiam si compatiatur, quomodo charitas Dei manet in eo? Id est, si superflua non vis dare fratri, quomodo animam tuam dabis pro fratre? Sequitur: *Filioli mei, non diligamus verbo neque lingua, sed opere et veritate*. Quasi diceret: Quia non est perfecta charitas in illo qui non ponit animam pro fratribus, vel qui saltem non eis dat pecuniam; ergo ut perfectam charitatem habeatis, filii ejusdem Patris, non diligatis verbo, id est solo verbo, neque lingua, hoc est in sola locutione composita, sed opere et veritate, id est, in operibus misericordiæ sine simulatione. In lingua multiplex oratio intelligitur, sicut quidam sæpe repetitis sermonibus appetitum suum

volunt commendare. Iterum dicit: *In hoc cognoscimus quoniam ex veritate sumus: et in conspectu ejus suademus corda nostra: quoniam si reprehendit nos cor nostrum, major est Deus corde nostro, et novit omnia.* Quasi diceret: In hoc quod in veritate diligimus, scimus quoniam ex veritate sumus, id est scimus ex Deo, qui est veritas, hanc veram dilectionem habere, et ex hac dilectione scimus nos esse in conspectu, id est promereri ejus conspectum: et in hac etiam suademus corda nostra ad meliora opera excogitanda. Ac si apertius diceretur: *In hoc videlicet ut simplici intentione beneficia fratribus præstemus, non propter jactantiam, nec propter aliquod temporale commodum: sed respectu solius Dei cognoscimus quoniam ex veritate sumus, id est cum opera pietatis in veritate facimus, patet quod ex Deo, qui est unitas, sumus, cum ejus perfectionem pro modulo nostro imitatur. Et in conspectu ejus, id est tales cogitationes corda nostra habere suademus, quæ dignæ sint divinis conspectibus.* Omnis enim qui aliquid facere disponit, ad idem factum meditandum corda sua se convertere suadet. Sed qui mala cogitat, si posset, ea Deo occultaret; qui vero bona facillime cordi suadet ut in conspectu Dei patere desideret, quod est initium magnæ perfectionis, cum sua opera vel cogitatus a Deo gaudet videri: quia, *Qui facit veritatem, venit ad lucem ut manifestentur opera ejus, quia in Deo sunt facta.* (Joan. III). Etiam hoc magnum est, quod per dilectionem ita mundas habemus cogitationes, quod eas Deo volumus ostendere: quia etiam si conscientia accusaret nos intus, et vellet latere Deum quia non bono animo bona nostra faceremus, tamen Deum latere non possumus, quia major est corde, et novit omnia. Valet ergo dilectio quæ nos commendat illi, quem latere non possumus. Ac si aperte dicat: *Diligamus opere, non verbo, quia si etiam fallimur in dilectione ex humana infirmitate, non fallimur in mercede, quia major est corde nostro, et novit quo zelo fiant omnia.* Iterum subjungens ait:

*Charissimi, si cor nostrum non reprehenderit nos, fiduciam habemus ad Deum, et quidquid petierimus, accipiemus ab eo: quoniam mandata ejus custodimus, et ea quæ sunt placita coram eo facimus.* Quasi diceret: *Si cor nostrum non reprehenderit nos, in dilectione scilicet, certi sumus quod puram dilectionem habemus, fratrum salutem quærentes sine alio emolumento.* Aliter: *Si cor nostrum non reprehenderit nos, in oratione videlicet, dum dicimus: Dimitte nobis debita nostra, sicut et nos dimittimus debitoribus nostris* (Matth. VI), etc. Si ergo in dilectione non reprehenderit nos cor nostrum, fiduciam habemus ad Deum, non in conspectu hominum, sed ubi Deus videt, scilicet in corde: *et quidquid ex radice charitatis petierimus, etsi aliquando non ad voluntatem, semper tamen ad salutem accipiemus ab eo: quoniam mandata ejus, id est charitatem custodi-*

(29) Glossa in interlin. scilicet.

*mus in animo, et opera charitatis quæ sunt placita coram eo, in abscondito ubi ipse videt, facimus.* Magna promissio est desiderabilis fidelibus, sed si quis est adeo perversus ut cælestibus promissis non delectetur, saltem timeat quod e contrario Sipientia terribiliter intonat dicens: *Qui avertit aurem suam, ne audiat legem, oratio ejus erit execrabilis* (Prov. XXVIII). Sequitur: *Et hoc est mandatum Dei: ut credamus in nomine Filii ejus Jesu Christi: et diligamus alterutrum, sicut dedit mandatum nobis. Et qui servat mandata ejus in illo manet, et ipse in eo.* Mandatum singulari numero ponit, et duo subjungit, quia hæc nequeunt separari: Quasi aliquis quæreret: Quod est illud mandatum? Respondit: Fides et dilectio: ut credamus scilicet in nomine Filii ejus Jesu Christi, quia non est aliud nomen in quo oporteat nos salvos fieri (Act. IV): et diligamus alterutrum ita puro amore non sicut latrones vel quilibet scelerati se diligunt, sed sicut dedit mandatum nobis. Unde dicitur: *Ad hoc amate ad quod amavi vos* (29) et ut ad beatitudinem pertingatis. Et qui vel qua mercede hæc mandata fidei et dilectionis servantur, exsequitur cum ait: *Et qui servat mandata ejus, in illo, hoc est in Deo ut in domo, id est in tuto refugio manet, et ipse, scilicet Deus, manet in eo in præsentem, et in futuro, ut in vase mundo. Et in hoc scimus quoniam manet in nobis de Spiritu sancto, quem dedit nobis.* Quasi diceret: Si servamus charitatem, manet Deus in nobis; et si dubitamus an in nobis habitet, manifestis signis hoc possumus ostendere, quia dedit nobis genera linguarum, gratiam sanitatum, et cætera charismata. Sequitur:

*Charissimi, nolite omni spiritui credere, sed probate spiritus, si ex Deo sunt.* Primis temporibus crescentis Ecclesiæ cadebat spiritus super credentes, et loquebantur linguis, et faciebant miracula, sed nunc non eget Ecclesia exterioribus signis, quia omnino qui habet fidem et charitatem, testatur Spiritum sanctum in se manere. Hic est necessaria illa gratia, quæ discretio spirituum ad discernendum dicitur. Ac si apertius diceret: *Nolite omni spiritui, id est spiritualiter loquenti, credere ut eum eligatis ad imitandum, quia quædam dona sancti Spiritus sunt communia tam bonis quam malis, præter charitatem: sed probate spiritus utrum ex Deo sint, id est si secundum Deum sunt spirituales, si charitate nituntur; et ideo prædico vobis, quoniam multi pseudoprophetae exierunt in mundum, qui sub obtentu fidei errorem prædicant, et malis exemplis corrumpunt mores bonorum, charitatem non habentes.* Quia multi non habentes charitatem et unitatem Ecclesiæ pravo dogmate scindentes, nihilominus Spiritum sanctum in se esse contendunt, subdit, ut per fructus probentur, si sunt pseudo vel veri prophetae, quia non colliguntur de spinis uvæ, neque de tribulis ficus (Matth. VII). Iterum dicit: *In hoc cognoscitur Spiritus Dei. Di-*

cit aliquis : Quomodo possumus probare Spiritum Dei? Hoc videlicet signo cognoscitur : *Quia omnis spiritus qui confletur Jesum Christum in carne venisse ex Deo est : et omnis spiritus qui solvit Jesum, ex Deo non est, et hic est Antichristus, de quo audistis quoniam venit, et nunc jam est in mundo.* Multi hæretici, et multi schismatici constituentur Jesum in carne venisse, sed factis negant, non habendo charitatem.

(30) « *Hæresis Græcæ, ut jam dictum est, ab electionis vocatur : quod scilicet unusquisque id sibi eligat, quod melius illi esse videtur. Schismatici ab scissura animorum sunt vocati. Eodem enim cultu, eodemque ritu credunt ut cæteri; solo autem congregationis delectantur dissidio. Fit autem schisma, cum dicunt homines : Nos justî sumus, nos sanctificamus immundos, et cætera similia. »* Necessaria est igitur nobis charitas, fratres charissimi, quia charitate *Verbum caro factum est*; et qui charitatem non habet, negat eum venisse in carne, et hic convincitur Spiritum Dei non habere : quia Spiritus Dei non sono linguæ, sed amando et faciendõ dicit Jesum in carne venisse. Jesus venit ut colligat, hæreticus ut spargat; et ideo non habet Spiritum Dei. *Et omnis spiritus, qui solvit Jesum, ex Deo non est, id est, qui divinitatem, vel animam, vel carnem negat, vel præcepta negligit. Jesum solvit, qui Deum ab hominẽ disjungit; qui membra a Deo dividit, qui verbã Dei male interpretatur, quique male vivendo a Deo recedit : et hic est Antichristus, de quo audistis quoniam veniet* imminente die judicii, *et nunc jam est in mundo, habitans in mentibus eorum, qui Christo verbo vel opere repugnant : nam operatur jam ministerium iniquitatis. De ipso quippe perditionis filio Baldad Suhites in libro beati Job videtur dicere, ubi ait :*

*Memoria iniqui pereat de terra, et non celebratur nomen ejus in plateis civitatis (Job. xviii).* Gregorius (31) : « *Intuendum nobis est, quia sic Baldad Suhites de unoquoque iniquo loquitur ut latenter ad caput omnium iniquorum ejus verba vertantur. Caput certe iniquorum diabolus est. Ipse quippe in ultimis temporibus illud vas perditionis ingressus, Antichristus vocabitur, quia nomen suum longe lateque diffundere conabitur; quod nunc unusquisque imitatur, cum de memoria terreni nominis gloriam laudis suæ extendere nititur, atque opinione transitoria lætatur. Sic ergo hæc verba intelligantur de unoquoque, ut referri quoque debeant ad ipsum specialiter caput iniquorum. Dicatur itaque : Memoria iniqui pereat de terra, et non celebratur nomen ejus in plateis civitatis. Platea quippe appellatione Græca a latitudine est appellata. Memoriam ergo suam in terra statuere conatur Antichristus, cum in terrena gloria, si esset possibile, appetit in perpetuum permanere. Nomen suum in plateis celebrare gaudet, cum longe lateque operationem iniquitatis*

suæ extendit. Sed quia diu hæc ejus iniquitas non sinitur extolli, dicatur : *Memoria illius pereat de terra, et non celebratur nomen ejus in plateis, id est, citius laudem terrenæ potestatis amittat, et omne gaudium sui nominis perdat, quod longe lateque in brevi temporis prosperitate diffuderat. Sequitur : Expellet eum Deus de luce in tenebras. De luce ad tenebras ducetur, cum de honore vitæ præsentis ad supplicia æterna damnabitur. Unde et apertius subditur : Et de orbe transferet eum. De orbe quippe transfertur, cum superno Judice apparente de hoc mundo tolletur, in quo perverse gloriatur. Qui pro eo quod cum omnibus sequacibus, sine mundi interveniente, damnabitur, recte subjungitur : Non erit semen ejus neque progenies in populo suo, nec ullæ reliquæ in regionibus illius. Scriptum quippe de illo est : Quem Dominus Jesus interficiet spiritu oris sui, et destruet illustratione adventus sui (II Thess. ii). Dum ergo ejus iniquitas cum mundi statu terminabitur, progenies in populo suo non relinquetur; quia et ipse, et ejus populus cum eo ad supplicium pariter urgebuntur. Omnes etiam iniqui qui de ejus perversa persuasionẽ in pravis actionibus nati sunt, illustratione adventus Domini æterno interitu cum eodem suo capite ferientur. Nulla ejus progenies in mundo remanebit, quia districtus Judex iniquitates illius cum ipso mundi fine concludet. Quod vero hæc aperte de Antichristo intelligi debeant, demonstratur cum subditur : In diebus ejus stupebunt novissimi et primos invadet horror. Tanta enim tunc contra justos iniquitate effrenabitur, ut etiam electorum corda non parvo pavore feriantur. Unde scriptum est : Ita obstupescant, ut in errorem inducantur, si fieri potest, etiam electi (Matth., xxiv). Quod videlicet dicitur, non quia electi casuri sunt, sed magnis terroribus trepidabunt. Tunc vero contra eum certamen justitiæ et novissimi electi habere narrantur, et priini; quia scilicet inerte et hi qui in finem mundi electi reperiantur, in morte carnis prosternendi sunt, et illi etiam qui a prioribus mundi partibus processerunt, Enoch scilicet et Elias ad medium revocabuntur, et crudelitatis ejus sævitiam in sua adhuc mortali carne passuri sunt. Hujus vires in tanta potestate laxatas novissimi obstupescant, et primi metuent; quia licet ita [f. juxta] hoc quod spiritu superbiæ sublevatur, omnem temporalem ejus potentiam despicient, juxta hoc tamen quod ipsi adhuc in carne mortali sunt, in qua cruciari temporaliter possunt, ipsa, quæ fortiter tolerant, supplicia perhorrescant, ita ut in eis uno eodemque tempore, et constantia ex virtute sit, et pavor ex carne, quia etsi electi sunt, tormentis vinci nequeunt, per hoc tamen quod homines sunt, et ipsi metuunt tormenta quæ vincunt. Dicatur ergo : In diebus ejus stupebunt novissimi, et primos invadet horror : quia videlicet tanta signa monstratu-*

(30) Isidor., lib. viii *Etym.*, c. 3.

(31) Libr. xiv, *Mor.*, c. 11.

rus, et crudelia ac dura facturus est, ut ad stuporem perducatur, quos in fine mundi invenerit, et priores Patres, qui in ejus expugnationem servati sunt, Enoch scilicet et Eliam, carnalis mortis dolore transfigat. Igitur, quia de iniquis omnibus, ac de ipso iniquorum capite multa Baldad narravit, generali mox definitione subjunxit: *Hæc sunt ergo tabernacula iniqui, et iste locus ejus, qui ignorat Deum.* Superius enim dixerat: *Expellet eum de luce ad tenebras, et de orbe transferat eum.* Cujus cum mala subjungeret, adjunxit: *Hæc sunt tabernacula iniqui, et iste locus ejus qui ignorat Deum:* videlicet indicans quia is, qui nunc Deum ignorando extollitur, tunc ad propria tabernacula perveniet, quando eum sua malitia vel iniquitas in supplicia demerget: et locum suum quandoque invenit, scilicet tenebras, quod hic falsa gauderet luce justitiæ, locum tenebat alienum. Ad locum ergo suum tunc iniquus pervenit, cum iniquitatis suæ merito igne cruciatur.

Dicat iterum beatus Joannes, cujus sanctitatem Deus ditavit privilegio castitatis. *Omnis, inquit, spiritus, qui confitetur Jesum Christum in carne venisse ex Deo est: et omnis spiritus, qui solvit Jesum, ex Deo non est, et hic est Antichristus, de quo audistis quoniam venit.* Multi hæretici, qui unitatem Ecclesiæ separare pravo dogmate volebant, hunc versiculum ex Epistola raserunt, ne per eum errores eorum convincerentur. Iterum subjungens ait: *Vos ex Deo estis, filii, et vicistis eum quoniam major est qui in vobis est, quam qui in mundo.* Quasi diceret: Illi non sunt ex Deo, sed vos ex Deo estis: et confitendo Jesum venisse in carne, et habendo charitatem vicistis eum, diabolum videlicet, sed non virtute liberi arbitrii: quoniam major est qui in vobis est, Deus scilicet ad protegendum, quam diabolus qui in mundo est ad impugandum. Sequitur: *Ipsi de mundo sunt: et ideo de mundo loquuntur, et mundus eos audit.* Quasi diceret: Hi spiritus non sunt diligendi, nec audiendi, quia, etsi Christi nomen invocant, et signo Christi se notant, de illorum tamen sunt numero, qui mundana cupiunt, et cælestia ignorant. *Ideo inquit de mundo loquuntur, id est ratione mundanæ sapientiæ, probantes non posse Deum hominem fieri, mortuum suscitari, hominem mortalem in cælis habere mansionem, et alia hujusmodi. Et mundus eos audit, id est mundi concupiscentiis dediti: quia spiritualium corda virorum a veritate non possunt avertere.* Iterum dicit: *Nos ex Deo sumus, et qui novit Deum, audit nos; qui non est ex Deo, nos non audit.* Quasi diceret: Quia charitatem habemus, ex Deo sumus: et qui per charitatem novit Deum, audit nos, nos dico prædicatores veritatis; et qui non est ex Deo, id est qui non habet charitatem, nos non audit: quia carnalis homo non percipit ea, quæ sunt Spiritus Dei (I Cor. ii). *In hoc, ait, cognoscimus spiritum, veritatis, et spiritum erroris.* Ac si apertius diceret: Qui audit nos, habet spiritum veritatis; et qui non audit nos, habet spiritum erroris.

A *Charissimi, diligamus invicem: quia charitas ex Deo est. Et omnis, qui diligit Deum, ex Deo natus est, et cognoscit Deum.* Non differt in Deo ut justus et justitia dicatur, ut diligens et dilectio dicatur; quia non transnominative a justitia dicitur justus, vel diligens a dilectione, quod justitiam vel dilectionem habeat; sed quia est justitia et dilectio. Filius Deus est ex Deo, Spiritus sanctus [supple: Deus], est ex Deo: et non tres dii, sed unus est Deus Pater et Filius et Spiritus sanctus; et ille diligit in quo habitat Spiritus sanctus. Ergo dilectio est Deus, sed Deus qui ex Deo; et ita vere dicitur: et dilectio ex Deo est, et Deus dilectio est. Cum dicitur ex Deo, aut Filius intelligitur, aut Spiritus sanctus. Cum Apostolus dicat: *Charitas Dei diffusa est in cordibus nostris per Spiritum sanctum qui datus est nobis (Rom. v),* intelligimus in dilectione Spiritum sanctum esse. Hic est fons de quo non communicat alienus, cum de omnibus aliis Ecclesiæ sacramentis communicet. Ad hunc fontem bibendum nos hortatur evangelista, dicens: *Diligamus invicem quia charitas ex Deo est: Quasi diceret: Quia ex Deo sumus et non ex mundo, ergo diligamus verbo et opere invicem.* Iterum dicit: *Qui non diligit, non novit Deum; quoniam Deus charitas est.* Commendavit autem charitatem multis modis, sed jam ad ejus singularem laudem accedit, in quo eum maxime debemus audire, scilicet, qui diligit, ex Deo natus est, et Deum novit, quia Deus charitas est. Superius dixerat: *Charitas ex Deo est, hic superaddit: Deus charitas est.* Qui igitur facit contra charitatem, contra Deum facit. Et si facile videatur cuilibet, facere contra hominem, sed contra Deum facere, quis non timeat? Dicatur iterum apertius: *Qui non diligit non novit Deum: quoniam Deus charitas: id est ad notitiam claritatis, quæ Deus est, non venit nisi per charitatem; quia, In malevolam animam non introibit sapientia, neque habitabit in corpore subdito peccatis (Sap. i).* Probando quod Deus charitas est, et quod nos diligit; vult inducere nos suo exemplo, ut invicem diligamus; et ut ad notitiam ejus veniamus, subjecit, dicens: *In hoc apparuit charitas Dei in nobis, quoniam Filium suum unigenitum misit Deus in mundum, ut vivamus per eum.* Quasi diceret: *Filium suum unigenitum invisibilem in se, misit Deus, visibilem ex carne, in mundum, hoc est, mori pro mundo, ut prius mortui, vivamus per eum resuscitatum.* Iterum dicit: *In hoc est charitas: non qua i nos dilexerimus Deum, sed quia ipse prior dilexit nos, et misit Filium suum propitiationem pro peccatis nostris.* Dilectio Patris probata est, quia misit Filium; dilectio Filii, quia pro nobis mortuus est. Quasi diceret: *In hoc est charitas, id est in hac manifestata missione, qua Deus Pater misit Filium suum pro nostra salute.* Non quasi nos dilexerimus Deum, id est non prius dileximus, ut quasi merito nostræ dilectionis ipse diligeret nos; sed quia ipse prior dilexit nos, ut, præeunte gratia ejus, nos eum

diligamus; et misit Filium suum propitiationem pro peccatis nostris in experimento suæ dilectionis. Amavit iniquos, sed non iniquitatem. Dignum est ergo, dilectissimi fratres, ut sicut Deus non exspectavit, ut nos eum diligeremus prius, sic nos non exspectemus, ut proximi nos diligant, sed priores diligamus eos. Alia translatio: *Misit Deus Filium suum liltorem*, id est sacrificatorem, pro peccatis nostris destruendis.

Iterum subjungens ait: *Charissimi, si Deus dilexit nos, et nos debemus invicem diligere*. Dilige, et fac quod vis. Sive taces, dilectione taces; sive clamas, dilectione clamas. Quasi diceret: *Estote imitatores Dei, sicut filii charissimi, et ambulate in dilectione, sicut et Christus dilexit nos* (Ephes. v). Sequitur: *Deum nemo vidit unquam*. Ideo igitur diligere debemus; quia cum Deus invisibilis sit, quasi contra naturam per charitatem eum videmus, sicut videntur ista visibilia sensibus corporis nota. Sed etsi aliquando hoc modo videndi visus est, non sicut istæ naturæ videntur, sed voluntate visus est specie qua voluit, apparens latente natura, et incommutabiliter in se permanente. Eo autem modo quo videtur sicut est, nunc fortasse videtur ab angelis; et a nobis tunc videbitur, cum æquales angelis fuerimus (Luc. xx). Sed etiam nec tunc videbitur, sicut ista visibilia, quæ corporali visione cernuntur; sed *Unigenitus qui est in sinu Patris, ipse narrabit* (Joan. 1), quod non ad oculos, sed ad mentium visionem pertinet. Sicut ergo, si soleni istum videre vellemus, oculum corporis purgaremus; sic volentes videre Deum, oculum cordis purgemus. Sed quia hæc visio in futuro speratur, quid agendum est, quo solatio utendum, dum adhuc peregrinamur in corpore? Hoc videlicet ut diligamus invicem et sic Deus in nobis manet, et charitas ejus in nobis perfecta est. Quasi diceret: *Si diligamus invicem, sincera videlicet et disciplinabili charitate, non remissa et desidiosa mansuetudine, Deus in nobis manet inspirando bona, et charitas ejus in nobis perfecta est*. Ac si dicatur: Incipe diligere, incipit Deus in te esse: cresce in dilectione, et amplius habitando in te Deus faciet te perfectum esse, ut diligas etiam inimicum, sicut et ipse inimicos dilexit. Iterum subjungens ait: *In hoc cognoscimus quoniam in eo manemus, et ipse in nobis: quoniam de Spiritu sancto dedit nobis*. Deus in nobis manet, et nos in Deo, et de salute nemo desperet; quia etiam morbi scelerum nos deprimunt, omnipotens est medicus, qui salvet; gaudeamus in spe, ut veniamus ad rem. Dicatur iterum apertius: *In hoc cognoscimus quoniam in eo manemus, id est, si diligimus, manet in nobis: quod tali experimento probamus, quoniam de Spiritu sancto dedit nobis, id est, subtiliter de divinitate sua facit scire, et loqui*. Et nos, inquit, *vidimus et testificamur quoniam Pater misit Filium suum, Salvatorem mundi*. Quasi diceret: Per hoc probamus quod de Spiritu sancto dedit nobis quia vidimus, id est, per inspirantem Spiritum fide

A novimus, et per confortantem Spiritum testificamur, quod non faciunt hi qui Spiritum sanctum non acceperunt, quoniam Pater misit Filium suum ad cognitionem hominum, modo Salvatorem mundi, in futuro Judicem. Unde scis, si habes in te Spiritum Dei? Interroga viscera tua, et, si sunt plena charitate, habes Spiritum Dei in te, quia *Charitas Dei diffusa est in cordibus nostris* (Rom. v). Sequitur: *Quisquis confessus fuerit quoniam Jesus est Filius Dei, Deus in eo manet, et ipse in Deo*. Quasi diceret: Nos per Spiritum datum credimus, et testificamur; et exemplo nostro quisquis per eundem Spiritum confessus fuerit vera confessione cordis, ut nec hæreticorum fraudibus, nec persecutorum tormentis, nec carnalium fratrum exemplo, nec propria fragilitate titubet. Et nos, inquit, *cognovimus, et credimus charitati, quam habet Deus in nobis*. Ac si diceret: Nos vidimus, et testamur quia Deus misit Filium suum, et cognovimus qua causa hoc fecit; non videlicet quia indigeret, non quia deberet aliquid, sed sola charitate: cum haberet unicum Filium, noluit illum esse unum, sed ut fratres haberet, adoptavit illi qui cum illo possiderent vitam æternam. Supra dixerat: *Si diligimus, Deus in nobis manet*, hic dicit: *Qui confessus fuerit quoniam Jesus est Filius Dei, in Deo manet, et Deus in eo*, insinuans quod quisquis habet dilectionem in fratribus, ille vere testatur Jesum esse Filium Dei. Quarum enim causarum effectus conveniunt, et ipse causæ conveniunt. Dum dilectionem commendat, dilectionem Dei nec penitus tacet, nec frequenter nominat: dilectionem inimici omnino tacet, fraternæ charitatis frequentissime meminit. Cur hoc, cum dicat non esse magnum, si diligamus eos qui nos diligunt, nisi etiam ad inimicos dilectio pertingat? Sed qui usque ad inimicorum dilectionem pervenit, non transibit fratres. Oportet ergo ut, more ignis, prius occupet proxima, et sic in longinquiora descendat.

Qui optat de inimico ut frater fiat, fratrem diligit, non enim amat in illo quod est, sed quod vult esse. Sicut faber amat lignum de silva recissum, de quo aliquid est facturum, non amat quod est, sed quod facturum est. Non minus ergo movuit de charitate, quia in mutua dilectione est perfectio charitatis divinæ. Iterum dicit: *Deus charitas est: et qui manet in charitate in Deo manet, et Deus in eo*. Idem superius dixerat, et ecce iterum dicit, ut amplius commendat, et ut alium charitatis effectum adjungat. Supra dixit per charitatem factum esse primum adventum Filii Dei in mundum, ad salutem mundi; hic per eandem charitatem annuntiat salutem fidelium, in secundo adventu in die judicii. *Deus charitas est; et qui manet in charitate in Deo manet, et Deus in eo*. Vicissim in se habitant, qui continent, et qui continentur. Habitas in Deo, sed ut continearis; habitat in te Deus, sed ut te contineat ne cadas. Quomodo cadet, quem continet Deus? Nullatenus. Iterum dicit: *In hoc perfecta est*

*charitas Dei nobiscum, ut fiduciam habeamus in die iudicii, quia sicut ille est, et nos sumus in hoc mundo.* Quasi diceret: In hoc signo potest probari, quisque quantum profecerit in charitate. Interroga cor tuum, et respondebit tibi. Credit aliquis diem iudicii, sed quia non est perfectus charitate, incipit timere. Si autem perfectus esset, fiduciam haberet, et sic desideraret diem illum, et non timeret. Quando aliquis convertitur ad pœnitentiam, incipit timere, sed processu bonæ conversationis discit non timere, sed optare, ut dies iudicii veniat. Unde dicitur: *Cupio dissolvi, et esse cum Christo (Philip. 1).* Dicatur iterum apertius: *In hoc perfecta est charitas Dei nobiscum*, id est per hoc ostendimur perfecte diligere Deum, si non timemus adventum Iudicis, quia qui timet, non est perfectus in charitate; ut fiduciam habeamus in die iudicii, non timentes apparere Iudici: *quia sicut ille est, et nos sumus in hoc mundo*, id est per hoc habemus fiduciam, quia imitamur perfectionem dilectionis ejus in mundo, amando etiam inimicos, sicut ille pluit super justos et injustos de cœlo. Iterum subjungit dicens: *Timor non est in charitate: sed perfecta charitas foras mittit timorem, quoniam timor pœnam habet (Matth. v).* Quasi diceret: Per hoc intelligitur perfecta charitas, quia in tali charitate, quæ ad imitationem divinæ charitatis etiam inimicis bene facit, non est timor. Ut jam expositum est, sicut non semper ad æqualitatem, sed ad quamdam similitudinem dicitur, sicut aures habeo, sic et imago. Si ergo ad imaginem Dei facti sumus, quare non sicut Deus sumus? Timor locum præparat charitati, sed perfecta charitas, quæ pro merito justitiæ fiduciam habet, foras mittit timorem, de quo dicitur: *Initium sapientiæ timor Domini (Eecli. 1)*; sed et præsentis tribulationes facit non timeri, quoniam timor pœnam habet, quia torquet conscientiam peccatorum. *Initium sapientiæ timor Domini (Psal. cx)*: quo timore timet quisque incipiens opera justitiæ, ne veniat districtus Iudex, et se minus castigatum damnet. Perfecta charitas perfectam facit justitiam, nec habet unde timeat; sed iudicium suum videre desiderat. Aliud est timere Deum, ne mittat te in gehennam, qui timor nondum castus cessabit; aliud est timere Deum ne te deserat, qui timor castus permanet in sæculum sæculi, et desiderat adventum Sponsi, id est Christi. Qui autem timet, non est perfectus in charitate. Quare? Quia Deum non diligit, ut filius patrem dulcissimum, sed timet ut servus dominum crudelissimum. Sequitur: *Nos ergo diligamus Deum, quoniam ipse prior dilexit nos.* Quasi diceret: Quia qui timet non est perfectus, nos ergo diligamus Deum, ut perfecti simus; quoniam ipse prior dilexit nos nulla necessitate, ut de inimicis

amicos faceret. Sed quia multi verbotenus dicunt: Diligo Deum. Subditur: *Si quis dixerit quia diligo Deum, et fratrem suum odit, mendax est.* Qui diligit fratrem, necessario diligit Deum, quia diligit ipsam dilectionem, qua diligit fratrem. Et Deus dilectio est, et si diligit dilectionem, id est Deum, non potest odisse fratrem, quem Deus diligit, et diligit præcipit. Dilectio dedit nobis, ut diligeremus eum. Unde dicitur: *Non vos me elegistis, sed ego elegi vos, et posui vos ut eatis, et fructum afferatis, et fructus vester maneat (Joan. xv).*

Iterum dicit: *Qui enim non diligit fratrem suum quem videt, Deum, quem non videt, quomodo potest diligere?* Per hoc videlicet probatur mendax: id est non videt Deum, quia non habet dilectionem, ideoque non habet dilectionem, quia non diligit fratrem; quam si haberet, videret procul dubio Deum. Ergo, purgato mentis oculo per dilectionem, tendamus ad contuendam incommutabilem Dei substantiam. Fit diversus et contrarius fructus, ut aliquando blandiatur, et charitas sæviat. Ne quis ergo, Possum, audeat dicere, diligere Deum, etiamsi non diligam fratrem; addit: *Et hoc mandatum habemus a Deo, ut qui diligit Deum, diligit et fratrem suum.* Quasi diceret: Quomodo diligitis eum cujus negligitis mandatum? *Qui diligit Deum diligit et fratrem suum;* quia si fratrem non diligit, nec Deum diligit cujus filios odit. Sequitur:

*Omnis qui credit quoniam Jesus est Christus, ex Deo natus est. Et omnis qui diligit eum qui genuit, diligit eum qui natus est ex eo.* Omnis qui credit, id est, qui sic vivit, quomodo Christus præcepit, *ex Deo natus est.* Si vero aliter credit, et *dæmones credunt (Jac. 1).* Opera ante fidem vel nulla, vel etiam, si bona videantur, sunt inania; quia præter Christum, qui est via, veritas, et vita efficiuntur (*Joan. xiv*). Vere qui diligit Deum diligit et fratrem suum; nam et qui diligit Deum Patrem, diligit Deum Filium a Patre genitum, et qui diligit Deum Filium, diligit etiam Dei filios, qui sunt membra illius capitis. Ergo diligamus filios Dei, ut diligere possumus Filium Dei cujus membra sunt; et diligendo Filium integrum, id est, cum suis membris, diligamus et Patrem. Dilectio compaginat corpus Christi, ut sit unus Christus; ita et qui amat fratrem, amat seipsum; cum illo enim ipse unus (32) est, nec potest non diligere Christum, qui membra Christi diligit. Sicut qui Filium diligit, qui est idem cum (33) Patre, necessario et Patrem diligit. *Omnis autem qui credit quoniam Jesus est Christus, ex Deo natus est.* Revera qui diligit Deum, diligit et fratrem; et qui diligit eum qui genuit, diligit eum qui genitus est, secundum quod genitus est ab eo. Et quis natus est ex Deo? Ille videlicet qui credit, quoniam Jesus est Filius Dei. Et quis est qui genuit? Deus Pater. Qui ergo

(32) Unum hic loci correxit in ms. nimis scrupulosa manus, existimans forte locutum fuisse Glosam quæ unum legit de unitate naturæ in divinis: quoniam vero agat de mutua amicorum necessitu-

dine, idem est quod unum ac unum legamus. Ille enim quem amavero vel alter ego, vel idem quod ego peræque dicitur.

(33) Hoc est, idem quod Pater.

diligit Deum generantem in fide, diligit generatum in fide. Et convenienter loquens de dilectione, meminit fidei, quia si quis adeo est durus, ut negligat amare hominem propter hoc quod est homo, et in eodem exilio est, inonendus est ut saltem ideo eum diligit, quia ex Deo natus est, et quia ejusdem gratiæ particeps est. Sed quia multi diligunt proximos propter consanguinitatem, vel temporale commodum, determinat qui sit verus amator proximi, cum subjungit: *In hoc cognoscimus quoniam diligimus natos Dei, cum Deum diligamus, et mandata ejus faciamus.* Quasi diceret: Ille recte probatur diligere proximum, qui etiam Deum diligit. Et ne quis seipsum de amore Dei falleret, et verbo tenus diceret, se amare Deum; addit: *Et mandata ejus facimus.* Iterum subjungens ait:

*Hæc est charitas Dei, ut mandata ejus custodiamus; et mandata ejus gravia non sunt.* Quasi diceret: Ideo conjungo, ut Deum diligamus et mandata ejus faciamus, quia aliter non est dilectio. Regem non diligit, qui legem ejus odit; ex amore ergo regis, lex ejus debet impleri. *Hæc est, inquit, charitas Dei, id est, per hoc probatur charitas Dei esse in nobis, si mandata ejus custodiamus, quæ libenter sunt custodienda: quia mandata ejus non sunt gravia diligendo filios Dei, id est non trahunt deorsum ut talentum plumbi; sed sursum vehit, et excelsos facit custodia mandatorum Dei; et mandata ejus gravia non sunt, quia jugum Dei suave est, et onus leve (Matth. xi). Quæ hominibus natura sui dura sunt et aspera, amor Dei et spes præmii facit levia. Si quis gra via esse dicat, infirmitatem suam accusat, quia forti levia sunt. Et vere Dei mandata non sunt gravia, quia omne quod natum est ex Deo, vincit mundum. Nascitur ex Deo qui diligit Deum et proximum, qui de mandatis Dei ita se instituit, ut ea ad actionem perducatur: et hic vincit mundum, et contemnit blandimenta vel adversitates sæculi, etiam et ipsas passiones corporis. Quærit quæ sursum sunt, non quæ super terram (Coloss. iii). Et ne quis sua virtute confidat se posse vincere mundum, subdit: *Et hæc est victoria, quæ vincit mundum, fides nostra.* Illa videlicet fides quæ per dilectionem operatur, quæ et Dei auxilium flagitat. Demonstrative quasi digito ostendit fidem tanquam consistentem ac permanentem. Iterum dicit: *Quis est qui vincit mundum, nisi qui credit quoniam Jesus est Filius Dei?* Determinat quæ fides vincit mundum, scilicet fides Christi. Quasi diceret: Vere per fidem vincitur mundus, quia per aliud non vincitur. Ac si apertius diceretur: *Quis est qui vincit mundum, id est, quis possit contemptum mundi habere, nisi qui credit Jesum esse Christum, qui prophetatus est, et qui jungit digna opera fidei?* Et quia sola fides et confessio divinitatis Christi non sufficit ad salutem, et ad vincendum mundum, addit et de ejus humanitate dicens: *Hic est qui venit per aquam et sanguinem Jesus Christus.* Quasi diceret: Qui erat æternus, venit ad salutem et remissionem peccatorum, per*

A aquam baptismi et sanguinem passionis; et non solum dignatus est baptizari propter nostram ablu-tionem, et ut baptismi sacramentum nobis consecraret; sed etiam sanguinem proprium dedit pro nostra redemptione.

Iterum dicit: *Non in aqua solum, sed in aqua et sanguine.* Ecce quæ fides vincit, quæ videlicet credit verum hominem et verum Deum Jesum Christum. *Et spiritus est, qui testificatur quoniam Christus est veritas.* Quasi diceret: Licet Christus secundum hominem sit passus, tamen Spiritus sanctus visus est super eum baptizatum in specie columbæ (Matth. iii). Vel spiritus, id est, omnis spiritualis doctor testatur hoc, quod Christus est veritas, id est, verus Dei Filius, non phantasma: verus mediator et reconciliator, immunis a peccato et sufficiens ad tollenda peccata mundi. Iterum subjungit dicens: *Quia tres sunt qui testimonium dant in cælo: Pater, Verbum, et Spiritus sanctus.* Pater dedit testimonium deitatis, quando dixit: *Hic est Filius meus dilectus, in quo mihi complacui (ibid.).* Idem etiam Dei Filius testimonium dedit, qui in monte transfiguratus, potentiam divinitatis, et speciem æternæ beatitudinis ostendit (Marc. ix). Spiritus etiam sanctus testimonium dedit, qui super baptizatum in specie columbæ requievit, vel quando invocationem nominis Christi corda credentium implevit. Per hoc ergo manifestissime apparet quod Jesus est veritas, id est, verus Deus et verus homo; quia de utroque certum habemus testimonium: de deitate videlicet per Patrem, et Filium, et Spiritum sanctum; de humanitate vero per animam, aquam, et sanguinem. *Et hi tres unum sunt.* Quasi diceret: Ili tres eandem rem testantes, unus Deus sunt. *Et tres sunt qui testimonium dant in terra: Spiritus, id est, humana anima, quam emisit in passione; aqua, et sanguis, quæ fluxerunt de latere illius (Joan. xix):* quod fieri non posset, si veram carnis naturam non haberet. Sed ante passionem sudor factus sicut guttæ sanguinis (Luc. xxii), ostendit veritatem carnis: hoc autem quod de latere jam mortui contra naturam aqua et sanguis vivaciter fluxit, testatur quod corpus Domini post mortem melius esset victurum, et mors ejus vitam nobis daret. Quod vero sudor ejus sicut sanguis in terram fluebat, significabat, quia suo sanguine Ecclesiam toto orbe laveret. Iterum dicit: *Si testimonium hominum accipimus, testimonium Dei majus est.* Ac si diceret: *Si testimonium hominum accipimus, id est, quia ita certa testimonia habemus, ergo hæc debemus accipere; quia etiam testimonia hominum, qui mentiri possunt, solemus accipere, testimonium Dei majus est, id est, melius ad accipiendum. Magnum testimonium David hominis, quod de Filio Dei perhibet dicens: Dixit Dominus Domino meo, sede a dextris meis (Psal. cxix), etc.* Qui etiam inducit Filium Inquentem de Patre cum ait: *Dominus dixit ad me: Filius meus es tu, ego hodie genui te (Psal. ii).* Magnum testimonium præcursoris qui ait: *Ego ba-*

*pliso vos in aqua: ille autem baptizabit vos in Spiritu sancto (Matth. iii).* Sed majus est testimonium Patris, qui Spiritum, quo semper plenus erat, in eum visibiliter misit. Quasi diceret: Si creditis hominibus prænantibus adventum illius, magis credere debetis Deo Patri Christum advenisse testificanti. *Quoniam hoc est testimonium Dei, quod majus est, quia testificatus est de Filio suo.* Ac si diceret: Per hoc testimonium probo quod Dei testimonium majus sit, id est, melius ad accipiendum quam testimonia hominum; quoniam testificatus est de Filio suo dicens: *Hic est Filius meus dilectus, in quo mihi complacui (Matth. iii).* Sequitur: *Qui credit in Filium Dei, habet testimonium Dei in se.* Quia Pater testatur de Filio, credamus in Filium: quia qui in Filium credit, et ita bene operando tendit in ipsum Filium, habet testimonium Dei in se. Quasi etiam de eo testatur Deus, quod ipse sit credens, eritque in numero filiorum Dei, ipso Filio suis ita pollicente: *Si quis mihi ministraverit, honorificabit eum Pater meus, qui est in cælis (Joan. xii).* Si ergo Deum testem tuæ fidei habueris, quid te hominum infamia vel persecutio lædit? Unde dicitur: *Si Deus pro nobis, quis contra nos? (Rom. viii.)* Revera qui credit in Filium Dei, habet testimonium Dei in se; quia intelligit Patrem esse veracem in testimonio Filii. Qui autem non credit, dicit Patrem mentitum.

Unde sequitur: *Qui non credit Filio, mendacem facit eum, videlicet quoniam non credit testimonio, quod testificatus est Deus de Filio suo. Et hoc est testimonium, quoniam vitam æternam dedit nobis Deus. Et hæc vita in Filio ejus est.* Ac si aperte diceret: Qui non credit Filio dicenti, *Ego et Pater unum sumus (Joan. x),* mendacem facit eum qui dicit, non esse Filium minorem Patre. In quo facit eum mendacem? In hoc videlicet, quoniam non credit testimonio quod testificatus est Deus de Filio suo, dicens: *Tu es Filius meus dilectus in quo mihi bene complacui (Matth. xvii).* Et iterum in passione: *Clarificavi, inquit, et iterum clarificabo (Joan. xii).* Et hoc est testimonium quod de Filio suo testatus est Deus Pater. Nam et de nobis filiis adoptivis testatus est, quod per illum unicum Filium suum etiam nobis jam in specie, in futuro vero in re vitam æternam dedit. *Et hæc, inquit, in Filio ejus est, id est in fide et confessione nominis ejus, et in perceptione sacramentorum illius; quia nemo venit ad Patrem nisi per eum (Joan. xiv); nec est aliud nomen in quo oportet nos salvos fieri (Act. iv).* Et ne parum videretur dixisse, vitam æternam esse in Filio; addit ipsum Filium esse illam vitam. *Sicut enim Pater habet vitam in semetipso, sic dedit Filio vitam habere in semetipso (Joan. v),* qui dat suis vitam æternam sicut ait: *Qui habet Filium Dei in se, habet vitam æternam: qui non habet Filium, non habet vitam: id est, qui non habet Filium credendo et imitando, non habet vitam, id est, salvari non poterit.* Sequitur: *Hæc scribo vobis: ut sciatis quo-*

*nam vitam habetis æternam, qui creditis in nomine Filii Dei.* Quasi diceret: *Hæc scribo vobis: id est in his verbis debetis adhibere fidem, ut sciatis quoniam vitam habetis æternam,* id est, ut certi sitis futura vestræ beatitudinis, *qui creditis in nomine Filii Dei, ne seducamini fraudibus eorum qui negam Christum esse Dei Filium; quia merito fidei vitam habebitis. Et hæc est, inquit, fiducia, quam habemus ad eum: quia quæcumque petierimus secundum voluntatem ejus, audiet nos.* Quasi diceret: Non tantum in futuro bona cælestia sperare debetis ex fide Christi, sed etiam in hac vita est fiducia; quia impetrabimus quidquid salubriter petierimus. Quasi diceret: Quæcumque petierimus, non secundum nostra carnalia desideria; quia, *quid oremus sicut oportet, nescimus (Rom. viii),* nisi ipse suam nobis ostendat voluntatem, qui melius nostram quam nos ipsi intelligit utilitatem. Postulemus ergo juxta voluntatem illius qui dixit: *Quærite primum regnum Dei et justitiam ejus (Matth. vi);* et audiet nos dando effectum nostræ petitioni. Aliiter: Quod petierimus secundum voluntatem ejus, vel [*fort. ut quod velit*] quod rogaverimus, vel quales nos esse desiderat ad rogandum veniamus. Si volumus salutem nostram, vel proximi, non discordemus a voluntate Dei. Sed si voluntas nostra per ignorantiam a voluntate Dei recedit, bona voluntas Dei nostram stultam corrigat, ut Paulo apostolo contigit. Multipliciter hic beatus Joannes quæ præmiserat, inculcat, ut nos ad orandum vivacius excitet, dicens: *Et scimus quia Deus audit nos: et quidquid petierimus dabit vobis.* Quasi diceret: Non tantum in futuro tempore audiet nos, sed etiam scimus quod quotidie audit; et per hoc quod jam audimur, certi sumus de futuro

Iterum dicit: *Scimus quoniam habemus petitiones, quas postulamus ab eo.* Ac si apertius diceretur: Quia scimus quoniam habemus ab eo petitiones quas postulamus, nihil petimus quod ei sit adversum; nihil, nisi quod nos docuit, quod nobis inspiravit, petimus; et, si in aliquo erramus, statim errata corrigimus. Hic loquitur de quotidianis et levibus peccatis, quæ sicut difficile vitantur, sic facile curantur. Si dicto, vel cogitatu, vel oblivione, vel ignorantia peccasti, confitere fratri, sicut Jacobus docet, et postula ut pro te interveniat; et si ille iterum tibi constitetur, tu etiam pro illo iterum interveni (*Jac. v*). Hic sufficit Dominica oratio, mutua confessio, levis poenitentia. Porro si grave peccatum fuerit, induc præbiteros Ecclesiæ, et ad illorum examen castigare. Unde sequitur: *Qui scit fratrem suum peccare peccatum non ad mortem, petat, et dabitur ei vita peccanti non ad mortem.* Quasi diceret: *Qui scit per confessionem, sive etiam alio modo fratrem suum peccare peccatum non ad mortem, id est, non criminaliter vel usque ad finem vitæ; petat pro eo, et oratione sua dabitur ei a Deo vita: ei dico peccanti non ad mortem, id est, vel usque ad finem vitæ.* Si petimus secundum volun-



tatem Dei, impetramus; sicut quando petimus pro fratre, pro quo est petendum. David graviter peccavit; sed quia ex Deo natus ad societatem electorum Dei pertinebat, non peccavit ad mortem, sed veniam pœnitendo meruit. Sicut peccatum ad mortem separat hominem a Deo, sic mors animam a corpore; de quo aperte subjungit dicens: *Est peccatum ad mortem, non pro illo dico ut roget quis.* Quare? quia quod in hac vita non corrigitur, ejus venia frustra post mortem postulatur. Potest hoc et de omni criminali accipi. Dominus pro persecutoribus orare jubet (*Matth. v*). Joannes dicit non orandum pro quibusdam; quia sunt in fratribus peccata, quæ inimicorum persecutione sunt graviora. Peccatum (34) fratris est ad mortem, cum post agnitionem Dei, quæ per gratiam Christi data est, aliquis oppugnat fraternitatem, et adversus gratiam, qua reconciliatus est, invidentiæ facibus agitur. Est peccatum non ad mortem, si quis non amore a fratre se alienaverit, sed per aliquam infirmitatem animi officia fraternitatis non exhibuerit. Unde Christus de cruce sic misericorditer clamasse legitur: *Pater ignosce eis, non enim sciunt quid faciunt* (*Luc. xxiii*). Nondum enim per gratiam sancti Spiritus participes facti, societatem sanctæ fraternitatis inierant. Sic et Stephanus orat pro illis qui gratiam non acceperant (*Act. vii*); Paulus pro Alexandro non orat, quia jam frater (35) erat et fraternitatem impugnabat. Pro his qui timore succubuerant, orat dicens: *Omnes me dereliquerunt; non illis imputetur* (*II Tim. iv*). Iterum subjungens, ait: *Omnis iniquitas peccatum est: et est peccatum ad mortem.* Quasi diceret: Vere est orandum pro peccantibus non ad mortem; quia multis peccatis occupantur omnes, et nemo potest sine peccato esse (*Job. xiv*) quia *omnis iniquitas est peccatum*; sed supra alia peccata est peccatum ad mortem, quod non humana fragilitate, sed invidia et odio committitur, et ideo oratione justorum non purgatur, quoniam talia qui agunt regnum Dei non consequentur. (*Gal. v*). Ac si aperte dicatur: *Omnis iniquitas peccatum est*, id est, quidquid ab æquitatis ratione discrepat, inter peccata numeratur; sed minima justis non obsunt. Quædam vero ab omni justitia ita discordant, ut, nisi corrigantur, in pœnam

mergant. Sequitur: *Scimus quia qui natus est ex Deo, non peccat: sed generatio Dei conservat eum, et malignus non tangit eum.* Quasi diceret: Qui semen Dei in se habet, non potest peccare ad mortem, id est, non potest simul operare justitiam et peccatum, sed generatio Dei conservat eum; id est, gratia qua generati sunt, qui secundum propositum vocati sunt sancti, servat eum ne committat peccatum ad

(34) Ex Glossa ordinaria, ut cætera omnia, desumpta est hæc expositio; sed plenius explicat Augustinus hunc locum in lib. 1, *De serm. Dom. in monte*, cap. 22.

(35) Frater erat Alexander, si idem est, ut cre-

ditur, quem Apostolus tradidit Satanæ, cum Hymenæo (*I Tim. i*), et si ex numero erat eorum, qui circa fidem naufragaverunt. (36) Lib. viii *Etymolog.*, cap. 11.

A mortem; et si in quibuslibet humana fragilitate deliquerit, ne a maligno hoste possit tangi, defendit. Qui in generatione Dei perseverant, peccare non possunt, neque a maligno hoste contingi. Quomodo dies et nox misceri nequeunt, sic justitia et iniquitas, malignus et generatio Dei non commiscentur. Tangit vero aliquos malignus lædens et affligens, sed non ad malum eorum. Qui natus est ex Deo, non peccat ad mortem; qui non est natus, peccat. Iterum dicit: *Scimus quoniam ex Deo nati sumus: et mundus totus in maligno positus est.* Quasi diceret: *Ex Deo nati sumus*, id est, renati in baptismo; *et mundus totus in maligno positus est*, id est, non solum mundi amatores, sed etiam nuper nati, qui non habent discretionem boni vel mali, propter primam prævaricationem pertinent ad regnum diaboli, nisi gratia Dei eruantur a tenebris. Iterum subjungens ait: *Et scimus quoniam Filius Dei venit, et dedit nobis sensum ut cognoscamus verum Deum, et simus in Filio ejus vero.* Quasi diceret: Filius Dei venit per carnem, non nisi propter nostram salutem, et dedit nobis credentibus sensum, ut credendo verum Dei Filium, cognoscamus verum Deum, et simus amando in Filio ejus vero, ut membra. Per hunc erimus dii in Deo, et viventes sine fine in vivente, sine initio vel termino. *Hic est verus Deus et vita æterna.* Nemo sine divinæ gratiæ cognitione ad vitam æternam pervenire, nemo cognoscere Deum sine gratia Dei potest; quia *nemo novit Filium, nisi Pater; neque Patrem quis novit nisi Filius, et cui voluerit Filius revelare* (*Matth. xi*). Et Patrem et seipsum idem Filius revelat, qui carnaliter visibilis apparens, divinitatis arcana per evangelium mundo patefecit. Sequitur: *Filioli, custodite vos a simulacris.* Quasi diceret: Qui verum Deum cognoscitis, et vitam æternam expectatis, custodite vos a doctrinis hæreticorum, qui speciem sanctitatis sibi assumunt; qui pravis dogmatibus gloriam incorruptibilis Dei in similitudinem corruptibilium rerum commutant. Simulacrorum etiam servitus avaritia est. Nam et qui mundum Deo præponunt, idololatræ sunt (*Ephes. v*).

(36) Fuerunt, ut ait beatus Isidorus, quidam viri fortes vel urbium ædificatores, quibus mortuis, homines qui eos dilexerunt simulacra finxerunt, ut haberent aliquod ex eorum imaginum contemplatione solatium. Sed paulatim hunc errorem persuadentibus dæmonibus, ita in posteris irrepsisse dicitur et crevisse, ut quos illi pro sola nominis memoria honoraverunt, successores illorum deos sibi constituerent, atque colerent. Simulacrorum itaque usus exortus est cum ex desiderio mortuorum constituerentur imagines, vel effigies, tanquam in cœlum receptis, pro quibus se in terris dæmones

ditur, quem Apostolus tradidit Satanæ, cum Hymenæo (*I Tim. i*), et si ex numero erat eorum, qui circa fidem naufragaverunt.

(36) Lib. viii *Etymolog.*, cap. 11.

colendi supposuerunt, et sibi sacrificari a deceptis, et perditis persuaserunt. Simulacra ad similitudinem nuncupata, eo quod manu artificis ex lapide aliave materia eorum vultus imitantur in quorum honore finguntur. Ergo simulacra, vel pro eo quod sunt similia, vel simulata atque conficta dicuntur, unde et falsa sunt. Et notandum quod Latinus sermo sit in Hebræis. Apud eos enim *idolum* sive simulacrum *Semel* [f. *Selum*] dicitur. Judæi dicunt quod Ismael primus simulacrum luto fecerit. Gentiles autem primum Prometheum simulacra hominum de luto finxisse perhibent, ab eoque natam esse artem simulacra et statuas fingendi. Unde, et poete ab eo homines primum factos esse consurgunt, figurate propter effigies. Apud Græcos autem Cecrops, sub quo primum in arce oliva orta est, et Atheniensium urbs ex Minervæ appellatione nomen sortita est; hic primus omnium Jovem appellavit, et simulacra reperit, aras instituit, victimas immolavit; quæ nequaquam istiusmodi res in Græcia unquam visa fuerant. »

Admoneat iterum beatus Joannes discipulos suos, dicens: *Filioli, custodite vos a simulacris*. Cum testimonium perfectionis in multis perhibuerit illis, tamen potest timeri ne aliquis nuper conversus reliquias superstitionis idolorum mente retinuerit. Ut ergo superius dictum est, qui mundum Deo præponunt, idololatræ sunt. (37) « Idololatria idolorum servitus sive cultura interpretatur. Nam *λατρία* Græce, Latine *servitus* dicitur. Quæ quantum ad veram religionem attinet, non nisi uni et soli Deo debetur. Hanc sicut impia superbia, sive hominum sive dæmonum sibi exhiberi jubet, vel cupit; ita pia humilitas angelorum, sanctorum, vel hominum, sibi oblatam recusat; et cui debetur insinuant. Idolum autem est simulacrum quod humana effigie factum et consecratum est, juxta vocabuli interpretationem; *ιδωλ* enim Græce *formam* sonat; et ab eo per diminutionem *idolum* dictum est. »

Si ergo, fratres charissimi, qui mundum Deo præponunt idololatræ existunt, necesse est ut secundum beatissimi Joannis consilium, mundum, id est, concupiscentiam mundi per Dei charitatem despiciamus; et Deum omnibus, quæ in cælis et in terris sunt creaturis cunctisque carnalibus desideriis præponamus, ut non idololatræ efficiamur, sed digni servi Dei esse mereamur. Ad hoc enim nos verbo suæ prædicationis genuit, ut illum in omnibus et super omnia, quasi dulcissimum Patrem diligamus, eique tota mente, veluti summo bono adhæreamus, ac pro viribus, sicut provisorio et gubernatori Domino, serviamus, quia *in ipso vivimus, movemur, et sumus* (Act. xvii).

Dignum quippe est, ut eum super omnia diligamus, quia ipse prior per charitatem suam nos diligere est dignatus. In tantum nos dilexit, ut ad nos filium suæ charitatis misericorditer mitteret, et

cælestibus nos per eum disciplinis instrueret, a peccati unda baptismatis ablueret, de antiqui hostis manu redimeret, in filios adoptaret, cælum nobis aperiret, angelorum societatem concederet, et, quod est multo beatius multaque felicius, se ipsum nobis in gloria sua videndum promitteret. Quia igitur *ex eo sumus nati*, id est verbo ipsius generati, dignum est ut eum super omnia diligamus, et proximos nostros sicut nos ipsos amemus, quia veraciter Deum Patrem non diligimus, si proximum, qui eandem nobiscum habet Patrem, odio habemus.

Deum ergo diligamus mente integra, et filiis ejus, id est proximis nostris pro posse provideamus bona. Cum metu et reverentia serviamus omnipotenti Deo, et proximis nostris, si necesse fuerit, subveniamus corde pleno. Offeramus Deo affectum puræ devotionis, et impendamus proximis affectum piæ compassionis. Mens nostra erga Deum sit humilis et devota, et erga proximos utilis et benigna, pura sit semper in conspectu Dei conscientia, et manus erga proximos larga. Mens in oratione contempletur Deum interioribus oculis, et per charitatem mereatur proximi in necessitatibus suis, tempore orationis elevetur devote in contemplatione Creatoris, tempore necessitatis compatiatur sollicitè proximorum miseriis. Sed si mens exterius libenter terrena concupiscit, concupita inhianter acquirit, acquisita avare possidet, nec Deum perfectè interioribus oculis contemplari poterit, nec in necessitatibus proximorum utilis erit, quia dum transeuntium rerum desideriis involvitur, ad omne opus perfectionis impeditur. Unde beatum Job dixisse legitur:

*Involuta sunt semitæ gressuum eorum* (Job. vi). Gregorius (38): « Omne quod involvitur in se ipsum replicatur. Et sunt nonnulli qui seducentibus vitiis obviare quasi tota intentione deliberant, sed irrudentationis articulo, in deliberationis proposito non perdurant. Alius namque pravo usu superbiæ inflatus, cum magna esse præmia humilitatis considerat, adversum semetipsum se erigit, et quasi tumorem turgidi fastus deponit, exhibere se quibuslibet contumeliis humilem promittit; sed cum repente, hunc unius verbi injuria pulsaverit, ad consuetam protinus elationem redit, sicque ad tumorem ducitur, ut nequaquam quod humilitatis bonum concupierat, recordetur. Alius avaritia æstuans, augendis facultatibus anhelans, cum præterire omnia velociter conspicit, vagantem per concupiscentias mentem figit. Decernit jam nihil appetere, adepta tantummodo sub magni moderaminis freno possidere; sed cum repente fuerint oculis oblata quæ placent in ambitione protinus mens anhelat, semetipsam non capit, adipiscendi hæc occasionem quaerit, et oblita continentiae quam secum pepigerat, cogitationum stimulis sese per desideria acquisitionis inquietat. Alia luxuriæ tabe polluitur, et longa jam consuetudine captus tenetur, quanta autem castitatis sit

(37) Ibidem.

(38) Lib. vii, Mor., c. 12.

munditia, conspicit, et a carne vinci turpe deprehendit. Restringere ergo voluptatum fluxa deliberat, et resultare consuetudini quasi totis se viribus parat; sed objecta oculis specie, vel ad memoriam reducta, cum subita tentatione concutitur, protinus a pristina præparatione dissipatur, et qui contra hanc clypeum deliberationis erexerat, delectationis jaculo confossus jacet, sicque eum luxuria inermem superat, ac si nulla contra eum intentionis arma præparasset. Alius iræ flammis accenditur, et usque ad inferendas proximis contumelias effrenatur. Cum vero nulla furoris occasio animum pulsatur, quanta sit mansuetudinis virtus, quanta patientiæ altitudo considerat, seque etiam contra contumelias patienter temperat; sed cum parva quælibet commotionis occasio nascitur, repente ad voces contumeliosas medullitus inflammatur, ita ut non solum ad memoriam patientia promissa non redeat, sed semetipsam mens, et ea quæ loquitur convicia non agnoscat. Cumque furori plene satisfecerit, quasi post exercitium in tranquillitatem redit, et tunc se ad silentii claustra recolligit, cum linguæ non patientia, sed procacitatis suæ satisfactio frenum ponit. Vix igitur sero post convicia illata se cohibet, quia ex cursu sæpe spumantes equos non præsentis dextera, sed campi terminus coerces. Bene ergo de reprobis dicitur: *Involuta sunt semitæ gressuum eorum*, quia recta quippe deliberando appetunt, sed ad consueta semper mala replicantur, et quasi extra se tensi, ad semetipsos per circuitum redeunt. Qui bona quidem cupiunt, sed a malis nunquam recedunt. Esse quippe humiles, sed tamen sine despectu; esse contenti propriis, sed sine necessitate; esse casti, sed sine maceratione corporis; esse patientes, sed sine contumeliis volunt. Cumque adipisci virtutes quærunt, sed labores virtutum fugiunt, quid aliud quam et belli certamina in campo pesciunt, et triumphare in urbibus de bello concupiscunt? Quamvis hoc, quod eorum semitæ involutæ memorantur, adhuc intelligi et aliter possit.

« Sæpe namque nonnulli quædam vitia subigere sibi negligunt. Cumque se contra ista non erigunt, etiam et illa contra se reparant, quæ jam subegerunt. Alius namque jam carnem a luxuria edomuit, sed tamen adhuc mentem ab avaritia non refrenavit: cumque se in mundo pro exercenda avaritia retinet et a terrenis actibus non recedit, erumpente occasionis articulo, etiam in luxuriam labitur, quam jam subegisse videbatur. Alius avaritiæ æstum vicit, sed nequaquam vim luxuriæ subdidit; cumque explendæ luxuriæ pretium præparat, jugo quoque avaritiæ quam dudum domuit, cordis cervicem subdidit. Alius rebellantem jam impatientiam stravit, sed inanem gloriam necdum vicit, et cum se per hanc honoribus mundi inserit, confixus causarum stimulis, et impatientia captus redit, cumque inanis

A gloria ad defensionem sui animum erigit, et illam victus tolerat, quam superavit. Alius inanem jam gloriam subdidit, et tamen impatientiam necdum stravit, et cum multa resistentibus per impatientiam minatur, erubescens non implere quod loquitur, sub inanis gloriæ jugum revocatur; et hoc victus per aliud tolerat, quod plene se vicisse gaudebat. Sic ergo ope vicaria fugitivum suum vitia retinent, et quasi jam amissum sub dominii jure recipiunt, atque ut vinctum sibi vicissim tradunt. Perversis itaque involutæ sunt gressuum semitæ; quia etsi devicta una nequitia pedem levant, remanente tamen altera, hunc in ea etiam quam devicerant, implicant. Aliquando vero involutis gressuum semitis, et una culpa non devincitur, et alia perpetratur.

B Nam sæpe furto negationis fallacia jungitur, et sæpe culpa fallaciæ perjurii reatu cumulatur. Sæpe quodlibet vitium impudenti præsumptione committitur; et sæpe (quod omni culpa sit gravius) etiam de commisso vitio superbitur. Nam quamvis de virtute nasci elatio soleat, nonnunquam tamen stulta mens de perpetrata a se nequitia exultat. Sed cum culpa adjungitur, quid aliud quam involutus semitis atque innodatis vinculis pravorum gressuum ligantur? Unde bene de peve:sa mente sub Judææ specie per Isaiam dicitur: *Erit cubile draconum, et pascua st. uthionum: et occurrentiæ demonia onocentauris, et pilosus clamabit alter ad alterum (Isa. xxxiv).* »

C Hispaniarum doctorem Isidorum interrogemus, et quæ nobis de istorum naturis animalium dixerit, in communi audiamus: « (59) Draco, inquit, major est cunctis serpentibus, sive omnibus animantibus super terram. Est autem cristatus, ore parvo, ei arctis fistulis per quas trahit spiritum, et linguam exerit. Vim autem non in dentibus, sed in cauda habet, et verbere potius quam dentibus nocet. Struthio Græco nomine dicitur, quod animal in similitudine avis pennas habere videtur, tamen de terra altius non elevatur. Ova sua fovere negligit, sed projecta tantummodo, fotu pulveris animantur (40). Dæmones a Græcis dictos aiunt, quasi *δαίμονας*, id est peritos ac rerum scios. Præsciunt enim futura multa, unde et solent responsa aliqua dare, quamvis fallacia. Inest eis cognitio rerum plusquam infirmitati humanæ; partim subtiliori acumine, partim experientia longissimæ vitæ, partim per Dei jussu angelica revelatione. Hi corporum aereorum natura vigent. Ante transgressionem quidem cælestia corpora gerebant; lapsi vero in aeriam qualitate: conversi sunt, nec aeris illius puriora spatia, sed iusta [f. ista] caliginosa tenere permisi sunt, qui eis quasi carcer est, usque ad tempus iudicii. Hi sunt prævaricatores angeli, quorum diabolus princeps est (41). Onocentaurum autem vocari aiunt, eo quod media pars hominis species, media asini esse dicatur, sicut et hippocentauri; quod equorum homi-

(39) Lib. XII *Etymolog.*, c. 4.

(40) Lib. VIII, c. 11.

(41) Lib. XI, c. 3.

numque in eis natura conjuncta fuisse putatur. Centauris autem species vocabulum indidit, id est hominem equo mistum, quos quidam fuisse equites Thessalorum dicunt, sed pro eo quod discurrentes in bello velut unum corpus equorum scilicet et hominum viderentur, inde centauros fictos asseverant. Porro Monocentaurum nomen sumpsisse ex tauro et homine, qualem bestiam inclusam dicunt fabulose in Labyrintho fuisse. De qua Ovidius :

*Semibovemque virum, semivirumque bovem.*

(OVID., A. ANT. II, 23.)

(42) « Pilosi, Græce *Panitæ*, Latine *Incubi* appellantur, sive *Invi* ab ineundo passim cum animalibus: unde et *Incubi* dicuntur ab incubendo, hoc est stuprando. Sæpe enim improbi existunt mulieribus, et earum peragunt concubitum, quos dæmones Galli **B** *Dusios* nuncupant, qui assidue hanc peragunt immunditiam. Quem autem vulgo incubonem vocant, hunc Romani *Faunum Timerium* [f. *Ficarium*] dicunt, ad quem *Horatius* dicit :

*Faune, Nympharum fugientum amator,  
Per meos fines, et aprica rura  
Lexus incedas.*

(HOR. OD., III, XVIII, 1.)

Dicat itaque *Isaías* propheta de perversa mente sub *Judææ* specie : *Erit cubile draconum, et pascua struthionum ; et occurrent dæmonia onocentauris : et pilosus clamabit alter ad alterum* (*Isa.* xxxiv).

(43) Quid namque per dracones nisi malitia ? quid vero struthionum nomine nisi hypocrisis designatur ? *Struthio* quippe, speciem volandi habet, sed usum volandi non habet, quia et hypocrisis cunctis intuentibus imaginem sanctitatis de se insinuat, sed tenere vitam sanctitatis ignorat. In perversa igitur mente draco cubat, et struthio pascitur : quia et latens malitia callide tegitur, et intuentium oculis simulatio bonitatis antefertur. Quid vero onocentaurorum nomine nisi lubrici figurantur et elati ? Græco quippe eloquio *ὄνος* asinus dicitur, et appellatione asini luxuria designatur, propheta attestante qui ait : *Ut carnes asinorum carnes eorum* (*Ezech.* xxxiii). Tauri autem vocabulo cervix superbæ demonstratur, sicut voce *Dominica* de *Judæis* superbientibus per *Psalmistam* dicitur : *Tauri pingues obsederunt me* (*Psal.* xxi). Onocentauri ergo sunt qui, subjecti luxuriæ vitiiis, inde cervicem erigunt, unde humiliare debuerunt ; quia carnis suæ voluptatibus servientes, expulsa longe verecundia, non solum se amittere rectitudinem non dolent, sed adhuc etiam de opere confusionis gaudent. Onocentauris autem dæmonia occurrunt, quia maligni spiritus valde eis ad votum deserviunt, quos de his gaudere conspiciunt, quæ flere debuerunt. Ubi aperte subjungitur : *Et pilosus clamabit alter ad alterum*. Qui namque alii pilosi appellatione figurantur, nisi hi quos Græci *Panas* [f. *Panas*] Latini vero incubos vocant ? quorum nimi-

(42) *Lib. VIII Etymolog., cap. 11.*

A rum forma ab humana effigie incipitur, sed bestiali extremitate terminatur. Pilosi ergo nomine cujuslibet peccati asperitas designatur ; quod si quando quasi obtentu rationis incipit, semper tamen ad irracionales motus tendit. Et quasi homo in bestiam desinit, dum culpam per rationis imaginem inchoans, usque ad irracionalem effectum trahit. Nam sæpe edendi delectatio servit gulæ, et servire se simulat necessitati naturæ, cumque ventrem in ingluviem extendit, membra in luxuria mergit. Pilosus autem alter ad alterum clamat, cum perpetrata nequitia perpetranda malitiam provocat ; et quasi quadam cogitationis voce, commissa jam culpa, culpam quæ adhuc committatur, invitat. Sæpe namque, ut diximus, gula dicit : Si abundanti cibo vel alimento corpus non reficis, in nullo utili labore subsistis. Cumque mentem per desideria carnis accenderit, mox quoque luxuria verba propria suggestionis facit, dicens : Si misceri Deus homines corporaliter nollet, membra ipsa coeundi apta usibus non fecisset. Cumque hæc quasi ex ratione suggerit, mentem ad libidinum effrenationem trahit ; quæ sæpe deprehensa patrociniū mox fallaciæ, et negationis inquirat ; reamque se esse non æstimat, si mentiēdo vitam defendat. Pilosus ergo alter ad alterum clamat, quando sub aliqua ratiocinandi specie perversam mentem culpa subsequens ex occasione culpæ præcedentis itaqueat. Cumque hanc peccatorum [f. peccata] dura atque aspera deprimunt, quasi convocati in ea concorditer pilosi dominantur. Sicque fit ut semper se gressuum semitæ deterius involvant, dum mentem reprobam culpa per culpam ligat.

¶ Sed inter hæc sciendum est quod aliquando prius oculi [f. oculus] intellectus obtunditur, et postmodum captus animus per vana desideria vagatur : ut cæca mens quo ducitur nesciat, et carnis suæ illecebris sese libenter subdat. Aliquando vero prius desideria carnis ebulliunt, et post longum usum illiciti operis oculum cordis claudunt. Nam sæpe mens recta cernit, nec tamen audacter contra perversa se erigit ; et renitens vincitur, dum hoc ipsum quod agit dijudicans, carnis suæ delectatione superatur. Quia enim plerumque prius oculus contemplationis amittitur, et post desideria hujus mundi animus laboribus fatigatur, testatur *Samson* ab *Allophylis* captus, qui postquam oculos perdidit, ad molam deputatus est (*Judic.* xvi) : quia nimirum maligni spiritus, postquam tentationum stimulis intus aciem contemplationis effodiunt, foris in circuitum laborum mittunt. Quomodo ergo culpa prodeat, vel quibuslibet ex occasionibus erumpat, reproborum tamen semitæ semper involutæ sunt, ut pravis concupiscentiis dediti, aut bona nulla appetant, aut appetentes infirmo desiderio ad hæc nequaquam mentis liberos gressus tendant. Recta enim aut non incipiunt, aut in ipso fracti itinere,

(43) *Greg., ubi supra.*

ad hæc minime pertingunt. Unde sit plerumque ut A  
 cœlestem amorem lassati deserant, seseque ab in-  
 tentione animi in carnis voluptatibus sternant, sola  
 quæ transeunt cogitent, nulla quæ secum perman-  
 neant, curent. Unde et aperte subditur: *Ambula-*  
*bunt in vacuum, et peribunt.* In vacuum quippe am-  
 bulant, qui nihil secum de fructu laboris portant.  
 Alius namque pro adipiscendis honoribus desudat,  
 alius multiplicandis facultatibus æstuat, alius pro-  
 merendis laudibus anhelat. Sed quia cuncta hæc,  
 hic quisque moriens deserit, labores in vacuum  
 perdit, quia secum ante judicem nihil defert. Quo  
 contra bene per legem dicitur: *Non apparebis in*  
*conspectu Domini vacuus (Exod. xxiii).* Qui enim  
 promerendæ vitæ mercedem bene agendo non pro-  
 videt, in conspectu Dei vacuus apparet. Hinc de  
 justis per Psalmistam dicitur: *Venientes autem ve-*  
*nient cum exultatione portantes manipulos suos*  
*(Psal. cxxv).* Ad examen quippe iudicii portantes  
 manipulos veniant qui ex semetipsis recta opera,  
 quibus vitam mereantur æternam ostendunt. »

Cassiodorus: « *Venientes ad iudicium quod erit*  
*commune omnium, venient cum exultatione;* et est  
 hoc tantum bonorum, quia ad gaudium non nisi  
 boni veniant. » Augustinus: *Venient portantes ma-*  
*nipulos suos, id est, fructum seminis, coronas sci-*  
*licet gaudiorum et exultationis.* Tunc erit trium-  
 phus lætantium, et morti insultantium, in qua hi  
 gemebant. Qui ergo, ut dictum est, dum in hoc  
 sæculo vivit, bonis operibus non insistit, labores  
 suos in vacuum perdit; quia ante oculos Dei nihil  
 de bono opere secum ducit.

(44) « Hinc de unoquoque electorum per Psal-  
 mistam iterum dicitur: *Qui non accepit in vano*  
*animam suam (Psal. xxiii).* In vanum namque  
 animam suam accipit, qui, sola præsentia cogitans,  
 quæ sequuntur in perpetuum non attendit. In vanum  
 animam suam accipit qui, ejus vitam negligens, ei  
 curam carnis anteponit. Sed animam suam in va-  
 num justis non accipiunt, quia intentione conti-  
 nua ad ejus utilitatem referunt quidquid corporali-  
 ter operantur, quatenus et transeunte opere, operis  
 causa non transeat quæ vitæ præmia post vitam  
 parat. Sed hæc curare reprobi negligunt, quia pro-  
 fecto ambulantes in vacuum, vitam sequentes su-  
 giunt, inveniunt perducunt. *Qui non accepit, inquit,*  
*in vano animam suam, id est, qui non deputavit*  
*animam suam rebus non permanentibus et caducis,*  
*sed, eam sentiens immortalē, æterna deside-*  
*ravit. »*

Vos iterum, fratres charissimi, post supradicta  
 iterum attentius moneo, ut sanctorum Patrum  
 verba quæ aure corporis percipitis, armario pecto-  
 ris summa cum diligentia recondatis, eaque bonis  
 operibus implere studeatis, ut velut bona terra  
 centuplicatum Creatori fructum reddere valeatis.

(44) Rursus Gregor.

A Summopere ergo curate, ut animas vestras acci-  
 platis, id est, ne terrenā immoderate diligendo,  
 eas in hoc mundo perdati, sed ut, studiis spiritua-  
 libus devote inhærendo, in vitam æternam eam in-  
 venire possiti. Præsentia igitur bona tota mentis  
 intentione despiciat, æterna vero integra devo-  
 tione desiderate, et ad hoc potius studete, ut ante  
 conspectum æterni iudicis, non vacui, nec nudi,  
 sed bonorum operum fructibus referti, et incor-  
 ruptilibus innocentie cæterarumque virtutum  
 stolis, quas videlicet in primi parentis pravaria-  
 tione amisisti, induti, præsentari feliciter me-  
 reamini. Sit igitur mens plena dilectione Dei et  
 proximi, manus vero religioso insistat operi. Appa-  
 reat mens in novissimo examine repleta fructibus de-  
 votionis, et manus offerat manipulos justitiæ in opo-  
 ribus bonis. Præterea diligenter attendite, ne hujus  
 mundi oblectamenta gressuum vestrorum semitas  
 involvant, et vos ad æternam patriam tendentes  
 impediunt, atque ab electorum Dei societate, quod  
 absit! extraneos faciant. Cavete etiam ne draco in  
 domicilio mentis vestræ cubet, hoc est, ne malitia  
 ibi regnet, et, desinens esse habitatio Dei, fiat cu-  
 biculum diaboli; quia ab illa se procul dubio mente  
 Spiritus sanctus elongat, in qua malitia regnat.  
 Unde Paulus ait: *Non regnet peccatum in vestro*  
*mortali corpore (Rom. vi).*

Iterum vos, dilectissimi fratres, moneo ut stru-  
 thionem, immundam scilicet avem, in vestra mente  
 pascere non permittatis, id est hypocrisis a vobis  
 procul removeatis, ut non aliud interius et aliud  
 exterius ante oculos hominum ostendatis, sed ha-  
 bitum quem foris specie prætenditis, bonis moribus  
 ornatis. Revera struthio, id est, hypocrisis men-  
 tem quam possidet quasi quædam pestis depascit,  
 quia eam virtutibus sub specie sanctitatis inanem  
 facit. Onocentauri etiam longe sint a mente sancti-  
 tatis vestræ, id est, superbia et luxuria, quia nimi-  
 rum ubi hæc duo capitalia vitia simul convenerint,  
 perfectio boni operis nulla ibi esse poterit. Atten-  
 dite iterum ne dæmonia ibi centauris occurrant,  
 hoc est, ne de sanctitatis vestræ detrimento gau-  
 deant, ne vobis ad illicitum opus saveant, ne,  
 illicita suadendo, vos ad perpetranda vitia permo-  
 veant. Curate etiam ne in mente vestra, quæ Spi-  
 ritus sancti debet esse habitaculum, pilosi habitent,  
 et alter ad alterum clamet, hoc est, ne peccata  
 multiplicentur, et ex peccato peccata oriuntur, et  
 jam commissa adhuc committenda invitent, sed  
 expulsis vitiorum sordibus, sit in ea compunctio  
 lacrymarum, sedulitas orationum, æmulatio virtu-  
 tum, compassio proximorum, odium vitiorum, Dei  
 templum, bonorum exemplar operum, contemplatio  
 creatoris, atque omnium cœlestium virtutum. Ipso  
 præstante qui in Trinitate perfecta vivit et regnat  
 Deus, per omnia sæcula sæculorum. Amen.

# SANCTI MARTINI

LEGIONENSIS PRESBYTERI

## EXPOSITIO LIBRI APOCALYPSIS.

Jeremias propheta, fratres charissimi, inter cæteras humani generis miseras, quas pia compassione deplorat, famem quoque spiritualis panis commemorat dicens: *Parvuli petierunt panem, et non erat qui frangeret eis* (*Thren. iv*). Judæi quippe et gentiles ante adventum Christi cognitione divinæ dispensationis parvuli, et rudes erant, quia Christi et Ecclesiæ sacramenta non intelligebant. Panem petebant, qui divinæ voluntatis notitiam habere cupiebant; sed non erat qui frangeret, quia mystica et arcana nuptiarum Christi et Ecclesiæ non erat qui exponeret. At, postquam Dei Filius per intemeratæ Virginis uterum natus, passus, mortuus est, et resurrexit, et ad Dei Patris dexteram ascendit, panem parvulis fregit; Judæis videlicet et gentilibus signati libri septem sigilla aperuit, id est, secretorum mysteriorum sacramenta manifestavit. Unde et ipse verus Deus et verus homo Jesus Christus jam in cælo consistens, ut suam ac Dei Patris occultam dispensationem eorum quæ fuerunt, sunt, et in proximo futura erunt, servis suis palam faceret, per fidelissimum servum suum Joannem Apocalypsim septem Ecclesiis misit.

Apocalypsis hæc, id est revelatio inter reliquos Novi Testamenti libros prophetia vocatur: sed alii est excellentior prophetiis, quia de Christo et Ecclesia magna ex parte adimpleta sacramenta denuntiat: et sicut Evangelium Legis observantias, sic ista prophetia expellit veteres a longe prospicientes venturas prophetias. Ad corroborandam ergo hanc prophetiam occurrit etiam auctoritas mitentis, deferentis, et accipientis. Hanc enim Deus, id est, tota sancta Trinitas misit. Nam de Patre dicitur: *Mittens per angelum suum* (*Apoc. i*). Filius autem circa finem hujus libri dicit: *Ego Jesus misi angelum meum testificari vobis* (*Apoc. xxii*). Sed et de Spiritu sancto hoc scriptum est: *Dominus Deus omnipotens* (*Apoc. iv*). Sciendum itaque quia cum sine additamento Spiritus ponitur, tota Trinitas frequentius intelligitur. Unde Dominus in Evangelio Samaritanæ mulieri ait: *Spiritus est Deus; et ideo in spiritu et veritate oportet adorari* (*Joan. iv*). Quanquam igitur angelus solius Verbi incarnati personam gesserit, tota tamen Trinitas in angelo operata est. Quod autem Joannes in exilio positus ista vidit, manifestat Christi fidem in terrenis pressuris cælum sibi vindicare. Per hoc quod beatus Joannes omni humano eloquio et auxilio destitutus,

A divinitus visitator, innuitur et nobis quod quanto magis a sæculari tumultu recedimus, tanto magis divina visitatione digni judicabimur.

Propterea videndum est quo modo visionis Joannes talia vidit. Tres namque modi sunt visionis: Unus scilicet cum cælum, terram, et similia corporis oculis videmus; alius cum dormientes vel etiã vigilantem aliquid videmus, per quod aliquid figuramus, sicut Pharaeo vidit crassas boves et macilentas (*Gen. xli*). Alius modus est intellectualis, cum aliquid scilicet mente concipimus, non per imagines, sed sicut David in Psalmis. Joannes vero imagines vidit, et in eis veritatem intellexit.

Idcirco, dilectissimi fratres, libri Apocalypsis obscuritates verborum, et figuras visionum, sicut a sanctis Patribus exposita sunt, breviter vobis scribere volumus; ut ea legentes, facilius intelligere possitis, et si pro Christi nomine et amore necesse fuerit pati adversa, non fugiatis. *Per multas enim tribulationes oportet nos intrare in regnum Dei* (*Act. xiv*). Deus igitur Pater prævidens tribulationes quas passura erat Ecclesia, postquam ab apostolis in fide fuit fundata, disposuit cum Filio et Spiritu sancto easdem tribulationes, earumque præmia revelare. Merito Christus Joanni manifestavit hanc revelationem, qui excellit omnes privilegio virginitatis, et qui gratia Dei interpretatur. Ipse quippe Joannes invitatur nos ad legendum, et ad audiendum, et ad servandum verba libri hujus, quia si hoc fecerimus, æternam beatitudinem consequemur. Legendus est ergo iste liber, quia est Apocalypsis Jesu Christi, id est, revelatio non cujuslibet, sed Jesu Christi: de qua dicitur:

### CAPUT PRIMUM.

VERS. 1. — *Apocalypsis Jesu Christi quam dedit illi Deus palam facere servis suis, quæ oportet fieri cito.* Deus in hoc loco tota Trinitas intelligitur. Ac si aperte dicat: *Apocalypsis, id est, revelatio Jesu Christi, quam dedit illi Deus Pater secundum humanitatem, palam facere verbo et exemplo servis suis, quæ oportet fieri cito,* id est, in præsentis temporis. Omne enim tempus præsentis vitæ comparatum æternitati quasi unius horæ parvissimum est momentum. In his verbis duo comprehenduntur: ut ea, scilicet quæ finienda sunt, cito accipiant terminum; et ea, quæ sunt inchoanda, cito sumant initium. Sequitur:

**VERS. 2.** — *Et significavit, mittens per angelum suum sermo suo Joanni qui testimonium perhibuit verbo Dei, et testimonium Jesu Christi quæcunque vidit.* Quasi diceret: Jesus Christus Dei et hominis Filius significavit mittens per angelum suum, personam videlicet sui habentem, sermo suo Joanni, viro scilicet probatissimo, qui testimonium perhibuit Verbo Dei, scilicet, qui contestatus est verba ipsius Christi tam de divinitate, quam de humanitate. Filius Dei Patris Verbum vocatur, quia per ipsum Deus Pater humano generi manifestatur. *Et testimonium Jesu Christi quæcunque vidit, in his videlicet quæ vel corporaliter ut passum, vel sola mente, ut fuisse cum Patre ante omnia sæcula.*

**VERS. 3.** — *Beatus qui legit et qui audit verba prophetiæ hujus: et servat ea quæ in ea scripta sunt.* Ac si aperte beatus Joannes evangelista dicat: Quia mihi Christus misit hanc revelationem sive prophetiam, beatus erit, qui a me illam acceperit, et illius verba legerit, et ea quæ in ea scripta sunt servaverit, id est fidem Christi non violaverit; minuta timebit et promissa sperabit. Vere beatus, quia nec longa erit mora laboris, nec tempus elongabitur remunerationis. *Tempus enim prope est, scilicet judicii, vel remunerationis.*

**VERS. 4.** — *Joannes septem Ecclesiis, quæ sunt in Asia.* Deus Pater, ut supradictum est, dedit hanc Apocalypsim Christo, Christus Joanni, Joannes autem septem Ecclesiis, quæ sunt in Asia; principiter videlicet, vel quibus erat magister constitutus, et per simile aliis Ecclesiis; vel per septem Ecclesias universæ Ecclesiæ manifestat hanc revelationem, quia per septem universitas figuratur; vel quia septiformi spiritu illustratur. *Gratia, inquit, vobis et pax ab eo, qui est, et qui erat, et venturus est.* Gratia dicitur gratis data non merces reddita, sed venia collata. *Gratia vobis et pax, id est remissio peccatorum et quies a vitiiis, ab eo, scilicet a Christo olim secundum humanitatem passibili, qui jam est immutabilis, et qui erat æternaliter quamvis natus ex tempore, et qui talis venturus est, etsi modo non apparet.* Personam Patris evangelista tacet, quia nemo de Deo creatore male intellexerat, et ideo ponit personas Filii, et Spiritus sancti, super quibus omnes hæreses nascuntur in Ecclesiis. Sequitur:

**VERS. 5.** — *Et a septem spiritibus qui in conspectu throni ejus sunt: et a Jesu Christo, qui est testis fidelis primogenitus mortuorum, et princeps regum terræ.* Spiritus plerumque sonat idem quod charitas, unde attribuuntur spiritui remissio peccatorum, et alia dona, quæ sunt totius Trinitatis, ut (44\*) intelligamus Trinitatem ex sola dilectione operari. Dicatur itaque apertius: *Et a septem spiritibus, id est, a septiformi spiritu qui natura unus*

*est, et gratiarum distributione multiplex; vel a spiritualibus viris a Spiritu sancto illuminatis, qui in conspectu ejus throni sunt, in quibus sedet Deus ad exemplum vel ad custodiam. Throni sunt angeli et sancti homines in quibus Deus nunc judicat ne in futuro judicet. Et ab Jesu Christo, qui est testis fidelis, qui se videlicet esse Deum, nec propter imminentem mortem negavit; vel testis operum nostrorum erit in die judicii, quando dicit justis: Vidistis me esurientem et dedistis mihi manducare, venite, benedicti Patris mei, percipite paratum vobis regnum a constitutione mundi (Matth. xxv). Primogenitus mortuorum, quia surrexit a mortuis jam impassibilis, vel primus mortificantium se, quia peccatum non fecit; et princeps regum terræ, id est terrenarum potestatum, potens eas remove, et ad suorum utilitatem permittens sævire. Recte quidem primogenitus mortuorum vocatur, qui sic surrexit a mortuis, ut ultra non moriatur. Sequitur:*

**VERS. 6.** — *Qui dilexit nos et lavit nos a peccatis nostris in sanguine suo, et fecit nos regnum et sacerdotes Deo et Patri suo, ipsi gloria et imperium in sæcula sæculorum. Amen.* Ac si aperte dicat: Revera qui dilexit nos, dabit gratiam et pacem, quia sola dilectione lavit nos a peccatis originalibus vel actualibus (Adæ, (45) vel etiam nostris), in sanguine non vituli, non arietis, sicut in veteri lege, sed in suo proprio; et fecit nos regnum, et sacerdotes, id est potentes vitiiis resistere, et pro nobis et pro fratribus nosmetipsos Deo Patri offerentes, et sibi ipsi, et Spiritui sancto. *Ipsi ex nostro sacerdotio sit gloria, et ex nostro regno imperium in sæcula sæculorum. Amen.*

**VERS. 7.** — *Et hoc imperium non tardabit, quia ecce venit cum nubibus, et videbit eum omnis oculus, et qui eum pupugerunt.* Quasi diceret: Videbit eum omnis oculus tam bonus quam malus, et etiam Judæi qui eum in cruce pupugerunt, ut magis crucientur. Ac si aperte Ecclesiis dicat: Vere debetis eum glorificare, quia ipse est qui venturus est ad remunerandum cum nubibus, id est cum sanctis qui nubes fuerint, compluendo alios et miracula faciendo, vel sicut in nube ascendit, in nube veniet, per quam Dei clementiam intelligimus; quia bonis est refrigerium et illuminatio, malis autem terror et execratio: quod significatum est per nubem, qua educti sunt filii Israel de Ægypto. Sequitur: *Et plangent se super eum omnes tribus terræ: etiam. Amen.* Ac si diceret: *Plangent se, et collident super eum, impotentes ejus resistere imperio, ad similitudinem lapidis et vasculorum fictilium. Vel plangent se, id est dolebunt respicientes eos, qui super eum fundati erant; quia non tam dolebunt ipso tormento, quam quod repellentur a tali consortio, et ab ipso Domino. Omnes tribus terræ, inquit: id est omnes terreni, quod firmandum est omni lingua: etiam: Amen. Quasi et superesse videtur.*

(44\*) Mss. prave: *Ut non intelligamus.*

(45) Deest in Glossa, quod parenthesi claudimus

aliceret : Non dubitanter in iudicio plangent se super eum, solum etiam. Amen, id est vere. Ac si aperte dicat : Bene poterit esse hoc, quia ille qui est Deus et Dominus, dicit hoc :

VERS. 8. — *Ego sum Alpha et Omega, principium et finis.* Quasi diceret : *Ego sum Alpha*, id est principium, ante quod nullum, vel a quo omnia cœperunt ; *et finis*, post quem nullus, vel in quo omnia terminabuntur. Alpha enim litteram nulla præcedit, prima est enim omnium litterarum. Sic et Filius Dei. Ipse enim se principium Judæis interrogantibus esse respondit (Joan. viii). Est etiam novissimus, quia iudicium novissimus ipse suscepit. Hic manifeste ostenditur quia angelus, qui hæc Joanni ostendebat, personam Dei in se habebat. *Ego sum*, inquit, *Alpha et Omega, principium et finis, dicit Dominus Deus : qui est, qui erat, et qui venturus est, Omnipotens, iudicare scilicet vivos et mortuos.* Sequitur :

VERS. 9. — *Ecce ego Joannes frater vester, et particeps in tribulatione, et regno, et patientia in Jesu ; fui in insula quæ appellatur Pathmos propter Verbum Dei, et testimonium Jesu Christi.* Finita salutatione progreditur ad narrationem ponendo quatuor, personam scilicet, locum, causam, et ipsius loci tempus, quæ valent ad confirmationem ipsius revelationis. Ac si aperte dicat : *Ego Joannes frater vester in fidei unitate, et particeps in tribulatione*, quia sui flagellatus, et in dolio missus, atque ab hominibus separatus, particeps etiam in regno Dei futurus *et patientia in Jesu*, id est propter patientiam habitam ad similitudinem Jesu. *Fui in insula, quæ appellatur Pathmos*, id est fretu [fretum]. Vel tribulatione, in qua magis cœlestia fidelibus aperiuntur : *propter verbum Dei, et testimonium Jesu Christi*, id est propter testimonium divinitati et humanitati exhibitum. Benedictus omnipotens Deus qui probatissimo servo suo Joanni, cui negabatur terra, cœlum aperuit, eique ad totius Ecclesiæ cruditionem secreta aperuit. Quanto enim flagis sancti in præsentis vita pro Christo affliguntur, eo amplius illis secreta cœlestia aperiuntur. Hinc apparet quia pœna non facit martyrem, sed iustitia. Hinc Psalmista ait : *Judica me, Deus, et discerne causam meam de gente non sancta (Psal. xlii) : Fui, inquit, in insula quæ appellatur Pathmos.* Ecclesia insulæ comparatur, quia sicut insula marinis procellis tunditur, ita Ecclesia persecutionibus malorum affligitur. Iterum subiungit dicens :

VERS. 10. — *Fui in spiritu in Dominica die.* Quatuor posuit ad confirmationem revelationis : personam videlicet, locum, causam, et ipsius loci tempus. Personam designavit, cum dicit : *Ego Joannes frater vester* ; locum, cum ait : *Fui in Pathmos insula* ; causam, cum dicit : *Propter verbum Dei* ; tempus, cum adiunxit : *Fui in spiritu in Dominica die, et audivi post me vocem magnam tanquam tubæ dicentis : Quod vides scribe in libro.* Quasi diceret : *Fui in spiritu*, hoc est in excessu mentis, in Dominica

die, id est in spe resurrectionis positus per resurrectionem Christi, *et audivi post me*, hoc est in clara cognitione resurrectionis, cognovi vocem magnam, id est manifestationem, quia de futuris vel de magnis sacramentis : *tanquam tubæ*, quia [f] quæ incitatur ad bellum spirituale. Ecce figura corporalis docens milites Christianos exhortandos ad spirituale prælium, ubi necessaria est patientia. Hic aperte demonstratur beatum Joannem hanc visionem non corporaliter, sed in spiritu vidisse, non tamen in somnis hoc vidit, sed in exstasi raptus est, sicut et Ezechiel : et spiritui æternitatis adhæsit mens ejus. *Audivi*, inquit, *post me vocem magnam.* Post se audivit, quia, dum de præsentis vitæ tumultibus eductus, in anteriora vim contemplationis extenderet, alios respicere admonitus est, vel post se audivit, quia lege et prophetis prædictum hoc idem intellexit. Solet rerum qualitas tempore notari, ut Abraham qui in fervore fidei angelos meridie vidit (Gen. xviii), Lot in perditione Sodomæ vespere (Gen. xix), Adam post meridiem (Gen. iii), Salomon non servaturus sapientiam, nocte suscepit (III Reg. iii). Sive simul et uno intuitu, sive per diversa tempora in ipsa die Dominica hanc visionem viderit, angelus ei utrumlibet conferre potuit. Sequitur :

VERS. 11. — *Quod vides scribe in libro, et mitte septem Ecclesiis, quæ sunt in Asia, Ephesum, Smyrnam, Pergamum, Sardis, Thyatiram, Philadelphiam et Laodiciam.* Ac si aperte dicat : *Quod vides*, hoc est quod visurus es, *scribe in libro*, id est mente reconde. Vel ad litteram : Non abscondas talentum in sudario, sed mitte septem Ecclesiis. Ephesus fuit metropolitana sedes totius Asiæ, in qua Joannes præfuit ; Ephesus ergo interpretatur voluntas sive consilium, Smyrna canticum eorum, Pergamus divisio cornuum, Thyatira illuminata vel vivens hostia, Sardis principium pulchritudinis, Philadelphia amor fratris, vel salvens hæreditatem, Laodicea tribus amabilis Domino. Communis admonitio sit beato Joanni, quæ monet communiter mittere Ecclesiis Asiæ, quia per eas intelligendæ sunt omnes aliæ Ecclesiæ. Car ergo Ecclesia cum una sit, a Joanne septem scribuntur, nisi ut una catholica septiformi plena spiritu designetur ? Unde novimus dixisse Salomonem : *Sapientia, id est Dei Filius, ædificavit sibi domum, excidit columnas septem (Prov. ix) : quæ tamen septem una esse non ambigitur, dicente Apostolo : Ecclesia Dei vivi, quæ est columna et firmamentum veritatis (I Tim. iii).* Sequitur :

VERS. 12. — *Et conversus sum, ut viderem vocem quæ loquebatur mecum.* Ac si diceret : Audita illa voce, conversus sum ab ignorantia, ut viderem, id est, intelligerem vocem angeli personam Christi habentis sub figura tubæ, quæ loquebatur mecum, quia non discordabat a voluntate mea. Deus loquitur ad sanctos in corde sine sono vocis, ipsi autem loquuntur formantes verba cum lingua carnis. Iterum subjungens ait : *Et conversus, vidi septem candelabra*



*aurea*. Quasi diceret : Et quia *conversus* sum de carnali intellectu, *vidi*, id est, cognovi quare Ecclesia comprehendatur sub hoc numero septenario et sub corporali, figura candelaborum aureorum. *Vidi*, inquit, *septem candelabra aurea*, id est Ecclesias ardentes et illuminatas sapientia divini Verbi. Sicut aurum per ignem probatum, percussionibus extensum, candelabrum efficitur; sic Ecclesia tribulationibus purgata tentationum ictibus in longanimitate extensa consummatur. Sequitur :

**VERS. 13.** — *Et in medio septem candelaborum aureorum similem filio hominis vestitum podere, et præcinctum ad mamillas zona aurea*. Ac si patenter dicat : *Vidi in medio septem candelaborum aureorum*, id est, in medio Ecclesiarum, *similem filio hominis*, angelum videlicet in persona Christi, qui quasi jam non filius hominis sed similis, quia jam non moritur; vel filio hominis similis, quia non cum peccato sed in similitudinem carnis peccati apparuit. *Vestitum*, ait, *podere*, id est, sacerdotali veste, hoc est carne, in qua se obtulit et quotidie offert, representans se Deo Patri. Vel poderis est Ecclesia, qua vestitur Deus : quæ est talaris, quia usque ad finem mundi protenditur. *Et præcinctum ad mamillas*, quia ipse caput totius Ecclesiarum prius in se ostendit, quod nunc a suis exigit. *Præcinctum zona aurea*, id est cingulo charitatis, quia dilectione ministrat suis sanctis. Unde ipse in Evangelio de se ait : *Transiens ministrabit illis* (Luc. xii), scilicet post iudicium præparabit, id est, disponet eis æternas mansiones. Daniel cinctum ad renes illum vidit in veteri testamento, quia ibi carnalia facta constringebantur (Dan. x) : Joannes ad mamillas, quia in novo etiam cogitationes iudicantur. Sequitur :

**VERS. 14.** — *Caput autem ejus, et capilli erant candidi tanquam lana alba, et tanquam nix*. Ac si diceret : *Caput* Christi erat candidum in quo sunt omnia necessaria ad regimen Ecclesiarum; *et capilli erant candidi candore justitiæ*, sancti videlicet imitatores innocentie et simplicitatis illius extenuati disciplinæ et adhærentes ipsi capiti; *tanquam lana alba*, id est vestimentum contra frigus, id est contra vitia; *et tanquam nix*, candidior scilicet omni creatura, per quam immortalitatis candor designatur. Unde Dominus claritatem futuræ resurrectionis niveo candore expressit in monte Thabor coram discipulis (Matth. xvii). Habent etiam sancti candorem lanæ, quia imitantur simplicitatem et innocentiam capitis sui dicentis : *Discite a me quia mitis sum et humilis corde* (Matth. xi). Hæc lana, id est vera innocentia, illius est de quo Isaias ait : *Tanquam ovis ad occisionem ducetur, et quasi agnus coram tonsore se obmutescet* (Isai. liii), etc. Iterum subiiciens ait : *Et oculi ejus velut flamma ignis*, dona videlicet sancti Spiritus, quæ sunt Christi habentis et fidelibus dantis, sunt et Ecclesiarum accipientis, quæ illuminant et in Dei amore ardere faciunt. Vel oculi Christi sunt spirituales viri in Ecclesia, de quibus

Salomon voce sponsæ, id est, ejusdem Ecclesiarum sanctæ ait in Canticeis : *Oculi tui sicut columbæ super rivulos aquarum* (Cant. v). Vel oculi sunt divina præcepta monstrati sub tali figura corporali.

**VERS. 15.** — *Et pedes ejus similes aurichalco, sicut in camino ardentis*. Ac si aperte dicat : *Pedes ejus*, id est ultimi fideles, qui circa finem mundi, temporibus videlicet Antichristi inveniendi sunt, præ magnitudine passionum ac diversarum tribulationum quasi multis contusionibus experti, non retinebunt veteris hominis vetustatem, sed transferentur per Christum in meliorem colorem, hoc est, in spiritualis vitæ novitatem sicut aurichalcum, quod quanto amplius incenditur et tunditur, tanto clarius conspicitur. *Pedes Domini* aliquando significant stabilitatem æternitatis, aliquando humanitatem, per quam venit ad nos cognitio divinitatis; aliquando prædicatores, de quibus scriptum est : *Quam speciosi pedes evangelizantium pacem, et evangelizantium bona* (Isai. liii). Sicut Antichristus crudelior erit omnibus persecutoribus, ita sancti illius temporis, ut credimus, fortiores erunt omnibus retro ante martyribus. In alia translatione habetur : *Pedes ejus sicut aurichalco Libani*, per quod ostenditur in illa regione ubi Dominus crucifixus est, maxime illa fidelium tribulatio sub Antichristo valitura. Iterum subjungit dicens : *Et vox illius tanquam vox aquarum multarum*. Superius comparata est vox angeli tubæ, nunc vero aquis multis, quia quod primum pauci prædicatores, hoc postea totus mundus clamat.

**VERS. 16.** — *Et habebat, inquit, in dextera sua stellas septem*. Ac si diceret : habebat sub alia figura in dextera, id est in prædestinatione vel in potentia sua stellas septem, prælatos scilicet Ecclesiarum, qui lucent in hoc mari fidelibus navigantibus. Superius posuit candelabra sine lumine, hic ponit stellas, per hoc designans, quosdam habere officium prædicationis, quosdam vero scientiam tantum. Stellæ episcopi sunt, qui debent aliis lucere verbo et exemplo vitæ, qui, etsi peccaverint, tamen stellæ vocantur, secundum quod instituti sunt; quos habet in dextera sua, id est, in potioribus donis quæ per dexteram significantur. *Et de ore ejus*, ait, *gladius ex utraque parte acutus exibit*. Quasi diceret : *De ore ejus*, id est, de prædicatoribus ejus, per quos Deus aperit secreta sua, *gladius ex utraque parte acutus*, prædicatio scilicet, quæ utraque secatur, in veteri scilicet testamento carnalia opera, et in novo concupiscentias. *Et facies ejus*, inquit, *sicut sol lucet in virtute sua*. Ac si aperte dicat : *Facies ejus*, id est sancta Ecclesia post diem iudicii videns eum facie ad faciem (I Cor. xiii), per virtutem ejusdem Jesu Christi sponsi sui lucebit sicut sol in virtute sua, hoc est sicut ipse Christus, quia corpus illius est. Unde ait Apostolus : *Scimus quoniam cum apparuerit, similes ei erimus* (I Joan. iii). Sicut etiam ipse verus sol justitiæ ait : *Fulgurunt justi sicut sol in regno Patrie eorum* (Matth.

xiii). Erat facies ejus sicut sol lucet in virtute sua, id est. in meridie sine nubibus, vel quando fluxus erit post judicium in æternum. Unde ait Hispaniarum doctor Isidorus : « Sol iste materialis, quem cernimus post diem judicii non patietur occasum, ne impii claritate luminis ejus fruantur. » Hanc claritatem futuræ resurrectionis ostendit Dominus in monte coram tribus discipulis, quando facies illius resplenduit sicut sol (Matth. 1x). « Centies enim tantum, ut ait beatus Hilarius, refulsit; sed non habuit evangelista creaturam splendidiorem, cui comparare posset eandem claritatem, et idcirco dicit sicut sol resplenduisse faciem ejus. Et qualis tunc apparuit Dominus, talis utique venturus est ad judicium, excepto quod clavorum et lanceæ signa monstraturus est. » Sequitur :

VERS. 17. — *Et cum vidissem eum, cecidi ad pedes ejus tanquam mortuus.* Ac si diceret : *Cecidi ad pedes ejus*, id est, projecit curam humanitatis, temporalium scilicet rerum ad similitudinem ultimorum fidelium. *Cecidi*, inquit, *ad pedes ejus*, hoc est humiliavi me ad hoc ut essem unus de pedibus ejus, reputans me mortuum fuisse intellectu. Ad pedes angeli personam Christi habentis Joannes cadit, dum sancta Ecclesia vestigia passionis Christi imitatur. Ad pedes cadit dum considerat redemptorem suum mortuum, mox mundo moriendo, ad imitandum ejus vestigia semetipsam humiliter prosternit. *Et posuit*, inquit, *dexteram suam super me*, dicens : *Noli timere.* Quasi diceret : Quia cecidi ad pedes ejus tanquam mortuus, ideo posuit dexteram suam, id est auxilium suum, scilicet spiritum confortantem, vel favorem suum sive potentiam per prædicatorem vel per Scripturas; *super me*, id est supra vires humanitatis. Notandum quia Joannes in hac prophetia Ecclesiæ personam levet.

VERS. 18. — *Noli timere*, inquit, et adjecit : *Ego sum primus, et novissimus, et vivus, et fui mortuus, et ecce sum vivens in sæcula sæculorum, et habeo claves mortis et inferni.* Ac si patenter omni Ecclesiæ dicat : Quia resurgens a peccatis scilicet et vitiis, sicut ego, *noli timere* pati pro me tribulationem; quia ego, qui non indigebam propter me, cum sim *primus et novissimus*, propter vos tamen fui mortuus. Quasi diceret : *Ego sum primus secundum divinitatem, et novissimus* sicut vermis et non homo; et fui mortuus pro vestra salute, *et ecce sum vivens æternaliter in sæcula sæculorum* : ideoque ne terreamini pro me pati, quia manifeste nec amplius moriar. Hostia quippe et immolatur et viva est, quia sancti etsi se causa amoris Christi mortificant cum vitiis et concupiscentiis, non tamen penitus moriuntur. *Et habeo*, inquit, *claves mortis et inferni.* Ac si diceret : ideo nolite timere, quia ego habeo claves mortis et inferni, et quia pravi homines nihil mali vobis possunt facere nisi permissi. Nec patiar vos tentari supra quod ferre potestis, quia habeo claves, id est, potestatem super

A diabolum et super membra ejus. Diabolus est mors, quia causa mortis, ministri ejus inferni in quibus habet locum. Hic manifestissime apparet, quia angelus, qui beato Joanni apparuit, figuram Christi tenuit. Non enim alio quam Christo nato, passo ac sepulto, et resuscitato hæc verba conveniunt.

VERS. 19. — *Scribe ergo, o Joannes, quæ vidisti, et quæ sunt, et quæ oportet fieri cito post hæc.* Ac si aperte dicat : *Scribe quæ vidisti*, sicut passionem et resurrectionem, et quæ sunt, præsentem videlicet tribulationem, et præsentem Dei auxilium; *et quæ oportet fieri cito post hæc*, in ultimis scilicet fidelibus, per quorum exemplum isti multum debent animari. Iterum subjungens, ait :

B VERS. 20. — *Sacramentum septem stellarum, quas vidisti in dextera mea, et septem candelabra aurea.* Sacramentum est, ubi aliud videtur et aliud intelligitur, sicut in corpore Domini, ubi cum videatur panis, vera est caro. Unde ipsi sacerdotes dicunt : *Sacramenta quæ sumpsimus, Domine*, etc. Ac si apertius diceret : O Joannes, ea quæ vidisti, fidelibus scribe, et ea quæ ego tibi sub sacramento ostendo, hæreticis absconde. *Septem stellæ angeli sunt septem Ecclesiarum.* Quasi diceret : Per septem stellas designati sunt universi rectores omnium Ecclesiarum; et candelabra septem, septem Ecclesiæ sunt. Per septem candelabra intelliguntur illi, qui scientiam habent prædicationis, sed non habent officium, quia non sunt prælati. Allegoriam in parte aperit, ut doceat ubique debere requiri.

## CAPUT II.

Incipit singulares admonitiones, quæ singulæ universales esse possunt secundum diversa membra cujuslibet Ecclesiæ, dicens :

VERS. 1. — *Et angelo Ephesi Ecclesiæ scribe.* Ac si aperte dicat : Quamvis dixerim, *mitte septem Ecclesiis*, tamen huic specialiter primum scribe. Angelo itaque, id est episcopo Ephesi Ecclesiæ scribit, de ejus manu peccata subditorum requirit, et sine ejus consensu subditos judicare non præsumit. Ephesus interpretatur *voluntas* vel *consilium* sive *lapsus profundus*. Ephesus ergo, secundum bene persistentium partem, voluntas interpretatur, quorum Deus operibus delectatur; de quibus præponit, ut per horum exemplum qui lapsi sunt corrigantur, secundum quos Ephesus consilium interpretatur, id est indigens consilio. Sequitur : *Hæc dicit, qui tenet septem stellas in dextera sua, qui ambulat in medio septem candelabrorum aureorum.* Ac si apertius diceret : Ille hæc dicit, cujus dicta non sunt contemnenda, et qui tenet septem stellas, id est omnes Ecclesiæ prælati in dextera sua ne cadant; qui ambulat sicut dona dividens, vel nondum quietus in medio septem candelabrorum omnibus providendo, omnibus subveniendo. *Qui habet*, inquit, *in dextera sua septem stellas.* Notandum, quia in hac dextera boni et mali continentur; boni quidem comprimuntur, ne vel ultra mensuram acceptæ

virtutis per inanem gloriam transeant, vel ad vitiorum illecebras ruant; mali autem, ne quantum voluit possint, virtute hujus dexteræ comprimuntur; sed tanquam servi sub potestate Domini ad mensuram filios flagellis cædunt. In medio septem candelaborum ambulat, quia tandiu inter electos et reprobos exhortationis verbo discurret, quousque inveniat apud quem per opera virtutum mansionem faciat. Ambulat Dominus in medio candelaborum, hoc est, in medio electorum suorum, quando suæ gratiæ dona illis infundit. Sedet, quando singulorum merita dijudicat. Sed ille, qui habet septem stellas in dextera sua, quid dicit angelo Ecclesiæ Ephesi?

VERS. 2. — *Scio, inquit, opera tua, et laborem, et patientiam, et quia non potes suscinere malos; et tentasti eos, qui se dicunt apostolos esse, et non sunt, et invenisti eos mendaces.* Quasi diceret: *Scio*, id est approbo et eligo *opera tua*; et *laborem*, id est tribulationem; et *patientiam*, quia non murmurat de dilato præmio; et *quia non potes sustinere*, id est, pati malos quin emendes vel expellas ab Ecclesia; et *tentasti eos*, id est, probasti doctrinam eorum, qui se dicunt apostolos esse, id est, missos a Deo, et non sunt, ut facilius decipiant; et *invenisti eos mendaces*, prava eorum vita, et perversa prædicatione. *Tenta ti*, inquit, *eos*, utrum veri an falsi sint; vel paulatim eos volens revocare ab errore suo. Tempore beati Joannis surrexerunt falsi apostoli, id est hæretici, Marcion videlicet, et Ebio, et Cerinthus, et alii plurimi in Asiam, volentes corrumpere rectam fidem, et prædicantes Christum minorem Patre; qui utique falsi apostoli erant. Iterum subjungit dicens:

VERS. 3. — *Et patientiam habes et sustinisti propter nomen meum, et non defecisti.* Ac si aperte dicat: *Patientiam habes et sustinisti* in malis, quæ ipsi falsi apostoli, jam convicti per terrena argumenta, tibi ingesserunt; et hoc non fecisti pro humana laude, sed *propter nomen meum* glorificandum, et non defecisti, sed in vera doctrina perseverasti. Iterum subsequenter ait:

VERS. 4. — *Sed habeo adversus te pauca, quod charitatem tuam pristinam reliquisti.* Notat causam, humanos scilicet defectus fuisse contrarium cor-  
D  
ræ, nisi Dei auxilium eundem episcopum prevenisset. Ac si diceret: De avaritia te vitupero, eo quod charitatem primam reliqueris. Forte episcopus in persona sua affectus tædio vitiorum in subditis, vel subditi amore terrenorum, charitatem primam reliquerunt. Præcipua et prima charitas est, homo seipsum dare Deo; secunda, suam substantiam. Vel primam charitatem reliquit, quam primum habuit prædicando. In supradictis operibus bonis fuit voluntas Dei, in his autem, quæ sequuntur, quia correctione indigent, valet consilium; ibi dixit: *scio opera tua*, id est laud: hic dicit, *habeo adversus te*, id est video in te esse quædam, quæ indigent consilio, id est correctione, quæ sunt ad-

versum te, hoc est contraria salutis tuæ, vel quæ faciunt me aversum a te. Sed tamen non desperes propter asperitatem correctionis, quia pauca sunt, et ideo facili indigent emendatione. Sequitur

VERS. 5. — *Memor esto itaque unde excideris, et age pœnitentiam, et prima opera fac.* Ac si aperte dicat: Quia igitur quod agis, adversum te est, *memor esto unde* (id est de consortio fidelium, vel a qua gratia) *excideris, et age pœnitentiam*, hoc est, dignos fructus pœnitentiæ, ut gratiam meam recuperare possis, pro eo quod me reliquisti et terrenum amorem, ut mulier adultera, suscepisti. *Memor esto*, inquit, *unde excideris*: id est, a quanta virtute vel ab amicitia mea. *Et prima opera fac*, hoc est redi in amorem prioris viri, id est, mei. *Sin autem, veniam tibi cito, et movebo candelabrum tuum de loco suo, nisi pœnitentiam egeris.* Ac si aperte dicat: Si prima opera non feceris, *veniam tibi cito* ad damnum tuum, ut animam videlicet et corpus interficiam, et *movebo candelabrum tuum de loco suo*, auferam scilicet virtutes et dona sancti Spiritus, per quem sunt constituta candelabra, quia episcopatum tuum accipiet alter, vel illam mercedem, quam inde expectabas; si autem pœnitentiam egeris, salvari poteris. Licet Petrus negaverit Christum, quia pœnituit, non perdidit apostolicum gradum. *Nunquid qui cadit, non adjiciet ut resurgat? (Psal. xl.)*

VERS. 6. — *Sed hoc habes, quia odisti facta Nicolaitarum, quæ et ego odi.* Quasi diceret: Quamvis hoc est adversum te, tamen non desperes, quia *habes bonum hoc*, scilicet *quia odisti facta Nicolaitarum*, in communem videlicet usum mulierum, et comestionem idolothytorum, *quæ et ego odi*, quæ ideo odisti, quia me odisse cognovisti. Nicolaus fuit unus de septem diaconibus, qui electi et ordinati sunt ab apostolis; sed, cæteris permanentibus in fide et ministerio sancto, ille recessit ab eorum fide et doctrina. Nicolaus interpretatur *stultus populus*, id est omnes falsi de quacunque lege. Nicolaus ergo stultus populus, id est gentiles Deum ignorantes, publice uxoribus utentes, qui idolothyta comedunt; hæretici quoque stulti sunt apud Deum, quibus error idolorum cultura imputatur, et fornicantur immunditiæ carnis servientes. Stulti quoque sunt Judæi, stulti etiam falsi Christiani, qui concupiscentiis dediti, mundum colunt.

VERS. 7. — *Qui habet, inquit, aurem, audiat quid Spiritus dicat Ecclesiis: Vincenti dabo edere de ligno vitæ, quod est in paradiso Dei mei.* Ac si patienter dicat: Quod uni dico, omnibus dico. Non solum Ephesiano episcopo avaritiam prohibeo, sed etiam cæteris Ecclesiarum episcopis. Quasi diceret: *Qui habet aurem*, id est spirituale intellectum, *audiat quid Spiritus*, scilicet sancta Trinitas, quia *Spiritus est Deus (Joan. iv)*, *dicat Ecclesiis*; hoc videlicet, ut odio habeant avaritiam, non tantum in dando, sed etiam in consulendo et prædicando. Ac si diceret: Vere unusquisque debet habere odio avaritiam, et cætera vitia quia *vincenti*, id est perseveranti in hoc,

*dabo edere de ligno vitæ.* Cur audiendum est quid Spiritus dicat Ecclesiis? Quia vincenti scilicet, id est perseveranti Christus est lignum, robur, et umbraculum dans fructum, id est corpus et sanguinem suum hic, et maxime in futuro. Ac si aperte dicat: Perseveranti in charitate Dei et proximi, *dabo edere de ligno vitæ*, hoc est corpus meum, *quod est in paradiso*, id est in horto deliciarum, hoc est in Ecclesia Dei mei, secundum humanitatem. Lignum vitæ est sapientia Dei Patris, de qua dicitur: *Lignum vitæ est his, qui apprehenderit eam; et qui tenuerit eam, beatus erit* (Prov. iii). Sequitur:

VERS. 8. — *Et angelo Smyrnæ Ecclesiæ scribe.* Smyrna canticum interpretatur, vel quasi myrrha. Ac si aperte dicat: Hoc notifica etiam aliis Ecclesiis, qui commorantur et perseverant in cantico Moysi, vel in aliorum sanctorum Patrum canticis, sive in mortificatione carnis.

VERS. 9. — *Hæc dicit primus et novissimus, qui fuit mortuus et vivit: Scio tribulationem et paupertatem tuam, sed dives es: et blasphemaris ab his, qui se dicunt Judæos esse et non sunt, sed sunt Synagoga Satanæ.* Quasi diceret: Ne deficiatis vos in tribulationibus, quia ego tantus, primus scilicet existens: nte omnia, per quem omnia subsistunt; et novissimus, per quem omnia consummabuntur; propter vos passus sum mortem, de qua surrexi; quam et vos pro me exspectare et pati debetis: et fui mortuus pro vobis, per quem vivetis, quia ego vivo. Talem describit Christum, qui valeat ad consolationem eorum, quibus tribulationes ingeruntur. Scio, inquit, tribulationem tuam, quia beati qui persecutionem patiuntur propter justitiam (Matth. v), et paupertatem tuam, quia beati pauperes spiritu (ibid.), sed dives es in anima, in spe videlicet remunerationis: et blasphemaris ab his, qui se dicunt Judæos, id est confidentes, esse et non sunt [quia, si filii Abraham essent, opera Abraham facerent (Joan. viii)], sed sunt Synagoga Satanæ, id est congregatio adversantis. Quasi diceret: Cum lauderis a me, non est tibi curandum de blasphemia blasphemorum. Nulla pestis efficacior quam domesticus inimicus. Cumulus miseriæ est tribulatis, si ab adversariis infamantur. Iterum subjungit dicens:

VERS. 10. — *Nihil horum timeas quæ passurus es.* Præmissa laude, subdit præmonitionem. Ac si diceret: Multa adhuc passurus es; sed nihil horum timeas, quia corpus tantum occidere possunt. Iterum subsequenter ait: *Ecce missurus est diabolus ex vobis in carcerem ut tentemini, et habebitis tribulationem diebus decem.* Ac si patenter dicat: *Nihil horum timeas*, quia et si in præsentem tempore missurus est diabolus ex vobis per membra sua, ut fuit Nero, Domitianus et cæteri persecutores, in carcerem, tamen non omnes vos, sed quosdam ex vobis: ut tentemini, id est ut probemini, vel despectui habeamini diabolo et membris ejus. Carcer enim pro omni tribulatione ponitur. Vel missurus est

A quosdam ex vobis in carcerem vitiorum, id est in delectationem carnis, et habebitis tribulationem diebus decem, id est tempore belli. Deus enim servos suos ad bella mittens, Decalogo illos armat. Vel decem dies: toto hoc tempore, in quo per septem dies Ecclesia contra tria vitia principalia pugnat, avaritiam scilicet, vanam gloriam, et cupiditatem, vel, diebus decem habebitis tribulationem propter charitatem videlicet decem præceptorum; vel, tota hæc vita quæ consideratur per quinque zonas cœli, et quinque zonas terræ, habebitis tribulationem, vel per quinque sensus masculorum, et quinque mulierum, vel per decem dies intelliguntur decem imperatores, qui inter Neronem et Diocletianum fuerunt, et Christianis multa tormenta intulerunt. B Prima ergo persecutio Christianorum facta est a Nerone, secunda a Domitiano, tertia a Trajano, quarta ab Antonio [Antonino], quinta a Severo, sexta a Maximiano [Maximino], septima a Decio, octava ab Aureliano, nona a Valeriano, decima a Diocletiano et Maximiano comitibus. Per hos decem reges passa est Ecclesia ab Ascensione Christi, usque ad Nicenum concilium, id est usque ad imperatorem Constantinum per annos ducentos quinquaginta. Habuit itaque sancta Ecclesia tribulationem diebus decem supradictorum videlicet temporibus decem regum. Sequitur: *Esto fidelis usque ad mortem, et dabo tibi coronam vitæ.* Quasi diceret: Quamvis inimici veritatis tibi adversa ingerant, tu tamen esto fidelis, id est perseverans cum recta fide in bonis operibus, et dabo tibi coronam vitæ, C bravium scilicet æternæ remunerationis.

VERS. 11. — *Qui habet aurem, audiat quid Spiritus dicat Ecclesiis: Qui vicerit non lædetur a morte secunda, quæ est in gehenna.* Prima mors animæ est in peccatis, secunda in pœnis. Prima est etiam mors corporis, quando anima ab eo dissolvitur; secunda quando in judicio condemnatur. Iterum subjungit dicens:

VERS. 12. — *Et angelo Pergami Ecclesiæ scribe.* Pergamus divisio cornuum interpretatur. Ac si diceret: *Angelo Pergami Ecclesiæ scribe*, id est discernentis defensores Ecclesiæ et hæreticos.

VERS. 13. — *Hæc dicit qui habet rhomphæam ex D utraque parte acutam: Scio ubi habitas, ubi sedes est Satanæ; et tenes nomen meum, et non negasti fidem meam. Et in diebus Antiphas testis meus fidelis, qui occisus est apud vos, ubi Satanæ habitat.* Ac si patenter dicat: Hæc dicit ille, cujus dicta non sunt negligenda, qui habet rhomphæam, id est divinam Scripturam ex utraque parte acutam, per dilectionem Dei et proximi resecando vitia. His verbis exigit, ut isti hunc gradum habeant in electione bonorum, et reprobatione malorum, quo confringantur cornua peccatorum, et exaltentur cornua justi (Psal. lxxiv). Scio, inquit, ubi habitas, in medio scilicet pravæ nationis, ubi sedes est Satanæ. Quasi diceret: Hoc laudo videlicet quod inter malos es bonus; et quia tenes contra disputantes non es

meum, scilicet, quod sum Filius Dei; et nomen Christianitatis; vel quod verbo prædicas, opere comples. Vel tenes nomen meum, hoc est integra fide colis, etiam in tempore tribulationis, et non negasti pro aliqua tribulatione fidem meam: et hoc fecisti in diebus illis, in quibus exstitit Antiphas testis meus fidelis, qui occisus est apud vos (quasi condoleo, quia illum occiderunt) ubi Satanas habitat. Ac si apertius Pergami Ecclesiæ episcopo diceret: Et etiam fuisti testis meus fidelis, testificando me esse Filium Dei; et cœqualem illi, in diebus illis, in quibus occisus fuit Antiphas.

VERS. 14. — Sed habeo adversus te pauca, quia habes illic tenentes doctrinam Balaam, qui docebat Balac mittere sandalum coram filiis Israel edere et fornicari. Ac si diceret: Quamvis in hoc constas, et bene discernis, qui sint hæretici vel catholici; sed non fortis dimicas contra eos, et ideo habeo adversus te pauca, id est, propter pauca sum tibi adversarius nisi corrigaris; quia habes illic, hoc est in tua subiectione, non expellis, sed pateris tenentes doctrinam Balaam, id est vani populi cui Deus abstulit spiritum prophetiæ propter nequitiam suam; qui docebat Balac mittere scandalum coram filiis Israel edere et fornicari, hoc est delectari in vanis rebus cum dæmone. Balaam significat hæreticos, qui docent terrenos principes qualiter subvertant videntes Deum, id est populum Christianum. Vel Balaam dæmones designat, qui per carnis delectationem et immunditiam conantur animas Deum videntes decipere. Dum hæretici suasoria quædam et dulcia verba proponunt in suis falsis dogmatibus, quasi per pulchras mulieres eos seducere cupiunt, ut comedant idolothyta, id est ut sequantur idolorum doctrinam omni spurcitia plena, ibique fornicentur, id est ut relicta veritatis doctrina, mendaciis perversorum inhæreant. Iterum subsequenter ait:

VERS. 15. — Ita habes et tu tenentes doctrinam Nicolaitarum. Ac si patenter dicat: Sicut habes illic tenentes doctrinam Balaam, nec eos excludis, sed pateris; ita habes tenentes doctrinam Nicolaitarum. Similiter ergo de istis sicut de illis age pœnitentiam. Ideo repetit de Nicolaitis, ut ad pœnitentiam invitet, quod superius non fecit. Ex hoc apparet, quia pari reatu astringitur ille, qui prava docet; et ille qui prava doceri tacens permittit. Sequitur:

VERS. 16. — Si cominus [s. si quo minus] veniam tibi cito, et pugnabo cum illis in gladio oris mei. Quasi diceret: Nisi pœnitentiam egeris, et prava docentes non corripueris, veniam tibi cito, et pugnabo cum illis, id est convincam illos fornicationis peccasse. In gladio oris mei: dicendo videlicet: Ite, maledicti, in ignem æternum (Matth. xxv).

VERS. 17. — Qui habet aures, audiat quid Spiritus dicat Ecclesiis: Vincenti dabo edere manna absconditum, et dabo illi calculum candidum: et in calculo nomen novum scriptum, quod nemo novit, nisi qui

accipit. Ac si diceret: Vincenti, scilicet propria desideria et dæmonum tentamenta, dabo ei manna, videlicet meipsum, vel sauctam eucharistiam, et meam contemplationem, interim absconditum: et dabo illi calculum candidum, scilicet meipsum, vel evangelii scientiam, quæ faciet candidos duplici stola. Vel dabo ei manna absconditum, id est æternam gloriam, de qua præ admiratione omnes dicent: Quid est hoc? Quam videlicet gloriam nec oculus vidit, nec auris audivit, nec in cor hominis ascendit (Isai. LXIV). Et dabo illi calculum candidum, id est corpus solidum et lucidum virtutibus, atque immortale. Calculus candidus significat corpus in baptismate dealbatum, et immortale futurum. Et in calculo, scilicet in tali corpore, nomen novum scriptum, id est: In principio erat Verbum (Joan. 1), Christus scilicet Dei Filius, in quo nihil constat veteris Adæ: quod nemo novit (vim scilicet ejus in experientia ad quid per hoc nomen invenietur) nisi qui accipit, id est nisi prius peccata vicerit, et bona quæ prædicat vel audit, opere impleverit: quia qui dicit se nosse Deum, et mandata ejus non custodit, mendax est (1 Joan. 11). Calculus lapis est pretiosus, qui et carbunculus appellatur eo quod in tenebris positus, sicut succensus carbo fulgere perhibetur. Per hunc autem lapidem ipse intelligitur Christus, qui inter hujus sæculi tenebras refusit, quando Verbum caro factum est, et habitavit in nobis (Joan. 1). Unde bene candidus dicitur, quia sine ulla peccati offuscatione mundus inter homines apparuit, et divinitatis suæ luce tenebras nostræ mortalitatis illustravit. Et in calculo, inquit, nomen meum scriptum. De hoc nomine sic ait Isaias: Vocabitur tibi nomen novum, quod os Domini nominavit (Isai. LXII). Iterum subjungit dicens:

VERS. 18. — Et angelo Thyatiræ Ecclesiæ scribe. Thyatira, ut supradictum est, illuminata interpretatur vel vivens hostia. Quid ergo Jesus Christus angelo Thyatiræ Ecclesiæ dicat, audiamus:

VERS. 19. — Hæc dicit Filius Dei, qui habet oculos ut flammam ignis, et pedes ejus similes aurichalco: Novi opera tua, et fidem, et charitatem, et ministerium, et patientiam tuam, et opera tua novissima plura prioribus. Ac si aperte dicat: Hæc dicit Filius Dei, qui habet oculos ut flammam ignis, dona videlicet sancti Spiritus habet, et dat ea cui vult vel aufert. Et pedes ejus similes aurichalco, quos omnino necesse est imitari; videant itaque isti qui jam receperunt illa dona, ne per consensum malorum perdant ea. Vel oculi Domini intelliguntur doctores, qui nos doctrina et exemplo illuminant, et lucem scientiæ præbent. Pedes Domini sunt, vel sancti prædicatores, per quos mundum circuit, scilicet sancti apostoli, martyres et confessores igne tribulationis probati; vel certe ultima ac novissima illius membra extrema persecutione candentia. Novi, inquit, id est recepi opera tua, fidem scilicet et charitatem, et cætera bona opera; et minis-

serinum tuum in elemosynis, et patientiam tuam in omnibus adversis; et opera tua novissima plura prioribus, quia rudis Ecclesia a levioribus incipit, et ad perfectionem pervenit. Iterum subsequenter ait:

VERS. 20. — *Sed habeo adversum te, quia permittis mulierem Jezabel, quæ se dicit prophetem, docere et seducere servos meos, fornicari et manducare de idolothytis.* Ac si patenter dicat: *Habeo adversum te, quia permittis*, id est non excommunicas mulierem Jezabel, mollem scilicet et lascivam (fluxum (46) sanguinis vel sterquilinum) quæ se dicit prophetem, docere, et seducere servos meos, fornicari. Jezabel quippe sterquilinum vel fluxus sanguinis interpretatur. Nam sicut mulieres tempore menstruali fluxum sanguinis patiuntur, sic reprobus quod male concipit, mox ut tempus est, perficit; et cum post flamma augetur, totus fluens dicitur. Dum vero in consuetudinem peccatum ducit, fetorem late spargit. Cum autem dicit, *permittis mulierem Jezabel*, præpositos Ecclesiæ, id est episcopos designat, qui habent permittendi prohibendique potestatem. Episcopus ergo mulierem Jezabel Dei servos seducere et fornicari permittit, cum subditis prava agentibus non contradicit. Seipsum ergo episcopus reum constituit, si subjectis sibi peccantibus non resistit. Fornicatio dicitur quadriformis, videlicet animo, si vi. leris mulierem ad concupiscendum eam (Matth. v); in actu ipso, in amore terrenorum, in cultura idoli. Sequitur:

VERS. 21. — *Et dedi illi tempus ut pœnitentiam ageret: et non vult pœnitere a fornicatione sua.* Jezabel, ut dictum est, sunt homines in Christi Ecclesia male viventes, et prava docentes, quibus dat Deus spatium pœnitendi, ut recipiant a sua perversitate. Et quia episcopi negligunt eos corrigere, ipsi autem cum tempus habeant, nolunt a sua perversitate recedere, eis Dominus terribiliter comminatur dicens:

VERS. 22. — *Ecce mitto eam in lectum, et qui mœchantur cum ea, in tribulatione maxima erunt, nisi pœnitentiam egerint ab operibus suis.* Ac si diceret: *Ecce ego mitto eam*, scilicet Jezabel, id est omnes in Ecclesia male viventes et prava docentes, *in lectum*, id est in reprobum sensum et excæcationem, et in securitatem peccandi; vel in lectum doloris, id est in desperationem sanitatis, sicut medicus qui desperat de infirmo; *et qui mœchantur cum ea*, imitatores videlicet et conformes sibi, *erunt in tribulatione maxima*, id est diuturna in sæcula; ita dico, *nisi pœnitentiam egerint ab operibus suis*, vel in hoc loco lectum posuit pro luctu, quo æternam miseriam designavit, sæpe fit justo Dei iudicio, ut propter peccata præterita homines ad majora ruant facinora.

VERS. 23. — Iterum subiungit dicens: *Et filios ejus interficiam in mortem, et scient omnes Ecclesiæ,*

*quia ego scrutans renes et corda, et dabo unicuique vestrum secundum opera vestra.* Prosperantur siquidem iuqui ad tempus, æterna morte plectendi; affliguntur ad modicum electi, perennibus bonis consolandi. Ac si apertius diceret: *Filios ejus*, id est omnes sequaces eorum interficiam, ducendo in mortem perpetuam; et ita scient omnes Ecclesiæ, id est omnis ordo fidelium in diem iudicii, *quia ego sum scrutans renes et corda*, puniens videlicet carnales concupiscentias et malas cogitationes. Vel *renes*, id est libidinem malorum, *et corda*, mundas scilicet cogitationes honorum. *Et dabo*, inquit, *unicuique vestrum secundum opera vestra.* Ac si patenter dicat: Tunc scient quia in præsentem video bona et mala; et in futuro remunerabo bonis bona, et retribuam malis mala. Iterum subsequenter ait:

VERS. 24. — *Vobis autem dico cæteris qui Thyatiræ estis: Quicumque non habent doctrinam hanc, qui non cognoverunt altitudinem Satanæ quemadmodum dicunt, non mittam super vos aliud pondus.* Quasi diceret: Jezabel et sequaces ejus puniam, sed vobis dico, qui Thyatiræ estis, id est illuminati et viventes hostiæ, qui estis segregati ab eis, quia vos non puniam. Hoc loco fit commutatio personæ, et interpositio sententiæ. *Quicumque non habent*, id est qui non sequuntur doctrinam hanc Jezabel, *et qui non cognoverunt*, id est non approbaverunt aliquo consensu altitudinem Satanæ, id est superbiam et calliditatem, vel carnalem legis observantiam, in qua ipse gloriatur, et quam pro summa altitudine habet, quemadmodum quidam de Judæa egressi dicunt, quod iterum subjiciam vos jugo legis; *ego autem non mittam super vos aliud pondus*, scilicet veteris legis observantiam, quamvis illi dicunt, id est non patiar vos tentari supra id quod potestis, vel non mittam super vos aliud pondus legis, hoc est non iterum mancipabo vos carnalibus observantiis, sicut quidam dicunt, quia iterum debetis judaizare. Unde ait beatus Petrus: *Quid vultis iterum jugum imponere super cervices discipulorum, quod neque nos, nec Patres nostri portare potuimus?* (Act. xv.) Sequitur:

VERS. 25. — *Tamen id quod habetis, tenete donec veniam.* Ac si diceret: Quamvis inter tales sitis, tamen id quod habetis, scilicet fidem, *tenete operando, perseverando et defendendo donec veniam* retribuere vobis mercedem, vel ut majora vos doceam. Iterum subiungit dicens:

VERS. 26-27. — *Qui vicerit, et custodierit usque in finem opera mea, dabo illi potestatem super gentes, et reget eas in virga ferrea et tanquam vas figuli confringentur.* Ac si apertius diceret: Tenete rectam fidem, et vincite hæreticos et carnales affectus, quia qui vicerit et custodierit, non ad tempus, sed usque in finem vitæ suæ, vel usque ad perfectionem opera mea, dabo illi in hoc sæculo potestatem

(46) Supersunt ea quæ ansulis claudimus.

super gentes gentiliter viventes sibi commissas, A sicut Petro in Romanos, vel super vitiorum catervas; et reget eas in virga ferrea, justitia videlicet inflexibili, et tanquam vas figuli confringentur; ita scilicet irrecuperabiliter confringentur eorum vitia, ut non sint amplius peccatores. Vel ita citissime quidam eorum confringentur, ut omnino pereant, quidam vero, ut in melius mutantur.

VERS. 28. — *Dabo, inquam, illi potestatem super gentes, sicut et ego accepi a Patre meo per humanitatem.* Unde in Psalmo Deus Pater ait: *Postula a me, et dabo tibi gentes hereditatem tuam* (Psal. 11), etc. *Et illi stellam matutinam, id est meipsum mane resurgentem.* Stella matutina et lucifer, qui ortus, diem nuntiat, Christus est, qui resurgens, fidei lucem et immortalitatis mundo attulit. Dabit ergo vincenti peccata et custodienti mandata sua, id est omni Ecclesie sue stellam matutinam, id est seipsum, et gloriam resurrectionis. Vel stella matutina resurrectio est prima.

VERS. 29. — *Qui habet aures, audiat quid Spiritus dicat Ecclesiis: pravam scilicet doctrinam fugiat, et rectam cum bonis operibus fidem custodiat.* Iterum subsequenter ait:

### CAPUT III.

VERS. 1. — *Et angelo Sardis Ecclesie scribe.* Sardis, quæ principium pulchritudinis interpretatur, apta atque ornata subauditur: *Hæc dicit qui habet septem spiritus, et septem stellas in dextera sua,* id est in potestate sua: *Scio opera tua, quia nomen habes quod vivas, et mortuus es.* Ac si patenter dicat: *Hæc dicit ille, cujus oculos nulla latent: Qui habet septem spiritus, quia super eum requiescit Spiritus Domini, et septem stellas, id est septiformem Ecclesiam sibi subjectam.* Scio, inquit, id est nosco opera tua, et scio quod in operibus illis quæris humanam laudem, quia nomen habes sanctitatis quod vivas sicut hypocritæ. Vel quosdam habes in subjectione tua, qui se existimant sanctos, sed quia non corrigis illos, mortuus es. Vel mortuus es in charitate proximi, quem non corrigis: quia qui in uno peccaverit, factus est omnium reus (Jac. 11). *Nomen habes, inquit, quod vivas, sed mortuus es.* Ex parte criminibus mortuum, ex parte vero, operibus bonis vivum esse ostendit. Quasi diceret: Ideo te vivere putas, quia in quibusdam bonis operibus exercitium habes, sed attende quia vivere non vales, si vitia prævaluerunt virtutibus quibus vivere videbaris. Sunt enim nonnulli qui elemosynis insistunt, pauperum curam gerunt, sed ipsi a rapina manus non retrahunt; et his similia facientes, dum se quibusdam bonis operibus vivere putant, unoquolibet facinore multi moriuntur. Ad quorum personam benigna hæc exhortatio dirigitur.

VERS. 2. — *Esto vigilans, et confirma cætera, quæ moritura erant.* Ac si diceret: Ideo igitur, esto vigilans, id est sollicitus de salute, et per hoc confirma cætera bona quæ habes; quæ moritura erant, nisi te et proximum corrigas. Moriuntur

A etiam in te omnia bona quæ agis, si inde humanam laudem appetis. Si ergo vis in illis, quæ bene gessisti, vivere; ab his, quæ male operaris, per penitentiam evigila; quia si in illis mortuus permanes, in istis nullatenus vives. Hinc ostenditur quia, si a peccato per penitentiam perfecte quis evigilat, nec illa quæ etiam mortuus bene gessit, post vivens opera amittet, atque in illa vivificat, qui ipse a peccati somno evigilat. Ac si apertius omni ordini episcoporum diceret: Vigila, quia licet sis in te sollicitus, non es tamen perfectus, si cæteros ad bene operandum non excitas. Vel non est satis Christum ore confiteri, nisi etiam opera Christi feceris. Vigila, dico, non enim invenio opera tua plena coram Deo meo. Ac si patenter dicat: Opera tua non sunt perfecta, quia sunt sine charitate, vel pro humana laude; et ideo non sunt in beneplacito Dei. Si igitur ex parte qua mortuus es, reviviscis, cætera quæ adhuc in te vigeant, ne moriantur confirma.

VERS. 3. — *In mente ergo habe qualiter acceperis et audieris, et serva, o episcopo Sardis, et penitentiam age.* Quasi diceret: Quia opera tua non sunt plena, id est non sunt perfecta coram Deo; in mente habe qualiter ab apostolis acceperis, et a sanctis Patribus audieris, hoc videlicet, quia qui uno peccaverit, factus est omnium reus (Jac. 11); et qui pro humana laude bona operantur, æternam mercedem perdunt: *et serva, et penitentiam age, id est opere completo bonum quod per negligentiam dimiseras.* Si ergo non vigilaveris, veniam ad te, tanquam fur, et nescies qua hora veniam ad te. Ac si diceret: Quia non sunt plena opera tua coram Deo, si non vigilaveris in bonis operibus, veniam ad te, (excæcando te) tanquam fur, ut spoliem, et occidam te; et nescies, id est non poteris præcavere, qua hora veniam ad te. Ille quippe recte vigilat, qui et bona desiderabiliter providet, et mala solerter cavet.

VERS. 4. — Iterum subsequenter ait: *Sed habes, pauca nomina in Sardis, qui non inquinaverunt vestimenta sua: et ambulabunt mecum in albis quia digni sunt.* Ac si aperte diceret: *Habes pauca nomina in Sardis, id est homines mihi notos ex nomine, qui comparatione cæterorum criminibus et immunditiæ carnis deservierunt, non inquinaverunt vestimenta sua, vestem scilicet immortalitatis et innocentie quam in baptismo acceperunt, criminali macula, vel factam maculam lacrymis deleverunt; et ideo ambulabunt mecum de virtute in virtutem in albis, promoventes se videlicet, semper in melius mutabuntur, scilicet ad conformitatem meam ascendent, quia digni sunt, id est mundi.*

VERS. 5. — *Qui vicerit, inquit, sic vestietur vestimentis albis, et non delebo nomen ejus de libro vitæ, et confitebor nomen ejus coram Patre meo et coram angelis ejus.* Ac si patenter dicat: Simi-

liter de imitatoribus horum qui vicerit, sic vestietur vestimentis albis, sicut et isti : *et non delebo*, id est non privabo nomen ejus de libro vitæ, id est ab æterna Dei cognitione. Liber quoque vitæ præsentia Dei est, in qua omnia constant. Novit enim Dominus, qui sunt ejus. Non solum numerum, sed etiam electorum nomina scit Dominus, sicut ipse ait ad Moysen : *Novi te*, inquit, *ex nomine* (Exod. xxxiii). *Et confitebor*, ait, *nomen ejus coram Patre meo et coram angelis ejus*, id est in conspectu omnium cælestium virtutum, dicens : nudus fui, et hic me vestivit : esurivi, et dedit mihi manducare : sitiivi, et dedit mihi potum, etc. (Matth. xxv).

VERS. 6. — *Qui habet aures, audiat quid Spiritus dicat Ecclesiis*. Quasi diceret : Quod uni dico, omnibus dico. Sequitur :

VERS. 7.—*Et angelo Philadelphie Ecclesie scribe*. Philadelphia amor fratris, vel salvans hæreditatem interpretatur. *Hæc dicit sanctus et verus, qui habet clavem David : qui aperit, et nemo claudit : claudit et nemo aperit*. Scio operata tua, etc. Ac si diceret : *Hæc dicit sanctus*, id est firmus : *et verus*, in promissis : *qui habet clavem David*, carnem scilicet de semine David ; *qui aperit dicta prophetarum vel corda hominum ad fidem, vel obscuritatem Scripturarum, vel janua æternæ vitæ : et nemo, scilicet persecutorum claudit : claudit porcis et canibus, subtrahendo gratiam : et nemo aperit*, ante porcos videlicet, ne margaritas fidei conculcent (Matth. vii). Humanitas quoque, et divinitas Christi aperuit nobis portas paradisi, et fortem armatum devicit. Ac si aperte dicat : *Qui habet clavem*, id est regiam potestatem quasi ex stirpe David natus : vel quia accepit carnem ex semine David, per quam janua vitæ, quæ in Adam clausa fuerat, nobis aperta est : vel cujus dispensatione prophetia David patefacta est, sicut ipse ait : *Necesse est impleri omnia quæ in prophetis et psalmis scripta sunt de me* (Luc. xxiv).

VERS. 8. — *Scio, inquit, opera tua*, id est approbo esse bona. Et iterum : *Ecce dedit coram te ostium apertum quod nemo potest claudere ; quia modicam habes virtutem, et servasti verbum meum, et non negasti nomen meum*. Ac si apertius Philadelphie Ecclesie episcopo diceret : *Dedi coram te ostium apertum*, corda scilicet hominum prius dura, vel Scripturas obscuras quæ ad vitam sunt ostium oviuum, quod nemo potest claudere. Unde discipuli loqui prohibiti et cæsi dixerunt : *Non possumus quæ vidimus non loqui* (Act. iv). *Et quia modicam*, id est non superbam sed humilem habes virtutem : vel modicam comparatione futuræ virtutis, ubi nullus erit labor, *et servasti verbum meum*, id est prædicationem meam : *et non negasti in angustiis nomen meum*. Et quia talis es,

VERS. 9. — *Ecce dabo tibi de Synagoga Satanae, qui dicunt se esse Judæos, et non sunt, et mentiuntur*. Ac si patenter dicat : *Dabo tibi de Synagoga Satanae, qui se dicunt esse Judæos et non sunt, quia*

videlicet hoc nomen perdiderunt, dum de Christo dixerunt, Hunc nescimus unde sit (Joan. ix). *Sed mentiuntur*, quia verbis et quibusdam simulationibus credere dicuntur, sed factis negant. Sicut in sequentibus sexto sæpius ordine, sic et hic in sexto angelo novissima designatur persecutio, in qua quidam Judæorum sunt decipiendi, quidam Eliæ monitis legem spiritualiter impleturi, et hostem, id est Antichristum creduntur victuri. Iterum subjungit dicens : *Ecce faciam illis, ut veniant, et adorent ante pedes tuos*. Quasi diceret : Ego hoc faciam illis, qui se mentiuntur esse Judæos, videlicet ut non mentiantur dando virtutes et opera : *ut veniant*, id est ut gressibus virtutum ad fidem accedant, qui a Deo longe recesserant ; *et adorent*, id est venerentur exemplo pedum ante pedes tuos per similitudinem humiliati, ut Joseph adoraverant fratres sui (Gen. xlii). Fideles homines pedes dicuntur, vel quia portant Deum, vel quia alios secum portant bona operando ad Deum. Ac si episcopo Philadelphie Ecclesie diceret : *Labora in conversione fratrum sicut cœpisti, quia ego qui promisi, quodcumque petieritis Patrem in nomine meo, dabit vobis* (Joan. xv), sum verax in promissis : unde scire potes, quia multos congregabo tibi sicut desideras. Iterum subjiciens ait :

VERS. 10. — *Sciens quia ego dilexi te quoniam servasti verbum patientiæ meæ*. Ac si aperte dicat : Infideles qui non crediderunt, Deum diligere Ecclesiam, quam permittebat affligi ; *sciens quia ego dilexi te*, id est quod nunc faciam fidem dilectionis, quia idcirco dilexi te, *quoniam servasti verbum patientiæ meæ*, scilicet præceptum de patientia quam in me ostendi, orans pro persecutoribus ; vel cujus præcepti dator ego sum. Ac si apertius diceret : Cum adduxero Judæos ad fidem, qui prius persequebantur Ecclesiam, tunc scient, id est credent, quia diligo eam quam prius non videbar diligere, dum eam patiebar affligi : hoc erit circa finem mundi quando reliquiæ Israel salvæ fient (Isai. x). Iterum subsequenter ait : *Ego te servabo ab hora tentationis, quæ ventura est in orbem universum tentare habitantes in terra*. Ac si patenter dicat : Sicut tu servasti verbum patientiæ meæ, ita et ego te servabo, ne vincaris ab hora tentationis, id est probationis, quæ ventura est in orbem universum, id est in universam Ecclesiam, quæ semper revertitur in idipsum tentare, id est probare sicut aurum, habitantes in terra, scilicet qui bene excolunt hæreditatem suam, id est corpus suum et opera sua. *Servabo te*, inquit, *ab hora*, id est ab horaria discussione, quæ fiet tempore Antichristi, vel in die judicii : vel ab hora, scilicet ex quo incipiet tentatio Antichristi, quæ jam incepta est per suos ministros. Unde beatus Hieronymus super Nahum prophetam : Sicut Christus habuit præcursores suos, scilicet David, Salomonem, et cæteros sanctos reges et prophetas : ita Antichristus habuit Antiochum



implissimum regem, et cæteros reges Ecclesiæ A *calidus*, neque videlicet acceptam aperte negas. Frigidus est qui neque Dei cognitionem habet, neque opera charitatis exercet; calidus est, qui, cum habeat Dei cognitionem, habet charitatis fervorem.

persecutores. Sequitur :

VERS. 11. — *Ecce venio cito*. Quasi diceret : Tentatio veniet vere, sed ne subcumbatis, ecce venio cito ad remunerandum, vel ad succurrendum. Iterum subjungit dicens : *Tene quod habes ut nemo accipiat coronam tuam*. Quasi diceret : Quia ego venio cito, interim tene quod habes, fidem scilicet et bona opera; ut, cum sit Deo certus electorum suorum numerus, si quis relabitur, alius misericordia ejus subinducitur : *nemo accipiat coronam tuam*, id est præmium tuum. Hic ostenditur quoniam remuneratio, quæ superbientibus aliquando justo Dei judicio aufertur, aliis misericorditer attribuitur. Iterum subjiciens ait :

VERS. 12. — *Qui vicerit faciam illum columnam in templo Dei mei, et foras non egredietur amplius; et scribam super eum nomen Dei mei, et nomen civitatis Dei mei novæ Jerusalem, quæ descendit de cælo a Deo meo, et nomen meum novum*. Ac si diceret : Tene quod habes, et vince; quia qui vicerit, faciam illum columnam infrangibilem, scilicet et firmum in se, et sustentantem alios verbo et exemplo; *in templo Dei mei*, in cælesti videlicet Jerusalem; *et foras non egredietur*, non patiar eum scilicet ab eis discedere amplius. Filius junior, id est gentium populus a domo patris exierat, sed morte vituli saginati (Luc. xv), id est cruore Christi reconciliatus foras non egredietur amplius. *Et scribam super eum, inquit, nomen Dei mei*; plusquam videlicet mens humana capere et intelligere sensus possit, quodammodo vocabitur Deus juxta illud : *Ego dixi: Dii estis (Psal. LXXXI)*; *et nomen civitatis Dei mei novæ Jerusalem*: civitas videlicet Dei vocabitur, id est munita virtutibus, ubi nihil erit vetustatis, sed plena erit visio pacis; *quæ descendit de cælo*, id est de conformitate cælestium creaturarum, a Deo meo, quia Deus misit ei virtutes et dona sancti Spiritus, quibus talis effectus est; *et nomen meum novum*, Christianus scilicet vocabitur, id est unctus gratia, quod nihil veteris hominis habeat.

VERS. 13. — *Qui habet aures, audiat quid Spiritus dicat Ecclesiis*.

VERS. 14. — *Et angelo Laodiciæ Ecclesiæ scribe. Laodicia tribus amabilis interpretatur. Hæc dicit D Amen, testis fidelis et verus, qui est principium creature Dei*. Quasi diceret : *Hæc dicit Amen*, id est vere, *testis fidelis*, eorum scilicet quæ a Patre audit, vel testis operum nostrorum apud Patrem. Verus utique est, quia per eum promissa Patris implentur; vel cui fides est habenda in omnibus verbis, *qui est principium creature Dei*, primæ videlicet creationis, vel recreationis, Jesus Christus scilicet, cujus regni non erit finis qui est sine defectu.

VERS. 15. — *Scio, inquit, opera tua, quia neque frigidus es, neque calidus*. Ac si episcopo Laodiciæ Ecclesiæ diceret : *Scio*, id est, non me latent opera tua; non vis scilicet corrigi a pravitate tua; *quia neque frigidus es*, id est, neque omnino fidem ignoras; neque

calidus, neque videlicet acceptam aperte negas. Frigidus est qui neque Dei cognitionem habet, neque opera charitatis exercet; calidus est, qui, cum habeat Dei cognitionem, habet charitatis fervorem.

*Utinam frigidus esses aut calidus*; quia videlicet major spes est de frigidis, quam de tepidis.

VERS. 16. — *Sed quia tepidus es, et nec frigidus, nec calidus, incipiam te evomere ex ore meo*. Notandum quia non ideo optat eum fieri frigidum, ut non aliquid bonum haberet; sed quia minus peccatum est juxta sententiam beati Jacobi apostoli. *Scienti, inquit, bonum et non facienti, peccatum est (Jac. iv)*. Frigus enim ignorantiam significat. Illic ergo frigidus non punietur de transgressionem intellectus, sed de ignorantia tantum. Vel ideo optat eum esse frigidum potius quam tepidum, quia tales idiotæ et simplices citius convertuntur ad meliorem vitam, et ad majora promoventur quam superbi sapientes. Unde ait beatus Paulus : *Sapientia inflat; charitas ædificat (I Cor. viii)*. Tepidum namque dicimus qui cum Dei notitiam habeat, charitatis fervore caret, vel fidem sine operibus tenet. Ac si aperte dicat : *Sed quia tepidus*, id est torpens est, *et nec frigidus, nec calidus, incipiam te (excommunicando) evomere ex ore meo*, id est removere de consortio sanctorum per prædicatores meos, in quibus loquor.

VERS. 17. — *Quia dicis, quod dives sum vel locupletatus, et nullius ego; et nescis quia tu es miser, et miserabilis, et pauper, et cæcus, et nudus*. Ac si apertius diceret : Ideo iterum evomam te, *quia dicis*, id est deliberas apud te ita dicens : Me non oportet amplius laborare sicut peccatores *quia dives sum*, id est purgatus in baptismo; vel dives scientiæ divinæ et sæcularis, *et locupletatus*, repletus videlicet virtutibus. *Et nullius ego*: et ego scilicet ex mea parte quædam alia bona addidi. *Et nescis tu qui hoc dicis*, id est non intelligis *quia tu es miser (italia scilicet opera non proderunt tibi ad salutem) et es miserabilis*, in tantum quod per ignorantiam per eas, *et es pauper* ab operibus videlicet virtutis, *et cæcus*, non habens lumen scientiæ, quia non cognoscis vitia, *et nudus* a virtutibus in animo. Quamvis igitur talis sis, ego tamen misericordiam non deungo; sed

VERS. 18. — *Suadeo tibi emere a me aurum ignitum probatum, ut locuples fias et vestimentis albis induaris, et non appareat confusio nuditatis tuæ*. Ac si patenter dicat : *Suadeo tibi*, id est cohortor te fructum penitentiae, jejuniando scilicet et orando, *emere a me aurum*, id est me ipsum, vel charitatem; *ignitum, splendidum scilicet et probatum*, ubi nihil erit immunditiæ, quod te dilectione Dei et proximi fervere faciet. Vel aurum, id est divinam sapientiam, quæ te purificabit, et ad bene operandum accendat; ideo videlicet, ut locuples fias virtutum operibus, *et vestimentis albis induaris*, id est ipsis virtutibus; *et non appareat confusio nuditatis tuæ*, quæ apparuit in primis parentibus cooperire volentibus culpam suam quibusdam excusationibus,

quando dictum est: *Adam ubi es?* (Gen. iii.)

Notandum quia quinque modi sunt specialiter quibus a Domino flagellantur homines. Aliquando videlicet ad augmentanda merita, sicut Job et Tobias; aliquando ad custodiam virtutum, ut Paulus; aliquando ut peccata præterita corrigantur, sicut paralyticus, cui dictum est: *Ecce sanus factus es: vide ne pecces, ne deterius tibi aliquid contingat* (Joan. v). Aliquando vero non ut emendentur, sed ut duplici perditione pereant, ut Antiochus et Herodes; aliquando ut Dei gloria per hoc ostendatur manifesta, sicut Lazarus, et cæcus natus (Joan. ix, xi). Sed electi quocunque modo flagellentur, meliores efficiuntur ex flagello. Iterum subsequenter ait: *Et collyrio inunge oculos tuos ut videas*. Quasi diceret: *Unge dono sancti Spiritus mentem, quam terrena clausuram. Vel inunge oculos tuos collyrio, id est compunctione et lacrymis pœnitentiæ. Unde ait Psalmista: Præceptum Domini lucidum, illuminans oculos* (Psal. xviii). Sequitur: .

VERS. 19. — *Ego quos amo, arguo et castigo*. Ac si diceret: *Huic meæ exhortationi debes acquiescere, quia ego, causa præmissa, quos amo, verbis arguo; sua videlicet peccata illis cognoscere facio, et flagellis castigo, et castos reddo. Emulare ergo, et pœnitentiam age. Emulus studiosus dicitur, vel invidus vel imitator. Quasi diceret: Emulare quos vides pati adversa, et age pœnitentiam de tepiditate tua.*

VERS. 20. — *Ecce, inquit, sto ad ostium et pulso*. Ac si diceret: *Quia tu es tepidus, ecce sto ad ostium, scilicet ad cor clausum, et pulso, id est introrepo. Sto, id est exspecto vel inspiro, vel per prædicatores voco. Si quis audierit, ait, vocem meam, et aperuerit mihi januam, introibo ad illum, et cœnabo cum illo, et ipse mecum. Ac si aperte dicat: Si quis audierit (intelligendo) vocem meam, et apparuerit (ad opus meum faciendum) januam, introibo (in secreta cordis) ad illum, et cœnabo cum illo, quia fide et opere ejus delector, et ipse mecum, quia lætabitur de mea visitatione et auxilio. Cœna est communis refectio, quia cœnon commune dicitur. Iterum subjungit dicens:*

VERS. 21. — *Qui vicerit, dabo ei sedere mecum in throno meo: sicut et ego vici, et sedi cum Patre meo in throno ejus*. Ac si aperte diceret: *Qui vicerit omnia hæc supra dicta, dabo ei sedere mecum, id est judicare, in throno meo, in illis videlicet in quibus sedeo ego, et judico: sicut et ego vici, et sedi cum Patre meo in throno ejus; quia victoria ejus et sessio ejus est causa victoria: eorum et sessionis eorum. Hoc de prælatis, et per prælatos, de subditis intelligi potest. Sciendum itaque quia quod illi tales et cæteri subjecti non habebunt in se, habebunt in suis prælatis. Qui ergo per se non judicabunt, utique per suos præpositos judicabunt. Tanta enim erit in illis charitas, ut quod quisque viderit in altero, suum deputabit. Ideoque quod non habebit in se, habebit in altero. Sicque omnes electi*

A potestatem habebunt judicandi in prælatis, sicut habet potestatem totum corpus hominis loqui per os, videre per oculos, audire per aures, odorare per nares, operari per manus, cum singula membra certa habeant officia, quia quod unumquodque membrum non habet in se, habet in altero. Sed ut ad hæc dignitate Ecclesia pervenire possit, in hac interim peregrinatione humiliata genuit. Nec querit celsitudinis culmen, ubi tota vita sanctorum humilitatis obtinet nomen.

VERS. 22. — *Qui habet, inquit, aures, audiat quid Spiritus dicat Ecclesiis.*

#### CAPUT IV.

Finita prima visione ingrediatur secundam, dicens:

VERS. 1. — *Post hæc vidi: et ecce ostium apertum in cælo*. Hæc visio non prima sed secunda ponitur, quia, cum suos ad tribulationes invitat, non valet pati, nisi prius neglecta corrigantur, quod fuit in prima. Fere tota hæc secunda visio de ultimis fidelibus agit, quod multum valet ad animationem præsentium: pauca etiam inducit de his, qui ante Incarnationem Christi passi sunt, quod ad idem valet. In hac secunda visione agit de sedente in throno et ornatu ejus, et de agno aperiente librum, id est divinam dispositionem; et de reparatione humani generis, et de solvente septem sigilla; ut, cum viderimus Deum tantam intelligentiam Scripturarum impendisse fidelibus, grati ei simus, et pro eo pati non formidemus. Quid ergo in secunda visione beatus Joannes viderit, audiamus.

*Post hæc, inquit, vidi: et ecce ostium apertum in cælo*. Non hoc ad vicissitudinem temporum referendum est, sed ad ordinem visionum. Ac si patenter dicat: *Post hæc vidi: non tempore, sed ordine; et videre potui, quia ecce ostium apertum in cælo, id est in Ecclesia, Scriptura scilicet, quæ est via ducens ad vitam, vel Christus qui vere est ostium, cujus mysteria ante clausa fuerunt, modo sunt aperta his qui fide et opere sunt cælum. Reverta Christus est ostium in Ecclesia nulli fidelium clausum, sed apertum, nisi furibus, id est hæreticis, ejusque præcepta respicientibus. Iterum subjiciens, ait: Et vox prima, quam audivi, tanquam tubæ loquentis mecum, dicens: Ascende huc, et ostendam tibi quæ oportet fieri cito post hæc. Quasi diceret: Et vox prima quam audivi, id est prophetica, quia novum testamentum præcedit, tanquam tubæ (hortatoria ad bellum) loquentis mecum, videlicet non dissentiens a rationalitate mea, reddens rationem cur pati deceat, dicens: Ascende huc, et ostendam tibi quæ oportet fieri cito post hæc. Ac si dicatur: tu correctus amplifica animum ad intelligendum ista alia, et ascende de superficie litteræ huc, id est ad spiritualem intellectum, et ostendam tibi tribulationes et miracula, quæ oportet fieri post hæc. Quæ jam præterierunt, dicit adhuc oportere fieri, utpote in eodem statu, quo cœperunt, permansura; post hæc in alio statu fiant. Vel post hæc, id est in*

ultimis fidelibus. Ac si aperte dicat : Postquam A  
Ecclesias tuas de suis peccatis correxisti, te oportet cœli videre secreta, per quæ fideles auferuntur ad prælia. Iterum subsequenter ait :

VERS. 2. — *Statim fui in spiritu, et ecce sedes posita erat in cœlo, et supra sedem sedens.* Non est ita intelligendum quod spiritus ejus a corpore fuerit ablati, et sic statim viderit visionem; sed sicut jam superius dictum est, mente totum hoc vidit. Vis enim Spiritus sancti sublevavit mentem illius ad contemplanda cœlestia mysteria, nihilque per corpus vel audivit vel vidit; sed a Spiritu sancto in extasi raptus, eductus est ut videret et audiret spiritualiter; audiens retineret, possetque ea scribere et ad posteros transmittere. Si vero ad electos hoc referre volumus, spiritualis in hoc eorum conversatio declaratur quibus per Paulum dicitur : *Non estis in carne, sed in spiritu (Rom. viii)*. Et iterum : *Spiritu ambulate et desideria carnis non perficietis (Gal. v)*. *Statim, inquit, fui in spiritu.* Ac si apertius diceret : *Statim, id est non repugnavi, sed sine mora abjeci curam totius terrenitatis : et quia ita desiderabam, ecce sedes posita erat in cœlo, majores scilicet in Ecclesia in quibus Deus sedet et judicat ; et supra sedem sedens : ut excedens sedet in aliis sibi subditis.* Christus supra inter candelabra ambulans, nunc sedet, id est merita singulorum dijudicans, de quo digne facit his memoriam, quos hortaturus est ad prælium.

VERS. 3. — *Et qui sedebat, inquit, similis erat aspectui lapidis jaspidis et sardini.* Ac si patenter dicat : *Qui sedebat, paratus scilicet ad judicandum, prius incognitus, similis erat aspectui lapidis jaspidis, id est apparuit per carnem in mundo, confringens ut lapis inimicos, robor suis et pasqua præbet, et divinitus viret.* Erat etiam similis sardino, caro illius scilicet rubens in passione Per horum duorum lapidum colorem notat Deum et hominem. Christus habet virorem in divinitatis claritate; habet etiam ruborem in humanitate, per quam et Adam, qui *rubra terra* interpretatur, ad cœlestia revocavit; et ideo quod in eo viret potentia est; quod rubet, misericordiae. Et qui ex eo quod viret, scilicet quod Deus est, nos creavit; ex eo quod rubet, redemit. Jaspis subobscurus significat per viriditatem latentem in homine divinitatem; sardis autem rubens significat passionem : *Et iris erat in circuitu sedis similis visioni smaragdinae.* *Iris* Græce, Latine dicitur *arcus*. Arcus autem in die pluviae apparet, et est signum propitiationis, dicente Domino tempore diluvii ad Noe (Gen. ix) : *Ponam arcum meum in nubibus cœli, etc.* Smaragdinus lapis viridis est et rubeus. Per viridem ergo colorem, qui est aquaticus, baptismum intelligitur; per rubeum vero dona sancti Spiritus in baptismo accepta, per quæ comburuntur peccata, designantur. Per glaucum vero colorem, qui est inter rubeum et viridem, temperatur justitia rubeinis, et propitiatio viriditatis. Vel in his coloribus

notatur iudicium aquæ præteritum, et ignis futurum, in quibus Deus suos salvabit. Sequitur :

VERS. 4 — *Et in circuitu sedis sedilia viginti quatuor.* Quasi diceret : Ex omnibus partibus præcipalis sedis vidi viginti quatuor sedilia ut appendicia, et iudicio ejus consentientia. Sedilia viginti quatuor dicuntur libri duodecim apostolorum et duodecim prophetarum. Iterum subjungit dicens : *Et supra thronos viginti quatuor seniores sedentes, circumamictos vestimentis albis et in capitibus eorum coronæ aureæ.* Omnes doctores veteris sive novi testamenti dicuntur duodecim propter fidem videlicet Trinitatis, quam annuntiant quatuor partibus mundi. Vel viginti quatuor sunt per sex et quatuor, ex quibus sex referuntur ad opera, quæ Deus sex diebus fecit; quatuor ad Evangelia, id est ad Ecclesiam, quæ Veteri et Novo Testamento opera Dei colit. Sicut sexies quatuor vel quatuor sex faciunt viginti quatuor, ita quater tria vel ter quatuor faciunt duodecim. Nam in viginti quatuor continentur bis duodecim. *Supra thronos, inquit, viginti quatuor seniores sedentes : perfecti scilicet in Ecclesia habentes senes (sic) mores, congregati de quatuor partibus mundi, complentes decem præcepta per geminam dilectionem Dei et proximi, sedent, id est quiescunt ab aliis curis commorantes et delectantes in scientia viginti quatuor librorum.* *Circumamictos vestimentis albis, quæ in baptismo induerunt, quibus peccata teguntur, et albescunt exterius in bonis operibus, et interius in anima virtutibus.* Et in capitibus, id est in mentibus eorum erant coronæ, id est victoriae per sapientiam vel per charitatem pertinentem etiam ad inimicos aureæ. Iterum subjiciens, ait :

VERS. 5 — *Et de throno procedant fulgura, et voces, et tonitrua.* Ac si diceret : *De throno, id est de Ecclesia, quæ pluit spirituales doctrinas, procedunt fulgura, scilicet miracula, quæ terrent et illuminant, et voces, admonitiones videlicet ad beatitudinem, et tonitrua, id est comminationes de æterna morte.* *Et septem lampades, inquit, ardentes ante thronum, quæ sunt septem spiritus Dei id est, septem dona sancti Spiritus, quæ accendunt et illuminant corda hominum, qui sunt sedes Dei.* *Λαμπάς* Græce, Latine *flamma* dicitur. Iterum subsequenter ait :

VERS. 6. — *Et in conspectu sedis tanquam mare vitreum simile crystallo.* Ac si aperte dicat : *In conspectu sedis, id est in evidentia Ecclesie prophetica lex primo accedentibus ad fidem Christi est, quasi mare, id est profunda, quorum intellectus litteralis dicitur.* Magis vero aliquantulum promotis similis vitro puro, quod aliquantulum clarius videtur, quorum intellectus dicitur moralis. Perfectissimis autem est similis crystallo, per quod clarissime videtur, quorum intellectus dicitur spiritualis. Sicut crystallus ex nimio frigore durescit in lapidem, sic et fideles ex nimietate tribulationum, quæ ideo illis ab impiis, videlicet ut a charitate frigescent, ingeruntur, transeunt in conformitatem lapidis angularis, id est Christi. Vel quia

crystallus hanc habet natram, quia aqua mada-  
facta et radio solis exposita emittit ex se scintillas  
ignis, sic fideles in Ecclesia aqua baptismatis vel  
imbres sancti Spiritus madafacti, expositi radio solis,  
id est ad exemplum Christi, emittunt ex se scin-  
tillas ignis, accendendo alios ad bene operandum.  
Unde ait beatus Paulus : *Hoc faciens carbones ignis  
congeres super caput eius* (Rom. xii). Sequitur :  
*Et in modo sedis, et in circuitu sedis quatuor ani-  
malia plena oculis ante et retro.* Ac si aperte dicat :  
Vidi in medio sedis id est in medio orbis, scilicet  
in Jerusalem, ubi primum cœpit fieri sedes  
Dei, et in circuitu sedis, id est per totum orbem,  
ubi amplificata est sedes Dei; quatuor animalia,  
ordo scilicet Novi et Veteris Testamenti prædicatorum,  
plena oculis, ad hoc ut quatuor Evangelia  
ab hæreticis defendant, ante et retro, memores  
peccatorum præteritorum, et caventes sibi in futu-  
rum; vel habentes cognitionem de his, quæ Deus  
in principio fecit, et factururus est in fine mundi.  
Vidi, inquit, quatuor animalia, id est omnes Ve-  
teris et Novi Testamenti doctores in medio velut  
sustentatores, sedis id est Ecclesiæ, et in circuitu, cir-  
cumquaque scilicet velut excuriæ sedis, agendo de  
præsentibus, quæ sunt inter præterita et futura, agen-  
do de præteritis et futuris. Iterum subiungit, dicens :

VERS 7. — *Et animal primum simile leoni,* Mar-  
cus scilicet, qui sub similitudine leonis regalem  
narrat prosapiam Christi, qui ideo similis leoni  
dicitur, quia sicut leo vocem magnam emisit, dicens :  
Factum est verbum Domini super Joannem  
Zachariæ filium in deserto (47). *Et secundum ani-  
mal simile vitulo,* scilicet Lucas, qui loquitur de  
sacrificiis Patrum veteris testamenti, quod in eis  
figuretur. Sic enim in initio Evangelii loquitur,  
dicens : *Fuit in diebus Herodis, regis Judææ, sa-  
cerdos nomine Zacharias* (Luc. 1). *Et tertium animal  
habens faciem quasi hominis,* scilicet Matthæus, qui  
de Dei et Virginis Filii humanitate sic loquitur dicens :  
*Liber generationis Jesu Christi filii David,  
filii Abraham* (Matth. 1). *Et quartum animal simile  
aquilæ volanti,* scilicet Joannes transcendens omnem  
humanam atque angelicam creaturam, ipsam divi-  
nitatem irreverberatis oculis contemplatus dicens :  
*In principio erat Verbum* (Joan. 1).

Hæc animalia typice Christum significant, qui  
pro humani generis salute dignatus est nasci, mori,  
resurgere; et ascendens in cœlum, sedet in dextera  
Dei Patris. Dei etiam animalia sunt fideles ratio-  
nales et mansueti, ut homo; sine terrore ferentes  
adversa, ut leo; sese mortificantes, ut vitulus in  
sacrificio; cœlestia potentes, ut aquila. Leo, ut  
fertur, mortuus nascitur, et die tertia voce patris  
vivificatur. Sic et Christus die tertia resurrexit. Et  
resurgere oportuit, quia mortuus fuit. Et mori po-  
tuit, quia homo exstitit. Et cum homo et mortuus

(47) Nullibi sic legit Marcus, sed verba Lucæ  
sunt cap. iii, 2; communiter interpretes se-  
quantur hic Hieronymum lib. 1 contra Jovinian.

A fuerit, resurgere potuit; quia aquila, id est non  
homo, sed Deus et homo fuit. Ezechiel, quod fu-  
turum erat, prævidens, prius hominem posuit,  
deinde leonem (Ezech. 1), quia Christus homo  
nascendo fuit, in prædicatione autem ita exstitit.  
Postea vero vitulum posuit, quia sacrificatus Deo  
Patri in ara crucis fuit: tandem aquilam, quia ad  
cœlos ascendit. Joannes vero hæc omnia impleta  
videns, primo leonem posuit quasi fundamentum  
totius fidei. Iterum subjiciens, ait :

VERS 8. — *Et quatuor animalia singula eorum  
habebant alas senas.* Ac si apertius diceret : Ad hoc,  
ut ista de Christo prædicarent, bene instructi  
erant. Prima ala lex est naturalis, secunda lex Mo-  
saica, tertia prophetica, quarta evangelica, quinta  
institutiones apostolorum, sexta quorumcumque, ut  
Augustini, Gregorii, Hieronymi, Ambrosii, Bene-  
dicti et Isidori, per quos sancta Ecclesia alta pe-  
tit, et a quibus prædicatores accipiunt totius præ-  
dicationis firmamentum. Vel sex alæ cognitio est  
operum, quæ Deus sex diebus perfecit, quorum  
notitia multum sublevantur, qui in eis bene ope-  
rantur. *Et in circuitu,* inquit, *et intus plena sunt  
oculis.* Revera doctores Ecclesiæ, quia se mundis  
seryant, et alios exemplis informant; per litterarum  
simplices, per allegoriam vero perfectiores in-  
struunt; vel quia in medio et in sinibus terræ illu-  
minant, in circuitu et intus plena sunt oculis; vel  
plena oculis intus, id est in conscientia munda,  
*et in circuitu,* scilicet in conspectu hominum irro-  
prehensibiles sunt; vel quia fidem, quam habent  
in corde foras manifestant in ore. Iterum subse-  
quenter ait : *Et requiem non habebant die ac nocte  
dicentia: Sanctus, sanctus, sanctus Dominus Deus omni-  
potens, qui erat, qui est, et qui venturus est.* Ter dixit  
sanctus, quia Deus trinus est in personis, et se-  
mel Dominus Deus omnipotens, quia unus in ma-  
jestate, qui erat sine principio, et qui est immuta-  
bilis, et qui venturus est: Filius scilicet corpora-  
liter apparebit, imo etiam ipsa divinitas se fidelibus  
manifestabit. Sequitur :

VERS 9-10. — *Et cum darent illa animalia gloriam,  
et honorem, et benedictionem sedenti super thronum,  
vixenti in sæcula sæculorum, procidebant viginti qua-  
tuor seniores ante sedentem in throno, et adorabant  
vixentem in sæcula sæculorum, mittentes coronas suas  
ante thronum dicentes: Dignus es, Domine, etc.* Ac  
si patenter dicat : *Cum darent illa animalia,* id est,  
omnes doctores Ecclesiæ cum attribuerent, et præ-  
dicarent, et profiterentur fidei suæ, vel in resur-  
rectione gloriam, vel in ascensione honorem ope-  
rationis, vel in exaltatione benedictionem supernæ  
remunerationis, *sedenti super thronum, vixenti in  
sæcula sæculorum, procidebant viginti quatuor senio-  
res;* id est omnes Veteris et Novi Testamenti  
prædicatores humiliabant seipos ante sedentem in  
throno, id est in beneplacito ejus; et omne bonum

dicentem : *Marcus... habet... faciem leonis, propter  
vocem clamantis in deserto.* Parate viam Domini,  
rectas facite semitas ejus (cap. 1).

suum ad illum referebant, dicentes: *Non nobis, Domine, non nobis; sed nomini tuo da gloriam* (Psal. cxiii). *Et adorabant viventem in sæcula sæculorum*: quod a se videlicet non habebant ab illo, requirebant voce, opere, et in secreto cordis, *mittentes coronas suas ante thronum*, id est attribuentes Deo victoriam vitiorum vel tribulationum, exemplum laudis dantes aliis, dicentes:

**VERS. 41.** — *Dignus es, Domine Deus noster, accipere gloriam et honorem, et virtutem; quia tu creasti omnia, et propter voluntatem tuam erant, et creata sunt.* Quasi dicerent: *Dignus es Domine Deus noster accipere a nobis gloriam, et honorem, et virtutem; quia tu omnia bona hæc tribuisti nobis, et ideo tibi sunt attribuenda, non nobis.* Ideo etiam omnia ad te sunt referenda, *quia tu creasti omnia*, et non de subito, sed propter, id est, iuxta tuam voluntatem erant in arte, priusquam formarentur in opere. *Et creata sunt*, visibiliter existendo: vel quædam secundum spiritualem creationem jam erant in prædestinatione omnipotentis Dei, et creata sunt in opere visibili. Hoc denique figuratum est, quando Domino Jerosolymam veniente, turba quæ obviam illi venit, palmas, quibus victoria significatur, ante pedes asinæ cui sedebat prostravit (Matth. xxi). Quod enim per palmarum ramos in via stratos, hoc significatur per coronas ante thronum positas.

#### CAPUT V.

**VERS. 1.** — *Et vidi in dextera sedentis supra thronum librum scriptum intus et foris signatum sigillis septem.* Ac si diceret: *Vidi in dextera Dei Patris sedentis supra thronum*, id est in Filio per quem omnia fecit, ad quem totius libri intentio dirigitur; *librum scriptum intus et foris*, scilicet duo Testamenta, quæ idem sunt foris secundum Vetus significans, vel quia forinseca promittit. *Intus*, secundum Novum significatum, vel quia interdum promittit beatitudinem. Vel *intus*, id est in occultioribus, secundum perfectiores; *foris* in simplicioribus verbis, secundum minus perfectos: *signatum*, id est clausum, *sigillis septem*, univærsis scilicet mysteriis et obscuritatibus de septem ætatibus mundi. Vel clausus erat liber septiformi Spiritu, per quem fides aperitur. Vel liber dispositio est divina de reparatione hominum, qui est scriptus, id est manifestatus, *intus*, scilicet obscure in Veteri Testamento, ut Moyses ait filiis Israel: *Ad vesperum immolabitis agnum* (Exod. xii), ibi manifestans in ultima ætate futuram nostram reparationem per Christi immolationem, *et foris*, id est evidenter in Novo Testamento. Iterum subjiciens ait:

**VERS. 2.** — *Et vidi angelum fortem prædicantem voce magna*, id est quendlibet priorum Patrum inquirentem et aliis annuntiantem, ac præ nimio desiderio tandiu differri conquerentem, et dicentem: *Quis est dignus aperire librum et solvere signacula ejus?* Ac si apertius dicatur: *Putas videbo? Putas*

*durabo? Quis est dignus aperire librum?* id est implere divinam dispositionem de humani generis reparatione, et *solvere*, scilicet manifestare; et *exponere signacula*, id est ænigmata et obscuritates libri septem? Nullus, nisi Dei et Virginis Filius. Hujus itaque libri apertio humani generis est redemptionis.

**VERS. 3.** — *Et nemo poterat in cælo, neque in terra, neque subter terram aperire librum, neque respicere illum.* Ac si aperte dicat: *Nemo eorum qui erant in cælo*, videlicet angelus; *neque in terra*, homo, *neque subter terram*, anima carne exuta, *poterat aperire librum*, id est implere divinæ dispositionis [s. divinam dispositionem], vel utriusque Testamenti sacramenta perfecte intelligere, *neque respicere illum.* Unde dicitur: *Generationem ejus quis enarrabit?* (Isai. lxxx.)

**VERS. 4.** — *Et ego flebam multum, quia nemo dignus inventus est aperire librum, nec videre eum.* Ac si apertius diceret: *Ego Joannes flebam multum* in persona scilicet antiquorum Patrum, qui dolebant humani generis diuturnam captivitatem, et illius reparationem ad plenum non intelligebant. De quibus in Evangelio discipulis ipse Dei et Virginis Filius ait: *multi reges et prophetae voluerunt videre, quæ vos videtis, et non viderunt; et audire quæ auditis, et non audierunt* (Luc. x). Ideo, inquit, *ego flebam multum*: quia non solum nemo dignus erat aperire librum; sed neque respicere illum; nullus videlicet perfecte intelligere poterat dispositionem humanæ redemptionis.

**VERS. 5.** — *Et unus de senioribus dixit mihi: Ne fletis.* Quilibet videlicet propheta, qui Christi adventum annuntiando aliis, consolatur. Unde Isaias propheta ait: *Ecce veniet Dominus princeps regum terræ, et ipse auferet jugum captivitatis nostræ* (Isa. xiv). Sed quid senior dixerit audiamus: *Ecce vicit leo de tribu Juda, radix David, aperire librum, et solvere septem signacula ejus.* Præteritum posuit pro futuro. Ac si patenter Moyses vel David, sive aliquis prophetarum antiquo populo ad consolationem loqueretur dicens: *Ecce vicit leo de tribu Juda*, id est vincet diabolus, mundum, mortem, et infernum: *radix David*, procedens videlicet de semine David, vel firmamentum David, per quem David subsistet, vincet dico ad hoc, ut aperiat librum, et solvat, id est exponat septem signacula ejus, ænigmata scilicet et obscuritates reparationis humanæ. Leo iste, qui mundum et fortem armatum, id est diabolus vicit, humilibus parcat, et superbis resistit. Leo dum fugatur, per montes fugit; nodo, quem habet in cauda, delet vestigia; ita Christus per montes fugit, cælos videlicet ascendit, divinitas Judæos latuit, assumpta carne divinitatem textit, ne posset agnosci. Sicut leo, apertis oculis, consuevit dormire, ita Christus exspiravit, divinitate vivente. Sequitur:

**VERS. 6.** — *Et vidi: et ecce in medio throni, et quatuor animalium, et in medio seniorum, agnum*

stantem tanquam occisum, habentem cornua septem, et oculos septem, qui sunt septem Spiritus Dei, missi in omnem terram. Exsequitur quomodo vicerit leo, et ubi. Quasi diceret : Sicut unus de senioribus, ex sanctis videlicet prophetis, mihi prædixerat, vidi : et ecce in medio throni, id est in communi utilitate Ecclesiæ et quatuor animalium, scilicet Novi Testamenti prædicatorum, et in medio seniorum, id est prophetarum, agnum stantem, simplicem videlicet, innocentem, suos milites certantes adjuvantem, tanquam occisum, quia etsi mortuus est ex infirmitate carnis, vivit tamen ex virtute Dei (II Cor. xiii) : vel inter suos tanquam occisus in quibus quotidie mortificatur, habentem cornua septem, homines scilicet mundos in septem ætatibus mundi, et oculos septem, qui sunt septem spiritus Dei, missi in omnem terram. Iterum subjungit dicens :

VERS. 7. — *Et venit : et accepit librum de dextera sedentis in throno.* Ac si diceret : Venit Dei Filius per carnem ad cognitionem hominum, et accepit librum, id est dispositionem reparationis humanæ, de dextera, a verbo scilicet sibi conjuncto; Verbum dico Dei Patris sedentis in throno.

VERS. 8. — *Et cum aperuisset librum, quatuor animalia, et viginti quatuor seniores ceiderunt coram agno, habentes singuli citharas et phialas aureas plenas odoramentorum, quæ sunt orationes sanctorum.* Ac si apertius dicatur : *Cum aperuisset librum,* id est cum omnia quæ de se prædicta erant, manifestasset, *quatuor animalia,* omnes videlicet prædicatores et viginti quatuor seniores, id est omnes iudices in Ecclesia, ceciderunt coram agno, scilicet humilia de se sentiendo ipsuinque imitantur, ut et ipsi ad similitudinem ejus patiantur, et tam pro se, quam pro sibi subditis reddentes Deo Patri, et eidem agno, et Spiritu sancto gratias de redemptione humani generis. *Habentes singuli citharas,* id est mortificantes et macerantes carnem suam reddebant Trinitati dulce sonum, gratas scilicet laudes. Cithara constat ex ligno et chorda; lignum ergo est crux Christi, chorda sanctorum caro, quæ tenditur in ligno, dum diversis tormentis eundem sonum reddentes, crucem Christi imitantur. *Et phialas aureas,* lata scilicet corda divina sapientia et charitate, etiam usque ad inimicorum dilectionem repleta; *plenas odoramentorum, quæ sunt orationes sanctorum* Deo suaviter redolentium. Quod Psalmista precatur dicens : *Dirigatur, Domine, oratio mea sicut incensum in conspectu tuo (Psal. cxi).*

VERS. 9. — *Et cantabant canticum novum dicentes : Dignus es, Domine, etc.* Cum exultatione quippe sancta Ecclesia canticum novum cantat, id est Novum Testamentum opere proficitur, dum in morte Christi baptizatur; et cum lætitia annuntiat præceptum Christi, id est *mandatum novum do vobis : ut diligatis invicem sicut dilexi vos (Joan. xiii).* Sed quid Veteris et Novi Testamenti seniores dicant, audiamus :

(48) Rom. 34, in Evang.

VERS. 10. — *Dignus es, Domine, accipere librum, et aperire signacula ejus, quoniam occisus es, et redemisti nos Deo in sanguine tuo ex omni tribu, et lingua, et populo et natione : et fecisti nos Deo nostro regnum et sacerdotes : et regnabimus super terram.* Ac si apertius dicerent : *Dignus es, Domine Jesu Christe,* quia es immunis a peccato, *accipere* in quantum homo es, de manu Patris *librum,* id est officium humanæ reparationis; et *aperire* nascendo, moriendo, resurgendo, atque ascendendo, *signacula ejus;* et vere dignus, *quoniam occisus es;* etenim *redemisti nos Deo* obediens in sanguine tuo *ex omni tribu* Judæorum, et *lingua gentilium, et ex omni populo gentili et natione,* tam servorum quam liberorum; et *fecisti nos Deo nostro* (sic congregatos) *regnum, spiritualiter scilicet regnantes, et sacerdotes,* nos ipsos offerentes, et pro aliis orantes; et *regnabimus,* ab omni servitute, sicut reges super terram viventium, vel super omnia terrena, despiciendo ea. Omnes electi reges appellantur, quia tyrannidem vitiorum in se consurgere non sinunt. *Redemisti nos,* inquit, *ex omni tribu et lingua.* Tribus dicitur a tribus ordinibus, in quibus septuaginta duæ linguæ sunt; in singulis quarum, multi populi; in populo, nationes. Non enim est apud Deum personarum distinctio, sed in omni gente qui timet Deum, et operatur justitiam, *acceptus est illi (Act. x).* Iterum subsequenter ait :

VERS. 11-12. — *Et vidi et audivi vocem angelorum multorum in circuitu throni, et animalium et seniorum; et erat numerus eorum millia millium dicentium voce magna : Dignus est agnus qui occisus est accipere virtutem et divinitatem, et sapientiam, et fortitudinem, et honorem, et gloriam, et benedictionem.* Ac si apertius diceret : Non solum animalia et seniores ex officio suo vidi idem attestantes, sed etiam omnes angeli congratulabantur eis. *Vidi,* inquit, *et audivi vocem angelorum multorum,* electorum videlicet spirituum supernorum, qui Ecclesiam muniunt et custodiunt; qui de reparato consortio sanctorum hominum gratulantur; qui testimonium perhibent Christo in annuntiatione, nativitate, passione, resurrectione, et ascensione, judicem venturum testati sunt. Vel angeli minores homines, id est subditi sunt in Ecclesia angelicam vitam ducentes, qui circumdant et honorant suos prælatos, et suos iudices testimonio eorum consentientes et confirmantes. *Et erat numerus omnium videlicet supradictorum, millia millium,* id est nobis infinitus et incognitus; quia finitum est apud Deum quod hominibus est infinitum; quanto plures sunt testes, tanto major est attestatio, et majus gaudium. Tot quippe sancti homines ascensuri sunt in cælo, quot ibi remanserunt angeli, cadente diabolo; quoniam in omnibus angelorum ordinibus sancti homines locum habebunt. Quod beatus Gregorius testatur dicens (48) : « Superna illa civitas ex angelis atque hominibus constat : ad quam credimus tot hominibus

ascendere, quot illic contigit angelos remansisse, sicut scriptum est : *Statuit terminos populorum juxta numerum filiorum Dei (Deut. xxxii).*, id est angelorum. Unde ait Hispaniarum doctor Isidorus (49) : « Bonorum angelorum numerus, qui post ruinam angelorum malorum est diminutus, ex numero electorum hominum supplebitur; qui numerus soli Deo est cognitus. » Sed quid multitudo angelorum et omnium sanctorum dicat, audiamus : O vos auditores, *dignus est agnus qui occisus est, accipere virtutem*, id est immunitatem a peccato, et *divinitatem*, quia Deus fuit visus mortuus, et *sapientiam*, omnium rerum per Verbum sibi unitum, et *fortitudinem*, qua vicit diabolus constans in passione, et *honorem* in resurrectione, et *gloriam*, id est impassibilitatem et immortalitatem, et *benedictionem* in exaltatione ascensionis : *Ut in nomine Jesu omne genu flectatur cœlestium, terrestrium, et infernorum (Philip. ii).* Qui appellatur leo propter fortitudinem, ipse appellatur agnus propter innocentiam et simplicitatem, et quia in sacrificium est oblatas Deo Patri. Iterum apertius exponatur, ut audientium mentibus arctius imprimatur : *Dignus est, agnus qui occisus est accipere virtutem*, id est spiritum consilii, et *divinitatem*, spiritum scilicet pietatis, et *sapientiam*, spiritum videlicet sapientiæ, et *fortitudinem*, id est spiritum fortitudinis, et *honorem*, spiritum videlicet scientiæ, *gloriam* et *benedictionem*, id est spiritum timoris Domini. Sequitur :

VERS. 13. — *Et omnem creaturam, quæ in cœlis est, et quæ super terram, et subter terram, et mare, et quæ in eo sunt : omnes audivi dicentes : Sedenti in throno et Agno benedictio, et honor, et gloria, et potestas in sæcula sæculorum.* Ac si patenter dicat : *Omnem creaturam*, id est omnes gradus fidelium, *quæ in cœlis*, scilicet angelorum militiam, et *quæ super terram*, videlicet contemplativos, et *subter terram*, id est electos mortuos, vel activos, qui designantur per mare vel mundum ad litteram, et *quæ in eo sunt*, qui sunt, id est immobiles manent; *omnes audivi*, id est animalia et seniores angelorum testimonio assensum præbent, omnes in simul dicentes, id est confitentes : *sedenti in throno, et Agno*, scilicet Deo Patri, et Filio, Deo videlicet Trinitati, quia Spiritus sanctus in Patre et Filio est, ait *benedictio* in miraculis, et *honor* in operatione, et *gloria* in confessione et *potestas in sæcula sæculorum* jure scilicet, quia omnipotens est in resistendo vitiiis. Ac si apertius diceret : *Benedictio*, id est *augmentatio*, quam habemus in bonis operibus, et *honor* quem inde consequitur (50), et *gloria* de virtutibus quas in baptismo accepimus, et *potestas* qua concupiscentiis resistimus; hoc totum non nobis sed Deo Patri, et Filio, et Spiritui sancto viventi in sæcula sæculorum, attribuat.

VERS. 14. — *Et quatuor animalia dicebant : Amen*

id est alii jam facti quatuor animalia et viginti quatuor seniores per prædicationem supradictorum animalium et seniorum confirmando quod illi dicebant, *dicebant : Amen*; scilicet verum est testimonium, quod Deo reddidistis. *Et viginti quatuor seniores ceciderunt in facies suas, et adoraverunt.* Quasi diceret : *Viginti quatuor seniores*, id est omnes judices Ecclesiæ, tam veteris, quam novæ legis non superbierunt, eo quod alios judicarent, *sed ceciderunt*, videlicet humiliaverunt se *in facies suas*, id est in corda sua et *adoraverunt* mente, ore, et opere, scilicet venerati sunt Deum, eo quod eorum conscientiæ bonæ erant.

#### CAPUT VI.

VERS. 1. — *Et vidi quod aperisset Agnus unum de septem sigillis.* Superius dictus est : *Ecce vicit leo de tribu Juda aperire librum et solvere septem signacula ejus; et tunc vidi quod aperisset Agnus unum de septem sigillis*, illud videlicet quod futurum erat in primo statu de septem statibus Ecclesiæ. Apertio sigilli revelatio est sacramenti. Verum per septem sigilla, sicut supradictum est, plenitudo mysteriorum absconditorum designatur, quæ latebant ante adventum Domini. *Et audivi unum de quatuor animalibus, dicens tanquam vocem tonitruum : Veni, et vide.* Ac si diceret : *Audivi unum de quatuor animalibus*, id est de quatuor ordinibus quatuor Evangelia prædicantibus, *dicens, tanquam vocem tonitruum*, quia Evangelium terret, sicut tonitruum. Animalia Joannem, id est primitivi sequentem invitavit Ecclesiam. Ac si aperte dicant : *Veni*, et a mysterio transi, et completam vide veritatem.

VERS. 2. — *Et ecce equus albus, et qui sedebat super illum, habebat arcum, et data est ei corona, et exivit vincens ut vinceret.* Ac si patenter dicat : *Ecce equus albus*, id est primus status, scilicet Ecclesia in baptismo albata, vel maxime prædicatores qui ubique Deum ferunt, vel caro Christi immunis a peccato; et *qui sedebat super illum habebat arcum*, Christus scilicet habens Scripturam, qui illuminat suos, et occidit inimicos; et *data est ei corona*, id est divina Scriptura, quæ vulnerat corda audientium, et resistit hæreticis; et *exivit vincens ut vinceret* in se vel in suis membris gentes, quia quod prædicatores faciunt, Deo attribui-mus. Vel, *exivit* de sinu Patris, vel de utero Virginis *vincens ut vinceret* in se et in membris suis diabolus, et omnes superbos. Primus status Ecclesiæ per album equum, id est per Ecclesiam innocentem, dealbatam virtutibus, et fortem contra hæreticos designatur. De septem igitur statibus primus status est prædicatorum, qui intelligitur per equum album, secundus per equum rufum, tertius per nigrum, quartus per pallidum, quando videlicet conversi de Judæis et gentibus passi sunt persecutionem ab hæreticis; quintus in quo nos sumus

(49) Lib. i Sent., c. 10.

(50) Consequimur, vel ut Glossa : qui inde consequitur.

modo, in quo non adeo sunt rabies hæreticorum; A  
 sextus in tempore Antichristi; septimus dies ju-  
 dicii. Postquam ergo Agnus quæ de se prædicta  
 erant, implevit, et Ecclesiam suam testimonio pro-  
 phetarum et angelorum in fide solidavit; aperit ei  
 sensum, ut intelligat Scripturas, et per prædica-  
 tores exterius denuntiat quid pro hac fide pati de-  
 beant, et quæ auxilia vel quas coronas suis mili-  
 tibus præferat; quia facta memoria de réparatione,  
 si de tribulationibus taceret, citius deficere possent,  
 dum illis improvise tribulatio insurgeret. Iterum  
 subjungit dicens:

VERS. 3. — *Et cum aperuisset sigillum secundum,*  
*audivi secundum animal, dicens: Veni et vide.* Ac si  
 diceret: *Cum aperuisset sigillum secundum,* id est  
 quando apostoli eorumque discipuli ceperunt præ-  
 dicare Judæis infidelibus, ordine videndi et tem-  
 pore, *audivi secundum animal* de supradictis quatuor  
 ordinibus prædicantium Evangelii [*f. Evangelium*],  
 dicens: *Veni et vide.* Ac si aperte dicat: O Joannes,  
 tibi provide ab equo rufo, quia quod in corde habet,  
 opere implet.

VERS. 4. — *Et exivit alius equus rufus: et qui se-*  
*debat super illum datum est ei, ut sumeret pacem de*  
*terra, et ut invicem se interficiant homines, et datus*  
*est ei gladius magnus.* Ac si patenter dicat: *Exivit,*  
 ab amicitia Dei, *alius equus rufus,* infidelis, supe-  
 riori equo contrarius, scilicet aperti persecutores  
 et sanguinolenti: *et qui sedebat super illum,* id est  
 diabolus, *datum est ei,* id est concessum, *ut sumeret*  
*pacem,* scilicet exteriorem, per Titum et Vespasia-  
 rum, *de terra,* id est de Judæa; vel, concessum est  
 illi a Deo, ut auferret omnem quietem animi ab his  
 qui sunt terrenis dediti. *Et ut invicem se interficiant*  
 gladio materiali vel spirituali, monendo ad malum  
 opus, et dando pravum exemplar alter alteri. *Et*  
*datus est illi gladius magnus,* id est magna potestas  
 interficiendi; quia non solum minores, sed etiam  
 majores, ut Petrus et Paulus interfecti sunt. Videns  
 diabolus Ecclesiam institui ad locum unde ipse  
 ceciderat supplendum, et (51) omnia nititur subver-  
 tere prius aperte, deinde occulte.

VERS. 5. — *Et cum aperuisset sigillum tertium,*  
*audivi tertium animal, dicens: Veni et vide.* Quasi  
 diceret: *Cum aperuisset Agnus sigillum tertium,* id  
 est quando discipuli apostolorum transitum fece-  
 runt de Judæis ad gentes, *audivi tertium animal,*  
 scilicet tertium ordinem prædicatorum dicentium:  
*Veni et vide,* et provide tibi ab equo nigro. *Et ecce*  
*equus niger et qui sedebat super eum habebat stater-*  
*ram in manu sua.* Ac si diceret: *Ecce equus niger,*  
 id est gentilis populus vel hæretici, offuscans sua  
 vitia quibusdam bonis operibus; *et qui sedebat super*  
*eum,* ipsi videlicet diabolo quod sui per eum ope-  
 rantur attribuimus, *habebat stateram in manu sua,*

quia non licebat ei nocere, nisi quantum ei permit-  
 tebatur. Vel, *habebat stateram in manu sua,* quia  
 hæretici dicunt se veram in Scripturis discretionem  
 habere; et quod prædicant, se opere implere ja-  
 ctant. Videns diabolus se per apertos persecutores  
 non profecisse, immitit hæreticos qui falsis rationibus  
 contra Ecclesiam contendant, ut eam facilius deci-  
 piant. Iterum subjiciens ait:

VERS. 6. — *Et audivi tanquam vocem in medio*  
*quatuor animalium dicentium: Bilibris tritici uno*  
*denario, et tres bilibres hordei denario, et vinum, et*  
*oleum ne læseris.* Ac si aperte dicat: Quia hic majus  
 periculum prætenditur, *audivi auxilium tanquam*  
*vocem angeli existentis in medio quatuor animalium,*  
 id est in communi utilitate prædicatorum dicen-  
 tium: *Ne timeatis, o fideles, quia non poterunt vos*  
*lædere; et vos diaboli ne lædatis eos, non enim*  
*perficietis, quia bilibres tritici denario,* vas scilicet  
 capiens duos sextarios plenos tritici, id est Ec-  
 clesia habens fidem, et operationem, emitur singu-  
 lariter uno denario, videlicet sanguine Christi. *Et*  
*tres bilibres hordei plenos, denario emptos,* id est  
 eos, qui cum fide sanctæ Trinitatis complent duo  
 præcepta charitatis, *et vinum et oleum,* istos vide-  
 licet qui sunt relecti vino, id est sanguine Christi,  
 et oleo, id est Spiritu sancto uncti, ne læseritis.  
 Libra constat ex duodecim unciis, et duodenarius  
 ex duobus senariis; per quod intelliguntur illi, qui  
 per geminam dilectionem duodecim apostolorum  
 præcepta complent. Vel ne læseris illos, qui sunt  
 complentes quatuor evangelia cum fide sanctæ Tri-  
 nitatis, et cum dilectione Dei et proximi, pleni tri-  
 tici, id est abundantes relectiva doctrina, quia sunt  
 redempti uno, id est solo denario, scilicet singulari  
 sanguine Christi. Triticum in hoc loco perfectiores  
 appellat, qui tribulatione attriti, igne excocti, Deo  
 cibis suavis sunt (52). Emina appendet libram  
 unam, quæ geminata sextarium reddit; sextarius  
 vero duarum librarum est, qui bis assumptus, vo-  
 catur bilibris, assumptus quater, ut Græco nomine  
 conix [*f. chœnix*], quinquies complicatus, quin-  
 tarem sive gomor facit. Videns itaque diabolus, nec  
 per apertas tribulationes, nec per apertas hæreses  
 se posse proficere, præmittit falsos fratres, qui sub  
 habitu religionis obtinent naturam ruffi et nigri  
 equi. Iterum subsequenter ait:

VERS. 7. — *Et cum aperuisset sigillum quartum,*  
*audivi vocem quarti animalis dicentis: Veni et vide.*  
 Ac si patenter dicat: *Audivi vocem quarti animalis*  
 me admonentis sic: *Veni ad fidem, et vide,* id est  
 provide tibi: et est opus quia,

VERS. 8. — *Ecce equus pallidus,* scilicet mortui  
 vel affligentes se sicut hypocritæ, qui ideo jejunant  
 et vigilant, ut pallidi appareant: *et qui sedebat de-*  
*super,* videlicet diabolus, *nomen illi mors;* quia per

(51) Superest conjunctio, et, Glossa habet eam, loco, omnia.

(52) Ex Isidoro, lib. xvi *Etymolog.*, c. 26.



cum mors intravit in orbem terrarum (Rom. v), A vel ad litteram quia quosdam occidit in corpore, quosdam in anima : *et infernus s:quebatur eum, si est insatiabiles terrenis vitiis imitantur illum; vel qui sunt in inferno ponendi, obediunt ei. Et data est illi potestas super quatuor partes terræ interficere g'adio, fame, et morte, et bestiis terræ.* Quasi diceret : *Data*, scilicet permissa est illi equo, id est hæreticis, *potestas super quatuor partes terræ*, scilicet super omnes malos ubique morantes vel super Judæos et gentiles, hæreticos et falsos Christianos, *interficere fideles gladio materiali vel persuasionis, fame divini verbi, et morte spirituali, et bestiis terræ*, bestialibus videlicet ministris. Hic aperte monstratur, quia singulis gentibus Deus omnipotens angelos secundum meritum suum præposuit. Et sicut bonis bonum, id est Michaellem, præfecit angelum; ita et malis malum. Unde est illud : *Nemo est adiutor meus in omnibus his nisi Michael princeps vester (Dan. x).* Quatuor etiam angeli, qui quatuor principalibus regnis sunt præpositi, non boni fuerunt, sed mali. Si Deus hanc famem immittit, quid inde peccat diabolus? Quæ quæstio facile solvitur; quia quod Deus facit justo iudicio, diabolus facit invasione, deceptione, et mala voluntate. Sequitur :

VERS. 9. — *Et cum aperuisset sigillum quintum, vidi subtus altare animas interfectorum propter verbum Dei, et propter testimonium quod habebant.* In hoc statu quinto subdit consolationem eis quibus talia inferuntur, ut ea patienter tolerant, et geminas stolas expectent, unam in præsentem, et alteram in futuro. Ac si diceret : *Vidi subtus altare animas Jesu Christo capiti suo se humiliantes: vel sub*, id est in absconso, quia nemo in hac vita plene percipit quomodo ibi sint. *Animas dico interfectorum* aliquibus tribulationibus, vel aperto martyrio *propter verbum Dei*, id est præceptum quod impleverunt, *et propter testimonium quod ante reges et præsides testati sunt.* Ac si apertius dicatur : *Vidi subtus altare Dei*, id est sub divina potestate qua sit per spirituale sacrificium, scilicet per cor contritum et humiliatum quod est, super altare, id est super Christum, qui est firmamentum nostrum, et subtus eum, quoniam quasi in secreto conservat nobis remunerationem illius sacrificii; *animas interfectorum propter Dei testimonium*, quod coram aliis testati sunt. In tabernaculo Moysi duo altaria fuerunt : prius scilicet ære coopertum sub divo, ubi sacrificia cremabantur; aliud vero interius ante velum, in quo tantum sanguis ponebatur et tymiana, et erat vestitum auro (Exod. xxvi; xxx). Per hæc duo altaria duo significantur populi. Per altare exterius carnalis, id est Judaicus populus, qui tantummodo per legis opera et sacrificia putat se salvari posse, et justificari; per altare vero aureum, quod erat interius, spirituales utriusque testamenti, qui non per legem aut per opera sacrificiorum se putant posse salvari solummodo, sed potius per

fidem Christi. Unde ait patriarcha David : *Sacrificium Deo spiritus contribulatus cor contritum et humiliatum (Psal. l.).*

VERS. 10. — *Et clamabant animæ videlicet interfectorum, voce magna, id est magno desiderio, dicentes : Usquequo, Domine, (sanctus et verus) non iudicas et vindicas sanguinem nostrum de his, qui habitant in terra? Ac si aperte dicant : Usquequo, Domine, sanctus, amans videlicet sanctitatem in operibus, et verus in promissis, quare non iudicas, faciendo discretionem bonorum et malorum, et vindicas, inferendo pœnas, sanguinem nostrum de his qui habitant in terra, id est in terrenis delectationibus.* Altari Christus intelligitur, super quem fideles offerunt, et quem habent munimentum.

B Vel ipsæ animæ sunt altare, de quibus fumus procedit Deo delectabilis, et quæ fuerunt sanguine linitæ, modo existentes *sub*, id est in minori dignitate quam sunt futuræ. Duobus modis petunt sancti ex charitate vindictam de inimicis; videlicet, ut illi qui ad vitam æternam sunt prædestinati, convertantur de malo ad bonum; velut illi qui, præsciente Deo, damnandi sunt, moriantur et peccare desistant; ut per hoc minorem pœnam in inferno habeant. Animæ itaque interfectorum idcirco ad Deum clamant, quia majus gaudium, et societatem sanctorum desiderant, et in damnatione impiorum divinæ justitiæ concordant.

VERS. 11. — *Et datæ sunt illis singulæ stolæ albæ: et dictum est illis, ut requiescerent tempus adhuc modicum donec impleantur conservi eorum, et fratres eorum, qui interficiendi sunt sicut et illi.* Ac si patenter dicat : *Datæ sunt illis singulæ stolæ albæ*, id est beatitudo animæ, et a Deo dictum est illis, scilicet inspiratum ut *requiescerent* videlicet ut patienter expectarent *tempus adhuc modicum donec impleantur conservi eorum*, servi scilicet causa ipsius Domini, *et fratres eorum qui interficiendi sunt sicut et illi* ex dilectione expectare debent.

VERS. 12. — *Et vidi cum aperuisset sigillum sextum, et terræ motus factus est magnus, et sol factus est niger tanquam saccus cilicinus, et luna tota facta est sicut sanguis.* Quasi diceret : Terræ motus factus est magnus, persecutione videlicet Antichristi; quia sicut dicit Dominus, talis erit tunc tribulatio, qualis non fuit neque fiet, ex quo homines esse cœperunt (Matth. xxiv). *Et sol factus est niger*, illi videlicet in quibus Deus lucet, reputabuntur rei et peccatores, *tanquam saccus cilicinus*, claritatem suam in se retinentes. Vel quidam ad tenebras decident. Vel Christus sol verus, et modo clarus, tempore Antichristi erit obscurus, id est nullis miraculis coruscans. *Et luna*, id est sancta Ecclesia, *tota facta est sicut sanguis*, quia videlicet ubique patietur.

VERS. 13. — *Et stollæ cæli, id est sancti prius lucidi, ceciderunt innitentes super terram, sicut ficus mittit grossos suos, scilicet fructus inutiles et inanes, et nunquam ad maturitatem perventuros, qui boni videbantur, et non erant, cum a vento*

*magno movetur* : cum Ecclesia videlicet magno persecutionis Antichristi vento agitata fuerit, tunc fiet.

VERS. 14.—*Et cæ'um*, id est Ecclesia, *recessit sicut liber involutus*, celando videlicet prædicationem impis, sicut liber clausus : *et omnis mons*, virtutes scilicet et eminentes, *et insulæ de locis suis motæ sunt* ; id est omnes fideles qui in medio amaricantium fluctuationes et contusionēs erunt, movebuntur de locis suis, id est de officiis suis ; fide videlicet et opere separabuntur a pravis hominibus, sicut scriptum est : Exite de ea, id est de Babylone, *populus meus, et immundum ne tetigeritis* (Isai. LI).

VERS. 15. — *Et omnes reges terræ, et principes, et tribuni*, majores videlicet et minores vitiis carnis resistentes, *et divites bonis operibus, et fortes* contra tentationes diaboli, *et omnis servus*, id est conjugatus, vel Dei servus, *et liber* a peccato vel a conjugio, *absconderunt se in spelunca*, scilicet petent suffragia angelorum, qui sunt excelsi montes, *et in petris montium*, qui fortes et indissolabiles sunt, id est ab apostolis et evangelistis et cæteris sanctis exorabunt auxilium, ut eorum precibus misericordiam judicis impetrare possint.

VERS. 16, 17. — *Et dicunt montibus et petris* : *Cadite super nos, et abscondite nos a facie sedentis super thronum, et ab ira Agni, quoniam venit dies magnus iræ ipsorum*. Ac si dicerent : O vos montes et colles, id est omnes et sancti, cum magna affectione et compassione condescendite nobis, et vestris orationibus *abscondite nos a facie* (ab ira videlicet et a præsentia) *sedentis super thronum, et ab ira Agni*, Dei scilicet et hominis Jesu Christi ; et ideo necesse est, ut cadatis super nos, id est ut vestris orationibus nobis subveniatis, *quoniam venit dies magnus iræ ipsorum*. Etenim *quis poterit stare*, nisi vestris adjuvetur precibus?

#### CAPUT VII.

VERS. 1. — *Post hæc*, inquit, *vidi quatuor angelos stantes super quatuor angulos terræ, tenentes quatuor ventos terræ, ne flaret ventus super terram, neque super mare, neque in ullam arborem*. Ac si aperte dicat : *Vidi quatuor angelos*, id est quatuor dæmones stantes, scilicet immorantes, *super quatuor angulos terræ*, etiam in remotissimis locis. Quatuor dicuntur pro mundi quatuor partibus ; diabolus angelus dicitur, id est missus a Deo ad probationem honorum et deceptionem malorum. Unde in libro Regum ait Micheas propheta Achab regi Israël interroganti : *Vidi Dominum sedentem super solium suum, et omnem exercitum cæli assistentem ei a dextris et sinistris*. Et ait Dominus : *Quis decipiet Achab regem Israel, ut ascendat, et cadat in Ramoth Galaad? Egressus est autem spiritus, et stetit coram Domino, et ait: Ego decipiam illum. Cui ait Dominus: In quo? Et ille ait: Egrediar, et ero spiritus mendax in ore omnium prophetarum ejus.*

(53) Rectius Glossa collateralis : *Habitantibus in insulis, vel diversis vitiis affluentibus.*

*Et dixit Dominus: Decipies, et pravalebis; egredere ergo, et fac ita* (III Reg. xxi). Mittitur præterea spiritus nequam a principe diabolo ad subversionem cunctorum. *Tenentes*, inquit, *quatuor ventos terræ* : id est impediētes spirituales viros terram Ecclesie temperantes : *ne flaret ventus super terram*, (scilicet habitantibus in terra, vel terrenis vitiis dediti) *neque super mare*, id est super gentes, vel diversis vitiis fluentibus. (53) Unde est illud : *Surge aquilo, et veni auster, perfla hortum meum, et fluant aromata illius* (Cant. iv). Sicut ventus nubes excitat, terram rigat, eamque fructuosam facit, faciem ejus hilarem reddit; sic prædicatione mentes hominum Tempore tribulationis nihil magis necessarium quam prædicatione; sed diabolus nititur detinere eam in omni loco. Quatuor boni angeli sunt justitia, prudentia, fortitudo, et temperantia. E contra vero quatuor mali sunt injustitia, imprudentia, debilitas, et intemperantia. Multiplici Ecclesie bello descripto, subjicit tempore hujus belli diabolus nocere paratum, sed a Deo refrenatum, ne suis aliquatenus torpeant. Iterum subjungit dicens :

VERS. 2. — *Et vidi alterum angelum ascendentem ab ortu solis, habentem signum Dei vivi*. Ac si patenter dicat : E contra illos quatuor angelos malos *vidi alterum angelum*, scilicet magni consilii, *ascendentem*, id est facientem ascendere suos, *ab ortu solis*, videlicet a Deo Patre, et per hoc *habentem signum Dei vivi*, id est crucem qua suos signaret, vel potentiam Deo Patri æqualem; sive immunitatem a peccato, per quam Deus apparet: quia præter ipsum est omnis homo peccator. Hic angelus est ille lapis sine manibus præcisus, qui statuarum quatuor metallis constantem confregit, et hic quatuor ventos solvit (Dan. ii). Ex quo in cruce Christus exspiravit, ascendit, et diabolus vicit; paulatim per prædicatores suos mundum illuminavit fide, sicut sol lumine. Vel ascendit ab ortu solis, id est a Patre, proficiens sapientia et ætate secundum quod homo est (Luc. ii). Vel a se secundum humanitatem ascendit, quia non concubitu viri carnem assumpsit, sed ipse eam creavit, qui est ortus solis.

VERS. 3. — *Et clamavit voce magna quatuor angelis, quibus datum est nocere terræ et mari, dicens: Nolite nocere terræ et mari, neque arboribus quoad usque signemus servos Dei nostri in frontibus eorum. Magna voce* hic angelus, id est Dei Virginisque Filius *quatuor malis angelis, quibus datum est nocere terræ et mari*, Judæis videlicet et gentibus amaricatis, *clamavit*, quando in passione dæmones magno imperio refrenavit, *dicens: Nolite nocere*, plusquam vobis permissum est, *terræ et mari*, Judæis scilicet et gentibus, *neque arboribus*, videlicet neque illis, qui jam terrenam conversationem excedentes, in Dei cognitione creverunt, *quoad usque*, id est donec ego in corde interius, et Ecclesie sacerdotes exterius, *signemus servos Dei nostri in*

frontibus eorum, signo videlicet crucis discernamus prædestinatos ad vitam. Signum crucis ideo gestatus in fronte, ne celetur in tribulatione; nam signatio pectoris confessio est cordis. Illoc signo et si non re, fide tamen antiqui Patres signati fuerunt. Signum sanctæ crucis fideles in corpore et in animo portant. In corpore, quia signantur exterius in fronte in nomine Patris, et Filii, et Spiritus sancti. In anima, quia Christi passionem imitantur, crucifigentes se cum vitis et concupiscentiis. Unde et in Veteri Testamento præceptum est, ut super utrumque limen ponerent de sanguine agni (*Exod. xii*). Non enim prodest signum exterius quemquam portare, nisi ipsum quis accipiat et interius; fides, enim si non habeat opera nihil valet (*Jac. ii*). Ideo igitur pueri signantur in frontibus, id est in aperto, ut ante reges et præsides non erubescant, nec dubitent prædicare crucem Christi. Signantur etiam in pectore, ut hoc ipsum in memoriam habeant. Iterum subjiciens ait :

**VERS. 4.** — *Et audivi numerum signatorum, centum quadraginta quatuor millia signati ex omni tribu filiorum Israel.* Quasi diceret : Intellexi, quales essent signandi in libro vitæ, et audivi numerum signatorum, centum videlicet quadraginta quatuor millia signati, perfecti scilicet in operibus, ex omni tribu filiorum Israel, id est ex omnibus gentibus fidem Jacob imitantibus. Finitum ponit, quia Deus sub certo numero omnes comprehendit. Fideles enim ad hoc laborant, ut sint centum, id est perfecti in operibus; et ut sint millia, perfecti scilicet in virtutibus. Non ideo ex omni genere videntium Deum dicit esse signatos centum quadraginta quatuor millia, quod plures non sint; sed ideo melius posuit hunc numerum quam alium, quia per centum quadraginta quatuor millia designatur tota Ecclesia et ita quod perfecta, quia duodenarius numerus quater multiplicatus facit quadraginta octo. Et hæc multiplicatio quaterna significat universam Ecclesiam per quatuor mundi partes diffusam. Etiam quadraginta et quatuor numerus ter multiplicatus significat sanctam Trinitatem, quam colit Ecclesia. Iterum subsequenter ait :

**VERS. 5.** — *Ex tribu Juda duodecim millia signati.* Judas *confitens* interpretatur; hoc sufficit his, qui non reservantur ad operandum, sed statim ut in baptismo Deum confitentur, peracta confessione, moriuntur. Isti confitentes procul dubio sunt signati, id est ad vitam æternam prædestinati. *Corde creditur ad justitiam, ore autem confessio fit ad salutem* (*Rom. x*). Judas, qui primus est ordine, generationis fuit quartus : per quod innuitur spiritualis prosapia attendenda. Ex tribu Dan nascetur Antichristus; et ideo hic præterimitur, ut ex omni numero sanctorum ejiciendus ostendatur. De quo patriarcha Jacob cum filiis suis benediceret, ait : *Dan coluber in via, cerastes in semita*, etc. (*Gen.*

**XLIX.**) (Non ideo dicit ex tribu Juda, id est ex confessoribus, duodecim millia esse signatos, quod plures non sint de eodem genere signati; sed per duodecim, qui per ternarium et quaternarium multiplicatur, significat Ecclesiam per quatuor mundi partes diffusam sanctam Trinitatem colentem). (**54**) *Ex tribu Ruben*, id est *videntis filios*, ex illis scilicet, qui reservati post factam confessionem in baptismo, vident filios suos, id est opera sua bona, quæ faciunt post baptismum, sunt signati duodecim millia. *Ex tribu Gad*, id est *tentationis*, vel accincti, ex illis, videlicet qui, bene operando, a diabolo tentantur, et ita accincti et expediti ad pugnandum et resistendum, fortes inveniuntur, quod superari ab eo non possint, similiter sunt signati duodecim millia. Quibus per Paulum dicitur : *Estote fortes in bello, et pugnatæ cum antiquo serpente* (*Hebr. iv*).

**VERS. 6.** — *Ex tribu Aser*, id est *beati*; ex illis scilicet qui sufferendo tentationes, hoc nomen quod beati dicuntur, inde assequuntur; sunt signati duodecim millia. Unde est illud : *Beatus vir qui suffert tentationem; quoniam cum probatus fuerit accipiet coronam vitæ, quam repromisit Deus diligentibus se* (*Jac. i*). *Ex tribu Nephtalin*, id est, *latitudinis*; ex illis videlicet qui post superatas tentationes dilatant, et amplificant corda sua in charitate Dei, et proximi, ita quod etiam inimicos diligant; *duodecim millia sunt signati.* *Ex tribu Manasse*, id est *obliviosi*, ex illis scilicet, qui post dilatatam dilectionem Dei et proximi obliviscuntur omnia quæ sunt hujus mundi; *duodecim millia sunt signati.*

**VERS. 7.** — *Ex tribu Simeon*, id est *exauditio tristitiæ*; ex illis videlicet, qui postquam ad hanc perfectionem ascendunt ut omnia hujus mundi oblivioni tradant, semper rememorantes peccatorum, in quibus prius fuerunt, et inde dolentes, tristitiam habent; *duodecim millia sunt signati.* *Ex tribu Levi*, id est *additionis* : *illorum videlicet*, qui sibi injuncta faciunt, et etiam superaddunt sibi præcepta non jussa, ut est virginitas, et qui de simplici veste dat partem; *duodecim millia sunt signati.* *Ex tribu Issachar*, id est, *mercedis*; ex illis scilicet, qui semper addunt penitentiam quam faciunt de præterita peccatorum tristitia, in qua jam se fuisse recordantur, et hoc ideo ut æternæ beatitudinis mercedem inde consequantur, *duodecim millia sunt signati.*

**VERS. 8.** — *Ex tribu Zabulon*, id est *habituaculi fortitudinis*, ex illis videlicet, qui laborem non recusant, sed aliquando pro necessitate fratrum de Maria ad Martham descendunt; *duodecim millia sunt signati.* *Ex tribu Joseph*, id est *augmentationis*, ex illis videlicet, qui in militia Christi perseverant, et de virtute in virtutem semper ascendunt, *duodecim millia sunt signati.* *Et tribu Benjamin*, id est *filiæ dexteræ*, ex illis scilicet, qui sunt

(54) Desunt in alia ms. quæ ansulis includimus, et superflua omnino sunt.

filii propitiationis, et nihil a se sed omnia divinæ bonitati imputantes, non inter hædos, sed ad dexteram Dei laborant collocari, *duodecim millia sunt signati.*

**VERS. 9.**— *Post hæc, inquit, vidi turbam magnam, quam dinumerare nemo poterat ex omnibus gentibus, et tribubus, et populis, et linguis; stantes ante thronum, et in conspectu Agni, amicti stolis albis, et palmæ in manibus eorum.* Usque modo ostendit, prævisos ad vitam esse apud Deum sub certo numero, et nunc ostendit eos esse innumerabiles quantum ad nos, dicens: *Vidi turbam magnam, quam dinumerare certo numero nemo vivens in carne poterat, nec tantum de duodecim tribubus Jacob, sed ex omnibus gentibus, etiam barbaris et Scythis, et ex omnibus Judæorum tribubus et populis, quia in urbe unus populus continetur, et linguis, quia multis in locis sunt diversæ linguæ in populo uno, stantes ante thronum, parati obedire Deo judici, et ut conspiciantur in conspectu Agni, scilicet in beneplacito Dei et hominis Jesu Christi, amicti, id est ornati, stolis albis jugum Dei designantibus prius in baptismo, et post in lacrymis. Hæc in præsentibus et palmæ, id est signum victoriæ, in manibus, scilicet in operibus eorum in præsentibus et maxime in futuro.* Hoc ideo addidit, quasi vellet dicere: Quamvis certum numerum posuissem, centum videlicet quadraginta quatuor millia, tamen multo plures et innumerabiles vidi, et non tantum de duodecim tribubus Israel, sed etiam de omnibus gentibus. Cum ergo secundum figuram designandos sub certo numero vidisset, et tantummodo de filiis Israel, nunc aperte docet, quia per illum numerum universi fideles, et per duodecim tribus accipiendæ sunt omnes gentes. Et omnes illi innumerabiles populi, non remisse agendo.

**VERS. 10.**— *Clamabant voce magna, id est magno desiderio, Deo dicentes salutationem suam: Salus Deo nostro, id est Deo Patri, non per nos, sed per Agnum habentem salutem, remissionemque, et bonam operationem, et æternam gloriam in potestate sua: qui Deus Pater ad hoc ut salvet nos, sedet super thronum, videlicet super nos ipsos in quibus judicat, et Agno Filio ejus sit salus. Et cum illa innumerable turba Deo Trinitati gloriam et honorem redderet:*

**VERS. 11.**— *Omnes angeli stabant in circuitu throni, et seniorum, et quatuor animalium; et ceciderunt in conspectu throni in facies suas, et adoraverunt Deum, dicentes: Amen.* Ac si aperte dicat: *Omnes angeli, id est prædicatores supradictorum fidelium stabant, ut juvantes, in circuitu throni et seniorum, et quatuor animalium, in circuitu videlicet majorum atque minorum, quos prædicatione sua jam in fide procreaverant, in custodia scilicet totius Ecclesiæ stabant: et ceciderunt in conspectu throni, id est humiliaverunt se coram Deo, ad hoc ut conspicerentur ab eo, et ut darent aliis exemplum humilitatis, in facies suas, rationabiliter sicut*

*electi. Reprobi retro cadunt, quia quærens in futuro mala sequantur, providere negligunt, electi vero in facies suas, quia in futuro sibi prospiciunt. Priores illi angeli, id est prædicatores instruentes sibi subditos ut septem benedictiones quæ sequuntur Deo ascriberent.*

**VERS. 12.**— *Adoraverunt Deum dicentes: Amen; vere scilicet et fideliter sit benedictio, et claritas, et sapientia, et gratiarum actio, honor et virtus, et fortitudo Deo nostro in sæcula sæculorum, Amen.* Dignum quippe est, ut *Amen, id est veritas Deo ascribatur in promissis, et benedictio, id est exaltatio quam habet super omnem creaturam. Ordo Amen, id est vere et fideliter, ascribatur semper Deo; benedictio, id est spiritus timoris Domini, quia dedit nobis Spiritum ut eum timeremus, et claritas, id est spiritus intelligentiæ per quem scimus discernere legis mysteria, et sapientia, id est spiritus sapientiæ, per quem sentimus aliquem saporem de cognitione Divinitatis, et gratiarum actio, id est spiritus pietatis, per quem scimus ei gratias referre de collatis beneficiis, et virtus, id est spiritus consilii, et fortitudo, scilicet spiritus fortitudinis in sæcula sæculorum, Amen.* Visa beatus Johannes turba in tanta dignitate, monetur attendere viam, qua potuit illuc ascendere, ut ideò alios doceat inspicere. Unde sequitur.

**VERS. 13.**— *Et respondit unus de senioribus dicens mihi: Hi, qui amicti sunt stolis albis, qui sunt, et unde venerunt? Ac si aperte dicat: Cogitanti de tanta felicitate eorum, unus de senioribus satisfaciens desiderio meo adaugendo illud, respondit dicens, id est exponens mihi: Hi, qui amicti sunt stolis, id est ornati duplici jugo utriusque testamenti, cum lege videlicet, et in lege, et sub lege quantum ad vitios quam digni quam imitandi; qui sunt, et unde ad hanc dignitatem venerunt? Ac si apertius diceret: Hi, qui amicti sunt stolis albis, id est immortalitate et impassibilitate, qui sunt, dic mihi, et unde venerunt huc?*

**VERS. 14.**— *Et dixi illi: Domine mi, tu scis. Ego nescio, sed tu me doce. Ac si patenter dicat: Ego tibi suppositus, a te debeo discere, non solvere hanc questionem. Et dixit mihi: Hi sunt, qui venerunt de tribulatione magna, et laverunt stolas suas, et dealbaverunt eas in sanguine Agni. Quasi diceret: Hi sunt, qui venerunt, veniunt, et venturi sunt de tribulatione magna ad tantam quam vides, dignitatem, et quia nemo sine peccato, laverunt stolas suas, innocentiam videlicet in baptismo acceptam vel corpora sua et dealbaverunt eas in sanguine Agni, per fidem passionis. Stolas suas, id est corpora sua in sanguine Christi dealbant, dum Jesu Christi capitis sui imitantur exempla, vel pro illo patienti, sive aliorum illatas contumelias patienter tolerando, aut semetipsos vitii et concupiscentiis pro amore Christi mortificando.*

**VERS. 15.**— *Ideo, inquit, sunt ante thronum Dei, et serviunt ei die ac nocte in templo ejus. Ac si*

diceret : Quia venerunt de magna tribulatione, et A  
candificaverunt stolas suas in sanguine Agni, ideo  
sunt ante thronum Dei, id est ante Deum judicem  
in consortio angelorum, et serviunt ei die ac nocte,  
laudando eum continue, in templo ejus, in presenti  
videlicet Ecclesia, vel in cœlo. Et hanc perseve-  
rantiam habent a Deo, qui sedet in throno, et ha-  
bitat super illos, id est custodit eos; et ideo.

VERS. 16.— Non esurient, neque sitient amplius,  
quia fruuntur vivo pane et fonte vitæ, neque calet  
super illos sol, major scilicet vel exterior tribulatio,  
neque ullus æstus, minor videlicet interior tribu-  
latio.

VERS. 17.— Quoniam Agnus, qui in medio throni  
est, regit illos, de virtute in virtutem scilicet in  
præseni, et per hoc in futuro deducet eos ad vitæ  
fontes aquarum, id est ad Deum Patrem qui est fons  
vitæ indeficiens. Et absterget Deus omnem lacry-  
mam ab oculis eorum, auferendo scilicet volunta-  
tem peccandi, quæ est causa gemitus et lacryma-  
rum, id est omnem dolorem sive pro delictis suis  
sive pro adversis, vel exilio vel cæteris hujusmodi.

#### CAPUT VIII.

VERS. 1.— Et cum aperuisset sigillum septimum,  
factum est silentium in cœlo, quasi media hora. Ac  
si aperte dicat : Cum aperuisset Agnus sigillum se-  
ptimum, ea videlicet quæ gerenda erant post mor-  
tem Antichristi in conversione reliquiarum, factum  
est silentium in cœlo, quia post mortem Antichristi  
pax erit in Ecclesia, quasi dimidia hora, quia cito  
veniet dies judicii. Post persecutionem itaque Anti-  
christi orationi et divinæ contemplationi vacabit  
sancta Ecclesia, sed quasi dimidia hora, quia ele-  
ctorum animus in hac mortali vita, et aliquid de  
superna quiete percipit, et tamen in eo quod per-  
cepit, diu stare non valet. Iterum subjungit, dicens :

VERS. 2.— Et vidi septem angelos stantes in conspectu  
Dei : et datae sunt illis septem tubæ. Septem dicun-  
tur angeli, quia tenenda annuntiant quatuor Evan-  
gelia, et sanctæ Trinitatis fidem. Nam septem con-  
stat ex quatuor et tribus. In conspectu Dei stare  
perhibentur, quia calcatis omnibus terrenis volu-  
ptatibus, contemplatione Deo adhærent, ejusque  
voluntatem qui nusquam deest, semper considerant,  
et quod ei placere sciunt, opere perficiunt. Vidi, D  
inquit, septem angelos, id est omnes prædicatores  
hujus præsentis vitæ, quæ septem diebus volvitur,  
sanctorum videlicet apostolorum imitatores, stantes  
in conspectu Dei, aperientes videlicet sigillatas  
prophetarum litteras, et datae sunt illis septem tubæ,  
id est officium prædicandi. In hac tertia visione  
sunt materia septem angeli canentes tubis ad do-  
structionem inimicorum Ecclesiæ, ad similitudinem  
illorum sacerdotum, qui canentes tubis, destruxe-  
runt mœnia urbis Jericho, in qua visione intentio  
satis patet. Quasi diceret : Cum intellexissem sal-  
vationem justorum, ex alia parte intellexi damna-  
tionem impiorum per officium prædicationis servis  
Dei injunctum.

VERS. 3.— Et alius angelus venit, et stetit juxta  
altare habens thuribulum aureum. Alius angelus  
Christus intelligitur, qui venit, id est humanitatem  
sibi univit, et stetit ante altare, paratus videlicet  
seipsum in ara crucis immolare, habens thuribulum  
aureum, id est corpus plenum divinitate. Vel thu-  
ribulum aureum sunt apostoli, qui sunt vasa ignis,  
id est sancti Spiritus, et de quibus exeunt oratio-  
nes, quæ elevantur coram Deo. Et data sunt illi  
incensa multa, a sanctis videlicet offeruntur Chri-  
sto, vel per Christum orationes Deo Patri accepta-  
biles, ut daret, id est ut repræsentaret eas Patri,  
non omnes, sed de orationibus sanctorum, quæ Deo  
placent, quia aliquando petunt quod petendum non  
esset : super altare aureum, id est Deo Patri, qui  
est supra se, quod est ante thronum, videlicet in  
beneplacito, Dei Patris sedentis in throno.

VERS. 4.— Et ascendit fumus incensorum de or-  
tionibus sanctorum de manu angeli coram Deo. Ac  
si patenter dicat : Quia illi data sunt incensa mul-  
ta, igne Dei interior accenso, ascendit fumus incen-  
sorum, id est compunctio procreata orationis stu-  
dio, procedens de orationibus sanctorum de manu  
angeli, scilicet per manum Christi, et hoc coram  
Deo Patre. Et iste angelus, scilicet Christus.

VERS. 5.— Accepit thuribulum aureum, aposto-  
los videlicet et evangelistas, eorumque imitatores,  
et implevit illud de igne altaris, scilicet eodem spi-  
ritu, quo ipse plenus erat ad illuminationem gen-  
tium, et misit in terram, in eos videlicet, qui erant  
apti ferre fructum. Et facta sunt ab illis Christi  
præconibus tonitrua, id est prædicationes æternas  
pœnas comminantes. Unde est illud : Omnis arbor,  
quæ non facit fructum bonum, excidetur, et in ignem  
mittetur (Matth. iii). Et voces, dulces videlicet  
suasiones ad fidem introductoræ, unde dicitur :  
Beati mundo corde, quoniam ipsi Deum videbunt  
(Matth. v). Et fulgura, id est miracula quibus U-  
deles et ad vitam præordinati illuminantur, infideles  
vero excæcantur, assignantes ea potius diabolo quam  
Deo, et terræmotus magnus, terreni scilicet homi-  
nes sunt valde moti per eorum prædicationem alii  
ad fidem venientes, alii ad persequendum eum et  
suos.

VERS. 6.— Et septem angeli, id est universi  
prædicatores apostolos imitantes, qui habebant sep-  
tem tubas præparaverunt se, prius videlicet imple-  
verunt opere, quæ prædicaturi erant ore, ut tubæ  
canerent, prius scilicet emendaverunt se, ut postea  
alios emendarent; vel præviderunt quid unicuique  
personæ conveniret. Isti angeli, id est prædicatores  
qui erunt post mortem Antichristi, ita reducent  
memoriæ persecutionem illam, quæ fuit in primo  
statu Ecclesiæ, ut reliquiæ, quæ salvandæ sunt,  
habeant, inde exemplum patientiæ. Quasi dicerent :  
O vos reliquiæ Israel, sic credite et prædicare, si-  
cut apostoli eorumque imitatores crediderunt et  
prædicaverunt de Christi incarnatione, nativitate,  
passione, et resurrectione, etc.

**VERS. 7.** — *Et primus angelus tuba cecinit, et facta est grando, et ignis mista in sanguine, et missum et in terram.* Ac si diceret : *Et primus angelus, scilicet qui superius fuit equus albus, ordine videlicet narrationis; vel quia prius contigit excæcatio Judæorum, prædicantibus apostolis, tuba cecinit, id est prædicavit, et in prædicatione ejus facta est grando, et ignis mista, scilicet ista duo, in sanguine.* Quæ figura significavit hoc, quod primi prædicatores annuntiaverunt grandinam, id est, iram contudentem et comminuentem; id est occidentem in redulos in hoc sæculo; et ignem, id est æternam damnationem in alio; et missum est in terram, videlicet in Judæos qui per legem et prophetas exculti erant. *Et tertia pars terræ, id est terrenorum, combusta est, a Deo videlicet excæcata, et ministris ejus damnata.* Duæ partes justorum, perfecti et minus perfecti, omnes vero reprobi tertia parte intelligendi sunt. *Et tertia pars arborum, id est philosophorum, quorum duæ partes sunt, magis scilicet et minus sapientes, est combusta, hic et in futuro ab ira Dei. Et omne fenum viride combustum est.* Omnes videlicet in flore mundi quiescentes feno comparantur, et cito ardebunt. Quo contra qui de panibus Domini reficiuntur, super fenum discumbunt, quia omnes in se voluptates carnales comprimunt (*Matth. xiv*).

**VERS. 8.** — *Et secundus angelus, scilicet post apostolos, id est equus rufus, tuba cecinit; et tanquam mons magnus igne ardens missus est in mare.* *Et secundus angelus, inquit, ordine narrationis tuba cecinit, id est prædicavit, et tanquam mons magnus, diabolus scilicet, qui pro elatione mons dicitur, igne invidiæ ardens, ad nocendum missus est in mare, videlicet in gentilem populum carnalibus vitiis fluctuantem; in quo cum antea esset, nunc missus dicitur, quia, quibusdam recedentibus, alios retinere nititur.* Secundum igitur quod impletum fuit Judæis excæcatis et apostolis ad gentes conversis, duæ partes, perfecti scilicet et imperfecti erederunt; tertia, id est omnes reprobi, dati sunt in reprobam sensum.

**VERS. 9.** — *Et facta est tertia pars maris sanguis, id est peccatores, et mortua est, id est excæcata, tertia pars creaturæ illorum, scilicet gentiliū qui aliis dignior reputabantur pro quibusdam bonis operibus, quæ habebant animas, id est discretionem, et tertia pars navium, scilicet alios gubernantium.* Quia igitur diabolus omnes Judæos et gentiles excæcare non potuit, immisit hæreticos.

**VERS. 10.** — *Et tertius angelus tuba cecinit: et cecidit de caelo stella magna, ardens, tanquam facula, et cecidit in tertiam partem fluminum, et in fontes aquarum.* Tertius angelus, ordine videlicet narrationis tuba cecinit, et in prædicatione ejus continebatur istud: *Cecidit de caelo stella magna, id est diabolus invidens, non quod luceat, sed quia se in angelum lucis transfiguravit, ardens tanquam facula: incendit videlicet, destruit, et consumit se*

et alios: et cecidit in tertiam partem fluminum et in fontes aquarum, depravando per hæreticos Evangelia et rationes nostræ fidei. Fontes dicuntur, ubi summa et quasi totius fidei origo comprehenditur, sicut est Evangelium. Flumina vero, quæ inde trahuntur, sunt expositiones sanctorum, in quibus sunt duo sensus fidelium, historialis videlicet, et allegoricus; tertius est hæreticorum, cum suas hæreses pravis confirmant expositionibus Scripturarum.

**VERS. 11.** — *Et nomen stellæ, id est hæreticorum, dicitur absinthium propter amaritudinem. Et facta est (erroris hæreticorum) tertia pars aquarum, id est Scripturarum, in absinthium, id est in amaritudinem: et multi hominum irrationabilium mortui sunt in animabus de aquis, id est ex doctrina hæreticorum, quia amare factæ sunt, sine sapore scilicet charitatis.* Per absinthium doctrina hæreticorum perversa exprimitur, quia per suam falsitatem dulcedinem fidei convertunt in amaritudinem perfidiæ, et erroris, atque malæ operationis: quia illorum omnis operatio et doctrina in amaritudinem versa est.

**VERS. 12.** — *Et quartus angelus, ordine videlicet narrationis, id est equus pallidus hypocritarum, tuba cecinit: et percussa est, scilicet excæcata subtractione gratiæ, tertia pars solis, id est omnes majores et doctiores, et tertia pars lunæ, videlicet minores, et tertia pars stellarum, id est simpliciores, ita ut obscuraretur tertia pars eorum, amitteret videlicet cognitionem et bonam operationem; nam partem illam novæ legis vel veteris, quam ipsi hæretici prædicabant, male eam interpretando tertiam faciabant; et diei non luceret pars tertia, illuminati videlicet a majoribus novæ legis, et noctis similiter id est illuminati a minoribus veteris legis.* Cum enim diabolus quosdam de Judæis et gentilibus excæcasset, quosdam in hæresim convertisset; tandem ipsos Ecclesiæ filios expugnare aggressus est, et quosdam tam de majoribus quam de minoribus rapuit. *Percussa est, inquit, tertia pars solis, et tertia pars lunæ, et tertia pars stellarum.* In sole quippe apertus error hæreticorum ostenditur, in luna vel stellis occultus: quia quidam illorum apertis, quidam vero occultis persuasionibus in abditis quos possunt decipiunt (*Exod. vii*). *Ut obscuraretur, ait, tertia pars eorum.* Hæretici prius vulnerantur in mente occulte, postea vero obscurantur, quando ab Ecclesia expelluntur et anathematizantur aperte.

Has quatuor damnationes quasi præteritas narravit, utpote quæ quotidie videntur in Ecclesiis, tres vero secuturas prænuntiare facit, ut doceat futuras in novissimis temporibus, et graviores præteritis, quod etiam ad consolationem præsentium potest redigi. Sed ne talium perditio ad Deum referatur, hoc quod de præfatis luminaribus dicitur: *Percussa est tertia pars eorum, ut obscuraretur.* Sic intelligatur, sicut cor Pharaonis ab ipso indurari

dicitur, onus duritia per ipsum mihi ericorditer non emollitur (*Exod. vii*). Non enim solis culpa est, quod suis radiis lippientibus oculis cæcitatem infundit; sed magis ad oculorum vitia referendum est, qui ex lumine tenebescunt. Omnipotens vero Deus bene utens etiam malis nostris, multa bona ex his operari consuevit; excitavit enim doctores Ecclesiæ eror schismaticorum ad defendendam veritatem fidelium, quia procul dubio nequaquam ad differendas Scripturas tanto studio vacassent, si erroris mendacium veritatis resistens non increvissent. Iterum subsequenter ait:

**VERS. 13.** — *Et vidi, et audivi vocem unius aquilæ volantis per medium cælum, dicentis voce magna: Væ, væ, væ habitantibus in terra!* Ac si aperte dicat: *Vidi, et audivi*, id est firmiter intellexi *vocem unius aquilæ*, prædicationem videlicet unius ordinis prædicatorum, *volantis*, subtiliter, id est spiritualiter considerantis medulam legis, quæ celat, id est continet secreta Dei, *per medium cælum*, id est Ecclesiæ quæ celat in se divina sacramenta, *dicentis voce magna* in toto mundo, vel magna stabilitate, sive quia in omnem terram sonuit omnibus metuenda. Aquila omnes prædicatores designat, qui mente longinqua conspicuat, et Ecclesias circumcunctes prædicando futura manunt; qui omnes unum sunt, quia ad idem tendunt. Aperte quippe sancta Ecclesia aquila dicitur, quia calcetis terrenarum voluptatum desideriis intima contemplatione ad cælestia sublevarur. Per medium cælum pennis contemplationis volat Ecclesia, quia hinc inde orbem terrarum in electis possidet. Sed quid vox aquilæ denuntiet, audiamus. *Væ, væ, væ habitantibus in terra!* Ac si patenter dicat: *Væ gentilibus, væ Judæis, væ hæreticis habitantibus in terra*, non filiis Ecclesiæ, *de cæteris vocibus trium angelorum, qui erant tuba canituri*; nam de septem angelis quatuor jam dicti sunt officium suum complevisse, tres vero adhuc tria væ exposituri sunt.

#### CAPUT IX.

**VERS. 1.** — *Et quintus angelus, ordine videlicet narrationis et temporis tuba cecinit.* Hoc prædicat iste angelus, quod cecidit diabolus, hic est ergo damnatio eorum quos diabolus mittit ad præparandas vias Antichristi. *Et vidi*, inquit, *stellam*, id est diabolum qui vocabatur Lucifer, propter magnam quam illi Deus dederat claritatem, *de cælo*, id est de societate bonorum angelorum, *in terram cadentem*, scilicet in terrenis dominantem, et ne quis mortalium ad locum illius ascendere possit totis viribus laborantem. Flamma hæreticorum, de qua superius pauca dixerat; de quo fonte [*f. fonte*] creverit, exponit dicens: *Et data est ei clavis*, potestas videlicet et facultas obscuræ doctrinæ; *putei abyssi*, scilicet ad infernum ducens. Abyssi tenebrosi puteus profundiores hæretici sunt, quia alios mergunt pravis sententiis. In his ergo clavem, id est potestatem accipere dicitur, quia tunc non sicut

A modo a Deo refrenabitur. Vel clavis principes æculi sunt, per quos hæretici multa mala operantur; quia non auderent tanta et talia loqui, nisi temporali potentia fulti fuissent.

**VERS. 2.** — *Et aperuit puteum abyssi: et ascendit fumus putei, sicut fumus fornacis magnæ, et obscuratus est sol, et aer de fumo putei.* Quasi diceret: *Aperuit*, diabolus, *puteum abyssi*, hæreses videlicet quæ latebant in cordibus pravorum hominum, id est in propatulo habuit hæresiarum doctrinam suam, et ita multos subvertit; *et ascendit fumus putei* excrucians, videlicet doctrina illorum manifestata est, quæ lumine veritatis caret, *sicut fumus fornacis magnæ*, id est similis doctrinæ Antichristi, qui est fumus purgans bonos, et in cinerem redigens malos; *et per hoc obscuratus est sol*, lex scilicet ab hæreticis vilis habita est; *et aer*, id est Ecclesia, *de fumo putei*, per obscurantem videlicet doctrinam hæreticorum. Fornax magna novissima est vexatio tempore Antichristi futura. *Obscuratus est, inquit, sol, et aer de fumo putei*; quia sicut aer neque in terra est nec in cælo, sed in medio; ita Ecclesia fidelium nec in terra est, quia terrena despicit; nec in cælo corporaliter, sed quasi in medio, ita ut a terra elevetur, et ad cæli sublimia erigatur.

**VERS. 3.** — *Et de fumo per totum mundum exierunt locustæ, discipuli videlicet hæreticorum salientes de hæresi in hæresim, corrodescentes segetem Ecclesiæ.* Recte discipuli hæreticorum locustis comparantur, quia neque volant in altum per cognitionem, nec firmiter gradiuntur per bonam operationem, sed superbia saliant, et in deterius cadunt, quia sunt corrosores bonorum. *Et data est locustis potestas, sicut habent potestatem scorpiones terre*, qui vultu apparent innoxii, cauda gravissime nocent. Scorpio blandus est facie, cauda percussit occulte. Ideo igitur hæreticos scorpioni comparat, quia sicut scorpions, quando pungit, non sentitur; postea, vero paulatim venenum diffunditur; sic decepti ab hæreticis non sentiunt, sed tandem perimuntur. Et quia Deus hæreticorum refrenat dolos, licet ipsi non intelligant.

**VERS. 4.** — *Præceptum est illis, ne morte animæ læderent fenum terræ; rudes videlicet, et ad decipiendum faciles, neque omne viride*, homines scilicet jam provectos, *neque omnem arborem*, jam videlicet bonis operibus fructificantes, *nisi tantum homines*, id est nullum penitus, nisi illos, *qui non habent in veritate signum Dei vivi* quod est charitas, per quod signantur filii Dei, *in frontibus suis*; illi videlicet, qui non audent in aperto confiteri se esse Christianos.

**VERS. 5.** *Et datum est illis, ne occiderent eos; sed ut cruciarentur mensibus quinque.* Ac si diceret: Non dabit illis Deus potestatem, ut aperte corpora interficiant, neque occulte ut animas decipiant; sed ut crucient eos mensibus quinque, id est omni tempore præsentis vitæ quo utuntur quinque sensibus corporis. *Et cruciatus eorum*, sicut *cruciatus*

*scorpium cum percutit hominem*; quia cum data sit eis A potestas cruciandi filios Ecclesie, non tamen aperte tormenta irrogant, sed apud sæculi principes eos accusant, quia per se non audent.

VERS. 6. — *Et in diebus illis, timentes lapsum, quærent homines mortem, desiderabunt videlicet martyrium, et non invenient eam, scilicet ut probabilius redilantur; et desiderabunt mori, et esse cum Christo (Philip. 1), et fugiet mors ab eis; quia cura gregis astringet labori, ideoque servabuntur ad pœnani. Cum ostendisset qualiter nocerent, per dolos videlicet, et per occultam impugnationem, et in utroque Dei refrenationem; nunc ostendit quales ipsi sint, et per quod operari possint. Dicit itaque beatus Joannes in qua similitudine se ostendent, ut melius cognoscantur, et solertius B vitentur.*

VERS. 7. — *Et similitudines locustarum similes equis paratis in prælium. Ac si aperte dicat: Non vere locustæ, sed similes locustarum erant, similes equis paratis in prælium, quia veloces ad discurrendum, et feroces ad impugnandum, et non prævident in quos incurrant, sive in cives, sive in hostes. Et super capita locustarum, id est in mentibus earum, ubi et in se, et coram aliis superbiunt, tanquam coronæ similes auro, id est victoriæ suis falsis sententiis et disputationibus acquisitæ. Vel coronæ similes auro super capita locustarum, id est super doctores, et magistros et rectores hæreticorum, super priores scilicet hæreticos acquisitæ per non veram sapientiam, sed per falsitatis figmenta. Et facies earum, id est vultus, sicut facies hominum. Ac si patenter dicat: Per hanc falsam similitudinem nocent, quia demonstrant se homines et pios, cum intus potius sint ferini et bestiales. Dicunt se esse rationales, quia licet erroris doctores sint, aliqua tamen vera intermiscant, ut magis decipiant. Alia etiam vera similitudo proponitur.*

VERS. 8. — *Et habebant capillos sicut capillos mulierum; et dentes earum sicut leonum erant. Quasi diceret: Habebant capillos, id est mores lapsos et effeminatos, qui eis inseparabiliter adhærent, et ab eis ad deceptionem aliorum dependent, sicut capillos mulierum, sicut mores videlicet mulierum sunt molles et flexibiles in omne vitium; vel discipulos sibi adherentes ad omnia vitia pronos. Et dentes earum, id est ipsi alios laniantes, sicut leonum erant: laniatum videlicet et fectorem leonum habebant. Per facies hominum et capillos mulierum uterque sexus exprimitur; quia illi non solum deciperunt viros, sed etiam mulieres. Unde et ipsæ mulieres defendebant illos, sicut soror Constantini quæ Arium revocavit ab exsilio, et Justina quæ defendebat doctrinam Arii.*

VERS. 9. — *Et habebant loricas ferreas, id est corda obstinata, quæ sagitta veritatis non penetrat; vel sententias deceptionibus munitas, quas confringit veritas. Et vox alarum earum, id*

est tumultus sententiarum, quem faciunt postquam ratione desciunt, sicut vox currum equorum multorum currentium in bellum. Sicut diversi currus diversis viis a diversis equis ad idem bellum rapiuntur; sic hæretici, licet diversis hæresibus, unanimiter Ecclesiam impugnant. Volunt enim hæretici assimilare falsam doctrinam suam prædicationi fidelium, qui currunt per totam Ecclesiam quatuor rotis quatuor Evangeliorum ad spirituale præmiium.

VERS. 10. — *Et habebant caudas similes scorpionum; quia quamvis assimilarent se bonis prædicatoribus, tamen in cauda, id est in fine locutionum suarum, habebant aculeos quibus nocebant. Vel postquam non valet ratio nec tumultus eorum, quærent auxilium principum; qui caudæ dicuntur, quia ut astringant, terrent et blandiuntur, et latenter pungunt. Et aculei, id est peccatum, quia peccare faciunt, in caudis earum, in fine videlicet verborum suorum. Potestas earum nocere hominibus malis mensibus quinque, id est secundum quinque corporis sensus omnibus diebus vitæ suæ. Sed nihilominus hanc potestatem non habebunt a se, nisi a Deo permittente. Ostenso quales in se sunt, monstrat etiam per quem hæc possint, dicens:*

VERS. 11. — *Et habebant super se regem angelum abyssi, id est, diabolus dominantem in terrenis, cui nomen Hebraice Labadon, Græce autem Apollyon, et Latine habet nomen Exterminans. Ac si diceret: Cavete vobis ab hoc malo angelo, o Hebræi, Græci et Latini, quia Christi Evangelium his tribus linguis scriptum est, et receptum. Quod in quibusdam codicibus scriptum invenitur Abadon, ubi scilicet primum est A, falso scriptum est et vitio scriptorum, sed L, primum est ibi ponendum, et Labadon dicendum, sicut beatus Hieronymus dicit in Hebraicis interpretationibus. Idem malignus abyssi angelus Latine habet nomen Exterminans, scilicet a patria vitæ; quia sicut Christo congregandi, sic diabolo congruit nomen exterminandi. Unde est illud: Qui non colligit mecum, dispergit (Luc. xi).*

VERS. 12. — *Væ unum abiit, et ecce adhuc veniunt duo vae, id est duæ persecutiones, post hæc. Væ aliquando significat temporalem miseriam atque afflictionem, aliquando vero æternam damnationem. De temporali afflictione ait Dominus in Evangelio: Væ mundo a scandalis (Math. xviii). Et iterum: Væ prægnantibus, et nutriendis in illis diebus (Math. xxiv). Et beatus Job: Si impius fuero, vae mihi est; si autem justus, non levabo caput. saturatus afflictione et miseria (Job x). Væ iterum æternam damnationem significat, ubi scriptum est: Væ impio in malo; retributio manuum ejus fiet ei (Isaï. iii). Unde etiam ait Dominus in Evangelio: Væ vobis, qui ridetis nunc; quoniam lugebitis et fletibus (Luc. vi). Item ipse: Vermis eorum non morietur, et ignis eorum non exstinguetur (Marc. ix). Et iterum: Discedite a me, maledicti, in ignem æternum etc. (Math. xxv), Aquila vero volans per medium*



cælum tria vae prædixit ventura, quorum unum abuisse dicitur in narratione præcedenti vel tribulatione quæ facta est temporibus sanctorum apostolorum et martyrum. Adhuc ergo, duo vae restare dicuntur, vel narranda, vel posteriori tempore sub Antichristo adimplenda. Sequitur :

**VERS. 13.** — *Et sextus angelus*, ordine videlicet narrationis et temporis *tuba cecinit*; ordo scilicet prædicatorum sexti status, sive Christus. Hic est enim damnatio malorum, qui tempore Antichristi erunt. *Et audivit vocem unam ex quatuor cornibus*, id est propter quatuor Evangelia quæ de Christi divinitate et humanitate prædicant, *cornibus altaris aurei*, ubi sanguis ponebatur, super quod quiddam offertur, a Deo Patre libentissime accipitur, *quod est ante oculos Domini*, a quo semper clarissimo respectu illustratur. Unde ait Psalmista: *Ecce oculi Domini super justos, et aures ejus ad preces eorum* (Psal. xxxiii).

**VERS. 14.** — *Unam*, inquit, *vocem dicentem sexto angelo*: præcones videlicet præteriti temporis præmonent illos, qui tempore Antichristi erunt quid sint facturi; *angelo, dico, qui habebat tubam*, existenti scilicet in prædicatoribus sexti status. Altare Christus, dicitur, cornua altaris prædicatores Christum sublevantes, et pro eo mori parati, sicut sanguis ponebatur in cornibus altaris. Vel altare est Ecclesia Deo sese immolans, in qua sunt cornua, id est, defensores aliorum, qui omnes ad idem tendunt (Lev. iv). Vel quatuor altaris cornua, quatuor sunt Evangelia; quæ Antichristi fraudes detegere docent. Bene autem altare aureum dicitur, quia profecto Ecclesia justorum sempiterna Dei sapientia illustratur. De qua Salomon ait: *Accipite sapientiam sicut aurum* (Prov. xvi), in hoc quod sanguis fundebatur super cornua altaris, significabantur sancti martyres pro Christo cruore proprio abluendi. Sed quid vox a quatuor altaris cornibus exiens dicat, audiamus: *Solve quatuor angelos, qui alligati sunt in flumine magno Euphrate*; ac si vox altaris sexto angelo diceret: *Solve*, id est prædica, omnes illos diabolos esse solutos, qui habentes potestatem nocendi habitantibus in quatuor mundi partibus, sunt adhuc alligati a Domino in magno flumine Euphrate, in potentibus videlicet et divitiis hujus sæculi de vitio in vitium defluentibus; ut qui in eis erant quasi alligati, per eos sibi spiritus apertius operentur. Ipsi quippe immundi spiritus in quatuor mundi partibus regnantes, tempore Antichristi solventur, qui in adventu Dei et hominis Jesu Christi refrenati fuerant. Vel solve, id est prædica esse solutos, ut caveant sibi electi, sicut in Evangelio legitur de siculnea: *abscide illam* (Luc. xiii), id est prædica abscidendam. Quoniam Euphrates magnus fluvius est et profundissimus, et de amœnis paradisi sedibus descendens, per ipsum magnam et profundissimam Dei potentiam intelligitur. Vel quia currit per Babyloniam, significat confusam et profundissi-

am doctrinam hæreticorum, vel ipsos esse in profunditate vitiorum.

**VERS. 15.** — *Et soluti sunt quatuor angeli, qui parati erant interficere filios Dei in horam*, id est in pueritia, et diem, scilicet in dolestia [f. adolescentia], et mensem, id est in juventute, et annum, scilicet in decrepita ætate. Vel parati erant in horam, id est continue per medietatem anni, et diem, scilicet per annum; et mensem, videlicet per secundum annum, et annum, id est per tertium annum. Nam per tres annos et dimidium Antichristi persecutio perdurabit. Erant itaque parati in horam, ut dictum est, et diem, et mensem, et annum, ut occiderent tertiam partem hominum, id est omnes reprobos.

**VERS. 16.** — *Et numerus illius equestris exercitus vicia millies*, id est per viginti mille vices, erat destruens dena millia. *Audivi*, id est intellexi, *numerum eorum*, quod plures essent quam boni. Dena millia significant sanctos viros ex præceptis legis et Evangelii perfectos, contra quos duplex numerus ponitur malorum, quia mali plures sunt quam boni. Vel duplex, quia ex malignis spiritibus, et reprobis constat hominibus. Ordo itaque exercitus hæreticorum erat destruens dena millia, id est perfectionem decem præceptorum, *per vicia*, id est, per bis decem; et per bis mille, quia malorum exercitus ex malignis spiritibus et reprobis hominibus multiplicatur. Isti numeri, scilicet vicia millies, multiplicatio est irregularis, sicut et septuagies septies; quia est ex duobus adverbis, quæ deberet esse ex nomine et adverbio sic: Vicia mille, vel millies viginti, sicut septuagies septem, sive e converso septies septuaginta.

**VERS. 17.** — *Et ita vidi equos in visione, et qui sedebant super eos, habentes loricas igneas et hyacinthinas, et sulphureas*. Ac si aperte dicat: Sicut intellexi, quod ad destructionem aliorum equitabant, sic intellexi, quod per diabolum hæc faciebant, quem sicut equi portabant. Vel diaboli sunt equi super quos fundantur mali: *et qui sedebant super eos*, id est diaboli, vel impii super diabolum fundati, *habentes loricas igneas*, sententias videlicet quæ ad infernum ducunt, *et hyacinthinas*, id est lapidis fumidi coloris, *et sulphureas*. In Deum scilicet fetidas blasphemias. *Sedebant*, inquit, *super eos*, id est eminebant eos sententiis, de quibus sequitur æterna pœna, ubi est ignis, et fumus, et fetor. Vel habentes loricas, id est æternas pœnas, quæ nunquam dimittunt, quos accipiunt. Hyacinthus est subnubilus, per quod intelligitur fumus idololatriæ, qui a longe clarior videtur; nam malorum vita non vult sub luce videri, quia secundum Domini sententiam: *Omnis, qui male agit, odit lucem* (Joan. iii). Per colorem ergo fumi, qui solet exire de sacrificiis idolorum, notatur idololatria. *Et capita equorum*, id est majores inter ministros dæmonum, *erant tanquam capita leonum*, quia laniant, et fetent, et pœnis homines confiteri

vogunt. *Et ex ore*, id est ex prædicatione ipsorum aperte mala, *procedit ignis invidiæ*, et sulphur, fetor scilicet blasphemiarum, et fumus idololatriæ. Aliter: ignis est cupiditas, fumus superbia, sulphur fetor malorum operum. Superius in plaga locustarum vidit facies hominum, hic leonum; quia hæretici aliquid humanitatis ostendunt, ministri vero Antichristi, quod docent dictis, et signis, hoc etiam pœnis cogunt confiteri.

VERS. 18. — *Ab his tribus plagis occisa est*, facta videlicet prava, *tertia pars hominum*, scilicet de igne, fumo, et sulphure, quæ procedebant ex ore ipsorum, id est ex prava et aperta persuasione eorum. Hæc repetit, ut ea in memoria habeamus, ut nobis inde melius cavemus.

VERS. 19. — *Potestas enim egnorum*, id est hæreticorum, *in ore eorum est*, scilicet in mala prædicatione, et *in caudis eorum*, quia, si aperte nequeunt, occultis deceptionibus nocent. Vere potestas hæreticorum est in ore ipsorum, quia, quos non possunt decipere per pravitatem erroris, decipiunt per hujus sæculi principes. Et vere in caudis habent potestatem: *nam et caudæ eorum similes sunt serpentibus*, quia blandiuntur in facie et occulte venenum immittunt; *habentes capita*, alios scilicet majores qui graviter mordent, et in his nocent.

VERS. 20. — *Et cæteri homines*, qui omnino expertes sunt Christianæ fidei, *qui non sunt occisi*, id est quamvis non sint occisi in his plagis, *neque pœnitentiam egerunt de operibus manuum suarum*, de cæteris videlicet criminibus non prædictis, quæ male cogitaverunt et opere perfecorunt, ita ut post peractam pœnitentiam, *non adorarent dæmonia*, et simulacra aurea, et argentea, et ærea, et lapidea, et lignea, quæ ideo non sunt adoranda, quia *neque videre possunt, neque audire, neque ambulare*.

VERS. 21. — Et vere de operibus suis non egerunt pœnitentiam, id est de homicidiis apertis, *neque a beneficiis suis*, scilicet ab occultis homicidiis, *neque a duplici fornicatione sua*, ab immunditia videlicet et ab idololatria, *neque a furtis suis*; a Deo tamen mortui sunt in anima. Tertia itaque pars, id est omnes reprobi de Ecclesia, similiter omnes Judæi et pagani, qui nunquam fuerunt baptizati, quamvis non fuerunt in his supradictis plagis mortui; tamen in animabus sunt mortui, et a Dei regno alieni.

#### CAPUT X.

VERS. 1. — *Et vidi alium angelum fortem descendentem de cælo amictum nube*, et *iris in capite ejus*. Ac si patenter dicat: *Vidi alium angelum fortem*, paternæ scilicet voluntatis nuntium, diabolo autem ejusque membris contrarium per memoriam et fidem fortem in cordibus fidelium. Fortis dicitur, quia ad debellandas venit aerias potestates. Unde Psalmista ait: *Dominus fortis et potens, Dominus potens in prælio* (Psal. xxiii). *Descendentem*, se videlicet humiliantem assumptione humanitatis, *de cælo*, id est de cognitione angelorum,

vel quia se hominibus cognoscibilem fecit. Descensio ejus humilitas fuit incarnationis. *Amictum nube*, latentem scilicet carne, quod est nobis refrigerium contra vitia; *et iris in capite ejus*, quia Deus erat in Christo mundum reconcilians sibi (II Cor. v). Super nubem levem Dominus ascendit, quando carnem sine peccati gravitudine assumpsit. *Et facies ejus erat ut sol*: id est cognitio quam de illo habent fideles, est clara, sicut sol; quia qui verum habet de eo cognitionem, credit eum esse Deum. Per faciem ergo angeli incarnatio Filii Dei exprimitur, per quam habemus cognitionem de eo. Unde ait Psalmista: *Ostende nobis, Domine, faciem tuam, et servi erimus* (Psal. lxxix). *Et pedes ejus tanquam columna ignis*. Pedes Domini fideles sunt fortes in fide, divino igne accensi, et sicut columna alios sustentantes.

VERS. 2. — *Et habebat in manu sua libellum apertum*, omnes videlicet Scripturas operatione sua completas, partim prædicando, partim, quæ de se dicta erant, complendo, tandem suis discipulis sensum aperiendo. Manus illius operatio est nostræ salutis. *Et posuit pedem suum dextrum*, id est firmiores prædicatores, *supra mare*, id est, supra majores et inundatioris hujus præsentis sæculi tribulationes; *sinistrum autem super terram*, id est minus fortes ad patiendum mala, et minus agiles ad operandum bona mittit in terram, scilicet inter minus inundantes tribulationes. Et ipse angelus per eosdem majores atque minores prædicatores.

VERS. 3. — *Et clamavit voce magna*, de magnis videlicet agente, tamen terribiliter, *quemadmodum leo cum rugit*. Vox leonis ostendit ejus virtutem, et infert terrorem. *Et cum clamasset*, ideo scilicet quia isti ab eo missi prædicaverunt, *locuta sunt septem tonitrua*, id est universi successores terrorem inferentes, *voce suas* tempori eorum congruas. Terret cum dicit: *Omnis arbor, quæ non facit fructum bonum excidetur, et in ignem mittetur* (Matth. iii).

VERS. 4. — *Et quæ locuta sunt septem tonitrua, scripturus eram*. Hic fert personam eorum, qui tempore Antichristi volent prædicare ex præcedentium Patrum imitatione. *Et audivi vocem de cælo*, divinam scilicet inspirationem, vel angelicam admonitionem, *dicentem*, id est exponentem, *signa*, id est sigilla, quæ locuta sunt septem tonitrua ut amicis pateant, et inimicos lateant, *et noli ea scribere*, id est manifestare infidelibus, in quibus locum non habent. Ac si patenter dicat: *O vos Ecclesia prædicatores, ne miseritis margaritas ante porcos* (Matth. vii).

VERS. 5. — *Et angelus, quem vidi stantem supra mare, et super terram, levavit manum suam ad cælum, et juravit per viventem in sæcula sæculorum*. Quasi diceret: *Levavit*, id est exaltavit Christus, *manum suam*, scilicet humanitatem suam, ad cælum, per quam Deus Verbum sibi unitum

operabatur, tanquam manu, et juravit, id est A est intelligentiam Scripturarum. Jubentis quippe firmavit per se ipsum exaltatum, et per Deum Patrem suum viventem in sæcula sæculorum.

VERS. 6. — *Qui creavit cælum, et ea quæ in illo sunt : et terram, et ea quæ in illa sunt : et mare, et ea quæ in eo sunt ; quia tempus, scilicet variatio, id est modo nox, modo dies, modo prosperitas, modo adversitas, modo mors, modo vita, non erit amplius, quantum ad suos fideles, quia immortales et impassibiles efficientur in æterna beatitudine, cum econtra tempus malorum sit in sæcula. Justis tempus non erit, id est mutabilitas aliqua, quia immutabiles erunt in mente, et incorruptibiles in corpore. Tempus quippe est vicissitudo dierum ac noctium, ideoque ibi tempus non erit, ubi nulla varietas cujuslibet rei apparebit, sed semper apud eos claritas et lux indeficiens permanebit.*

VERS. 7. — *Sed in diebus vocis septimi angeli, cum cœperit tuba canere, id est cum prædicare cœperit, non differetur, sed statim consummabitur, id est implebitur, mysterium Dei, remuneratio videlicet sanctorum; quod mysterium est secretum, quia nec oculus vidit, nec auris audivit quæ præparavit Deus diligentibus se (Isa. LXIV). Sicut evangelizavit per servos suos prophetas; quia videlicet prima intentio prophetarum fuit de adventu Domini, secunda de consummatione sæculi. Ostensa igitur destructione, quæ erit tempore Antichristi, et inde etiam prædicatione substracta, C et ad hoc fidelibus consolatione adhibita, mœnetur quæ vidit prædicare. Quasi sibi diceretur aperte : Ecce tibi revelavi omnia, modo vade et prædica; nec quia sunt aspera paveas, nec terrearis pro tribulatione aliqua; quia non tanta patieris quanta patientur qui tempore Antichristi perseverabunt. Hoc ad consolationem præsentis Ecclesiæ hic apponitur, ubi major tribulatio prænuntiatur.*

VERS. 8. — *Et vocem, id est divinam admonitionem, audivi de cœlo, de eisdem, iterum loquentem, id est agentem mecum, et dicentem, rationes videlicet reddentem. Ac si apertius diceret : O Joannes, quia mysterium hujus momentaneæ persecutionis et remunerationis cito consummabitur; vade, et accipe librum apertum de manu angeli : id est prædica filiis Ecclesiæ, quæ audisti et vidisti. Ac si aperte dicat : Vade gressibus virtutum, et promerere Dei gratiam, et per eam intellige, quia revelabit tibi omnia; accipe librum apertum, scilicet Evangelii, id est Scripturam a Deo completam et fidelibus monstratam, de manu angeli, videlicet per operationem Christi, stantis super mare, et super terram, parati adjuvare ad se accedentes.*

VERS. 9. — *Et abiit ad angelum, dicens ei, ut daret mihi librum. Et dixit mihi : Accipe et devora illum. Ac si patenter dicat. Ampliavi mentem, et abiit ad angelum, sicut obediens, relinquendo omnia quæ habebam, dicens ei ut daret mihi librum, id*

est intelligentiam Scripturarum. Jubentis quippe Domini vocem paratissimus sequitur sanctorum effectus [Fors. cœtus] oratione et operatione. Et quia Deus si quem paratum videt, quod necessarium est, sponte se offert; dixit mihi angelus : *Accipe librum, tibi videlicet incorpora, et devora illum, id est tracta inquirendo et operando, et aliis distribue. Et tamen quia implere, grave est humanitati, quæ mollis et fragilis est; faciet amaricari ventrem tuum, sed placebit cogitando et prædicando in ore tuo : id est, in tuis perfectioribus discipulis per quos tu loqueris, erit dulce tanquam mel.*

VERS. 10. — *Et accipi librum de manu angeli, id est operationem Christi sequendo, et devorari eum, et amaricatus est venter meus. Sanctos prædicatores habemus, qui die ac nocte in lege Domini meditantur, et possunt dicere cum Psalmista : Quam dulcia faucibus meis eloquia tua, super mel ori meo (Psal. cxviii). Et cum accepissem librum, licet amara sentirem, monuit tamen, ut nec timore mortis prædicare desisterem, dicens mihi : Quia de carcere, de insula scilicet Pathmos exibis.*

VERS. 11. — *Oportet te iterum prophetare populis, et gentibus, et linguis, et regibus multis.*

#### CAPUT XI.

VERS. 1. — *Et datus est mihi calamus, scilicet Scriptura calamo scripta, similis virgæ, id est sceptro, quia reges constituit. Reges in signum potentie suæ virgam manu portant, per quam regia illorum potestas exprimitur. Ideo igitur calamus, id est divina Scriptura virgæ comparatur, quia suis observatoribus regnum promittit, dicens : Beati pauperes spiritu, quoniam ipsorum est regnum cælorum (Matth., v). Datus est mihi calamus similis virgæ, dicens : Surge, id est erigere ad prædicandum, et metire templum Dei, ita videlicet prædica secundum uniuscujusque capacitatem; et altare, scilicet ut constituas Ecclesiam, et in ea altare; et adorantes in eo : id est ut constituas qualiter fideles Deum adorent in spiritu et veritate. Altare in templo eminentiores significat in Ecclesia fideles, id est virgines continentes et sæculo renuntiantes, in quibus principaliter jugis et indeficiens sanctæ compunctionis permanet ignis.*

VERS. 2. — *Atrium autem, quod est foris templum, id est, falsos Christianos, qui se Ecclesiam simulant, sed factis abnegant; ejice foras, excommunicando, scilicet ostende eis esse foras; et ne metiaris illud : omnino videlicet subtrahere prædicationem : quoniam d. tum est gentibus, id est conformes facti sunt gentilibus, colendo idola, et sic peribunt communi tormento cum eis : et civitatem sanctam, id est. Ecclesiam ad bene vivendum congregatam et virtutibus nunitam, calcabunt, scilicet persequentur illi qui sunt atria, id est hæretici, pagani, Judæi, et falsi Christiani, mensibus videlicet quadraginta duobus, id est tribus annis et dimidio, quibus regnabit Antichristus. Ac si apertius diceret : Sciantis, omnes persecutiones quæ sunt in presenti, et*

quæ fuerunt in præterito, procedere ab Antichristo, A sicut et illas quæ erunt tempore suo.

Sicut (55) auctores nostri dicunt, Antichristus ex populo Judæorum nascetur; scilicet de tribu Dan, secundum prophetiam dicentem: *Fiat Dan coluber in via, cerastes in semita (Gen., XLIX)*. Ad hoc enim in via sedebit, et in semita erit, ut eos, qui per semitas justitiæ ambulant, feriat, et veneno suæ malitiæ occidat. Nascetur autem ex patris et matris concubitu, sed totus in peccato concipietur, in peccato generabitur, et nascetur. In ipso autem conceptionis suæ initio simul diabolum introibit in uterum matris ejus, et ex malignitate diaboli confovebitur et contutabitur in ventre ejus. Et sicut in matre Domini nostri Jesu Christi, Spiritus sanctus venit, et eam sua virtute obumbravit, et divinitate replevit, ut de Spiritu sancto conciperet, et quod nasceretur, divinum esset et sanctum (*Luc. 1*); ita diabolus in ventrem matris Antichristi descendet, et totam eam replebit, totam circumdabit, totam tenebit, totam interius et exterius possidebit, ut diabolo cooperante, per hominem concipiat, et quod natum fuerit, totum iniquum, totum malignum et perditum erit. Unde et ille homo *filius perditionis (II Thess. II)* appellatur, quia in quantum poterit, genus humanum perdet, et ipse in novissimo perdetur. Nascetur autem in Babylonia. Paulus apostolus dicit, Antichristum non antea esse venturum in mundum, nisi venerit discessio primum; id est nisi prius discesserint omnia regna a Romano imperio, quæ olim subdita illi erant. Hoc autem tempus nondum venit, quia, licet videamus Romanum imperium ex maxima parte destructum, tamen quandiu reges Francorum duraverint, qui Romanum imperium tenere debent, Romani regni dignitas ex toto non peribit, quia in regibus suis stabit. *Tantum est ergo, sicut ait Apostolus, ut qui tenet modo, tenent, donec de medio fiat (ibid.)*. (56) Hoc, ut ait beatus Augustinus, non absurde de ipso Romano imperio creditur dictum. Quasi diceret: *Tantum qui modo imperat, imperet, donec de medio fiat, id est de medio tollatur; et tunc revelabitur ille iniquus (ibid.)*, quem significari Antichristum nullus ambigit. »

Quidam vero nostri doctores dicunt, quod unus D ex Francorum regibus Romanum imperium ex integro tenebit, quia in novissimo tempore erit, et ipse erit maximus et omnium regum ultimus. Hic postquam regnum suum feliciter gubernaverit, ad ultimum Jerosolymam perget, et in monte Oliveti sceptrum et coronam suam ultro deponet, (hic erit finis et consummatio Romanorum Christianorumque imperii) statimque, secundum Apostoli senten-

(55) Hæc omnia quæ de Antichristo adducit Martinus, transcribit ex libro *De vita Antichristi* qui nomine Augustini Alcuini et Rhabani circumfertur; sed quem existimant Benedictini tom. XI, in App. de addendis et corrigendis in tom. VI S. Augustini, esse sæctum Adsonis, monasterii Derbensis abbatis tempore Ludovici Ultramarini Francorum regis.

tiam, Antichristum dicunt adfuturum. Tunc ergo revelabitur Antichristus, qui licet homo sit, fons tamen erit omnium peccatorum, et filius perditionis, id est diaboli, non per naturam, sed per imitationem. Per omnia enim adimplebit diaboli voluntatem, quia plenitudo diabolicæ potestatis et totius mali ingenii corporaliter habitabit in illo, in quo erunt omnes thesauri malitiæ et iniquitatis absconditi (*Coloss. II*). Hic itaque, ut supra diximus, in civitate Babyloniæ natus, Jerosolymam veniens, circumcidet se, dicens Judæis: Ego sum Christus vobis repromissus, qui ad salutem vestram venit, ut vos de cunctis terris congregem et defendam. Tunc fluent ad eum omnes Judæi, æstimantes Deum suscipere, sed suscipient diabolum.

B Sed ne ipse Antichristus totum mundum decipiat et perdat, duo magni prophetæ mittentur in mundum, Enoch scilicet et Elias, qui contra impetum Antichristi fideles Dei divinis armis præmunient, et instrument, docentes et prædicantes tribus annis, et dimidio. Filios autem Israel quicumque eo tempore fuerint inventi, hi duo maximi doctores et prophetæ ad fidem Christi convertent, et a pressura tanti turbinis in parte electorum inseparabiles reddent, sicut dicit Scriptura: *Si fuerit numerus filiorum Israel sicut arena maris, reliquæ salvæ fient ex eo (Isa. X)*. Postquam ergo per tres annos et dimidium prædicationem suam compleverint, mox incipiet exardescere Antichristi persecutio, et contra eos primum sua arma corripiet, eosque interficiet. Postquam ergo isti duo interfecti fuerint, inde cæteros persequens, aut martyres gloriosos faciet, aut apostatas reddet, et quicumque in eum crediderint signum characteris ejus accipient.

Hic itaque Antichristus totius malitiæ artifex, cum per tres annos et dimidium totum mundum vexaverit, omnem populum Dei diversis pœnis cruciaverit, Eliam et Enoch interfecerit, et cæteros in fide perseverantes martyrio coronaverit; ad ultimum judicium Dei veniet super illum; ut beatus Paulus scribit, dicens: *Quem Dominus Jesus potentia jussionis suæ (57)*, sive archangelus Michael interfecerit illum, per virtutem Domini nostri Jesu Christi occidetur. Tradunt autem majores nostri atque doctores quod in monte Oliveti Antichristus occidetur in papillone et in solio suo in loco illo quo Dominus ascendit ad cælos. De quo propheta ait: *Præcipitabit Dominus inclylum universæ terræ in monte sancto (Thren. II)*, id est in monte Oliveti.

Debetis præterea scire, fratres charissimi, quia postquam Antichristus fuerit occisus, non statim veniet dies judicii Domini, sed sicut in libro Da-

(56) *De civ. Dei*, lib. xx, cap. 49, num. 3.

(57) Locus corruptus sic restituendus: *Quem Dominus interficiet spiritu oris sui: sive Dominus Jesus interfecerit illum potentia jussionis (Bened. visionis n.s., Adson, virtutis) suæ, sive archangelus, etc.*

nielis legitur, quadraginta (58) dies concedet Dominus electis, qui ab Antichristo decepti fuerint, ut pœnitentiam agant (*Dan. xii*). Postquam vero hanc pœnitentiam peregerint, quantum temporis vel spatii fiat, quousque Dominus ad iudicium veniat, nemo est qui sciat; sed sicut ipse ait in Evangelio, in dispositione Dei manet (*Marc. xiii*). Quid autem angelus in persona Domini de duobus magnis prophetis referat, audiamus.

**VERS. 3.** — *Dabo duobus testibus meis, et propheta-  
bunt, id est prædicabunt, diebus mille ducentis  
sexaginta, scilicet tribus annis et dimidio sicut Je-  
sus Christus prædicabit, amicti saccis, id est, pœni-  
tentiam prædicantes, et exemplo ostendentes, sicut  
Joannes Baptista, qui erat indutus pilis camelo-  
rum (Matth. iii). Vel quia vita sanctorum reprobus  
videbitur despecta, ideo saccis induti ad prædican-  
dum venire perhibentur. De Elia et Enoch agitur,  
per quos multi alii prædicatores intelliguntur. Bene  
Ecclesia in duobus testibus figuratur propter duo  
testamenta; vel quia ex duobus populis constat;  
sive propter duo genera martyrii, vel propter di-  
lectionem Dei et proximi. In quorum laudibus ite-  
rum subjungit, dicens :*

**VERS. 4.** — *Hi sunt duæ olivæ, scilicet Spiritu  
sancto uncti, et duo candelabra alios illuminantes,  
in conspectu Domini terræ stantes, videlicet quid  
Domino placeat attendentes; vel quia in paradiso,  
ubi quondam Adam fuit, translati sunt, et a nostris  
conspicibus ablati, claritate visionis Dei per-  
fruantur.*

**VERS. 5.** — *Et si quis eos voluerit nocere, scilicet  
a sancto proposito revocare, ignis, id est spiritualis  
sententia, exiet de ore illorum, quæ aliis erit odor  
vitæ in vitam, aliis odor mortis in mortem (II Cor.  
ii), et devorabit, id est damnabit, inimicos eorum;  
et si quis voluerit eos lædere, corporali morte, sic,  
videlicet spirituali sententia, oportebit eum occidi.*

**VERS. 6.** — *Hi habent potestatem claudendi cælum,  
id est Scripturas quæ celant arcana, ne pluit  
diebus prophetiæ ipsorum, quia non prædicabunt  
nisi congruo tempore. Similiter omnes Ecclesiæ  
prædicatores his duobus prophetis significantur et  
comprehenduntur, qui tempore baptismatis, et ma-  
nus impositionis episcoporum acceperunt Spiritum  
sanctum. Omnes quippe doctores imitari eos debent.  
Habent etiam potestatem hi duo prophetae super  
aquas, id est, super doctrinas suas, quæ sunt fide-  
libus aquæ irrigantes, convertendi eas in sanguinem,  
scilicet in mortificationem quia aliis erit ad vitam,  
aliis ad mortem prædicatio eorum, et percutere terram  
omni plaga, id est terrenos, quotiescunque voluerint,  
sicut Moyses convertit aquas fluminis Nili in san-  
guinem (*Exod. iv, 7*), et Elias clausit cælum, ne  
plueret annis tribus et dimidio (*III Reg. xvii*).*

(58) Quadraginta quoque habet Alcuinus, et ms. Adsonis; sed rectius Glossa collateralis quadraginta quinque posuit, nam hic alludit auctor libri ad locum Danielis, *Beatus qui exspectat et pervenit usque*

PATROL. CCIX.

**VERS. 7.** — *Et cum finierint testimonium suum,  
bestia, id est Antichristus, quæ ascendit ad regnum  
de abyso, scilicet de occulto Dei iudicio, quia  
iudicia Domini abyssus multa (Psal. xxxv); vel  
ascendit de inferno, quia, ut in Christo requiescit  
omnis plenitudo divinitatis corporaliter (Colos. ii),  
ita in Antichristo omnis plenitudo malitiæ requiescit  
corporaliter. Et faciet adversus illos bellum (falsis  
disputationibus) et vincet illos. Non ideo dicit, vin-  
cet illos, quod unquam a suo proposito revocentur;  
sed vincet, id est, corporaliter occidet.*

**VERS. 8.** — *Et corpora eorum jacebunt in plateis  
civitatis magnæ, scilicet Jerusalem, quæ magna fuit  
quondam in virtutibus, et tunc erit in malitia; ita  
ut quicumque viderint eos jacentes mortuos, timeant  
eis conformari et sepelire. Quæ civitas vocabitur  
spiritualiter Sodoma, id est, muta, quia nemo ibi  
sanctæ Trinitatis fidem prædicare ausus erit; et  
Ægyptus, tenebrosa videlicet sine cognitione Dei.  
Vel vocabitur Sodoma propter Sodomorum opera,  
ubi et eorum Dominus crucifixus est. Licet persecu-  
tio ubique grassetur, tamen major et acerbior erit  
Ecclesiæ vexatio ubi Dominus crucifixus est, et ubi  
omnium malorum caput apparebit Antichristus. In  
cujus platea specialiter dicuntur jacere corpora san-  
ctorum, tanquam scilicet, ubi principale erit cer-  
tamen, ibi mortuorum corpora multipliciter inse-  
pulta jaceant. Ubi etiam intelligitur, quia Judaica  
plebs specialiter adhærebit Antichristo, quousque  
Elia et Enoch prædicantibus, qui ex ea salvandi  
fuerint, revertantur ad Christum. Per civitatem  
magnam Jerusalem, in qua jacebunt corpora eorum,  
totus mundus intelligitur, quia in omnibus mundi  
partibus tunc temporis sancti interficientur. Se-  
quitur :*

**VERS. 9.** — *Et videbunt de populis et tribuibus, et  
linguis, et populis, et gentibus, quidam oculis, qui-  
dam fama, corpora eorum per tres dies et dimidium,  
id est, per tres annos et dimidium : et corpora e-  
orum non sinent poni in monumentis; videlicet ne  
memoria eorum habeatur, et ne monumenta eorum  
venerentur.*

**VERS. 10.** — *Et inhabitantes terram, id est, ad-  
hærentes terrenis gaudebunt, et jucundabuntur su-  
per eos; jocos videlicet stantur, et ludent insimul  
præ gaudio; et numerata sibi invicem mittent, et hoc  
ideo, quoniam hi duo prophetae cruciaverunt eos,  
qui habitant super terram, contradicendo eis suam  
iniquitatem. Quod enim Dominus extra portam ci-  
vitatatis passus est (*Hebr. xiii*), significabatur qui  
in suis membris in toto mundo erat passurus.*

**VERS. 11.** — *Et post tres dies, id est, post tres  
annos et dimidium, Spiritus vitæ a Deo intravit in eos :  
scilicet animæ eorum æternaliter conferentes eis  
immortalitatem et impassibilitatem a Deo missæ*

*ad dies mille trecentos triginta quinque. Quadra-  
ginta enim quinque additi 1290 versiculi anterioris  
efficiunt summam 1335. Super cujus loci expla-  
cationem videsis interpretes.*

intrabunt in eos. Et jam impassibiles et immortales steterunt, scilicet stabunt, super pedes suos, id est, super se ipsos, quod prius fuerant, non indigentes quo innitantur, et timor magnus, pœna videlicet infernalis vel Dei reverentia, cecidit, id est, cadet ut pondus comprimens, super eos qui viderunt, id est, videbunt, eos ita glorificatos.

VERS. 12. — Et audierunt, id est, audient vocem magnam, scilicet potestatis magnæ, de cœlo, id est a Christo vel ab archangelo, dicentem illis: Ascendite huc, ad consortium videlicet sanctorum. Et ascenderunt, id est ascendent, in cœlum, et hoc in nube, quæ illos refrigerabit, et inimicos terrebit, et viderunt, id est, videbunt, eos inimici eorum ita honorificatos, quos hic reputaverunt esse stultos et insanos.

(58\*) Si quis Pauli sententiam intuens, requirit qualiter primo homini generalis compleatur sententia, qua illi dixit Deus, terra es, et in terram ibis (Gen. iii); scire debet, veram esse Dei, et Pauli sententiam; quia et vivi reperientur homines, ex quorum persona hoc Apostolus loquitur; et tamen, ut beatus Augustinus dicit, in ipso raptu nubium, etsi momentaneam tamen mortem gustabunt. In terram ergo revertentur: quia hoc est corpus in terram reverti, quod est exeunte anima remanere corpus, quod utique terra est. Itaque securi dicimus, quia in momento, in ictu oculi, in ipsis nubibus spiritum vitæ accipient hi, qui adventu Domini vivi reperientur; qui, ut dictum est, et momentaneam mortem gustabunt, et in terram redibunt. Impii quippe præcipitabuntur in infernum, electi autem in nubibus elevabuntur ad gloriam (I Cor. xv). Iniqui ergo et omnes inimici illorum eos videbunt, et iudices sentient juste, quos judicaverunt et damnaverunt injuste.

VERS. 13. — Et in illa hora, occisionis sive glorificationis horum duorum prophetarum, Enoch scilicet et Eliæ, factus est terræ motus magnus, id est terreni homines sunt moti ad destructionem scilicet Ecclesiæ occisionis magistris, et decima pars civitatis cecidit: omnes videlicet impii ceciderunt de Ecclesia in pœnas, vel omnino destructi in infernum, et occisi sunt in terræ motu, illi scilicet, qui postea per pœnitentiam non recesserunt a malis suis, nomina hominum septem millia; id est, omnes perfecti in malitia, quos Deus præscivit ad mortem, ne fideles quoquo modo terreantur. Et reliqui, scilicet boni qui non ceciderunt in pœnas vel in peccatum, in timore sunt missi, id est in Dei reverentia timent ne cadant, nihil sibi attribuentes, dederunt gloriam Deo cœli.

VERS. 14. — Væ secundum ab it: et ecce væ tertium venit cito.

VERS. 15. — Et septimus angelus, ordiue narrationis et temporis, tuba cecinit et factæ sunt voces magnæ in cœlo, id est, laudes Deo de justorum sal-

vatione et malorum damnatione, dicentes: Factum est regnum Dei nostri et Christi ejus: qui prius videlicet erat abjectus, jam regnat bonos coronans, malos condemnans; et regnabit, id est, permanebit regnum ipsius, in sæcula sæculorum: Amen.

VERS. 16. — Et viginti quatuor seniores, id est, non tantum minores ita glorificabunt Deum, sed etiam ipsi majores, qui in conspectu Dei sedent, id est judicant quod est in presenti, considerantes quid Deo placeat, in sedibus suis, videlicet sibi commissis, ceciderunt, id est humiliaverunt se, in facies suas, scilicet in corda sua, et adoraverunt Deum, ut conservaret eos, dicentes:

VERS. 17. — Gratias agimus tibi, Domine Deus omnipotens, ideo videlicet quia nos salvasti, et inimicos nostros damnasti, qui es immutabilis, et qui eras, olim cum a Judæis despicerbaris, qui accepti ti (resurgendo) virtutem tuam magnam, id est, Spiritum sanctum tuis dando et Ecclesiam congregando, et regnasti, nos videlicet a diabolo defendisti.

VERS. 18. — Et iratae sunt gentes pro regno tuo. Unde ait Psalmista: Dominus regnavit, irascantur populi: qui sedes super cherubim, moveatur terra (Psal. xcvm). Et advenit contra illos ira tua, id est tempus vindictæ tuæ, et advenit tempus, scilicet opportunitas, mortuorum judicari tam honorum quam malorum, ut separantur boni a malis, et advenit tempus reddere mercedem servis tuis prophetis, id est aliis providentibus, et sanctis, videlicet in fide confirmatis, et timentibus nomen tuum pusillis et magnis, id est non tantum majoribus, sed quibuscunque fidelibus; et advenit tempus exterminandi eos, qui corruerunt terram, id est, seipsos per malam operationem, et alios per malum exemplum.

VERS. 19. — Et apertum est templum Dei in cœlo; et visa est arca testamenti ejus in templo ejus. Notanda sunt hæc præterita posita esse pro futuris, scilicet apertum est templum, et visa est arca testamenti, et apparuit signum in cœlo. Quasi diceret: In die iudicii aperietur, templum Dei fuisse in cœlo; et tunc etiam videbitur, arca [ s. arcam ] testamenti fuisse in templo ejus, et quæ facta fuissent fulgura; et apparebit signum magnum quod prius multis fuit incognitum, etc. Aertum est igitur templum Dei in cœlo: Christus scilicet, qui est templum Dei, in quo habitat omnis plenitudo divinitatis corporaliter (Colos. ii), venit ad cognitionem Ecclesiæ, quæ in cœlestibus conversatur spiritualiter; et visa est arca testamenti ejus videlicet Dei Patris, id est, idem ipse Christus qui continet in se sacramentum Dei Patris, sicut arca fœderis vetus testamentum continebat. Ipse quippe testatus est omnia quæ audivit a Patre suo, ipse nobis cibus spiritualis est et refectio, quod significat manna absconditum in arca; ipse nobis rex est et sacerdos, quod significabat virga Aaron quæ servabatur

(58\*) Augustin., lib. xx De civit. Dei, cap. 20.

in arca. *Et facta sunt fulgura*, id est, miracula, quæ terrerem inferunt aspicientibus ea; *et tonitrua*, prædicationes videlicet æternam mortem peccatoribus comminantes; et facta est grando magna, scilicet prædicatio iram Dei annuntians quæ contudit et punit eos qui nolunt converteri, *et terræmotus*, omnes terreni sunt moti, quoniam ad fidem, quidam ad persecutionem.

## CAPUT XII.

VERS. 1-2.— *Et post hæc signum magnum visum est in cælo: Mulier scilicet amicta sole*, sanctam Ecclesiam significans, quæ est amicta et cooperta, et undique munita Jesu Christo sponso suo defensore, qui est verus sol justitiæ (*Malac. iv.*), *et luna sub pedibus ejus*, quia sancta Ecclesia cuncta terrena quæ sicut luna crescunt et decrescunt, quasi lutum quod pedibus suis conculcat, despicit et pro nihilo habet. *Et in capite ejusdem mulieris erat corona duodecim stellarum*, id est Christus, qui est caput et rector totius Ecclesiæ circumdatus et coronatus duodecim apostolis, qui sicut stellæ fulgent in Ecclesia. Et mulier, id est sancta Ecclesia, *habet verbum Dei in utero*, scilicet in mentis suæ secreto, et erat prægnans, id est, verbo Dei repleta, *et parturiens*, multos scilicet fideles Christo parere et conformes facere desiderans, *clamabat*, magna videlicet cordis intentione auxilium a Domino petebat, *et cruciabatur*, id est, multos cruciatus et labores sustinebat, *ut pareret*, scilicet ut per fidem multos Deo filios acquirere posset. Unde ait beatus Paulus: *Filioli mei, quos iterum parturio, donec formetur Christus in vobis* (*Galat. iv.*). Iterum beatus Joannes subjiciens, ait:

VERS. 3.— *Visum est aliud signum in cælo; et ecce draco roseus magnus habens capita septem, et cornua decem*. Quasi diceret: Præter supradicta visum est mihi aliud signum, draco videlicet magnus et rufus, et significabat diabolum qui est fortis in malitia, *et rufus*, id est sanguinolentus, spiritualiter interficiendo homines, *habens in potestate sua capita septem*, omnes videlicet mundi principes et decem cornua, scilicet omnes principibus terre subditos, per quos ipsi principes impugnant et persequuntur decem legis præcepta servantes. *Et in capitibus ipsius draconis*, id est in principibus terræ qui illi sunt obedientes, *septem diademata*, id est, victoriæ de omnibus illis qui perditioni sunt dediti.

VERS. 4.— *Et cauda ejus*, id est, occulta deceptio ipsius trahebat, ad se tertiam partem stellarum cæli, eorum videlicet qui in Ecclesia lucere videbantur virtutibus ut stellæ, *et misit eas in terram*, illos videlicet quos ad se traxit, terrenorum amore et cupiditate involvit. Mulier, ut dictum est, parturiens clamabat, *et draco*, id est diabolus fortis in malitia, et potens in iniquitate, *stetit ante mulierem*, in pugnam videlicet contra Ecclesiam perseveravit, *quæ erat paritura*, homines scilicet ad fidem vocare et conformes Christo facere debebat. Ideo draco,

A id est diabolus, ante mulierem stabat, ut filium peperisset, aliquem videlicet Christianum similem sibi Ecclesia fecisset, *devoraret*; a fide scilicet suæ malignitatis astutia revocaret, sibique illum incorporaret. Paratus itaque erat draco, id est diabolus, ut mulieris filium devoraret, sed non potuit, quia sancta Ecclesia

VERS. 5.— *Peperit masculum*, id est Christum, fortem et insuperabilem, de quo dictum est: *Ecce vir Oriens nomen ejus* (*Zach. vi.*). *Qui recturus erat*, id est qui debebat regere et defendere omnes gentes in virga ferrea, per inflexibilem scilicet et rectam justitiam. *Et raptus est filius ejus*, Deus videlicet et homo Jesus Christus, *ad Deum*, id est exaltatus ad dexteram Dei Patris, *et ad thronum ejus usque* ad suam sedem, videlicet judicariam in qua omnia judicat cum Patre.

VERS. 6.— *Et mulier*, id est sancta Ecclesia, *fugit in solitudinem*, terrenam scilicet dignitatem et sæculi tumultum reliquit; in qua solitudine habet locum paratum a Deo, quietem scilicet mentis, *ut ibi pascat eam pane cælestis verbi, diebus mille ducentis sexaginta*, id est per tres annos et dimidium; quia tot annis ipse Dei et Virginis Filius prædicavit.

VERS. 7.— *Et factum est prælium in cælo*, id est in Ecclesia et ex parte Ecclesiæ præliabantur cum dracone Michael, qui interpretatur quis ut Deus, *et angeli ejus; et draco pugnabat cum Michael, et angeli ejus*.

VERS. 8.— *Et non valuerunt*, scilicet non habuerunt in illo prælio validitatem aliquam draco et angeli ejus, *neque locus eorum est amplius inventus in cælo*, id est in Ecclesia.

VERS. 9.— *Et draco ille magnus*, id est diabolus qui primum hominem dejecit, *est projectus*, longo scilicet ab Ecclesia, *qui vocabatur diabolus*, id est, deorsum fluens, *et Satanas*, scilicet adversarius, *qui seducit*, id est, seorsum ducit a recta via, non solum primum parentem, sed etiam universum orbem.

VERS. 10.— *Et audivi vocem magnam in cælo*, id est, quandam exultationem in Ecclesia, scilicet vocem angelicam, *dicentem: Ante adventum Christi diabolus erat princeps hujus mundi, sed nunc facta est salus*, id est, sanitas antiqui vulneris, *et virtus*, scilicet potestas resistendi diabolo ipsumque vincendi, *et regnum Dei nostri*, nunc videlicet Deus noster Trinitas habet regnum in terra, nunc scilicet regit Ecclesiam suam, *et potestas Christi ejus*, id est, Christo Filio suo est data, secundum humanitatem, omnis potestas in cælo et in terra. Et hoc idcirco, *quia accusator fratrum nostrorum*, id est diabolus, qui facit fratres nostros accusabiles, *est projectus*, longe scilicet ab ipsis Dei servis remotus, *qui tam in die quam in nocte*, id est, assidue, vel in prospectis et in adversis, *accusabat illos*, scilicet faciebat illos accusabiles et reos, *in conspectu Domini*. Et

quamvis hñi Ecclesiæ ita impugnabantur a diabolo, A  
tamen

VERS. 11.— *Ipsi vicerunt illum propter sanguinem Agni*, id est propter effusionem sanguinis Christi, inde, existente causa, *et propter verbum testimonii*, eorum scilicet prædicationem ferentem testimonium Christo, quod ipsi faciebant, et ideo vicerunt eum. Hac etiam de causa vicerunt eum, quia *non dilexerunt animas suas*, id est suas carnales delectationes, usque ad mortem; videlicet non sunt usi temporalibus bonis ad superfluitatem, sed ad necessitatem. Modo vertunt angeli sermonem suum ad fideles qui diabolum vicerunt, dicentes:

VERS. 12.— *Propterea lætamini, colli, et qui habitatis in eis*. Ac si dicerent: O vos cœli, videlicet qui virtutibus excellentiores estis, et vobis subditis divi- B  
nam doctrinam compluitis; *propterea lætamini*, id est, magnam lætitiã concipite de victoria habita in cordibus vestris, quia accusatorem humani generis vicistis. *Lætamini etiam et vos, o minores, qui habitatis in eis*, id est in patrocínio et disciplina majorum, quia similiter cum eis eundem hostem antiquum superastis. Iterum vox angelica subsequenter ait: *Væ*, id est miseria, dolor et captivitas est vobis, *terræ*, scilicet terrena diligentibus, *et mari*, id est fluctuantibus, et Deum vobis in malis operibus amaricantibus, ideo scilicet *quia diabolus de hac potestate, quam super fratres vestros habebat, lapsus, descendit ad vos*, id est, ad detrimentum vestrum, *habens iram magnam de perdita potestate;* C  
*quam iram exercet in vobis ipse draco sævissimus, sciens quod modicum tempus habet*, quod parum videlicet hanc potentiam sibi exercere licebit, sed post modicum etiam vobiscum in inferno cruciabitur.

VERS. 13.— *Et cum vidisset draco quia projectus est in terram*, in illis videlicet qui terrenis delectationibus tantum dediti sunt, *persecutus est mulierem*, id est Ecclesiam, *quæ peperit masculum*, Christum videlicet fortem et invincibilem ad expugnandum diabolum. Et quia draco persequebatur mulierem,

VERS. 14.— *Datæ sunt a Domino mulieri*, id est Ecclesiæ ut resistere posset draconi persequenti eam, *duæ alæ magnæ aquilæ*, scilicet charitas continens in se dilectionem Dei et proximi. Facta est igitur Ecclesia magna aquila altissime volans, loquendo de deitate, et ætissime conspiciens solem, id est, divinæ essentiae claritatem. Ideo igitur datæ sunt mulieri, id est, Ecclesiæ duæ alæ, *ut volaret in desertum in locum suum*, id est in securitate sua, *ubi*, scilicet in qua securitate, *alatur*, et nutriatur illic a Domino illo pane, illa scilicet prædicatione quæ fuit a Christo facta, *per tempus*, id est, per unum annum, *et per tempora*, id est per duos annos, *et per dimidium tempus*, id est per dimidium annum, per tres videlicet annos et dimidium

(59) *et repl. hic et terra.*

A quibus in mundo positus Dominus, prædica-  
vit; *et hoc a facie serpentis*, id est propter infestationem præsentem et diaboli instantiam, qui ita latenter sicut serpens mordet. Et cum vidisset draco, quod mulierem non potuit nocere

VERS. 15.— *Misit ex ore suo*, id est ex sua suggestionem vel ex membris suis, per quæ loquitur, *aquam*, scilicet inundantem persecutionem, *tanquam flumen*, magnam videlicet et impetuosam, *post mulierem*, id est post Ecclesiam, *ut faceret eam trahi* retro a proposito suo a magno *flumine* illo, id est per illam magnam persecutionem. Sed nec sic draco potuit trahere mulierem, nam

VERS. 16.— *Terra*, id est Christus qui est forte et immobile fundamentum Ecclesiæ, qui etiam corpus habet de communi humani generis terra, *adjuravit mulierem*, scilicet Ecclesiam, (59) idem videlicet Christus, *aperuit os suum*, id est prædicationem suam, suis videlicet discipulis dedit gratiam prædicandi; vel aperuit signum suæ misericordiæ, *et absorbit*, id est destruxit *flumen*, quod *misit draco ex ore suo*, id est persecutionem quam misit diabolus in Ecclesiam *per membra sua*.

VERS. 17.— *Et iratus est draco in mulierem*, id est contra Ecclesiam, *et abiit*, scilicet longe remotus est ab ea, *et hoc ad faciendum prælium cum reliquis de semine ejusdem Ecclesiæ, qui custodiunt mandata Dei*, et qui habent fidem per testimonium, id est per prædicationem quæ testatur Jesum Christum esse Deum et hominem.

VERS. 18.— *Et stetit super arenam maris*, super steriles videlicet, et super infructuosos et aridos mundi.

### CAPUT XIII.

VERS. 1.— *Et vidi quamdam bestiam ascendentem de mari*, id est Antichristum cum principibus hujus sæculi et subditis eorum et ministris, *ascendentem*, id est exaltantem se et elevantem, *de mari*, scilicet de malignis hominibus et Deum sibi amaricantibus, id est, exacerbantibus; *habentem capita septem*, omnes scilicet principes mundi, *et cornua decem*, id est, minores malignas, per quos principes impugnant decem præcepta servantes, *et super cornua ejus decem diademata*, scilicet victorias de servantibus decem præcepta, quia videbuntur eos occidendo vicisse. *Et super capita ejusdem bestie*, id est super principes mundi, vidi scripta *nominia blasphemiæ*, scilicet vidi eos Deum nominatum blasphemantes, dicentes Christum non verum Deum fuisse, et his similia.

VERS. 2.— *Et bestia, quam vidi, erat similis pardis*, id est variis hæresibus erat plena, sicut pardus est varius; *et pedes ejus*, ipsi videlicet inferiores hæretici ejusdem bestie, id est Antichristi erant ita habiles ad persequendum et parati ad lacerandum fideles, *sicut pedes ursi et os ejus*, scilicet locutio erat ita fidelibus terrorem ingerens, sicut vox et



rugitus terret leonis cætera animalia. *Et draco*, id est diabolus, *dedit illi bestię suę*, scilicet Antichristo *virtutem suam*, et sicut ipse est fortis et magnus, ita fecit eam malignam et fortem; *et dedit illi suam potestatem ad expugnandum fideles*.

VERS. 3. — *Et vidi unum de capitibus bestię*, id est de principibus illius, majorem aliis principibus, id est Antichristum, *occisum*, eundo scilicet quasi in veram mortem: sui videlicet discipuli mentientes fingent eum vere occisum, et tertia die resurrexisse. *Vidi eum*, inquit, *quasi occisum in mortem, et plaga mortis ejus curata*: id est ipse qui per plagam mortuus esse dicitur, curatus est; fallaciter videlicet dicitur esse resuscitatus, et in illa falsa resurrectione est admirata, valde scilicet admirabitur universa terra, id est omnes terrena diligentes euntes post illam bestiam, scilicet post Antichristum bestialiter viventem.

VERS. 4. — *Et adoraverunt draconem*, id est diabolum, idcirco quia dedit illi bestię potestatem faciendi ea quę cupit, putantes se Deum adorare, et a Deo potestatem illam Antichristum habere, non a diabolo. Et non solum draconem, id est diabolum adoraverunt hoc modo, sed etiam ipsam bestiam adoraverunt, dicentes: *Quis est*, vel fuit, vel crit similia huic bestię? Et tamen quidam volunt eam impugnare, sed quis poterit pugnare cum ea? Notandum interest, fratres charissimi, quia ista quę narrantur quasi jam præterita, adhuc in novissimis temporibus sunt ventura. Sequitur:

VERS. 5. — *Et datum est huic bestię*, id est Antichristo a Domino per diabolum, id est concessum os loquens magna, quia dicit Filium Dei se esse, et os loquens blasphemias quia dicit Christum Dei et Virginis Filium qui mundum redemit, aliquem magnum fuisse. *Et data est ei potestas facere menses quadraginta* (60), id est faciendi hęc omnia per quadraginta et duos menses, scilicet per tres annos et dimidium. Denique bestia, id est Antichristus.

VERS. 6. — *Aperuit os suum*, eundo de blasphemia in blasphemiam ad Deum, id est contra Deum, quia dicit se esse Filium Dei, et pleno ore dicit diabolum esse Deum, qui crit pater ejus. Aperiet itaque os suum ad blasphemandum nomen omnipotentis Dei, quia dicturus est se esse justum, elementem, atque omnipotentem, quod est blasphemare nomen Dei et tabernaculum ejus, id est humanitatem Christi, qui verus Deus et verus homo est, fuisse magnum. Blasphemabit etiam eos qui habitant in cælo, id est in Ecclesia, dicendo eos esse erroneos et stultos.

VERS. 7. — *Datum est etiam illi bestię*, scilicet Antichristo concessum est a Deo per diabolum *facere bellum cum sanctis, et vincere illos*, quosdam spiritualiter, quosdam vero tantum corporali morte. *Data est etiam illi potestas super omnem tribum, et super omnem populum, et super omnem linguam,*

A Hebraicam videlicet, Græcam et Latinam, et super cæteras linguas, quia multoties plures linguę continentur in populo uno, et in omni gentem, generaliter videlicet super Asiam, Europam atque Africam.

VERS. 8. — *Et adoraverunt bestiam supradictam*, id est Antichristum *omnes qui habitant terram*: illi videlicet qui in terrenis sunt fundati, *quorum nomina sunt scripta in libro vitę*, id est in memoria Dei et Agni, *qui pro nobis est occisus ab origine mundi*, prædestinatione.

VERS. 9. — *Qui habet aures*, id est spiritualem intellectum, *audiat*; scilicet intelligat quod omnis ille

B VERS. 10. — *Qui duxerit captivitatem*, qui alios videlicet rectos et bene viventes a vera via ducit captivos per pravam doctrinam in falsam viam, *vadit in captivitatem*, in mortem scilicet æternam, et qui in gladio materiali aliquos fideles occiderit, oportet eum gladio occidi, id est divina sententia. Hęc res est *patientia sanctorum et fides*, quia videlicet tribulationes et tribulatores brevi tempore permanebunt, et in æternam captivitatem ibunt; perseverantes vero in fide æterna beatitudine coronabuntur.

VERS. 11. — *Et præter hęc vidi etiam unam bestiam ascendentem de terra*, id est prædicatores et discipulos Antichristi exaltatos et elevatos de terra in superbiam. Et illa bestia habebat duo cornua, non in rei veritate, sed similia duobus cornibus Agni, id est Christi, quibus significatur bestiales apostoli Antichristi dicentes se esse innocentes et miracula facientes, sicut Christus fecit, cum potius sint peccatores et dæmoniosi. *Et loquebatur*, ita terrorem incutiendo, *sicut draco terret omnes aves suo clamore*.

VERS. 12. — *Et habebat omnem potestatem prioris bestię*, id est Antichristi, sicut veraces apostoli fuerunt in beneplacito et protectione Domini nostri Jesu Christi. *Et ipsa secunda bestia fecit terram*, id est ipsos principes terrenos et omnes habitantes in ea, minores scilicet terrenos subjectos facient ipsi falsi apostoli Antichristi *adorare primam bestiam*, eundem videlicet Antichristum, *cujus plaga mortis est curata*, quia scilicet Antichristus dicitur esse resuscitatus de ficta morte.

VERS. 13. — *Et faciet ipsa bestia*, id est discipuli Antichristi, *magna signa et miracula*, in quibus designabunt ipsum Antichristum quasi Deum; ita ut etiam ignem de cælo descendere faciat, id est spiritum malignum quasi Spiritum sanctum descendere in terram, scilicet super terrenis vitiis deditos et ad suam sectam conversos. Et faciet eos loqui omnibus linguis sicut apostoli faciebant illos quos ad fidei convertabant: et hoc de cælo, id est de aere, in conspectum omnium, non ita abconse in domo, sicut Spiritus sanctus descendit super apostolos in

domo in qua erant pariter congregati (Act. II), sed videntibus cunctis. Et per hæc signa et miracula quæ discipulis Antichristi tempore illo concedentur facere,

VERS. 14-15. — *Seducunt habitantes in terra, dicentes ut faciant imaginem bestię*, id est ut se conformes faciant Antichristo cujus *plaga gladii* curata est et *revixit*, id est dicetur revivere. Hoc signum facient ipsi falsi apostoli Antichristi, quod malignum spiritum facient etiam sicut ignem de aere videntibus omnibus descendere, per quod seducunt homines et confirmabunt eos ipsi Antichristo: et hoc ita ut loquatur *imago bestię*, sicut et ipsi qui conformes erunt Antichristo, loquentur omnibus linguis. *Et faciet illa secunda bestia*, id est illi pseudoapostoli, ut omnes occidantur *quicumque non adoraverint*, non solum bestiam, id est Antichristum, sed etiam *imaginem bestię*; ipsos eosdem scilicet falsos apostolos, qui conformes erunt Antichristo suo falso Deo.

VERS. 16. — *Et facient ipsi pseudoapostoli omnes puillos et magnos, divites et pauperes, liberos et servos habere characterem*, id est signum suæ sectæ, in *dextera manu*, in sua scilicet operatione, aut in *frontibus suis*, in manifesta videlicet confessione.

VERS. 17. — *Et facient ne quis possit emere aut vendere*, id est dare prædicationem et recipere aliquem conversum per prædicationem factam de Antichristo, nisi ille tantum qui *habet characterem*, id est signum bestię, ut diximus, et *nomen*, id est Teitan, et *numerus nominis ejus*, id est sexcenti sexaginta sex, quia Teitan vocabitur ille perditus homo, et hoc facient discipuli Antichristi, quia non licebit alicui prædicare tunc temporis, nisi habuerit numerum nominis Antichristi, scilicet nisi perfectus fuerit et fructum centesimum sexagesimum et senarium ei quasi Deo obtulerit. In hoc ergo hujus nominis numero

VERS. 18. — *Est adhibenda sapientia*, id est sapienter est considerandum, et ideo omnis qui *habet intellectum*, scilicet qui sapiens est, *computet numerum hujus bestię*; quia si aliquis stultus hunc numerum computaverit, statim putabit illum esse Deum, quia hic numerus Deo convenit. Ideo igitur sapientia est adhibenda in computatione hujus numeri, quia quamvis hic numerus sit Dei, ad tempus tamen erit perditissimi hominis, scilicet Antichristi, a quo usurpabitur. Hic numerus constat ex *sexcenti sexaginta sex*. Numerus enim Jesu Christi est, cujus nomen sibi facit bestia, id est Antichristus.

#### CAPUT XIV.

Ostensa gravissima persecutione quam patitur et passura est Ecclesia sub Antichristo, ostendit etiam ad ejus consolationem et cohortationem, quantum et qualem habet adiutorem, dicens:

VERS. 1. — *Vidi; et ecce agnus*, scilicet Christus eto nobis immolatus, *stabat supra montem Sion*, id est juvabat sanctam Ecclesiam eminentem in vir-

tutibus, et cœlestia speculantem et contemplantem. Supra stabat, quia ex omni parte eam obumbrabat et protegebat; et cum eo *centum quadraginta quatuor millia*, id est infinitos quantum ad nos, et quantum ad Deum finitos, virgines perfectissimos, prædicatione sanctæ Trinitatis ex quatuor mundi partibus collectos, *habentes nomen Agni* ut a Christo Christiani nominentur, et *nomen Patris ejus*, scilicet Dei, ut dii vocentur, *scriptum in frontibus suis*, in manifesta videlicet confessione, ita ut nunquam deleri possit. Pro illo et vos, fratres charissimi, qui tam splendidam, tamque dignam habetis familiam, si necesse fuerit, libenter debetis pati, ut illis qui inter alios fideles tam clari sunt, possitis admisceri. Iterum subjungit, dicens:

B VERS. 2. — *Et audivi vocem*, id est admonitionem, de cælo venientem, id est de Ecclesia, *tanquam vocem aquarum multarum*, scilicet multorum populorum, qui decurrunt per temporalia, et defluunt sicut aqua; et *tanquam vocem tonitruum magni*, terrorem videlicet inferentem, sicut tonitruum homines terret. Et vox illa quam audivi, erat *sicut vox citharæ rædorum*, scilicet eorum, quorum est sonare cithara, *citharizantium*, id est exercentium officium sibi commissum non in alienis, sed in suis *citharis*. Hoc utique significat sanctas virgines, quorum officium est mortificare carnem, non alienam, sed suam propriam. Vocem ergo virginum carnem suam mortificantium audivi,

C VERS. 3. — *Et ipsi cantabant*, id est jucundanter exercebantur, et servabant canticum, scilicet mentis et corporis integritatem, quæ est eis maxima delectatio et jucundatio. *Cantabant*, inquit, *quasi canticum novum*; illa scilicet observantia integritatis mentis et corporis erat eis jucunda, et chara, et delectabilis, sicut novæ res solent amplius delectare quam veteres, et esse phariores. Sed ubi cantabant? Non in occulto videlicet, sed *ante sedem*, id est in præsentia et in conspectu multorum fidelium qui sunt sedes Dei, ut ab eis exemplum accipiant. Et non solum ante minores fideles, sed etiam *ante quatuor animalia*, scilicet in præsentia omnium doctorum, et ante *seniores*, id est iudices. *Et nemo poterat dicere canticum illud*, id est nemo poterat observare integritatem mentis et corporis, nisi illa *centum quadraginta quatuor millia*, nisi illi virgines, scilicet *qui empti sunt de terra*, videlicet quos Deus et homo Jesus Christus dando sanguinem suum in pretio, emittit de terrena conversatione. Virgines ergo illi

VERS. 4. — *Cum mulieribus non sunt coinquinati aliqua sorde*. Vere non sunt coinquinati in aliquo criminali, *nam virgines sunt*; et hi sequuntur, id est imitantur, *Agnum quocumque ierit*. *Et hi tales sunt empti*, scilicet hos tam notabiles in dignitate elegit Deus ex omnibus aliis, et tanquam *primitiæ*, id est chariores oblationes omnibus aliis *Deo Patri, et Agno*.

VERS. 5. — *Et in ore ipsorum non est inven-*

*mendacium*, nullum scilicet est in eis inventum ex locutione peccatum, quia si aliquod fecerunt, ita inde pœnituerunt, quod eis in morte per pœnitentiam sit dimissum. Et si operando aliquid peccaverunt, tamen *sine macula sunt*, id est sine criminali peccato, quia nec veniale nec criminale est in eis in morte sua inventum, dum perfecte pœnituerunt. Aliter: Vere in ore, id est in prædicatione centum quadraginta quatuor millia non sunt mendacium, sed pura veritas. Nam istud vidi eos sine mendacio prædicasse de nostra reparatione, scilicet angelum paternæ miserationis nuntium, *volantem*, id est sublimia prædicantem fuisse, et hoc per se cœlum et medium videlicet mediatorem Dei et hominum. Hoc etiam sine mendacio prædicaverunt, quod ipse sit habens evangelium in sua dispositione, ut prædicaret illud, aut per se, aut per servos suos. Descripta impugnatione facta per duas bestias, subjunctoque auxilio Agni, et dignitate familiæ ejus ostensa, subjungitur admonitio, ut ad hanc familiam desideranter accedant, et comminatio ut ab illa alia declinent.

VERS. 6. — *Vidi, inquit, alterum angelum*, id est prædicatores qui sunt alteri a Christo, vices ejus scilicet exsequentes, *volantem*, id est a terrenis se removemtem, *per medium cœlum*, per communem videlicet Ecclesiam quam verbis et exemplis trahunt secum, *habentem evangelium æternum*, id est prædicationem ex injuncto officio æterna bona promittentem, et complentes ad æternitatem ducentem; et hoc ideo habebat, *ut evangelizaret*, scilicet ut prædicaret, non porcis et canibus, sed *sedentibus super terram*, illis scilicet qui vilipendentes terrena et calcantes ea, requiescunt ab omni strepitu mundi et cura; *et super omnem gentem*, scilicet omnimodam diversitatem illorum, qui in terrenis demorantur; *et super tribum Judaicam, et linguam barbaricam, et super populum dicentem magna voce*, spirituali videlicet admonitione et persuasione.

Angelus volat per medium cœlum, quia prædicatores Ecclesiæ mentis contemplatione cœlestia petunt, non terrenis inhærent, sed etiam subjectos populos ad cœlestia exemplis et verbis invitant. De his quippe volantibus prædicatoribus Isaias dicit: *Qui sunt isti qui ut nubes volant, et quasi columbæ ad fenestras suas?* (Isai. lx.) Ut nubes enim volant, quia a terrenis desideriis pennis virtutum sublevati pluunt verbis, et coruscant miraculis. Ad fenestras suas velut columbæ volant quia per hoc quod exterius conspiciunt, nihil terrenum concupiscunt, sed gaudia perpetua jugiter contemplantur. Sed quid angelus per medium cœlum volans dicat audiamus.

VERS. 7. — *Timete Deum* casto amore, non supra-dictas bestias, *et date illi*, bene operando, et bene de eo annuntiando, *honorem*, ut per vos gloriosus appareat, *quia venit hora judicii ejus*. Ac si aperte dicat: Non deficiatis in tribulationibus, quia non longo tempore patiemini. Et, si timetis defectum,

*A adorate eum*, id est petite ab eo subsidium, *qui fecit cœlum, patriarchas scilicet et prophetas, et sanctam Ecclesiam, terram, et mare*, et omnia quæ in eis sunt, *et fontes aquarum*; gentiles videlicet qui fuerunt fontes multarum prævaricationum. De cujus omnipotentia Daniel prædixit: *Potestas ejus potestas æterna quæ non auferetur, et regnum ejus quod non corrumpetur* (Dan. vii).

VERS. 8. — *Et alius angelus*, id est aliquis doctor Ecclesiæ, quia prædicatores invicem succedunt sibi, *secutus est dicens: Cecidit, cecidit*, duplici videlicet contritione, *Babylon illa magna civitas*, id est omnes confusi in vitiis pro multitudine iniquitatum, vel pro superbia, suo perverso dogmate munita. *Cecidit, cecidit Babylon*. Bis positum *B* verbum infinitatem designat, in quo omnimoda destructio intelligitur. Peribit enim mundus et concupiscentia ejus (I Joan. ii). Et nec immerito cecidit, *quæ a vino*, id est quia a vino iræ *fornicationis suæ*, sua scilicet prava doctrina quæ est causa iræ Dei, *potavit*, id est potionavit, *omnes gentes* gentiliter viventes. *Vino fornicationis*, id est vitiis, et præcipue idololatria, quæ est potus dulcis peccantibus, quibus mundi amatores alios inquinant, et ne recto tramite gradiantur, læbriant, unde debetur eis *ira* Dei. Omnia hæc sine mendacio locuta sunt illa centum quadraginta quatuor millia, id est Ecclesiæ prædicatores. Hæc dixerunt primus et secundus angelus.

VERS. 9. — *Et tertius angelus secutus est illos, dicens voce magna*, id est per magnam admonitionem admonentem sic: *Siquis adoraverit bestiam, etc.* Tres angelos ponit propter sanctæ Trinitatis fidem: Ac si aperte tertius angelus omnibus Ecclesiæ filiis dicat: Nolite fieri discipuli Antichristi; quia, *si quis adoraverit bestiam*, id est Antichristum, *et imaginem ejus*, scilicet imitatores illius sibi conformes fecerit, *et acceperit characterem in fronte sua*, signum videlicet in aperta confessione, *aut in manu sua*, scilicet in opere.

VERS. 10. — *Et hic bibet*, sicut Babylon, *de vino iræ Dei*, id est de æterna damnatione, *quod mistum est mero in calice iræ ipsius*, videlicet quod iratus Deus propinat; quia qui non corrigitur vindicta ejus ad correctionem data, punietur æterna pœna; *et cruciabitur igne invidiæ et sulphure*, id est fectore prævæ operationis, *in conspectu angelorum sanctorum* de divina justitia lætantium, ut visa bonorum claritate tabescant, *et ante conspectum agni*, scilicet in præsentia Christi.

VERS. 11. — *Et fumus tormentorum eorum*, id est tenebrosorum tormentum illorum, *in sæcula sæculorum ascendet*; sed non cruciabitur ad tempus, sed in æternum perseverabit. *Nec habent*, id est non habebunt *requiem die ac nocte*, qui adoraverunt *bestiam*, scilicet Antichristum, *et imaginem ejus*, discipulos videlicet illius. Merito in æternum cruciabuntur, qui incessanter peccaverunt. Ac si apertius diceret: Non est mirum, si illi qui Antichristum

adoraverunt sine fine punientur; quia sui etiam præcedentes ministri eandem pœnam habebunt. Transient enim, ut in libro beati Job scribitur, ab aquis nivium ad calorem ignium (Job xxiv). *Et si quis accepit non tantum imaginem, sed characterem nominis ejus*, ut superius dictum est, cruciabitur.

In hoc loco Origenis error aperte destruitur, qui dixit, post mille annos reprobos redire ad vitam, justos autem iterum reversuros ad pœnam. Alioquin falsum est quod Veritas dicit: *Ibunt impij in supplicium æternum* (Matth. xxv). Si quis vult quærere cur pro temporali peccato sine fine reprobi crucientur, dicendum est, quia districtus iudex veniens non tantum facta pensabit, sed et voluntates. Nam reprobi, si fieri possit, semper in hac vita vivere cuperent, ut nequaquam peccare desisterent. Ideo igitur nunquam carebunt supplicio, qui nunquam carere voluerunt peccato. Et nullus erit illi terminus ultionis, qui nunquam voluit habere terminum criminis. Si enim, ut illi aiunt, finienda sunt supplicia reproborum, quandoque finienda sunt et gaudia justorum. Si illud verum non est quod minatus est Dominus, neque verum est quod promisit. Ad hæc illi respondent: Ideo æternam pœnam minatus est peccantibus, ut eos a perpetratione peccatorum compesceret, quia creaturæ suæ æterna supplicia minari debuit, non inferre. Quibus citius ad hæc respondemus: Si falsa minatus est ut ab injustitia corrigeret, etiam falsa est pollicitus ut ad justitiam provocaret. Iterum subjiciens ait: *Si quis accepit characterem nominis ejus*, id est Antichristi, cruciabitur.

VERS. 12. — *Hic vel hæc, patientia sanctorum est, majorum atque minorum, scilicet in consideratione tantæ vindictæ; sanctorum dico, qui custodiunt*, id est opere complent mandata de gemina dilectione Dei et proximi, *et fidem Jesu*, quia Deum illum confitentur.

VERS. 13. — *Et audivi vocem de cælo, dicentem mihi*. Hæc vox tam ad beatum Joannem pertinet, quam ad omnes fideles, qui remunerationem æternæ beatitudinis expectant. Ac si beato Joanni angelus dicat: *Cum sim locutus de cruciatu et infelicitate malorum, non desperes de beatitudine bonorum, sed potius scribe illa in corde tuo, vel litteris commenda, ut ad posteros perveniant; quia vere beati sunt mortui, qui in Domino*, id est in confessione Domini moriuntur, scilicet quando corpus et anima resolvuntur. *Amodo*, id est a præsentem tempore vel a tempore resurrectionis, *jam dicit Spiritus*, scilicet tota Trinitas, quia, *Spiritus est Deus* (Joan. iv), *ut requiescant*, videlicet ut amplius non patiantur, *a laboribus suis*, quos hucusque passi sunt: *opera enim illorum sequuntur illos*, id est merces operum quæ sequitur. Quasi diceret: Dum in mundo erant, majores tribulationes ad majorem coronam pertinebant, unde abjecti

a Deo esse putantur, sed ultra jam non puniuntur.

VERS. 14. — *Et vidi et ecce nubem candidam*, id est sanctos vel Donnicam carnem, quam non fuscavit macula peccati: *et super nubem sedentem*, Christus scilicet supra sanctos sedet, vel divinitas supra humanitatem, *similem filio hominis*, quia jam impassibilis et immortalis, *habentem in capite suo*, id est in se ipso vel in divinitate ad similitudinem triumphantis, *coronam auream*, quia vicit diabolum per sapientiam suam, *et in manu sua*, scilicet in potestate sua, *falces acutam*, id est judicariam sententiam malos a bonis separantem, quam alibi gladium appellat, dicens: *Non veni pacem mittere, sed gladium* (Matth. x), quia per ipsam mali separantur a bonis.

VERS. 15. — *Et alter angelus exivit de templo*, in hoc quod Christi servus, id est sancti homines, qui hucusque fuerunt infidelibus occulti, scilicet despecti, nunc autem in claritate apparent iudicari omnes cum desiderio, ut Deus separationem faciat honorum et malorum, *clamans voce magna ad sedentem super nubem*, id est ad Christum iudicantem super humanam carnem. Sed quid angelus de templo exiens, id est omnes sancti, *Jesu Christo sedenti super nubem dicat*, audiamus: *Mitte falces tuas*, id est exerce iudicium, per quam falces collignantur herbe de omni genere. Vel, *mitte falces tuas*, id est prædicationem tuorum, per quam separabuntur salvandi a perdendis; *et mete*, scilicet collige tuos, *quia venit hora ut metatur*, scilicet opportunum est, cum jam completus sit numerus tuorum, *quoniam aruit messis terræ*, videlicet quia consummata est nequitia malorum, et jam non habet locum.

VERS. 16. — *Et misit ille qui sedebat super nubem falces suam in terram, et messuit*, id est separavit malos a bonis.

VERS. 17. — *Et alius angelus*, id est supradicti sancti aliud officium habentes, *exivit de templo, quod est in cælo*, videlicet de secreto loco, *habens et ipse falces acutam*, sicut Christus, quia sancti hanc potestatem habuerunt a Christo, qui est angelus magni consilii. Cum ostendisset, Deum potestatem iudicandi habentem a sanctis implorari, et sic iudicium fieri, ostendit eandem potestatem sanctos habere, et Christum, ut iudicent, imperare, et illos imperio ejus obedire.

VERS. 18. — *Et alius angelus*, scilicet sancti martyres et confessores post apostolos, qui Ecclesiæ statum custodiunt, *de altari exivit*, id est de Ecclesia, martyres dico et confessores, qui se Deo offerunt et sacrificant. *Qui angelus habet potestatem super ignem*, prædicando scilicet fideles ab æternis pœnis eripere, et excommunicando infideles gehennæ incendiis tradere: *et clamavit voce magna*, id est magno desiderio, *ad eum qui habebat falces acutam*, judicariam videlicet sententiam omnes includentem, dicens: O Domine, mitte falces tuas

*acum, et vindemia, id est separa maturos in u-*  
*quitia, botros terræ (61), abundantes scilicet in*  
*malitia terrenorum : quia maturæ sunt uvæ ejus*  
*scilicet tempus est ut judicentur, quia malitia*  
*eorum completa est.*

**VERS. 19.** — *Et misit angelus magni consilii, id*  
*est Christus, falcem suam in terram, scilicet judi-*  
*cium suum in terrenos, et vindemiavit vineam terræ,*  
*rogatu videlicet sanctorum separavit malos a bonis,*  
*et misit in lacum iræ Dei magnum, id est in infer-*  
*num, ubi multi iram Dei patientur.*

**VERS. 20.** — *Et calcatus est lacus, scilicet viliter*  
*et despective positi sunt in inferno extra civitatem*  
*Dei, videlicet extra consortium sanctorum, quia*  
*pœna illa non erit purgatoria, sed æterna; et exiit*  
*sanguis de lacu, id est apparuit vindicta de marty-*  
*riliis, scilicet æterna pœna pro peccato, non vi-*  
*num quod in Dei cellario poneretur. Exiit, dico,*  
*sanguis usque ad frenos equorum, videlicet usque*  
*ad ipsos rectores iniquorum puniendos, scilicet*  
*diabolos, per stadia mille sexcenta. Per sex perfecti,*  
*per centum perfectiores, per mille perfectissimi*  
*disignantur.*

#### CAPUT XV.

In his tribus supradictis visionibus, scilicet in  
revelatione mysteriorum, et in datione tubarum,  
et in pugna mulieris contra diabolum, a principio  
redemptionis secutus est ordinem usque ad dicam  
judicii. In his vero tribus sequentibus circa ultima  
tempora moratur, qui de his præcedentibus in aliis  
multoties divinis Scripturis dictum est enucleatius,  
de aliis vero parum et occultius. In hac ergo quinta  
materia sunt septem angeli tenentes phialas, in  
quibus continentur plagæ, id est destructiones ini-  
quorum, qui tempore Antichristi erunt, quæ des-  
tructio maxime hortatur præsentés ad patiendum.  
Iterum subjiciens, ait :

**VERS. 1.** — *Et vidi aliud signum, id est figuram*  
*aliud significantem, quia qui in hoc signo significantur,*  
*in cælo conversantur. Signum dico magnum in ad-*  
*miratione, et mirabile, quia mirum est hominem*  
*tantam potestatem habere, ut alios possit damnare;*  
*scilicet angelos septem, id est prædicatores de qui-*  
*bus dicitur: Angeli facis amare flebant (Isai. xxxiii).*  
*Habentes septem plagas novissimas sibi injunctas*  
*a Deo, omnem scilicet excecationem et destructio-*  
*nem eorum qui tempore Antichristi erunt. Vere*  
*plagas habebunt, quoniam in illis consummata est*  
*ira Dei: super iniquos enim iram Dei exercentur,*  
*et vere novissimas plagas, scilicet quia post eas in*  
*mundo non inferet Deus alias. Septem plagas ha-*  
*bent, hoc est notitiam omnium Scripturarum qua*  
*vulnerantur corda bonorum ad salutem, corda vero*  
*impiorum ad damnationem.*

**VERS. 2.** — *Et vidi tanquam mare vitreum, id est*  
*baptismum, ubi fidei puritas exigitur, et homines*  
*a vitis mundantur: mare dico mistum igne, quia in eo*

*A baptizatis Spiritus sanctus datur; et eos, qui vice-*  
*runt bestiam, id est Antichristum, et imaginem illius,*  
*scilicet conformitatem ejus vitantes, et numerum*  
*nominis ejus, qui per hoc videlicet non sunt dece-*  
*pti, stantes supra mare vitreum, quia illi veraciter*  
*stant, qui baptismi gratiam integràm servant,*  
*habentes citharas Dei, id est mortificantes carnem*  
*sua, quod eis Deus injunxit, vel quod prior ipse*  
*fecit.*

**VERS. 3.** — *Et cantantes canticum Moysi servi Dei,*  
*veterem scilicet legem, quæ est exsultatio bene*  
*intelligentibus eam, et canticum Agni, novum vi-*  
*delicet testamentum, dicentes, id est alios admo-*  
*nenes: Magna, in prima creatione, et mirabilia*  
*sunt opera tua, Deus omnipotens, in recreatione, ju-*  
*stæ sunt et veræ viæ tuæ, Rex sæculorum, quia uni-*  
*cuique pro merito reddunt; et veræ, qui perducunt*  
*quo promittunt. Justæ et veræ viæ sunt institutio-*  
*nes Dei, per quas nos ad Deum, vel ipse ad nos*  
*venit. Iterum subsequenter ait:*

**VERS. 4.** — *Quis ergo non timebit te, o Domine,*  
*scilicet quis non ex amore serviet tibi, et magnifi-*  
*cabit nomen tuum opere et prædicatione? Et vere*  
*timebunt te, quia tu solus pius es, qui gratis salvas.*  
*Et vere magnificabunt te, quoniam omnes gentes*  
*venient, fide videlicet aliqui de omnibus, et adora-*  
*bunt in spiritu et veritate, in conspectu, id est in*  
*beneficentia tuo; quoniam judicia tua manifesta sunt,*  
*quia quosdam eligis; et quos reprobas, cognoscunt*  
*fideles ex justitia esse.*

**VERS. 5.** — *Et post hæc vidi, et ecce apertum es-*  
*templum tabernaculi testimonii in cælo: scilicet*  
*revelata sunt mysteria Ecclesie, in qua Dominus*  
*habitat, et quæ in Dei honorem militat, quæque in*  
*se continet vetus et novum testamentum. Et quia*  
*mysteria Ecclesie aperta erant,*

**VERS. 6.** — *Exierunt septem angeli, id est prædi-*  
*catores qui reprehendent male operantes, habentes*  
*septem plagas, id est septiformes Scripturas, exie-*  
*runt de templo, scilicet de Ecclesia, et ut irrepre-*  
*hensibiles essent, vestiti lapide [s. lino] mundo, et*  
*candido, id est circumdati undique fortitudine et*  
*munditia, quia erunt immunes a peccatis, et decore*  
*virtutum ornati, et præcincti circa sua pectora zonis*  
*aureis, refrenantes videlicet malas cogitationes et*  
*voluntates per charitatem et divinam sapientiam.*

**VERS. 7.** — *Et unus ex quatuor animalibus dedit*  
*septem angelis, septem phialas aureas; et hoc per*  
*Christum, qui est unus, id est caput quatuor evan-*  
*gelistarum, quia quod illi prædicabunt, ex insti-*  
*tutione priorum Patrum habebunt; phialas, dico,*  
*aureas, conscientias videlicet perlucidas, plenas ira-*  
*cundiæ Dei viventis in sæcula sæculorum, illumi-*  
*natas scilicet divina sapientia. In illorum enim do-*  
*ctrina et plena electorum salus et reproborum*  
*damnatio consistit; unde isti vitam, inde illi mor-*  
*tem accipiunt. Fecit eos itaque vasa iram Dei con-*

(61) Vulg. leg. botros vineæ terræ.

ineantia. Per unum de quatuor animalibus qui dedit septem angelis septem phialas, possumus intelligere ordinem prædicatorum, apostolos scilicet et cæteros qui suis sequacibus commiserunt, quoniam non solum eos baptizaverunt, sed etiam ordinaverunt, et in suis locis eos sedere fecerunt, sicut Petrus Clementem, Linum, et Cletum, quibus etiam potestatem ligandi et solvendi, quam a Domino perciperat, tradidit, et in cathedra sua sedere compulsi. Quod etiam quotidie agitur cum per impositionem manuum in civitatibus præsules animarum constituuntur. Sequitur :

**VERS. 8.** — *Et impletum est templum fumo*, id est obscuritate, et hoc a majestate, scilicet a præsentia Dei, et de virtute ejus; quia quamvis tunc omnia ita erunt aperta fidelibus, clausa tamen et obscura erunt infidelibus; quia cui ea claudit fides, spe, et charitate, nemo aperit. *Et nemo de reprobis poterat per sæcularem scientiam introire in templum*, id est ut fieret Dei templum, nisi instructus per prædicationem septem angelorum, donec consummarentur septem plagæ septem angelorum: donec videlicet omnis Ecclesie hæc prædicatio terminetur

#### CAPUT XVI.

Et quia nullus poterat fieri templum nisi per eorum prædicationem.

**VERS. 1.** — *Audivi vocem*, id est divinam inspirationem vel admonitionem, *magnum*, quia magna præcipit; *de templo*, scilicet a Christo, *dicentem septem angelis*, id est inspirantem eis. Vos, qui boni estis quantum ad vos, adhuc in melius proficite, et in malis hominibus damnationem exercete. *Ite ergo de contemplatione ad commodum fratrum, et effundite septem phialas iræ Dei*; id est denudate claras conscientias vestras, *in terram*, scilicet contra eos qui sunt in terra. Hoc totum sine mendacio dixerunt illa superius centum quadraginta quatuor millia qui empti sunt de terra, in quorum ore non est inventum mendacium; id est omnes prædicatores Ecclesie auditoribus suis, scilicet ut qualiter Christus admonuit, prædicarent, et quomodo prædicarent.

**VERS. 2.** — *Et primus angelus abiit*, a contemplationis secreto ad utilitatem, *et effudit phialam suam*, id est puram et profundam conscientiam suam, *in terram*, id est in contemporaneos suos. Ac si apertius diceret: Primus angelus audita jussione Christi prædicavit auditoribus, quæ et quanta fecerit Deus his qui in prima ætate fuerunt. *Et factum est vulnus sævum ac pessimum*, id est execratio et damnatio nociva et insanabilis ex contemptu divino, *in homines, qui habent characterem bestiarum*, scilicet Antichristi, *et eos qui adoraverunt imaginem ejus*, id est venerati sunt ejusdem Anti-

Christi falsos discipulos. Prædicatio sanctorum alius est odor mortis, et aliis odor vitæ; sed illud ponit, unde magis terreantur auditores.

**VERS. 3.** — *Et secundus angelus, in officio, effudit phialam suam in mare*, id est in illos qui sanctos Dei contundunt et persequuntur, et quos possunt in amaritudinem vitiorum secum trahunt; et factus est sanguis, damnatio videlicet eis illata est pro sanguine sanctorum quem effuderunt, *tanquam mortui*, quia nunquam resurgent ab illa damnatione, scilicet nunquam ab ea liberabuntur. *Et omnis anima*, id est consentientes, qui vivere videntur, quia aperte Ecclesiam non persequuntur, sed propter consensum damnabuntur, *mortua est in mari*; illi scilicet qui magis vivere videbantur, excæcati sunt per mare. **B** videlicet per hoc quod alios in signum suffragii sui receperunt, sicut mare diversa piscium genera recipit. Hoc etiam sine mendacio docuerunt auditores suos illa centum quadraginta quatuor millia, scilicet antiqui doctores quomodo Noe in secunda ætate, secundum prædicationem secundi angeli, in exitu arce vineam plantaverit, et quomodo filii ejus turrim ædificare cœperint, ubi linguarum confusio facta est (*Gen. ix, 11*).

**VERS. 4.** — *Et tertius angelus, agens de tertia ætate, quando Dominus præcepit Abraham ut circumcideretur, et filium suum Isaac sibi immolare, et de terra et cognatione sua exiret; quod totum illa centum quadraginta quatuor millia* (*Gen. xvii, xxii, xii*), qui omnium Ecclesie prædicatorum personam gerunt, sine mendacio contemporaneos suos docuerunt. *Tertius ergo angelus effudit phialam suam super flumina*, plene scilicet manifestavit doctrinæ suæ scientiam super illos qui fluunt de vitio in vitium, vel super philosophos qui sunt origo multarum sententiarum; *et super fontes aquarum*, id est contra pseudoapostolos Christi, qui Scripturas principales sicut Evangelium, unde spiritualis doctrina procedit, depravant; *et sermo angeli factus est sanguis*, quia similiter isti damnabuntur pro sanguine quem fuderunt corporaliter, vel spiritualiter, ut alios detererent a prædicatione tertii angeli. Plato (62), a Jeremia posito in Ægypto cognovit quod Deus omnipotens fecit cælum et terram, mare, et omnia quæ in eis sunt; sed hanc phialam isdem Plato vertit in sanguinem, id est in pravitatem erroris, dicens quod cælestes, scilicet angeli, fecerunt cæteram minorem creaturam. Virgilius (65) quoque ex Danielis volumine dicit quatuor regna a Deo præordinata, ex quibus unum est aureum; sed convertit hoc in sanguinem, cum retulit hæc regna ad Saturnum et Jovem, ipsosque dixit conditores ipsorum regnorum. Huic Paulus apostolus loquitur, dicens: Secundum carnem sapere, mors est (*Rom. viii*).

**VERS. 5.** — *Et audiri angelum aquarum*, scilicet

*vit. Dei*, ubi quid sentiendum sit, pronuntiat. Legantur hoc in loco adnotationes Benedictinorum.

(65) *Eclog. iv.*

(62) Platonem coætaneum fuisse Jeremie et ab eo instructum, asserit Augustinus lib. ii *De doctr. Christian.*, num. 43. Verum postea retractavit in ii *Retract.* cap. 4, n. 2, et in cap. 11, lib. viii *De ci-*

multarum doctrinarum, id est intellexi ipsos prædicatores, quia vindictam hanc facient, non sibi, sed Domino attribuentes, et juste fieri confirmantes. Ac si apertius dicatur: *Audivi eundem supradictum tertium angelum, id est tertium ordinem prædicatorum nuntium multarum aquarum, scilicet multarum Scripturarum, quæ lavant animas a criminalibus peccatis, et satiant corpora, sicut aquæ satiant animas sitientes, et lavant sordes, dicentem, id est gratias Deo reddentem de hoc quod sanguis sanctorum erat effusus, et fecit vindictam de impiis. Ac si tertius angelus in persona prædicatorum diceret: O Domine, etiam in hoc justus es qui es, et qui eras sanctus.* Venturum non ponit, quia in proximo futurum intelligit: vel præteritum positum est pro tribus temporibus. *Justus es, Domine, inquit, qui hæc judicasti, scilicet qui per nos illos malos damnasti.*

**VERS. 6.** — *Quia sanguinem sanctorum et prophetarum traxit, id est majorum atque minorum, effuderunt, et sanguinem, scilicet æternam penam pro effusione sanguinis, in qua promerenda delectati sunt, dedisti eis bibere, id est permisisti eos ire in desideria cordis sui, digni enim sunt hæc pati.*

**VERS. 7.** — *Et quia quod magistri dicunt, discipuli confirmant, audiivi alterum angelum, id est discipulos eorum, dicentem: Quod dicitis, o magistri, verum est. Etiam ex magna affectione convertunt sermonem ad Deum, dicentes: Domine Deus omnipotens, etiam vera et justa sunt judicia tua: scilicet justum est, ut qui sanguinem fuderunt, vindictam sanguinis bibant.*

**VERS. 8.** — *Et quartus angelus effudit phialam suam in solem, id est in Antichristum, qui se dicit solem mundi; et datum est illi, Antichristo scilicet a Deo permissum, æstu affligere vel afficere homines, minori videlicet tribulatione, et igni, id est majori afflictione.*

**VERS. 9.** — *Et æstuaverunt homines æstu magno, scilicet defecerunt in illa tribulatione. Vel afflicti martyres afflicti tortores suos æstu iracundiæ dum invenientur insuperabiles, et sic æstuebant inimici eorum invidia vel ira. Et ipsi increduli blasphemarunt nomen Dei habentis potestatem super has plagas, quia quibus vult dat, quibus vult amovet, neque penitentiam egerunt, id est non resipuerunt; etiamsi corde dolerent, non sunt ausi proferre, ut darent illi gloriam. Ille enim claritatem Deo dat, qui et se de suis iniquitatibus accusat, et ejus justa judicia collaudat. At contra iniquorum mos est, ut suas iniquitates defendant, et Dei judicia reprehendant. Quartus angelus, ut dictum est, effudit phialam suam, quia in quarta ætate dedit Dominus Moysi legislatori primatum, et ut suspenderet serpentem æneum in ligno ne a morsibus serpentium læderentur percussi (Num. xxi), et de silice torrentem educeret (Exod. xvii). Quod totum sine mendacio centum quadraginta quatuor millia, id est omnes Ecclesiæ doctores suis contemporaneis auditoribus prædicaverunt. In quinta ætate David unctus in re-*

*gem, et devicit Goliath. Quod totum sine mendacio centum quadraginta quatuor millia, scilicet sancti doctores contemporaneos suos docuerunt (I Reg. xvi, xvii).*

**VERS. 10.** — *Et quintus angelus effudit phialam super sedem bestię, id est super Antichristum et super omnes ministros ejus, ad depressionem videlicet discipulorum illius. Diabolus cum omnibus suis membris vocatur bestia, quia aut lateenter insidians, aut aperte sæviens, Agnum, id est corpus Christi invadere nititur. Et factum est regnum ejus, id est ipsa sedes, scilicet omne corpus Antichristi, tenebrosus, omnes videlicet discipuli illius exæcati sunt. Et manducaverunt linguas præ dolore, id est, præ invidia quam habent erga sanctos: scilicet relecti sunt alter malo sermone alterius, vel publice aperte blasphemias contra Christum pertulerunt [f. protulerunt], hortantes se invicem ut Antichristum confiterentur et Christum blasphemarent. Et in sua malitia perdurantes,*

**VERS. 11.** — *Blasphemaverunt Deum cæli, dicentes Dei et Virginis Filium fuisse magum, præ doloribus, id est illatis plagis per quas exæcantur, et vulneribus suis, quæ ipsi sibi fecerunt cum manducatione linguarum, et non egerunt penitentiam ex operibus suis pessimis.*

**VERS. 12.** — *Et sextus angelus agens sexta ætate, in qua reparatio nostra facta est; quod totum centum quadraginta quatuor millia, id est doctores, sine mendacio auditoribus suis prædicaverunt; effudit phialam suam in flumen illud magnum Euphratem, id est in omnes divitiis affluentem, vel vitiis in superbia. Per magnum flumen Euphratem potentia hujus sæculi, et omnis multitudo malorum exprimitur, contra quos sancti prædicatores indesinenter loquuntur. Et siccat aquam ejus, id est prædicabunt cito siccandam affluentiam mundi, quia finito mundo erit resurrectio fidelium, ut præparetur via regibus qui venient, ab ortu solis, scilicet a Christo, quando cœperit lucere, id est seipsum manifestare. Illi ab ortu solis venire dicuntur, quia a Domino vocantur, qui est verus sol justitiæ. Reges sunt, qui se et alios bene regunt, et motus suæ carnis regendo constringunt.*

**VERS. 13.** — *Et vidi de ore draconis, id est de inspiratione diaboli, et de prædicatoribus ejus, et de ore bestię, scilicet de verbis Antichristi, et de ore pseudoprophetæ, de verbis videlicet apostolorum Antichristi, spiritus tres immundos, id est omnes impios qui pro nimia malitia spiritus immundi dicendi sunt, vel ipsos dæmones qui in cordibus aliorum suggerunt spiritum blasphemię, invidiæ, et avaritiæ. Tres dicuntur unus pro unitate malitiæ in quam conveniunt, vel quia alius est spiritus mendax, alius fornicationis, alius immundus, qui in se sordidus est, et alios inquinare non cessat.*

**VERS. 14.** — *Sunt enim vere immundi spiritus dæmoniorum facientes signa, id est miracula, aut vera Dei permissione, aut sua falsa deceptione,*

quibus reprobi justo Dei iudicio decipiantur, sicut A magi in Ægypto (*Exod. vii*), et sicut Simon Magus et alii quam plures hæretici, qui tempore apostolorum in nomine Christi eiciebant dæmonia (*Act. viii*). *Et ipsi maligni spiritus prodeunt ad reges totius terre congregare illos in prælium contra fideles, ad concitandas blasphemias et persecutiones contra sanctos, sed malo suo; quia cito ducentur ad diem magnum Omnipotentis, id est ad diem iudicii.*

VERS. 15. — *Et ecce venio sicut fur, id est officium furis habens. Ac si patenter Dei et Virginis Filius dicat: Ego illis omnia quæ habent aufero, quos dormientes inuenio; vigilantes vero mea visitatione reficio. Quotidie quippe venit Christus ut fur, quando improvisa morte subito, cum non sperat B homo, moritur. Ideo igitur beatus qui vigilat, videlicet qui sollicitus est de salute sua, et custodit vestimenta sua, id est innocentiam in baptismo acceptam, et charitatem, et cæteras virtutes. Unde ait beatus Jacobus (64): Charitas operit multitudinem peccatorum (I Petr. iv). Beatus itaque qui custodit vestimenta sua, ne nudus a virtutibus in die iudicii resurgat, et videant sancti turpitudinem peccati ejus. Vestimenta sua custodit, qui ea quæ in baptismo promisit, implere satagit. Ista sunt vestimenta immortalitatis et innocentiae, quibus primus homo in paradiso exspoliatus fuerat; sed iterum per occisum vitulum saginatum, id est per passionem Filii Dei et Virginis, in baptismo eadem vestimenta recepit. Servat igitur hæc vestimenta, quisquis C gravioribus peccatis se non commaculat. Quod si et hæc, peccatis impediens ac fragilitate carnis cogente, contigerit inquinari, habet adhuc baptismum secundum quo mundari possit, compunctionem scilicet fontemque lacrymarum. De quo gemino baptismo Psalmista dicit: Beati quorum remissæ sunt iniquitates, in baptismo videlicet primæ regenerationis, et quorum tecta sunt peccata per compunctionem cordis (Psal. xxxi). Illa ergo inmundorum spirituum et impiorum hominum turba exhibit ad congregandos reges totius terræ,*

VERS. 16. — *Et congregabit illos in locum, qui vocatur Hebraice Ermagedon, id est, faciet eos habere fiduciam in Antichristo, qui est refugium omnibus volentibus furari sanctis fidem suam, et ad quem consociabuntur omnes mali diversarum sectarum. Ermagedon enim Hebraice dicitur mons furum, vel mons globosus, sive conresurrectio testium iniquorum. Ipsi ergo Antichristo adhærebunt multi populi diversarum sectarum, scilicet D hæreticorum, homicidarum, et falsorum fratrum, qui erit mons falsorum testium.*

VERS. 17. — *Et septimus angelus effudit phialam suam in aerem, id est contra aereas potestates, scilicet contra diabolos quorum locus est aer, et exivit, id est in manifestum ivit, vox magna, scilicet magna annuntians, de templo, id est de Eccle-*

sia, a throno, quia videlicet Ecclesia hanc vocem a Deo accepit, dicens: Factum est, id est consummata sunt omnia, et finis mundi adest, et finitum est regnum Antichristi, et completa est reproborum damnatio. Septimus angelus dicitur propter septimum statum, qui erit in tempore Enochi et Eliæ. Ostendo videlicet super quos illi septem angeli effundebant phialas suas, et supponit quid contingat ipsis malis per effusionem istarum septem phialarum: scilicet quod hic quantum poterunt, adversus bonos repugnabunt, quasi ab ipsa effusione acceperint incrementum malitiæ; sed tandem detruentur in infernum.

VERS. 18. — *Et facta sunt, a discipulis Antichristi ad contradictionem bonorum, fulgura, id est miracula, et voces, blanditiæ ad bonos decipiendum, et tonitrua, videlicet comminationes, et terræmotus magnus, videlicet malorum hominum tam gravis, qualis et quantus nunquam fuit, ex quo, id est a tempore quo homines boni et rationales cæperunt esse super terram, scilicet terrena contemnere, id est, a tempore Abel qui primus terram calcavit, scilicet terrena despexit, et Ecclesia cœpit ædificari, terræmotus talis, id est tam turpis et tam fortis, sic magnus, videlicet tam gravis contra fideles.*

VERS. 19. — *Et facta est civitas magna, id est omnis collectio reproborum propter enormitatem scelerum, in tres partes, Judæorum scilicet et gentilium, atque hæreticorum, et civitates gentium ceciderunt, omnis videlicet collectio malorum in generatione prima manentium damnabuntur. Propter istam ergo damnationem, et propter peccata, quæ ipsi addunt, damnata est ipsa civitas, et divisa est pœna unicuique pro merito, Judæis scilicet, et gentilibus, et falsis Christianis. Ab exordio mundi usque ad finem sæculi duæ civitates ædificari videntur, quarum una est Dei, altera vero diaboli. Una quæ ab Abel justo cœpit, et ad novissimum electum tendit; altera quæ a Cain impio initium sumpsit, et in ultimo reproborum terminabitur. Hic autem, id est in præsentem sæculo, civitas magna, civitas diaboli intelligitur. Et Babylon magna, id est collectio illa malorum magna, confusa venit in memoriam ante Deum, scilicet in præsentia Dei, ipse videlicet recordatus est singula peccata eorum, quorum prius videbatur oblitus: dare ei calicem vini indignationis iræ ejus, ad hoc scilicet, ut Deus daret illi collectioni pessimæ mensuratam pœnam, quæ procedit ab illo indignante et irato, pro delectationibus quas habuit in mundo.*

VERS. 20. — *Et omnis insula fugit, et montes non sunt inventi, omnes videlicet pro Deo afflicti in mundo, et virtutibus eminentes respectu harum pœnarum in vita sua vitaverunt consortia impiorum, ideoque non sunt inventi in pœnis eorum.*

VERS. 21. — *Et grando magna sicut talentum de-*

(64) Recte hic al. ms. Petrus.



*scendit de cælo in homines.* Majus talentum est centum viginti librarum, medium talentum septuaginta duarum, minus vero quinquaginta. De medio itaque talento quod septuaginta duarum librarum perficitur, hic dicit, quia peccatores in septuaginta duabus linguis non effugient hanc vindictam. Grando magna et sicut talentum ponderosa significat æternam pœnam sine fine peccatores contudentem, tamen cum mensura, quia Deus justus iudex unicuique tribuit secundum opera sua. Et illi homines patientes, in inferno positi *blasphemaverunt Deum*, dicentes eum injustum et crudelem, *propter plagam grandinis: quoniam magna facta est vehementer.* Et illi infelices, quamvis sciant se pro suo merito puniri, dolebunt tamen quod Deus tantam potentiam habeat, quod eis plagam inferat.

## CAPUT XVII.

Ostensis plagis diaboli et bestię, ac liberatione mulieris, ne iudicium Dei injustum videatur, incipit justas damnationis eorum causas ostendere, ut ab his causis caveant sibi fideles.

**VERS. 1.** — *Et venit unus de septem angelis, qui habebant septem phialas, et locutus est mecum, dicens: Veni, ostendam tibi damnationem meretricis magnę.* Ille angelus personam habet filii Dei docentis et Joanni loquentis, qui verò est caput septem angelorum. Cum descripsisset plagas, quas prædicatores inferent tempore Antichristi, et damnationem æternam, quam inde patientur impii, monentur attendere causas ipsius damnationis. Quasi diceret: Ostendi vobis quid in illo futuro tempore fiet, et vos præsentis modo cavete vobis, quia idem diabolus, qui tunc ita aperte decipiet, occulte decipit quotidie, et ad eundem interitum quo illos, ducet vos si potest. *Veni*, inquit angelus, o Joannes, per intelligentiam, *et ostendam tibi damnationem meretricis magnę*: id est causam damnationis malorum, qui relicto creatore, fornicantur cum dæmone idola colendo, et terrena amando; *quę sedet super aquas multas*, regnat videlicet super multos populos, quos attrahunt ad se luxuriando. Unde ait Dominus ad Job: Virtus ejus scilicet diaboli, in lumbis ejus, quando viros, quorum seminarium in lumbis est, decipit (*Job xl*). Unde propheta ad Jerusalem quasi ad meretricem loquitur, dicens: *In die ortus tui*, id est, in hoc tempore sæculi, *non est præcisus umbilicus tuus* (*Ezech. xvi*), scilicet non refrenasti luxuriam.

**VERS. 2.** — *Cum qua meretrice fornicati sunt reges terrę*, id est principes sæculi, honores terrę et voluptates carnis appetendo et immunditiam sectando; *et inebriati sunt qui inhabitant terram de vino prostitutionis ejus*, id est manifestę fornicationis illius. Sicut ebrius nihil timet, sic terrenis inherentes in tantum excecabuntur amore terrę, ut nec Deum diligant, nec pœnas inferni timeant. Meretrix ista magna est Antichristus, et mali qui tempore ejus erunt; quę jam sedet super aquas, id est jam regnat super malos præsentis, et in no-

visissimo regnabit super malos futuros quorum ipse est caput. Sequitur:

**VERS. 3.** — *Et abstulit me in desertum in spiritu*, id est in corda reproborum absentia divinitatis vacua. Hęc omnia beatus Joannes non corpore vidit, sed spiritu et mentis intellectu. Desertum in sacro eloquio aliquando significat cælum, ut est illud in Evangelio: Reliquit nonaginta novem oves in deserto, id est in cælo (*Luc. xv*). Aliquando significat mentes sanctorum, sicut in Psalmo legitur: *Ecce elongavi fugiens, et mansi in solitudine* (*Psal. lrv*), id est, in secreto mentis. Aliquando significat Deum sicut Jeremias ait: *Quis dabit me in solitudine diversorum viatorum?* (*Jer. ix.*) Aliquando corda reproborum, ut est illud Jeremię:

**B** *Quomodo sedet sola civitas plena populo* (*Thren. i*). Sola, id est sine Deo. Hinc et Joannes dicit: *Vox clamantis in deserto: Dirigite viam Domini* (*Matth. iii*). Jure enim desertum vocantur hi quos omnipotens Deus per gratiam non inhabitat. Iterum subjungit dicens, *et vidi mulierem super bestiam coccineam*, id est illos malos, qui Evę a qua peccatum cœpit, conformantur; qui diabolum habent fundamentum, qui est sanguineus in se et in suis, vel quia sanguinem sanctorum fundunt, *plenam nominibus blasphemię*, sive quia eloquia Domini male intelligunt, et mendaciter proferunt, vel quia mala quę faciunt, Deo non displicere dicunt; bestiam dico, *habentem capita septem*, id est quinque sensus carnis et errorem hæreticorum, et tandem **C** Antichristum, per quę septem diabolus homines ducit ad peccatum, *et cornua decem*, scilicet decem regna quę erunt tempore Antichristi, per quę intelliguntur decem cornua.

**VERS. 4.** — *Et per illam bestiam talem*, id est per diabolum, *mulier erat circumdata purpura*. Illi videlicet molles et fornicarii super diabolum erant circumdati purpura, regalibus scilicet vestibus ornati terrenis divitiis, ut decipiant fideles, *et coccino erat circumdata*, quia ipsi sunt sanguinolenti, sicut pater eorum diabolus, occident enim nolentes sibi acquiescere. *Et erat inaurata auro*, quia videbantur divina sapientia illuminati, *et lapide pretioso*, scilicet carbunculo, id est charitate quam dicunt se habere, *et margaritis*, aliis videlicet virtutibus, *habens poculum aureum*, divinam scilicet Scripturam, qua potantur fideles ad salutem, *habent in manu suo*, id est in pravis expositionibus; *populum dico plenum abominatione et immunditia fornicationis ejus*, videlicet quę secundum illas expositiones debent abjici a fidelibus, quia immunditiam carnis docent, et fornicari a Deo.

**VERS. 5.** — *Et quamvis mulier*, scilicet ipsa collectio malorum sit tam habilis ad decipiendum, tamen, o vos fideles Christi, ne desperetis, *quia in fronte ejus*, id est in manifesto, *habet nomen scriptum: Mysterium*; scilicet immutabiliter positum et incognoscibile signum, nisi sapientibus; quod rudibus est mysterium hoc nomen, videlicet quod

*Babylon magna* vocabitur, id est, magna confusio. **A** *et mater fornicationum*, a Deo videlicet recedentium, dantes aliis peccandi exemplum, *et abominationum terræ*, pro quibus terreni homines a salute fidelium repellentur.

VERS. 6. — *Et vidi eandem mulierem*, ut dixi, variis vestimentis ornatam, diversis videlicet vitiis involutam, id est pro peccato damnatam; *et de sanguine sanctorum ebriam*; ita scilicet depressam vindicta pro effusione sanguinis ut præ nimis doloribus nesciat ubi sit; *et de sanguine martyrum Jesu*, illorum scilicet, qui testari non timent Christum Deum verum esse et hominem. *Et miratus sum, cum vidissem illam admiratione magna*. Hic habet beatus Joannes personam illorum, qui cum vident malos in mundo exaltatos, mirantur, cum audiunt pœnas quæ ipsis malis promittuntur: et cum ita sint puniendi, quare permittit Deus exaltari eos. Sed qui hujusmodi mirantur, docentur intelligere illam exaltationem datam ad majorem execrationem, et inde juste inferri æternam damnationem.

VERS. 7. — *Et dixit mihi angelus*, id est inspiravit mihi Deus: *Quare miraris*, o Joannes? Quasi diceret: Noli mirari, sed intellige quid sit. *Et ego dicam*, scilicet reserabo tibi, ita ut possis intelligere sacramentum mulieris. *et bestia quæ portat eam*, videlicet quare puniantur isti mali, et diabolus qui eos peccare fecit; sacramentum dico, quod est incognitum, non doctis, sed indoctis: *quæ bestia habet capita septem, et cornua decem*.

VERS. 8. — *Bestia, quam vidisti*, id est diabolus, qui bestiales homines facit, ante adventum Christi fuit, dominium habens, *et non est*, quia, Christo nato, jus perdidit, *et ascensura est de abyssonibus*, scilicet de massa infidelium, habens dominium, quia tempore Antichristi potestatem recipiet, in malis videlicet hominibus locum habebit, *et in interitum ibit*, quia, mortuo Antichristo, quem Dominus Jesus interficiet spiritu oris sui (II Thess. II), amplius non habebit diabolus locum in terra. *Et mirabuntur inhabitantes terram*, mali videlicet, cum viderint potestatem diaboli et Antichristi ita adnihilatam, dolebunt; non quasi pœnitentes, sed tantum admirantes; *quorum nomina non sunt scripta in libro vitæ a constitutione mundi*, quamvis ipsi præsumendo scribunt se, dicentes: *Non movebor in æternum* (Psal. xxix): *videntes bestiam quæ erat*, scilicet dominabatur humani generis, *et modo adeo dominans non est*.

VERS. 9. — *Et hic*, id est in hoc loco, *est sensus*, videlicet adhibendus est intellectus, non stultis et idiotis; sed ille qui habet sapientiam, debet hic intelligentiam suam exercere. Ac si apertius diceret: Respectu hujus pœnæ potestis vobis cavere. Hic, id est in consideratione istarum rerum, vel in expositione sequentium beatus Joannes auditores suos reddit attentos. *Septem capita hujus bestia septem montes sunt*, id est septem dominationes per septem

status Ecclesiæ ab adventu Domini usque ad diem iudicii, vel septem principalia vitia, quia per hæc septem erigit diabolus homines in superbiam, in quibus innituntur infideles, *super quos mulier cadet*, molles videlicet, et fornicarii, et ad peccandum proni; *et reges septem sunt*.

VERS. 10. — *Quinque ceciderunt, unus est, et alius non tunc venit; et cum venerit, oportet eum breve tempus manere*. Sex ætates mundi addito septimo statu Antichristi facit septem reges scilicet super septem montes. Isti ergo reges jam regnant in avis, et proavis, id est in suis similibus. *Alius, id est septimus rex dicitur Antichristus*, cujus regnum non permanebit, nisi per tres annos et dimidium. Hic dicitur septimus, non quantum ad ætates mundi, quæ sunt solummodo sex, sed quantum ad septimum status, in quorum septimo Antichristus venturus est, qui septimus status continetur infra sextam ætatem, quæ est ab adventu Domini usque ad diem iudicii.

Adam si in obedientia perseverasset, ad nullam voluptatem sensibus corporis uteretur: sed per peccatum ita corrupti sunt, ut jam naturale sit, lenia tactu, sapor, canora, odorifera, visu pulchra quærere. Hi sunt quinque reges, per quos homines diabolus in pueritia regit, quia ipse fuit causa quare corrumperetur. Hi sunt quinque viri Samaritanæ mulieris, quibus succedit error, quia postquam ad discretionem venit homo, si peccat, jam non dicitur peccare per quinque sensus, sed per errorem. De quo ait Dominus mulieri Samaritanæ: *Quem nunc habes, non est tuus vir* (Joan. IV). Alius rex qui septimus dicitur, est Antichristus, qui, ut dictum est, nondum venit, per quem amplius quam per quinque sensus, vel per errorem regit eandem mulierem, omnem scilicet malorum collectionem, ad æternam damnationem.

VERS. 11. — *Et bestia, id est diabolus, quæ erat ante adventum Domini habens dominium, et modo non est adeo dominans, et ipsa octava est*, quia ejus dominium protenditur usque ad resurrectionem, quæ est octava ætas. Et ipsa bestia, scilicet diabolus, *de septem est*, quia similiter peccat, et similiter puniatur, et octava est, *et in interitum vadit ipse totius malitiæ caput cum suis membris*, quia omnes transcendit et in nequitia et in pœna.

VERS. 12. — *Et decem cornua, quæ vidisti, decem reges sunt, qui regnum nondum acceperunt*. Tempore Antichristi, ut ait Daniel, erunt decem regna, quorum reges in cornibus notantur (Dan. VII). Sed qui sunt isti reges Persæ? videlicet, Saraceni, Vandali, Gothi, Longobardi, Burgundiones, Franci, Hungari, Alamani, et Sueni [Suevi], qui tamen tempore beati Joannis regnum nondum acceperant. *Sed potestatem tanquam non veri reges, sed tanquam tyranni una hora accipient post bestiam*, id est, secundi post caput suum. Ac si apertius dicatur: O fideles Christi, ideo timere non debetis, quia malo-

rum regnum quantumcunque permaneat, comparatum æternitati nihil est.

VERS. 13. — *Hi omnes reges devicti ab Antichristo in bello materialiter vi, unum consilium habent, id est, habebunt, negandi Christum, et credendi in Antichristo, hoc scilicet, quia virtutem, quam habebunt in se, et potestatem, quam habebunt super alios, bestię tradent, quia omnem gratiarum actionem illi attribuent.*

VERS. 14. — *Hi omnes verbo et opere ut fideles sibi subjiciant, cum Agno, id est contra Agnum, pugnant; sed consilium eorum vanum erit, quia Agnus vincet illos, faciendo suos constantes, et damnando impios cum suo capite diabolo. Innocentia videlicet Agni destruet consilium bestię, id est diaboli; quia Dominus dissipat consilia gentium, reprobatur autem cogitationes populorum, et reprobatur consilia principum (Psal. xxxi). Quare? Quoniam Dominus dominorum est, et Rex regum, utens etiam malis ad utilitatem fidelium: et ideo vincet supradictos reges, quia qui cum illo sunt, vocati, per prædicatores, electi, ab æterno, et fideles sunt exsequendo recta opera.*

VERS. 15. — *Et dixit mihi angelus: O Joannes, aquas [f. aque] quas vidisti ubi meretrix sedet, id est, ubi Antichristus jam regnat per mysterium, populi sunt, et gentes, et lingua, scilicet præsentis mali ex omni diversitate hominum collecti.*

VERS. 16. — *Et decem cornua, quæ vidisti in bestia, scilicet principes Hebræorum, Græcorum, Latinorum, et Saracenorum impugnant decem præcepta legis; hi odient fornicariam idololatricam, reprobi videlicet odient seipsum; quia Qui diligit iniquitatem, odit animam suam (Psal. x); quia unde reprobi se amant voluntates suas sequendo, inde se odisse convincuntur. Et desolatam facient illam, ab illis videlicet quibus imperabit, quia solatium diaboli perditio est malorum; quod solatium perdet completo numero electorum. Et facient illam nudam, a prima videlicet potestate. Diabolus habet potestatem faciendi signa ad deceptionem, quam perdet completo numero honorum, quia postea tentatio non habebit locum. Quando diabolus et Antichristus filius ejus potestatem, quam ad decipiendum humanum genus habuerunt, perdidit, dicturi sunt reprobi: Ecce quomodo servi Jesu Christi computati sunt inter filios Dei, et inter sanctos illorum est. Nos insensati vitam illorum aestimabamus insaniam, et finem illorum sine honore (Sap. v). Et carnes ejus, id est voluptates diaboli, et Antichristi omniumque discipulorum eorum, manducabunt, id est destruent et denudabunt, et tormentis tradent ipsum diabolum, et corpus illius, scilicet Antichristum et membra ejus; et ipsam bestiam fornicariam, id est ipsum diabolum qui eos fecit fornicari, igni concremabunt; quia simul cum ipsis et pro peccatis illorum punietur ipse diabolus, qui eos ad peccandum incitavit. Vel ipsi sunt carnes, quia semper peccatis pascentur, semperque eos ver-*

mes comelent, et nunquam ad defectum, cum juxta defecerint, pervenient. Dum ergo suis iniquitatibus, suisque pravis voluptatibus quasi quibusdam lignis ignem quo comburantur accendant, ipsi se concremant. Sic enim usitata locutione, quod in ipsis contigerit, reprobi facere perhibentur; sicut nos quemlibet se ipsum interfecisse dicimus, qui periculum mortis, cum posset, non declinavit; vel se ipsum incendisse, qui semet volens in ignem præcipitem dedit. Isaias dicit de reprobis, quia Ignis eorum non exstinguetur, et termis eorum non morietur (Isai. lxxvi). Merito ergo sic evenit bestię, id est diabolo et membris ipsius, quia pro suis malis meritis excæcavit eos Deus. Sæpe enim Deus iratus pro præcedentibus hominum peccatis permittit eos facere, unde illum amplius offendant.

VERS. 17. — *Deus ergo dedit in corda eorum, scilicet supradictorum regum, ut faciant quod placitum est illi, id est, quod a Deo permissum est; hoc scilicet, ut dent regnum suum bestię, videlicet ut permittant se regi a diabolo conversi in reprobum sensum, donec consummentur, id est, opere compleantur verba Dei de promissione præmiorum vel pœnarum. Quia superius obscure egerat angelus de muliere illa, apertius inde modo Joanni loquitur, dicens:*

VERS. 18. — *Et mulier, quam vidisti, id est quam superius monstravi tibi, civitas magna est, scilicet multitudo malorum, quæ habet regnum super reges terræ, id est, quæ allexit sibi reges terrenos, non spirituales, unde maxime superbiunt ipsi.*

#### CAPUT XVIII.

In hac sexta visione agit de ultimis pœnis quas patientur impii in inferno pro singulis peccatis; et primum de Babylone ostendit, postea de bestia et pseudopropheta, tandem de ipso diabolo, in quo finis patet. Istam damnationem exsecuturus a Christo prædicatum dicit, ut major fides habeatur.

VERS. 1. — *Et post hæc, inquit, scilicet post prædicata ab illis centum quadraginta quatuor millibus, id est ab omnibus veteris et novi testamenti doctoribus; vidi alium angelum, scilicet Christum, secundum prædicationem eorundem centum quadraginta quatuor millium, descendentem in uterum Virginis de cælo, scilicet de æqualitate Patris, habentem potestatem magnam cum eodem Patre secundum divinitatem, et etiam secundum humanitatem. Unde ipse ait in Evangelio: Data est mihi omnis potestas in cælo, et in terra (Matth. xxviii); et terra, scilicet Ecclesia, illuminata est, expulsis tenebris ignorantie, a gloria, id est a gloriosa prædicatione ejus.*

VERS. 2. — *Et exclamavit, scilicet prædicavit in forti voce, qui quod dixit, effectu non carebit, dicens: Cecidit, cecidit Babylon magna. Bis pro duplici damnatione, animæ videlicet et corporis ponitur; vel quia æternaliter pudetur. Unde ait Psalmista:*

*Dejecisti eos dum alleverentur* (Psal. lxxii). Et ideo cadet, quia *facta est habitatio dæmoniorum*, id est collectio, quia dæmones habitabunt in ea, expulso a se Deo, et *custodia omnis spiritus immundi*, quia ipsa custodit se diabolo, vel ipse diabolus custodit eam sibi; et *custodia omnis volucris immundæ*, ideo videlicet, quia dæmones in pravis cordibus pro carnis illecebris sunt immundi, pro mentis elatione volucres, quia per hunc aerem discurrunt. Et hæc idcirco illi evenient,

VERS. 3. — *Quia de ira* (65) *fornicationis ejus biberunt omnes gentes*, scilicet de fornicatione qua irascitur Deus, et *reges terræ*, id est principes sæculi, *cum illa fornicati sunt*; et *mercatores terræ*, illi videlicet qui animas suas vendunt ambitione sæcularium rerum, *de virtute deliciarum ejus divites facti sunt*, id est, de ambitione sæcularis pompæ, scilicet de peccatis per quæ acquiruntur divitiæ, quia omnis dives, aut est iniquus, aut hæres iniqui.

VERS. 4. — *Et audivi aliam vocem de cælo, dicentem*, id est divinam inspirationem, vel Christi vel suorum prædicationem, *dicens futuram illam damnationem ad præsens*, et ideo admonet præsentem ut sibi caveant. *Exite de illa, populus meus*, id est, opera ejus ne faciatis, et *ne participes sitis delictorum ejus*, facientibus videlicet consensum ne præbeatis, et *de plagis ejus non accipiatis*; quia si dissimiles in vita fueritis, similes in pœna non eritis; quia modicum tempus superest, quo pro merito accipient ultionis tormenta.

VERS. 5. — *Quoniam pervenerunt peccata ejus usque ad cælum*, id est usque ad contemptum Dei per impœnitentiam, et *recordatus est Dominus iniquitatum ejus*, quamvis videretur oblitus, dum permitteret prosperari. Videtur enim Deus oblivioni tradere bona justorum et perversa facta impiorum, quando istos permittit affligi, illos autem honoribus et dignitatibus pollere. Sequitur:

VERS. 6. — *Reddite illi sicut ipsa reddidit vobis*, id est, sicut ipsa vindictam meam exercuit de vobis qui purgaminis, sic vos injuriam meam vindicate in illis, et *duplicate duplicia*, secundum opera ejus, scilicet, animæ et corpori majores pœnas inferte illis, quam ipsi intulerunt vobis, secundum videlicet quod ipsi in Deum et in se et in vos peccaverunt; *in poculo, quo miscuit, miscete illi duplum*: id est, sicut vobis tormenta intulerunt, sic vos illis vestro judicio.

VERS. 7. — *Quantum glorificavit*, id est exaltavit se et superbivit, et *quantum in deliciis fuit*, scilicet quantum delectata est in terrenis deliciis, cum duplo tantum date illi tormentum in corpore, et *luctum in anima*, quia in corde suo dicit: *Sedeo regina*, quasi non movenda, honore scilicet et dignitate; et *vidua non sum*, quia habeo consolationem in temporalibus bonis; et *luctum non videbo*, quia futura mala non

A timeo, sed lætitia perseverabit mecum. Et quia hoc dicit,

VERS. 8. — *Ideo in una die*, scilicet in die judicii, *venient plagæ ejus, et mors* absentia vitæ, id est, Dei, et *luctus*, contra hoc quod hic riserunt, et *fames*, quia Deo qui est vera refectio carebunt, et perpetuo igni comburentur; *quia fortis est Deus*, qui *juste judicabit illam*.

VERS. 9. — *Et flebunt, et plangent se super illam reges terræ*, dolorem videlicet in corpore et in anima sentient, eo quod super illam fundati fuerunt principes sæculi, *qui cum illa fornicati sunt*, id est, qui casto Dei amori Babylonis amorem prætulērunt, illi adhærentes, et *in deliciis mundi vixerunt*. *Cum viderint fumum incendii ejus*, id est, cum defecerint divitiæ eorum, quod est signum æterni incendii; vel cum viderint pœnam suam ultra modum exaltatam et elevatam, tunc flebunt et lugebunt.

VERS. 10. — *Longe stantes*, non corpore sed voluntate, longe videlicet desiderantes esse *propter timorem tormentorum ejus*, et dicentes: *Væ, væ civitas illa magna Babylon, civitas illa fortis; væ*, scilicet omnem miseriam habebit in corpore et *væ* in anima, quia nunc in toto mundo distenditur propter multitudinem reproborum, quæ simulabat se fortem, non in bono, sed in persecutione sanctorum, quos diversis afflixit modis, et interfecit. Et revera Babylon *væ*, scilicet omnem miseriam in corpore et in anima habebis, *quoniam una hora*, id est subito, *venit judicium tuum*, id est damnatio tua.

VERS. 11. — *Et negotiatores terræ*, id est terrariorum, vel maligni spiritus. Vel ad litteram, pro terrenis animas dantes, *flebunt*, scilicet quia illa perire dolebunt, in quibus suam deputabant prosperitatem, et *lugebunt super illam, quoniam merces eorum nemo emet amplius*, quia videlicet gloria temporalis, quam homines solebant emere, peribit. Sic enim dicturi sunt: *Omni gloria mundi peremite, non erunt merces quas non emamus, nec erunt qui nostras merces emant, ut eorum pretio ditemur*. Dolent enim quod ad præsens perdent diviti, nec amant quod in æternum possidere poterant voluntarii.

D VERS. 12-13. — Hæc quæ sequuntur, pertinent ad quinque sensus corporis, quibus nutritur avaritia, luxuria, et cætera vitia. Hæc quatuor pertinent ad visum: videlicet *merces auri et argenti, lapides pretiosi, et margaritæ*. Et hæc quatuor ad tactum: scilicet *merces byssi, et purpuræ, et serici et cocci*. Et hæc sex ad visum: videlicet *omne lignum thynnum*, id est odoriferum, et *omnia vasa eboris, et omnia vasa de lapide pretioso, et aramento, et ferro, et marmore*. Et hæc quinque ad odoratum, id est *cinnamomum, et odoramentorum, et unguenti, et thuris*. Sed et istæ singulæ species electos significabant, quas bestia, scilicet diabolus, fraude se ha-

here ostendit, et perdidisse dolet. Et hæc quatuor ad gustum : videlicet merces vini, et olei, et similæ, et tritici; etiam merces jumentorum, et ovium, et equorum, et rhedorum, et mancipiorum, et merces animarum hominum; quia etiam homines solent vendi, vel quando aliqui sacros ordines vel aliquam sancti Spiritus gratiam vendunt.

VERS. 14. — *Et poma tua desiderii* vel concupiscentiæ animæ, id est superflua quælibet existentia desideria animæ tuæ *discesserunt a te, et amplius illa non invenient*, pereunte mundi gloria.

VERS. 15. — *Mercatores horum*, id est, diaboli, et illi homines, qui divites facti sunt, ab ea, id est abundantes luxuria et cæteris vitiis, *longe stabunt*, videlicet pro voto suo longe starent si possent, propter timorem tormentorum Babylonæ, sed longe stare non poterunt. Hoc omnino, quod secundum quinque corporis sensus reprobi tractant, pereunte deplorant, quia nesciunt aliud cogitare, nisi ea quæ exterius considerant. *Longe, inquit, stabunt, fientes, ac lugentes, et dicentes :*

VERS. 16. — *Væ, væ civitas illa magna* Babylon. Hoc autem dictum est de mediocribus, majores namque dixerunt superiora væ, isti vero mediocres dicunt, væ, væ. Minores autem dicent tertium væ, væ, *civitas illa magna*, quod est habitura in corpore, et in anima, *quæ amicta erat bysso, et purpura, et cocco, et erat abundans omni gloria mundi, et deaurata auro*, humana videlicet sapientia, et lapide pretioso, soliditate scilicet virtutum, æstimatione hominum, et margaritis, id est diversis virtutibus. Et merito illi civitati, væ, væ :

VERS. 17. — *Quoniam una hora, ex improvise, destitutæ sunt*, id est destructæ, *tantæ divitiæ*, videlicet tam superbæ Babylonis. *Et omnis gubernator*, id est majores inter minores, *et omnes qui in longum navigant*, scilicet qui aliquid certi habere desiderant, sicut aliqui episcopatum, ut per totum mundum suam falsam doctrinam diffundant, vel quorum lata sunt imperia, *et nautæ*, id est consortes, sed tamen sunt minores, *et qui in mari operantur*, scilicet minimi qui mundi lucra sequuntur, *longe steterunt*, videlicet pro voto suo longe starent si possent.

VERS. 18. — *Et clamaverunt* toto affectu cordis, *videntes locum incendii ejus*, horrorem scilicet pœnarum Babylonis id est, infernum cui tradita est *dicentes : Quæ res similis*, scilicet in miseria, *civitati huic magnæ* in deliciis et in nequitia?

VERS. 19. — *Et miserunt pulverem*, id est serotinam pœnitentiam vel concupiscentiam terrenorum, *super capita sua*, scilicet super mentes suas per similitudinem pœnitentiæ, *et clamaverunt plangentes et lugentes*, habitum videlicet pœnitentiæ ostendentes, *ac dicentes : Væ, væ* in corpore et in anima *civitas magna* Babylon, *in qua divites facti sunt de copia vitiorum suorum omnes qui habent naves*, id est navigationes in mari, *de pretiis ejus*. Et merito væ, quia una hora, id est in ictu oculi, *desolata est*.

PATROL. CCIX.

Postquam prædixit hanc damnationem futuram impiis, monet fideles exsultare, ut concordent divino iudicio, vel quia his damnatis, sequetur eorum remuneratio.

VERS. 20. — *Exsultate super eam cæli*, id est cælestes creaturæ, *et sancti apostoli et prophætæ*. Ac si diceret : Illi reges terræ et negotiatores stebunt, et lugebunt, sed, o vos cæli, id est sancti apostoli, et prophætæ, et omnes fideles, qui ex terra cælestes facti estis, *exsultate* : non quia perit Babylon, id est omnis collectio malorum, sed quia iudicium Dei justum est, et quia talia evasistis. *Exsultate*, inquit, *quoniam judicavit Deus iudicium vestrum de illa*, scilicet, ut illa iudicavit vos injuste, damnabitur juste. Pœna enim malorum augmentum est gloriæ bonorum. Postquam descriptæ sunt singulæ pœnæ, ostenditur beato Joanni modus damnationis. Ac si aperte dicat : Quod vidi prædictum, vidi etiam qualiter in futuro erit completum.

VERS. 21. — *Et sustulit unus angelus fortis*, id est, Christus, *lapidem quasi molarem magnum*, id est dura corda habentes, quia per mundana voluntur, *et misit in mare*, scilicet in infernum, *dicens : Hoc impetu*, id est tali, scilicet irrecuperabiliter, *mittetur Babylon illa magna civitas*, collectio videlicet confusorum notabilis, et magna in peccatis, quæ ita est volubilis terrenis voluptatibus, sicut lapis molaris : mittetur, dico, in infernum, *et ultra jam non inveniatur*, sed desiderium eorum, quia in inferno nulla est redemptio. Quia superius quatuor sensus tantum præmiserat, agit hic de quinto, id est, de auditu.

VERS. 22. — *Et vox*, inquit, *citharædorum, et musicorum, et tibia canentium et tuba non audietur*, id est non inveniatur, *in te amplius*, quia nulla erit amplius terrenorum jucunditas. Et non tantum unius artis, ut fabri et carpentarii, sed *omnis artifex cujuslibet artis non inveniatur in te amplius*, quia, peracto iudicio, omnis sæcularis scientia delebitur. Ibi non exquirentur delicatissimi panes, quia *vox molæ non audietur in te amplius*; vel quia tantum superflui erant, quod ad molendum piper maximas molas habebant.

VERS. 23. — *Et lux lucernæ*, id est lampadis *non lucebit in te amplius. Et vox sponsi et sponsæ*, id est lætitia nuptiarum, *non audietur adhuc in te*, scilicet post iudicium. Ac si patenter dicat : Cujuslibet generis sit gloria hujus mundi, omnino delebitur. Et merito destrueris, o Babylon, *quia mercatores tui erant principes terræ*, id est diaboli. Quasi diceret : Quia illi dantes animas pro terrenis, nimiam potestatem exercuerunt, quam pati non possunt, ideo ista non audientur in te amplius. Ideo etiam juste peribis, *quia in veneficiis tuis*, id est in erroribus et in pravis persuasionibus tuis, *erraverunt omnes gentes*, quidam videlicet de omnibus. Nunc ad ipsam Babylonem loquitur de suo casu, quasi condolens miserix ejus; nunc ad auditores convertitur, ut fideles exhortetur. Ideo iterum

13

Babylon, id est omnis collectio malorum, mittentur A in infernum quia :

VERS. 24. — *In ea sanguis prophetarum et sanctorum inventus est, in vindictam scilicet sanguinis : et omnium, qui in nequitia interfecti sunt, id est occisi, in terra. Si malus malum occidit, occisorem non excusat.*

#### CAPUT XIX.

VERS. 1. — *Post hæc audivi mente, id est, post hanc visionem intellexi, centum quadraginta quatuor millia sine mendacio docuisse hoc auditores suos, quia, facto iudicio, omnes sancti laudabunt Dominum pro remuneratione honorum. Quod dicit, post hæc, non est diversitas temporis, sicut prædictum est, sed ordo narrationis. Contra hoc videlicet quod superius dictum est, væ, væ, væ, pro damnatione capitis et membrorum, ita ostenditur beato Joanni sanctos dicturos esse ter Alleluia, scilicet, laus sit Deo Patri, et virtus Deo Filio, et gloria Spiritui sancto. Audivi, inquit, quasi vocem magnam multarum tubarum in caelo, illorum scilicet qui in prædicatione fuerunt tubæ, dicentium : Alleluia, laus videlicet humanis verbis inexplicabilis. Ideo dicimus Alleluia, quia laus est Deo nostro ; id est quia magna bona nobis fecit ; unde antonomastice, id est excellenter, eum laudare debemus. Sit itaque laus Deo Patri, et gloria, id est immortalitas et impassibilitas ; et virtus Deo Filio, id est victoria qua vicit diabolum, et Spiritui sancto, scilicet Deo nostro Trinitati laus est.*

VERS. 2. — *Quia dando quod promisit, vera et C justa iudicia ejus sunt, unicuique secundum merita reddendo, quia iudicavit de meretrice magna, quæ corrupit terram, scilicet pravi homines corrumpunt seipsum, vel alium, vel sanctam Ecclesiam, in prostitutione sua, id est in luxuria, et vindicavit sanguinem servorum suorum de manibus ejus requirens eum.*

VERS. 3. — *Et iterum dixerunt : Alleluia. Per hanc iterationem debemus intelligere laudem æternam. Deus vindicavit sanguinem sanctorum de manu ejus. Et fumus ejus, id est obscuritas et elevata pœna æternaliter ascendet et crescet durans in sæcula sæculorum.*

VERS. 4. — *Et ceciderunt seniores viginti quatuor, D et quatuor animalia et adoraverunt Deum sedentem super thronum, dicentes : Amen, Alleluia ; quia videlicet non minores sancti solummodo de hac damnatione laudaverunt Deum, sed etiam illi majores qui in Ecclesia fuerunt iudices et doctores aliorum. Ac si dicerent : Vere Deus laudandus est de hoc, quod inimicos nostros ita punivit. Ac si apertius dicatur : Amen : Alleluia : scilicet verum est, quod ita Deus gloriosus est.*

VERS. 5. — *Et vox de throno, id est admonitio de illis in quibus Deus sedet, ad audientiam omnium exiit, dicens : Laudem dicite Deo nostro omnes servi ejus : et qui timeis eum casto amore, pusilli et magni, qui hæc vo-sunt. Laudem Deo di-*

cere, est bene operari. Pusilli sunt qui nequeunt altiora penetrare mysteria, nec Domini consilium possunt implere dicentis : *Vende omnia quæ habes, et da pauperibus, et veni, sequere me (Matth. xix).* Parvitas quippe ingenii non nocet, cujus cor et lingua Domini laude repletur.

VERS. 6. — *Et audivi vocem quasi tubæ magnæ, et sicut vocem aquarum multarum, quæ de multis populis collecti sunt. et sicut vocem tonitruum magnorum, quia terrebit impios sanctorum exultatio, dicenti in Alleluia. Ostensa lætitia quam habebunt sancti de justa damnatione impiorum, subjungit aliam lætitiã ipsorum sanctorum, quam de salvatione sua habebunt. Quasi dicerent : Antea regnaverunt impii, sed nos ideo gaudemus, quoniam B regnabit Dominus Deus noster omnipotens.*

VERS. 7. — *Gaudeamus itaque beatitudinem animæ habentes, et exultemus in corpore glorificati, et demus gloriam ei, ab eo videlicet nos omnia habere reputemus, quia tænerunt nuptiæ Agni, Ecclesia scilicet conjuncta est Christo, et uxor ejus conceniens, ut jungeretur, præparavit se, quia ipsa Ecclesia fecit se idoneam ut reciperetur.*

VERS. 8. — *Et datum est illi, ut se posset præparare, et ut cooperaret se contra æstus mundi byssino splendido et candido, id est justificationibus, quia nullis maculis fuscatur conscientia sanctorum profectu virtutum. Nunc sancta Ecclesia est sponsa. Cum autem ad amplexus sui viri fuerit perducta, et quod nunc videt in spe, viderit in re, tunc erit uxor. Byssus enim justificationes sunt sanctorum (Prov. x), quæ sunt per charitatem, quæ operit multitudinem peccatorum (I Petr. iv). Fiant etiam justificationes per fidem, sicut ait Apostolus : *Justificati per fidem, pacem habeamus in idipsum (Rom. v).**

VERS. 9. — *Et dixit mihi angelus : Scribe : Beati, qui ad cœnam nuptiarum Agni vocati sunt. Locutus de nuptiis futuris, invitat præsentem ad eas. Ac si diceret : Beati qui ad cœnam, id est ad supernum illud et cœleste convivium vocati sunt in Dei præscientia et prædestinatione ad consortium videlicet angelorum et sanctorum hominum, ubi erit refectio sanctorum animarum, præsens scilicet omnipotentis Dei vultus. Bene autem non convivium, sed cœna vocatur, quia in fine mundi adimplebitur. Post prandium enim cœna restat, post cœnam autem convivium nullum. Et dixit mihi : hæc verba Dei sunt ; et ideo vera quia illius sunt propria.*

VERS. 10. — *Et quia ego Joannes majora me intellexi et obedire paratus fui, cecidi ante pedes ejus, ut adorarem eum. Notandum, quia idem angelus pedes habuisse dicitur, quia nimirum de caelo veniens, ex aère corpus assumpsit. Et dixit mihi idem angelus : Vide ne feceris : conseruus enim tuus sum, et fratrum tuorum habentium testimonium Jesu, quia quidquid prophetæ dixerunt, Christo testimonium perhibet. Deum igitur adora, quia ego, et tu, et fratres tui unum Deum habemus. In veteri lege non prohibuit se angelus adorari (Gen. xviii, xix ;*

NUM. XXII; Jos. v), sed post ascensionem videns A est sanctorum qui se et alios regunt, et Dominus dominantium, id est dominium exercent super subditos. Matthæus generationem illius per reges describit, per David scilicet, et posteros ejus. Vel in cordibus fidelium, qui sunt sibi vestimentum et filii, scriptum est *Rex regum*. Ostensa dignitate Christi, per quam diabolum expugnare poterit, subdit admonitionem de præsentem. Ac si aperte dicat : Isti tali adhærent fideles. Itorum subsequenter ait :

VERS. 11. — *Et vidi cælum apertum*, id est mysteria revelata, quod homo possit ascendere cælum, et cognoscere Deum. Ac si apertius diceret : Vidi vocatos ad nuptias; vidi etiam quod possent venire, nam bonum adiutorem et bonos habent admonitores. Et quid aperuit iste? *Ecce*, inquit, *equus albus*, id est, caro Christi portans verbum Dei ad bellam contra diabolum; *et qui sedebat super eum*, scilicet deitas, *vocabatur Fidelis*; quia promissa adimplet; *et Verax*, quia ipse est veritas, *et veraces facit*, *et cum iustitia judicat*, quia unicuique iusta opera sua reddit; et pugnat in suis contra diabolum.

VERS. 12. — *Oculi autem ejus*, id est dona sancti Spiritus vel charitas, *sicut flamma ignis*, quia vitia comburunt et corda illuminant, et ad Dei amorem accendant; *et in capite ejus*, scilicet in divinitate, *diademata multa*, quia per eum, ipse, et sui coronantur, *habens nomen scriptum, quod nemo infidelis norit nisi ipse*, et sui per eum.

VERS. 13. — *Et vestitus erat veste aspersa sanguine*, id est carne passa, vel Ecclesia, quæ in martyribus occiditur; *et vocatur nomen ejus verbum Dei*, quia per ipsum Deus Pater dixit, et facta sunt omnia, et per quem se mundo innotuit. De hac veste Isaias ex persona angelorum ad ipsum Dominum loquentium sic ait : *Quare rubrum est indumentum tuum, et vestimenta tua sicut calcantium in torculari?* (Isai. LXIII.)

VERS. 14. — *Et exercitus qui sunt in cælo*, id est in Ecclesia, fideles scilicet contra diabolum dimicantes, *sequebantur*, id est, imitabantur, *eum in equis albis*, videlicet in corporibus mundis quæ ab illicitis refrenantur, et stimulo charitatis ad bona innituntur, *vestiti bysso*, id est iustitia, *albo profectu virtutum*, mundo a criminali macula.

VERS. 15. — *Et de ore*, id est de prædicatione, *ipsius procedit gladius acutus*, divina videlicet sententia incidens pravæ cogitationes mentis, et illicitos corporis motus; vel Testamentum Vetus et Novum : *ut in ipso percutiat gentes*, quosdam ad vitam, quosdam ad mortem. *Et ipse reget eos*, sanctos scilicet de virtutem, et malos puniens in *virga ferrea*, id est inflexibili iustitia; *et ipse calcet torcular vini furoris iræ Dei omnipotentis*, id est mortem, quæ ab irato Deo primo homini peccanti illata est, resurgens destruxit. Vel torcular tribulatio intelligitur, quam, id est in qua positos sanctos calcet, dum ampliat; quam Deus iratus Adæ peccanti intulit, et iuste in propagine ejus extendit; sed vinum in cellario Dei ponendum fuit, quo positi non erunt vinum furoris, sed gratiæ.

VERS. 16. — *Et habet in vestimento*, id est in humanitate, *et in femore suo*, in humano scilicet corpore, quod de Virgine habuit sine virili semine, ut ostendat se de vera progenie priorum Patrum carnem habuisse : *scriptum indelebiter Rex regum*, id

est sanctorum qui se et alios regunt, et Dominus dominantium, id est dominium exercent super subditos. Matthæus generationem illius per reges describit, per David scilicet, et posteros ejus. Vel in cordibus fidelium, qui sunt sibi vestimentum et filii, scriptum est *Rex regum*. Ostensa dignitate Christi, per quam diabolum expugnare poterit, subdit admonitionem de præsentem. Ac si aperte dicat : Isti tali adhærent fideles. Itorum subsequenter ait :

VERS. 17. — *Et vidi*, id est intellexi, illos centum quadraginta quatuor millia, prædicatores scilicet Veteris et Novi Testamenti, istud docuisse, auditores suos videlicet; *unum angelum*, id est Eliam et Enoch unum et idem prædicantes; *angelum dico, stantem in sole*, ipsos scilicet prædicatores, non in absconso, sed coram omnibus populis in aperto perseverantes in Christi prædicatione, quia illius gloria in toto orbe terrarum diffusa est. *Et clamavit voce magna, dicens omnibus avibus*, id est fidelibus qui agiles et levis sunt in promotione bonorum operum, et cælestia contemplantur; *quæ volant per medium cæli*, videlicet per catholicam fidem, quæ est communis in Ecclesia. *Venite ergo, o fideles*, bene operando, *congregamini* compage charitatis in eadem fide, non diversas hæreses sequentes, sicut mali. Vel, de diversis mundi partibus venite *ad cenam magni Dei* complendam, id est ad ipsum Deum qui vobis refectio erit :

VERS. 18. — *Ut manducetis carnes*, videlicet ut prædicando detestatis carnales delectationes. Aliter : *Venite, ut manducetis carnes regum, et carnes triumvirorum*, id est ut delectemini in cruciatio, tam majorum, quam minorum; *et carnes fortium* in corpore, *et carnes equorum*, scilicet carnalem sensum brutorum hominum ab hæreticis deceptorum, et aliis subditorum, *et sedentium in ipsis*, id est dominantium illis, videlicet hæresiarcharum prælatorum; *et omnes omnium (liberorum)*, id est regum; *ac servorum*, scilicet tribunorum; *et pusillorum ac magnorum*, id est magis et minus fortium. Et contra apertam prædicationem Eliæ et Enoch docebant centum quadraginta quatuor millia auditores suos venturum Antichristum. Quasi diceret : O fideles, multum debetis esse solliciti ut ad hanc cenam Agni venire possitis, quia nisi bene pugnaveritis, diabolo succumbetis, qui pro viribus paratus est nocere vobis : quem tamen auxilio Dei superare poteritis. Sequitur :

VERS. 19. — *Et vidi bestiam et reges terræ*, id est Antichristum et apostolos ejus, *et exercitus eorum*, scilicet omnes obedientes ei, *congregatos ad faciendum prælium cum illo qui sedebat in equo*, contra Christum videlicet Deum et hominem, et contra suos, *et cum exercitus ejus*, id est cum membris illius. Et quibus armis? Blasphemis scilicet, et tribulationibus, et miraculis.

VERS. 20. — *Et apprehensa est bestia a magnitudine Dei*, id est æternaliter punita; *et cum illa pseudopropheta*, scilicet multitudo discipulorum

Antichristi: *qui pseudopropheta fecit signa coram ipso Antichristo, quibus seduxit eos*, qui in eum credunt, qui et acceperunt characterem bestiae, id est fidem, *qui et adoraverunt imaginem ejus*, ut Judaei, qui cum gaudio illum suscipiunt. *Vivi missi sunt hi duo*, scilicet diabolus et Antichristus cum suis discipulis, *in stagnum ignis ardentis et sulphuris*, ut semper vivant in fetidis et tenebrosis poenis. Majores poenas patientur isti, quam alii, ad similitudinem illorum qui vivi comburuntur.

VERS. 2). — *Et caeteri*, id est sequaces eorum qui minori poena patientur, *occisi sunt in gladio*, scilicet per gladium verbi Dei, *sedentis super equum album*, super corpus videlicet sine peccato, *qui procedit de ore ipsius*, id est de praedicatoribus illius. Vel illi qui erunt caeteri, scilicet qui non sunt ex parte diaboli vel Antichristi, sed ad Deum conversi; sunt occisi mundo, et vivunt Deo. *Et omnes aves (saturatae sunt carnibus eorum)*, id est omnes sancti deloctati sunt de poena illorum, vel de profectu fratrum. Unde est illud: *Videbunt justi, et timebunt, super eum ridebunt, et dicent: Ecce homo qui non posuit Deum adiutorem suum (Psal. LI).*

#### CAPUT XX.

Dicta damnatione Babylonis et Antichristi, et pseudoapostolorum, subjungit damnationem ipsius diaboli, et proponit causam, quare, et tempus quo damnabitur, et quis illum possit vincere: ille scilicet qui in humili adventu potuit illum ligare quanto tempore voluit, jam glorificatus eundem omnino destruere poterit. Et ne aves, id est sancti et caeteri fideles possent ab istorum impietate et prava persuasionem destruere,

VERS. 1. — *Vidi*, scilicet intellexi Christum *descendentem*, id est humiliantem se in carne, et *condescendentem eis, de caelo* videlicet de divina misericordia, *habentem clavem abyssi*, id est potestatem, *et catenam magnam*, ligaturam scilicet incomparabilem, et inevitabilem potentiam quae omnia constringit, *in manu sua*, id est in operatione passionis et resurrectionis suae. Abyssum dicit tenebrosa corda impiorum, vel ipsum diabolum, quem Dominus scire permittit, et ne tantum noceat, quantum cupit, refrenat.

VERS. 2. — *Et apprehendit draconem*, scilicet peccasse ostendit, dum se immunem a peccato ille occidit: draconem dico, id est diabolum fortem et potentem contra humanum genus: *serpentem antiquum*, qui a principio mundi fraude decepit primum hominem, *qui est diabolus*, deorsum fluens in se, *et Satanias*, scilicet adversarius ad alios; *et ligavit eum*, priori videlicet dignitate privavit, *per annos mille*, a tempore scilicet passionis suae usque ad Antichristum: quo tempore possunt homines pro modulo sub perfecti fieri, quia cjectus a fidelibus, in malis hominibus coepit dominari atrocius. Hinc in Evangelio legitur, quod intravit in porcos (*Matth. VIII*).

VERS. 3. — *Et misit in abyssum*, id est in corda

A infidelium oculo suo judicio. Miltenarius numerus pro perfectione rei ponitur. Unde legitur in psalmo: *Verbi quod mandavit in mille generationes (Psal. CIV)*. Ideo igitur hic numerus propter sui perfectionem omne hoc praesens tempus significat a passione Domini usque ad finem saeculi. Iterum subjungit, dicens: *Et clausit*, id est, licentiam egrediendi interdixit, *et signavit*, sigillum posuit, id est signum sanctae crucis *super eum*, quod signum sic ipsum diabolum superat, ut enim a fidelibus repellat: ad hoc videlicet ut ipse diabolus aeterniter pereat, *et ut non seducat amplius gentes*; eos scilicet qui in Dei praedestinatione sunt salvandi, et sic a toto pars intelligitur: *donec consummentur mille anni*, id est, donec Antichristus veniat. Sciendum quod similiter in Abraham et aliis fidelibus diabolus fuit ligatus, sicut in istis praesentibus; sed in illis ligavit eum spes futuri Christi, in istis vero ipse Christus adveniens. *Post haec*, id est post mille annos, *oportet illum solvi*, quia Deus ita constituit, *in fine temporis*, ideoque non est timendus. Oportet itaque illum solvi, ut recipiat potestatem quam habuit ante adventum Christi, per tres annos et dimidium. Tunc enim exiet seducere gentes, quia comparatione illius seductionis ista quae nunc agitur, seductio esse denegatur. Unde ait beatus Ambrosius: *« Ideo permittitur modico tempore solvi diabolus, ut Dei virtus, et diaboli infirmitas et impotentia manifestetur. Virtus Dei servos suos facit fortes et patientes, infirmitas autem diaboli vincitur a puellis et infantulis. »* Et quia beatus Joannes dixerat diabolus solvendum, ne fideles desperarent, dicit eos futuros iudices diaboli et suorum membrorum.

VERS. 4. — *Et ligatio diaboli*, a tempore videlicet passionis Christi usque ad Antichristum, *vidi sedes*, scilicet minores fideles solutos praelatis suis obedire paratos, *et sederunt praelati super eas* ad iudicandum in subditos, *et hoc ideo*, quia *judicium datum est illis*; Deus videlicet injunxit eis hoc iudicium. *Et vidi animas decollatorum*, quae propter excellentiam dicantur visae, *propter testimonium Jesu*, id est humanitatis, *et propter verbum Dei*, scilicet divinitatem, *et vidi illos, qui non adoraverunt bestiam*, id est Antichristum, *neque imaginem ejus*, scilicet apostolos illius, *nes acceperunt characterem in frontibus suis*, id est signum ejus manifesta confessione, *aut in manibus suis*, videlicet in operatione, sed vicerunt Antichristum, *et vixerunt et regnaverunt*, hi omnes *cum Christo mille annis*, id est omni tempore vitae suae, et ideo iudicabunt cum eo. Non ideo vivent et regnabunt in futuro, sed etiam in hoc praesenti saeculo, ex quo interfecti sunt, vixerunt et regnaverunt cum Christo. Ac si apertius diceret: *Vidi in tempore hujus ligationis*, scilicet a passione Christi, quo tempore fuit ligatus diabolus; *vidi Ecclesiam ad bene operandum ita solutam*: et in hoc eodem tempore illos qui pro Christo moriuntur, *vidi statim in gloriam intrare*, et nunquam ad inferos descendere, sicut Abraham



et cæteri prophætæ descenderunt, quamvis justis fuerint. Sequitur :

VERS. 5. — *Et cæteri mortuorum*, id est in anima mortui, non effugerunt, et hoc ideo quia æternas pœnas patientur. *Donec consummentur mille anni* : donec videlicet finiatur æternitas, quæ nunquam finietur. *Hæc est resurrectio prima* : scilicet ut anima diabolum et peccatum vincat, et in carne mortificata vivens, virtutes acquirat ad differentiam illius videlicet resurrectionis quæ erit simul in anima et corpore. Et, si omnes perfecti esse non possunt, nec in eadem claritate futuri sunt ; tamen

VERS. 6. — *Beatus est*, quia beatitudinem consequetur, et *sanctus*, quia in ea erit firmus, *qui habet partem in resurrectione prima*, cujus partes sunt eleemosynas dare, jejunare et divinæ contemplationi inhærere. Et vere beati in quibus prima resurrectio partem habet, quia in *his secunda mors*, id est æterna damnatio quæ erit in corpore et in anima, *non habet partem vel potestatem*, quia in nullo contristabuntur. Sed illi qui cum Christo non vivunt, neque vincunt, non erunt beati, sed potius infelices, quia non habent partem in prima resurrectione. Mors secunda dicitur, quando corpus et anima simul pniuntur. Iterum subjiciens, ait : *Sed erunt sacerdotes Dei et Christi*, æternas scilicet laudes offerentes Trinitati, id est Deo Patri, et Filio, et Spiritui sancto ; *et regnabunt cum illo mille annis*, seipos videlicet semper in melius regent : et non solum post mille annos, quibus non est dubium, sed etiam in istis mille annis regnabunt cum Dei Trinitate, et Christi humanitate, quæ passa est pro humani generis salute. Sed

VERS. 7. — *Cum consummati fuerint mille anni, solvetur Satan*, id est recipiet priorem potestatem de carcere suo, scilicet de cordibus reproborum in quibus modo ligatus est, ne pro suo velle sæviat : *et exibit*, videlicet exercebit potestatem, *et seducet*, a Christo scilicet ad se ducet gentes, quæ sunt super quatuor angulos terræ, scilicet Gog, quod interpretatur teotum, et Magog, quod interpretatur detectum, ut per hos duos populos intelligamus occultos et manifestos Ecclesiæ persecutores, quorum (Gog et Magog) est numerus ita infinitus, sicut arena maris, et qui sunt ita steriles et infructuosi, sicut arena maris. Ad litteram has duas gentes prius seducet, et per eas ad alias procedet. Quidam dicunt has gentes esse Getas et Massagetas. *Et congregabit eas in prælium*, non loqualiter sed mente.

VERS. 8. — *Et ascenderunt*, scilicet diabolus et membra ejus, id est Gog et Magog superbient, *super latitudinem terræ*, id est in omni orbe ; et quasi invadentes intrare non poterunt, sed *circuibunt castra sanctorum*, id est sanctos semper paratos ad spirituale bellum ; *et civitatem dilectam*, videlicet eosdem sanctos virtutibus a Deo munitos, et unanimes in bello. De hæc civitate dicitur :

*Non potest civitas abscondi supra montem posita (Matth. v).*

VERS. 9. — *Et descendit ignis de celo*, id est repentinus interitus, et *devoravit eos*, quia cito peribunt : *et diabolus, qui seducebat eos, missus est in stagnum ignis, et sulphuris*. Quasi a Deo ignis de celo descendit, cum ex divini Verbi prædicatione reprobis livor invidiæ accrescit, et sic ipsa prædicatione quæ justis est vita, reprobis est damnatio perpetua. Missus est ergo diabolus in stagnum ignis et sulphuris, ubi est bestia, id est Antichristus.

VERS. 10. — *Et pseudoprophætæ*, id est falsi prophætæ ejus, et discipuli *cruciantur die ac nocte*, respectu scilicet gloriæ justorum, quæ est dies et pœnarum suarum quæ sunt nox in sæcula sæculorum : Amen. Vel dies et nox ponitur pro variatione pœnarum. Dicta destructione diaboli et suorum membrorum, subjungit destructionem mundi ad majorem pœnam impiorum. Competit enim ut, destructis malis hominibus, mundus etiam destruat, scilicet incommoditates mundi, secundum quod ab eis fuerat corruptus.

VERS. 11. — *Et vidi thronum*, id est Ecclesiam, magnum, multitudine, candidum per immortalitatem et impassibilitatem, perfectiores videlicet et majores sanctos, qui facti candidi et immortales et impassibiles, erunt in die judicii thronus Dei. *Et vidi sedentem super thronum*, scilicet Christum requiescentem et judicantem in supradictis suis sanctis, a *cujus conspectu fugit terra*, ab hac specie, *et cælum*, id est aer, *et locus*, videlicet status iste, *non est inventus amplius ab eis* ; quia terra non habebit amplius montes et valles, nec ædificia, nec erit sicut modo ponderosa, nec poterit amplius talia sustinere corpora, qualia modo sustinet ; neque aer erit amplius ita modo lucidus, modo obscurus, modo dies, modo nox, sicut nunc est. Unde ait beatus Paulus : *Præterit figura hujus mundi (I Cor. vii)*. Sæpe locutus de glorificatione sanctorum et de pœnis impiorum, non fecerat mentionem corporum, videlicet si deberent glorificari, vel puniri, quod hic aperte ostendit.

VERS. 12. — *Et vidi mortuos magnos et pusillos*, id est malos tam majores quam minores, *stantes* scilicet corporaliter, *in conspectu throni*, quia sancti omnino conspicient merita singulorum, *et libri aperti sunt*, scilicet divino:um præceptorum, quando dicent : *Et nos insensati vitam illorum estimabamus insaniam : ecce quomodo computati sunt inter filios Dei, et inter sanctos sors illorum est (Sap. v)*. *Et alius liber apertus est*, id est conscientie singulorum, *qui est vita*, scilicet vere viventium. Vel Christus est liber vitæ qui tunc omnibus apparebit potens, et suis dabit vitam. Vel liber præscientia Dei est, quia tunc aperte scient mali se non prædestinatos esse ad vitam quam in mundo existentes sibi promittebant. Vel liber apertus suat divina præcepta, quæ quia agere prætermiserunt impii, scient se pro merito puniri. Vel libri aperti, ut diximus, con-

scientiæ sunt singulorum, quæ omnibus apertæ erunt. *Et judicati sunt mortui ex his quæ scripta erant in libris*: per comparationem videlicet sanctorum impii damnabuntur, qui legent in illis quæ agere noluerunt. Judicati sunt ergo *secundum opera eorum*, quia aliis major pœna dabitur, aliis minor.

VERS. 13. — *Et dedit mare*, id est reddet vitæ, mortuos suos, scilicet corpora mortuorum quæ erant in eo. Vult aperte ostendere, corpora mortuorum ubicunque fuerint projecta, in illo iudicio vivificari. Dedit ergo mare, scilicet mundus iste, mortuos suos, id est corpora mortuorum quæ erant in eo. *Et mors*, id est diabolus, et *infernus*, scilicet tenebrarum locus, *dederunt mortuos suos*, animas videlicet mortuorum, qui, vel quæ in ipsis erant: *et judicatum est de singulis secundum opera eorum*.

VERS. 14. — *Et infernus*, id est profundi in vitiis, et *mors*, scilicet diabolus, *missi sunt in stagnum ignis* *Hæc mors secunda est*. Ac si patenter dicat: Cavete vobis a morte prima, id est a peccato, quia ex illa prima sequitur hæc vera mors.

VERS. 15. — *Et qui non est inventus in libro vitæ, scilicet scriptus*, id est ad vitam æternam prædestinatus, *missus est in stagnum ignis*.

#### CAPUT XXI.

In hac septima visione agit de innovatione elementorum, et glorificatione sanctorum, describens merita per quæ sancti ita glorificandi sunt.

VERS. 1. — *Et vidi cælum novum*, id est aerem novum statum habentem, scilicet immobilem, fulgure et tonitruis carentem et nullam varietatem lucis ac tenebrarum recipientem, et purgatum ab omni sorde per ignem qui sicut diluvium transcendet omnes montes. Unde ait magister Anselmus (66): « Cælum, sol, luna, stellæ, aquæ, quæ modo festinant cursu irretardabili, quasi cupientes in meliorem statum immutari; tunc fixa stabili ter manebunt et quieta, et immutabili glorificatione immutata. Cælum gloriam solis induet, et sol septupliciter plus quam nunc fulgebit. Unde Isaias propheta ait: Erit lux unius diei, scilicet æternitatis, sicut lux septem dierum. Luna et stellæ vestientur ineffabili splendore (Isai. xxx). Aqua vero, quæ corpus Christi tangere meruit et in baptisate lavit, omnem crystalli decorem transcendet. Terra quæ in gremio suo Dominicum corpus confovit, tota erit ut paradus: et quia sanctorum sanguine est irrigata, odoriferis floribus, videlicet liliis, rosis, violis, immarcescibiliter erit perpetuo decorata. Quæ terra prius fuerat, peccante homine, maledicta et spinis ac tribulis subjecta; tunc a Domino erit in æternum benedicta, et labor vel dolor non erit ultra. » Terra ergo similiter habebit novum statum. Nullos ut credimus, habebit montes,

(66) *Elucidar. lib. III, c. 15.*

A nec silvas, nec ædificia, nec bestias, nec volucres, nec homines, nec cætera huiusmodi. Mundus penitus non interibit; sed frigus et æstus, grandines, turbines, fulgura, tonitrua et aliæ incommoditates, ut credimus, omnino interibunt. *Primum ergo cælum*, ut dictum est, *et prima terra abiit*: ille videlicet status in quo prius erant, amplius non est necessarius secundum primum statum. *Et mare jam non est*, id est collectiones aquarum jam perdidit priorem statum, nescio quomodo, sive per ignem sicut cætera elementa, sive sola Dei voluntate. Immutatio ergo aeris et terræ dubium non est, quin per ignem fiat; sed de aqua etiam a sanctis doctoribus dubitatur. Nam, ut prædictum est, purgationem in seipsa habere creditur.

B VERS. 2. — *Et vidi civitatem*, id est Ecclesiam in æterna quiete et gloria positam, et ita munitam, ut nec diabolus, nec quisquam persecutor eam nocere prævaleat; *civitatem*, dico, *sanctam Jerusalem*, id est firmam et sine fine in gloria statutam, præsentialiter et plene videntem æternam pacem, id est Deum qui pax est ad se pervenientibus; *novam*, scilicet immortalem et impassibilem, *descendentem de cælo*, quia Ecclesia humiliter intelligit, omnia quæ habet, sola Dei gratia percepisse; *a Deo paratam sicut sponsam ornatam viro suo*. Sicut enim sponsus præparat sponsæ munera antequam eam ducat uxorem, ita Christus Ecclesiæ fidem, et virtutes, et bona opera, antequam eam in gloria suscipiat. Cum dixisset se vidisse innovationem elementorum et glorificationem sanctorum; quia incognitum erat et incredibile, subjungit auctoritatem sanctorum Patrum qui hæc prædixerunt.

C VERS. 3. — *Et audivi*, inquit, *vocem*; id est admonitionem, *magnum*, quia de secretis agit *de throno*, ab illis videlicet in quibus Deus principaliter sedet. *dicentem: Ecce tabernaculum Dei cum hominibus*, scilicet in evidenti est quod in eadem gloria qua est humanitas Christi, in qua Deus verbum habitat et militavit, erunt homines pro modulo suo, qui ipsum fuerint imitati, et bene ratione usi. Unde ipse ait in Evangelio: *Pater, volo ut ubi ego sum, ibi sint et hi mecum* (Joan. xvii). Et sicut alibi ait: *Ubi fuerit corpus, illuc congregabuntur et aquilæ* (Matth. xxiv). *Et ipse habitabit cum eis*, non ad tempus sed æternaliter; *et tunc ipsi populus ejus erunt*, in nullo videlicet offendentes, vel peccata committentes, quod esse non potest dum in carne vivunt; *et ipse Deus*, etiam secundum deitatem præsens eis, *erit cum eis eorum Deus*, videlicet quia ipsi nunquam peccabunt, et ipse nunquam recedet ab eis.

VERS. 4. — *Et quia erit ibi gloria et nulla tristitia, absorbet Deus omnem lacrymam ab oculis eorum*, quia non erit amplius causa aliqua quæ eos faciat lacrymari. Primus homo ea lege conditus est

in paradiso, ut, si non peccasset, immortalis mansisset, et, completo dierum numero, ab illo paradiso terrene, absque mortis interventu transiret ad patriam cœlestem. Si autem peccaret, mori posset. Vere itaque absterget Deus omnem lacrymam in cœlesti paradiso ab oculis justorum, quia ibi *mors non erit ultra*, id est dissolutio animæ et corporis sicut in paradiso terrene; *nec lacrymæ*, quia nec causa lacrymarum; *neque luctus*, scilicet pœnitentialis fletus peccatorum; *neque clamor*, id est aliqua inquietatio; *neque dolor*, mala videlicet conscientia peccatorum, *erit ultra*, quæ [quia] *prima abierunt*, scilicet quia jam non est locus eorum, cum peccata non sint de quibus hæc incommoda procedebant, quæ prius regnaverunt.

**VERS. 5.** — *Et dixit qui sedebat in throno.* Posita auctoritate sanctorum de hac innovatione, ponit etiam auctoritatem ipsius Dei dicentis: *Ecce nova facio omnia*, superius dicta. *Et dixit mihi*: O Joannes, *scribe*, scilicet in corde tuo et in cordibus aliorum. *Scribe ergo, quia hæc verba fidelissima sunt*, scilicet habilia ad credendum, et leviter ac cito credetur eis; *et vera*, quia complebuntur.

**VERS. 6.** — *Et dixit mihi: Factum est*, scilicet completa sunt quæ complenda fuerunt. Et ne beatus Joannes quæreret quid post illam innovationem futurum esset, dicitur sibi nihil restare faciendum. Quasi diceret: O Joannes, ne quæras scire quid fiet post omnium rerum innovationem, nam factum est totum; et hoc potes per hoc scire, quia *ego sum Alpha et Omega*, hoc est, *initium et finis*. Ac si diceret: Hanc innovationem facere potero, quia per me sunt omnia facta, et in me consummabuntur. Et ad hanc innovationem debent omnes festinare, quia *ego sitiens*, id est desideranti, *dabo de fonte*, scilicet de meipso, qui sum principium omnis beatitudinis, *aquæ vivæ*, quia vivere facit; et *dabo eam gratis*, id est per solam gratiam.

**VERS. 7.** — *Et qui vicerit*, peccata scilicet et vitia, *possidebit hæc*, id est firmiter obtinebit supra dicta bona, quia ego non dabo ea sitiens, scilicet desideranti ad horam, sed jugiter perseveranti. *Et ero illi Deus*, id est æterna satietas, *et ille erit mihi filius*, quod supra populus.

**VERS. 8.** — *Timidis autem, et incredulis*, in his videlicet qui timore pœnarum fidem accipere fugiunt, vel acceptam relinquunt, de hac innovatione desperantibus: *et exsecratis*, id est excommunicatis; *et veneficis*, scilicet magis erit æternus dolor. Vel possumus eos intelligere, qui humana potestate aliis dominantur. De quibus ait Dominus in Evangelio: *Reges gentium dominantur eorum*: *et qui potestatem habent super eos, venefici vocantur* (Luc. xxii), id est malefici. Sunt etiam in pace Ecclesiæ timidi, qui metu principum sæcularium hominum bona operari metuant. De quibus dicitur: *Illic trepidaverunt timore, ubi non erat timor* (Psal.

xiii). *Homicidis ergo, et fornicatoribus, et veneficis, et idololâtris, et omnibus mendacibus*, illis videlicet quibus mendacium est in usu, *pars illorum eris*, id est est participantem erunt vel plus vel minus, *in stagno ardentis igne et sulphure; quod est mors secunda*.

Dicit beatus Augustinus (67), octo esse genera mendaciorum; sed tamen nullum mendacium est, quod peccato careat. Unde scriptum est: *Os quod mentitur occidit animam* (Sap. i); *et perdes eos qui loquuntur mendacium* (Psal. v). Nonnulli tamen adstruere nituntur non esse peccatum, si pro justitia mendacium proferatur, sicut legimus factum in Ægypto de obstetricibus (Exod. i). Et de Raab fuit quidem peccatum, sed opere misericordiæ est purgatum. Pejus enim fuisset, si eos proderet ad mortem, quam quod eos negavit et mentita est (Jos. ii, vi). Unum sane firmiter debemus tenere, nullum mendacii genus inultum manere quod licet laxatum non fuerit per pœnitentiam, aut aliquo pietatis opere. Descripta gloria quam habituri sunt sancti, dicit quo merito vel quo auxilio illam sint accepturi.

**VERS. 9.** — *Et venit ad corda justorum unus de septem angelis*, scilicet Christus, *habentibus phialas plenas septem plagis novissimis, et locutus est mecum, dicens: Veni*, id est amplia tuum intellectum *et ostendam tibi sponsam uxorem Agni*; videlicet quo merito fideles debent pervenire ad hanc supradictam innovationem; et quare Ecclesia sit sponsa, et quare sit uxor Agni. Et ut melius crederetur mihi,

**VERS. 10.** — *Sustulit me in spiritu*, per intellectum veteris et novæ legis, *in montem magnum et altum*. Christus est mons, quia munimentum suorum; magnus, quia totum mundum implet; altus, quia est insuperabilis. *Et ostendit mihi super illum montem civitatem*, id est Ecclesiam ad jure vivendum collectam, et sanctis virtutibus munitam; *et sanctam*, scilicet firmam et stabilem in suo proposito, *et magnam*, videlicet potentem superare adversarios; *Jerusalem*, id est videntem et contemplantem æternam pacem, *descendentem de cœlo a Deo*, scilicet de Dei secreto.

**VERS. 11.** — *Habentem claritatem Dei*, videlicet cognitionem de Deo; quia spiritu in cœlis conversans, eadem Dei claritate potitur qua et angeli. Et vere clara civitas illa, id est sancta Ecclesia; quia *lumen ejus simile est lapidi pretioso*, lucem videlicet habet pro modo suo similem Christo, qui fuit et est in proposito firmus, et lucens virtutibus, præbens pascua suis fidelibus. Unde est illud: *Dominus regit me, et nihil mihi deerit; in loco pascuæ ibi me collocavit* (Psal. xxii). Est ergo lumen Ecclesiæ tanquam *lapidis jaspidis* propter virorem fidei atque constantiam; *sicut crystallus*, quia ejus fides perspicua est omnibus. Nam sicut jaspis durus est et viridis sic Ecclesia viret fide, et in ea firma est.

**VERS. 12.** — Et vere sancta et firma erat, quia *habebat murum*, id est Christum defensorem qui magnus est in Sion, et altus cum Patre: magnus secundum humanitatem, altus secundum divinitatem. Vel murus civitatis hujus, id est Ecclesiae, sunt defensores, qui magni bene vivendo, et alti, scilicet insuperabiles, et potentes ad persecutores superandos. Et hæc civitas non solum per murum patet esse magnam, sed etiam per portas, id est per duodecim patriarchas, per quorum exemplum alii ad fidem introducuntur. Per hoc etiam patet hæc civitas esse magnam, quia *et in portis*, id est in fide, et in vestigiis patriarcharum et prophetarum, *habebat angulos duodecim*, id est apostolos qui sunt anguli, id est aliorum defensores. *Et nomina scripta*, id est omnes fideles tenentes quatuor Evangelia et fidem sanctæ Trinitatis sunt in memoria: *quæ sunt nomina duodecim tribuum filiorum Israël*; quia omnes fideles sunt fundati et quasi inscripti in prophetis et patriarchis, et in dilectione priorum Patrum constant. *Nomina dico scripta in portis quæ sunt nomina duodecim tribuum filiorum Israël*, id est omnium eorum qui spiritualiter tam in veteri quam in nova Ecclesia sunt filii et imitatores videntium Deum, et exempla sanctorum patriarcharum, prophetarum, et apostolorum sequentium, qui Deum contemplantur.

Numerus etiam duodecim portarum, quæ per quatuor mundi partes suo ternario numero comprehenduntur, ad ministerium pertinet duodecim apostolorum, per quos fides Trinitatis diffunditur per orbem quadripartitum. Civitas ergo illa, ut dictum est, hujusmodi habebat duodecim portas:

**VERS. 13.** — *Ab oriente videlicet erant portæ tres*, per quas ingrederentur Judæi de quibus ortus est Dominus; vel ab infantia ad cultum Dei venientibus. Oriens Judæi in hoc loco intelliguntur, a quibus Sol Justitiæ ortus est. In his itaque sunt portæ tres, quia his primum fides sanctæ Trinitatis est. *Et ab aquilone portæ tres*, per quas ingrederentur gentiles, qui frigidi et steriles erant, ad hanc civitatem in senectute venientes. Aquilo igitur frigidas gentes designat, quæ post Judæos crediderunt. *Et ab aus:ro*, id est in juventute venientibus *portæ tres*, per quas fideles ingressuri erant ab adventu Domini usque ad occasum, id est usque ad ultimam ætatem mundi, in qua Elias et Enoch quatuor evangelia et fidem Trinitatis prædicabunt. Ab austro ergo sunt portæ tres, id est a claritate fidei, quæ est ab adventu Christi. *Et ab occasu portæ tres*, in decrepita ætate venientibus. Ab occasu ergo sunt portæ tres, id est ab ultima ætate mundi quæ per Eliam et Enoch fidem Trinitatis recipient.

**VERS. 14.** — *Et murus civitatis*, id est fides Christi quæ munit ipsam civitatem, *habens fundamenta duodecim*, scilicet duodecim patriarchas per quos fundatur; quia illi primi hanc fidem tenuerunt, et in illis innituntur quicumque ad fidem ac-

cedunt. Et in ipsis duodecim fundamentis, id est in patriarchis et prophetis, scilicet in memoria et prædicatione eorum, *nomina duodecim apostolorum et Agni*, id est memoria Christi quem prædixerunt venturum, et memoria apostolorum atque omnium retinentium quatuor Evangelia et fidem Trinitatis. Quam fidem enim isti tenent, illi venturam intellexerunt et prænuntiaverunt. Unde Isaias ait: *Ecce Virgo concipiet, et pariet filium, et vocabitur nomen ejus Emmanuel (Isa. vii).*

**VERS. 15.** — *Et qui loquebatur mecum*, scilicet angelus in persona Christi ad beneplacitum meum, *habebat mensuram arundineam auream*, id est divinam Scripturam Dei sapientia compositam, quæ tangit et illustrat corda fidelium; *et metiretur civitatem*, quia non omnes erant æqualis meriti quos per divinam sapientiam metiebatur. Ad hoc ergo metiebatur civitatem, ut secundum mensuram daret prælatis et subditis intelligentiam ipsarum Scripturarum pro capacitate utentium. *Et portas ejus*, id est illos qui alios introducunt ad fidem; et murum, scilicet defensores aliorum.

**VERS. 16.** — *Et civitas in quadro posita est, et longitudo ejus tanta est quanta et latitudo.* Quatuor latera civitatis sunt fides, spes, charitas et operatio; quæ æqualia sunt, quia quantum quis credit, tantum sperat, et tantum diligit; et quantum diligit, tantum operatur. Est ergo in quadro posita, quia robusta fide, longanimis spe, ampla charitate, et efficax est opere. Vel quatuor latera quatuor sunt principales virtutes quarum alia non debet excedere aliam in homine, scilicet prudentia appetendi bonum et vitandi malum, quam sequitur temperantia, ut a voluptatibus honore se retrahat. Post hæc fortitudo, ut quod intelligit operetur; dehinc justitia, ut sic suos actus temperet, ne nimis justus vel sapiens videatur. Iterum subsequenter ait: *Et mensus est civitatem*, id est præsentem Ecclesiam, *de arundine aurea*, id est per divinam Scripturam, *per stadia duodecim millia*, illi videlicet qui perfecti sunt in fide sanctæ Trinitatis, et quasi per stadia festinant ad cælestem patriam ex quatuor mundi partibus. Stadium locus cursus est, et notat tendentes ad bravium. Quadragenarius numerus in Scriptura sacra multimoda ratione habetur perfectus, propter jejunium Domini quadraginta diebus peractum, sive propter decalogum legis, et quatuor Evangelia, in quibus decalogi perfectio continetur. Quaternarius similiter numerus sacratus est, propter quatuor flumina paradisi vel quatuor libros Evangelii, etiam propter quatuor partes mundi, vel quatuor principales virtutes. Quantum ergo ad altiore pertinet intellectum, mensura hominis quæ est angeli, recte Ecclesia mensuratur, quia videlicet gloria angelorum et hominum in cælesti beatitudine æqualis erit. Unde in Evangelio Dominus ait: *Neque nubent, neque nubentur: sed erunt sicut angeli Dei in celo (Math. xxii).* Vel ideo mensura hominis, quæ est angeli dicitur, qui

quot angeli remanserunt in cœlo post casum archangeli, tot homines de terra sunt ascensuri ad cœlos. Sequitur : *Longitudo*, id est fides vel longanimitas, et *latitudo*, scilicet charitas, et *altitudo ejus*, id est spes vel contemplatio, æqualia sunt.

VERS. 17. — *Et mensus est muros ejus*, id est, defensores aliorum, quantum laborent et pro se et pro aliis in legis mandatis, *centum quadraginta et quatuor cubitorum, mensura hominis, quæ est angeli*. Cubitus in quo est manus, operationem significat. Juxta litteram ostendit, angelum apparuisse sibi in specie hominis, ut aperte doceret (68) enim qui significabatur verum angelum, id est, Dei Filium, et verum hominem fuisse.

VERS. 18. — *Et erat structura muri ejus ex lapide jaspide*, id est ex fide constanti, quia, si aliquis ad hoc instruit, ut sit aliorum defensor, hoc habet ex fide quam fortiter tenet et prædicat, quod lapis viridis significat. *Ipsa vero civitas*, id est Ecclesia, *aurum mundum simile vitro mundo*. Aurum sapientiam designat, vitrum fidei puritatem, quia sancta Ecclesia ore promittit quod corde credit. Hæc verba non possunt referri ad præsentem Ecclesiam, in qua singulis conscientiarum occultæ sunt, sed quando, veniente Domino, *qui illuminabit abscondita tenebrarum et consilia cordium (I Cor. iv)*, singulorum conscientiarum cunctis manifestabuntur. Quidquid enim cogitatum fuerit ab aliquo, totum videbitur ab altero. Sicque unusquisque tunc erit conspicibilis alteri, sicut nunc esse non potest conspicibilis sibi. Dixerat in hac civitate esse muros, et portas, et fundamenta, et ipsos inter se alios majores esse, et alios minores. Illic autem exsequitur murus ipse qualis sit, et qualis ipsa civitas, et fundamenta, et portæ ipsius.

VERS. 19. — *Fundamenta muri civitatis sunt ornata omni pretioso lapide*, id est patriarchis et prophetis quos defensores Ecclesiæ habent fundamentum. Fuerunt decorati et ornati omnibus pretiosis virtutibus et firmis, et in eis primum fundamentum fuit *jaspis*, id est fides fortis et firma. Fundamentum primum est jaspis viridis, qui immarcescibilem fidei virorem significat. *Secundum est sapphirus*, similis sereno cœlo, qui percussus radiis solis ardentem emittit fulgorem. Significat altitudinem spei sanctorum quorum conversatio in cœlis est, qui et a vero sole innovati, ardentius æternam patriam quærunt, et alios quærere docent. *Tertium est chalcidionius*. Quasi pallens igitur lucernæ nitet et fulget sub divo, non in domo; qui significat flammam charitatis internæ, quæ in abscondito bona agit; sed cum aliis prodesse jubetur, mox apparet quid fulgoris habeat intus; sculptibus resistit, ictu solis vel attritu digitorum excandens, ad se paleas trahit. Ita sancti cum valde atteruntur, et ardentes fiunt, et a nullo vinci queunt, imo ad se paleas, id est fragiliores, trahunt. *Quartum*

*A smaragdus* est, nimix viriditatis, superans herbas et frondes. Qui lapis in frigore Scythiæ invenitur, id est fortis confessio ejusdem fidei inter adversa, quæ frigore signantur; quæ fides, quia tanta per evangelium mundo innotuit, quarta dicitur propter quatuor Evangelia.

VERS. 20. — *Quintum est sardonyx* qui est niger inferius, in medio candidus, superius rubeus, et significat sanctos martyres, qui patiendo sunt rubei, interius conscientia candidi, sed sibi per humilitatem despecti. Quæ humilitas quia ex infirmitate corporis descendit, quod quinque sensibus agitur, quinta est. *Sextum est sardius*, sanguinei coloris; martyrum gloriam significat; ideoque sexto loco ponitur, quia Christus in sexta feria et hora fuit crucifixus. *Septimum est chrysolithus*, qui ut aurum fulget scintillasque ardentes emittit, id est spiritualis inter miracula prædicatio. Auro enim superna sapientia; scintillis, exhortatio vel etiam miracula signantur. Quod quia per Spiritum sanctum fit, septimo loco ponitur. *Octavum est beryllus*, quo prædicantium perfecta operatio designatur; ut enim aqua sole percussa refulget. Quod non fit aliter nisi in sexangula poliatur forma; quia ex angulorum repercussione splendor acuitur. Aqua sensum hominis significat, splendor solis divinam sapientiam per quam amplius fulget. Sed neque humana neque divina sapientia perfecte lucet, nisi operibus consummetur. Perfectio operum per sex intelligitur, cum hoc numero opus mundi factum sit. Illic lapis urit manum tenentis; quia qui sanctis viri conjungitur, ejus conversatione accenditur. *Nonum est topazius*, qui quanto rarior, tanto est pretiosior. Et est bicolor, ex auro scilicet et ætherea claritate maxime lucens; cum splendore solis tangitur, superans omnium gemmarum claritates, in aspectum suum singulariter provocans aspicientes. Quem si polis, obscuras; si naturæ suæ relinquis, clarior est. Nihil est eo charius inter divitias regibus. Contemplativam vitam significat, quam sancti reges omnibus operum divitiis et gemmis virtutum præferunt, et in eam maxime mentes dirigunt; et tanto amplius, quanto frequentius divina gratia illustrantur. Ex interna charitate color aureus, et ex dulcedine contemplationis æthereus: quæ contemplatio attritu sæculi vel occupationibus sæcularis rei vilescit. Vix enim potest aliquis simul doloribus corporis agi, et tranquilla mente gaudia cœli contemplari. Et, sicut in octavo activa vita, sic in nono contemplativa, quæ est angelorum, quorum novem sunt ordines; vel quia a denario mercedis uno gradu abest, scilicet mortis. *Decimum est chrysoptasus*, qui viridis est, et quædam aureæ mixturæ sunt in eo, et est purpureus cum guttis aureis. Nascitur quoque in India; et significat eos qui virorem æternæ patriæ charitate merentur, et aliis purpuram martyrii ostendunt; et qui exem-

plum Domini sequi merentur; in India, scilicet prope ortum solis sunt. Et quia cum Christo regnare expectant, in denario numero sunt, et decalogus implebitur per dilectionem quæ nona fuit (69). In chrysoptaso igitur opus martyrii indicatur et præmium. *Undecimum* fundamentum est *hyacinthus*, qui cum aere mutatur: in sereno scilicet perspicuus est, in nubilo marcescit; et indicat doctores ad alta levatos, sed ad utilitatem proximorum per charitatem condescendentes. *Duodecimum* fundamentum est *amethystus*, purpureus, misto colore violæ et rosæ: leniter quasdam flammæ fundens. Purpureus decorem cælestis regni speciem tenet; viola sanctorum verecundiam, rosa pretiosam sanctorum mortem significat, qui inter adversa mente sunt in summo: qui non solummodo inter se, sed etiam ad inimicos flammæ charitatis refundunt. Significat igitur amethystus cælestis regni semper memoriam in humilium Dei servorum animo. Talia sunt fundamenta hujus civitatis, ut supradicta sunt.

**VERS. 21.** — *Et duodecim portæ duodecim margaritæ sunt*, id est unusquisque apostolorum duodecim, habebat simul omnes supradictos lapides, *per singulas*: ita quod unaquæque porta est una margarita. Et hoc exponit cuncto per singulas. Ac si aperte dicat: Dixi esse duodecim portas; et cum ita sint, duodecim illæ portæ, id est apostoli eorumque imitatores prædicantes fidem sanctæ Trinitatis per quatuor mundi partes, et alios in Ecclesiam introducentes, *per singulas*, scilicet per instructionem singulorum doctorum sunt margaritæ; illi videlicet qui de quacunque mundi parte ad fidem Trinitatis vocantur, sunt splendidi virtutibus. *Et singulæ portæ*, id est singuli apostoli, scilicet omnes quotquot sunt, *ex singulis* supradictis *margaritis* vel lapidibus sunt; videlicet innuntantur et fundantur in patriarchis et prophetis, qui ex omnibus supradictis lapidibus inter omnes ornati fuerunt. Tales sunt muri et portæ civitatis, ut dixi. *Sed et platea civitatis*, id est simpliciores in Ecclesia laxius mundo utentes sicut uxorati, sunt *aurum mundum*, sapientia videlicet et charitate pleni, et a criminali macula mundi, *tanquam vitrum perlucidum*, scilicet nullas sordes in se celantes. **D** *Platea* igitur civitatis sunt humillimi in Ecclesia, quorum vita laxior est, non habentes hos supradictos lapides; sed tamen sunt *aurum mundum*, habent videlicet charitatem sine hypocrisi, et fidei puritatem, quod notatur per vitrum lucidum; vel quia possunt mali in operibus illorum nequitiam suam velut in speculo cognoscere,

**VERS. 22.** — *Et templum non vidi in ea*, id est locus orationis et obsecrationis, quæ ibi locum non habebunt. Ubi peccatum non erit, procul dubio nec hostiæ temporales erunt. *Dominus enim Deus Pater omnipotens templum illius est*, scilicet omni-

**A** *moda requies, et Agnus, id est, Filius ejus super quem immolabant hostiam laudis.*

**VERS. 23.** — *Et civitas illa non eget sole novi testamenti, neque luna testamenti veteris, ut luceant in ea.* Illic eget sancta Ecclesia ad ministerium diæ ac noctis sole et luna, ibi vero non; quia Deus omnipotens plene illuminabit eam. Diu enim promissa *claritas Dei Patris illuminavit eam: et lucerna ejus*, id est lumen, scilicet humanitas continens in se deitatem ad illuminationem multorum, *est Agnus, Dei videlicet et Virginis Filius.*

**VERS. 24.** — *Et ambulabunt gentes in lumine ejus*, id est perseverabunt æternaliter in illa claritate. in spe videlicet luminis ejus, vel per radios cognitionis illius quos jam habent. Et tanta erit illa lux in futuro, quod usque ad finem mundi ambulent gentes; illi videlicet qui gentiliter vixerunt, dimissa gentilitate ambulabunt semper, id est promovebunt se de bono in melius. *Et reges terræ*, scilicet rectores Ecclesiæ qui seipsos et alios regunt, *afferent gloriam suam*, id est acquisitos Deo pro quibus coronabuntur, *et honorem suum in illam civitatem*, scilicet puritatem conscientiæ suæ pro ea habenda ad similitudinem victorum qui spolia in urbes suas transferunt. Hæc verba non ad remunerationem futuri, sed ad laborem præsentis temporis referenda sunt, quia sancti in ambulando tunc non laborabunt, sed post laborem beate viventes quiescent. Nunc itaque ambulant per lumen ejus, scilicet per Christi fidem cæterasque virtutes, ut postea pervenientes ad patriam, quiescant in ipso lumine, id est in ipsius Dei contemplatione.

**VERS. 25.** — *Et portæ ejus non claudentur per diem.* Hæc de futuro in præsentem. Aliquando subtrahitur prædicatio ne fures intrent et conculcent dum nox est, id est locus insidiarum. Sed quia ibi dies perpetua erit, omnis timor aufertur. *Nox enim non erit illic*, videlicet in futuro.

**VERS. 26.** — *Et sancti apostoli cæterique doctores afferent*, scilicet repræsentabunt Deo Patri *gloriam*, puritatem videlicet conscientiarum fidei, *et honorem gentium in illam*, id est ipsas gentes propter sua bona opera honoratas. Dicta honestate civitatis, ne quisquam falsus frater ad aliquem horum graduum pertinere præsumeret, determinat qui sint intraturi, et qui non. Licet ergo portæ non claudantur, tamen

**VERS. 27.** — *Non intrabit in eam aliquid coinquinatum*, id est cum aliis per consensum inquinatum, *et faciens abominationem*, scilicet aliquod criminale, *et mendacium*, videlicet qui delectatur in mendaciis inveniendis. Quid per singula referam? Nemo intrabit in eam, nisi illi qui scripti sunt in libro vitæ, id est in præscientia deitatis, *et Agni*, scilicet Dei et hominis Jesu Christi per quem dabitur illa vita scriptis in Dei memoria.

(69) Rectius Glossa collateralis: quæ non finit.

## CAPUT XXII.

Postquam situm civitatis, dignitatem ejus, muros et fundamenta describit, ostendit etiam refectionem quam Deus ipsi civitati tribuit, et in præsentem et maxime in futuro, dicens :

VERS. 1. — *Et ostendit mihi fluvium aquæ vitæ, splendidum, id est copiosam refectionem sanctorum et in præsentem et in futuro : refectionem dico, scilicet aquam affluentem, id est æternam beatitudinem, tanquam crystallum, quia æternaliter fulgebunt sancti ; procedentem de sede Dei et Agni, de illis videlicet in quibus principaliter sedet Deus, quia in illis maxime et per instructionem eorum minores coronabuntur, id est in confessoribus, qui minores Deo conjungunt.*

VERS. 2. — *In medio plateæ ejus, eorum videlicet qui laxiori vita incesserunt. In specie aquæ notatur per abluionem baptismi ad hanc beatitudinem pervenisse. Et ex utraque parte fluminis lignum vitæ, id est secundum utramque naturam Christi idem Christus sit suis lignum vitæ, cujus fructus primitivi fuerunt apostoli, afferens fructus duodecim, per singulos menses, scilicet prophetas et apostolos in fide Trinitatis per quatuor mundi partes fructificantes per singulas ætates, vel assidue, id est omni tempore, lignum dico reddens fructum suum, scilicet animarum refectionem. Christus est ergo lignum vitæ reddens fructum suum per duodecim menses, id est per duodecim apostolos, quia Christus dies vel annus, apostoli sunt horæ vel menses, sicut ipse in Evangelio ait : *Nonne duodecim horæ sunt diei ? (Joan. xi.)* Quasi diceret : Quia vos estis mihi subditi, mihi (70) prævidendum est vobis. Alia etiam ligna sunt ibi reddentia fructum suum, id est sancti qui reddunt pro meritis præmia sibi subditi. *Et folia ligni, scilicet præcepta Christi quæ tegunt et ornant fructum, id est verba prædicationis ejus sunt ad sanitatem gentium, gentilium videlicet conversorum si implentur. Christus ergo reddet fructum, et apostoli eorumque successores post eos prædicando, per universum mundum spargent folia, id est præcepta ipsius Christi. Vel citra fluvium, id est in hac vita, habebimus lignum vitæ, scilicet corpus et sanguinem Christi in quibus reficimur, et ultra flumen, videlicet in futuro habebimus ipsum præsentem. Vel citra flumen accipimus tempus ante baptismum, per ultra, illud quod fuit post baptismum, ut ostendamus fideles in veteri et in nova lege salvatos per Christum quod præsignavit Moyses qui duxit filios Israel usque ad flumen Jordanis, et Jesu Nave qui de flumine Jordanis duxit eos in terram promissionis. Sequitur :**

VERS. 3. — *Et omne maledictum non erit amplius, id est substractio gratiæ non erit amplius. Istud est maledictum legis : Maledictus qui non fecerit omnia verba legis (Deut. xxvii). Sed et sedes Dei et*

(70) Clarius glossa collateral, *mihi serviendum est, non vobis.*

*A Agni in illa civitate erunt : scilicet æternaliter requiescet Deus Pater, et Christus Deus et homo, et Spiritus sanctus, videlicet Trinitas unus Deus in illis : et servi ejus, non timore sed dilectione, servient illi laude æterna.*

VERS. 4. — *Et videbunt faciem ejus, non in ænigmate, ut nunc, sed sicut est.*

VERS. 5. — *Et nox, id est prævaricatio vel ignorantia, ultra non erit. Et non egebunt lumine lucernarum, id est doctrina veteris legis vel alicujus mediocris prædicatoris, neque lumine solis, scilicet doctrina novæ legis vel alicujus eximii doctoris, quod repugnat ad egere lumine aliorum, quoniam Deus illuminabit illos, et regnabunt cum eo in sæcula sæculorum. Sicut in principio posuit commendationem visionis, sic et ad ultimum ponit. Iterum subjungit, dicens :*

VERS. 6. — *Et dixit mihi, scilicet idem angelus : Hæc verba, id est quoscunque verbis et figuris ostenditur, fidelissima, videlicet habita quibus fides adhibeatur, et vera sunt, quia implebuntur, et Dominus Deus spirituum prophetarum misit angelum suum ostendere servis suis, quæ oportet fieri cito. Quasi diceret : O Joannes, ideo bene credere debes quæ audisti et vidisti, quia ille qui in potestate habet dona sancti Spiritus, per quem locuti sunt prophætæ, misit angelum suum (71) non regibus nec philosophis, sed servis suis : quæ oportet fieri cito, id est remunerationi sanctorum, quia non possunt remanere inexplata, scilicet in brevissimo hujus præsentis vite momento. Et vere cito sicut, quia ipse dicit :*

VERS. 7. — *Ecce venio cito. Et hæc etiam dixit mihi : Beatus qui custodit, id est qui opere implet, verba libri hujus. Ac si apertius diceret : Quia velociter venturus sum ut reddam unicuique secundum opera sua, Beatus, qui custodit verba libri hujus, ut dignus habeatur remuneratione perpetua. Sicut angelus Joanni, sic Joannes commendat hæc suis discipulis. Quasi diceret : Non propter me ostensa sunt mihi hæc, sed pro totius Ecclesiæ salute, et ut vos mihi credatis. Angelus ergo mihi locutus est.*

VERS. 8. — *Et ego Joannes, qui nihil falsitatis soleo vobis nuntiare, audivi voces, et vidi hæc per figuras notata. Et postquam audissem, et vidissem, cecidi, id est humiliavi me, ut adorarem ante pedes angeli, qui mihi hæc ostendebat, id est pro hac causa.*

VERS. 9. — *Et dixit mihi, vide ne feceris : conseruus enim tuus sum, et fratrum tuorum, scilicet prophetarum, id est prædicantium, et eorum, scilicet prædicantibus obedientium, qui fide et opere servant verba libri hujus : Deum adora, quia ipse solus est adorandus.*

VERS. 10. — *Et dicit mihi : Ne signaveris, id est*

(71) Supple. *hic ostendere.*

ne sigillaveris, sed propala omnibus *verba prophetiæ libri hujus*. Quia posset dici, quod malum esset prophetare malis, cum gravius essent puniendi, dictum est sibi ne ideo esset, quia bonum est. *Tempus ergo prope est*, in quo omnia discutientur. Igitur,

**VERS. 11.** — *Qui nocet, noceat adhuc* : scilicet post ostensionem libri ea quæ mali inferunt, bonis inferant, *et qui in sordibus est*, scilicet in propria nequitia, *sordescat adhuc*; *et qui justus est*, bonum tribuens aliis, *justitiam faciat*, id est impensius tribuat *adhuc* : *et qui sanctus est, sanctificetur adhuc* proficiendo in melius. Permissivus modus est, non optativus neque imperativus. Sæpe enim Deus omnipotens permittit hominem propter peccata præterita ruere ad graviora. Unde et Dominus per Psalmistam : *Non audivit populus meus vocem meam, et Israel non intendit mihi. Et dimisi eos secundum desideria cordis eorum, ibunt in adinventionibus suis* (Psal. LXXX). In qua sententia aperte ostenditur præcessisse culpam inobedientiæ per quam a Deo permissi sunt ire in voluptates suas. Et vere, inquit, tempus breve est, quia

**VERS. 12.** — *Ecce venio cito, et merces mea*, id est meorum, *mecum est*, in mea videlicet consideratione, *reddere unicuique*, uni plus et alii minus, *secundum opera sua*. Et bene hoc potero facere, quia

**VERS. 13.** — *Ego sum Alpha et omega*, id est primus, in quo omnia principium habuerunt, et novissimus, in quo omnia consummabuntur, *principium scilicet, et finis*.

**VERS. 14.** — *Beati qui lavant stolas suas*, corpora scilicet et vitam in baptismo et in lacrymis poenitentiarum, *ut sit potestas eorum in ligno vitæ*, id est ut possint edere de ligno vitæ, *et per portas*, scilicet per fidem doctorum, *intrare in civitatem sanctam Jerusalem*, quia *hæc porta Domini, et justi intrabunt per eam* (Psal. cxvii). Quia dixerat : *Nocens noceat adhuc; sordens sordescat adhuc* : ne aliquis malus diceret, cum sim malus, quare me poeniteret, dicit : *Non solum sunt beati qui majorem habent perfectionem; sed etiam illi qui contaminaverunt stolas suas quas in baptismo acceperunt, si denuo laverunt eas, et eos peccasse poeniteat, beati erunt. Sed,*

**VERS. 15.** — *Foris canes*, scilicet oblatrantes, et garruli, *et venefici*, id est immundi et hæretici, *impudici, homicidæ, idoitis servientes, et omnis qui amat, audiendo, et facit, inveniando, mendacium*.

**VERS. 16.** — *Ego Jesus misi angelum meum, id est nuntium, testificari vobis hæc in Ecclesiis*. Et mihi ergo credendum est quia ego Jesus sum *radix secundum deitatem, id est sustentamentum, et genus David secundum humanitatem, stella splendida et matutina*, scilicet magna claritas annuntians diem, id est futuram beatitudinem per meam resurrectionem in mane factam.

**VERS. 17.** — *Et spiritus, et sponsa*, id est sancta Ecclesia, *dicunt* : *Veni*; sed spiritus per occultam inspirationem, et Ecclesia per apertam prædicationem omni homini qui est extra Ecclesiam, dicit :

**A** *Veni*, scilicet ad notitiam hujus libri. *Et qui audit*, id est qui intelligit, non solum fidelibus, sed etiam omni homini infideli *dicat* : *Veni*. Et non tantum quilibet, sed ille tantum *veniat qui sitit*, id est credere desiderat. Et non *veniat aliquis coactus*, sed ille tantum *qui vult, accipiat aquam vitæ* per baptismum *gratis*, sine pretio videlicet meritum, per quod baptismum itur ad æternam vitam. Postquam beatus Joannes commendationem hujus libri posuit per Deum Patrem, et Filium, et Spiritum sanctum, per angelum, per se, et per fideles, quia quosdam sciebat esse in Asia, qui pro suis erroribus fovendis aliquid adderent vel demerent, supponit excommunicationem, dicens : *Et ego Joannes*

**B** **VERS. 18.** — *Contestor*, id est cum testimonio Dei Patris et Filii et Spiritus sancti dico *omni audienti verba prophetiæ libri hujus* : *Si quis apposuerit ad hæc quæ non sunt apponenda, apponet Deus super illum*, id est ad depressionem illius, *plagas scriptas, scilicet memoratas, in libro isto*.

**VERS. 19.** — *Et si quis diminuerit aliquid de verbis prophetiæ hujus, auferet Deus partem ejus de ligno vitæ*, id est de Christo vitæ datore, *et de civitate sancta, et de his quæ sunt scripta in libro isto*. Hoc ego dico, scilicet excommunico, et ille item Christus

**VERS. 20.** — *Dicit qui testimonium perhibet istorum* : id est mecum excommunicat illum qui aliquid mutaverit. Dicit etiam Christus : *Amen*, scilicet vera sunt omnia supradicta. *Venio cito*. Quasi diceret : *Cavete vobis, quia ego cito venio judicare sæculum. Amen*, scilicet verum est quod dico. *Veni Domine*, precamur ad remunerandum. Hoc omnis Ecclesia loquitur in Joanne, optans ut Christus veniat ad judicium. Unde et quotidie in oratione Dominica postulat, dicens : *Adveniat regnum tuum* (Matth. vi).

**VERS. 21.** — *Gratia Domini nostri Jesu Christi*, id est, remissio peccatorum sit *cum omnibus vobis*, ab eodem Domino nostro Jesu Christo, qui cum Patre et Spiritu sancto vivit et regnat Deus per omnia sæcula sæculorum. *Amen*.

In hoc loco beatus Joannes typum gerit prædicatorum, qui scientes hominem non posse justificari per legem sed per gratiam, optat ut eadem gratia semper cum Ecclesia permaneat. Nota quod hic beatus Joannes a gratia sumpsit initium, et in gratia posuit terminum, quia videlicet et præveniente Dei gratia salvamur, et subsequente justificamur.

Dignum est, fratres charissimi, ut omnipotenti Deo gratiarum actiones in commune persolvamus, cujus gratia nos præveniente, comitante, et subsequente, obscuritates verborum et arcana mysteriorum hujus veracissimæ revelationis, secundum quod a sanctis Patribus exposita sunt, ad eruditionem vestram descripsimus; quatenus fidem catholicam quam in baptismo per patris Deo et sacerdotibus Ecclesiæ confessi estis, corde, ore et opere firmam teneatis, et, si necesse fuerit, pro Dei amore et proximi dilectione adversa pati non fugiatis. Hor-



tor etiam vos omnes Ecclesiæ fideles, qui Antichristi tempora visuri estis, ut Jesu Christo, Dei et Virginis Filio, devota mente adhæreatis, eique puram et incorruptam fidem exhibeatis, et neque temporalium rerum promissionibus, neque Antichristi vel ministrorum ejus terroribus ab integritate fidei ipsius Jesu Christi recedatis. Ipse ante omnia sæcula ineffabiliter natus est de Deo Patre, ipse pro redemptione nostra dignatus est nasci in tempore de Virgine matre. Conceptus de Spiritu sancto in uterum Virginis humanitatem nostram sine peccato sibi univit, et secundum ipsam natus, legi obediens, seipsum quadragesimo nativitatis die, divinitus accensis lampadibus, et obviam sibi populis laude cantantibus, in templo præsentavit; magos divina inspiratione ad seipsum adorandum de orientis partibus prævia stella perduxit; a facie Hærodis, terreni videlicet regis, non resistendo, sed humiliter persecutionem declinando, monente angelo in Ægyptum descendit; et ut Ecclesiam sponsam suam ab originali peccato ablueret, qui peccatum omnino nullum habebat, baptizari voluit; et ut ejusdem Ecclesiæ filiis exemplum abstinentiæ donaret, quadraginta diebus jejunavit; docens nos tentationes vincere, tentari pertulit, ipsumque tentatorem vincens, nos ab ejus potestate eripuit, prædicatione sua nos miseros sedentes in tenebris et umbra mortis illuminavit (*Luc. 1 14*); passionem secundum humanitatem, non pro se, sed pro humani generis reparatione sustinuit, crucem misericorditer ascendit (*Luc. xxiii*), et in ea, ut bonus Pastor pro ovibus suis, animam suam posuit (*Joan. xi*), qua ad infernum descendens, portas confregit, ipsum humani generis inimicum, scilicet diabolum, in profundum inferni ligavit, captivitatem, quam idem totius malitiæ inventor captivaverat, recaptivavit, inde rediens tertia die corpus de monumento suscitavit, seipsum per quadraginta dies in multis argumentis discipulis suis manifestans, quadragesimo die cælum ascendens, eandem quam ab inferis abstraxerat captivitatem, in cælum collocavit, et in dextera Dei Patris a quo exierat, sedet, unde etiam in fine mundi venturus est, ut reddat unicuique juxta opera sua, et judicet vivos et mortuos, et sæculum per ignem (*Ephes. iv*).

Vobis testificor, o Ecclesiæ filii, qui visuri estis Antichristum vel illius falsos apostolos, quia hæc est vera fides et catholica, quam nisi integram inviolatamque servaveritis, salvi esse non poteritis. Iste igitur qui sic est, ut supra diximus, de Deo Patre et de Virgine matre sine peccato natus, cum eodem Patre et Spiritu sancto unus est et verus Deus. Verus Deus et verus homo est, sine quo nemo ad Patrem pervenire potest. De Deo Patre ante omnia sæcula ineffabiliter genitus, veram accepit in tempore de Virgine matre substantiam, cum qua tertiam habet in Trinitate personam. Christus est igitur veræ

A fidei fundamentum fortissimum a lege et prophetis habens testimonium. Unde ait apostolus Paulus: *Nemo potest aliud fundamentum ponere præter id quod positum est, quod est Christus Jesus (I Cor. iii)*. Ipsum habemus in terra piissimum et fortissimum pastorem; per ipsum credimus pertingere ad ejusdem Patris sui perennem et dulcissimam visionem. Ipse est via recta, verissima veritas, et vita æterna, (*Joan. xiv*), per quam filii Ecclesiæ currunt et perveniunt ad æterna præmia.

Iterum vos moneo, o populi Christiani, qui vivi in corpore estis inveniendi tempore Antichristi, et firmiter teneatis hanc Jesu Christi Dei et hominis fidem contra ejusdem Antichristi persecutionem vel fallacem disputationem. Nam, ut ait beatus Petrus apostolus, *Non est in alio aliquo salus. Nec enim aliud nomen est sub cælo datum hominibus, in quo oporteat nos salvos fieri (Act. iv)*, nisi in Jesu Christo filio Dei, qui mundum redemit in manu hostis antiqui. Minas ergo Antichristi non pertimescatis, nec illius promissionibus acquiescatis, nec miraculis fidem attribuat, quia non veniet, ut mundum redimat, sed ut genus humanum secum ad perditionem pertrahat. Ideo illum Scriptura commemorat filium perditionis quia suis falsis miraculis et verbis seductoriis multos secum præcipitabit in stagnum ignis ardetis, et ad ultimum ipse interficietur spiritali gladio ex utraque parte acuto qui procedit ex ore Jesu Christi in dextera Dei Patris sedentis (*II Thess. ii*). Unde Isaias propheta, enumeratis virtutibus ejusdem Filii Dei et Virginis, loquitur dicens: *Spiritu labiorum suorum interficiet impium (Isai. ii)*. Revera impius et crudelis, qui nec sibi parcat nec aliis. Congruè igitur illum propheta impium vocavit, quia cum venerit, et se et multos alios secum condemnabit. De quo etiam ait apostolus Paulus: *Cum revelatus fuerit ille homo peccati, filius perditionis, qui adversatur, et extollitur supra omne quod dicitur, aut quod colitur, ita ut in templo Dei sedeat ostendens se tanquam sit Deus (II Thess. ii)*. Recte siquidem homo peccati dicitur, quia, ut ait magister Anselmus (72), vir sapiens scilicet et catholicus: « In Babylonia ex meretrice de tribu Dan nascetur, et in matris utero diabolico spiritu replebitur, et a maleficis nutrietur. » In templo Dei sedebit ostendens se tanquam sit Deus, quia antiquam Jerusalem restaurabit, in qua se quasi Deum colijubebit.

Hic igitur, o fideles Christiani, qui homo peccati et perditionis filius dicitur, nequaquam pro Deo est colendus, sed omnibus modis a filiis Ecclesiæ abominandus et execrandus. Sanctitatem simulat, sed omni dolo et fallacia plenus erit. Miracula facturum est, non vera, sed ab ipso et patre suo diabolo fallaciter inventa. Omni arte magica et sæculari scientia atque incredibili eloquentia eruditus erit, quibus humanum genus decipiet, sibi que sub-

(72) *Elucid. lib. iii, c. 40.*

Jugabit. Videte ergo, fratres charissimi, cum revelatus fuerit ille homo peccati, perditionis filius, ne illius signis et prodigiis, virtutibus mendacissimis decepti, cito moveamini a vestro sensu, id est, a recto et vero catholice fidei statu. Videte ne adoretis filium perditionis loco redemptoris. Insani capitis est et vani filium iniquitatis adorare, et Jesum Christum, Filium Dei omnipotentis, contemnere, qui mundum redemit suo pretioso sanguine. Procul dubio igitur, si Antichristum adoraveritis, sive characterem ipsius in manu, scilicet in operatione, aut in fronte, id est in confessione vestra susceperitis, cum eo peribitis. In Christo itaque Dei et

A Virginis Filio anchoram spei vestrae reponite, ad ipsum gradibus bonorum operum accedite, pro ipso, si necesse fuerit, persecutiones, plagas, verbera et cetera adversa tolerate; ipsum brachiis verae fidei et sinceræ dilectionis amplectimini; ad ipsum in dextera Dei Patris sedentem summa devotione oculos mentis erigite, ipsum cum Deo Patre et Spiritu sancto in cœlo regnantem unum et verum Deum adorare, ut cum electis ejus in ipsius præsentia sine fine possitis regnare, ipso præstante, qui cum eodem Patre et Spiritu sancto in Trinitate perfecta vivit et regnat Deus, per omnia sæcula sæculorum. Amen.

ANNO DOMINI MCCII

# GUALTERUS DE CASTELLIONE

## NOTITIA

(FABRIC., *Biblioh. med. et inf. Lat.*, II, 112)

Magister Philippus Gualterus de Castellione, Insulanus (1), præpositus canonicorum Tornacensium, scripsit, Q. Curtii insistens vestigiis, *Alexandreidem* sive poema heroicum de rebus gestis Alexandri Magni, elegans pro illa ætate, *libris x*, quorum singulorum primæ litteræ referunt nomen, *Guillemus* (2); dicavit enim illos Guillelmo II, qui archiepiscopus Remensis fuit ab anno 1176 ad 1201. Ille poema circa annum 1280, quo tempore scripsit Henricus Gandavensis, in scholis grammaticorum tantæ dignitatis fuit, ut præ illo veterum poetarum lectio negligenteretur: neque tamen tantum Gualtero Alanus Insulensis præstat, ut nisi iudicium istud dictasset illi livor, hæc Gesta ducis Macedum, convicio *tenebrosi carminis umbræ* perstringere debuisset. Post editionem Argentinensem anno 1513, 8°, hos libros vulgavit Osvafius Eck, dicavitque Alberto, comiti palatino Rheni et duci Bavariæ, Ingolstadt. 1541, 8°, ex officina Alexandri Veissenborn. Hanc editionem cum variis lectionibus, ascriptis manu Christiani Daumii τοῦ μακρικοῦ, qui hujus scriptoris editionem cogitabat, possidere se testatur V. C. Christophorus Augustus Heumannus in *Conspectu reip. litterariæ*, pag. 65, et in *Actis philosophorum*, parte xv, pag. 371. Denique Gualteri *Alexandreis*

B lucem vidit Lugd. 1558, 4°, singulari et nitido typorum charactere, qui propius accedit ad currentes litteras quibus in scribendo utimur (3). Veterem Islandicam versionem, quam edere parabat vir peritissimus illarum litterarum Arnas Magnus, ab alio viro erudito expectamus, qui Latinos etiam duos codices mss. hujus scriptoris in usum venire poterit, quos ex auctione Gudiana nactus ad laudatum Magnum miseram.

*Opuscula rhythmica* varia quæ exstare in Bibl. regis Galliarum codice 5333 notat Oudinus (4), non Gualteri de Castellione sunt, sed Gualteri Mapes, de quo infra. Item vero Oudinus *libellos tres* dialogi scriptos more *adversus Judæos* sub Gualteri de Castellione nomine primus vulgavit ex ms. cod. abbatia S. Evodii de Brana, præmissa etiam auctoris ære descripta icono; inter opuscula sacra aliquot Galliarum et Belgii scriptorum Lugd. Bat., 1692, 8°. Denique Bernardus Pez tom. II *Anecdotorum*, parte II, pag. 51, ex ms. Salisburgensi in lucem protulit Magistri Galteri, quem hunc Gualterum Insulanum esse sibi persuadet, tractatum *De SS. Trinitate*, Augustæ Viend. 1721, fol. Vide laudat. Pezii Diss. isagogicam p. xxii.

(1) Monostichon apud Henricum Gandavensem, ca. 20:

*Insula me genuit, rapuit Castellio nomen.*

Sed in brevi vita Gualteri, quam *Alexandreidi* præmisit Sebastianus Linck, distichon legitur hunc in modum:

*Insula me genuit, rapuit Castellio, nomen  
Perstraxit modulis Gallia tota meis.*

(2) Pagius ad annum 1102, num. XIII.

(3) Gallice, *caractères de civilité*.— Exstat *Alexandreidos* editio quarta, Lugdunensi sæculo integro recentior (1659, in 12), quæ ex duobus mss. S.

Galli et Montis Angelorum typis commissa est in eodem cœnobio S. Galli et cœnobia ejusdem, ut in fronte libri legitur, curante Athanasio Gugger, Sangallensi monacho, qui Gualteri opus nondum editum putabat. « En tibi, inquit, candide lector, opus novum, ut sit antiquum, nusquam quod sciam, editum, a multis cupide inspectum et desideratum, non minus antiquitate quam eruditione venerabile. »

EDIT. PATR.

(4) In Vita præmissa libellis contra Judæos et tom. II *De S. E.*, p. 1668.

## NOTITIA ALTERA.

(GUBIX, Comment. de scriptoribus et scriptis ecclesiasticis, II, 1666.)

Gu lterus Insulanus, de Castellione dictus, floruit a ab anno circiter 1160 usque ad an. 1200, vel ultra etiam. Cujus meminit Joannes Sarisheriensis epistola 134, ad Joannem Gaufridum de Sancto Edmundo, innuens a se rogatum Gualterum, ut regem Anglorum pro S. Thoma Cantuariensi archiepiscopo et martyre adiret: *Sollicitaveram antea super hoc virum optimum et tuis meritis mihi reverendum M. Gualterum de Insula, et per ipsum alios patres, quorum fides mihi videbatur esse sincerior. Et in fine: Audio M. Gualterum juramento arctari, ut neque litteras neque nuntios recipiat exultantium.* Epistola 159: *Verum M. Gualterum de Insula misit in Angliam cum litteris a colloquio Chironensi, ut Insulanos super facta appellatione præveneret, et pcrtas transitus faceret diligentius observari, et clerum ab obediendo suscenderet, cum tamen facta sit appellatio, et archiepiscopus possit facile inveniri. Nec dubito quin prædicto Gualtero machinatio ista displiceat, cum omnibus quæ proferuntur adversus Ecclesiam Dei, quoniam Dominum timet.* Ad eundem scribit epistola 189. Ex his igitur patet Gualterum floruisse aliquanto post medium sæculi XII, ab anno circiter 1160 usque ad 1200: nec fuisse Magalouensem episcopum, ut aliqui scribunt, cum hisce temporibus Joannes de Montelauro Ecclesie Magalouensi præesset. Hujus facit mentionem Henricus Gandavensis in libro *De scriptoribus ecclesiasticis*, cap. 20, pag. 165, Bibliothecæ ecclesiasticæ Auberti Miræi, his verbis: *Gualterus dictus de Castellione, Insula oriundus, unde est ejus illud Monostichon*

*Insula me genuit, rapuit Castellio nomen.*

Scripti *Gesta Alexandri Magni eleganti metro*, qui liber in scholis grammaticorum tantæ dignitatis est hodie, ut præ ipso veterum poetarum lectio negligatur. Exstant autem Libri decem *Alexandreidos* sive *De gestis Alexandri Magni* a Gualtero Castellionensi carmine heroico non infelici, ad Guillelmum Remensem archiepiscopum, anno circiter 1180, scripti, qui anno 1551 Argentorati, et Ingolstadt ac Lugduni anno 1558, typis editi sunt. Habentur mss. in regia Galliarum bibliotheca codd. 5644, 5645. Prologus incipit, *Moris est usitati*, etc. Liber primus:

*Primus Aristotelis imbutum nectare sacro, etc.*

Itemque in bibliotheca Sancti Germani Parisiensis, codd. optimæ notæ 536 et 537, sæpiusque in Colbertina et Victorina. Item inter mss. codd. univ. Cantabrigienses, num. 344; in mss. codicibus collegii Sanctæ Trinitatis, in parte australi bibliothecæ, serie prima, codice 3. Inter mss. codices Boulejanæ bibliothecæ, num. 1269; in mss. codicibus Guillelmi Landi littera H. codice 6. Et ibidem num. 1515, in mss. codicibus ejusdem littera K, codice 89. Denique inter mss. codices universitatis Cantabrigienses, num. 1346, in mss. codicibus collegii S. Benedicti, codice 69, n. 6. Ejusdem creditur num. 5: *Artificium bene loquendi versu*, ejus initium: *Ecce papæ leges*, quod rectius ab aliis Galfrido de Vino salvo tribuitur Anglo poetæ. Hujus Gualteri poetæ meminit Guillelmus Brito, initio suæ *Philippidos* libris duodecim conscriptæ.

*Gesta ducis Macedum celebri describere versu, Si licuit, Gualtere, tibi, quæ sola relatu*

*Multivago docuit te vociferatio famæ,  
Si sua gentili mendacia cuique poetæ  
Grandisonante fuit licitum pompare boati:  
Si tibi, Petre Riga, etiam non esse putasti  
Ubere de legis occultos sugere sensus,  
Quos facis ut levis verbis elegia cantet  
Fortia facta virum numero breviora coarctant,  
Que potius pede Mævio referenda fuerunt.  
Cur ego quæ novi, proprio quæ lumine vidi,  
Non ausim magni magnalia scribere regis?*

Et in fine libri septimi indicat quantum se Gualtero in arte poetica inferiorem agnosceret.

*Ut qui Gualtero te nosti voce minorem,  
Saltem librorum numerus te comparet illi.*

Non desuerunt tamen e veteribus qui Gualterum sugillarent, ei forsitan invidentes gloriam, quam famæ tuba sparsam videbant. Nam Alanus de Insulis, popularis ejus et compatriota, eum vocat *Mævium*, id est malum poetam, instar illius Mævii Virgiliani.

*Priami fortunas intonat illic*

*Mævius, in cælis audens os ponere mutum:  
Gesta ducis Macedum tenebrosi carminis umbra  
Fingere dum tentat, in primo limine fessus  
Hæret, et ignavam queritur torpescere musam.*

Ejusdem opuscula varia in Regia Galliarum Bibliotheca, col. 5333, nempe Gualteri de Insula opusculum rhythmicum, *De statibus mundi*: « *Missus sum in vineam,* » etc., fol. 36. Ejusdem similia opuscula super statibus ecclesiasticarum personarum: *Multiformis hominum fraus*, etc., fol. 36. Contra ecclesiasticos prælatos, *Fallax est*, etc. fol. 37. Contra ecclesiasticos juxta visionem Apocalypsis: *A Tauro torrida*, etc., fol. 57. *Quod papa sit summus, et imperator sub ipso*: « *Totus hujus temporis ordo,* » etc., fol. 40. *Contra statum ecclesie depravatam*: « *Heliconis rivulo,* » etc., fol. 41. *De adventu Antichristi*: « *Dum contemptor,* » etc., fol. 41. *Domino papa*: « *Tanto viro locuturi,* » etc., fol. 42. *Scholaribus bonis in reditu suo a curia Romana*: « *Membra cohæreant,* » fol. 43. Rhythmica paraphrasis in Psalmum, *Miserere mei, Deus*, etc. *Dum Gualterus agrotaret*, etc. fol. 44. Horum tamen opusculorum (modica enim sunt) magnam partem attribuit Gualtero Mapo, Anglo, Henrici II regis sacellano, tandemque archidiacono Oxoniensi, Guillelmus Cuvus, ipse Anglus, in *Historia litteraria scriptorum ecclesiasticorum*, ad annum 1210, pag. 706: qua de re videant qui mss. codices spectare possunt, ac disquirere ad quem istorum volverent amborum Gualterorum, qui eadem ætate florebant, hic in Belgica Flandria, ille in Anglia. Scripsit etiam *Libellos tres contra Judæos*, quos vidi mss. in bibliotheca Branensi, ordinis Præmonstratensis, in episcopatu Suessionensi, cum aliis tractatibus contra Judæos in unum volumen compactis. Sunt autem per formam dialogi inter Gualterum, qui se Castellionensem appellat, et Balduinum Valentianensem, hujus abbatiæ Branensis canonicum, Gualtero ob eandem patriam charissimum. Illud opusculum procurante me, editum in 8°, anno 1692, Lugduni Batavorum, cum aliis sæculi XII opusculis, apud Petrum Vander Meerchie.

Valerius Andreas in sua *Bibliotheca ms. Belgica* duos Gualteros de Insula cognominatos confudit,

quos male inquit claruisse circa annos 1255. Alter enim amborum anno 1108, factus Magalonensis episcopus, anno 1128, mortuus est in peregrinatione suscepta ad Terram Sanctam, ut recte tradunt fratres Sammarthani tomo III *Galliæ Christianæ*, fol. 567, in episcopis Magalonensibus; alter autem floruit ab anno 1160 ad 1200, ut supra diximus. Agunt de hoc Gualtero Insulano Joannes Trithemius in libro *De scriptoribus ecclesiasticis*; Antonius Possevinus tomo I *Apparatus sacri*, pag. mlii 692; Gerardus Joannes Vossius lib. III *De historicis Latinis*, part. II. *De historicis incertæ ætatis*, litteræ

A P. quem *Philippum Gualtherum Castellionem* vocat, recteque circa annum 1200 floruisse statuit; sæculum IV. *Historiæ universitatis Parisiensis*, pag. 740, in Catalogo illustrium hujus sæculi Academicorum, unde multa habuimus. Anbertus Miræus in scholiis suis ad libellum Henrici Gandavensis *De scriptoribus ecclesiasticis*, ubi de duobus Gualteris Insulensibus loquitur; Valerius Andreas in *Bibliotheca Belgica*, p. 775, ubi eum *Philippum Gualtherum de Castellione* vocat, editionis 1643, ultimæ, in 4<sup>o</sup>, Lovanii.

## TRACTATUS SIVE DIALOGUS

MAGISTRI

# GUALTERI TORNACENSIS

ET

BALDUINI VALENTIANENSIS

## CONTRA JUDÆOS

(GALLAND., *Veterum Patrum Bibliotheca*, XIV, 505. — Gualteri opusculum jam eviderat Oudinus in collectione cui titulus: *Veterum aliquot Galliæ et Belgii scriptorum opuscula sacra nunquam edita*, Lugduni Batav., 1692, in-8)

### PROLOGUS.

Cum triplicem primæ perditionis causam fuisse constiterit, avaritiam scilicet, *κενοδοξίαν* [vanam gloriam] et gulam, ab his tribus tota posteriorum series, utpote corrupto semine, peccandi sumpsit exordium. Ita ut ab eis, tanquam efficientibus causis, totius humanæ fragilitatis occasio, velut originaliter propaganda prodierit; ac more lymphæ semper ad declivia tendentis, permisso ei libere arbitrii freno, ad hoc nostræ captivitatis calamitas devenit, ut homo ad cujus imaginem factus sit non recordans, idolorum culturæ se subderet, et quod factum fuerat, et non cum qui fecerat adoraret. Quocirca Divum arbiter proborum merita ponderans, atque reproborum culpas examinans, inundante aquarum diluvio, quod perdendum erat, perdidit; servatoque boni chirurgi tenore, mortuam carnem, ne pars sincera traheretur, recidit, et quod vivam erat reservavit. Labente autem multo temporum curriculo, quam plurimi pristinæ iniquitatis adipem sapientes, inveterata jam malitia, apostasiæ periculum incurrerunt; pauci vero in cultu unius Dei permanserunt. Ex quibus patriarchæ et patriarcharum filii, radix sancta, populus electus prodierunt, quibus data est lex ad tempus, donec veniret

B Sanctus sanctorum, qui utraque unum faciens, et protoplasmatis delictum absolveret, et regni cœlestis introitum credentibus aperiret. Cujus misericordiæ particeps Ecclesia, sponsum ad generales nuptias venturum expectat; Synagoga vero adhuc velamen ante oculos habens, ut Britones Arcturum, primum ipsius præstolatur adventum. Unde proccacem Judæorum duritiam et pervicacem eorum obstinationem vehementer admiror, qui nescio quo Dei occulto judicio, in veteri sua perfidia adeo pertinaces sunt, ut si quis infidelitatem ab eis quadam quasi furca repelleret, iram tamen usque incurreret; ac si eorum inseparabile accidens infidelitas alibi sedem non inveniret. O igitur mira dispensatio Conditoris! O districta ultio judicis, qui sic tabernaculum repulit, sic Israel primogenitum suum exclusit; qui sic quos ædificaverat destruxit, sic quos plantaverat evellit! Qui nimirum novæ gratiæ veritati non solum non acquiescunt, verum etiam, quasi planetæ retrogradi, firmamento fidei nostræ obviare conantur, et Christicolis objecta ex Pentateucho auctoritate controversantur.

Super quo eorum imperitiæ consulentes, ego Gualterus Tornacensis diœceseos oppido quod Insula

dicitur oriundus, et Baldinus Valentianensis Ecclesie Brancensis canonicus, libellum in Judæos sub dialogo scripsimus, in quo scilicet ex prophetarum libris, compilatis quibusdam floribus, diversa defensionum genera texuimus, quibus linguam falsiloquam refrenamus. Cum enim nihil aliud fere prophetarum oracula, quam adventum Christi, passionem, resurrectionem categorizent, quia tamen aliqui minus liquide et ænigmatica quodammodo loquuntur, ex eis quedam apertissima vaticinia collegimus, quibus, etsi velit illa subjugalis asina, contraire non possit.

BALD. Sed priusquam litteræ vacemus, ea in quibus a nobis dissonat, per capita distinguamus. GUALT. Placet quod dicis; et illud quidem prius ponendum censeo, quod ipsi Messiam nondum venisse, et, cum venerit, non de virgine, sed de corrupta nasciturum asseverant. B. Ita est, inquam, ipsum quoque non Deum, sed purum hominem fore confirmant, nec passurum, nec resurrecturum as-

truunt. Præterea memini me cum quodam eorum, quem pro se constituerant adversum me responsalem et advocatum, nudius tertius disceptasse: et ad hoc eum coegisse ut duos fore Messias, unum jam venisse, alterum venturum esse fateretur. G. Papæ! Quod novum irrisionis genus? Simile est hoc ei quod asseritur, peccatum scilicet transgressoris Adæ posteris suis nihil mali intulisse, præter moriendi occasionem, et quod nulli ob hunc reatum ad inferos descenderint, præcipue de Judaismo, ibi damnandi. B. Hoc et adjuuge prædictis, quod se solos populum Dei gloriantur esse, vocationem gentium excludentes. G. Imo et reprobationem eorum, et si qua meæ suggesteris parvitati, styli officio designabo. B. Et ego in quibusdam personam Judæorum gerens, quæ opponi posse video, objiciam. G. Sapienter, inquam, locutus es, sed nunc quod instat agamus, et prius Isaie revolvamus oracula, qui cæteris evidentius Christi prædicavit adventum.

## LIBER PRIMUS.

I. G. Isaïas in exordio libri sui et Judæorum obæcationem, et gentium illuminationem patenter insinuat, ait enim: « Filios enutrivit et exaltavit, ipsi autem spreverunt me (Isa. 1, 2). » Sed quia hoc tam de gentibus quam de Judæis intelligi potest, audi quod sequitur: « Cognovit bos possessorem suum, et asinus præsepæ domini sui, Israel autem non me cognovit, et populus meus non intellexit (ibid., 3). » B. In his quæ objicere possunt, non video; procede ergo. G. Holocausta quoque eorum quia non placita sunt Deo, ipse ostendit, ubi dicitur: « Quo mihi multitudinem victimarum vestrarum, dicit Dominus? plenus sum (ibid., 11). » Et quibusdam interpositis quæ ad ritum sacrificiorum pertinent, subjungit: « Ne afferatis ultra sacrificium frustra. Incensum abominatio est mihi, Neomeniam et Sabbatum et alias festivitates non feram. Iniqui sunt cœtus vestri; Kalendas vestras et solemnitates vestras odovit anima mea. Facta sunt mihi molesta, laboravi sustinens. Cum extenderitis manus vestras, avertam oculos meos a vobis, et cum multiplicaveritis orationem, non exaudiam (ibid., 13, 15). » B. In his omnibus, ut video, nihil aliud quam eorum repulsa intelligi potest. G. Et paulo post, reprobationem eorum evidenter insinuat, ubi ait: « Projecisti, Domine, populum tuum, dum Jacob (Isa. 11, 6). » Et post pauca ad conversionem gentium se transfert dicens: « Elevabitur Dominus solus in die illa, et idola penitus conterentur (ibid., 17, 18). » B. Quomodo per hæc Messiam venisse arguas non video, cum nos quoque et crucifixos et imagines sanctorum quæ ipsi idola

dicunt, habeamus. G. Nullus, Balduine, jam superest locus hujusmodi oppositioni, si sequentia diligenter intendas. Ait enim idem de eodem: « In die illa projiciet homo idola argenti sui et simulacra auri sui quæ fecerat, ut adoraret talpas et vesperationes (ibid., 20). » Non enim in toto orbe terrarum gens est adeo expertis rationis, quæ se non incurvet sub jugo unius Creatoris; nulla est quæ idola deos esse confirmet, nulla est quæ talpas et vesperationes adoret. B. Ita est, inquam. G. Quid igitur habent, ut præ aliis de unius Dei cultura glorificentur? Imo habent, ut infelices dicantur. Scripsit enim Isaïas in persona Domini loquens: « Popule meus, qui beatum te dicunt, ipsi te decipiunt (Isa. 111, 12). »

II. B. Quæro te, si in tota Veteris Instrumenti pagina reperis, quod eos ut in deitate Trinitatem recipiant arguere possit, edisseras. G. Multa equidem, sed prius de cæteris utpote de facilibus expedii, in fine hujus operis, quasi de terrenis ad cœlestia gradientes, de Trinitate unitatis prolixius disseremus; nunc autem propositum exsequamur. Sequitur: « Excæca cor populi hujus, et aures ejus aggravata, et oculos ejus claude, ne forte videant oculis, et auribus suis audiant, et corde suo intelligant, et convertantur et sanem eos (Isa. vi, 10). » Aggravatum est quippe cor eorum et oculi cordis clausi, cum Christum nondum venisse et quod de corrupta nasciturus sit mentiuntur, Isaïa dicente: « Ecce virgo concipiet in utero et pariet filium, et vocabitur nomen ejus Emmanuel (Isa. vii, 14). » Aliiter se habere in Hebræo dicunt. Ubi enim nos

Virgo legimus, ibi dicunt se habere hanc dictionem *atma*, cui æquipollet Latine *puella*, ut *alma* significet in sexu ætatem, non pudoris integritatem. Prædictum itaque sic versiculum legunt : *Hinne ahalma hãara vatielezebeir (Vejoladib Ben)*. Ac si Latine diceretur : « Ecce puella concipiet. » O mira miserorum versutia ! Cum bona quæ habent, non solum non credunt, sed ne credunt, legendo pervertunt. Quam perversionem ex facili potes advertere, si præcedentia vellis intelligere. Ait enim : « Pete tibi signum a Domino Deo tuo in profundum inferni, sive in excelsum supra (Isa., 11). » Et post pusillum : « Et propter hoc dabit Dominus ipse vobis signum : Ecce virgo concipiet et pariet filium (ibid., 14). » O legis prævaricatores ! O duræ cervicis rebelles ! O increduli ! Quod signum vobis ostendit, si puella concipit ? Quod prodigium demonstraret, si adolescentula parturiret, quod fieri quotidie videmus ? Vere repulsa es, Judæa prævaricatrix, a Domino. Sequitur enim : « Expectabo Dominum, qui abscondit faciem suam a domo Jacob (Isa. viii, 17). » Ab eo enim quem Deus non dignit, faciem suam abscondit. Quid autem de gentium illuminatione et Christi nativitate ac divinitate senserit, audivimus. Ait : « Gentium populus qui ambulabat in tenebris, vidit lucem magnam, habitantibus in regione umbræ mortis, lux orta est eis (Isa. ix, 2). » Unde hoc contingat tanquam exponens, subjungit : « Parvulus enim natus est nobis, et filius datus est nobis, et vocabitur nomen ejus Admirabilis, Consiliarius, Deus fortis, Pater futuri sæculi, Princeps pacis (ibid., 6). » Quid tibi videtur, Balduine ? eritne Deus Messias cum venerit ? *B.* Imo et Deus est, et jam venit, et cum secundo venturum expectamus.

III. *G.* Ita est, inquam, et qui hoc non credunt, merito dispergentur. Unde sequitur : « Disperdet Dominus ab Israel caput et caudam (ibid., 14). » Qui vero Christum plenum Spiritu sancto fuisse negant, audiant quid sequitur : « Egredietur virga de radice Jesse, et flos de radice ejus ascendet, et requiescet super eum Spiritus Domini, » etc. (Isa. xi, 1, 2.) Itemque : « In die illa erit radix Jesse. Qui stat in signum populorum, ipsum gentes deprecabuntur, et erit sepulcrum ejus gloriosum (ibid., 10). » Cujus enim sepulcrum adeo famosum, cujus pyramis adeo gloriosa, ut nostri Redemptoris sepultura ? *B.* Nullius, inquam. *G.* Sequitur : « Emitte Agnum, Domine, dominatorem terræ de petra deserti, ad montem filiæ Sion (Isa. xvi, 1). » *B.* Quis est hic Agnus, qui de petra deserti promittitur emittendus ? *G.* Quis alius agni nomine censetur, quam Agnus noster immaculatus, qui pro nobis mortem subiit, qui in Ægyptum a matre delatus, ad montem filiæ Sion crucifigendus ascendit ? De quo et subditur : « In die illa inclinabitur homo ad factorem suum, et oculi ejus ad sanctum Israel respicient, et non inclinabitur ad altaria, quæ fecerunt manus ejus (Isa. xvii, 7). » Iterum : « Ecce Dominus ascendet

A super nubem levem et ingreditur Ægyptum, et commovebuntur simulacra Ægypti a facie ejus (Isa. xix, 1). » Iterum ait : « Ecce ego mittam in fundamentum Sion lapidem : lapidem probatum, angularem, pretiosum, in fundamento fundatum ; qui crediderit, non festinet (Isa. xxviii, 16). » Et post pauca : « Et delebitur fœdus vestrum cum morte, et pactum vestrum cum inferno non stabit (ibid., 18) ; » et subjicit : « Ut faciat opus alienum, opus ejus (ibid., 21). »

IV. *B.* Hæc omnia aliquantulum obscure sonant, et tamen, ut reor, objicienda sunt eis. *G.* Vera, inquam, reris. Sed audi quod sequitur : « In die illa cantabitur canticum istud in terra Juda : Urbs fortitudinis nostræ Sion, salvator ponetur in ca murus et antemurale. Aperite portas, et ingreditur gens justa custodiens veritatem, et vetus error abiit (Isa. xxvi, 1-3). » *B.* Ecce nunc palam loquitur. *G.* Attende sequentia. Ait : « Deus ipse veniet, et salvabit nos. Tunc aperientur oculi cæcorum, et aures surdorum patebunt (Isa. xxxv, 4, 5). » Hæc enim jam facta et quotidie fieri videmus. Cum enim Ecclesia de gentibus, veritatem Evangelii oculo cordis intuita, apostolicæ prædicationi auditum credendo præbuerit, quæ prius cæca erat, quid aliud quam visum auditumque recepit, quamvis prædicta quoque ad miracula Salvatoris referri possint ? veniens enim in carne Redemptor noster, sardis auditum et cæcis visum reddidit, et, quod majus est, mortuos suscitavit. *B.* Nihil verius.

V. *G.* Nunc errorem eorum, quo dicitur transgressionem protoplasmatis nulli pœnam intulisse infernalem, persequentes refellamus. Isaias enim ait : « Ego dixi in dimidio dierum meorum : Vadam ad portas inferi (Isa. xxxviii, 10). » *B.* Heu miseri, quam bonum nobis esset, si vestræ opinionis veritas assentiret, si nemo nostrum ad inferos declinaret ! *G.* Sequitur : « Dedi spiritum meum super eum. Judicium gentibus proferet : non clamabit neque accipiet personam, neque audietur foris vox ejus (Isa. xlii, 1-2). » Et post pauca : « In veritate educet judicium. Non erit tristis, neque turbulentus, donec ponat in terra judicium : et legem ejus insulæ expectabunt (ibid., 3, 4). » Et iterum : « Scravi te et dedi te in fœdus D populi, in lucem gentium, ut aperires oculos cæcorum, et educeres de conclusione vincium, de domo carceris sedentem in tenebris (ibid., 6, 7). » *B.* Hæc omnia fere superius exposita sunt. *G.* Procedamus ergo : « Quæ prima fuerunt, ecce venerunt ; nova quoque ego adjicio, antequam oriantur audita vobis, faciam. Cantate Domino canticum novum, laus ejus ab extremis terræ (ibid., 9, 10). » Et post pusillum : « Ducam cæcos in viam quam nescierunt : in semitas quas ignoraverunt, ambulare eos faciam (ibid., 16). » Et exponens subdit : « Quis cæcus, nisi servus meus, et surdus, nisi ad quem nuntios misi ? » (ibid., 19.) Rursusque post pauca : « Ecce ego faciam nova (Isa. xliii, 19). » Et quæ nova facturum sit, quibusdam interpositis exponendo subjunxit :

« Rorate, cœli, desuper, et nubes pluant justum; A  
aperiatur terra et germinet Salvatorem (*Isa. XLV,*  
8.) Tunc enim terra nostra germinavit, tunc fru-  
ctum suum dedit, cum caro factum Verbum Patris  
uterum Virginis obumbratione sancti Spiritus im-  
prægnavit. Verum quid de eo amplius dicat audiamus:  
« Iste asperget gentes multas. Super Ipsum  
continebunt reges os suum, quia quibus non est an-  
nuntiatum, de eo videbunt (*Isa. LII, 15*). » Et qui-  
ludam interpositis, de passione Salvatoris eviden-  
ter adjungit: « Vere languores nostros ipse tulit, et  
dolores nostros ipse portavit, et nos putavimus eum  
quasi leprosum et percussum a Deo et humiliatum.  
Ipse autem vulneratus est propter iniquitates nos-  
tras, attritus est propter scelera nostra. Disciplina  
pacis nostræ super eum, et livore ejus sanati sumus. B  
Omnes nos quasi oves erravimus, et unusquisque  
in viam suam declinavit, et Dominus posuit in eo  
iniquitates omnium nostrum. Oblatus est quia ipse  
voluit, et non aperuit os suum. Sicut ovis ad occi-  
sionem ducetur, et sicut agnus coram tondente se  
obmutescit, et non aperiet os suum (*Isa. LIII, 4-7*). »  
Multos enim legimus prophetas subisse martyrium,  
multos fuisse reges in Israel interfectos; nulli tamen  
eorum attribui potest, quod dolores nostros porta-  
verit, et quod propter scelera nostra attritus fuerit,  
nisi soli Regi regum, Deo et homini, de quo subdi-  
tur: « De angustia et judicio sublatus est. Genera-  
tionem ejus quis enarrabit? » (*Ibid., 8*). Ac si diceret:  
Nemo. Iterum: « Justificabit ipse justus servos C  
meos multos. et iniquitates eorum ipse portabit;  
ideo disperdiam ei plurimos, et fortium dividet spo-  
lia, pro eo quod tradiderit in morte animam suam,  
et cum sceleratis reputatus est. Et ipse peccatum  
multorum tulit, et pro transgressoribus oravit, ut  
non perirent (*ibid., 11, 12*). » B. Hæc omnia adeo  
plana mihi videntur, quod expositione non indigent.  
G. Quid planius eo quod ait: « Locum pedum meorum  
glorificabo? » (*Isa. LX, 13*). Iterum: « Et suges lac  
gentium, et mamillas regum lactabis (*ibid., 16*). »  
Et iterum de passione Christi: « Quis est iste qui  
venit de Edom, tinctis vestibus de Bosra? Iste formo-  
sus in stola sua, gradiens in multitudine fortitudinis  
sux (*Isa. LXIII*). At ille quasi interrogatus respon-  
det: « Ego qui loquor justitiam, et propugnator sum  
ad salvandum (*Ibid.*). » Et subjicitur quasi vox in-  
terrogantis: « Quare ergo rubrum est indumentum  
tuum, et vestimenta tua sicut calcantium in torcu-  
lari? » (*Ibid., 2*). Et subjicit causam: « Torcular cal-  
cavi solus, et de gentibus non est vir mecum; calcavi  
eos in furore meo, et conculcavi eos in ira mea. Et  
aspersus est sanguis eorum super vestimenta mea, et  
omnia indumenta mea inquinavi (*ibid., 3*). » Et quid  
super hoc factururus sit ostendit, dicens: « Dies ul-  
tionis in corde meo, annus retributionis meæ ven-  
it (*ibid., 4*). » Item de vocatione gentium: « Quæ-  
serunt me qui ante non interrogabant, invenerunt  
qui non quaesierunt me (*Isa. LXV, 1*). » Rursumque:  
« Ad gentem quæ non invocavit nomen meum, ex-

pandi manus meas tota die, ad populum incredulum,  
(*ibid., 2*). » Item de eadem: « Et ponam in eis si-  
gnum, et mittam ex eis qui salvati fuerint ad gentes  
in mari, in Africa, in Lydia tendentes sagittam, in  
Italiam et Græciam, ad insulas longe, ad eos qui  
non audierunt de me et non viderunt gloriam meam.  
Et annuntiabunt gloriam meam gentibus, et addu-  
cent omnes fratres nostros de cunctis gentibus Do-  
mino (*ibid., 18, 20*). » Hæc de Isaia pro posse nostro  
summatim expressimus, nunc ad Jeremiam styli ve-  
stigium convertamus.

VI. Jeremias, qui antequam formaretur in utero.  
ac de vulva exiret sanctificatus est, passionem Do-  
mini Salvatoris, vocationem quoque gentium, et re-  
probationem Judaismi evidenter insinuat. Ait enim:  
« Tu ergo noli orare pro populo hoc, non assumes  
pro eis laudem et orationem, et non obsistas mihi,  
quia non exaudiam te (*Jer. VII, 16*). » Et alibi: « Mil-  
vus in cœlo cognovit tempus suum; turtur et hi-  
rundo et ciconia custodierunt tempus adventus sui:  
populus autem non cognovit judicium Domini. Quo-  
modo dicitis: Sapientes nos sumus, et lex Domini  
nobiscum est? Vere mendacium operatus est stylius  
mendax scribarum. (*Jer. VIII, 7, 8*). » Et post pauca:  
« Derelinquam populum meum, et recedam ab eis  
(*Jer. IX, 2*). » B. Hæc omnia nuda sunt, et quod his  
objici possit, non habeo. G. Sed quid apertius en-  
quod subjungitur? « Ecce ego, inquit, cibabo populum  
istum absynthio, et potum dabo eis aquam felis, et  
dispergam eos in gentibus, quas non noverunt ipsi  
et patres eorum: et mittam post eos gladium, donec  
consumantur, dicit Dominus exercituum (*ibid., 15-*  
17). » Et amplius: « Inlucam super eos mala, do-  
quibus exire non poterunt; et clamabunt ad me, et  
non exaudiam (*Jer. XI, 11*). » Iterum idem de eodem:  
« Tu ergo noli orare pro populo hoc, et ne assumes  
pro eo laudem et orationem, quia non exaudiam in  
tempore afflictionis eorum. » B. Suntne aliqua  
in his omnibus, quæ expositione indigeant? G.  
Nequaquam.

VII. B. Verum ad id quod de ortu novæ gratiæ  
dixerit, festinemus. G. Nihil hoc ipso clarius am-  
plector. Ait ergo: « Ecce dies veniunt, dicit Domi-  
nus, et feriam domui Israel et domui Juda fœdus  
novum, non secundum pactum quod pepigi cum pa-  
tribus vestris in die qua apprehendi manum eorum,  
ut educerem eos de terra Ægypti; pactum quod ir-  
ritum fecerunt; sed ego dominatus sum eorum, di-  
cit Dominus. Sed hoc erit pactum quod feriam cum  
domo Israel: Post dies illos, dicit Dominus, dabo  
legem in visceribus eorum, et in corde eorum scri-  
bam eam; et ego ero eis in Deum, et ipsi erunt mihi  
in populum. Et non docebit ultra vir proximum, et  
vir fratrem suum, dicens: Cognosce Dominum. Om-  
nes enim cognoscent me a minimo usque ad maxi-  
mum, dicit Dominus (*Jer. XXXI, 31-34*). » Et alibi:  
« Ecce dies veniunt, dicit Dominus, et suscitabo ver-  
bum bonum quod locutus sum ad domum Juda. In  
diebus illis et in tempore illo germinare faciam Da-

vid germen justitiæ, et faciet iudicium et justitiam in terra, et hoc est nomen quod vocabunt eum : Dominus justus noster. Non interibit de David vir qui sedeat super thronum domus Israel, et de sacerdotibus et de Levitis non interibit vir a facie mea, qui offerat holocaustomata et incendat sacrificium, et cædat victimas cunctis diebus (*Jer. xxxiii, 14-19*). Item de eodem : « Si irritum fieri potest pactum meum cum die et pactum meum cum nocte, ut non sit dies et nox in tempore suo; et pactum meum irritum esse poterit cum David servo meo, ut non sit ex eo filius qui regnet in throno ejus, et ministri sacerdotes mei (*ibid.*, 20). » B. Per hæc et similia probari posse videtur, aut de nobis hoc dictum fuisse; aut ipsos quod falsum est, etiam nunc et regem, et Levitas et sacerdotes offerentes holocausta et cædentes victimas, habere. C. Ita est, inquam : aliter enim propheta mentitus fuisse videretur. Non, inquam, imo ipsi mendaces sunt et pseudodeicolæ de quibus sequitur : « Ecce ego juravi in nomine meo magno dicit Dominus, quia nequaquam ultra nomen meum vocabitur ex ore omnis Judei (*Jer. xlv, 26*). » Et post pauca : « Ecce quos ædificavi destruo, et quos plantavi ego evello (*Jer. xlv, 4*). » Rursusque : « Grex perditus factus est populus meus, pastores eorum seduxerunt eos (*Jer. l, 6*). » Et post pusillum : « Omnes qui invenerunt, comederunt eos; et hostes eorum dixerunt : « Non peccavimus : » pro eo quod peccaverunt Domino, decori justitiæ et expectationi natrum eorum Domino (*ibid.*, 7). »

VIII. Quid autem in *Threnis* Jeremias de passione Salvatoris, reprobatione quoque Synagogæ patenter innuerit, si placet, eloquamur. B. Ita tamen, ut ea quæ ex eis compilaverimus, oculo intelligentiæ subjecta clarescant. C. Imo et quædam figurate dicta scribere necessarium arbitror, ut unde grana fideles, inde sibi paleam tollant infideles. Quid est enim aliud sub persona destructæ Jerusalem passionem Christi attendere, quam sub palea granum invenire? Ait ergo : « O vos omnes qui transitis per viam, attendite et videte si est dolor similis sicut dolor meus (*Thren. iv, 8*)! » Item : « Torcular calcavit Dominus virgini filiæ Juda (*Thren. i, 15*). » Et de abjectione Judæorum : « Repulit Dominus altare suum, maledixit sanctificationi suæ (*Thren. ii, 7*). » Rursus in persona Domini : « Factus sum in derisum populo meo (*Thren. iii, 14*). » Item de Synagoga : « Perit finis meus et spes mea a Domino (*ibid.*, 18). » Ait etiam : « Dabit percutienti se maxillam, saturabitur opprobriis (*ibid.*, 30). » Sequiturque aperta eorum reprobatio, ubi dicitur : « Denigrata est super carbones facies eorum (*Thren. iv, 8*). » Et post pauca : « Non addet ultra ut inhabitet in eis; facies Domini divisit eos, non addet ut respiciat eos (*ibid.*, 15, 16). » Hoc siquidem satis nude dictum est, sed multo liquidius est quod subjungitur : « Spiritus oris nostri Christus Dominus captus est in peccatis nostris (*ibid.*, 20). » De quo etiam Baruch, Jeremiæ notarius, tanquam huic magistri sui versiculum exponens, ait :

A « Hic est Deus noster, et non æstimabitur alius ad illum. Hic adinvenit omnem viam disciplinæ et dedit illam Jacob puero suo, et Israel dilecto suo. Post hoc visus est in terris, et cum hominibus conversatus est (*Baruch. iii, 36*). »

IX. Hæc de Jeremia pro modulo nostro diximus. Nunc ad Ezechielem calanum vertamus, pauca tamen in Ezechiele quæ enigmatibus involuta non sunt, invenimus : quæ ideo prætermisimus, quia per hæc ad litteram Judæos posse redargui desperamus. Verum quæ nude sonant, prosequamur. Ait : « Ecce ego ad te, et ipse ego faciam in medio tui iudicia in oculis gentium, et faciam in te quæ non feci, et quibus similia ultra non faciam (*Ezech. v, 8*). » B. Queratur igitur ab eis quæ sunt hæc, quibus similia ultra non faciet, vel fecit, C. Placet. Sequitur hoc quoque post pauca : « Conturbatio super conturbationem veniet, et auditus super auditum; et quærent de propheta visionem, et lex peribit a sacerdote et consilium a senioribus (*Ezech. vii, 26*). » Iterum : « Et relinquam ex eis viros paucos a gladio et fame et pestilentia, ut narrent omnia sæcula eorum in gentibus, ad quas ingredientur (*Ezech. xii, 16*). » Et post pauca, abjectionem eorum, et gentium vocationem evidenter insinuat, ubi dicit : « Et scient omnia lingua regionis, quia ego Dominus humiliavi linguam sublime, et exaltavi lignum humile; et siccavi lignum viride, et frondere lignum aridum feci, dicit Dominus (*Ezech. xviii, 24*). » B. Quæro te, unde per hæc eos esse abjectos et gentes exaltatas affirmes, edissere? C. Quid per lignum sublime et humilitum, viride prius et modo arfactum, nisi Synagogæ repulsam intelligis? Quæ enim prius sublimis et viridis fuit, nunc in infidelitate prostrata prorsus emarcuit; et gens quæ prius arida fuit, nunc in fide Christi exaltata virescit, de qua etiam subjungitur : « Et ponam gloriam meam in gentibus (*Ezech. xxxix, 21*). Quæ autem in Ezechiele sequuntur, adeo obscura sunt, ut nec ipsi quidem ea ad litteram intelligant, nedum ad figuram. Hæc autem fidelibus mystice intellecta dulce sapiunt, et manna spiritusæ propinant. Unde a quodam sapiente celesti nectare delibuta esse dictum est : palato fidei dulce sapit mel Dei.

D X. B. Ita est, inquam, sed nunc, si placet, Danielis oracula revolvamus. C. Placet; quis enim et adventum et passionem Salvatoris eo liquidius expressit? Ait enim : « Aspicebam ego in visione noctis, et ecce cum nubibus cæli quasi Filius hominis veniebat, et usque ad Antiquum dierum pervenit, et in conspectu ejus obtulerunt eum, et dedit ei potestatem et regnum; et omnes populi, tribus et linguæ servient ei. Potestas ejus, potestas æterna quæ non auferetur, et regnum ejus quod non corrumpetur (*Dan. vii, 10*). » Et iterum : « Regnum autem et potestas et magnitudo regni, quod est subitus omnino cælum dabitur populo sanctorum Altissimi; cuius regnum sempiternum est, et omnes reges servient ei et obedient (*Dan. vii, 13, 14*). » Et quibusdam inter-



po itis addit : « Septuaginta, inquit, hebdomades abbreviate sunt super populum tuum, et super urbem sanctam tuam, ut consummetur prævaricatio, et finem accipiat peccatum, et deleatur iniquitas, et adducatur justitia sempiterna, et impleatur visio et propheta, et unguatur Sanctus sanctorum (*Dan. ix, 24*). » Per hæc, Balduine, aut de Messia non esse prædicta, aut ipsum cum venerit Deum fore, necessario Moysicolas recipere oportet. *B.* Quoniam, inquam, modo? Cum enim Deum esse sanctum constet, si Messias Sanctus sanctorum sit, aut ipse Deus erit, aut aliquem Deo sanctiorem esse constabit. *G.* Verisimiliter, ut arbitror, argumentaris, attende quod sequitur : « Et post hebdomades septuaginta duas occidetur Christus, et non erit ejus populus, qui eum negaturus est (*ibid.*, 26). » Sequentia vero si quis perscrutatur interius, cœlestis plena saporis inveniet. Sed quia sanctum dare canibus non debemus (*Math. vii, 6*), lucusque Daniele legisse sufficiat, et ad retractanda libri duodecim prophetarum vaticinia, præparemur.

*XI.* Et quia primus Osee legendus occurrit, quid de reprobatione Judæorum ac spoliatione inferni dixerit, audiamus : « Quia, inquit, oblita es legem Dei tui, obliviscar filiorum tuorum et ego, secundum multitudinem eorum, sicut peccaverunt mihi, gloriam eorum in ignominiam commutabo. Peccata populi mei comedent (*Ose. iv, 7, 8*). » Et alibi : « Venite, revertamur ad Dominum, quia ipse cepit et salvabit nos; percutiet et curabit nos. Vivificabit nos post duos dies, in die tertia suscitabit nos (*Ose. vi, 2*). » Et post pusillum, de passione Salvatoris evidentiora subjungit : « Ero mors tua, o mors, morsus tuus ero, inferne (*Ose. xiii, 14*). » Momordit enim infernum, cum eorum quos tenebat partem ab eo extorsit, partem reliquit.

*XII.* Joel etiam ait : « Ululate, ministri altaris, ingredimini; cubate in sacco, ministri Dei mei, quoniam interiit de domo Dei vestri sacrificium et libatio (*Joel. i, 13*). » Iterum : « Sol et luna obtenebrati sunt, et stelle retraxerunt splendorem suum (*Joel. ii, 10*). » Item : « Dominus de Sion rugiet, et de Jerusalem dabit vocem suam, ac movebuntur cœli ac terra, ac fons de domo Domini egrediatur, ac irrigabit torrentem spinarum (*Joel. iii, 16, 18*). »

*XIII.* Amos quoque pastor ovium verum pastorem moriturum prævidit, de quo ipse ait : « Super tribus sceleribus Israel, ac super quatuor non convertam eum, pro eo quod vendidit argento justum, ac pauperem pro calceamentis (*Amos ii, 6*). » Rursus de adventu Domini : « Postquam hæc fecero tibi, præparare in occursum Dei tui (*Amos iv, 12*). » Sequitur de abjectione Synagogæ : « Cecidit, non adjiciet ut resurgat virgo Israel. Væ desiderantibus diem Domini, ad quid eam vobis (*Amos v, 1, 18*) ! » Quod tam de secundo adventu, quam de primo intelligi potest. Væ enim Synagogæ in primo adventu, quia quem desideraverat, non cognovit ! Unde : « Væ

illi secundo erit ! » de quo et subditur : « Odium projecisti festivitates vestras, ac non capiam odorem coctuum vestrorum (*ibid.*, 21). » Et post pauca : « Venit finis super populum meum Israel. Ac erit iniquitas in die illa, dicit Dominus. Occidet sol in meridie, et tenebrescere faciam terram in diebus luminis, et convertam festivitates vestras in luctum, et canticum vestrum in planctum (*Amos viii, 8-10*). » Ubi enim sol justitiæ mortem subiit, soli materialis lucis suæ radios suos abscondit. Hæc Amos de Christo præcurrit.

*XIV.* Abdias quoque vocationem gentium evidenter aperuit : « Quo modo, inquit Dominus, bibistis super montem sanctum meum, bibent omnes gentes jugiter, et in monte Sion erit salvatio, et erit sanctus (*Abdias, vers. 16, 17*). » *B.* Quomodo ista in ordine prosequimur, sic ordine singula exponere deberemus. *G.* Longum esset ac difficile, si cuncta vellemus ad plenum enucleare. Prolixitas enim operis plerumque fastidium generat auribus audientis. Unde quid mystice sentiat vox prophetantis, relinquendum est diligentiae lectoris. De Jona autem ideo prætermisimus, quia nihil ad litteram sonat, quod Judæis opponamus.

*XV.* Michæas vero ait : « Ecce egrediatur Dominus de loco sancto suo, et descendet et calcabit super excelsa terræ (*Mich. i, 3*). » Item : « Tunc clamabunt ad Dominum, et non exaudiet eos, abscondet faciem suam ab eis (*Mich. iii, 4*). » Item : « In novissimo dierum erit mons præparatus domus Domini in vertice montium, et sublimis super omnes colles, et fluent ad eum populi, et properabunt gentes muliæ et dicent : Venite, ascendamus ad montem Domini et ad domum Dei Jacob, et docebit nos vias suas, et ambulabimus in semitis ejus : quia de Sion exhibit lex, et verbum Domini de Jerusalem (*Mich. iv, 1, 2*). » Quæ lex est ista, quam exituram propheta prædixit, nisi illa gratiæ præcepta quæ discipulis in monte residens aperuit ? Sequitur : « In virga percutient maxillam Judicis Israel; et tu, Bethlehem Ephrata, parvulus es in millibus Juda : ex te mihi egrediatur qui sit Dominator in Israel, et egressus ejus ab initio, a diebus æternitatis (*Mich. v, 1, 2*). » Quid ad hoc, charissime, Judæos respondere posse putas ? Nunquid de suo Messia dicta fore arbitrantur ? *B.* Nequaquam possunt, cum enim purum hominem ipsum esse fateantur, quomodo egressus ejus ab initio, et a diebus æternitatis ? *G.* Optime, inquam, respondisti. Sequitur : « In die illa longe fiet lex (*Mich. vii, 11*). »

*XVI.* Nahum quoque dixit : « Ecce super montes sedes evangelizantis ac annuntiantis pacem (*Nahum i, 15*). »

*XVII.* Habacuc vero luctator fortissimus : « Aspice, inquit, in gentibus, et videte, et admiramini, et obstupescite, quia opus factum est in diebus nostris, quod nemo credet, cum enarrabitur (*Habac. i, 5*). » Item de adventu Salvatoris : « Apparebit in finem et non mentietur; si moram fecerit,

expecta eum, quia veniens veniet, et non tardabit (Habac. II, 5). » De quo etiam accipi potest quod sequitur: « Spoliabunt te omnes qui reliqui fuerint de populis, propter sanguinem hominum, et iniquitatem terræ, et civitatis et omnium habitantium in ea (ibid., 8). » Illud autem quod sequitur, cum maxima devotione fidelibus amplexandum est, pro eo quod redemptionis nostræ mysteria declarat; ait enim: « Splendor ejus ut lux erit, cornua in manibus ejus. Ibi abscondita est fortitudo ejus, ante faciem ejus ibit mors (Habac. III, 4). » Hactenus verba Habacuc.

XVIII. Sophonias quoque ait: « Adorabunt omnes viri de loco suo, omnes insulæ gentium (Sophon. II, 11). » Rursus de reprobatione Judæorum: « Sacerdotes ejus polluerunt sanctum, injuste egerunt contra legem (Sophon. III, 4); » et alibi: « Quapropter expecta me, dicit Dominus, in die resurrectionis meæ in futurum, quia judicium meum est, ut congregem gentes et colligam regna (ibid., 8). »

XIX. De quo etiam Aggæus ait: « Adhuc unum modicum, et ego movebo cælum et terram, et mare et aridam, et veniet Desideratus cunctis gentibus, et replebo domum ista gloria. Meum est argentum ac meum est aurum, dicit Dominus exercituum. Major erit gloria domus istius novissimæ, quam primæ (Agg. II, 8-10). »

XX. Zacharias quoque: « Lauda, inquit, et lætare, filia Sion, quia ecce ego vento ac habitabo in medio tui, ait Dominus. Et applicabuntur gentes multæ ad Dominum in die illa, et erunt mihi in populum, et habitabo in medio tui (Zach. II, 10-11). » Item, idem super eodem: « Et venient populi multi et gentes robustæ, ad quærendum Dominum exercituum in Jerusalem, et prædicandam [Vulg. deprecandam] faciem Domini (Zach. VIII, 22). » Et post pauca Christum in carne venientem intuitus, ait: « Exsulta satis, filia Sion; júbila, filia Jerusalem, ecce rex tuus venit tibi justus et salvator, ipse pauper et ascendens super asinam, et super pullum filium asinæ (Zach. IX, 9). » Et statim subinfert: « Loquetur pacem gentibus; et potestas ejus a mari usque ad mare, et a fluminibus usque ad terminos terræ (ibid., 10). » Et conversus ad eum dicit: « Tu quoque in sanguine testamenti tui, emisisti vincos tuos de lacu, in quo non erat aqua (ibid., 11). » In quo nimirum propheta fideles innuit quos de lacu inferiorum in sanguine suo Christus eduxit. Sequitur: « Et Deus noster super eos videbitur, et exhibit ut fulgur, jaculum ejus (ibid., 14). » Et post hæc venditum a discipulo Salvatorem figurat dicens: « Et tuli, inquit, virgam meam, quæ vocatur Decus, et abscondi eam ut irritum facerem fœdus meum; quod percussi cum omnibus populis: et irritum deductum est in die illa, et cognoverunt sic pauperes gregis qui custodiunt mihi, quia verbum Domini est. Et dixi ad eos: Si bonum est in oculis vestris, afferite merce-

dem meam; si non, quiescite. Et appenderunt mercedem meam xxx argenteos. Et dixit Dominus ad me: Projice illud ad statuarium, de quorum pretio [Vulg. decorum pretium quo] appretiatum sum ab eis. Et tuli xxx argenteos, et projecit in templo ad statuarium (Zach. XI, 10-13). » Item de passione et Spiritus sancti adventu: « Effundam super domum David et super habitatores Jerusalem spiritum gratiæ et precum, et aspicient ad me quem confixerunt. Et plangent cum planctu, quasi super unigenitum (Zach. XII, 10). » Iterum ad idem confirmandum: « Quid sunt plagæ istæ in medio manuum tuarum? Et dicit: Illis plagatus sum in medio eorum, qui diligebant me (Zach. XIII, 6). » Sequitur: « Percute pastorem, et dispergentur oves, et convertam manum meam ad parvulos (ibid., 7). » Et alibi: « Egredietur Dominus et præliabitur contra illas gentes, et stabunt pedes ejus in die illa super montes olivarum (Zach. XIV, 3, 4). » Vocationem quoque gentium manifeste subjungit: « Et omnes, inquit, qui reliqui fuerint de universis gentibus quæ venerunt contra Jerusalem, ascendent ab anno in annum, ut adorent Dominum exercituum (ibid., XVI). » Addit et quiddam quod jam completum esse cognovimus: ait enim: « In die illa erit quod super frenum equi est, sanctum Domino (ibid., 20). » Intelligisne quid dicat? B. Intellego. Legitur enim Constantinum Helenæ filium clavos, quibus Dominus cruci affixus fuerat, in superiori parte freni, illa scilicet quæ super caput est equi, consilio matris addidisse, ut sic Sancto Domini munitus, in belli discrimina pergeret ab hoste securus. C. Ita est, inquam, nunc ad propositum redeamus.

XXI. Malachias et gentium fidem et Judæismi obsecrationem uno concludit versiculo, in persona Domini dicens: « Non est voluntas mihi in vobis, dicit Dominus exercituum, et munus de manu vestra non suscipiam. Ab ortu enim solis usque ad occasum magnum est nomen meum in gentibus, et in omni loco sacrificatur et offertur nomini meo oblatio munda, quia magnum nomen meum in gentibus (Malach. I, 10, 11). » Et iterum subdit: « Rex magnus ego, dicit Dominus exercituum, et nomen meum horribile in gentibus (ibid., 14). » Item in persona Domini loquentis: « Sacerdotes, si nolueritis audire, et si nolueritis ponere super cor, ut detis gloriam nomini meo, ait Dominus exercituum, mittam in vos egestatem, et maledicam benedictionibus vestris (Malach. II, 2). » Et quibusdam interpositis adjungit: « Vos autem recessistis de via, et scandalizastis plurimos in lege, dicit Dominus. Irritum fecistis pactum meum, propter quod et ego dedi vos contemptibiles, et humiles in omnibus populis (ibid., 8, 9). » Ait etiam: « Ecce ego mitto angelum meum ante faciem tuam, et præparabit viam tuam ante te, et statim veniet ad templum sanctum tuum Dominator, quem vos quæritis; et Angelus testamenti, quem vos vultis. Ecce venit, dicit Dominus (Malach. III, 1). » Hæc autem omnia com-

plcta esse nemo fidelium ambigit, cum eo quod A sequitur: « Et orietur, inquit, vobis timentibus nomen meum, Sol justitiæ, et sanitas in pennis ejus (*Malach. iv, 2*). »

XXII. Hæc de libro XII prophetarum sumpta pauca expressimus, prout ea, Judæis obviare posse cognovimus. Nunc autem paulisper pausationi operam demus, antequam Moysis *Pentateuchum* replice-

mus. Igitur intervallo brevi recreationi vacantes, eum cui nihil impossibile est suppliciter imploremus, quatenus ei ita placere studeamus, ut ad ipsum qui « via, veritas et vita » est (*Joan. xiv, 8*), pervenire mereamur, Dominum nostrum Jesum Christum, cujus imperium sine fine permanet in sæcula sæculorum. Amen.

## LIBER SECUNDUS.

I. Ab heri et nudius tertius otio, Balduine, vacavimus, unde vereor ne vires ingenii quas invisibiliter nobis divina gratia propinat, torpor longæ quietis excutiat; intermissio enim laboris plerumque causa est hebetationis. Cum igitur argutos et subtiles viros obtundat otium, quid mirum si nobis quietis mollities obtundat ingenium? Amplius, assiduitas laboris custos solet esse virtutis. Mentis enim humanæ labilitas plerumque temperatur, dum sollicitudine operis corpus afficitur. Contingit itaque ut unde visibilis homo noster atteritur, inde invisibilis homo quiescens virtutibus augmentetur. Revertamur igitur ad laborem styli, ut addatur gratia nostræ menti.

II. Et prius illud quidem evangelicum libri Genesios Judæis objiciendum censeo, quod de assertionem C Trinitatis scribit Moyses, cum de operibus sex dierum loqueretur, his verbis utens: « Terra, inquit, erat inanis et vacua, et tenebræ erant super faciem abyssi, et spiritus Domini ferebatur super aquas (*Gen. 1, 2*). » Secundo quærendum est ab eis, quare secunda dies et ejus opera benedictione caruerunt, cum in aliis dicat Moyses: « Et vidit Deus quod esset bonum (*ibid., 10*), » in secunda vero, non. Tertio eis objice hanc quæstionem, cur Deus dixerit: « Faciamus hominem ad imaginem et similitudinem nostram (*ibid., 26*). » Verum de his omnibus quæ modo prælibando transcurramus, in tractatu *De Trinitate* latius differemus; nunc autem sequentia breviter attingamus.

III. Attendite, o Judæi, quid est quod post expulsionem protoplasti de paradiso Moyses designat, ubi ait: « Et collocavit ante paradisum voluptatis cherubim, flammineum gladium atque versatilem, ad custodiendum viam ligni vitæ (*Gen. iii, 24*). » Quid tibi videtur? Nonne per transgressionem primi patris obstrusus fuit aditus paradisi? Sicut enim mortem transgressor in posteros propagavit, ita omnibus vitæ januam clausit. Unde necesse est ut vel adhuc limen paradisi fateantur obstructum, vel illud per passionem Redemptoris nobiscum prædicent fuisse reseratum. B. Quia de redemptione nostra mentionem fecisti, unum mihi modo memoriam occurrit, quod ipsi nobis frequenter objiciunt. Di-

B cite, inquit, o Christicolæ, ubinam invenistis quod per mulierem vita debeat reparari, regnumque diaboli destrui? G. Id quidem manifeste reperies, si quæ præmissa sunt, diligenter attendas. Ait enim Dominus ad serpentem: « Inimicitias ponam inter te et mulierem, et semen tuum et semen illius, et ipsa conteret caput tuum, et tu insidiaberis calcaneo illius (*ibid., 15*). » Quæ omnia si quis perscrutetur intentius, et per mulierem finem accepisse peccatum, et per eam callidi serpentis, id est diaboli caput noverit esse contritum. Colligendum præterea ex consequentibus quiddam est, quod maxime Judæorum superbiam retundit, et concedentibus aliquod mysterium innuit. Abraham namque antequam circumcideretur, Dominum benedixisse ter legimus, sicut scriptum est: « Egredere de terra tua, et de cognatione tua et de domo patris tui, faciamque te in gentem magnam, et magnificabo nomen tuum. Benedicam benedicientibus tibi, et maledicam maledicentibus tibi, atque in te benedicentur universæ cognationes terræ (*Gen. xii, 1, 3*). » Dixit etiam Deus ad Abraham, postquam divisus est ab eo Lot: « Leva oculos tuos et vide, a loco in quo nunc es ad aquilonem et meridiem, ad orientem et ad occidentem. Omnem terram quam conspicias dabo tibi et semini tuo in sempiternum, faciamque semen tuum sicut pulverem terræ. Si quis hominum poterit numerare pulverem terræ, semen quoque tuum numerare poterit (*ibid., 14-16*). » Et alibi: « His transactis factus est sermo Domini ad Abram per visionem, dicens: Noli timere, Abram, ego protector tuus sum et merces tua magna nimis. Dixitque Abram: Domine Deus, quid dabis mihi? Ego vadam absque liberis, et filius procuratoris domus meæ, iste Damascenus Elieser. Mihi autem non dedisti semen, et ecce vernaculus meus, hæres meus erit. Statimque factus est sermo Domini ad eum dicens: Non erit hic hæres tuus, sed qui egredietur de utero tuo, ipsum habebis hæredem. Adduxitque eum foras, et ait: Suspice cælum, et numera stellas, si potes; et dixit ei: Sic erit semen tuum. Credidit Abram Deo, et reputatum est ei ad justitiam (*Gen. xv, 1-7*). »

IV. Liqueat igitur quia ante circumcisionem Do-

minus Abrahamæ benedixit; et non solum Judæos A  
quod ipsi autumant, verum et Ecclesiam de gen-  
tibus in semine ejus, qui est Christus benedicen-  
dam esse promisit. Si enim se duntaxat sub hac be-  
benedictione comprehendi voluerint, quomodo sic-  
ut pulverem terræ semen Abrahamæ, et sicut stellas  
cœli Deus innumerabile fecit? Nunquam enim a  
die repromissionis usque ad tempora Judaicæ  
dispersionis, quæ sub Tito et Vespasiano facta esse  
describitur, tam numerosus Israel fuit, quin sub certo  
numero comprehendi potuerit, quod eorum quoque  
testimonio poteris approbare. Regnante enim David  
rege fortissimo, copiosissimus Israel fuit et pluri-  
mus, cujus tamen per Joab principem exercitus  
sui certus ad regem relatus est numerus. Quia  
scriptum est: « Dixit David ad Joab principem B  
exercitus sui: Perambula omnes tribus Israel a  
Dan usque ad Bersabee, et numera populum ut  
sciam numerum ejus (1 Reg. xxiv, 2). » Et post  
pauca addit: « Et illustrata universa terra, affue-  
runt post novem menses et x dies in Jerusalem.  
Dedit ergo Joab numerum descriptionis populi  
regi, et inventa sunt de Israel octingenta millia vi-  
rorum fortium qui educerent gladium, et de Juda  
quingenta millia pugnatorum (ibid., 8, 9). » Non  
solum autem Abrahamæ, sed et Isaac dictæ sunt repro-  
missiones a Domino dicente: « Ne descendas in  
Ægyptum, sed quiesce in terra quam dixerō tibi,  
tibi enim et semini tuo dabo universas regiones  
has; et benedicentur in semine tuo omnes gentes  
terræ (Gen. xxvi, 2-4). »

V. Sed ne forte Ismaelitas nos aut Esau filios,  
et non Israel esse arbitrari debeant, placet et ipsa  
promissionis verba quæ ad Israel facta est, retrac-  
tare. Quia cum vidisset Jacob scalam et angelos  
ascendentes et descendentes per eam, vidit Domi-  
num dicentem sibi: « Ego sum Dominus Abraham  
patris tui; terram in qua dormis tibi dabo et se-  
mini tuo post te, eritque germen tuum sicut pulvis  
terræ. Dilataberis ad orientem et occidentem, se-  
pentrionem et meridiem, et benedicentur in te et  
in semine tuo cunctæ tribus terræ (Gen. xxviii,  
13, 14). » Dicant igitur infideles an illa benedictio  
impleta sit et in quo, an adhuc restet implenda.  
Sed, ut verum fateamur, et partim jam impleta est, D  
et quotidie impletur, cum quotidie credentium nume-  
rus augetur. Restat autem generalis implenda be-  
nedictio, quia, « cum plenitudo gentium intraverit,  
tunc omnis Israel salvus fiet (Rom. xi, 25), ut sit  
Deus omnia in omnibus (1 Cor. xv, 28). » Sed de  
istis hactenus.

VI. Nunc autem ad finem Geneseos transferamur,  
ubi juxta ordinem nativitatibus unicuique filiorum bene-  
dicens Jacob, conversusque ad Judam prophetizat,  
dicens: « Juda, te laudabunt fratres tui, manus  
tua in cervicibus inimicorum tuorum, adorabunt  
te filii patris tui. Catulus leonis Juda, ad prædam,  
filii mi, ascendisti. Requiescens accubuisti ut leo et  
quasi læna. Quis suscitabit eum? Non auferetur

sceptrum de Juda, et dux de femore ejus, donec  
veniat qui mittendus est, et ipse erit expectatio  
gentium. Ligans ad vineam pullum suum, et ad  
vitem, o filii mi, asinam suam. Lavabit in vino stol-  
lam suam, et in sanguine vixæ pallium suum. Pul-  
chriores sunt oculi ejus vino, et dentes ejus lacte  
candidiores (Gen. xlix, 8, 12). » Ex quibus necesse  
est ut vel ipsi sceptrum regni ducemque in Juda  
(quod minime possunt) ostendant, vel eum qui  
mittendus erat, ultronei venisse concedant. Ut quid  
igitur, o Judæi, observatione Sabbati gloriamini,  
quod a principio videtis infractum? Ait enim sic  
beatus Hieronymus in libro *Hebraicarum Quæstio-  
num*: Arctabimus, inquit, Judæos qui de otio Sab-  
bati gloriantur, quod jam tum in principio dissolu-  
tum sit Sabbatum, cum Deus operaretur in Sab-  
bato, complens opera sua in eo, et benedicens ipsi  
diei, quia in ipso universa compleverit.

VII. *Exodus* quoque, qui Hebraice *Becelezemoth*  
dicitur, ad confringendum Synagogæ cornu multa  
Christicolis ministrat argumenta. Cum enim præ-  
cipue de legali mandatorum observatione glorien-  
tur, quærendum est ab eis an ista observent, quæ  
a Moyse dicente jubentur: « Peregrino molestus  
non eris. Sex annis seminabis terram tuam et con-  
gregabis fruges ejus, anno autem septimo dimittes  
eam et requiescere facies, ut comedant pauperes  
populi tui (Exod. xxiii, 9-11). » B. Forsitan respon-  
debunt se non habere agros aut hujusmodi, uti  
adimpleant quæ jubentur. C. Nunquid non novisti  
quosdam, verbi gratia, Isaac, et fratrem ejus, qui,  
cum habeant agros aut vineas, tamen hujusmodi  
non observant? B. Novi. C. Quærendum præterea  
quid portenderit illa Domini comminatio loquentis  
ad Moysen, postquam adorassent vitulum aureum,  
et dicentis: « Populus duræ cervicis es, semel as-  
cendam in mediotui, et delebo te (Exod. xxxiii,  
5). » Sed quid est, dicite, o Judæi, quod sequitur:  
« Loquebatur autem Dominus facie ad faciem, sicut  
loqui solet homo ad proximum suum (ibid., 11). »  
Et post pauca Moyses ad eum: « Si inveni, inquit,  
gratiam in conspectu tuo, ostende mihi faciem tuam  
(ibid., 13). » Si enim loquebatur facie ad faciem  
ad faciem, quare petit: « Ostende mihi faciem tuam? »  
D Nunquid dicetis: Loquebatur facie ad faciem Dominus,  
id est angelus? Minime potestis, quia ibi scriptum  
est Adonai quod interpretatur, *Dominus Deus*. Quæ  
sunt etiam signa quæ se facturum Dominus polli-  
cetur, loquens ad Moysen dicens: « Ego inibo pac-  
tum, cunctis videntibus signa faciam, quæ nusquam  
visa sunt super terram? » (Exod. xxxiv, 10.)

VIII. In *Levitico* autem, qui Hebraice *Vaicra* di-  
citur, omnia tam in mari quam in fluminibus quæ  
non habent pennulas et squammas, abominabilia et  
polluta esse monstrantur. Et de muliere menstrua  
scriptum est: « Mulier quæ redeunte mense pati-  
tur fluxum sanguinis, septem diebus separabitur.  
Omnis qui tetigerit eam, immundus erit usque ad  
vesperam, et in quo dormierit vel sederit diebus

separationis suæ, polluetur. Qui tetigerit lectum ejus, lavabit vestimenta sua, et ipse lotus aqua, immundus erit usque ad vesperum. Omne vas super quod sederit illa quisquis attigerit, lavabit vestimenta sua, et lotus aqua, pollutus erit usque ad vesperum (*Levit. xv, 19-33*). » Quæ omnia vel mystice intelligenda, vel se horum omnium esse transgressores, fateantur necesse est : « Veste quoque quæ ex duobus texta est, non indueris (*Levit. xix, 19*). » Hactenus de *Levitico*.

IX. De libro autem *Numeri*, qui et *Vajedaber* Hebraice, hoc primo ponimus quod supradictis concordat, in persona Domini loquentis de Moyse ad Aaron et Mariam sororem ejus : « Ore, inquit, ad os loquor ei et palam, et non per ænigmata et figuras Dominum videt (*Num. xii, 8*). » Si ergo non per ænigmata et figuras, quomodo jam constat : « Non videbit me homo et vivet? » (*Exod. xxxiii, 20*). Ostendant et simbras per angulos palliorum, de quibus locutus est Dominus ad Moysen, dicens : « Loquere filiis Israel et dices ad eos, ut faciant sibi simbras per angulos palliorum, ponentes in eis vitas hyacinthinas, quas cum induerint, recordabuntur omnium mandatorum Domini, nec sequantur cogitationes suas, et oculos per res varias fornicantes (*Num. xv, 38, 39*). » Prophetia quoque Balaam non est digna prætermitti. Ait enim : « Videbo eum, sed non modo : intuebor eum, sed non prope. Orietur stella ex Jacob et consurget virga de Israel (*Num. xxiv, 17*). » Et post pauca subjungit : « Heu ! quis victurus est, quando ista faciet Deus? » (*Ibid., 23*). Nec silentio prætereundum est, quod filie Salphaad de tribu Joseph dixerunt Moysi : « Pater noster mortuus est in deserto, nec fuit in seditione quæ concitata est contra Dominum sub Core, sed in peccato suo mortuus est (*Num. xxvii, 3*). » Dicant igitur Judæi cum superius justus fuisse describatur, in quo peccato mortuus est, nisi in peccato originali?

X. Hinc autem *Deuteronomium*, quod ipsi *Elle kadabarim* vocant, consulamus, ex quo præcipue se habere dicunt quod Salvatorem nostrum Jesum, lege coacti, merito interimere debuerint. Auctoritatem igitur ex qua hoc contrahunt in medium proferamus, ut unde triumphasse videntur, inde victi fuisse comprobentur. Sunt autem duo capitula quibus innituntur, quorum hoc est primum : « Si surrexerit in medio tui propheta, aut qui Deum omnium vidisse se dicat, et prædixerit signum atque portentum et evenerit quod locutus est, et dixerit tibi : Eamus et sequamur deos alienos, et serviamus eis : non audies verba prophetæ illius aut somniatoris (*Deut. xiii, 1-3*). » Et paulo post : « Prophetæ autem ille aut fictor somniorum, interficietur (*ibid., 5*). » Hoc est primum. Ecce secundum capitulum : « Prophetam de gente tua et de fratribus tuis sicut me suscitabit tibi Dominus Deus tuus, ipsum audies, ut petisti a Domino Deo tuo in Horeb, quando concio congregata est atque dixisti :

A Ultra non audiam vocem Domini mei, et ignem hunc maximum amplius non videbo, ne moriar. Et ait Dominus mihi : Bene omnia sunt locuti. Prophetam suscitabo eis de medio fratrum tuorum similem tui, et ponam verba mea in ore ejus, loqueturque ad eos omnia quæ præcepero ei. Qui autem verba ejus quæ loquetur in nomine meo audire noluerit, ego ulior existam. Prophetæ autem qui arrogantia depravatus voluerit loqui in nomine meo quæ ego non præcepi illi ut diceret, aut ex nomine alienorum deorum, interficietur. Quod si tacita cogitatione responderis : Quomodo possum intelligere verbum, quod non est locutus Dominus ? hoc habebis signum : Quod in nomine Domini propheta ille prædixerit, et non evenerit, hoc Dominus non est locutus ; sed per tumorem animi sui propheta confinxerit, et idcirco non timebis eum (*Deut. xviii, 15-22*). »

XI. Quam igitur occasionem suam perdendi Messiam in his omnibus invenerunt ? Quippe qui nec deos sequi hortabatur alienos, « nec inventus est dolus in ore ejus (*I Petr. ii, 22*), » cujus opera testimonium perhibebant de eo, ut si verbis ipsis non crederent, operibus saltem credere deberent. Incircumcisi ergo corde, nunquid de vobis dictum est quod sequitur : « Circumcidite igitur præputium cordis vestri, et cervicem vestram, ne induretis? » (*Deut. x, 16*). Sed ne forte quidam, quod prædictum est ad aliud transferant, quasi iterando subjungit : « Funiculos in simbris, facies per quatuor angulos palli tui, quo operiris (*Deut. xxii, 12*). » Et quasi hoc ad summam protrahens ait : « Custodies te ab omni re mala (*Deut. xxiii, 9*) » ac si dicatur : Vis ut brevi epilogo quæ tibi faciendæ sunt colligam ? Audi : « Custodies te ab omni re mala. » Sequitur : « Habebis locum extra castra ad quem egrediaris ad requisita naturæ, gerens paxillum in balteo ; cumque sederis, fodies per circuitum, et egesta humo operies, quo relevatus es (*ibid., 12-14*). »

XII. B. Forsitan quia in terra non sua sunt, idcirco hæc non esse observanda respondebunt. G. Quia extorres et peregrini sunt, ideone hæc et alia se posse transgredi autumabunt ? Inde est quod a nobis debita cum usuris exigunt, cum in præcedentibus dictum sit : « Non fenerabis fratri tuo, sed alieno (*Deut. xxiii, 19*). » Et in hoc volumine dicatur : « Et vos ergo amate peregrinos, quia et ipsi fuistis advenæ in terra Ægypti (*Deut. x, 19*). Quoniam modo hæc solvunt ? Cum enim omnes præputium habentes secundum eos peregrini sint et alieni, quomodo amare dicuntur, a quibus fenus et rapinae violenter extorquent ? Præterimus modo quod ipsi res quaslibet furto sublatas quia, vili pretio comparantur a furibus, emunt. Sed quid plura ? « A fructibus eorum cognoscetis eos (*Matth. vii, 16*). »

XIII. Sequitur quoque illud gloriosum Dominicæ passionis argumentum, quod quia fidem non adhibet, penitus ignorant : « Et erit, inquit, vita tua quasi pendens ante te, timebis nocte et die, et non credes vitæ tuæ (*Deut. xxviii, 66*). » Quid hoc Evan-

golio clarius? Quid hac prophetia dulcius? Salvator noster, via, veritas et vita, quæ erat lux hominum ante oculos Judæorum, in ligno crucis pependit; et tamen infelix Synagoga vitæ suæ pendenti non credidit. Moyses quoque in benedictionibus filiorum Israel, talia proponit ænigmata, quæ Salvatoris ortum gentiumque vocationem promittere videntur. Ait enim: « Dominus de Sina venit, et de Seir ortus est nobis, apparuit de monte Pharan, et cum eo sanctorum millia. In dextera ejus ignea lex, dilexit populos, omnes sancti in manu ejus sunt (Deut. xxxiii, 2, 3). » Hactenus de *Pentateucho* Moysi quæstiones erutas, quibus Judæorum versutia vel nequitia refellatur, vitandi causa fastidii, legis sufficiat. Idcirco autem librum Jesu Nave, quem Judæi *Josue Jehosua* vocant, et *Sphetim*, id est *judicum*, prætermisimus, quia in eis pauca quæ Judæorum cornu frangant, juxta litteram esse conspeximus. De cætero si placet, *Malachim*, id est *Regum*, diligenter volumina perscrutemur, si forte in serie rei gestæ panem subcinericium quo pastus est Elias, invenire possimus.

XIV. Nunc ergo primum inquiramus quid sibi velit versus in cantico animæ dicentis: « Dominus judicabit fines, et dabit imperium regi suo, et sublevarit cornu Christi sui? » (*I Reg. ii, x.*) Nondum erat rex in Israel, quid est ergo: « Dabit imperium regi suo? » B. De illo nimirum rege loquitur, qui cum esset in accubitu suo, natus est sponsæ et dedit odorem suum (*Cant. ii, 11*). C. Benedictus sermo oris, fratrum charissime, quia bene respondisti. Ipse enim est rex et sacerdos secundum ordinem Melchisedech de quo etiam subditur: « Suscitabo semen tuum post te, quod egredietur de utero tuo, et firmabo regnum ejus. Ipse ædificabit domum nomini meo, et stabiliam thronum regni ejus usque in sempiternum. Ego ero illi in patrem, et ipse erit mihi in filium (*II Reg. vii, 12-14*). » Non enim hoc de Salomone potest accipi; si enim thronus ejus usque in sempiternum juxta litteram stabilendus erat, ostendant, quæso, nunc aliquem de domo David in throno regni sedentem. Præterea dicant, obsecro, quid est quod post verba Nathan prophetæ, ingressus David coram Domino ait: « Quis ego sum, Domine Deus, quia adduxisti me hucusque? Sed et hoc parum visum est in conspectu tuo, Domine Deus meus, nisi loquereris de domo servi tui in longinquum? Ista enim est lex Adam (*ibid., 18, 19*). » Quid est, quæso, ista lex Adam? Est autem hic sensus: Ideo de domo servi tui in longinquum loqueris, quia de semine ejus Filium tuum incarnari constituis. Quare? *Ista enim est lex Adam*, ut sicut omnes in Adam moriuntur, ita et omnes in Christo vivificentur (*I Cor. xv, 22*). Non enim ipse loquebatur, sed Spiritus sanctus super eum, ut sequens declarat historia dicens: « Dixit David filius Isai: Dixit vir, cui constitutum est de Christo Dei Jacob, egregius psalter Israel, Spiritus Domini locutus est per me, et sermo ejus per linguam meam (*II Reg.*

A xxxiii, 1, 2). » Videsne quomodo tribus verbis totam complexus est Trinitatem? « Spiritus Domini de Christo Dei Jacob. » B. « Vere locus iste sanctus est, et bonum est nos hic esse (*Matth. xvii, 4*). » (*Gen. 28, 17*). »

XV. G. Est et aliud super quo arctabimus Judæos, qui nobis imagines sanctorum obijciunt dicentes idololatrias Christianos. Si enim in his redarguendi sumus, quare Moyses serpentem æneum in deserto, et Salomon in ædificatione templi xii boves cæteraque ejusmodi fecisse inveniuntur? In lege quippe prohibitum erat: « Non facies tibi sculptile, neque omnem similitudinem quæ est in cælo desuper et in terra deorsum, nec eorum quæ sunt in aquis sub terra (*Exod. xx, 4*). » Quid est ergo quod prohibet Dominus per servum: « Non facies sculptile, » et postea præcipit ei ut faciat serpentem ex ære? Non ergo, o miseri, prohibemur sculptilia facere, sed facere et adorare. Unde statim subjungit: « Non adorabis ea, neque coles (*ibid., 5*). » Posset autem fortassis quispiam in *Regum* voluminibus et alia hujusmodi invenire, quibus Judaicam valeret perfidiam improbare, sed quia liber *Psalmorum* in quo præcipue nostri propositi intentio invalescit, Salomonis quoque codices non sunt explanandi. Cum prolixitas operis mater soleat esse fastidii, *Malachim* breviter transcurrisse sufficiat. Nunc autem Psalmistam, quid de restauratione humani generis prædixerit, audiamus.

XVI. Ait autem in secundo psalmo: « Astiterunt reges terræ et principes convenerunt in unum adversus Dominum et adversus Christum ejus. » Item: « Dominus dixit ad me: Filius meus es tu, ego hodie genui te. » B. Quid est, quæso, « Hodie genui te? » C. A tot et tantæ memoriæ viris exposita sunt Psalmistæ oracula, quod nostra explanatione non indigent. Verum quod ab ipsis accepimus, non erit incompetentis enarrare. Quid est ergo aliud: « Hodie genui te, » quam æternaliter vel ab æterno? VII: « Exsurge, Domine Deus, in præcepto quod mandasti; Synagoga populorum circumdabit te. Et propter hoc in altum regredere. » Et IX: « Convertantur peccatores in infernum, omnes gentes quæ obliviscuntur Deum. » Si per infernum, lacum vel antrum sepulcri ut ipsi mentiuntur, vellet intelligi, quare peccatores in infernum convertendos optaret? cum illuc tendat universa caro. Et iterum: « Constitue, Domine, legislatorem super eos. » XV: « Non derelinques animam meam in inferno, nec dabis Sanctum tuum videre corruptionem, » super quo in *Actibus apostolorum* latius disputatum est. In XVIII: « Et ipse tanquam sponsus procedens de thalamo suo. » In XXI: « Foderunt manus meas et pedes meos, dinumeraverunt omnia ossa mea. » In XLVI: « Ascendit Deus in jubilatione, et Dominus in voce tubæ. » In XLVIII: « Sicut oves in inferno positæ sunt, mors depascet eos. » In eodem; « Verumtamen Deus redimet animam tuam de manu inferni, cum acceperit me. » In LIV: « Veniat mors super illos, et descendant in infernum viventes. » In LX: « Dica

super dies regis adjicies, annos ejus usque in diem A generationis et generationis. » Quod si de alio quam de Christo Jesu, rege Deo, intelligere præsumant, quomodo constat quod sequitur: « Permanet in æternum in conspectu Dei, misericordiam et veritatem ejus qui requiret? » In LXXVII: « Ascendisti in alium, cepisti captivitatem. » In LXXVIII: « Non erubescant, qui exspectant te, Domine. » Dicens quot exspectationes; « Exspectans exspectavi Dominum: Exspecta Dominum, viriliter age; Exspectabam eum qui salvum me fecit; Exspectabo Dominum Salvatorem meum. » Putasne durabo, videbo? « Exspecta, re-exspecta; exspecta, reexspecta (*Isa. xxviii, 10*). » In eodem: « Dederunt in escam meam fel, et in siti mea potaverunt me aceto. Obscurentur oculi eorum ne videant, et dorsum eorum semper incurva. » In B LXXI: « Descendet sicut pluvia in vellus. Reges Tharsis et insulæ munera offerent. Ex usuris et iniquitate redimet animas eorum. Et vivet et dabitur ei de auro Arabiæ. »

XVII. Sed ne ipsi de suo Messia dictum fore arbitrentur, cum eum purum hominem dicant futurum, neminemque præter Deum adorandum esse (quod verum est) asserunt, subjunxit et ait: « Et adorabunt de ipso semper. » Et iterum: « Ante solem permanet nomen ejus. » Videsne quanta totius hujus psalmi series cœlestis rore balsami sit referta? In LXXIX: « Excita potentiam et veni, ut salvos facias nos; Deus virtutum, converte nos, et ostende faciem tuam, et salvi erimus. » Ac si aperte dicat: Si vis nos salvos fieri, ostende faciem tuam, id est figuram substantiæ tuæ per assumptionem carnis ostende visibilem, et salvi erimus. » In eodem secundo: « Ostende faciem tuam, et salvi erimus. » In qua terna repetitione nihil aliud significandum est quam id: « Qui videt me, videt et Patrem (*Joan. xiv, 9*); » et qui Patrem et Filium, ab utroque procedentem Paracletum videt. B. « Fidelis sermo et omni acceptione dignus (*I Tim. i, 15*). » C. In LXXXVIII: « Benedictiones dabit legislator, ibunt de virtute in virtutem, videbitur Deus deorum in Sion. » O generatio perversa, et infideles filii! Hodie vos legiser vester Moyses cornuto feriet syllogismo; utram enim partem elegeritis, sequetur vos confusio. Cum enim dicat Moyses in persona Domini: « Non videbit me homo (*Exod. xxxiii, 20*); » et Psalmista: « Videbitur Deus deorum in Sion, » alterum eorum mentiri necesse est. Imo vos mendaces, quia ex patre diabolo estis, et pater vester mendax est. Ponite, miseri, ponite lignum in Marath ut dulcorentur aquæ, et videbitis Deum deorum in Sion. In LXXXIV: « Veritas de terra orta est, et justitia de cœlo prospexit. » In LXXXVI: « Nunquid Sion dicet: Homo, et homo natus est in ea, et ipse fundavit eam Altissimus? » In LXXXVIII: « Ipse invocavit me, Pater meus es tu; » et omnes fere versus istius psalmi, Christi Dei redolent incarnationem et cætera ejus mysteria. In eodem: « Quis est homo qui vivet et non videbit mortem? et erit ani-

mam suam de manu inferi. » Nunquid hoc loco dicent inferi nomine lacum telluris vel antrum significari? Sed nunquid anima telluris specu coarctari dicetur, cum ipsa sit spiritus? In VIII quoque, id est, « Deus, laudem meam ne tacueris, » querendum est ab eis, cui scilicet maledictiones irroget.

XVIII. Sequitur CIX: « Dixit Dominus Domino meo, » super quo satis in Evangelio cum adversariis veritatis Veritas disputavit. Non solum autem iste, sed et omnes ejusdem psalmi versiculi cœlestis pluvie stillicidiis irrigati sunt: « Tecum principium in die virtutis tuæ, » etc. Item, « Tu es Sacerdos in æternum, » non secundum ordinem sacerdotum carnaliter immolantium, sed « secundum ordinem Melchisedech, » qui in mysterium vivifici corporis et sanguinis tui, Abrahæ fideli tuo panem et vinum legitur obtulisse. In CX: « Redemptionem misit Dominus populo suo, mandavit in æternum testamentum suum. » In CXI: « Exortum est in tenebris lumen rectis. » In CXVII: « Lapidem quem repronaverunt edificantes, hic factus est in caput anguli. » Unum porro in sequentibus est, unde mihi vellem rationem redderetis; cum enim lege naturali fungeretur, legis etiam scriptæ arctaretur mandatis, quare tam sollicitus aliam sibi legem constituit dicens: « Legem pone mihi, Domine, viam justificationum tuarum? (*Psal. cxviii, 53*). » Quod idcirco egregium Psalterm Israel dixisse crediderim, quia ex operibus legis, juxta Apostolum, neminem justificari posse videret (*Rom. iii, 20*); ideoque legem sibi in qua, præveniente gratia, justificaretur, studiosus oraret. Hæc de *Psalmis* succincte perstrinximus, in quibus quædam exponere nova, sed non incredibilia, Spiritu sancto docente, notavimus. Si quis autem incredibile reputet, quod per os peccatorum Spiritus sanctus loquitur, illud secum mente pertractet, quia poeta et Cumana vates et Caiphas prophetaverunt. Sed hæc hactenus. Nunc autem *Mulloth*, id est *Parabolas* Salomonis consequenter attingamus, ubi et infernum esse quod quidam abnuunt Judæorum, et neminem tunc temporis ab originali peccato absolutum esse, monstrabimus. Inprimis quoque verba *Sapientiæ*, quæ Christus est, ponere congruum esse duximus, ut quo in illum sensu ea censeant exponenda, ab eis saltem inquiramus.

XIX. Ait ergo: « Dominus possedit me in initio viarum suarum, antequam quidquam faceret a principio. Ab æterno ordinata sum (*Prov. viii, 22*). » Et multis ad id pertinentibus interpositis subjunxit: « Et deliciæ meæ esse cum filiis hominum (*ibid., 51*). » Si ergo deliciæ Christi Domini esse cum filiis hominum, « usquequo gravi corde, » in ipsum « filii hominum, » non filii Dei, Moysiçolæ, « ut quid diligitis vanitatem » sectantes carnalia legis, « et queritis mendacium (*Psal. iv, 3*)? » abnegantes eum quem lex et prophetæ venturum prædixerunt? Iterum: « Infernus et perditio coram Domino, quanto magis corda filiorum hominum? » (*Prov. xv, 11*). Item de eodem: « Semita vitæ super eruditum, ut declinet

de inferno in die novissimo (*ibid.*, 24). » Iterum : A debet? Absit a nobis id opinari, qui in illum credimus de quo subditur : « In sermone, inquit, ejus siluit ventus, cogitatione sua placavit abyssum, et plantavit illum [in illa] (Dominus Jesus) insulas (*Eccli.* xliii. 25). »

de inferno in die novissimo (*ibid.*, 24). » Iterum : « Infernus et perditio non replebuntur (*Prov.* xxvii, 20). » Item in eodem : « Tria sunt insatiabilia et quartum quod nunquam dicit : Sufficit : infernus et os vulvæ, et terra quæ non satiatur aqua. Ignis vero nunquam dicit : Sufficit (*Prov.* xxx, 15, 16). » Liqueat ergo ex præmissis quia infernus locus est pœnarum, ad quem declinabant quotquot sub lege a vija decedebant. Quotquot enim nascebantur, originaliter peccato tenebantur, unde in eodem scriptum est : « Quis potest dicere : Mundum est cor meum, purus sum a peccato? » (*Prov.* xx, 9.) Est et aliu. in eo. lem volumine evidens de Filio Dei contra Judæos testimonium, quod sequenti libro reservamus.

XX. De libro quoque *Sapientiæ* qui dicitur Salomonis, testimonium Dominicæ passionis excerptimus, cui vel Apella Judæus obviare non possit. B Dixerunt enim : « Circumveniamus virum justum, quoniam inutilis est nobis, et contrarius est operibus nostris, et improperat nobis peccata legis, et diffamat in nos peccata disciplinæ nostræ; promittit se scientiam Dei habere, et Filium Dei se nominat. Factus est nobis in traductionem cogitationum nostrarum. Gravis est etiam nobis ad videndum, quoniam dissimilis est aliis vita illius, et immutatae sunt viæ ejus. Tanquam nugaces æstimati sumus ab illo, et abstinet se a viis nostris tanquam ab immunditiis, et profert novissima justorum, et gloriatur Patrem Deum se habere. Videamus ergo si sermones illius veri sunt, et tentemus quæ ventura sunt illi, et sciemus quæ erunt novissima illius. Si enim est verus Filius Dei, suscipiet illum, et liberabit illum de manu contrariorum. Contumelia et tormento interrogemus illum, ut sciamus reverentiam illius, et probemus patientiam ejus; morte turpissima condemnemus illum; erit enim respectus ex sermonibus illius. Hæc cogitaverunt et erraverunt; excæcavit enim illos malitia illorum, et nescierunt sacramentum Dei (*Sap.* ii, 12-22). » B. Hæc prorsus omnia nude sonant Dominicam passionem, et eorum obæractionem. Unde mirum est, cum literales sint, si est literalem et non spiritalem quærant intelligentiam, quare huic literæ consonare contemnunt.

XXI. C. Quin in *Ecclesiastico* qui et Jesu filii Sirach *Sapientiæ* Liber inscribitur, manifeste reperies unde rebellis Synagogæ colla subjicias. Dicunt enim peccatorum confessionem esse inutilem et a sacerdotibus causa lucri fuisse inventam. Sed dicit Scriptura : « Ne confundaris confiteri homini peccata tua (*Eccli.* iv, 31). » Habes etiam in eodem de maledicto paternæ perditionis evidens argumentum. Scriptum quippe est : « Væ vobis, viri impij qui dereliquistis legem Domini altissimi; etsi nati fueritis, in maledictione nascemini; etsi mortui fueritis, in maledictione erit pars vestra (*Eccli.* xli, 11, 12). » Quod si hoc de transgressione scriptæ legis dictum fuisse responderint, quomodo ejus derelictores sub maledictione nascuntur? Nunquid antequam nascatur quis, legis transgressor accusari

debet? Absit a nobis id opinari, qui in illum credimus de quo subditur : « In sermone, inquit, ejus siluit ventus, cogitatione sua placavit abyssum, et plantavit illum [in illa] (Dominus Jesus) insulas (*Eccli.* xliii. 25). »

XXII. Quem quia non credant, merito quoque de illis *Paralipomenon* liber scribit, dicens : « Transibunt autem multi dies in Israel absque Deo vero, et absque sacerdote, doctore, et absque lege (*II Par.* xv, 3). » Super quo longa posset disputatio proferri, si nostri suppet ret vigor ingenii.

XXIII. Sed quia nostri propositi erat ostendere ex diversis Scripturarum locis infernum esse locum pœnarum, ad quem non solum nunc infideles, verum ante Redemptoris Incarnationem vergebant etiam fideles, ex verbis quoque Job rei dubiæ fidem faciamus. Dixit enim : « Dimitte ergo me paululum, ut plangam dolorem meum, antequam vadam, et non revertar, ad terram tenebrosam et opertam mortis caligine, terram miseræ et tenebrarum, ubi umbra mortis et nullus ordo, sed sempiternus horror inhabitat (*Job* x, 20-22). » Certus profecto erat vir Dei, quia statim ex quo terrenæ fecis mole solveretur, ad terram miseræ et tenebrarum, originali ducente commisso, descenderet. Unde post pauca supposuit : « In profundissimum infernum descendent omnia mea (*Job* xvii, 16). » Ac si patienter his verbis uteretur : Non solum in infernum quem ipsi speluncam sepulcri vocant, sed « in infernum profundissimum; » nec solum cum corpore, sed, « omnia mea, » id est totus cum corpore et anima descendam; aut ibi originali tantum tenendus, aut aliquo actuali delicto puniendus. Unde quasi ambigendo subjungit : « Putasne saltem ibi requies erit mihi? » (*Ibid.*) Quasi diceret : Putasne ibi in me aliquod actuale inveniat flamma gehennalis quod puniat? Aut ibi tantum causa originali teneat, et ita requiescere debeam? Non enim credendum est sanctos patres, adventus Domini præcessores, alia in inferno pertulisse tormenta quam tenebras. Quod et beatus Augustinus de infantulis unius diei asserit, qui morte præventi, gratiam baptismi non sunt assecuti. Mitissima namque erit illorum pœna qui originali peccato nullum superaddiderunt.

XXIV. Multa quidem et alia Dominicæ nativitatis, passionis ac resurrectionis testimonia de Veteris Testamenti voluminibus poterit diligens lector excerptere : sed quia propositum nobis est Trinitatem, quæ Deus est, inter veteres Synagogæ ceremonias investigare, hujus secundi libelli terminemus opusculum, et ad materiam tantæ impensas cordis præparemus affectum. B. Ita hoc fiat, ut, quemadmodum Plato in *Timæo* dicit, divinum prius invocemus auxilium, sine quo nihil omnino est validum, nihil frugi, nihil perfectum. C. Bonum consilium tuum, vir Dei, et bene et bonum quod locutus es, et, quamvis « non » sit « speciosa laus in ore peccatoris (*Eccli.* xv, 9), » quia tamen de Trinitate



sanus dictari, in exordio, id est in capite tertii A pleatur iterum quod dicitur: « In capite libri libri erumpamus in laudem trini Dei, ut ita im- scriptum est de me (*Psal. xxxix, 8*). »

## LIBER TERTIUS.

I. « Quam bonus Israel Deus (*Psal. lxxii, 1*)! « quam bona sunt opera tua antiqua quæ ostendisti patribus nostris, educens eos de terra servitutis; sed quam bona sunt, imo quam optima sunt opera tua novissima, quæ operatus es in medio terræ (*Psal. lxxiii, 12*), eruens nos de carcere mortis, non in virga Moysi, sed in brachio tuo extento, ut quanto B major erat hæc redemptio priore, tanto major esset minister redemptionis! Ibi enim Deus per hominem, non hominem, sed corpus hominis a servitute liberavit; hic Deus corpus et animam, id est totum hominem, a perpetuæ vinculo mortis eripuit; ibi per lignum et aquam, hic per lignum, aquam et sanguinem; ibi servus servum, hic Dominus servum; ibi servus in ducem erigitur, hic dux et Dominus in servum humiliatur. O mira dignatio et digna miratio! Justus condemnatur, ut injustus salvetur; Dominus plectitur et servus absolvitur, miseretur servo, qui non parcat Filio. O mitis crudelitas! O crudelis misericordia! Chariorem incarcerat qui minus charum decarcerat, imo fere æqualiter charum. Quæ enim charitas ista charitate amplior? Licet enim Veritas dicat: « Majorem charitatem nemo habet, ut animam suam ponat quis pro amicis suis (*Joan. xv, 13*), » est tamen major charitas, ut animam suam ponat quis pro inimicis suis. Nos autem cum inimici essemus Deo, pro nobis animam suam posuit. Quantis igitur misericordiæ visceribus nos dilexit, qui, ut nos diligeret, animam suam odio habuit.

II. O igitur summum bonum, unum principium, Pater, Fili et Spiritus Sanctæ, unus diligens eum qui ab ipso est, et unus diligens eum de quo est, et ipsa dilectio, et tamen unum, diligens, dilectus, dilectio! Non tres essentialæ, sed tres personæ, quos, et si diversificat personalis proprietates, unit tamen D ejusdem essentialæ æqualitas; unus ingenuus, unus genitus, unus procedens; una deitas, una beatitudo, una æternitas: « Ex quo omnia, per quem omnia, in quo omnia. » Da nobis, quæsumus, invenire quod quærimus, assequi quod investigamus; da luce reperta in te conspicuos animi oculos conflare. Da fontem lustrare boni; aperi thesauros sapientiæ tuæ, reple vasa cordium nostrorum, quæ, etsi bonis operibus vacua, vino tamen et oleo fidei suæ repleta sunt. Firma calami nostri vestigium, ut quod de Trinitate, quæ Deus est, ante revelatæ tempus gratiæ patres sensere sanctissimi ita proferamus in lucem, ut non incidamus in errorem: ita superbientis Synagogæ jacula recondamus, ut tamen

hæresim caveamus, per eum qui natus de Virgine hæreticam interemit pravitatem. Amen.

III. Est quidam apud nos Castellione Judæus, quem omnium vicinarum urbium seu oppidorum Hebræi magistrum antonomasice appellant. Dum ergo nudius tertius cum eo disceptaturus me signo C crucis armassem, ad conventum malignantium fidenter descendi, multaque cum eis de legalium mandatorum observatione contuli. Magna autem jam longis conflictationibus diei parte consumpta, tandem de suo Messia sermo habitus est. Super quo diu disputantes, ad ultimum de conditione primi hominis mentionem fecimus; unde statim occasione sumpta materiam disputationis ad Trinitatem trans tuli, et ab hoc puncto incepi: « Faciamus hominem ad imaginem et similitudinem nostram (*Gen. i, 26*). » — « Quis, inquam, loquitur et ad quem? — Deus, inquit, ad angelos, consilio eorum volens hominem facere. » Quo audito in risum prorumpens, antequam secundam inferrem quæstionem, cachinnando subjeri: « Dic, quæso, ad imaginem Creatoris, an angelorum factus est homo? » — Creatoris, inquit — Quid est ergo, dixi, quod sequitur: « Ad imaginem nostram? » Cum enim ad imaginem Dei solius factus sit homo, etsi ad angelos dixisset: « Faciamus, » singularitatem tamen considerans suæ personæ, dixisse debuerat, « Ad imaginem » meam, non « nostram: » *noster* enim pronomen non unius, sed plurium personarum designativum est: unde primæ personæ intrinsecus est; extrinsecus vero tertię. »

IV. B. Quæso te ut super hunc locum diutius inmoremur, et quid super hoc judicandum sit, paucis absolvamus. G. Nequaquam possumus, nisi prout Spiritus sanctus dabit eloqui nobis, super hisce expediri. Præterea vereor, si tantum onus aggressus fuero, operis ne pondere pressus succumbam labori, et frustra tentata relinquam. Verum quia scriptum est: « Aperies os tuum, et ego implebo illud (*Psal. lxxx, 11*); » licet de propriis viribus diffidamus, eorum tamen vestigia qui super hoc scripsere sequentes, prædictum versiculum paucis absolvemus: « Faciamus hominem ad imaginem et similitudinem nostram. » Loquitur Pater ad Filium, dicens: « Faciamus hominem. » Dicit ergo, « Faciamus » ad Filium, quia « per ipsum omnia facta sunt (*Joan. i, 2*). » Pater enim operatus est omnia per Filium, et Filius est cooperator omnium, quia, quando « præparabat montes, aderam cum eo cuncta componens (*Prov. viii, 27*). » — « Faciamus, »

ait ad Filium; sed nunquid et ad Spiritum sanctum? Vere et ad Spiritum sanctum. Si enim ad Filium tantum loqueretur, « Faciamus hominem ad imaginem nostram; » ad imaginem tantum Patris et Filii, factus esset homo. Sed constat quia ad imaginem Trinitatis factus est homo, ergo ad Filium suum et ad Spiritum sanctum locutus est Pater: « Faciamus hominem ad imaginem et similitudinem nostram. » In quo illud profecto notandum est quod et « Faciamus » pluraliter dixit, et « nostram, » utrumque enim pluraliter dictum est, « Faciamus » et « nostram; » et nisi ex relativis accipi non oportet. Non enim, ut ait Augustinus, ut facerent dii vel ad imaginem deorum; sed ut facerent Pater et Filius et Spiritus sanctus. Præterea si ad angelos dixisset: « Faciamus, » probabile quidem esse videretur, ad imaginem quoque angelorum hominem factum fuisse, et non solum Deum creatorem, sed etiam angelos factores hominis et quasi concreatores exstitisse. Exempli gratia: Tu cum sis sacerdos et satis litteratus, si ad laicum quemdam prorsusque expertem litterarum et quasi brutum animal loquereris, dicens: « Eamus, frater, celebremus missam, cantemus vespas, » vel aliquid simile: in quo te solum et non illum valere constaret, nonne illum cui hæc diceres, coadjutorem tuum, tuique ministerii seu officii participem posse fieri significares?

V. B. Profecto ita esset, sed nunc ad sequentia transcamus; grandis enim nobis restat via. Nec tamen illud silentio prætermittendum est quod superius eis obijciendum esse censuisti. G. Quid est, quæso, illud? Quare secundæ diei opera benedictione caruerunt? G. Cum quemdam, nudius tertius, satis magnæ auctoritatis theologum super quæstione hac considerem, solutionem mihi rescripsit (5), qua etsi quæstioni satisfacit, quærenti tamen non sufficit. Exemplum vero epistolæ quam mihi direxit, hoc est. « Magistro GUALTERO amico suo, Magister PETRUS, salutem et dilectionis sinceritatem. Cum de proprio ministrare non valeam, quod esurienti palato sufficiat, pro me Spiritus sanctus respondet, qui hujus scrupulosæ quæstionis solutionem Patribus insinuavit orthodoxis. Ex quorum traditione accepi, quoniam secunda dies a binario denominatur, binarius autem infamis est numerus. Cum enim divisionem recipiat, schismatis discordiam signat. Deus autem amator est pacis et unitatis, in cuius rei mysterium, opus secundæ diei benedictione frustratur. Vel quod probabilis, inquit, et dies secunda et tertia communem habent aquas materiam. In secundo enim die divisit Deus aquas superiores ab inferioribus, interponendo firmamentum; tertia vero congregavit aquas quæ erant sub firmamento, ut per alveos et canales subterraneos diffluerent. Ut ergo communis erat materia, ita communis debuit esse benedictio: unde

(5) Responsio M. Petri Cantoris Parisiensis.

A secundæ diei benedictio in tertium reservata est, quasi a communi accipienda. Vale. »

VI. Sed quia illi qui ita senserunt et bene ex posuerunt, et ipsi homines fuerunt; et nos cum homines sumus, licet non illos æquiparantes, veniemur tamen in hujus quæstionis saltu diutius, ut, quemadmodum de Jonatha legitur, mel si invenerimus, summitate saltem virgæ attingamus (*I Reg. xiv, 29*). Binarius ergo quemadmodum jam prætaxatum est, sectionem recipit divisionis, et est quasi quædam meta, dividens unitatem et unitatem. Sed quid execrabilius, quid maledictione dignius, quam ita Trinitatem ab unitate dividere, ut vel tres credantur dii in Trinitate, vel una tantum in deitate persona? Nonne Arius de familia binarii fuit, qui sic trinitatem ab unitate divisit, ut tres esse personas in Trinitate astrueret, et non unitatem substantiæ in illa Trinitate reciperet? Sed nunquid etiam Sabellius cum binario benedictione caruit, qui sic unitatem essentiali in Deitate credit, quod personarum trinitatem ab unitate divisit? Caruit igitur benedictione binarius, eo quod unitatem excedat, et ab ea dividat Trinitatem. Sic ergo credendæ sunt tres in Trinitate personæ, ut eorum trium, id est Patris et Filii Spiritus sancti, una credatur essentia esse in Deitate. Quicumque autem huic diversum, vel ab hac fide diversum crediderit, et in ovile ovium, id est in sanctam Ecclesiam per ostium, qui Christus est (*Joan. x, 9*), non intraverit, ille fur est et latro (*ibid., 1*), dignusque ut cum binario anathemate feriatur. « Hæc est enim fides Catholica, quam nisi quisque fideliter firmiterque crediderit, salvus esse non poterit (*Athan. Symb.*). » Hic est triplex funiculus, qui difficile solvitur (*Eccl. iv, 12*). Hic est numerus, de quo poetam somniasse crediderim, qui dicebat:

*Trina tibi hæc primum triplici diversa colore  
Licia circumdo, terque hæc altaria circum  
Effytem duco*

(Virg. *Eclog. viii, vers. 73-75.*)

Et quasi exponens unitatem ternarii, quare ista ter fieri jusserit, adjungit dicens:

..... *Numero Deus impare gaudet.*

(*Id. ibid., 75.*)

D Et iterum:

*Necte tribus nodis ternos, Amarylly, colores.*

(*Id. ibid., vers. 77.*)

B. « Vere etenim Dominus est in loco isto, et ego nesciebam (*Gen. xxviii, 16*). » Vere hic est lavus mellis quem te venari proponebas, quem in saltu litteræ per Jonathan, id est *columbæ domum*, videlicet per domum Spiritus sancti invenisti: quem etsi non ad plenum hausisti, summitatem tamen virgæ, id est summitatem ore quodammodo degustasti.

VII. C. Videamus præterea de Trinitate, quæ Deus est, quomodo senex fidelis, qui prima credeadi

via est, senserit Abraham, beati seminis pater. **A** tur, et non etiam Deus Moysi, et Deus Samuelis et Deus David, nisi ut trinus ostenderetur, et ut quaternitas in Trinitate non admitteretur?

VIII. Consistamus hic paululum contra servos inutiles, contra fidei inimicos. Adeste ergo, o Judai, *Et cantare pares et respondere parati.*

(VIRGIL. *Eclog.* VII, vers. 5)

Si Trinitatis mysterium sanctos nativitatis Dominicæ præcursores penitus latuisset, quare cum tanta veneratione ternarium Scriptura vetus amplecteretur? Jubet enim Dominus Abrahamæ: « Sume, inquit, vaccam triennem, et capram trinam et arietem annorum trium (*Gen. xv, 9*). » Audit Isaias seraphim clamantes alter ad alterum: « Sanctus, sanctus, sanctus Dominus Deus Sabaoth (*Isa. vi, 3*). » Ait etiam: « Dominus judex noster, Dominus legifer noster, Dominus rex noster (*Isa. xxxiii, 22*). » Nota ordinem verborum. Hinc simile dicit Psalmista: « Benedicat nos Deus, Deus noster, benedicat nos Deus (*Psal. lxxvi, 8*). » Benedicat nos Deus Pater, Dominus judex noster, sed modo « judicium omne dedit Filio (*Joan. v, 22*); » benedicat nos Deus noster, legifer noster, qui nos redemit, qui nobis legem gratiæ dedit; benedicat nos Deus Spiritus sanctus, rex noster. Audi et Jeremiam dicentem: « Templum Domini, templum Domini, templum Domini est (*Jer. vii, 4*). » I em: « Ego, ego sum, ego vidi, dicit Dominus: et; Heu, heu, heu! (*Jer. xxxiv, 17*). » Et in Ezechiele! Heu, heu, heu: Dominus Deus (*Ezech. ix, 8*). » Sed quid plura? Si adhuc infideles credere non vultis Trinitatem, consulite Eliam, quare expandit se atque mensus est super puerum tribus vicibus (*III Reg. xvii, 21*), et quare hydrias aquæ super holocaustum et super ligna ter jussit effundi. Scriptum quippe est: « Implete quatuor hydrias aqua, et effundite super holocaustum et super ligna. Rursusque dixit: Etiam secundo hoc facite: qui cum fecissent et secundo ait: etiam tertio id ipsum facite: fecerunt et tertio, et currebant aquæ circa altare, et fossa aquæductus repleta est (*III Reg. xviii, 34, 35*). » Videtis quomodo in trina effusione consummavit holocaustum suum vir Dei.

IX. Præterea liber Machabæorum secundus ad idem nos invitat, qui de Heliodoro et satellitibus **D** ejus sic scribit: « Apparuit illi quidam equus, terribilem habens sessorem, optimis operimentis adornatus, isque Heliodoro cum impetu priores calces elisit: qui autem ei sedebat, videbatur arma habere aurea. Alii etiam apparuerunt duo juvenes virtute decori, optimi gloria, speciosique amictu (*II Machab. iii, 25, 26*). » Sed quid dicam de beato Job, quem vos quia incircumcisum dicitis, forsitan non recipietis? In libro quidem ejus scriptum est: « Ecce hæc omnia operatur Deus tribus vicibus per singulos, ut revocet animas eorum a corruptione, et illuminet luce viventium (*Job xxxiii, 29, 30*). » Semen Chanaan et non Juda, quid hoc respondebitis? Sufficiuntne vobis testimonia hæc? Non equidem. Quomodo enim paries ædificabitur, ubi fun-

Si Trinitatis mysterium sanctos nativitatis Dominicæ præcursores penitus latuisset, quare cum tanta veneratione ternarium Scriptura vetus amplecteretur? Jubet enim Dominus Abrahamæ: « Sume, inquit, vaccam triennem, et capram trinam et arietem annorum trium (*Gen. xv, 9*). » Audit Isaias seraphim clamantes alter ad alterum: « Sanctus, sanctus, sanctus Dominus Deus Sabaoth (*Isa. vi, 3*). » Ait etiam: « Dominus judex noster, Dominus legifer noster, Dominus rex noster (*Isa. xxxiii, 22*). » Nota ordinem verborum. Hinc simile dicit Psalmista: « Benedicat nos Deus, Deus noster, benedicat nos Deus (*Psal. lxxvi, 8*). » Benedicat nos Deus Pater, Dominus judex noster, sed modo « judicium omne dedit Filio (*Joan. v, 22*); » benedicat nos Deus noster, legifer noster, qui nos redemit, qui nobis legem gratiæ dedit; benedicat nos Deus Spiritus sanctus, rex noster. Audi et Jeremiam dicentem: « Templum Domini, templum Domini, templum Domini est (*Jer. vii, 4*). » I em: « Ego, ego sum, ego vidi, dicit Dominus: et; Heu, heu, heu! (*Jer. xxxiv, 17*). » Et in Ezechiele! Heu, heu, heu: Dominus Deus (*Ezech. ix, 8*). » Sed quid plura? Si adhuc infideles credere non vultis Trinitatem, consulite Eliam, quare expandit se atque mensus est super puerum tribus vicibus (*III Reg. xvii, 21*), et quare hydrias aquæ super holocaustum et super ligna ter jussit effundi.

Scriptum quippe est: « Implete quatuor hydrias aqua, et effundite super holocaustum et super ligna. Rursusque dixit: Etiam secundo hoc facite: qui cum fecissent et secundo ait: etiam tertio id ipsum facite: fecerunt et tertio, et currebant aquæ circa altare, et fossa aquæductus repleta est (*III Reg. xviii, 34, 35*). » Videtis quomodo in trina effusione consummavit holocaustum suum vir Dei.

IX. Præterea liber Machabæorum secundus ad idem nos invitat, qui de Heliodoro et satellitibus **D** ejus sic scribit: « Apparuit illi quidam equus, terribilem habens sessorem, optimis operimentis adornatus, isque Heliodoro cum impetu priores calces elisit: qui autem ei sedebat, videbatur arma habere aurea. Alii etiam apparuerunt duo juvenes virtute decori, optimi gloria, speciosique amictu (*II Machab. iii, 25, 26*). » Sed quid dicam de beato Job, quem vos quia incircumcisum dicitis, forsitan non recipietis? In libro quidem ejus scriptum est: « Ecce hæc omnia operatur Deus tribus vicibus per singulos, ut revocet animas eorum a corruptione, et illuminet luce viventium (*Job xxxiii, 29, 30*). » Semen Chanaan et non Juda, quid hoc respondebitis? Sufficiuntne vobis testimonia hæc? Non equidem. Quomodo enim paries ædificabitur, ubi fun-

damentum deficit? Si enim quæ sursum sunt sape- A retis, non quæ super terram (*Coloss. iii, 2*), Isaiaæ saltem oraculo crederetis, qui Filium Dei tam aperte loquentem introducit, ut nemo gentilis etiam, nedum Judæus, quidquam contradicere audeat. In eo quippe scriptum est: « Audi me, Jacob, et Israel, quem ego voco: Ego ipse, ego primus et ego novissimus. Manus quoque mea fundavit terram, et dextera mea mensa est cælos. Ego vocabo eos, et stabunt simul. Congregamini, omnes vos, et audite, Quis de eis annuntiabit hæc? Dominus dilexit enim, faciet voluntatem suam in Babylone, et brachium suum in Chaldæis. Ego, ego locutus sum et vocavi eum, adduxi eum et directa est via ejus. Accedite ad me, et audite hoc; non a principio in abscondito locutus sum, ex tempore, antequam fierent, ibi eram; et nunc Dominus Deus misit me, et Spiritus ejus (*Isa. xlviii, 12-16*). » Quis est porro iste tam imperiosæ auctoritatis, qui sic loquitur? Constat enim quia Deus est et non homo, qui dicit: « Ego ipse, ego primus et ego novissimus, et ex tempore antequam fierent, ibi eram. » Sed nunquid Deus Pater est qui loquitur, aut Deus Spiritus sanctus qui dicit: « Ego primus et ego novissimus? » Deus procul dubio est, et « Antequam fierent, ibi eram. » Sed quis dicit: « Nunc Dominus Deus misit me et Spiritus ejus? » Cum Pater nunquam missus legatur, Pater profecto non est, sed Filius ejus est.

X. B. Quia de Filio Dei fecisti mentionem, quid- dam mihi jam pridem accidit, quod te latere non volo. Cum enim perendie eum quodam de filiis Belial, de eorum superstitione contenderem quæsitit a me Ismaelita: « Ubinam, inquit, frater, qui Filium Dei credis, invenisti quod Deus habuerit Filium? nisi forte homines filios Dei adoptive appellare velis? » Hujus questionis necessitate coacti, compellimur mittere in dexteram navigii rete, et Scripturarum aquas rationis fuscina rimari, si forte piscando in eis, incidemus in Filium Dei. B. « Beatus venter qui te portavit et ubera quæ suxisti (*Luc. xi, 27*)! » quia petitio tua non est digna repulsa; sed, quemadmodum consuluisti, fiat voluntas tua. Videamus ergo quid de Filio Dei ille Salomon rex sapientissimus dixerit, quem etsi constat fuisse idololatram, certum tamen est quia de eo nihil dixerit hæreticum. Hic autem in *Coélet*, id est *Proverbiorum* libro, de Filio Dei sic loquitur: « Stultissimus sum virorum et sapientia hominum non est mecum, non didicis sapientiam non et novi sanctorum scientiam. Quis ascendit in celum atque descendit? Quis continuit spiritum in manibus suis? Quis colligavit aquas quasi in vestimento? Quis suscitavit omnes terminos terræ? Quod nomen ejus est, et quod nomen Filii ejus, si nosti? » (*Prov. xxx, 2-4*.) Animadvertite itaque sermones istos, et auribus percipe verba regis hujus, ut videas et scias de quo loquitur hic, utrum de aliquo Dei secundum adoptionem, filio; an de substantiali et coeterno sibi unigenito, cujus nomen tam affectuose quærit

et investigat? B. De illo quidem et illius nomine quærit cujus et nomen admirabile est in universa terra (*Psal. viii, 2*), et cujus nomen super omne nomen (*Philipp. ii, 9*). G. Ita profecto est ut arbitraris, non solum enim hic, verum in libro Sapientiae de coæquali Deo Patri Filio idem scribit his verbis: « Videamus, inquit Judæi, si sermones illius veri sunt, et tentemus quæ ventura sunt illi, et sciemus quæ erunt novissima illius. Si enim est verus Filius Dei, suscipiet illum et liberabit illam de manu contrariorum (*Sap. ii, 17, 18*). » Ecce nunc palam loquitur et proverbium nullum dicit (*Joan. xvi, 29*): Verum enim Filium Dei dixit, ad differentiam eorum, qui non natura, sed nuncupatione Filii Dei vocantur: de quibus Psalmista dicit: « Ego dixi: Dii estis et filii Excelsi omnes (*Psal. xxi, 6*): » de quo manifestus in Evangelio Veritas dicit: « Omnis qui fecerit voluntatem Patris mei qui in cælis est, ille meus frater, et mater, et soror est (*Math. xii, 50*). » Si ergo fratres Christi, et filii sunt Dei.

XI. Habemus itaque duo congrua de Filio Dei in Salomone testimonia, quæ si filiis perditionis non sufficiunt, ad Danielum revertendum est, apud quem Nabuchodonosor in fornace Filium Dei intuens ait: « Ecce ego video viros solutos quatuor ambulantes in medio ignis, et nihil corruptionis in eis est, et species quarti similis est Filio Dei (*Dan. iii, 23*). » Audi, Israel, audi idololatram, audi alienigenam, acquiesce gentili qui credere respuit Salomoni. Quis est iste Filius Dei? Porro iste est Filius Dei qui longo post tempore, mirabiliter filius hominis fieri dignatus est. Mirabiliter dicamus: an miserabiliter? sed, ut verius fateamur, et mirabiliter dicamus et miserabiliter: « quia et O quam admirabile commercium! Creator generis humani animatum corpus sumens, de Virgine nasci dignatus est (*Offic. B. Mariæ in Sabbato*). » Miserabiliter in nobis, quia « Vere languores nostros ipse portavit (*Isa. liii, 4*). » Item mirabiliter in se, quia mirabile mysterium declaratur: « Deus homo factus est (*Juan. i, 14*); » et quia, « Exinanivit semetipsum, formam servi accipiens (*Philipp. ii, 7*). » Miserabiliter autem in nobis, quia verus Samaritanus iter faciens, venit secus vulneratum, et videns eum, misericordia motus est. « Hoc est igitur mirabile in oculis nostris (*Math. xxi, 42*). » hoc est illud novum quod Dominus se creavisse super terram asserit per Jeremiam prophetam dicentem: « Revertet, virgo Israel, revertet ad civitates istas. Usquequo delictis dissolveris, filia vaga? Quia creavit Dominus novum super terram, femina circumdabit virum (*Jer. xxxi*). » Et notandum quod magis proprie dixit, « circumdabit, » quam si dixisset, generabit: generatio enim proprie dicitur, quando viro recepto semine mulier imprægnatur. Verum quia illa Salvatoris generatio de pura carne Virginis absque aliqua virilis seminis præjacente materia provenit, « circumdabit » pulchre dictum est, et non, genera-

bit : sane tamen utrumque dici potest. Habemus itaque quod quærebamus, manifesta videlicet de Filio Dei testimonia.

XII. Nunc autem ad tertiam in Trinitate personam, Spiritum sanctum, calamum transferamus, quem quidam ventum esse vel sibilum auræ mentionuntur. Super quo beatus Hieronymus in *Hebraicis Questionibus* ita scribit : « *Et Spiritus Dei ferebatur super aquas (Gen. 1)*, pro eo quod in codicibus nostris scriptum est *ferebatur*, in Hebræo habetur, *marahahephet* [merachephet], quod nos appellare possumus, *incubabat* sive *confovebat*, in similitudinem volucris ova calore animantis. Ex quo intelligimus non de spiritu mundi dici, ut nonnulli arbitrantur, sed de Spiritu sancto, qui et ipse vivificator omnium a principio dicitur. » Dicant ergo falsitatis assertores, qui Spiritum sanctum ventum volunt accipi, quomodo constat quod « Verbo Domini cœli firmati sunt, et Spiritu oris ejus, omnis virtus eorum? (Psal. xxxii.) » Nuper enim accidit, quod tibi relaturus sum.

XIII. Nudiustertius, ut mihi moris est, cum vacuus essem, die solemnè Dominica descendi in domum cujusdam Hebræi, quasi aliquid novi auditorus. Interrogatus igitur a me quid esset Spiritus sanctus, ventum esse respondit. Quid est ergo, inquam, quod dicit David : « Cor mundum crea in me, Deus, et Spiritum rectum innova in visceribus meis. Ne projicias me a facie tua, et Spiritum sanctum tuum ne auferas a me. Redde mihi lætitiã salutaris tui, et Spiritu principali confirma me (Psal. 1) ? » Præterea liber, inquam, beati Job, non videtur velle Spiritum sanctum aliud esse quam ipsum Deum. In eo enim Eliu filius Barachiel, de Spiritu Domini scribit ita, dicens : « Spiritus Dei fecit me, et spiraculum Omnipotentis vivificavit me (Job xxxiii.) » Dic igitur, similiter dixi, quis est iste quo innovari David desiderat, pro quo ne sibi auferatur interpellat, per quem se confirmari concupiscit. Sed quis est iste Spiritus Dei, a quo se factum Eliu fuisse testatur? Nonne is est Spiritus de quo ait Psaltes egregius Israel : « Emittes Spiritum tuum, et creabuntur, et renovabis faciem terræ? » (Psal. ciii.)

A His et aliis auctoritatibus ad hoc adversarium veritatis impulsi, ut Spiritum sanctum Deum esse, et eundem Spiritum ventum esse fateretur. Tum ego : Spiritus sanctus, inquam, te judice, ventus est, et Deus Spiritus sanctus est, ergo et Deus ventus est. B. Profecto vere et syllogistice argumentatus es. Nunc autem de Spiritu sancto prosequamur, ut cuius instinctu hoc opus incœpimus, eo consummante peragamus.

XIV. G. Fiat ut postulasti, auctoritates etiam prophetarum de Spiritu sancto quos eodem inspirante proferunt, in unum colligamus. Ait ergo Salomon in libro Sapientiæ : « Spiritus sanctus disciplinæ effugit fictum, et auferet se a cogitationibus quæ sunt sine intellectu (Sap. 1). » In eodem : « Spiritus Domini replevit orbem terrarum, et hoc quod continet omnia, scientiam habet vocis (Ibid.). » In Isaia quoque scriptum est : « Gaudium onagrorum pasua gregum, donec effundatur super nos Spiritus ab Excelso (Isa. xxxii.) » Item : « Effundam Spiritum meum super semen tuum (Isa. xlii.) » In eodem : « Spiritus Domini super me, eo quod unxit me (Isa. lxi.) » Michæas quoque ait : « Ego sum repletus virtute Spiritus Dei (Mich. iii.) » In Zacharia etiam invenitur : « Non in exercitu, neque in robore, sed in Spiritu meo, dicit Dominus Deus (Zach. iv.) » Sed quid item per singula? Si linguis hominum loquerer et angelorum, non tamen hunc de quo agimus Spiritum explicare possem. Facturi igitur suem, modumque cursui imponentes, bravium postulamus, non aurum argentumve, seu etiam sæcularis auræ laudisque favorem mundanæ. Verum ab illo remunerari petimus, cui servire regnare est, de quo et a quo diximus, quidquid bene diximus. De cætero ab illis qui hoc opus lecturi sunt, si quis tamen hoc captus amore leget, de omissis vel non sane dictis, veniam postulamus, ut et de bene dictis, Deo grates persolvat, eumque pro nobis imploret, quatenus viam universæ carnis ingressuri, præsto habeamus defensorem nostrum misericordem et pium Dominum Jesum Christum, cui est honor et gloria cum Patre et Spiritu sancto per omnia sæcula sæculorum. Amen.

# ALEXANDREIS

SIVE

## GESTA ALEXANDRI MAGNI

LIBRIS X COMPREHENSA

AUCTORE

### GUALTERO DE CASTELLIONE

Ex veteribus mss. bibliothecarum S. Galli et Montis Angelorum in lucem edita opera R. P. F. Athanasii Gugger, S. Galli monachi, superiorum permissu, in monasterio S. Galli, formis ejusdem, anno partæ salutis M. DC. LIX. — In-12.

(Juxta exemplar in bibliotheca Argentinensi asservatum, quod nobis gratiose transmisit D. Jung, eidem bibliothecæ præfectus.)

### CANDIDO LECTORI SALUTEM.

En tibi, candide Lector, opus novum, ut sit antiquum, nusquam, quod sciam, editum (6), a multis cupide inspectum et desideratum, non minus antiquitate quam eruditione venerabile. Auctor est quidam Gualterus de Castellione : scripsit annis abhinc trecentis circiter, vir ut in poetica, sic in omni disciplinarum genere, præcipue sacularum litterarum cognitione instructissimus. Gesta Alexandri M. sic prosequitur, ut et ingenii acumine, et judicii acrimonia cum veteribus illis, quos egregie æmulatur, in certamen venire posse videatur; venustus totus et floridus, plenus succi, sententiis densus, et sæpe seipsum velut excedens, auream illam Q. Curtii brevitate non solum imitatus, sed etiam assecutus. In hoc edende nactus sum exemplaria duo mss. vetusta, alterum ex bibliotheca celeberrimi monasterii Montis Angelorum, ordinis S. P. Benedicti, a R.<sup>mo</sup> ejusdem cœnobii; eruditissimoque abbate mihi communicatum, alterum vero ex nostra, id est S. Galli veteri armario depromptum, et glossa interlineari explicatum, quam et prius illud exemplar, sed rariorem habet, prorsus ut persuadear in scholis hunc auctorem olim publice prælectum fuisse : ut quod de Aristotelis philosophia conjuncta cum pomeridiana rhetoricorum exercitatione traditur, id de Q. Curtio, et hoc auctore alternis in humanioribus explicato factum fuisse conjecturem. Videtur id ex epitaphio, quod sibimet auctor concinnavit, haud obscure colligi posse. Ut tamen in rebus humanis nihil est ex omni parte beatum, ita sunt in hoc opere quæ displicere possint politioribus. Equidem ut de iis taceam quæ necessitas extorsit, uti sunt *topographus*, *Mesopotamia*, *Jerusalem*, etc., tantus auctor beneficio cæsurae utitur forte nimis frequenter. Deinde Græcorum vocabulorum fuit negligentior, ea pleraque cum præfectorum militarium sint, et ex historia Curtii, Plutarchii, etc., petantur,

(6) Fallitur, ut jam supra monuimus. Prolegomena editionis Lugdunensis anni 1558, quæ typis curvis (Gallice *caractères de civilité*) impressa fuit, hic adnectere operæ pretium duximus :

*Philippi Caltheri poetæ, Alexandreidos libri decem, nunc primum in Gallia Gallicisque characteribus editi.*  
— Lugduni, vendit Robertus Granjon typis propriis. M. L. V. III. Ex auctoritate regia.

#### Extrait du privilege du Roy.

Il ha plu au Roy, nostre sire, de donner privilege et permission à Robert Granjon d'imprimer ce present livre, intitulé : *Alexandreidos*, de sa lettre françoise d'art de main : et pour remuneration de son invention, veult iceluy Seigneur, que nul autre, quel qu'il soit, en ce royaume, n'ayt à tailler poinçons, ne contrefaire la dite lettre françoise d'art de main, ne d'icelle vendre ne distribuer aucune impression, fors celle qui sera imprimée par ledit Granjon, sur certaines et grandes peines contenues aux lettres et privileges dudit Granjon : Et ce pour le temps et terme de dix ans consequutifs, à compter du jour et date des presentes ; quant à l'imitation desdits caractères d'art de main, et quant à l'impression dudit livre, du jour et date qu'il sera achevé d'imprimer. Et outre ce, ledit Granjon, tant pour cette œuvre que pour autres contenues et mentionnées en ses dites lettres, veult et entend que par l'extraict et inscription qui sera faicte d'iceluy en chacun livre, les defenses et inhibitions mentionnées aux privileges, sovent tenues pour

mutarique citra rerum gestarum confusionem non potuerint, ne lector offenderetur, mutato caractere, additoque asterisco notantur, mutatis solum propriis, quæ secum errorem trahunt et quibus ne Curtius utitur. Atque ut de voce *Darius* (cujus priorem utramque fere semper breviat), taccam, voces Græcæ multæ sunt, quæ ne dialecto salvari possunt, ut *Symmachus*, *Nicanor*, etc., quanquam quid Græcis non licet? cum et Virgilius *Orionem* pro libitu variet. Erant et inusitata quædam et obsoleta verba Latina, pauca tamen, quorum loco, ne vestis splendida his quasi maculis fuscaretur, alia substitui, illis interim in marginalia plerumque relatis, præter ablativum, *mediante*, qua voce, quia sæpe utitur, delectatus esse videtur. Discrepabant insuper exemplaria non sola verborum traiectione, quæ levis est, sed etiam diversitate, ut ambo haberentur, omissis tamen erratis, in marginalia rejeci pleraque. Librarium errores graviores sane ita castigati, ne palam apparerent, facile istos ex mutato caractere conjiciet lector, non enim verisimile tales illos, nisi forte aliquos ab auctore commissos, cum alioqui sibi contrarius seipsum expugnaret. Dubia nonnulla cum se auctoritate etiam veterum tueantur, ut vox *temulentus*, *Clytus* quod æque per *y* scriptum reperitur, neminem offendent. Hæc sunt quorum te, benevole lector, admonitum volui. Vale, et frui, interim, dum alia sequantur, meumque hunc de antiquitate in lucem protrahenda laborem æqui bonique consulte.

suffisamment significes à tous imprimeurs et autres qu'il appartiendra : comme plus à plain est contenu aux lettres patentes dudit Granjon, données à Saint-Germain en Laye le xxvi<sup>e</sup> jour de decembre l'an de grace mil cinq cens cinquante sep',

Ainsi signés :

Par le Roy,

Maître Jehan Nicot, maistre des Requestes de l'hostel, present. FIZES.

*R. Constantini epigramma.*

Mronium vatem qui quondam invidit Achilli  
Magnus Alexander, nunc timet invidiam,  
Postquam grandiloquum sensit sua facta poetam  
Galtherum Ausonia sic cecinisse tuba :  
Quem sibi præferri non indignetur Homerus  
Qui nequedum poterat cæcus habere parem.  
Hoc tamen adversus stimulos præterdit acutos  
Invidiæ, Macedo, quique monarcha fuit,  
Zeuxidis ad dictum alludens, regisque poetæ que  
« Invidus esse potes, æmulus esse nequis. »

*Du latin, vers alexandrins.*

Alexandre le Grand, chatouillé de l'honneur  
Qu'Achille recevoit, ayant sa muse amye  
Du mieux disant des Grecs, s'enfuriait d'envie :  
Et or il craint qu'aucun seconde son erreur :  
Quand il ha entendu, de Galther hault sonneur  
Ainsi chanter ses faicts du cleron d'Ausonie ?  
Et qu'Homere aveuglé son premier ne le nie :  
Qui jusqu'icy n'ha eu égal à sa grandeur.  
Pourtant le Macédon (qui du bras de victoire  
Au rond de l'univers fait retentir sa gloire)  
Prépare aux traits aigus de l'enuieux arroy  
L'apophthegme imité du tableau qui fait vivre  
Le bon peintre Zeuxis : « Du poete et du Roy  
Tu peux estre envieux, et non pas les ensuivre,

*R. Constantinus lectori*

Equidem fore non dubito quin, quantum horum characterum novitas atque insolentia lectorem in admirationem converterit, tantum oblectet utilitas atque elegantia; quorum non solum typos ingeniose expressit Robertus Granjon, sed etiam, ut alter Dibutades Sicyonius, protypa et ectypa fecit et excudit. Primum quod ad characterum venustatem et facilitatem in legendo, horum certe forma non minus commendabilis cæteris, magis autem nostris usitata, quæ scribentis manum quam proxime reddit: ut scripturam ementiatur impressio, et quod manufactum, an typis excusum sit, postea possit dubitari. Usus autem erit non minimus tum nostris hominibus, tum exteris, quem litteratoribus exponendum relinquo; sine quorum opera, etiam vel *ἄλλοτε ἔργον* utilitatem satis aperiet, efficietque ut hoc scripturæ genus non novum fuit, sed omnibus maxime familiare; quod jam etiam totius Europæ gentis præcipue, manus atterit. Nisi quis fortasse sua contemnens peregrina suspiciat, ob hoc ipsum merito, ut apud Romanos antiquitas, peregrinitatis accusandus atque castigandus, vel, ut loquitur Ulpianus, per pœnam deportationis ad peregrinitatem redigendus. Malus enim civis est quem barbara magis instituta capiunt quam patria, et cui plus placet aliena respublica quam sua. Vale.

## EPISTOLA AUCTORIS (7).

Moris est usitati cum in auribus multitudinis aliquid novi recitatur, solere turbam in diversa scindi studia, et hunc quidem applaudere, et quod audit, laude dignum prædicare; illum vero, seu ignorantia ductum, seu livoris aculeo, vel odii fomite perversum, etiam bene dictis detrudere, et versus bene tæstos incendi reddendos censere. Et mirum est humanum genus a prima sui natura, secundum quam cuncta, quæ fecit Deus, valde bona creata sunt, ita esse depravatum, ut pronius sit ad condemnandum, quam ad indulgendum, et facilius sit ei ambigua depravare, quam in partem interpretari meliorem. Hoc ego reveritus, diu te, o mea Alexandreis, in mente habui semper suppressere, et opus quinquennio laboratum, aut penitus delere, aut certe, quoad viverem, in occulto sepelire. Tandem apud me deliberatum est te in lucem esse profereendam, ut demum auderes in publica venire monumenta. Non enim arbitror meliorem me esse Mantuano vate, cujus opera mortali ingenio altiora carpere obtrectantium linguæ poetarum, ac mor-

(Ms. Engelbergense quod sequitur habet :

### EPITAPHIUM.

Istud scripsit, seu fecit, Gualterus auctor hujus libri, antequam carmen incepisset, quia timuit morte præveniri :

*Insula me genuit, rapuit Castellio nomen,  
Pertremuit modulis, Gallia tota, meis.  
Gesta ducis Macedum scripsi, sed syncopa fati  
Inceptum clausit obice mortis opus.*

(7) Deest in editione Lugdunensi.

### ARGUMENTUM LIBRI PRIMI.

*Primus Aristotelis imbutum nectare sacro  
Scribit Alexandrum, sceptroque insignit et armis,  
Cecropidas regi rursus confæderat, arces  
Diruit Aonias, numerosa classe profundum  
Intrat, et appellens Asiam de nave sagittat.  
Parcendumque ratus, hostem sine Marte triumphat,  
Elatuque animo sub sole jacentia regna  
Jam sibi parta putat, Asiam de vertice montis  
Inspicit, et patrias partitur civibus urbes,  
Peryama miratur, et somnia visa retractat.*

## LIBER PRIMUS.

Gesta ducis Macedum, totum <sup>1</sup> digesta per orbem  
Quam large dispersit opes, quo milite Porum  
Vicerit et Darium, quo principe Græcia victrix  
Risit, et a Persis rediere tributa Corinthum,

C Musa refer : qui si senio non fractus <sup>2</sup> inermi  
Pollice fatorum, nostros vixisset in annos,  
Cæsareos nunquam loqueretur fama triumphos,  
Totaque Romulæ squaleret gloria gentis.

<sup>1</sup> longum. <sup>2</sup> stratus.

### VARIE LECTIONES.



Præradiaret enim meriti fulgore camivus  
 Igniculis, solisque sui palleret in ortu  
 Lucifer, et tardi languerent plaustra Bootæ.  
 At tu cui major genuisse Britannia reges  
 Gaudet avos, Senonum quo præsule non minor urbi  
 Nupsit honor, quam cum Romam Senonensibus

[armis

Fregit, adepturus Tarpeiam Brennius arcem,  
 Si non exciret vigiles argenteus anser,  
 Quo tandem regimen cathedræ Rhemensis adepto  
 Duritiæ nomen amisit bellica tellus,  
 Quem partu effusum gremio suscepit alendum  
 Philosophia suo, totumque Helicon propinans,  
 Doctrinæ sacram patefecit pectoris aulam,  
 Excoctumque diu studii fornace, fugata  
 Rerum nube, dedit causas penetrare latentes,  
 Huc ades, et mecum pelago decurre patenti,  
 Funde sacros fontes, et crinibus imprime laurum,  
 Ascribique tibi nostram patiæ camœnam.

Nondum prodierat naturæ plena tenellis  
 Infruticans lanugo pilis, matrique parabat  
 Dissimiles proferre genas, cum pectore toto  
 Arma puer sitiens, Darii dare jura Pelasgis  
 Urbibus<sup>2</sup>, imperiique jugo Patris arva prementem  
 Audit, et indignans, his vocibus exprimit iram:  
 Heu quam longa quies pueris! nunquamne licebit  
 Inter funereas<sup>3</sup> acies mucrone corusco  
 Persarum damuare jugum, profugique tyranni  
 Cornipedem lentum celeri prævertere cursu,  
 Confusus turbare duces, puerumque leonis  
 Vexillo insignem, galeato vertice saltem  
 In bello simulare virum<sup>4</sup>? verumne dracones  
 Alciden puerum comprehensis faucibus olim  
 In cunis domuisse duos? ergo nisi magni  
 Nomen Aristotelis pueriles terreat annos,  
 Haud dubitem similes ordiri fortiter actus.  
 Adde quod ætati *florenti*<sup>5</sup> corpore parvo  
 Major inesse solet virtus, viridisque juventæ  
 Ardua vis supplere moras, semperne putabor,  
 Nectanabi<sup>6</sup> proles? aut<sup>7</sup> degener arguar? absit!  
 Hæc ait<sup>8</sup>, hæc secum dubitanti corde perorat:  
 Qualiter Hyrcanis<sup>9</sup> si forte leunculus arvis  
 Cornibus elatos videt ire ad pabula cervos,  
 Cui nondum totos descendit robur in armos,  
 Nec pede firmus adhuc, nec dentibus asper aduncis  
 Palpitat, et vacuum ferit improba lingua palatum,  
 Effunditque prius animo, quam dente cruorem,  
 Pigritianque pedum redimit matura voluntas.  
 Sic puer effrenus<sup>10</sup> totus hacchatur in arma,  
 Invalidusque manu gerit alto corde leonem,  
 Et præceps teneros audacia prævenit annos.

Forte macer, pallens, incompto crine magister  
 Nec facies studio male respondebat, apertis  
 Exierat thalamis, ubi nuper corpore toto  
 Perfecto logices, pugiles armarat elenchos,

Vers 72.

A O quam difficile est studium non prodere vultu l.  
 Livida nocturnam sapiebant ora lucernam,  
 Seque maritabat tenui discrimine pellis  
 Ossibus in vultu, partesque effusa per omnes  
 Articulos manuum macies jejuna premebat;  
 Nulla repellebat a pelle parentthesis ossa:  
 Nam vehemens studii macie labor afficit artus,  
 Et molem carnis, et quod cibus educat extra,  
 Interior sibi sumit homo, fomenta laboris.  
 Ergo ubi flammato vidit *Juvenem ore minacem*<sup>11</sup>,  
 Accusabat enim occultam rubor igneus iram,  
 Flagitat, unde animus incanduit, unde doloris  
 Materiam traxit? quæ tanta efferbuit ira?  
 Ille sui reverens faciem monitoris, ocellos  
 Supplice dejecit vultu, pronusque sedentia

B Affusus genibus, senium lugere parentis  
 Oppressum imperio Darii, patriamque exagentem  
 Conqueritur lacrymans, lacrymisque exaggerat iras<sup>12</sup>,  
 Atque hæc dicentem vigili bibit aure magistrum:  
 Indue mente virum, Macedo puer, arma capesses:  
 Materiam virtutis habes, rem profer in actum:  
 Quoque modo id possis, aurem hucadverte, docebo.  
 Consultor procerum, servos contemne bilingues,  
 Et nequam; nec quos humiles natura jacere  
 Præcipit, exalta; nam qui pluvialibus undis  
 Intumuit torrens, fluit acrior amne perenni:  
 Sic partis opibus, et honoris culmine, servus  
 In dominum surgens truculentior aspide sur.  
 Obturat precibus aures, mansuescere nescit.

C Non tamen id prohibet rationis calculus, ut non  
 Exaltare velis, si quos insignit honestas,  
 Quos morum sublimat apex, licet ampla facultas,  
 Et patriæ desit et gloria sanguinis alti.  
 Nam si vera loquar, auferre pecunia mores,  
 Non afferre solet; etenim inter cætera noctis  
 Monstriparæ monstro nihil est corruptius isto.  
 Quem vero morum, rerum non copia ditat;  
 Quem virtus extollit, habet quod præferat auro;  
 Quo patriæ vitium redimat, quod conferat illi  
 Et genus et formam, virtus non quæritur extra.  
 Non eget externis, qui moribus intus abundat.  
 Nobilitas sola est animum quæ moribus ornat,

Si liq̄ inciderit, te iudice, dirige libram  
 Judicii, nec fleat amor, nec munera palpent,  
 D Nec moveat stabilem personæ acceptio mentem.  
 Muneris arguitur accepti oensor iniquus;  
 Munus enim a norma recti distorquet. acuman  
 Judicis, et tetra involvit caligine mentem.  
 Cum semel obtinuit vitiorum mater in aula  
 Pestis avaritiæ, quæ sola incarcerat omnes  
 Virtutum species, spreto moderamine juris,  
 Curritur in facinus, nec leges curia curat.

Parce humili, facilis oranti, frange superbium.  
 Grande aliquid si velle tenes, et posse tenebis,  
 Castra move, turmas instaure, transfer in hostem.

Vers. 127.

## VARIE LECTIONES.

<sup>1</sup> Gentibus. <sup>2</sup> semirutas. <sup>3</sup> duces. <sup>4</sup> duodenni. <sup>5</sup> Neptanabi. <sup>6</sup> ut. <sup>7</sup> dictanti. <sup>8</sup> Hyrcanus <sup>9</sup> of  
 fymis. <sup>10</sup> Philippida vultu. <sup>11</sup> traw.

Si conferre manum, dum luditur alea Martis,  
 Debilis et nondum matura refugerit ætas,  
 Te tamen armatum videant hilaremque catervæ,  
 Pugnantes precibus, monituque minisque tonan-

[tem.

Profuit interdum dominis pugnare jubendo.  
 Nam dum castra metus calcat, dum languida terror  
 Agmina prosternit, dum corda manusque vacillant,  
 Si gravis hortatu præceptor inebriat aures,  
 Se timor absentat, et sic formidine mersa  
 Irruit in ferrum monitis effrena juvenus  
 Hostibus ante alios primus fugientibus insta :  
 Quod si forte tuus repetat <sup>15</sup> tentoria miles,  
 Agmina retrogrado fugiens hostilia gressu,  
 Ultimus a tergo <sup>16</sup> fugias, videantque morantem,  
 Indecoresque fuga pudeat sine rege reverti.  
 Interea metire oculis, quot millibus instent,  
 Quot peditem turmæ, quot fusi e vallibus ahsint,  
 Quot solem galeis equites clypeisque retundant.  
 Nec te terruerit numerus, si molliter illos  
 Videris instantes, rue primus in arma sequentum,  
 Primus equum verte, pressoque relabere feno,  
 Illic vigor emineat tuus, affectusque tuorum,  
 Et fervens animus, durique peritia Martis,  
 Illic equus opponatur equis, hic ensibus ensis,  
 Hic clypeus clypeis, hic obruta casside cassis.  
 Vix liceat victis victori offerre tropæum <sup>16</sup>.

Cumque vel intrabis victis tradentibus urbem,  
 Vel si restiterint, portas perfrigeris urbis,  
 Thesaurus aperi, plue donativa manipulis;  
 Vulneribus erudis, et corde tumentibus ægro  
 Muneris infundas oleam, gazisque reclusis  
 Unge animos donis, aurique appone liquorem.  
 Hæc ægræ menti poterit medicina mederi.  
 Sic inopi dives, largusque medetur avaro.  
 At si forte animæ res non responderit alto;  
 Copia si desit, vel si minuat acervus,  
 Non minuat amor, non desit copia mentis  
 Allice pollicitis, promissaque tempore solve:  
 Munus enim mores confert, irretit avaros,  
 Occultat vitium, genus auget, subjicit hostem.  
 Non opus est vallo, quos dextera dapsilis ambit,  
 Nam seu pax vigeat, seu rupto fœdere pacis,  
 Regnet, et in toto discordia sæviat orbe,  
 Principibus dubiis, subitumque timentibus hostem,  
 Est dare pro muro, et solidi muniminis instar :  
 Non murus, non arma, ducem tutantur avarum.  
 Cætera quid moncam? sed non te emolliat intus  
 Prodigæ luxuries, nec fortia pectora frangat  
 Mentis morbus amor, latebris et murmure gau-

[dens.

Si Baccho Venerique vacas, qui cætera subdis <sup>17</sup>  
 Sub juga venisti, periit delira vacantis  
 Libertas animi, Veneris flagrante camino,  
 Mens hebet interius, rixasque et bella moveri

Vers. 180.

A Imperat, et suadet rationis vile sepulcrum.  
 Ebrietas; rigidos enervant hæc duo mores.  
 Parca voluptates sit eis explere voluntas,  
 Qui leges hominum, et mundi n oderantur habenas.

Dirigat ergo tuos, studio celebrata prior: um,  
 Actus justitia, et per te revocetur ab alto  
 Ultima, quæ superum terras Astræa reliquit.  
 Nec desit pietas, pudor, et reverentia recti,  
 Divinos rimare apices, mansuesce rogatus,  
 Legibus insuda, civiliter argue fontes.  
 Vindictam differ, donec pertranseat ira,  
 Nec meminisse velis odii post verbera; si sic  
 Vixeris, æternum extends in sæcula nomen.

Talibus informans monitor <sup>18</sup> virtutis alumnus,  
 Imbuit irriguam fecundis imbribus aurem,  
 B Et thalamo cordis mores impingit honestos.  
 Ille libens sacris bibulas accommodat aures  
 Vocibus, extremæ commendans singula cellæ.  
 Mens igitur laudum stimulis sibi credula fervet.  
 Germinat intus amor belli, regnique libido <sup>19</sup>.  
 Jam timor omnis abest, jam spes præjudicat annis,  
 Jam fruitur voto, jam mente protervit in hostes,  
 Jam regnat, jam servit ei quadrangulus orbis.  
 Ergo ubi quæ ferule pueros emancipat ætas  
 Advenit, Macedo civiliter induit arma,  
 Non sibi, sed patriæ, vivitque in principe civis.  
 Tiro quidem, sed mente <sup>20</sup> gigas, sed pectore miles  
 Emeritus; tunc indomitum, tunc tanta videres  
 Velle Neoptolemum, quæ vix <sup>21</sup> expleret Achilles,  
 Nec <sup>22</sup> solum in Persas, quos contra justa querelæ  
 C Causa sibi fuerat, parat insanire, sed ipsum  
 Et totum, si fata sinant, conjurat in orbem.

Urbs erat auctoris nomen sortita Corinthus,  
 Quam situs ipse loci, quam rerum copia major,  
 Quam patrum, et populi, quam regum firma volux -

[Las

Sanxerat, ut regni caput, *urbs primaria ut esset* <sup>23</sup>;  
 Hanc evangelico propulsans idola <sup>24</sup> verbo  
 Paulus, ad æterni convertit pascua veris;  
 Illic igitur Macedo, ne jura retunderet urbis,  
 Post patris occasum sacrum diaJema verendo  
 Imponens capiti <sup>25</sup>, sceptro radiavit eburno.  
 Stat procerum melius, stipat latus ejus utrumque  
 Canities veneranda patrum, mitisque senectus;  
 Quorum juris erat toti disponere regno,  
 Per quos insidiis obsistitur obice, vallo  
 Consilii, potiusque valent interprete lingua,  
 Quam pugnante manu tractare negotia belli,  
 Et gerere armorum curas, quam cingier armis;  
 Eminus assistunt, pauloque remotius illi,  
 Effrenæ mentis, quorum sub pectore robur  
 Imperat ingenio, et Nestor succumbit Achilli,  
 Principis a facie vatium grege cinctus inermi  
 Sedit Aristoteles, molli velatus amictu,  
 Jam rude donatus, fatisque prementibus annos

Vers. 254.

## VARIE LECTIONES.

<sup>15</sup> repetit. <sup>16</sup> instando. <sup>17</sup> triumphum. <sup>18</sup> rincipis. <sup>19</sup> monitis. <sup>20</sup> cupido. <sup>21</sup> corde. <sup>22</sup> non  
<sup>23</sup> non. <sup>24</sup> Ms. ut metropolis esset. <sup>25</sup> Æolice. <sup>26</sup> suscipiens capite.

Curvus, et impexos castigat laurea crines.  
 Contemplans igitur Macedo per singula vires,  
 Pascitur intuitu procerum, et quæ maxima dudum  
 Crescere non poterat, vehemens audacia crevit  
 Regis ad aspectus, et quem conceperat ante  
 Ampliat affectum, cordisque reverberat aures  
 Applausus populi, majoraque viribus audet.  
 Accedit facies animo, mentique profundæ  
 Respondent oculi, totoque accenditur ore.  
 Sic fuit ex facili regem cognoscere promptum;  
 Ornamenta licet regi regalia desint,  
 Lucidus obryzo crinalis circulus auro,  
 Et quæ flammiferis <sup>26</sup> ignescit purpura gemmis,  
 Sola tamen loquitur vultus reverentia regem.

Mensis erat, cujus juvenum de nomine nomen,  
 A quo vitis habet quod floreat, uva propinet  
 Quod bibat autumnus, et quod sibi bruma reservet,  
 Cum tumet in fructum seges ardua, jamque para-

[bat

Retrogradum Phœbus radiis incendere Cancrum,  
 Cum Macedo assensu pariter vulgique ducumque  
 In regem erigitur, lectosque ad bellæ quirites  
 Dividit in turmas, quorum bis millia bina  
 Quingentique equitum numerus fuit, omnibus idem  
 Impetus armorum, sed eos discriminat aetās.  
 Nec juvenes solum, sed quorum cana vetustas  
 Testis militiæ, et probitas sub patre probata,  
 Legit Alexander; ductor princepsque cohortis  
 Nullus erat, qui non sexagenarius esset;  
 Usque adeo, positus ut si quis cominus armis  
 Principia inspiceret castrorum, sive quiritem  
 Præfectos, equites non crederet, imo senatum.  
 Præterea peditum quater octo millia bello  
 Instaurat, quibus arma sudes, et Dacia bipennis  
 Et quæ lethifero contorta volumine glandes  
 Funda jacit, gladiusque, et vitæ prodigus arcus,  
 Lunatique orbis, et prævia mortis arundo,  
 Incutiunt hastas, veribusque minantur acutis:  
 Pectora thorace, et cervix secunda galero est,  
 Quos licet armari telo præstantior omni  
 Virtus, tam voluisse tamen supponere mundum  
 Quam potuisse sibi, tam paucis millibus, æque  
 Miror Alexandrum, monstroque simillima fati  
 Hæc series, tot regna, uni submittere paucos.

In tanto rerum strepitu mundique fragore,  
 Cum tremere totus variis rumoribus orbis,  
 Subtrahere auxilium, dubiumque lacessere Martem.  
 Detrahere absentem, *suasum Demosthenis* <sup>27</sup>, ipsi  
 Cæropidæ, et vires opponere viribus ausi.  
 Æstuat auditis Macedo; maturius ergo  
 Castra movere jubet Danaï <sup>28</sup> sic cominus hosti  
 Improvisus adest, et muris applicat alas <sup>29</sup>.  
 Interea senibus in Palladis arce receptis  
 Æschinus <sup>30</sup> eloquitur, cæptæ et <sup>31</sup> Demosthena litis  
 Arguit, et pace ostendit nil tutius esse.

Vers. 288.

A Dum sibi mandatas legatio mutua partes  
 Exsequitur, patriæ tactus *nutricis* amore  
 Rex sæclis renovat, pacemque redintegrat urbi,  
 Artibus ingenuis, studiisque vacare, sereno  
 Annuit his vultu, Martemque remittit agendum.  
 Inde ubi discordes iterum sibi junxit Athenas.  
 Impiger ad veteres raptus <sup>32</sup> volat agmine Thebas.  
 Aonidæ, muros juvenum stipante corona,  
 Armati assistant, portasque intrare volenti  
 Objiciunt, quem si dominum patienter habere,  
 Si prece, non armis vellent occurrere, si sic,  
 Ut decuit, cæptæ fraudis scelerisque pigeret,  
 Fortassis poterant torrentem inhibere furoris,  
 Incolumemque statum vitæ, veniamque mereri.  
 Sed quoniam aetatem simul et contemnere regem

B Præsumpsere, sibi merito sensere tyrannum.  
 Dum super excidio Macedo deliberat urbem;  
 Jam populo variis afflicto cladibus, adsunt  
 Collecti satrapæ e vicinis urbibus, omne  
 Qui genus accusent, recolantque ab origine gentem  
 Intentam sceleri, et Græcorum cæde madentem:  
 Progenitos serpente patres, semperque minores  
 Cordibus infusum patrium servasse venenum.

Quis fastus Niobes, quis sparsam sanguine nati,  
 Fœmineum nescit ululasse per agmen, Agaven?  
 Quis flammam Semeles, quis regem lumine cassum  
 Nesciat in proprios revolutum turpiter ortus?  
 Præterea partos infando semine, damno  
 Totius Europæ, sibi concurrisse gemellos?

C His accensa supercandescit <sup>33</sup> principis ira,  
 Accingique suos pugnae jubet. Inde parato  
 Mille equitum cuneo, tumidam circumvolat urbem,  
 Mœnibus arcere hos cives nituntur, eosque  
 Plurimum involvit telorum cominus imber.  
 Nec minus interea pedites excindere muris  
 Vectibus incussis <sup>34</sup> validisque lignonibus ardent.  
 Hos ne missilibus deterrea hostis ab alto,  
 Ut tuti lateant, alii testudinis instar  
 Scutibus arcendis junctis umbronibus instant.  
 Jam pede subducto, jam mole minante ruinam,  
 Præcipiti saltu, qui vivi forte supersunt  
 Aonidæ fugiunt, seque in secreta recipient.  
 At Danaï, saxis cedentibus, hoste remoto  
 Per murum fecere viam: ruit omnis in urbem

D Turba, perit nullo discrimine sexus et aetas  
 Omnis; adest etiam ductor Pellæus, et ipse  
 Invehitur Thebas armis stipatus, eique <sup>35</sup>  
 Accessit Clodæus fidus, magnoque canebat  
 Regi dulce melos, lyricisque subintulit ista:  
 Clara deum proles Macedo, fortissime regum  
 Cui favet astrorum series, cui quatuor orbis  
 Climata despondent, filo properante, Sorores;  
 Cujus, ut inijctus victis, et parcere scires  
 Supplicibus victor, et debellare rebelles,  
 Divinis toties montis armavit anhelum.

Vers. 343.

## VARIE LECTIONES.

<sup>26</sup> flammigeris. <sup>27</sup> suadente Demosthena primi. <sup>28</sup> Danaos. <sup>29</sup> sorte scalas manibus aptat. <sup>30</sup> Cui L.  
 supp. Æschines. <sup>31</sup> captæque. <sup>32</sup> rapido. <sup>33</sup> flagrascit. <sup>34</sup> excussos. <sup>35</sup> eoque.

Pectus Aristoteles : tunc hanc rex fœditus urbem  
 Excidio <sup>36</sup> delere paras ? his sedibus ortus  
 Liber, thuricremis sua quem colit India templis.  
 Hæcine terra deus tulit, auctoremque tuorum  
 Nutrit Alciden, ejus supereminet omnes  
 Edomitum toties laus derivata per orbem ?  
 En muri et structæ modulis Amphionis arces  
 Disce plus victis, vincendis esse cruentus.  
 Instabile est regnum, quod non clementia firmat,  
 At si tanta tibi cives torquere voluntas,  
 Soli parce solo, divisque ignosce locorum.  
 Finierat Clodes, sed stat sententia regis,  
 Propositive tenax iræ permittit habenas,  
 Æquarique solo turres, ac mœnia primo  
 Imperat, et reliquam Vulcano fulminat urbem.

Postquam digna satis conspexit ultio Dircen,  
 Jamque novo didicit servire Bœotia regi,  
 Dispositis Macedo pariter patriaque domoque,  
 In Darium sævire parat; minus ergo peritos  
 Armorum, minus audaces, famæque minoris <sup>37</sup>  
 Sægregat, et patriis tutelam deputat Argis,  
 Inde rates variis rerum speciebus *acerat* <sup>38</sup>,  
 Nec tanto libuit paucas adhibere latori,  
 Namque quater ductus, nisi ter senarius obstet  
 Navigii numerum quinquagenarius æquat.

Jamque ubi velivolam tenuit mare libera classis,  
 Intenditque fugam, nec jam ulla momordit arenam  
 Anchora, cum patrio discederet incola portu,  
 Stridula, discussit concentibus aera <sup>39</sup> miris,  
 Vox hominum præsauga mali, mistusque tubarum  
 Infremuit clangor, totumque remugit æquor.  
 O patriæ natalis amor sic allicis omnes !  
 O quantum dulcoris habes ! fugitiva per altum  
 Classis dum raptim patriæ furatur alumnos,  
 Sponte licet properent Persarum invadere fines,  
 Nec trahat invites ad prædæ præmia ductor ;  
 Sola tamen revocat patriæ dulcedo volentes,  
 Nec sinit a patria divelli, mentis acumen,  
 Sed dulces oculos animumque retorquet ad Argos,  
 Donec ab intuitu longe decrescere visus  
 Europe deficit apex, portusque recessit.  
 Tanta sub invicto bellandi corde voluptas <sup>40</sup>,  
 Tanta parentis erat oblivio, tanta sororum.  
 Solus ab Inachiis declinat lumina terris  
 Effrenus Macedo ; qui cum Cilicum prius arva  
 Collibus eductis Asiamque emergere vidit,  
 Gaudet, et angustum vix gaudia tanta recepat <sup>41</sup>  
 Pectoris hospitium ; remis incumbere nautas,  
 Nec solum tensis ultra se credere velis,  
 Læticia damnante moram jubet. Ocius illi  
 Haud segnes per transtra parant assurgere dicto  
 Principis, et multo castigant verbere pontum.  
 Tantum aberat classis portus statione, lapillum  
 Quantum funda potest celeri transmittere jactu :  
 Eminus emissa Pellæus arundine terram

Vers. 398.

A Vulnerat hostilem, faustumque hoc prædicat omen  
 Tota cohors, laetisque festum ad sidera plausus.  
 Nec mora, littoreis immergitur uncus arenis.  
 Exonerant primo naves <sup>42</sup> celerique volatu  
 Exsiliunt, viridique locant in littore castra.  
 Deinde vacant epulis, ac dum solemnia tractant  
 Pocula, continuant seræ convivia nocti.

Tertia pars orbis, cujus ditione teneri  
 Olim dicta fuit, ejus quoque nomen adepta est,  
 Hæc Asia est, vasto quàm gurgite solis ab ortu  
 Terminat Oceanus, et ab austro extendit in arcton  
 A Borea Tanais, simul et Mæotidos unda  
 Claudit, ab Europa nostrum discriminat æquor.  
 Huic soli ex æquo cessit partitio mundi,  
 Cumque sit una trium, solam hanc disciudere mun-

B [dum

Topographi perhibent, igitur breviora duabus  
 Contentis spatio, medium non invidet orbis :  
 Hic situs est Asiæ, sed et illam mitis obumbrat <sup>43</sup>  
 Cæsaries nemorum, fluviorum cursus inundat,  
 Nobilium multa regionum laude superbit ;  
 Hic dives gemmis elephantibus India barrit,  
 Bis serit, et fruges toties legit, instat ab arcto  
 Caucasus, irriguo paradisis spirat ab ortu,  
 Hæc habet Assyrios, Medos et Persida, quarum  
 Parthia nunc nomen, quam Mesopotamia finit.

Hæc Babylonis opes, Chaldæaque regna recepat,  
 Hæc Aram terras redolentes thure Sabæo,  
 In quibus ille labor logicorum nascitur, una  
 Semper avis Phoenix, vicinaque cinnama myrrhæ.  
 C Hinc Syriam Euphrates, illinc gens Armena tangit,  
 Diluviiqæ memor superis cœloque minatur.  
 Inde Palæstinae cunctis supereminet una  
 Unius Judæa Dei, Jerosolyma terræ :  
 In centro posita est ; ubi Virginis edita partu  
 Vita obiit, nec stare Deo moriente renatus  
 Sustinuit, sed pertremuit <sup>44</sup> perterritus orbis  
 Totque Asiæ partes, quas si meus exaret omnes  
 Aut seriem scindet stylus, aut fastidia gignet.

Jamque sub auroram volucrum garrire solebat <sup>45</sup>  
 Et lucem tenui præcedere lingua susurro.  
 Lucifer emeritæ confinia noctis agebat,  
 Astrorumque fugam solis præcursor anhelo  
 Maturabat equo, facili cum membra sopore  
 D Solvit Alexander ; igitur cum sole retusum  
 Prospexit primo pelagus radiosque nantes,  
 Emicat ex templo castris, et in ardua montis  
 Erumpens, Asiæ metitur lumine fines.  
 Hinc ubi vernantes cereali gramine campos  
 Tot nemorum saltus, tot prata virentibus herbis  
 Lascivire videt, tot cinctas mœnibus urbes,  
 Tot Bacchi frutices, tot nuptas vitibus ulmos :  
 Jam satis est, inquit, socii ; mihi sufficit una  
 Hæc regio, Europam vobis patriamque relinquo.  
 Sic ait, et patrium ducibus subdividit orbem.

Vers. 452.

#### VARIE LECTIONES.

<sup>36</sup> exilio. <sup>37</sup> famaue minores. <sup>38</sup> onustat. <sup>39</sup> æthera. <sup>40</sup> voluntas. <sup>41</sup> recevit. <sup>42</sup> Exonerantque  
 types primo, <sup>43</sup> inumbrat. <sup>44</sup> contramuit. <sup>45</sup> parabat.

Nam timor ille ducum (tanta est fiducia fati)  
rēgnorum quæcunque jacent sub cardine quadro  
Jam sibi parta putat, sic a populantibus agros  
Liberat, et pecorum raptus avertit ab hoste.

Jamque iter arripiens Cilicum sibi vindicat arces  
Conciliatque pii clementia principis urbes.  
Pluris Alexandro fuit hæc solertia, quam si  
Sanguinis impensa Martem tractaret, agitique  
Pace vices belli, cum parcit et obruit hostem.

Inde rapit cursum Phrygiæque per oppida tendit  
Ilium, et structos violato fœdere muros  
Idaliosque legit saltus, quibus ore venusto  
Insignem puerum pedibus Jovis aliger <sup>46</sup> uncis  
Arripuit, gratumque <sup>47</sup> tulit super æthera munus;  
Dumque vetustatis saltem vestigia quærit  
Sedulus, occurrit <sup>48</sup> fluviali consita rivo  
Populus, Cœnonis ubi mœchi falce notata  
Scripta latent Paridis, tenerique leguntur amores,  
Densa subest vallis ubi Iliis causa jocosæ  
Tractata est, cum judicium temeravit adulter  
Unde mali labes, et prima effluxit origo  
Iliaci casus, et Pergama diluit ignis.

Nunc reputanda quidem parvi; sed quanta fuerunt  
Conjicitur, testatur enim vetus illa ruina,  
Ingens quam fuerit <sup>49</sup> Trojæ mensura ruentis.

Tot bellatorum Macedo dum busta pererrat,  
Argolicos inter cineres, manesque sepultos,  
Quos tamen accusant titulis epigrammata certis,  
Ecce minora loco, quam fama vidit Achillis  
Forte sepulcra sui, tali distincta sigillo:  
Hectoris Æacides domitor, clam, incautus, iner-  
[mis

Occubui <sup>50</sup> Paridis trajectus arundine plantas.  
Hæc brevitatis regem ducis ad spectacula tanti  
Compulit, et sterilem mulso satiavit arenam,  
Et suffire locum sumpta præperavit acerra:  
O fortuna viri superexcellenior, inquit,  
Cujus Mæonium redolent præconia vatem,  
Qui licet exanimem distraxerit Hectora, robur,  
Et patrem patriæ summum tamen illud honoris  
Arbitror augmentum, quod tantum tantus habere  
Post obitum meruit præconem laudis, Homerum;  
O utinam nostros, resoluti corpore, tantis  
Laudibus attollat non invida fama triumphos!  
Nam cum lata meas susceperit area leges,  
Cum domitus Ganges, et cum pessumdatus Atlas,  
Cum vires Macedum Boreas, cum senserit Ham mon,  
Et contentus erit, sic solo principe mundus,  
Ut solo sole: hoc unum mihi deesse timebo,  
Post mortem cineri ne desit fama sepulto,  
Elysiisque velim hanc solam præponere campis,  
Neu vos excutiat cæpto, gens provida, bello,  
Argolici, fortuna licet quandoque minetur  
Aspera, quæ nunquam vultu persistit <sup>51</sup> eodem.  
Blanditiis indignus erit, mollique potiri

Vers. 506.

A Fortuna, qui dura pati, vel amara recusat.  
Nam quæ dura prius fuerant mollescere vidi,  
Neu vos sollicitos agat ignorantia veri,  
Unde hæc tanta mea surgat fiducia menti,  
Occultum hoc vestris impertiat auribus unum.

Cum patris interitu nutaret Græcia mœrens,  
Pausaniasque scelus, et cædem cæde piasset,  
Nocte fere media, somnum suadentibus astris,  
Pulvinar regale premens penetralibus altis  
Solutus eram, socios laxabat inertia somni:  
At mea pervigiles urebant pectora curæ,  
Cumque super regni ratio novitate labaret,  
Incertus sequererne hostes, patriamne tuerer?  
In neutro stabilis facturus utrumque videbar,

B Ecce locum subita radiantem lampade sensi,  
Et cœleste jubar noctis caligine pressa  
Irrupisse fores, tenebrasque diestemque vidi,  
Cum timor *urget* mentem, sestemque pavoris  
Sentirem trepidos sudorem errare <sup>52</sup> per artus,  
Adfuit ætheriis, hominem si dicere fas est,  
Ingenua gravitate, plagis, quem barbara texit  
Multiplici vestis mistim distincta colore,  
Cujus, ut ire solet flo radiante sacerdos,  
Gemmea flammantes tangebatur <sup>53</sup> fimbria plantas,  
Aurea rorifluos crispabat lamina crines,  
Pectoris in medio bissemi schemate miro  
Ardebant lapides, gemmarum luce superbi.  
Nescio quod nomen, prætendere visa figuris  
Signabat mediam tetragrammata lamina frontem,

C Sed quoniam mihi barbaries incognita linguæ  
Hujus erat, legere hanc me non valuisse <sup>54</sup> fatebor.  
Præsulis occultum caput amplexante tiara,  
Pesque verecundus talari veste latebat,  
Qui nisi me verbis prior aggrederetur, habebam  
Quod breviter possem scitari, quis? quid? et unde?  
Egredere, o Macedum fortissime, finibus, inquit,  
A patriis, omnemque tibi pessumdabo gentem.  
At si me tibi forte vides occurrere talem,  
Parce meis, dixit, superas decessit in auras <sup>55</sup>,  
Discedensque domum miro perfudit odore:  
Hoc duce dura manus, hoc principe bella move-  
[tis;

Sic fatur, celeresque gradus ad castra retorquet.  
D Vera tamen docuit: etenim cum victor adire  
Post Tyron eversam multa legione pararet  
Jerusalem, templumque Dei violare, domosque  
Velle putaretur, invicti principis iram  
Præveniens urbis sacro comitante senatu  
Exierat tali summus cum veste sacerdos,  
Qualem in siderio rex præsule viderat ante,  
Quam tanquam cognoscat, equo descendit, eumque  
Pronus adoravit, cunctis mirantibus, illum  
Impendisse homini decus, unum quod sibi pridem  
Jusserat impendi, tunc rex legione sequentum  
Exclusa, paucis intrat comitantibus urbem,  
Vers. 560.

#### VARIÆ LECTIONES.

<sup>46</sup> armiger. <sup>47</sup> placitumque. <sup>48</sup> objicitur. <sup>49</sup> Quam fuit immensa. <sup>50</sup> Occubuit. <sup>51</sup> consistit. <sup>52</sup> exira  
<sup>53</sup> lambebat. <sup>54</sup> potuisse. <sup>55</sup> superasque recessit.

Et quod ab Hebræis monitus fuit, obtulit illic  
Pacifica, et multo ditavit munere templum,

A Jamque valesciens indulto Marte beatæ  
Urbis perpetuo donavit munere cives.

### ARGUMENTUM LIBRI SECUNDI.

*Præparat ad pugnam Darius Persasque secundus,  
Scribit Alexandro Darius, populumque recenset,  
At Macedo fatale jugum mucrone resolvit,  
Seque sibi recipit, morbum curante Philipp  
Stant hinc inde acies, Cilicum conclusa jugosis  
Faucibus, injusti Sisenem premit alea fati.  
Spernitur a Persis ducibus, licet utile docti  
Consilium Thymodis plucuit committere fati.  
Omne simul robur, socios hortatur ad arma  
Acer uterque ducum, plaudentibus assonat aer*<sup>56</sup>.

## LIBER SECUNDUS

Ultorem magnum patriæ, jam fata minantem,  
Nuntia Persarum discurrens fama per urbes,  
Desidiæ torpore gravis, luxuque soluti,  
Terrifico strepitu Darii concusserat aures,  
Qui licet imperio major, munitior armis,  
Obsequiis<sup>57</sup> regum, pretioso ditior ære,  
Viribus excedens, ævo maturior esset  
Bellatore novo; tamen experientia Martis,  
Qua desuetus erat, et pax diuturna labantes  
Impulerant regis animos, ut in omnibus esset  
Inferior duce, quo poterat præstantior esse,  
Si mens tanta foret pugnandi quanta facultas,  
Ne depressa<sup>58</sup> tamen errore, minusque rigoris<sup>59</sup>  
Regia majestas videatur habere, superbo  
Intonat ore minas Darius, gentesque subactas  
Colligit in castris, cujus per regna volante  
Ocius edicto, ruit omnis in arma juventus.

Interea a Dario, ne nil fecisse videri  
Possit, Alexandro legatur epistola talis:  
Rex regum Darius, consanguineusque deorum  
Scribit Alexandro famulo. Licet indole clarus,  
Parce puer teneris et adhuc creseentibus annis,  
Non est apta legi, quæ non maturuit arbos,  
Quos tibi sumpsisti, temerarius exue cultus  
Armorum, et castæ gremio te redde parentis,  
Quæque tuæ potius ætati congrua, misi  
Lora tibi, toretemque pilam. sorulosque capaces  
In sumptus comitum, fomenta viæque levamen;  
At si tanta tuum vexat vesania pectus<sup>60</sup>  
Ut paci lites, et amico præferat hostem:  
Non equites, verum furiosa mente clientes  
Emittam, qui te correptum verberare, duris  
Affligant pœnis: tenebrisque perennibus abiant<sup>61</sup>.  
Frendit Alexander modice turbatus, eisque  
Vers. 603.

B Qui sibi detulerant Meli mandata tyranni,  
Procincte subicit: Meliusque interpretor, inquit,  
Et magis egregie vestri munuscula regis;  
Forma rotunda pilæ sphæram speciemque rotundi  
Quem mihi subjiciam, pulchre determinat orbis.  
His in subjectos mihi Persas utar habenis  
Cum victor Darii veteres effregero gazas:  
Sic ait, et formæ regalis imagine ceris  
Impressa, vario legatos munere donat.

At Darius quamvis, fama mediante, recepto  
Memnonis excessu labefacto pectore nutet,  
Aspera fortunæ tamen in contraria torquens<sup>62</sup>  
Conclusus procerum serie, peditumque catervis  
Tendit ad Euphraten, ubi tot radiantibus auro  
Gentibus explicit, diffusis æquore vasto,  
C Tot populis vires dedit in commune videndas:  
Elatusque animo vallum circumdedit, unde  
Primo sole locum feriente, recensuit omnes,  
Xerxis ad exemplum, donec, nascentibus astris,  
Noctivagæ<sup>63</sup> Phœbes præcederet Hesperus ortum.  
Egreditur vallo, viridesque effusa per agros  
Infinita phalanx, numerumque recognita vincit,  
Spargitur, et speciem majoris copia complet<sup>64</sup>;  
Sic ubi balantes ad pascua veris ituræ  
Ut totidem reddat pastor, quot fudit<sup>65</sup> ovile  
Mane novo, numerantur oves, quas anxia sortis,  
Ne minuat numerum lupus, upilione sinistro,  
Capripedi Fauno commendat sedula Baucis.  
At prior in Magnum Darii congressus, et acris  
D Pugna, sub illustri adversæ, duce Memnone, partis,  
Millia nobilium tenuit sexcenta virorum,  
Quos licet inferior numero, sed fortior armis  
Fudit Alexander, expugnatamque suorum  
Viribus intravit Midæ prædixit aulam  
Vers. 642.

### VARIÆ LECTIONES.

<sup>56</sup> æther. <sup>57</sup> obsequio. <sup>58</sup> devrensa. <sup>59</sup> vigoris. <sup>60</sup> tuam vesania mentem. <sup>61</sup> addant. <sup>62</sup> vertens. <sup>63</sup> Mon-  
tivaga. <sup>64</sup> præbet <sup>65</sup> iundi.

Gordicum veteres, Sardis dixerunt *minores* <sup>66</sup>.  
 Hic Asiam refluis undarum cursibus aretant  
 Faucibus angustis gemini confinia Ponti,  
 Hic ab utroque mari distans Sangarius æque  
 Littoribus tamen alternis, communicat undas.  
 Hic Jovis in templo Midæ patris alta corusca.  
 Plastra, jugumque vetus Asiæ fatale, sed ejus  
 Funicibus inter se subeuntibus <sup>67</sup> arte latent  
 Complaisque iterum, spatio tempore nemo  
 Vel reperire caput poterat, vel solvere nodos;  
 Certa fides, urbis ita disposuisse tenacem  
 Fatorum seriem, qui vincula solveret, illum  
 Regno totius Asiæ debere potiri.  
 Movit Alexandrum supplendi fata cupido,  
 Extollensque jugum, nexus dissolvere tentat,  
 Luctatusque brevi dum se contendere frustra  
 Conspicit, astantes ne triste retunderet <sup>68</sup> omen:  
 Quid refert, inquit, proceres <sup>69</sup>, qua scilicet arte  
 Quoque modo tacite pateant ænigmata sortis?  
 Dixit, et arrepto nodos mucrone recidit.  
 Unde vel elusit sortem, vel sorte recludit <sup>70</sup>.  
 Hinc venit Ancyram, missis qui Marte redundant  
 Cappadocum gentes, quibus in sua jura redactis,  
 Mane iter accelerat Macedo, spatioque dici  
 Unius, stadia rapidis <sup>71</sup> quingenta peregit  
 Gressibus, accelerans pavidum prævertere regem,  
 Quippe graves aditus Asiæ, faucesque locorum  
 Angustas metuens, Cilicum jam plana tenenti  
 Obvius ire parat Dario, qui primus Eoo  
 Cum sol roriflua stillaret lampade, castra  
 Movit ab Euphrate <sup>72</sup>, lituis cava saxa resultant,  
 Respondent valles, ictusque fragoribus aer  
 Ingeminat strepitus, agitantque tonitrua nubes.  
 Hic fragor in castris; sed et hic erat agminis ordo.  
 Ignem quem Persæ sacrum, æternumque vocabant,  
 Axibus auratis argentea prætulit ara:  
 Alba, Jovis currus, series ducebat equorum;  
 Cælatasque decem gemmis, auroque quadrigas  
 Tam cultu variæ, quam lingua et moribus, uno  
 Agmine bis sensæ comitantur in ordine gentes.  
 Quosque immortales mentitur opinio vulgi,  
 Mille fere decies plaustri auroque feruntur:  
 At consanguinei regis, muliebriter omnes  
 Millia prætextis ter quinque feruntur amicti.  
 Mole gravi, medius radiis stellantibus auro,  
 Invehitur Darius curru, quem stipat utrinque  
 Effligies numerosa Deum, quem prælicat ardor  
 Gemmarum, et luxus opulentiæ barbara regum <sup>73</sup>.  
 Desuper ardentis fervorem temperat æstus  
 Fictilis aurata pendens Jovis armiger ala <sup>74</sup>,  
 Hunc hastata decem præcedunt millia, quorum  
 Aurum cuspis habet, argentea candet arundo,  
 Præterea Darius præclaros sanguine reges  
 Contiguos lateri præceperat ire ducentos.

Vers. 696.

A Neve sit in promptu Danaïs penetrare tribunal  
 Regis, munitis peditum præstantibus armis  
 Clauditur extremum ter denis millibus agmen:  
 Subsequitur Medi plenus genitrice tyranni  
 Currus, et uxor adest, natique, et tota supellex  
 Regia, pellicibus totidem, sub pondere tanto  
 Quinquaginta fere suspirant plastra vehendis.  
 Moris erat Persis ducibus, tunc temporis omnem  
 Ducere in arma domum, cum tolli signa juberent.  
 Sexcentis sequitur invecta pecunia mulis,  
 Tercentumque onerat dorso surgente camelos.  
 Plurimus hoc agmen centenis millibus ambit  
 Funditor, et levibus fundæ jaculator habenis:  
 Ultima procedit levis armatura virorum  
 Excedens numerum, pedibusque attritus et axe,  
 B Aurea pulvereus involvit sidera turbo.

Interea Macedo profugis vastantibus arva  
 Ciliciæ deserta videns, rapit agmina ductor  
 Ad loca, quæ Cyri dixerunt castra priores,  
 Præmissis igitur, duce Parmenione, catervis,  
 Tarsum seminecem Persarum servat ab igne;  
 Hic, ut scripta ferunt, illustri claruit ortu,  
 Per quem præcipue cæcis, errore subacto  
 Genibus emeris radius, fideique lucerna;  
 Purus et illimis, mediam perlabitur urbem  
 Cydnus, qui gelidos haurit de fontibus amnes,  
 Contentus sese est, nullasque aliunde ruentis  
 Admittit torrentis aquas, sed gurgite ludit  
 Calculus, et refugo lapsu lascivit arena;

C Hic primum didicit Magnus durare salutem  
 Nulli continuam, sed mista adversa secundis <sup>75</sup>,  
 Impulsi hic regem vis præsumptiva superbum,  
 Quæ potuit potius laudis jactantia dici.  
 Ergo cum casu luctari fata videres,  
 Quæque aspirabat cœptis, sors prospera, paulo  
 Substitit, et Macedum spem desperare coegit.

Æstus erat, medius cum sole tenente Leonem  
 Julius arderet, medioque sub axe diei  
 Arida Ciliciæ, siderat <sup>76</sup> vapor igneus arva,  
 Perfusus Macedo sudore et pulvere, membra,  
 Temperie fluvii captus, specieque liquoris,  
 Corpore adhuc calido subjectia insilit undis;  
 Horruit extemplo gelido perfusa liquore  
 Tota viri moles, ubi non invenit apertas

D Spiritus hic venas corpusque reliquit inane  
 Frigore, vitalis calor interclusus, aquarum;  
 Fluctuat afflictus rex, exanimisque suorum  
 Extrahitur manibus, oritur per castra tumultus  
 Flebilis, et Graium ruit in lamenta juventus:

Flos juvenum Macedo, quis te impetus interami-

cos

Nudum, quis casus inopina morte subegit?

Improba mobilior folio fortuna caduco,

Tigribus asperior, diris immittior <sup>77</sup> hydris

Vers. 749.

#### VARIÆ LECTIONES.

<sup>66</sup> moaerni. <sup>67</sup> coeuntibus. <sup>68</sup> reverberet. <sup>69</sup> socii. <sup>70</sup> resolvit. <sup>71</sup> Virg. *Liminaque laurusque*. <sup>72</sup> Brevis ante liq. producitur *Cravis*. <sup>73</sup> regem. <sup>74</sup> aliger. <sup>75</sup> in ms. altero, sequentes duo versus omitti. <sup>76</sup> fudit. <sup>77</sup> inimicior.

Tisiphone horridior, monstroque cruentior omni.  
Cur metis ante diem florentes principis annos?  
Hactenus exstiteras mater, quis te impulit illi  
Velle novercari? quem promissum sibi regem  
Mundus adoptabat? Sed quis manet exitus illos,  
Optime rex, quibus a patria tua castra secutis  
Non licet in patriam, loca per deserta reverti?  
Nunquid nos sine te medios mittemur in hostes?  
Sed quis dignus erit tanto succedere regi?

Audiit hæc, ut forte rotam volvendo fatiscens  
Cæca sedebat humi Fortuna, animamque resumens  
Surgit, et Argolicos, subridens ore sereno,  
Incepat usque metus, et secum pauca susurrat:  
Inscia mens hominum quanta caligine fati  
Pressa jacet! quæ me toties injusta lacessit,  
Jus reliquis proprium licet exercere deabus,  
Me solam excipiant, quæ dum bona confero, magnis  
Laudibus extollor<sup>78</sup>, si quando retraxero rebus  
Imperiosa manum, rea criminis arguor, ac si  
Naturæ stabilis sub conditione teneri  
Possem, si semper apud omnes una manerem  
Aut eadem, jam non merito fortuna vocarer;  
Lex mihi naturæ posita est sine lege moveri,  
Solaque mobilitas stabilem facit. Hæc ubi dicta,  
Liberior regis jam morbida membra revisit  
Spiritus, et solitos paulisper habere meatus  
Cœpit, sed nimius urebat viscera morbus;  
Qui tamen attollens erecto lumine vultum:  
Ergo, ait, in castris victum sine Marte cruentus  
Victor Alexandrum capiet<sup>79</sup>? nam proximus hostis  
Non medicos segnes, non eritica tempora morbi,  
Expectare sinit, spoliis ululabit adeptis  
Hostica barbaries, at rex inglorius exsul,  
Nudus in hostili, sine laude, jacebit arena.  
Si tamen in medicis est, ut reparare salutem  
Arte queant medica, faveat medicina, sciantque  
Me non tam spatium vitæ, quam quærere belli:  
Nec tam mortis agit me, quam dilatio Martis.  
Nam licet æger adhuc, si saltem stare meorum  
Ante aciem potero, cursu fugitiva rapaci  
Terga dabunt Persæ, Danaique sequenter ovantes  
Impetus hic regis, præcepsque libido cohortes  
Moverat ancipites, ne festinatio curæ  
Augeret morbum, sed enim spondente Philippo  
Qui comes est a patre datus custosque salutis,  
Tres rutili reditus Phæbi tamen anxius ægre  
Expectat, morbi que fugam reditumque salutis;  
Hic præmissa ducis perturbat epistola regem,  
Quæ medicum damnat, auro lædæque sororis  
Corruptum a Dario. Jam tertia sparserat ignes  
Explicuit tenebris rutilos aurora per orbem.  
Cogitur insontis hausturus pocula ductor  
De medici dubitare fide, sed potio postquam  
Exhausta est, chartam dextra nutante legendam  
Porrigit Archigeni, quam dum legit ille, legentis  
Nulla notare potest in vultu signa timoris.

Vers. 803.

A Atque ita subridens: Bone rex, exciue timorem,  
Laxa animum curis, sine<sup>80</sup> vim medicaminis hujus  
In venas recipi; qui me tibi detulit (audi)  
Aut ut sic pereas, reliquis ardentius optat  
Sedulus, aut nostra marcescit lividus arte,  
(Verius ut fatear) aut in tua damna protervit,  
Qui notat innocuum sceleris, qui proditionis  
Arguit insontem, merito non creditur insons.  
Nam reus unde reum se noverit, illud acerbe  
Objiciet, sic injuste quauoque ligatur  
Justus, et injustos absolvit curia mendax.

Hæc ubi dicta, metum jubet evanescere regis  
Ergo ubi transmissum medicamen adintima, venas  
Imbuit, emeriti perierunt semina morbi.

B Exhilarat vultum color, et pallore percempto,  
Emergit facies niveo liquefacta rubore;  
Mens redit, et virtus rediviva renascitur intus,  
Concurrunt proceres, avidi spectare Philippum  
Illius injiciunt jucundi brachia collo,  
Huncque Patrem patriæ, servatoremque salutant;  
Rex cum sol rutilo radiaret crastinus axe,  
Insigni provectus<sup>81</sup> equo, per castra videndum  
Se dedit, et pavidis excussit mentibus omnem  
Segnitiam, vultuque suos ac voce refecit.  
Inde ubi finitimas exercitus obruit urbes,  
Et sacra pro dubia, quæ voverat ante, salute  
Persolvit superis; ferratos mœnibus Issi  
Applicuit cuneos, ubi Parmenio venienti  
Occurrens, urbi desertæ a civibus infert.

C Quæritur hic inter proceres, an debeat ultra  
Extendi bellis acies, potiusne sit hostis  
Opperiendus ibi? placuit sententia tandem  
Hæc potior ducibus, inter montana jugosis  
Faucibus, hic fatis committere robur utrumque<sup>82</sup>,  
Quippe pares illic acies utriusque tyranni  
Parmenio censet, angusta valle, futuras.  
At Sisenes, quia rem tacite suppresserat, auro  
Creditur a Dario furtim corruptus, eumque  
Mors injusta ferit, non ignorante tyranno.

Jamque superveniens Græcis equitatus ab oris,  
Exsilio comitante fugam, duce<sup>83</sup> Thymode, castris  
Infertur Darii, regique salubre propinans  
Consilium suadet, ut, dum licet, axe citato  
Obliquum retro flectat iter, cursuque volacri

D Pulvereo repetat spatiosos æquore campos:  
Aut si degenerem pudeat retrocedere regem  
Converso ne forte gradu vertatur in omem  
Triste suis, saltem gazas, et pondera belli  
Dividat in partes, ut si fortuna, quod absit!  
Faverit Argolicis in primo Marte, supersit  
Copia, quoque<sup>84</sup> recens ruat in discrimina pules;  
Non mediocris enim furor est exponere bellis,  
Uno, velle semel fortunæ cuncta, sub ictu.  
Utile consilium dederat, sed inutile visum est  
Principibus Persis, quorum prævertere regem  
Mens erat, ut merita deleret<sup>85</sup> morte Quiritis  
Vers. 864.

#### VARIÆ LECTIONES.

<sup>78</sup> attollor. <sup>79</sup> rapiet. <sup>80</sup> a curis. <sup>81</sup> provectus. <sup>82</sup> utrinque. <sup>83</sup> quæque. <sup>84</sup> damnaret.



Conductos, etenim gazas dispergere Græcos  
Velle putant, ut sic spollis et rebus onusti  
Ad regem Macedum redeant, pacemque reforment.

Rex, ut mitis erat, satis ac tractabilis, aures  
Obstruit his monitis, et pectore saucius: Absit!  
O proceres, ait, ut nostro dominetur in ævo  
Dedecus hoc, perdamne viros mea castra secutos<sup>88</sup>  
Castra fidemque meam? nunquam tam sæva seve-  
[ros,

Jamque senescentes, infamia polluat annos;  
Sic ait, et grates referens absolvit Achivos,  
Sed regredi regem, profugus ne forte putetur,  
Dedecori ascribit, jamjam committere bellum  
Ardet, et angustus inter decernere montes,  
De gaza primo desinit, eoque jubente  
Maxima cum cuneis pars est transvecta Damascusum,  
More tamen veterum servato, regia conjux  
Et soror, et proles, in castris fata sequuntur.  
Certus abhinc Darius, cum posterus exeret orbem  
Luciferum Titan regum concurrere vires,  
Ascendit tumulum, modico qui coile tumebat,  
Castrorum medius, patulis ubi frondea ramis  
Laurus odoriferas celabat crinibus silvas;  
Sæpe sub hac memorant carmen silvestre canentes  
Nympharum vidisse choros, Satyrosque procaces.  
Fons cadit a læva, quem cespite gramen obumbrat  
Purpureo, verisque latens sub veste jocatur

Rivulus, et lento rigat inferiora<sup>89</sup> meatu  
Garrulus, et strepitu facit obsurdescere montes.  
Hic mater Cybele, Zephyrum tibi Flora maritans  
Pullulat, et vallem secundat gratia fontis;  
Qualiter Alpinis spumoso vertice saxis  
Descendit Rhodanus, ubi Maximianus Eoos  
Exstinxit cuneos, cum sanguinis unda meatum  
Fluminis adjuvit fusa legione virorum  
Permistusque cruor erupit in æthera, spreto  
Aggere terrarum, totumque rigavit Agaunum.  
Hinc ad suppositas vulgi procerumque cohortes  
Pacifici Darius obliquans luminis orbem,  
Accitis ducibus prius, in discrimen ituros  
Segregat in partes, demum sic orsus, adultas  
Ore pio spirante preces, soloque mereri  
Debit aspectu, facies matura favorem.  
Hæredes superum Persæ, gens unica bello.  
Cui genus a prisci descendit origine Beli,  
Qui primus meruit venerandus imagine dia  
Inter cœlicolas solio stellante locari,  
Solvite corda metu<sup>90</sup>, furor est, pugnamque vocari  
Dedecet, in Dominum cum servus abutitur armis;  
Ultio, non bellum est, servos ubi sceptrâ rebelles  
Corrumpunt, captosque domant, patriamque tuentur;  
Ille puer spurcius regni moderamen adeptus  
Cuncta sibi cessura ratus, fervore juventæ  
Ducitur, et casus ruit improvisus in omnes,  
Et pugnando mori mavult, quam cedere victus,

Vers. 914.

A Et jam spe vacuus, animo lentescit inani,  
Damnorumque memor, quæ Granicus intulit am-  
[nis,

Incipit afflictis partim diffidere rebus,  
Proh pudor! in rerum dominos quibus omne meta-  
[lum

Servit, servi inopes, pauci, sine viribus audent.  
Scire velim Macedo, quibus, inspirante Megæra,  
Artibus, illius Cyri te posse potiri  
Imperio jactas? cui Lydia, Cræsus et omnes  
Curvavere genu quocunque sub axe tyranni.  
Qui licet extinctus, me successore, superstes  
Regnat, et in vivo vivit fortuna sepulti.  
Si veterum monumenta manent; si mente recordor  
Scripta patrum memori, quis nos a stirpe gigan-  
[tum

Ignoret duxisse genus? quis bella deorum,  
Quis coctum laterem, structamque bitumine turrim  
Nesciat a proavis? magna que quis immemor urbis  
Cui dedit æternum labii confusio nomen?  
Ergo agite, o proceres, patrium revocate vigorem,  
Pro patria state, et patriæ titulis, et honori  
Invigilate, decet: ne pauper et advena victor  
Conculcet pedibus veterum<sup>91</sup> monumenta paren-  
[tum,

At si quem vestrum, quod abominor, improbus ho-  
[stis

Excutiat campo, profugumque per arva fatiget,  
Si mihi, si patriæ, si civibus arma negatis,  
C Uxores saltem, ac nati, quos hostica clades  
Obteret<sup>92</sup> in castris moneant in castra<sup>93</sup> reverti.  
Non tamen id vereor quin jam victoria Persis  
Applaudat ducibus, etenim ludente<sup>94</sup> favilla  
Ardere in somnis Macedum tentoria vidi,  
Vesanumque ducem ritu Babylonis amictum,  
Purpureo luxu subevantem mœnibus urbis  
Ad me perlatum, dehinc evanescere raptum.  
Quid moror? æternum testor jubar, aurea solis  
Lumina, cui dedimus nostris in finibus ortum,  
Hostis erit quicumque fugæ laxabit habenas.

Plura locuturo celeri pede nuntius affert,  
Descruisse locum Græcos, pavidasque cohortes  
Consuluisse fugæ, jam per compendia saltus  
Ad pelagus rapuisse gradum, perque ardua rupis  
D Præcipitasse viam, mollem sic principis aurem  
Pascit adulator, fluitat percussus inani  
Lætitia, damnatque moras. Exercitus ergo  
Flumine transmisso per saxa, per invia<sup>95</sup> raptim  
Quærit iter, profugumque parat prævertere regem.  
Quo ruitis, peritura cqbors<sup>96</sup>? juvenemne putatis  
Invictum fugere hunc, qui quovis crimine credit  
Turpius esse fugam? qui ne fugiatis inertes,  
Hoc solum metuit, etenim si forte daretur  
Optio talis ei, fugiens an vincere mallet  
Quam vinci a profugis, hostique resistere victus?  
Vers. 964.

#### VARIÆ LECTIONES.

<sup>88</sup> sequentes. <sup>89</sup> interiora. <sup>90</sup> corde metum. <sup>91</sup> terram et. <sup>92</sup> obruet. <sup>93</sup> bella. <sup>94</sup> plaudente. <sup>95</sup> avia.  
<sup>96</sup> manus.

Forsitan ambigeret, utrum minus esset honori.

Jam Chaldaea cohors, Isson festina propinquans  
 Proditur excubiis, auri lapidumque nitore  
 Fulgurat armorum series, graditurque rapaci  
 Turbine, pulverco furata volumine solem.  
 Providus aerea currens speculator ab arce  
 Nuntiat Argolicos, Babylonis adesse tyrannum,  
 Et genus omne hominum : vix credere sustinet ille,  
 Quem belli mora sola movet, prior ergo manipulis  
 Intonat : Arma, arma, o Danaï, prior urbe relicta  
 Ruminat in Persas, sequitur galeata juvenus.  
 Sic ruit in prædam jejuna fauce Lycaon,  
 Cujus opem sicco mendicat ab ubere pendens  
 Vagitus prolis, tandemque impegit in agros  
 Cædis amica fames, vacuis concepta sub antris.  
 Stat pecus attonitum, quod nec fugere audet, et ipsum  
 Si fugiat, nemoris alios incurret hiatus.  
 Copula diripitur canibus, quos ore canoro,  
 Et baculo, et palmis irritat ab aggeræ pastor ;  
 Haud aliter Macedum rex debæchatur in illam  
 Barbariem, quæ nunc profugum pavitare ferebat,  
 Illos ubi discretis acies adversa catervis  
 Aspicit in bellum subito prodire volatu.  
 Spem sibi mentitam metuens, in prælia mente  
 Consternata ruit, sed vox et in arma iumentum  
 Impetus, et discors exercitus agmina turbat.  
 Quippe viæ <sup>96</sup> potius, quam bello, hostique terendo  
 Aptus erat miles, Darius tamen agmine rursus  
 Disposito, caute secum deliberat, hostem  
 Milite consulto vi circumcingere multa,  
 Utile propositum <sup>97</sup> regique suisque salubre  
 Quod ratus est, verum ratione potentior omni  
 Discussit fortuna proca, quæ sola tuetur  
 Tuta, gravata levat, quassat rata, fœdera rumpit.  
 Infirmat firmum, fixum movet, ardua frangit.  
 Jam Macedum series cuncto stabilita tenore,  
 Inque acies distincta suas, montana tenebat :  
 Rex stabilem peditem tanquam insuperabile vallum  
 Opposuit Persis, in prima fronte, phalangem ;  
 In cornu dextro præfecti jura \* *Nicanor*  
 Parmenionis habet, illi Ptolomæus, Amyntas,  
 Perdiccas, Cœnus, Clytus et Melcager adhærent,  
 Unusquisque sui dux agminis, at tibi lævum  
 Commissum est cornu, qui nulli Marte secundus  
 Parmenio, sequitur *Craterus generosus* eisque  
 Jungitur Antigonus et turbidus ense *Philotas*.

Hospitius expositus ante omnia signa suorum  
 Cornipedem vexans in dextro Marte coruscat  
 Casside flammanti, gladioque tremendus, et hasta,  
 Armipotens Macedo, lateri junctissimus hæret  
 Consciens arcani <sup>98</sup> studio par regis et ævo,  
 Sed longe rosea præstans Hephæstio forma,  
 Præcedens igitur hilaris vexilla Quiritum,  
 Præfectos prece sollicitat, blanditur amice,  
 Consolidat dubios, animos audentibus auget,  
 Errantes reprimit, sparsasque recolligit alas,  
 Vers. 1020.

A Spe libertatis servos, tenues, et avaros  
 Invitat pretio, lente gradientibus hasta  
 Innuit, ut properent, nunc hos, nunc circuit illos ;  
 Nunc arcus tractare <sup>97</sup> monet, nunc fundere glandes,  
 Si procul insistant acies, nunc hoste propinquo  
 Rem gladio peragant <sup>98</sup>, nunc quærant fata bi-

[penni,

Dumque gradus inhibent, hæc illis pauca profatur :

Martia progenies, quorum ditione teneri  
 Legibus astringi, totus desiderat orbis,  
 Ecce dies optata, parat qua provida nobis  
 S. Ivere promissum toties fortuna triumphum,  
 Cujus in Europa dudum præludia sensi  
 Cum genus Aonidum, totamque a sedibus urbem  
 Delestis, soloque metu domuistis Athenas ;  
 B Cernitis imbelles auro fulgere catervas,  
 Cernitis ut gemmis agmen muliebre coruscet?  
 Prætendunt prædæ plus, quam discriminis; aurum  
 Vincendum est ferro, tantum didicere minari  
 Deliciæ <sup>99</sup> molles, gladios et vulnus abhorrent.

Lethifer illorum scrutatus viscera mucro  
 Cum semel hostili resperserit arva cruore,  
 Per saltus per saxa fugæ divortia quærent.  
 Quanta mei vobis sit cura, probare licebit  
 Cum gladios hebetes, fractos cum videro, quassos  
 Ictibus umbones; ferientis dextera mentis  
 Exprimet affectum, tantum sub pectore vobis  
 Charus Alexander, quantum permiserit ensis.  
 Vincite jam victos, gladio qui parcat in hostem,

C Ipse sibi est hostis. Vitam qui prorogat hosti,  
 Derogat ille suæ, non est clementia, bello  
 Hostibus esse pium; gravis est sibi, dignaque cædi  
 Cædis parca manus, segnes incurrere mortem,  
 Dum pavitant, audent, sed non occurrere morti;  
 A Persis ducibus quoties illata Pelasgis  
 Mentibus occurrunt injuria, prælia, cædes,  
 Creditis esse satis patrum luere acta nepotes  
 Plurimus in pœnas populus non sufficit iste.  
 Europæ strages, Asiæ pensabo ruinis :

Media cum Dario Xerxis commissa piabit.  
 Me duce signa duces producite, me duce vallam  
 Sternite, confertos incedite cæde per hostes.  
 Prælia non spoliū mecum discernite, cedant  
 Præmia præda meis, mihi gloria sufficit una :

D Rem vobis, mihi nomen amo. Sic fatur, et ecce  
 Concurrent acies; Persæ, clamore soluto,  
 Horrisonis vexant tenues ululatibus auras,  
 Classica terrifico dstringunt arva boatu,  
 Fit sonus utrinque, et lituis illiditur aer,  
 Et referunt raucos montana cacumina cætus,  
 Quæque sonos iterat purum sine corpore nomen  
 Responsura fuit nunquam tot vocibus Echo ;  
 Arma tamen Darii multo sudore fabrili  
 Parta micant, referuntque virum monumenta prio-

[rum,

Æmulus ad litem, jubar insuperabile solis

Vers. 1072.

#### VARIE LECTIONES.

<sup>96</sup> fuga. <sup>97</sup> consilium. <sup>98</sup> arcans. <sup>97</sup> tentare. <sup>98</sup> gerere nunc quærere. <sup>99</sup> Divitiæ.

Invitat clypeus, septeno fusilis orbe,  
 Fulget origo patrum Darii, gentisque profanus  
 Ordo Gigantæ, quorum sub principe Memrot,  
 Sennaar in campo videas concurrere fratres  
 Terrigenas, ubi diluvii dum fata retractant,  
 Coctile surgit opus, sermo prior omnibus unus,  
 Scinditur in varias, dictu mirabile, linguas;  
 Parte micans alia sacram molitur ad urbem  
 Rex Chaldæus iter, fulgent insignia patrum  
 Prælia, et Hebræa celebres de gente triumphi,  
 Victoris sequitur dejecto lumine currum  
*Intercepta* <sup>100</sup> tribus, muris temploque redactis  
 In plauum, hostilis infertur mœnibus urbis  
 Privatus solio, gemina cum luce, tyrannus;  
 Ne tamen obscurant veterum præconia regum  
 Quorundam maculæ, sculptoris dextera magnam  
 Præterit seriem, quam præmittere visum est;  
 Inter tot memoranda ducum, regumque triumphos,  
 Agresti victu pastum, et fluvialibus undis  
 Turpe fuit regem versa mugire figura,  
 Rursus in effigiem sensu redeunte priorem.  
 Præterit vixisse patrem, quem filius amens  
 Ne nunquam solus patria regnaret in urbe  
 Consilio Joachim, proh dedecus! alite diro

A Membratim lacerum sparsisse per avia fertur,  
 Ultima pars clypei, Persarum nobile regnum  
 Inchoat, in sacro libantem Balthasar auro,  
 Scribentisque manum, conversaque fata notantis  
 Aspicias, cujus occultum ænigma resolvit  
 Vir Desiderij, sed totum circuit orbem  
 Atque oras ambit clypei celeberrima Cyri  
 Historia: a tanto superari principe gaudet  
 Lydia, et ambiguo deceptus Apolline Cræsus.  
 Ausa tamen Tomyris belli tentare tumultus,  
 Viribus opponit vires, belloque retundit,  
 Infractum bellis, et iniquo sidere mergit  
 Tot titulis illustre caput, proh gloria fallax  
 Imperii! proh quanta patent ludibria sortis  
 Humanæ! Cyrum terræ pelagique potentem,  
 Delicias orbis, quem summo culmine rerum  
 B Extulerat virtus, quem fama locarat in astyis,  
 Qui rector, composque sui, qui totus et unus  
 Malleus orbis erat, imbellis femina fregit,  
 Parcite mortales animos atollere <sup>1</sup> fastu,  
 Collatis opibus, aspernarique minores,  
 Parcite victores ingrati vivere summo  
 Victori, vires, sceptrum, diadema, triumphos,  
 Divitias, dare qui potuit, auferre valebit.

### ARGUMENTUM LIBRI TERTII.

*Tertius arma cavit, populosque in fata ruentes,  
 Vincuntur Persæ, Darii pretiosa supellex  
 Diripitur, soror et mater capiuntur, et uxor,  
 Septennisque puer; capta Sidone, Tyroque  
 Funditus eversa, magno discrimine Gaza  
 Vincitur, et Lybicus a paucis vincitur Hammon.  
 Præterea Darius reparato robore, rursus  
 Major in arma ruit, fit seditionis origo  
 In castris Macedum, lunæ defectus, et ecce  
 Consulti vates, duro de tempore tractant.*

### LIBER TERTIUS.

Jam fragor armorum jam strages bellica vincit  
 Clangorem lituum, subtexunt astra sagittæ,  
 Missiliumque frequens obnubilat aera nimbus:  
 Primus in oppositos, prætenta cuspide, Persas  
 Ocuis emisso, tormenti turbine, saxo  
 Torquet equum Macedo, qua confertissima regum  
 Auro scuta micant, ubi plurima gemma superbis  
 Scintillat galeis, qua (formidabile visu)  
 Aurivomis patulas absorbens faucibus auras  
 Igniti Dario præfertur forma draconis.  
 Quærentique ducem quem primo vulnere dignum  
 Obruat, obijcitur Syriæ præfectus Arettas  
 Vers. 1145.

C Cujus ab aurata volitans ac pendulus hasta  
 Vindicat astra leo, galeam carbunculus u. it,  
 Primus Alexandri tremebundo trajicit ictu  
 Chaldæus clypeum, sed fraxinus asseris æretum  
 Non patiens <sup>2</sup> aditum, fracto crepat arida ligno,  
 Gnaviter occurrens ferro Pellæus Arettæ  
 Dissipat umbonem, qua barbara bulla d'escit  
 Principis in clypeo, nec eo contenta trificis  
 Loricæ *diffringit* <sup>3</sup> opus cordisque vagatur  
 Per latebras, animamque bibit lethalis a undo.  
 Occidit occisus, largoque foramine manans  
 Purpurat arva cruro: regem clamore fatetur  
 Vers. 1155.

#### VARIÆ LECTIONES.

<sup>100</sup> captivata. <sup>1</sup> extollere. <sup>2</sup> formidans. <sup>3</sup> dissarcit.

Alfsono vicisse suum, primumque tulisse  
 Primitias belli, faustum sibi prædicat omen  
 Græca phalanx, lætosque ferunt ad sidera plausus  
 Densantur cunei, Clytus et Ptolomæus in armis  
 Conspicui, tanta levitate feruntur in hostes  
 In tauros quantum <sup>4</sup> geminos rapit <sup>5</sup> ira leones  
 Quos stimulat jejuna fames, causamque furoris  
 Adjuvat, excussæ gravis obliquatio caudæ.  
 Hic Ptolomæus equo, partum Dodanta supinat  
 Tempora transfixum, cerebroque fluente gementem,  
 At conto Clytus Artophilon evertere tentat,  
 Inque vicem sese feriunt, clypeisque retusa  
 Utraque dissiluit obtuso lancea ferro.

Quadrupedi quadrupes, armoque opponitur armus.  
 Pectora pectoribus, orbisque retunditur orbe,  
 Thorax thorace, et gemit obruta casside cassis.  
 Nec mora poplilitibus ambo cecidere remissis  
 Vectores, vectique simul, similesque peremptis,  
 Exanimis jacuere diu; sed corpora postquam  
 Convaluere, prior reparato robore *sursum* <sup>6</sup>.  
 Inque pedes sese recipit Clytus, Artophiloque  
 Surgere conanti, solo furialiter ictu  
 Demetit ense caput, et terræ mandat humandum.  
 Præditus eloquio bello, specieque, sinistro  
 Fuderat in cornu Græcum Mazæus lollam,  
 Ulter adest agilis stricto mucrone *Philottas*,  
 Et quia Mazæum sonipes amoverat <sup>7</sup> Othim,  
 Cominus aggreditur, cujus latus ense bipertit:  
 Interea multa sudantem cæde *Philottam*  
 Hircani cingunt equites, quorum agmina rumpit  
 Impiger Antigonus, Cœnus, *Craterusque*, *furensque*  
 Parmenio, sine quo nil unquam carmine dignum  
 Gessit Alexander, sed quæ provenerit illi  
 Talio pro meritis, magis arbitror esse silendum.  
 Antigoni jacet ense Phylax, Mida cuspe Cœni,  
 Amphiloichum *Craterus sternit*, quem casside rupta  
 Abstrahit exanimem curru, jungitque ruenti  
 Automedonta suum, jam viscera rupta trahentem.

More suo ruit in Persas damnatus iniquo  
 Sidere Parmenio, cui regibus ortus Isannes,  
 Et Dimus incutiunt hastas lateri, manet ille  
 Immotus, stabilitque animus <sup>8</sup> pavitantis Orestæ,  
 Qui pedes exesæ tendebat in ardua rupis.

Hunc simul intuitus perfossum pectus Isannem  
 Sternit equo, profugumque equitem restaurat in ar-

Instantemque Dimum, raptò mucrone, lacerto,  
 Cornipedis planta terit, invalidumque relinquit:  
 Illis Agilon, his addit Elan, Arabemque Cheram-

Parte alia furit Eumenides, Persasque lacessit,  
 Nunc gladio, nunc missilibus, mucrone Diaspen  
 Dejicit, Endochii telum pulmone cruentat.  
 Disjicit ossa virum, procerum conculcat acervos.  
 Nec minus in dextro dum pugnat Marte *Nicanor*,

Vers. 4208.

A Sanguine spargit agros, humectat cædilus æquor,  
 Cui juvenis facie dives, sed ditior ortu,  
 Quippe genus claro referens a sanguine Cyri  
 Obviat Eclimus, clypeumque *Nicanoris* ictu  
 Provocat, ut laterem tecti vaga veris in ortu  
 Grando ferire solet, sed respuit aeris iram  
 Tuta domus, verum durato corde *Nicanor*  
 Irruit in facinus miserandæ cædis <sup>9</sup>, eumque,  
 Qua candens oculis aperit lorica fenestram,  
 Cuspide percellit, et lumine privat utroque.  
 Dumque per unius aditum scelus ausa cucurrit  
 Fraxinus, alterius exstinxit luminis usum;  
 Stabat in adverso discriminis agmine duri  
 Clara propago Nini, princeps *Ninivita* Negusar,  
 Doctus in objectos dubia sævire securi,  
 B Doctus et a tergo jaculis incessere fata,  
 Nunc jaculis, nunc ense furit <sup>10</sup>, nunc vero bi-

Excutiens cerebrum, jaculo perfoderat Helim  
 Actoriden, Dorylum dextro viduaverat armo,  
 Fuderat Hermogenem cæsa cervice securi,  
 Hunc ubi multimoda vastantem cæde Pelasgos  
 Intuitus stricto celer advolat ense *Philottas*,  
 Quaque super conum lucem vomit igne pyropus,  
 Pertundit galeam, sed lubrica discutit ictum:  
 Non impune tamen descendit mucro, sinistram  
 Quam sibi forte manum frontem prætenderat ante  
 Amputat: ecce parat ulcisci dextra sororem  
 Cædibus exposita, et cædis secunda, securim  
 C Librat, et astanti casum casura minatur,  
 Ereptamque sibi gemeret fortasse *Philottas*  
 Ante dies animam, sed equo prælatus Amyntas  
 Opposuit clypeum quem miro transiit <sup>11</sup> ictu  
 Machina terribilis, medioque umbone retenta est  
 Retrahere ardenti, qua jungitur ulna lacerto,  
 Ense viri instantis a pectore cæsa recessit.  
 Excitat interdum vires dolor, ille recisis  
 In bello manibus, se corpus inutile cernens,  
 Quod potuit fecit, et equo se objecit lollæ,  
 Tresque ruere simul, periit perfossum lollas,  
 Et sonipes jaculis, sed nec tibi dure Negusar  
 Missillum grando <sup>12</sup>, nec tanta ruina pepercit.  
 Jam latet herba madens, terramque cadavera ce-

D Arva natant sanie, replentur <sup>13</sup> sanguine valles,  
 Largus utrinque cruor, sed major inebriat agros  
 Persarum strages, rarescit barbarus hostis,  
 Tabescitque animo, licet infinitus, eumque  
 Pauca manus Macedum, non cessat cædere, quorum  
 Defectum nimium <sup>14</sup> fervens audacia supplet.  
 His igitur jam terga fugæ spondentibus <sup>15</sup>, instat  
 Ceu fulmen <sup>16</sup> Macedo, perque invia tela, per enses,  
 Perque globos equitum peditum stipante corona,  
 Ad Darium moderatur iter, sed contrahit agmen  
 Oxatres, Dario quo nemo propinquior ortu,

Vers. 4264.

#### VARIÆ LECTIONES.

<sup>4</sup> quanta. <sup>5</sup> premit. <sup>6</sup> rectum. <sup>7</sup> submoverat. <sup>8</sup> fugam. <sup>9</sup> sortis. <sup>10</sup> scit. <sup>11</sup> trājicit. <sup>12</sup> nimbus.  
<sup>13</sup> complentur. <sup>14</sup> numeri. <sup>15</sup> præsentibus. <sup>16</sup> fulmineus.

Hic dolor, hic gemitus, perit acris utrinque juven-  
 Involvitque ducum mors uno turbine turbam,  
 Seminat in Persas lethi genus omne, cruentas  
 Excutiens Bellona manus; gemit ille recluso  
 Guttur, trajecto jacet ille per ilia ferro:  
 Hunc *sparus exanimat* <sup>17</sup>, hunc tundit funda, per

[artus

Ille vomit saniem fractis cervicibus, illi  
 Intestina cadunt, alium sibi vindicat ensis,  
 Hic obit, hic <sup>18</sup> obiit; hic palpitat, ille quiescit.  
 Stabat ab oppositis <sup>19</sup> niveis pretiosus <sup>20</sup> in armis  
 Memphites Zoloas, quo nemo peritior astris  
 Mundanas prænosse vices, quo sidere frugis  
 Defectum patiatur ager, quis frugifer annus,  
 Unde nives producat hiems, quæ veris in ortu  
 Temperies inpinguet humum, cur ardeat æstas,  
 Quidque det autumno maturis cingier uvis,  
 Circulus an possit quadrari, an musica formet  
 Cœlestes modulos, vel quæ proportio rerum  
 Quatuor inter se, novit quis sidera septem  
 Impetus obliquo rapiat contraria mundo,  
 Quot distent a se gradibus, quæ stella nocivam  
 Impediat sævire senem, quo sidere fiat  
 Obice propitius, Martem quis temperet ignis,  
 Quam sibi quisque domum quærat, quod sidus in isto  
 Imperet hemicyclo, motus rimatur, et horas  
 Colligit, eventus hominum perpendit in astris.  
 Paiva loquor, totum claudit sub pectore cœlum;

His ergo in stellis mortem sibi fata minari  
 Contemplatus erat, sed enim quia vertere fati  
 Non poterat seriem, penetrare audebat ad ipsam  
 Rectorem Macedum, toto conamine poscens  
 A tanto cecidisse viro, vitamque perosus,  
 Mortem parturiens in prima fronte furoris  
 Occurrebat ei curruque premebat ab alto  
 Grandine missilium pertusum principis orbem,  
 Nec solum jaculis, sed voce probrisque lacessit,  
 Atque ita: Nectanebi <sup>21</sup> non inficianda propago,  
 Dedecus æternum matris, cur vulnera perdis  
 Ignavos agilians? in me converte furorem,  
 Si quid adhuc virtutis habes, me contere, cujus  
 Militiam claudit septemplicis arca Sophiæ,  
 Et caput astriferum sibi vindicat utraque laurus.  
 Motus Alexander miseretur obire volentis,  
 Ac placide subjicit: Proh monstrum! quisquis es,

[inquit,

Vive, precor, moriensque tuum ne destrue tantis  
 Artibus hospitium; nunquam mea dextera sudet,  
 Vel rubeat gladius cerebro, tam multa scienti;  
 Utiles es mundo; quis te impulit error ad amnem  
 Tendere velle Stygos, ubi nulla scientia floret?  
 Dixit, at ille <sup>22</sup> pedes terræ se mandat, eique,  
 Qua se dissocians ocream lorica relinquit <sup>23</sup>,

Vers. 1312.

A Sauciat ense femur, et dedicat arva cruore.  
 Infremuit Macedo, Zoloæque ut parcere posset,  
 Admissam procul egit equum, sic ergo remotus  
 Continuit bilem, verum Meleager in illum  
 Irruit, et Zoloæ, qua cruri tibia nubit,  
 Cædit utrumque genu, tum cætera turba jacentem  
 Comminuunt in frusta virum, stellisque reponunt.  
 Tunc vero in Darium pondus discriminis omne  
 Conversum est: quid agat? videt arva cruore suo-

[rum

Pinguia, se circa videt exanimata facere  
 Corpora tot procerum, [fugiantque quibus super ante  
 Fidebat potius <sup>24</sup>] quin viscera fusa trahentes  
 Inter equos auriga jacet, cervice recisa.  
 Dum dubitat, fugiatne pedes, seseve labore  
 B Perdere? Perdiccas Jaculum jaculatur, at illud  
 Se capiti affigit, cerebrum tamen ossa tuentur:  
 Excutitur Darius curru, nec sustinet ultra  
 Ferre aciem, turbamque pedes declinat, et inter  
 Degeneres, profugosque legit compendia saltus,  
 Donec ei sonipes oblatas ab Ausone magnum  
 Transtulit Euphraten, ac se Babylona recepit.

Hunc ubi fortunam <sup>25</sup> belli mortisque ruinam  
 Evasisse fuga sensit Mazæus, et illi  
 Quorum victoris animi excellentia nondum  
 Evelli a campo, Martisque furore sinebat  
 Extemplo turbata malis, audacia tantos  
 Destituens motus, didicit servire timori.

Inque metum converso fides, fugit agmine facta  
 C Turba ducum, partesque labant, ubi summa move-

[ta <sup>26</sup>,

Cumque caput nutat, turbam membra necesse est.  
 Cæditur a tergo populus, furit altera cædes,  
 Pro domino patriaque mori dum posset honeste,  
 Dedecoris, mortisque luem fugiendo meretur.

Jam satur ad loculum redit ensis, et ipse Pelas-

Victores victor a cæde recedere cogens,  
 Ad gazas properare jubet, rapiendaque gazæ <sup>27</sup>  
 Munera, quæ saltus jacet interclusa latebris,  
 It celer, et partas partitur partibus æquis  
 Victor opes, onerantur equi, gemit axis avarus,  
 Jam satur est, aurumque vomit summo tenus oro  
 Sacculus, et nexus refugit, spernitque ligari,  
 D Fessa legendo <sup>28</sup> manus, non est satiata legendo.  
 Quin calligæ, patulique sinus turgere docentur.

Itur in imbelles, agmen muliebre, catervas,  
 Quarum ubi marmoreo rapuere monilia collo,  
 Extorquent <sup>29</sup> torques, et in aures perdidit auris;  
 Itur in amplexus nuptiarum, virginitasque  
 Vim patitur, coit in patulo, tractatque pudenda  
 Sanguinolenta manus, coitus pars altera labem  
 Contrahit incestus, verum pars altera luget,  
 Et venit ad veniam, patientis namque reatum

Vers. 1363.

## VARIE LECTIONES.

<sup>17</sup> excerebrat. <sup>18</sup> ille. <sup>19</sup> opposito. <sup>20</sup> speciosus. <sup>21</sup> Neptanabi. <sup>22</sup> Dixerat ille. <sup>23</sup> reliquit. <sup>24</sup> Amb  
 hæc hemistichia inclusa, in altero ms. omittuntur. <sup>25</sup> urtiva. <sup>26</sup> moventur. <sup>27</sup> præda. <sup>28</sup> ligando.  
<sup>29</sup> extorti.

Vis illata levat, minuitque coactio culpam.  
 Majestate tamen salva, salvoque pudore  
 Tota domus Darii, genitrix et regia conjux  
 Et soror, et natus (tanta est clementia regis)  
 Curribus auratis in Dorica castra vehuntur.  
 Et matrem Darii sic tractat <sup>30</sup>, ut hanc sibi matrem  
 Eligat, uxori det <sup>31</sup> nomen habere sororis :  
 Septennem puerum in natum sibi mitiſ adoptet <sup>32</sup>.

Tantus enim virtutis amor tunc temporis, illo  
 Pectore regnabat, si perdurasset <sup>33</sup> in illo  
 Ille tenor, non est quo denigrare valeret  
 Crimine candentem titulis infamia famam,  
 Verum ubi regales, Persarum rebus adeptis,  
 Deliciæ posuere modum, suasitque licere  
 Illicitum et licitum, genitrix opulencia luxus,  
 Corripuit fortuna physin, cursuque retorto  
 Substitit unda prior, vitiorum cautibus hærens.  
 Qui pius ergo prius erat hostibus, hostis amicis,  
 Inpius in cædes, et bella domestica demum  
 Conversus, ratus illicitum nil esse tyranno;  
 Præterea, quis prætereat summum sibi patrem  
 Usurpasse <sup>34</sup> Jovem? nam se genitum Jove credi  
 Imperat, et credit hominem transgressa potestas,  
 Sequè hominem fastidit homo, minimumque videtur  
 Esse sibi, cum sit inter mortalia summus.

Mittitur interea cum Parmenione Damascum  
 Miles, ut a victis extorqueat urbe repostas  
 Reliquias gazæ, sed jam censebat habendas  
 Victori præfectus opes, dominoque priori  
 Proditor infidus, caute quos traderet hosti  
 Traxerat urbe suos, fortunæ namque meatu  
 Mutato, mutatus erat, sic unius uno  
 Crimine Persarum, cæsis tot millibus ipse  
 Cum reliquis cecidit, Dario solamen id unum  
 Damnorum, luctusque fuit, cum nuntius ipsum  
 Artificem sceleris afferret in agmine primo  
 Arte perisse sua, nec iniquam sustinet ultra  
 Dicere fortunam, quæ justa lance rependit  
 Sontibus interdum, prout fraus ignava meretur.  
 Hæc Dario medicina mali, sic pene malorum  
 Omnia cum quodam veniunt incommoda fructu.

Septimus accenso Phœbea lampade mundo  
 Presserat astra dies, cum rex pro more peracto  
 Funeris obsequio tendit Sidona, vetustam  
 Phœnicum gentem, quibus in sua jura redactis,  
 Ad Tyrios convertit iter, quos omne paratos  
 Martis ad examen, murique abrupta tuentes,  
 Gaudet Alexander suspecta conculca urbe,  
 Invenisse viros, tot propugnacula muris  
 Edita; dispositæ longo stant ordine turres,  
 Quæ lapidum valeant refugos eludere jactus.  
 At quacunquè aditum molitur saxea moles,  
 Adsunt obtenta <sup>35</sup> clypeorum crate clientes.  
 Plurimus hic fundit fundam jaculator, et arcum,

Vers. 1417.

A Plurima suppositis mortem ballista minatur.  
 Verum ubi longa dies afflictis civibus urbem  
 Navali modo congressu, modo Marte pedestri  
 Fregit, et appositis utrinque ad mœnia Graium  
 Navibus, hostiles dissolvit <sup>36</sup> machina muros :  
 Absque aliquo periit discrimine sexus et ætas  
 Omnis, et a nullo scelus æquo judice pensans  
 Abstinet gladius; etenim cum mœnia nondum  
 Cingeret obsidio, missos a rege Quirites  
 Paci ut consulerent, angusto in tempore cives  
 Et pace, et mediis violato fœdere juris,  
 Implicuere neci legatos, unde tyranno  
 Infensi, nec enim veniam meruere mereri,  
 In quibus et veniæ, et pacis legatio nullam  
 Invenit veniam, Macedo jubet ocios omnes

B Cladibus involvi, præter quos templa tuentur;  
 Fit fragor et planctus, crebrescit flebile murmur,  
 Aurea femineus perstringit sidera clamor,  
 Dumque in præcipiti rerum discrimine nutant,  
 Qua magis incumbit ventorum spiritus urbi,  
 Substituunt ignem, volat ad fastigia flammæ  
 Inflammata fames, et eo magis esurit ignis,  
 Quo plures tabulata cibos, alimentaque præbent.

Mista plebe patres percunt, genus omnibus unum  
 Mortis, sed species moriendi non fuit una;  
 Iste pyram ut fugiat <sup>37</sup>, gladios incurrit, at ille,  
 Ut gladios fugiat, medios se mittit in ignes;  
 Nonnullos, alia mortem dum morte caverent  
 Urbis semirutæ lapsos de mœnibus, ultro  
 C Æquorei vehemens absorbit annis hiatus,  
 Occultas alii latebras, vacuosque penates  
 Quærentes laqueos jugulis aptare parabant,  
 Et mortem fecere sibi, ne morte perirent  
 Inflicta a Graiis, alios divortia mortis <sup>38</sup>  
 Quærere dum puduit, pro jure et legibus urbis,  
 In faciem patriæ libertatemque tuendo  
 Elegere mori, mortis genus istud honestum.  
 Et labi sine labe fuit, non cedere, cædi,  
 Cædereque et cædi <sup>39</sup> dum non cædantur inulti.  
 Occurrunt <sup>40</sup>, et materiam ferientibus affert  
 Gens devota neci, feriunt, feriuntur et ipsi :  
 Dumque necem patiuntur, agunt, ad utrumque pa-  
 [rati;

Nec minus excidium conjux Cythereius infert;  
 D Solvitur in cineres ab Agenore condita primo  
 Nobilis illa Tyrus, quæ, si præclara merentur  
 Vatum dicta fidem, famæ si credere dignum est,  
 Vocum sola notas, et rerum sola figuras  
 Aut didicit prior, aut docuit. Sic ergo tot annis  
 Indomitam indomitus domuit Macedum furor urbem.

Verum vera fides et pax divina sub ipso  
 Christorum Christo <sup>41</sup> reparatis mœnibus urbem  
 Restituere, ubi *plebs veri studiosa flagransque*  
 Thurihulo mentis, Crucifixi nomen adorat,

Vers. 1470.

#### VARIÆ LECTIONES.

<sup>30</sup> In matrem sibi se sic temperat. <sup>31</sup> dat. <sup>32</sup> adoptat. <sup>33</sup> permansisset. <sup>34</sup> usurpare. <sup>35</sup> objecta. <sup>36</sup> impegit. <sup>37</sup> reverens. <sup>38</sup> Martis. <sup>39</sup> Cædere quam cædi. <sup>40</sup> Concurrunt. <sup>41</sup> Alludit poetâ ad tempus quo Tyrus Francis parebat.

Cujus sunt aliæ septeni climatis urbes  
Quas patria ditioe tenet, longumque tenebit.

Præmonuisse alias poterat Tyrus obruta gentes  
Neque sub Eoo regio præsumeret orbe  
Pellei deinceps <sup>42</sup>, Macedumque lacessere vires  
Gaza tamen Darium, causamque secuta priorem,  
Ausa parem, superos <sup>43</sup> muris excludere tentat,  
Fortunam si forte fides evertere possit;  
Dumque suum Mars explet opus, dum cæde cruenta  
Et damno partis utriusque prosternit utrinque;  
Barbarus ad regem veniens, ut transfuga, ferrum  
Occultans clypeo, Magni caput appetit ense,  
Sed quia fatorum stat inevitabilis ordo,  
Eventusque hominum series immobilis arctat,  
Erravit temulenta manus, ferroque perire  
Non patitur Lachesis, cui jam fatale venenum  
Confectumque diu lethæa *pixide clausum*  
Lurida considerat mediante favore suorum  
Porrectura duci dea post duo lustra bibendum.  
Hic Arabis dextram, quia sic erravit eodem  
Quem male libravit <sup>44</sup> rex imperat ense recidi:  
Quique prius sopitus erat jam fraude recenti,  
Martius evigilat furor, et sub corde calenti  
Ira recrudescit, dumque instat turbidus hosti,  
Ausa nefas, lævum perstringit fraxinus armum,  
Et medium cruris elisit saxea moles:  
Sed licet accepto his vulnere, non tamen acri  
Destitit incepto Macedo, sed prodigus auræ  
Vitalis, scindit cuneos, ipsumque tyrannum  
Obruit <sup>45</sup>, et victis urbem tradentibus intrat.

Hinc ubi disposuit procerum discretio regno,  
Tendit in Ægyptum, qua sub ditioe redacta,  
Ardet rex Libyci sedes Hammonis adire,  
Difficiles aditus, iter intolerabile, quamvis  
Fortibus et paucis: rorem sicut arida tellus,  
Et cœlum mendicat aquas, æstuque perenni  
Marcescit <sup>46</sup> regio, et steriles moriuntur arenæ,  
Cumque tenax sabulum solem concepit <sup>47</sup> et arva <sup>48</sup>  
Impulsuque pedum concrevit turbo, procellas  
Hic Syrtes habuere suas, hic altera sicco  
Scylla mari latrat, hic pulverulenta Charybdis;  
Pulvereos vomit ille globos; jacet ille sepultus  
In sabulo, fortassis eos levioe procella  
Punisset mare Neptuni, quam pulveris æquor.  
Nusquam culta virent, hominis vestigia nusquam,  
Nusquam terra oculis, nusquam sese objicit arbor.  
Jam quater irriguos libraverat aere currus,  
Memnonis impendens lacrymas aurora sepulcro,  
Cum Macedum rector, et cætera turba superstes  
Hammonis subiere nemus, fontemque biberunt,  
Quem satis indignum est inter memoranda silere;  
Cum sol frenat equos, tepidos habet unda meatus,  
Frigidior glacie est, quando ferventior arva  
Exurit Titan, mediæ fervore diei;  
Axe sub Hesperio cum jam præsepia mundans  
Solis equos stabulare mari parat hospita Thetis,  
Vers. 1526.

A Ambrosiamque locat, et liberat ora lupatis:

Frigoris excluso paulum torpore tepescit  
Fons Jovis, ac Phœbo torrentior æstuat idem,  
Cum mundum madidis medius sopor irrigat alis;  
Quoque magis Phœbus solidum festinat ad ortum,  
Tanto plus soliti reminiscitur unda teporis,  
Et nocturnus eam cogit decrescere fervor,  
Donec Phœbeo rursus languescit in ortu.

Rex ubi consulto lætus Jove munera solvit,  
Regreditur Memphim licet affectaret adustas  
Æthiopum gentes, et inhospita Memnonis arva,  
Auroræ sedes, atque invia solis adire.

Sed durum Martis et inexpugnabile <sup>49</sup> tempus,  
Et præfixa, dies mundi visura tumultus  
Et strages pugnae, quam maturaverat hostis,

B Vicina instabat, positamque regentis in arcio  
Cogit ab incepto mentem desistere voto.

Arctabant rigidam majora negotia mentem,  
Interea Darii reparato robore, totus

Conjuratus adest in prælia mundus, eumque  
Præteriti pudor et spes incentiva futuri

Rursus in arma vocant, cœunt in castra Quirites  
Permisti agricolis, queritur cessare ligones  
Radicosus ager, et sentibus obsita tellus,  
Suspirant ad plaustra boves, dorsumque cameli  
Barbaries gentis, elephantibus bellica pressit  
Machina, turrato gradientes agmine, nec se  
Bubalus absentat, nunquam tot millibus Argos  
Aggrediens hominum siccavit flumina Xerxes.

C Sed neque tam multas collegit in Aulide gentes  
Uxor adulterii, cum classi defuit æquor,  
Virgineusque cruor monitu Calchantis iniqui  
Detersit facinus, et ventos sanguine solvit.

Miratur Macedo, tot millibus ante redactis  
In nihilum, plures rediviva morte renasci  
Ad mortem populos rursusque ad bella vocari.  
Non secus Antæum Libycis Jove natus arenis  
Post lapsum stupuit majorem surgere, donec  
Sublatum rapiens: Vana spe duceris, inquit,  
Ilic <sup>50</sup> Antææ cades. Vel cum tot cæde suorum  
Fecundam caput domuit Tiryntius Hydram.

Jamque per Euphraten discriminis immemor omni-  
[nis

Contemptor numeri, rapidum transegerat agmen

D Terrarum domitor, exustasque ignibus urbes,  
Quas aditurus erat, fumantesque invenit agros,  
Quos duce Mazæo Darius præceperat uri

Ut tali articulo fortunæ flectere cursum  
Possit, et exutos Cereali munere frugum  
Cogeret audaci Graios desistere cœpto,  
Desperare aditum per saxa rigentia flammis,  
Molirique fugam, dum cuncta exusta viderent,  
Et loca feta igni, et viduatos gramine colles  
Otia cum sulci gement, victumque negaret  
In cinerem resoluta Ceres. Sed sorte secunda  
Usus Alexander ad summi semper honoris

Vers. 1581.

#### VARIE LECTIONES.

<sup>42</sup> nomen. <sup>43</sup> superis. <sup>44</sup> vibravit. <sup>45</sup> obtulit. <sup>46</sup> Increscit. <sup>47</sup> susceptit. <sup>48</sup> auram. <sup>49</sup> inevitabile.

Aspirans apicem, Tigri velocior ipso,  
Tigri, qui celeri sortitur ab impete nomen,  
Tigri aquas superat, qui gurgite saxa volutans  
Grandia, marmoreas exit truculentus in undas.

Nec mora, ne Dario regni penetrare liceret  
Interiora sui, canis ut venaticus altis  
Occultum silvis Actæona, nare sagaci  
Vestigat, vel qui venator Gallicus aprum  
Irato sequitur stringens venabula ferro,  
Haud aliter Darium venatur, et *Arbela* præter  
Castra locat, quem cæde sua, quem fraude suorum  
Infamem facturus erat, periturus eodem,  
Fixerat infausto jam tunc tentoria vico.

Tempus erat dubiam cogens pallescere lucem,  
Sed neque lux, neque nox imponit nomen, utrum-  
[que est,

Et neutrum, tenui discrimine; verius ergo  
Ambiguum cum sit, dixere *Crepuscula nostri* <sup>11</sup>,  
Hesperus irriguum jam maturaverat ortum,  
Jamque minante oculis caligine, sidera solis  
Supplere officium, luna mediante, parabant;  
Cum Phœbe mundo fratris manifesta recessu  
Exhilarans hominum nascenti climata gyro  
Palluit, et primo defectus passa nitoris;  
Demum sanguineo penitus suffusa rubore  
Fœdavit lumen, Macedumque exterruit ipsos <sup>12</sup>  
Cum vulgo proceres; cum tantum frenderet ho-  
[stis <sup>13</sup>,

Cumque instaret eis, invito numine belli  
Præfinita dies, parti feralis utrique,  
Cæloque aspicerent minitancia sidera, tantum  
Exhorrere nefas, atque id portendere signum.  
Non mirum nutare animos armisque refertas  
Dormitare manus, trepidant concussa recenti  
Cordametu, et rauco crudescunt murmure castra;  
In causa Macedo est, culpamque refundit in ipsum  
Seditiosa cohors, jam tædet in ultima mundi  
Invitos a rege trahi, montana queruntur  
Invia, desertas Vulcano vindice terras;  
Urbes et fluvios admittere molle nocentes,  
Velle hominum dominos, diis indignantibus, esse.  
Astra infensa sibi, solitumque negantia lumen,  
Inscriptos homini, regem transcendere, fines,  
Affectare potam, patriæ contemnere sedes,  
Unius ad laudem tot inire pericula, tantas  
Fortunæ variare vices, jam vulgus in istos  
Exierat questus, jam seditione moveri  
Cœperat, eventus cum rex interritus omne  
Concilium vocat, et vates quibus arte magistra  
Vers. 1628.

A Astrorum dederat divina peritia <sup>14</sup> nomen,  
Consulit, et lunæ quæ causa infecerit orbem?  
Quid superi super his <sup>15</sup> caveant? quæ ænigmata  
[fati

Significare velint? jubet in commune referri.

Inter sortilegos vatum, stellasque sequentes  
Major <sup>16</sup> Aristander, sterili jam marcidus ævo;  
Parcite, ait, vanis incessere fata querelis,  
Fata regunt stellas, et quos ab origine cursus,  
Quæ loca, quos motus, vel quod <sup>17</sup> portendere ma-  
[gnus

Ille sator rerum dedit, hoc certo ordine servant;  
Nec quidquam mutare queunt de mente profunda,  
Quidquid ab æterno præviderit illa, futurum est.  
Seu terræ incumbens extendat littora *Thetis*  
Seu *Gurgitis* augmento, seu tellus subruat urbes,  
Concursu <sup>18</sup> laterum, seu morbidus influat aer,  
Seu tenebris fuscare diem, seu cornua lunæ  
Caligare velit, seu tardius ire galerum <sup>19</sup>,  
Omnia descendunt a summo consule rerum.  
Quo nisi consulto, nihil est quod sidera possint.  
Inde est quod lunæ pallescit luridus orbis,  
Cum terram subitura suos abscondere vultus  
Fertur, et humano parat evanescere visu.  
Vel cum fraterno premitur splendore *Diana*,  
Qualiter accensæ jubar, igniculumque lucernæ  
Invida <sup>20</sup> majoris obscurat flamma cauiini,  
Dogma tamen veterum non vile, patrumque secutus  
*Memphios*, haud dubitem Græcorum dicere solem,  
Persarum lunam, cum deficit ille, ruinam  
Graium, Persarum cum deficit illa notari.

C Dixit et exemplis veterum <sup>21</sup> pro teste resolvit  
Persidis acta ducum, quibus incumbente flagello  
Fortunæ, obscuro lugubris *Cynthia* cornu  
Palluerat; stetit ergo ratum, quod cana senectus  
Arguerat, meruitque fidem sententia vatis;  
Editaque in medium est, flexit pavitancia vulgi  
Corda superstitio, qua nil districtius <sup>22</sup> ad se  
Inclinat turbam, rapit æra, manusque refrenat,  
Quæ cum sæva, potens, mutabilis æstuat æstu  
Multivagæ mentis, vana si forte movetur  
Religione ducum, spreto moderamine vatum  
Imperium subit <sup>23</sup>, et regum contemnit habenas.

Ergo ubi torpentes spes et fiducia fati  
D Erexit mentes, armis, dum corda calerent,  
Utendum ratus est Macedo, ne frigeat ardens  
Impetus, extemplo velli tentoria, circa  
Noctis iter medium jubet, et præcedit ovantes  
In primis, raro contentus milite, turmas.

Vers. 1675.

#### ARGUMENTUM LIBRI QUARTI.

Quartus ad uxoris Darii lacrymabile funus  
Convertit Magnum, Darium lamenta fatigant.

#### VARIÆ LECTIONES.

<sup>11</sup> Græci. <sup>12</sup> omnes. <sup>13</sup> terra infrederet. <sup>14</sup> potentia. <sup>15</sup> hac. <sup>16</sup> Stabat. <sup>17</sup> quid. <sup>18</sup> concussu. <sup>19</sup> pla-  
netam. <sup>20</sup> vivida. <sup>21</sup> utens. <sup>22</sup> astrictus. <sup>23</sup> regit.



*Falsaque suspicio, legati certa reportant  
Ad Darium responsa, astant hinc inde parati  
Ad bellum cunei, terretur imagine belli,  
Conciliumque vocat Macedo, responsa suorum  
Rejicit, et somnum differt in tempora lucis.  
Excitus a somno " perniciter induit arma,  
Præmunique suos verbis et rebus : et ecce  
Concurrunt acies, penetratque in sidera clamor.*

## LIBER QUARTUS.

Luridus, et picco suffusus lumina fomo,  
Quartus anhelanti ferales ante tumultus  
Lucifer ibat equo, sterilesque " effusa per agroa  
Inter arenosi subjectum gurgitis amnem,  
Et montem summo parientem " vertice nubes  
Desertum rapiebat iter, spe ducta Pelasgum  
Imperiosa phalanx ; cum regia decidit uxor  
Captivarum inter molles collapsa catervas,  
Quam dolor, absentisque viri, patriæque jacentis,  
Continuusque viæ labor, expirare coegit.  
Non secus indoluit regum fortissimus ille,  
Et pius eversor, quam si cecidisse peremptas  
Nuntius afferret una cum matre sorores ;  
Et lacrymis, quales Darius fudisset, obortis  
Exiit in planctum juvenis jam eana senectus :  
Funeris assedit loculo, et quæ rara tyrannis  
Semper inest, fregit pietas generosa rigorem  
Principis indomiti, lacrymasque extorsit ab hoste.  
Post raptum semel hanc inspexerat ; at " pretiosa  
Reginæ species non incentiva furoris  
Causa sibi fuerat, custodem se esse pudoris  
Maluit, et formæ, neutrumque sibi temerare  
Gloria major erat, quam si violaret utrumquo.  
Nuntius ad Darium mediis elapsus Achivis  
It spado *Tyriotes*, quem scissa veste cruentis  
Unguibus, et lacero super ora jacente capillo,  
Et vultum multo lacrymarum flumine mersum  
Ut vidit : Ne differ, ait, turbare, salutis  
Si quid adhuc superest in me, mihi solve timorem  
In luctum, didici miser esse, malisque retundi,  
Hoc solamen, et hæc misero medicina malorum,  
Sortem nosse suam ; ludibria cruda meorum,  
Atque ipsis affers omni graviora flagello,  
Quod tamen ipse loqui timeo. Tunc excipit ille :  
Quantuscunque potest reginis, inquit, ab illis  
Cedere, qui parent, honor et reverentia cessit " "  
A victore Tuis ; verum tua nobilis illa  
Et soror et conjux, quod vix præsumo fateri,  
Exiit a medio, corpusque reliquit inane.

Tunc vero in gemitum et planctum conversa vi-  
[deres  
Castra, senex jacet exanimis, fœdatque verendam  
Pulvere canitiem infelix, ideoque peremptam

Vers. 1727

A Uxorem, quia casta pati probra nollet, apud se  
Nescius affirmat, unoque spadone retento  
Excludit reliquos, jurat spado, nulla tulisse  
Damna pudoris eam, nil importasse molesti  
Raptorem raptæ, verum gessisse mariti  
Officium lacrymis, et dignas indole tanta  
Solvisse exsequias ; hinc sollicitudine mista  
Suspicio, graviter animum trajecit amantis ;  
Æstuat æger amans, a consuetudine stupri  
Ortum conjectans raptæ et raptoris amorem :  
Hæc captiva, inquit, et forma et sanguine clara,  
Hic dominus fuit, et juvenis, voluisse probatur,  
Quod potuisse patet, his æstuat anxia curia  
Languida mens Darii, donec testante Penates,  
Et superos, servo castam vixisse maritam,  
B Facta fides Dario ; tollens ad sidera palmas,  
Et faciem irriguo lacrymarum fonte madentem :  
Summe Deum Pater, inquit, et una potentia rerum  
Di patrii, et quorum nutu stat Persicus " orbis,  
Primum, quæso, mihi regnum stabilite, meisque :  
Quod mihi jam tolli si prædinistis, et a me  
Transferri fati jubet imperiosa voluntas  
Regnum Asiæ, me post, hic tam pius hostis habet  
Tam clemens victor. Dixit, superosque profusus  
Invitat lacrymis, ut vocem fata sequantur.  
Et quanquam frustra, jam pace bis ante petita  
Consilia in bellum converterat, hostis amore  
Victus et exemplo, cum Palladis arbore tutos  
Præfectos equitum, quibus allegatio pacis  
Commissa est, jubet ire decem, quorum unus Achil-

C [las,  
Qui quantum eloquio reliquis, tam præstitit ævo,  
Sic cœpit : Darium, rex clementissime, pacem  
Ut toties a te peteret, vis nulla subegit " "  
Sed tua, qua satis es in nostros usus, ab illo  
Expressit pietas ; matrem, pia pignora, natos,  
Absentes tantum, non captos sensimus, harum  
Quæ superant, custos pius, et tutela pudoris,  
Haud secus ac genitor curam geris, omine fausto  
Reginæ dicis, hostilisque immemor iræ  
Fortunæ speciem pateris retinere prioris :  
Luridus in vultu color, et liventia fletu  
Lumina, *convincunt* " quanto clementior hoste  
Hostis es, et facies aufert velamina menti,

Vers. 1770

### VARIE LECTIONES.

" somnis. " virides. " Et silvas summo parientes. " et. " tantus. " sphaericus. " coegit. " con-  
jiciunt.

Talis erat Jam, cum legaremur ab illo  
 Qualis Alexandri patet, uxorem tamen ille,  
 Tu lugens hostem: clypeum jam læva teneret  
 Jam stares acie, jam te vibraret in hostem  
 Fulmineus *Bucephal*, jam te sentiret in armis  
 Horrificum Darius, nisi conjugis ejus humanæ  
 Cura moraretur: rata sit concordia, natam  
 Non sine dote offert Darius tibi, quidquid ubique  
 Terrarum est inter Phryxæi littoris oram,  
 Euphratemque, tibi, nata mediante, precatur,  
 In dotem capito, teneatur filius obses  
 Et fidei et pacis: redeat comitata duabus  
 Virginibus mater, quarum ter dena talentum  
 Millia sunt <sup>72</sup> pretium, fulvo decocta metallo.  
 Quod nisi te superi majori pectore fultum  
 Humanosque artus divina mente beassent,  
 Tempus erat, quo non solum pacem dare, verum  
 Poscere deberes, et fœdus inire; videsne  
 Quantus in arma ruat Darius? quot ab orbe remoto  
 Excierit gentes? quot classibus æquor obumbret?  
 Nec mare navigio, nec castris terra locandis  
 Sufficit, objectæ claudunt maris ostia puppes,  
 Quid moror? unus habet, quas non habet area vires.

Magnus ut accepit Darii responsa, citatis  
 In cœtum ducibus, quidnam super his sit agendum  
 Consultit, ambiguum videas mussare senatum,  
 Et siluisse diu perhibetur curia, donec  
 Parmenio, cujus non tam facundia solers  
 Quam constans animus, nec ei tam dicere prom-

Fortia quam facere est: dudum redimentibus, inquit,  
 Reddendos fore censueram, cum maxima posset  
 Ex ipsis, qui vel ob iter periere, vel artibus  
 Compeditibus lapsi fugere, pecunia reddi:  
 Illi quoque nunc censemus, ut auri pondere tanto  
 Imbellis populus, genitrix cum prole gemella  
 Permutetur anus, quæ Græcorum agmen, iterque  
 Impediunt potius, tam latum et nobile regnum  
 Conditione potes nanciscier, absque tuorum  
 Sanguinis impensa, sed nec reor hactenus Istrum  
 Inter et Euphratem tot possedissee jacentes  
 Quemquam alium terras, tamen et graviora super-

Inspice quanta petas, quantumque reliqueris orbis  
 Post tergum domiti, patriam, non Bactra, vel Indos  
 Pectore habe memori: post fortia gesta reverti  
 Tutius in patriam est, quam vivere semper in ar-

Consulis arbitrium tulit ægre Magnus: Et, a me,  
 Si essem Parmenion, oblata pecunia palmæ  
 Præferretur, ait, malleque inglorius ire <sup>73</sup>,  
 Quam sine divitiis palmam cum laude mereri.  
 At nunc securus sub paupertatis amictu  
 Regnat Alexander, regem me glorior esse,  
 Non mercatorem; fortunæ venditor absit!  
 Nil venale mihi est, si reddendos fore constat,  
 Vers. 1823.

A Gratius hoc gravis reddi, donoque remitti  
 Censeo quam censu, pretium si dona sequatur.  
 Gratia non sequitur, nec habent commercia grates.

Hæc ubi dicta super responso consulis: intr  
 Legatos jubet admitti, Darioque referri:  
 Quod clementer, ait, feci, quodque indole dignum,  
 Naturæ tribuisse meæ, non ejus honori  
 Me scierit, me femineum non sentiet hostem  
 Agmen, Alexandrum tuto contemnere possunt  
 Soli contempti, non infero talibus arm  
 Qui nequeant armis uti, quibus arma negavit  
 Naturæ pigra mollities, armatus oportet  
 Sit, quæ meunque odiis aut ira fecero dignum;  
 Quod si forte bonæ fidei invigilaret, et <sup>74</sup> a me  
 Expeteret pacem, totoque recederet orbe,

B Ambigerem fortassis, an id concidere vellem,  
 Cumque meos modo pollicitis, ad proditionem  
 Sollicitet Darius, modo manere palpet amicos,  
 Ut mea fatali maturent fata veneno,  
 Persequar ad mortem; neque enim mihi, justus ut

Prælia molitur, verum ut sicarius, imo,  
 Ut verum fatear, ut latro, veneticus instat.  
 Conditio pacis quam vos prætentidit, illi,  
 Si tulero acceptam, palmam conferre videtur  
 Quæ trans Euphratem consistunt, omnia nobis  
 In dotem offertis <sup>75</sup>, unde et vos arbitror esse  
 Oblitos, ubi colloquimur, mea transit ala  
 Euphratem, metam dotis mea castra relinquunt.

Pellite ab hinc regem Macedum, ut vestrum sci-  
 Quod mihi donatis, multum mihi præstat honoris,  
 Si me Mazæo generum præponere quærit;  
 Ite reportantes vestro hæc mea dicta tyranno:  
 Quidquid habet Darius, quæcunque amisit, et ip-

Esse mei juris, et pugnae et præmia *Gratius* <sup>77</sup>.

Sic ait, et Persas celeres in castra remittit.  
 Mittitur a Dario Mazæus, ut occupet, hostis  
 Quos aditurus erat colles, et plana viarum  
 Interea Macedo condivit aromate corpus  
 Uxoris Darii, tumulumque in vertice rupis  
 Imperat excidi, quem fructum schemate miro  
 Exerit celebrer digitis Hebræus Apelles  
 Nec solum reges et nomina gentis Achææ,  
 Sed Genesis notat historias, ab origine mundi  
 Incipiens: aderat confusis partibus hyle,  
 Et globus informis vario distincta colore  
 Quatuor impressis pariens elementa sigillis <sup>78</sup>.  
 Hic operum series, quæ sex operata diebus  
 Est Deitas, inter quæ, auro spirante nitorem,  
 Luciferum, et rutilis lambentibus aera gemmis,  
 De tenebris primam videas emergere lucem.  
 Dignior hic inter animas ratione carentes  
 De limo formatur homo, quem costa sefellit  
 Propria, lethifero colubri seducta veneno.

Vers. 1876.

#### VARIAE LECTIONES

<sup>72</sup> sint. <sup>73</sup> esse. <sup>74</sup> sequantur. <sup>75</sup> ut. <sup>76</sup> offertis. <sup>77</sup> Gratius. <sup>78</sup> figuris.

Exclusis patribus, primaque a matre receptis  
 Ignea virgulti limen rhomphæa tuetur <sup>70</sup>.  
 Inde Cain profugus bigami non effugit arcum,  
 Pullulat humanum genus, et polluta propago,  
 Decedit virtus, vitium succedit, adhærent  
 Conjugio illicito, pietas rectumque recedunt;  
 Factorem, si triste notes in imagine signum,  
 Pœnituisse putes hominem fecisse. Laborat  
 Arcifaber <sup>80</sup>, genus omne animæ clauduntur in arca.  
 Post refugos fluctus replet octonarius orbem;  
 Vinea plantatur, et inebriat uva parentem.  
 Illic patriarcharum seriem specialibus <sup>81</sup> aurum  
 Exprimit, emeritos videas ridere parentes;  
 Venantemque Esau, turmisque redire duabu.  
 Luctarique Jacob; sequitur distractio Joseph,  
 Et dolus, et carcer, et transmigratio prima  
 Illic dolet Ægyptus denis percussa flagellis;  
 Transvehit Hebræos, equitatus regis et arma  
 Subruit, et puro livescit Pontus in auro.  
 Hic populum manna desertis pascit in arvibus <sup>82</sup>;  
 Lex datur; et potum sitienti petra propinat;  
 Succedit Ben Nun Mosi post bella sepulto,  
 Natio subjicitur, Jordanes contrahit amnes  
 Post cineres Jericho <sup>83</sup> fartum reus eluit Achor,  
 Persolvit <sup>84</sup> Josue naturæ debita, postquam  
 Funiculo patrium divisit fratribus orbem,  
 Judicibus tandem populum supponit Apelles.  
 Inter quos Samson fortissimus, attamen <sup>85</sup> illum  
 Fortior excæcat præciso <sup>86</sup> Dalila crine.  
 Ruthque Moabitis viduata priore marito,  
 In genus Hebræum felici fœdere transit.

Altera picturæ sequitur distinctio, reges  
 Aggrediens, sunusque Heli Samuelis ab ortu,  
 Murmurat in Silo populus; de <sup>87</sup> Benjamin exit  
 Qui regat Hebræos, sed enim quia dissonat ejus  
 Principio finis, Isai de semine princeps  
 Præficitur populo, qui contudit arna Goliæ,  
 Inque acie belli cum prole, cadente tyranno,  
 Regia desertos damnat maledictio montes.  
 Illic <sup>88</sup> Asael, Abnerque cadunt, incurrit <sup>89</sup> Urias  
 Quam tulerat mortem, patricidam detinet arbor,  
 Quem fodit hasta viri, patriam lugere putares  
 Effigiem; sed postquam humanitus accidit illi,  
 Construitur templum, vivunt mandata sepulti  
 Pacifico regnante, patris, nec sacra tuetur  
 Ara Joab, Semeique vorax intercipit ensis,  
 Consilio juvenum perdurat <sup>90</sup> schisma perenne  
 Cum populo regum, lis est de divite regno <sup>91</sup>.  
 Quodcumque alterutrum præclare gessit, eodem  
 Marmore docta manus, et res et nomina pingit;  
 Ne tamen infamet gentem, et genus, idola <sup>92</sup> regum  
 Sordes fraterni, Samariæ, numina regni  
 Præterit, et funus <sup>93</sup> Jesabel de turre cadentis,  
 Morsque tacetur Achab, et vinea sanguine parta.

Vers. 1930.

A Non ibi cum socio quinquagenarius ardet.  
 Sed gens sacra Baal gladio feriuntur <sup>94</sup> Eliæ,  
 Discipulusque dolet non comparere magistrum.  
 Quos tamen illustres declarat pagina reges  
 Altior ordo tenet, Ezechias idola purgat,  
 Et revocat longo sopitas tempore leges:  
 Hic ægotantem videas, solisque recursum,  
 Et clarum titulis celebrantem Pascha <sup>95</sup> Josiam;  
 Præter quos nullus regnavit in omnibus expers  
 Labis apostolicæ, nullusque a crimine mundus.  
 Ecce prophetarum quo rege et tempore quisque  
 Scripserit, effigies habet altior ordo locatas;  
 Hic signum dat Achaz: ecce, inquit filius Amos,  
 Virgo concipiet. Hic sub Joachim <sup>96</sup> Jeremias  
 Occasum dolet, et: Dominum nova monstra creasse  
 B In terra <sup>97</sup>, mulierque virum circumdabit, inquit,  
 Et stans Ezechiel post captam a gentibus urbem;  
 Se vidisse refert clausam per sæcula portam,  
 Scilicet intactæ designans virginis alvum.  
 Occidetur, ait Daniel, post temporis <sup>98</sup> illas  
 Hebdomadas Christus; vatum bisseña sequuntur  
 Nomina, cum titulis et in unum consona dicta  
 Ultima pars regnum Cyri, populique regressum  
 Sub duce <sup>99</sup> Zorobabel habet, hic reparatio templi  
 Pingitur, historia non prætermittitur Esther  
 Causaque mortis Aman, stolidæque superbia Vasti,  
 Hic sedet in tenebris privatus luce <sup>100</sup> Tobias,  
 In castrisque necat Holophernen mascula Judith,  
 Totaque picturæ series finitur in Esdra.

C Magnus ut, exsequiis tumulo de more peractis,  
 Inferias solvit, festinus castra moveri  
 Imperat, et rapido cursu bacchatur in hostem,  
 Et Menidam raro contentum <sup>101</sup> milite campos  
 Explorare jubet, ubi rex Persæque laterent,  
 Quo procul inspecto Mazæus præpete cursu  
 Contraxit turmas, et sese in castra recepit;  
 At Darius patulis avidus decernere campis  
 Instaurat bellorum <sup>102</sup> acies, cuneosque pererrans,  
 Pectora tam monitis onerat <sup>103</sup> quam præstruï armis.

Jam loca Pellæus castris elegerat, unde  
 Aures Persarum poterant tentoria cerni;  
 Jam vexilla ducum spatio distantia parvo  
 Jam stabant acies, hinc inde volare videres  
 Ventorum facili incursu per <sup>104</sup> inane dracones;  
 D Cum Macedum furor infremuit, strepituque soluto,  
 In Persas raucis stridoribus impulit auras.

Nec minus adversi certant elidere Persæ  
 Horrifico clangore polum, tremuit orbis et axis  
 Ad sonitum, tremuloque genu vix sustinet Atlas  
 Perpetuum pondus, rursus nova bella gigantum  
 Orta putans resiliit replicatis vocibus echo,  
 Et patulæ rauco respondent gutture valles,  
 Armatas inhibere manus, populique furorem  
 Vix potuit Macedo, quin excitus ordine rupto

Vers. 1984.

#### VARIÆ LECTIONES.

<sup>70</sup> custodit virgulti rhomphæa limen. <sup>80</sup> Archifaber. <sup>81</sup> speculatus. <sup>82</sup> agris. <sup>83</sup> et tamen. <sup>84</sup> pretioso.  
<sup>85</sup> pharizæat. <sup>86</sup> Et populi, et regum. <sup>87</sup> Æolice. <sup>88</sup> terris. <sup>89</sup> septuaginta. <sup>90</sup> contemptum. <sup>91</sup> bellis.  
<sup>92</sup> armat. <sup>93</sup> impulsu facili per...

t renoret, incussoque gradu, raperetur in hostem. Sed quia jam fessus emenso Cynthius orbe Obtenebrans faciem, ne funera tanta videret, Emerito, mergi certabat in æquora, curru.

Ipse jacit vallum, et Graiis edicit eodem  
Castra locare loco : paretur, et aggere facto  
Se rapit ad tumultum, quo totum cominus hostem,  
Et sparsas oculia potuit revocare phalanges ;  
Totaque venturi facies discriminis illi  
Objicitur, videt armisonas radiare cohortes,  
Distinctas acies, phaleris, auroque superbas,  
Barbariem populi, confusaque murmura vocum  
Audit, et horrixonus aures percellit equorum  
Hinnitus, quæ cuncta viro, si credere fas est,  
Incussere metum, facilemque ad nobile pectus  
Corque giganteum reor ascendisse pavorem.

Non alio Typhis curarum fluctuat æstu  
Cui blandita diu zephyri moderatio<sup>99</sup> solo  
Flamine contentam ducit sine remige puppim,  
Nereidumque chorus placidis epulatus<sup>99</sup> in undis  
Si procul instantem videat fervere procellas,  
Et celeres phœcas imis a sedibus Auster  
Præmittens madidis jam verberat aera pennis,  
Inclinat socios laxisque rudentibus ipse  
Convolut ad clavum, laterique aplustre maritat ;  
Non secus ut vidit tot millibus arva prementes  
Barbaricos instare globos, jam credere fas est  
Magnanimum timuisse ducem ; vocat ergo Quirites,  
Seu dubiæ mentis quid agat, seu verius ut sic  
Experiaur eos, quæ sint tractanda, requirens.

Expectata diu tandem sententia docti  
Parmenionis habet<sup>99</sup> ; ope noctis eis opus esse,  
Et furto potius, quam bello censet agendum.  
Attonitos subito casu, caligine noctis  
Oppressos placidæ torpore quietis, inertes,  
Moribus et lingua discordes posse repelli  
Ex facili, aut cædi gladiis, aut cedere victos.  
Nam si res agitur de luce, horrenda Scytharum  
Corpora, et intonsis invisi crinibus Indi,  
Et quos Bactra creant, immensa statura gigantum  
Occurrent<sup>99</sup> oculis, et inani quassa pavore  
Pectora terribiles poterunt pervertere formæ ;  
Addit, et a paucis hominum tot millia gentis  
Nec circumfundi, nec bello posse moveri ;  
Præterea Darium probat elegisse jacentes  
Planitie campos, et non, ut contigit ante,  
Ciliciz angustas inter decernere fauces ;  
Tota fere Macedum laudat manus hoc, et in unam  
Consonat, hos inter Polypercon, nocte fruendum  
Asserit, et positum Graiis in nocte triumphum.

Hunc rex intuitus ; neque enim jam Parmenionem  
Sustinet arguere, et tumidis offendere dictis,  
Quem modo consultum satyra percusserat acri :  
Ilic latronis, ait, mos, et solertia furum est,  
Quam mihi suggeritis, quorum spes unica, voti  
Vers. 2039.

A Summa, nocere dolis, et fallere fraude latenti.  
Gloria nostram dolo non militat, ut nihil obstat  
Quod mihi candorem famæ fuliginis labis  
Offuscari<sup>99</sup> queat, jam non angustia saltus,  
Et Cilicum fauces, Dariive absentia segnis,  
Nec furtiva placent timidæ suffragia noctis.  
Aggrediar de luce viros, victoria quam nos  
Molimur gladiis, aut nulla sit, aut sit honesta.  
Malo pœniteat fortunæ, et sortis iniqua  
Regem, quam pudeat parti de nocte triumphii.  
Vincere non tanti est, ut me vicisse dolose  
Posteritas legat, et minuat versutia palmam<sup>99</sup>,  
Quin, ne fallantur, ne compertiantur ab hoste,  
Persarum vigiles, et in armis stare catervas  
Compertum est, igitur vestris impendite curam  
B Corporibus, somnoque operi reparatæ diurno,  
Vicinz memores motus instare diei,  
Quæ vobis<sup>100</sup> medium pessumdare debeat orbem.  
Hisque peroratis redit in tentoria miles.

Econtra Darius Persas haud segnius armat,  
Præmunitque suos, facturum conjicit hostem  
Quæ<sup>1</sup> facturus erat, si Parmenionis haberet  
Consilium vires, mandant alimentam furoris,  
Quadrupes frenos, phalerataque terga relucent,  
Ignibus acceptis acies ardere videntur,  
Sideribus certant galeæ, clypeisque retutis  
Invenisse pares flammam stupet arduus æther,  
Et metuit cælum fieri ne terra laboret ;  
Nec minimum gaudet nox iustar habere diei.

C Nam pro sole sibi Darii datur æmula Phœbi  
Cassis, et in summo lampas sedet ignea cono,  
Sideraque noctis obscurans, solaque solis  
Soli radiis indignans cedere, quantum  
Lumine cedit ei, tantum præjudicat illis.  
Mille micant lapides in gyrum, nullus eorum  
Quem jubar ardoris non disputet esse pyropum.

Invasit subitis concussum motibus ingens [dum  
Agmen utrumque timor, jamque ausa soverere securæ  
Aurea sponda Jovem, sed non spondere soporem,  
Implicitum curis corpus regale tenebat.  
Nunc placet in dextrum cuneum de vertice montis  
Mittere Grajugenas, nunc lævum frangere curam,  
Et nunc oppositis occurrere frontibus hosti,  
Molitur modo falcatos eludere<sup>3</sup> currus,  
D Insomnemque trahit, agit dum talia noctem  
Nec capit angustum curarum<sup>3</sup> millia pectus.

Insula multilidi quam Tybridis alveus ambit,  
Est ipsa reverenda loco, quam vindicat orbis  
Imperiique caput, quadris ubi firma columbis  
Stat sita, sub clivo lunaris in aere motus,  
Regia, reginz cujus Victoria nomen,  
Mille patet foribus, tremulisque sonora lapillis  
Intremat attactu, totique immurmurat orbi  
Cardo semel flexus, ad limina prima susurrat,  
Introitumque tenet, curarum<sup>3</sup> sedula mater  
Vers. 2094.

#### VARIE LECTIONES.

<sup>99</sup> moderantia. <sup>99</sup> epulatur. <sup>99</sup> adrs. <sup>99</sup> occurrunt. <sup>99</sup> obscurare. <sup>99</sup> famam. <sup>100</sup> nobis. <sup>1</sup> Ἰκνοῦ.  
<sup>1</sup> elidere. <sup>3</sup> cursurum.

Ambitio pernox, solio sedet intus eburno  
 Diva, triumphales lauros moderante <sup>b</sup> cap illos  
 Munifica munita manu, cinguntque sorores  
 Ejus utrumque latus, et regia tecta coronant  
 Perpetuæ comites. Lyrico modulamine carmen  
 Immortale canens et in ævum Gloria vivax,  
 Majestasque premens, rugoso sæcula fastu,  
 Conciliansque sibi facilem reverentia plebem  
 Et Dea quæ leges armat, quæ jura tuetur  
 Justitia, in neutram declinans munere partem :  
 Assidet his, stabilitque dea Clementia regnum,  
 Sola decens *miseri* misereri et parcere victis :  
 Has inter locuples, sed barbara moribus astat  
 Fomentum vitii, genitrixque Pecunia luxus,  
 Pacifico reliquis prælibans oscula vultu,  
 Immemor est <sup>c</sup> odii finis Concordia belli  
 Et Pax *arva colens*, et pleno Copia cornu  
 Applausus a fronte sedent, qui seria ludis  
 Miscentes, divam vario oblectamine mulcent ;  
 Et favor ambiguus, et læso subdolo ore  
 Risus adulator, commentaque ludicra divæ  
 Singula *pollicibus* aptant et musica circum  
 Instrumenta sonant, numeros aptante Camœna.

Hæc ubi tot curas volventem pectore Magnam  
 Vidit, perpetuos cui continare triumphos  
 A cunis dederat, metuens ne forte futuri  
 Naufragium Martis insomnes mergeret artus,  
 Emicat extemplo, velataque nubis amictu,  
 Antra quietis adit, et desidis acria somni ;  
 Atque ita : Surge, Pater, Macedumque illabere regi C  
 Dum jacet, et curis animum corpusque relaxat.  
 Dixerat : ille gravis vix se torpore soluto  
 Excutiens, madidas libravit <sup>d</sup> in aera pennas,  
 Quo se cunque rapit lethæo tacta liquore  
 Sidera dormitant, solitos oblita meatus.

Ergo ubi torpenti Græcorum castra volatu  
 Attigit, expulso curarum examine, totus <sup>e</sup>  
 Principis incubuit castris atque inbuit ejus  
 Rore papaveræ respersa medullitis ossa.  
 Sic animum regis prius anxietate gravatum  
 Altior oppressit resoluti corpore somnus,  
 Posseditque diu, donec caligine mersa  
 Noctis, Hyperborei languerent sidera plaustris,  
 Ætheriosque celer stimulare Lucifer ignes :  
 Et jam pestiferæ duçens præsentia lucis  
 Prodierrat Titan, Nabatheis luridus undis,  
 Conveniunt proceres orta jam luce Pelasgi  
 Ad regem, insolito thalamis de more <sup>f</sup> vacantem <sup>g</sup>  
 Mirantes : alias vigilæ excire solebat,  
 Et stimulare pigros, et maturare morantes :  
 At nunc cum summi discriminis arceat hora  
 Quod premat alterutram fatali turbine turbam,  
 Explicitum curis, torpore quietis inertem  
 Mirantur juvenem ; sunt qui latitare paventem,  
 Celantemque metum tenebris, nec cedere somno  
 Vers. 2149.

A Credere sustineant, tutorum corporis ejus  
 Nemo vel intrare propiusve accedere fudit,  
 Nec munire latus armis sine voce jubentis,  
 Ire nec in turmas audeat sine principe miles :  
 Parmenio, ne qua bellum ratione moretur,  
 Utile consilium ratus est, ut corpora curent,  
 Utque cibos sumant, pronuntiat ergo tribunus <sup>h</sup> :

Jamque movente gradus adversa parte, necesse  
 His erat exire : stratum tunc denique regis  
 Dux adiit, quem sæpe vocans, cum voce requiret,  
 Excivit leviore manu : Lux, inquit, oborta est ;  
 Nunc ego te moneo molles excludere somnos,  
 Quæ te tanta quies tenuit ? jam Meda propinquant  
 Agmina, jam cuneos admovit cominus hostis  
 Jam Bellona furit, sed adhuc exspectat inermis <sup>i</sup>  
 B Imperium tua turba tuum : rigor ille vigoris  
 Et virtus animi, quæ nunquam fracta resedit  
 Hæc ubi nunc ? sane vigilum pigritantia somno  
 Corda cedere soles. Crede, inquit Martius heros  
 Admitti somnum mihi non petuisse, priusquam  
 Exonerata graves posuissent pectora curas.

Miranti sine sine duci, quod libera curis  
 Pectora dixisset Macedo, sed quærere causam  
 Non tamen audenti . cum vicos ureret, inquit,  
 Hostis, cum vastaret agros, excinderet urbes,  
 Cum fugeret, sese diffidens credere fati,  
 Justa mihi tunc causa metus, onerataque curis  
 Mens erat, alternam non admissura quietem.  
 At nunc cum Darius coram me totus, et ejus  
 Copia tota mihi sese præsentet in armis,  
 Nec fugiens possit divortia quærere Martis,  
 Quod metuam nihil est, sed quid moror ? ite parati,  
 Ut mos est, alias replicabo licentius ista.

Dixit : et armari lituo præcone, Pelasgos  
 Imperat <sup>j</sup>, ipse suis aptat munimina membris  
 Ærea crure tenus serpens, descendit in <sup>k</sup> imos  
 Squama pedes, natum mordacis acumine dentis  
 Castigare moras, et pennas addere, plantis  
 Calcar inest, ut, cum profugos prævertere cursu  
 Tentabit, si vox non excitet, aut tuba lentum  
 Cornipedem, saltem stimulos latus audiat acrea,  
 At læves <sup>l</sup> humeros, et pectus herile tuetur  
 Vertice dependens triplici toga ferrea nexu,  
 Quæ <sup>m</sup> teretes ulnas maculis circumligat uncis,  
 D Sed parcens oculis, hostem dat posse videri.  
 Tutior ut lateat duplici protecta galero  
 Corporis humani pars dignior, ærea cassis  
 Imprimitur capiti, flammantibus ignea cristis :  
 Inseritur lateri, rivos factura cruoris  
 Dira lues, gladius, per quem Jovis atria nigri  
 Manibus exspectant vacuos implere Penates.  
 Poscitur hic *Bucephal*, cui rex ut præpete saltu  
 Insedit, domuitque ferum, domitor ferus orbis,  
 Læva manus clypeo felici sædere nubit,  
 Sic tamen ut frenis æquo jungatur amore,  
 Vers. 2204.

#### VARIE LECTIONES.

<sup>b</sup> mordente. <sup>c</sup> estque. <sup>d</sup> Vibravit. <sup>e</sup> stratis. <sup>f</sup> dormire. <sup>g</sup> jacentem. <sup>h</sup> tribunus. <sup>i</sup> in armis. <sup>j</sup> Jusis  
 et. <sup>k</sup> ad. <sup>l</sup> latus. <sup>m</sup> Et.

Fraxinus in dextra est, cujus flagrante coruscat  
Vexillo cuspis, et verberat astra Leone.

Non magis in <sup>16</sup> primo duri discrimine Martis  
Huic alacrem videre sui, veniente suorum  
In medium Magno, spes sana resuscitat ægrum  
Agmen, et in vultu victoria visa sedere est.  
Ipse suis igitur distinguens partibus agmen,  
Disponens <sup>17</sup> aciem, quo debuit ordine, currus  
Falcatos Dario, quæ spes est sola triumphii,  
Excipere ordinibus laxis, cœtuque soluto,  
Evitare jubet, et non impune vagari  
Aurigas et equos, sed eos involvere telis.  
Pumque monet, munitque suos, dum pectora dictis  
Roborat, elapsus a Medis transfuga Medus  
Transmeat <sup>18</sup> ad regem Macedum, qui ferrea terræ  
Instrumenta refert astu mandata <sup>19</sup> latentii,  
(Muricibus nomen) quibus etsi <sup>20</sup> viribus hostem  
Vincere non possit, retinere tenacibus uncis  
Sperat, et occulta Græios sorbere ruina.  
Quo simul <sup>21</sup> accepto, Medus ne ficta loquatur,  
Ne capiat sermone suos, rex imperat <sup>22</sup> illum  
Servari, tamen ipse locum fecitque notari  
Monstrarique suis, ubi rex Babylonius arte  
Fretus Ulyssæa terræ mandaverat uncis.  
Neve repulsa dolis succumberet ardua virtus,  
Omnibus ostendi jubet, ostensumque caveri  
Suspectum de fraude locum, tunc vero fluentes  
Præcedens acies, verbo nutuque loquaci  
Ad lites animans: vestris labor ultimus, inquit,  
Præ manibus socii, bellum quod Granicus amnis  
Vidit, et angusto Cilicium victoria saltu  
Quid laudis, quid honoris habet? nisi sine beato <sup>23</sup>  
Terminet extremum Deus et fortuna triumphum?  
Sed fortuna dea est, atque hæc pro viribus astans  
Semper Alexandro, tam sub me sceptrum tenere  
Quam sub me <sup>24</sup> gaudet alios regnare potentes.  
Hæc, ubi me Macedum moderantem Græcia vidit

A Frena, meos extunc promovit, eisque nocere  
Velle licet liceat, sed non audere licebit.  
Ista nihil, præter numerum discriminis affert,  
Tam populosa cohors, sed <sup>25</sup> ad hoc fortuna laborat,  
(Quam pudet exiguos toties numerare triumphos)  
Ut mihi vincendum semel, et simul afferat orbem.  
Tanto pluri erit nobis victoria, quanto  
A paucis partem de pluribus esse liquebit.  
Ite per imbelles, gladio ductore, catervas:  
Cernitis ut solem gemmis auroque corusci <sup>26</sup>  
Obscurent clypei? lapidumque superbia conos  
Occupet ardeutes, ut purpura vestiat agros?  
Vincere quis nolit, ubi sic in bella venit?  
Quis nisi mentis inops oblatum respuat aurum?  
Congestas Orientis opes, Arabumque laborem,  
B In promptu capere <sup>27</sup> est, menti si parcat ensis,  
Si cupido cordi gladii respondeat ictus,  
Si tam cædis amans animus, sitiensque cruoris  
Quam sitiens auri, vestrum est quodcumque videtis:  
Non ascribo meum, tantum mihi vincite, prædam  
Dividite inter vos, qui mecum vincere certas <sup>28</sup>  
Participem me laudis habes <sup>29</sup>, tibi cætera tolle,  
Exemplar virtutis habe formamque gerendi  
Martis, Alexandrum, nisi primus in agmine primo  
Rex apparuerit, si tergum verterit hosti  
Excusatus eris, veniamque merebitur ille  
Qui fugiet, si <sup>30</sup> lentus agam <sup>31</sup>, si vero remissus  
Nil aggressus ero, si nunquam dixero forti:  
I, prior, i, sed in arma veni præcedere jussus,  
C Tunc demum socios sum dignus habere sequaces:  
Exemplo moveat <sup>32</sup> fortes, documenta vigoris  
Exhibeat, quicumque regit. Sic fatur, et ecce  
Concurrunt acies: it tantus ad æthera clamor  
Et vulgi strepitus, quantus si dissona mundi  
In chaos antiquum recidiva lite relabens  
Machina corrueret, rerum compage soluta,  
Horrisonum concussa darent elementa fragorem.

#### ARGUMENTUM LIBRI QUINTI.

Quintus habet strages varias, et funera charis  
Deplorata suis; victos apud Arbela Persas.  
Consulii Arsacides <sup>33</sup> duro de tempore tractans,  
An potius sit ei reparato robore latis  
Medorum regnis rursus concurrere <sup>34</sup> satis?  
Sed proceres hærent. Ad donativa maniplos  
Convocat Æacides, et donis vulnera curat.  
Ecce vir illustris, et non inglorius illa  
Præcedente acie, stipatus prole virili  
Mazæus, regem Babylonis mænibus infert.

#### LIBER QUINTUS.

Lege Numæ regis lata de mensibus olim,  
Quintus ab ancipiti descendens ordine Jano  
Vers 2290.

D Mensis erat, roseis distinguens partibus annum,  
Et gemino plausu gaudebant, hospite Phœbo,  
Vers. 2292.

#### VARIE LECTIONES.

<sup>16</sup> a. <sup>17</sup> Disponensque. <sup>18</sup> Transvolat. <sup>19</sup> mandasse. <sup>20</sup> ut si. <sup>21</sup> semel. <sup>22</sup> præcipit. <sup>23</sup> habent. <sup>24</sup> se.  
<sup>25</sup> et. <sup>26</sup> coruscum. <sup>27</sup> rapere. <sup>28</sup> curas. <sup>29</sup> habe. <sup>30</sup> qui. <sup>31</sup> agit. <sup>32</sup> moveat. <sup>33</sup> Arsamides. <sup>34</sup> com-  
mittere.

Lædæi fratres, prima cum parte dici  
 Concurren duces, emenso tempore cujus  
 Prævidisse luem Medis Persisque futuram  
 Creditur, et Daniel scripto mandasse latentem.  
 Adfuit a gelidis <sup>26</sup> veniens aquilonibus Hircus,  
 Ultio divina, prolesque Philippica, Magnus;  
 Quem procul ut vidit galea flammante coruscum  
 Indus Aristomenes, denis elephantia flagellis  
 Prodigus excutiens medicata cuspidè ferrum  
 Immersit <sup>27</sup> clypeo, sed eo lorica recluso  
 Tutatur corpus, at Magnus arundine monstro  
 Obviat, et qua se lateri promuscide jungit,  
 Vitales aperit ferro mediante latebras.  
 Fit fragor ingentem monstro faciente ruinam;  
 Sed cum præcipiti cecidisset bellua lapsu,  
 Ultor Aristomenon, et parcere nescius ensis  
 Acephalum reddit. Nostra est victoria, nostra est,  
 Ingeminant Græci: Persæ glomerantur in unum,  
 Missiliumque frequens regem circumvolat imber.  
 Sed nec gesa <sup>28</sup> movent, nec sævior ense bipennis:  
 Quem, duce fortuna, virtus infracta tuetur,  
 Ille per insertos invictus et impiger enses,  
 Telaque *perrumpens* <sup>29</sup> volat, ignoratque moveri,  
 Ferreus armatos contundens malleus artus,  
 Quo feriente cadunt, Elephaz Pharaone creatus,  
 Et Pharos Orchanides; Elephaz gladio, Pharos ha-

[sta <sup>30</sup>,

Hic eques, ille pedes, Ægyptius hic, Syrus ille.

Sicca prius, sterilisque diu jam flumine fusi  
 Sanguinis humet humus, jamque unda cruoris <sup>31</sup> C  
 [inundat

*Telluris venas, cadit infinita vicissim*

Persarum, Macedumque manus: jacet ense *Phi-*  
 [lotta

Henos et Caman, Henos quia fuderat ense  
 Euryphilum, Caman; quia Laomedonta securi:  
 Ibat Alexandro vulnus lethale daturus,  
 Si sineret fortuna, Geon, maris incola Rubri,  
 Informis facie, quem creditur una gigantum,  
 Quippe giganteis ducens a fratribus ortum,  
 Æthiopi peperisse viro, qui corpore matrem  
 Immani referens, nigroque <sup>32</sup> colore parentem,  
 Quos terrere nequit nigredine, corpore terret.  
 Fuderat ergo viros, clava ter quinque trinodi,  
 Agmina dum Graium sinuoso turbine rumpens  
 Ad Magnum molitur iter: ceu dissipat acri  
 Dente canes Nemeæus aper, cui sudat apertis  
 Spuma labris, dorso, valli riget instar acuti,  
 Seta minax, humeroque canes supereminet omnes.  
 Nunc hos, a læva, dextra nunc fulminat illos,  
 Nunc caput in renes obliquat, rursus ab illis  
 In latus oppositum, partemque tuetur utramque  
 S: non ignarus volucris defendere gyro.

Ventum erat ad regem, miratur Martius heros  
 Visa mole viri, dumque arduus ille cruentam  
 Vers. 2304.

A Erigeret clavam, clamoso gutture regi  
 Intonat: Heus, inquit, quis te furor egit in hostem.  
 Magne giganteum? quem sidercas Jovis arces  
 Affectasse legis, a quo vix fulmine tandem  
 Tutus in ætheria mansit Saturnius arce?

Nondum finierat, agili cum torta lacerto  
 Pinus Alexandri, medio stetit ore loquentis,  
 Faucibus astringens <sup>33</sup> linguam, ne derogat ultra  
 Cœlicolis, sed adhuc stantem, telumque cruentum  
 Mandentem, Macedo tum demum admissus equini  
 Pectoris impulsu quatit, explicitumque per artus  
 Reddit humo natum, plangit percussa jacentem,  
 Mater humus prolem, tantumque dat icta fragorem,  
 Quantus, ubi annosam, sed adhuc radice superbam  
 Montibus evellit Boreæ violentia quercum.

B Concurrent Argiva phalanx, stratumque Geonta  
 Confodiunt jaculis, gladiosque in viscera condunt  
 Quem tandem lacerum vultus, ac mille retusum  
 Pectora vulneribus, Acherontis ad antra remittunt.

Parte furens ana, Persarum <sup>34</sup> proterit agmen  
 Inclytus ille Clytus, cujus soror ubere Magnum  
 Lactavit proprio, sed quæ provenierit illi  
 Gratia pro meritis, magis arbitror esse silendum:  
 Hunc ubi germani respersum sanguine vidit  
 Sanga Damascenus, fraterno motus amore,  
 Ter gemitum dedit, et repetita medullitis alio  
 Pectore confusam repetunt <sup>35</sup> suspiria vocem,  
 Cumque tribus jaculis, frendens explere nequiret  
 Pectoris affectum, stricto mucrone, micanti

C Emicuit curru, quaque huic flagrante pyropo  
 Ardebat cassis, claro caput arguit ictu,  
 Et nisi loricae latuisset tuta galero,  
 Plorasset cerebrum, terebrata casside, cervix.  
 Sed licet attonitus mananti sanguine Sangæ:  
 Non tamen ignarus gladio respondet, idemque  
 Quod modo transierat primi per vulnera <sup>36</sup> fratris  
 Balneat alterius intra præcordia ferrum.

Diriguit primo spectata cæde suorum  
 Metha <sup>37</sup> pater, nec quos lacrymarum funderet im-  
 [bra

Invenit facies, etenim dolor intus obortas  
 Sorbuerat lacrymas; et compluit intima cordis  
 Arida, decrepitæ faciei debitus imber,  
 Supplevitque vices oculorum flebile pectus.

D Palluit exanimis, dextra languente, gelato  
 Corde senex, et mors in vultu visa sedere est:  
 Mox ut <sup>38</sup> mens rediit, redivivo sanguine, tandem  
 Singultum medias interrumpente querelas.  
 Tunc duos, inquit, tortor sævissime, fratres.  
 Tunc duos ante ora patris mucrone vorasti?  
 Non veritus patris emeriti, miserique parentis  
 Præcipitare dies? sed ut ulterius tibi nullum  
 Non pateat facinus, ferro, fera tigris, eodem,  
 Quo mea, me coram, rupisti viscera, ferro  
 Junge patrem natis, et funera terna remitte  
 Vers. 2358.

#### VARIE LECTIONES.

<sup>26</sup> siccis. <sup>27</sup> immisit. <sup>28</sup> tela. <sup>29</sup> prorumpens. <sup>30</sup> ense. <sup>31</sup> imbut unda cruoris. <sup>32</sup> aliumque. <sup>33</sup> affertus.  
<sup>34</sup> Parthorum. <sup>35</sup> reprimunt. <sup>36</sup> viscera. <sup>37</sup> Mecha. <sup>38</sup> ubi.

Conjugis et fratrum, viduæ plangenda parenti :  
Si qua tamen conjux, si quis tibi filius hæres,  
Aut soror aut mater, Parcarum vindice flo,  
Quod doleo doleant, et idem quod lugeo plangant.

Dixit, et imbelli jaculatus missile dextra  
Torsit in ora Clyti, quod vix umbone moratur  
Ocius avellit Clytus, et qua sacra retortis<sup>66</sup>  
Canities nemorosa pilis vergebat in armos  
Hispidæ lethali pertundit<sup>67</sup> guttura ferro.  
Ille ruens cecidit, visu miserabile, natos  
Inter semineces, prolemque amplexus utramque  
Tendit ad infernam natis comitantibus urbem.

Jamque propinquarat<sup>68</sup> regali prodita luxu  
Ipsa acies Darii, curruque micabat ab alto  
Rex, regem innumera lapidum prodeunte lucerna,  
Obstupuit tanta percussus luce<sup>69</sup> *Nicanor*;  
Utque erat in dextro cornu dux agminis, illuc,  
Applicuit cuneum belli, quem sorte regebat  
Commissum, primis arrisit subdola gestis  
Ejus, et excepit blande fortuna ruentem<sup>70</sup>  
Parmenione satum, vix obstitit unda clientum  
Primo congressu, stabilemque<sup>71</sup> *Nicanoris* alam  
Sustinuit tepide, donec Rhemnon Arabites<sup>72</sup>  
Turbidus in medios ruit, obsitus imbre Quiritum,  
Et stabilis profugos, mentesque redintegrat agras.

Statur, et immotis figunt vestigia plantis,  
Eminus occumbunt jaculis, et turbine fundæ,  
Cominus et gladio, cœbrebrum sitiente securi,  
Interdum livore sudum, verubusque cruentis  
Rem peragunt pedites, sedes<sup>73</sup> implentur avari  
Ditis, et umbriferi domus insatiabilis antri<sup>74</sup>,

Rumpere fila manu non sufficit una sororum,  
Abjectaque colo Clotho, Lachesisque virorum  
Fata metunt, unamque duæ juvere sorores,  
Mista plebe duces pereunt utrinque, sed inter  
Millia tot procerum, speciali laude refulgens  
Inclutus emicuit<sup>75</sup> numerosa cœde<sup>76</sup> *Nicanor*,  
Perque tot objectos vestigat<sup>77</sup> Rhemnona Persas,  
Nil acutum credens suscipere tot millibus, ipsum  
Cum videat superesse duces, dominumque cohor-  
[tis.

Nec mora conspicui turba cedente suorum  
Concurrere duo, ferit horrifera<sup>78</sup> astra boatus,  
Et populi quatit arva fragor, ferrata coactis<sup>79</sup>  
Cornipedum pedibus putres terit ungula glebas,  
Cominus admissi *congregiuntur*<sup>80</sup>, uterque  
Cuspide præterita superos agnovit in ictu  
Propitios, crudeque licet pulsatos acerno  
Stipite mansit eques tamen, hinc vacuata propin-  
[quum

Vertitur ad capulum manus ærea, casside cassa  
*Erumpeus*<sup>81</sup> rigat arva cruor, nec sustinet iras  
Muronis clypeus, genibus cœdere remisissis  
Vers. 2409.

A Vectores, vectique simul, prior ense relecto<sup>82</sup>  
Surgit<sup>83</sup> *Parmenides*, et pectora Rhemnonis acer  
Arctat utroque genu, donec vitalia Parthi,  
Et ventris latebras, capulotenus induit ensis.

Extemplo turbati Arabes, et lite relicta,  
Vertere terga parant, sed quos Hyrcania gignit  
Conspicuos in Marte<sup>84</sup>, supervenit ala Quiritum  
Excedens numerum, inclusumque<sup>85</sup> *Nicanora* vallo  
Armisonæ sepi, facta statione, coronant;  
Obruitur primo jaculis, strepit ærea cassis  
Glandibus et saxis, tantamque sibi lacer orbis  
Obstupet innasci veterato<sup>86</sup> robore silvam;  
Jamque pedes, ulnæque labant, mistoque crude  
Membra *lavat*<sup>87</sup> sudor, sed mens, infractaque vir-  
[tus.

B Et princeps animus capto sub corpore regnat<sup>88</sup>,  
Totque lacessitus jaculis, et cæstibus ille  
Murus Alexandri, sed non sine nomine tandem  
Procubuit<sup>89</sup>, multamque sua cum strage ruinam  
Persarum, trahit unius damnoza ruina.  
Qualis Romulea<sup>90</sup> cecidit cum turris in urbe,  
Turbine fulmineo vicinas obruit ædes.

Interea, Macedum planctu pulsatus acerbo,  
Advolat orbata catulis violentior<sup>91</sup> ursa  
Diluvium mundi Macedo, pavet obvia turba  
Principis occursum, fugientque per avia cursu  
Præcipiti dociles vitam præferre triumpho,  
Unus Alexandro, reliquis fugientibus, instat  
Memnonides *Sthenelus*, cujus, lanugine prima,

C Signabat roseas, facies uimis æmula, malas,  
Nobilis, et patrio referens a sanguine Cyrum,  
Cui nuptura soror Darii, si cederet illi  
Gloria Martis, erat, unde orta superbia, Magno  
Obvius ire parat; sed nec reverentia patrum,  
Nec favor ætatis, nec rerum copia mortem  
Excutiunt, parili forma, sed dispare fato  
Occurrit juveni laxis Hephæstio frenis,  
Et qua flammivomo rictu micat aurea<sup>92</sup> tigris  
Disjicit umbonem, largoque foramine candena  
Admittit ferrum laxo toga ferrea nexu,  
Transit in occultas feræ arundo latebras  
Pectoris, inque humeros nivea cervice roclivi,  
Perpetuæ *Sthenelus* noctis caligine tectus  
Fertur, et æterno clauduntur lumina sonno.

D At lævo cornu<sup>93</sup>, cui nulli Marte secundus  
Parmenio præerat, discors Bellona furebat  
Sanguineis maculosa fibris<sup>94</sup>, sanieque recenti  
Delibuta comas, cui spumeus axe citato<sup>95</sup>  
Lumine terrifico tonitrus et fulminis instar  
Concitus occurrit feræ turbine frater.  
Cui sternit<sup>96</sup> furor ipse vias, ceduntque furenti  
Degeneres animi, comes indivisa furoris  
Præcipites rapit ira gradus, et fellea torquens  
Vers. 2461.

#### VARIÆ LECTIONES.

<sup>66</sup> recurvis. <sup>67</sup> perfodit. <sup>68</sup> propinquabat. <sup>69</sup> furentem. <sup>70</sup> Arabarches. <sup>71</sup> sedesque. <sup>72</sup> auri. <sup>73</sup> cni-  
quit. <sup>74</sup> adversos. <sup>75</sup> ensifer. <sup>76</sup> subactas. <sup>77</sup> vicinantur. <sup>78</sup> profluidus. <sup>79</sup> retento. <sup>80</sup> morie. <sup>81</sup> pe-  
terano. <sup>82</sup> lavit. <sup>83</sup> regnant. <sup>84</sup> Occubuit. <sup>85</sup> Romana. <sup>86</sup> truculentior. <sup>87</sup> area. <sup>88</sup> in cornu. <sup>89</sup> julis.  
<sup>90</sup> cruento. <sup>91</sup> Consternit.



Lumina, contemnit humiles rationis habentis,  
Impatiensque moræ, levis et male cuncta mini-

[strans

Impetus, obliquos versat in pulvere currus :  
Undique successus, sed et infortunia mistim  
Circumfusa volant, et mille a vertice Martis  
Cum pallore suo, nutant per inania morte

Talis in amplexus veniens per colla sororis  
Brachia diffudit Deus horrifera : Ocius, inquit,  
Labere, chara soror, Macedumque, i, nuntia regi :  
Vana spe raperis, Darium quid perdere per te ?  
Inscius affectas ? scelus hoc a principe tanto  
Amovere dii, nec fas ut dextera mundi  
Sceptra tenens, madeat jugulo polluta senili.  
Altera debetur Dario fortuna, suorum  
Proditione cadet, celer ergo per arma, per hostes  
Adsis, et varia populanti cæde Pelasgos  
Ilicet occurras Mazæo, quippe rapinis  
Et Macedum spoliis inhiat, laxatque solutos  
Compedibus Persas, rursus versa vice vinculis  
Mancipat Argivos, neque enim tot sufficit ultra  
Millia Parmenio paucis incessere turmis.

Dixit, at umbrifero Bellona citatior Austro  
Fertur, et ad dextrum pertransit stridula coram,  
Induiturque genas, horrendaque Palladis ora  
Gorgonis anguicomos prætendens ægide vultus,  
Commemoransque Dei breviter mandata recessit,  
Infecitque diem, ferali nube recedens.

Excitatur saltu Macedo, profugamque secutus  
Voce deam : Quocumque venis, dea, cardine, vanum  
Spernimus omen, ait, non me divellet ab armis  
Et curru Darii, licet impiger Ales ab alto  
Missus Atlantiades verax mihi nuntius ipse  
Afferat a Persis raptas cum matre sorores,  
Ex Dario pendet nostri spes unica voti ;  
Quem si perdidero, parvi mihi cætera, parvi  
Perdita momenti : solum si vicero, solus  
Perdita restituet, non est mihi perdere tanti,  
Quod recipi poterit, ut non et vincere malim ;  
Sed neque si turris Darium septemplete muro  
Includat, licet ardentem circumfluus unda  
Sulphureis Acheron defendat mœnia ripis,  
Eripiet fortuna mihi. Sic fatus, in armis  
Se locat, et summo clypeum feriente lacerto  
Orbem signiferum, ceu vallum et mœnia, muro  
Pectoris opponit, tendensque in sidera pinum,  
Vertice sublato, medius ruit hostis in hostes,  
Flammantesque globos, torquens testatur adesse  
Pulvis Alexandrum ; fertur temone supino  
Afer Aristides, pedibusque attritus equinis  
Occubuit Pelias, Libycis a Syrtibus Afer  
Venerat, a Scythicis Pelias tetrarcha pruinis,  
Ilic Afrum Craterus, Pelian dejecit Amyntas :  
Ense jacet Pelias, hastili corruit Afer,  
Jungitur his Amilon terebrato gutture, rubram  
Vers. 2515.

A Exhalans animam, Baradamque jacentibus addit  
Antigonus, reprimitque globum Ptolomæus equo-

[strem :

Nec minor Eumenidi strages, nec gloria Cœni  
Inferior, Meleagre, tua, truculentior instat  
Perdiccas solito : cunctis cernentibus, ipsam  
Ante aciem Darii Polypercon (nocte fruendum  
Qui prius asseruit) redimit de luce patenter  
Consilium de nocte datum, furit Attica pubes  
Mente nova votoque pari : furor omnibus idem,  
Parque animus bello, dominoque simillimus ipsi,  
Ut quod Alexandri comites si Marte furentes  
Cominus aspiceret, tot se gauderet habere  
Magnus Alexandros ; jam victoris fragor aures  
Pulsabat Darii, jamque irrumpebat in ipsos

B Consortes lateris, funestæ turbo procellæ.

Æger in adversis animus sapientis, et ægro  
Consulit ipse sibi, cum duro in tempore primis  
Diffidit rebus, et spes languescit inermis :  
Nam quid agat Darius ? quo se regat ordine demens ?  
Cui nec tuta fuga est, nec si velit ipse morari,  
Laveniet socios ? nam de tot millibus ante  
Quos sibi crediderat, vix bello mille supersunt,  
Qui stent pro patria : pudor et reverentia famæ  
Ne fugiant, prohibent, contra timor anxius urget :  
Dumque vacillanti stupefactus pectore nutat,  
Dum dubitat, capiatne fugam, vitamne perosus  
Se sinat ipse capi ? Persæ velut agmine facto  
Mandant terga fugæ, rapiuntque per arva, relicto  
Rege, gradum : demum laxis invitus habentis  
Nactus equum Darius, rorantia cæde suorum  
Retrogrado fugit arva gradu ; quo tendis inertem  
Rex periture, fugam ? nescis, heu, perditæ, nescis ?  
Quem fugias ? hostes incurris, dum fugis hostem,  
Incidis in Scyllam cupiens vitare Charybdim,  
Bessus, Narbasanes, rerum pars magna tuarum  
Quos inter proceres humili de plebe locasti  
Non veriti temerare fidem, capitique verendi  
Perdere canitiem, spreto moderamine juris  
Proh pudor ! in domini conjurant fata clientes.

Magnus ut ablatum medio de limine mortis  
Acceptit Darium, regum super ossa cruentus  
Fertur, et ingenti super ipsa cadavera saltu  
Insequitur profugum, pœne incomitatus Achivis,  
D Immemor ipse sui, qualis rapit impetus ignem  
Sideris, et claris distinguit nubila flammis.  
Sed jam præcipiti per saxa, per invia saltu  
Transieratque Lycum, paucis comitantibus, amnem  
Belides, dubiusque stetit, stratumne furenti  
Immersurus aquæ properaret frangere pontem,  
Pellæo clausurus iter, sed ab hoste premendos  
Dira cæde suos timuit, si ponte reciso  
Securus fugiens Persarum excluderet agmen ;  
Utile propositum vicit respectus honesti,  
Præposuitque suos Darius sibi ; maluit e:  
Vers. 2569.

#### VARIAE LECTIONES.

\* regem. <sup>76</sup> nec. <sup>76</sup> et. <sup>77</sup> arma. <sup>78</sup> nec. <sup>79</sup> verus. <sup>80</sup> ipsas. <sup>81</sup> Nuntiet. <sup>82</sup> Fumantesque. <sup>83</sup> pa-  
tenti. <sup>84</sup> Inacha. <sup>85</sup> Curt. Nabarzanes. <sup>86</sup> qualem. <sup>87</sup> raris.

Justus inire fugam, potiusque elegit apertam  
Victori præbere viam, quam claudere victis.

Fit fuga Persarum, turbatoque ordine passim  
Curritur ad pontem<sup>90</sup>, sed et intolerabilis æstus,  
Et duplicata sitis cursu languentia torrent  
Viscera, et exhaustos sudor sibi vindicat artus,  
Pulmonisque vagas agitant suspiria cellas.  
Unde inopes undæ, nemorum per devia ducti,  
Occulti laticis salientes quærere venas,  
Omniibus incumbunt rivis, haustaque gulose  
Limosi torrentis aqua, præcordia limo  
Tensa rigent, prægnantem uterum simulare co-

[actus

Triste parit funus, concepto flumine, venter.  
Nonnullis, avido fluvium dum gutture sorbent  
Obstruit occurrens vitales unda meatus  
Deraque in cæcis inclusum intercipit antris.

Sed neque tot turnas procerum vulgique pha-  
[langes

Ad mortem ductore metu, sine lege ruentes  
Explicat unius angustia pontis, acervos  
Vix capit unda tumens, fluviique vorago cadentes;  
Labuntur passim, lapsosque involvit hiatus  
Fluminis, et virides stupuere cadavera Nymphæ.

Languentes gladios<sup>91</sup>, et habentia tela suorum  
Intuitus Macedo, cum jam declivis Olympus  
Phœbeis legeretur equis, fumantibus arvis  
Æthiopum, et solito pauloque remissius igne  
Ureret Herculeas solis vicinia Gades,  
Caussatus præceps in noctem tempus, ad illos,  
Quos credebat adhuc in cornu stare sinistro  
Fæciti iter, jamque in lævum converterat arma,  
Cum præmissus eques a Parmenione, triumphum  
Nuntiat, et variis afflictos cædibus hostes;  
Dumque reducuntur equites in castra, repente  
Vallibus emergens Persarum apparuit agmen,  
Exurens clypeis, galeisque micantibus agros;  
Qui primos inhibere gradus, et figere gressum;  
Demum<sup>92</sup> ubi tam paucos Macedum videre cruentas  
In Magnum vertere acies. Rex ante Quiritum  
More suo gradiens vexilla, pericula Martis  
Dissimulans potius, quam spernens, illud ab hoste  
Concussum toties, sed inexpugnabile castrum  
Pectoris opposuit Persis, nec defuit illi  
Perpetua in dubiis rébus fortuna, cohortis  
Præfectum mortis, et Martis amore furentem  
Excipit, et celeri rimatur viscera ferro;  
Nec mora Lysimachus, et gloria gentis Achææ  
Invasere Arabes passim, neutrisque pepercit  
Martius ille furor, ubi nemo cadebat inultus;

Verum cum Phœbi radiis, Atlantide stella  
Jam vultus audente suos opponere Persis,  
Marte videretur fuga tutior, ordine rupto  
Consuluere fugæ, laxisque licenter habenis,  
Nocte fere media trajecti<sup>93</sup> fluminis amnem

Vers. 2622.

A *Arbela* perveniunt, ubi rex Babylonius illos,  
Quos secum fuga contulerat, lugubris et æmens  
Consulit, et pariter duro de tempore tractat;  
Cumque repressisset queruli suspiria cordis,  
Reliquias Macedum lacrymoso lumine spectans:  
Fortuitos, inquit, toties mutare tumultus  
Nunc aversa pati, nunc exsultare secundis,  
Nunc caput incurvare malis, nunc tollere, sortis  
Humanæ est; humilem sic vidit Lydia Cræsum,  
Sic sic victorem versa vice femina fregit:  
Sic quoque Thermopylæ Xerxem videre jacentem,  
Et qui navigio<sup>94</sup> totum modo texerat æquor,  
Vix licuit victo sola cum nave reverti.

Nulla rei novitas pervertere fortia debet  
Pectora, cum nulla teneatur lege fidelis

B Esse homini fortuna diu, spes unica victis,  
Contra victorem rursus sperare triumphum.  
Nec dubito quin victor agros aditurus, et urbes  
Civibus exhaustas, et opimis rebus, et auro  
Confertas, ubi gens avidissima, pectore<sup>95</sup> toto,  
Visceribus siccis, sitiens lethale metallum

Tentabit sedare sitim, prædaque recenti  
Conceptam satiare famem, nec inutile nobis  
Id reor. Interea fines intactaque bellis  
Regna petiturus, Medorumque ultima, vires  
Non ægre reparabo meas, pretiosa supellex,  
Castraque castratis, et multa pellice plena  
Quanti sint oneris, et quantum bella gerentes  
Impediant, usu longo didicere potentes;

C His partis erit inferior, quibus ante remotis  
Major erat Macedo, spoliis vincetur onustus,  
Qui vicit vacuus: non auro bella geruntur,  
Sed ferro, non æs, non oppida regna tuentur,  
Sed virtus, viresque virum: penetremus *ad ipsos*<sup>96</sup>  
Medorum fines, in duris utile rebus,  
Non dictu speciosa sequi docet ipsa facultas;  
Non secus antiquos summo<sup>97</sup> molimine rerum  
Novimus affectos<sup>98</sup> fortes<sup>99</sup> discrimine patres,  
Indultis aliquot hostique sibi que diebus,  
Fortunam reparasse suam, rursusque retusis  
Hostibus adversa de parte tulisse triumphum.

Finierat Darius, vox plena timoris<sup>98</sup>, et ex spes  
Visa suis, cum tot opibus Babylona superbam,  
Et reliquas urbes, sine defensore relictas,

D Esset Alexander primo fracturus Eoo.  
Nulla videbatur reparandæ copia sortis,  
Sed neque (quod superest) retinendi gratia regni:  
Seu confirmato tamen agmine, sive sequenti  
Imperium potius, quam consilium ducis, uno  
Maturant animo Medorum visere fines.

Nec mora, distribuens celebres apud *Arbela* gazas  
Munificus Macedo, tantis ardenter onusto  
Rebus, et inventa satiatio milite præda  
Transcurrit Syriam<sup>99</sup>, pluvioque citatior austro,  
Vi, vel amicitia superatis<sup>100</sup> civibus, ardēt

Vers. 2677.

#### VARIE LECTIONES.

<sup>90</sup> pacem. <sup>91</sup> animos. <sup>92</sup> Verum. <sup>93</sup> transvecti. <sup>94</sup> navigiis. <sup>95</sup> gutture. <sup>96</sup> abactos. <sup>97</sup> primo.  
<sup>98</sup> afflictos. <sup>99</sup> sortis. <sup>100</sup> doloris.

Obsita coctilibus intrare palatia muris,  
Insignemque olim tot regum laudibus urbem,  
Cui dedit æternum labii confusio nomen :  
Cumque Scmiramia tantum distaret ab urbe,  
Quantum Sequanicis distat Dionysius undis,  
Ecce vir illustris stipatus prole beata  
Impiger occurrit Mazæus transfuga regi,  
Imperio Magni, sese Babylonaque dedens,  
Quem rex complexus avide, vultuque benigno  
Suscipiens, tacitis suffocat gaudia votis.

Quippe laboris erat magni, longique paratus,  
Tot populis et tot munitam turribus urbem  
Obsidione capi, nisi machina, Numine Divum,  
Coctile cæmentum crebro dissolveret ictu,  
Virque manu doctus<sup>1</sup>, et non inglorius illa  
Præcedenti acle, toties expertus in armis,  
Exemplo poterat alios ad fœdera pacis  
Invitare suo; tunc vero cohortibus arte<sup>2</sup>  
Dispositis, jussisque sequi, et retrocedere Persis,  
Agmine quadrato stupefactæ illabitur urbi;

Splendet in occursum tantæ Babylonia regis,  
Et quas congescit veterum solertia regum  
Exponuntur opes, ardent altaria gemmis;  
Porticibusque sacris statuæ reteguntur avitæ,  
Per fora, per vicos, per compita, serica ridet  
Vestis, et aurivomis ignescunt fana coronis,  
Matronasque graves annis, civesque severos,  
Tegmina cælati urunt homlycina mœstris :  
Servus et ancillæ jussi splendescere luxu  
Barbarico, insolitos nequeunt sufferre paratus,  
Inmemoresque sui dum contemplantur amictus,  
Jam se præsumunt, servos non esse, fateri.  
Hosque, quibus deerat fallax opulentia, jussit  
luter honoratos fulgere precaria vestis,  
Jam totum victoris iter lascivia florum  
Sparserat<sup>3</sup>, et ramis viduata virentibus arbor.  
Quocunque ingreditur certant opobalsama nardo<sup>4</sup>,  
Divinique Arabum pascuntur odoribus ignes,  
Efferat præfertur claustris indignata teneri  
Tigris, et obstrusi ferrato carcere pardi.  
Inclusi caveis frendunt immane leones,  
Et quæcunque tenet Hyrcanos bestia<sup>5</sup> saltus.

Vers. 2720.

A Et ne præpediat oculos objecta sequentum  
Turba frequens, gradibus transvecti<sup>6</sup> ad culmina  
[lecti

Quam plures, avidique suum cognoscere regem  
Edita murorum longa statione coronant.

Occurrunt lyricis modulantes cantibus odas  
Cum citharis mimi, concordant cymbala sistris,  
Tympanaque harmoniis cedunt, nec defuit aures  
Blandius humanas docilis testudo movere<sup>7</sup>,  
Et quos Niliacæ tradunt mendacia gentis  
Fatidicos, cœlique notis prænosse peritos  
Sidereos motus, et ineluctabile<sup>8</sup> fatum  
Memphitæ<sup>9</sup> vates currum victoris adorant :  
Nunquam tam celebri jactatrix Roma triumpho  
Victorem<sup>10</sup> mirata suum tam divite luxu

B Exceptit<sup>11</sup> : seu cum fuso sub Leucade Cæsar  
Antonio<sup>12</sup>, sexti mutavit nomina mensis,  
Lactandasque dedit hydris Cleopatra papillas<sup>13</sup>.  
Seu post Emathias acies cum sanguine Magni  
Jam satur irrupit Tarpeiam Julius arcem :  
Et merito, nam si regum miranda recordans,  
Laudibus et titulis cures attollere justis,  
Sive fide recolas quam raro milite contra  
Victores mundi, tenero sub flore juventæ,  
Quanta sit aggressus Macedo, quam tempore parvo<sup>14</sup>  
Totus Alexandri genibus se fuderit orbis,  
Tota ducum series, vel quos Hispana poesis  
Grandiloquo modulata stylo, vel Claudius altis  
Versibus insignit, respectu principis hujus,

C Plebs crit, ut pigeat *Lacunarum lumine tanto*  
Cæsareum cecinisse melos, Romæque ruinam ;  
Et Macedum clarus succumbat Honorius armis.

Si gemitu commota pio, votisque suorum  
Flebilibus, divina daret clementia talem  
Francorum regem, toto radiaret in orbe  
Haud inora, vera fides, et nostris fracta sub armis  
Parthia baptismo renovari posceret ultro :  
Quæque diu jacuit effusis mœnibus alta  
Ad nomen Christi Carthago resurgeret, et quæ<sup>15</sup>  
Sub<sup>16</sup> Carolo meruit Hispania solvere pœnas,  
Erigeret<sup>17</sup> vexilla crucis, gens omnis, et omnis  
Lingua Deum caneret, et non invita subiret  
Sacrum sub sacro Remorum præsule fontem.

Vers. 2762.

#### ARGUMENTUM LIBRI SEXTI

Sextus Alexandrum luxu Babylonis et auro  
Corruptum ostendit, castrensia munera certis  
Distribuit numeris<sup>18</sup> : armato milite fines  
Uziacos intrat. Sisigambis liberat urbem  
Et<sup>19</sup> Medatem<sup>20</sup> precibus : a mœnibus inclyta<sup>21</sup> sumat  
Eruta<sup>22</sup> Persepolis : Movet occursum miserorum  
Turbatum regem : Darius discrimina Martis  
Rursus inire parat : hic seditio patricidas  
Separat a Dario, sed eos innata simultas  
Acceptos reddit, et credula pectora lactat<sup>23</sup> ;  
Nec fatum mutare valent decreta Patronis.

#### VARIE LECTIONES.

<sup>1</sup> Assyriam. <sup>2</sup> superandis. <sup>3</sup> promptus. <sup>4</sup> arcte. <sup>5</sup> Texerat. <sup>6</sup> thymiamata thuri. <sup>7</sup> bellua.  
<sup>8</sup> evecti. <sup>9</sup> sopire viella. <sup>10</sup> inevitabile. <sup>11</sup> Memphites. <sup>12</sup> exceptit. <sup>13</sup> victorem. <sup>14</sup> synær. <sup>15</sup> mamilla.  
<sup>16</sup> quis. <sup>17</sup> Exigeret. <sup>18</sup> donis. <sup>19</sup> Curt Madathem. <sup>20</sup> cruta. <sup>21</sup> Inclyta. <sup>22</sup> placat.

## LIBER SEXTUS.

Ecce iues mundi regum timor ultimus <sup>21</sup>! ecce!  
 Quem toties poteras, Babylon, legisse futurum  
 Eversorem Asiæ, sacra quem prædixerat Hircum  
 Pagina, quem gemini fracturum cornua regni,  
 Præsentem mirare virum, nec despice clausum  
 Coctilibus septis, qui latum amplectitur orbem,  
 Cujus inhorrescunt audito nomine reges:  
 Rex erit ille tuus, a quo se posceret omnis  
 Rege regi tellus, si perduraret in illa  
 Indole virtutum, qua cæperat ire potestas.

Aspice quam blandis, victos <sup>22</sup> moderetur habenis,  
 Aspice quam clemens inter tot prospera victor:  
 Aspice quam mitis dictet jus gentibus: ut quos  
 Hostes in bellis habuit, cognoscat in urbe  
 Cives, et bello quos vicit vincat amore:  
 Hos tamen a tenero schola quos impresserat ævo  
 Ornatus animi, poliendæ schemata vitæ,  
 Innatæ virtutis opus, solitumque rigorem,  
 Frægerunt Babylonis opes, luxusque vacantis  
 Desidia populi, quia nil corruptius urbis  
 Moribus illius, nihil est instructius illis  
 Ad Veneris venale malum, cum pectora multo  
 Incaluere mero, si tantum detur acerbi  
 Flagitii pretium, non uxores modo sponsi,  
 Sed prolem hospitibus cogunt prostare parentes,  
 Solemnes de nocte vident convivia ludos,  
 Quos patrio de more solent celebrare tyranni.

Hos inter luxus Babylonis, et otia Magnum  
 Ter deni tenuere dies et quattuor, unde  
 Terrarum domitor exercitus ille, futurus  
 Debilior fuerat, si post convivia mensæ  
 Desidis, effrenum piger irrupisset in hostem:  
 Ergo Semiramis postquam Mavortius heros  
 Finibus egressus, Satrapenis astitit <sup>23</sup> arvis,  
 Quædam, quæ dederant patres, præcepta prioris  
 Militiæ, mutanda ratus, castrensia certos  
 Munera sub numeros arguta menta redegit,  
 Utque suos habeant *Ductores* <sup>24</sup> quæque Quiritum  
 Millia constituit, quibus indubitata probetur  
 Indicibus virtus equitum, dignusque probatis  
 Exhibeatur honos, ne falso præmia poscat  
 Qui tepide gessit, ne sub probitatis amictu  
 Splendeat improbitas, et ne mercede negata  
 Perdidit titulum, qui gessit fortia fortis.

Moris apud veteres Macedum, patremque Philippum  
 Hactenus exstiterat, cum tolli signa juberent,  
 Castra ciere tuba, quæ præpediente tumultu,  
 Armorumque sono non pertingebat ad omnes;  
 Sed super hoc factum <sup>25</sup> est, ut Parthica signa mo-

[vendi

Luce, sit in signum fumus, de nocte vel ignis,

Vers. 2825.

A Neve quis alterius munus, vel fortia gesta  
 Usurpasse <sup>26</sup>, suisve ascribere viribus ausit,  
 Unumquemque virum vice qua donatur, et actis  
 Contentum jubet esse suis, monet, allicit, arctat <sup>27</sup>,  
 Fortes, conductos, cives, prece, munere, scripto.  
 Romuleos reges, subjecto legimus orbe,  
 In populos legem et causas dictasse forenses,  
 Cum Deus ultrices furias arceret Olympo  
*Omnipotens* <sup>28</sup> terris, sed plus fuit arma tenentes  
 Legibus astringi, quam victis condere jura,  
 Et majus fuit armatos decreta rigoris  
 Suscipere in bello, quam jus in pace pacisci.

Ilæc ubi mature tractata, libentibus omnes  
 Accepere animis: Susam tradentibus urbem  
 Civibus, et multis hilarato milite gazis

B Agmen ad Uxiacas convertit turbidus arces,  
 Uxiacæ regionis onus, summamque regebat  
 Præfectus Medates, sane vir fortis, et ingens  
 Exemplar fidei, pro qua suprema subire  
 Non veritus, verum Dario servavit <sup>29</sup> amicum

Doctus ab indigenis iter esse latens et opertum,  
 Civibus ignaris, Graios quod ducat ad <sup>30</sup> urbem,  
 Delectis equitum tantum in discrimen ituris  
 Præfecit Macedo meriti Taurona probati:  
 Ipse <sup>31</sup> movens circa teneræ primordia lucis,  
 Angustas superat fauces, aditusque locorum,  
 Cæsaque materies faciendis cratibus apta,  
 Et pluteis curva testudine surgit in arcem,  
 Artificium ut studiis, tali munimine tuta

C Funditus erueret muros armata juvenus:  
 Sed gravis accessus, cum dura minetur acutis  
 Cautibus <sup>32</sup> et saxis succidi nescia tellus:  
 Nec solum Macedo cum duro dimicat hoste,  
 Sed locus est, cum quo pugnandum est, vivaque

[cautes

Nativo munita situ; tamen arcta subibant,  
 Et prærupta leves, duce præcedente, cohortes,  
 Quem tamen objecta testudine, cum peteretur  
 Eminus ex alto, telorum grandine, nec vi,  
 Nec prece, barbaricis poterant avellere muris.

Quippe inter primos galeato vertice primus  
 Fulminat in muros, nunc grandia saxa volutans  
 Nunc sude suffodiens, nunc frangens ariete portas  
 Nunc tormenta rotat, tormentum flebile mundi,  
 D Impellensque suos; pudeat jam, proh pudor! in-

[quit,

Victores Asiæ, o socii, quibus ante tot urbes  
 Cessare, exigui dormire ad mœnia castri:  
 Quæ loca, quod subsistat opus quis non ruat agger  
 Ante manus Macedum? quæ mœnia stare vel arces  
 Sustineant? solidis quæ fundamenta columnis

Vers. 2872. —

## VARIE LECTIONES.

<sup>21</sup> unicuique. <sup>22</sup> victor. <sup>23</sup> constitit. <sup>24</sup> Chiliarchas. <sup>25</sup> cautum. <sup>26</sup> usurpare. <sup>27</sup> aptat. <sup>28</sup> Theodosius.  
<sup>29</sup> scribat. <sup>30</sup> in. <sup>31</sup> Ille. <sup>32</sup> Cotibus.

lunati valeant, cum senserit altus adesse  
Murus Alexandrum? quamvis æquandus Olympo  
Corruet, et discent mihi *se submittere* <sup>33</sup> tures,

Dixit, et in summa Tauron apparuit arce,  
Quo semel aspecto, Graiis audacia crevit,  
Corripuitque pavor et desperatio cives;  
His, extrema pati, patriæque impendere vitam,  
Illis corde sedel fuga, si modo libera detur;  
Maxima nubiferam se turba recepit in arcem.  
Nec mora ter denis victorem flectere missis,  
Ut liceat salva victos discedere <sup>34</sup> vita,  
Triste reportatur responsum a principe: nullum  
Esse locum veniæ, parvas superesse doloris  
Suppliciique moras, torpent languore timoris  
Percussi cives, dociles extrema vereri:  
Dirigit ergo preces occulto calle per umbras  
Ad matrem Darii \* Medates ut mitiget iram  
Principis <sup>35</sup>, ut victis et victæ parceret urbi,  
Non ignarus ei *deferri* <sup>36</sup>, et matris honore  
A victore coli. \* Medates ejus sibi neptem  
Duxerat, ad Darium cognato sanguine spectans.

Abnuat illa diu precibus concurrere, quamvis  
Justa petant. Et: Fortunæ non congruit isti  
Qua nunc utor <sup>37</sup>, ait, tantos admittere fastus.  
Victorem qua fronte rogem captiva? repulsam  
Ex merito patitur, qui <sup>38</sup> postulat ulterius, quam  
Promeruit, spes, quæ meritum non prævenit, a spe  
Deviat, et verum dat ei præsumptio nomen.  
Convenit, ut potius, quod sim captiva, penes me  
Contempler, quam, quod fuerit regina, recorder:  
Tot precibus latis, vereor ne fessa residat,  
Neve fatigari queat indulgentia <sup>39</sup> regis.

Ista Sisigambis; \* Medatis tamen icta dolore,  
Scribit Alexandro; victis si parcere nolit,  
Luce frui \* Medatem jam victum, jamque fatentem  
Se peccasse, sinat; quæ tunc moderatio Magni,  
Quæ pictas fuerit, vel quæ constantia regis  
Arguit hoc unum: quod non \* Medati modo, verum  
Omnibus ignovit, et libertate prior  
Concessa, captam captivis reddidit urbem  
Restituit captos <sup>40</sup> priscis cultoribus agros,  
Immunesque coli mōndavit, et absque tributo:  
Si vaga victori Dario fortuna dedisset  
Urbem præ manibus, non impetrasset ab illo  
Plura parens, quam, quæ victis dedit hostibus ho-  
istis.

Nec mora, divisus <sup>41</sup> cum Parmenione catervis,  
Imperat, ut Darium caute vestiget, eumque  
Campestri jubet ire via, tamen ipse retentis <sup>42</sup>  
Delectis equitum, juga tendit in ardua, quorum  
Perpetuum excurrit vergens in Persida dorsum.  
Non alias Macedo graviora pericula passus:  
Expertus didicit semper, variamque, sibique  
Dissimilem, et nulli fortunam stare perennem,  
Vers. 2925.

A Perque tot angustas, et qua via devia fauces,  
Perque tot anfractus, et qui vestigia nusquam <sup>43</sup>  
Admittunt hominis, gradicens Pellæus, ab hoste  
Desuper obruitur, et non impune frequenter  
Compulsus retroferre gradus <sup>44</sup>, multaue suorum  
Sanguinis impensa, post tot discrimina, tandem  
Hostica confregit collato robore signa:  
Victaque sederunt victricibus arma sub armis.

Vix bene purgato, noctis caligine, cælo,  
Trajiciens Macedo molimine pontis Araxem,  
Persepolim festinus adit, captamque redegit  
In cineres celebrem priscis tot regibus urbem.  
Divitiis tumidas cum ceperit ante tot urbes,  
Hujus opes alias opulencia barbara longe  
Præteriiit, luxum totius Persidis istur  
B Intulerant reges; sacrum penetralibus aurum,  
Et rudis eruitur argenti massa vetusti,  
Ex adytis rapitur non tantum partus ad usum  
Agger opum: nec ad hoc congressit avara vetustas  
Quantum, ut mirantes traheret speculatio visus.

Curritur ad prædam citius <sup>45</sup>, certatur et inter  
Prædantes <sup>46</sup>, hostisque loco, truncatur amicus,  
Cui pretiosior est rapta, aut inventa rapina,  
Causa necis, pretiumque fuit, pretiosa supellex  
Et quæ quisque rapit, jam non capit improbus, unde  
Accidit, ut quod jam non accipit <sup>47</sup> æstimet illud.  
Purpura diripitur, laceratur regia vestis  
Artificum sudata manu, quæque aspera signis  
Aurea vasa rigent, *cedunt in frusta dolabris*,  
Nil sinit intactum, nullis contenta cupido;

C Integra nulla manent membris simulacra revulsis,  
Plas terroris habent mutilata, minusque decoris  
Exitus hic urbis, quæ tot regalibus olim  
Floruerat titulis, et quæ tot gentibus una  
Jura dabat quondam, specialis et unicus ille  
Europæ terror, decies cum mille carinis  
Obstrueret totum, numerosa classe, profundum,  
Neptunum effossis immittere collibus ausa,  
Ausaque montanis exponere lintea dorsis.

Persarum reliquas urbes tenere secuti  
Post Magnum reges, hujus vestigia nusquam  
Invenies, nisi strata rapax ostendat Araxes  
Mœnia, marmoreis paulo distantia ripis.  
Dixeris indignam, dignamve his cladibus urbem

D Ambigitur; nam cum subiturus mœnia Magnus  
Pergeret, occurrunt <sup>48</sup> (agmen miserabile visu)  
Captivi Macedum tria millia, corpora cæsi,  
Auribus orbati, pedibus manibusque recisis,  
Vel labra præcisi penitus, vel lumine cassi,  
Aut aliqua a Persis membrorum parte minuti:  
Præterea quæ longa diu ludibria servet,  
Frontibus impressa <sup>49</sup> est rudibus nota barbara si-  
[gnis.

Hos ubi, non homines verum simulacra videri  
Rex ratus, in primis tandem cognovit obortis

Vers. 2979

#### VARIÆ LECTIONES.

<sup>33</sup> condescendere. <sup>34</sup> abscedere. <sup>35</sup> Regis, et ut victis invictus parcat et urbi. <sup>36</sup> eam venerari. <sup>37</sup> rexor.  
<sup>38</sup> quæ. <sup>39</sup> possit clementia. <sup>40</sup> patrios. <sup>41</sup> diversis. <sup>42</sup> trecentis. <sup>43</sup> nunquam. <sup>44</sup> pedem. <sup>45</sup> in.  
<sup>46</sup> prædones. <sup>47</sup> occupat. <sup>48</sup> occurrit. <sup>49</sup> imposita.

Intepuit lacrymis, victorque exercitus ille  
Flevit, et in subitum versa est victoria luctum.

Rex miseris animi fortis jubet esse, daturum  
Se quidquid peterent, visuros dulcia rura  
Divitis Europæ, uxores, dulcesque propinquos,  
Spondet, et in patrio capturos cespite somnum;  
Sæcedit vallo vulgus miserabile, donec,  
Quæ potiora petat, libra deliberet æqua

His Asiæ placuit consistere finibus; illis  
Dulcior est patrius alieno cespite cespes,  
Quorum, quem celebrem docilis<sup>80</sup> facundia linguæ  
Fecerat Eutition<sup>81</sup> ita creditur esse locutus:  
Quem modo de tenebris, et clauso carceris antro,  
Ut peteremus opem, puidit procedere trunci  
Corporis exitium patriæ qua fronte valebis  
Ostentare tuæ, spectacula læta daturus?  
Cum sane incertum, discrimina tanta tulisse  
Pœniteat magis, an pudeat, bene fertur iniqua  
Conditio, cum tecta latet, bene fertur amara  
Conditio, miseram si nosti abscondere vitam;  
Nullaque tam nota est miseris, tam patria dulcis,  
Quam sedes aliena, domus, sine teste prioris  
Fortunæ; miseris faciunt loca sola beatos,  
Quando beatarum subeunt obliviam rerum.  
Qui totum ponunt in spe, vel amore suorum,  
Quam cito consuescat<sup>82</sup>, lacrymarum arescere

[rivus

Ignorant: leviter veniunt, leviterque recedunt,  
Blandiri dociles lacrymæ; solasque propinqui  
Impendunt miseris lacrymas, arentibus illis,  
Cum lacrymis arescit amor, pietasque tuorum<sup>83</sup>.  
Sors miseri querula est; felicis vero superbus  
Est status, et tumidæ nulla est miseratio<sup>84</sup>, mentis  
Quem fastidit homo, non vere diligit: Ille  
Verus amor, miserum qui non fastidit amicum:  
Fortunam alterius dum tractat quisque recurrit  
Ad propriam, et propria consulta forte, requirit  
Tales exterius, qualem se noverit intus.  
Fortunata parem solet alea quærere casum.

Fastidisse alius alium poteramus, et esse  
Opprobrium mistim, nisi mutua fata dedissent  
Omnibus æquales, inter tria millia, casus;  
Uxores teneræ, quas in fervore juventæ  
Duximus, et spretas sumptis dimisimus armis,  
O quam solemnem in socialia fœdera vultu  
Admittent Veneris viles sine fomite truncos?  
Partirique volent genialia<sup>85</sup> fœdera lecti;  
Usque adeo sexus nobis<sup>86</sup> incognitus ille est.  
Pectore femineo vernalis certior aura est  
Mollior est adamas, felici quæ solet esse  
Dura viro, miserum poteritne videre maritum?  
Obsecro vos olim vita defuncta juvenus,  
Quærite, quas habitent semesa cadavera, sedes.  
Quæramus parili voto lugentibus aptum

Vers. 3032.

A Abjectisque locum, ignotis lateamus in oris;  
Quas penes agnoscere miseri jam cœpimus, imo  
Quas penes invisum jam desinit<sup>87</sup> esse cadaver.

Hactenus Euticion. Cui sic oriundus Athenis  
Theseus<sup>88</sup> objecit: Nemo æstimat, inquit, amicum  
Corporis ex habitu, duræ ludibria sortis  
Nemo prius pensat, non nos natura creatrix,  
Sed contemptibilis hostis violentia fecit.  
Omnibus esse malis, me iudice, censeo dignum,  
Quem pudet eventus, sua cui fortuna pudori est,  
Desperare solent, alios in tempore duro  
Esse miserturos aliorum, qui misereri  
Non vellent, si fata darent contraria fila:  
Inclementis homo mentis, male conjicit ex se,  
Rara quod humanæ sedeat clementia menti,

B Spe majus votoque, Deum conferre<sup>89</sup> videtis  
Uxores, patriam, prolem patriosque penates.

Heus liceat clausis erumpere carcere, lucem  
Aeraque antiquum<sup>90</sup> patriosque resumere mores.  
Cur miser hic, et servus eris, si patria detur  
In votis? in qua tantum miser esse teneris:  
Exsulibus tandem fortunæque ultima passis,  
Est aliquid patrio se reddere posse sepulcro:  
Mollius<sup>91</sup> ossa cubant, manibus tumulata suorum.  
In Persis maneat, Medorumque aera spirent,  
Felicis alii, quos diffidentia patrum,  
Uxorumque potest avellere dulcibus arvis;  
Me sane regis usurum<sup>92</sup> munere constat,  
Europam, patriamque sequi, modo libera detur  
Visendi a superis natalia rura potestas<sup>93</sup>.

C Finierat Theseus, sed paucos reperit hujus  
Voti participes, aliorum pectora vicit  
Consuetudo potens, natura fortior ipsa,  
Quorum consilio concurrens Magnus, opimos  
Non solum partitur agros, sed prodigus addit  
Æs, variosque greges, et læti farris acervos,  
Ne<sup>94</sup> frumenta solo desint<sup>95</sup>, cultoribus æra

His ubi consulte providit Martius heros,  
Medorum ingreditur, reparato milite, fines  
Præcipitique legens Darii vestigia cursu,  
Ne fuga subripiat, pleni pars magna triumphi  
Qui solus superest, pardis<sup>96</sup> instantior instat;  
Sed jam Belides Ecbatana venerat, urbem  
Medorum primam, decreverat inde subire

D Bactrorum fines, sed cum loqueretur adesse  
Rumor Alexandrum, cuius satis, agmina contra,  
Pennatosque gradus, distantia longa<sup>97</sup> locorum  
Nulla<sup>98</sup> videbatur, mutato pectore mutans  
Consilium, totos orditur in arma paratus,  
Pugnandoque mori decrevit honestius esse,  
Quam victam toties fatis extendere vitam.

Unde viæ comites, paulo consistere jussos  
Intuitus: Si me ignavis sors æqua laboris  
Jungeret, et mortem reputantibus, inquit, honestam  
Vers. 3086.

#### VARIÆ LECTIONES.

<sup>80</sup> docilis celebrem. <sup>81</sup> Curt. Euctemon. <sup>82</sup> sustineat. <sup>83</sup> suorum. <sup>84</sup> compassio. <sup>85</sup> genialis. <sup>86</sup> robis.  
<sup>87</sup> desinit. <sup>88</sup> Curt. Theuletus. <sup>89</sup> deos offerre. <sup>90</sup> Aeraque et linquam. <sup>91</sup> Molliter. <sup>92</sup> visurum <sup>93</sup> sa-  
cultas. <sup>94</sup> Nec. <sup>95</sup> desunt. <sup>96</sup> Parthis. <sup>97</sup> nulla. <sup>98</sup> Longa.

Qualiscunque foret, potius necanda tacerem,  
 Quam verbo vellem consumere tempus inani.  
 Sed majore fide, quam vellem, quamque decorum  
 Esset, virtutis expertus robora vestræ,  
 Jam didici, quam sit venerabile nomen amici,  
 Quam sincera fides, sinceros inter amicos :  
 Tot rebus monitus præsumere debeo, tantis  
 Me dignum sociis, de tot castrensibus ante,  
 Unica Persarum superestis gloria, qui me  
 Bis profugum victi, bis principis arma secuti.

Vestra <sup>69</sup> fides, stabilemque probans constantia  
 [mentem,

Efficiunt, ut non verear me credere regem ;  
 Ut me Persis adhuc ausit regnare fateri ;  
 Qui potius castris victi elegistis adesse,  
 Victoris quam signa sequi, me iudice digni  
 Si mihi non liceat, pro me quibus ætheris ille  
 Dignus rector agat grates, quia non erit ulla  
 Nescia tam recti, tam non obnoxia justis,  
 Surdaque posteritas, quæ non vos efferat æquis  
 Laudibus in cælum, quæ non memoranda loquatur,  
 Quæ vos, et meriti taceat præconia vestri.  
 Vivere per famam dabitur, post fata, sepultis,  
 Sola mori nescit, eclipsis nescia virtus :  
 Unde fugæ latebras, quas semper abhorreo, quamvis  
 Molirer, virtute animi, tantoque meorum  
 Consilio fretus, irem tamen obvius hosti :  
 Exsulat in regno Darius ; sed quousque feretis,  
 Cives, quod patrio rex imperat advena regno ?  
 Aut mihi defungi vita continget honesta,  
 Aut revocare meas afflictis hostibus urbes,  
 Et quæ perdidimus celeri reparare paratu.

Arbitrium victoris, an id censetis honestum  
 Victus ut exspectem, Darioque precaria detur  
 Mazæi exemplo, sola in regione potestas ?  
 Qui modo totius Asiæ moderabar habenas,  
 Anne reservabor ad tantum dedecus, ut sim  
 Gloria victoris, in regni parte receptus ?  
 Non erit, ut capitis decus hoc, aut <sup>70</sup> demere quis-

[quam

Debeat, aut demptum mihi, se mihi reddere jactet.  
 Imperium vivus perdam, privabor eodem  
 Imperio, vitæque, die, pretiosa duobus  
 Mors Darium vita simul, et diademate privet <sup>71</sup>.

Si manet hic animus, socii, si mens ea vobis,  
 Nemo supercilium Macedum, fastusque nefandos  
 Cogetur post fata pati, sua dextera cuique :  
 Aut modo finis erit, aut ultio digna malorum ;  
 Ergo si Superi pia bella moventibus absunt,  
 Si facinus reputant justos defendere, saltem  
 Finis honestus erit, fortesque licebit honesto  
 Mortis more <sup>72</sup> mori : veterum per gesta paren-

[tum,

Per pretiosa precor quondam præconia Patrum,  
 Vers. 3157.

A Illustresque viros, quibus hæc <sup>73</sup> subjecta tributum  
 Gens Macedum toties, et vectigalia solvit,  
 Obtestor, miles, ut dignos stemmate tanto  
 Concipias animos, ut te contingat Olympo  
 Teste, vel egregia vinci, vel vincere pugna.

Hactenus Arsacides. Sed non excepit eodem  
 Verba cohors animo, dictis quoque debitus ille  
 Defuit applausus, quem persuadentibus audax  
 Reddere turba solet, præstruxerat omnia verus  
 Ora timor, donec Artabazus <sup>74</sup>, inter amicos  
 Regis præcipuus <sup>75</sup> : Nos, inquit, in arma seque-

[mur

Unanimes regem, nobis erit exitus idem,  
 Qui tibi, qui patriæ. Dubio <sup>76</sup> excepere loquentem  
 Assensu reliqui, raucosque dedere tumultus :  
 B Qualis in Ægæo desperans navita ponto,  
 In quem fluctivomus jam fracta puppe videtu.  
 Conjurasse Notus, socios solatur inertes,  
 Dissimulansque metum, comitum titubantia firmat  
 Pectora, et invicto parat ire per æquora vento.

At Bessus facinus jam præmeditatus acerbum,  
 Narbasanesque suus, numero milite cincti <sup>77</sup>,  
 Jam defnierant Darium comprehendere vivum :  
 Ut si Magnus eos sequeretur, munere tanto,  
 Commodius possent victoris itire favorem.  
 Quod si præceleres evadere principis alas  
 Sors daret, auderent Dario regnare perempto,  
 Et vires reparare, novumque lacessere Martem.

Narbasanes igitur sceleri jam tempora nactus  
 C Opportuna suo : Scio, rex, quæ dixero, dixit,  
 Displicitura tibi, nec erit sententia cordi  
 Hæc mea grata tuo : sed prægrave vulnus acerbo  
 Curatur ferro, gravis est medicina dolenti ;  
 Asperior sanat graviore potio morbos  
 Naufragiumque timens, jactura sæpe redemit  
 Navita, quæ <sup>78</sup> potuit, et damnis damna levavit.  
 Scis, quod amara geris, adverso numine, bella,  
 Sors urgere tuos non desinit aspera Persas,  
 Omnibus est tentata <sup>79</sup> modis fortuna, novisque  
 Est opus omnibus : depone insignia regni  
 Ad tempus, boue rex, alii concede regendam  
 Imperii summam, qui nomen regis, et omen  
 Possideat, donec, Martis cessante procella,  
 Hostibus expulsis Asia, justo tibi regi  
 Restituat regnum : brevis exspectatio facti  
 Hujus erit, tot Bactra dabunt, totque <sup>80</sup> India  
 [gentes,

Ut major belli moles, majora supersint  
 Robora, quam bello quæ sunt exhausta priori.  
 Cur in perniciem halantes, more bidentium,  
 Irruimus ? fortis animi est contemnere mortem,  
 Non odisse tamen vitam, sed amare, virorum est :  
 Degeneres, et quos constat tædere laboris,  
 Compelluntur ad hoc, ut vitam ducere vile  
 Vers. 3189.

#### VARIÆ LECTIONES

<sup>69</sup> vera. <sup>70</sup> ut. <sup>71</sup> nudet. <sup>72</sup> amore. <sup>73</sup> hic. <sup>74</sup> Curt. Artabazus. <sup>75</sup> conspicuus. <sup>76</sup> lente. <sup>77</sup> fulsi ?  
 quod. <sup>78</sup> tentanda. <sup>80</sup> dabit

Quid reputent, quid mirum? Ignavo vivere mors

[est :

Econtra nil est, quæ fortis et ardua virtus  
Linqat inexpertum, movet omnia, et omnia tentat,  
Tenditur ad mortem, cum nil superesse videtur :  
Ultimus ad mortem, post omnia fata, recursus :  
Ergo age, rex, Besso, quod gratia temporis offert,  
Ad præsens committe tui moderamina regni,  
Ut tibi restituat acceptum <sup>81</sup> tempore sceptrum.

Hæc ubi dicta : animos <sup>82</sup> vix temperat ille be-  
[nignus

Et patiens rector : Jam te invenisse, cruentum  
Inquit, mancipium, funesti temporis horam  
Comperio, facinus qua patraturus acerbum  
In dominum servus, Parcarum stamina solvas.

Hæc ait, et stricto poterat mucrone videri  
Occursurus ei <sup>83</sup>, nisi vultu supplice, Bessus  
Indignantis habens speciem, multoque suorum  
Agmine stipatus, regem exoraret, eumque,  
Haud mora, vinciret, nisi nudum conderet ensen.

Tunc vero a reliquis metari castra seorsum  
Præcepere suis : at regi Artabasis, iræ  
Consulit, ut parcat, habeat pro tempore tempus :  
Æqua mente feras, ait, erroremve tuorum,  
Stultitiamve : gravis et præmaturus in armis  
Instat Alexander, blando retinendus amore  
Miles, ne sanos turbet discordia sensus,  
Neve a rege suos alienent Bactra quirites :  
Annuit <sup>84</sup> Arsacides, superosque et fata secutus,  
Castra locat, mœror et desperatio, victis  
Indivisa comes, animos illius obumbrat.

In castris igitur quæ jam rectore carebant,  
Motus erat varius animorum, et proxima regi  
Instabat funesta dies, nec ut ante *regebat*  
*Imperii summam*, solus tentoria servans  
Regia, pervigiles librans <sup>85</sup> in pectore curas :  
At duo conceptum jam mente, cupidine <sup>86</sup> regni,  
Triactantes facinus, agitant <sup>87</sup>, sub pectore, regem  
Non nisi cum magno comprehendere posse labore :  
Non mediocris enim timor, et reverentia regum  
Regnat apud Persas, majestas regia magni  
Ponderis esse solet, etiam gens barbara nomen  
Regis inhorrescit, et quos in sorte secunda  
Barbaries metuit, veneratur numine pressos,  
Vivit in adversis primæ moderatio <sup>88</sup> sortis,  
Cui semel exhibuit, impendit, semper honorem :  
Et quia tanta fides, et gratia regis in illa  
Gente, palam, vel vi, sine magna cæde suorum,  
Non poterant Darium sceleris vincere ministri.  
Ergo dolis operam dare, et excusare furorem  
Decrevit suum ; simulanti voce, reverti,  
Ut decet, et tanti se pœnituisse reatus,  
Ficturos extrema pati pro rege paratos.

Crastinus amissum noctis caligine mundum

Vers. 5241

Reddiderat Titan, et signum castra movendi  
Jam dederat Darius, aderant cum milite multo  
Participes sceleris, caute præterendere docti  
Officium solemne foris, speciemque sequendi  
Principis imperium, sed in alta <sup>89</sup> mente latebat  
Occultum facinus, scelerisque protervia tanti.

Sceptrum præradians, et adhuc insignia regni  
Gestabat Darius, curruque micabat ab <sup>90</sup> alto.  
Prona jacebat humi supplex, veniamque precata <sup>91</sup>  
Scilitiosa cohors, et sustinuit venerari  
Tunc patricida ducem, quem post in vincula ser-

[vus <sup>92</sup>

Retrusurus erat, lacrymisque coegit abortis  
Credere Belidem, vultumque rigare senilem  
Fletibus irriguis, sed nec tunc fraudis amicos  
Pœnituit sceleris, cum cecus uterque videret  
Quam mitis naturæ hominem, regemque virumque  
Falleret ; ille quidem securus, et immemor horæ  
Instantis, quam sors, et servus, uterque parabat .  
Pellæi, Maccдумque manus (quæ sola timebat)  
Effugere affectans, laxis properabat habenis  
Maturare fugam, linesque subire remotos <sup>93</sup>.

At Patron Græci dux agminis, integer ævo,  
Et stabilis fidei, Darii non fictus amicus.

Jam patricidarum comperta fraude, suorum  
Millibus armatis pulchre circumdatus, ibat  
Contiguus regi, fandi que ut copia facta est :  
Narbasanes, inquit, et Bessus, *Maxime* regum,  
Insidias in te conceptas ense cruento

C Effutire parant, vitæ tibi terminus ista  
Lux erit, aut illis, nos-ergo corporis esse  
Custodes patiæ tui, tu <sup>94</sup> præcipe, dum res  
Expedit, in nostris figi tentoria castris.  
Liquimus Europam, nec Bactra, nec India nobis .  
Arva, laremque, et spes in te congesimus omnes :  
Esse tui custos externus, et advena nusquam <sup>95</sup>  
Expeterem, fierique tuæ tutela salutis,  
Si tibi quemquam alium velle <sup>96</sup>..<sup>97</sup> hoc præstare vi-

[lerem] :

Inclyta Patronem servati <sup>98</sup> gloria regis <sup>99</sup>  
Fecerat insignem ; si quis tamen hæc quoque, si  
[quis

Carmina nostra leget <sup>100</sup>, nunquam Patrona tacebit,  
Gallica posteritas, vivet cum vate superstes

D Gloria Patronis, nullum moritura per ævum.

Jam reor æterno causarum sæcula fluxu <sup>1</sup>  
Non temere volvi, nemo temeraria credat,  
Fortuitoque geri mundana negotia casu :  
Omnia lege meant, quam rerum Conditor ille  
Sanxit ab æterno ; Darius cum vivere posset  
Consilio Grajum, fati decreta secutus :  
Quanquam nota satis, expertaque sæpius, inquit,  
Sit mihi vestra fides, nunquam tamen a populari  
Gente recessurus, nec ab his divortia quæram,

Vers. 5292.

#### VARIÆ LECTIONES.

<sup>81</sup> accepto. <sup>82</sup> animo. <sup>83</sup> occisurus eum. <sup>84</sup> paruit. <sup>85</sup> vibrans. <sup>86</sup> corde. <sup>87</sup> agitabant pect. <sup>88</sup> veyen-  
ratio. <sup>89</sup> arcta. <sup>90</sup> in. <sup>91</sup> rogabat. <sup>92</sup> servum. <sup>93</sup> repostos. <sup>94</sup> tua. <sup>95</sup> nunquam. <sup>96</sup>..<sup>97</sup> posse. <sup>98</sup> ser-  
vandi. <sup>99</sup> regem. <sup>100</sup> leqat. <sup>1</sup> nexu.



Quos toties favi, satis et levius mihi falli est,  
Quam damnare meos, quidquid fortuna jube-

A Quando impune placent, quæ sunt de luce pu-  
[dori,

Inter eos me malo pati, quam transfuga credi.  
Si salvum jam me esse mei, si vivere nolunt,  
Jam sero pereo, jam mortem ultroneus opto.

Cum timor est audax, et frons ignara pudoris <sup>6</sup>.

Tum Dario Bessus, grates agere, et venerari  
Ficta mente studet, quod perfida verba dolosi  
Vitasset lepido, et pulchro sermone Quiritis,  
Qui dum spectat <sup>7</sup> opes, Macedum placare tyran-  
[num

Attonitus Patron, et desperare coactus,  
Consilio regis, ad Græca revertitur amens  
Agmina, pro recto <sup>2</sup>, justique rigore, Ædeque  
Cuncta pati promptus. Bessus Patricida Pelasgæ  
Ignarus linguæ, tanti tamen ipse furoris  
Consciis, occultum rapit <sup>3</sup> ex interprete verbum :  
Jamque peremisset Darium, nisi crederet esse  
Tutius, ut vivum Pellæo traderet hostem.  
Quo potiore modo, sperabat <sup>4</sup> cædis amica  
Concio, victoris sibi conciliare favorem :  
Distulit ergo nefas in idonea tempora noctis,  
Noctis, quando solent patrari turpia, noctis

Hac regis cervice parat, funesta daturus  
Munera, nec mirum, venalia constat habere  
Omnia, venalem et ductum mercede Quiritem.  
Vir sine pignoribus, lare, conjuge, pauper et exsul  
Emptorum pretiis, ut circumfertur arundo.

Annuit Arsacides, certus tamen omnia vera  
Deferri a Græcis <sup>8</sup>, sed eo jam venerat, ut res  
B Æque dura foret, et plena timoris, et exspes,  
Non parere suis, et eis se credere nolle,  
Quam falli; et gladiis caput objectare suorum.

### ARGUMENTUM LIBRI SEPTIMI.

*Septimus in dominum servos liber armat, et ejus  
Justitiam ostendit, tandemque in vincula trudit.  
Interea victos <sup>9</sup> vestigans Magnus, abactos  
Confecit sceleris, confuso Marte, ministros.  
Tunc demum Darius jaculis confossus, in ipsa  
Morte Polistratio vivos cum <sup>10</sup> quæreret amnes  
Extremas voces, et verba novissima mandat.  
Inventum Macedo corpus rigat ubere fletu,  
Ac sepelit. Rursus procerum, vulgique tumultus  
Comprimit, et rapido cursu bacchatur in hostem.*

## LIBER SEPTIMUS.

Restitit Hesperio mœrensque in littore Phœbus  
Delixis hærebat equis, tristisque remissa  
Luce retardabat venturæ noctis habenas,  
Et tantum visura nefas Latonia, terris  
Virgo morabatur roseos ostendere vultus ;  
Sed lex æterno quæ condidit <sup>11</sup> omnia nodo,  
Et sacer orbis amor, quo cuncta reguntur, utrum-  
[que

C Et tandem <sup>12</sup> hoc secum : Quos me, pater impie  
[divum,

Corripuit, jussitque vices explere statutas,  
Jamque vaporantem fumabat Tethyos unda  
Vorticibus clausura diem, requiemque petebat  
Humanus cum sole labor, sed pœna manebat  
Lugentem Darium, positusque in vespere vitæ  
Occasum facturus erat, cum vespere mundi.

Distrabis <sup>13</sup> in casus? Quo me parat alea fati  
Perdere delicto? Superi! quo crimine tantas  
Promerui pœnas? cui nec locus inter amicos,  
Nec notos superest; nec enim securus, apud quos  
Debueram dominus tutam deponere vitam :  
Sed sitit hanc animam, manifesto sævior hoste,  
Inque senis jugulum parat arma domesticus hostis.

Cluserat infelix tentoria, solus apud se,  
De se consilians, sed debile semper et exspes  
Consilium miseri, vitamque trahentis in arcto,  
Vers. 3351.

Si fuit indignum, tanto diademate cingi,  
Totiusque Asiæ Darium ditione potiri,  
Si male subjectos rexit, si jura tyrannus  
Publica, vel patrias tentavit solvere leges,  
Si cives armis, populumque tyrannide pressit,  
Si cum judicio resideret, censor iniquus  
D Avertit surdas a causa pauperis aures ;  
Si partem injustam corruptus munere fovit,  
Vers. 3367.

### VARIÆ LECTIONES.

<sup>2</sup> vero. <sup>3</sup> capit. <sup>4</sup> credebat. <sup>5</sup> in. <sup>6</sup> ruboris. <sup>7</sup> exspectat. <sup>8</sup> Graiis. <sup>9</sup> Darium. <sup>10</sup> da. <sup>11</sup> colli-  
git. <sup>12</sup> tamen. <sup>13</sup> detrahis.

Si mihi persuasit funesta pecunia, justum  
Vendere iudicium, si fundum tristis avitum,  
Et patrias vites, per me sibi flevit ademptas  
Filius exhaeres, si jura fidemque perosus  
In stadio mundi, non munda mente cucurri,  
Jam mortem merui, fati nec <sup>14</sup> deprecor horam :  
Jam satis est, superi, vestro quod munere vixi :  
Crudescant furiae Besso, <sup>15</sup> desæviant in me  
Narbasanes, gelidoque senis perfusa cruore  
Tota domus, moestas <sup>16</sup> compescat Numinis iras.

Sed si justitiae cultor, si jura secutus  
Nil egi, nisi quod rationis littera dictat,  
(In quantum natura sinit, petulansque nocivæ  
Conditio carnis), gladios removete clientum  
A domini jugulo, prosit vixisse per ævum  
Innocue Darium, mors convertatur in illos  
Qui meruere mori, liceat mihi vivere, prosit  
Simplicitas justo, noceat sua noxa nocenti <sup>17</sup>.  
Quod si fixa Deum manet imperiosa voluntas,  
Si mihi fatorum series immobilis, auras  
Vitales auferre parat, vitamque coarctans  
Atropos incisum maturat rumpere filum :  
Cur alii liceat de <sup>18</sup> me plus quam mihi? vel cur  
Narbasani servatus ero, subtractus Achivis?  
Nunquid adhuc sanguis, nunquid mihi dextera,

[nunquid

Ensis, ut hanc dubitem fati absolvere vitam?

Sic ait, et gelido terebrasset viscera <sup>19</sup> ferro,  
Sed spado, qui solus aderat, tentoria planctu  
Castraque commovit, dehinc irrupere citati  
Cum lacrymis <sup>20</sup> alii, regem cecidisse gementes.  
Barbarus in castris ululatus, et icta tremendo  
Rura fragore tonant, tremulusque reliditur aer,  
Nec capere arma sui, gladios ne forte clientes <sup>21</sup>  
Incurrant, audent; sed ne videantur inique  
Deseruisse ducem, monet arma capessere Persas  
Cum pietate fides; sed terror vicit utrumque.  
Exclusitque potens reverentia mortis, honestum.

Ecce per attonitos rapientes agmina Persas  
Sacrilégi comites strictis mucronibus adsunt,  
Irrumpuntque aditus, et circumstantibus ense  
Dispersis, regem quem jam exspirasse putabant  
Vinciri faciunt, proh! quanta licentia fati!  
Quam vaga quæ versat humanos alea casus!  
Quem prius aurato curru videre sedentem,  
Et tremuere sui, jam non suus, ille suorum  
Vincitur manibus, et in <sup>22</sup> arcta sede locatur :  
Captivumque trahit currus angustia regem.

Attamen ut regis saltem pro nomine nullus  
Non habeatur honor, vinciri præcipit aureæ  
Compedibus dominum, trivulentior aspide servus.  
Regia diripitur, ceu belli jure, supellex,  
Utque avidos pressit inventa pecunia currus,  
Per scelus extremum partis jam rebus onusti

Vers. 3420.

A Intendere fugam. Quo tenditis agmine facto  
Eoum facinus, scelæris <sup>23</sup> fraudisque, ministri?  
Quæ vos terra feret? Ubi tanti tuta manebit <sup>24</sup>  
Impostura mali? Quis tuto ducere vitam  
Sub servo poterit domini sitiante cruorem?

Interea summis accincto <sup>25</sup> milite rebus,  
Vestigans Darii rapido <sup>26</sup> vestigia cursu  
Terrarum domitor, Ecbatana cingere, facta  
Obsidione, parat, profugumque capessere regem,  
Et delere armis eversam funditus urbem,  
Extremamque manum longis imponere bellis  
Cum tamen audiret <sup>27</sup> Darium fugisse <sup>28</sup> : fugæque  
Intentum celeri, liquisse Ecbatana, coeptum  
Haud mora flectit <sup>29</sup> iter, et Persidis arva relin-

[quens,

B Insequitur profugos, animi calcaribus actus.

Et quia certa rapti <sup>30</sup> famæ vulgaverat aura,  
In Medos Darium, dehinc Bactra subire volentem  
In Medos sævire <sup>31</sup> parat, sed certior ipsum  
Nuntius avertit, retrusum in vincula regem  
Affirmans, seriemque rei pulchro ordine pandens.

Horruit auditis Macedo, ducibusque citatis :  
Est brevis iste labor, et præmia magna laboris  
Qui superest, socii, Darium non hiuc procul, in-

[quit,

Destituere sui, vinctumque suprema reservant  
Ad mala, fortunæ finem, metamque laborum <sup>32</sup> .  
Aut jam succubuit fati, aut munere vitæ  
Invitus fruitur : piger ergo citatius æquo

C Castigandus equus, et præcipitandus in hostem  
Est gradus, afflicto vitam donemus ut hosti :  
Non minus est, postquam coepit miserabilis esse,  
Parcere confracto <sup>33</sup>, quam frangere posse rebellum.  
Applaudunt proceres præcepto <sup>34</sup> regis, et instant,  
Seque secuturos per summa pericula spondent

Ergo inito cursu mundi fatale flagellum  
Agmen agit Macedo, somnoque medente, diurnum  
Non relevat fessis requies nocturna laborem.  
Talis in adversos Jovis irruit ira Gigantes,  
Fulmine quem dextram stingunt armasse poetæ,  
Cum jam Centimanus cœlo nodosa Typhaus  
Brachia porrigeret, Martem flammage videres,  
Pallada vipereos clypeo protendere vultus,  
Telaque fatali spargentem Delion arcu.

D Ventum erat in vicum, stellis nascentibus, in quo  
Vinxerat Arsacidem, furiato pectore, Bessus :  
Occurrere duo, qui prodigiale perosi  
Flagitium Bessi, patricidarum comitatu  
Tutius esse putant, Macedum se jungere castris :  
His ducibus Macedo brevius jam deside Phœbo  
Est aggressus iter, incedens ergo quadrat  
Agmine, sic cursum moderatur, ut ultima primis  
Conjungi posset acies, jam Delius æquis  
Distichiis <sup>35</sup> ab utraque dorso distabat, et ecce

Vers. 3472.

#### VARIÆ LECTIONES.

<sup>14</sup> non. <sup>15</sup> bello. <sup>16</sup> justus <sup>17</sup> noceatque nocentia sonti. <sup>18</sup> in. <sup>19</sup> pectora. <sup>20</sup> clamore. <sup>21</sup> clientum.  
<sup>22</sup> jam. <sup>23</sup> scelerum. <sup>24</sup> latebit. <sup>25</sup> accito. <sup>26</sup> raptō. <sup>27</sup> audisset. <sup>28</sup> movisse. <sup>29</sup> linquit. <sup>30</sup> tenden-  
tem. <sup>31</sup> transire. <sup>32</sup> malorum. <sup>33</sup> jam fracto. <sup>34</sup> responso. <sup>35</sup> forte Dissidiis.

Vivere adhuc regem<sup>36</sup>, Brocubelus<sup>37</sup> transfuga, regi A  
Et tantum stadiis affirmat abesse ducentis.  
Sed caveatur, ait, ne sic exercitus iste  
Aut incompositus eat, aut incurrat inermis  
Armatas acies, patricidas acrius urit<sup>38</sup>  
In cædem facinus, ubi desperatio nullum  
Jam veniæ superesse locum, sub pectore, clamat,  
His super accensi proceres, majorque sequendi.  
Cœvit Alexandro servilia castra cupido

Ergo fatigati, laxis fodiuntur habenis,  
Et gravior solito, stimulos audire jubentur  
Quadrupedes, sumptisque volant per inania pennis :  
Jam sonus audiri stëpitusque, fragorque rotarum  
Cœperat a Graiis, ut pars adversa videri  
Posset ab adversis, nisi pulveris horrida nubes  
Intuitum eriperet, paulo subsistere Græcos  
Jussit Alexander, donec cessante procella  
Pulveris, hostiles possent agnoscere turmas.

Bessus in<sup>39</sup> obliquum sedato pulvere lumen  
Flexit, et aerei de vertice montis, anhelos  
Vidit adesse viros, armorum luce Quirites  
Fulgere, et peditum, ferro livere<sup>40</sup>, catervas :  
Horruit aspectu, et gelido labefacta pavore<sup>41</sup>  
Pectora monstriferæ tremuerunt<sup>42</sup> conscia culpæ.

Econtra Macedum viso, gens aspera, Besso,  
Accelerat gressum, fusoque per ardua cursu,  
Æstuat imparibus concurrere viribus hosti ;  
Nam si tantum animi, tantumque vigoris haberet  
Ad bellum Bessus, et Martis munia, quantum  
Ad facinus, tantumque valeret in agmine quantum C  
In gestu sceleris, et proditione valebat :  
Pellæi poterat<sup>43</sup> Macedumque repellere vires,  
Ulciscique Asiæ : nam Bessi castra sequentes,  
Barbarico tantum præstabant robore, quantum  
Et numero Grajis : somnoque, ciboque<sup>44</sup> refecti  
Magna fatigatis pugnæ documenta<sup>45</sup> daturi,  
Viribus alternam multum conferre quietem.

Sed Macedum terror, et formidabile terris  
Nomen Alexandri, momentum non leve belli<sup>46</sup>  
Avertit pavidos, et desperare coegit,  
Vinci posse viros, fugit indignantibus armis  
Seditiosa cohors, versisque in pectora dorsis,  
Degeneres rapuere fugam ; tunc vero nefandi  
Participes sceleris<sup>47</sup>, accincti pectore toto  
Ad scelus extremum, Darium descendere curru,  
Utque alacer conscendat equum, vitamque laboret  
Conservare fuga, monitis hortantur, et instant.

Ille venenatos<sup>48</sup> monitus, et dicta repellit,  
Ultioresque deos testatur adesse : fidemque  
Acri Alexandri lacrymis implorat abortis :  
Seque negat scelerum comitari velle clientes ;  
Nullus, ait, mortis metus, aut violentia fati  
Compellet Darium scelerum se jungere castris ;

Vers. 3525.

Non habet ulterius, quod nostris cladibus addat,  
Fortunæ gladius ; mors, qua patricida minatur  
Antidotum mœroris erit : mortisque venenum  
Pro medicamentis, curaque laboris, habebo

His super accensi patricidæ, corde sub alto,  
Concipiunt bilem, dominumque patremque cruentis  
Confodiunt jaculis, et in ipsum grandinis instar  
Spicula conjiciunt, quem tandem vulnere multo  
Pectora confossum, sparsumque cruore relinquunt ;  
Et fugitiva sequi ne longius agmina possint,  
Curribus assuetos juga regia ferre, jugales  
Afficiunt telis gladiisque, duosque<sup>49</sup> clientes,  
Quos habuit comites in vita, mortis eidem  
Esse jubent socios, et eodem funere mergunt

Quo facto, ut tanti lateant vestigia monstri,  
B Divisere fugam, festinat Bactra subire  
Bessus, Narbasanes Hyrcanos visere saltus.  
Dispersi fugiunt alii<sup>50</sup>, vel quo metus urget.  
Vel spes, in dubiis semper comes optima rebus :  
Quingenti tantum se collegere Quirites.]  
Qui pro justitia patriæque jacentis honore  
Elegere mori, Macedumque resistere turmis ;  
Vel quia sperabant armis extendere vitam,  
Vel quia turpe fuit regi superesse perempto.  
Dum tamen ancipiti sermonum barbara motu  
Definit legio, meliusne sit hoste propinquo  
Dedere terga fugæ, Grajisne opponere pectus ?  
Ecce triumphantis animi pernicibus alis  
Vecta supervenit Macedum manus, omnibus a  
Omnibus et vires, et Martius omnibus ardor..  
Jam fragor, et belli rursus novus ingruit<sup>51</sup> horro  
Non<sup>52</sup> timido fuga, non<sup>53</sup> prodest audacia forti  
Cæduntur fortes, timidi capiuntur ; et ecce,  
Res indigna fide, dictu mirabile ! plures  
Captivi, quam qui caperent, numerumque ligantum,  
Prædonumque, gravis excessit copia prædæ.  
Non magna sine laude tamen, cecidere rebelles  
Adversæ partis, clari ter mille<sup>54</sup> Quirites,  
Nec cædis rancor, nec funeris ira quievit,  
Donec, Alexandro gladii revocante furorem,  
Cædibus abstinuit, cædi devota juvenus.

Tunc vero intactum pecudum<sup>55</sup> de more super-  
[stes

Agmen agebatur, nec erant vestigia toto  
D Agmine, qui Darium Grajis ostendere possent,  
Singula scrutantur Persarum plaustra, nec usquam  
Dedecus inveniunt fati, regale cadaver.  
Regis enim, trito deserto calle, jugales,  
Pectora confossi jaculis, in valle remota  
Constiterant, mortem Dariique suamque gementes.

Haud procul hinc querulus lascivo murmure rivus  
Labitur, et vernis solus dominatur in herbis ;  
Patrem rivus habet fontem, qui rupe profusus

Vers. 3577.

#### VARIÆ LECTIONES.

<sup>36</sup> Darium. <sup>37</sup> Curt. Broculus. <sup>38</sup> armat. <sup>39</sup> ut. <sup>40</sup> lucere. <sup>41</sup> cruore. <sup>42</sup> tenuerunt. <sup>43</sup> et retundere.  
<sup>44</sup> cibique. <sup>45</sup> be.li monumenta. <sup>46</sup> bellum. <sup>47</sup> operis. <sup>48</sup> venenosos, <sup>49</sup> Affigunt aladiis <sup>50</sup> Diffugiunt  
alii sparsim. <sup>51</sup> ingerit. <sup>52</sup> Nec. <sup>53</sup> nec. <sup>54</sup> ceciderunt mille. <sup>55</sup> pecudis.

Purus, et expressis, per saxea viscera, guttis,  
 Liquitur <sup>66</sup>, et siccas humectat nectare glebas  
 Ad quem vir Macedo, post Martem fessus anhele  
 Ore, Polystratius, sitis incumbente procella,  
 Ductus, ut arentes refoveret flumine fauces,  
 Curriculum Darii vitam exhalantis opertum  
 Pellibus abjectis <sup>67</sup>, jumentaue saucia vidit,  
 Vidit, et accedens confossum vulnere multo,  
 Invenit Darium, turbatum lumina, mortis <sup>68</sup>.  
 Inter et exiguae positum confinia vita.  
 Cumque rogaretur Indo sermone: Quis esset?  
 Gavisus, quantum perpendi, ex voce, dabatur:  
 Fortunae praesentis, ait, mortisque propinque,  
 Hoc unum Dario, et solum solamen habetur,  
 Quod tecum mihi non opus est interprete lingua.  
 Quod loquor extremum discretis auribus, et quod  
 Non erit extremas incassum promere voces.

O quam grata mihi Macedum praesentia regi  
 Esset! ut audiret me tam pius hostis, et ejus  
 Colloquio fruerer, ut mutua verba ferendo,  
 Sedaret veteres belli brevis <sup>69</sup> hora querelas!  
 Quem quia fata negant, hoc, quisquis es, accipe, et

[ista  
 Perfer Alexandro: Post tot certamina, Magni <sup>66</sup>  
 Debitor intereo, multumque obnoxius illi,  
 Quod matrem Darii, prolemque modestus, et irae  
 Immemor hostilis, clementi pectore fovit:  
 Quod non hostilem, qualem decet esse tyrannum,  
 Sed regalem animum victis, vultumque serenum  
 Exhibuit victor, hostique fidelior hostis,  
 Quam noti civesque mei: donata per illum  
 Vita meis; vitam quoque subripiere propinqui:  
 Regna quibus, vitamque dedi, miserabile dictu,  
 Quorum praesidio, tutus vel ab hostibus esse  
 Debuerat Darius, ab eis occisus, et inter  
 Hostes incolumis stans, labitur inter amicos.

His precor <sup>61</sup> a justo reddatur principe talis  
 Talio pro meritis, qualem patricida meretur.  
 Quamque repensurus, mihi si fortuna triumphum  
 Concessisset, erat; nec enim hoc discrimine solo <sup>62</sup>  
 Alea versatur mea, sed communis eorum est,  
 Qui praesunt turbae <sup>63</sup>, et populi moderantur habe-

[nas:]

In me causa agitur; decernat pondere justo  
 Magnus, quae tantum maneat vindicta reatum:  
 Quae nova flagitii scelus expiet ultio tanti,  
 Quam si distulerit, vel forte remissius aequo  
 Egerit, illustris minuetur opinio regis,  
 Decolor, et famae multum diversa priori:  
 Adde, quod a simili debet sibi peste cavere  
 Rex pius, et subiti vitare pericula casus.  
 Et cum justitiae status hinc versetur, et illic  
 Utilitas, uno tueatur utrumque <sup>64</sup> rigore

Vers. 3628.

A Hoc unum Superos, votis instantibus <sup>65</sup>, oro,  
 Infernumque chaos, ut euntibus ordine fatis,  
 Totus Alexandro famuletur subditus orbis,  
 Magnus, et in magno dominetur Maximus orbe,  
 Utque mihi justis concessis jure sepulcri  
 A rege extremi non invideantur honores.

Sic ait, et dextram, tanquam speciale ferendum <sup>66</sup>

Pignus Alexandro, Graeco porrexit, eique  
 Lethifer irrepsit per membra rigentia somnus  
 Et sacer erumpens luteo de carcere tandem  
 Spiritus, hospitium miserabile carnis abhorrens  
 Prodiit, et tenues evasit <sup>67</sup> liber in auras.

Felices animae! dum vitalis calor artur,  
 Erigit infusus, si praegustare daretur,  
 Quae mancant manes, decreto tempore justo  
 Praemia, quae requies, et quam contraria justis  
 Impius exspectet, non nos funestus habendi  
 Irretiret amor, nec carnis amica libido  
 Viscera torreret, sed nec praedivite mensa,  
 Patria <sup>68</sup> sorberet obscenus jugera venter;  
 Sed neque ferrato detentus carcere Bacchus  
 Frenderet horrendum, fracturus dolia, nec se  
 Inclusum gerneret sine respiramine Liber

Non adeo ambiret cathedrae venalis honorem  
 Jam vetus ille Simon, non incentiva malorum  
 Pollueret sacras funesta pecunia sedes:  
 Non aspiraret, licet indole clarus aviti  
 Sanguinis, impubes ad pontificale cacumen,  
 Donec eum mores, studiorum fructus, et aetas  
 C Eligerent, merito non suffragante parentum:  
 Non geminos patres, ducti livore, crearent,  
 Praeficerentque orbi, sortiti a cardine nomen.  
 Non <sup>69</sup> lucri regnaret amor <sup>70</sup>: pervertere formas  
 Judici nolle corruptus munere iudex.  
 Non caderent hodie nullo discrimine sacri  
 Pontifices: quales nuper cecidisse queruntur  
 Vicinae, modico distantes aequore, terrae:  
 Flandria Robertum, caesum dolet Anglia Thomam.

Sed quia, fluxarum <sup>71</sup> seducta cupidine rerum  
 Dum sequitur profugi bona praecipitantia <sup>72</sup> mundi,  
 Allicit illecebris animam caro, nec sinit esse  
 Principii memorem, vel cujus imaginis instar  
 Facta sit, aut quorsum resoluta carne reverti  
 Debeat, inde boni subit ignorantia veri.

D Inde est, quod spreta cupimus rationis habena,  
 Quod natura negat, facinusque paratus ad omne,  
 Non reveretur homo, quod fas et jura verentur,  
 Inde est, quod regni flammatus amore satelles,  
 Non reverens homines, non curans numina, Bessus,  
 Et patris, et domini fatalia fila resolvit.  
 Te tamen, o Dari, si quae modo scribimus, olim  
 Sunt habitura fidem, Pompeio Francia juste  
 Laudibus aequabit, vivet cum vate superstes  
 Vers. 3681.

#### VARIE LECTIONES.

<sup>66</sup> liquitur. <sup>67</sup> adjectis. <sup>68</sup> lumina morte, inter—et extremæ. <sup>69</sup> sedaret nostras veteres brevis. <sup>70</sup> Magnus. <sup>71</sup> prior. <sup>72</sup> solum. <sup>73</sup> turmæ. <sup>74</sup> teneatur uterque. <sup>75</sup> morientibus. <sup>76</sup> ferendam. <sup>77</sup> vaneat. <sup>78</sup> patrum. <sup>79</sup> nec. <sup>80</sup> odor. <sup>81</sup> labiliu. <sup>82</sup> momentanea.

Gloria defuncti, nullum moritura per ævum.

Magnus ut accepit, Darium exspirasse, citatum  
Turbidus accelerat gressum, inventumque cadaver  
Perfundit lacrymis, et compluit ubere fletu :  
Sedit complosis manibus, positoque rigore<sup>73</sup>  
Principis, effusum doluit, gemuitque jacentem,  
Quem stantem ut caderet, toties *invaserat*<sup>74</sup> ante.  
Ergo ubi purpureo lacrymas siccavit amictu,  
Purgavitque genas : Miseris mortalibus, inquit,  
Hoc solum relevamen inest<sup>75</sup>, quod gloria mortem

Nescit, et occasum non sentit fama superstes :  
Si vitæ meritis respondet gloria famæ,  
Nulla tuos actus poterit delere vetustas.  
Nec te posteritas, rex Persidis Inclyte Dari,  
Oblinet, aut veterum corrodet serra dierum.

Claresces titulis, totoque legeris in orbe,  
Ausus Alexandro, Macedumque resistere fatis.  
Si modo<sup>76</sup> te vivum servassent, omine fausto,  
Fata, jugo Macedum levius nil esse probares,  
Uno rege minor tantum, Magnoque secundus,  
Jura dares aliis, in regni parte receptus ;  
Sed quia serviles non permisere catervæ,  
Qui patris emeritam ferro rupere senectam  
Ut clemens victo laudarer victor in hoste,  
Quod solum licet, ultorem, defuncte, relinquis  
Hostibus infandis, habuisti quem prius hostem.

Sic mihi contingat, bellis Oriente subacto,  
Hesperios penetrare sinus, classemque minacem  
Occiduis inferre fretis, cursuque reflexo,  
Gallica Græcorum ditioni subdere colla :  
Sic mihi dent superi, trajectis Alpiibus, una  
Cum populis Ligurum, Romanas frangere vires.

Dixit, et exsequiis solito de more solutis,  
Regifico sepelit corpus regale paratu,  
Membraque condiri jubet, et condita recondi  
Majorum titulis ; ubi postquam condita, celsa  
Pyramis erigitur, niveo quæ marmore structa,  
Ingenio docti superædificatur Apellis :  
Coniunctos lapides, infusum fusile rimis  
Alternò interius connectit amore metallum,  
Exterius quacunque patet, junctura figuris  
Insculptum variis rutilans intermicat aurum.

Quattuor ex æquo distantibus arte columnis  
Sustentatur onus, quarum basis aurea<sup>77</sup> fulget.  
Argento stylus erigitur, capitella recocto  
Imperitant auro, fornacibus eruta binis.  
Has super, exstructa est (tantæ fuit artis Apelles)  
Auro lucidior<sup>78</sup>, pacato purior amne,  
Crystallo similis, cœlique volubilis instar,  
Concava testudo, librati ponderis, in qua  
Forma tripartiti pulchre describitur orbis  
Hic Asiæ sedes late diffunditur, illic  
Subsidunt geminæ, spatio brevior, sorores .  
Hic certis distincta notis, loca, flumina, gentes,

Vers. 3735.

A Urbes, et silvæ, regiones, oppida, montes.  
Et quæcunque vago concluditur insula ponto.  
Indigeat quæ terra quibus, quæ rebus abundet.  
Frugifera est Libyæ, vicinus Syrtibus Hammon  
Mendicat pluvias : Ægyptum Nilus opinat ;  
Indos ditat ebur, vestitaque littora gemmis.  
Africa prætendit magnæ Carthaginis arces,  
Græcia divinas<sup>79</sup>, famæ immortalis, Athenas :  
Pallantea domus, Roma crescente, superbit.  
Francia militibus, celebri Campania Baccho<sup>80</sup>,  
Gadibus Herculeis Hispania, thure Sabæi,  
Arcturo Britones, solito Northmannia fastu,  
Anglia blanditur, Ligures amor urit habendi,  
Teutonicusque suum retinet de more furorem ;

B Lubricus extremas tantæ testudinis oras  
Circuit Oceanus, Asiam, tractusque duarum,  
Opposito medius disternit<sup>81</sup> obice Pontus  
Pontus, distinctis<sup>82</sup> in quem vaga flumina ripis .  
Omnia descendunt, et eo ducente, recurvos  
Flexa per anfractus, magnum labuntur in æquor.  
Et quia non latuit sensus Danielis Apellem,  
Aurea signavit epigrammate marmora tali :  
Hic situs est typicus aries, duo cornua cujus  
Fregit Alexander, totius malleus orbis.

Præterea Hebræos, et eorum scripta secutus,  
Præteriti seriem revoluti<sup>83</sup> temporis, annos  
Humani generis a conditione notavit,  
Usque triumphantis ad bellica tempora Magni.  
In summa : Annorum bis millia bina leguntur  
Bisque quadringenti, decies sex, bisque quaterni.

C Interea meritos<sup>84</sup>, ad donativa, maniplos  
Invitat Macedo, gemitus, et vulnera largis  
Curat muneribus, et idonea tempora nactus,  
Solemnes epulas, et Bacchi gaudia totis  
Instaurat castris. Ergo dum pocula tractat,  
Deliciisque vacat diffusus in otia miles,  
Ecce repentinus, vitium solemne vacantis  
Militiæ, rumor subito ferit agmina motu.  
Fertur : Alexandrum post prospera bella, tumentem,  
Hostibus afflictis, et adepta Perside, velle  
Ad patriæ<sup>85</sup> fines, et dulciora regna reverti .  
Ergo avidi reditus, quamvis auctore carere  
Rumor, discurrunt lympharum more, per omnes  
Castrorum vicos, aptant tentoria plaustis,

D Sarcinulas, et vasa legunt castrensia, tanquam  
Mane paretur iter, oritur per castra tumultus  
Lætitia, lætosque<sup>86</sup> ferunt ad sidera plausus.

Rumor ut attonitas invicti principis aures  
Impulit, occultus mentem<sup>87</sup> perterruit horror,  
Contraxitque furor laxas rationis habenas.  
Mox ubi mens rediit domito revocata furore  
Præfectos jubet acciri, lacrymisque profusis :  
Limite de medio terrarum, a civibus orbem  
Auferrî sibi conqueritur, virtutis in ipso

Vers. 3789

#### VARIÆ LECTIONES.

<sup>73</sup> rigore. <sup>74</sup> incusserat. <sup>75</sup> hoc solamen inest solum. <sup>76</sup> si mihi. <sup>77</sup> arca. <sup>78</sup> lucidior vitro. <sup>79</sup> divi-  
tias. <sup>80</sup> vitio. <sup>81</sup> discriminat. <sup>82</sup> distortis. <sup>83</sup> serie revoluta <sup>84</sup> multos. <sup>85</sup> patrios. <sup>86</sup> mistos. <sup>87</sup>  
animur

Limine, Alexandro mundi totius apertum  
Præcludi imperium, nihil in patriam nisi probra,  
Fortunam victi, se non victoris, ad Argos  
Esse relaturum, tantis obsistere cæptis  
Invidiam Superum, qui fortia pectora semper  
Illiciant, patriæque trahant natalis amore,  
Indecoresque viros, sine nomine velle reverti  
Ad proprios ortus: indulto tempore, magna  
Laude reversuros. Applaudit curia regi,  
Promittitque suas in cuncta pericula vires,  
Jussa secuturos proceres, et mobile vulgus,  
Si modo blanditiis duras permulceat<sup>88</sup> aures.

Ergo tribunali posito, ducibusque citatis,  
In facie procerum, plebisque astante corona<sup>89</sup>  
Cœpit Alexander: Recolentibus, inquit, amici,  
Gestarum vobis<sup>90</sup> titulos et nomina rerum,  
Non mirum est, patrias animis occurrere sedes,  
In quibus illustres decantet fama labores,  
Et celebris vestras attollat gloria pugnas<sup>91</sup>.  
Libera, Persarum veteri, jam patria per vos  
Est exempta<sup>92</sup>, jugo, Phœnicem, Persida, Medos,  
Armenios, Syriam vestri domuere lacerti:  
Lydia, Cappadoces, Parthi, Cilicium juga vestro  
Succubuere jugo, terras mihi vestra subegit  
Asperitas plures, aliis quam regibus urbes  
Lubrica sors dederit. Ergo si certa<sup>93</sup> maneret  
Terrarum (quas tam celeri virtute subegi)  
Perpetuo mecum possessio, fœdera fixa:  
O cives, vobis etiam retinentibus, ultro  
Ad patrias urbes, dulcemque erumpere terram  
Optarem, matrem, geminasque videre sorores,  
Et pârta pariter vobiscum laude potiri.

Sed novus est, nec adhuc firma radice tenetur  
Imperii status, et nondum subeuntibus æqua  
Barbaricis cervice jugum, victoria nutat:  
Ergo brevi nobis opus assuetudine, donec  
Barbara mollescant accepto tempore corda,  
Et peregrina suos deponant pectora mores:  
Nam mora maturat fruges, et musta statuto  
Tempore mitescunt, quamvis expertia sensus.  
Quod natura nequit, animos, rabiemque ferarum  
Mulcet longa dies; sævum indomitumque leonem,  
Vers. 3831.

A Mitigat humani, manus et vox blanda, magistri.  
Vicistis Persas sed non domuistis et ipsi.  
Armis, non morum cohibentur lege, futuri,  
Quos modo præsentis metuunt, absentibus hostes.  
Et, licet extincto Persarum principe, multus  
Hostis adhuc superest, Bessus patricida, retento,  
Narbasanesque suus coeunt in prælia, regno.  
Proh pudor! æternum nati servire clientes,  
Per scelus extremum, parta ditione, cruentas  
Extendunt ad sceptra manus, sed sicut in ægris  
Omnia corporibus, medici nocitura recidunt<sup>94</sup>:  
Sic nihil a tergo quod discedentibus obstet,  
Esserelinquendum, reseccandumque arbitror esse<sup>95</sup>,  
Quidquid obesse potest, regno post terga relicto.  
Parva solet magnis causam præstare ruinis,  
B Cum neglecta fuit modicæ scintilla lucernæ.  
Tutior ut maneat hostis, nil est quod in host.  
Despicias tuto, sit, quem neglexeris, ille  
Fortior hoc ipso, multoque valentior hostis.

Vicimus idcirco Darium ut Besso patricidæ  
Cederet imperium? procul hunc arcete furorem,  
Terrarum domini, brevis est via, vixque dierum  
Quattuor, inter iter jacet ut divortia mortis  
Quærere nulla queat Bessus patricida. Tot amnes,  
Tot juga<sup>96</sup> transistis, tot proculcastis hiatus,  
Horrendosque lacus, tot saxa, tot invia vobis  
Pervia fecistis, non vos mare dividit æstu  
Fluctivago<sup>97</sup>, sed plana jacent, et plena triumpho  
Omnia; vicina est, et in ipso limine palma,  
C Vincendi restant pauci, memoranda per ævum  
Gloria, cum servos, vestro<sup>98</sup> mediante labore,  
Audierit, domino pœnas solvisse preëmpto,  
Credula posteritas, dignus labor Hercule: nullum,  
Quem patris occisi condemnet opinio, vestras  
Effugisse manus, hoc uno, miles, honorem  
Perpetuare tuum, Persas, Asiæque favorem  
Conciliare potes. Sic fatur<sup>99</sup> ductor, et ecce  
Attollunt cuncti<sup>100</sup>, quæcunque in prælia, dextras,  
Seque secuturos, per summa<sup>1</sup> pericula, spondent  
Unanimes, lætique senes, hilarisque juventus.  
Ergo avidus pugnae tentoria vellere<sup>2</sup> Magnus  
Imperat, et rapido cursu bacchatur in hostes.

Vers. 3873

#### ARGUMENTUM LIBRI OCTAVI.

*Hircanos domat octavus, nec iniqua ferentem  
Vota, pharetratam præsentat Amazona regi.  
Uruntur gazæ Macedum, mirabile factu.  
Detegitur Dymni facinus, sequiturque nefandus  
In castris genitus, oratio, morsque Philottæ.  
Impius attrahitur, monstrum implacabile, Bessus;  
Suspensusque pîat manes patricida paternos.  
Arma Scythiis infert, quorum<sup>3</sup> legatio postquam  
Nil agit, et monitu<sup>4</sup> non flectunt principis iram,  
Gens invicta prius, victori subditur orbis.*

#### VARIE LECTIONES.

<sup>88</sup> præmulceat. <sup>89</sup> caterva. <sup>90</sup> nobis. <sup>91</sup> laudes. <sup>92</sup> erepta <sup>93</sup> tanta. <sup>94</sup> retinuant. <sup>95</sup> ense. <sup>96</sup> loca.  
<sup>97</sup> fluctivomo. <sup>98</sup> nostro. <sup>99</sup> futus, et ecce paratâs. <sup>100</sup> equites. <sup>1</sup> cuncta. <sup>2</sup> vertere. <sup>3</sup> Macedo.  
<sup>4</sup> monitus.

## LIBER OCTAVUS.

Memnonis æterno deplorans funera luctu,  
Tertia luciferos terras aurora per omnes  
Spargebat radios, cum fortis et impiger ille<sup>a</sup>  
Terrarum domitor, in cuncta pericula præceps,  
Hyrcanos subiit, armato milite, fines.

Quos ubi perdomuit, vitamque cruentus, ab ipso  
Narbasanes molli lingua *scribendo* recepit  
Haud mora, visendi succensa cupidine regis,  
Gentis Amazoniæ venit regis. a Thalestris,  
Castraque virginibus subiit oomitata ducentis :  
Omnibus hæc populis, dorso quos Caucasus illinc  
Circuit, hinc rapidi circumdat Phasidos amnis,  
Jura dabat mulier, cui primo ut copia facta est  
Regis, equo rapide descendit, spicula dextra  
Bina ferens, lævum pharetra suspensa lacertum.

Vestis Amazonibus non totum corpus obumbrat,  
Pectoris a læva nudantur, cætera vestis  
Occupat, et celat celanda, nihil tamen infra  
Juncturam genuum, mollis descendit amictus :  
Læva papilla manet, sed conservantur adultis,  
Cujus lacte infans sexus muliebris alatur,  
Non intacta manet, sed aduritur altera, lentos  
Promptius ut tendant arcus, et spicula vibrent.

Perlustrans igitur attento lumine regem,  
Mirata est, famæ non respondere, Thalestris,  
Exiguum corpus, taciturnaque versat apud se  
Principis indomiti, virtus ubi tanta lateret ?  
Barbara simplicitas a majestate venusti  
Corporis, atque habitu veneratur, et æstimat omnes.  
Magnorumque operum, nullos putat esse capaces, C  
Præter eos, conferre<sup>a</sup> quibus natura decorum  
Dignata est corpus, specieque beare venusta.  
Sed modico præstat interdum corpore major  
Magnipotens animus, transgressaque corporis artus  
Regnat in obscuris præclara potentia membris.

Ergo rogata semel, ad quid regina veniret ?  
Anne aliquid vellet a principe poscere magnum ?  
Se venisse refert, ut pleno ventre regressa  
Communem pariat a tanto principe prolem,  
Dignam se reputans, de qua rex gignere regni  
Debeat hæredem, fuerit si femina partu  
Proditæ, maternis potiatur filia regnis :  
Si mas exstiterit, patri reddatur ælendus.

Quærit Alexander sub eone vacare Thalestris  
Miliæ velit ? Illa suum custode carere,  
Causatur regnum, tandem pro munere noctem  
Ter deciesque tulit : et quod quærebat adepta  
Ad solium regni, patriasque revertitur urbes.

Interea Bessus, sumpto diademate, Bactra  
Vers. 3932.

Venerat<sup>a</sup>, *ausus nomen mutare, Scythisque*  
Accitis, toto surgebat in arma paratu.  
Æstuat auditis Macedo, sed inertia luxu  
Et bello, partis tot rebus ouusta, moveri  
Agmina vix poterant : ergo<sup>a</sup> (mirabile factu !)  
Cuncta cremanda ratus, quæcunque moventibus  
[arma]

Esse solent oneri, primo sua, deinde suorum  
In medium proferre jubet. Spatiosa jacebat  
Campi planities, ubi multo sanguine partæ  
Exponuntur opes Arabum, Serumque labores,  
Plaustraque diversis rerum speciebus ouusta.

His ubi congestis, rapta face, Martius heros  
Ignem supposuit, et miscuit omnia flammis,  
Ardebant dōiniis mirantibus omnia, quæ ne  
B Arderent, toties accensis<sup>a</sup> uribus, igni  
Restiterant, toties humero subeunte laborem,  
Pertulerant avidas multo discrimine flammæ,  
Non tamen audebant tanto sibi parta labore  
Sanguinis effusi pretium, deslere quirites,  
Seu vulgus ; cum regis opes, idem ureret ignis.

Hic ubi sedatus dolor est, dixisse feruntur  
A curis gravibus, et sollicitudine magna  
Consilio regis, ereptas esse cohortes :  
Et quos subdiderat regina pecunia servos  
Principis exemplo *libertos* esse per ignem

Jamque legebat iter, jam Bactra subire parabat  
Exonerata manus, cum rex invictus, et hoste  
Tutus ab externo, pene interfectus ab ipsis  
C Consulibus Macedum, tamen intestina suorum  
Devitavit<sup>10</sup> adhuc, Partis parcentibus, arma,  
Et civile nefas. Erat inter regis amicos  
Præcipuus, tota major legione<sup>a</sup> *Philottas*,  
Parmenione satus, sine quo nil carmine dignum  
Gessit Alexander, qui grande nefas<sup>a</sup> *Cebalino*  
Indice perlatum certis rationibus ad se,  
*Tres siluit lucas*, donec Metrone cruentum  
Comperiente scelus, proprio cadit ense ligatis  
Complicibus Dymnus : vincitur<sup>11</sup> et ipse<sup>a</sup> *Philottas*,  
Creditus hoc<sup>10</sup> uno perimi voluisse tyrannum,  
Quod totos *tres ille dies* suppresserat hujus  
Indicium sceleris : inducitur ergo revinctis  
A tergo manibus, faciem velatus, in aulam.

Principis edicto populus convenerat armis  
D Cinctus, et horrendo pallebat regia ferro :  
Mussat tota cohors, tantique ignara tumultus  
Cur accita foret, arrectis auribus hæret,  
Donec Alexander sermone silentia rumpens  
Detexit scelus, illatoque cadavere Dymni,

Vers. 3980

## VARIE LECTIONES.

<sup>a</sup> iste. <sup>a</sup> offerre quibus natura decorum <sup>a</sup> voverat. <sup>a</sup> igitur. <sup>a</sup> incensis. <sup>10</sup> declinavit. <sup>11</sup> reli-  
gatur. <sup>12</sup> hic.

Subticit primo, demum : Pece, inquit, adeptus A  
Vobis, o cives, fortunæ munere vivo.

Regis ad hanc vocem, clamoso perstrepsit aula  
Turbarum fremitu, cunctis poscentibus hujus  
Auctores <sup>13</sup> sceleris, ut proderet <sup>14</sup>. Ille : Quid? in-  
[quit,

Ille mei patris, ille meus specialis amicus  
Parmenio, tantoque aliis prælatus honore <sup>15</sup>,  
Tanti flagitii fuit auctor, et ipse \* *Philottas*  
Cum patre concipiens tam detestabile terris,  
Et cælo facinus, Lycolaum <sup>16</sup> \* *Demetriumque*  
Et Dymnum, cujus corpus miserabile coram  
Aspiciatis, socios delegit, et in mea ductor  
Fata subornavit ; rursum fera concio vocem  
Intonat horrendam. Metron, \* *Cebalinus* et index  
Nicomæchus testes producti, criminis ortum  
In medium referunt : subdit Mavortius heros :  
Quo dominum obsequio, quo dilexisse videtur  
Affectu patrem, qui cum scelerum hoc scelus, in-  
[quit,

Resciret, siluit? quod non tamen esse regendum <sup>17</sup>  
Cæde liquet Dymni. Facinus \* *Cebalinus* acerbum  
Ut semel accepit, hora non distulit una ;  
Solutus non timuit, solus non credidit istud  
\* *Parmenides*, sane patria ditone tumescit.  
Quem quia præfeci *Medis*, majora superbus  
Sperat, et aspirat ad summi <sup>18</sup> culmen honoris.

Forsitan hoc animi <sup>19</sup> dedit in mea fata \* *Phi-*  
[lotta,  
Quod sine cognatis sum, nec mihi libera proles,  
Nec superest genitor : Erras, funeste \* *Philotta* :  
Tot salvis Macedum ducibus, quorum agmina memet  
Circumstare vides, Magnum ne dixeris orbem.  
Ecce mihi <sup>20</sup> fratres, quos intuor, ecce parentes,  
Quod celat, quod Dymnus eum non nominat, inter  
Participes sociosque doli, minus esse nocentem  
Non facit, indicium est ducis, et terroris in illos  
Prodere qui præsumunt <sup>21</sup>, qui dum <sup>22</sup> de se fateantur,  
De duce non audent ducti terrore fateri,  
Multaque consuevit de me suspecta \* *Philottas*  
Et serere, et faciles præbere serentibus aures :  
Se gaudere mihi, genitum quem Jupiter a se  
Affirmabat, ait, miseris tamen esse dolendum,  
Vivendum quibus est tanti sub principe fastus,  
Excedente modum, et stadium mortalis arenæ <sup>23</sup>.

Et scivi, et silui nec eos <sup>24</sup> fieri mihi viles,  
Et contemptibiles aliis volui, quibus ante  
Tot bona contuleram, sed jam temeraria lingua  
Vertitur ad gladios : et quod conceperat ore,  
Parturit ense manus ; quo me conferre licebit?  
Cui caput hoc credam? præfeci pluribus unum,  
Cui vitæ et capitis commisi jura, sed unde  
Præsidium petiit, venit improvisa salutis  
Pernicies, melius cecidisset Marte, futurus

Vers. 4034.

Hostis præda mei potius quam victima civis  
Nunc servatus ab his, Macedo quæ sola timebat,  
Incidit <sup>25</sup> in lateris socios, et in agmina, quorum  
Nec vitare manus, nec debuit arma timere.  
Ergo, mei cives, vestri <sup>26</sup> ad munimina civis,  
Armaque confugio, liceat vos esse salutis  
Auctores, salvus, vobis nolentibus esse  
Nec volo, nec possum ; si me servare <sup>27</sup> velitis,  
Vindictis officium prætendite, vindice pœna.

Hoc ubi persuasit, ira dictante, reliquit  
Concilium, vinctumque jubet proferre \* *Philottam*  
Diciturum causam, ne judiciarius ordo  
Dicatur vires tanti rectoris in aula  
Amisisse suas : manibus stetit ille revinctis  
Luridus, et vili <sup>28</sup> velatus tegmine membra,  
B Lugubris facie, multum mutatus ab illo,  
Qui nuper princeps equitum, Magnoque secundus,  
Nobilior ducibus, et magnificentior ibat,  
Disponens acies, tractansque negotia belli.

Hoc habitu quondam Burchardum Flandria vidit  
Solventem meritas, occiso principe <sup>29</sup>, pœnas :  
Quem rota pœnalis pro tanto crimine torsit,  
Totaque confregit, Ludwico vindice, membra.

Nutabat pietate cohors, animosque subibat  
Parmenionis amor, tam clari civis amara  
Conditio, qui cum viduatus prole gemella,  
Hectore jampridem, magnoque \* *Nicanore*, nuper,  
Jura dabat *Medis* : absente parente superstes  
Tertius, et patrium solus solamen, iniquo  
C Judice, barbaricis causam dicebat in oris.

Hærebant animi procerum, poteratque videri  
Sævitæ <sup>30</sup> cessisse <sup>31</sup> rigor, cum prætor Amyntas  
Regius, intuitus mentes pietate labare <sup>32</sup>  
Pluribus objectis, cœpit damnare \* *Philottam*,  
Sopitamque ducum, dicendo resuscitat iram,  
Sedatumque facit rursus crudescere vulnus.

Tunc vero attonitus labefacta mente \* *Philottas*,  
Avertensque oculos, a circumstante caterva,  
Nec caput erexit, nec flexit luminis orbem :  
Seu quia conciderat sceleris mens conscia tanti <sup>33</sup> ;  
Seu quia supplicii nutabat pressa timore.

Nec mora, mentis inops, super illum corrui. a quo  
Ipse <sup>34</sup> tenebatur : at demum mente recepta  
Abstergens panno faciem <sup>35</sup>, vultumque madentem  
D Fletibus : Insonti facile est, inquit, reperire  
Verba, tenere modum, misero non est leve, cives :  
Cumque sit in portu mens hinc mea, criminis ex-  
[pers

Hujus, et in nullo sibi conscia, turbidus illinc  
Me tumido fluctu, fortunæ verberet auster :  
Inter utrumque situs, utriusque locatus in arcto,  
Non video qua lege queam parere, vel hujus  
Temporis articulo, vel mundæ a crimine menti :  
Forti fortunæ pereo, si pareo, mentem

Vers. 4084.

#### VARIE LECTIONES.

<sup>13</sup> actores. <sup>14</sup> perderet. <sup>15</sup> amore. <sup>16</sup> Curt. Peucolaum. <sup>17</sup> silendum. <sup>18</sup> summum. <sup>19</sup> animum. <sup>20</sup> mei.  
<sup>21</sup> possunt. <sup>22</sup> cum. <sup>23</sup> habenæ. <sup>24</sup> neque enim. <sup>25</sup> decedit. <sup>26</sup> vestra. <sup>27</sup> salvare. <sup>28</sup> vili faciem velatus  
amictu. <sup>29</sup> consule. <sup>30</sup> segnitia. <sup>31</sup> cecidisse. <sup>32</sup> remissas. <sup>33</sup> facti. <sup>34</sup> ille. <sup>35</sup> lacrymas.



Non sinit insonem fortuna potentior esse.  
Hæc <sup>36</sup> secura manet, in me parat illa securum,  
Hinc spes, inde metus, hinc salvus, naufragus illine.

Præterea causam ingrediore, sine iudice, cujus  
Intererat justa: meritum cognoscere causæ,  
Nec <sup>37</sup> video cur absit, ei damnare nocentem  
Cum liceat soli, solusque absolvere possit.  
Absolvi nequeo, nisi causæ cognitor ipse  
Et iudex sedeat, quod vix continget, ut ipso  
Liberer absente, quo sum præsentem ligatus.  
Sed quamvis infirma hominis defensio vincit  
Sit, qui censorem non instruit, imo videtur  
Arguere iniusti, tamen hoc, utcunque licebit,  
Mortis in articulo pro me allegabo, meique  
Non ero desertor, sed quo me crimine damnet  
Curia, non video, de conspirantibus unum,  
Vel de complicitibus me nemo fuisse fatetur.  
De me Nicomachus nihil expressit; \* *Cebalinus*  
Plus, quam Nicomachus, a quo scelus audiit istud,  
Noscere non potuit, me rex tamen arguit hujus  
Criminis auctorem, sed qua ratione videtur  
Subticuisse caput cædis, scelerisque magistrum?  
Quemque sequebatur tanto in discrimine Dymnus?  
Non verisimile est, alieno parcere quemquam,  
Qui sibi non parcat, e contra credere dignum est  
Ut se majori tueatur nomine: Dymnum  
Inter participes prius expressisse \* *Philottam*.

Scripta ferunt Ithacum, cum furtum Palladis illi  
Ajax objiceret, raptamque in nocte Minervam,  
Tydidæ socio factum <sup>38</sup> excusasse decenter,  
Vel velasse suam Diomedis nomine culpam;  
Cumque \* *Laertiadæ* rursus, simulasse furorem  
Objiceret, bellique metu quæsisse latebras;  
Sit <sup>39</sup> mihi, respondit, latebras quæsisse, pudori,  
Dam ratione pari crimen reputetur, Achillem  
Inter femineas timidum latuisse catervas.  
Cum tanto commune viro non abnuo crimen.

Sic ubi tractatur communis causa duorum,  
Interdum major solet excusare minorem,  
Dicite consulti juris, legisque <sup>40</sup> periti,  
Qua ratione perit, mortem quo jure meretur,  
Quem nemo accusat? in quem nec fama laborat?  
Nec sua condemnat confessio? criminis hujus  
Nuntius in primis <sup>41</sup> nisi me \* *Cebalinus* adisset,  
Non hodie traheret in causam, nemine nomen  
Accusante meum. Sed quod suppresseris, ad te  
Delatum facinus, quodque his rumoribus aures  
Cluseris, objicitur, quid ni <sup>42</sup>? Puerine querelis  
Est adhibenda fides? Minus est pretiosus, et absque  
Pondere sermo gravis, quem non gravis edidit au-  
[ctor,

Rumoresque facit levitas auctoris inanes;  
Si Dymno socius culpæ, vel conscius essem  
Non sinerem sane vel me, vel criminis hujus

Vers. 4157.

A Participes prodi, *spatio* cum posset in illo  
Res peragi, clam, sive palam, poteram \* *Cebalinum*  
Tollere de medio, ne regi nuntius iret  
Concepti sceleris, hujus moliminis ad me  
Delato indicio: post detectam mihi fraudem,  
Qua periturus eram <sup>43</sup>, ferro comitante penates  
Secretos adii, regisque cubilia solus.  
Non video cur distulerim scelus, an sine Dymno  
Ausus non fuerim? Princeps erat ille cruenti  
Et dux consilii, sub eo latuisse \* *Philottas*  
Creditor? Et Magno, regum affectasse, perempto?  
Quem tamen e vobis corrupti munere, cives?  
Quem colui, de tot vobis impensius unum?

Sed scripsisse sibi me rex objecit, honori  
Congaudere suo, genitum quem Jupiter a se  
Voce affirmabat, miseris tamen esse dolendum  
Vivere quos deceat tanti sub principe fastus.  
Vera fides, et amor, fiducia, consilii fides  
Libertas veri, sed perniciose quibusdam,  
Sanaque, qua colui regem, correptio, vos me  
Decepistis: et hoc fateor scripsisse \* *Philottam*:  
Hoc regi scripsi, sed non de rege; sciebam  
Dignius esse Jovem tacitis cognoscere <sup>44</sup> votis,  
Et Superum stirpem, quam se jactando, movere  
Contra se invidiam, procerumque lacessere bilem:  
Quid mihi, rex, toties pro te sudasse sub armis  
Profuit? et tecum pro te consumpta juvenus,  
Continuusque labor Martis? Quid in agmine fratres  
Amisisse duos <sup>45</sup>? nec patrem ostendere possum,  
C Præsentemque malis adhibere, nec audeo nomen  
Implorare patris, quia creditur <sup>46</sup> hujus, et ipse  
Criminis esse reus, nec enim satis esse parentem  
Orbatum geminis, si non orbetur <sup>47</sup> et uno  
Qui superest, natiq; regis imponitur insons.

Ergo, clare pater, et <sup>48</sup> tu pro me morieris?  
Et mecum? vitæque mihi tu causa fuisti,  
Qui tibi mortis ero? Rumpo tibi fila, tuumque  
Filius exstinguo senium? Cur ergo creabas  
Hoc in perniciem corpus tibi? Nonne creatum  
Perdere debueras? An ut hos ex stirpe maligna  
Perciperes <sup>49</sup> fructus? miserabiliorne senectus  
Sit patris, natine magis miseranda juvenus,  
Ambigitur; vernis et adhuc venientibus annis  
E medio tollor, effeto sanguine patri

D Spiritus eripitur, quem si fortuna morari  
Vel modicum sineret in obeso corpore, jure  
Poscebat natura suo. Sic fatur, et ecco  
Rex in concilium, ferro livente caterva,  
Stipatus rediit: tunc vero exterritus ille  
Supplicii mortisque metu, rursusque gelato  
Corpore <sup>50</sup> lapsus humi moribundo languit ore.

Cæperat in proceres sententia serpere discors,  
Ancipitique ducum nutabant murmure partes,  
Censebantque alii perimendum more vetusto

Vers. 4191.

#### VARIE LECTIONES.

<sup>36</sup> mens. <sup>37</sup> nunc. <sup>38</sup> furtum. <sup>39</sup> si. <sup>40</sup> legumque. <sup>41</sup> indicii. <sup>42</sup> quid enim. <sup>43</sup> erat. <sup>44</sup> agnoscere.  
<sup>45</sup> meos. <sup>46</sup> dicitur. <sup>47</sup> orbatum. <sup>48</sup> et propter me. <sup>49</sup> demeter. <sup>50</sup> pectore

• *Parmenidem saxis, alii extorquere parabant* <sup>81</sup>  
 Supplicio verum; quorum rex dicta secutus  
 Aptari tormenta jubet; tortoribus ergo  
 Exsertis manibus, in conspectumque *Philottæ*  
 Sævitiæ misero genus omne parantibus, ille:  
 Non opus est, inquit, proceres, graviore flagello.  
 Confiteor, volui. Sed cum gravioribus illum  
 Afficerent pœnis, cum jam lacer ossibus ictus  
 Exciperet nudis, nec jam <sup>82</sup> superasset in illo  
 Vulneribus locus, exposuit tandem capitales  
 Insidias, serienque rei, facinusque, sed anceps  
 Conjectura fuit, an tanta enormia de se  
 Confessus fuerit, ut se *cruciatibus istis* <sup>83</sup>  
 Eripiens, celeri finiret morte dolores.

O quam difficili nisu sors provehit actus  
 Lubrica mortales? Et quos ascendere fecit  
 Quam facile evertit! magno fortuna labore  
 Fecerat excelsum media de plebe <sup>84</sup> *Philottam*  
 Princeps militiæ factus, ductorque cohortis  
 Parmenionem satum, modico post tempore lapsus,  
 Scandere dum quærit, fato damnatus <sup>85</sup> et exsul  
 Obruitur saxis, certat simul omnis in unum  
 Volvere saxa manus, cujus manus ante movendi  
 Castra dedit <sup>86</sup> signum. Quam frivola gloria ve-

[rum!

Quam mundi fugitivus honor! quam nomen inane!  
 Prælatum præesse volens, prodesse recusans <sup>87</sup>!  
 Sex ubi, consumpto <sup>88</sup> post tristia fata *Philottæ*  
 Præteriere dies, propero rapit agmina cursu  
 In Bessum Macedo, nec destitit ille laborum  
 Prodigus et patiens, fatalis malleus orbis,  
 Donec ab Eoo, monstrum implacabile, tractu  
 Attrahitur victus, præsentaturque furenti  
 Bessum Alexandro, penitus velamine dempto  
 Nudus, et inserta collo, pedibusque catena.  
 Quem rex intuitus flammato lumine: Cujus,  
 Besse; feræ rabies, vel quæ suggestit Erynnis  
 Tam tibi grande nefas, ut promeritum bene regem  
 Vincere auderes, regni que cupidine vitam  
 Et patris, et domini, violento claudere ferro?

Hæc ait, et fratrem Darii, quem corporis inter  
 Custodes primum, terrarum eversor, habebat,  
 Accivit, vincitumque pedes, et brachia, Bessum  
 Tradidit; ille sacram longis cruciatibus illi  
 Eripiens animam, stygias ad sacra sorores  
 Advocat <sup>89</sup>, et placat fraternos sanguine manes,  
 Affixumque cruci, jubet ire ad tartara Bessum.  
 Exitus hic Bessi, qui dum conscendere tentat,  
 Labitur; imperium dum quærit, et *impetrat* <sup>90</sup> in se  
 Regreditur, domini ponens insignia servus.

At Macedo dudum sitiens pectore regnum  
 Affectans Scythiæ, pardis velocius agmen  
 Ad Taniam transfert, qui vasto gurgite Bactra  
 A regno Scythiæ dirimit, qui terminus idem  
 Europam, mediis Asiâque interfluit undis.

Vers. 4245.

A Gens ea Sarmatiæ pars est, si prisca meretur  
 Fama fidem, montes et inhospita lustra ferarum  
 Pro domibus, thalamisque colunt, questumque pe-

[rosi,

Contentique cibus, quos dat natura, beatam,  
 Ambitione sacra, nolunt corrumpere vitam:  
 Dumque super Taniam metatus castra pararet  
 Navigium Macedo, fluvium quo sole sequenti  
 Transponendus erat, Scythicas bellator in oras:  
 Ecce peregrino, Macedum tentoria, cultu  
 Horrida cornipedum bis deni terga prementes  
 Intravere viri, regi <sup>91</sup> mandata ferentes.

Quorum qui reliquis fuerat maturior ævo,  
 Intuitus regem: Cupido si corpus haberes  
 Par animo, dixit, mentique immensa petenti,  
 B Vel si, quanta cupis, tantum tibi corporis esset,  
 Non tibi sufficeret capiendæ maximæ orbis,  
 Sed tua mundanas mensura excederet oras:  
 Ortum dextra manus, occasum læva teneret,  
 Nec <sup>92</sup> contentus eo, scrutari et quærere votis  
 Omnibus auderes, ubi se mirabile lumen  
 Conderet, et solis auderes scandere currus  
 Et vaga depulso moderari lumina Phœbo:  
 Sic quoque multa cupis, quæ non capis, orbe sub-

[acto

Cum genus humanum superaveris, arma cruentus  
 Arboribus, contraque feras, et saxa, movebis.  
 Montanasque nives, scopulisque latentia monstra  
 Non intacta sines, sed et ipsa carentia sensu  
 Cogentur sentire tuos elementa furores.

C An nescis longo quod provocat æthera ramo  
 Arboreum robur, firma radice, superbum,  
 Quodque diu crevit, hora extirparier una?  
 Stultus, qui fructum dum suscipit, arboris altum  
 Non vult metiri; videas, sublime cacumen  
 Prendere dum tendis (postquam comprehenderit  
 illud)

Cum ramis ne forte cadas. Avium fuit esca  
 Parvarum quandoque leo, rex ante ferarum.  
 Ferrum cuncta domans, atque omni durius ære  
 Consumit rubigo vorax; sub cardine Phœbi  
 Tam firmum nihil est, cui non metus esse ruinæ  
 Possit, ab invalido, quis non dum navigat orbem  
 Debeat occasum, mortisque timere procellam?

D Quid nobis tecum? Non infestavimus armis,  
 Contigimusve tuam, facturi prælia, terram.  
 Qui sis, unde trahas genus, ad quid missus, et  
 Ignorare Scythiis liceat fugientibus arma,  
 Et strepitus hominum, nemorumque colentibus  
 [ant. a.

Libera gens Scythiæ nihil appetit ulterius, quam  
 Prima parens natura dedit, de munere cujus  
 Nec cuiquam servire potest, nec, ut imperet, optat:  
 Esse sui juris hominem, sua, seque tueri,

Vers. 4295.

## VARIÆ LECTIONES.

<sup>81</sup> volebant. <sup>82</sup> cum nec. <sup>83</sup> cruciamine longo. <sup>84</sup> gente. <sup>85</sup> damnatur. <sup>86</sup> dabat. <sup>87</sup> Prælatum, qui  
 præesse cupit, prodesse recusat! <sup>88</sup> consumpti Philottæ. <sup>89</sup> Convocat. <sup>90</sup> imperat. <sup>91</sup> requis <sup>92</sup> non

Contentum esse suis, alienum nolle, beatum  
 Efficiunt : ergo <sup>66</sup> si quid quæsiueris ultra,  
 Excedunt tua vota modum, finemque beati :  
 Nec <sup>66</sup> tamen ignores mores, gentesque Scytharum ;  
 Sunt armenta Scythis, vomis, scyphus, hasta, sagitta :

Utimur his rebus, et amicos inter et hostes.  
 Dis vinum in sacra patera libamus, amicis  
 Parta labore boum largimur farra, sagitta  
 Eminus obruimus inimicos, cominus hasta.  
 Quæ te terra capit? quid sufficet tibi? Lydos,  
 Cappadoces, Syriam domuisti, Persida, Medos ;  
 Bactra subegisti, nunc tendis victor ad Indos.  
 Proh pudor ! ad nostras pecudes extendis avaras  
 Instabilesque manus, et cum tibi regna ministrent  
 Omnia divitias, tibi pauper inopsque videris.  
 Quid tibi divitiis opus est? quæ semper avaris <sup>66</sup>  
 Esuriam pariunt, quanto tibi plura paracti,  
 Tanto plura petis, et habendis acrius ardes :  
 Sicque famem faciens, defectum copia nutrit.

Succurritne tibi, quam longo tempore Bactra  
 Te teneant? Populum hunc dum subjicis, ille re-

[bellat,  
 Nascitur ex bello victoria, rursus ab illa  
 Surgunt bella tibi, Tanaim transibis ut hostes  
 Invenias, Scythiamque tibi, quæ libera semper,  
 Subjicias, sed nostra tuis velocior alis  
 Paupertas, totius opes exercitus orbis  
 Et prædam, vehit iste tuus ; nos pauca trahentes, C  
 Unde magis celeres hostes <sup>66</sup> levitate fugamus,  
 Et fugimus, cum vero Scythas procul esse remo-

tos  
 A te credideris, intra tua castra videbis.  
 Cumque capi faciles, captosque putaveris <sup>67</sup> ho-

[stes,  
 Elapsi effugient rapido velocius Euro :  
 Nulla Scythas inopes opulentia, nulla cupidio  
 Allicit, hoc hominum genus oppida spernit, et urbes,  
 Et deserta colit, humani nescia cultus.

Proinde manu pressa digitisque tenere recurvis  
 Fortunam memor esto tuam, quia lubrica semper,  
 Et levis est, nunquam poterit <sup>68</sup> invita teneri.  
 Consilium ergo salubre sequens, quod temporis D

[offert  
 Gratia præsentis, dum prospera luditur a te  
 Alea, dum sceleris fortunæ numina nondum  
 Accusas, impone modum felicibus armis,  
 Ne rota forte tuos evertat versa labores.

Vestri <sup>69</sup> fortunam pedibus dixere carentem  
 Pennatasque manus et habentem brachia pingunt.  
 Ergo manus si forte tibi porrexerit, alas  
 Vers. 4341.

A Corripe, ne rapidis, quando volet, avoiet alis.  
 Denique si Deus es, mortalibus esse benignus,  
 Et dare quæ tua sunt, nunquam <sup>70</sup> sua demere de-  
 [bes.  
 Si similis nobis homo, te debes reminisci  
 Semper id esse quod es ; stultum est, horum me-

[minisse  
 Ex quibus ipse tui es oblitus ; habebis amicos,  
 Bella quibus non intuleris ; fortissimus <sup>71</sup> inter  
 Æquales, interque pares, est nodus amoris ;  
 Æquales sunt, sive pares, qui nec tibi cedunt,  
 Nec sese excedunt, hi sunt, qui nulla cruentis <sup>72</sup>  
 Viribus inter se fecere pericula Martis <sup>73</sup>.

Esse tibi carosne putes <sup>74</sup>, quos vincis amicos ?  
 Ante feret tellus stellas, septemque Triones  
 B Abluet Oceanus, et siccum piscis amabit,  
 Quam servi ad dominum sit veri nodus <sup>75</sup> amoris .  
 Inter eos nulla est concordia, nam licet extra  
 Pax prætendatur, odio configitur intus ;  
 Pacem vultus habet, agitant præcordia bella <sup>76</sup>.

Sic ait, et <sup>77</sup> Macedo nihilominus agmine facto  
 Arma Scythis inferre parat, multoque labore  
 Flumine transmissio, collatis viribus, hostes <sup>78</sup>  
 Dejicit, et tandem, sed non sine cæde suorum,  
 Imperio Macedum Scythiam servire coegit.

Qualis in Alpibus annoso robore saxis  
 Astra petens abies, multosque inflexa per annos  
 Afflatus Euri, Zephyrum contempsit, et Austrum,  
 Quam si forte suo Boreæ de more fatiget  
 C Spiritus, et toto tundat simul æera nisu,  
 Nil rami veteres illi, nil horrida musco  
 Robora proficiunt <sup>79</sup> sua, quominus obruta vent  
 Corruat, et prono tellurem vertice pulset.  
 Sic licet Assyrios, Medorum et Persidis arma  
 Fregissent, tamen ut Boreæ glacialibus alis  
 Ocior incubuit, et acerbior ille cruentus  
 Fatorum gladius, terrarum publica pestis,  
 Magnus Alexander, contractis viribus, illi  
 Succubere Scythæ <sup>80</sup>, Superos et fata secu...

Hunc ubi finitimas <sup>81</sup> dispersit fama triumphu  
 Garrula per gentes, extemplo corda pavorem  
 Hauserunt subitum, totusque perhorruit orbis,  
 Et matutino quæ sunt loca subdita Phœbo :  
 Quippe Scythas duris infractos viribus ante,  
 Audierant nuper Macedum ditione, teneri <sup>82</sup>.  
 Non animi virtute pares, non viribus æquos  
 Credebant aliquos mundo superesse potentes,  
 Cum cecidisse Scythas, invictos ante, viderent.  
 Unde jugum Macedum multi subiere volentes.  
 Non magis arma ducis homines movere, suoque  
 Subjecere jugo, quam quod clementer agebat  
 Cum victis, etenim quos Magnus robore vicit,  
 Vinxit <sup>83</sup> amore sibi, nec durus eis nec avarus  
 Vers. 4391

#### VARIÆ LECTIONES.

<sup>66</sup> igitur. <sup>67</sup> non. <sup>68</sup> avaro. <sup>69</sup> pariti. <sup>70</sup> captosve. <sup>71</sup> nunquamque potest. <sup>72</sup> nostri. <sup>73</sup> non qua.  
<sup>74</sup> firmissimus. <sup>75</sup> cruenti. <sup>76</sup> mortis. <sup>77</sup> esse cave, tibi ne credas, quos. <sup>78</sup> nexus. <sup>79</sup> bellum.  
<sup>80</sup> ut. <sup>81</sup> hostem. <sup>82</sup> proficiunt. <sup>83</sup> Viri fortunam et. <sup>84</sup> vicinas. <sup>85</sup> subactos. <sup>86</sup> junxit.

Exactor, captos precibus, gratisque remisit,  
Absolvitque reos, ut facto ostenderet isto,

A Se non ex iræ stimulis, cum gente tero  
Sed de virtutum motu certamen inisse

### ARGUMENTUM LIBRI NONI.

*In nono Magnus collatis viribus Indos  
Turbidus aggreditur; sed fata, deosque moratur  
Armipotens Porus: specialis flenda duorum  
Mors juvenum placentu, partem turbavit utramque  
Magnus ut hostilem<sup>85</sup> tenuit cum milite ripam;  
Concurrere<sup>86</sup> acies, sed fracto denique Poro,  
Franguntur reliqui, cum toto Oriente, tyranni.  
Saltus Alexandri mirabilis; agmina Grajorum  
Seditione movet; mirabiliusque stupendæ  
Propositum mentis, nova mittit in arma cohortes.*

### LIBER NONUS.

Ultima terribiles Macedum sentura tumultus  
India restabat, multo sudore domanda,  
Et gravibus bellis, quam dum petit ille deorum  
Æmulus in terris, Clytus, Hermolaus, et ejus  
Doctor (Aristoteli præter quem nemo secundus)  
Extremum clausere diem, documenta futuris  
Certa relinquentes, etenim testatur eorum  
Finis, amicitias regum non esse perennes.

India tota fere nascenti subdita Phœbo,  
Eoum spectat, audaci vertice tractum;  
At qua parte situm Libyes despectat, et Austrum,  
Altius erigitur tellus, et in æthera tendit:  
Cætera plana jacent, ubi magni nominis, a se  
Caucasus emittit rapidis occuribus amnes.  
Sed reliquis, a quo sortita est India nomen  
Indus frigidior; Australi parte, jugosis  
Montibus invehitur, directo gurgite, Ganges,  
Totius fluvii Orientis major, uterque  
Turbidus, extensis Rubrum mare verberat undis.  
Robora multa solo radicitus eruta, magna  
Absorbet cum parte soli: si fortibus undis  
Molle solum reperit, stagnat, tellusque fluentum  
Insula facta bibit, intercipit hic *Acesinem*  
*In mare manantem*, magnis occurrit uterque  
Motibus, et rapido inter eos colliditur æstu<sup>88</sup>.  
Præterea, volucris famæ si creditur, aurum  
Illa fluentia vehunt, gemmas, et cætera quæ sunt  
Ulterius solito nostris pretiosa diebus  
Gentibus Eois hinc est opulentia, namque  
His ubi vulgavit ditatos mercibus Indos  
Fama loquax, toto celeris discurrit<sup>87</sup> ab orbe  
Natio, ridentes gemmas emotura, rubentis<sup>8</sup>

Vers. 4457

B Purgamenta freti, quæ parvi ponderis in se  
Sola sibi fecit hominum pretiosa cupido<sup>89</sup>.

Ergo ubi Pellæum, prolem Jovis, omnia mundi  
Regna flagellantem, Macedum virtute suisque  
Finibus appulsum stupefactis auribus Indi  
Accepere duces, coeunt formidine mersi<sup>90</sup>  
Muneribus placare ducem<sup>91</sup>, traduntque refertas  
Divitiis urbes: sed in illis maximus oris  
Solut Alexandro, magno conamine, Porus,  
Obvius ire parat; veluti cum parte revulsa  
Alpini lateris ruit alta per ardua<sup>92</sup> rupes,  
Obvia confringens sinuoso turbine saxa,  
Si vero stygios penetrans radice recessus  
Instar ei montis occurrit saxea moles,  
Fit fragor, et magnis confligunt motibus ambo

C Audit Alexander armato milite Porum  
Indorum fines, regnique extrema tumentem,  
Armorum speciem toto prætere nise.  
Oblatamque sibi, Poro mediante, triumphi  
Adfore materiam gaudens rapit agmina cursu  
Præcipiti, rapidumque petit festinus Hydaspen;  
Cujus, disponens acies, in margine ripæ  
Ulterioris, erat collecto<sup>93</sup> robore Porus:  
Major et horridior reliquis elephantibus ipsura  
Bellua terribilis, immensa mole, vehebat,  
Humanique modum transgressum corporis, aere  
Arma tegunt regem, niveo distincta metallo:  
Par animæ membris, et quanto corpore cunctos  
Excedit, tanto est reliquis præstantior<sup>94</sup> Indis.

D Terruerat Græcos non tantum turbidus hos is,  
Sed vehemens fluvii rate trajicienda vorago:  
Instar erat maris undisani, speciesque profundi,  
Vers. 4469.

### VARIÆ LECTIONES.

<sup>85</sup> hostiles — ripas. <sup>86</sup> Succurrere. <sup>87</sup> ictu. <sup>88</sup> decurrit. <sup>89</sup> nitentis. <sup>90</sup> libido. <sup>91</sup> mista. <sup>92</sup> dzuz.  
<sup>93</sup> avia. <sup>94</sup> cellato. <sup>95</sup> prudentior.

Quatuor in latum stadiis diffusus Hylaspes.  
Alveus altus erat, nusquam vada : transitus ergo  
Navigio quærendus erat, sed barbarus hostis  
Stabat ab opposito, qui tela simillima nimbo  
In medium spargens, facta statione cupita,  
De facili poterat naves avertere ripa.

Fluminis in medio terræ radicitus hærens  
Insula vasta <sup>96</sup> fuit, quo vecta natantibus ulnis  
Arma ferens ibat, ab utraque cohorte juvenus  
Expertura suas parvo certamine vires ;  
Exercebat enim modicæ discrimine sortis,  
Qui gravis instabat, summi præludia casus ;  
In castris Mæcedum, res non indigna referri <sup>96</sup>.

Corporibus similes, animisque fuere <sup>97</sup> *Nicanor*  
Et *Symachus* <sup>97</sup>, quos una dies, ut creditur, una  
Ediderat terris, par militiæ labor ambos  
Parque ligabat amor, belli discrimen inibant  
Et <sup>98</sup> lucro, damnoque pares, si saxa rotare  
Tormento jussi <sup>99</sup>, si claudere mœnibus hostem,  
Frangere si muros, junctis æmboibus ibant <sup>100</sup>.  
Si frumentatum missi, si frangere <sup>1</sup> fossis  
Obsessos, hostem noctu si fallere, sive  
Excubiis operam dare, si explorare latentes  
Vallibus insidias, quæcunque pericula bellum  
Objecisset eis dubiæ molimina <sup>2</sup> sortis  
Corporis atque animi socia paritate ferebant.

Horum ergo <sup>3</sup> virides animos animante juvena,  
Nescio quid magnum, conceptum pectore tandem  
Effutire parant; primusque : Videsne <sup>4</sup> *Nicanor*,  
Acer ait <sup>5</sup> *Symachus*, quam fluminis obice parvo <sup>6</sup>  
Hæreat, et nutet invicti gloria regis ?  
Audendum est aliquid, quod nos de margine ripæ  
Hostibus expulsis nostra virtute coronet  
Victrici lauro, vel si quid fata minantur,  
Induat æterna, nudatos <sup>7</sup> corpore, fama.

Vix ea : cum rapto sermone <sup>8</sup> *Nicanor*, et ipse :  
Hoc ego mente diu tacita, diis testibus, inquit,  
Concepi, sed jam mora nulla, feramur in hostes,  
Contenti levibus armis; nec plura locuti  
Accincti gladiis, rapidos mittuntur in amnes.  
Lancea pone natat, ducibus committitur istis  
Multa manus fluvio, quos ut vicina recepit  
Insula, confusis resonat clamoribus æther;  
Nam prædicta frequens loca jam possederat hostis :  
Fit gravis occursum Indorum ; grandinis instar  
Tela volant, multasque serunt <sup>9</sup> per inania mortes.

At <sup>10</sup> *Symachus* qui forte prior transnaverat hostes  
Educto mucrone petit, sociusque <sup>11</sup> *Nicanor*  
Multo contendit vestire cadavere terram.  
Jamque satis telis <sup>12</sup> factum, jam tela rubebant  
Martia, purpureis distincto flumine guttis,  
Jam poterant juvenes merita <sup>13</sup> cum laude reverti,  
Sed nullo contenta modo est temeraria virtus.

Vers. 4522.

A Dumque triumphatis insultant hostibus, ecce  
Occulte subeunt plures morientibus, Indi.  
Hic dolor, hic planctus, Grajum, Mæcedumque  
[ruinæ.

Sternitur Androgeos, regum generosa propago,  
Occumbunt clari titulis, ter quinque quirites,  
Quos longo gemuit ereptos <sup>14</sup> Græcia luctu ;  
Soli restabant, animo, non sanguine fratres  
Grajugenæ, vitæ socii, mortisque futuri,  
Quos ubi telorum pressit circumfluus imber,  
Mentibus attonitis hæserè, quid esset agendum ?  
Nam neque tela viris, neque lancea, quippe minu-

[tim  
Utraque fracta jacent <sup>15</sup>, ergo quæ sola supersunt  
Arma, movent gladios, raptimque feruntur in ho-  
[stes.

B Sed reprimunt gressus teneris hærentia membris  
Spicula, nec Martis opus exercere dabatur  
Cominus; ergo viri, quia jam suprema minari  
Fata vident, orat, ut præmoriatur uterque,  
Occumbatque prior, socioque superstite, cujus  
Cernere funus erat letho crudelius omni.  
Objiciunt igitur sibi se, certantque vicissim  
Alterius differre necem, dum se objicit alter.  
Dum tamen hic illum, dumque istum protegit ille <sup>16</sup>  
Ecce giganteis abies excussa lacertis  
Advolat, et mediis conatibus <sup>17</sup> arctat utrumque  
Affigitque solo; sic indivisa juvenus  
Cuspide nexa jacet, sed nec diuturnius <sup>18</sup> ipsa  
Morte resedit amor, amplexus inter, et inter  
C Oscula decedit, moriensque sua, sociique  
Morte perit duplici, resoluta corpore tandem  
Transit <sup>19</sup> ad Elysios, angusto tramite, campos.

Erexit Pori victoria visa suorum  
Indomitum pectus, nec desperare coegit  
Regem <sup>20</sup> eversorem, contemptoremque pericli  
Omnis, Alexandrum, sed qua sibi transitus arte  
Ad Porum pateat, tacito sub corde volutat.  
Attalus unus erat, inter tot millia, regi  
Persimilis, facie referens et corpore Magnum;  
Vestibus ornari rex imperialibus illum  
Imperat, ut ripam teneat, speciemque videndi  
Exhibeat Poro, regem cessare, nec esse  
Ultra sollicitum, qua transitus arte paretur :  
D At rex præter aquam, Mæcedum statione relicta,  
Longius abscessit, paucis, ut falleret hostem,  
Contentus sociis : animosum numina magni  
Propositum juvere ducis; nam fusa <sup>21</sup> per orbem  
Involvit cæcis nubes elementa tenebris,  
Tantaque subjectas tenuit <sup>22</sup> caligo cohortes,  
Alter ut alterius vix nosceret ora loquentis :  
Hæc nubes aliis terroris origo fuisset,  
Cum foret ignotum classis ducenda per æquor :  
Vers. 4572.

#### VARIÆ LECTIONES.

<sup>96</sup> magna. <sup>97</sup> relatu. <sup>98</sup> Symmachus. <sup>99</sup> in. <sup>100</sup> missi. <sup>1</sup> cingere. <sup>2</sup> inclinamina. <sup>3</sup> igitur.  
<sup>4</sup> parvi. <sup>5</sup> viduatos. <sup>6</sup> ferunt. <sup>7</sup> gladiis. <sup>8</sup> mira. <sup>9</sup> electos. <sup>10</sup> sparsa jacent igitur. <sup>11</sup> alter.  
<sup>12</sup> connexibus. <sup>13</sup> diuturnus in ipsa. <sup>14</sup> tendit. <sup>15</sup> regum. <sup>16</sup> fusca. <sup>17</sup> texit.

Sed cum terreret alios obscurior aer,  
 Confusus Maeedo, sua tanquam occasio noctem  
 Inducat, primam qua vectabatur in undas  
 Imperat expelli <sup>18</sup> subducto remige navim.

Nec mora, certatim fluvio commissa quiritem  
 Turba ducem sequitur, ripæque appulsa carenti  
 Hostibus, arma capit, armataque fertur in hostem.  
 Porus adhuc aliam, quam cœperat ante tueri,  
 Spectabat ripam qua regis veste coruscans  
 Attalus instabat <sup>19</sup>: cum Poro nuntius affert:  
 Rectorem Macedum, et regni <sup>20</sup> discrimen adesse.

Mox ubi lucidior excussit nubila mundus,  
 Atque adversa phalanx, Phœbo percussa refulsit,  
 Extemplo visus, equitum his millia bina  
 Hostibus objecit Porus, centumque cruentis  
 Plaustra referta viris, qui tela simillima nimbo  
 Laxe spargentés gemitum <sup>21</sup>, mortemque pluebant.  
 Sed quia perfusi terram violentia nimbi  
 Mollierat, nec erat equitabilis area campi,  
 Mole graves <sup>22</sup> currus, molli tellure, lutoque  
 Hærebant, et erat minus utilis usus equorum.  
 Econtra Macedo solita levitate, per Indos  
 Strenuus invehitur, sequitur levis ala ruentem,  
 Atque exserta manus; oritur confusio vocum,  
 Et lituum clangor, sed ab illa tympana parte  
 Castigata sonant, fervent hinc inde ruentes  
 In mortem cunei, mortalia fila sorores  
 Sufficiunt vix nere duæ, quæ tertia rupit <sup>23</sup>.

Primus Alexandro laxis occurrere frenis  
 Ausus, anhelantem <sup>24</sup> stimulis elephantia fatigans  
 Oppetit Enachides <sup>25</sup>, hasta confossus Hylton <sup>26</sup>,  
 Perque .tot objectos invictus et impiger hostes  
 Ad Porum molitur iter, Mavortius heros:  
 Quem, velut exstantem subjectis mœnibus arcem,  
 Ut procul aspexit, elephantis terga prementem;  
 Inveni tandem, dignumque stupore, meoque  
 Par animo discrimen, ait: Res ecce gerenda est  
 Cum monstris mihi, cumque viris illustribus una.

Dixit et in lævum flexit <sup>27</sup> vestigia cornu,  
 Qua gravior belli, Poro pugnante, tumultus  
 Aera vexabat, sequitur bellator Ariston,  
 Polydamasque ruit, ruit ictus Aristonis ense  
 Rubrius, et proprio *rubescit* sanguine terram.  
 Polydamanta ratus prolixo evertere conto,  
 Candaceus, volucris præventus <sup>28</sup> arundine Glauci  
 Oppetit, et terræ moriens immurmurat udæ.

Jamque Argiva phalanx medium perruperat agmen  
 Indorum, et primis labefactis viribus, ludæ  
 Nutabant acies, cum Porus in agmen equestre  
 Jussit agi, magnis elephantis turribus æquos.  
 Sed tardum hoc animal, et pene immobile gressu,  
 Nec volucres cursus æquare valebat equorum.  
 Ergo levis Macedum manus occurrebat, et hoste  
 Percusso, refugis ictus vitabat habenis,

Vers. 4626.

A Sed neque barbaricis, Martem exercere, sagittis  
 Fas erat, arcus enim gravis, atque ingens nisi pri-  
 [mum

Imprimeretur humo, nisi curvaretur ab imo,  
 Non poterat flecti, jamque aspernantibus Indis  
 Imperium Pori, quod sit titubantibus alis  
 Cum ducis imperis metus acrior imperat, illi  
 Extenuare aciem, turmas hi jungere, rursus  
 Stare jubent alii; nec erat de millibus unus,  
 In medium qui consuleret: tamen agmine Porus  
 Disposito rursus, dispersa recolligit arma,  
 Terribilesque oculis elephantés objicit hosti.  
 Nec minimum Graiis monstra incussere pavorem <sup>29</sup>  
 Nec solum barritus equos, sed et horrifer aures  
 Moverat humanas, tremulusque expaverat acr.

B At <sup>30</sup> jam terrificus turbaverat agmina laxis  
 Ordinibus stridor, et jam mandare parabant  
 Terga fugæ modo victores: cum Magnis inertes  
 Corripiens Macedum cuneos, equites Agrianos,  
 Et Thracas, in monstra jubet convertere gressus  
 Extemplo redeunt animi, positoque timore  
 Mortis, in adverso crevit certamine virtus.  
 Evacuat <sup>31</sup> pharetram manus, et fatalis arundo  
 Non sine morte <sup>32</sup> volans, homines et monstra cru-  
 [entat:  
 Dumque avidi quidam nimis incautique <sup>33</sup> sequun-  
 [tur.

Obtriti pedibus elephantum, certa relinquunt  
 Defuncti documenta suis, ut protinus instant.

C Anceps pugna diu Macedum fuit, haud sine multa  
 Sanguinis impensa, donec vibrare secures  
 Cœpere unanimes, solidosque pedes elephantum,  
 Informesque artus <sup>34</sup>, falcato cædere ferro;  
 Ergo fatigati jaculis, tandemque cruentis  
 Pressi vulneribus, uno simul impete vecti,  
 Vectoresque ruunt; tunc vero exercitus amens  
 Terga metu comitante fugit, Porumque serentem  
 Missilium nimbos, et ab alto culmine monstri  
 Spicula fundentem, medio velut æquore solum  
 Destituere sui: sed cum premeretur <sup>35</sup> ab omni  
 Parte lacessitus hinc inde, novemque fatiscens  
 Vulneribus lacer, inspiciens auriga tyrannum  
 Languentem membris, stimulis elephantia fatigat,  
 Inque fugam vertit; profugo par fulminis, instat  
 Ira Dei Macedo, sed dum fugit imbre cruento  
 Telorum confossus obit, genibusque caducis  
 Rege magis posito, quam fuso; nobilis ille  
 Procubuit *Bucephal*, qui tanto principe solo  
 Solus erat dignus, cujus de nomine dictam  
 Tempore post parvo, Pellæus condidit urbem.

Rex igitur dum mutat equum, Porumque, suos-  
 [que

Tardius insequitur; sed frater Taxilis, Indis  
 Qui præerat, rex ipse quidem sed deditus illi,

Vers. 4676.

#### VARIAE LECTIONES.

<sup>18</sup> impelli. <sup>19</sup> astabat. <sup>20</sup> rerum. <sup>21</sup> gemitus. <sup>22</sup> gravi. <sup>23</sup> rumpit. <sup>24</sup> cunctantem. <sup>25</sup> Inachides.  
<sup>26</sup> Hylcon. <sup>27</sup> torquet. <sup>28</sup> præcinctus <sup>29</sup> timorem. <sup>30</sup> et. <sup>31</sup> exhausti. <sup>32</sup> cæde. <sup>33</sup> incauteque. <sup>34</sup> ma-  
 nus. <sup>35</sup> peteretur.

Quem cederat mundo regem fortuna, monent  
Sollicite Porum, fortunæ ut cederet, utque  
Tam celeri, tam propitio se crederet <sup>86</sup> hosti.

At Porus, quanquam marcescens corpore toto,  
Deficeret sanguis, fausto tamen auspice, notam  
Excitus ad vocem: Num <sup>87</sup> tu, proli-dedecus! inquit,  
Taxilis es frater? qui transfuga meque, suumque  
Prodidit imperium? Dixit, telumque, quod unum  
Nondum corruerat manibus, contorsit in hostem,  
Quod medio juvenis exceptum pectore, tergum  
Rupit, et æterno sopivit lumina somno;  
Seque fugæ rursus commisit; sed fera multis  
Saucia vulneribus <sup>88</sup> penitus defecit, eumque  
Hostibus objecit peditem, Magnoque sequenti  
Qui ratus extinctum spoliari nobile corpus <sup>89</sup>  
Imperat, at morsu spoliantes cœpit amaro  
Attentare <sup>90</sup> elephas, rursusque imponere tergo <sup>91</sup>  
Seminecem, donec multis turgentia telis  
Interiorum populere foras vitalia vitam.

At rex, cum <sup>92</sup> Porum, quem jam credebat Averni  
Immistum populis, erecto lumine vidit  
Attollentem oculos, odium clementia vicit:  
Et: Quæ, Pore, tuos, inquit, dementia sensus  
Ebria perverit? ut cum tibi nota mearum  
Rerum fama foret, tu <sup>93</sup> tanto perditæ fastu  
Auderis mihi collatis occurrere signis?

At Porus: Quia quæris, ait, respondeo tanta  
Libertate tibi, quantam mihi, Magne, dedisti  
Quærendo prius: Ante malum certaminis hujus  
Nemo erat in terris, quem posse resistere, quemve  
Censerem mihi Marte parem, vel mente, meamque  
Vim noram, et meritum, nondum tua fata, tuasque  
Expertus vires, sed quam me fortior esses,  
Eventus belli docuit, tibi vero secundus  
Non minimum felix videor mihi, ne tamen isto  
Attollas animum casu, quia viceris ipse.  
Exemplum tibi sum, qui cum fortissimus essem  
Fortius inveni, ne dixeris esse beatum  
Qui, quo crescat <sup>94</sup> habet: nisi quo decrescere possit  
Non habeat, satius est non ascendere, quam post  
Ascensum regredi, melius non crescere, quam post  
Augmentum minui, gravius torquentur avari  
Amisisti memores, quam delectentur habendo.  
Proinde tui cursus frenum <sup>95</sup> moderare, caduca  
Sunt bona fortunæ: stabilis <sup>96</sup> ignara favoris.

Miratur Macedo fortunæ turbine regem  
Infractum, victumque animum victoris habentem.  
Ergo refrenata mutati pectoris ira,  
Contra spem procerum, curavit prodigus ægrum,  
Curatum fovit, confirmatumque benigne  
Intur amicorum cœtus, numerumque recepit:  
Largius exhibuit, dilatavitque prioris  
Imperii metas, tantoque exceptus honore

Vers. 4729.

A Est hostis, quantum sibi vix speraret amicus.

Postquam magnanimus Macedum victricibus ar-  
[mis

Succubuit Porus, succumbere aescius ante,  
Elatus Macedo, cui vix, cedentibus astris,  
Prodiga tam celebrem dederat fortuna triumphum.  
Quo famulante <sup>87</sup> sibi fines Orientis apertos  
Censebat, laxis propere festinat habenis,  
Orbis in extremas convertere prælia gentes  
Oceanique suis populos adjungere castris.  
Ociore Notis, Indos, extremæque mundi  
Climata subjiciens, populos, regesque pererrat,  
Nec minus humanis portenti mentibus infert,  
Terrorisve minus nocturni fulminis <sup>88</sup> igne,

Quem sequitur fragor, et fractæ collisio nubis,  
B Et vaga, pallentem motura tonitrua mundum  
Mentem præteritæ memorem terrentia culpæ.

Ausa tamen fatis, Macedumque resistere famæ  
Gens Sadracarum <sup>89</sup> validis <sup>90</sup> se mœnibus urbis  
Includit, dubio metuens se credere Marti.

Aptari scalas jubet, et cunctantibus aliis <sup>91</sup>  
Primus in oppositum galeato vertice murum  
Invadit <sup>92</sup> Macedo, sed erat locus arctus, ut ipsum  
Vix caperet murus: sic ergo suprema tenebat  
Ut magis hæreret, quam staret, cum tamen ipse <sup>93</sup>  
Mille citaretur jaculis e <sup>94</sup> turribus unus,  
Nec Macedum quisquam gradibus succedere posse  
Quippe ascendentes removebat ab aggere missus  
Missilium turbo, tandem discrimina, vimque  
Telorum vicit <sup>95</sup> pudor, et confusio frontis.

Nam mora subsidii poterat compellere lenti,  
Dederet ut sese, vel morti forte vel hosti.  
Festinant ergo <sup>96</sup> certatim ascendere, vitæ  
Pignore postposito, sed festinando morantur  
Auxilium; nam dum certant evadere <sup>97</sup>, scalas  
Plus onerant, quibus effractis, ruit omnis ab alto  
In se lapsa manus, et desperare coegit  
Spem Macedum Magnus, quem solum stare videba:  
Tanquam in deserto fuerit desertus ab illis,  
Jamque manus, clypeum quæ contorquebat ad ictus,  
Lassa minabatur defectum, jamque monebant  
Clamantes socii, celer ut resiliiret, ut <sup>98</sup> ipsum  
Exciperent: cum rex ausus, mirabile dictu,  
Atque fide majus; saltu se præpete, dira

D Barbarie plenam præceps immisit in urbem,  
Indignum reputans divino schemate princeps,  
Tot clarus titulis, si tergum ostenderet hosti

Quæritur an fortis factu, an temerarius isto.  
Rex fuerit? sed si contraria jungere cures:

Et fortis fuit, et factu temerarius isto.  
Cumque capi vivus posset, perimive priusquam  
Surgeret, excussit fortuna potenter utrumque,  
Et <sup>99</sup> miro miranda modo protexit alumnum.

Vers. 4781.

#### VARIÆ LECTIONES.

<sup>86</sup> dederet. <sup>87</sup> non. <sup>88</sup> missilibus. <sup>89</sup> pectus. <sup>90</sup> Infestare. <sup>91</sup> dorso. <sup>92</sup> ut. <sup>93</sup> in. <sup>94</sup> crescit. <sup>95</sup> tuos  
cursus freno. <sup>96</sup> stabilisque. <sup>97</sup> mediante. <sup>98</sup> fulguris. <sup>99</sup> Q. Curt. Oxytracarum. <sup>100</sup> validæ. <sup>101</sup> illis.  
<sup>102</sup> Evasit. <sup>103</sup> ille. <sup>104</sup> ex. <sup>105</sup> vincit. <sup>106</sup> igitur. <sup>107</sup> invadere. <sup>108</sup> et. <sup>109</sup> Sed.

Sic tamen corpus Macedo libaverat, ut se  
Exciperet pedibus : stans ergo lacessere pugnam  
Cœpit, et a tergo, ne posset ab hoste necari <sup>66</sup>,  
Magnipotens fortuna duci <sup>61</sup> præviderat ante.

Stabat enim laurus annoso stipite, tanquam  
Nata duces Macedum vetulis defendere ramis.  
Cujus <sup>68</sup> ut applicuit trunco insuperabile corpus,  
Ultio cœlestis clypeum circumtulit, ictus  
Telorum excipiens, cumque omnes eminus unum  
Impeterent, propius accedere nemo, manumve  
Conferre audebat, celeberrima fama verendi  
Nominis, edomitum jam dilatata per orbem  
Pro duce pugnabat, et desperatio magnæ  
Virtutis stimulus, et honestæ occasio mortis :  
Sed clypeum jam missilium perfoderat imber,  
Fractaque plangebatur saxorum turbine <sup>62</sup> cassis,  
Lubrica succiderant <sup>64</sup> genua, et labefacta laboris  
Pondere continui, vix sustentare valebant  
Egregium corpus ; quod cum spoliare pararent  
Qui stabant propius, hos sic mucrone recepit  
Magnus, ut ante ipsum, vita fugiente jacerent  
Exanimem gemini, quorum sic terruit omnes  
Sadracas obitus, ut nemo lacessere deinceps  
Cominus auderet, collato robore Magnum.

Ihe tamen genibus exceptus <sup>68</sup> corpus, ad omnes  
Ictus expositum non ægre, tigridis instar,  
Ense tuebatur, donec per inane sagitta  
Accelerans, latus in dextrum, scelus ausa cucurrit;  
Cujus ad introitum, crudo de vulnere tantum  
Sanguinis emicuit, ut rex tremefactus, et amens,  
Non posset telum nutanti evellere dextra.  
Exsanguis igitur afflicti corporis artus  
Applicuit lauro moribundus, et arma remisit.  
Accurrens <sup>66</sup> alacer jaculum qui miserat, Indus,  
Exanimem credens regem, spoliare parabat.  
Quem simul ac sensit, corpus regale profana  
Attrectare manu Macedo : Proh dedecus, inquit,  
Nonne <sup>67</sup> duces Macedum nosti ? nec plura locutus  
Languentem revocans animum, nudum latus hostis  
Subjecto mucrone fodit <sup>68</sup>, jungitque duobus  
Exanimem <sup>69</sup> sociis : Talem decet ire sub umbras,  
Inquit Alexander, talis mihi nuntius esto.  
Dixit, et ut moriens invictus dimicet ante,  
Quam sacer in tenues erumpat spiritus auras,  
Se clypeo, et lauri ramis attollere tentat;  
Sed neque sic proferre potens venerabile corpus  
Poplite succiduo rursus procumbit, et hostem  
Provocat, exserto si quis confligere telo <sup>70</sup>  
Audeat, et tantæ spoliis sibi <sup>71</sup> tollere palmæ.

Tandem alia muri vestigia parte secutus  
Peucestes, pulsus propugnatoribus urbis,  
Impiger irrumpens aditus et claustra, relecto  
Ense supervenit, tremulo quem lumine postquam  
Vers. 4854.

A Intuitus Macedo, jam non solatia vitæ,  
Sed mortis socium ratus advenisse, tepenti  
Exceptit clypeo corpus, subit inde <sup>72</sup> *Timæus*,  
Deinde <sup>73</sup> *Leonatus*, et *Ariston* <sup>74</sup>, omnibus isti  
Indis oppositi <sup>75</sup>, regem defendere totis  
Viribus ardescunt <sup>76</sup>; sed dum tot millia soli  
Rejicerent, cecidit præclarus <sup>77</sup> *Marte* <sup>78</sup> *Timæus*  
Peucestesque gravi capitis discrimine læsus,  
Deinde <sup>79</sup> *Leonatus*, armis jacuere remissis  
Ante pedes regis, jam spes in *Aristone* solc  
Unica restabat, sed et ipse ruentibus Indis  
Saucius, haud poterat tantos inhibere furores.

Interea cecidisse duces, intra mœnia, rumor  
Pertulit ad Græcos, alios tam dura timore  
Fregisset, sed eos animavit fama, pericli  
B Totius immemores, murum fregere dolabris,  
Molitique aditum, spreto discrimine mortis,  
Per murum fecere viam, perit obvia passim  
Turba, cadit sine quo delectu sexus, et ætas  
Omnis, Alexandro mortis, seu vulneris auctor  
Creditur, occurrit quicumque, nec improbus iram  
Deposuit gladius, donec superesse ruinæ  
Desiit, et dextræ ferienti defuit hostis.

Nec mora, concurrunt avidi curare jacentem  
Pellæum proceres, referuntque in castra deorum  
Invidiam, cujus nudato vulnere, magnus  
Inter doctores medica *Critobulus* <sup>80</sup> in arte  
Comperit hamata percussum cuspide regem,  
Non <sup>81</sup> posse educi, nisi vulnus docta secando  
Augeret manus, et ferrum, multumque cruoris  
C Ne traheret fluxum, cuspis retracta, trementi  
Mente verebatur ; igitur cum fata videret,  
Si male curaret regem, sibi triste minari,  
Inque suum reditura caput mala, pectore stabat  
Attonito, quem rex trepidam ut percepit amictu  
Siccantem <sup>82</sup> lacrymas, et captum mente : Quid, in-

[quit,  
Exspectas (cum sit hoc insanabile vulnus)  
Me saltem lento moriturum <sup>83</sup> absolvere letho?  
Cumque mihi possis celeri succurrere morte,  
An metuis ne sis fati reus hujus ? at ille  
Sive nihil metuens tandem sibi, sive timorem  
Dissimulans, supplex oravit, ut ipse tenendum  
Præberet corpus, teli dum velleret hamos.  
D Quippe levem ad motum quantumlibet adfere vitæ  
Non leve discrimen. Non est ait, ille decorum  
Vinciri regem, non est, *Critolæ*, teneri.  
Libera sit regis, et semper salva potestas.

Sic ait, et quod vix auderes credere, corpus  
Præbuit immotum, neque <sup>84</sup> vultus signa doloris  
Contraxit, rugas; sed abacta cuspide postquam  
Largior erupit <sup>85</sup> patefacto vulnere sanguis :  
Offudit <sup>86</sup> caligo oculos, animumque labantem  
Vers. 4886.

#### VARIE LECTIONES.

<sup>66</sup> moveri. <sup>61</sup> viro. <sup>62</sup> Hujus. <sup>63</sup> telorum grandine. <sup>64</sup> conciderant. <sup>65</sup> exceptit. <sup>66</sup> decurrens.  
<sup>67</sup> Mene. <sup>68</sup> ferit. <sup>69</sup> Exsanguem. <sup>70</sup> ferro. <sup>71</sup> sic. <sup>72</sup> Q. Curt. Aristonius. <sup>73</sup> expositi. <sup>74</sup> ardebant.  
<sup>75</sup> præclaro. <sup>76</sup> Q. Curt. Critobolus. <sup>77</sup> Nec. <sup>78</sup> Celantem. <sup>79</sup> periturum. <sup>80</sup> non. <sup>81</sup> emicuit. <sup>82</sup> suffudit.



Suspendit tantus dolor, ut moribundus, ab illis<sup>83</sup>  
Qui circumstant, vix exciperetur amicis.

Quod simul acceptum est, oritur per castra tu-  
[multus

Flebilis, et Macedum ruit in lamenta juvenus,  
Confessi se omnes unius vivere vita.

Nec prius obtulit clamor, quam pollice docto  
Restrinxit fluxum *medicus medicantibus* herbis.  
Tunc demum somno licuit succumbere Magno<sup>84</sup>.

Tunc demum accepta regis per castra salute  
Exsule mœstitia, turmas statuere per omnes  
Prodigia lætitiæ positis convivis<sup>85</sup> mensis.

Qualis in Ægæo, Borea bacchante, profundo  
Exoritur clamor, cum fracta puppe magister  
Volvitur in medios immerso vertice fluctus ;  
Fit fragor, et similem timet unusquisque ruinam,  
Seque omnes anima periisse fatentur in una,  
Si tamen incolumem, revocare tenacibus uncis  
Ad<sup>86</sup> clavum revocare<sup>87</sup> queant, sonat aura tu-  
[multo

Lætitiæ, et primum vincunt nova gaudia luctum.

Postquam, Pellæi curato<sup>88</sup> vulnere, pauci  
Effluxere dies, cum nondum obducta cicatrix,  
Posse videretur gravioŕem gignere morbum,  
Impatiens tamen ille moræ, parat arma repostis  
Gentibus Oceani, et celeres inferre sarissas.  
Perdomitoque sibi nascentis cardine Phœbi,  
Quærere nescitum Nili mortalibus ortum,  
Regibus Indorum Poro, Abisarique<sup>89</sup>, juvante  
Taxile, navigii mandatur cura parandi.  
Rumor ut attonitas implevit militis aures,  
Cumque fatigati, regisque, suæque salutis  
Consulerent proceres, cuncti velut agmine facto  
Conveniunt simul, et *Craterus generosus* ad ipsum  
Vota precesque ferens : tua, regum maxime, virtus  
Inquit, et esuries mentis, cui maximus iste  
Non satis est orbis, quem proponunt tibi finem ?  
Vel quem sunt habitura modum ? tua si tibi vilis,  
Ut nunc est, vel cara minus, pretiosa tuorum  
Sit saltem tibi, Magne, salus, gens omnis in istos  
Conspirat jugulos, lateat sub classibus æquor :  
Cuncta venenatos acuunt animalia dentes,  
Quælibet occurrat ignoto bellua vultu,  
Omnibus objice nos terræ, pelagique periculis,  
Dummodo te serves, dum tu tibi parcere cures.  
Ad nova tendentes semper discrimina, quis nos  
Invictos toties poterit præstare deorum.

Res ita se præbent, ut nulli fas sit in uno  
Semper stare gradu, sed quis spondere deorum,  
Audeat hoc, Macedum diuturnum te fore sidus ?  
Quis te præcipitem per mundi lubrica possit  
Incolumentum servare diu ? cur te manifestis

Vers. 4956.

A Casibus objicis ? ut capias ignobile castrum ?

Cum labor et merces æqua sibi lance cohærent,  
In causis paribus, respondent præmia damnis.  
Dulcior esse solet fructus, majorque<sup>90</sup> secundis  
Rebus, et adversis majus solamen haberi.  
Esto tibi deinceps et nobis parciore in te,  
Objice nos cuivis portento, ignobile bellum,  
Degeneres pugnans, obscura pericula vita.  
Gloria quantalibet vili sordescit in hoste.  
Indignum satis est, ut consumatur<sup>91</sup> in illis  
Gloria vel virtus, ubi multo parta labore  
Ostendi nequeunt. Eadem Ptolomæus, et omnis  
Concio<sup>92</sup> cum lacrymis confusa voce perorant.

Non fuit Æacidæ pietas ingrata suorum,  
Atque ita : Non minimum vobis obnoxius, inquit,  
B Haud ingratus ero, non solum, quod scio nostram  
Vos hodie, proceres, vestræ præferre salutis ;  
Sed quod ab introitu regni, vel origine belli,  
Erga me nullum pietatis opus, vel amoris  
Pignus omisistis, verum non est mihi prorsus  
Mens ea, quæ vobis, nec enim desistere cœptis,  
Aut bellum finire volo ; non me capit ætas,  
Sed neque me spatium ætatis, vel legibus ævi  
Metior, excedit ævi mea gloria metas.  
Hæc sola est, vestrum metiri qua volo regem.

Degeneres animi pectusque ignobile, summum  
Credunt esse bonum, diuturna vivere vita,  
Sed mundi rex unus ego, qui mille triumphos,  
Non annos vitæ numero, si munera recte  
C Computo fortunæ, vel si bene clara retractem  
Gesta, diu vixi. Thracas<sup>93</sup> Asiamque subegi,  
Proximus est mundi mihi finis, et absque deo-  
[rum  
Ut loquar invidia, nimis est angustus hic orbis  
Et terræ tractus, domino non sufficit uni ;  
Quem tamen egressus, postquam hunc subjecero  
[mundum,

En alium vobis aperire sequentibus orbem,  
Jam mihi constitui ; nihil insuperabile forti,  
Antipodum penetrare sinus, aliamque videre  
Naturam accelero, mihi si tamen arma negatis,  
Non possunt mihi deesse manus, ubicunque mo-  
[vebor,

In *scena mundi* totius me reor esse,  
D Ignotosque locos, vulgusque ignobile bellis  
Nobilitabo meis, et quas natura removit  
Gentibus occultas calcabitis, hoc duce, terras ;  
His operam dare proposui nec respicio<sup>94</sup> claram,  
Si fortuna velit, vel in his extinguere vitam.

Dixit, et ad naves socios invitat, at illi  
Ducat eos quocunque velit hortantur, et ecce!  
Nauticus exoritur per fluminis ostia clamor.

Vers. 4985.

#### VARIÆ LECTIONES.

<sup>83</sup> *ipsis.* <sup>84</sup> *Magnum.* <sup>85</sup> *solemnia.* <sup>86</sup> *Et.* <sup>87</sup> *reparare.* <sup>88</sup> *curando.* <sup>89</sup> *Q. Curt. Abiasares.* <sup>90</sup> *melicr-  
que.* <sup>91</sup> *consumantur.* <sup>92</sup> *Cætus.* <sup>93</sup> *Cretas.* <sup>94</sup> *Ms. renuo.*

## ARGUMENTUM LIBRI DECIMI.

*Oceanum Decimus audaci classe fatigat  
Infernum natura chaos, civesque gehennæ  
Conquestu, monituque<sup>96</sup> movet. Redit æquore Magnus  
Oceano domito, mirandaque pectore versans,  
Occiduum bellis proponit frangere mundum :  
Navigiumque parat; sed territus orbis in unum  
Confluit, et misso veneratur munere Magnum :  
Qui licet invictus ferro, famulante<sup>96</sup> veneno,  
Vincitur; et luteo resolutus corpore, tandem  
Liber in atherias vanescit spiritus auras.*

## LIBER DECIMUS.

Sidereos vultus<sup>97</sup>, et amicum navibus annem  
Præbuerat zephyrus; et jam statione soluta  
Longius impulerat acclivis navita classem,  
Ignarus quo tendat iter, vel quam procul absit  
Hactenus Oceani populis, incognitus amnis.

Interea memori recolens natura dolore  
Principis opprobrium mundo commune, sibique  
Qui nimis angustum terrarum dixerat orbem,  
Arcanasque sui partes aperire parabat,  
Gentibus armatis, subito turbata verendos  
Canitie vultus, Hylen irata, novumque  
Intermittit opus, et quas formare figuras  
Cœperat, et varias<sup>98</sup> animas infundere membris  
Turbida deservit, velataque nubis amictu  
Ad Styga tendit<sup>99</sup> iter, mundique arcana secundi.  
Quo se cunque rapit, cedunt elementa, suæque  
Artifici assurgunt, veneratur pendulus aer  
Numinis ingressum, terræ lascivia vernis  
Floribus occurrit, solito mare blandius undis  
Imperat, et tumidi tenuere silentia fluctus;  
Omnia naturam digne venerantur, et orant :  
Ut sata multiplicet, fetusque, et semina rerum  
Augeat, infuso, mistoque humore calori.

Ulla suis referens grates, servare statutz  
Jussit, et in nullo naturæ excedere metas.  
Ad Styga discedo<sup>100</sup>, mihi provisura, meisque,  
Inquit, Alexandri, quem terra, fretumque perhor-  
[rent<sup>1</sup>

Eversura caput, vobis<sup>2</sup> commune flagellum  
Dixit, et obscuros aperit telluris hiatus,  
Tartareumque subit declivi tramite limen.

Ante fores Erebi, Stygiæ sub mœnibus urbis,  
Liventes habitant, terrarum monstra, sorores :  
Inter quas, antris aliarum mater opacis  
Abscondit loculos, et coctum mille caminis,

Vers. 5029.

A Faucibus infusum siccis *ingurgitat*<sup>3</sup> aurum,  
Explerique nequit sitis insatiabilis ardor.  
Subsannans alias, cunctis supereminet una  
Dedignata parem flagrante Superbia vultu.  
Mersa jacens ardente luto torquetur, et ardet  
Pubescens, totis exhausta Libido medullis.  
Nauseat Ebrietas; Gula deliciosa ligurrit,  
Et mendica suos consumit morsibus artus.  
Immemor Ira sui est, et quo rapit impetus, illuc  
Ebria discurrit; et se, sociasque flagellat,  
Proditioque Doli comes, et Detractio macri  
Filia Livoris, quæ cum benefacta negare  
Non possit, quocunque modo pervertere tentat,  
Et minuit laudes, quas non abscondere<sup>4</sup> fas est.

*Pestis Hypocryseos* marcenti livida vultu  
B *Hic sedet*, et summus hodie Processus in aula,  
Pestis adulandi, bibulis studiosa potentum  
Auribus instillans animæ lethale venenum;  
Huic aulæ vitio tanta est concessa potestas,  
Ut rerum dominis humanas subtrahat aures.  
Has ubi præteriens obliquo lumine vidit<sup>5</sup>  
Rerum prima parens, urbis se mœnibus infert  
Qua videt æternis animas ardere caminis.

Est locus extremum barathri devexus in antrum,  
Perpetua fornace calens, ubi crimina punit,  
Et sontes animas, ultricis flamma gehennæ;  
Et<sup>6</sup> licet unus eas atque idem torreat<sup>7</sup> ignis,  
Non tamen insipient æquas incendia pœnas  
Omnibus; hi levius torquentur, sævius illi;  
Sic se conformat meritis cujusque gehenna,

C Ut qui deliquit levius<sup>8</sup>, levioribus ille  
Subjaceat pœnis, et qui graviore reatu  
Excessit gravius, graviorem sentiat ignem.

Sunt quibus excepta primi levitate parentis  
Nulla fuit vitæ contagio, vel venialis;

Vers. 5064.

## VARIÆ LECTIONES.

<sup>96</sup> lacrymisque. <sup>96</sup> mediantē. <sup>97</sup> fluctus. <sup>98</sup> variis. <sup>99</sup> vertit. <sup>100</sup> descendo. <sup>1</sup> perhorret. <sup>2</sup> nobis.  
ingutturat. <sup>3</sup> pervertere. <sup>4</sup> fixit. <sup>5</sup> Sed. <sup>7</sup> terreat. <sup>8</sup> levibus.

His nihil, aut modicum pœnæ vapor igneus infert. A  
Sicut in æstivo cum tempore noxius agros  
Sirius exurit, sub eodem lumine solis  
Sanus lascivit, cruciatur, et æstuat æger.  
Allic perpetuæ miscens incendia mortis,  
Leviathan, medii stans in fornace<sup>9</sup> barathri,  
Ut procul inspexit Numen, fornace relicta,  
Tendit eo, sed eam ne terreat, ora Colubri  
Ponit, et in primam redit, assumitque figuram,  
Quam dederat natura creans, cum sidere solis  
Clarius intumuit, tantamque superbia mentem  
Extulit, ut summum partiri vellet Olympum;  
Quo dea conspecto : Scelerum pater, inquit, et ul-

Quem matutini superantem lumine vultum  
Luciferi tumor ætheria dejecit ab arce,  
Ad te confugio tandem miserabilis, ad te,  
Quem ne nulla tibi perdenti sidera sedes  
Esset, in hac saltem terrarum nocte recepi.  
Ad te communes hominumque, deumque querelas  
Affero, scis etenim quantis elementa fatiget  
Motibus armipotens Macedo, qui classe subacto  
Æquore Pamphylo, Darium ter vicit, et omnem  
Confundens<sup>10</sup> Asiam, Porum servire coegit  
Indomitum bellis, nec eo contentus, Eoas  
Vestigat latebras, et nunc vesanus in ipsum  
Fulminat Oceanum, cujus si fata secundis  
Vela regant ventis, caput indagare remotum  
A mundo Nili, et paradisum cingere facta  
Obsidione, parat, et ni tibi caveris, istud  
Non sinet intactum chaos, antipodumque recessus,  
Alteriusque volet naturæ cernere solem;  
Ergo age, communem nobis ulciscere pestem.  
Quæ tua laus, Coluber, vel quæ tua gloria? Primum  
Ejecisæ hominem? si tam venerabilis hortus  
Cedat Alexandro? Nec plura locuta recessit.  
Ille secutus eam dictis, promittit in omnes  
Eventus operam, nec se desistere, donec  
Inferni tenebris jungatur<sup>11</sup> publicus hostis.  
Nec mora, rugitu tenebrosam concutit urbem<sup>12</sup>  
Conciliumque vocat, jacet inveterata malorum  
Planities, durata gelu, et nive saucia, cujus  
Nec sol indomitum, nec mitigat aura, rigorem.  
Hic sontes animæ passim per plana jacentes  
Mortis inauditæ torquentur agone, quibus mors  
Est, non posse mori, quia quorum hic mortua vita  
In culpa fuerit, ibi vivet semper eorum  
Mors in suppliciis, ut qui hic delinquere vivus  
Non cessat, finem moriendi nesciat illic.  
Afflictus<sup>13</sup> glacie, nivium de frigore transit  
Ad prunas, proh supplicium miserabile! semper,  
Et nunquam moritur, quem torquet carcer averni.

Hic ubi collecti satrapæ Stygis, et tenebrarum  
Consedere duces, tria sibila gutture rauco

Vers. 5117.

Edidit antiquus serpens, quibus omne repressit  
Murmur, et infernis indicta silentia pœnis :  
Umbrarumque graves jubet obmutescere p' anctus.  
Ergo ubi compressit gemitus, a pectore surgens  
In medium, mandata deæ proponit, et addit.

Nam quis erit modus, o socii, et quæ meta fla-

Hujus, ait, quo cuncta tremunt, prolixior illi  
Si mora pro libitu frangendum indulserit orbem?  
Ecce (sed id taceo) rupto parat obice terræ,  
Tartareum penetrare chaos, belloque subactis  
Umbrarum dominis captivos ducere manes;  
Est tamen in fatiis, quod abominor, adfore tempus  
Quo novus in terris, quadam partus novitate,  
Nescio quis nascetur homo, qui carceris hujus  
B Ferrea subversis confringet claustra columnis,  
Vasaque diripiens, et fortia fortior arma  
Nostra triumphali populabitur atria ligno;  
Proinde duces mortis, nascenti occurrere morti<sup>14</sup>  
Et regi Macedum, ne forte sit ille futurus  
Inferni domitor, letho præcludite vitam.

Vix ea ructarat, cum blando subdola vultu  
Proditio surgens : labor iste brevissimus, inquit  
Est mihi mortiferum, super omnia toxica, virus,  
Quod nec testa capit, nec fusilis olla metalli,  
Nec vitri species, nec vas aliud, nisi solum  
Ungula cornipedis, dabitur liquor iste Falerno  
Mistus Alexandro, præsto est occasio dandi,  
Nam meus Antipater, Macedum præfectus, ab ipsis  
C Cunarum lacrymis, prætereundum doctus amorem  
Voce, sed occultis odium celare<sup>15</sup> medullis,  
Ad regem ire parat Babylona, citatus ab ipso,  
Ut sub eo senium consumat, et aspera rursus  
Perferat emeritus<sup>16</sup> castrensium tædia vitæ :  
Hoc ego, si dea sum, qua nulla potentior inter  
Noctigenas, si me vestram bene nostis alumnam,  
Hoc *samulante*<sup>17</sup>, duci virus lethale datura  
Evehor ad superos. Sic fatur, et omnis in unum  
Conclamat tenebrosa cohors, laudatur ab omni  
Provida concilio, quia<sup>18</sup> sic studiosa pararet  
Indomitum<sup>19</sup> bellis armato frangere potu.

Nec mora Proditio faciem mutata vetustam,  
Emergit tenebris, Siculumque per aera, penus  
Vecta venenatis, thalamum tandem intrat alumni,  
D Quem satis instructum blando sermone relinquens,  
In chaos æternum, solitasque revertitur urbes<sup>20</sup>.

Namque reluctantem Pellæus classe minaci  
Frægerat Oceanum, jamque indignantis undis,  
Victor ab Oceano, Babylona redire parabat;  
Constituebat enim miser, ignarusque futuri,  
Dispositis Asiæ rebus, transferre sarissas,  
Pœnorum in fines, *Libycis exinde subactis*  
Finibus, Hispanas, quibus Herculis esse columnas  
Fama loquebatur, ultra discedere<sup>21</sup> metas,

Vers. 5170.

#### VARIE LECTIONES.

<sup>9</sup> fervore. <sup>10</sup> Confringens. <sup>11</sup> mergatur. <sup>12</sup> umbra. <sup>13</sup> Astrictus attritus. <sup>14</sup> morbo. <sup>15</sup> vastare.  
<sup>16</sup> emeritæ. <sup>17</sup> mediante. <sup>18</sup> quæd. <sup>19</sup> infractum. <sup>20</sup> umbras. <sup>21</sup> descendere.

Occiduumque sibi bello submittere solem.  
Gentibus his domitis, animi sitientis in arce  
Concipere audebat, post hæc transcendere montes  
Velle Pyrenæos, armisque domare rebelles  
Gallorum populos, Rhenumque adjungere victis.  
Tunc demum patriam, Macedumque revisere fines,  
Alpibus abjectis agitabat, et inter cœndum  
Italiam servire sibi, Romamque docere  
Græcorum portare jugum. Prætoribus ergo  
Præcepit Syriæ faciendæ quærere classis  
Materiem; dolet aeras procumbere cedros  
Libanus, et virides adductas fluctibus<sup>22</sup> ornos.  
In classem cadit omne nemus, stupet æthera<sup>23</sup> tellus  
Arboreis viduata comis, umbraque perenni,  
Miranturque novum nudata cacumina solem.

Quo tendit tua, Magne, fames? quis finis habendi?<sup>B</sup>  
Quærendi quis finis erit? quæ<sup>24</sup> meta laborum?  
Nil agis, o demens! licet omnia clausuris uno  
Regna sub imperio; totumque subegeris orbem,  
Semper egenus eris, animum nullius egentem  
Non res efficiunt, sed sufficientia; quamvis  
Sit modicum, si sufficiat, nullius egebis.  
O facilem falli! qui dum parat arma, venenum<sup>25</sup>  
Ejus ad interitum quod comprimat arma, paratur<sup>26</sup>.  
Crescit avara sitis juveni, sed potio tantam  
Opprimet<sup>27</sup> una sitim. Nam proditor ille scelestus<sup>28</sup>  
Instructus monitis, ventisque advectus iniquis  
Venerat Antipater Babylonem, ubi eum patricidis  
Complicibusque suis, facinus tractabat acerbum.

Quis furor, o superi? quid agis fortuna? tuumne<sup>C</sup>  
Protectum toties perimi patieris alumnum?  
Si fati decreta nequis mutare, volentis  
Ut pereat Macedo, saltem secreta revela  
Carnificum, potes auctores convertere lethi,  
Et fati<sup>29</sup> mutare genus, converte venenum  
In gladium, satius et honestius occidet armis,  
Is qui plus deliquit in his, sed forsitan armis  
Non potuere palam superi, quem vincere dirum  
Clam potuit virus; fuit ergo dignius illum  
Occultum sentire nefas, quam cedere ferro.

Ut<sup>30</sup> tamen ante diem extremum, quem fata para-

[bant,

Omnia, rex regum, sibi subdita regna videret,  
Fecit eum famæ sonus, et fortuna monarcham.  
Tantus enim terror, et consternatio gentes  
Invasit reliquas, ut post domitos Orientis  
Totius populos, turbata medullitus omnis  
Natio contremere, longeque remota paveret  
Insula fluctivago quæcunque includitur æstu.  
Oblatis igitur, cursum flexura tyranni,  
Muneribus toto peregrina cucurrit ab orbe,  
Ad mare descendens plenis legatio velis.

Non dedignantur subdi Carthaginis arces  
Imperio Magni, sed et Africa tota, remoto

Vers. 5223.

A Scribit Alexandro: Sese servire paratam:  
Scribit idem solo terrore coercita, quamvis  
Tuta situ, et multis pollens Hispania bellis.  
Totaque terrificum, misso diademate, quod vix  
Credere sustineam, veneratur Gallia regem:  
Mitescit Rheni rabies, positoque rigore<sup>31</sup>  
Teutonicus misto tendit Babylona Sicambro:  
Nec minor Italiæ gentes servire coactas  
Invasit metus, et licet hinc natura nivosas  
Objiciat cautes, illinc maris obice tuta  
Continui maneat, tamen insuperabile Magno  
Nil credens, regis spontanea prævenit iram,  
Muneribus sedare datis Trinacria, montes,  
Inferosque lacus, proli servire Philippi  
Imperat, et scribit. Sed quid moror? omnis in unum  
Natio concurrat, claras<sup>32</sup> Babylonis et arces  
Æquore vecta petit, legatos inde videres  
Affluere, et naves rerum speciebus onustas  
Quadrupedumque greges, quo pervenisse loqua-

[cem

Credere vix posses famæ præmobilis auram.

Magnus ut accepit, quia<sup>33</sup> confluxisset in unum  
Ipsius expectans<sup>34</sup> adventum territus orbis,  
Ardet adire locum mortis, remisque citata  
Classe Semiramiam tendit festinus ad urbem:  
Non aliter procul inspecto grege, tigris equorum,  
Cujus fulmineas urget<sup>35</sup> sitis aspera fauces,  
Excutitur stimulante fame, vivumque cruorem  
Immitis bibit, et laceros incorporat artus.

Quam si forte sequens occulor tramite pungat  
Cuspide venator, plangit, fusoque per herbam  
Immoritur sitiens nec adhuc satiata cruore.

Jam sibi Pellæus fatales, proh dolor! arces  
Agmine quadrato stipatus inibat, et ecce  
Obvia mirifico splendebat turba paratu;  
Occurrunt proceres, quibus ut comitantibus urbem  
Arduus intravit, sumpsitque insignia regni,  
Legatos jubet admitti, positumque monarcha  
Ascendens solium, victo sibi victor ab orbe  
Munera missa capit, clypeum quem Gallia gemmis  
Miserat intextum; galeam Carthago pyropo  
Desuper ardentem; visumque sitire cruorem  
Teutonicus gladium; spumantem Hispania labris  
Cornipedem, vario distinctum membra colore,

D Aureaque attritis mandentem frena lupatis.

Tortilis argento digitis intexta Cyclopum  
Traditur a Siculo veniens lorica Tyranno.  
His tamen acceptis, quot mundi regna, tot illi  
Tradita designant regum diademata regem:  
His variæ gentis cultus, his plurima miris  
Purpura texta modis, his quidquid ubique reper-

[tum est,

Quod mentem alliciat, quod delectare tuendo  
Mortales oculos queat additur omne metallum,

Vers. 5275.

#### VARIÆ LECTIONES.

<sup>22</sup> adjectas viribus. <sup>23</sup> aera. <sup>24</sup> erit modus aut quæ.... <sup>25</sup> paratur. <sup>26</sup> quod comprimat. <sup>27</sup> vene-  
num. <sup>28</sup> scelestis. <sup>29</sup> mortis <sup>30</sup> Hoc. <sup>31</sup> furore. <sup>32</sup> clarasque Semiramidis arces. <sup>33</sup> quod. <sup>34</sup> ope-  
sians. <sup>35</sup> urit.

Et lapidum splendor : his ut brevis <sup>36</sup> loquar, or-  
[bis  
Junguntur <sup>37</sup> totius opes, quibus ille receptis :  
Gratia diis, inquit, quorum mihi parta favore  
Regna, triumphantur <sup>38</sup> quas nondum vidimus

[urbes.  
Nec <sup>39</sup> minor a vobis <sup>40</sup> debetur gratia <sup>41</sup> cælo ;  
Quod sine conflictu bellorum, quod sine nostri <sup>42</sup>  
Sanguinis impensa Macedum certamina nondum  
Cominus experti, nostræ cessistis habenzæ :  
Cui se si Darius posito diademate supplex  
Commisisset, eo regnorum in parte recepto,  
Sensisset nihil esse jugo mansuetius isto :  
Porus in exemplo est, qua mansuetudine victis  
Præsideam victor, ne dum parentibus ultro,  
Quosque jugum nostrum vis nulla subire coegit  
Subjectos mihi mortales, ita vivere salva  
Libertate volo, ut jam non sit *servitium*, imo  
Libertas, servire mihi, distinctio nulla  
Libertatis erit, inter quos nemo rebellis.

Hæc ubi legatis breviter : conversus ad illos,  
Egregia quorum virtute subegerat orbem :  
Vos quoque, victores, quorum labor arduus, inquit,  
Egit, ut in nostro conspectu terra sileret,  
Præmia digna manent : dignissimus Hercule miles,  
Hoc me rege meus, sed et hoc <sup>43</sup> rex milite dignus,  
Milite quem nec hiems fregit glacialibus oris,  
Nec medius Libyæ torpentem reddidit æstus.  
Indica vicerunt <sup>44</sup> Macedum deserta catervæ,  
Iis nostris <sup>45</sup> manibus domitis lugentia monstris.

Quid referam triplicem Dario vivente trium-  
[phum ?  
Memnona dejectum, Porique et Taxilis arma ?  
Quid loquar informes nobis <sup>46</sup> cessisse gigantes ?  
Nunc quia nil mundo peragendum restat in isto,  
Ne tamen assuetus armorum langueat usus ;  
Oro <sup>47</sup>, quæramus alio sub sole jacentes  
Antipodum populos, ne gloria nostra <sup>48</sup> relinquat  
Vel virtus quid inexpertum, quo crescere possit,  
Vel quo perpetui mereatur carminis odas.

Me duce, nulla meis tellus erit invidia, vincit  
Cuncta labor, nihil est investigabile forti :  
Plures esse refert mundos doctrina priorum,  
Væ mihi, qui nondum domui de pluribus unum.  
Scitis enim, socii, quod <sup>49</sup> cum mihi miserit olim  
Roma per Æmiliū regni diadema, mihique  
Scripserit ut regi, opposita modo fronte, re-  
[sumptis  
Cornibus, excedit corrupto-fœdere pactum.

Nunc igitur nostris ne pars vacet ulla trium-  
[phis,  
Neve meis titulis desit perfectio, Romam  
In primis delere placet. Dedit hoc ubi : solvit  
Concilium, proni curru jam deside Phœbi.

Vers. 5324.

A Jam maris undisonis rota merserat ignea solem  
Fluctibus, et præceps confuderat omnia tetro  
Nox elementa globo, tenuit prodire volentes  
In lucem stellas, solito lugubrior aer  
Nocturnus lunam, noctique <sup>50</sup> præsesse statuta  
Sidera caligo, nubesque suborta repressit.

Illa nocte oculis Cynosuram nauta requirens  
Nunc Helicen, vetitumque mari se mergere Plau-  
[strum,  
(Cum nusquam auderet sine sidere flectere cur-  
[sus \*)

In medio latuit, prora fluitante, profundo.

Funus Alexandri mortis præsaga futuræ,  
Omnia lugebant, moriturum flevit Olympus,  
Quem modo nascentem signis portenderat istis.

B De cælo veri lapides cecidere, locutus  
Agnus in Ægypto est, peperit gallina draco-  
[nem :

Et nisi digna fide mentitur opinio vulgi,  
Tecta patris, culmenque super, geminæ sibi toto  
Qua peperit regina die, velut agmine facto,  
Confixere aquilæ, tot præsignatus ab ortu  
Prodiis Macedo, superi ! quo crimine vestrum  
Demeruit, vitæ in tanta brevitate, favorem.

Sed si mortali contentus honore fuisset,  
Si se gessisset humilem inter prospera, si sic  
Dulcia fortunæ, velut ejus amara tulisset ;  
Forsitan et gladium, et gladio crudelius omni  
Vitasset, fato sibi disponente, venenum.

C Jam piger expleta flectebat nocte Bootes  
Emeritos currus, teneræque infantia lucis  
Sopierat tenebras, sed nec tunc lucis in ortu  
Roscidus auroræ super herbam decidit humor :  
Nec volucres cantu tremula sub fronde, canore  
Prævenere diem : venturi præscia lætus,  
Vocis amorigeræ citharam Philomela repressit ;  
Luciferumque ferunt primum cessisse diei  
Venturæ, et reliquis nondum cedentibus astris,  
Primus in <sup>51</sup> occidui, versa vice, littora ponti  
Flexit iter pronus, hebetique elanguit <sup>52</sup> ore  
Tunc demum <sup>53</sup> licet invitus, quia fata morari  
Non poterat Titan, Nabathæis extulit undis  
Armatum radiis caput, et nisi provida fati  
Obstaret series, toto conamine currus

D Velle minabatur, flexo <sup>54</sup> temone, reverti <sup>55</sup>  
Siste gradum, venerande parens, et lucis, et  
[ignis

Siste gradum, nisi luciferum converteris orbem  
Exstinguet Macedum, tua Phœbe lucerna, lucer-  
[nam :

Sed jam magnanimi fatalis venerat hora  
Rectoris mensura caput, nec <sup>56</sup> fata sinebant  
Differri scelus ulterius, mundique ruinam.  
Eois redolens fragrabat <sup>57</sup> odoribus aula,

Vers. 5375.

#### VARIAE LECTIONES

<sup>36</sup> brevibus. <sup>37</sup> adduntur. <sup>38</sup> triumphatæ. <sup>39</sup> Non. <sup>40</sup> nobis. <sup>41</sup> gloria. <sup>42</sup> vestri. <sup>43</sup> hic. <sup>44</sup> ri-  
dunt. <sup>45</sup> vestris. <sup>46</sup> vobis. <sup>47</sup> Eia. <sup>48</sup> vestris. <sup>49</sup> quia. <sup>50</sup> nocti præsesse. <sup>51</sup> ad. <sup>52</sup> relanguit.  
<sup>53</sup> Sed tandem. <sup>54</sup> verso. <sup>55</sup> regressam. <sup>56</sup> non. <sup>57</sup> fulgebat.

Qua populus, procerumque sacer convenerat ordo. A  
 Cum quibus, aut fando pars est consumpta dici  
 Plurima, tum demum, cum donaretur <sup>58</sup> opimis,  
 A duce muneribus, ditatis <sup>59</sup> vina ministris  
 Circumferre jubet; et qui securus ab hoste  
 In bellis <sup>60</sup> toties hostilia fuderat arma  
 Et pater, et dominus cadit, et perit inter amicos

Dirigit totum subita torpedine corpus,  
 Vixque sui compos, demisso poplite, lecto  
 Redditur, extemplo ferali tota tumultu  
 Regia concutitur, nec dum proferre dolorem  
 In medium audebant, quia fortunæ medicinam  
 Adfore sperabant, quæ semper a Jesse ruenti  
 Quoslibet in casus, consueverat. Ergo ubi venas  
 Infecit virus, et mortis certa propinquæ  
 Signa dedit pulsus, media sibi jussit in aula  
 Aptari lectum, quo postquam exercitus amens  
 Convenit, mistoque ducum manus incluta, vulgo,  
 Undantes lacrymis, et arantes unguibus ora,  
 Intuitus. Quis cum terris excessero, dixit,  
 Talibus inveniet dignum? jam sufficit, orbem  
 Terrarum rexisse mihi, satis axe sub isto,  
 Prospera successit parentibus alea bellis;  
 Jam tædere potest, membris mortalibus istam  
 Circumscribi animam, consumpsi tempus et ævum,  
 Deditus humanis satis in mortalibus hæsi,  
 Hactenus hæc. Summum deinceps recturus Olym-

Ad majora vocor; et me vocat arduus æther,  
 Ut solium regni, et sedem sortitus in astris  
 Cum Jove disponam rerum secreta, brevesque  
 Eventus hominum, superumque negotia tractem  
 Rursus in æthereas arces, superumque cohortem,  
 Forsitan Ætnæos armat præsumptio fratres;  
 Et dura <sup>61</sup> Encelado laxavit membra Pelorus.  
 Sub Jove decrepito, superosque et sidera credunt  
 Posse capi ex facili, rursusque lacessere tentant.  
 Et quia Mars sine me belli discrimen abhorret:  
 Consilio Jovis et superum, licet ipse reluctet,  
 Invitus trahor ad regnum. Sic fatur, et illi  
 Quærere cum planctu, lacrymisque fluentibus

Quem velit hæredem, mundique relinquere regem?  
 Optimus, inquit, et imperio dignissimus, esto  
 Rex vester; sed vox postquam non adfuit, aurum  
 Detractum digito Perdicæ tradidit, unde  
 Præsumpsere duces, regem voluisse supremum  
 In regni sibi Perdiccam succedere summa <sup>62</sup>.

Vers. 5419.

Nec mora vitalis resolutum frigore corpus  
 Destituit calor, et luteo de carcere tandem  
 Spiritus erumpens, tenues exivit in auras.  
 Tunc vero in luctum dolor est resolutus amarum,  
 Tunc vires habuere suas lamenta, nec ultra  
 Mobilis horrendos suppressit turba tumultus,  
 Non <sup>63</sup> tantus ciet astra fragor, cum quattuor axem  
 Stelliferum quatunt, agitando tonitrua, fratres.

O felix mortale genus, si semper haberet  
 Æternum præ mente bonum, finemque timeret,  
 Qui tam nobilibus, media quam plebe citatis  
 Improvisus adest, animæ discrimine magno  
 Dum quæruntur opes, dum fallax gloria rerum  
 Mortales oculos vanis circumvolat alis:  
 Dum profugos petimus, qui nunc venduntur, ho-

B [nores,  
 Verrimus æquoreos fluctus, vitamque perosi  
 Et caput, et <sup>64</sup> merces tumidis committimus undis.  
 Cumque per Alpinas hiemes, turbamque latro-

Romuleas arces, et avaræ mœnia Romæ  
 Cernere solliciti, si cursu forte beato  
 Ad natale solum, patriamque revertimur urbem <sup>65</sup>,  
 Ecce repentinæ, modicæque occasio febris  
 Dissolvit, toto quæcunque paravimus ævo.  
 Magnus in exemplo est; cui non suffecerat orbis,  
 Sufficit exciso de fossa marmore terra,  
 Quinque pedum fabricata domus, ubi <sup>66</sup> nobile

C Exigua requievit humo, donec Ptolemæus,  
 Cui legis Ægyptum in partem cessisse <sup>67</sup>, verendi  
 Depositi fati, toto venerabile mundo  
 Transtulit ad dictam de nomine principis urbem.

Sed jam præcipiti mersurus lumine noctem  
 Phæbus anhelantes convertit ad æquora cursus  
 Jam satis est lusum, jam ludum incidere præstat,  
 Pierides; alios deinceps modulamina vestra  
 Alliciant animos, alium mihi postulo fontem,  
 Qui semel exhaustis sitis est medicina secundæ.

At tu cujus opem pleno mihi copia cornu  
 Fudit, ut hostiles possim contemnere linguas  
 Suscipe Gualteri studiosum, magne, laborem,  
 Præsul, et hanc vatis circum tua tempora sacræ  
 Non dedigneris hederam conjungere mitræ.

D Nam licet indignum tanto sit præsule carmen,  
 Cum tamen exuerit mortales spiritus artus  
 Vivemus pariter, vivet cum vate superstes  
 Gloria Guilhelmi, nullum moritura per ævum.

Vers. 5461.

#### VARIÆ LECTIONES.

<sup>58</sup> donarentur. <sup>59</sup> ministros. <sup>60</sup> bello. <sup>61</sup> duraque Typhæo. <sup>62</sup> summam. <sup>63</sup> Nec. <sup>64</sup> ut. <sup>65</sup> patriamque revertimus orbem. <sup>66</sup> qua. <sup>67</sup> cecidisse.

Ms. Engelbergense sic claudit opus: Explicit Alexandris magistri Gualteri de Castellione. Scriptus fuit liber iste anno Domini 1277

Dum librum concludo, ecce, benevole lector, eorum imperio, quibus me parere oportet, injungitur, ne quid manus ex fide ms. exemplarium fecisse videar, ut versus etiam depravatos vel leviter mutatos, substitutis sed

alio subinde caractere vocabulis fideliter annumerem, id quod factum volo. Itaque præter ea quæ in marginalibus afferuntur, in utroque ms. sic lego :

- |           |   |            |   |
|-----------|---|------------|---|
| Lib. i.   | v. 18. Exsequitur patriæ tactus supplicantis amore.             | Lib. vi.   | v. 28. ... rigent dolabris in fragmina cedunt.                              |
|           | v. 22. Euphrates illinc Armenia...                              |            | v. 11. Esse miserturos alii, Si qui...                                      |
|           | v. 16. Cum timor incuteret mentem...                            |            | v. 16. Metropolis Mædiæ...  |
| Lib. ii.  | v. 7. ... numerumque recensita...                               |            | v. 27. ... nec ut antea regni...<br>Dispensabat onus solus...               |
|           | v. 13. Spiritus arterias corpusq...                             |            | v. 18. ... Bessus optime regum  |
|           | v. 16. Indulto tridui spatio tamen...                           |            | v. 2. In Mediam Darium., et v. seq.   |
|           | v. 14. Legione Thebæa...  |            | v. 19. Non adeo ambirent...<br>Simonis hæredes...                           |
|           | v. 23. ... sacra venerandus idea.                               |            | v. 21. ... brevis est labor et via, nobis<br>Quatridui super est iter ut... |
|           | v. 9. ... sequitur alacer Craterus, eisque                      | Lib. viii. | v. 7. ... molli lingua supplicante recepit                                  |
| Lib. iii. | v. 11. Cœnus Craterus et ipse.                                  |            | v. 4. ... et veteri mutato nomine Scythis.                                  |
|           | v. 18. Amphilocho Craterus adit...                              |            | v. 1. ... exemplo manumisos esse...   |
|           | v. 16. Hunc sudcs excerebrat...                                 |            | v. 12. Suppressit triduo donec...   |
|           | v. 7. Quid dedit autumnno...                                    |            | v. 16. Quod toto tridui spatio...   |
|           | v. 16. Regnet hemisphærio motus...                              |            | v. 20. ... præfeci Mediæ.   |
|           | v. 7. ... ubi plebs nunc orthodoxa...                           |            | v. 2. ... prodi biduo cum posset...   |
|           | v. 2. Confectumque diu lethea fæce vitrina Pixide considerat... |            | v. 9. ... infractos antea bellis  |
|           | v. 13. Posset, et affectos fame defectuque ciborum.             |            | v. 2. ... intercipit in mare Gangem<br>Manantem Acesinem...                 |
| Lib. iv.  | v. 3. Sordes Samarice fraterni...                               | Lib. ix.   | v. 5. Rubrius et proprio rubricavit...                                      |
|           | v. 7. ... putans replicat iteratos Echo<br>boat.                |            | v. 15. Doctores medicæ Critobolus artis,                                    |
|           | v. 24. Sola docens miseris misereri...                          |            | v. 5. ... regem Critobole, sive teneri.                                     |
|           | v. 1. Et Pax agricola, et cum pleno...                          |            | v. 20. Fluxum medicis Critobolus herbis.                                    |
|           | v. 22. Sed fortuna Deus et eaque...                             |            | v. 22. Convenere, simul quorum Craterus<br>ad ipsum :                       |
| Lib. v.   | v. 16. Arterias Cybeles cadit...                                |            | v. 22. In theatro mundi...  |
|           | v. 12. Memnonides Phidias, cujus...                             | Lib. x.    | v. 6. Has colit hypocrisis murcenti...<br>Sedes, et summus...               |
|           | v. 1. Impiger occurras.   |            | v. 24. Fines, et Numidiæ peragrat.  |
|           | v. 11. Occubuit Lysias...                                       |            | v. 22. ... non sit servitus, imo  |
|           | v. 13. Afrum Craterus, Lysiam deje...                           |            |   |
|           | v. 9. Transierat Lycum paucis...                                |            |   |
|           | v. 13. Tympana Psalterio  |            |   |
|           | v. 12. ... Tanto splendore Lucanum                              |            |   |
|           | v. 24. Lingua lesum...  |            |   |

## APPENDIX AD GUALTERUM DE CASTELLIONE.

### LIBER DE TRINITATE

AUCTORE GALTHERO, VETERE THEOLOGO.

(D. Bern. PEZIUS, *Thesaur. Anecd.*, II, 11, 51, ex cod. monast. S. Petri Salisburg.)

### MONITUM.

Insignem hunc tractatum Galtheri *De Trinitate* nobis refertissima veteribus libris bibliotheca Sancti Petri Salisburgensis suggestit in codice membraneo in 4°, quingentorum circiter annorum, ex quo illum etiam nostra gratia A. R. P. Michael Bockn, eruditus loci bibliothecarius, Placidi germanus frater, exscripsit. De auctore nihil certi statuere nobis licet, cum magna vis doctorum hominum sæculo Christi duodecimo et decimo tertio, quo circiter eum floruisse vix dubitari potest, exstiterit *Gualtheri*, *Galtheri*, et *Waltheri* nomine insignium. Ut tamen vel conjecturam afferamus, videtur Galtherus auctor præsentis tractatus *De Trinitate* non esse distinctus a *Gualtero de Castellione*, *Tornacensium Canonicorum præposito*, cujus libellos tres dialogorum contra Judæos Casimirus Oudinus ex ms. cod. abbatæ S. Evodii de Brana. in *Veterum aliquot Gallicæ et Belgii scriptorum opusculis sacris* anno 1692 Lugduni Batavorum edidit. Nihil

enim in nostro tractatu occurrit quod vel ætati, vel doctrinæ, vel stylo, vel dignitati Gualtheri de Castellione repugnet. Conjecturam nostram utcumque codex Petrensis confirmat, in quo opusculum non alio quam hoc modo inscribitur : *Tractatus magistri Galtheri de Trinitate*. Et in fine : *Explicit tractatus de sanctissima Trinitate a magistro Galthero sane compositus*. Eodem fere modo apud Oudinum : *Incipit Tractatus sive dialogus magistri Gualtheri Tornacensis contra Judæos*. Et Joannes Saresheriensis in epistolis suis Gualterum de Castellione passim non nisi *magistrum Gualtherum de Insula, et magistrum Gualtherum* vocat, ut videre est apud citatum Oudinum : ut adeo Gualthero de Castellione singulari quadam ratione ac prærogativa qua ab aliis ejusdem nominis Gualteris distingueretur, nomen *Magistri* adhæsisse videatur. Itaque si quid veritatis hæc conjectura habet, Galtheri nostri ætas facile post alios definiri potest, qui Gualtherum de Castellione anno 1201 obiisse scribunt. Verum quia rationum nostrarum infirmitatem ipsi probe perspectam habemus, rem hanc omnem in medio relinquere satius putamus. Porro quisquis demum noster Galtherus fuerit, opusculum suum adversus eos præcipue edidisse videtur qui quasdam in Deo *proprietates vel relationes*, quæ non sint idem quod Deus, *sed aliæ res quam Dei substantia*, esse contendebant, quos capite iv auctoritate ac ratione refellit. Capite sequenti præterire noluit *quorundam profanas novitates, quorum, inquit, stultitia per Dei potentiam, et sapientiam, et bonitatem existimat discernendas, soli Patri omnipotentiam, soli Filio sapientiam, soli Spiritui sancto bonitatem assignans; quod homines imperitos, et fere totius veritatis ignaros adinvenisse manifestum est*. Tum post quædam subdit : *Tribus ergo omnipotentia, tribus sapientia, tribus convenit benignitas. Et mirum est qualiter illi insensati homines contra tot auctoritates in hac veritate concordantes audeant suos errores inducere, quibus contra veritatem fidei catholicæ impune mentiri non sufficit, sed apud vulgus illitteratum nomen suum gloriantur per sua figmenta diffamare, insuper addentes, se ad plenum cognoscere in unitate divinæ substantiæ esse genituram Filii a Patre, et processionem ab utroque Spiritus sancti, etc.* Ad ultimum concludit et inculcat Galtherus, quod et alias agit, *nulli tantam inesse debere dementiam, ut hoc divinæ naturæ secretum incomprehensibile conetur acumine sui ingenii comprehendere, et tanquam comprehensum præsumat aliis jactanter explanare; et econtra nullum adeo esse debere obstinatum, ut ideo credere nolit, quia ad plenum non intelligit inscrutabilia mysteria sanctæ Trinitatis: sed quicumque, ait, dubitare incipit, quia non intelligit recurrat ad supradictas auctoritates, quæ affirmant neminem in hac vita de Deo habere perfectam notitiam, quibus instructus incipiat de Deo credere, quod credidit Petrus. Hujus umbra infirmos sanavit, et alii martyres et confessores, quorum sanctitas non solum in vita, sed et post mortem miraculis incomparabilibus innotuit. Quod si contigerit argumentis dialecticis, quæ juxta solitum naturæ cursum et usus vocum inventa sunt, vel Judæum vel hæreticum impugnare veritatem catholicam, quæ est de naturâ divinæ substantiæ, omnia ineffabiliter transcendente, quamvis catholici nequeant humana ratione refellere, tamen nihilominus in fide, quæ tantis auctoritatibus munita est, constanter permaneat, memoriter recolens, illam fidem non habere meritum, cui humana ratio præbet experimentum. Hæc Galtherus, quibus in quæstione difficillima nihil salubrius præcipi potuisset. Cæterum eruditum lectorem advertimus, non nisi jam excusa hac parte duo nos manuscripta ejusdem opusculi exempla etiam in bibliotheca Mellicensi reperisse, a quorum tamen utroque nomen Galtheri abest. Prius exstat in codice chartaceo 4°, signato lit. Q, 4, manu sæculi decimi quinti exarato, in quo incipit *Tractatus utilis de Trinitate personarum et unitate essentiæ in divinitate: Credo unum Deum esse, etc.*, et, *explicit Tractatus perutilis et catholicus de beatissima Trinitate*. Alterum habetur in codice chartaceo, in 12°, notato lit. II, 44, in quo addit scriba Joannes de Wailhaim, Mellicensis, vir accuratus et doctus, auctorem hujus *perutilis et catholici tractatus ignorari, nec in exemplari ex quo eum anno 1469 exscripsit, fuisse titulum prænotatum*. Quæ si prius nobis constituissent, variantes ex utroque codice lectiones colligere non prætermissemus. Ast nunc re non amplius integra id unum notamus, capite 8 post init. *pro. sunt essentialia*, recte nos legendum suspicatos esse, *sunt enuntiabilia*, quam lectionem uterque codex Mellicensis retinet.*

## INCIPIT TRACTATUS

### MAGISTRI GALTHERI DE TRINITATE.

CAP. I. *Deus unus incorporeus, omnipotens, æternus, omnium creator, immutabilis, immensus, simplex, sapiens et justus est, idque non ratione quodam adventitia, sed essentialiter.* A res, juxta Moysen : *Audi, Israel, quia Dominus Deus unus est (Deut. vi)*. Quem credo incorporeum, juxta illud evangelicum Joannis : *Spiritus est Deus, et eos, qui adorant, oportet in spiritu et veritate adorare (Joan. iv)*. Credo etiam omnipotentem,

indubitanter credo unum Deum esse et non plu-





Filius, a Patre habet, et Spiritus sanctus similiter. A Patre enim, de quo suum esse habet, et omnia, quæcunque habet. Dicit enim Filius in Evangelio Matthæi : *Omnia mihi tradita sunt a Patre meo (Matth. xi)*. Et in Evangelio Joannis : *Sicut habet Pater vitam in semetipso, sic dedit et Filio vitam habere in semetipso (Joan. v)*. Nec solum habet a Patre Spiritus sanctus, id quod habet, sed etiam a Filio, a quo habet esse, quemadmodum a Patre. Et quod Spiritus sanctus habeat ab alio hoc, quod habet, legitur in Evangelio Joannis hoc modo : *Cum venerit ille Spiritus veritatis, docebit vos omnem veritatem. Non enim loquetur a semetipso, sed quodcunque audiet, loquetur (Joan. xvi)*. Et quidquid habent Filius et Spiritus sanctus, naturaliter habent, et non per gratiam ; si enim haberent per gratiam, jam essent Patre minores, ex cujus gratia et beneficio hoc haberent. Sed, quamvis dicat Filius : *Pater major me est (Joan. xiv)*, quod ad naturam hominis referendum est, tamen secundum naturam divinam æqualis est Patri Filius, dicente Apostolo : *Qui, cum in forma Dei esset, non rapinam arbitratus est, esse se æqualem Deo (Philip. ii)*. Itaque, in quantum Deus est, Filius est æqualis Patri. Tanta est enim in sanctissima Trinitate æqualitas, ut in ea nulla persona sit major alia, nec etiam tres simul majores sint una sola. Quod animadvertere potest, quicumque præcedentibus fidem adhibens, unamquamque personam de illis tribus credit esse simplicem Dei substantiam, et tres simul credit esse unam eandem simplicem substantiam. Est etiam Filius Patri coæternus, quamvis a Patre sit, velut (licet) splendor ab igne sit, igni tamen coæquævus. Est etiam Deus et Creator, quemadmodum et Pater, juxta illud Joannis Evangelistæ : *In principio erat Verbum, et Verbum erat apud Deum, et Deus erat Verbum (Joan. i)*. Et paulo post : *Omnia per ipsum facta sunt, et sine ipso factum est nihil (ibid.)*. Et in Proverbiis Salomonis legitur de Sapientia Patris, id est de Filio : *Quando præparabat cælos, aderam ; quando appendebat fundamenta terræ, cum eo eram cuncta componens (Prov. viii)*. Similiter Spiritus sanctus, æqualiter et coæternus est Patri et Filio, et Deus est, et Creator, de quo legitur in libro Job : *Spiritus Domini fecit me (Job xxxiii)*. Et alibi : *Spiritus ejus ornavit cælos (Job xxvi)*. Palam est ergo, Filium, quamvis de Patre sit, verum esse et perfectum Deum, de Deo Patre, lumen de lumine, principium de principio, sapientiam de sapientia. Et hæc omnia vere possunt dici de Spiritu sancto.

**CAP. V.** *Tota Trinitas, ejusdemque ad extra operatio prorsus inseparabilis est, et quidquid operatur una persona, id operantur et reliquæ. Solvuntur objectiones contra hanc doctrinam.*

Præterea illa superiora, quæ de sanctissima Trinitate commemorata sunt, a quolibet fidei firmiter credenda sunt, totam Trinitatem, cum sit ejusdem

A substantiæ, esse penitus inseparabilem, quod testantur verba Domini Philippo dicentis : *Nescis quia ego in Patre, et Pater in me est? qui videt me, videt et Patrem (Joan. xiv)*. Ex quibus verbis non tantum agnoscitur Patrem, et Filium, et Spiritum sanctum, nullatenus aliquo spatio a se disjungi, sed etiam Patrem esse in Filio et unumquemque in alio. Sicut autem tota Trinitas inseparabilis est, ita omnis ejus operatio est inseparabilis ; nam quidquid operatur Pater, id penitus operatur Filius et Spiritus sanctus, quod de Patre et Filio declaratur in Evangelio Joannis his verbis : *Quæcunque Pater operatur, eadem Filius operatur et similiter (Joan. v)*. Quod autem Filius et Spiritus sanctus cum Patre, qui creavit omnia, sint inseparabiliter operati in faciendis creaturis, testatur Psalmista dicens : *Verbo Domini cæli firmati sunt, et Spiritu oris omnis virtus eorum (Psal. xxxii)*. Itaque quidquid operatur unus, operatur et alius.

Sed istam unitatem aliquis infirmare volens opponit : Si inseparabiliter operatur Trinitas, tunc Filius se ipsum genuit, quia Pater Filium genuit, et Pater procedit ab alio, quia Spiritus sanctus procedit ab alio. Sic autem opponenti respondetur ; quia nihil Deus operari dicitur, nisi respectu creaturæ. Non ergo generare Filium, vel ab alio procedere alicujus divinx personæ est operatio : nam si esset operatio Patris generare Filium, sequeretur ut idem esset Filius operatus, vel esset falsum omnia Filium operari quæ Pater operatur.

Sed iterum opponitur : Si Trinitas inseparabilis est, et inseparabiliter operatur, tunc carnem assumpserunt Pater et Spiritus sanctus, et sunt incarnati, quia Filius carnem assumpsit, et est incarnatus. Ad quod respondendum est : Quanquam inseparabilis sit Trinitas, et inseparabiliter operatur, tamen aliquid convenit uni de personis, quod minime convenit aliis. Hoc autem ex ipsarum creaturarum similitudine potest agnosci. In radio namque solis sunt inseparabiliter, adjunguntur splendor et calor, et calor explicat, et splendor illuminat. Similiter ad faciendum sonum in cithara inseparabiliter operatur manus, dum tangit, et chorda, dum tangitur, et tamen aliud convenit manui, aliud chordæ ; nam sola manus pulsat, et sola chorda resonat. Ita in sancta Trinitate quæque persona operata est incarnationem Filii, et tamen soli Filio convenit illa operatio et carnis assumptio. Potest autem aliquem movere, quod Scriptura quoque dixit, Christum conceptum esse et natum de Spiritu sancto, tanquam soli Spiritui sancto opus incarnationis ascribendo, quam tota Trinitas est operata. Sed sciendum est quod Spiritus sanctus cum sit Deus, et Patri et Filio consubstantialis, tamen amhorum est donum. Ut ergo ex gratia et dono Dei, non propter hominum merita, Dei Filium carnem assumpsisse appareret, ad nos instruendos providit Scriptura divina, Christum esse natum ex Spiritu sancto, tanquam incarnatum Dei donum. Satis apparet ex superiori similitudine

quod, licet Trinitas inseparabiliter operetur, tamen solus Filius carnem assumpsit, sicut solus Spiritus sanctus in columbæ specie apparuit, et solius Patris vox audita est, dicentis ad Filium: *Hic est Filius meus dilectus, in quo mihi bene complacui* (Matth. xvii).

CAP. VI. *Quidquid de Deo dicitur substantialiter, omne illud de Patre et Filio, et Spiritu sancto pariter enuntiatur. An dicere liceat in Trinitate esse tres naturæ rationalis substantias individuales?*

Superioribus est adjungendum quod, quidquid de Deo dicitur substantialiter, id est quidquid ab æterno sine respectu convenit divinæ substantiæ, omne illud de Patre et Filio et Spiritu sancto pariter enuntiatur. Sicut enim Pater est omnipotens, sapiens, æternus, justus et misericors, ita Filius est omnipotens, sapiens, æternus, justus et misericors, et Spiritus sanctus similiter. Nec tamen aliquatenus dicendum est, Patrem, et Filium, et Spiritum sanctum tres deos esse, tres omnipotentes. Quia ne Pater, et Filius et Spiritus sanctus tres esse divinæ putarentur substantiæ, quod esset sanæ fidei contrarium, et Deitati dicenti: *Ego et Pater unum sumus* (Joan. x), fere nullum nomen de illis essentiari permissum est. Nam quod Latini Patrem et Filium et Spiritum sanctum tres dicunt esse personas, Græci vero tres hypostases, ad pluralitatem personarum insinuandam, seu ad hoc demonstrandum (fit), quod Pater non est Filius, vel Spiritus sanctus, nec Filius est Pater, vel Spiritus sanctus, nec Spiritus sanctus Pater est vel Filius, sed alius est Pater, alius Filius, alius Spiritus sanctus. Itaque tres personas, non tres deos dicimus, non tres omnipotentes; quamvis, teste Augustino in libro *De Trinitate*, persona nomen substantiale est, ac sine respectu dicitur; et cum personam dicimus, nihil aliud quam essentiam rationalem nominamus. Quod cum sit, tamen ad pluralitatem prædictam designandam consuetudo Latinæ Ecclesiæ confitetur, esse aliam personam Patris, aliam Filii, aliam Spiritus sancti; nec tamen audeat quis confiteri aliam esse essentiam Patris, aliam Filii, aliam Spiritus sancti, ne plures dii et essentiæ audiantur. Unde manifestum est quod, sicut non dantur tres dii, ita nec tres personæ dicerentur, si competentiora haberentur verba, quibus pluralitas Patris et Filii et Spiritus sancti convenientius monstraretur. Non enim hoc dicitur, ut personæ dictum intelligatur, et ut essentialiter diversitas astruatur, sed ne Patris et Filii et Spiritus sancti pluralitas taceatur. Et quamvis tres personas dicimus, et distinctio personæ sit naturæ rationalis substantia individua, non tamen audemus dicere, Patrem et Filium et Spiritum sanctum esse tres naturæ rationalis substantias individuales. Sic enim tres divinas substantias et tres deos videre non aasserere. Sicut autem ad unitatem essentiæ confirmandam unum et non tres deos dicimus..... ne personarum pluralitas negari videatur.

Legitur etiam quodam loco, ad earumdem personarum pluralitatem et æqualitatem asserendam,

A quod ipsæ coæternæ, sicut sunt et coæquales. Ex cujus locutionis similitudine videtur appellari eas consubstantiales et coomnipotentes; sed, quia non invenitur his verbis usa auctoritas, non est de illis temere præsumendum. Nam cum Apostolus profanas verborum novitates evitari jubeat, id maxime est observandum, cum de divinitatis essentia et distinctione personarum loquimur, in qua re sine periculo non erratur. Profanas autem novitates appellamus non solum eas quæ hæresim profitentur, sed etiam eas quæ, quamvis sana fide exponi valeant, tamen, quia inusitatæ sunt, contra fidem aliquid novi videntur asserere. Si quando ergo vocum pronuntiationes proponantur incognitæ, et causa novitatis sive ostentationis excogitatæ, melius esse arbitror sensum earum pie ignorare, quam de illis aliquid temere diffinire. Jam satis apparet ex prædictis, qualiter Dei substantialia nomina de singulis sint enuntianda personis.

B CAP. VII. *De singulis personis etiam prædicantur, quæ Deo conveniunt ab æterno respectu naturæ, uti et ea, quæ respectu creaturæ Deo temporaliter competunt. Solus Filius carnem assumpsit in tempore. Deus nullo afficitur accidente, sed invariabiliter permanens diversa sortitus est nomina ex rerum varietate, quam fecit.*

C Sicut autem nomina substantialia de unaquaque persona enuntiantur singulariter, ita enuntiantur etiam illa, quæ Deo conveniunt ab æterno respectu naturæ, veluti hæc nomina, *præscius, providus*, et similia, quæ ideo conveniunt Deo ab æterno, quia præscivit et providit omnia ab æterno, antequam fierent. Similiter de unaquaque persona singulariter enuntiantur illa nomina, quæ respectu creaturæ competunt Deo temporaliter, velut hæc nomina: *Dominus, creator, miserator*; non enim Deus teste Augustino *De Trinitate*, ante fuit Dominus, quam esset ejus servus; itaque temporaliter cœpit esse Dominus, quando creatura in tempore facta cœpit ei servire. Similiter Deus cœpit esse Creator in tempore, quando fecit creaturas, non enim creavit eas ab æterno, nec Creatori sunt coæternæ, sicut quidam æstimant occasione horum verborum: *Omnia in ipso vita erant*, quæ sic sunt exponenda: in ipsius præscientia, quæ est vita ex se vivens, et alia vivificans, erant omnia ordinata et cognita, tanquam personaliter existentia. Verum est ergo ex tempore Deum esse Dominum et Creatorem, et cum Pater sit Dominus et Creator, et Filius, similiter et Spiritus sanctus, non tamen tres sunt domini, vel tres creatores, sed sunt unus et idem Dominus et Creator, et tamen de illis pluraliter dicitur: *Ipsi tres mundum creaverunt*. Quod autem pro nominali voce et verbali possint pluraliter designari, manifeste apparet ex supra positis verbis Joannis apostoli dicentis: *Tres sunt, qui testimonium dant in cælo, Pater, Verbum et Spiritus* (I Joan. v).

D Hic animadvertendum est, quod solus Filius carnem assumpsit in tempore; unde illi soli competit incarnatum esse in tempore, quia incarnatus homo

Christus appellatur. Nam, quamvis verum sit, quod fuit semper, sicut ipse nobis insinuat, dicens : *Antequam Abraham fieret, ego sum* (Joan. viii), tamen hoc nomen ei ex carnis assumptione temporaliter et non ab æterno convenit, quod tali similitudine innotescere potest. De Abraham in extremo die vitæ suæ verum fuit dicere : Iste senex Abraham habitavit in Ur Chaldæorum; nec tamen conveniebant ipsi illa duo nomina, id est senex et Abraham : quando in Ur habitavit. Itaque illa prædicta nomina de solo Filio enuntiantur, nec videntur esse relativa, cum superiora respectu creaturæ Deo convenientia de singulis dicantur personis, et sint relativa. Potest autem ex supra dictis conjici, Deo aliquid accedere, et Deum esse mutabilem ideo, quod quædam nomina habet ex tempore. Sed sciendum est, quod omnia, quæ Deus fecit, sine labore et motu suo regit, et pro nutu suo variat, puræ et perfectæ simplicitatis et immutabilitatis statum non excedens. Non enim ideo de malis irasci, vel de bonis gaudere dicitur, quod aliquatenus motum iræ, vel gaudii more animi humani patitur; sed quia tanquam iratus peccatoribus apparet eos puniendo, justus velut gaudens præmia conferendo. Itaque nullo penitus afficitur accidente, sed invariabiliter permanens diversa sortitus est nomina ex rerum varietate, quam fecit.

CAP. VIII. *Quid de singulis in Trinitate personis prædicandum sit quoad prædicata relativa? Licet omnes tres personæ sint unus Deus, et unus Deus sit Trinitas, non tamen ideo triplex appellandus est Deus.*

His prædictis ergo adjungendum videtur esse, quædam alia esse nomina, quæ non de omnibus communiter, sed quædam distincte et relative de quibusdam personis ab æterno sunt enuntiabilia. Nam solus Pater ad Filium relative dicitur Pater gignens, generans, et si quid his simile invenitur. Et hæc nomina de aliis non enuntiantur personis. Nam quod tota Trinitas et unaquæque persona translative Pater quasi Creator et rector universæ creaturæ dicitur; similiter solus Pater ingenuus, qui, quantum ad vocem, nihil aliud esse videtur, quam non genitus. Sed, cum Spiritus sanctus, qui non genitus, tamen non dicatur ingenuus; apparet, quod Pater ingenuus dicitur, ideo, quia nec est genitus, nec est de alio. Non autem substantialio nomen est ingenuus; sed de Patre dicitur per abnegationem relativi, id est geniti, quod Patri non convenit, Filio autem conveniunt hæc nomina alia, *Verbum, Filius, natus, genitus, generatus*, et alia nativitate significantia. Substantialia quoque genituræ determinatione apposita efficiuntur Filii persona, velut *genitus Deus, sapientia nata*; et his omnibus nominibus Filius ad Patrem relative dicitur. Solet et hæc nomine quandoque Filius *sapientia* sine determinatione posita designari, sicut plerumque fit in Proverbiis Salomonis, et tamen est substantionale trium personarum; nam Pater est sapientia, et Filius est sapientia, et Spiritus sanctus

est sapientia. Hæc autem videntur Spiritus sancti persona esse, id est *Spiritus sanctus, donum, procedens*, quando notat processionem Spiritui sancto convenientem. Etenim Filio convenit quodam diverso modo procedere a Patre, et tamen videtur posse procedens appellari: propterea *Spiritus, amor, charitas, dilectio*, et similia de Spiritu sancto distincte et relative solent dici, et maxime determinationibus appositis, veluti, dum dicitur charitas Patris, aut Filii. Cum enim sine determinationibus profertur, non solum de Spiritu sancto relative, sed etiam de aliis personis substantialiter possunt enuntiar. Est enim Pater charitas, et Filius charitas et Spiritus sanctus charitas. Conjicitur ex verbis Augustini, quod hæc appellatio, id est *Spiritus sanctus* in communi significatione de singulis dicitur personis. Dixit enim, Spiritum sanctum, quia utriusque Spiritus est, communi utriusque nominatione appellari; uterque enim, id est Pater et Filius, et Spiritus, et sanctus est, et illis superioribus nominibus Spiritus sanctus ad Patrem et Filium relative dicitur. Procedens enim a Patre et Filio dicitur; et quamvis nullum nomen Patris et Filii personæ videatur constriui relative cum illo nomine Spiritus sanctus, qui est procedens, sive Spiritus, non minus tamen Spiritui sancto convenit relative dici procedentem sive Spiritum sanctum; quod exemplo tali clarius esse potest; si nullo nomine dominus ad servum diceretur, non minus tamen relative competeret esse servum. Præterea est unum nomen, id est *Trinitas*, quod de nulla personarum singulatim dicitur. Non enim Pater est Trinitas, vel Filius, vel Spiritus sanctus, sed tres personæ simul, id est Pater, et Filius et Spiritus sanctus sunt Trinitas, et Trinitas est Pater, et Filius, et Spiritus sanctus. Verum est etiam, quod Trinitas, id est tres personæ omnes sunt unus Deus, et unus Deus est Trinitas, id est tres personæ, non tamen ideo triplex appellandus est Deus. Potest autem hoc nomen Trinitas collectim appellari, cum de nulla personarum per se dicatur, sed simul de omnibus, nec est substantiale nomen, sed pluralitatem designat personarum.

CAP. IX. *Mysterium Trinitatis humanæ animæ similitudine declaratur.*

Superius multis auctoritatibus probatum est, unam totius Deitatis esse substantiam, et esse tres personas unius substantiæ. Cujus rei profunditatem, quamvis impossibile humano ingenio ad plenum comprehendere, tamen ipsius divinx Trinitatis aliquam similitudinem in natura creaturarum, quamvis multum dissimilium, licet qualitercunque investigare, dicente Apostolo : *Invisibilia ejus a creatura mundi per ea, quæ facta sunt, intellecta conspiciuntur* (Rom. i). Relictis autem ad præsens aliis, inspiciamus naturam animæ rationalis, quam imaginem Dei factam esse Scriptura testatur. Anima igitur substantia est corporea [leg. incorporea], et comparatione corporum simplex, nec

partibus suis diversa locorum occupans spatia : Quæ, cum sit sui memor, se quandoque considerat, et cognoscit, et cognitam se diligit. Sunt itaque in eadem simplici substantia animæ tria, scilicet *memoria, notitia, amor*; et cum verissime dici potest, memoriam non esse notitiam vel amorem, sed illa tria a se invicem distincta sunt, tamen non sunt illa tres substantiæ, nec sunt aliud, quam anima et ejus substantia. Et in illis tribus attendendum est, quod ex memoria procedat notitia, et amor sive voluntas ex utraque parte. Nec aliquemoveat, quod ex memoria procedere dicatur, cum prius ex notitia memoria procedere videatur; non sicut a notitia provenit memoria, ita secundo per memoriam de scientia in anima procedente excitatur cogitatio, quæ formata, et rei cogitæ adhærens, notitia, sive mentis verbum appellatur. Ipsa enim mentis conceptio personæ verbum nuncupatur, et de ipsa ad vocem exterius sonantem translatum est verbi vocabulum. Itaque per memoriam excitatur notitia sive verbum, expressam habens similitudinem scientiæ memoriter procedentis, de qua provenit ipsum verbum, et quasi gignitur. Continet enim in se verbum prorsus idem, quod per scientiam memoria sciebatur; unde imago scientiæ potest appellari. Jam vero per memoriam excitata notitia, id est verbo, subjungitur amor, sive voluntas; cum enim ad rem, quam memoriter sciebat anima, cogitando pervenit, vult et amat cognoscere id, quod cogitando reperit. Ad hujusmodi similitudinem animæ, licet a divina natura multum dissimilem pro posse nostro conemur assignare divinam et ineffabilem Trinitatem.

Una est Dei substantia, simplex et incorporea, et unius substantiæ tres subsistentiæ, tres personæ, quarum una non est alia, id est Pater, Filius et Spiritus sanctus, et hi tres nihil aliud sunt quam ipse Deus, et una Dei substantia, velut in eadem substantia animæ tria sunt, id est *memoria, notitia, amor*, quæ tria nihil aliud sunt, quam anima. Sicut autem in substantia animæ procedit a memoria notitia sive verbum, ita a Deo Patre, qui de nullo est, qui est summa sapientia, genitus est ab æterno Filius, id est Verbum certissima cognitione continens quæcumque noscit Pater, et Patris sapientia, et Patris imago non incongrue appellatur, cum Patri sit expresse similis per omnia. Quia vero Pater Filium sibi consubstantialem, et per omnia similem diligit, et Filius amat Patrem, qui eum perfectum et summè beatum de sua substantia genuit, procedit ab utroque amor et benignitas, id est Spiritus sanctus, quemadmodum a memoria et notitia procedit amor sive voluntas. Et cum istæ tres personæ sint ejusdem substantiæ, tamen in tantum distinctæ sunt quod, sicut sola memoria est memoria, et sola notitia est notitia, et solus amor est amor, ita solus Pater Pater est, quia solus Pater genuit Filium; qui solus Filius Filius est, quia solus Filius genitus est; sed Spiritus sanctus,

PATROL. CCIX.

A qui neque genuit, neque genitus est, nec Pater est nec Filius est, sed aptummodo Spiritus sanctus est, et utriusque Spiritus est. Est enim attendendum quod, quamvis verum sit, Patrem genuisse Filium, et Patrem et Filium esse unum Deum, non tamen Deus genuit se ipsum. Non enim divina substantia se ipsam genuit, nec etiam aliam divinam substantiam; sed persona Patris genuit personam Filii: similiter, cum Spiritus sanctus procedat a Patre et Filio, non tamen Deus procedit a se ipso.

CAP. X. *Perfectam summæ Trinitatis cognitionem soli in caelis beati habebunt.*

Satis de sancta Trinitate, quæ est incomprehensibilis, disseruimus, quantum parvitati nostræ a Deo permissum est eam intueri per speculum in ænigmate, id est per similitudinem rationalis creaturæ, et multum ab ea dissimilem. Si quis autem desiderat, ut sibi demonstretur evidentiori ratione, qualiter in una Dei substantia sine diversitate formarum et substantiarum possit esse personarum pluralitas, hic attendat memoriter, quod ad hujus rei perfectam notitiam nemo, quantumcunque subtilis et exercitatus poterit pervenire, quoadiu in hac vita caro inquietabit animam. Nam illa notitia non nisi beatis et jam vita æterna fruentibus convenit, Domino attestante, qui dicit: *Vita æterna cognoscere te Deum unum, et quem misisti Jesum Christum (Joan. xvii)*. De hac eadem notitia dicit Dominus ad Moysen: *Non videbit me homo, et vivet (Exod. xxxiii)*.

CAP. XI. *Auctoritate et ratione ostenditur, in Deo nullas esse proprietates vel relationes, quæ non sint idem cum Deo, sed aliæ res, quam Dei substantia.*

Post alia videtur inquirendum, utrum in Deo sint aliquæ proprietates, quæ non sint idem cum Deo, sed aliæ res, quam Dei substantia? In quo censemus usum communem Ecclesiæ esse imitandum, et sine hæsitatione omni pronuntiandum, neque quantitatem, nec qualitatem, nec relationem, nec aliquam rem prorsus in Deo esse, quæ ab ejus substantia sit diversa. Non enim Dominus magnus dicitur idcirco, quod in eo sit quantitas, nec justus vel bonus idcirco, quod in eo sit qualitas ab eo diversa; sed, teste Augustino, sine quantitate magnus, sine qualitate bonus intelligitur: et, quamvis in divina substantia tres personæ sint, quarum una non est alia, tamen nullis relationibus sive aliis formis inter se differunt; sed quia Deus Filium sibi consubstantialem genuit, et quia Patre Filium diligente, et Filio Patrem, ab utroque procedit amor sive benignitas, id est Spiritus sanctus, idcirco pluralitas personarum in Deo est; non quia relationibus vel aliquibus rebus a Deo diversis personæ a se distinguantur; et quia nullius rei diversæ admistio in Deo sit, non solum rationibus, sed etiam auctoritatibus comprobatur. Isidorus dicit: « Ideo Deus dicitur simplex, sive non amittendo quod habet, seu quia aliud non est ipse, et aliud, quod in ipso est. » Boetius vero in libro *De Trinitate* eam-

dem simplicitatem Dei affirmans sic dicit : « Quo-  
circa hæc vere : unus est , in quo nullus est nume-  
rus, nullum in eo aliud , præter id quod est. » Et  
paulo post : « Ergo nulla in eo diversitas, nulla ex  
diversitate pluralitas, nulla ex accidentibus multi-  
tudo. » Augustinus in septimo libro *De Trinitate*  
multis præmissis subjungit hæc verba : « Et non  
erit, ibi summa jam simplicitas. Sed absit! ut ita  
sit; quia vere ibi est summe simplex essentia. Hoc  
ergo est ibi esse, quod sapere. » Et in eodem libro  
dicit : « Cum conaretur humana inopia loquendo  
proferre ad hominum sensus, quod in secretario  
mèntis pro captu teneret de Domino Creatore suo,  
sive per piam fidem, sive per intelligentiam, timuit  
dicere tres essentias, ne intelligeretur in illa summa  
æqualitate ulla diversitas. » Et paulo post : « Qui-  
bus omnibus non diversitatem intelligi voluit, sed  
singularitatem noluit. » His auctoritatibus mon-  
stratum est, nihil esse in Deo, quod aliud sit ab  
ipso. Sed idem potest rationibus probari; si enim,  
sicut quidam asserunt, in illa summa Trinitate,  
quæ Deus est, non possit alius esse Pater a Filio et  
Spiritu sancto, nisi in eis sint relationes quædam,  
quibus a se differant Pater et Filius, et Spiritus  
sanctus, liquido apparet, quod nullatenus existere  
possit illa summa Trinitas, quæ creavit omnia sine  
admistione et adjutorio rerum a se diversarum.  
Manifestum est etiam, quod in essentia Dei absque  
illarum interventu et auxilio non esset summa suf-  
ficientia et summa beatitudo, si, tanquam illi asse-  
rent, absque illis relationibus non posset Pater ge-  
nerare Filium summe bonum, vel Spiritus sanctus  
summe bonus posset ab utroque procedere; jam  
enim absque illis non posset illa incorporalis pul-  
chritudo Trinitatis existere, sine qua Deus nullo  
modo esse summe bonus posset. Item si tres rela-  
tiones in Deo sunt, jam præter Deum sunt tria sine  
principio, et Deo coæterna, quæ nec Creator, nec  
creatura sunt, nec substantiæ nec accidentia; in  
Deo enim nullum accidens esse potest. Item si tres  
relationes in Deo sunt, et sunt aliæ res, quam di-  
vina substantia, apparet ab æterno non fuisse san-  
ctam Trinitatem, quæ Deus est, sed cum ea quam-  
dam aliam relationum Trinitatem, et ita manife-  
stum est duas esse trinitates in Deo sibi coæternas,  
scilicet unam, quæ Deus est, et aliam ab ipso di-  
versam. Sed de illa trinitate alia in nullo symbolo,  
in nulla synodo, in nulla scriptura canonica aliquid  
propalatum, vel dictum invenitur.

CAP. XII. *Ostenditur, sancti Hieronymi sententiam,  
adversæ opinioni nulla ratione suffragari, uti nec  
verba præfationis in missa de SS. Trinitate.*

Nec nos latet, quosdam velle existentiam prædi-  
ctarum relationum affirmare ex quibusdam verbis,  
quibus in expositione suæ fidei usus est beatus Hier-  
onymus. Ut autem ex ipsis verbis Hieronymi evi-  
denter appareat, eum aliter sentire, et eos aliter,  
qui relationes asserunt, ipsa Hieronymi verba ap-  
ponere curavimus, quæ sunt hujusmodi : « Totam

A Deitas sui perfectione est æqualis, ut, exceptis vo-  
cabulis quæ proprietatem personarum indicant,  
quidquid de una persona dicitur, de tribus dignis-  
sime posset intelligi, atque (ut) confundentes  
Arium, unam eandemque dicimus esse Trinitatis  
substantiam, et unum in tribus personis fatemur  
Deum; ita impietatem Sabellii declinantes, tres  
personas expressas sub proprietate distinguimus,  
non ipsum sibi Patrem, ipsum sibi Filium, ipsum  
sibi Spiritum sanctum esse dicentes; sed aliam Pa-  
tris, aliam Filii, aliam Spiritus sancti esse perso-  
nam; non enim nomina tantummodo, sed etiam nomi-  
num proprietates, id est personas, vel ut Græci  
exprimunt, tres hypostasis, hoc est, subsistentias  
confitemur. » Hæc sunt verba Hieronymi, quæ qui-  
dam male exponentes relationum existentiam eo-  
nantur asserere, maxime insistentes his verbis prio-  
ribus : « Ut, exceptis vocabulis, quæ proprietatem  
personarum indicant, quidquid de una personarum  
dicitur, de tribus dignissime possit accipi. » Dicunt  
autem, nullam aliam proprietatem personarum his  
verbis significasse Hieronymum, quam earum rela-  
tiones ab ipsarum personarum diversas essentia.  
Quem errorem ipse Hieronymus excludere volens,  
quid in priori parte senserit, in sequenti declara-  
vit, ubi ait : « Non autem nomina tantummodo,  
sed etiam nominum proprietates, id est personas,  
vel ut Græci exprimunt, hypostases, hoc est subsi-  
stentias confitemur. » Hoc autem dicendo manifeste  
insinuat nihil aliud (se) appellare proprietatem  
personarum, quam ipsas personas plures, a se di-  
stinctas, nec intelligere aliud esse proprietates nomi-  
num, quam ipsas personas a nominibus designa-  
tas, cum ipse sensum suum evidenter volens expri-  
mere, ita dicat : « Sed etiam nominum proprietates,  
id est personas. » Simili modo determinata sunt  
cujusdam præfationis verba in hunc modum pro-  
lata : « Ut in confessione veræ, sempiternæque  
Deitatis, et in personis proprietates, et in essentia  
unitas, et in majestate adoretur æqualitas. » Nihil  
enim aliud in personis proprietates intelligitur, quam  
earum distinctio, nec aliud est earum distinctio,  
quam ipsarum personarum, quæ a se distinctæ. Sufficien-  
ter dictum esse arbitror contra eos, qui ponunt in  
D Deo relationes, sive alias a Deo proprietates.

CAP. XIII. *Consulatur eorum error, qui soli Patri  
omnipotentiam, soli Filio sapientiam, soli Spiritui  
sancto bonitatem tribuendam esse delirant, putant-  
que ac jactant se mysterium sacratissimæ Trini-  
tatis comprehendisse.*

Hoc loco præterire nolui quorundam profanas  
novitates, quorum stultitia per Dei potentiam, et  
sapientiam et bonitatem existimat discernendas,  
soli Patri omnipotentiam, soli Filio sapientiam, soli  
Spiritu sancto bonitatem assignans; quod homi-  
nes imperitos, et fere totius veritatis ignaros adin-  
venisse manifestum est. Quis enim non penitus to-  
tius expers veritatis ignorat, Deum Patrem esse  
sapientem, qui omnia, antequam essent, congruo

ordine disposuit? Aut quis negat ipsum esse bonum, qui sola bonitate sua naturas rationales creatas creavit de nihilo, ut suæ benedictionis participes efficeret? Similiter de Filio nullus dubitare debet, quod non sit omnipotens, et bonus, per quem omnia facta sunt, et qui bono Patri consubstantialis est. De Spiritu sancto similiter nemo dubitet, quod non sit omnipotens et sapiens, quia ipse *ornavit cælos* (*Job xxvi*).

Tribus ergo omnipotentia, tribus sapientia, tribus convenit benignitas. Et mirum est, qualiter illi insensati homines contra tot auctoritates in hac veritate concordantes audeant suos errores inducere, quibus contra veritatem fidei catholicæ impune mentiri non sufficit, sed apud vulgus illiteratum nomen suum gloriantur per sua signenta diffamare; insuper adentes se ad plenum cognoscere in unitate divinæ substantiæ esse genituram Filii a Patre, et processionem ab utroque Spiritu sancti. Sed eorum contumax præsumptio evincitur a beato Clemente, qui dicit: «Nec quæretur, quomodo genuit Filium, quod angeli nesciunt, et prophetis est incognitum. Unde illud dictum est: *Generationem ejus quis enarrabit* (*Isai. LII*)? quando secretam originem cum proprio Filio novit ipse solus, qui genuit, nec a nobis Deus discutiendus est, sed credendus.» Hoc testimonio sancti Clementis apertissime confuta-

tur istorum stultitia, qui se jactant profundum scientiæ Trinitatis mysterium ad plenum cognoscere. Ergo nulli tanta inesse debet dementia, ut hoc divinæ naturæ secretum incomprehensibile conetur acrimine sui ingenii comprehendere, et tanquam comprehensum præsumat aliis jactanter explanare, et econtra nullus adeo sit obstinatus, ut ideo credere nolit, quia ad plenum non intelligit inscrutabilia mysteria sanctæ Trinitatis; sed quicumque dubitare incipit, quia non intelligit, recurrat ad supradictas auctoritates, quæ affirmant, neminem in hac vita de Deo habere perfectam notitiam. Quibus instructus incipiat de Deo credere, quod credidit Petrus. Hujus umbra infirmos sanavit, et alii martyres et confessores, quorum sanctitas non solum in vita, sed et post mortem miraculis incomparabilibus innotuit. Quod si contigerit argumentis dialecticis, quæ juxta solitum naturæ cursum, et usus vocum inventa sunt, vel Judæum vel hæreticum impugnare veritatem catholicam, quæ est de natura divinæ substantiæ, omnia ineffabiliter transcendente, quamvis Catholici nequeant humana ratione refellere, tamen nihilominus in fide, quæ tantis auctoritatibus munita est, constanter permaneat, memoriter recollens, illam fidem non habere meritum, cui humana ratio præbet experimentum.

ANNO DOMINI MCCHI

# SANCTUS WILHELMUS

ABBAS S. THOMÆ DE PARACLITO

IN DANIA

## SANCTI WILHELMI ABBATIS VITA

AUCTORE ANONYMO, EJUS DISCIPULO

(*Scriptores rerum Danicarum medii ævi, partim hactenus inediti, partim emendatius editi, quos collegit et adornavit Jacobus LANGEBEK, sacr. Reg. Maj. a consiliis status et tabularii sanctioris præfectus; post mortem autem viri beati recognovit, illustravit publicique juris fecit Petrus Fridericus SMITH. Vol. I-VIII, in-fol. — Tom. V (Haunia 1786), pag. 458.*)

### OBSERVATIONES PRÆVIÆ.

Vita hæc exscripta est per B. Langebekium ex magno opere *Actorum Sanctorum*, t. I mons. Aprilis, p. 625-645, cum adnotationibus non indoctis Henschenii et Papebrochii, qui tamen, ut exteri, in rebus nostris Danicis interdum hallucinantur. Vide in primis not. e, p. 652, ubi putant Eschiloe et Isselfort (sic male scribunt pro *Iseford*), idem denotare, nomenque detortum esse ab *Eschil*, cum tamen *Iseford* nostra lingua idem est ac sinus glacialis; Eschilsoe, quæ vox significat Eschilli insulam, aut in nomen suum sine dubio t:axit ex nomine viri Eschil. Doctam sane introductionem hi duumviri vitæ hujus sancti

præmierunt a p. 630 ad 674, cujus summa hæc est : Domum S. Victoris Parisiensis fundatam esse 1120, et primam fuisse in ista urbe regia Canonicorum Regularium S. Augustini; ex hac domo priorem S. Genovefæ Odonem anno 1140 exiisse, cujus disciplina informatus sanctus hic Guillelmus; Wilhelmum mortuum 6 Aprilis et canonizatum per papam Honorium III, anno 1224, XII Kal. Februarii, qui in bulla testatur, se fecisse inquiri de prædicti famuli Dei vita, fama et miraculis per Thomam, quondam archiepiscopum Lundensem, ac per Petrum, Roskildensem episcopum, et abbatem de Ervado (*Herivad*) Cisterciensis ordinis. Pergunt porro docti hi duumviri : « Eodem, quo expedita est bulla anno (nempe 1224), facta quoque solemnitas est; peregit eam Petrus Jacobi (Sunonis) filius, episcopus Roskildensis, et sub episcopo Nicolao Stig facta est translatio in Ebelholt anno 1238. Ad calcem codicis Victorini, ex quo hæc vita edita est, inveniuntur orationes breves quædam in honorem S. Wilhelmi, quas Papebrochius Henscheniusque quidem in introductione inseruerunt. Cum autem, duumviris sæpe memoratis scribentibus, dies mortis sancti hujus viri incidit in diem Paschalem, festum ejus translatum est ad XVI Kalendas Julii, ne identidem impediretur eidem decreta annua veneratio. Postea tamen nomen Wilhelmi sic exolevit apud ordinis ejus fratres, ut nec memoratus sit a Canonicis Regularibus in officiis propriis, nec numeratus inter sanctos sui ordinis in Calendario ante annum 1613; sed tunc cura Pennotti, lecta ejus Vita apud Suriium, nomen ejus prodiit inter propria ordinis officia, primum Romæ, dein Montibus anno 1625, et deinde Venetiis 1643, atque in aliis postea ditionibus.

Hæc Vita edita est a Surio in *Vitis sanctorum*, t. II, p. 98, sed juxta sui ipsius testimonium a se locis aliquot in compendium redacta, plerumque etiam phrasi mutata juxta ejus consuetudinem. Auctores autem *Actorum Sanctorum* hanc postea ediderunt, ut supra dixi, ex codice ms. monasterii S. Victoris Parisiis. Hi doctissimi viri putant auctorem Francum fuisse, et ex eo evincunt, quod *Percas* vocat (ex Francica voce *Perche* sine dubio factas); extremis tamen annis cum eo in Dania vixisse; inde falsas ejus narrationes de S. Wilhelmi actis in Francia fluxisse; credibile enim est sanctum non loqui solum de suis laudibus, quas ergo scriptori fuit necesse ab aliis mutuare, qui per tertiam manum traditas retulerunt res quinquaginta annis ante se in aliena terra gestas. Veritatem autem rerum in Francia gestarum cognoscere possumus ex epistolis abbatis Sugerii, (quorum nonnullæ editæ sunt in Martene *Thesaur. novo Anecdotorum*, tomo I, col. 414, etc., ubi tamen nil hanc ad rem pertinens invenitur) apud Duchesnum in *Historiæ Francorum Scripturis*, t. IV, pag. 495-546, editis (1), ubi præsertim p. 506 edocemur mutationem in ecclesia S. Genovefæ non factam esse ad ardentissimas preces San-Victoriani abbatis, verum ad ipsorummet sæcularium Canonicorum postulationem, quarum tamen, ut ex alia ejusdem Sugerii epistola ad papam Eugenium vidimus, nonnulli valde contradicebant. Claudius du Molinet in epistola ad editores *Actorum Sanctorum* monuit, in Necrologio S. Victoris exstare nomina decem fratrum S. Genovefæ, et inter eos Guillelmi subprioris, qui sine dubio noster Wilhelmus est.

Noster Stephanus in Prolegomenis ad Saxonem, c. 11, p. 10, ait, in bibliotheca Academiæ Hafniensis exstitisse codicem antiquum, et ibi hæc verba reperiri : « Anno Domini 1161 misit Absalon, episcopus Roschildensis, Saxonem, præpositum Roschildensem, Parisios, ad ecclesiam S. Genovefæ, et adduxit fratrem Wilhelmum, cum aliis tribus fratribus, in Daniam. Et factus est abbas S. Wilhelmi in Eschilsio, ubi erant Canonici Regulares, nihil præter nomen et habitum habentes, qui antea habuerant priorem pro prælato. Obiit autem S. Wilhelmus XI anno, postquam curam pastoralem suscepit, et sepultus in monasterio D. Thomæ, in oppidulo Selandiæ Ebelholt dicto, anno 1202. » Hucusque hoc manuscriptum. Mihi clarum est hanc membranam continuisse Vitam S. Wilhelmi, in nonnullis autem diversam ab illa quam in lucem hic edimus, quod mentio Saxonis evincit. Dicta vero membrana perit in incendio Hafmeni 1728. E. apiculus meus Langebekius collegit multa ex Breviariis, etc., uti ex *Breviario Roschii densi*, et Fasciculo n. 670 in ms. Magnæanis, cui titulus : *Historiæ lectiones de Sanctis, Breviario Slesvicensi, Missali Hafniensi*, quod omne tamen omittere decrevi ob rationes superius allatas. In Bartholinianis tomo I, vel II, exstat privilegium Absalonis tunc Roschildensis episcopi, datum monasterio S. Thomæ de Eschildsoe anno 1171, et ejusdem duæ confirmationes, quas dedit, alteram episcopus, alteram archiepiscopus, pluresque aliæ litteræ confirmatione et gratiis plenè paparum, regum nostrorum et archiepiscoporum Lundensium, usque ad Christianum II et annum 1517 de monasterio in Ebelholt, ubi etiam, p. 581, occurrit institutio domini abbatis Wilhelmi super anniversaria die ejus, quomodo sit agenda post obitum ejus, ubi inter alia nos docet, patrem ejus fuisse vocatum Radullum et matrem Emeliniam. Natalem autem locum non nominat; invenitur autem in Saussayi *Martyrologio Gallicano*, p. 193, Lutetiæ Parisiorum. Post obitum fama S. Wilhelmi, inclaruit apud exteros. Sic enim scribitur de eo in *Chronico Alberici*, part. II, p. 528, « anno 1228, in Dania, S. Guillelmus abbas canonizatus a papa, multa miracula fecit de die in diem; » et in *Annalibus Colmariensibus* apud Ursticum, t. II, p. 6 : « Anno 1232. S. Wilhelmus miraculis claruit. »

Apud nos etiam magna semper fuit fama S. Wilhelmi, quare patres nostri magna contentione asseruerunt exstare apud se quasdam sacri ejus corporis reliquias; uti canonici ecclesiæ D. Mariæ Hafniæ digitum ejus; minores Hafnienses de tunica, de calceis et de cingulo ejus; minores Roskildenses articulum digiti, item de calceis, de terra et baculo, de cista et de ossibus ejus, ut docent nos libri reliquiarum postmodum in hoc opere edendi. Non longe a Ringstadio apud Vigersted est in Sialandia adhuc fons, qui vocatur S. Wilhelmi, et ab ægrotis visitatur vigilia S. Joannis Baptistæ. Maximam tamen sui memoriam apud nos reliquit epistolis suis, quæ adhuc exstant, licet nonnullæ perierint, et post vitam hanc locum obtinebunt. Præterea reliquit *Genealogiam regum Danorum* a Langebekio editam, t. II, p. 154-163, quæ scripta est in gratiam Ingeburgis reginæ, ut monstraret S. Wilhelmum nullam consanguinitatem intercedere inter eam et maritum Philippum Augustum, Franciæ regem, cujus prætextis rex voluit matrimonium dissolvere, qua in re S. Wilhelmus multos labores et diligentiam magnam præstitit Kanuto VI regi nostro fratricide Ingeburgis.

Quod translatus S. Wilhelmi facta sit 1238 discimus ex *Annalibus* apud Langebekium, t. IV, p. 24, ex *Chronologia*, t. II, p. 168, et ex *Chronico Sialandiæ*, p. 629.

Ad monasterium de Ebelholt quod attinet, quæ supersunt ruine ejus monstrant præcis temporibus magnum illud fuisse. Apparent etiam vestigia horti. Hoc epitaphium adhuc ibi servatum est : « Hic sepultus est nobilis vir D. Ake Andreæ miles cum uxore Anna Dorothea, qui ob. Dronningholm; orate Deum pro illis. 1520, » cum duobus insignibus, et infra « 1511 Virgo Anne Bilds Datter (filia). » Apud Apud Langebekium, tom. IV, pag. 624, in *Chronico Sialandiæ* exstat ejusmodi epitaphium sancti hujus viri :

(1) Epistolæ Sugerii exstant *Patrol.* t. CLXXXVI.



*Parisiis natus, dictis factique ceatus,  
Mundo sublatus, jacet hic Guilielmus humatus.*

In diplomatibus invento sequentes abbates in Ebelholt post Wilhelmum : Riccardum 1218; Wilhelmum 1258; Ascerum 1385; Benedictum Esberni 1405 et 1417; Mathæum 1425; Joannem Andréæ 1435 et 1449; Thomam Budh 1457 et 1464; Jeip Nicolai 1477 et 1498; Claudium Martini 1505 et 1512; Nicolaum Juni 1505, 1512 et 1515. Religione evangelica in his regionibus introducta, monasterium hoc fuit cum aliis sæcularizatum, annoque 1548 possessum ut feudum a Christophoro Thrandi. Demum cum opido destructum, cum arx Fridericsburgensis edificaretur. Vide Sperling in Test. Abs. not. 40. Juxta litteras regis Friderici II de die 29 Maii et anno 1561, tunc etiamnum stetit ecclesia de Ebelholt, quæ erit magna et vasta. In libro Datico Lundensi apud Langebekium, t. III, p. 500, vocatur hoc monasterium Sancti Thomæ et Sancti Wilhelmi de Parachto.

## INCIPIT VITA.

### CAPUT PRIMUM.

*Ad S. Genovefæ sæcularem canonicum dissoluti collegæ persequuntur, Regulares illuc inducuntur.*

Beatus Wilhelmus, ex nobili ortu prosapia (1'), venerabili viro Hugoni, abbati S. Germani de Prælia (2), a parentibus suis ad educandum traditus fuit, qui eum ut nepotem suum benigne suscipiens, litteralibus studiis diligenter erudiri fecit. Cumque adhuc infantulus in claustro apud S. Germanum nutrireretur, ac primis elementis litterarum informaretur, studiosè considerabat, quomodo monachi in claustro sederent, legerent, cantarent et orarent; unde, velut apud prudentissimam, florum diversitatem inveniens, munera mellis ab eis suscepit, et in favo cordis sui recondedat. Meditabatur namque tunc mente puerili, quod devotus postea impleret ætate senili. Divina itaque sibi cooperante gratia, multos cœvos suos docilitate ingenii præcellens, studio liberalium artium transcendit; atque inter ipsos magistros artium scientiæ et doctrina conspicuos, famosus habebatur. Igitur abbas Hugo de profectu et honestate morum nepotis sui exsultabat uberius, et gratias Deo agebat; volensque ejus utilitati in posterum esse provisum, ei in subdiaconum promotum præbendam in ecclesia Parisiensi apostolorum Petri et Pauli et B. Genovefæ, in qua tunc sæculares erant canonici, acquisivit. Factus itaque canonicus sæcularis, omnia, quæ ad eum pertinebant, prudenter exsequabatur. Anima advertens etiam, quod in tenera ætate sui educatus monachos in quiete degentes facere cognoverat, accepto libro sæpius in claustro solus sedebat et legebat, et in divina lectione se exercebat.

Quod violentes concanonici sui, indignati sunt vehementer; et ejus bonis moribus invidentes, unde deberent proficere, inde cœperunt deficere. Cogitationes suæ adversus eum erant in malum, inflammata a gehenna. Stridebant siquidem dentibus in eum, nec poterant ei quidquam pacifice loqui; *sepu/crum enim patens erat guttur eorum, linguis suis dolose*

*A agebant, venenum aspidum sub labiis eorum (Psal. xlii). Unde convenerunt in unum adversus (1'sal. ii) innocentem, dicentes : « Viri fratres, quid faciemus? Ecce homo iste multa contra nos et consuetudines nostras facit : nam contrarius est operibus nostris, monasticam volens super nos inducere vitam. Ad memoriam revocemus, quod ait philosophus (3) :*

*Principiis obsta : sero medicina paratur,  
Cum mala per longas convaluere moras.*

Obstemus igitur ejus malis adinventionibus et eas radicitus extirpemus; nam si dimiserimus eum sic, venient non tantum Romani, sed et summus pontifex et Francorum rex, et tollent nobis locum, nobisque ejectis, viros alterius schematis in tabernaculis nostris regnare facient, et erimus in proverbium omni populo. » Hæc et his similia quasi spiritu prophetiæ inter se alternabant; ignari quod tale quid eis post annos paucos esset venturum.

Ab illo ergo die cogitabant, quomodo eum affigerent, et fraude circumventum a sua canonica citius eliminarent; et rei facti sunt in cogitationibus suis. Unus ergo ex ipsis, qui ei cæteris familiarior esse videbatur (nescitur ex propria deliberatione, an aliorum suggestione) sub quadam dilectionis specie, quam non gestabat in corde, eum convenit secreto, dicens : « O charissime et omni dilectione dignissime, est secretum, quod tibi volo dicere, si tu adjuratus promiseris hoc te nulli manifestaturum, donec opere complevero, quod mente pertracto. »

Ad hoc vir Domini respondit, se optime posse habere celatum, quod illa voluit esse secretum. Tunc ille : « Diu est, charissime frater, quod desiderio vitæ cœlestis, vitam istam, quam tenemus, mutare disposui; nam licet vocatur vita, mors tamen potius dicenda est quam vita; quia amatores suos ad æternam perducere cognoscitur mortem. Mundus enim in maligno positus est, et omni immunditia plenus, qua suos indesinenter irretit; unde attendamus quod Dominus in Evangelio ait : *Vigilate, quia nescitis diem neque horam (Matth. xxiv)*. Et iterum :

1145.

(3) Ovidius in *Remedio amoris*, v. 91 et 92.

(1') Natus sub annum 1105, quippe qui anno Christi 1203 ætatis 98 obiit. LANGEBEKIUS.

(2) Hic Hugo factus est abbas 1116, et mortuus

Qui non renuntiaverit omnibus his quæ possidet, non potest meus esse discipulus (Luc. xiv); Et Apostolus: Hora est jam nos de somno surgere (Rom. xiii). Surgamus ergo de somno culpæ et ornemus lampades nostras, et cum prudentibus simus vigiles; ut, veniente patrefamiliâs, sine repulsa ingrediamur cum eo ad nuptias. »

Cumque ille intente auscultaret verba ipsius, adjecit: « Si fuerimus duo, fovebimur mutuo obsequio. » Cui vir Dei respondit: « Salutaria sunt, quæ perorasti, et sapienti super aurum et lapidem pretiosum desiderabilia. Sed quid faciemus? » At ille: « Si vere caduca et transitoria mundi relinquere voverimus, nos cum nostris Deo fideliter in religionis habitu offeramus. » Ad hæc ille subridens, ait: « Nondum velle habeo monachari; sed pro salute animæ meæ et tuæ, si dictis facta compenses, faciam quæ hortaris; ita tamen, ut quod te prius videro aggressum, tutius ipse sequar. » At ille gaudens, intulit: « Bene dixisti, ita fiat. » Cumque sæpius inter se de contemptu mundi et de suo proposito familiaria sererent colloquia, placuit utrique quantocius adire monasterium monachorum, quod Charitas (4) nuncupatur. Quo cum pervenissent, dator hujus consilii, accito Patre monasterii, causam adventus ipsorum humiliter aperit; quorum adventu ex voto ille gavisus, charitatis brachiis eos amplectitur, et in hunc modum dat responsum: « Dominus noster ait: Qui venit ad me non ejiciam foras (Joan. vi). Huic ego innixus sententiæ, libenter vobis temporalia et spiritualia hujus domus impertiar, et huic sanctæ congregationi vos associare curabo, si a proposito non defeceritis. » Cui cum grates pro tam dulci responso, et pro eo quod eorum decrevisset acceptare petitionem, retulissent multimodas; jubet abbas eos in hospitium recipi, et eis necessaria administrari.

Cumque residerent, ille Wilhelmum sic alloquitur: « Jam, Domino favente, bonum opus et saluti animarum nostrarum proflucum inchoavimus; restat ut; ipso adjuvante, ab incepto nequaquam desistamus. Quam felix es, frater dilecte, quod nullus impedimento temporali subjaces; sed ab omnibus expeditus, habitum ad præsens cum his sanctis viris potes accipere! Me autem ad modicum oportet domum repedare, ut matri et sorori meæ tutorem provideam; quia impium et gravissimum esset mihi peccatum, eas sine tutela relinquere; cum Apostolus dicat: Si quis suorum curam non habet, maxime fidelium, fidem negavit et est infideli deterior (I Tim. v.) Tu autem æquo animo esto, et noli ægre ferre ad tempus absentiam meam; sed quod habes facere, fac citius (Joan. xiii). Ego autem expleto termino induciarum a te mihi creditarum, coram Deo et sanctis ejus me promitto velocius reversurum. » Tunc Wilhelmus, quod Spiritu Dei hæc non agerentur persentiens, sed ut eum a

(4) In Actis sanct. M. Apr., t. I. p. 627, not. C, putatur Charitatis monasterium fuisse in diocesi

A se disjunctum loris vinciret claustralibus, sic respondit: « Maturior ætas te ad præcundum provocat, me autem ætate juniorem non te prævenire, sed magis decet subsequi: hoc etiam in initio admonitionis tuæ me tibi recolo pollicitum fuisse. » Tunc hujus doli inventor, videns fraudis suæ commenta effectu frustrari, longa suspiria ab imo traxit pectore, atque dicebat: « Differamus ergo in aliud tempus. » Et sic a claustro recedentes, per iter quo venerant remeabant, et in se ipsam reciproca, mentita est iniquitas sibi (Psal. xxvi).

Dominus abbas Hugo, semper eodem zelo dilectionis circa profectum nepotis sui inconcusse fervens, cum in gradum diaconi promovendi voluit, quod cognoscentes æmuli sui, dolore cordis intrinsicis tacti, timebant, ne, si ordinaretur in ecclesia sua, ad majorem proveheretur dignitatem. Ideo timori suo solatium excogitantes, episcopum Parisiensem precibus circumvenerunt multimodis, ut cum omnino ad promovendum non susciperet, aut eo tempore sacros ordines facere penitus desisteret. Quorum precibus episcopus victus, et eorum verbis nimium credulus, quia eum in multis accusabant, sacros ordines facere distulit. Sed Deus omnipotens, qui comprehendit astutos in astutia sua, et perdit sapientiam sapientium, et intellectum intelligentium reprobatur, quod moliti fuerant contra nepotem suum, abbatem Hugonem minime latere voluit. Unde idem abbas illum cum litteris suis Silvanectensi (5) episcopo ordinandum transmisit; et quod voluit, idem episcopus devotus implevit.

Adeptus itaque diaconatus officium, domum rediit, nullo canonicorum suorum sciente, quo vel ad quid abierat. Sabbato subsequenti intitulatur ad homiliam legendam, quia vicarium propter eorum importunitatem habere non poterat. Hoc autem faciebant, ut ipso non habente qui Leviticum pro eo officium expleret, secundum quod institutio præbendæ suæ exigebat, scandalizaretur; et ipsi materiam malignandi contra eum haberent. Nocte Dominica, cum septima lectio pronuntiari debuisset, ipse ad eandem pronuntiandam accessit, et aperto libro, alta voce: *Jube, Domine*, personuit; erat autem evangelium (Luc. xi): *Erat Jesus ejiciens demonium, et illud erat mutum*. Ad cujus jussionis vocem repleti stupore magno et extasi, in eo quod contigerat illis, obmutuerunt et siluerunt a responso benedictionis; et quoniam renovatus est dolor eorum, relictis matutinis et choro, exierunt unus post alterum, incipientes a senioribus, et remansit Wilhelmus solus ad pulpitem, et magister Albericus in medio choro, qui erat vir bonus et justus: hic non consenserat consilio et actibus illorum, sed exspectabat regnum Dei.

Manc factis, cum canonici in unum convenissent, et de his quæ facta fuissent ad invicem ruminarent; superveniens magister Albericus, sic orsus est loqui: « Hoc vere possumus dicere, quia hac nocte Bisontino, quod fundatum est 1153.

(5) Hodie Scitis.

vidimus mirabilia. Et quis non miretur? mirum non est, quod unicus omnipotentis Dei Filius dæmonium, quod erat mutum, ejicere potuit, et loquente muto miratæ sunt turbæ; sed illud mihi magis admirabile quod domino Wilhelmo homillam pronuntiante: *Erat Jesus ejiciens dæmonium*; ejecti sunt concanonici sui de ecclesia, homines videlicet rationales; et ipso loquente, facti sunt muti; et fratres sui elongaverunt ab eo, et noti quasi alieni recesserunt. Ipso sermonem finiente, facti sunt persecutores servi Dei in parabolam omnibus, qui hæc audierant.

Beatus autem Wilhelmus, jugi meditatione verbi Dei roboratus, in omnibus se prudenter regebat, ut cum Psalmista posset dicere: *Dominus mihi adjutor est, non timebo, quid faciat mihi homo* (Psal. cxvii). Et iterum: *Mihi autem adhærere Deo bonum est, ponere in Domino Deo spem meam* (Psal. lxxii). Cumque adjutorio Dei, cujus judicium abyssus multa, et contra cujus examen non est stabile hominis consilium, patientia armatus adversarios suos, in incepta malitia perseverantes, redderet inermes; cujusdam præposituræ dignitate sublimatur. O Christi pietas, omni prosequenda laude! qui famulum suum in tempore beneplaciti sui novit extollere, quem ante tempus illi invidiæ moliebantur opprimere. Concanonici autem sui, turpi marcentes otio, in apparatu regio cederunt et hiberunt ad luxuriam, in superbia et in abusione, usque in diem, in qua dominus Eugenius papa intravit Galliam, habens præter ea, quæ extrinsecus erant instantia quotidiana, sollicitudinem omnium Ecclesiarum sibi a Deo commissarum. Ille superbiam eorum confregit, et ad nihilum redegit; nam, illo adveniente Parisius, quod metuebat evenit, et quod verebantur accidit eis (Job iii): non fortuito quidem, nec Wilhelmi actum aut præmeditatum consilio; sed divinæ sapientiæ justo cuncta disponente judicio.

Volens itaque dominus papa scire, si florisset vinea, si flores fructus dedissent, secessit in partes Galliæ: cui Parisius appropinquanti rex Ludovicus et episcopus ejusdem civitatis, cum multitudine clericorum et laicorum, occurrunt; et honorifice susceptum ad ecclesiam B. virginis Mariæ cum magno tripudio perducunt. Post paucos dies placuit ei ecclesiam B. Genovefæ visitare, et ibi divina celebrare, quia apostolica dicebatur. Quo cum pervenisset, pallium sericum ante altare a ministris ecclesiæ deponitur, ubi dominus papa ad orandum prosternitur. Oratione completa vestibulum ingreditur, et ad missam celebrandam sacris vestibus induitur. Interea ministri domini papæ pallium sericum tollunt, affirmantes illud sibi deberi, secundum antiquæ consuetudinis morem. Quod famuli canonicorum indigne ferentes, pallium ab eorum manibus extrahere moliantur: Romani contra totis nisibus illud sibi adtrahere non desistunt. Quid in his moror? Trahere ad invicem non destiterunt, donec

A scisso frustatim pallio pugnæ se percuterent, et ministri ecclesiæ servos domini papæ sanguinolentos adhibitis fustibus redderent. Cumque clamor discordantium in ecclesia attolleretur, occurrit rex Ludovicus, eos compescere volens; illi vero, quia *obscuratum erat insipiens cor eorum* (Rom. i), regem in decore suo venientem non verebantur, sed eum sicut alios validis ictibus affecerunt.

Cumque hæc agerentur, quidam ex familia domini papæ, scissa veste et facie unguibus exarata, domini sui advoluti pedibus, lacrymabiliter ei injurias suas proponunt, dicentes: *Ecce quomodo honoratur, quos dominus papa vult honorari. Talene nobis debetur præmium, qui reliquimus Romam et nostram, et secuti sumus te? Habeat jam Roma pudorem: nusquam fuimus sine honore nisi in ecclesia ista, in qua acciderunt nobis mala, quæ non merebamur; unde: *Opprobrium facti sumus vicinis nostris, subsannatio et derisio his qui in circuitu nostro sunt* (Psal. lxxviii); sed, si quid potes, aufer opprobrium nostrum* (Isa. iv). Cum autem apostolicus cuncta cognovisset, quæ facta fuissent, nimia exacerbatus indignatione, respondit: *Mihi vindicta et ego retribuam* (Rom. xii). Et accersito domino rege Ludovico, sic fatur: *Ego ob reverentiam apostolorum Petri et Pauli et B. Genovefæ, huc accessi divina tractare mysteria: et canonici hujus ecclesiæ, maligni, et insipientes, timorem Domini abjicientes, famulos meos, ut me ad iracundiam provocarent, pugnæ et flagellis ecciderunt. Sed ne diu glorientur in malitia sua, tu, qui causa ecclesiæ hujus tueris, mihi de præditiis transgressoribus justitiam exhibere ne moreris.* Rex autem domino papæ, a se justitiam quærenti, ait: *Pater sancte, cui querelas injuriæ mihi illatæ exponam, aut quis mihi justitiam faciet? nam ego ut vestri, dum eos disjungere conarer; graves ictus furentium sustinui. Sed cum tibi a Domino ligandi atque solventi justo judicio collata est potestas, ecce in manu tua sunt; redde retributionem eorum ipsis.* His dictis, simul ab loco illo recesserunt.

Cum autem simul pergerent, iterum ortus est sermo inter illos, quomodo superbiam illorum canonicorum destruerent, et vineam illam aliis agricolis locarent, qui redderent fructum ejus temporibus suis. Nec tamen cuiquam eorum violentiam inferre voluerunt, ut præbenda sua privarentur, priusquam Deus tolleret eos de medio, quia multi ex eis nobiles et scientes exstiterunt; sed ut injuriam eis illatam, sine peccato, per viros religiosos vindicarent, eis ecclesiam B. Genovefæ committendo. Deceverunt ergo Nigros monachos ibidem esse constituendos; sed hoc eos maxime angebat, quod ad eorum emolumentum, præter unam præbendam, quæ tunc forte vacabat, non habebant. Abbas itaque S. Victoris, comperto eorum consilio de mutatione ordinis, dominum papam et regem Ludovicum precibus circumvenit affectuosius, ut ordo S. Augustini in ecclesia, ad honorem Dei et apo-

stolorum Petri et Pauli et B. Genovefæ virginis, horum patrocinio institueretur : multis asserens assertionibus, quod facilius ex contumacibus illis ad regularem vitam ipsorum, quam ad habitum et consuetudinem monachorum converterentur.

Apostolicus autem et rex Ludovicus, cognoscens bonam famam ipsius abbatis et suorum fratrum, et religionem ipsam per omnes vicinos eorum extolli et domum S. Victoris magnæ charitatis odore redolere; petitioni abbatis, justo desiderio flagrantis, gratum præbuerunt assensum. Electus est die postero in abbatem Odo prior, homo sanctæ conversationis ac totius prudentiæ, et religionis indefessus amator : missique sunt cum eo duodecim canonici, viri honesti et bonæ famæ ad ecclesiam B. Genovefæ, sicut ipsius virginis decebat puritatem; sieque ordo B. Augustini in ecclesia B. Genovefæ, privilegio domini papæ Eugenii ac Christianissimi regis Ludovici, immutabiliter confirmatus, usque in hodiernum diem ibidem conservatur. Ecce ut in principio commemoratum est, canonici priores, Calphæ prophetiam habentes, locum suum perdidērunt, et datus est locus ille genti alienæ, genti videlicet religiosæ, vineam Domini religiose excellenti.

## CAPUT II.

*S. Wilhelmus, e sæculari regularis canonicus factus, magni zeli exemplum præbet.*

Cum hæc agerentur, Wilhelmus in præposituram suam secesserat, de rebus domesticis cum amicis suis tractans et disponens, die sequenti, cum ad mensam suam diversis ferculis oneratam cum suis discubisset, ecce quidam subito intravit, qui eum sic allocutus est : « Salutat vos dominus abbas Odo de B. Genovefa, et litteras istas vobis transmittit. » Ille ultra quam credi potest admirans salutantis verba, ait : « Quis est ille abbas, vel quando fuit abbas in ecclesia B. Genovefæ? » Cui nuntius : « Odo, prior de S. Victore, ipse est abbas in ecclesia B. Genovefæ, heri a summo pontifice et domino rege ibidem constitutus. » Ad hæc Wilhelmus : « In somnia hæc audio? An vera mihi refers? » — « Vera sunt, » inquit. Tunc discutiens seriem litterarum, vidit sibi mandatum ab abbate Odone, ut capitulum suum quantocius adire non supersederet. Surrexit itaque refectionis curam postponens, et valedicens omnibus, ait : « Vadam et videbo, si est hæc mutatio dexteræ Excelsi. » Cumque claustrum B. Genovefæ intrasset, vidit ibi viros schemate religionis adornatos. Credidit ergo sermoni, quem dixerat illi nuntius; sed tamen vehementer intra se hæsitabat, cur hoc evenisset, aut quæ causa fuerit hujus mutationis. Nuntiat proliquis abbati adventus domini Wilhelmi; cui festinanter occurrit, et in osculo pacis susceptum devotissime amplectitur.

Cumque residerent, ac inter se miscerent colloquia alterna, adventus sui suorumque modum, et cætera quæ illis evenerant diebus, abbas pandit Wilhelmo; quibus relatis, cœpit eum de contemptu

A mundi admonere, dicens : « Fili, si dives esse cupis, veras divitias require; si gloriam dignitatis diligis, in illa superna angelorum curia ascribi festina. Animadvertite quod Dominus in Evangelio ait : *Qui amat patrem aut matrem et agros aut domos et cætera plus quam me, non est me dignus* (Matth. x). Et iterum : *Beati pauperes spiritu, quoniam regnum Dei; beati qui nunc esuritis, quoniam saturabimini* (Matth. v). Et B. Joannes Evangelista ait : *Nolite diligere mundum, neque ea, quæ in mundo sunt; quia si quis diligit mundum, non est charitas Patris in eo* (I Joan. ii). Huic bene concordat B. Jacobus apostolus, dicens : *Quicumque voluerit amicus esse hujus sæculi, inimicus Dei constituitur* (Jac. iv). Ne tardes ergo converti ad Dominum, et ne differas de die in diem; ne subito veniat ira Dei super te, et in tempore vindictæ disperdat te. Valde stultus est, qui pro eo, quod parvo tempore luxuriæ deservit, suumque miserum desiderium pravis delectationibus pascit; et celestem perdit ainoenitatem, et æternam incurrit damnationem. Igitur renuntia omnibus, quæ possides, et bajula crucem Christi quotidie; qui cum esset dives et præpotens, rex cæli et terræ, sponte pauper factus est pro nobis, ut nos divites faceret secum in regno cælorum. »

Postquam finem his imposuit monitis, apprehensa manu ejus, duxit illum ad vitream fenestram, in qua erat imago Crucifixi depicta. Tunc renovato sermone ait : « Videsne, mi domine, hanc imaginem, et consideras? » Cui ille : « Video planè et diligenter considero; nam si hoc mysterium mihi vetus est, per usum est tamen mihi semper novum; propter eum qui nos reformavit et conformavit corpori claritatis suæ, et renovat hominem nostrum interiorem de die in diem. » Intelligens abbas cor ejus a Spiritu sancto inflammatum, iterum : « Vides quantæ amoris dulcedine te sibi alligare cupit et extensis brachiis suscipiendo amplecti, qui pro te se permisit crucifigi? » Protinus vir Dei, lacrymarum imbre ora perfusus, et propter nimium singultum vix verba valens edere, cum timore respondit : « Utinam scire possim, quod me dignaretur habere servum sibi, et præteritæ iniquitatis et fragilitatis meæ errores dimittere! » Ad hæc abbas : « Ego lidejussor ero, si sanis monitis obtemperare volueris, quod non solum peccata tua dimittet, verum etiam post vitæ hujus terminum cum sanctis suis æterna coronabit gloria. » Nec mora, Wilhelmus ad pedes corruens (habuit fidem dictis; seque et sua Deo benigne commendavit, et sic de hujus mundi naufragio nudus evasit.

Lætatur Christi familia de tanti juvenis conversione, nec minus gaudet ex insperato auxilio tam repente sibi cœlitus transmissio. O bone Jesu, quam magnificata sunt opera tua! (Psal. xci), nam omnia opera nostra, ut ait propheta, operatus es in nobis (Isa. xxvi). Jam expletum esse cernimus, quod te dixisse legimus : *Facilius est camelum per acus*

foramen transire quam dixitum regnum caelorum intrare (Math. xix), sed cum homines terrena tantum sapientes interrogarent, quis ergo potest salvus fieri? respondi: *Quæ apud homines sunt impossibilia, possibilia sunt apud Deum (Luc. xviii)*. Ecce, quia hunc ad gratiam prædestinasti, facile de superbo humilem, de divite pauperem facere potuisti. Dicat quisque quod sentit in laude apostolorum Petri et Andrea germanorum scriptum, quod ad unius jussionis vocem prædicantis Domini, relictis retibus et navi, secuti sunt Redemptorem; iste vero non tantum ad Domini, sed ipsius servi admonitionem: non solum retia et navem, sed prædia et possessiones, domos et familias, divitias et honores, insuper et semetipsum reliquit. Nec hoc ideo dicimus: « ut eum summis æquiparemus apostolis; sed sic approbamus minora opera, ut non vituperemus majorum magnalia. »

suscepto itaque habitu regulari, Wilhelmus appositus est ad cæteros fratres, et adnumeratus est cum illis duodecim; et mutato habitu, mutatus est in virum alterum; atque divina cooperante gratia, quæ sibi eum vas electionis præviderat, proficiebat de virtute in virtutem, ut dignus haberetur videre Deum Deorum in Sion (Psal. lxxxiii). Erat enim præditus virtute charitatis, humilitate præcipuus, patientia fortis, obedientia tractabilis, et ad cætera genera virtutum promptus. Insistebat lectioni, orationi, divinæ contemplationi; vigiliis, jejuniis artus domabat corporis; et qui solebat in sericis procedere indumentis, post in abjectis vestibus servit pauper pauperibus; divitiarum præteritæ vitæ oblitus, panem furfureum, ut cæteri, edebat, et herbas agrestes in edulium præparatas cum gratiarum sumebat actione; non enim alias delicias duæ præbendæ tantum, in principio ipsis fratribus et familiæ eorum, præbere poterant. Unde fortis athleta Christi, in incepto stabilis religionis atque ordinis, in tantum vehemens æmulator exstitit, quod cum superioris fungeretur officio, nulla patiebatur ordinis instituta transgredi.

Illis et aliis hujusmodi virtutum studiis cum se indesinenter exerceret, jamque probatus Deo et hominibus existeret; Dominus noster Jesus Christus, juxta illud evangelicum: *Qui diligit me diligetur a Patre meo, et ego diligam eum, et manifestabo ei me ipsum (Joan. xiv)*; quadam nocte, cum membra sopori dedisset, apparuit ei in visione in specie pulcherrimi juvenis, vocansque eum proprio nomine ait: « Noveris te ad quamdam insulam mecum profecturum, ubi multa tentationum genera perferes atque molestias; sed his meo adjutorio superatis, deposito carnis onere, mecum eris in paradiso (Luc. xxiii). » Quid autem vellet sibi talis visio talisque admonitio, nequaquam poterat conjicere, antequam in Daciam, ad insulam, quæ Zelandia est vocabulo, ubi nunc requiescit, vocaretur.

A Recursis post hæc non multorum annorum curriculum, abbas Odo in senectute bona migravit ad Dominum, quo defuncto dominus Garinus, ejusdem monasterii prior, quia vir honestus et litteratus et providus in agendis habebatur, in abbatem eligitur. Postquam autem consecratus et in sede sua erat confirmatus, habitus est sermo ad fratres in capitulo de priore substituen.º. Fuit ibi quidam, cui abbas omnimodis affectabat dare prioratum, annuentibus cunctis et abbati consentientibus; sed resistebat ille frater, dicens: « Justum est, ut in regali abbatia officiales per regem in officiis suis imponantur. » Quod audientes fratres, conturbati vehementer, dixerunt: « Si vis secundum ordinis tenorem prioris suscipere officium, consentimus electioni tuæ; sin autem terminos, quos posuerunt Patres nostri, transgredi tentaveris, nunquam ad illud continges. » Illo autem in suo proposito persistente, abbas, ut sui incepti compos fieret, fratrem illum secum ad regis palatium duxit; et quia ignota regi erat ordinis institutio, factus est illi prior ab eo in palatio. Optatum itaque reportans effectum, hora refectionis accessit ad cymbalum, et percusso cymbalo convocavit conventum. Fratres hoc videntes, quid facerent, quid dicerent? Loqui non poterant; sed nutibus et signis interiore cordis amaritudinem demonstrabant. Quia vero justus ut leo confidit (Prov. xxviii), Wilhelmus animatus zelo ordinis et amore justitiæ, post ingressum refectorii præsumptorem illum, a nola submovit et subpriorem adhibuit.

Submctus ille cum rubore exivit dedecusque sibi illatum cum magno gemitu abbati exposuit. Conquerentem blande consolatus est, dicens: « Si ista Wilhelmo de S. Germano non reddidero, nunquam abbas ero. » Fratribus in capitulo mane congregatis, proclamatus est Wilhelmus, quod manum priori imposuisset violentam. Negat ille, se unquam priori aliquam intulisse injuriam. Post aliquos vero verborum discursus sic fatur: « Si in his aliquid peccavi, quod ab officio prioris, non priorem, sed ordinis prævaricatorem abegi; præstum emendatoriam subire vindictam. » Et veniam sumens, continuo damnatur silentio; et ut singulis septimanis tres dies in pane et aqua jejunans, in terra sine mensali sedeat. Ille vero talem sententiam non abhorruit, sed animadvertens, pastoris sententiam esse timendam, justam sive injustam, quod suo capiti injunctum fuerat humiliter sustinuit. Exiit tunc sermo inter fratres, quod discipulus ille injusto damnatur officio; quamobrem quidam dominum apostolicum qui tunc Senonis morabatur (6), cum festinatione adiit, et omnia secundum quod acta fuerant tento Patri intimavit. Summus pontifex non bene ferens ordinis prævaricationem, et innocentem graviter sententiatum, abbati de S. Genovefa subito mandavit, ut suæ præsentie sine mora se exhiberet, et Wilhelmum su-

(6) Id factum est anno 1163 juxta auctores Act. Sanct. M. Apr., t. I, p. 624.

itineris faceret consortem. Paruit ille mandato, assumptoque secum Wilhelmo, venit Senonis, assistensque summo pontifici, temeritatis et indiscretionis arguitur, et Wilhelmus a sententia liberatur; et ne de cætero officiales contra ordinis instituta eligantur vel instituantur, districtissime præcipitur.

Dum medium silentium tenerent omnia, et quæque procella tempestatis in ecclesia illa videretur sedata; murmur factum est in populo, quod caput B. Genovefæ de loco sancto suo esset sublaturum. Spiritus hujus blasphemix regias tandem percussit aures; unde ex relatis dominus rex Ludovicus immensa furoris ira exacerbatur, juravit per Sanctum de Bethlehem, quod, si hoc verum foret, omnes canonicos flagellis cæsos de ipsa ejiceret ecclesia et adhibitis custodibus, qui custodiam haberent de thesauro et reliquiis illius monasterii, litteras ad archiepiscopum Senonensem et suffraganeos ejus, ad abbates et priores ejusdem episcopatus misit, præcipiendo, ut omnes in die ab ipso præfixo, hujus rei veritatem indagaturi, Parisiis convenirent. Fratres jusjurandum regis percipientes, conturbati sunt, commoti sunt, tremor apprehendit eos; et quamvis formidabilis erat eis ira principis, magis tamen de thesauro præstantiore auro et margarita pretiosa, quem sibi verebantur ablaturum, doluerunt. Præ cæteris autem anxius est spiritus Wilhelmi, qui omnium reliquiarum capsas et thesaurum ecclesiæ jam dudum in sua suscepit custodia.

Mixit dies statutus, advenit rex cum suis, adven- C erunt pontifices et abbates, advenit etiam multitudo non minima, exitum rei scire cupiens, tandem nominatis et assignatis, qui cum archiepiscopo et aliis episcopis ad locum sanctum sanctæ Virginis ascenderent, voluit Wilhelmus cum eis ascendere, nec permittebatur. Unde arrepto, nescio magis, candelabro aut thuribulo, secum ait: « Si mihi non aliter conceditur, saltem ascendam ut minister; » et cœpit ire. Aperto igitur scrinio, ecce caput B. Genovefæ, Franciæ gemma, cum cæteris membrorum suorum reliquiis, reperitur. Quod cum fidelis famulus ipsius magnus Wilhelmus videret, conceptum animi gaudium intra se non capiens, quin illud voce exultationis crætalet; oblitus illorum, qui majoris erant auctoritatis, *Te Deum laudamus* audacter inchoavit; ut tota ecclesia in voce resonaret ipsius, quod inchoatum omnis populus, qui convenerat ad diem festum, non minori alacri-

(7) Hoc contigit anno 1162, et hac de re etiam exstat in *Actis sanctorum* III, Januarii p. 152. Tractatus B. Wilhelmi de revelatione capitis et corporis B. Genovefæ. Vide *Acta sanctorum* t. I, Aprilis p. 624, quam tamen edere non placuit, quia nil nostrarum rerum continet.

(8) Cum hoc contigit anno 1164 juxta auctores *Actorum sanctorum* m. Apr. t. I, p. 630, ex not. E spatet hoc ex mente scriptoris accidisse e episcopo Manassi, qui sedit ab anno 1146 ad 1185; ast cum ille in bona pace obiit, prædecessor autem ejus Elias ab officio motus est 1146, vide *Galliam Christianam* t. VIII, col. 1450-1455, manifestum inde est au-

tate ad finem decantavit. Quo decantato, archiepiscopus collectam ipsius virginis prosecuitur (7).

Qui cum finem imposuisset, episcopus Aurelianus cum maxima indignatione intonat: « Quis est iste leccator, qui contra auctoritatem domini archiepiscopi et aliorum episcoporum, propter caput cujusdam vetulæ, quod hic fraudulenter imposuerunt isti, *Te Deum* tam temere inchoare præsumpsit? » Wilhelmus ad hæc: « Si quæritis quis sum, scire vos volo quod calumniose vos intulistis: non sum leccator, sed servus B. Genovefæ; quod autem præsumptionis me arguitis, non temeraria præsumptio, sed integra sanctæ virginis, quam semper habui, me facere compulsi dilectio. Caput, quod vidistis, vetulæ fore non abnuo, virginitatis B florem semper retinentis; septuaginta annorum et eo amplius B. Genovefa exstitit, virgo semper munda et immaculata, donec cælo rediret animam, et terræ corporis materiam. Sed ne quis scrupulus dubietatis de hoc capite cordibus vestris, in- hæreat, facite clibanum vehementer igniri, et ego assumpto capite, ad declaranda beatæ virginis merita, ignitum intrabo securus. » Ad hæc episcopus subannans respondit: « Ego quidem in cuppam aquæ calidæ cum eo non intrarem, et tu in clibanum ardentem intrares? » Archiepiscopus vero, verbositatem episcopi ultra non ferens superstitionis, innuit ei, ut taceret et devoti fratris fidem et sinceram erga sanctam virginem devotionem approbavit; stultiloquium vero, quod episcopus contra beatam virginem polluto ore intulerat, inultum nequaquam esse potuit; quoniam perdet Deus omnes, qui loquuntur mendacium (*Psal. v*); unde postea multis irretitus criminibus, a sede sua ejectus, vitam indignam digna morte miserabiliter finivit (8).

### CAPUT III.

*In Daniam accersitus Wilhelmus, fit abbas Roschildensis, et multa adversa fortiter sustinet.*

Anno ab Incarnatione Domini millesimo centesimo sexagesimo primo (9), regnabat in Dacia Waldemar rex, filius Canuti regis et martyris; qui Slavos a finibus regni sui abegit, quos sæpius invadere solebant, captivos ducentes viros ac mulieres, et omnia, quæ attingere poterant, deprædantes. Filius quippe martyris cum esset, ipsius interventu in cunctis bellorum certaminibus, quæ contra Slavos, qui tunc pagani erant, gessit victor exstitit gloriosus; unde ostensa eis via salutis æter-

ctorem hic errasse.

(9) Henschenius et Papebrochius *Act. SS. Aprilis* t. I, p. 624, vero similiter putant, S. Wilhelmum non anno 1161 sed potius 1171 accersitum esse in Daniam, unde hic legi debet: *Millesimo centesimo septuagesimo primo*. LANGE. [Ego quidem cum Bartholino in II. *Ecll. Daniæ* mss. ad annum 1165 credo, eum 1165 in Daniam venisse; ipse enim anno 1201 scribit se tunc 36 annis in Dania vixisse, et anno 1164 adhuc fuit in Francia, ut ex monumentis apud Papebrochium *Act. SS. Aprilis* t. I, p. 624 constat.]

næ, illòs colla jugo Christi submittere coegit. Erat vir iste sapiens et discretus, potens in opere et sermone, et omni populo acceptus. Eodem tempore adornabat sacerdotium in Roschildensi ecclesia episcopus Absalon, homo magni consilii, clericorum decus, mœrentium et afflictorum consolator, omniumque religiosorum pius amator, totiusque populi modestus gubernator; advenarum et pauperum clemens sustentator, Slavorum maximus persecutor, ornamentum fidei, sobrietatis exemplum, forma pudicitiae, nobilitatis et probitatis insigne speculum, lucerna refulgens in templo Dei, et ipsius fortis columna et immobilis.

In hujus diœcesi erat cœnobium canonicorum, in insula quæ Eschil (10) dicitur, haud longe distans a pago Roschildensi, mari undique circumdata. Illic locus, virentibus pratis ac diversis nemorum arboribus decoratus, commanentibus in eo delectabilis erat atque gratosus, rarus tamen tunc temporis illic erat numerus fratrum commorantium, qui frustra Regulares dicebantur, quia nullius religionis disciplinæ adornabantur. Regulares quomodo dicerentur, qui nulli censuræ regulari caput submittebant? Claustrales quomodo essent, qui claustrali clausura carebant? Iustituta ordinis scripta habebant, sed nihil eorum observabant. In summis festivitibus anni sæculares, qui eis erant familiares, cum mulieribus suis domum eorum frequentabant, cum ipsis festa celebraturi, in domo refectorii cum viris et mulieribus epulabantur, et inebriabantur, ducebantque choreas. Taliter domus in eorum actibus confundebatur, atque substantia illius dilapidabatur. Heu! quid tunc fiebat de divino servitio, cum plus noctis potationi quam psalmodiæ et divinæ contemplationi impenderent? Quis tunc digne intercessor fieret ad Deum pro populo? in matutinali synaxi potu æstuantem nimio, potius eos dormire libebat quam cantare. Sic impudenter viventes, omnium religiosorum auribus detestandam infamiam infuderunt.

Venerabilis igitur Roschildensis episcopus Absalon videus et considerans vitam eorum ab omni religione discrepare, tactus dolore intrinsecus detestabatur animas talium virorum, diabolica fraude obtenebratas, atque ad fluxum sæculi nimis inclinatatas; unde sæpius mente tacita revolvebat, quomodo illi ecclesiæ consuleret, ordinis et religionis formam annuente Domino in melius immutaturus. Reminiscebat tandem familiaritatis et amicitiae, quam cum Wilhelmo, viro religioso, olim pepigerat, cum Parisiis studendi gratia moraretur; attendensque eum virum honestum, virum utique provicium et discretum, et sanctis moribus adornatum, complacuit in illa animæ suæ, ut ei accito daret locum supra memoratum. Misso itaque nuntio, videlicet Saxone præposito, viro honesto, ad ecclesiam B. Genovefæ, virum sæpius nominatum, scilicet

A dominum Wilhelmu, cum aliis tribus fratribus, instanter et obnixè suis litteris sibideposcit delegari; aptum apud se religioni ipsorum locum esse, quem ad honorem Dei et ad excellentiam ordinis S. Augustini, eisdem fratribus se pollicetur colaturum.

Abbas considerans petitionem tanti præsulis justam esse et honestam, consentiente capitulo, adjudicavit fieri postulationem ipsius. Missus est ergo Fr. Wilhelmus, tribus aliis secum assumptis, cum præposito Saxone in Daciam; qui prospero itinere pergentes, post assumptionem B. Mariæ Zelandiam intraverunt, et die tertia Ringstadium pervenerunt, quod B. Canuti martyris illustratur meritis, cujus vita gloriosa justitiæ plurimum luce refulsit. Voluntas Dei erat, ut ibi eis occurreret quod volebant, regis videlicet Waldemari et pontificis Absalonis præsentia. Hi in adventu illorum fratrum lætati, lætis amplexi sunt brachiis, et ad osculum pacis susceperunt, et cum adventu ipsorum aliquantulum blando sermone congratulati fuissent, sponderunt, quod eos foverent ut filios, diligerent ut fratres, consulerent ut amici. Lætati in his quæ dicta sunt eis, cum gaudio regrediuntur ad suum hospitium. Tribus diebus ibidem peractis, transierunt Roschildis; quorum vestigia quidam ex familia episcopi secuti sunt, qui ibidem eos procurarent: sic enim expediebat honestæ consuetudini terræ et probitati illius qui eos vocaverat.

C Aliquantis diebus in civitate expletis, ad insulam Eschilli navigio applicuerunt; ubi sex nomine tenus canonicorum invenerunt; quorum vultus, exsangues ex eorum adventu facti, expalluerunt, et sermo in ore eorum exaruit, quia malæ consuetudini eorum videbant jam imminere dispendium. Unde ad injuriam supervenientium fratrum, ea nocte post cœnam conventicula facientes, domini pontificis decreverunt adire præsentiam, ut ei quod acciderat, velut ignorantem, intimarent, et ab eo compassionis extorquerent affectum, ne gentem perderent et locum. Verum dominus episcopus; rei seriem jamdudum prænosens, et eorum malitiam reprehendens, dissimulavit audita; ne forte, dum illuc venire moraretur, substantia domus magis quam prius destrueretur. Præfixit tamen eis diem, in qua suam exhiberet præsentiam, et velut ignarus, adventus fratrum supervenientium diligenter inquireret causam. Igitur proxima die post festum B. Bartholomæi, sicut promiserat, advenit, et habito cum eis sermone de pastore sibi constituendo, Fr. Wilhelmu in abbatem eligitur; et in abbatis sede collocatur; cum tamen prius non abbatem, sed præpositum et priorem habere soliti fuissent. Ipso die duo ex prioribus canonicis abeundi retrorsum licentiam acceperunt et obtinuerunt, domino episcopo judicante eos debere dimitti, ne malignantibus eis tumultus fieret in populo; quatuor remanserunt, valde senes et ad

(10) Eskilsøe, quæ nunc pertinet ad Selsø, nobilem sedem familiæ de Pless.

omne opus fere inutiles. Unus ex eis qui prioris habebat officium, vir erat honestus et in diebus suis inventus est justus; unde incepit existere unus ex eis, et regulari instructus tramite vitam priorem meliori fine terminare.

Igitur postquam dominus abbas Wilhelmus curam domus suscepisset, voluit dominus episcopus, rogatu ejusdem abbatis, scire, quæ et quanta esset illius domus substantia, et quid in cibariis habeatur; vidensque promptuaria eorum fere esse vacua, sex caseis tantum repertis et perna et dimidia, cognovit quia comederant Jacob et locum ejus desolaverant. Repletus ergo bono pudore et admiratione episcopus, cœpit confortare animos fratrum et ipsius abbatis, sicque jussit dari eis quinque libras denariorum ad necessaria victualium comparanda, promittens eis in posterum sufficientis expensæ subsidia. Transacto aliquanto temporis spatio, fratres qui cum abbate venerant, paupertatem insolitam non ferentes, et frigoris nimiam sevitiâ abhorrentes, ab episcopo repatriandi licentiam acceperunt. Quod factum dominum episcopum valde commovit, sed violentiam nulli inferri voluit.

Abbas vero non bene ferens discessum suorum, quem terrebant mores alienæ terræ et idioma ignotum, eandem, quam ipsi ab episcopo acceperant, licentiam ipse postulavit; asserens supra vires suas opus esse, ad quod fuerat evocatus; securiusque sibi fore liberum cum aliis habere regressum. Ad hæc verba abbatis concidit vultus episcopi et animus; tandem tamen in hunc prorupit sermonem: « Desiderio desideravimus adventum vestrum ad ecclesiæ istius profectum; sed, ut perpendimus prosperis illius successibus et incrementis plurimum luvidet inimicus; pavet enim nimium, quod jus amissurus sit antiquum, quod hactenus possederat per enormitates locum illum inhabitantium. Sed si animi vestri propositum Domini pensiori concilio mutare vellet, magno pietatis affectu rogarem, ne susceptum semel regimini officium conaremini deserere. Non vobis sit formidini solum hoc opus aggredi; quia non in hominis potestate victoria belli consistit, sed de cælo est fortitudo; et ita salvat Dominus in paucis, ut in multis. Quod credebatis fratrum vestrorum impleri auxilio, potens est Dominus nostri solius explere obsequio. » Ilis aliisque venerabilis episcopi monitis, sale sapientiæ conditis, abbas roboratus, et intra se memorans quod Dominus per Jeremiam prophetam loquitur: *Maledictus homo qui confidit in homine, et ponit carnem ante brachium suum, et a Domino recedit cor ejus (Jer. xvii)*; immutato animi sui proposito, acquievit remanere, ut videret finem.

Eodem anno egressa est sententia a Domino, et ecce facta est fames in terra, deficiente annona; et animalia fere omnia mortua sunt, oves videlicet et vaccæ: ideoque nec butyrum nec cascous, nisi paucos, fratres residui poterant habere ad manducandum. Unde in seditionem conversi, non iudicio divino cuncta

A examinabant, sed abbati suo totum pondus suæ adversitatis ascribent, dicentes: Væ nobis! cur in diebus nostris huc advenit homo pannosus, vilis homuncio; qui nil bibens, nil manducans, sed meliora quæque domus in argento et auro commutans, et in oculis suis reponens, nos inedia ciborum torquet. pro cibis folia arborum et herbas agrestes subministrans. Hoc seminarium mendacii ab eis pullicatum per aures plurimorum discurrerat; et quia pravæ mentes hominum pronæ semper sunt ad detrahendum bonis, apud malevolos offuscabatur veritas. Vir autem Domini objectis non movebatur, sed omnia patienter sustinuit, factus tanquam homo non audiens, et non habens in ore suo redargutiones.

B Quadam nocte, dum fratres se sopori dedissent, adfuit inter eos Satana; et lumen, quod more solito lucebat in medio dormitorii, subvertit; et juxta lectum abbatis, ubi straminum erat magna congeries, ad comburendum abbatem deposuit. Verum militem suum in hoc agone non deseruit cœlestis præsidium; nam stramina in circuitu in modum coronæ comburebantur, et straminibus asser superpositus adustionem sustinuit; abbatis vero lectum omnino non tetigit incendium. Rumor hujus facti ad aures pervenit episcopi, qui post dies non multos declinavit ad claustrum, et quod dicebatur, veritati comprobavit consonum.

C Postera nocte, dolens antiquus hostis, quod artibus suis defuisset effectus, ad aliud se convertit genus tentandi. Nam ad lectum cujusdam fratris dormientis accessit, et ait: « Noveris me dominum hujus loci fuisse, omnibus potatoribus atque scortatoribus prælatum existere; sed in abbatis vestri adventu vim patior, quod ei non cedit in bonum. Cumque frater, quis esset inquireret, et quo nomine censeretur; Salmanasar se confessus est appellari, et Babyloniorum regem ab antiquis temporibus fuisse. » Et addidit: « Consule abbati, ut ab inceptis desistat, nec abbatibus debitam ab episcopo benedictionem accipiat; hic enim me invito claustrum permanere non poterit. » Cui frater respondit: « Quod mihi suggeris faciendum, ei tu suggere; nunquid et tu ejus notitiam non habes? » — « Habeo, inquit, sed minus modo quam prius; unde nuntia ei quæ jussi, hoc interposito ei insignio, quod in crypta B. Genovefæ Parisiensis septem Psalmos cum Litania clerico cuidam propria manu conscripsit; refer etiam quod altera nocte pro injuria mihi illata eum comburere volui, sed meo frustratus sum desiderio, quia fortiter me supervenit: nec obtinere potui, ut quod volebam mandaretur effectui. » Mane facta, frater quæ audiebat abbati intimavit; ille vero audita parvipendens, suggestioni diaboli nullam habens memoriam. Post modicum tempus famulus Thoconis præpositi, a Parisiensis civitate reversus in Daciam, abbatem Wilhelmum aggreditur his verbis: « Salutem vos dominus meus; et se vestræ totum commendans



amicitiæ, rogat affectuose, ut pro eo dominum episcopum deprecemini, ut sibi studio vacanti consueta largitatis manum porrigit auxiliarem: et hoc signum vobis quod miserit me, quod ei Parisius septem Psalmos cum Litanis scripseritis. Abbas admiratus relata, verum recollit quod diabolus fratri per somnium insinuavit, videlicet septem Psalmos se scripsisse præposito Theconi.

Alio quoque tempore abbas Wilhelmus, comitatus Thrumone sacerdote, viro utique litterato et discreto, hospitandi gratia ad villam, quæ Thorstanthorp (11) dicitur, declinavit, ubi dum nox in suo cursu medium iter haberet, antiquus hostis fremens adversus sanctum Dei, nova irritamenta suæ nequitie adinvenit, præferens habitum sanctitatis, sub specie antiquissimi ac turpissimi monachi accedensque ad lectum abbatis, prius salutiferæ crucis signo munitum, laborabat quiescentem in eo libidinis fomitem obsceno opere irritare. Sed ille, licet somno oculos dederat, mente tamen vigilans, adversario dixit: «Vade retro, spurcissime omnium, in me per Dei gratiam tui desiderii nullum consequeris effectum.» Diabolus hæc audiens, acrioris sævitie stimulis agitur; et accedens propius, nebulam fetoris ori abbatis inspirat; et peccata, dudum confessione abolita et multarum lacrymarum imbre diluta, nefando ore retextit. Abbas autem, dum in somno tam graviter ab ipso fatigaretur, vido impulsu pedis aliquid elevati hostem a se rejecti. Qui videns se a viro Dei delusum, ut leo crudelissimus cœpit sævire; atque ad lectum Thrumonis sacerdotis, in altera parte jacentis atque vigilantis, gressus dirigere, laterique ejus fortissimum ictum illidere, ita ut videretur sacerdoti, quod aliquas de costis sibi fregisset.

Mane dum aurora finem daret nocti, decantatis laudibus Dei, quia tempus erat frigidum, uterque, scilicet abbas et sacerdos, se in calefactorium recepit. Quibus ibidem residentibus, sic allocutus est sacerdos abbatem: «O mi domine abba, custodiat te et adjuvet omnipotens Deus.» Et respondit abbas: «Amen.» Cumque sic bis vel ter dixisset; ad quid hoc toties repeteret, abbas inquisivit. Cui ille: «Scio quod multos tentationis aculeos es passus, pluresque eris passurus; sed ex his omnibus liberet te Deus. Vidi hac nocte quantam molestiam a Satana sustinisti et quomodo ori tuo nebulam fetoris infundebat pessimi, et audivi quanta tibi inferebat convitia et opprobria; cumque a te discederet confusus, irruit in me vehementer, percussoque latere meo, ut reor, aliquam ex costis mihi fregit. Ideo tibi eidem inimico viriliter arbitror esse resistendum, ne, si te victo triumphaverit, mittat te in gehennam. Ad hanc vocem cœpit abbas tædere et pavere, revocans ad memoriam vexationes adversarii, quas nocte præterita sustinuerat.

## CAPUT IV.

*S. Wilhelmi virutes, et quedam virentis miracula.*

Furens adhuc hostis antiquus, quod tentationes suas adversus christum Domini nullus sequeretur effectus, disposuit per satellites suos efficere, quod per se nequiverat implere: unde inspiravit cordibus fratrum quorundam, ut hominem Dei variis contumeliis afficerent, et multis injuriis lacerarent, et sic cum dedecore ad proprios lares cogerent repedere. Ipse autem a verbis impiorum non timuit, quia firmatus erat supra firmam petram: frequenter enim secum commemorabat illud Apostolicum: *Tribulatio patientiam operatur, patientia probationem, probatio spes; spes autem non confundit (Rom. v).* Cumque in talibus filii degeveres processum non haberent, consilium fecerunt in unum, ut eum morti traderent; aliquando enim eum sacco impositum in mari demergere disponebant, aliquando enim telis confodere, et aliquando Slavis vendere; sæpius cerebro ipsius securibus compactis extinguere moliebantur; sed Deus, cujus providentia in sui dispositione non fallitur, dissipavit consilia eorum, et dilecto suo dedit cum tentatione proventum.

Sed cur hoc facere attentabant? Quia enim Deo erat spiritus ejus, in rigore ordinis tenendo, et in omni religionis observantia, nec patiebatur eos per abrupta vitiorum discurrere; erat enim sanctæ religionis indeficiens imitator, ordinis ac sanctæ institutionis admirabilis conservator, vitiorum fortis extirpator, virtutum verus amator; quæque honesta et sanctimonie plena investigans et docens. Severus exstitit in correptione, sedulus in correptione, dulcis et humilis in hortatione, modestus in reddenda ratione; in sermone verax, in judicio justus, in commisso fidelis. Infirmorum erat consolator, pauperum ac peregrinorum benignissimus procurator. Insistebat vigiliis, jejuniis et continuis orationibus, curam sui gregis infatigabiliter agens, cumque, ut fidelis servus talentum sibi creditum lucrifaceret, Domino suo jugiter precibus commendabat. Fratribus nocte quiescentibus, horas matutinales vigiliis anticipabat, Dominique misericordiam pro eisdem devotis gemitibus exorabat. In sermonibus suis, quibus fratres ad bene agendum instruebat, promptus erat ad lacrymas et ad lamenta, in tantum ut auditores suos sæpius ad pœnitentiam et cordis compunctionem provocaret, et cunctis liquido constaret divinam illi semper adesse gratiam. Zelo ordinis animatus aliquando elatis et superbis rigidus erat, atque transgressores ordinis emendatoriam sulcare vindictam cogebat et ferre sententiam, noverat enim quod pro tot esset rationem Deo redditurus, quot suo exemplo aut silentio a semitis justitiæ sineret aberrare. Denique illos, qui obstinatæ mentis erant, nec ad veniam

(11) Sine dubio parochia Thaastrup in præfectura Holbek.

petendam pro suis excessibus inclinantur, ipse eis formam humilitatis ostendens, ab eis veniam contra regulam suæ dignitatis postulabat.

In persecutionibus, quæ ei a discipulis suis et aliis inferebantur, constans erat et patiens, et virtute patientiæ omnes vincebat. Virtus pietatis et misericordiæ in eo tantum abundabat, ut in illum peccantes, et post peccata ad veniam redeuntes, cum omni hilaritate et modestia exciperet, et pro eorum excessibus uberrime fleret, Dominoque pro eorum conversione gratias referret multimodis. Charitatem semper sectabatur, invidias et detractiones detestabatur, verbum inhonestum, sive vaniloquium, sive risus ineptos minime proferebat, vel ab ore alicujus audire volebat. Sermo ei jugiter erat de pace et concordia, et humilitate et mansuetudine, et de honore quo se fratres invicem prævenire habebant. In orationibus frequens, in lectionibus assiduus, in devotione exstitit præcipuus. Horis quoque diurnis ac nocturnis, sine magno necessitatis articulo, nunquam abesse volebat. Circa devotionem in choro, psallentium, ac sacrum altaris ministerium animus ejus sedulo versabatur, et devotiores in his tenerrime diligebat. Cilicio carnem suam usque ad diem mortis domabat, ipsamque spiritui servire cogebat. Frugalem mensam habere volebat, non propter corporis sui refectionem, cum miræ esset abstinentiæ; sed propter pauperum et infirmorum refocillationem, quos paterno fovebat affectu. In stratu suo nihil habebat, præter laneorum straminibus superpositum, aut pelles ursorum propter frigus expellendum, quando magis sæviebat hiems, nisi nimix infirmitatis molestia mollioribus eum indulgere membra cogisset: et sicut modicus erat ei victus, sic et vestitus.

Monasterium S. Thomæ apostoli, in loco qui Paracletus vocatur (12), primus construxit et ordinem S. Augustini in eo transtulit, et transferendo observari instituit ac privilegio domini Alexandri papæ ibidem perpetuo observandum confirmari fecit. Nunc vero quia in laude viri Dei utcumque a proposito digressi sumus, ad ea, quæ inchoavimus deprimere, redeamus. Cuidam dysenterico, in villa quæ Metheluse ab indigenis dicitur, per visum revelatum est, ut de cibo abbatis Wilhelmi gustaret et sanaretur a languore suo. Creditit homo ille sermoni, quem audierat, et misso nuntio citius ad claustrum, quod voluit, petivit et accepit. Cumque allatos cibos comidisset, cessante fluxu infirmitatis suæ, statim per eosdem intus reformari meruit.

Quædam puella, de villa vocabulo Nadweth, claustro vicina, magnæ infirmitatis tenebatur cruciatus; cumque per tres dies jaceret quasi corpus exanimæ, vitalisque calor tantum membris ipsius

A inesse videretur; circumsteterunt eam amici ejus et cognati, lugentes eam tanquam defunctam. Mater autem puellæ, Brigida nomine, quia multos dies et noctes duxerat insomnes super eam, faciendo vigiliam, quarta die levi corripitur sopore; cumque obdormiret, vidit in somno mulierem, niveas vestes indutam, lecto ægrotantis assistere, sibi que talia dicere: « Molestaris, mulier, plurimum pro filia tua. » At illa: « Quid mirum? triduo enim sustinens eam, jamjam migraturam: et ecce adhuc tempus superest. » Respondit altera: « Scito filiam tuam sanitatem posse recuperare viteque augmentum sumere, si de cibo vel reliquiis abbatis Wilhelmi de Paracletico gustaverit. » His dictis, disparuit; mater vero puellæ evigilans, omnia, quæ in somnis audierat et viderat, cunctis qui aderant exposuit. Consulunt illi momentis mandato parere, quia prædictus abbas a multis sanctus habebatur, et vere sic erat, fulgente in eo gratia divina.

B Mulier igitur spe bonæ visionis et consolatione suorum confortata, ad claustrum mobiliore properat gressu, et officialibus, quos extra ambitum claustris invenit, visionem, quam viderat, ex ordine pandit. Nuntiatur ergo a fratribus abbati mulieris petitio, et retextitur ejusdem de filiæ suæ remedio cœlitus manifestata visio. Vir Domini super afflictos pia semper gestans viscera, tam matri quam filiæ compatiens, pisces, quos *perlicas* (13) vocamus, et sorbitium, quod sibi fuerat præparatum, jussit mulieri in nomine Domini impartiri, ut esset salus et remedium puellæ, in discrimine mortis laboranti. Gavisa illa de munere, mox domum redit prope, et quod secum attulit sorbile ocuis ori infudit illiæ. Quod cum tertio factum fuisset, et ad interiora miro laberetur rugitu, revixit puella, et attraxit spiritum, et post paululum resedit, quæ fuerat quæsi mortua; et cum accessissent ad eam sui, aperiens os suum, benedixit Deum et dixit: « Jam non moriar, sed vivam, et narrabo opera Domini; confido enim in Domino, quod precibus et meritis Wilhelmi abbatis reddita sim sanitati. » Qui ad eam convenerant, testimonium perhibebant veritati de his, et scimus, quia verum est testimonium eorum.

C D Languabat quidam in villa Anese (14) et desiderabat bibere aquam de fonte, quem abbas fecerat emundari et firmis clausuris signari; sed quia nullus ad eundem fontem poterat habere accessum, nisi ad nutum illius, qui eum servabat clausum, fecit ille abbati suum intimari desiderium. Accitus est igitur Fr. Ericus, qui supradicti fontis habebat custodiam, præceptumque est illi, ut de ipsius aqua ægroto porrigat poculum. Cumque allatam gustasset languidus, mox cognovit quam saluber est gu-

(12) Loci nomen nostro sermone est *Ebelbolt* in parœcia Tierbye et præfectura Fridericoburgensi. Juxta Pontoppidanum in *Annal.* t. I, p. 443, translocatio facta est 1176.

(13) *Percus* rectius. *Pertica* autem facta est ex

voce Gallica, *perche*. Nos Dani hos pisces vocamus *Aborre*.

(14) Hodie parœcia et pagus Annise præposituræ Holboe, præfecturæ Cronborg.

stus ejus; quia non tantum sibi suam exstinxit, sed etiam optatæ salutis gratiam contulit.

Quidam monachus Cisterciensis ordinis, Haquinus nomine, de clastro Esromæ, tanta raucitate obtusi pectoris per multos annos anxietatur, ut vix a circumstantibus eum discerni poterat, quid diceret. Cumque nullo antidoto potionis vel alterius artis, remedium suæ infirmitatis invenisset, incidit ei bonum consilium, ut ad azylum S. Thomæ de Paraclito declinaret. Venit ergo, et Patrem monasterii adiens, quid pateretur, querulo murmure exposuit, et cœpit eum humiliter rogare, ut ob gratiam recuperandæ sanitatis manum gutturi suo imponeret. Vir autem Domini, ad rogamem aliquantulum jucundatus, præmisso signo crucis, tetigit guttur suum, dicens: « Sanet te Filius Dei. » Et exauditus est pro sua reverentia; nam monachus divinum sibi sensit adesse auxilium; quia arteriæ anhelii pectoris paulatim dilatabantur, et organum vocis diu amissæ de die in diem reformabatur. Reversus igitur ad domum, unde exierat, confirmabat fratres suos, manifestans omnibus, quoniam in Paraclito est senior, qui novit homines curare; affirmans, quoniam hic est Wilhelmus abbas.

Quodam tempore, cum Wilhelmus a curia Romana rediret (15), equus servi sui inter rupes Alpium læsus pedem, iter nullum facere potuit; de quo infortunio animo turbatus, exoravit Altissimum, ut propter merita sanctorum, quorum secum reliquias retulit, sanaretur equus ille. Finita oratione, pedem equi dolore plenum manibus palpavit, palpando dolorem mitigavit: et ex illa hora sanatus est equus ille, inceptum peragens iter.

Quodam die, cum ad negotia domus exiret, equitavit quemdam roncinum (16); frater autem, qui cum eo ibat, considerans pulchritudinem equi et dispositionem membrorum ipsius, ait: « Proh dolor! quod talis equus non ambulat (17). » Cui abbas: « Credisne quod poterit ambulare? » At ille: « Minime credo, quia senex est, et naturalem minime immutabit cursum. » Cui iterum abbas: « *Modicæ fidei, quid dubitas?* (Matth. xiv); potens est Deus facere eum ambulare quantum vobis placuerit. » Et hæc dicens, cœpit eum urgere calcibus. Ille vero soliti cursus oblitus, gressus faciebat planos, bene ambulando, quandiu vir Dei dorso ejus insedit. Frater vero de viso miraculo admiratione plenus, reversus domum narravit fratribus suis, quæ gesta erant in via, quomodo Pater monasterii fecit roncinum ambulare; et mirati sunt universi.

Quodam tempore lecto ægritudinis incubuit, nimis infirmitatis detentus cruciatu; cumque de spatio suæ vitæ dubitaret, nocte Dominica, graviori infirmitatis agitatus stimulo, invocavit dominam suam B. Genovefam, quam toto mentis desiderio amabat, ut sui memor Dominum pro eo precatura

accederet. Illa devoti servi sui miserta, cum parum obdormiret, apparuit ei, stans a parte pedum lecti, in quo jacebat, et facie jucunda et alloquio dulci consolabatur eum, dicens: « Ne timeas, quoniam bonum Dominum habemus. » Ille ex hilaritate vultus eam agnoscens, cœpit gratias agere venienti, inquirens, quis esset Dominus ille. Cui illa: « Jesus Filius Dei. » Vir autem Domini audiens Filium Dei nominari, quantum sopor sinebat, exultabat uberius, et post paululum evigilans, et sentiens se sanitati precibus S. Genovefæ virginis restitutum, benedixit Deum, qui non derelinquit sperantes in se (Psal. xxxiii), sed in sanctis suis semper est mirabilis (Psal. lxxvii). Multa quidem et alia per eum Dominus operari dignatus est miracula, quæ non sunt scripta in libro hoc, quia vel propter negligentiam oblivioni tradita, in memoria non habentur, vel quia sanctitati ejus detrahentibus incredibilia videbantur. Nunc autem ad gloriosum ejus transitum stylus reflectatur, et quo tempore et qualiter de hoc mundo migravit ad Dominum, brevi sermone referri debet.

#### CAPUT V.

*Felix sancti obitus et signa futuræ gloriæ ejus prægressa ac secuta.*

Ante septem annos sui transitus de hoc mundo ad Patrem, nocte quadam, per visum vir quidam decorus aspectu, veneranda canitie, venusta facie, astitit ei et dixit: « Septem dies vives. » Ille de visione sua plurimum sollicitus, sed Spiritu Domini plenus, septem dies incolumis transiens, interpretatus est per septem dies septem hebdomadas, vel septem menses, vel septem annos, quod verius erat, designari, sicut rei exitus comprobavit. Castigans igitur corpus suum et in servitutem redigens (II Cor. xi), quanquam Dominum Deum tota mentis devotione prius dilexerat, ac mandatis ipsius jugi observatione inhæserat, ab illo tamen tempore usque ad finem vitæ suæ, ita carnem suam cum vitiis et concupiscentiis crucifixit (Gal. v), ut antea vita, respectu vitæ subsequentis, delicata fuisse crederetur ac voluptuosa. Quis enim eum sine lacrymis maxillas ejus rigantibus orantem vidit? Cumque in altari divina celebraret, sacrum mysterium offerens Deo, sic inflammabatur, sic lacrymabatur, veluti præsentis Domini in carne aspiceret passiones. Longum est itaque verbis exprimere, quantis vigiliis, jejuniis et orationibus assiduis se ipsum afflixerit, et in holocaustum Domino præparaverit. Adjecit adhuc Dominus famuli sui tentare patientiam, et tanquam aurum in fornace probare, ita corpus ejus ulceribus replevit, ut a planta pedis usque ad verticem non esset in eo sanitas (Isa. i). Ille sciens, quia virtus in infirmitate perficitur, omnia patienter sustinuit, et ait: « Si bona suscepimus de manu Domini, mala autem quare non sustineamus? »

(15) Anno 1195.

(16) Roncinus est equus vilis.

(17) Id est non gradus vel passus facit; unde nos talem equum vocamus *en Pasganger*, gradarium.

Interea septem annis mira abstinentia et carnis mortificatione fere transactis, cum Quadragesima a cunctis fidelibus, sacra devotione observanda adveniret, vir Domini seclula mente meditans novissima sua et agonem sui finis, licet diem et horam suæ resolutionis adhuc ignoraret, terminum tamen, qui præteriri non poterat appropinquare sciens, quotidie, cum summa cordis contritione et lacrymarum effusione et magna reverentia, sacrificia Domini nostri Jesu Christi celebrabat, ac sacrosancta ipsius corporis et sanguinis participatione se præmuniebat. Quarta feria, quæ Cœnana Domini præce-<sup>lit</sup>, pausante eo in sua camera cum quibusdam fratribus, qui colloquendi gratia ad ipsum convenerant. Conquestus est prior sibi et cæteris fratribus, se nunquam gravio-<sup>rem</sup> noctem sustinuisse. Vir autem Domini e converso respondit: « Meliorem ac delectabiliorem noctem nunquam me recolo habuisse, quia vidi Dominum meum Jesum Christum; duo alii cum eo erant et ego tertius, cum quibus ineffabiliter sum delectatus. » Ad hæc prior inquit: « Forte, Pater sancte, Dominus in hac visitatione vos ad se vocare venit, sicut vobis promisit antequam partes Daciæ intraretis. » Ad responsa prioris suspirans, et perfundens fletibus ora, ait: « *Fiat mihi secundum verbum tuum (Luc. 1).* »

Postera die, quæ Cœna Domini appellatur, ad altare divina celebraturus accedit, et absolute-<sup>re</sup> super discipulos solito more facta, et eisdem de manibus ipsius communicatis, missaque celebrata, Christum in pauperibus suscepturus, cum cæteris fratribus progreditur, et mandatum cum ipsorum magna devotione peragit; quo peracto, ultimam cœnam cum discipulis suis sumpturus ingreditur, Dominicum in hoc imitatus exemplum. O felix cœna, quæ tanti Patris magis est illustrata præsentia, quam deliciis refectionis ditata! Quis verbis queat referre, quam hilaris vultus, quam jucunda facies omnibus a sancto viro est ostensa, qui illi convivio interfuerunt? Jam in vultu ipsius viro modo quoddam futuri gaudii præsagium demonstrabatur, quod ex abundantia lætitiæ, quæ in ipso ultra solitum cernebatur cognosci poterat. Jam divina misericordia locum habitationis suæ, sibi ad cœnandum præparatum intraverat; jam Spiritus sanctus totus interiorem hominem ipsius repleverat, et velut sponsus in thalamo (*Psal. xviii*), sic in cubiculo cordis sui requievit; jam demonstrabatur in carne ipsius, oculis corporeis subjecta, quanto exultationis gaudio anima ejus in Domino Deo suo exultavit, ob futuræ retributionis glorificationem, quam ei Dominus dare disposuit, sicut cuidam discipulo suo honestæ conversationis viro, nomine Gerardo, ante duodecim annos et eo amplius, per visionem revelare dignatus est.

Quadam nocte prædicto canonico in suo lecto quiescenti, quidam maturus ætate sic intonat: *Surge, sequere me. Quem secutus, ad ignota loca*

A deducitur tandem in quamdam planitiem, valde speciosam et floribus amœnam, venientes, domum miræ magnitudinis, marmoris lapidibus constructam, subeunt. Quanta autem claritas, quanta odoris suavitas, quam mira jucunditas illi domui inerat, lingua videntis exprimere non sufficit: sedes autem in ea locata erat geminis pretiosis et auro purissimo adornata, et in medio sedis corona aurea posita, lapidibus pretiosissimis decorata, sed adhuc imperfecta; in circuitu autem sedis erant quatuor viri, in albis sedentes; laminas aureas cum lapidibus pretiosis ad perfectionem coronæ componentes. Cumque jam dictus frater, admiratione plenus et veluti in exstasi raptus, ostensa sibi tacitus considerabat, ductor suus affatur eum his verbis: « Scis, cujus est hæc sedes vel corona? » Illo negante ac scire, ait: « Hanc sedem abbas vester in tempore suæ conversionis a sæculo ad Dominum promeruit, quando domos et divitias et hufus mundi gloriam pro Christo reliquit, et se ipsum abnegavit, tollens crucem suam sequendo Redemptorem; corona vero cum perfecta fuerit multis tribulationibus et diris persecutionibus, quas pro ordinis observantia viriliter sustinuit et adhuc sustinebit, coronabitur, implebiturque in eo, quod Jacobus apostolus dicit: *Beatus vir qui suffert tentationem, quoniam cum probatus fuerit, accipiet coronam vitæ, quam promissit Deus diligentibus se (Jac. 1).* »

Postquam surrexit a cœna voluit lavare pedes discipulorum suorum; sed tactus gravissimo dolore lateris, non est permissus. Residens ergo sic orabat: « *Domine Deus, in omnibus et per omnia (Ephes. iv) fiat voluntas tua (Matth. vi), qui es benedictus in sæcula (Rom. iv). Illumina faciem tuam super servum tuum (Psal. cxviii) et saluum me fac, et non confundas me ab expectatione mea: ne projicias me in temporibus senectutis; cum defecerit virtus mea, ne derelinquas me (Psal. lxx).* » Perseverante itaque infirmitate et magis ingravescente, cubatum deducitur; residuum diei et medietatem noctis subsequentis cum magno cruciatu suffereus. Postea, quia in eo gratia divina vacua non fuit, dolor ille sedatur, et leni febre corripitur: cumque viribus corporis coepisset destitui, in vigilia Paschæ, fratres, qui ad eum visitandi gratia convenerant, rogaverunt eum, ut sibi provideret et sacra unctione perungeretur. Quibus ita persuadentibus, inquit: « Non est mihi, ut putatis; nihil doloris, nihilque debilitatis in corpore penitus sentio. Vellem mihi lectum in choro fieri, ut futuræ noctis Dominicæ resurrectionis ministerio interessem. » Quibus respondentibus, se cœnentium voces nequaquam sufferre posse, intulit: « *Faciamus ergo, quod melius est.* » O veneranda tanti viri circa cultum divini obsequii immutabilis devotio, quæ nec alicujus rei eventum, nec tanti defectus incommodo potuit minorari.

Ille autem sic laborante, assignati sunt fratres, qui in vigiliis excubantes custodirent eum. Sancta igitur nocte Dominicæ resurrectionis, vir Dei de suo

transitu sollicitus, unum de sibi astantibus advocans, dixit : « Scis, fili, quia nova advenit solemnitas, cuncto populo veneranda, debemus ideo novis indui vestibus. Affer mihi vestem quam habes, ut illam induam. » Intelligens ille, de qua veste loqueretur, attulit ei cilicium novum, et submoto veteri, vestivit eum novo. Cumque in magno foret defectu, a custodibus suis iterum admonetur, ut sacri olei liquore frueretur. Quibus ista persuadentibus respondit : « Præstante Domino nostro Jesu Christo, lucem expectabo. » Interea conventu gloriosæ noctis vigiliis et laudibus insistente, cum tertia lectio finem accepisset, et tertium responsorium inchoatum fuisset, cum transisset Sabbatum; unus ex custodibus festinanter occurrit, indicans eum cito migraturum. Depulsa noctis caligine, aurora sacræ lucis tunc rutilabat, quam vir Dei se promiserat expectaturum : cumque illud responsorium cantaretur, ut venientes ungerent Jesum; prior accitis aliquibus fratribus chorum exivit, ferens secum sacri olei liquorem, quo venerabilem Patrem jam agonizantem perungeret. Quibus advenientibus hoc solum sanctus Dei sapius replicabat : « Cito, cito. » Uctione expleta, depositus est in cinerem et cilicium, ut secundum Martini doctrinam in cinere et cilicio Christianus et verus Catholicus moreretur. Quo facto pretiosam resolutus in mortem emisit spiritum, octavo Idus Aprilis, anno ab Incarnatione Domini 1202 (18), ætatis suæ anno nonagesimo octavo, postquam vero curam Dominici gregis suscepit quadragésimo (19).

Sic illa anima, a carnis ergastulo egressa, de tristitia ad lætitiã, de labore ad requiem, de mundo transivit ad Dominum. Spirituales autem filii venerandi Patris corpus cum hymnis et canticis, cum genitibus et lacrymis in sanctam transtulerunt ecclesiam, collocantes illud in medio choro. Quibus in sedibus suis receptis, *Te Deum laudamus* incipitur, et matutinales Laudes resurrectionis Dominicæ, lacrymosis vocibus canentium, debita tamen veneratione explentur. Quam sit mirabilis Deus in sanctis suis, lector, animadvertet : quia nec vita istius viri fuit sine gloria, nec mors sine gratia, sed in conspectu Dei multum pretiosa : illo enim die suscepit eum Dominus in paradysum, quo idem Dominus victor ab inferis surrexit; et qui solemnia Dominicæ resurrectionis cum magno tripudio sæpius celebravit in terris, eodem die cum debito honore angelicis est associatus choris. Altera die Paschæ sepultus est ante altare Sancti Thomæ apostoli, quod ipse construxerat; domino abbate Turchillo ecclesiæ Beatæ Mariæ de Eksom, cum monachis suis, obsequium funeri ejus impendente, et

(18) Sanctus Wilhelmus moritur die 6 Aprilis, summo mane festi Paschalis, anno 1202 more veterum Gallorum tum finito, sed ad computationem nostram anno 1.03; nam hoc anno pascha incidit in die 6 Aprilis, cum anno 1202 in die 14 Aprilis. L.

(19) Henschenius et Papebrochius Act. SS. Apr-

A sacerdotibus ac clericis multisque aliis cum magna devotione accurrentibus, ut ips'us exsequiis interessent. In quo loco Dominus noster Jesus Christus, ad laudem et gloriam sui nominis, per gloriosi confessoris sui suffragia, usque in hodiernum diem innumera præstat beneficia, his qui ex toto corde quærunt illum, cui est honor et gloria, per infinita sæcula sæculorum. Amen.

O quantus erat luctus omnium! quanta præcipue lamenta discipulorum, qui licet de tanti Patris glorificatione certi haberemur, ejus tamen orbatu præsentia, humano more tristabamur. Dies festi nostri conversi sunt in luctum, et sabbata nostra in lamentationem : licet gaudendum nobis esset, quod quem doctorem habuimus in terris, intercessorem haberemus in cœlis, si mens doloris rationem admitteret. Sed benedictus Deus, qui tristitiam nostram convertit in gaudium (*Joan. xvi*) : nam post transitum Patris nostri juvenes nostri visiones videbant et seniores nostri somnia ant, per quæ certi eramus quod Dominus in brevi sanctum suum esset mirificaturus.

Erant duo juvenes de familia ipsius sancti, in diversis constituti regionibus, qui in ipsa hora sui transitus de hoc mundo, in visione viderunt quomodo ad gaudium transivit angelorum; et licet eorum aliquantulum diversa est visio, utraque tamen plena fide relatione digna est et memoria. Alter istorum Nicolaus nomine, in Teutonibus partibus in civitate Hildesheim studio litterarum operam dabat : hic eadem hora, qua vir Dei glebam sui corporis cœlum ingressurus deposuit, vidit per visionem quamdam personam sibi ignotam, stola candida amictam, cœlum conscendere; et sicut in picturis solet fieri, in quibus Domini ascensio memoratur, totus infra nubes susceptus depingitur, tantumque pedes ipsius apparent, sic et iste sanctus infra nubes candidas susceptus est, tantamque pedes ejus et vestimentorum extremitates videbantur. Cumque ille in cœlum fixis luminibus visa admiraretur, astitit ei vir quidam dicens : « Quid admiraris aspiciens in cœlum; hic homo assumptus in cœlum, abbas vester est, qui in patientia vicit persecutiones sæculi; nunc autem coronatur, quia fideliter vixit in mandatis Domini. » Experfectus ille, et per viam ductus ad monasterium unde apostatando recesserat, rediit, atque offerens se emendationi, prædictam visionem omnibus intimavit.

Alteri supradictorum, Godmundo nomine, in claustrum, quod Sora dicitur, commoranti, glorificati hominis talis ostensa est visio. Appropinquante die luculo Dominicæ resurrectionis, aspiciebat in visu, pene vigilans, multitudinem angelorum, prædulci

lis, t. I, p. 624, putant hic reponendum *tricesimo*, non credentes S. Wilhelmum ante an. 1171 in Daniam venisse. LANGE. [Verum vide supra col. 604 not. 9. Credo autem auctorem hunc numerum rotundum adhibuisse, nam revera tantum in Dania adfuit an. 38.]

suavitate canentium; inter quos duo angeli ineffabili claritate fulgidi. quemdam ætate maturum, sacerdotilibus vestibus decoratum, a dextris et a sinistris sustentabant, brachia ipsius humeris suis, tenentes innixa, et ad cælum usque progredientes. Hos sequebatur diabolus, non minima dæmonum farentium atque stridentium stipatus caterva. Sanctis vero angelis in cælum receptis, ille hostis antiquus, dolenti similis, via qua venerat cum suis remeabat; quidam autem dæmonum lento sequebantur gradu, claudicando incedentes. Ille qui hanc visionem videbat, audacior factus, uni eorum, qui tardior cæteris veniebat, ait: « Adjuro te per Filium Dei, ut indices mihi quæ sunt hæc quæ vidi. » Ille interrogantem se torva facie et obliquo oculo intuitus, respondit: « Si scire vis, abbas vester Wilhelmus de mundo est sublatus, et tanto obsequio angelorum in cœlō deportatus; nos autem venimus ut aliquid juris nostri in eo haberemus; sed violentiam ab angelis passi, frustrati sumus a proposito nostro. » Mane prima Sabbati surgens prædictus juvenis, magistro suo et omnibus qui cum eo erant visionem suam exposuit; qui respondentes dixerunt: « Vere credimus, quod jam dormitionem accepit, et in pace factus est locus ejus. » Tandem reversus ad domum nostram, eadem nobis ex ordine intimare curavit, et suscepto religionis habitu ibidem Deo militare cepit.

#### CAPUT VI.

##### *Miracula post transitum S. Wilhelmi.*

Salvator noster Jesus Christus, volens dilectissimi confessoris sui Wilhelmi, quem stola immortalitatis post mortem vestivit in cælis, in conspectu filiorum hominum insignia revelare virtutum, dedit ei potestatem, super infirmos variis languoribus, faciendi opera quæ ipse fecit, et majora horum; ut collaudent multi sapientiam ejus, et usque in sæculum non deleatur, et non recedat memoria ejus, et nomen ejus requiratur in generatione et in generationem. Cœpit igitur servus Dei, postquam dormivit, cum patribus suis, primo inter incredulos et æmulos suos, quasi stella matutina in medio nebulae, paulatim rutilare miraculis; ut mendaces ostenderet, qui maculaverunt illum et detraxerunt sanctitati ejus, blasphemantes nomen ejus. Postquam autem clarificatus est apud proximos suos, cœpit ad laudem et gloriam nominis ejus, qui cunctos condidit sanctos, quasi sol refulgens in meridie, longe lateque majoribus et crebrioribus curare prodigiis; unde a quatuor plagis terræ factus est concursus populorum, cernere cupientium, quæ per eum fiebant mirabilia. Dæmonia ab obsessis corporibus effugabat, paralyticos sanabat, cæcis visum restituebat, claudis gressum, surdis auditum, mutis loquelam, contractos ac propriis genibus repentes in statum erigebat debitum, leprosos mundabat, mortuos suscitabat, et semimortuos a faucibus ipsius mortis ad vitam revocabat;

A et non tantum homines, sed et animalia sanabat, quemadmodum multiplicabat Deus misericordiam suam cum illo; venti turbines suos ad invocationem ipsius nominis coercerebant, et maria ab amaritudine quiescebant. Sed his breviter commemoratis, veniamus ad miracula, quæ vel audivimus, vel vidimus in civitate Dei nostri, id est in Paracleto, ubi requiescit gloriosus confessor Dei Wilhelmus.

Cum adhuc esset abbas Wilhelmus in corpore corruptibili, laborans senio, duo dentes ex capite ejus avulsi sunt; quos committens fratri Saxoni, dixit: « Habe custodiam horum dentium penes te, et noli illos amittere. » Fecit ille quod rogatus fuerat, hæsitans intra se cur hoc ei mandatum dedisset. Postquam autem tulit cum Dominus de medio, discipuli ejus, qui superstites erant, in memoriam tanti Patris, aliquid de rebus vel vestimentis ejus sibi impertiri optabant; inter quos adfuit sacrista, Brixius nomine, conquerens se nihil de rebus ipsius accepisse, præter mitram pelliceam, quam solitus erat gestare in capite. Cui sic conquerenti, frater cui dentes commisi fuerant, respondit: « Dabo tibi donum non parvum, imo magnum, margaritam pretiosam, scilicet dentem Patris nostri, qui te in vita sua dilexit non singulariter solum, sed specialiter unum. » Et hæc dicens, tradidit dentem. Ille pro collato sibi munere gratias agens multumodas, susceptum dentem, prout decuit, in magna habuit veneratione. O quanta Deus mortalibus C per hunc dentem postmodum contulit beneficia, quæ si scriberentur, mens infirma credere nequam acquiesceret.

Erat tunc temporis in claustro quidam scholaris, Grimolfus nomine, fere quindecim annos ab ortu habens, morbo laborans caeco. Quodam die, cum in terram prædicto morbo elisus volutaretur spumans, supervenit abbas Richardus, viri Dei successor: et misericordia motus super eum, dicit secretario qui secum venerat: « Vides quam miserabiliter cruciatur clericus iste? Vade ocius, et dentem Patris in aqua lava, et ipsam aquam ori ejus infunde, ut probemus quid virtutis habeat in se dens ille. » Obtemperans præcepto abbatis, sibi injunctum implevit; cumque salutiferum liquorem ori laborantis infundere vellet, non potuit, quia dentes ad invicem tenebat compressos. Arripiens igitur cultellum fauces illius disjunctis, infundens ori ejus aquam allatam; quam cum gustando absorbuisset, cœpit fremere et gemere, sicut si bullientem olei liquorem sumpsisset; post paululum tamen requievit, quasi in extasi raptus. Transactis aliquibus horis diei, revixit spiritus ejus, et resurrexit sanus; de reliquo vero morbus ille eum non tetigit, neque contristavit, nec quidquam molestiæ intulit. Hoc initium signorum fecit servus Dei post transitum suum, in conspectu discipulorum suorum, et manifestavit gloriam suam. Eandem consecutus est misericordiam Sueno filius Tolphi, morbo laborans simili.

Manifestavit iterum S. Wilhelmus gloriam sancti-  
tatis suæ in villa Frisleven (20); manifestavit autem  
sic: Erat inibi mulier quædam, obsessa dæmone  
pessimo; quæ omnibus ad se consolationis causa  
accedentibus secreta cordis detegebat, exprobrabat  
peccata, prout suggestit ei inimicus. Diaconus, qui  
erat in villa illa, venit ut invocaret super eam no-  
men Dei sui, et egeret dæmonium. Vidit mulier  
diaconum ad se intrantem, et concitata ad contu-  
melias, exclamavit: « Diacone, ad quid venis? Sta  
foris. Non es dignus ut intres sub tecto meo.  
Quis es, bene novi, et facta tua, habens scientiam  
viarum tuarum. Tu es qui pauperis mulieris  
gallinam furabaris, et deplumabas, et plumas cum  
pennis subtus una sepe abscondebas, et eandem  
in cœna edebas, putans furtum tuum me latere. Recede a me, pessime, recede: longe sit a me be-  
nedictio tua. » Diaconus de sibi objectis confusus,  
tristior quam advenerat in domum suam est rever-  
sus, objecti criminis conscius. Conversus quidam  
de familia et de domo ipsius sancti, in eadem villa  
existens mansionarius, prædictæ mulieris detesta-  
tus insaniam, venit ad claustrum, et petiit sibi dari  
aquam, in qua dens sancti viri lotus esset. Petiit et  
obtinuit, et reversus obtulit illam mulieri ad bibe-  
ndum: bibit, et, expulso spiritu immundo, salva  
facta est ex infirmitate sua. Postea non multo ela-  
pso tempore, altera mulier in eadem villa arrepta  
est a dæmonio, et simili curata est medicamine.

Iter faciente fratre Saxone, dum transiret Methu-  
ense, homines illius villæ clamabant ad eum dicen-  
tes: « Domine, si quid potes, adjuva nos, misertus  
nostri. » Quos cum interrogaret quid haberent et quid  
sibi vellent fieri, responderunt: « Est hic mulier  
Hestrith nomine, quæ habens nimium appetitum  
edendi radices olerum, ingressa est hortum suum,  
et cœpit eas ab humo effodere, et effossas avidè  
corrodere; quod cum fecisset statim insiluit in  
eam spiritus malignus, vehementer discerpens eam:  
et ecce eam ligatam tenemus, ne se ipsam inter-  
ficiat ac pueros suos strangulet; virgis eam cædi-  
mus et majora flagella minamur, sed in hoc non  
proficimus, imo magis poenam poenæ accumulamus. »  
Commotus ille super infortunio mulieris, jussit sibi  
aquam exhiberi, quam dente S. Wilhelmi, quem  
sibi retinuerat, consignans et in ea tingens, invocato  
nomine sanctæ Trinitatis et ipsius sancti, dedit eis  
ut auferrent, ac furenti porrigerent mulieri. Cumque  
oblatam bibisset aquam, mox hospes improbus,  
vim sacri liquoris non sustinens, domicilium quod  
occupaverat reliquit invitus, mulierque sensum  
recepit pristinum. Frater vero supradictus post pau-  
lulum reversus, declinavit ad domum mulieris, ut  
videret qualiter se haberet; invenit eam sane sa-  
pientem et laudantem Deum in sancto suo, qui fecit  
misericordiam suam cum illa.

In eadem villa uxor Wideri erat gravida: imple-

(20) Forte parœcia et villa Ferslev in præpositura  
Horn, et præfectura Fridericoburgensi. Vel etiam

tum est tempus illius pariendi; sed præ difficultate  
partus parere non poterat. Torquebatur misere,  
laborans partu, sed non parcens; languens, sed  
non moriens. Talibus cruciatibus afflicta, omnibus  
suis sit causa doloris. Interea intra matris claustra  
infans privatur vita, et sit infelicis matris uterus  
miseræ prolis tumulus; jacet funus in funere, mor-  
tuum in moriente, ante subtractum quam visum,  
ante sepultum quam natum. Vir autem ip-  
sius, pro morte mulieris suæ anxius, huc illucque discurret,  
omnes circumvenit, si quid remedii moribundæ mu-  
lieri posset reperire. Tandem venit ad claustrum,  
sacristam invenit, inquit ab eo si aliquid consilii,  
scripto vel medicina, novit contra tam miserum  
casum. Cui sic interroganti respondit: « Non est  
opus medicina vel scripto in tali articulo, sed Dei  
et sanctorum suffragio; si fidem adhibueris, credo  
me ei antidotum posse conferre salutis. Lavabo  
dentem S. Wilhelmi in aqua, quam ei deferes ad  
bibendum: si crediderit se ejus meritis posse libe-  
rari, post gustum illius evadet periculum mor-  
tis. » Fecit quod promisit, et instructum bene in  
fide cum potu salutifero remisit ad propria. Cum-  
que domum reversus fuisset, quod attulit infudit  
ori mulieris, præ dolore morti jam proximæ, et  
egreditur. Vix eo egresso foras, et liquore sancto  
ad secreta mulieris decurrente, peperit foetum pu-  
tridum. Quod cum vidisset, resumpto spiritu, exclamavit:  
« Si sic mihi futurum erat, quid necesse  
habebam concipere. Attende, Domine, et vide si est  
dolor ut est dolor meus (Thren. 1), sed gratias tibi  
ago, qui me meritis sancti confessoris tui Wilhelmi  
a periculo mortis liberasti. » Audientes vicini quod  
factum fuisset cum illa tale miraculum, congratu-  
labantur ei, dantes laudes Deo et S. Wilhelmo non  
minores pro secundo miraculo quam pro primo.

Quodam tempore, dum frater Saxo jam sæpe nomi-  
natus venisset Willike, et se in hospitium recepisset,  
intravit quidam dæmoniacus, furens et frendens.  
Hunc tanta vexabat dementia, ut sæpius habitatione  
relicta inter bestias quasi bestia viveret. Ex in-  
gressu ipsius tota turbatur familia, timens insultum  
ejus. Furentem intuitus frater, dixit: « Vis com-  
edere? » Cui ille subsannando et debacchando re-  
spondit: « Tu comede. » Respondenti sic iterum  
ait: « Vis bibere? » et præcepit sibi aquam mini-  
strari. Cumque mora fieret in allatione aquæ, ac-  
cepit serum, quod in promptu erat, et intingens in  
eo dentem S. Wilhelmi, porrexit farioso. Cumque  
biberet, factum est in ore ejus dulce sicut mel:  
unde datori suo ait: « Bonum est quod mihi dedi-  
sti; peto ut des amplius. » Et cum bibisset secundo  
et tertio, expulso spiritu phantastico, compos sui  
effectus est. Secundo die sequebatur eundem fra-  
trem ad claustrum, magnificans Deum, et gratias  
exsolvit liberatori suo Wilhelmo, docens omnes  
experimento sui, quia *potens est et sanctum nomen*  
villa Froerslev in parœcia Herlov, præpositura  
Ljunge-Fridericsborg, et præfectura Fridericsborg.

ejus (Luc. 1). Quodam tempore, cum D. Petrus Roschildensis episcopus, frater noster (21) apud nos esset, et in vespere ad cœnam discubisset, famuli ejus, qui inferebant ea quæ ad refectionem erant necessaria, nuntiaverunt ei dicentes: « Benedictus sit Deus, quia jam vidimus oculis nostris cereum ardentem, tanquam faculam de cœlo, supra sepulcrum S. Wilhelmi descendere et tectum ecclesiæ descendenti pervium iter facere. » Intravit unus post alium ejusdem visionis nuntius. Tunc venerandus sacerdos, luminibus erectis in cœlum, benedicens Deum, sic orsus est loqui: « Nisi quia potens est Dominus, quod et quantum vult et quomodo vult magnificare et glorificare, vix possum adhibere fidem miraculis, quæ ad quorundam sepulcra referuntur facta, quorum vitam et conversationem in carne existentium cognovi; sed nullus scrupulus dubietatis cordi meo inhæret de virtutibus quæ ab isto sancto fiunt, cujus vitam tam probatam in omnibus esse perpendi, ut vix aliquis cordis ejus contritionem aut compunctionem, mentis humilitatem, conscientiæ puritatem, ad amicos et inimicos magnam charitatem et ad pauperes in maxima paupertate eximiam largitatem, sufficiat admirari: laudabo igitur nomen ejus assidue, et collaudabo illud in confessione, quoniam stabilita sunt bona illius in Domino, et ipse erit ei merces æterna. »

Quædam mulier, pauper rebus, sed fide dives, præsentavit se sepulcro S. Wilhelmi, gratiam sanitatis ab eo postulatura; quæ ventrem, sicut vidimus, adeo inflatum habuit tumoris magnitudine, ut vix trium ulnarum cingulo cingeretur. Fratribus ad refectionem euntibus, illa accepta licentia ad sepulcrum viri Dei lacrymis et orationibus insistebat: ipsis sumentibus cibum corporalem, ipsa reficitur cibo spirituali: nam illo horæ spatii curata est ab infirmitate sua, veluti sibi oranti confessor Domini respondisset: *Mulier, magna est fides tua: fiat tibi sicut vis (Matth. xv)*. O quam firma fides infirmæ! quam meritoria! quam cito remunerata! Fratribus ad ecclesiam reversis, in gratiis agendis, ita tenuis et gracilis est inventa, ut vix eadem crederetur, nullam retinens vestigium tumoris sive inflationis. Interrogata si aliquam ruptionem intrinsecus vel extrinsecus sustinisset, per quam humor noxius vel sanies defluxit; negavit se aliquid ruptionis vel doloris in sui curatione sensisse, sed tumorem sedatum fuisse, sicut placuit ei, qui eam sanam fecit. In memoriam hujus facti, et ad augmentum fidei aliorum, suspensum est cingulum, quo usa fuerat, habens longitudinem superius positam. Compulsantur igitur signa, et dantur laudes Deo, et glorificatur ab omnibus in miraculo, quod pro sui famuli

A fecit merito. Multiplicantur de die in diem prodigia; non deficit, sed augmentatur in domo Dei lectythus olei, sudat alabastrum unguenti, fragrat cœlestis odor balsami, concurrunt turbæ languidorum, et consequuntur præmia beneficiorum.

Quante sanctitatis memorabilis Pater noster S. Wilhelmus in vita sua exstiterit, subsequentium veluti et præcedentium miraculorum declarabunt prodigia: ut enim pietatis suæ multimoda beneficia frequenter et in publico indigentibus exhiberet, sapius fratribus et aliis per visiones conquestus est, se in arcto loco concludi, eo quod in medio choro modicæ ecclesiæ, ex lignis fabricatæ, tumultus esset, paucorum præter fratres receptibilis, ideoque neque eis prodesse, neque aliis se posse conferre optatæ sospitatis gratiam, quandiu ibidem arctaretur et accessus hominum prohiberetur. Igitur dum in septimo anno, postquam requievit a laboribus suis, sanctuarium novæ et latioris ecclesiæ ex tegulis constructum consummaretur, et chorus fratrum in eo disponderetur, separatus longe a mausoleo viri Dei, lignæque ecclesia peregrinis et infirmis undequaque adventantibus ad orandum relinqueretur, in vigilia ascensionis Domini tanta multitudo populi convenit, ut ipsa ecclesia repleta vix tota curia alios capere posset: tunc a vespera usque ad missam subsequenti diei, quatuordecim facta sunt miracula; proxima vero Dominica quatuor, in festo vero Pentecostes omni die quatuor vel quinque.

C Succedente vero festo B. Bostulfi abbatis, quod colitur octo diebus ante festum S. Joannis Baptiste, cum majus altare in honore B. Thomæ apostoli a venerabili Roschildensi episcopo Petro dedicaretur, tot et tanta fiebant miracula, ut nullus ea referre sciat, præter illum, quem nihil latet: in via enim, per quam veniant; et in silva longe a monasterio, ubi sederat vel deambulaverat servus Dei, sanabantur ægroti. O quantum gaudium et exultatio tunc fuit in omni populo, vidente magna et mirabilia Dei, quæ operabatur per sanctum suum. Resonabat ecclesia, resonabat et curia, resonabat et silva in voces laudantium et dicentium: *Hæc est dies quam fecit Dominus, exsultemus et lætemur in ea (Psal. cxvii)*. Reddidimus et nos pensum servitutis nostræ, *cantantes et psallentes in corde et ore Domino (Ephes. v)*, quoniam bonus, quoniam in sæculum misericordia ejus (Psal. cvi), et quoniam *visitavit nos Oriens ex alto et erexit cornu salutis nobis in domo David pueri sui (Luc. 1)*. Tunc recordati sumus verborum ipsius, quibus consolabatur nos in vita sua, conquerentes de paupertate nostra; dicebat enim nobis: *Patientes estote (I Thess. v)*, quoniam adhuc visitabit vos Deus in salutari suo

(21) De hoc ita Claudius du Molinet not. ad Steph. Tornac. epist., p. 119: *Fuit nepos Absalonis, eique successit. Emiserat autem canonicam professionem Parisiis in manibus Stephani abbatis S. Genovesæ, postea episcopi Tornacensis, qui ad ipsum duas ex suis epistolas direxit, scil. Ep. 157 et 165. Obiit*

ejus notatur in Necrologio S. Genovesæ, die 18 Octobris, hoc modo: *Anniversarium piæ memorie Patris Roschildensis episcopi, cancellarii regni Daciæ, canonici nostri professi. LANGEB. Obiit anno 121., et episcopus Roschildensis factus est 1192 post abdicacionem Absalonis.*



(*Psal.* cv), et replebuntur horrea vestra saturitate A  
(*Prov.* i:1), et erit locus iste valde gloriosus. »

CAPUT VII.

*Alia S. Wilhelmi miracula.*

Quædam mulier de Kopnanhaven (22), Olava nomine, ab infantia oculos habuit dolentes, propter quam causam cæcitatem incurrit : audiens hæc famam sancti viri ubique celebrem, venit ad sepulcrum ejus, lacrymis et orationibus postulans, ut lumen recipere mereretur. Petiit, et obtinuit quod voluit; nam dum orationi insisteret, aperti sunt oculi ejus, ita ut clare videret omnia. In vigilia Pentecostes juvenis viginti annorum, paralyti dissolutus, et omni membrorum officio destitutus, ad tumulum S. Wilhelmi manibus aliorum apportatus, deponitur; rogatur custos sepulcri ut exhibeat illi paralytico salutarem liquorem, scilicet aquam in qua deus S. Wilhelmi lotus erat; qui satisfaciens precibus rogantium, dedit aquam medicinalem, qua gustata, infirmus officium membrorum recipit, omnibus articulis ad debitum usum consolidatis.

Quædam mulier de Bardeleve, Reginalda nomine, ab utero matris suæ egressa fuerat cæca. Sicut tenebræ ejus ita et lumen ejus; lumine carebat oculorum, sed lumine vivebat cordis. Unde in fide radicata et fundata, sciens quia *prope est Dominus omnibus invocantibus eum in veritate* (*Psal.* cxlvi), ducatu fratris sui ad S. Wilhelmum peregre profecta est. Quo cum pervenisset, nocturno tempore cœpit vigilias in ipso cœmeterio facere. Cumque resideret et requiesceret a labore suo, horror gravis invasit eam, et timor et tremor venerunt super eam; unde quasi in extasi facta, supra pedes suos erigebatur, et manibus miros faciebat plausus : post paululum ad terram relabatur, iterumque erigitur. Cumque sic sæpius impelleretur, frater ipsius, sciens eam concepta prole esse gravidam, timuit valde, ne abortivum faceret, vel quod in utero portaret pro tanta laboris magnitudine suffocaret; unde conversus ad Dominum et ad sanctum ejus, pro ea cœpit humiliter deprecari. Quia vero *oculi Domini sunt super justos et aures ejus in preces eorum* (*Psal.* xxxiii), i. fans conservatur in utero, et mulier illuminatur viri Dei merito; nam nox ejus versa est in lucem, et sub ipsius temporis tenebris D tenebras amisit oculorum.

Andreas, sacerdos de Zunthe, diutino labore oculorum periclitabatur, et timebat se lumen oculorum amittere et continuæ noctis tenebris subjici. Corde igitur contrito et spiritu humiliato, ut has tenebras evadere possit, ad S. Wilhelmum se spondet profecturum. Habens igitur spem recuperandæ sanitatis, et sciens quia stulta et infidelis promissio displicet Deo, iter aggreditur, votum suum compli-

turus. Et quia virtus sancti erat ad sanandum eum, in via qua veniebat, remota caligine, oculi sui cœperunt clarescere, et visum amissum recuperare. Perveniens ad sepulcrum viri Dei hoc miraculum omnibus pandit, benedicens Deum, qui dedit eis talem patronum in salutem populi sui.

Ante quinque dies festivitatis B. Joannis Baptistæ, cives Roschildenses profecti de civitate sua venerunt ad S. Wilhelmum. Hos comitatus est quidam mutus, mercenarius bonus, Ketillus nomine, Normannus natione; hujus linguam Satanas ligaverat undecim annos, nec quidquam loqui poterat. Postquam ecclesiam ingressus est conturbavit eum spiritus, et elisus concidit in terram. Resurgebat sæpius, sed gradu instabili stare non valebat; vertebat se in latera, et volutabatur de loco ad locum; corruebat in faciem suam, allidebatur ad petram, quocumque impetus eum ferebat : casu frequenti læsus, multumque discerptus, vestes suas projiciebat; malo suo venisse videbatur, quia insanire putabatur, quem sic virtus divina sanare disponebat. Nocte Dominica matutinis fere decantatis, solum est vinculum linguæ ejus et loquebatur recte magnificans Deum. Accurrit populus ad pium et gloriosum spectaculum, tam gaudio plenum quam admiratione dignum. Accurrunt Roschildenses, ut videant Ketillum loquentem, quem diu noverant obtumescentem; tandem præsentatur fratribus et ante priorem sistitur; cui interroganti unde esset et quomodo loquelam perdidisset, respondit : « De Norvegia sum oriundus, ante undecim annos obdormiens in campo, perdidit loquelam : obdormivi sanus, evigilavi mutus. » Hæc eo referente, quædam matrona nobilis, apud quam fuerat hospitatus duobus annis, perhibebat testimonium verbis ejus, cum aliis multis, qui convenerant ad diem festum.

In die S. Nicolai venit ad nos quidam rusticus de Lucethorp cum filio suo surdo et muto habente annos duodecim. Hunc pater deputaverat custodem pecorum suorum, qui, ut mos est pastoribus, jacens in quodam monticulo, obdormivit; cum autem surrexisset a gravi somno, surdus factus est et mutus. Rogavit nos pro filio, ut sancti admitteretur sepulcro; roganti assensum præbuimus; custos vero sepulcri accipiens dentem S. Wilhelmi, in aquam misit, eandem auribus et ori pueri infudit, dicens : « Præcipio tibi in nomine Domini et per virtutem S. Wilhelmi, ut dicas nobis, quo voceris nomine. » Ad hanc vocem adjurantis apertum est os pueri, auditu simul restituto, et respondit : « Petrus. » Post hæc interrogatus plura, respondit libere ad singula; videntes hæc, gavisus sumus gaudio magno, laudantes Deum in sancto suo, qui surdum fecit audire et mutum loqui.

(22) In diplomatibus annorum 1186, 1195 et 1198 vocatur hæc urbs *Hafu*. A Saxone l. xiv, edit. Ascensii fol. 164 vocatur vicus Sialandæ, qui *Mercatorum portus* nominatur, circa an. 1167; f. 179. b. mentionem facit castellum ab Absalone conditi in pu-

blico negotiatorum portu, et fol. 180 vocat eam *Ab-salonica* urbem. In diplomate anni 1253 vocatur *Koopmannæhafu*. Antiquissima mentio hujus loci est in *Knytlunga Saga*, c. 22, p. 38, sub nomine *Hofa*, ad annum 1044.

Alio tempore oblatuſ est quidam puer ſeptem annorum, quem matris uterus in hanc lucem profudit ſurdum et mutum : aderat tunc in eccleſia non minima multitudo populi, quam rumor novitatis attraxit. Suſcipiens ergo frater illam communem languidorum et infirmorum efficacem medicinam, miſit in os pueri et in aures dicens : « In virtute S. Wilhelmi præcipio tibi, ut poſt me loquaris verba quæ me audieris proferentem. » Adjuratus in virtute ſancti confessoris, mox duos ſenſus, ſibi a primordio ſui ortus denegatos, capessit, ſcilicet auditum et loquelam ; et inchoante fratre Dominicam orationem, loquitur verbum poſt verbum, voce articulata et intelligibili, licet in verbis formandis et exprimendis balbutiret ; qui autem adduxerant cum, ſtabant ſtupefacti, mirantes de his qui procedebant de ore ejus.

Quadam ſolemnitate, cum innumeri utriusque ſexus ad ſanctum noſtrum concurrerent, attulit quædam mulier parvulam puellam inter brachia ſua, in cujus oculo ulcus excreverat immenſum, et ad intuendum valde horribile. Accedens illa cum filia ad fratrem, qui curam agebat infirmorum, rogat ut ſtillam ſacri liquoris oculo miſeræ natæ infundat. Inclinans aures petitioni mulieris, perfecit rogatum, et inſuper ſanctum dentem tumori applicuit. Mirum dictu ! ſtatim rupta eſt cutis ſub oculo, velut ferro tranſfixa, et tumor ſubſedit, cedens præſentis reliquiarum ; ſaniesque emanare non deſiit, donec oculus aperiretur, et claritate videndi ſimilis ſeret incolumi ; et omnis plebs, ut vidit, dedit laudem Deo.

Crescentibus miraculis et fama confessoris crescente, ad auxilium ipſius confugit quædam mulier, multis cruciata doloribus. Hæc ſanctum ſuppliciter exorabat, ut eam Domino ſuis precibus commendaret, quatenus ſic ſe de ſuis miſeriis liberaret, prout ſciret ſibi expedire. Nocturnas in eccleſia agens vigilias, cum leni correpta ſopore caput reclinaret ſuper formam (23), cui ſanctus in vita ſua conſuevit incumbere, orationi inſiſtens, vidit confeſſorem Domini aſſiſtentem ſibi et dicentem : « Mulier, revertere in domum tuam, quia in præſenti non poteris curari ; eſt tamen ſalus tua in manu Domini : poſtquam aliquantulum temporis ſeceris in tuis cruciatibus, tanquam lapis vivus in cœleſti ædificio collocaberis. » In his verbis expergefata mulier, lætior ex promiſſis efficitur, quam ſi corporales amiſſiſſet dolores ; et quæ ſibi dicta fuerant, circumſtantibus referens et animadvertens Dei decretum eſſe immutabile, reſerſa in domum ſuam, cum ſumma devotione vitæ ſuæ præſtolabatur terminum.

Nec illud ſilendum eſſe arbitror, quod priori ratione non eſt multum diſſimile. Erat quidam debilis membris et quaſi phreneticus, in villa Anese ; quæ vicina eſt claſtro : hic ſolatium ſuæ infirmi-

(23) Per formas Henſchenius et Papebrochius, p. 641, not. c, intelligunt : *ſubſellia choralia*.

latis et debilitatis a ſancto volens impetrare, venit ad ſarcophagum ejus. Cumque inibi quinque dies continuasset in oratione et lacrymis, ut auxilium divinum ſuper ſe videret ; ſomno ſubditur. Dormienti apparuit confessor Dei, inquiring : « Quid hic jaces ? Sanitatem in hoc loco non habebis ; te autem in domum tuam redeunte ſanitatem recuperabis, ſed illa non erit tibi diuturna. » His auditis, conturbatum eſt cor hominis et contremuerunt oſſa ejus (*Jer. xxiii*), ſomnusque ab oculis ejus tollitur. Excitatus itaque et visionis ſuæ memor, non abſque magna cordis contritione, quod audierat, nobis indicavit. Inſtructus ergo quod divina Providentia in ſui diſpoſitione non fallitur, ad proprios lares revertitur. Poſtmodum non multo elapſo tempore robuſtior factus, arrepta ſecuri, ut ligna ſecaret, ſilvam ingreditur ; dumque ſtudioſius operi inſiſtit, robur in quo laborabat ſuper eum corruiſit, et contractus membra mortuus eſt. Quid tamen cauſæ fuerit, quod talem ſortitus eſt mortem, non eſt meum diſcutere ; quia judicia Dei abyſſus multa (*Pſal. lxxxviii*).

In eadem villa debebant duæ mulieres, diverſa infirmitate laborantes : altera lumen amiſerat oculorum, altera vero in quadam ſui corporis parte ſacro igne consumebatur. Sedulas Deo pro ſui liberatione fundebant preces, et S. Wilhelmo ſe voto obligabant, ut ejus ſuffragantibus meritis a tanta calamitate liberari mererentur. His ita in oratione persistentibus, illa, cujus oculi caligaverant, in viſione videbat, ſe quaſi peregrinationis cauſa monaſterium S. Thomæ adire, obviumque S. Wilhelmum in via habere, ſuperpellicio indutum, et aſperſorium cum aqua benedicta in manu ferentem ; quo viſo admodum pavefacta, vix audet interrogare, quis eſſet. Nihilominus tamen interrogat : « Quis es tu, Domine ? » Cui ille : « Confide, filia, ego ſum abbas Wilhelmus, quem sæpius invocasti ; et nunc vado ad mulierem, quæ mordaci igne in villa tua tribulatur, quia clamat ad me tota die ; tu autem interim vade ad locum requiectionis meæ, et ibi præſtolare adventum meum. » Eadem hora evigilavit ſana, lumine oculorum recepto ; et in altera exſtinctus eſt ignis, non illuminans ſed conſumens, ut autem breviter dicam, ſicut utraque divina miſeratione ſimul eſt curata, ſic ſimul ad ſepulcrum confessoris Dei veniebant, ſimul in terram corruiebant, ſimul surgebant, ſimul poſt gratiarum actiones glorioſa in ſe facta miracula omnibus prædicabant : nec hoc tantum illæ faciebant, ſed etiam villani ipſarum, qui curationi earum teſtimonium cum magno gaudio perhibebant.

Quidam ſacerdos de Schania, Reinerus nomine, de Hazdelzar (24), percussus ſacro igne in lingua, ægrotabat ſere ad mortem, quia erat ille languor fortisſimus, fuerat ille quondam S. Wilhelmi diſcipulus, ſed apoſtatando inter ſæculares ſæculariter vivebat. Cum mors jam eſſet in januis, et vitæ ſuæ terminus

(24) Locus mihi ignotus, et forte vitioſe lectus.

acceleraret, misit filium suum ad monachos de Ecclesia Omnium Sanctorum (25), ut aliquem fratrem sibi adduceret, qui ei confessionis et unctionis ministerium impenderet, et habitu suæ religionis investiret. Interim ad se reversus, et mente retractans quanta miraculorum gloria Dominus sanctum suum Wilhelmum mirificaverat; compunctus corde, quod ei vel in carne viventi vel post carnis depositionem glorificato non satisfacisset, ait intra se: « Pater sancte, peccavi in cælum et coram te; jam non sum dignus vocari filius tuus (Luc. xv). Sed parce peccatis meis, si autem, antequam nuntius redierit, aliqua salvationis gratia me visitaveris, ad domum tuam revertar, et quod deliqui, curabo emendare. » Corde vovit justitiam; et ecce divina miseratio, quæ semper pœnitentibus præsto est, illi adfuit, et invocantem sanctum suum liberavit. Exstinguebatur subito ignis mordax, et rumpebatur tumor in ore, et sanies mista cum sanguine profuebat, quasi aliquis linguam digitis exprimeret. Sanus factus sanctum adivit, narrans nobis quantum Dominus fecit animæ suæ; sed tamen apostasiæ suæ renuntiare distulit: erat enim de numero illorum, qui in tempore tribulationis suæ clamant ad Dominum et cum liberati fuerint ad iniquitatem redeunt, et est error ille pejor priore.

Puella quædam, in villa Gherluse (26), eodem torquebatur morbo: jam loqui cessabat, et horam ultimam expectabat. Erat in eadem villa quidam clericus, Laurentius nomine, qui eam tenere diligebat. Hic præ cæteris de morte ejus, quam diligebat anima sua, anxius ad claustrum properat, et impetrata aqua medicinali citius regreditur et ori dilectæ suæ salutarem liquorem, quem attulerat, curiosius infundit, et tumorem excrescentem eodem perungit; quo facto, morbi materia extincta est et mulier convaluit ab infirmitate sua.

Sed quid facilius est dare salutem mentis an corporis? qui multos sanavit in corpore, mulierem de Ripensi civitate sanavit in mente. Insanierat multis septimanis post partum, et viro suo, matri et sorori et cæteris amicis suis inopinatum doloris vulnus inflixerat. Ab istis ad sanctum trahitur, manibus a tergo ligatis; licet renitens ac reclamans, sancto præsentatur: in ecclesiam ducta, ecclesiam replet clamore, verba blasphemiarum multiplicando. Ibi tota die et tota nocte insaniens, adveniente luce solis, lucem recipere meruit rationis: soluta a vinculis, discrimen imposuit capillis suis: vestita vestibis suis, fecit gaudium suis consanguineis: in missa matutinali sumpsit Eucharistiam de manu sacerdotis, et quæ adducta fuerat in tristitia, jam sui compos remeavit cum lætitia.

Vir quidam, Bernardus nomine, ad nundinas Schanienses tendebat navigio: cui in mare navi-

gantem, accipiter, quem in manu tenebat, elapsus abvolavit. Altera die cum ad portum applicuisset, et ad prandendum discubisset, audivit a secum discumbentibus, per S. Wilhelmum suis temporibus inaudita fieri miracula. Quibus admiratus et de amissione sui accipitris cor adtrunc habens saucium, in hunc prorupit sermonem: « S. Wilhelme, reddo mihi accipitrem meum, et dabo tibi marcam ceræ. » Finitis his verbis, accipiter nutu divino advenit, et coram eo resedit. Attonitus novitate tanti miraculi, quod sancto vovit, reddere non distulit, laudem referens Altissimo, qui dedit talem potestatem hominibus. Magnus confessor noster, et magna virtus ejus, et miraculorum ejus non est numerus.

Allata est quædam mulier ad sepulcrum ejus, Cælia nomine, de villa Ekebe (27), membra habens universa paralyti nimia dissoluta; manuum, pedum, totiusque corporis sui penitus imposita: nihil vitæ videbatur habere indicium, nisi quod oculis inerat motio. Quocumque illam corporis vocabat necessitas, duorum vel trium ferebatur auxilio, quia non se ipsam a latere in latus vertere, non manus vel expansas claudere vel clausas porrigere, non pedes vel protensos retrahere vel ad se collectos protendere valebat. Jacebat ab hora nona usque in vesperam Dei exspectans misericordiam. Tunc primo incipit tremere, deinde caput parumper movere; sensit tandem crura pedesque ab insensibilitate revocari, calefieri nervos, totumque corpus præter dexterum brachium in quamdã agilitatis gratiam renovari. Sensit igitur et experta est, manifesta Dei virtute se sanam effectam, præter dexterum brachium, quod ad sui correctionem remansit aridum. Lætabunda illico resedit, et lacrymis pro lætitia obortis sancto gratiarum actiones relaturo, ad tumbam ipsius accedit. Fit clamor in populo, laudatur Deus in excelso, qui tantam curationis gratiam suo præstat Wilhelmo. Cur tamen brachium aridum remanserit, nec omnimodam consecuta sit sanitatem, stupet mulier, miratur frater sepulcri custos. Unde sequenti Dominica rogat eam redire, et pietatem Domini et ipsius sancti pro brachii sui restauratione efflagitare. Conservabat mulier verba rogantis corde suo, et Dominica sequenti revertitur; sed qualis venit, talis recessit.

Iterum in sancto die Pentecostes rediit; nec tunc exaudiri meruit. Miratur custos sepulcri mulierem toties casso labore venire et redire, ait illi: « Mulier, scrutare conscientiam tuam, et diligenter inquirere si aliqua via iniquitatis in te est, et consistere eam et mundaberis. » Paruit sanis dictis, et in domo sua statuit ante oculos cordis occulta conscientiarum, diligenter investigans quo commisso adhuc tenetur obnoxia. Tandem reminiscitur quoddam facinus se commisisse, quod nunquam alicui fuerat confessum.

burgum. L.

(27) Forte Egbeye villa in parœcia Glostrup, præposituræ Smörum, præfecturæ Hafniensis.

(25) Prope civitatem Lund; a domino Tunnel in introductione ad geographiam Sueciæ minus recte p. 235. S. Helenæ ecclesia vocata.

(26) Hodie Gierlose inter Slangeroep et Friderici-

Tunc ingemiscens, precibusque et lacrymis largioribus indulgens, ad sanctum Dei regreditur; et invento fratre, qui custodiam habebat sepulcri, adorat eum prona, dicens: « Domine, propitius esto mihi peccatrici. Multum quidem peccavi, nec emendare curavi; sed audi me sero poenitentem, ora pro peccatis meis. » Confessa igitur prædicto sacerdoti crimen quod celaverat, et emendationis vitæ faciens sponsonem, repente maridi brachii recepit sanitatem. Videns se mulier totius corporis recepisse valetudinem, gratulabunda exclamavit: *Convertimini ad Dominum Deum nostrum, quoniam benignus et misericors est, patiens et multum misericors, et præstabilis super malitia (Joel. II).* Erat eodem die festivitas S. Joannis Baptistæ, et convenerat maxima multitudo utriusque sexus, quæ audientes quæ facta fuerat, glorificabant Deum, qui ad hoc lacteus mulierem flagellavit in corpore, ut animam ejus mundaret a crimine. O magnæ pietatis virum, cujus precibus ab omni clade, tam animæ quam corporis, liberata est mulier! o insigne prodigium! quia quanto anima pars hominis est potior, tanto constat curationem ipsius gloriosius esse miraculum. Vere per confessorem nostrum *factum est stud, et est mirabile in oculis nostris (Psal. cxvii.)*

Erat quidam juvenis in Guthlandia, Liguetus nomine, dives valde, sed leprosus. Multa medicis, *filiis hominum, in quibus non est salus (Psal. cxlv),* pro sui corporis mutatione voluit dare, sed non fuit, qui adjuvaret eum. Advertens tandem, quia *vana salus hominis (Psal. lxxix),* et quoniam *adhærere Deo bonum est, et ponere in Domino Deo spem suam (Psal. lxxii),* ad nos post transitum maris pervenit, spe corporalis sanitatis adipiscendæ. Manus illius, brachia, pedes et crura, totumque corpus sordida lepra infecerat: post aliquot tempus secundum petitionem suam mansit nobiscum vigiliis et orationi insistens, et se sæpius aqua medicinali lavans ac refrigerans. Quo facto, secundum fidei suæ meritum, de die in diem melioratur, lepræ contagio evanescente. Reversus iterum ad patriam suam perfecte curatus est, et qui prius præ fetore omnibus erat vitabilis, deinceps habuit communionem cum hominibus, et habitavit cum illis. Testes suæ curationis habuimus parochianos suos et sacerdotem; qui reintegrata carne sua et refluente, nullum signum lepræ in eo testati sunt remansisse.

#### CAPUT VIII.

##### *Reliqua miracula S. Wilhelmi.*

Vere gloriosus Dominus in sancto suo, et laudabilis in operibus illius, qui puellæ Inghelit nomine de Nordenberghe (28), de villa Luagbe (29), pessimo contagio lepræ infectæ, ac sinistro oculo cæcatæ, misericorditer subvenit, in domo sui confessoris Wilhelmi, dum ei partim visum reddidit, partim a lepra mundavit. Hæc tanti beneficii munus adepta,

(28) Forte parœcia et villa *Lundbye* in præpositura Hammer, præfecturæ *Vordingborgensis*,

(29) Forte corrupte pro *Wordingbergh*,

A parentibus suis, quibus immensi doloris causa fuerat, inopinatæ lætitiæ reportavit materiam, ad propria rediens, et inter redeundum tota mundata. Sequenti anno cum matre sua rediit, lepra ex toto fugata, S. Wilhelmo pro tanto beneficio gratias actura, qui liberavit corpus suum a perditione. In reditu ejus obstupuerunt, qui eam prius viderant, quia sic erat alterata facies ejus, sic lepra annihilata, sic caro florida. Sacerdos Joannes et mater ejus perhibebant testimonium, quoniam meritis S. Wilhelmi mundata erat a lepra sua.

Aggravata est manus Domini super mulierem Allundensem (30), Tonnam nomine, lepram per totum corpus ejus diffundens, et carnem ejus gravi ulcere vulnerans; omnes, qui videbant eam, aspernabantur eam, quia *a planta pedis usque ad verticem non erat in ea sanitas (Isa. I).* Audivit mulier famam confessoris, et plurima percepit de miraculis ejus, unde festinavit adire eum, ut tribueret ei secundum cor suum, et adimpleret desiderium suum et fieret secundum fidem suam. Cum pervenisset ad locum, prostravit se in oratione juxta sepulcrum ejus, et clamavit ad Dominum ex toto corde suo, ut sui miseretur. Audivit Dominus et misertus est ejus, factus est adjutor suus; nam ea surgente ab oratione, in conspectu omnium, qui aderant, cecidit lepra de corpore ipsius, velut squamæ de pisce: et omnes, qui videbant, benedicebant Dominum, *dicentes, quia hodie vidimus mirabilia (Luc. v).*

C Adlucta est ad nos quædam contracta de Norwegia, viginti sex annos ætatis habens. Ista auxilio suorum, multorum sanctorum limina expetierat, ut cui natura officium gradiendi negaverat, auctor naturæ, cui omnis natura subditur, sanctorum suffragio conferret. Sed distulit Deus apud alios dare ei salutem, ut sancto suo Wilhelmo fieret causa laudis et gloriæ. Applicuit mulier ad portum salutis, scilicet ad sepulcrum viri Dei, et statuit in corde suo spiritum ab oratione non relaxare, nec alias discedere, quousque consolidaret bases ejus et plantas. Post quindecim dies, nervis extensis, et talis pedum a natibus protensis, statuit confessor noster supra petram pedes ejus, et direxit gressus ejus; et vidit omnis populus contractam ambulantem et laudantem Deum: vidit et gavisus est.

Cum turba plurima conveniret ad S. Wilhelmum, et de civitatibus properarent ad eum; quædam contracta a nativitate sua, Olava nomine, de oppido Copmanhaven, audita prioris miraculi fama, in vigilia S. Joannis Baptistæ ad sanctum est allata; sed præ pressura gentium in ecclesiam venire non potuit. Nocte igitur sequenti, cum juxta ecclesiam versus meridiem sederet, et sancti gratiam obortis lacrymis pro sui liberatione devotissime interpellaret; apparuit ei quidam veneranda canitie, dicens: « Mulier, ingredere ecclesiam. » At illa: « Domine,

(30) Hallandensem ex Hallandia, non ex Lalandia ut opinatus est Henschenius, p. 643, not. b.

Incessu carens præ multitudine nequeo ingredi, nec habeo hominem, qui mittat me in ecclesiam. » « Repe, inquit ei senior, ad ostium ecclesiae, quod respicit ad aquilonem; et ibi occurret tibi homo in grisea cappa alboque pileo, qui te introducet. » In his verbis consolata repsit velociter, et cum pervenisset ad ostium, invenit hominem, habentem vestitum sicut dixit ei senior; qui ab ea rogatus, transvexit eam in ecclesiam. Ubi recepta inter languillos, trementes et huc illucque corruentes, incepit et ipsa tremere; quod cum fecisset, cognovit quia prope essent dies curationis suae. Anxiabatur tamen, quod vestes non haberet talares, sed tantummodo breves in quibus solebat reperere; unde sanctum in hunc modum interpellabat: « Alne Christi confessor W. lhelme, si volueris mihi gratiam sanitatis conferre, queso, ne sinas me per pavementum volutari, cum sim scitelecta, ne reletur turpitudine mea, et flammam in derisum omni populo. » Oravit, et secundum orationem suam factum est ei; nam primo nocturno finito cum quiesceret, dextri cruris nervos a nativitate contractos sensit laxari et laxando extendi: et item quasi post horam unam similiter nervos sinistri cruris. Consolidatis post paululum basibus et plantis suis, erigitur supra pedes; et quod natura non dederat, huc illucque incedendo, exercitio apprehendit. Quo facto, immisit in os populi canticum novum, carmen Deo nostro: viderunt enim multi et lætati sunt, et speraverunt in Domino. Hujus mulieris testis fuit decanus Absalon, de ecclesia B. Mariæ de Copmanhaven (51) cum fratribus suis, et omnes cives illius castri.

Memorable et inter fideles memorandum, quod piissimi Patris nostri gratia quorundam votum prævenit, et ad voti obligationem eos compellit; quorundam sponsonem statim cum salute subsequitur; quibusdam occurrit in itinere, quosdam suscipit in introitu cœmeterii, alios vel in ecclesia vel ad ipsum sepulcrum præstolatur; alios abeuntes comitatur; nonnullos diutius ab auxilio suspendens, tandem sanitati restituit. Mulieri de civitate Lundensi, Guthæ nomine, contractis nervis atque constrictis, viginti quinque annis subtractus erat incessus. Hæc bis ad sanctum venit, nec tamen voto suo potita sospes est reversa. Secundo die post Ascensionem Domini tertio advenit, et usque in vigiliam Pentecostes jugiter juxta sepulcrum vigiliis et orationibus incumbens, misericordiam Dei et ipsius sancti devotius præstolabatur. Respexit Dominus humilitatem ancillæ suæ, adjiciens ei quod oratione intendebat; nam in sancta vigilia Pentecostes, expletis prophetiis et glorificationibus, discono evangelium

A pronuntiante summus suavissimus obrepsit ei, et audivit vocem dicentem sibi: « Mulier, surge; non decet Christianos ad Evangelium sedere, sed cum reverentia stare et auscultare quod legitur. » Excitata respexit ad mulierem, quæ stabat ad tergum ejus, et interrogavit eam, quid sibi diceret. Cui illa, nihil intelligens hanc vocem venisse desuper, exsultavit uberius, et statim sensit nervos extendi, non tamen absque molestia, tibias vegetari, carnem reloveri, et medullam in ossibus calefieri. Inventa igitur drachma quam perdidit, surrexit lætabunda et laudans, et antequam lectio evangelii finem reciperet, ter sepulcrum confessoris firmo gradu circumcivit, obnixius gratias personando; populus autem in hymnis et confessionibus benedicebat Dominum, qui diem subsequentem, in quo et igne cœlesti mons Sinain canduit, et super Christi discipulos, Spiritus sanctus in linguis igneis descendit (Act. 11), tanti miraculi gloria voluit prævenire.

Paulus filius Entinghi, puer octo annorum, de villa Tortorpuyt, cum parentibus suis hospitabatur juxta molendinum, quod pertinet ad mansionem monachorum de Aswarbode (52): quibus in pratis ad fenum congregandum euntibus, puer domi remansit. Intrans interim domum molendini, ut duceret equum qui trahebat molendinum, per impetum rotæ ipsius molendini impulsus, cecidit inter quamdam columnam et ipsam rotam molendini, ita quod equus non poterat trahere molendinum. Sic inter rotam et columnam, dorso fracto, et aliis membris collisis, permansit ab ortu solis usque ad tertiam. In illa hora venerunt octo homines, qui retrahentes rotam cum magna difficultate puerum mortuum extraxerunt. Accurrit domina domus, Ingerth nomine, et volens probare, si adhuc viveret, vertebat eum huc atque illuc, et in auras sublevabat, sed frustra, quia non erat in eo vox nec sensus, sed jacebat absque flatu vitali, ita ut dicerent omnes, quia mortuus est. Adveniunt tandem miseri parentes, ejulantes et clamantes: « Domine, miserere, Heu! quid accidit nobis? » Et flexis genibus clamabant: « Glorioso confessor Dei W. lhelme, redde nobis filium nostrum. » Et non surrexit puer, sed tota illa die permansit mortuus, et nocte usque ad galli cantum. In galli cantu autem vorentibus illis, quod si resuscitaretur, Deo et beato W. lhelmo eum præsentarent, revixit spiritus ejus, et cœpit moveri; sed loquelam usque ad diem non recuperavit. Mane illucescente die, dicebat matri: « Quando ibimus ad sanctum W. lhelmu(m)? » Gavisam mulier et admirata, quod sanctum nominaret, quem nunquam prius audierat nominari, respondit: « Fili, post octo dies, in die sancti Laurentii, si vixeris. » Ad-

(51) Hæc est antiquissima mentio templi B. Mariæ in Hafnia, qua nixus conjicio hoc templum ab Absalone una cum castro vel arce fuisse conditum, et tunc fuisse unicum hujus urbis, quod etiam confirmatur Diplomate hujus archiepiscopi sine loco et anno, quo confirmat donationes quasdam factas

huic ecclesie per cives Hafnienses.

(52) Scribitur etiam *Aswardebothe*, hodie *Asserboe* prope Esrom. Ibi monachi Carthusiani per Absalonem archiepiscopum introducti sunt anno 1169.

veniente solemnitate gloriosi martyris Laurentii, venerunt pariter pater et mater pueri, adducentes eum in manibus suis, jam sana habentem membra, præter dorsum, quod erat adhuc saucium, parte subtracta, ubi fuerat fractum. Veritatem hujus miraculi diligentius inquisivimus et cognovimus ex testimonio eorum et aliorum qui adfuerant, quia revera suscitavit eum confessor noster a mortuis et reddidit parentibus suis.

Filius cujusdam viduæ in Oreberghem (33), annos habens quatuor, ludens cum aliis pueris juxta amnem, sed casus lapis infra crepidinem alvei, in ipsis aquis submergitur. Redeunt pueri domum, qui cum eo luserant, nuntiantes matri, quia in amne præcipitatus est filius suus. Quibus auditis, scissis a pectore vestibus et avulsis a capite capillis, clamat et ejulat : « Væ mihi miseræ ! » Hujus clamore glomerantur in unum vicini, et currentes ad locum, ubi pueri eum corruisse asserunt, minime reperiunt. Descendentes per ripam amnis, reperiunt eum in quodam sinu ipsius fluminis, ubi impetus gurgitis eum involverat. Repertum extrahunt, atque extractum cum luctu et ejulatu domum reportant. Suspendunt puerum pedibus luridi coloris; et os illius ligno imposito reserant, ut essuat aqua qua turget; sed in hoc amplius labor et dolor, quia defecerat spiritus ejus. Deinde rotant eum in alveo, et ad vitam casso conatu revocare contendunt. Interea ma-

ter pueri, sed jam non mater, orbata filio, continuas fundit lacrymas, crebra dat suspiria, clamorosas voces dirigit ad Deum, non cessans sanctum Wilhelmum invocare, ut ei restituat filium suum : tanto dolore concutitur, tanto mœrore afficitur, ut omnes ad planctus et lamenta provocaret, omnesque pariter cum ea clamarent : « Sancte Dei confessor, super mortuum nostrum auxilii tui ostende virtutem, licet sumus indigni, ut credamus mirabilibus tuis, quæ auribus nostris frequenter insonuerunt. » Mater vero votum vovit, dicens : « Sancte Dei, si filium meum meritis tuis suscitatum recipere meruero, medietatem portionis ejus, quicquid eum in mobilibus contingeret, tibi offeram, et eum ad te adducam. » Misertus confessor mulieris, puerum vitam restituit, apparente primitus in facie ejus nota ruboris, et postmodum eo oculos circumducente; et facta est lætitia magna in domo, et extrema luctus occupavit gaudium. Gaudium et lætitiâ obtinuit mulier, et fugit dolor et gemitus ab ea, et exclamaverunt omnes : « Constebimus, sancte Dei, quia terribiliter magnificatus es : mirabilia opera tua (Psal. cxxxviii), et nos cognoscimus nimis. » Sequenti anno cum filio suo visitavit sanctum Wilhelmum, et coram omnibus fratribus et populi multitudine, adhibitis sibi testibus filium suum mortuum et a mortuis revocatum, meritis sancti Wilhelmus confessa est.

(33) Forte Ortingborgh, vel Wordingborg.

## S. WILHELMI ABBATIS EPISTOLÆ.

(Script. rer. Dan., VI, 1.)

### MONITUM AD LECTOREM.

Satis constat, Wilhelmum abbatem, cujus vitam tom. V, p. 458-495, et *Genealogiam regum Danorum*, tom. II, pag. 154-163 dedimus, reliquisse tribus, vel duobus tantum, ut Magnæo videtur, libris distinctas epistolas, quibus unum alterumque historiæ nostræ caput vel corroboratur vel illustratur, et unde sæculis quo vixit, mores et instituta haud pauca intelliguntur.

Has epistolas in elencho, hujus operis primo tomo præfixæ, inter deperdita vel desiderata numeravit Langebekius. Nullus quidem, quantum scimus, codex membraneus superest; chartacea vero exemplaria, diversis temporibus descripta, ad manus nostras pervenere haud pauca, quæ tamen omnia, quod comparando edocti sumus, ex unica membrana manaverint. Hæc membrana sine dubio ea fuit, quam in bibliotheca Universitatis caps. Cypriani ord. 3 in-8° servatam Hauniense incendium 1728 delevit, quo incendio etiam Collectaneorum Bartholinianorum, tom. A, vel I, in quo p. 132-210, 346-356, 359 et 360 hæc epistolæ descriptæ fuere, consummavit.

Ex eis, quibus usi sumus, manuscriptis, primum locum cuidam in-4°, diversis antiquis manibus, quod litterarum forma arguit, scripto, assignamus. Illud publica auctione emptum, Grammio die 19 Febr. 1726 dono dedit Arnas Magnæus, qui in epistola hac de re scripta conjicit hoc exemplar in gratiam Andree Welleii esse exaratum. Titulus, cujus vitia nostra non facimus, ei ascriptus est hic : *Epistolarum liber unus contractus ex tribus epistolarum libris D. Wilhelmi, qui ante annos sexcentos ex cænobio Parisiensi divæ Genovesæ opera Saxonis Grammatici vocatus est in Daniam, ut abbas fungeretur officio in cænobio Ebleholtensi apud Selandos, etc. Nunc primum publici juris factum in gratiam antiquitatis amantium ab N. N. N. Adjectaque est præcedenti pagina sequens nota : Codex variis locis mutilatus est, uti ex hac illius editione apparere potest. Manuscriptum hoc, initio et fine carens, vocamus MAGNÆANUM I.*

Alterum manuscriptum, quod habemus, descriptum est in folio ex dicta membrana universitatis Hauniensis, vel potius excerptum, quod partim ex præfatione epistolarum, partim ex eo quod multæ epistolæ, in cæteris exemplaribus obviæ, omisæ sunt, patet. In ultimis foliis hujus manuscripti descripta sunt

ex membrana dictæ bibliothecæ scholia quædam ad Adamum Bremensem. Hoc exemplar nobis est GRAMMIANUM I.

Tertium manuscriptum, vel GRAMMIANUM II, itidem descriptum est in folio, annexaque habet legenda de S. Wilhelmo et nonnullis aliis sanctis nostratibus, quæ ob rationes in præfatione ad Wilhelmi vitam allatas omittimus.

Hæc tria exemplaria autumamus ea esse, quæ in notis ad Meursium, p. 356, se ad manum habuisse refert Grammius.

Quartum manuscriptum descriptum est in-8° a magistro quodam Georgio Claussen, qui postea 1717 Leidæ degebat. Librum publice auctionatum a Lyegaard quodam, ad Indos profecturo, emit Arnas Magnæus, qui in adjecta schedula præter allata narrat: Lyegaard ei dixisse, Claussen illud non domi sed foris, et fortasse Romæ exarasse, quod tamen ita sese non habere intuenti et cum cæteris exemplaribus, in primis Wellejano, de quo postea, comparanti facile patebit. Hoc exemplar, in epistola XXXI libri secundi desinens, quod Lyegaardianum nominamus, habet lemmata, suo loco inserenda, quarumdam epistolarum, ex charta codici adjecta descripta, quæ in reliquis exemplaribus non inveniuntur.

Quintum manuscriptum, quod MAGNÆANUM II appellamus, cura Magnæi collectum, in ordinem redactum, auspiciis descriptum, et ab ipso commendatum est. Illud nostræ editionis basin ita fecimus, ut ab eo sine gravi necessitate recederemus nunquam, suppleremus vero locupleremusque ex reliquis exemplaribus.

Primum et ultimum horum manuscriptorum in universitatis Hauniensis bibliotheca asservantur, reliqua in regia majori.

Ad manus præter dicta manuscripta habuimus tria in-4° minoris pretii, inter Langebekii Collectanea reperta, quorum unum manu Wellegi scriptum est, alterum habet chronologiam plerisque lemmatibus epistolarum manu Langebekii ascriptam, tertio sine detrimento carere possumus.

Inter Collectanea Langebekii invenimus præterea chronologiam vitæ et epistolarum Wilhelmi a Thoma Bartholino Nepote ex patris annalibus confectam; sed cum hæc chronologia omnibus fere locis discrepat a Langebekiana, utramque apposuimus eo fine, ut discrepantia ab aliis, quibus vacat, dijudicetur.

Nonnullæ harum epistolarum antea impressæ sunt, a Bartholino in *Antiquitatibus Danicis*, a Grammio in *Notis in Meursium*, a Pontoppidano in *Annalibus ecclesiasticis*, et ab Holbergio in *Historia Danica*, quod suis locis annotabimus.

Non illi, cui sæculum, quo Wilhelmus claruit, cognitum est, ejus dictio, fetore barbarismorum et eloquii strilagine scateus, offendant. Illud saltem nullam habet dubitationem, latinitatem Stephani Tornæensis, ejusdem ævi epistolarum scriptoris, Ingeborgæ, Absalonis et Wilhelmi amici, majoris æstimandam non esse.

## WILLELMI ABBATIS S. THOMÆ DE PARACLYTO IN EPISTOLARUM SUARUM

### LIBROS PRÆFATIO.

WILHELMUS, servus servorum Dei, qui sunt in Paraclyto (34), lectori carminum horum, salutem, et nullum legendo habere livorem in verba malitiæ

Ad communem hominum utilitatem diligentiam adhibere, sicut est apud Deum et homines approbandum, ita nullis est sinistris incursibus improbandum; ne forte operi bono non videatur inesse iudicium, sed livor aut odium; ad quam partem si sensus cuiuspiam inclinatur, æquitatem non diligere rectissime comprobatur. Nos vero quia plus nos proximorum delectat utilitas, si quid scimus, vel nos posse confidimus, illud eis sine fictione communicare decrevimus, quia nos respicit eorum profectus, quibus glutino charitatis adjungimur. inde est quod ea, quæ de sensu nostri mediocritate dictando perstrinximus: epistolas videlicet, quas ad personas diversas emisimus, vel sub aliorum nomine scripsimus, in unum volumen congressimus, ad informationem et instructionem eorum, qui altiora attingere nequeunt, ut exiguis (tenuibus) eorum profectibus humilia famulentur. Te igitur, lector, quisquis hoc nostrum opus inspexeris, si verborum leporem rhetoricum, aut ornatum reperire nequiveris, rogamus, ut intentionis nostræ memineris; quia, ut prædiximus, non doctis, sed proficere dictando volentibus hæc carmina destinare decrevimus; ut si quid in eis, quod eorum sensum et intellectum exerceat, occurrit, nobiscum gratiæ divinæ gratias agant, memoriæque commendent. Cætera sic intacta permancant, ut nostram benevolentiam minime canino dente corrodant. Regalibus enim mensis vilia quædam solent inferri, quæ etiam epulis pretiosis, quia plerumque in fastidium veniunt, sine culpa fas est admisceri: et avidius ab edentibus solent consuli: nemo vero miretur, quod paparum vel episcoporum nomina salutationibus nostris præsigimus, quia hoc ideo fecimus ut litterarum nostrarum principiis, quibus præponuntur, ex eorum nominibus major auctoritas famuletur. In eis autem, in quibus quæstionum nodi solvuntur, nihil æstimet quis appositum in earum solutione, nisi quod ex sanctorum profuit sanctione.

Explicit præfatio.

(34) Sic vocavit monasterium de Eskildsør, postea translatum ad Ebelholt.

Incipiunt capitula subsequentium Epistolarum domini abbatis  
Willelmi de Paracleto.

LIBER PRIMUS.

- EPISTOLA I. Episcopo, in qua quæritur: utrum aliquis ducere possit in matrimonium quam polluit prius per adulterium (35).
- II. Episcopo Parisiensi (36), in qua quæritur: utrum conditio valeat conjugium separare.
- III. Item eidem, in qua quæritur notitia de consanguinitatis, affinitatis gradibus: in quo videlicet gradu possit vel non possit conjugium fieri; et si disjuncti valeant postmodum reconciliari.
- IV. Ad dominum papam mittitur, in qua quæritur, si conjugium sit inter eum et illam, qui in facie Ecclesiæ sunt conjuncti, quorum vir in regionem longinquam abiit, nec continere valens aliam duxit uxorem.
- V. Respondetur inquisitioni præmissæ, in qua dicitur, ibi non esse conjugium; mulierem excusari per ignorantiam; virum adulterium commisisse.
- VI. Quæritur utrum liceat viro sine uxoris licentia votum facere castitatis. Vel uxori sine viro consentiente subire conversationem monasterialem.
- VII. Domino papæ, in qua quæritur si quis cognati sui uxorem, quam sibi desponsaverat, ducere possit.
- VIII. Ad dominum papam, in qua dicitur, quod nec frater ejus, nec ullus de consanguinitate ejus illam unquam ducere possit (37).
- IX. Ad dominum papam, inquirens, utrum consensus de futuro addito juramento conjugium faciat.
- X. Responsio ad inquisita.
- XI. Ad papam inquirens, utrum, qui nescitur esse baptizatus, debeat baptizari, cum nulli sacramento facienda sit injuria. Et si non aliud sacramentum, quam aquam ad conficiendum baptismum debeat inquiri: et, si hic, qui baptizatur, si semel vel bis intinguatur, dici debeat baptizatus.
- XII. Ad dominum papam pro quodam, qui habitum religionis abjecerat, et ad hospitales se transtulerat, propter quod dominus Lundensis in eum excommunicationis sententiam dederat.
- XIII. Ad papam pro illo, qui cognatam uxoris cognoverat, qua pœnitentia debeat expiari.
- XIV. Domini papæ ad interrogata responsio.
- XV. Quæritur si virgo non consentiens, sed contradicens et violenter oppressa, utrum cæterarum virginum numero debeat adungi.
- XVI. De eo, qui torum maritalem maculavit cognoscendo sororem uxoris.
- XVII. Sanctorum auctoritatibus probatur hæc epistola, quod uxor potest super fornicatione virum convenire, ut vir mulierem.
- XVIII. Hic quæritur, si ejus oblatio inspicienda sit, qui quærens sacerdotem morte præventus est.
- XIX. In hac quæritur, si confessio in extremis facta ægrotanti valeat, cui virtutem pœnitendi abstulit vis doloris et de illo, qui sibi injunctam pœnitentiam non complevit, quæ tamen condigna non fuit, utrum transiturus sit.
- XX. In hac epistola papa monetur, quatenus contra hæreticos vigor ejus acrius excitetur.
- XXI. Si baptismus datus per meliorem plus valeat quam per pejorem.
- XXII. Quæritur episcopo Parisiensis ecclesiam Sancti Germani obedientiæ et jurisdictioni ecclesiæ Parisiensis fuisse substractam. Est etiam alia in eadem epistola quæstio, si videlicet in utero matris valeat aliquis baptizari.
- XXIII. Domini papæ responsio ad utraque.
- XXIV. Ad dominum papam, Noreiensis archiepiscopus pro se et ecclesia sua agens contra tyrannum ejusdem regni et ejus coronatores.
- XXV. Ad dominum Lundensem in parte abbatis de Paracleto agentis contra cardinalem.
- XXVI. Ad filias regis virgines sacras commonitorium ad melius.
- XXVII. Ad conventum sanctimonium in Roskildensi civitate, ut a quodam fugitivo furtim sublata eisque commissa ecclesiæ de Paracleto restituant.
- XXVIII. Ad conventum de Slangethorp pro susceptis ab iis quibusdam muneribus.
- XXIX. Ad eandem commonitorium ad bonum.
- XXX. Ad dominum papam in persona regis pro sorore sua a rege Francorum disjuncta.
- XXXI. Ad papam in persona reginæ Francorum conquerentis se injuste a rege Francorum disjunctam.
- XXXII. Ad dominum papam de eodem negotio.
- XXXIII. Ad cardinales de eodem negotio.
- XXXIV. In persona abbatis Willelmi ad reginam Francorum epistola consolatoria.
- XXXV. Idem abbas ad eandem etiam consolatoria.
- XXXVI. Ad abbatem de Esum ejusdem applaudens redditui a capitulo Cisterciensi.
- XXXVII. Idem ad eundem oratoria, ut ad pacem redditus ejus sit utrique.
- XXXVIII. Item ad eundem, in qua excusationem præterdit abbas Willelmus de accusatione, quam inter se seminaverunt inimici.
- XXXIX. Ad dominum Ebbonem epistola continens laudes ejus multiplices.

INCIPIUNT CAPITULA SECUNDI LIBRI.

- I. Ad fratres beatæ Genovesæ Parisiensis, in qua agitur de incolunitate ex periculo mortis eidem abbati redita per eandem virginem.

(35) Deest.

(36) Hæc vox Parisiensi erasa est, et non nisi conjectura legi potest.

(37) Illic titulus falsus omnino est, nam tota epistola monstrat eam responsum esse papæ.



- II. Domino papæ contra Norrugiensem tyrannum excommunicatum et episcopos ejus, qui cornaverunt eum.
- III. Cancellario regis Danorum Andrewæ, in qua agitur de promissione sibi facta, missa videlicet habenda per dies singulos unius anni. In qua etiam amatoria verba et consolatoria præmittuntur.
- IV. Abbati beatæ Genovesæ transmittitur, in qua agitur de benigna susceptione abbatis Willelmi (58).
- V. Cancellario emittitur hortatoria ad reditum a Clara Valle vel a via Romana.
- VI. Principibus Francorum emittitur in persona domini archiepiscopi Londensis, agens de divortio regis Francorum et reginæ sororis regis Danorum.
- VII. Fratri Bernhardo de Vincemis emittitur, agens de supradicto divortio, in qua dulcia et amoris colloquia in persona domini abbatis Willelmi.
- VIII. Domino archiepiscopo de eodem divortio emittitur, et tarditate reditus ejus et sociorum ipsius in persona cancellarii.
- IX. Ab abbate Willelmo emittitur ad abbatem Sanctæ Genovesæ, de captione et detentu ejus et sociorum ejus.
- X. Monachis Sancti Michaelis mittitur ab abbate Willelmo, in qua idem monachi ad præfixum sibi diem evocantur.
- XI. De assignatione bonorum illius Ecclesiæ Griseis.
- XII. Domino papæ de eodem negotio.
- XIII. Domino papæ a domino Roskildensi episcopo emittitur, agens de habendis beneficiis decedentium sacerdotum per annum unum.
- XIV. Dominus archiepiscopus parochianis de Lingbu de convehendis lapidibus ad construendum monasterium in Paraclete.
- XV. Abbas W. ad comitem B. in primis agens de amicitia. Circa finem exhortans eum ad construendum claustrum præmissum.
- XVI. Idem ad quemdam episcopum de Svethia verbis blandioribus alludens episcopo ad complendum negotium.
- XVII. Abbas idem ad cardinalem Cæsfredum de quodam, qui per rapinam ecclesiæ terram invaserat et violenter obtinebat.
- XVIII. Domino archiepiscopo ab eodem W. transmittitur querulis verbis ac devotis ad faciendam justitiam in quemdam, qui terram ei scotaverat, et in usus suos resumperat.
- XIX. Ad dominum Ebbonem ab abbate transmittitur, tota plena dulcibus et amicabilibus verbis, provocans ejus affectum ad totius claustrum profectum.
- XX. Ab abbate W. ad quemdam abbatem et archidiaconum emittitur reprehensiva de Simonia facienda, cum cuidam clerico emere disponebat.
- XXI. Ad dominum archiepiscopum ab abbate prædicto transmittitur flebiliter agens de horreis igne consumptis, et annonæ defectu, longam tenens historiam, in finem requirens repatriandi licentiam (59).
- XXII. Principibus Francorum emittitur a domino archiepiscopo de divortio regis et reginæ, in longam reginæ præterdens originem: in finem rogans, quatenus prædictum regem præmissis orationibus ab errore ad veritatem reducant (40).
- XXIII. Ad regem Danorum Kanutum ab abbate W. transmittitur, monens et ratione qua potest animum regis inducens, ne pro defectu pecuniæ pactio conjugalis inter regem Francorum et sororem ejus dissolvatur.
- XXIV. Ad eundem regem in persona prædicti abbatis, agens de prædicto inglorium videatur, quod ei a tali persona scribatur. In qua Lundensis archiepiscopi laus et gloria multipliciter explicatur, et brevis supplicatio subinfertur, ne de detraherentibus sibi credatur.
- XXV. Ad regem Francorum emittitur in persona prædicti abbatis, agens et supplicans, ut dimissam reginam in amorem recipiat maritalem, et cancellarium et se et socios eorum de captione qua tenebantur, mandat educi.
- XXVI. Ad cardinales emittitur a rege Danorum, primo eos blandioribus verbis emolliens, et circa finem de divortio facto inter regem Francorum et ejus sororem querelam exponens, et exinde fieri sibi quærens justitiam.
- XXVII. Ad dominum abbatem de Esrum emittitur ab abbate W. in quo quid de negotio reginæ Francorum Romæ compleverant, breviter enarratur, transcripto ei transmissio.
- XXVIII. Ad dominum archiepiscopum ab eodem transmittitur satis querulosa, in qua abbas, idem de immutatione vultus paterni erga eum seriem verborum longam contextens, opponens ei panis inediam, et quærens repatriandi licentiam.
- XXIX. Ab eodem ad Gaufridum canonicum Sanctæ Genovesæ Parisiensis emittitur, tota in amore conscripta.
- XXX. Item ab eodem ad Petrum filium domini Simonis emittitur hortatoria, ut in virtutibus et scientia litterali proficiat, et de adjutorio ejusque consilio dubitare non debeat. Iatremque suum reconciliatum abbati renuntiat.
- XXXI. Item in persona ejusdem ad dominum Lundensem emittitur plena querelis, tum propter obitum magistri Petri, tum propter horrea combusta, tum propter inediam.
- XXXII. Ab eodem ad abbatem Sancti Victoris emittitur, habens in prima parte paginam amoris dulcedine plenam, et in ultimo prioris sui, ut apud eum ad tempus suscipi debeat benignam commendationem.
- XXXIII. A cancellario, domino transmittitur Hostiensi, excusationem præterdens, et indulgentiam quærens, quod sine ejus licentia ab urbe discesserit.
- XXXIV. Domino Lundensi transmittitur ab abbate W. clausam habens petitionem viva voce latoris in ejus auribus exponendam.

(58) Forte Walborti Esromensis.

(59) Inter hanc et sequentem epistolam sub numero xxii insertus est in ms. Lyegaardiano hic titulus: Ad abbatem Sanctæ Genovesæ dirigitur. Hanc epistolam ms. Mag. II quod sequimur, ultimo loco assignat.

(40) Illic titulus falsus est; missa enim hæc epistola est ad papam Cælestinum.

- XXXV. *Abbati de Esrom conscribitur ab eodem, habens in prima parte benevolentie captationem, et in cætera, ut frater Stephanus opud eum propter aquæ ductum per quatuor dies emendandum remaneat.*
- XXXVI. *Item ab eodem ad abbatem de Nostwet emittitur, breviter laudans eum de multioratione status cœnobii sui.*
- XXXVII. *Ad regem Danorum ab eodem emittitur alludens sororis suæ reginæ honori breviter.*
- XXXVIII. *Item ab eodem amico suo cuidam emittitur tota de amore conscripta.*
- XXXIX. *Ad priorem de Cuningahelle ab eodem mittitur, agens de navi transmittenda ad eos cum brasio.*
- XL. *Ab eo, qui supra ad amicum in infirmitate laborantem consolatoria emittitur.*
- XLI. *Ad dominum Thurgotum ab eo, qui supra emittitur, alludens breviter primo ejus pro notioni, in extremis, quia discordantium canonicorum erga præpositum suum forebat errorem.*
- XLII. *Ab eo, qui supra, transmittitur ad præpositum Sancti Theodegarii, monens eum ad patientiam et passionum tolerantiam.*
- XLIII. *Ad dominum papam a quo supra emittitur, agens de paupertate domus, supplicans, ut dominum Roskildensem ad ei subveniendum scriptis suis inducat.*
- XLIV. *In persona regis Danorum ad dominum papam emittitur, habens in querelis, quod de episcopo Waldemaro requisita justitia non sit ei exhibita, iterum eam in finem requirens.*
- XLV. *Ad dominum Lundensem in persona cancellarii Danorum regis emittitur, agens de his omnibus, quæ ei et sociis ejus contigerant in via Romana, quomodo litteras domini papæ perdidissent, et de multis aliis.*
- XLVI. *Ad dominum papam ab abbate W. emittitur, habens in querelis Griseos monachos esseerberatos a monachis nigris.*
- XLVII. *Item ad eundem, in qua postulat, in quo sit ei ordine securius permanendum.*
- XLVIII. *Item contra monachos nigros.*
- XLIX. *Item ad episcopum Roskildensem intercessoria pro quodam familiari.*
- L. *Ad abbatem Præmonstratensem, excusationem prætendens in accusatione Joannis abbatis.*
- LI. *Ad dominum Sincium (41) cardinalem.*
- LII. *Ad Sesfredum pro familiari quodam ad ejus subventionem transmissio.*
- LIII. *Ad dominum Sincium cardinalem intercessoria pro quodam.*
- LIV. *Ad quemdam præpositum.*
- LV. *Ad quemdam episcopum agens pro quadam benevolentia sibi exhibita.*
- LVI. *Ad Gozvinum monachum, provocans eum ad honestatem tenendam verbis amore plenis.*
- LVII. *Ad abbatem Sanctæ Genevæ in persona ejusdem, in qua excusationem prætendit quod ei equum citius non miserit.*
- LVIII. *Ad Danielelem expulsus revocandum.*
- LIX. *Ad cancellarium, tota agens de benignitate et amore.*
- LX. *Ad amicum, primum communitaria et provocans ad amorem: et in ultimo quærens auxilium et benignum auditum.*
- LXI. *Ad regem Kanutum Danorum, supplicans ad gratiam, et exhortans, ne sit teax in danda regi Francorum pro sorore sua.*
- LXII. *Ad dominum Lundensem archiepiscopum querela, quod abbatem citius non exaudiat in precibus suis.*
- LXIII. *Ad Gausfridum, agens in primis totum de amore, in ultimo significans se renisse Parisios.*
- LXIV. *Ad dominum Lundensem archiepiscopi commendans et provocans pietatis affectum in monachum sibi transmissum.*
- LXV. *Ad magistram Meliorem cardinalem et legatum in persona cancellarii conquerentis se et socios suos apud Divionem in captione esse detentos.*
- LXVI. *Ad episcopum Thurgotum pro ecclesia Sancti Theodegarii in persona abbatis Willelmi.*
- LXVII. *Ad dominum Lundensem conquerens, adversum fratres esse immutatos vultus ejus.*
- LXVIII. *Ad omnes commendativa pro quolibet iter agente.*
- LXIX. *Othentensi episcopo pro quodam fugitivo reducendo.*
- LXX. *Ad Jo. subpriorem de Esrom pro tacito negotio.*
- LXXI. *Ad regem Kanutum principium cujusdam epistolæ tacito negotio.*
- LXXII. *Ad abbatem de Esrom initium cujusdam epistolæ simile priori.*
- LXXIII. *Ad dominum Ebbonem, rogans cujusdam.....*

Reliqua, quæ operi olim præfixa erant epistolarum lemmata, nunc desiderantur.

Post hæc in epographo Lyegaardiano sequentia exstant:

*Hic deficit membrana; sequentia vero capita e charta adjuncta membranæ, nunc non amodum recenti signata addimus; ut documento sint non heri aut hodie membranæ jacturam passas fuisse, adeoque ad ætatem abbatis propius accedere, quamvis post Reformationem chartæ scripta videatur.*

- LXXIV. *Ad quemdam cardinalem (42).*
- LXXV. *Ad Joannem monachum (43).*
- LXXVI. *Ad fratrem Stephanum monachum.*
- LXXVII. *Ad fratrem Bernhardum de Vicennis, de causa reginæ Franciæ (44).*
- LXXVIII. *Ad quemdam infirmum (45).*
- LXXIX. *Ad papam nomine regis in causa suæ sororis (46).*

(41) Lege hic et n° LIII sine dubio Cincium.

(42) Barth. 1197.

(43) Barth. 1192.

(44) Barth. 1195.

(45) Barth. 1190.

(46) Barth. 1195.

LXXX. *In persona archiepiscopi Lundensis de primatu Sueciæ* (47).

LXXXI. *Ad abbatem Sanctæ Genovefæ Parisiis super eodem negotio* (48).

LXXXII. *Ad regem Kanutum.*

Heu ! crudelis et rustica, barbara manus, quæ violasti, quod reparare nequivisti!

Desunt cæteræ epistolæ domini abbatis Willelmi de Paracleto, quæ haud dubie plures erant gravibus de rebus perscriptæ.

Hucusque e chartis insertum.

(47) Barth. 1199.

(48) Barth. 1191.

## WILLELMI ABBATIS EPISTOLARUM

### LIBER PRIMUS.

#### EPISTOLA PRIMA.

*Deest* (49).

#### EPISTOLA II.

*Prima hujus epistolæ desiderantur* (50).

..... deprehensa, secundum illud apud Numerian (51). Si quis ingenuus homo ancillam alterius uxorem acceperit, et æstimat quod ingenua sit, si ipsa femina postea fuerit in servitute dejecta (52), si eam a servitute redimere potest, faciat; si non potest, si voluerit, aliam accipiat. Si vero ancillam eam scierat, et collaudaverat eam, ut legitimam habeat. Et si ingenua acceperit servum, sciens eum esse servum, habeat eum, quia unum omnes patrem habemus (*Joan. viii*). Si ab aliquo aliter præsumptum fuerit, districte examinationi subjaceat, donec se nequiter egisse cognoscat. De hoc autem, quod in sine litterarum adjungis, si servus unius ancillam alterius acceperit, si sit inter eos conjugium; ita statutum esse noveris in concilio Cabilonensi (53): « Dictum est nobis, quod quidam legitima servorum conjugia potestativa præsumptione dirimant, non attendentes quod Dominus dicit, quos *Deus conjunxit, homo non separet* (*Matth. xix*). Unde nobis visum est, ut conjugia servorum non dirimantur, etsi diversos dominos habeant, sed in uno conjugio permanentes serviant dominis suis. » Et hoc in illis observandum, ubi legalis conjunctio fuit, et per voluntatem dominorum firmiter hoc cognoscas. Cui si quis obviare tentaverit, in eam canonicam sententiam expendas.

#### EPISTOLA III (54).

Fraternitatis tuæ litteris ad nos usque transmissis nobis innotuit quantum spiritualibus studiis occuparis, quærens indesinenter, quibus Deo pla-

A ceas, et quæ congruant honestati pontificis. Sollicitudinem talem gratanter amplectimur, præcipue cum rarus eorum sit numerus, qui velint hoc tempore talibus occupari. In petitionis autem tuæ prima parte videris expetere, quatenus diligentiam tuam de consanguinitatis vel affinitatis gradibus instruamus, in quo videlicet gradu possit vel non possit secundum rationes vel decretorum auctoritatem institui. Et in fine amplius adjecisti, utrum scilicet, qui Ecclesiæ judicio disjuncti fuerunt, reconciliationis beneficio postmodum potiantur. Est autem cognatio, alia carnalis, alia spiritualis. Primum de carnali cognatione et affinitate inspiciamus. Cognati igitur vel affines in septimo gradu vel infra copulari non debent, unde Gregorius (55): « Progeniem suam unusquisque ad septimum observare decernimus generationem, et quandiu se agnoscunt affinitate propinquos, conjugalem copulam contrahere denegamus. Quod si fecerint, separentur. » Item papa Nicolaus (56): « De consanguinitate sua nullus uxorem ducat usque post generationem septimam, vel quousque parentela cognosci potest. Item nullus ex propinquitate sui sanguinis usque ad septimum gradum uxorem ducat. » Illis aliisque pluribus auctoritatibus consanguineorum conjunctiones prohibentur usque ad septimum gradum. Quomodo consanguinitatis gradus computandi sunt, Isidorus (57) ostendit sic: « Series consanguinitatis sex gradibus dirimitur hoc modo: Filius et filia sit ipse truncus primus, pronepos et proneptis secundus, abnepos et abneptis tertius, adnepos et adneptis quartus, trinepos et trineptis quintus, trinepotis nepos et trinepotis neptis sextus. » Attende quod sex tantum gradus Isidorus ponit, quia truncum inter gradus

(49) Huic epistolæ Langebekius annum 1200 assignat.

(50) Bartholinus Thomæ nepos et Langebekius huic annum 1200 dant.

(51) In apographo Lyegaardiano: Vermarium. Lege Gratianum. Hic articulus enim exstat totidem verbis in decretis Gratiani ex edit. Fontanni, Romæ, 1727, vol. 2, tit. 2, Rubrica 2, IV, p. 631.

(52) *Lege detecta.*

(53) Anno 813. Ibid. VI, p. 65.

(54) Barth. et Lang. an. 1200.

(55) Decret. Grat. t. II, p. 651. Tit. IV, Rubrica 2, III, ubi ad Nicolaum refertur.

(56) Ibid. IV, p. 655, licet ibi non ad Nicolaum refertur.

(57) Ibid. VIII, p. 655, licet aliis verbis.

non computat. Alii vero, qui septem ponunt gradus, truncum adnumerant. Variæ enim computantur consanguinitatis gradus. Alii enim patrem in primo gradu ponunt, filios in secundo. Alii primum gradum filios appellant, negantes gradum consanguinitatis inter patrem et filium esse, cum una caro sit patris et filii. Auctoritates ergo, quæ consanguinitatis cautelam usque in septimum gradum prohibent, patrem ponunt in primo, qui dicitur esse primus gradus. Hoc modo computat Zacharias papa (58) inquitens: « Parentele gradus taliter computantur. Ego et frater meus una generatio sumus, primumque gradum efficimus. Rursumque filius meus fratrisque mei filius secunda sunt generatio et gradum secundum faciunt. Atque ad hunc modum cæteræ successiones. Inter illos vero, qui sex computant gradus, et illos qui septem, nulla in sensu existit diversitas, quamvis in numero graduum varietas videatur. Ultima enim generatio, si a patribus summat initium numerandi, septima invenitur. » Quare vero sex gradus computet Isidorus, ipse aperit, dicens: « Consanguinitas, dum se paulatim propaginum ordinibus dirimens usque ad ultimum gradum protraxerit, et propinquitas esse desierit, tunc primum lex in matrimonii vinculum eam recipiet, et quodammodo incipiet revocare fugientem. Ideo autem usque ad sextum gradum generis consanguinitas constituta est, ut sicut sex ætatibus mundi, generatio et hominis status finitur, ita propinquitas generis tot gradibus terminetur. » In his vero gradibus omnia propinquitatis nomina continentur, ultra quos nec affinitas inveniri, nec successio potest amplius prærogari. Secundum alios septem gradus ideo computantur, ut ita post septem gradus sponsus sponsæ jungatur, sicut post hanc vitam, quæ septem diebus volvitur, Ecclesia Christo jungetur. Ex his autem occurrit illud, quod Gregorius (59) Augustino Anglorum episcopo, a quo requisitus fuerat, si quarta generatione debeant copulari, rescribit sic: « Quædam lex Romana permittit ut sive fratris, sive sororis, sive duorum fratrum germanorum, seu duarum sororum filius et filia misceantur. Sed experimento didicimus ex tali conjugio non posse sobolem succrescere. Unde necesse est, ut quarta vel quinta generatio fidelium licenter sibi jungantur. Sed post multum tempus idem Gregorius (60) a Felice Messinæ Siciliæ præsule requisitus, utrum Augustino scripserit, ut Anglorum quarta generatione contracta matrimonia non solverentur, inter cætera talem reddit rationem: « Quod scripsi Augustino Anglorum genti, quæ nuper ad fidem venerat, ne a bono quod cæperat metuendo de justitia recederet, specialiter non generaliter me scripsisse cognoveris. Nec ideo hoc eis scripsi, ut, postquam in

(58) Hoc non exstat apud Gratianum, nisi forte p. 657. Rubrica 5, III.

(59) Magnus lib. XII, epistola 52.

(60) Apud Grat. VII, p. 655.

(61) Apud Grat. t. II, p. 680. Rubrica 5, I.

(62) Etiam, nisi forte respectat ad hoc apud

A fide fuerint solidati, si inf rropriam consanguinitatem inventi fuerint, non separentur, aut infra affinitatis lineam primam usque ad septimam generationem jungantur. »

Nunc de affinitate videndum est, de qua Gregorius (61) ait: « Porro de affinitate, quam dicitis parentelam esse, quæ ad virum ex parte uxoris, æu quæ ex parte viri ad uxorem pertinet, manifesta ratio est, quia secundum divinam sententiam, ego et uxor mea sumus una caro, profecto mihi et illi sua meaque parentela propinquitas una efficitur. Quocirca ego et soror uxoris meæ in uno et primo gradu erimus, filius vero ejus secundo gradu erit a me, neptis vero tertio, idque in cæteris utrinque agendum est successoribus. Uxor ejus propinquitus ejusque gradus sit. Ita me oportet attendere, quemadmodum ipsius quoque gradus aliqua femina propriæ propinquitatis sit. Quod nimirum uxori meæ de propinquitate viri sui in cunctis cognationis suæ gradibus continet observare. Qui vero aliorum senserint, Antichristi sunt; » item Julius papa (62): « Equaliter vir jungatur consanguineis propriis et consanguineis uxoris; » item Isidorus (63): « Sane consanguinitas, quæ in proprio viro conservanda est, etiam in uxoris parentela de lege nuptiarum conservanda est, quia constat eos duos in carne una fuisse, ideo communis est illis utraque parentela. » Item Julius papa (64): « Nullam ex utroque sexu permittimus ex propinquitate sui sanguinis, usque in septimum generationis gradum uxorem ducere, vel incesti macula copulari, et sicut non licet cuiquam Christiano de sua consanguinitate, sic neque de consanguinitate uxoris conjugem ducere propter carnis unitatem. » Item Gregorius (65): « De affinitate propinquitatis pro gradu placuit cognationis usque ad septimam generationem observare, nam et hæreditas rerum per legales instrumentorum diffinitiones sancit usque ad septimum gradum hæredum protendunt successionem. Non enim eis succederent, nisi de propagine cognationis deberetur. » His auctoritatibus insinuat, et quæ sit affinitas, et usque ad quem gradum sit observanda, scilicet usque ad septimum gradum. His autem et tua fraternitas sit contenta, et hæc etiam prædices esse tenenda, quod si qui contra hæc attentare voluerint, in eos canonicam dare sententiam nullatenus immereris, nisi resipiscant.

#### EPISTOLA IV.

Ad dominum papam (66).

Cum habeant omnes Ecclesiæ Romanorum pontificem patronum et judicem, tanto securius ad eum est in dubiis recurrendum, quanto Christianæ religioni expedit procurandum, nec per se solam præ-

Grat. t. II, p. 656, Rubrica 5, I.

(63) Grat. t. II, p. 679, Rubrica 3, I.

(64) Grat. t. II, p. 654, Rubrica 2, I.

(65) Occurrit forte apud Grat. t. II, p. 651, Rubrica 2, II.

(66) Barth. et Lang., an. 1198.

sumat in consuetudinem ducere, quod sanctorum A Patrum auctoritas indubitanter asserit improbandum. Inde est quod ad apostolicam sedem sæpe recurrimus, cum ea nescimus, quæ nos ex injuncto nobis officio convenit non nescire, cum, sicut prædiximus, nobis imminet periculum, si præsumamus transgredi terminos antiquorum. Quidam in diœcesi nostra fœdere nuptiali in facie Ecclesiæ sortitus uxorem, abiit in regionem longinquam moram facturus longam, sed continere non valens, aliam, quam sibi videbat competere, duxit uxorem. Tandem in se reversus, de facto pœnituit, et illam dimittere voluit, asserens se aliam duxisse. Hoc autem ignorans Ecclesia, cujus obedientiæ subiacebat, id fieri posse contradicebat. A nobis ergo quæritur, quid super hoc sit sentiendum? utrum videlicet inter illos firmum habeatur conjugium, et si vir uxori tali reddere debeat debitum, quem conscientia transgressionis redarguit, et Ecclesia ad legitimam habere reditum non permittit. Vestrum igitur est, Pater, super hoc dare consilium, quod sit non solum nobis sed etiam aliarum Ecclesiarum prælatis perpetuis temporibus profuturum.

## EPISTOLA V.

*Ad inquisita solutio (67).*

Quoniam nobis est Ecclesia Dei commissa, omni nos convenit vigilantia providere, ne quid adversitatis emergat, quod ecclesiasticis obviet institutis et Christianæ fidei peccatis exigentibus fundamentum conetur evertere. Quod igitur nobis proposuisti de illo, qui in facie Ecclesiæ sortitus uxorem in aliam transiit regionem, et aliam sibi copulavit coram Ecclesia, et pœnitentia ductus eam dimittere voluit, sed Ecclesia contradicit, quia alterius contractum ignorat. Quæris ergo si debet dimittere primam et retinere secundam, et si sit inter eos et inter ipsum et secundam habendum conjugium. De hoc tuæ fraternitati breviter respondemus. Sane dici potest non esse conjugium, et mulierem de crimine excusari per ignorantiam, virum autem adulterium admisisse. Sed ex quo ad primam redire volens nec valens, cogitur Ecclesiæ disciplina hanc tenere, incipit excusari per obedientiam et timorem Dei de hoc quod poscenti debitum mulieri reddit, a qua ipse nunquam poscere debet.

## EPISTOLA VI (68).

*Idem qui supra.*

Ut beatus dicit Gregorius (69): « Ars est artium, regimen animarum. » Quia igitur omnium ecclesiarum mater est et magistra Romanorum Ecclesia, cui, auctore Domino, præsidemus, ex officio nobis injuncto nos decet earum tribulationibus et angu-

stis attentius exhibere compassionis affectum, ne forte ex taciturnitate nostra subrepat ignavia torpor et divinis inferatur læsio sacramentis, si defensionis et protectionis sedis apostolicæ senserint in istis adesse defectum. Nos igitur, quia cura propensiori periculis et infestationibus Ecclesiæ subvenire disponimus, paternitati autem vestræ mandamus quatenus in unum convenientibus vobis, de his, de quibus nobis quæstiones plurimæ proponuntur, dubitationes hominum breviter absolvamur. A nobis siquidem quæritur utrum liceat viro sine uxoris licentia votum facere castitatis; vel si uxori liceat sine viri consensu. Vel etiam ut liberius serviant Domino, si liceat alteri eorum sine utriusque consensu monasterialem conversationem subire. His etiam quæstionibus superadditur, alterius quæstionis articulus, si sponsam alterius aliquis cognatus ejus in matrimonium ducere possit. His omnibus auctoritatibus sanctorum freti duximus respondendum, et quod respondemus in omni Ecclesia indubitanter et firmiter esse tenendum. Sunt qui dicunt religionis gratia conjugia debere dissolvi. Dicit Gregorius (70), scribens Theuticio patricio (71): « Sunt qui dicunt gratia religionis conjugia posse vel debere solvi. Verum sciendum est quia, etsi hoc lex humana concessit; tamen lex divina prohibuit. Si ergo utrisque conveniat continere, hoc quis audeat accusare? sic enim multos sanctorum novimus cum suis conjugibus et prius continentem vitam duxisse et post ad sanctæ Ecclesiæ regimina migrasse; si vero continentiam, quam vir appetit, mulier non sequitur; aut quam uxor appetit, vir recusat, conjugium dividi non potest, quia scriptum est: *Mulier potestatem sui corporis non habet, sed vir, et vir potestatem sui corporis non habet, sed mulier* (I Cor. vii). » Item Agathosa latrrix (72) præsentium quæsta est virum suum contra voluntatem suam esse conversum: « Quapropter experientiæ tuæ præcipimus, ut diligenti inquisitione discutiat, ne forte ejus voluntate conversus sit, nec continentiam nisi ex communi consensu servare valeat, nec monasterium petere, nisi uterque pariter continentiam profiteatur. »

## EPISTOLA VII (75).

*Ad dominum papam.*

Quod apud nos in quæstione inter etiam doctos versatur, et quæstionis non dissolvitur nodus, ad sedem apostolicam referendum esse censemus, ne forte in periculum prorueamus, si per nos diffinire præsumamus, quod nullius sanctorum auctoritate dissolutum esse probamus. Videtur aliquibus in se tantum confidentibus, quod aliquis cognatorum post decessum cognati sui, uxorem, quam sibi despon-

(67) Barth., an. 1198.

(68) Bart. et Lang., an. 1198.

(69) Non possum invenire nec in Gregorio, nec in Gratiano.

(70) Locus hic classicus exstat in Gregorii Magni oper. edit. Antverp. 1572, fol. t. II, fol. 251, p. 1,

col. 2. D. I. ix, epist. 39, indict. iv.

(71) In Lyegaardiano *Theutici patriciæ*; lege *Theolistæ patriciæ*.

(72) Ap. Grat. t. II, p. 644. tit. II, rubrica 13, X.

(73) Barth. et Lang. an. 1198.

saverat et subarrhaverat, in conjugem ducere possit, præcipue cum non intercesserit coitus, sed solum de præsentii concessus vel consensus. Quia igitur, Pater charissime, quid in hujusmodi quæstione teneri debeat, nondum nobis innotuit, rogamus, quatenus vestra nobis proponat auctoritas quid in Ecclesia sit super hoc promulgandum atque tenendum.

#### EPISTOLA VIII (74).

Ut honori Dei et famæ et gloriæ vestræ peroptime noveritis esse consultum, cum in rebus dubiis apostolicæ sedis consilium duxeritis expetendum, ne, sicut est litteris vestris expressum, de re incerta contrahere possitis excessum. Quia igitur in inquisitione vestra versabatur, utrum cognatus alterius cognati, qui uxorem desponsaverat, post ejus decessum ducere posset in conjugem. Quid super hoc in sanctorum reperimus scriptis, fieri vobis manifestum optamus, et in lucem producimus, ne sit populus Dei quorumlibet pravitatis assertionem seductus, si non sit intellectu majorum instructus. In primis igitur vestram notitiam non excedat, quod cognati cognatus sponsam accipere non debeat, cum hoc fieri sanctorum auctoritas contradicat. Unde Gregorius (75): « Si quis uxorem desponsaverit, vel subarrhaverit, quanquam postea præveniente die mortis ejus nequiverit ducere eam in uxorem, tamen nulli de consanguinitate ejus licet accipere eam in conjugio, et si inventum fuerit factum, separetur omnino. » Item Julius papa (76): « Si quis desponsaverit uxorem vel subarrhaverit, vel præveniente die mortis, vel irruentibus quibusdam causis eam non cognoverit; nec frater ejus, nec ullus de consanguinitate ejus eandem sibi tollat in uxorem ullo unquam tempore. » Item Gregorius (77): « Qui desponsatam proximi sui puellam acceperit in conjugium, anathema sit ipse et omnes consentientes sibi, quia secundum legem Dei mori decernuntur. »

#### EPISTOLA IX (78).

*Ad dominum papam.*

In re, quæ nobis infert dubitationem, non est, amantissime Pater, admirandum, nec competenti obviat disciplinæ, si totum negotium referamus ad beati Petri apostoli successorem, per quem totius Ecclesiæ status confirmatur ad fidem et honorum morum suscipit disciplinam. Nonnunquam inter nos quæritur, utrum consensus de futuro addito juramento conjugium efficere possit ut, si quis promittat vel etiam juret, se aliquam in uxorem accepturum, et illa humiliter id ipsum etiam promittat et juret, ut videlicet illi nupturam, nunquid talis sponsio conjugium facit? si vero, mutato proposito, alter vel altera ad alienam se transferat copulam, nunquid ob priorem sponsionem juramento subnixam, se-

(74) Barth. et Lang. an. 1198.

(75) Non possum invenire hunc locum.

(76) Etiam.

(77) Cum hac lege convenit illa Gregorii apud

A cundæ fœderationis pactum sciãdetur? Quid ad hæc respondere debeamus, a vestra prudentia et sapientia volumus edoceri, ne forte nobis insultetur, si videamur indocti.

#### EPISTOLA X (79).

*Domini papæ responsio ad inquisita.*

Ad hoc totius Dei Ecclesiæ suscepimus curam regiminis, ut ea, quæ sunt contracta malorum sinistris incursibus, in melius reparentur et ignorantibus in suis dubitationibus veraciter instruantur. Vestris igitur est a nobis inquisitionibus respondendam et dare congruum de vestra dubitatione consultum, ne in his, quæ nos oporteat scire, æntiatis a veritate diversum. Considerandum est igitur, quia longe aliud est promittere, aliud facere. Qui id promittit, nondum facit. Qui ergo promittit uxorem se ducturum aliquam, nondum duxit eam uxorem, et quæ spondit se nupturam, nondum nupsit. Quomodo ergo conjuges appellari possunt, qui nondum contrahunt, sed in futuro se contracturos jurando promittunt? Item si ex vi juramenti ad futurum pertinentis mox efficiuntur conjuges, tunc hanc rem efficiunt, quando jurant se facturos. Ideo dicendum quia conjugium tunc non fit, sed futurum promittebatur. Si vero ille post uxorem duxit, et illa marito nupsit, conjugium utique fuit, et non potest dissolvi. Præcedens ergo mendacium vel perjurium penitentia est corrigendum; sed conjugium sequens non est dissolvendum. Non autem sic est, quando juramentum conjugii præsentis consensus attestacione firmatur, quia post talem consensum, si quis alii se copulaverit, etiamsi prolem procreaverit, irritum debet fieri et ipse ad priorem copulam revocari. Quidquid autem de his agendum esse disponitis, non dubitamus tamen, quin tot malis occurrere minime differatis, quatenus capiti membra cohæreant, et inimici Christi usquequaque dispereant.

#### EPISTOLA XI a (80).

Ad vos, Pater, est redeundum, quatenus in his quibus dubitamus, a vobis diligentius instruamur, ne a fide et doctrina catholica deviemus. Puerrum nuper invenimus, quem nullius testimonio baptizatum fuisse probavimus. Hunc igitur aqua baptismatis volebamus intingere, si nobis illud non obviasset, quod nulli faciendæ est injuriæ sacramento, ne forte in eo sacramentum fieret iteratum: ne vero, si careat baptismo, depereat, vel sacramentum iteretur, si baptizetur. Gratiam vestræ paternitatis duximus consulendam. Scire quoque vellemus, si solum aquæ et non aliud elementum ad baptismum conficiendum inquirere debeamus, et si is, qui baptismum suscipit, semel vel bis intingatur, dici et credi potest baptizatus; sunt enim, qui diversa super hoc sentire videntur. Cul parii

Gratianum tom. II, p. 633, rubrica 5, l.

(78) Barth. et Lang. an. 1198.

(79) Barth. et Lang. an. 1198.

(80) Lang. ad ann. 1199

sit credendum, divinæ et apostolicæ sedis duximus consilium exquirendum. Et si tantum valet baptismus per malum, quantum per bonum hominem datus.

EPISTOLA XI *b* (81).

*In persona domini papæ.*

Cum nobis occurrat, quod agere debemus, si negligentes reperti fuerimus, superni iudicis iudicium in nostram perniciem formidamus. Quia ergo ad defensionem fidei Christianæ religionis nos instanter litteris incitasti, licet labor incumbat nobis nescius parcere senectuti, Domino juvante, viribus imbecilles, nec iter aggredi formidantes, in brevi proponimus hæreticos prædictos convenire, cum eis fortiter congressuri. Ne vero videamur tantum negotium inconsulte suscipere, dignum ducimus ad celebrandum super hoc concilium Ecclesiam Dei primitus ad nostram præsentiam evocare, quatenus quod exinde majorum et religiosorum virorum fuerit consilio definitum, opportunum et desideratum et irrevocabilem sortiatur effectum. Ad convocandum autem concilium et exsequendum hujus evocationis officium, te decernimus legatione sedis apostolicæ communitur, quem speramus in omnibus pro innata tibi probitate et bona voluntate ad honorem Dei nomen optimum reportare. De his autem, quæ nobis explananda proponere voluisti, favente nobis divina clementia, sanctorumque auctoritatibus præmuniti, ad singula respondemus. De illo, qui nullius testimonio asseritur baptizatus, dicit papa Leo (82): Sciendum est quod illi, de quibus nulla exstant indicia inter propinquos vel clericos, vel vicinos, quibus baptizati fuisse doceantur, agendum est ut renascantur ne pereant. In quibus quod non ostenditur gestum, ratio non sinit, ut videatur iteratum, conferendum eis videtur, quod collatum esse nescitur, quia non intervenit temeritas præsumptionis, ubi est diligentia pietatis. De secundo quoque articulo tuæ quæstionis dicit beatus Augustinus (83): « Ideo uniformiter id fieri in aqua præcipitur, ut intelligatur, quod sicut aqua sordes corporis ac vestes abluit, ita baptismus maculas animæ sordesque vitiorum abstergat. » Hinc iterum Augustinus (84): « Ideo in aqua, ut nullum inopia excusaret, quod posset fieri, si in vino vel oleo fieret; et ut communis materia baptizandi apud omnes inveniretur. Quod aqua significavit, quæ de latere Christi manavit, sicut sanguis alterius sacramenti signum fuit. Non ergo in alio liquore confici potest baptismus, nisi in aqua. » De tertio articulo, videlicet si is, qui semel vel bis aqua intingitur sit baptizatus, respondet Gregorius (85): « De trina immersione baptismi nil verius

(81) Hæc epistola in elenco operi præfixo omissa est. Itaque litteras *a*, *b* hinc numero *x* apponere necessum erat, ne epistolarum numerus turbaretur. (Nota Arnæ Magnæ.) Forte ad ann. 1199 et ad quemdam episcopum, Capuanum scilicet.

(82) Grat. t. I, p. 240, rubrica 13, XVI, ubi hoc refertur ad Augustinum.

responderi potest, quam quod ipsi sensistis, quia in una fide nihil officit Ecclesiæ sanctæ consuetudo diversa. Quia enim in tribus substantiis unâ substantia est, reprehensibile nullatenus esse potest infantem in baptismo vel ter vel semel mergere, quia et in tribus mersionibus Trinitas, et in una potest divinitatis singularitas denotari. Nos vero, qui tertio mergimus, triduanæ sepulturæ sacramentum signamus. Secundum enim hoc, licet non modo ter, sed et semel tantum mergere. Ibi tamen duntaxat semel mergere licet, ubi consuetudo Ecclesiæ talis existit. »

EPISTOLA XII (86).

*Ad dominum papam.*

Etsi ad excellentiam apostolicam nulla nos merita promoveant, quia tamen sapientibus et insipientibus debitor est in his in quibus salus dependet aut periculum animarum, præsentibus eam duximus expetendam atque consulendam. Lator præsentium in domo nostra habitum religionis assumpsit, et per quadriennium nobiscum in ordine Sancti Victoris Parisiensis permansit. At postmodum, deceptus a diabolo, viam deserens sanctitatis et luxuriose vivens in mundo et dissipans substantiam suam pavit porcos, et ordine Sancti Victoris contempto, nullam a nobis quærens licentiam, primæ sponsonis voto contracto, suaviter in terra viventium conversationem hospitalium fratrum (87), cum voluit, expetivit. Tandem vero viri boni prædicti, cum cognovissent quod professionem fecisset irritam a consortio suo, cum repellere decreverunt. Quod iste percipiens a nostra persona non autem a capitulo nostro licentiam cum eis remanendi diutius precibus multis obtinuit. Hoc autem dominus Londensis non ferens, eum excommunicationis vinculis innodavit, asserens quod sine cognitione summi pontificis a celebri voto nemo possit absolvi, maxime cum ad altiore vitam transire contempsit. Eum igitur, reverende Pater, tandem a vinculis excommunicationis absolutum ad præsentiam vestræ sanctitatis emitimus, ut quod super hoc tenere debeamus, apostolicis litteris instruamur, et in salutem peccatoris animæ consulatur.

EPISTOLA XIII (88).

*Ad dominum papam.*

Sedes apostolica quanto cæteris auctoritate præminet sanctitatis, tanto dignius atque securius est ejus iudicium expetendum in dubiis, ne, si nostra forte voluerimus auctoritate disserere quod nescimus, præsumptionis notam et officii nostri periculum incurramus. Lator præsentium sortitus uxorem fœdere nuptiali, dum annos suos vice quadam in anaritudine animæ suæ recogitaret, occurrit me-

(83) Non possum invenire hunc locum.

(84) Etiam.

(85) Grat. t. I, rubrica 6, III, p. 250.

(86) Barth. et Lang. ad ann. 1198.

(87) Ordinis S. Joannis, postea equitum de Rhodo, nunc de Malta.

(88) Barth. et Lang. an. 1198.

morix se cum cognata uxoris ante tempora nuptiarum fuisse commercio carnali prolapsam. Quia igitur conscientix propriæ reatus eum acrius accusabat, pœnitentia ductus, præsentiâ nostram lacrymarum rore perfusus expetiit, et peccatum suum confiteri non erubuit, quod cum cognata uxoris suæ commisit, et nostro se iudicio ad deplorandum peccatum colla submisit. Nos vero tantum expavescentes excessum, et ejus miserix condescendentes, compassionis affectu eum ad viscera sedis apostolicæ duximus emittendum, monitis apostolicis instruendum, et a peccatorum suorum vinculis absolvendum. Nos vero, Pater amantissime, quia de plenitudine vestræ gratiæ plurimum gloriamur, in hujusmodi excessibus a pietate vestra et scientia collata diligentius petimus instrui, ut si forte amplius talis casus emergerit, eis, qui nos expecterint, respondere simus idonei.

EPISTOLA XIV (89).

*Dominus papa ad interrogata.*

Quod apostolica sedes in dubiis et in angustiis debeat petentibus, et ad se confugientibus consultum impendere, sapientibus et insipientibus eo clarius elucescit, quoad omnium doctrinam insinuandam et mentibus infirmorum scientiam imprimendam viros industrios scientiæ lumine præclaros de cunctis mundi partibus ad se nititur evocare, quibus ad faciendâ judicâ Beato Petro a Domino collata potestas, et canonum decretorumque suffragatur auctoritas. Horum igitur et nos communicato consilio, ad inquisitionem tuam, frater, breviter respondemus, eo certe securius, quo eos scientia et bonis moribus pollere cognovimus. Sicut autem ex litteris tuis nobis innotuit, quidam in tua diœcesi quamdam sibi lege matrimonii suscepit uxorem, cujus prius cognoverat et ipse cognatam vel affinem, quod tamen tunc a mente fuisse constitetur elapsam, sed postmodum, inspirante Domino, se in hoc cognovit errore seductum. Quæritur ergo a tua fraternitate, si debeat uxori debitum, cum velit exsolvere, vel eam propter prædictam cognationem vel affinitatem dimittere. Noverit autem fraternitas tua, quod nullo modo Dominus noster in Evangelio, nisi causa fornicationis dissolvi patitur conjugium, dicit enim, quos *Deus conjunxit, homo non separet* (Matth. xix). Cum igitur ambo in facie Ecclesiæ conjugium inierint, Ecclesia ignorante quod fuerat primo commissum, prohibemus omni modo et sub anathemate interdiciamus, ne inter eos conjugium dissolvatur. Illud adjungentes, quod uxori debitum nullatenus persolvatur, nisi sit ab uxore rogatus, quod nec ille persolvat nisi cum tremore et timore et lacrymarum effusione, si tamen in hac gratia fuerit præventus a Domino, nec hoc quod dicimus in talibus de non solvendo con-

A jugio, justitiæ videatur alicui. anes excedere, quia si aliter esset provisum, multis daretur occasio viris mendacibus, qua dimittere possint uxores. Homo autem, qui prius cognoverat uxoris cognatam, in jejuniis et orationibus persistat, et se indignum peccatorem proclamet, et fleibus dignis pravitate suæ facta deplorat, ut quandoque promeretur veniam delictorum.

EPISTOLA XV (90).

*In persona domini papæ.*

Fraternitati tuæ sedis apostolicæ scripta transmittimus, in quibus ad plenum inquisitionis tuæ summa perstringitur, quatenus ex his instructus sensus tuus et intellectus ad altiora se possit extendere, et aliorum dubitationes competenti examine diffinire. Ad nostram audientiam inquisitio tua per epistolam nobis transmissam pervenit, ut quod de virgine, non sponte, sed violenter, oppresso sentiremus, nostris te scriptis instruere deberemus, utrum scilicet cæterarum numero de cætero posset conjungi. Quod autem possit, subditis probatur sanctorum testimoniis. Beatus enim dicit Ambrosius (91): « Tolerabilis est mentem virginem quam carnem habere. Virgo prostitui potest, adulterari non potest. Nec lupanaria infamant castitatem, sed castitas etiam loci abolet infamiam. Nec potest ante caro corrumpi, nisi mens fuerit ante corrupta. Dum enim anima a contagione fuit munda, caro non peccat. » His et quamplurimis testimoniis freti, concedimus virginem non consensu, sed carne corruptam inter virgines computari. Hanc igitur quæestionem, quam tibi testimoniis sanctorum absolvimus per provinciam tibi commissam prædicare tuam diligentiam commonemus, ne populus errore seductus divinæ gratiæ sit beneficio destitutus.

EPISTOLA XVI (92).

*Item de eodem.*

Ad nostram audientiam cognoveris pervenisse, quod in diœcesi tua quidam instinctu diaboli torum maculaverit maritalem uxoris suæ cognoscendo sororem, et tu cum cognoveris id ipsum nequiter esse completum, ultionis debitum tantæ nequitix non exercuisti iudicium, sed cupiditas excipiendæ pecuniæ, ne saltem super hoc loquereris, tibi quasi nescieris, hujus rei imposuisti silentium. Quod si verum esse constiterit, non solum correctione te dignum, sed ab officio tuo depositione te dignissimum reddidisti. Scire enim debueras, qui pontificale geris officium (93), quod qui cum duabus præsumpsit dormire sororibus, si una ex illis ante fuerit uxor, neutram ex ipsis obtinere licebit. Nec propriæ uxori sibi licet reddere debitum, quam sibi reddidit illicitam illius cognoscendo sororem. Hujus sententiæ denuntia populo veritatem, ne forte

(89) Forte ad an. 1198.

(90) Barth. et Lang. an. 1198.

(91) Grat. t. II, p. 557, tit. II, rubrica 2, I.

(92) Barth. et Lang. an. 1198.

(93) Ergo hæc epistola non ad Wilhelmum scripta est, sed ad aliquem episcopum, in Dania forte, occasione existentiæ Wilhelmi ad papam nunc deperditæ.



in tali casu quandoque incidat in errorem, et pœnam damnationis incurrat æternam.

EPISTOLA XVII (94).

Sicut omnibus est congaudendum, si proveniat Christianæ religionis augmentum, sic etiam ad doloris accedit augmentum, si quod sanctorum Patrum decernit auctoritas per inimicos fidei Christianæ fuerit immutatum. Ad aures nostras noveris multorum relatione delatum, per quod ecclesiastica sacramenta læduntur. . . . *Reliqua desunt.*

*Epistolæ XVIII (95), XIX (96), XX (97), XXI (98), XXII (99), XXIII (100), desiderantur. — In Apographo, quod Magnæanum I nomine, exstat hoc loco fragmentum sequens epistolæ incertæ (1):*

. . . . ejusdem septiformem gratiam cum omni plenitudine sanctitatis et virtutis venire in hominem. Hoc autem sacramentum a jejunis et jejunis traditur, sicut baptismus, nisi cogat necessitas. Nec debet iterari, sicut nec baptismus. Nulli enim sacramento faciendâ est injuria, quod fieri putatur, quando non iterandum iteratur.

EPISTOLA XXIV (2).

*In persona E. (3) archiepiscopi Norvegiensis.*

Sanctissimo Patri et domino C. (4), Dei gratia summo pontifici, E. Norvegiensium archiepiscopus, in Domino salutem et debitam tanto Patri reverentiam.

Creditur et dicitur, quod sicut ecclesiis universis Ecclesia Romana supereminet dignitate, sic nihilominus earum angariis et oppressionibus paterna compatitur et subvenit pietate. In angariis igitur et oppressionibus nostris, Pater amantissime, sedis apostolicæ nobis est expetenda clementia, ut necessitatis tempore paterna pietas filio suffragetur, et nequitiae fomes severitatis et justitiæ malleo conquassetur. Querelam itaque nostram, pedibus vestræ sanctitatis advoluti, auribus vestris inferimus, suppliciter deprecantes, ut narrantibus benignus indulgeatur auditus. Anno præterito, pallio a vestra sanctitate suscepto, cum fuisset in terram nostram regressi, ille (5) qui de regio nomine et usurpata regni plenitudine gloriatur, ad suam nos fecit præsentiam evocari, et coronam capiti suo petivit a nobis imponi regalem. Cujus petitionem, quia reverentiæ vestræ et animæ nostræ saluti vidimus obviare, eam minime duximus admittendam, donec, emissis nuntiis a nobis, et ab apostolica sede revertentibus, plene cognosceremus, quid inde tenen-

A dum nobis diffiniret vestræ sanctitatis examen. Igitur contra nos turbatus est princeps, et omnis exercitus ejus cum illo : asserens favorem apostolicum in tali negotio non esse consulendum, cum habeant cæteri reges libertatem, ubi et quando, et a quo voluerint, inunctionis accipere sacramentum (6). Iterum cum per Ecclesiam (7), cui præfuimus die denominata, haberemus accessum, in unam personam et vita et scientia idoneam, qui eis præset in episcopali officio, pari voto unoque consensu et clerus convenit et populus. Huic autem electioni quia prædictus princeps non interfuerat et primam in electione vocem non emiserat, eam cassandam duxit: cum hanc consuetudinem a prædecessoribus suis Norvegiensium regibus præstitis sacramentis abrenuntiatam (8) : et Ecclesiæ nostræ instrumentis, nominum suorum characteribus consignatis, indultam noverimus, felicitis memoriæ Adriani papæ et vestræ sanctitatis privilegiis roboratis. Quia vero clamabat regiæ majestati nos super hoc intulisse læsionem, nobis inconsultis, nobis reclamantibus, in personam aliam, quæ bigamam in ipsa, si dici debeat, electione ducebat uxorem, clerum et populum coegit consentire, et nobis obtulit consecrandum. Quia vero prædictus sanctæ recordationis Adrianus papa bigamam in clero in nostra regione apostolica auctoritate damnaverat, non præsumpsimus in factum procedere, ne videremur in irritum ducere, quod sanctus prædictus observandum in clero præceperat. Lege fori modo communi clerum velut in causis agendis contra sanctorum Patrum decreta et omnem consuetudinem Ecclesiæ Dei in suam curiam trahi et a suis satellitibus judicari. Ecclesias baptismales sive parochiales suis villulis adjacentes, capellas vocat regales, et cui et quando voluerit dare sine nostra licentia in sua vult obtinere potestate. Quod quantum sit ab ecclesiastica consuetudine dissonum sanctitati vestræ relinquimus providendum. Super his omnibus, quid nobis sit agendum, rogamus humiliter sanctitatis vestræ litteris prosequendum. Nec nobis est, Pater amantissime, silentio contegendum, quod in his omnibus, quia ejus non obedi-mus mandatis, ira et indignatione succensus bona nostra et omnes redditus nostros usque ad quadrantem novissimum confiscari præcepit; et omnibus nobis sublatis ad vestram nos præsentiam, evocavit, videns et cogitans quia, deficientibus expensis, deliceremus et nos iter aggressi, et sic vi-

(94) Lang. an. 1199.

(95) Barth. an. 1198.

(96) Lang. an. 1199.

(97) Lang. an. 1199.

(98) Lang. an. 1199.

(99) Lang. an. 1200.

(100) Forte an. 1200.

(1) In apographo Lyegaardiano vocatur finis epistolæ 23, sed sine dubio minus recte, quod probatur inspectione tituli epistolæ 23, in Indiculo v. cl. 10.

(2) Barth. an. 1191. Lang. rectius 1193.

(3) Eriçi Nidrosiensis, qui sedebat ab anno 1189

ad 1206. Vide Snorronem Danicum Petri Claudi, p. 520-560.

(4) Cœlestino.

(5) Sverre, Norvegiæ rex, qui ab anno 1177 ad 1202 regnavit in magna tribulatione.

(6) Hucusque hoc diploma editum est a Bartholino in *Antiq. Dan.* p. 241 et 242.

(7) Stavangrensem. Vide Snorronem Danicum Petri Claudi p. 520.

(8) Per conventionem factam inter Augustinum, archiepiscopum Nidrosiensem, et inagnum Erlingi filium, Norvegiæ regem, quem tamen Sverre pro usurpatore, et persecutore regiæ domus habuit.

deremur incurrere contemptum apostolicæ sedis. Verum nesciebat quod in astutia sua malitiam prudentia vestra comprehendere novit, et defectibus oppressorum paterna clementia exhibere compassionis affectum. Nos vero ne impossibilitas forte videretur occasionem ministrare contemptus, si appellationis termino ad vos minime veniremus, a latere nostro responsales emisimus viros boni testimonii, quos a sanctitate vestra benigne suscipi supplicamus et veritati testimonium perhibentes paternitatis vestræ gremio confoveri; ut et concepta malitia a nostris sinibus exstirpetur, et Ecclesiæ nostræ libertas apostolicæ sedis privilegiis firmata illæsa servetur. Nos interim regnum nostrum expensis deficientibus egressi, in Dacia a confratre nostro domino Lundensi archiepiscopo sanctæ Romanæ Ecclesiæ speciali et devotissimo filio sumus cum omni reverentia et honore suscepti et humanissime sustentati

#### EPISTOLA XXV (9).

*Ad dominum archiepiscopum.*

Amantissimo Patri et domino, filius ejus devotus et inutilis servus, timorem pariter et amorem.

Ut vestræ sanctitati scribamus, necessitatis nos perurget articulus. Millies enim experti sumus per gratiam vestram et in dubiis rebus consilium, et in necessitate sublevationis auxilium. Nec id meritis, quæ nulla sunt, vel potest vel debet ascribi, nisi divinæ gratiæ favor accedit, ubi pietatis affectus locum invenit miserendi, quotenus bona temporalia pro Domino pauperibus erogata, subsequantur munera et gaudia sempiterna. Nec ista prosequimur, quod vestram prudentiam hæc ignorare credamus, cum pro his et horum similibus Dominum vos exaltasse super omnes, qui hæc in terra morantur in Ecclesia sua minime diffidamus (10). Cæterum, mi Pater et domine, ad vestram notitiam dignum duximus pervenire dominum Fidentium cardinalem (11), nos et cæteros coabbates nostros litteris et domini Petri episcopi monitis convenisse, ut ad ejus expensas exsolvendas, patrimonium Christi marsupii sive loculis ejus debeamus infundere, cum hoc facere nihil aliud esse sentimus, quam sacrilegium exercere, præcipue cum hoc anno minus quam alio possideamus annonæ. Adduntur nobis, ut dicitur, importabiles minæ, nos videlicet vinculum suspensionis ab officiis nostris non evadere posse, si mandatis ejus nos contigerit obviare. Res hæc difficilis et undique nobis prætenduntur angustia. Si enim hoc egerimus, mors nobis est, quia contra Deum. Si non egerimus, minime manuum ejus violentiam evademus, quia ad hoc venit, ut rapiat et devoret, sicut leo rapiens et devorans. Quid igitur faciemus? estne consilium auferre pauperibus in tempore famis, et inferre tantillum quod habent, in os leonis?

A hæc autem mihi faciat Deus et hæc addat, si aliud fecero, quam quod Deo placere cognovero. Ecce ad oculos nostros reducitur antiquorum malitia. Tempore siquidem persecutionis est dictum martyribus sanctis: « Adorate idola et vivetis, alioquin interficiemini. » Nobis dicitur: « Implete sacculos cardinalis, alioquin officiis vestris carebitis. » O perversa cupiditas! O ambitio cæca! vivit Dominus et vivit anima vestra, mi Pater et domine, et si omnes pauperes abbates et monachi ne suspendantur ab officio suo, immolaverint ejus marsupio; sed non ego. Aliud etiam proponit edictum, ut qui marsupio ejus immolare noluerit, ejus conspectibus præsentetur et flectat genua ante Baal. Eniam ego paupertate prælationis officium, et injiciam pedes meos in compedibus Simoniacæ pravitate, quam semper odio habui? mittat igitur manum et succidat me, si placet, quia me non mutabit enjuslibet assertio blandientis mihi. Non deerit mihi panis in patria, quia Dominus est sollicitus mei, et non deseret me in diebus malis et in tempore superborum. Conferat Dominus parvulis nostris, quos in sinu meo dedit Dominus, ne forte annonæ defectu depereant, quia non minus imminet illis periculum, quam anno præterito, in quo fere per totam æstatem bibimus aquam, et barbatum comedimus panem; panem, inquam, non angelorum, sed pabulum jumentorum. Et quidem nec hoc habuissemus, si misericordia, quæ præcellit in vobis, continuisset a munere manus. Verumtamen Dei timore et religionis honore, specialique vestræ sanctitatis amore sustinere decrevimus, minime certe murmurantes, sed adversitati patientiæ clypeum opposcentes. Multum est enim avarus, cui non sufficit Deus. Nostis et bene nostis cui tunc fenerastis, recepturi æterna pro caducis. Noveritis autem quod pueri nostri diebus singulis pro salute vestra sine intermissione offerunt Domino Deo in altari sacrificium laudis; singulis horis die ac nocte Psalmum ac orationem Dominicam cum collecta sibi assignata. Inter secretiores etiam lacrymas, quæ divinis aspectibus offeruntur, dulcis et celebris vestri memoria commendatur, ibi præcipue, ubi pro redemptione mundi Patri Filius immolatur. Quod eo dicimus intuitu, ne concepta et accensa charitas, si a loco discesserimus, ab eorum dilectione frigescat. Arbitramur, imo certi sumus, quod eorum defectibus parum superaddat providentiæ, qui dicitur cardinalis et legatus. Sed nunquid beati Petri talis erat legatio ad Romanos? Absit! Argentum non quærebat vel aurum, sed signis et prodigiis occurrebat incommodis infirmorum, et Deo reddebat, quos diabolo subtrahebat. Nonne cuidam aiebat, qui corporis sui molestia laborabat: *Argentum et aurum non est mihi, quod autem habeo, hoc tibi do. In nomine, inquit, Jesu Nazareni, surge et*

9) Barth. et Lang. ann. 1197. Partim jam edita a Bartholino filio in *Antiqu. Danic.* p. 244-247.

(10) Pars hujus epistolæ edita est ab his verbis: *Cæterum, mi Pater*; usque ad: *Quod vobis sine adu-*

*lationis oleo propinatur a nobis a Pontoppidano in Annal. Danic. t. I, p. 439-491, et ab eodem referunt ad annum 1197.*

(11) Venit et mortuus est in Dania anno 1197

*ambula* (Act. III)? Nonne per baculum tanti legati, Petri videlicet apostoli, huc illucque transmissum, mortui resurgebant a morte? sed dimittamus baculum et agamus de præsentia et actibus cardinalis. Ubi virtus et fortitudo ejus, qui de legationis officio gloriatur? quem ab infidelitate reduxit ad fidem? quibus amissum oculorum reparavit officium? quos infirmos curavit? quos leprosos mundavit? quos mortuos suscitavit? si talis esset cardinalis, qui cardinalis dicitur noster, quis ei non occurreret? quis ei temporalia denegaret? ecce! quærit, quod nos dare non expedit, quia nec subest rerum substantia, nec ad hoc potest induci voluntas. A sæculo non est auditum quod ordo Sancti Victoris Parisiensis alicui cardinalium subjacuerit in tributum. Solus ergo et primus ego totius ordinis immunitatem et collatam gratiam infirmabo? Expedit mihi melius, ut mola asiaria collo meo suspendatur et demergar in pelagus. O insensati, si tamen fas est dicere! O! inquam, insensati episcopi Danicæ, quis vos in tantum fascinavit, et in non prudentiam, non audeo dicere stultitiam, vestram prudentiam evertit, et discretionis oculos excæcavit? Nonne vos estis, qui dicere sclebatis: Cibariis abundamus, sed auri et argenti copiam non habemus, si verum est, quod prætendebat vestræ propositionis assertio, cur in dandis muneribus lupis rapacibus de longinquo venientibus tam sollicitè manus vestras expanditis? Alius quidem in C marcarum pretio, alius in L, alius in xxx prædictorum luporum rabiem compescere totis viribus et sitim extinguere elaborat. Ut quid tantâ perditio? Amen dico vobis, qui biberit ex aqua hac, iterum ei in æternum sitiet (Joan. IV). Nonne hæc omnia dari deberent pauperibus, non lupis, quorum ingluvies thesauro totius mundi exsaturari non posset? utinam in eis fieret, ut et eis diceretur, quod! Crasso, auro conflato: « Aurum sitistis, aurum bibite, » nec hoc quidem injuste. Quia quotquot venerunt, fures sunt et latrones, mercenarii, non pastores. Proh dolor! Christus ad ostium panis inedia moritur: quis ex vobis Christo compatitur? hæc autem, ut verum dicam, ad gloriam expenduntur inanem, ut alius alio in dandis muneribus excellentior et profusior videatur. Amen dico vobis, recepistis mercedem vestram (Matth. VI). Hoc modo ad exhauriendum, quod superest vobis, cupiditatem eorum, qui vos eviscerant, et ad vos eorum reditum et alios, quos necdum vidistis, certissime provocatis. Quibus mensam solam cum quatuor equis et quatuor marcis argenti non denegare, satis sufficere debuisset. In viam horum, Pater amantissime, ne abieritis, qui semper pauperibus, quæ vobis Deus contulit, abundanter erogatis. Quod vobis sine adulationis oleo propinatur a nobis. Vivat et valeat sanctitas vestra hic et in æternum et ultra. Ad ultimum, Pater piissime, pietatis

12) Barth. 2n. 1188. Lang. an. 1187.

(13) In apographo Magnæano I, exstat: *Margaritæ*, in Lyegærdiano: *Margaretæ*.

A vestræ visceribus supplicamus, quatenus in hoc, quod religiosorum virorum et confratrum nostrorum abbatum videlicet expetunt vota, qui vos diligunt, et totius charitatis visceribus amplectuntur tanquam Patrem et Dominum ab homine, cujus spiritus in naribus ejus, qui eos infestare disponit, protectionis vestræ minime defensentur, nedum in annonæ parcitate laborant, gravibus et insolitis exactionibus aggraventur. Spiritus ejus, qui suscitavit Jesum a mortuis vos salvet, et confirmet in omni opere bono, et pro his, quæ pauperibus fratribus nostris sæpius contulistis in retributione justorum vos gloria coronet æterna! Amen. Valet.

EPISTOLA XXVI (12).

*Filiabus regis*

B Virginibus sacris regali stirpe progenitis M. (13) et M. (14), frater WILHELMUS, servus servorum Dei, in Paraclito amplexibus perfrui Regis æterni.

Quod olim fuerat inspirante Domino a prophetis pronuntiatum, jam in Ecclesia Dei cernimus esse completum, dum suavissimo Christi jugo colla submitunt, et vultum ejus deprecantur filie regum. Felices igitur vos ambæ, quas sanguis regius procreavit, quas ne sibi mundus alliceret fallacibus blandimentis, Christus cœlestibus castris inseruit, et sponsas sibi devotas suo sanguine consecravit. Felices vos, inquam, quæ virginibus cæteris et hominibus criminibus implicitis, conversionis vestræ imitabile contradedistis exemplum, per quod et mundus ad suum debeat redire principium, et diabolus inferri sibi doleat detrimentum. Sæviant igitur jam nunc ipse crudelissimus prædo, cum vasa siant honoris et gloriæ, quas in ventrem malitiæ suæ decreverat deglutire. Ingemiscat et doleat se devictum etiam in sexu fragili, cum videat divinis obsequiis delicatas regum filias in croceis enutritas mancipari, et viam humilitatis aggredi, quam ipse contempsit per superbiam nimis elatus et conditori suo per amorem noluit esse subjectus, sed male deceptus Deo voluit esse consimilis. Cum enim esset decore et excellentiæ et claritatis eminentia dignior cæteris creaturis, quas in laudem et gloriam suam creaverat totius Conditor orbis, æquare se, sicut diximus, voluit Deo, et quod erat vilipendens, nisi similis esset Altissimo, irreparabiliter de cœlo cecidit cum complicibus suis draco et diabolus factus, turpior omni, totius iniquitatis inventor, vitiorum incensor, inventor mortis et auctor. Quia igitur a paradisi gloria se videt esse dejectum, et nullum extra tenebras habere refugii locum, qui primo spiritus erat in specie gloriosus, et in deliciis conditus, gravius ingemit, et ardentius invidet hominem ex luto compositum cœlum conscendere; et quod amisit ipse per suam malitiam atque superbiam per humilitatis gratiam possidere. Itaque quod amisit per superbiam, homini cedit ad honorem e.

(14) Forte Mariæ vel Magdalenæ, licet non constet Waldemarum I. filiam habuisse horum nominum.

gloriam sempiternam. Verum, ut beatus dicit Gregorius (15), casus majorum cautela debet esse minorum; si enim non pepercit Deus angelis, qui majoris erant dignitatis et gloriæ, putandum est, quod homini parcat, si peccaverit, qui totus est pulvis et cinis? Ideo, virgines sacræ, vobis est attentius providendum, ut quidquid videritis virtutibus esse contrarium, nullatenus diligatis: nec ad id obtinendum animi vestri reflectatis assensum, vel oculorum vestrorum intuitum, ne vobis a Domino concessum honorem vestrum perdati et coronam vobis pro meritis destinatam. Jucundius est etenim honore primatus caruisse, quam adeptum pro meritis perdidisse. Necessè est ut omnia opera nostra humilitatis gratia virtutes congregat, similis est homini, qui in vento pulverem portat. Gaudete vero non divitum sed pauperum vos esse sodales, quia cum simplicibus et pauperibus est sermocinatio Dei. Talium enim est regnum cælorum. *Superbis enim resistit Deus, humilibus autem dat gratiam* (Jac. iv). Virginitas autem sine humilitate nequit ad vitam promovere progressum, quibuscunque præsiis sit præmunita virtutum. *Initium enim omnis peccati superbia* (Eccli. x). Quod Dominum legimus ita fuisse locutum, cum in schola sua discipulis loqueretur de progressu virtutum: *Discite a me, quia mitis sum, et humilis corde* (Matth. xi). Quod docuit verbo, demonstravit exemplo. *Humiliavit semetipsum, obediens Deo factus usque ad mortem, mortem autem crucis* (Phil. ii). *Confidimus in Domino, quod nihil aliud sapietis* (Gal. v); quia sponsum vobiscum habetis scientiarum Dominum *qui docet hominem scientiam* (Psal. xciii). Hæc vobis, charissimæ amicæ et dominæ, pauca conscripsimus, ut pagina nostræ conscriptionis vobis sit in pignus amoris et in signum dilectionis, et odor vestræ conversationis longe lateque diffusus sincerioris opinionis augmenta suscipiat, ut sicut prædiximus, ad exemplum aliis proponendum vobis nihil obsistat, sed proximos charitatis inextinguibilis ignis accendat. Licet autem exterioris hominis vestri faciem ignoremus, interiorem tamen ex jucundo fratrum nostrorum relatu et suavioris opinionis processu diligenter amplectimur, spiritu vobis præsentem, corpore licet absentes, et quæ pia, quæ justa, quæ pudica et quæ pacifica sunt, vobis succedere peroptamus. Non credimus quod nobis sit necessarium vestram sanctitatem atque propositum commonere, ne sit vobis familiare *in mensis vestris ebrietatis habere diffugium, licet consuetudini terræ sit illud vitium*, vobis vero sit horrendum, cum, hoc mediante, fortissimus etiam vir in ruinam et in reatum prolabitur. Hac etiam interveniente honestas impudicitiam arma reddidit sua, degenerat sanctioris propositi fructus et

A odoriferæ gloria opinionis damnabiliter evanescit. Cæterum quod vestris amicitiiis copulamur, id nobis conferri sine meritis sola gratia gratulamur, et multipliciter gloriamur in Domino. *Videte tamen, quomodo caute ambuletis* (Ephes. v), ne forte illa prophetica maledictio veniat super vos. *Væ qui dicitis bonum malum* (Isa. v). Sicut audivimus magnos nos æstimatis, qui parvi sumus omnino aut nulli. Quare nos apud vos majores reputatis quam hominum communis opinio? ponderate nos ipsos secretius, nec nos majores putetis, quam nos libra veritatis appendit. Verbum Domini est. *Pondus et pondus, abominatio est* (Prov. xx). Est in cælo, qui corda scrutatur et renes (Psal. vii). Videte quod nil doli admisceatis, sed nos apud Deum et homines æque libretis. Quod autem quibusdam filiis nostris S. videlicet et T. (16) gratiæ favor arripet, vobis solennes gratiarum referimus actiones, idque nostris erit munerandum obsequiis, cum se vel tempus aut locus obtulerit. Familiarissimas nostras K. et J. (17) quas in Domino veneramus, quibus et nos sincerioris brachiis charitatis astringimur, eo devotius vestræ liberalitati commendamus, quo amplius de vestra bona voluntate confidimus. Ad ultimum nostri memoriam orationibus vestris inesse rogamus, quia vestra nostris est inserta visceribus, ubi patri filius immolatur. Valet.

#### EPISTOLA XXVII (18).<sup>1</sup>

##### *Ad conventum virginum Roschild.*

Venerabili et dilectæ in Domino priorissæ beatæ Mariæ (19), et sororibus universis virginibus sacræ, W. beati Thomæ de Paraclito minister indignus, sinceræ dilectionis affectum.

Nostis, charissimæ, quod subjectorum excessus minime corriguntur, si pro voluntate vel negligentia vel temeritate præsumptionis, contra ordinis insti-tuta more bestiali feruntur. Itaque si pastor his omnibus obviare neglexerit, vel terrore perterritus mutire non audeat, licet pastoris gestet officium, meritum tamen pastoris amittit, cum eos, quos corrigere debet, tacendo peccare permittit. Nos igitur, quos honore pastoralis Dominus in Ecclesia sua sublimare disposuit, simile sortiemur de commissi nobis gregis prodicione iudicium, si cum incedere permittimus in abrupta vitiorum, qui nostro et verbo et exemplo proficere debuerat ad augmentum virtutum. Inde est quod largiente Domino circa nobis commissos vigilantem satis cura sollicitudinem adhibere studuimus, ut eorum errata disciplinæ vomere subaremus (*sic*) et virtutes vitii præponamus, ut de commissis nobis talento rationem in diem iudicii cum securitate reddamus. Sanctitatem quoque vestram non ignorare confidimus, qualem Nicolaum filium prioris vestri recepimus et quantum in doctrina et disciplina protraximus. Hunc igitur, quia

(15) Non possum invenire hunc locum.

(16) Forte Thomas qui nominatur in epistola 29.

(16) V. ib. I, ep. 28, 29.

(18) Lang. an. 1187.

(19) In Roschildia hoc monasterium fundatum est non longe post annum 1156. V. Atlantem Danicum, t. II, p. 341; t. VI, p. 154 et Saxonem, p. 215, 216.

gravius quam vellet pro excessibus suis aliquando corripuimus, frequentioribus doloribus anxiatur, et promissæ fidei propositum deserere comminatur. Inde est quod rebellis et contumax de vestibus suis cappam videlicet et superpelliceum nobis inconsultis exposuit, et ut aliorum relatu percepimus, apud vos, quod valde miramur, deposuit. Non enim arbitrari valeamus, quod malitiam sapientia comitetur, et male agentibus fidei sinceritas suffragetur. Rogamus igitur dilectionem vestram atque consulimus, quatenus nobis, omni occasione postposita, depositum transmittatis, ne vestra religio, quæ semper est amatrix veritatis, sit latibulum et refugium malitiæ atque nequitie communicando operibus malis.

EPISTOLA XXVIII (20).

*Ad conventum virginum Slangathorp (21).*

Dilectis in Domino virginibus sacris A. priorissæ Dei gratia (22), K. et J., frater W. servus servorum Dei in Paraclito, sic currere, ut supernæ remunerationis bravium apprehendant.

Litteras vestræ sanctitatis accepimus, et pia satis aviditate legendo percurramus. Si quid autem quod honestati congruat et vestræ sanctitati cedat ad gloriam, effectui mancipare curavimus, inde plenius exultamus, debitam Deo gratiarum actionem exsolvimus, semper nos in anteriora cupientes extendere, ut susceptis beneficiis beneficia valeant uberius respondere. Nuper autem a charitate charitatis dona percepimus, quibus in charitate charitatem indubitanter inesse probavimus. Verumtamen, quia sæpius in vestræ benedictionibus dulcedinis pervenimus, conscientia nostræ torpor arguitur, quod in recompensatione beneficii minus quam vellemus providi reperimur. Unum est tamen quod ad remedium nobis consolationis accedit. Sincerus videlicet dilectionis affectus, qui inter amicos semel exortus nullo tempore consenescit, sed verius cum quid defuerit, mutuis fovetur alloquitur, et scriptis recentioribus validius incalescit. Inter omnia autem quæ circa nos locum prerogativum habere noscuntur, illum, de quo loquimur, charius atque vicinius, maxime cum honestatis fulgore vestiatur, amplectimur. Illum igitur etiam vobis offerimus et oblatum in nostra recipimus, non ut ea careatis, sed ut eum abundantius habeatis. Quod et in nobis credimus esse futurum, ex utrisque corporibus, ut, quod habent singuli per meritum atque per gratiam, commune sit omnium per amorem. Petitioni vestræ nullatenus dudimus obviandum, sed eum quem petistis quam citius poterimus emittendum. Valet!

EPISTOLA XXIX (23).

*Ad easdem.*

WILHELMUS, Dei gratia, servus servorum Dei, in Paraclito virginibus sacris K. et J., Christo sponso

(20) Lang. an. 1187.

(21) Slangerp hodie civitas quædam parva in Sielandia.

(22) De antiquitate hujus monasterii nil mihi constat. Rex Ericus Bonus fecit ibi construi eccle-

A feliciter inhærere et virtutum gloria coruscare.

Sicut, oleo flammis injecto, incendium majus excrescit, sic ex operibus bonis virtus amoris validius incalescit. Ex relatione charissimi filii nostri Thomæ, qui vos in Domino veneratur et diligit, virgines sacræ, percepimus, quod in necessariis nostris piæ geratis affectum, quod nobis in admirationem accedit, cum nec ad hoc processisse noverimus, aut opus aut meritum. Verum quoniam amplioris est gratiæ, non uni sed pluribus velle noveritis a Domino vobis inesse, qui non uni, sed omnibus sua venit passione proficere. In hoc etiam pluribus beneficii imitabile bonæ voluntatis exhibetis exemplum, quatenus et vos majorem assequamini gratiam, et opinionis vestræ suavem ubique diffusam odorem, et sicut præmisimus, vestris obsequiis nostrum jam velut sopitum et incineratum suscitatis amorem, ut et vos in Domino diligamus, et orationibus mutuis invicem nosmetipsos Domino commendemus. Est enim adversarius noster tanquam leo paratus ad prædam, circuiens et quærens quem devoret (*I Petr. v*). Cui resistamus fortes in fide armis præmuniti justitiæ. Hujus igitur mundi gloria fallax et rerum temporalium cupiditas, felices dominæ meæ virgines sacræ, nec aliunde dominæ, nisi quia Domini mei sponsæ, nec ad modicum vos in voraginem vitiorum inducat, et continentia vestræ gloriam se miserabiliter gloriatur evertere potuisse. Scimtes et nos quia renuntiastis mundo et vos Domino consecratis, et necdum a vestra memoria credimus esse præcisum, quod *omnium malorum radix sit cupiditas* (*I Tim. vi*), transgressionis mater, magistra nocendi, seminarium iniquitatis, auriga malitiæ, sicaria virtutum, seditionis origo, fovea scandalorum. Nescitis? Imo scio quod scitis, quia *omnis gloria filia regis ab intus* (*Psal. xliiv*). Quia igitur et vos filia regis estis et sponsæ, sit ab intus gloria vestra, non ab exterioribus rebus, ne dum venerit sponsus, vos fatuas inveniat virgines, conscientia bonæ oleum in lampadibus non habentes (*Matth. xxv*). Cæterum gratias pro gratia nobis exhibita gratiarum Dominus et retributor pro nobis ipse vobis retribuat. Valet!

EPISTOLA XXX (24).

*Ad dominum papam (25).*

Sedes apostolica quanto cæteris præeminet dignitate, tanto debet attentius in judicium faciendū providere, ut in rebus agendis tractandisque negotiis, legem justitiæ, seu viam veritatis vel æquitatis, nullius amore vel otio deserat. Horum enim unum, sicut gratiæ vestræ paternitatis innotuit, si cuilibet judici sed præcipue summo pontifici in virtutum suarum defuerit præconiis, inferet læsionem, et in extremo superni judicis examine tam

siam anno 1100.

(25) Lang. an. 1187.

(24) Barth. et Lang., an. 1196.

(25) Edita jam est ab Holbergio in *Historia Daniæ*, tom. I, p. 261, 262.

gravis delicti perferet ultionem. Absit autem, mi Pater, ut hoc morbo conscientia vestra laboret, quam in negotio sororis nostræ reginæ Francorum favorabilem et immutabilem adhuc etiam assertio falsitatis velut hostem detestabilem abhorret. Auditum vero percepimus et rei veritate comperimus, quod in illius terræ regem vestra pietas terrorem comminationis ex parte vestra justitiæ vigor sicut necdum intepuit, quo delectamur, incussit, eidem sub interminatione anathematis præcipiens, ut nullam sibi aliam copularet, quoad ista, soror videlicet nostra, vita comite superesset. Nunc igitur, Pater, quoniam in Dei contemptum et in opprobrium sempiternum ut rebellis et contumax vestræ sanctitatis contempsit edictum, quid superest, nisi ut hoc modo mandati vestri contemptoris feriatu insanita, quatenus in ipsius regno interdicanur celebrari cœlestia sacramenta? Ita, mi Pater, nunc in vobis justitiæ zelus emineat, et quam sit temerarium apostolicis obviare mandatis, si hucusque non intullexerit, nunc saltem hanc confusionem supponendo persentiat. Rogamus itaque, Pater, et pietatis vestræ supplicamus visceribus, ut petitioni nostræ non desit effectus, quoniam multus est erga nos dilectionis vestræ affectus. Semper enim Romanæ Ecclesiæ obedientiæ jugo placuit nobis colla submittere, et nisi primo nobis Ecclesia Romana defuerit, non erit ab ea nobis discedendi voluntas.

#### EPISTOLA XXXI (26).

*Ad dominum Cælestinum papam regina Francorum (27).*

Ad sedem misericordiæ toties est recurrendum, quoadusque misericordia de cœlo respiciat et sperantium in se Deus vota perficiat. Inde est, amantissime Pater, quod et ego, cujus cor doloris aculeis diebus ac noctibus perforatur, ad Deum primo, deinde ad sedis apostolicæ clementiam minime clamare desisto, si forte respiciat Dominus in orationem humilis ancillæ suæ, et amoveat a me sagittas suas, quæ militant adversum me, quarum indignatio exhibet spiritum meum et apostoli Petri successor benedictionis suæ rorem ariditati cordis mei benignus infundat, et de illata mihi injuria conferat consolationis in mea tribulatione remedium. Quis enim, Pater, qui gemitibus filię suæ nulla miseratione compatitur, minime doloribus anxietur? absit, ut vos! De solo gloriæ dejecta et in terra prostrata consolatorem inquiri et non invenio. Excellentiæ pristinæ desseo detrimentum, dum

(26) Barth. et Lang., an. 1194.

(27) Edita ab Holbergio in Historia Daniæ, t. I, p. 262, 263. Sine dubio scripta a Wilhelmo jussu regis ad papam, fama accepta de divortio Ingelborgæ.

(28) Forte: *Salutem fert*; in apographo Magnæano I exstat: *Suam filiam*; quod nullum sensum habet.

(29) Tota hæc clausula ab: *Ad hoc etiam*, usque ad finem, mihi suspecta est, et forte ex alia epistola sumpta. In ms. Arnæ I, ita restituitur locus,

*A non est, qui redimat, neque qui saluum faciat (1<sup>a</sup> sal. vii) (28). Pudet me miseræ meæ, et anxietur super me spiritus meus, in me turbatum est cor meum (Psal. cxlii).* Unum est, Pater mi, quod me inter tribulationum mearum angustias beneficio consolationis speratæ refovet et demulcet, et præter illud non est aliud. Quid sit illud, si quæritur, nil in responsis habet, præter hoc, quod dictura sum, sedis apostolicæ clementia. Rogo igitur te, clementissime Pater, ut filiam redigens in mensuram plenitudinis gloriæ tuæ, justitia mediante, deprimas illum, per quem affligor, ut iterum reconcilier illi et reconciliationis gaudia Deo et gratiæ vestræ paternitatis ascribam. Siquidem ad Dei spectat honorem hominumque salutem, ut in faciendis judiciis semper veritas producat in lucem. Ad hoc etiam vos, Patres et domini cardinales (29).

#### EPISTOLA XXXII (30).

*Ad dominum papam ut supra (31).*

Cum sit omnium fides et votum apostolorum Principis successorem Ecclesiam Dei disponendi potestatem in omnibus obtinere, eo securius ad eum sunt referenda, quæ sunt iniquorum hominum depravata, quo frequentius ab impiis actibus eruuntur, qui gratiam assequuntur, et patrocinio fulciuntur. Ego igitur a domo patris educta, et in Francorum regnum inducta, disponente Domino, regali solio sublimata, felicioribus successibus meis invidente humani generis inimico, in terram velut lignum aridum et inutile dejecta, omni sum solatio destituta atque consilio. Dereliquit me sponsus meus rex Francorum Philippus, in me non inveniens quid condemnaret, nisi quod malitia in incudemendacii fabricasset. Illud autem esset præsentibus in vestris auribus persequendum, si non scirem jam illud fama volante in toto populo divulgatum. Confugio igitur misera ad sedem misericordiæ, ut misericordiam consecuta filiam vestram, si felicior atque clementior fortuna successerit, me deinceps profitear ancillam diebus omnibus vestris obsequiis mancipandam.

#### EPISTOLA XXXIII (32).

*Regis (33) ad cardinales.*

D si rebus agendisque judiciis veritas producat in lucem. Ad hoc et vos Patres et domini cardinales, iudices orbis apostolicus extulit principatus, ut in causis pauperum et oppressorum omnium, qui ad apostolicam sedem confugiunt, non amore vel odio cujusquam hominis veritas supprimatur. Odor iste manu tamen recentiori: *Ab eodem constituti cœ singulariter ordinati estis. Valet. Et in Lyegaardiano: Deficit ms. suppletur hac ratione: (Conforte valetis.)*

(30) Barth. et Lang., an. 1194.

(31) Edita ab Holbergio in Historia Daniæ, t. I, p. 263. Etiam scripta a Wilhelmo jussu regio.

(32) Barth. et Lang., an. 1196.

(33) Kanuti. In Lyegaardiano valde erroneo: *Regina.*

de sacris acibus vestris ubique diffusus, ut in tribulationibus ad auxilium gratiæ confugiant, plurimos evocant ex longinquo. Inde est, quod odor idem naribus nostris aspersione non plurimum excitavit, ut probaremus effectu quod perceperamus auditu. Causam nostram, imo sororis nostræ Francorum reginæ gratiæ vestræ jamdudum commisimus; sed, si non ad plenum, exinde tamen aliquid consolationis accepimus, pro qua et vobis gratiarum actiones exsolvimus. Quia vero superest, unde plenius gaudere debeamus, si debitum sortiatur effectum, preces iterum in oculis vestris duximus deponendas, licet in hoc non nos confortet aut opus aut meritum. Apud autem amatores justitiæ pietas extorquere solet compassionis affectum in his maxime rebus, quæ justitiæ patrocinio fulciuntur. Novit sanctitas vestra dominum papam regi Franciæ in mandatis dedisse, ut sororem nostram, ab eo malitiose disjunctam, in conjugem sibi resumere deberet, quam si resumere nollet, nullam aliam sibi ducendam præsumeret. Ecce! quid facit homo, qui non timet Deum, nec homines reveretur? Aliam ducens non conjugem sed adulteram, apostolicis non timuit obviare mandatis. Pro hujusmodi facto fieri nobis justitiam a vobis expetimus. Quam nullam aliam ad præsens expetimus nisi ut a sacramentis ecclesiasticis excludatur, quæ per totum ipsius regnum celebrantur, donec sensus ejus in melius reformetur, illam scilicet quam sumpsit respuendo, et illam quam dimisit resumendo.

## EPISTOLA XXXIV (34).

Reginæ Francorum abbas W.

Charitatis debito et naturæ jure compellimur, quatenus ad calanum manum mittamus et, si non corporali præsentia, quia infirma est, spiritu tamen, qui promptus est, dominam nostram, velit nolique diabolus, Francorum reginam visitemus. Jucundius tamen, si fieri posset, ore ad os familiare vellemus inire colloquium, maxime cum præsentia vestræ delectaremur aspectibus et dulcoribus fovemur alloquiis; quibus mens charitatis jaculis vulnerata, validius vulnus divini gestat amoris, et totam se gloriatur concremari in sacrificium laudis. Novit, qui secretorum est conscius, quod honorem vestrum et gloriæ diligenter amplectimur. Honorem autem dicimus, quod mundi pressuram virtutum pede calcatis, et in tribulatione vestra divina dispensatione virtus accrescit, dum non ut femina, sed ut vir cordatus hostilem nequitiam viriliter sustinetis, et gratiæ divinæ causam vestram judiciumque committitis. Nostis enim, et bene nostis, quia in libro experientiæ sæpe legistis, quod virtutis est non vinci a malo, sed in bono vincere malum. Erit hoc vobis ad gloriam, et omnibus injuriam patientibus ad imitationis exemplum. Credendum est, quod divinitus estis instructa, ut ad

A majora virtutum præconia valide consurgatis; illud habendo præ oculis, quod dicit Apostolus, imo per Apostolum Christus: *Omnes, qui pie volunt vivere in Christo, persecutionem patientur (1 Tim. III)*. Quil autem patientia conferat, a cogitatione vestra nullatenus est alienum, cum Veritas dicat: *In patientia vestra possidebitis animas vestras (Luc. XXI)*. Nunc igitur, charissima domina et gloriosa regina, ne declinetis a rectitudinis tramite, quam cœpistis, quia cito, ut vere speramus atque confidimus, si non resipuerit qui vos conturbat, portabit iudicium, et quod a Domino vobis est collatum in dotem, justitia mediante, nullatenus deducetur in irritum. Minas eorum qui vos oderunt et affigunt, sive blanditias promissionum nullatenus attendatis, quia etsi aliquando vos deterreat regis severitas, corroboret vos et confirmet divini censura iudicii, quæ nunquam sperantes in se derelinquit, quæ et mala consilia principum dissipat, et suum in æternum confirmat.

## EPISTOLA XXXV (35).

Abbas ad reginam.

Quoties commentium præsentia se nobis obtulerit, indignum reputare decrevimus, si dominæ nostræ, quam in veritate diligimus et in Domino veneramus, aliquid minimæ nostra parvitas scriptio- nis emiserit. Nostis enim, domina, novimus et nos quod hoc proprium habet vis amoris, ut scriptis recentioribus amplius incalescat, nec aliquo rerum eventu patitur ut senescat. Confertur etiam amicitia vinculis nodus amoris, remedio letitiæ salutaris desolatis, his maxime, in quibus abundant viscera pietatis, nec inest Domini. . . . um (36) bonis moribus quippiam pravitatis. Excellentia igitur vestræ salutationis prælibamus officium, ut eo percepto percipiatis, et vos de tribulatione salutare remedium et nullum Christianæ fidei detrimentum, quod infidelibus et negligentibus solet inferre contemptum. Novimus autem quod, diabolo sæviante, Domino vero vobis in melius providente, paternum in vos immissum esse temporale flagellum, quatenus patientiæ virtus in agone probata, de plumbi scoria purgatissimum efficiat aurum, et unde diabolus se putat obtinere victoriam, vos æternæ gloriæ faciat adipisci coronam, et ipse de illata vobis injuria debitam malitiæ suæ perferat ultionem. Non vos fallat, mi domina, ad tempus sublata mundi hujus inanis gloria, quia potens est Dominus statuere vos iterum in plenitudinem potestatis, ut vestra sublimitas in caput gentium imperet populis et solium gloriæ teneat. Nostis, et bene nostis, quod *qui cælum operit nubibus (Psal. CXLVI)*, ipse etiam, illis sublatis, cum vult, infundit lumen claritatis supernæ sideribus. Ita certe et vos, cum voluerit, exaltabit, *quia respiciat in orationem humilium, et non spernet preces eorum (Psal.*

(34) Barth. et Lang. an. 1194.

(35) Ba th. an. 1195, et Lang an. 1194. Scripta sine dubio Romæ.

(36) In apographo Magnæano I, deest Domini; lacuna tamen exstat. Forte vera lectio est: *Domini- num colentium*. In Lyogaardiano: *Domini-um*.

ci), quorum gemitus ad eum perveniunt, et Altissimus non delectabitur in eis. Ipse enim *mortificat et vivificat, deducit ad inferos et reducit. Dominus pauperem facit et ditat, humiliat et sublevat* (37) (1 Reg. 11). Verba sunt Spiritus sancti. Nolite igitur perdere continentiam, quæ magnam habebit remunerationem: dabit Deus his quoque finem et *gaudebit cor vestrum, et gaudium vestrum nemo tollet a vobis* (Joan. xvi). *Cor regis, ut dicit Scriptura, in manu Dei est, et inclinabit illud quocumque voluerit* (Prov. xxi). De cætero plurimum gaudemus, quia vos Dominum et ejus mandata timere percipimus et vestræ sanctissimæ conversationis odor suavissimus ubique dispergitur, ut nec dens vos inimici corrodere possit, cum non inveniat quod honestati et moribus obviet bonis. Noverit autem vestra sublimitas, quod amorem, quem erga vos habemus, nunquam antiquabit oblivio. Nunquam cessare ab oratione poterimus, donec a Domino nos exaudituros esse senserimus, quod in proximo futurum esse confidimus. De cætero valde conquerimur, quod nihil a parte vestra vel scripto suscipimus, quod tamen, salva reverentia et pace vestra dixerimus, cum vobis his ecce scripserimus, pro cuius amore et honore nostrum corpus exponere labori maximo contra dominum regem maritum vestrum nunquam timuimus. Rogamus igitur, ut quod in hac parte minus congrue factum esse probamus, benevole suppleatur, quia plurimum de gratiæ vestræ plenitudine gloriamur, ne in oblivioem abduci videamur.

#### EPISTOLA XXXVI (38).

*Ad abbatem Walbertum de Esrom.*

Venerabili Patri et domino W. Dei gratia abbati de Esrom, W. servus servorum Dei in Paraclito, in plenitudinem dierum plenitudinem gaudiorum.

Rumor dulcis auribus nostris, charissime Pater, insonuit, qui et civitatem Dei lætificavit, et nos in laudem Dei plurimum excitavit. Quis enim, licet insipiens, non jucundetur, vestrum in his partibus vos intulisse sæpius optatum adventum, consilio et auxilio, Domino largiente, pluribus profuturum? ut minus sapiens dico, et si omnes in hoc jucunditatis gloriam non assequuntur, non minus tamen solemnnes gratiarum actiones et laudum præconia divinis aspectibus in hujus novitate lætitiæ devoti persolvimus, quod non ad oculum, sed ad conscientiæ puritatem vobis sincerioris amoris vinculis innodamur. Nec frustra quidem. Quem enim indissolubiliter sibi non astringant officia, toties nobis exhibita sub amoris titulo sinceritatis et veritatis? Quis ad plenum comprehendere possit in necessitatibus nostris compassionis affectum compassionem prosequentem desideratarum rerum effectum? Hæc itaque sunt, Pater, quæ nobis gratiam faciunt

(37) In Magnæano I: *Potest facere et dare humilia et sublimita.*

(38) Barth. et Lang., an. 1194.

(39) Celeberrimus ille Andreas Suronis filius.

A adventus vestri lætitiæ et non intentos reddunt ad recogitandam et recompensandam tot et tantorum munerum rationem. Quod si disparibus studiis minus cauta providentia forte successerit, non id etiam indigne amicabilem benignitas supportabit. *Charitas enim benigna est, patiens est, non querit, quæ sua sunt* (1 Cor. xiii). Cæterum, mi Pater, quoniam amor est dilationis impatiens, quid amicissimus noster cancellarius (39) agat, quid in proposito apud eum versetur ad inquirendum compassionis affectu compellimur. Id igitur, si votis non obviat, vestris nobis litteris exarari deprecamus; quia desiderio multo sub vario rerum eventu suspendimur, sicut enim doloris stimulis exulceratur amantis animus, si de amico tristitia referantur, ita B exhilarescit, si potiat in salutem secundioris fortunæ muneribus.

#### EPISTOLA XXXVII (40).

*Item in reditu suo a capitulo.*

Abbati de Esrom salutem in salutari Dei.

Quod aliquando vobis et nobis subtrahitur occasio colloquendi, nec nobis est gratum, nec amori contiguum. Solet enim inter amicos esse in amore levamen, et in dolore remedium, familiare colloquium. Cujus sit in hac re subterfugium, nec nos agnoscimus, et vos ignorare penitus arbitramur. Si vero falsarius quispiam, quem forsitan mendaciæ pestis infecit, ille mercedem iniquitatis conceptæ recipiet, qui in agro bene culto pro tritico zizania supereminare decrevit. Et inter nos fraternitatis charitas illæsa persistat, ne dissensionis filius et iniquitatis operator de sua quandoque congaudeat iniquitate. Vos autem noveritis cor nostrum erga vestram sanctitatem, nec in minimo esse permotum, cum quidem nec in hac parte molestia quidpiam nobis occurrerit, quo parvitas nostra debeat lædi, sed collata nobis beneficia a parte vestra amoris et gratiæ testimonium protestentur. Nec a nostri memoria poterunt vel possunt avelli, nisi, quod Deus avertat, a nostro sensu fuerimus alieni. Si quid igitur operibus nostris vel verbis vel etiam vestris contradictionis emergerit, quod tamen non arbitramur, illud totum antiquet oblivio, delectat et abstergat, ne quid morum nostrorum gratiam devenustet, quos semper oportet in innocentia et simplicitate cordis divinis obsequiis mancipari: per quos et inimici propter præceptum Domini beneficiis potioribus ad amorem Dei debeant provocari, ut in omnibus et per omnia ex operibus nostris laudetur, et glorificetur Deus, qui est benedictus in sæcula.

#### EPISTOLA XXXVIII (41).

*Ad abbatem de Esrom.*

Cum fidei nimis vigor intepuit, non est mirum, quod irruentibus malis, his qui longe sunt positi

(40) Barth. an. 1178; Lang. rectius an. 1194.

(41) Barth. an. 1178; Lang. etiam, sed dubitanter; ego ad an. 1194.



minus prudentibus veritas in dubium venit. Inde est, quod aliquando nos, qui mendaces minus discernere novimus, pro veris falsa recipimus, *ponentes tenebras lucem et lucem tenebras, dicentes bonum malum et malum bonum (Isai. v)*. Quid igitur? Subdimur maledictioni iudicis præsentis, quem nulla latet iniquitas, qui nec falli, nec fallere novit? Absit! Novit enim, quod veritatis inimici ex malitia ut innocentiam decipiant, mentiuntur. Verum si simplices nonnunquam falluntur et fraudulentium assertionibus adhibent fidem, sicut eos malitia non denigrat interior, sic nec supremi sententia iudicis damnat. Cum eorum verbis mendacibus credunt, fidei tamen, quæ in Christo est, constantiam non amittunt. Nos igitur, Pater venerande, si forte deviare cogimur, si forte deviare probamur a rectitudinis via, et aliquid de charitate fraterna visus vel auditus subripuit, non benevolentia præeunte, ea qua nos prius invicem dilexerimus, integritas reformetur amoris et percepto lumine veritatis, tenebræ dissipentur erroris. Percepimus enim, nec nos convenit diffiteri falsa relatione nos fuisse seductos et invidiæ stimulis, et malignantium pravitatis jaculis impugnatos, dum cor nostrum a veritatis tramite procul abscederet, et adulantium oleum minime declinaret. Ad vestram igitur notitiam volumus pervenire, nos hujus controversiæ occasione ita fuisse permotos, ut nec ad utilitatis vel honoris obsequia oculorum nostrorum aciem defigeremus ab opinione virtutum. O invidia, quam C pernicioiosa es! quæ nec persequi desistis quos perspexeris bonis etiam implicatos, quæ et diabolium totius malitiæ propinatorem deposuisti de cælo, quæ et invadere non timuisti humanæ salutis Auctorem. Sed jam in nobis, unde sumpsit exordium, producat in lucem, quatenus, cognita ejus origine, reprobetur iniquitas, et justitia in suo gradu illæsa persistat. Dicebatur, Pater amande, quod tamen longe sit a sanctitatis vestræ honore, quod nos more leonum in insidiis sedebamus, ut religioni vestræ cohærere volentes a vobis avertere niteremur, et cupiditate rerum suarum nostro eos consortio jungeremus. Quod satis pateret ex susceptione Philippi pueri nostri, quem nullam aliam ob causam susceperamus, ut dicebatis, nisi quod pecuniam ei a patre collatam habitui nostro investire voluimus. Dicebatur etiam nobis, ut vere percepimus, quod in tantam fueramus malitiam devoluti, quod nostrum esset officium vos appellare hominum devotiores, et in præpositos, si forte de mandatis seniorum excederent, more bestiarum crudeles infligere dentes. Quibus et vos, si fidem volueritis adhibere, deceptos esse noveritis, et nos

si fecimus, esse mentitos, et bestiarum genus crudelitatis excessisse. Hoc est, quod inter nos discordiæ seminarium discurrebat, et fraternitatis concordiam perversitas inficiebat. Quia igitur hæc omnia inter nos odii fomitem ministrabant, rogamus et humiliter supplicamus, quatenus ad pacis concordiam revertamur, et quæ pia, quæ justa, quæ honesta sunt, jam licet sero, sectemur. Dulciores siquidem sunt amicitia post inimicitias, quam ante fuerant, cum nullas pateremur dissensionis angustias.

## EPISTOLA XXXIX (42)

Domino charissimo et præcordiali amico Eboni (43), frater W. gratia Dei servus servorum Dei in Paraclito, æternæ gloriæ percipere portionem.

B Est, ut melius nostis, mi domine, quædam in amore dulcis et admiranda jucunditas, imo ut verius fateamur, in colloquendo suavis mellifluaque ebrietas, quæ cum mutuo colloquuntur amici sic colloquentium mentes inebriat, quatenus ludicra præseriis interponat, et quod præcedere debuerat de rebus necessariis verbum excludat. Ut enim noster dicit Salomon: *Fortis est ut mors dilectio (Cant. viii)*. Hanc in amore dulcedinem illi soli degustant, quos amoris vinculis arctius innodatos illicita desideria minime coangustant. Hoc autem nuperrime cum mutuis refoveremur alloquiis et vestris delectaremur aspectibus, certius sumus experti, qui cum de necessariis deberemus inire sermonem, illum a nobis abstersit oblivio, quam amoris intulerat C dulcedinis multitudo. Verum non nobis longum poterit inferre dispendium, quidquid fuerit amoris gratia prætermisum. Quod autem a nobis fuerat prætermisum, si a nobis (44) proferatur ad medium non vobis videatur injuriosum, cum ex eo speramus ex innata vobis bonitate et benignitate in nostra tribulatione provenire remedium. Noveritis igitur quod inter mala quibus affligimur ad cumulum malorum accedit, quod regalis potestas, quæ de jure pauperes religiosos tueri debuerat, in nos durius invehitur, *dum non est qui redimat, neque qui saluum faciat (Psal. 7)*. Canem vero nonnunquam instigavimus, nec tamen quemlibet canem, sed eum, qui confidenter latratum emitteret, et lupos D sævientes ab ovium morsibus sententia regiæ severitatis arceret. De villico vestro B. (45) de Alexander Thorp et quodam fabro colono suo sermo est, qui animalia destruunt et occidunt. Super hoc a vobis justitiam duximus expetendam, semel in persona nostra, duabus vicibus, nisi fallimur, per internuntios nostros. Speramus, imo confidimus, quod si non sensum vestrum curarum densitas obumbrasset, de utroque læsio nobis illata exsecutionem

(42) Barth. an. 1194, et Lang. an. 1195. Inscripta est hæc epistola in ms. Lyegaardiano: *Ebbe Sunesson his verbis Danicis: Til Ebbe Sunesson.*

(43) Occisus anno 1208 in bello Suecico ad Lennam. Vide supra t. V, tab. iv.

(44) *Quod autem a nobis*, in Magnæano I, cætera

desunt usque ad: *De villico*. In Lyegaardiano, et recte quidem: *Quod autem a nobis fuerat prætermisum, si a nobis.*

(45) In Magnæano I, et Lyegaardiano: *Be (forte Bernardo) de Alisan:er Thorp.*

justitiæ debitam exceperisset. Rogamus iterum dilectionem vestram, de qua plurimum confidimus, ne diutius fratrum pauperum injuriam sufferatis inultam, nostra et prædictorum hominum parte præfixo termino ante vestram præsentiam evocata. Verbum autem quod fecistis, imo quod per vos Dominus

A fecit et ostendit nobis, gratanter accepimus et memoriter retinemus. Dignum certe memoria, quod nulla possit delere oblivio. Si quod sit illud quaeritis breviter respondemus. . . *Reliqua hujus epistolæ desiderantur.*

## LIBER SECUNDUS.

### EPISTOLA PRIMA (46).

*Deest.*

### EPISTOLA II (47).

*Prima hujus epistolæ desiderantur.*

. . . . tatis aculeis sentiant se percelli, qui simul conspiraverunt in unum adversus Dominum et adversus Christum ejus. Sentiant, inquam, mi domine, quantæ sit temeritatis apostolicis obviare mandatis. Novit sanctitas vestra, quod episcopos, qui tyranno prædicto (48) coronam regis dignitatis contra vestrum mandatum imponere non timuerunt, ut melius nostis, anno præterito in ecclesia Principis apostolorum coram infinita multitudine hominum in octavis Sancti Martini excommunicationis vinculis innodastis. Hi autem viri mendaces et iniqui ad fraudem toti conversi, cavillationes et iniqua consilia contra justum prædictum, videlicet archiepiscopum, fabricaverunt in incude mendacii, ut vos capiant in sermone, quod longe sit a vobis. A sæculo autem non est auditum, quod in Christiana religione sacerdos excommunicatus fuerit in regem inunctus. Rogamus igitur et supplicamus, rogat et nobiscum multitudo sanctorum, ut in præsentis negotii zelus vestræ sanctitatis emineat, et prævalente justitia, falsitas in sua assertione succumbat, et iniqui comprehendantur in superbia sua, ut sit *pax hominibus bonæ voluntatis* (Luc. 11), malivolis autem et his, qui oderunt pacem, *petra scandali et lapis offensionis* (I Petr. 11). Vivat et valeat sanctitas vestra in æternum et ultra.

### EPISTOLA III (49).

*Ad cancellarium (50) regis Danorum.*

Præcordialissimo amico et domino A., Dei gratia regis Danorum cancellario, W. intèr magnos amicos suos amicus, amoris plenitudinem et felicitatis æternæ lætitiā.

Necessarium reputamus ut vel pauca scribamus; sed cui? certe dilecto meo, quem diligit anima mea,

(46) Bartholinus et Langebeckius referunt ad annum 1196.

(47) Barth. an. 1196, Lang. an. 1193.

(48) Sverro, regi Norvegiæ.

(49) Barth. et Lang. an. 1196.

(50) Andrean Sunonis filium, postea ab anno 1201 archiepiscopum Lundensem.

(51) Barth. an. 1195, Lang. an. 1194

(52) Barth. et Lang. an. 1195.

(53) Barth. et Lang. an. 1194.

B sine quo vivere jam non est vivere, sed dolor et gemitus. Id autem illis venire potest in dubium, qui virtutem amoris in se minime probaverunt. Absit autem, ut vobis, cujus charitatis ardorem in compositione morum, in conversatione puritatis conscia, quod sine adulatione dicimus, vos cum tremore audiat, ne forte subrepat elatio, instabilis constantia fidei, in elegantia æffabilitas, in rerum effectu. . . . *Reliqua hujus epistolæ desunt.*

(EPISTOLÆ IV (51), V (52), VI (53), VII (54), VIII (55), IX (56), X (57); *desiderantur.*)

### EPISTOLA XI (58).

*Prima hujus epistolæ desiderantur.*

. . . . et mutationi consensit aliquando, vel consentit; aut si non consentit, et Grisei jus patronatus, quod habuit, in suo monasterio conservaverint, auctoritate nostra freti, quod a prænominato episcopo de ipsa mutatione pie ac rationabiliter factum est, submoto appellationis officio confirmetis; ita quod in ipso cœnobio Sancti Michaelis semper sint aliqui, qui juxta dispositionem Alborum (59) debeant ibi Domino deservire; si tamen apud eos monasterium remanserit supradictum. Quia igitur Albi monachi illustri viro, duci (60) videlicet prædicto, in suo monasterio, nobis præsentibus et audientibus, jus patronatus obtulerunt, prædictas Sancti Michaelis ecclesie possessiones Albi monachis adjudicavimus, domini W. episcopi (61) munere eis assignatas, et ejus sigillo et domini Lundensis archiepiscopi privilegii munimine roboratas. Et ne quis in posterum, contra hanc nostram constitutionem possit malignari, eam sigilli nostri impressione firmavimus, testium qui interfuerunt subter adnotatis nominibus.

Ego Homerus, dictus episcopus Ripensis (62), et W. abbas de Paraclito a sede apostolica delega-

(54) Barth. et Lang. an. 1194.

(55) Barth. et Lang. an. 1195.

(56) Barth. et Lang. an. 1195.

(57) Barth. et Lang. an. 1192.

(58) Barth. et Lang. an. 1199.

(59) Cisterciensium videlicet.

(60) Waldemaro Jutensi, fratris regis Canuti VI, et filio Waldemari I.

(61) Waldemari I, filii regis Canuti V.

(62) Sedebat ab anno 1186 ad an. 1203.

tione Inter monachos de Guldholm (63), et inter A illos de Sancto Michaelē (64) fungentes, cum de tribus articulis, qui nobis in litteris domini apostolici propositi sunt, videlicet : si dux non est patronus, vel si est ; et mutationi aliquando consensit vel consentit vel si non consentit ; et Albi ei jus patronatus conservare voluerint, verissime nobis constat quod domino duci albi monachi prædicti omnem jus patronatus reverentiam, et eorum successores in perpetuum exhibere voluntate bona se promittunt, quiddam eis a domino episcopo Sleswicensi est colatum, et a domino metropolitano confirmatum, pro Albis calculum sententiæ in medium proferentes, quiete et inconcusse auctoritate nostra possideant. C

## EPISTOLA XII (65).

*Ad dominum papam in causa monachorum.*

Amantissimo Patri et domino Cœ., (66) Dei gratia summo pontifici, frater W. servus pauperum Christi in Paraclito, debitam tanto Patri reverentiam. Sanctitatis vestræ paternæ benelacitum fuit, ut causa nigrorum (67) monachorum ecclesiæ Sancti Michaelis, et Alborum domini Ripensi nobisque deberet cognoscenda et terminanda remitti. Mandatum vestrum eo sumus libentius executi, quo certius velle vestrum inclinari probamus, ad id quod divinæ congruit servituti. Sanctitas siquidem vestra nobis dederat in mandatis, ut de veritate causæ prædictorum inquirenda essemus solliciti, utrisque C partibus ante nostram præsentiam evocatis, etsi nobilem virum ducem Jutorum Waldemarum cognosceremus Nigrorum esse patronum et mutationi prædictæ Sancti Michaelis ecclesiæ non consensisse, nec adhuc consentire, nec in monasterio Alborum posse jus patronatus habere, ut ipsi Nigri de plenitudine suæ restitutionis congauderent, et oblata sine omni inquietudine possiderent. Si vero hoc Albi monachi in suo monasterio vellent conservare rerum omnium, quas Sancti Michaelis ecclesia possidebat, Albis deberemus plenitudinem assignare. Verum, cum in hoc inquirendo nobis labor inesset, prædicto nobili viro duci Albi monachi in suo monasterio jus patronatus libentissime, nobis præsentibus, obtulerunt. Auctoritatis igitur vestræ munimine freti prædictam ecclesiam cum omnibus bonis suis tam mobilibus quam immobilibus Albis duximus conferendam. Supplicamus igitur, ut quod a nobis vestræ majestatis imperio eis est assignatum, favore eos vestræ gratiæ prosequente, auctoritatis vestræ privilegio confirmetur. D

(63) Fundatum est hoc monasterium 1190. Supra tom. V, p. 379.

(64) Monasterium olim apud Slesvium.

(65) Barth. et Lang. an. 1192. Edita est a Pontoppidano *Annal. Dan.*, tom. 1, p. 482, et ab eo refertur ad annum 1194.

(66) Cælestino.

(67) Ordinis Cluviasensis monachi, a vestitus colore sic vocati.

## EPISTOLA XIII (68).

*Ad dominum papam Cælestinum.*

Sanctissimo Patri et domino C., Dei gratia pontifici summo, PETRUS (69) eadem Dei gratia Roskildensis episcopus, salutem et debitam tanto Patri reverentiam et obedientiam.

Sedis apostolicæ preces, quanto sunt sanctiores, tanto ad complendum, inspirante Domino, digniores. Eas igitur, quas nobis nuperrime pro ecclesia Sancti Thomæ de Paraclito et ejusdem abbate Wilhelmo devotissimo filio vestro cum litteris vestris prætere voluistis, gratanter excepimus. Quia quod viris religiosis et honestis inedia laborantibus intuitu dilectionis divinæ confertur, ad salutem conferentium sine dubio pervenire sentimus. Annuales itaque redditus decedentium sacerdotum in episcopatu nostro ecclesiæ prædictæ conferre decrevimus, tum vestris precibus, cum gratiæ divinæ respectu. Eo videlicet tenore, quod a Paschate, quod eorum obitum subsequitur, usque ad aliud Pascha redditus prædictos obtineat. Et jus nobis debitum et successoribus nostris in ecclesiis illis, quas ut prædiximus per annum tenuerit, et eos nobis reddere contigerit, sine disceptatione persolvat. Ad hoc autem peragendum litteras vestræ paternitatis exigimus, quatenus ad hoc perficiendum validius assurgamus, et os malignantium et iniqua loquentium obstruatur. Vivat et valeat sanctitas vestra.

## EPISTOLA XIV (70).

*Ad parochianos de Lingbui (71)*

ABSALON, Dei gratia episcopus sanctæ Roskildensis Ecclesiæ, dilectis filiis omnibus parochianis ecclesiarum de Lingbui et de Helsingo (72), salutem et paternam benedictionem.

Ad vestram, filii charissimi, volumus pervenire notitiam, ecclesiæ Dei fundationem sive ædificationem ad vestram omniumque Christianorum pertinere salutem. Sicut enim indubitanter est verum, quod beatus clamat apostolus Paulus, imo quod per os Pauli loquitur Spiritus sanctus : *Templum Dei sanctum est, et qui templum Dei violaverit, illum Deus disperdet (I Cor. III)* ; sic nihilominus est attendendum ; quod qui templum Dei fundat vel ædificat, a Domino aternæ remunerationis mercedem accipiet. In templo siquidem Dei cum divina celebrantur mysteria, cum scilicet verbis Dei per sacerdotum ora prolatis corpus Christi conficitur (75), imis summa junguntur, chorus assistit angelicus, peccantibus ad Dominum redeuntibus venia condonatur. Quia igitur percepimus quod

(68) Barth. an. 1192, Lang. rectius an. 1194

(69) Sedebat ab anno 1192 ad 1214.

(70) Barth. et Lang., an. 1175.

(71) In Sialandia in præfectura Fridericoburgensi.

(72) In Sialandia in præfectura Coronoburgensi.

(73) In ms. Magnæano I deleta est hæc vox et superscriptum : *porrigitur*, a Lutherano sine dubio.

fili nostri fratres de Paraclito, quos amplioris charitatis brachiis amplexamur, circa quorum profectum sollicitudo nostra versatur, templum Domino et beato Thomæ apostolo construere et ædificare disponunt, volumus vos eorumdem fieri benevolos adjuutores, ut remunerationis æternæ cum ipsis et vos contingat esse participes. Proinde universitatem vestram monemus attentius, rogamus devotius, et in remissionem peccatorum vestrorum (74) injungimus, ut antequam aratra vestra exponatis ad jaciendum prædictæ ecclesiæ fundamentum pro reverentia et prædicti apostoli meritis et nostræ dilectionis intuitu, vestris curribus lapides congruos convectatis. Sic etenim et nobis eritis gratiores et justitiæ vestræ fructibus, sicut prædiximus, amplior merces accrescet. Valete.

## EPISTOLA XV (75).

Ad comitem Bernardum (76).

Locus amoris et gratiæ, quem apud clementiam vestram dicimur obtinere, et nolis est amplior gaudendi materia et in melius proficiendi fiducia. Hujus igitur gratiæ munere vegetati, et vestri memoriam interius diligenter amplectimur et desiderio videndi faciem vestram incessanter afficimur. Speramus vereque confidimus eum, qui vota perficit in se sperantium quandoque completurum desiderium nostrum. Quod si corporum absentia votis nostris obviant, mutuis vultibus nobis perfrui non donatur, interiori oculo nostro vestra facies non negatur. Quod vero minus in præsentibus nobis conceditur, in futuro feliciore successu complebitur. Interim quia litteras vestras valde grante accepimus, et eas pia satis aviditate perlegimus, litteras etiam reciprocas ad excellentiam vestram nostræ parvitatibus emittimus. Toties siquidem multiplex beneficium consolationis absentibus amicis impenditur, quoties eis ex benevolentia quidpiam scriptionis emittimus. Amicitiam siquidem devota conscriptio consensescere non patitur, sed ea desiderium promovente, convalescit piæ devotionis affectus, ne torpore vel mentis ignavia detestandum succedat in amore defectus. Inde est, quod ad magnitudinis vestræ scripta meus nostra refloruit, et amor, qui forte silentio consensescere poterat, resumptis viribus, ex amica vestra conscriptione revivuit. Noveritis autem, quod easdem litteras vestras loco magni muneris obtinemus, et solemnioribus obsequiis loco et tempore vestræ gratiæ respondere tenemur. Cæterum de fratribus nostris duos unum canonicum et unum conversum apprime disciplinis regularibus eruditos et honesta conversatione præditos ad vestrum mandatum emittimus,

(74) Loco horum verborum: *In*. . . . vestrorum, habet ms. Magnæanum I: *Pro officio nostro*, deletis allatis, nulla tamen mutationis causa adjecta.

(75) Barth. et Lang., an. 1175.

(76) Hic mihi ignotus est.

(77) Sine dubio inter 1197 et 1202.

A quos a vobis oculo benigniori et honestatis obtentu et nostræ dilectionis intuitu suscipi et diligentius audiri conflimus et rogamus. Quid autem congruat ordini Sancti Victoris, quæve sit districtio conversationis ordinis ejusdem, quantaque sit in eis abundantia charitatis, nobis tacentibus eisque referentibus, pleniter audietis. De beneplacito autem vestro, propter quod ad nos vestras litteras emisistis, nobis ab eis referendum committere secure potestis et debetis, quia fideles erunt in referendo et nos devoti vestræ petitioni devotius obsequendo. Valete.

## EPISTOLA XVI (77).

Ad episcopum Scarotensem (78).

B Reverendissimo Patri et domino I. (79), Dei gratia Scarensi episcopo, frater W. Beati Thomæ de Paraclito minister indignus, in plenitudine dierum plenitudinem gaudiorum.

Multipli, Pater et domine, laude prosequimur, quod a vobis non spiritu sed carne remoti gratiam vestræ sanctæ familiaritatis et amoris assequimur, sicut anno præterito litteris vestris nobis innotuit, et relato suo in auribus nostris præsentium lator exposuit. Utinam aut opus processisset aut meritum, quod tantæ dignationi responderet, quia nec conscientiam faciei rubor contorqueret, nec de non exhibito tantæ gratiæ et amoris officio miserum animum dolor afficeret. Novimus enim etiam in bonis et honestioribus moribus non facile reperiri, quod homo pannosus et humilis ab excellenti jam valeat in benedictionibus. *Reliqua hujus epistolæ desunt.*

## EPISTOLA XVII (80)

Ad dominum Seufredum cardinalem.

D Licet longioris terræ marisque discrimina vestram a nobis præsentiam intercludant, conferat tamen benignitas redemptionis et gratiæ vestræ collata suavitas, ne qua nobis adversantia nos a visceribus vestræ sanctitatis excludant. Est autem id virtutis eximie, ut ad amorem gratiæ vestræ susceptis nihil possit adversitatis occurrere, quia semper eorum negotia dignemini charitatis gremio confovere, et ut petentium deposcit utilitas promoveri. Hac igitur spe roborati et amoris vestri munimine confirmati, negotium nostrum hac etiam vice dignum duximus committendum, maxime cum ei, ut probare potestis, et usus et ratio suffragetur et veritatis testimonio fulciatur. Prosecutioni igitur ipsius benignum indulgeri celsitudinis vestræ postulamus auditum, ut de vultu gratiæ vestræ judicium prodeat æquitatis. Homo quidam. . . . *Reliqua hujus epistolæ desiderantur.*

(78) Lege *Scarensis*, in Suecia; sic in Magnæano I.

(79) Jerp-Ulpho, qui sedebat ab anno 1190 ad 1201. Vide Rhyzelii *Episcoposcopiam Svio-Gothicam* p. 168.

(80) Barth. et Lang., an. 1197.



et pro viriis, imo supra vires, ut Deus novit, amoris sedulum impenderemus obsequium, certe non ad oculum, sed ad salutis auxilium. Testis est Deus et cœlestis curia, quod amoris amplexibus non licet sed veraciter et dulciter vestram sumus semper memoriam amplexati, sive prospera succederent vel adversa, et nunc quod est, mi Pater et domine, quid in nobis vestræ tantum paternitati displicuit, ut amicum inter inimicos relinqueretis sine adiutorio, sine consilio, advenam et peregrinum in partibus alienis? Quid, inquam abfuit, ut pupillum et orphanum dimitteretis inter ora leonum, dum non est qui redimat, neque qui salvum faciat? (Psal. vii.) Inter. . . . [Deest magna pars hujus epistolæ] (87).

EPISTOLA XXII (88).

(. . . . . emittitur a domino archiepiscopo Lundensi.)

Amantissimo domino et Patri C. Dei gratia summo pontifici, A. eadem gratia Lundensis archiepiscopus et apostolicæ sedis legatus et Svechiæ (89) primas, debitam tanto Patri reverentiam et obedientiam.

Sicut bonorum studiorum perfectio congruit honori, justitiæ, sic eorumdem detestanda deformitas faciem decolorat Ecclesiæ. Quod igitur divina sanxit auctoritas et approbavit religionis Christianæ sinceritas, sic est non violare consultum, ut et regibus et principibus inviolabiliter conservandum, ne læsio sanctitatis proveniat minoribus ad imitationis exemplum. Si vero, peccatis exigentibus, obstinatio (90) tanta provenierit ut vel reges vel principes tanti facinoris sint auctores sive fautores, vobis, Pater amantissime, providendum, et correctione districtissima corrigendum, quem Dominus in loco superiori constituit, ut proficientes apostolica benedictio prosequatur, malevolos autem et illos qui pacem oderunt (Psal. cxix), lapis offensionis et petra scandali (I Petr. ii) in iudicium subsequatur. Factum igitur regis Francorum Philippi, quo religio Christiana læditur, sacris auribus vestris duximus inferendum, ut pietatis vestræ visceribus sit condolendum, quæ a prædicto rege integritatis suæ graviter conqueritur perferre vulnus inflictum. Sane non dubitamus vestræ sanctitatis auribus fuisse illatum relatu multorum, prædictum regem Francorum, nobilem regis Danorum sororem, matrimonio interveniente, fuisse sortitum in conjugem regnique

A consortem, adhibitis solemnitatibus pro ritu Ecclesiæ Gallicanæ congruentibus; sed a quibusdam malignantibus, quibus displicebat ipsorum conjugium, artes conatusque sacrilegos ad fraudem convertentibus et iniquitatem, inter eos jurantibus inesse lineam affinitatis, hujusmodi prætextu impedimenti, nullo juris ordine servato, divortium inter prædictas tantasque personas præpropere et inconsulte fuisse celebratum. Quod quam sit absurdum ac veritati contrarium facile advertet, qui hujus dominæ genealogiam inspexerit, quam dignationi vestræ duximus retexendam, testificantes coram Deo et sanctis ejus nihil extra veritatem nos fore dicturos (91). Fuit in Dacia rex quidam excellentis gloriæ nomine Sveno. Hic licet plures habuit

B filios, de duobus tamen hic necessario mentio facienda est. Quorum unus Kanutus dicebatur, Danorum rex et martyr, cujus sanctitas usque hodie miraculis commendatur. Ille filium habuit comitis Flandriæ, ex qua filium genuit Karolum nomine comitem Flandriæ. Non autem de ipso aut de matre ejus descendit hæc regina regi prædicto sociata conjugio, sed de prædicti Kanuti regis fratre, qui dicebatur Ericus bonus. Qui Ericus genuit Kanutum, qui dux exstitit Danorum et rex Slavorum, quos non hæreditario jure sed armis potenter obtinuit; cujus mater exstitit Botildis regina ex nobilissima Danorum prosapia orta. Ipse postmodum martyr effectus, cujus apud Deum sit meriti, miracula crebra testantur. Iste Kanutus martyr genuit C Waldemarum regem, cujus mater fuit Ingiburgh filia Rizlavi (92) potentissimi Ruthenorum regis et Christianæ reginæ, quæ filia fuit Ingonis Suevorum regis et Helenæ reginæ. Porro prædictæ Ingiburgis soror mater fuit Belæ regis Hungariæ, qui habuit sororem Philippi regis Francorum in conjugio. Waldemarum autem hanc dominam nostram Franciæ reginam genuit ex Sophia, cujus pater fuit Waldemar (93), qui et ipse Ruthenorum rex fuit; plures enim ibi reges sunt. Mater autem ejus filia fuit ducis Poloniæ nomine Boleslavi (94). His diligenter inspectis, luce clarius constat, raram istum esse consanguinitatem inter priorem Franciæ reginam et istam dominam. Quia nec illa ex Erii progenie descendit, nec ista ex posteritate Kanuti carnis originem sumpsit. Ecce fideliter omnem rei

(87) In Magnæano I; alio loco tamen sequens fragmentum hujus epistolæ occurrit: *Nos videre non valemus offensum, tenor est enim animus diligentis, amorem autem erga nos gratia divina conceptum, honorem exhibitum, et multiplicem nobis exhibitum beneficium, coronæ capitis vestri Rex gloriæ suos coronaturus imponat, pro cujus amore et honore vestra pauperibus ejus duxistis exponere.* In Lyegaardiano post inter occurrit: *Desunt epistolæ sex*, quod sine dubio falsum est.

(88) Barth. an. 1195, Lang. an. 1194.

(89) Svetiæ, vel Sveciæ, ut in Magnæano, I.

(90) In Magnæano I, verb. *obstinatio* deletum est, et *contumacia* superscriptum.

(91) Ab his verbis: *Fuit in Dacia*: usque ad finem, hæc epistola edita est ab Holbergio in *Historia Daniæ*, tom. I, p. 260, 261.

(92) *Virzlavi* in Magnæano I. *Zizlavi* in Lyegaardiano, *Izizlavi* in Vellejano. Forte Izizlavus, qui obiit 1155, filius Mstislavi, et nepos Waldemari. Nestor p. 180, 183, 184. Forte etiam Mstislavus ipse, qui obiit 1132, intelligitur per hunc Izizlavum.

(93) In Lyegaardiano: *Waledar*, etiam in Bartholiniano et Vellejano sorte *Wolodar* frater Wasilkonis, qui 1122 captus est a Polonis, Nestor p. 177.

(94) Tertii nempe, qui obiit 1139. Forte *Wolodar* occasione captivitatis suæ apud Boleslavum filiam ejus duxit, exindeque libertatem adeptus est.

veritatem exposuimus, teste ipsa veritate. Supplicamus igitur, Pater, sanctitatis vestræ pedibus inclinati, ut de vultu gratiæ vestræ iudicium prodeat æquitatis, quo domina nostra Francorum regina regis revocetur in gratiam, et sublatum per iniquorum errorem redeat in honorem. Sic enim sanctæ Romanæ Ecclesiæ devotam se esse gloriabitur filiam et beneficii sibi collati quoad vixerit, retinebit in corde memoriam. Bene valeat sanctitas vestra.

EPISTOLA XXIII (95).

*Ad dominum regem Danorum C. pro negotio sororis ejus.*

Præcellentissimo domino CANUTO Dei gratia glorioso regi Danorum, frater GUILLELMUS pauperum fratrum Sancti Thomæ de Paracletto minister indignus, debitam tanto domino reverentiam et devotum obsequium.

Ad decorem coronæ regalis accedit, ut sicut principes regni lætos et hilares reddit temporalis gloria regis, sic nihilominus eosdem dejiciat ejusdem depressio majestatis. Qui igitur lateri regis assistunt et regalibus præsumunt negotiis, necesse est, ut jura et rerum ordinem conservent, ut jura videlicet integra et illibata permaneant, et rebus hominum usibus attributis augmenta proveniant; sed super hæc omnia, ut honor regis conservetur et accrescat illæsus. Hoc autem, mi domine, eo dicimus intuitu ut, si vobis a rege Francorum apud excellentiam vestram locum non habeat honor oblatum, valde veremur, ne tale consilium diuturna penitentia subsequatur, ut famæ vestræ suavis opinio, quæ jam fere per totum redolet mundum celebritatis suæ sentiat detrimentum. Heu! quis tunc non ingemiscat? Heu! quis tunc non currat ad lacrymas? honesta pecunia domino non imperat, sed domini famulatur obsequio. Argentum et aurum sicut accedit, ita et recedit; honoris autem gloria quisquis adeptus et eo abusus non fuerit, cum eo in sæculum sæculi permanebit. Intendat nunc, quæso, regia celsitudo, quid humilis servulus ejus loquatur domino suo. Recogitet dominus meus rex, quæ sit inter id quod perit et quod non perit, distantia, et videbit oculo puriori quod non debeat honori prævalere pecunia. Quæ, si manibus sufficiens non occurrat alterius temporis inducias vestra sublimitas duxerit expetendas, donec ad persolvendum principum et amicorum vestrorum auxilio manus vestræ potentiæ sublevetur. Nos vero licet paupertatis articulis constringamur, quia vestrum desideramus honorem, illud quo nuperrime sibi nos munificentia regalis astrinxit, vestris obsequiis, si vestrum beneplacitum fuerit, alacriter inserviemus. Non est, mi domine, parvus honor qui offertur gratiæ vestræ, quod tamen vobis in aure loquimur,

quia, si copulatum vestris amicitiiis habueritis regem Francorum, non erit de cætero vobis formidini cupiditas et avaritia Romanorum. Sed de his hæcenus. Cæterum visceribus vestræ pietatis acclines supplicamus, ut terrulam, qua nos in castro vestro in Methulense (96) sita pietas vestra donavit, a nobis auferri minime sufferatis. Hoc enim et honor vester exigit, et Ecclesiæ nostræ congruit paupertati. Est qui nos super ea conturbat, scilicet Biorn, et nostras trucidare minatur in gladio; cui, si placeat, præcipiat Dominus noster ut ab incepto desistat. Valere. Conterat Dominus Satan sub pedibus vestris.

EPISTOLA XXIV (97).

*Ad illustrem regem Danorum Canutum.*

Excelentissimo domino Ca., illustri Dei gratia Danorum regi, frater WILLELMUS B. Thomæ de Paracletto minister indignus, post temporalem de manu Domini percipere coronam æternam.

Solio gloriæ vestræ, mi domine rex, eo securus propinquamus, quo cor regis in manu Dei certius inesse probamus, cum felicitibus auspiciis vestris semper aspiret gratia, et regni vestri terminos cœlestis amplitudo magis ac magis, hostibus vobis subjectis, multiplicet. Si quid igitur a nobis celsitudini vestræ scribendo præsumptum fuerit, regiæ serenitatis apicem divina clementia ad vocem pauperis (98), ad tantam veniam inclinabit. Quis enim nos aut qui vos? Servi vestri per Christum. In primis itaque honorum auctori omnium Deo gratias referimus, per quem gratiæ tantæ munus nonnunquam accepimus, ut precibus nostris regiæ sublimitatis inclinaretur auditus, et petitionem nostram optatus prosequeretur effectus, cum advenæ simus et pauperes regiis indigni aspectibus. Verum, domine, quod in vestro peregrinamur imperio, testis est Deus cœlestis et curia, quod nulla nos victus vestitusque necessitas vestris nos appulit oris, sed amor religionis; illiusque fidei constantia et amoris gratia, cujus jam fere orbi universo celebre nomen innotuit archipontificis Absolonis. Apud quem amor amicorum nullo tempore consenescit, quod liberalitas et munificentia viri amoris terminos nunquam excedere novit, quod virtus animi possessorem suum a probitate bonorum nunquam degenerare permittit. Tenacis siquidem est fidei et stabilis, quem nec fortuna, quæ sæpius invidet rebus humanis, in partem alteram prævalet inclinare. Hunc ergo, mi domine, qui nos benigno favore prosequitur, eo invito, relinquere non valeamus, ne et nos amori injuriam inferre videamur, cum sæpius amore soli natalis lares paternos invisere compellamur. Cæterum, mi Pater et domine, eo devotius vobis amore et devotione coram Domino inbærere tenemur, et devotissimarum orationum munus offerre,

lectura Holbek.

(97) Barth. et Lang. an. 1193.

(98) Cætera hujus epistolæ sumpta sunt ex codice Magnæano I, præter verba: *Filii*, usque ad finem.

(95) Bart. an. 1195, Lang. an. 1192. De hac epistola vide Grammium in Meursium, p. 361, not. c.

(96) Vellejus in suo codice adscripsit margini: *Mersulose*. Sine dubio Mærlose in Sialandia in præ-

quo frequentius in nostra necessitate magnificentiæ vestræ experti sumus auxilium, quod vobis in retributione iustorum conferat in decore suo æterni Regis gloriosum aspectum, quem nullus videre creditur reproborum. Hoc autem vobis dicimus in verbo Domini, quoniam ante Regem gloriæ dominumque virtutum, singulis diebus pro vestra incolumitate preces precibus ingeminare nunquam desistimus. Dicant alii, quod volunt, et nos infamiæ nota respergant, quorum est officium alienare amicum a proximo. Si vero *Deus nobiscum, quis contra nos?* (Rom. viii.) In nos malitiæ suæ virus effundunt, sed minime nos confundunt, quoad Dominus virtutum nobiscum. Ad excellentiam autem vestram solitum et frequentem habere vellemus accessum, ut in aspectu faciei vestræ nobis esset multipliciter gloriandum; si faciem nostram liniri non vereremur opprobriis iniqua loquentium. Sed quid? Si non venimus, si non videmus, venerari et diligere desistimus? Absit! Et si nos a vobis lædi, quod absit! sentiremus, digna tamen laude non minus virtutum vestrarum præconia coram Domino prosequeremur. Ad ultimum supplicamus ne, quia omnibus sufficere non valemus, utpote per annos continuos quatuor ignis incendium passi, et frugum ubertate privati, ut filii a Domino castigati, malevolis et detrahentibus regius indulgeatur auditus. Vivat et valeat hic et in æternum sublimitas vestra, et manus vestra in verticem inimicorum vestrorum.

EPISTOLA XXV (99).

*Ad Francorum regem Philippum.*

Domino charissimo et excellentissimo Dei gratia Francorum regi P<sup>r</sup>., W. dictus abbas in Dacia, servus ejus et amicorum suorum minimus, regni cælestis coronam percipere sempiternam.

Licet ad thronum gloriæ vestræ merita nulla nos provehant, pulsat nos tamen amoris magnitudo et animæ vestræ indeficiens sollicitudo, ut ad excellentiam vestram parvitas nostræ scripta percurrant. Eo autem vestris pedibus propinquamus, quo vos et honorem vestrum et regni vestri promotionem in amplius indubitanter amamus. Nullum autem est in rebus dilectionis certius argumentum, quam velle bonis moribus accedere virtutum augmentum. Hoc igitur vobis optamus, ut nominis D vestri recolenda celebritas integra perseveret, et canino dente a nemine mordeatur. Scimus autem, quod *cor regis in manu sit, et quod voluerit, illud inclinabit* (Prov. xxi). Absit autem, ut in illud, quod obviat saluti, inclinet, qui salutis est auctor, per quem *reges regnant, et principes justa decernunt* (Prov. viii). Ad hoc autem divina vos providentia precibus pauperum et lacrymis viduarum perduxit ad ortum et naturæ muneribus regali sollo sublimavit, ut in omnibus, quæ agitis et iudicio præcurrente disponitis, præ oculis semper habeatis auctorem salutis, ne tantæ majestatis excellentiam, mi-

(99) Lang. an. 1195.

(100) Barth. et Lang. an. 1194.

A nus de Dei veritatis notitia conscil, sed de sua iustitia præsumentea, ad inferiora declinent. Cum honor regis iudicium diligit et ad honorem summi Regis iudicia promoveat, ne vel incauta præsumptio ex aliorum consilio, optimorum morum gratiam devenuset. Rogamus igitur, imo supplicamus, majestatis vestræ pedibus inclinati, ut quod factum est de regina a vobis separata, adhibito teste conscientia in melius retractetis et, mediante iustitia, Deo iudice, commutetis et occasionem huic operi detrahentibus subtrahatis. Inde vobis litteras domini papæ communitivas non districtiois sed amoris et paternæ sollicitudinis et pietatis ab urbe digressi detulimus, non regis celsitudinis contemptores, sed honoris, sed salutis animæ vestræ seduli provisos. Nec enim vos veraciter amamus, si solum præsentiam corporalem et non animæ salutem exoptemus. Cæterum videat regia celsitudo, utrum vobis cedat ad gloriam amicum vestrum in captione teneri, hominem pannosum, Domini sacerdotem. Si vobis cedat ad gloriam, non reluctari nos decet, quoniam ex debito servi prosequuntur sui domini voluntatem. Non tamen, domine rex, agnoscimus culpam qua detineamur in captura, nisi, quod absit, vestra prudentia iudicare voluerit, esse culpam velle custodire absque læsione peccati regiam majestatem. Sed esto. Nunquid innocens damnatur cum impio? Ecce cancellarius illustris regis Danorum et nuntius summi pontificis, sicut et nos, in captura tenetur. Vir simplex et innocens, et recedens a malo, cuius vita proponitur nobis et omnibus ad imitationis exemplum. Quid autem mali fecit? Quia litterarum domini papæ, sicut et nos bajulus est, non verentur minus boni mittere manum in christum Domini. Et certe nihil continetur in litteris, unde debeat vel in minimo vultus regis majestatis offendi. Me igitur in captione retento, si placet, illum absolvi præcipite, propter quem credimus indubitanter cælestia conturbari. Valete. Immittat autem vobis Dominus spiritum sapientiæ et pietatis, ut sit *pax hominibus bonæ voluntatis* (Luc. ii), non *petsa scandali et lapidis offensionis* (I Petr. ii).

EPISTOLA XXVI (100).

*Ad cardinales in persona regis Danorum.*

K. Dei gratia Danorum rex atque Slavorum venerabilibus, amicis suis et dominis episcopis, presbyteris, diaconis sanctæ Romanæ Ecclesiæ cardinalibus, in plenitudinem dierum gaudiorum (1).

Apostolica sedes quanto cæteris præeminet dignitate, tanto amplioris creditur pietatis visceribus abundare in sciendis iudiciis, servata diligentius æquitate. Absit enim ut viri misericordiæ iudicium velint in partem alteram declinare, et tramitem veritatis excedere, cum ad eos et clamor dirigitur pauperum et gemitus afflictorum, quos constituit Dominus et defensores pupillorum et iudices vidua-

(1) Lege forte *gaudia*; in Magnæano I, et Lye-gaardiano: et *gaudiorum*.



rum. Felices, quibus nec veritas venit in odium, nec falsitas ita blanditur ut excedant terminos, vel patiantur excedi, quos in Ecclesia posuit antiquorum sanctitas Patrum. Ad auxilium igitur gratiæ vestræ præsentibus nuntios nostros a vobis benigne suscipi et audiri, auditosque in completionem totius negotii nostri benigno favore prosequi deprecamur, ut ex ubere compassionis lac eliciamus consolationis. Summa vero negotii nostri hæc est: Rex Francorum Philippus sororem nostram anno jam exacto duxit in uxorem et regali solio sublimatam et carnaliter cognitam (2) iniquitatis siliis, falsitatis amicis in incude mendacii verbum fallaciæ fabricantibus, a se dimisit omni fere solatio destitutam. Juraverunt siquidem inter eos consanguinitatis lineam interesse; quod ita longe est a veritate, sicut falsitas a veritate, quod vobis manifeste patebit, nuntiiis nostris fidem facientibus vobis. Rogamus igitur ut in negotio pietatis non torpeat otio sanctitas vestra et justitia sanctitatis, ut, quod divina lex exigit et contra sanctorum Patrum instituta factum esse non dubitatur, vestris studiis intervenientibus totum in irritum deducatur. Valet.

## EPISTOLA XXVII (3).

*Ad dominum abbatem de Esrom.*

Venerabili Patri et amico charissimo WILLELMO abbati de Esrom, amicorum suorum minimus WILHELMUS, servus servorum Christi in Paraclete, vitam præsentem feliciter consummare.

Dilectio, cujus nos in invicem fortioribus vinculis innodamur, ut de statu nostro vobis aliqua scribamus, nos vehementer impellit atque sollicitat. Non enim est amor verus sine sollicitudine, neque sollicitudo sine timore. Noverit igitur sanctitas vestra quod nos incolumitas corporum divinitate propitia committatur, et quantum ad præsens juris æquitas et ratio dicat, negotio nobis commisso, censura judicii famulatur. Verum necdum est finis, sed labori labor adnectitur, donec proveniat eidem negotio justitiæ plenitudo, et læsa sacramentorum reformatur integritas, quam decoloraverat iniquorum perversitas inter regem Francorum et reginam contra jura et ecclesiastica sacramenta celebrato divortio. Sic, sic reprobat sapientia iniquitatis astutiam, *humilibus autem dat gratiam* (Jac. iv). Licet autem nondum ad plenum quod suum est, justitia prosequatur, jam in eo tamen confidenter speramus, ut, qui cœpit, ipse perficiat, per quem in mensuram enormia reducuntur. Ea igitur super hoc negotio divina pietas imploranda, ut quod deposcit devotio Christiana, superni judicis censura perficiat, dignanter adimpleat, quatenus et nos sanctitatis vestræ et fratrum vestrorum merita prosequantur, et de complexione negotii jucunditatis gloriam Danorum finibus plenius inferamus. Præscriptum litte-

rarum domini papæ vobis inferre judicasset idoneum, quæ mittuntur ad regem Francorum, nisi certum habuissemus vos obtinere posse fratribus nostris emissum. Confidimus quoniam illum ad illis recipiatis, et quod non sit labor noster inutilis, diligentius avertetis. Vivat et valeat sanctitas vestra, et orate nos quantocius vobis restitui. Absit autem tu, quia timor habet pœnam pro nobis, etiam vobis inferat cruciatum, dum hucusque ignoratis laboribus nostris feliciorum provenisse successum, et negotio nobis commisso fortiore in utilius progressum.

## EPISTOLA XXVIII (4).

*Ad Lundensem archiepiscopum.*

Amantissimo Patri et domino, filius ejus devotus inutilis servus, timorem pariter et amorem.

Non magnopere multus verborum lepor exquiritur, ubi per se veritas ad medium pura progreditur, maxime apud excellentiam vestram, quæ miseriam pauperum et gemitibus afflictorum indefesse compatitur. Absit autem ut de vobis aliud sentiamus, quem specialiter charitatis brachiis amplectimur, cujus et memoriam precibus licet indignis, continue coram Domino gloriæ commendamus, Nec se, Pater charissime, tentat ingerere temeritas præsumptionis, ubi negotium agitur pietatis. Quantum autem super nos hactenus fuerit eminens paternæ benedictionis infusio, nec prosequi verbo, nec styli valemus officio. Ea die sol solito clarior rebus arripit, cum nostri memoriam, imo potius nostræ vitæ curam seu sollicitudinem seu dispositionem visceribus vestræ pietatis pauperum amator Dominus et pius consolator immisit. Quia vero ad tantam dignationem merita nulla nos provehant, solum agat et emineat pro nobis vestræ nobilitatis et liberalitatis insigne in actione gratiarum. Quod autem toties viscera paterna concutimus et inverecunde satis frequentius vestra requirimus, non miramur, si miramini, nisi quia in ratione dati et accepti ei qui curam pauperum gerit, ampliori fenore vos arctius obligamus. Solum enim illud, quod ut melius nostis, ejus gratia pauperibus erogatur, multis laudum præconiis et honore et gloria muneratur. Verum, Pater amantissime, dum, sicut prædiximus de medio sublato pudore, frequenter vestra requirimus, illud nobis valde veremur obijci: *Frons meretricis facta est tibi, noluisti erubescere* (Jer. iii), maxime cum jam timeamus et suspicemur paternos vultus erga nos solito amplius in diversa mutatos. Culpam itaque, quam ignoramus, graviter supportamus, et profusis lacrymis, ad Deum toto corde convertimur suppliciter exorantes, ut vobis, nobis collata restituat, et nos in tempore malo non deserat. Sed esto, mi Pater, ut apud gratiam vestram opinio sinistra vestri servuli faciem decoloret. Nunquid justos damnabis cum impio? Absit a te facere rem hanc, qui in

(2) Hoc falsitatem monstrat relationis, qua rex Franciæ statim post benedictionem nuptialem de repudio reginæ cogitasse fertur.

(3) Barth. et Lang. an. 1195.

(4) Barth. et Lang. an. 1178.

dicas æquitatem. Si peccavit pastor, percutere pastorem, ne dispergantur oves. Tollatur impius, nec firma radice subsistat, nec profectu vigeat, nec usu roboretur. Ut quid etiam terram occupat? Tollatur igitur et crucifigatur. Aut certe ponatur, quæso, securis ad radicem arboris, et succidatur arbor inutilis. Oves enim quid meruerunt, quæ tuo sunt et studio et labore a luporum morsibus hætenus custoditæ et tuæ protectionis umbraculo, indultæ securitatis munere gloriantur. In me transeat, oro, iniquitas hæc, et in domum patris mei. Si autem meritis nostris non gratia, sed pœna debetur, ut non prædictis ovibus paterna diligentia suffragetur. Heu, mi Pater, pupillis et orphanis quis erit adiutor? quis pro domo Israel stabit ex adverso? sed absit! mi Pater, ut severitatis animadversio iudicium in aliam partem declinet, et aliquid huiusmodi morum vestrorum elegantiam sive gratiam devenustet. Multum autem gloriæ vestræ, quod absit! derogaretur et famæ, si filios vestros, fratres nostros sollicitudo vestra deperire permitteret fame. Melius enim esset occisis gladio quam interfectis fame. Et quidem cum nuper apud vos essemus eorundem pauperum fratrum indigentiam panis auribus vestris vicibus duabus intulimus, sed nondum amicabile vel jucundum responsum accepimus; quia misericordiae sinum clauserat et nobis obduratum fecerat gratiæ deformatæ et substractæ defectus. Sufficit igitur nobis sapientiæ vestræ innotuisse, quod usque ad Pascha vix eis panis sufficiat. Nec hac vice super hoc preces vestræ paternitati porrigimus, quandoquidem in ingrati tudine vobis devenimus. Citius enim iudex offenditur, si ad eum placandum quispiam pravis actionibus implicatus emittitur. Scimus quia sapientia in vobis præminet, et quid opus in facto nobis tacentibus prævidet. Cæterum in terra animalium vos esse (5) idem fratres perceperunt, et habent fiduciam, quod super his respiciatis in orationem humilium. Intelligitis quæ dico. Ad ultimum noveritis quod illud gravius accipimus in querelis, quod in externa natione tandem in contemptum venerint nostræ tempora senectutis. Satis dictum est sapienti. Personam vestram et vigorem vestrum rectitudinis videlicet zelum et pium erga religiosos affectum Dominus custodiat in æternum. Valet.

#### EPISTOLA XXIX.

*Ad Gaufridum canonicum.*

Suo G., suus W., id quod sibi.

Sicut veraciter concubatur amare, qui nunquam amoris legibus nititur obviare, ita vincitur non amare, quisquis vel scripto vel verbo mentes amantium vel noluerit vel dissimulaverit confortare. Amor quippe cum ad interiora prolabitur, amantium linguas otiosas esse non patitur. Datis igitur et acceptis gaudet epulis, qui mutuis semper confovetur alloquiis, cuius experientia nihil est in rebus dulcius,

(5) His verbis respicitur sine dubio ad multitudinem pecorum in Dania.

(6) Barth. et Lang. an. 1185.

A cuius recompensatione benefactorum et studiorum nihil constat esse jucundius. Tu igitur, charissime, quia susceptis epulis nostris necdum responsa dedisti, miramur te nolle loco beneficii nobis quippiam inferre solatii. Cum obsequium et vultus hilaritas tui nos hætenus reddiderit certos amoris. Si qua nostri culpa præcesserit, paratiores nos ad corrigendum et satisfaciendum quam ad excusandum invenies, si tamen, quam ignoramus culpam vel verbo vel scripto denudes. Non enim sic ut præsumptionis notam non incurramus, elegimus, *non alta sapere, sed humilibus consentire* (Rom. xii), ut quidquid intulerit vitiosum iniquitatis disciplinæ, doctrinæ censura coerceat. Quod si forte, quod absit! hac vice pulsatus nostris litteris in tua pertinacia persisteteris, amicus quidem diceris, sed non esse comprobabis. Valeas.

#### EPISTOLA XXX (6).

*Ad Petrum filium Sunonis (7-8).*

Intimo suo, imo sibi alteri, imo non alteri, sed verius sibi P., WILLELMUS, eandem salutem quam sibi, et plenitudinem amoris et gratiæ.

Habet amor id proprium, ut amicorum negotiis torporem non velit inesse vel otium. Quod autem te, charissime, diligamus, te dubitare nullatenus arbitramur. Verum cum te diligimus, legibus amoris obsequimur. Cum, inquam, Petrum nostrum amamus, quemdam bonæ spei juvenem bonis studiis occupari, et honestioribus pollere moribus exoptamus. Non enim decet, ut quidpiam opereris, quod in te susceptam gratiam devenustet, quem et illustrat prærogativa natalium et munere divino collatum in litteralibus studiis, æquum etiam paucis ingenium. Hæc sunt, quæ tibi cedere debent ad gloriam, si tamen non obrepit elatio, quæ in bonis operibus solet esse negligentibus perditionis occasio. Sed absit, ut quod Domino semel consecrasti pectus virtutique, recipiat, quod tibi non sit et honoris et causa salutis. Bonis initiis divina pietas, si mentem consciam puritatis inveniat, feliciores proventus accumulatur. Cæterum, tuæ dilectionis litteris susceptis alio anno atque perlectis, non potuimus non lætari in his, quæ dicta sunt nobis; sed quia multis occupati fuimus, et qui scripta nostra

(7-8) Postea episcopus Roeskildensis factus ab anno 1192 ad 1215.

noris tibi apicem summamque profectus nos respicere non nostra merita faciunt, sed ejus, qua nos invicem diligimus sinceræ dilectionis affectus. Nec volumus, nec rationi congruit, ut contemptus vel negligentia reputetur, quod ad vota tua precibus tuis nec dum pia diligentia suffragetur, siquidem amori nostro ad precum tuarum instantiam prompta voluntas et devota non defuit, sed patris tui voluntati sanisque consiliis, sicut prædiximus, obviare non licuit. Vir siquidem consilii est, potens in opere et sermone, quem natura te cogit ut diligas et utiliora tibi provideat, ne desiderium tuum invidus quisquam atque malevolus canino dento corrodatur. Nos vero quam citius tempori vel loco congruere vel tuis utilitatibus et honori idem pater tuus providerit expedire, non imparatos inveniet, sed quantum nobis scientia nostra dictaverit, et valeudo permiserit apud dominum nostrum archiepiscopum et omnes, qui nos cognoscunt et diligunt inferre gratam tui memoriam et gratiam divinam tibi in universa morum probitate et honestate colatam nostra parvitas non desistet.

Ad tuam nihilominus volumus pervenire notitiam, quod prædicto patri tuo sicut parvitas nostra accessit in gratiam, ut ipsius experiamur in his, quæ ad jus regium pertinent in omni nostra necessitate elementiam et fidei Christianæ constantiam. Sic, inquam, nobis patris tui gratiæ favor arridet, ut in amorem nostrum desideriiis totis aspiret, et quidquid olim intulerat contradictionis inter nos præsumptionis temeritas, oblivio totum antiquet, quia suis actibus nihil vult inesse, utpote vir religiosus et timoratus, quod morum suorum gratiam devenustet. Cæterum quod amoris, quod honoris, quod reverentiæ et gratiæ locum apud fratres nostros tuis fundas obsequiis plenissime gratulamur; quia per hoc in naribus circumpositorum magnum suavitatis odorem infundis. Cui etiam dulce non sapiat, quod sic te scientia litteralis exornat, ut non te honor clarum, sed honorem tu clarum efficere valeas. Sed supersedemus a laudibus, ne, si quod audivimus, referemus, plus adulari quam vera dicere videamur. Sufficit sapienti pauca dixisse, qui novit et potest de paucis plura conjicere, hoc supplicamus, hoc monemus, si tamen præsumptionis non sit sapientem a stulto, sublimem ab intimo commoveri. Hoc, inquam, commonemus, ut in anteriora te semper extendas, et bonis initiis finem meliorem imponas. Hoc etiam diligenter attendas, quod tamen ex consilio et condito patris tui esse non dubites, ne notis et amicis tuis ad te concurrentibus Ecclesiam graves vel in expensis vel in ordinis institutis. Tu quoque ut membrum non quodlibet, sed speciale illius corporis, cujus et nos sumus, venerabili patri tuo pro experta benevolentia et gratia, quam ab eo sumus divino munere consecuti, gratiarum actiones exsolvas, ut nos

(9) Petrus tunc studebat Parisiis.

(10) Mihi ignotus est.

A gratiæ et beneficii nobis collati, non immemores esse cognoscat, sed et ad ampliora gratiæ tuæ incitamento compulsus exsurgat. Cæterum si de nostro statu quidpiam dignum scitu quæsieris, nos incolumitas comitatur, fratres divinis obsequiis attentissime mancipantur, perfectissime institutis ordinis obsequuntur, quorum est numerus fere ad viginti quinque, et substantia rerum accrevit intantum, ut ubi prius vix poterant pasci octo vel homines decem, nunc singulis diebus pascantur plures quam centum. Hæc, charissime, fuerant tuæ dilectioni mittenda cartulæ commissa, antequam venirent et offerrentur manibus scripta tua novissima, quæ de tua valetudine nobis intulere lætitiæ, sed et ex parte mœstitiæ et admirationem.

B Admiramur siquidem gravi dolore tacti intrinsecus, si quid adversum nos, quod justitia dictet, habeas in querelis, quod in nobis cum continua vigeat tui grata memoria et parvitas nostra, prout dignum est, totis visceribus amplexetur, et eam singulis diebus in capitulo celebremus, et incessanter dignis aspectibus offeramus. Absit enim, ut, te prætermissio, coram Domino gloriæ consistamus, quem semel diligendum in Domino devota voluntate suscepimus, et dignum quidem esset, ut in his, quæ nobis a te in tuis litteris calumniosè objiciuntur ad nostram excusationem responderemus, si non superiora sufficere nobis arbitraremur. Sufficiant igitur tibi, quæ dicta sunt, nec te pars sinistra pertrahat in diversa, cum te in veritate diligamus et tuis, sicut et nostris, imo certe plus quam nostris profectibus prosperos successus inesse velimus, intelligis, quæ dicimus. Te igitur videndi desiderio ducti, licentiam a domino archiepiscopo repatriandi quæsimus (9), sed quoniam quæsitam licentiam septimana Pentecostes eum ægre ferre cognovimus certe dolentes, certe gementes a proposito nostro decidimus. Taliter, charissime, nobis es in oblivionem adluctus, non sicut mortuus, sed sicut vivus. Cesset igitur querela, ubi totum sanum, ubi solus profectus et honor tuus attenditur, et exoptatur, et expectatur, et divino munere conferetur. Quod et filii nostri, confratres videlicet tui, et desideriiis et votis nituntur a Domino et precibus obtinere.

D Cæterum prolixa etsi videatur oratio, ut melius nosti, nihil est dulcius in rebus humanis quam cum amico familiare colloquium, nec satis videtur amico sermo protensus in longum. Tuæ erit prudentiæ nobis, prout libuerit per latorem præsentium tuis litteris respondere. Magistrum Andream, quem in veritate et affectuosissime diligimus, ex parte nostra salutabis, et magistrum Jocelinum (10), cujus memoria est apud nos in benedictione. Vivas et valeas

EPISTOLA XXXI (11).

*Ad dominum Lundensem archiepiscopum.*

Amantissimo Patri et domino, filius ejus minimus et inutilis servus, timorem pariter et amorem.

(11) Barth. an. 1179, Lang. an. 1178.

Sicut non nullus est periculi contra vehementem fluminis impetum velle promovere progressum, ita desipientis est animi velle contraire consilii sapientum. Hoc tamen de facili non ad liquidum valet adverti, donec vexatio donet intellectum auditui. Inde est, quod aliquando carnalibus ita desiderii mens humana comprimitur, quod nihil nisi quodlibet eligit appetendum, quoniam a veritatis luce secluditur. Sed divina sapientia sapientes comprehendens in astutia sua, ut eos ad viam ab errore reducat, miscere novit jucundis amara, ut quasi de gravi somno consurgens jam in contemptum habeat, ad quod prius inconsulte toto desiderio suspirabat. Hoc et nos, Pater, in nobis impleri sentimus, dum et nos divina pietas erudit in flagellis, dum et amicos subtrahit, et res demoliri patitur (12), et ad nihilum redigit usibus concessas humanis.

Sicut nuper contigit, cum, heu, heu! magistrum Petrum (13) nobis subripuit, et horrea nostra iterum concremavit, adeo ut nobis nihil de annona remanserit. Sed in his omnibus et nos et diabolum superamus propter eum, qui dilexit nos, dum et patientia iudicis ferientis sententiam non accusat, et rationis intuitus ad purgationem delinquentium, et ad augmentum coronæ pervenire fidenter astipulat. Corripit enim Dominus omnem filium, quem recepit, et ipse per Joannem dicit: *Ego, quos amo, arguo (Apoc. III)*. Sed quid, mi Pater,olvebatur in animo filii, cum videret et horrea concremari, et pauperum fratrum sibi victum ex integro subtrahi? O pie! o bone pater! ubi nunc eras, cum angustia et dolores, ut parturientis filium contorquerent? Ipse, ipse est, qui ad paternæ dulcedinis abundantiam, et sæpius in necessitatibus expertam benevolentiam gemitibus inenarrabilibus suspirabat. Et quia tunc non inveniebatur adjutor in tribulationibus suis lacrymabiliter certe paternam deplorabat absentiam, qui lac consolationis toties expresserat ex ubere compassionis. *Væ enim soli, quia cum ceciderit, non habet sublevantem se (Eccle. IV)*. Jam puer vestræ sanctitatis fugam cogitabat inire, certe mœrens, certe dolore cordis tactus intrinsecus, quod pauperes Christi in tribulatione deserere dispo-neret, quibus non erat adjutor, et quod a nobis in-  
centiatus abire deberet. Subiit igitur Jesus et amor paternus in mentem, et quod mihi prius videbatur iudicium æquitatis mihi conversum est in amaritudinem fellis, dum aspectibus nostris et se ingerent et multimoda beneficia nobis gratis impensa et eodem tempore a bonis moribus naturâ degene-rans et amor filiorum, quos prævia vestra pietate

(12) Hic finit apographum Lyegaardianum, cætera enim violenta manu sine dubio abrupta sunt.  
(13) Mihi ignotum.

(14) Mihi ignotum, nisi forte ille, qui circa 1187 factus est episcopus Othiniensis, et magister artium erat.

(15) Multi tunc Petri fuerunt, omnes consanguinei Absalonis archiepiscopi.

A regendos suscepimus. Adjecimus igitur iterum stare et illum exspectare, qui desolatos et verbis deliniret et opere, qui non solet amicos in tribulatione deserere. Interim vero, dum nos stare videret Dominus, visitavit nos Oriens ex alto, dum per magistrum Joannem (14) et per dominum abbatem de Esrom et per dominum Petrum (15) in marcam annonam (16) et quinque horis (17) nostram inopiam aliquantulum sublevavit. Sic, sic divina providentia desiderii scit hominum obviare, ut quod proponunt aliquando non valeant ad effectum sicut superius diximus, perducere. Inde est, quod voluntatem emendi domum magistri Petri, tum rebus ad hoc necessariis ad præsens non suffragantibus, tum fratrum nostrorum votis reclamantibus vestro arbitrio relinquimus, illud tamen postulantes enixius, ut inde vestra sic ordinet providentia, quod hospitalitatis commodum, quod hactenus in ea habuimus, nobis penitus non subtrahatur, sed nobis accommodum disponatur, quod tunc fieri non dubitamus, si fidelissimo vestro magistro Jo. (18), qui vestris perficiendis negotiis fideliter sæpius et totus insudat, et quasi certis periculis objicere sese vestro pro honore non recusat, vestræ munificentia benevolentia in adipiscenda et retinenda prædicta domo consilere et subvenire dignetur. Verum tamen, quid agendum sit et vobis et nobis de dispositione magistri Petri, qui earum pretium pauperibus Christi destinavit, providentia vestra intactum non transeat. Latorem præsentium priorem nostrum a vobis benigne suscipi deprecamur et susceptum benignius exaudiri in his, quæ pietatis et iustitiæ patrociniis fulciuntur. Vivat et valeat sanctitas vestra.

#### EPISTOLA XXXII (19).

Ad abbatem Sancti Victoris.

Amantissimo Patri et domino G. (20) Dei gratia Sancti Victoris Parisiensis abbati, ejusque fratribus universis, frater WILLELMUS Sancti Thomæ de Paracleto minister indignus, salutem et debitam tanto Patri et domino reverentiam et obedientiam.

Quia se nobis, charissime Pater, præsentia confert commeantis, dignum duximus hospitatis vestræ susceptis indicis, pectus virtutum, pectus amoris et gratiæ dulcioribus recreare fomentis. Hæc enim, ut nostis, lex constituitur in amore, ut mentes amantium sinister rumor exulceret, et de feliciori successu abundantior materia jucunditatis exuberet. Quia igitur et corporum nostrorum incolumitate et rerum commissarum integritate gaudemus, si non id litteris mandarem, ad vos usque prænuntiis sanctitatem vestram offendere putarem. Amori itaque congruum arbitramur, quod sæpius

(16) Sine dubio annonæ.

(17) *Quinque horis*, genus monetæ.

(18) Sine dubio Joanni.

(19) Barth. et Lang., an. 1179.

(20) Guarinus, qui sedebat ab anno 1170 ad diem 19 Novembris 1174, quo obiit. Vide *Bulæi Hist. univers.*, Paris, tom. II, p. 384 et 742.

scribimus, quia quoties illud agimus, viscera paterna quasi quadam nostri repræsentatione reficimus. Dulce siquidem sapit bonis mentibus et litteris impressa absentium sospitas et sancti amoris digna suavitas. Si quid amplius de statu nostro scitu dignum putabitis plenius a comitantibus discetis. Libellus etiam nuper a nobis editus et domino abbati nostro transmissus, abundantius atque veracius, quæ circa nos versantur, proloquetur. Eum igitur rogamus, ut ab eodem Patre nostro et domino faciatis inquiri et vobis exhiberi. De cætero filius noster charissimus et prior nostræ religionis et honestatis vestræ ductus opinione et ordinis zelo succensus tam in domo nostra quam in vestra manendi licentiam apud vos a nobis extorsit ad tempus. Supplicamus igitur paternitatis vestræ pedibus advoluti, quatenus fraternæ solito charitatis intuitu et nostræ dilectionis interventu, si apud vos aliquantulam moram facere decreverit, vultus ei paternus arrideat, et peregrinationem ejus refovendo læte suscipiat, ut et doctrina, et moribus et ornatu sanctæ conversationis ad nos rediturus quandoque refulgeat. Credimus, quod ejus conversatio, et morum forma, quam a nobis accepit, non oneri vobis erit sed honori. Hujus rei sine magno nostri sermonis excursu ipsa ejus conversatio vobis præstabit, si non fallimur, certius argumentum. Quidquid autem ei honoris et gratiæ a vobis impensum fuerit, nostris erit procul dubio munerandum obsequiis. Loco magni muneris nobis, Pater, accederet, si passionem et historiam beati Victoris parvitati nostræ sublimitas vestra transmitteret, cum ejus memoriam in duplici festo annis singulis recolamus.

#### EPISTOLA XXXIII (21).

*Domino Ostiensi (22) cancellario:*

Ut præsentia vestris aspectibus offeram, non aliunde, quam de benignitatis vestræ gratia sumo fiduciam. Confido, quod apud vos ingratum esse non poterit, quidquid auribus vestris veritatis assertio intulerit. Amator siquidem veritatis nihil amet, quod obviet veritati. Ad vestram igitur volo venire notitiam, quod in vobis veneror et diligo, quod vidi et audivi virorum honestorum relatu de virtutumstrarum præconiis, quibus celebre per orbem multipliciter excellentiæ vestræ nomen innotuit, et hunc oro, ut usque in finem suarum virtutum vobis dona conservet, qui nunquam in se deserit confidentes. Unum est autem, quod mihi ad cumulum doloris accedit, me videlicet sine licentia vestra ab urbe fuisse digressum. Si charitas vestra dignetur attendere, nihil erit quod reverentiam in hoc facto debeat vel possit offendere. Veritatem

A enim dicam. Multorum erat opinio et invalescebat assertio, quod mihi multis in locis ad me capiendum laquei tenderentur, nec eos possem evadere, nisi me maris discrimini commissem. Hoc igitur soli domino papæ communicato consilio, de nocte consurgens navem conscendi de exercitu imperatoris venientem Pisasque tendentem. Sic nullo intervallo posito die secunda apud Pisas applicui. Rogo igitur, mi domine, ne vestra benignitas super hoc indignetur, quod a vobis sicut et omnibus, non sumpta licentia ab urbe discessi; quia, teste veritate, licentiam articulus prædictæ necessitatis exclusit.

#### EPISTOLA XXXIV (23).

*Ad dominum Lundensem.*

B Importuni in porrigendis precibus esse videmur, et si non indignationem dissimulat pietas, æquitatis judicio præsumptionis audacia comprimetur. Judicium ergo misericordia temperari rogamus ut, subveniente gratia, cui solito more precibus devotis iunitur, indignationis severitas nec postulatis obviet, nec erga filium clementiæ paternæ vultum obnubilet. Nostis, Pater, scienti enim loquimur, quod paternæ dulcedinis copia filii non indulta filialem affectum graviter exulcerat, et honorum regentis morum gratiam devenustat. Proinde supplicamus, ut aures paternæ pietatis supplicum precibus inclinentur, et effectum debitum pia desideria consequantur. Ne vero plurimis et maximis negotiis occupato legendi tedium inferamus, præsentem arctiori limite paginam coarctamus, et latiori præsentium desideria nostra viva voce vobis prosequenda commisimus.

#### EPISTOLA XXXV (24).

*Ad abbatem de Esrom.*

Amantissimo Patri et domino WALBERTO Dei gratia abbati de Esrom, frater GUILLELMUS, sanctitatis ejus in Domino servus semper charitate devinci.

Multiplex gratiæ et benevolentiae beneficium semper est actione multiplici gratiarum prosequendum. Inde est, quod in persolvendis laudibus vestræ paternitati dignanter assurgimus, quod in nostris petitionibus apud Sirium (25) clementiæ vestræ frequentius atque benignius exaudimur. Cæterum, mi Pater, fratrem Stephanum, quem ad nos misistis gratanter excepimus; et jam perventionis ipsius ad nos fructum degustassemus uberius, si nos non multipliciter affligeret, et nunc iterum seduceret multis fraudulentis aquæ ductus, pro quo nos sæpe rogavimus. Nobis igitur videtur, quod in aqua latet iniquitas, quæ prudentiori debeat astutia apprehendi, ne nos contingat diutius fatigari. Sed ad hoc quis idoneus, nisi frater Stephanus? Sed heu! mi

(21) Barth. et Lang., an. 1195.

(22) Octaviano cardinali. Hic jus habuit electum pontificem maximum consecrare. Baronii *Annales*, tom. XII, an. 1160, n. 44.

(23) Barth. et Lang. an. 1178.

(24) Lang. an. 1175.

(25) In Magnæano I: *Sinum*. Locus sine dubio corruptus. Forte legendum *Sunium*, et tunc intelligendum Sunonem, consiliarium Waldemari I et Canuti VI, qui obiit 1186, paterque erat Andreae, archiepiscopi Lundensis, intimi Wilhelmi abbatis.

Pater, retinere non possumus, quem nobiscum per dies aliquot retinere volumus, nisi vestra licentia et auctoritas jussionis vestræ perurgeat. Rogamus igitur, ut etiam hac vice nobis non denegetur benignior exauditus, quo per tres vel quatuor dies securius ipse remaneat, et nostra parvitas vestram reverentiam non offendat. Valet.

EPISTOLA XXXVI (26).

*Ad abbatem de Nestveht.*

Sicut mœrorem piis mentibus ingerit in Ecclesia Dei religionis defectus, ita civitatem Dei lætificat felix in ejusdem reparatione profectus. Inde est, amatissime Pater, quod studium et sollicitudinem vestram super reparatione et conversione totius ordinis in Ecclesia vobis commissa diligenter amplectimur, et coram Deo et omni populo multiplici, prout dignum est, laude prosequimur. Proinde cœnobii v... v... v (27) in naribus circumpositorum fetor aspersus multos infecit malæ conversationis et propter unius delictum in condemnationem, ut dicitur, irruentibus scandalis, multos a proposito, quod est miserabile dictu, dejecit. Sed jam per Dei gratiam et vestram industriam jam securis ad radicem arboris posita est (Luc. 11).

EPISTOLA XXXVII (28).

*Ad dominum regem Danorum.*

Ubi gratia consolationis accedit, dignum est, ut desolationis languor abscedat, ne si languoris asperitas invalescat, animi virtus enervata succumbat. Ne igitur animum vestrum diu vobis inflictum diutius vulnus exulceret, dulcis rumor jucundus et lætitiæ bajulus, cujus jucundo relatu exsultetis. Justitia de cælo prospiciens diu peccati nube depressa solitum resumit honorem, quia sapientia vincit malitiam (Sap. vii). Respexit enim Dominus humilitatem ancillæ suæ (Luc. 1) filiæ nostræ F. R. (29) quam (30) jam R. S. S. (31), Christo annuente R. G. (32) J. Lætantur cæli et exsultat terra (Psal. xcvi) et omnis ornatus eorum (Gen. 1) commoventur ad laudem, et jubilant omnes filii Dei. Quis enim non jucundetur? cui non dulce sapiat hoc verbum, quod fecit Dominus, et ostendit nobis? Sic pueri, sic juvenes, senes cum junioribus, sic divites aut pauperes, quia communis est causa lætitiæ, cum non sit apud vos, cui sit licitum locum habere tristi-  
D

EPISTOLA XXXVIII (33).

*Ad amicum intimum (34).*

Amor dissimulare nescit amoris affectum, quia dissimulationis umbraculum suspicatur amantium esse defectum. Quia ergo scribimus, amori morem gerimus, ut tenore litterarum nostrarum expressos

(26) Lang. an. 1195.

(27) Hic nomen cœnobii, de quo mentio fit, exsistit.

(28) Barth. et Lang. an. 1200.

(29) Francorum reginæ.

(30) Quæ in Magnæano I et Bartholiniano.

(31) In Vellejano : Quæ jam regi sponso suo.

(32) V. C. I. in Magnæano I et Vellejano ; v. e.

A animi nostri dulces experiantur excessus. Quid enim est amans magnitudo, nisi profluens de cordis puritate dulcedo? Nec tamen amor vitiosus habet hoc proprium, quia nec amor dicendus est, cui cordis corruptio famulatur ad vitium. Noveris itaque, quod ita te duximus sincerioris charitatis visceribus imprimendum, ut de amore nostro tibi virtutum proveniat incrementum, et ex respectu vitæ sincerioris aliis te proponas ad imitationis exemplum. Ut autem certius hoc valeas obtinere, tibi congruit et honori nominis tui, quatenus ab his, quæ carnis sunt, desideriis omni sollicitudine debeas et studeas abstinere, et his, quæ spiritus sunt, inviolabiliter inhærere. Sic enim a Domino laudem consequeris et gloriam et morum tuorum suavitatis odorem diffundes ubique per orbem. Plura vellemus, sed ne graveris prolixitate timemus, et ideo præsentem paginam arctiori limite coarctamus. Licet autem famelicus omnis plura desideret deglutire, quod tamen exiguum est, avidius consumitur; cum plura contigerit non adesse.

EPISTOLA XXXIX (35).

*Ad priorem de Cunungelle (36).*

Dilectis in Christo LAURENTIO priori, et ENRICO cæterisque in Coninguhelle, canonicam vitam professis, frater WILLELMUS Sancti Thomæ de Paracletio minister indignus, sic currete ad bravium vocationis supernæ, ut comprehendant.

Notis, charissimi (scientibus enim loquimur) quod animi qui veraciter amoris legibus astringuntur nullo maris discrimine, nullo terrarum spatio discutuntur. Nec diffitemur, imo verius astruimus, quod sicut ignis olei perfusione validius inardescit, sic amor, si subtrahitur nonnunquam præsentia corporalis ne mutuis foveatur alloquiis, scriptis tamen recentioribus incalescit. Inde est, quod absentes corpore spiritu præsentibus præsentia vobis offerimus, ne vel apud vos concepta dilectio consenescat, vel occasione distantium corporum vis amoris fortasse languescat. Nuperrime vobis conscripsimus statum vestrum certius cupientes agnoscere, quam aut si fortuna secundior favore Divinitatis arrideat, gratulamur; sin rebus vestris tristior opus videat, damni communis infortunium deploramus. Est enim rationi congruum ut quod commune datur, communiter sit ferendum. Cæterum ad vestram notitiam volumus pervenire, nos ad partes vestras navem nostram cum brasio in proximo velle dirigere, ut ex hoc fructum debitum percipere valeamus. Verumtamen super hoc volumus vestræ fraternitatis habere consultum, si videlicet nos regum vestrorum vel aliorum vestrorum timere congres-

o. i. in Bartholiniano; Forte: *Reconciliata iterum.*

(33) Barth. et Lang. an. 1190.

(34) Ad Petrum Sunonis juxta Bartholinum.

(35) Barth. an. 1185, Lang. an. 1182.

(36) Hodie Kongehelle prope fortalium Bahus in provincia Vikensi vel Bahusensi, olim ad Norvegiam spectante, nunc ad regnum Suæciæ. In Magnæano I. Kongelle.

sum oporteat. Sit igitur industriæ vestræ, nobis vel A voce vel scripto præfigere partem tutiorem, ne nos expensam amittere contingat et laborem. Quod totum per latorem præsentium volumus, rogamus impleri.

## EPISTOLA XL (37).

*Ad amicum in infirmitate impatienter laborantem (38).*

Cum inter amicos aliquando deserit familiare colloquium, nunquid amantium mentes exulcerat? sumunt de oblata consolatione nonnunquam salutare remedium. Proinde præsentia dimittere duximus, quia te languore mentis laborare percepimus; doles siquidem te felicioris fortunæ privari muneribus, cum quosdam eadem et dulcioribus fovet obsequiis et fecundioribus lactat uberibus. Verum si fortitudinis te pectus habere cognosceres, de facili te B sinister eventus non in partem alteram inclinaret. Christianus siquidem, cujus est exspectatio non temporalis sed æterna, nullis frangi debet aversis; quia temporalis, ut nosti, prosperitas, nec amare cœlestia, plus est oneri quam salutis. Quanto enim curis rei familiaris magis occupari te senseris, tanto te minus cœlestibus desideriis accendi cognoveris. Nescis, quia non multum distet a vitio vel decipere vel decipi posse. Prorsus deciperis, si pro terrenis cœlestia commutare decreveris. Sed quis hoc, qui recte sapiat, verum esse astruat? si igitur a te manum suam tristior fortuna suspendat, in mentem tibi veniat, quod te Deus rebus humanis exemptum in cœlestibus coronare disponat.

## EPISTOLA XLI (39).

*Ad episcopum Thurgotum (40).*

Ubi religionis et disciplinæ rigor patitur detrimentum, non est Ecclesiæ illius dissimulandum, ne dissimulatio criminis culpam gravioris accumularet ultionis. Inde est, mi Pater, quod vestris aspectibus hæc præsentia confidenter offerimus, quem et facie novimus, imo et in Christo vere dileximus, tum debito fidei Christianæ, tum opinionis suaviter dolentis odore. Si super hoc præsumptionis forsitan arguamur, excusabiles nos habebit et rectitudinis zelus et fraternitatis compassio, cui humanitatis officium exhibemus. Noveritis igitur, Pater, quod de vestra promotione jucundiori gratulati sumus auditu, eo certe devotius, quo sperabamus vestris D studiis Ecclesiam Dei uberiori proficere fructu. Verum illi specialiter vestræ gloriæ congaudebant, quos prius susceperat paternitas vestra regendos et studiis honestioribus provehendos. Sed ecce, Pater, *mutatus est color optimus (Thren iv), versa est cithara et chorus in luctum, et organum, ut audimus in vocem flentium (Job xxx)*, quoniam priora transierunt. *Pro crine successit calvitium, pro suavi odore fetor (Isa. iii),*

dum et rigor deperit ordinis et infertur calumnia sacratoribus et antiquioribus institutis. Cum non licet nisi in melius terminos commutare, quos Patres posuerunt, et observari filiis mandaverunt. Non vobis, Pater, videtur iniquitas seniorum obviare mandatis, obedire nolle præpositis, et Patris nostri Augustini Regulam in irritum duci? Nonne genus est ariolandi acquiescere nolle? Ad libitum de claustro insipientium juvenum pedes exponi et videre, et velle videri et infamare cubiculum castitatis; nonne sunt hæc arma iniquitatis? Suppressis virtutibus, libertas vitiis indulgetur et est reprehensibile, si præpositus gannire præsumat; quia defensionis scutum opponitur et facies asperioribus corrigendis verbis illatis pudore suffunditur. Sed ut B mihi liceat in aure vestra licenter pauca proponere, quis in culpa versatur, nisi dominus episcopus, cujus est inter eos auctoritas, qui fluctus intumescentes compescere potest et enormia redigere in mensuram. At vero, si potestis et tacetis, nonne consentire probamini? Proverbium vobis est notum: « Qui tacet, cum possit arguere, consentit. » Consentientes vero et facientes secundum Apostolum pœna pari punientur. Et utinam, Pater, solummodo taceretis, et cornua peccatoribus non daretis! Obsecramus igitur pro Christo, ut in defensione justitiæ religionis amatorem vos esse probetis et præposito honesto uti et sanctæ conversationis viro, cum defectum ordinis Ecclesiæ sibi commissum C auribus vestris intulerit, benignum impendatis auditum. Turpe siquidem est velle videri confovere justitiam, et pati perversos subvertere pravis moribus disciplinam. Donet omnipotens Deus, ut de cætero nullum apud vos, qui perversi fuerint, refugium habeant, sed fervere in vobis sentiant, errore sublato, rectitudinis zelum; hoc enim et famæ vestræ congruit et salutis.

## EPISTOLA XLII (41).

*Ad præpositum Sancti Theodegarii (42).*

Auditis doloribus, afflictionibus et injuriis, quas pro Domino sustinetis, ut amoris vestro pauca scribamus, fraternæ nos charitatis affectus impellit. Noveritis igitur, quod non dolere non possumus, cum vos dolere percipimus, quia ex quo vos agnovimus, nullatenus vos amare destitimus. Libentius D vero ore ad os vobiscum iniremus colloquium, quia quem et quantum erga vos habeamus, plenius agnosceretis affectum, qui, Deo volente, nunquam poterit contrahere pro tribulatione defectum. Si igitur contra vos angustia tribulationis insurgant, cum sit Christus in causa, animus Christianus patientiæ virtutem non deserat, sed cum Domino et pro Domino tribulationum stimulis ipsum corpus exponat

(37) Barth. et Land. an. 1190.

(38) Ad Petrum Sunonis juxta Bartholinum.

(39) Lang. an. 1187.

(40) In provincia et diœcesi Wendilensi, nunc Alaburgensi. Cæterum hæc epistola edita est a Pontoppidano in *Annalibus Ecclesiæ Danicæ*, tom. I,

p. 475, 476, et ab eo refertur ad annum 1188. Erat jam episcopus 1187. Dies eius emortualis ignotus est.

(41) Lang. an. 1187.

(42) In Westerwico Jutiæ in diœcesi Wendilensi, nunc Alaburgensi.

Nostis siquidem, qui membris suis dicebat: *In mundo pressuram habebitis, sed confidite, ego mundum vici* (Joan. xvi). Si igitur membra Christi sumus, non nos pro Domino labor assumptus deterreat, quia athletas suos, ut melius nostis, Christus digna et incomparabili mercede remunerat. Cæterum si tædio tribulationis affectus malevolis cedere quocunque modo disponitis immutatione loci cor vestrum a robore suo nihil enervet, quod honestati et integritati famæ vestræ repugnat, quod sumus, quod possimus, honori vestro et utilitati libenter exponimus domum nostram, et totam ipsius exteriorem administrationem auxilio vestro tractandam offerimus. Quod si forte respuere dicitis, fratrum religiosorum de Esrom societatem adipisci consiliamus. Horum quocunque duxeritis eligendum salutis vestræ pro certo noveritis esse consultum, quia locus uterque salutis congruit animarum.

EPISTOLA XLIII (45).

*Ad dominum papam.*

Noverit sanctitas vestra, Pater sancte, me servum vestrum a domino Absalone tunc Roskildensi episcopo, nunc Lundensi archiepiscopo fuisse evocatum in Daniam. ut ibidem gererem abbatis officium in ecclesia quadam pauperula quidem, in qua præsentis tunc temporis ad fratrum sustentationem non nisi vii caseos et dimidium baconem (44) inveni. Dominus autem Absalon, qui nunc est, ut dixi, Lundensis, ut pius et religionis amator et sustentator Dei dilectionis, et intuitu amoris mei, bene de suo apposuit, et in multis eandem ecclesiam ad victum fratrum ampliavit, sed non tantum quod eis sufficere possit ad vestitum. Unde et maximam penuriam patiuntur, qui inibi Domino famulantur. In illa autem provincia adornat episcopatus officium Petrus (45) ordinis nostri canonicus, qui domino Absaloni successit, vir honestate præditus, et liberalibus studiis ad plenum eruditus. Supplico igitur pietatis vestræ visceribus, quatenus ei scribere dignemini rogando ut, quia ordinis nostri est canonicus, fratribus nostris pauperibus honore Dei et vestræ dilectionis intuitu aliquod beneficium assignetur, quo possent in partem sublevari.

EPISTOLA XLIV (46).

*In persona regis Danorum.*

Sedes apostolica toties est nobis expetenda, quoties scandala, peccatis exigentibus exoriuntur in regno nostro, quæ nec nostro vel principum nostrorum concilio sive iudicio finem debitum sortiuntur. Inde est, quod factum Waldemari quondam Slesvicensis episcopi, quia horribile factum, quo majestatis regis excellentia læditur, auribus vestræ paternitatis intulimus, sed nube peccati forsitan obsistente, ne

(43) Barth. et Lang. an. 1192.

(44) Scilicet carnem porcinam.

(45) De quo supra ut episcopo Roskildensi.

(46) Barth. et Lang. an. 1195.

(47) Waldemarum episcopus voluit se facere regem, et urgebat ad minimum tertiam partem regni sibi debitam esse, et ad hoc obtinendum peregrinos

transiret oratio, responsum exsequendæ justitiæ nondum accepimus, cum apud nos sit istud notorium, et fere tot existant testes, quod sunt et homines (47). Hoc autem iterato reverentiæ vestræ nobis esset idoneum replicare, si non veremur auditum vestrum importunitate frequentis relationis offendere. Nos autem domini Lundensis apostolicæ sedis legati et ejus suffraganeorum litteras non dubitamus vestram audientiam tetigisse et veritatis patrocinante testimonio, totum ex integro negotium intulisse vel explanasse. Itaque miramur, Pater reverende, quod erga filium vestrum, qui in nullo hactenus vobis displicuit, sed in omnibus et per omnia obedientiæ vestræ sedis apostolicæ exsecutor voluntarius fuit, paternæ dulcedinis sic sunt indurata viscera, ut nobis, quod in aurem, observata reverentia vestra, loquamur, in negotio isto justitia, ut prædiximus, nulla respondeat. Quod autem prædictum quondam episcopum in custodia retinemus, paci vel tranquillitati et stabilitati regni nostri consulimus, non quod in persona sua sit nobis ipse timori, sed quod complicum et fautorum suorum sine nostro periculo non possumus obviare machinantis dolosis. Iterum igitur supplicamus et iterum, ut ad preces filii paternus emollescat affectus, et amaritudo concepta de non justitia nobis exhibita, benedictionis vestræ dulcorém, ejusdem tandem justitiæ remedio mediante, percipiat. Ad petitionem itaque nostram clementiam vestram petimus inclinari et Patris nostri, qui quoad viveret, vobis venit in gratiam (48) porrectis precibus, supplicamus felicem memoriæ suffragari; ut, sicut in mandatis apostolicis devoti fuerimus, promptiores in eisdem et devotiores deinceps existamus.

EPISTOLA XLV (49).

*Domino Lundensi in persona cancellarii.*

Charissimo Patri ABSALONI Dei gratia Lundensi archiepiscopo, ANDREAS cancellarius regis Danorum, et qui cum eo sunt, salutem et piæ devotionis obsequium.

Quia parentibus et amicis peregrinantibus et ad loca longinqua tendentibus solet inesse dubius succedentium rerum eventus, paternitati vestræ de statu nostro duximus inferre notitiam, ut eo percepto, si quis fuerit dolor, qui viscera vestræ paternitatis exulceret, illum novitas rumoris excludat, ut inde suscepta jucunditas radio splendoris sui turbulenta cuncta serenet. Cum igitur distenti fuerimus ad tribulationes et angarias multas, patientiæ clypeum illis opponere et honor regis non impulit atque profectus et maxima nobis commissi negotii difficultas. Minor est siquidem in amore sive labore profectus, si per ministrorum inertiam seu

principes in partes suas trahebat.

(48) Walderamus I, pater Canuti VI, in lite inter Alexandrum III et Victorem, subsequentesque antipapas semper a partibus Alexandri contra imperatorem Fridericum I, stetit.

(49) Barth. et Lang. an. 1195.



negligentiam in negotiis utilis et honestus minus A  
 rerum succedat eventus. Proinde ne nobis in oppro-  
 brium et labori nostro succedat in defectum, diu-  
 tius a præsentia vestra suspendimur, ad quod totis  
 cordium desideriis suspiramus; quia non est unius  
 diei labor assumptus sed multorum, donec ejus  
 completionem in lætitia divina prosequatur.  
 Noveritis autem fortuna cursum instabilem in dis-  
 cesso nostro ab urbe non successisse nobis in pro-  
 sperum, quia dulcioribus amara nimis infida per-  
 miseuit, dum apud Divionem et Castellionem per  
 hebdomadas sex in captivitate detentis, per Burgun-  
 diae ducem sexdecim paria litterarum domini papæ  
 subripuit. Tandem vero domini Cisterciensis et  
 Clarævallensis studiis et laboribus, favore regio nobis  
 impetrato, Parisios, Domino ducente, perveni- B  
 mus, ubi prædicti regis præstolamur adventum,  
 quia nobiscum, ut jam nobis secretius per inter-  
 nuntium ad nos usque transmissum innotuit, vult  
 habere familiare colloquium. Quantus autem fuerit  
 circa nos prædictorum abbatum affectus, multiplex  
 rerum approbatione dignus designat effectus. Nec  
 amissarum litterarum occasio sit nobis causa tri-  
 stitiæ, cum nihil nobis desit ad peragendum nego-  
 tium, quia alias in pergamento non alias in tenore  
 litteras obtinemus. Dominus quoque papa, cujus sit  
 in benedictione memoria, totius regni utilitati pro-  
 videns et honori erga reginam etiam habens devo-  
 tum compassionis affectum, post nos notarium  
 suum, priorem videlicet Sanctæ Prædixis, virum C  
 apprime litteris eruditum transmisit ad regem et  
 omnes Franciæ prælatos litteris apostolicis præmu-  
 nitum, quæ, si etiam alias non haberemus, suffice-  
 rent ad totum complendum negotium. Dominica  
 igitur, qua cantatur: *Isti sunt dies*, Senonensis  
 archiepiscopus (50) et Arrabatensis episcopus (51)  
 Cisterciensis et Clarævallensis abbates cum magi-  
 stro Petro Parisiensi præcentore (52) tanquam ju-  
 dices a summo pontifice delegati, ordinem discidium  
 facti inter regem et reginam debent diligenter in-  
 quirere, et regem ad recipiendam eandem reginam,  
 quibuscunque potuerint modis, inducere, et si forte,  
 quod absit! nihil potuerint proficere, tertia feria  
 hebdomadæ, qua legitur: *Ego sum pastor bonus* (53):  
 ex mandato domini papæ legatus Romanæ Ecclesiæ D  
 dominus Mellor dominum Remensem cum suffraga-  
 neis omnibus et dominum Senonensem et dominum  
 Turonensem et dominum Bituricensem cum eorum  
 suffraganeis districtissime præcepit adesse, ut ipse  
 legatus et domini papæ notarius cum prædictis ar-  
 chiepiscopis et episcopis, et cæteris Ecclesiæ fide-  
 libus de negotio prædicto pertractent et ad prædi-

ctam reginam recipiendam totis viribus animum  
 regis inducant. Mora autem, qua detinemur, nobis  
 satis est tædiosa, quia expensarum est ratio co-  
 piosa, sed testis est Deus, quod in hoc et regis ho-  
 nori consulimus, et avaritiæ et infamiæ vitium de-  
 vitamus, ne et qui nos cognoscunt, nos habeant in  
 contemptum.

## EPISTOLA XLVI (54).

Ad dominum papam.

Scandala cum inter Ecclesiæ filios, peccatis exi-  
 gentibus, oriuntur, vento malitiæ flante paleæ sub-  
 levantur, grana sub paleis comprimuntur. Proinde  
 exclamat Apostolus, et dicit: *Quis infirmatur, et ego  
 non infirmor? quis scandalizatur, et ego non uror?*  
 (II Cor. xi.) Urimur itaque, Pater sancte, urimur  
 et nos a tribulatione malorum et dolore, dum eos  
 qui videbantur orbem portare, videmus succum-  
 bere, et Cain iterum in Abel in agro consurgere.  
 Nigri consurgunt in Griseos (55), monachi in mona-  
 chos, fustibus, ut dicitur, et gladiis præparatis ad  
 bellum, ut jam dies tribulationis imminere credan-  
 tur, de quibus locutus est Dominus: *Erunt dies, in  
 quibus dicent montibus: Cadite supernos* (Luc. xxiii).  
 Essent vobis hæc latius exponenda, si vobis perso-  
 narum aliarum litteris non essent certius explanata.  
 Verum ne scelus hoc videatur inultum, brachium  
 potentiæ suæ Dominus noster extendat, et eorum,  
 qui nec ordinem tenent, nec tenentur ab ordine,  
 cervices confringat, ut sit *pax hominibus bonæ vo-  
 luntatis* (Luc. ii), malevolis autem et his, qui ode-  
 runt pacem (Psal. cxix), *petra scandali et lapis of-  
 fensionis* (I Petr. ii).

## EPISTOLA XLVII (56).

Ad dominum papam.

Erant duo, qui ad habenda beneficia mea venire  
 inhiabant. Illi, quia me videbant habitum religionis  
 appetere, in fraude et dolo circuierunt me, dicen-  
 tes idem se velle appetere. Juratum est igitur, a  
 nobis super Evangelium. Provisum est monaste-  
 rium, Pontiniacum (57) scilicet, statuta dies, qua  
 stetimus ante abbatem, ego et unus ex eis. . . (58)  
 se vero reddere noluit. Anno uno exacto, iterum  
 ad monasterium redire debuimus, sed hoc non fe-  
 cimus, quia eorum nequitiam sum expertus. Inte-  
 rim in ecclesia nostra ordo Sancti Victoris advenit,  
 quem ego suscipiens ejus me institutionibus man-  
 cipavi, et in eo l. fere annos explevi. Modo quæro,  
 mi Domine, a vestra sanctitate, ut puero vestro  
 significetis litteris vestris, in quo mihi sit ordine  
 securius permanendum. Postulo etiam, mi domine  
 Pater, ut mihi litteris vestris, cum voluero, ad ec-  
 clesiam meam Parisios confirmetur redeundi liber-

(50) Michael de Contul ab anno 1194 ad 1199. Sammarthanorum *Gallia Christiana* edit. 1656, t. I, p. 635.

(51) Hodie Arras in provincia Artois. Tunc præsidebat Petrus I ab anno 1184 ad 1194. *Ibidem*, t. II, p. 215, 216.

(52) Scilicet primo cantorum.

(53) Secunda Dominica post Pascha.

(54) Barth. et Lang. an. 1192.

(55) Scilicet Cistercienses.

(56) Barth. et Lang. an. 1197.

(57) Hodie Pons sur Youné in pago Pertensi in Francia.

(58) In Vellejano lacuna hæc sic expletur: *Ter-  
 tius et alter.*

tas, præcipue cum antequam exirem, et ordinem et sedem in choro et ubique mihi retinuerim in communi capitulo. Has etiam mihi rogo ita fieri consolatorias, ut omnes percipiant, qui eas viderint et legerint, quam sincere me dilexeritis et glories in eis in tribulationum mearum angustias.

EPISTOLA XLVIII a (59).

Ad dominum papam.

Controversiam, quæ inter Nigros et Cisterciensis ordinis monachos versatur, reverentiæ vestræ, Pater sancte, dignam duxissemus inferendam, si eam non cognosceremus plurimorum, qui vobis scribunt, litteris diligentius vestris auribus exarantam. Ne igitur audiendi tedium auribus totius mundi negotiis occupatis generemus, hoc tantum in precibus porrigendis habere censuimus, ut is, qui et ante et post appellationem ad audientiam vestram dignoscitur esse commissus in monachos Griseos excessus a monachis Nigris acrius vindicetur. Sicut enim aliorum religiosorum relatu percepimus, postquam et se et sua Cistercienses in vestra protectione posuerunt et ex bono securitatis inniti credebant; Nigri supervenerunt et injuriis et contumeliis atque vulneribus eos crudeliter affecerunt, et eorum bona diriperunt. Horum regio nostra lacrymabiliter deplorat insaniam, qui honorum morum gratiam devenustant, et sua turpi conversatione vituperantes ministerium, monachorum circumpositorum nares nebula fœtoris inficiunt, ponentes mel in amarum et tenebras in lucem. Ecce ipsi veniunt ad præsentiam vestram, tanquam viri, qui fecerint iudicium et justitiam jaculis impietatis armati, quibus arcem pietatis impugnent, sed non expugnent, quia sapientia semper vincet malitiam (Eccl. vii). A fructibus eorum cognoscetis eos (Matth. vii). Sed absit! mi Pater, ut vos capiant in sermone, quorum os maledictione plenum est (Psal. x), et lingua eorum gladius acutus (Psal. lvi). Absit! inquam, ut vos capiant in sermone, qui iudicatis orbem, qui semper dilexistis justitiam et odistis iniquitatem, cujus laus in Ecclesia sanctorum (Psal. cxlix) et memoria in benedictione sempiterna (Eccl. xlv). Confundantur igitur confusionis filii, nec apud vos inveniant locum refugii, qui docuerunt manus suas ad prælium (Psal. xvii), et gloriantur linguas suas loqui mendacium (Jer. ix).

EPISTOLA XLVIII b (60).

Ad dominum Petrum (61).

Ego sum ille Wilhelmus, qui primo Beatæ Genovefæ canonicus sæcularis, deinde regularis missus sum in Daciam, ubi abbas factus bis ad vos a domino Londensi archiepiscopo Veneciis transmissus,

(59) Barth. et Lang., an. 1192.

(60) Hæc littera non exstat in Indiculo, et forte est principium epistolæ 47.

(61) Corrige papam.

(62) Hugonis.

(63) Nunc Senlis.

(64) Forte Magdeburgensi; licet hæc omnia obscura sunt.

A Tusculanum vice alia: nepos abbatis Sancti Germani H. (62) quem vos plurimum dilexistis, qui vos et dominum Bernardum Portuensem episcopum in domo quadam B. Genovefæ suscepi juxta Silvanectensem (63) civitatem cum obviam invisetis domino Magdeburgensi (64) usque Compendium (65) Igitur, quia me semper dilexistis gratia domini mei prædicti abbatis Germani, vobis quæro consilium de quodam facto meo. Puer eram xv vel xvi annorum.

EPISTOLA XLIX (66).

Ad dominum Petrum (67).

Intimo suo PETRO, suus WILLELMUS, quod est, quod potest.

Quoties circa ægrotum solito morbus gravior invalescit, toties auxilium medici ad sibi subveniendum sub festinatione perquirat. Modo simili cum nos coarctat necessitatis articulus, rogamus, ut nec in indignationem vel admirationem vobis proveniat noster importunus ad vos usque recursus. Præsertim cum non habeamus in tempore malo, qui pro nobis respondeat, dum superbit impius et incenditur pauper (Psal. x). In latere præsentium quietis nostræ dispendium toleramus, qui quia fraternitatis est nobis gratia copulatus, quod ei cedere debet in bonum, ad tribunal iudicis sæpe citatur, gratiæ vestræ auxilio in alia vice de manibus impiorum ereptus. Causam ejus, ne vobis legendi tedium inferamus, vobis explanare vitamus, sed ei vestris in auribus diligentius prosequendam et benignius audiendam relinquimus. Supplicamus igitur, ne longe sit a nobis in ejus causa vestræ miserationis affectus, per quem nobis proveniat desideratus effectus. Ne, quod absit! qui vestræ gratiæ confidenter innitimur, coram inimicis nostris miserabilibus occumbamus. Valete.

EPISTOLA L (68).

Præmonstratensi abbati.

Amantissimo Patri et D. HUGONI (69) Dei gratia Præmonstratensi abbati, frater WILLELMUS Beati Thomæ de Paracleto minister indignus, intimum dilectionis affectum.

Dilectio, qua nos quondam invicem dilexisse probamur nos ad scribendum constanter impellit, quæ non renovari recentioribus possit officiis, quia, nisi fallimur, nullo tempore consenescit. Neque enim fas est studium torpere, quod æqua benignitas compensatione gratiæ muneratur. Pro venerabili autem fratre et cohabite nostro Joanne de domo Sanctæ Trinitatis in Lundis (70) suscepimus apud clementiam vestram agendum, quia quem benignioris familiaritatis gremio confovimus, nec

(65) Nunc Compiègne.

(66) Barth. et Lang., an. 1192.

(67) Episcopum Roskilensem.

(68) Barth., an. 1180; dubitanter Lang., an. 1192.

(69) Hugo mortuus est in Augusto 1192, juxta Langebekium in diplomatorio ms.

(70) In Scania.

precibus ejus nec necessitatibus deesse volumus vel debemus, maxime cum ejus opinio a justitiæ tramite non excedat. Vir siquidem simplex et rectus est et recedens a malo. Nec apud paternitatem vestram eum velut ignotum commendamus, qui de vestri testimonii plenitudine gloriatur. Quod si forte quispiam auribus vestris quidpiam intulerit, ore blasphemio, quo lædi debeat ejus opinio ad vestram memoriam veniat, quod beatus Hieronymus (71) dicit: « Mendaces faciunt, ne credatur vera dicitibus. » Quod nec minus habet in operum et ostensione virtutum, non ejus negligentia vel culpæ debetis id ipsum adscribere, sed vitio et malevolentia eorum, qui debuerant ejus onera supportare tum vestro amore tum religionis honore. Sed quid dicit Apostolus? *Non omnium est fides (II Thess. III). Fidelis autem Deus, qui non patitur suos tentari supra id quod possunt (I Cor. X).* Et hæc quidem, quæ loquimur, a viris religionis excepimus, qui condolent super contritionem Joseph. Unum est igitur, charissime Pater, quod et rogamus, quod et supplicamus, ut honori ordinis vestri providentes malos tollatis de medio, per quos domus defamatur, per quos ut audivimus, domus substantia deperit, et confunditur ordo. Novimus, Pater charissime, (si tamen quod loquimur præsumptionis notæ non velitis adscribere) quod quædam personæ, quæ ordinis vel Ecclesiæ vestræ columnæ videntur existere, talem et tantam prænominati viri personam, imo cum ipso totam domum suam, sicut et nos nonnunquam ab ipsis accepimus persequi et corrodere dente canino non desinant, quæ etiam, si qua in eis inesset infirmitas, ad publicum certe proferre non debuissent, maxime cum unius membri læsio totum corpus respiciat. At vero, si, quod absit! vestræ discretionis examen animositatem contradictorum atque rebellium in eadem domo non reprimat, dominum archiepiscopum, cujus est frequens et sollicita circa domos religiosas industria, noveritis manus scelerum ultrices apponere et mediante judicio prædictæ domus enormitates sollicitudine paterna corrigere. Væ igitur eis per quos scandalum venit (*Matth. XVIII*). Qui autem sunt illi? sine nostri sermonis excursu plenius a comedeante discetis.

## EPISTOLA LI (72).

Etsi nos pro tempore urget miseranda necessitas, in spe tamen nos erigit vestra sæpius experta benignitas. Confidimus enim tum ex vestra gratia tum ex nostro servitio, quod ubi contigerit vos adesse, nihil negotiis nostris obesse. Vobis igitur ea duximus committenda, quorum studiis et labore confidimus executioni mandanda. Rogamus enim, ut quod de vobis speramus, comitante gratia, consequamur. Latorem præsentium a vobis benigne rogamus audiri et pietatis gremio confoveri, quatenus

(71) Non possum invenire hunc locum.

(72) Ad Cincium cardinalem. Barth. et Lang. referunt ad 1197.

(73) Barth. et Lang. an. 1197

et vobis devotiores et in vestris servitiis valeamus existere promptiores.

## EPISTOLA LI (75).

*Ad dominum Suffredum cardinalem (74).*

Ut ad vestrum confugiamus auxilium nobis nostrisque negotiis confidimus esse salutare remedium. Quia igitur de vobis confidimus, ad vos confidenter confugimus et nostrum negotium vobis promovendum committimus. Illud autem a tramite non deviat æquitatis, cum minime refragetur ratio postulatis. Quia vero illud paginæ præsentium committere non judicavimus idoneum, latiori præsentium duximus committendum, qui, quod litteræ minime proloquantur, viva voce securius exsequetur. Rogamus igitur, ut ad viscera vestræ pietatis sit ei familiaris accessus, et cum executione negotii benignus auditus. Et ne vobis frustratoribus labor incumbat, noveritis nos illi in mandatis dedisse, ut, completo negotio, de charitate nostra vobis v. mar. cas argenti provideat.

## EPISTOLA LIII (75).

*Ad dominum Cincium cardinalem.*

Latorem præsentium dilectioni vestræ minime commendamus, quia non indiget, ut eum nostra commendatio prosequatur, qui de testimonio conscientia propria et de plenitudine gratiæ vestræ gloriatur. Ne tamen ei in sua necessitate vel consilium vel auxilium subtraxisse videamur, ejus negotium vestræ charitati commendamus attentius, ut et vobis amplioris dilectionis unione astringatur, et promptior atque devotior in vestris inveniat obsequiis. Quanti autem sit ponderis apud Deum, manum subventionis pauperi porrigere, non est nostræ facultatis evolvere. Experto siquidem cu jusque rei inest major certiorque cognitio, quam ei, quem ignorantia non provehit ad ea, quorum cognitio beatum constituit. Velut experientiæ vestræ certus innotescit, verus amor nullo tempore coalescens, scriptis autem recentioribus confoveretur, ut in amici negotiis virtus ejus verius comprobetur. Quod honorem vestrum et profectum diligamus, vobis in dubium provenire nullatenus arbitramur. Magistrum proinde Joannem, qui nostris mandatis, nostrisque in eundo Romam complendis negotiis famulatur, tanto vobis attentius commendamus, quanto eum nobis devotioem indefesse probavimus. Erit utriusque dilectionis indicium negotiorum nostrorum optata motio, pro quibus humiliter supplicamus non interesse torporem aut otium.

## EPISTOLA LIV (76).

*Ad quemdam præpositum.*

Quoties ad memoriam suscepta beneficia reducuntur, toties laudes in præconia languentium depromuntur. Alioquin si ingratitude beneficii largitoris adscribitur, merito manus largitoris a

(74) Lege: *Seufredum*.

(75) Barth. et Lang. an. 1197.

(76) Lang. an. 1187.

nunere suspenditur. Hoc autem non benevolentia sed ignavia promeretur. Absit autem, ut eorum, quæ nobis gratia vestra contulerit, ingratitude sequatur, quibus gratiarum actio, quoad vivimus, famulatur. Nonnunquam autem ex consideratione posteriorum, cum scilicet ampliori gratia fulciuntur, priora tamen vincuntur. Ideo humilibus vos precibus commonemus et supplicamus, quatenus in hoc experiamur, quantus sit erga nos adhuc vestræ dilectionis affectus.

EPISTOLA LV (77).

Venerabili Patri et Domino B. Zvenensi (78) Dei gratia episcopo, frater WILLELMUS, illud tantillum quod est.

Desideria, quæ rationis patrociniis fulciuntur, effectum debitum apud veritatis amatores sortiuntur. Inde est, Pater sanctissime, quod obviis manibus tenorem vestræ sanctitatis excepimus litterarum et locum nobis eisdem prosequentibus destinatum, præfixo termino, vita comite, ducimus expetendum. Utrum autem homuncionis tantilli labor assumptus vel vobis tenuis ejus præsentia prosit, vos ipsi videritis; quia nobis nihil aliud sentiendum occurrit, quam quod umbram ad publicum de claustro producit; sed quid? certe nostræ parvitalis non subtrahetur affectus, licet nullus vel modicus subsequatur effectus, quia debitum charitatis nos urget.

EPISTOLA LVI (79).

*Ad Goswinum monachum.*

Intimo suo G., suus WILLELMUS, salutem et intimum dilectionis affectum.

Quia, charissime, Divinitate propitia, charitas dissolubili vinculo nos innodavit, sicut sæpius se negotiis nostris interserit, ita nos nonnunquam quadam benevolentia lege constringit, ut eos, quos amplioris gratia brachiis amplexamur, salutationis officium prælibemus, maxime cum se commitantium præsens se nostris repræsentat obtutibus. Inde est, quod et te salutamus, et specialis amoris titulo te amicitia nostris adjungimus. Sicut enim honestatis studiis convenire probamus, et lubricis et impudentes homines a nostris debemus arcere limitibus, ita nihilominus favorabile reputamus justitiæ, ut viros honestatis et sobrietatis amicos in nostris recipiamus visceribus. Est enim nonnullum in exilio nostro remedium, ubi tot occurrunt illusiones phantasmatum et vana simulationum umbracula, ut habeas, quem diligas, cui credas, per quem a pusillanimitate spiritus et tempestate resurgas, et a te irruentium tribulationum repellere possis injurias, sic enim dissoluti cordis reparatur integritas, quia oleum flammis injectum ampliora et ardentiora flammarum superexaltat incendia. Unum est igitur statuendum atque tenendum in amore remedium, ut epi tolarum ab utroque discursu sermo de divinis habitus exulcerata corda confirmet, per

(77) Barth. an. 1183, Lang. an. 1182.

(78) *Legge*: Zzerinensi ut in Magnæano I. Nomen ejus erat Benuo.

A quem absentium nunquam dilectio consenescat, et sancti propositi studium semper ad ampliora consurgat. Non enim est dubium, quod omni hora, si non prolicis, deficiis. Sed quid? Minervam docemus? convivantibus siquidem et epulantibus quotidie splendide injuriam videmur inferre, si hordeacei panis edulium pabulum jumentorum mensis imponere velimus. Ridiculum plane, si servus domino se judicat præferendum, cum de servo quid agere velit, in domini sit potestatis arbitrio. Sic, sic nimirum præsumptionis sortimur officium, si tibi commonitorium fecerimus, qui cælo totus interesse videris, cum et nos ex occasione pastoralis officii, non nisi rebus transitoriis videamur incumbere. Verum præsumptionis dabis veniam, cum minime B distiteamur et culpam. Vellemus plura, sed arguit nos insipientia nostra, quia est cum sapiente colloquium. Cæterum nugarum nostrarum schedulas vel libellum nobis remitti rogamus.

EPISTOLA LVII (80).

*Ad abbatem Sanctæ Genovefæ.*

Amantissimo Patri et domino STE. (81) Dei gratia abbati Sanctæ Genovefæ Parisiensis, frater WILLELMUS sanctitatis ejus servus indignus, timorem et amorem et se ipsum totum usque ad pedes.

Ut scribamus vel sero, benigno perurgemur amoris imperio, cujus titulis vel invidere vel acquiescere nolle, quandoquidem in sanctis est sanctus, arbitramur injuriam, eo, qui diu pectori nostro totus insederat, pudore sublato. Pudit enim et vere pudit tanto Patri tantæ reverentiæ et majestatis non prælibare salutationis officium, et quasi veritate sopita non explevisse promissum, quasi veritatem obfuscaret falsitatis umbraculum. Sed quid beatus Hieronymus? « Mendaces, inquit, faciunt, ne credatur vera dicentibus. » Si autem vobis visæ sit dilatio tædiosa in executione promissi, quod satis arbitramur atque veremur, nullus tamen se interposuit fidei nostræ tergiversationis incursus, sed aliquando ad debitum persolvendum infirmitas eorum, quandoque propter guerras exitus difficultas, nonnunquam pabuli magna penuria, quæ hoc anno Daciam graviter affixit, interdum etiam fidei absentia viatoris. Nunc igitur, quia rebus D nostris jucundior atque felicior eventus arrisit, cum major sit et viæ securitas, et in annona cumulatior speretur ubertas, et se nobis obtulerit fidelioris præsentia viatoris, nulla potuit ulterior occasio dilationis inesse promissis. Mittimus itaque non quemlibet equum, sed eum, quem inter equos nostros dignationi vestræ dignum missu putavimus. Qui si forte vobis placuerit, in hoc gloriæ nostræ multum accrescet, et damnis resarciatis dilationis apud vestram clementiam nobis gratiam obtinebit. Sin autem, quod absit! ingratiitudinis quippiam vobis intulerit, quod serenitatem paterni vultus obfuscet,

(79) Lang. an. 1187.

(80) Barth. an. 1185, Lang. rectius an. 1179.

(81) Stephano, postea episcopo Tornacensi.

contristandi materiam etiam nobis inducet. Noveritis autem quod lateri presentium fidei nostro delerimus in mandatis, ut et equo in equitando plurimum parceret, et ei abundantissime necessaria provideret. Quod si fecerit vel non fecerit, vestrae ad nos litterae prosequantur. Caeterum, mi Pater, statum vestrum et fratrum vestrorum nobis litteris vestris significari mandamus, rogamus ut, si leta vobis arrideant, gaudeamus; si, quod absit! successerint tristia, pariter lugeamus. Viscera nostra, dilectissimum nostrum Petrum (82), licet apud vestram paternitatem locum gratiae bonae conversationis melioris etiam famae sibi fundet obsequiis, vobis commendamus attentius, ut per vos et moribus, disciplina, et in litterali scientia de die in diem magis et magis augmentum accrescat. Vivat et valeat sanctitas vestra.

EPISTOLA LVIII (85).

Ad Danielem revocandum.

Frater WILHELMUS Dei gratia Beati Thomae de Paracleto minister indignus, dilecto filio DANIELI, salutem et paternam dilectionem.

Ut dicit Apostolus: *Omnes qui in Christo pie vivere volunt persecutionem patiuntur (II Tim. III)*. Inde est, quod et, filii charissime, in absentia nostra tribulationum injuriis molestatus est spiritus tuus, et a spiritualibus studiis exire compulsus. Quia vero nobis animae tuae custodiam ex propria voluntate commiseras, dignum duximus misericordia moti, ut te misericorditer revocemus, et te verbo et exemplo ad officia pristina provocemus. Adhuc est praemanibus pugna, etsi impugnatus est Amalec, sed nondum expugnatus. Pugnat siquidem Israel, sed necdum Israeli, Mose forsitan cessante a precibus, provenit victoria. Veni igitur, nec venire distuleris, dum adhuc contra adversarios dimicatur, quia nullus, nisi legitime certaverit, coronabitur. Si quid egeris, quod fraternae charitati molestiam intulerit, ad indulgentiam eandem te commotum esse pietate cognoveris. Si vero redire contempseris, cum te pater benignitate solita revocet, tecum instanter recogites, quid ante tribunal Christi super hoc respondeas, cum apud eum contemptus sive malitia nullum excusat.

EPISTOLA LIX (84).

Ad cancellarium (85).

Non verbis sed factis amicus amici benevolentiam certius experitur. Ut igitur amicus amoris experientiam sortiatur, amico judicamus esse curandum ut in re necessaria, quin subsequatur effectus favorabilis gratia se nequeat continere, cum praecipue postulatis ratio minime refragetur. A vestra vero memoria non credimus excessisse, quin excellentiam vestram super negotiis nostris labori nostro non parentes, saepius commonendam esse censuimus, sed nec dum promissi beneficii executione

(82) Petrum, postea episcopum Roskildensem, supra memoratum.

(83) Barth. et Lang. an. 1196.

A consolationem accepimus, quia forsitan peccatorum nostrorum nubes invaluit, ne transiret oratio. Si inter amicos hoc appropriat iudicium aequitatis nihil proponendum duximus in querelis; si vero juri repugnat et moribus honestatis, illud etiam relinquimus amoris legibus corrigendum, ne forte laesa charitas, quod absit! incurrat opprobrium, dum non desunt, qui dicant *bonum malum et malum bonum (Isai. v)*. Absit autem, ut morum vestrorum gratiam devenustet vel mendosa loquacitas vel dilectionis simulata detestanda perversitas! Utrumque enim apud Deum et homines abominatio est. Est igitur amici nostri consilium, sic tamen, ut praesumptionis umbraculum non incurrat, quatenus amicorum necessitudinibus favor gratiae devotus occurrat, et tergiversatione pravorum hominum a veritatis semitis non recedat. Sed heu! quo progredimur? Nunquid indoctum docemus? Nunquid Minervam instruimus? Absit! Sed affectus amoris continere non potuit, quin sive juste vel injuste in medium proferat, quod sentit, et quod a moribus non discrepat bonis. Si autem in tot probatione verborum excessimus modum, quod insipiens factus sum, vos me coegistis, qui me tanti fecistis ut apud gratiam vestram tantae familiaritatis locum obtineam, ut mihi liceat loqui, quidquid in buccam accesserit: et me melius nostis, quoniam amor, ut quidam dixit et scripsit, nutrit fiduciam. Si quid igitur excessimus amoris gratia benevole supportabit. Est quoque amicorum verorum non loqui ad oculos, sed sive displiceat, sive non, nunquam a via veritatis retorquere progressum. Aliiter loqui non est deservire virtuti, sed proprio vitio famulari.

EPISTOLA LX (86).

Ad amicum.

Quoties tempus necessitatis ingrueat, si amicorum efflagitur auxilium, quin amicus amico subveniat, nullum debet intervenire dissimulationis umbraculum. Alioquin amicus non esse convincitur, qui prius esse secundioris fortunae muneribus videbatur. Absit autem a vobis, ut hujusmodi morbo dilectio vestra laboret, et in partem alteram inclinet se iudicium aequitatis, cujus benevolentia nunquam a se voluit excludere viscera pietatis! Absit, inquam, ut de vobis aliter sentiamus, quam ut effectum amici justa petitio, comitante benevolentia, sortiatur! Noveritis ergo quoniam tribulationum insurgentium vexamur angustiis, et non est qui condoleat super contritione Joseph, et qui tribulatis solebat ferre praesidium, licet longius positus supplicum votis aspiret, auxilium tamen ferre non potest. Hinc est, quod clamamus ad Dominum, si forte respiciat in orationem humilium, et etiam non spernat precum corum, dum non est qui redimat, neque qui salus faciat (Psal. vii). Utinam et clamor noster vestra

(84) Barth. et Lang. an. 1194.

(85) Andream Sanonis.

(86) Barth. et Lang. an. 1178.

pietatis auditum precibus nostris inclinet, ut jam non sit, qui rapiat et devoret pauperes! (Psal. x.)

## EPISTOLA LXI (87).

*Ad dominum regem Danorum.*

Regiæ majestatis obtutibus licet videatur inglorium solio gloriæ pauperem propinquare, mansuetudinis tamen regalis clementia, quos dignitas non provehit, benigne consuevit amplecti, vel attollere. Nos igitur, mi domine, licet merita nulla nos provehant ut ad excellentiam vestram habeamus accessum, velit, nolit, rigor justitiæ, quando tractatur pietatis negotium, temperabitur misericordia procurante judicium. Supplicamus itaque et preces precibus addimus, ut petitioni nostræ pietas etiam hac vice regiæ celsitudinis inclinet auditum, et si quid in nobis fuerit correctione dignum, totum antiquet oblitio, ne regi forte veniamus in odium et rebus nostris inde proveniat detrimentum. Verum est, domine, nec possumus dimiteri nos ad regem Francorum a vestra excellentia fuisse transmissos, et quod ad vestrum cedebat honorem et regni pax exigebat et gloria in auribus regis, locutos, sicut probat hæc dies. Hoc est certe vestrum (88) maximumque peccatum, quod soror vestra traditur regis Francorum amplexibus ecclesiastica lege firmato conjugio. En sanguis iste de manibus nostris requiritur. Obsecramus, mi domine, ne pro parvo videatur, quod maximum esse cognoscitur; nec vos conturbet absoluta pecunia: quia plus est honorem acquirere, quam pecuniam possidere. Illa siquidem subtracta, honoris remanet magnitudo. Laudabilis est illa pecunia quæ domino non imperat, sed domino cedit ad gloriam.

## EPISTOLA LXII (89).

*Ad dominum Lundensem.*

Quia tribulationibus variis sæpius infestamur, frequentius ad sublevantis auxilium exclamamus. Verumtamen, quia necdum meruimus exaudiri, timemus vel nostras voces non ad vos pervenisse, vel vos, quod absit! eas habuisse contemptui. At vero non cessabit clamor, donec conquiescat exactor, quod quidem non credimus fieri, nisi in manu forti et brachio extento (Deut. v). Ut igitur experiamur de vestra voluntate non esse, diutius nos affligi, petimus protectionis vestræ gremio confoveri, ut sciant omnes, tam homines quam Dominus, ex vestra consolatione sic nos respirare, ut abolitis inquietudinibus valeamus absolvi. Erit hoc, domine, vobis in gloriam et nobis in securitatem et pacem.

## EPISTOLA LXIII (90).

*Ad Gaufridum.*

Ut offerantur præsentia vobis, sollicitudo nos urget amoris. Est enim amor languoris impatiens, præsentium novitate congaudens, dilationem scribendi fastidians. Noveritis igitur, quod honoris et amoris nobis a vobis exhibiti, sic nos sibi totos

(87) Barth. et Lang. an. 1196.

(88) Lege: *Sine dubio, nostrum.*

(89) Barth. an. 1179, Lang. 1178.

attrahit magnitudo et horum recordationis tanta memoria, ut sine vobis vivere mors potius sit dicenda quam vita. Nescitis? imo scitis, scienti enim loquimur, quod floribus amicorum aspectus, cum se mutuo vident et alterutro delectantur aspectu, inedificabilis est causa lætitiæ, et tanquam oleo flammis injecto, validius animi invalescit et convalescit affectus. Proinde, quia adventum nostrum ad vos ægre ferre nullatenus dubitamus, sanctitati vestræ nos venisse Parisios præsentibus nuntiamus, et de præsentia vestra, quam valde requirimus, optata gaudia crastino die, Domino largiente, suscipere merebimur. Quæ vero fuerit dilationis causa scribendi dignum fuisset committere chartæ, nisi id ipsum ore ad os intenderemus auribus vestræ sanctitatis inferre.

## EPISTOLA LXIV (91).

*Ad archiepiscopum Lundensem.*

Amantissimo Patri et domino, filius ejus devotus et inutilis servus, timorem pariter et amorem.

Charitatis debito perurgemur, ut pro viris, quos diuturna conversatio monasterialis attrivit jugo disciplinæ, quos et honorum commendat opinio, et vitiorum deformitas minime decolorat, apud vestram clementiam sollicitudinem gerere præsumamus, ne apud Judicem æquitatis se refugii locum reperisse gloriatur iniquitas. Pro latore igitur præsentium supplicamus, qui quidem nostra commendatione non indiget, qui propriæ conscientiæ gloriantur in iustitia testimonio, cum opinione bonorum, ut ei gratiæ vestræ favor arrideat, et in oculis vestris falsitas capite contrito succumbat, et obstruatur os iniuqua loquentium, quorum est studium alienare amicum a proximo. Causam ejus ad vos veniendi litteris impressisse judicemus idoneum, si eam non sciremus expressam Petri et Osmari litteris magistrorum, ut de corde suo amaritudinis injuria vestris consolationibus excludatur, quæ de non percepto laboris sui fructu protinus acrius visceribus suis infligitur.

## EPISTOLA LXV (92).

*Magistro Meliori cardinali.*

Venerabili domino M. sanctæ Romanæ Ecclesiæ tituli Sanctorum Joannis et Pauli cardinali et apostolicæ sedis legato, ANDREAS, domini regis Danorum dictus cancellarius, cum sociis suis, debitam tanto domino reverentiam et amorem.

Magnum est, ut vostis, remedium tribulationis afflictorum ad experta suffragia recurrere prælatorum; quia tanto gaudent uberius de munere libertatis, quanto majora curare se sentiunt remedia pietatis. Noverit itaque sanctitas vestra, quod ab illustri rege Danorum Romam transmissi ejusdem regis domini nostri negotium auribus summi pontificis diligenter intulimus et ejusdem negotii, prout tempus dictabat, executionem domini papæ litteris

(90) Barth. et Lang. an. 1195.

(91) Lang. an. 1178.

(92) Barth. et Lang. an. 1195.

exaratam accepimus inferendam vestrae sanctitatis aspectibus. Est autem domini regis negotium inter regem et reginam celebratum divortium. Verum si quaeratis, cur non per nos explemus quod accepimus in mandatis, breviter respondemus. Roma vel ab urbe digressi Divionem usque pervenimus, sed ibi, postposita reverentia sedis apostolicae et invocatione nominis vestri, contempto videlicet apostolicae legationis officio, a ministris duobus Burgundiae per septem dies sumus detenti et arcis custodiae mancipati. Tandem vero precibus domini Claterciensis educti ad Claramvallem, Domino ducente, pervenimus, interposita conventionem et praestito sacramento, quod si domino regi facta displiceat nobis remissio, iterum Divionem vel ad locum alium debeamus deduci. Quia igitur, per nos, ut diximus, ad vestram praesentiam venire nequivimus, litteras domini papae vobis transmittimus, rogantes et omnimodis supplicantes ut a domino rege veniendi ad vos et colloquendi licentiam impetretis. Super his autem, quae nobis injuste sunt illata, cum nihil contra honorem vel pacem regis vel regni nos habere praemanibus invenerit, quid sit agendum auctoritati vestrae duximus providendum. Quod autem per talem vos salutamus et litteras domini papae transmittimus, non est vestrae personae contemptus sed altioris et dignioris personae defectus.

## EPISTOLA LXVI (93).

Ad episcopum Thurgotum.

Venerabili Patri et domino T. Dei gratia episcopo, frater Willelmus Sancti Thomae de Paracleto, dies malos feliciter consummare.

Cum religionis et disciplinae rigor perversis malignantibus patitur detrimentum, non est, mi Pater, Ecclesiae filius legem Dei zelantibus dissimulandum, ne dissimulatio criminis culpam gravioris accumulet ultionis. Inde est, quod vestris aspectibus praesentia confidenter offerimus, quia vos et facie novimus et in Christo vere dileximus, tum debito fidei Christianae, tum opinionis suave redolentis odore. Si vero, quia scribimus praesumptionis arguimur, excusabiles nos habebit et rectitudinis zelus et fraternitatis compassio, cui humanitatis officium exhibemus. In primis igitur noveritis, Pater amande, quod de vestra promotione jucundiori gloriam sensus auditu, eo certe devotius, quo sperabamus vestris studiis Ecclesiam Dei uberiori proficere fructu. Verum illi specialiter gloriae vestrae congaudebant, quos prius, ut nostis, susceperat paternitas vestra regendos et ad virtutum sublimia studiis honestioribus provehendos. Nihil enim aliud nobis conferebat celebritas nominis vestri, quam velle vos subditos vobis nobilium morum venustate praecellere et exemplo vitae sanctioris errantibus lumen infundere. Nec aliud de transactis operibus vestris vel nostro sensu vel aliorum relatu conjicimus, quam diu vos cum eis conversatos cognovi-

(93) Barth. an. 1188. Lang. an. 1187.

(94) Lang. an. 1175. Forte erroneum, tunc enim

A mus. Sed heu, mi Pater, mutatus est color optimus (Thren. iv) et aurum devenit in scorium: Vineae, quae facere debuit uvas, fecit labruscas (Isai. v). Versa est cithara eorum in luctum et organum in vocem flentium (Job xxx), sicut accepimus ex aliorum relatu, quoniam priora transierunt et audita circumpositorum nares inficiunt. Pro crispanti crine calvitium accrevit, et pro suavi odore fetor (Isai. iii), dum et rigor deperit ordinis et inferunt calumnia sanctoribus et antiquioribus institutis, cum non liceat nisi in melius terminos commutare, quos Patres posuerunt, et servari filiis mandaverunt. Non vobis, Pater, videtur iniquitas saniorum obviare mandatis, obedire subjectos nolle praepositis et Patris nostri Augustini Regulam in irritum duci, Nempe genus est ariolandi, ut dicit Scriptura, acquiescere nolle (I Reg. xv). Quis religionis est cultus, ubi silentii censura deserit: et fabulis et vanitati vacatur. Ad libitum claustro exire, meretriculas videre et ab ipsis velle videri, atque infamare cubiculum castitatis, nonne sunt haec arma iniquitatis? Suppressis virtutibus, libertas vitii indulgetur, et in reprehensione, si praepositus gannire praesumpserit, in eum statim movetur calchinnus, contumeliae proferuntur, comminationes durius intentantur. Detur igitur nobis licentia vobis in aure loquendi. Illud obsecro, mi Pater, quod pace vestra sit dictum. Quis, inquam, in culpa versatur, nisi dominus ipse, cujus est major inter eos auctoritas, qui fluctus intumescences compescere potest, et enormia redigere in mensuram? At vero si potestis et tacetis, nonne consentire probamini? Proverbium notum est: Qui tacet consentit. Sed quid dicit Scriptura? Consentientes et facientes poena pari puniuntur. Et utinam, Pater, solummodo taceretis et peccatoribus cornua non daratis. Obsecramus igitur, clementissima Pater, ut in defensione justitiae religionis amatorem sicut et fuistis, vos esse probetis et praeposito utique honesto et sanctae conversationis viro, cum defectum ordinis sibi Ecclesiae commissa auribus vestrae sanctitatis intulerit benignum impendatis auditum. Turpe siquidem est velle videri fovere justitiam, et patris perversos subvertere disciplinam. Donet omnipotens Deus ut de caetero nullum apud vos habeant perversi refugium, sed in vobis fervente sentiant, errore sublato, rectitudinis zelum, ut sit pax hominibus bonae voluntatis (Luc. 11), malevolis autem et his, qui oderunt pacem (Psal. cxix), petra scandali et lapis offensionis (I Petr. 1).

## EPISTOLA LXVII (94).

Ad dominum Lundensem archiepiscopum

Amantissimo Patri et domino, filius ejus devotus et inutilis servus, timorem pariter et amorem.

Ut beatus dicit Hieronymus: « Mendaces faciunt, ne credatur vera dicentibus. » Inde est, reverendissime Pater, quod nebula falsitatis obtenebrati, foras Absalon non adhuc erat archiepiscopus, nisi fors anticipationem sic vocatur.

midare potuimus, ne paterni vultus forent adversum nos in deterius immutati, et esset iniquitatis nubes opposita, ne transiret oratio. Verum hoc frustra; nam *sapientia vicit malitiam* (Eccle. vii), et misericordia respexit in orationem humilium, et non sprevit preces eorum (Psal. ci), dum ad clamorem pauperum se pietas paterna continere non potuit, sed ad eorum subsidium (licet non ad plenum) se officiosam exhibuit, et facti sunt sicut consolati (Psal. cxxv). Hoc in operibus vestris approbamus, Pater charissime, et reputatur omni modo gloriosum, et virtutum vestrarum prerogativam obtinere meretur, quod in sublevatione pauperum Regem gloriae Dominumque virtutum vestra pietas intuetur. Pro nobis igitur ipse respondeat, et vobis mercedem in futurum restituat. Cæterum, mi Pater, ad decorem domus Dei et coronam capitis vestri, ut fluminis impetus lætificet civitatem Dei (Psal. xlv), inductione fontium, plurimum desideramus. Sed quoniam in spe auxilii gratiæ vestræ illud incœpimus, quod jam cœpistis in dandis listulis magnificentius impleri rogamus.

#### EPISTOLA LXVIII (95).

*Ad omnes pro quodam commendando.*

Cum a fidelibus fiunt opera bona, quibus in melius proficiendi infirmitas hominum sumat augmentum, ne pravorum hominum in eorum perniciem malitia detestanda consurgat, diligentius est providendum. Illius igitur gratia rei, G. fratrem nostrum, latorem præsentium nostris litteris communicamus, ut ad omnium notitiam veniat, quod ad iter suum peragendum licentiæ vestræ libertate congaudeat. Quisquis igitur in via, quam ambulat, scandalum posuerit sive calumniam, malitiæ suæ debitam pœnam sustineat. Qui vero ei exhibuerit humanitatis officium, mercedem æternam a bonorum omnium retributore percipiat.

#### EPISTOLA LXIX (96).

*Othoniensi episcopo.*

Venerabili Patri et Domino Jo. (97), Dei gratia Othoniensi episcopo, frater WILLELMUS Beati Thomæ de Paracleto, minister peccator, debitam tanto Patri reverentiam et amorem.

In scribendo notam forsitan possumus præsumptionis incurere, si non adsit favor et benignitas susceptoris. Credimus, imo certi sumus, quod licet merita humilitatem nostram non provehant ad excellentiam vestræ majestatis, se tamen non continere poterit in his, quæ Dei sunt, et honor religionis expetit zelus justitiæ et afflictio pietatis. Absit, ut de vobis alia sentiamus quem et sanguinis nobilitat ratio, et virtutum commendat opinio! Noveritis igitur fugitivum nostrum in regione longinqua porcos pavisse, et ingruente panis inedia et quam asportavit a nobis male vivendo dissipata substantia ad patrem rediisse et propositi sui professionisque

(95) Lang. an. 1178.

(96) Barth. an. 1198.

(97) Joanni Jani filio. Sedebat jam 1187. Fuit ar-  
dum magister.

A factæ immemorem existere velle, si in umbraculo malitiæ suæ diutius voluerit latitare. Verumtamen novit vestra nobilitas quanta benevolentia quæ atque precum instantia dominus archiepiscopus, dum Roskildis essemus, in mensa apud vos egerit, ut si posset inveniri, idem ipse deberet ejus aspectibus præsentari. Rogamus itaque, ut tanti domini dilectionis intuitu et religionis honore et nostri gratia (si tamen apud vos alicujus momenti nos esse putatis) eum capi et domino archiepiscopo præsentari faciatis. Valete.

#### EPISTOLA LXX (98)

*Jo. (99) subpriori de Esrom.*

Amico suo charissimo Jo., subpriori de Esrom, frater WILLELMUS Beati Thomæ de Paracleto minister indignus, intimum dilectionis affectum.

Tanto securius presentia vobis offerimus, quanto de vestra religione et integritate fidei et sincera dilectione certiores existimus. Verumtamen verus amor, ut verius nositis, in necessitatibus amicorum nunquam affectum denegat postulatis. Quod quia verum sæpius esse probavimus, a vestra charitate non petimus, quod nec naturam nec morum venustatem conferre dedecet, et petentis faciem nullo unquam pudore perfundat. Sed ne vobis legendi lædium inferamus, negotium totum vobis explanandum præsentium latiori commisimus, quod devotius executioni mandari rogamus, ut verius amorem in amicorum negotiis tepidum aut invalidum non esse sciamus. Valete.

#### EPISTOLA LXXI (100).

*Ad dominum regem.*

Ut pauper ad divitem, humilis ad sublimem, servus ad dominum liberum sortiatu accessum, non est naturæ debitum sed prerogatiæ gratiæ donum. Non igitur miramur, si miramini, sed si non miramini, admiramur ita nos esse frontis atritiæ, quod regis auribus nihil aut minimum habentes in meritis veremur obstrepere. Verum, si liceat, ut veritatis assertio prodeat ad publicum, illud in adiutorium ad excusationem præsumptionis solum videmur habere remedium, quod nos in benedictionibus dulcedinis sæpius prævenit regiæ mansuetudinis blandimentum. Hoc igitur prævio, timoris amor oblitus solium gloriæ vestræ ductu securitatis aggreditur, et nos eum, utpote vestris familiarum negotiis pedetentim subsequimur cum eo supplicantes, ut ejus et nostris precibus pietatis vestræ non obturetur auditus, ne, quod absit! adversus justitiam se prævalere malitia gloriatur. Summam negotii vobis duximus breviter insinuare, ne vos tædeat pluribus immorari.

#### EPISTOLA LXXII (1).

*Ad abbatem de Esrom.*

Quoniam, Pater amantissime, precum nostra-

(98) Barth. et Lang. an. 1178

(99) Joanni forte.

(100) Barth. et Lang. an. 1194.

(1) Barth. et Lang. an. 1178.



rum instantiam, sicut credimus, justitia comitatur, A eas ad sinum vestrae clementiae emittere minime formidamus. Petitionibus igitur nostris effectum supplicamus adesse benignum quatenus, eo percepto, de tribulatione percipiamus remedium. Noveritis autem, quod benignitas nobis exhibita nullatenus benedictione caret, sed quidquid per vos beneficii nobis accreverit, nostris erit munerandum obsequiis.

## EPISTOLA LXXIII (2).

Ad dominum Ebbonem.

Licet ad excellentiam vestram merita nulla nos provebant, confidimus tamen, quod in causa nostra charitatem vestra viscera non excludant. Hoc apud omnes celebris fama divulgat, quae virtutum vestrarum ubique praeconia in odorem suavitatis enuntiat. Felix, quem in diebus malis et in tempore superhorum vitae merita non accusant, sed ore laudantium virtus accrescit et opera virtutem praedicant atque commendant. Rogamus, ut nostri gratia pauperis hujus sublevatur inopia, ut, quod de vobis praedicatur, rerum effectu verum esse probemus.

## EPISTOLA LXXIV (3).

Ad quemdam cardinalem.

Quia vestra benignitas in nostris negotiis se semper officiosam exhibuit, quin vobis scribamus, manus a scriptione se continere non potuit. In primis igitur, quia nobis gratiae vestrae favor arrisit, his etiam negotiis nostris consilium vestrum adesse rogamus, quorum executio operibus nostris, quia bona sint, testimonia perhibebit. Rogamus ut precibus vos nostris adesse non alium sentiamus, quam illam, cujus ubique praeconia praedicantur. Plura vellemus, sed lateri praesentium, quae chartulae non mandantur, plenius explananda commisimus. Flagellis multis atterimur, legibusque subjicimur tyrannicis, adeoque erit de vestra pietate debitum finem imponere postulatis. Latorem praesentium vestrae pietati commendamus, tanto confidentius, quanto de sua laudabili conversatione. . . .

(4) multipliciter sumus experti. Ad id quoque praesentia vobis offerimus, ut videlicet scriptis recentioribus validius amor exaestuaret, et si quid vel inertia sive negligentia, vobis aliquando nostris vel factis rusticitatis vel commotionis accessit, id quaesumus repararet amoris integritas, dulcedo benignitatis antiquet, experta benevolentia totum deleat et abstergat, ut ibi non dominetur iniquitas, ubi totum occupaverit sincerioris vitae suavitas. Sicut autem, oleo flammis injecto majus consurgit incendium, ita nonnunquam vires subministrat amori familiare colloquium. Proinde sicut est praetaxatum praesentia dilectioni vestrae praebito salutationis officio, legenda transmittimus, ut quan-

lus sit amor erga vos pectore nostro conceptus, presens pagina protestetur. Quae ergo de statu vestro proprio visu recolenda percepimus, et nunc relatu multorum apud vos celebris divulgata opinio, cordis nostri visceribus dulciter includuntur, dulcius pertractantur: eo certe dulcius, quo frequentius audiuntur. Intimo igitur cordis affectu manus ad Dominum protendentem incessanter rogamus, et ei humiliter supplicamus, ut vobis, indultis a Domino donis potioribus, gratia semper felicior augetur. Nostis, mi domine, quod dum successus prosperitas comitatur, timendum est, valdeque cavendum, ne mens affecta suavioribus blanditiis ad inania, quod absit! facilius prolabatur. Solet enim rerum abundantia sensus hominum atque propositum immutare, si timoris Dei rigor non inflexus rerum jactantium non elaboret excludere. Sed quod tendimus, quo hujusmodi verborum excursus? Minervam instruimus? Absit! sed bonae voluntatis desiderio praevolante, precamur ne pluribus animus suffocatus deliciis velit aliquando huic saeculo conformari. Sed in omnibus operibus vestris Dei reverentiam et timorem, sicut coepistis, continue praec oculis habeatis, et vos extendere semper in anteriora nitamini. Licet enim secundioribus fortunae muneribus amatoribus.....

## EPISTOLA LXXV (5).

Ad Joannem monachum.

Suo JOANNI, WILLELMO, assequi posse, imitari C opere, quod sortitur in nomine.

Tua vero, charissime, novit dilectio, quod ubi clamor populi tumultuantis exoritur, nec honestas in moribus, nec honestas justitiae custoditur. Quia ergo in domo vestra paci discordiam, aequitati videmus nequitiam superduci, in brevi a visceribus tuae charitatis veremur excludi. Irruuntibus vero malis magnum tuae praetendentes specimen probitatis seu innocentiae gradu permanere decreveris. Non est autem virtutis insigne praetendere, nemini velle nocere, cum te nullus impugnat, sed omnibus velle prodesse. At illud elegantissimum est in homine, et saepius cogitandum, ab hostibus impugnari, et impugnantibus laesionem nolle. cum possis, inferre. Nec amor sinceritatis est conscius, qui sola felicitate rerum arridet, sed nebula adversitatis obducitur. O fallax! O infelix et instabilis temporum cursus! O infideles hominum mentes, in quibus vel rara vel nulla fidei constantia reperitur. Sed quid dicam? nisi quod cum tempore transit amor Unus ex pluribus exclamat poeta (6):

*Dives si fueris, multos numerabis amicos;  
Tempora si fuerint nubila, solus eris.*

Absit autem ut te in eorum sorte censi velimus, in quibus nulla fidei constantia reperitur!

(2) Lang. an. 1185.

(3) Barth. an. 1197.

(4) Fragmentum forte epistolae ad cancellarium Andream Sunonis.

(5) Barth. an. 1192.

(6) Ovidius l. 1. *Trist.* VIII, v. 5; et ubi sic conclusus: *Id nec eris felix.*

## EPISTOLA LXXVI.

*Ad fratrem Stephanum monachum*

Licet in rebus nostris a quibusdam vestrum injuriam patiamur, tui tamen gratam memoriam totis visceribus dulciter amplexamur. Est enim in amore lex posita, quam qui transgreditur, etsi amicus dicitur, non tamen amare convincitur. Vis enim nosse? ubi est animarum firma connexio, haud dubium quia et ibi Spiritus sancti communio. Quod si verum est, imo, quia verum est, sic veri amatores scelerem pari junguntur, ut nulla disjunctionis detrimenta in amoris terminos irrumpere patiantur. Sic ergo necessario concludimus argumento, quod a nobis nullo disjungi poteris necessitatis aut adversitatis articulo. Bonum est igitur nos h'c esse atque suave. Cui tamen bono non communicat alienus, nec enim potest animalis, siquidem non percipit ea, quæ Dei sunt. Ut vero superiora tangamus, sic tua præsentia gratulamur, ut esse nostrum sine tuo vel nullum vel minimum reputemus. Quod igitur dissimuliter sentias nullatenus arbitramur. De similibus enim idem judicium. Cæterum olerum semina et herbarum diversarum atque radicum et arborum sarculos tuæ nobis prudentiæ providere relinquimus. In amici autem necessariis vera dilectio nunquam torporis ignaviam sentit, sed se totam officiosam exponit postulatis obsequiis. Valete.

## EPISTOLA LXXVII.

*Ad fratrem Bernardum de Vicenis (7)*

Ubi creditur amoris inesse remedium, dignum est, ut tribulatus amicus debitum experiatu compassionis. Inde est, quod ad præsidium vestræ dilectionis confidenter confugimus, qui pro defensione justitiæ tribulationum angustias sustinemus. Licet autem arctæ custodiæ vinculis obligati fuerimus, amor tamen inter nos libere militans non fuit, sicut nec debuit, alligatus. Itaque repulsæ nescius impatiensque moræ ad vestros volat festinus aspectus, ut quantus citi inter nos probetur affectus. Confidimus, imo certi sumus, quod a nobis emissus, a vobis jucundioribus excipietur amplexibus, et ea, quibus innotuit, quibusque, mediante justitiâ, famulatur, sanctitatis vestræ beata merita prosequantur. Absit enim, ut necessitatis tempore amor a charitatis visceribus excludatur, qui de gratiæ vestræ plenitudine glorietur! Nostis, domine, quod et nos vobiscum agnovimus, in matrimonio contrahendo inter regem et reginam, quam pravo et miserabili consilio dimisisse probatur, plurimum nos laboris et sollicitudinis expendisse, quod nobis eccis-et ad gloriam, si non adversus justitiam confisisset prævaluisse malitiam. Confidenter autem malitiam nominamus, per quam ecclesiastica sacramenta læduntur, et exemplum populo similia attendandi conferetur. Heu quis de tali facto non doleat? quis non ingemiscat? quis non defleat felicia regis

(7) Forte circa 1194, Barth. an. 1195. Hæc epistola forte debet esse septima hujus libri secundi juxta annotationem scriptam J. Grammii.

A primordia in insaniam esse mutata? Etsi necesse est juxta Domini vocem, ut veniant scandala (Matth. xviii), non tamen est dulce neque suave sed in amaritudine tolerantur exorta. Proinde a domino et illustri rege Danorum ad apostolicam sedem sumus emissi, (qui nos et diligit et veneratur in Domino) ut nostro relatu innotesceret summo pontifici regis actio minus idonea et sacris legibus exhorrenda. Idem igitur pontifex, ultra quam dici possit, ira et admiratione permotus, et prædicti regis Danorum precibus inclinatus, domino regi scribere dignum duxit, quem paterne et satis humiliter exhortatur, ut reginam revocet ad gratiam suam, et ei ut deceat, affectum exhibeat maritalem. Supplicamus igitur et nos, ut quia rex idem consiliis vestris innotuit ad idem opus complendum vestræ partes accedant; ut malis actionibus jucundiora et meliora munere divino succelant.

## EPISTOLA LXXVIII (3).

*Ad quendam infirmum.*

Quoniam, ut beatus dicit Gregorius (9), minus feriant jacula, quæ prævidentur: licet multis tribulationum aculeis coarctemur, nunquam tamen de Dei misericordia desperare debemus. Humana itaque providentia sic debet consulere suæ virtutis potentiam, ut fidei Christianæ semper obineat firmitatem. Virtus siquidem fidei citius exarescit, nisi semper agatur operibus bonis et sacris profectus institutis. Dicit enim apostolus: *Fides sine operibus mortua est (Jac. 2)*. Dum igitur tempus habemus, ut dicit Apostolus, *bonum operemur ad omnes (Gal. vi)*. Noveris autem quod ad nos usque pervenerit relatione multorum, te tantam suscepisse molestiam, ut nulla te ratio valeat ad aliud inclinare, ut vel saltem ad modicum valeas percipere de tribulatione salutare remedium. Hæc autem in Christiano nec admittit ratio, nec ullo debet fulciri præsidio, cum eum magis debeant cœlestia confitari, quam terrenis debeat inhiare profectibus et mundialibus illecebris delectari. Verum si præmissa diligenter attenderes, ut videlicet mala venientia prævideres, tecum mitius ageretur, nec cor tuum in tantam demerentiam verteretur. Resume, quaesumus, iterum post tot tribulationum aculeos Christiani pectoris vires, ne funditus barathrum desperationis incurras et *fiant novissima tua pejora prioribus (Luc. 21)*. Si multa amisisti, gratias age quod eis carcas, quibus habitis multum tibi oneris incumberat, et sensum tuum totum declinabas in terram, et cœlestibus intendere contemnebas. Hæc tibi, charissime, amoris causa prælibare curavimus, quatenus in nobis amorem erga te conceptum agnosceres non teporem, et amoris monitis suspenderemus a dolore. Si nos audieris, non inutiliter nos laborasse cognosces, si non et hic doloribus frustra contabesces, et mortis, quod absit! æternæ dispendia non evades.

(8) Barth. an. 1190.

(9) Non possum invenire hunc locum.

## EPISTOLA LXXIX (10).

*Ad dominum papam in persona regis Danorum.*

Reverendissimo Patri et domino Cœlestino Dei gratia summo pontifici, Kanutus rex Danorum sic Ecclesiam sibi commissam, justitia mediante, disponere, ut ab auctore omnium valeat æternam retributionem recipere.

De his, quæ de gloria vestra celebris divulgat opinio, Pater amantissime, quanto piæ devotionis delectamur affectu, nec litterarum apicibus, nec exprimere valemus nostri sermonis excursu : quis enim non gratanter accipiat, paternitatem vestram regibus atque principibus præsidere, apud quam, ut aiunt, se locum conqueritur malitia non habere, justitiam vero tribulationum oppressionibus non desse. Ex hoc, Pater, in amplius gloriæ vestræ splendor accrescet, ut de sacris actibus vestris celebris opinio divulgata per orbem suavitate odorem ubique diffundat. Si sic ludat in rebus humanis divina providentia, ut in diebus nostris malitiæ virtus exervata succumbat, justitiæ zelus emergat et judicis faciendis non desit veritas enormia redigens in mensuram. Nostis, Pater (scienti enim loquimur), patrem nostrum quoad viveret, vestris amicitii innotatum fuisse, qui vestris studiis regnum nostrum super augmentum honoris et gloriæ suscepisse confidimus, et nos non disparibus studiis regnum nostrum a vestra pietate foveri, nec aliquo rerum eventu a visceribus vestræ paternitatis excludi. Ceterum ad vestram non dubitamus pervenisse nesciam, regem Francorum Philippum sibi in conjugium nostram expetisse sororem, et ei secunda Dei legem et institutionem ecclesiasticam fuisse conjunctam, et regali diademate coronatam, dote disposita, et multorum fide et sacramentis firmata. Verum, quoniam inimicus bonis operibus insidiatur, ut pereant, surrexerunt quidam veritatis inimici, qui dicerent inter illam, quæ præcessit reginam et nostram sororem affinitatis lineam interesse, et super hoc execranda sacramenta dedisse. Videant illi, qui legerint, nos in periculum animæ nostræ et nobiscum tota Danorum Ecclesia protestatur, illos incaute jurasse, ut vobis patebit, inspecto præsentem instrumento. Explicamus igitur, ut super hoc factum sollicitudo vestræ paternitatis invigilet, et quod se nequiter egisse falsitas gloriatur, veritatis et justitiæ mediante judicio reprobetur, et in irritum deducatur : ne vobis in opprobrium, et Ecclesiæ, quæ sine macula constat et ruga (Ephes. v), tale quid veniat in exemplum. Vestris, Pater, meritis et laudibus ascribetur, si tam detestandum scelus de medio propulsetur.

## EPISTOLA LXXX.

*In persona domini Lundensis (11).*

Se.les apostolica, quanto longius a nobis semota videtur, tanto frequentius, irruentibus malis, multis

(10) Barth. an. 1191.

(11) Multos annos post 1177; Barth. an. 1199.

(12) Non exstat in iudiculis.

A afflictis injuriis, sanctissime Pater, consilium et auxilium a vestra gratia expetere perurgemur. Experia siquidem gratia præteritorum confert nobis fiduciam futurorum. Notitiam itaque, Pater, vestram credimus, imo scimus non excessisse a prædecessoribus vestris et gratia vestra donatos honore in privilegiis sedis apostolicæ in regno Daciæ atque Sueciæ, et Ecclesiam nostram ab antiquo ejusdem Sueciæ primatiam obtinere. Verum, quia populus illius regni minus est obsequiis divinis subjectus, nobis honor debitus vix aut nunquam impenditur. Inde est quod archiepiscopus et ipsius suffraganei convenire negligunt, et nonnunquam edictis regalibus se detineri in excusationem ad nostram citationem prætendunt. Si qua igitur ibi aliquando fuerit corrigenda, noverit sanctitas vestra quod omnia permanent impunita, cum et nobis ea denegatur corrigendi libertas. Paternitatem itaque vestram super hoc dignum duximus consulendam, rogantes, ut, ab hoc quod citationes nostras devitant, severitatis apostolicæ rigorem sentiant, ne tale quid ulterius attentare præsumant.

## EPISTOLA LXXXI (12)

*Ad abbatem Sanctæ Genovefæ (13).*

Licet non ferreis sed arctæ custodiæ vinculis detenti fuerimus, non tamen, Domino juvante, destituitur, quia pro justitia fortiter decertamus, non solum alligari parati, sed amore justitiæ gladiis colla submittere. Novimus enim qui dixerit : *Beati, qui persecutionem patiuntur propter justitiam (Matth. v)*. Quæ sit causa patiendi, non imprimi litteris dignum duximus, quia legem divinam eam mentibus vestris impressisse non ambigimus. Unde est, quod vestris precibus est obtinendum a Domino, ut videlicet regiæ celsitudinis adjectam justitiam, a cuius tramite pravorum hominum consiliis turpiter deviauit, duritiam emolliat; vel Romanæ Ecclesiæ, quod necdum fecit, nec volumus fieri, ut decet, justitiæ rigor emineat, ut sciat omnis populus esse sacerdotem in Israel ad faciendum judicium et justitiam in terra. Nec notitiam vestram aliud volumus sapere, quam si gladiis persecutionum subdamur, non tamen deerunt, qui condoleant super contritionem Joseph, qui genua sua non incurvabunt ante Baal, nec cessabunt, nec fatigabuntur ire et redire ad summum pontificem, ut eum sollicitent ut præcidatur de medio consilium Achitofel et regnet domus David in Jerusalem.

## EPISTOLA LXXXII (14)

*Ad abbatem Sanctæ Genovefæ.*

Auribus nostris, Pater amantissime, celebris fama nuper insonuit, quod videlicet pastor omnium super familiam suam vos pastorem instituit. Felix illa dies et omni gaudio recolenda, qua lumen quod latebat in tenebris, ut omnibus qui in domo sunt luceat, Dominus super candelabrum exaltavit, ut

(13) Barth. an. 1191.

(14) Barth. an. 1195.

ordini rigor accedat et moribus disciplina. A Domino factum est istud, et est mirabile, imo suave atque laudabile, in oculis nostris (Psal. cxvii). In hoc etiam virginis nostræ virtus innotuit, ut quem nulla morum deformitas decolorat, suæ familiæ præsideret, et ut domino Stephano felicitis memoriæ viro (15) et omni laude recolendo legitimus hæres, Domino disponente, succederet, qui vitiis imperaret et conversatione laudabili virtutes virtutibus cumularet. Hoc, inquam, obtinuit puritas virginalis, ut moribus et melioribus imo nobilioribus institutis ecclesia sua virtutum studiis cæteris ecclesiis præmineret, et errantibus gressibus dissipatis, minusque religiose degentibus, normam de cætero honestius conversandi præfigeret. Hoc est, mi Pater et domine, quod de vobis desideramus audire, ut enormia in mensuram vestris studiis redigantur: ut divinis aspectibus nihil occurrat, per quod gloriæ Dominus offendatur. Non minimum est, Pater, onus, cui suppōsuistis humeros, quia, ut beatus dicit Gregorius (16): «Ars artium est regimen animarum.» Qui autem animabus curandis medici gerere debet officium, et in manibus cauterium habere debet et unctum, ut videlicet et pungat, et urat et ungat dissolutos. Paternæ tamen digna increpatione percillant dulcedinis præveniri, quoniam dies mali sunt. Quod si quis invenitur, cui talis gratia conferatur, ut melius nostis, non naturæ famulatur hoc donum sed gratiæ, quam non homo vel angelus inspirat, sed gra-

tiarum distributor Deus et omnium benedictionum infusor. Quod autem apud vos alicujus credimur esse momenti, ille vobis retribuatur gratiam pro gratia, qui omnibus abundanter tribuit, et nulli improperat. Nos vero, si se vel locus aut tempus offerret, nostris esset numerandum obsequiis, quidquid auditu percepimus in nostra dilectione vestro favore et affectu paterno transfusum amoris et gratiæ. Cæterum, mi Pater, nobis vestris litteris significastis filium Henrici sex oras argenti pro patris hæreditate, quam possidet, nobis transmittere velle, nec erga nos eum in pluribus obligari. Rogamus igitur paternam sollicitudinem vestram, ut, quod confitetur, per latorem præsentium fratribus nostris transmittatur. Vivat et valeat sanctitas vestra in Christo Jesu.

Post epistolam LXXXII exstat in Apographo Magnæano I fragmentum sequens epistolæ «Ad nominum Canutum regem Danorum.

Illustri regi Danorum CANUTO, Dei gratia regi Danorum, WILHELMUS servus servorum Christi in Paracletio, ita terreni regni dispensare administrationem, ut coronam mereatur percipere sempiternam.

Ut auditorio regalis excellentiæ præsentia conferamus, charitatis debito perurgemur, et charissimi nostri, imo vestri potius latoris præsentium H. nos impellit abcessus.

(15) Stephanus mortuus non erat, sed episcopus Tornacensis factus.

(16) Vide supra

## GENEALOGIA REGUM DANORUM.

(Script. Rer. Dan., VI, 154.)

### MONITUM.

Genuino hoc et simplici titulo libellum nomino, quem Henricus Ernstius, qui eundem olim an. 1646 Boræ in-8° edidit, ita inscripsit: *Regum aliquot Daniæ Genealogia et Series Anonymi*. Hanc editionem verbotenus iteratam, resecata solum epistola nuncupatoria, Reliquiis suis *Manuscriptorum*, tom. IX, p. 591-650, illustr. Ludewigius inseruit. Non solum in prima libri facie Ernstius indicat, unde vetus hoc scriptum nactus fuerit, scil. *ex veteri codice ms. Chronici cujusdam Ecclesiæ Laudunensis, quod desinit in anno Christi 1218*, verum etiam, in præmissa epistola, clarissimi viri Andræ du Chesne, regis Galliæ geographi, benevolæ concessionem idem acceptum refert, talem simul, quid de scriptore anonymo sentiat, rationem reddens: *De Auctore licet mihi nihil constet, suspicor tamen, propter controversiam, quæ Canuto VI, Waldemari I filio, fuit cum Philippo Augusto Gallorum rege, de matrimonio, quod Philippus cum Canuti sorore Ingeborga inierat, solvendo, hunc libellum ab eo fuisse conscriptum. Hoc enim agere videtur Anonymus, ut in Canuti sororis Ingeborgæ originem inquirat, quæ causa fuit, quod in serie hac regum Daniæ Magnum Olai Norvagiæ regis filium, et alios Daniæ reges, ne quidem nominaverit, Canutum vero ducem, Ingeborgæ avum, regum catalogo inseruerit. Quam multa autem hic auctor in Historia nostra ignoravit, quamque a vero sæpe secesserit, suo loco in notis indicatum est. Hactenus Ernstius, qui recte suspicatur, libellum propter controversiam de matrimonio Philippum inter et Ingeburgem exortam fuisse conscriptum. Hinc constat, eundem potius *Deductionis Genealogicæ*, quam *Serie regum*, titulum meruisse. Quod si autem Ernstius Hvitfeldium modo attentius legisset, auctorem quoque facile scire potuisset; illustris enim ille historicus, de re optime instructus, narrat nobis, Canutum regem, eam ob controversiam, Romam et in Galliam misisse Andream Sunonis cancellarium suum et Willielmum abbatem Kbelholtensem, horumque posteriorem conscripsisse Libellum *de vera Ingeburgis Genealogia*, falsæ illi et ineptæ a Gallis de consanguinitate Philippi et Ingeburgis Ungarica et Flandrica contextæ Genealo-*

giæ (17) oppositum. Cujus libelli contra Hvítfeldius, p. 160, 161, recenset, cum his, quæ libellus ab Ernstio editus narrat, exacte convenientia. Unde necum quisque non potest non concludere libellum, quem edidit Ernstius, eundem esse, quem ad deducendam et probandam *veram Ingeburgis Genealogiam S. Wilhelmi conscripsit*. Detecto jam, de quo nullus ambigo, auctore, probabile videtur, exemplar illud, quod in Chronico Laudunensi habetur, authentico ipsius Wilhelmi scripto, quod serum in Galliam tulit, originem habere; vitia autem et interpolationes, quibus item scatet, exscriptorum culpa irrepsisse credo. Præter illud exemplar, quod in codice Laudunensi conservatum fuit et ab Ernstio editum, aliud quoque in patria nostra usque ad funestum, quod an. 1728 evenit, urbis metropolitanae incendium superavit, in codice nempe membranaceo bibliothecæ Universitatis Hafniensis, et quidem in eodem volumine cum Adami Historia archiepiscoporum Hamburgensium, S. lini Polyhistoræ, *Imagine Mundi*, etc. Licet jam colex una cum reliquo librærum et manuscriptorum thesauro furore ignis perierit, exscriptum tamen *Libelli S. Wilhelmi* servavit cura ac providentia Arnæ Magnæi, cujus manu propria ante incendium scriptum exemplum mihi in manus incidit. Id. n., utpote in aliquibus perfectus, in aliis emendatus, in paucis brevius, quam illud ab Ernstio editum, cum prologo suo primigenio, in exemplo Laudunensi desiderato, est, quod hic exhibeo, retento tamen simul et ad latus sinistrum litteris cursivisposito textu editionis Ernstii, ut eo melius, instituta collatione, utriusque valor maneat. In editione Ernastiana capitulum distinctiones et annorum numeri recentioris ævi et forte ab ipso editore additi esse videntur. Ex notis Ernstii, qui sapius de re nihili, aut de nomine male lecto, aut de loco librarii iuscitia corrupto, commentatur, plurima omisi, meis, ubicunque opus fuerit, adnotatiunculis substitutis.

(17) De falsa hac a nonnullis episcopis et militibus Galliæ conficta et jurata Genealogia, vid. Grammii Not. in Meurs., p. 363, 364.

## GENEALOGIA REGUM DANORUM.

In isto *Catalogo regum Danorum*, operæ pretium existimavimus, secundum fidem historiarum et memoriam hominum, qui adhuc superstites sunt, diligenter annotare, de quam antiqua regum propagine hæc domina Francorum regina, Ingeburgis nomine, carnis originem traxit; ut oculata fide quilibet videns et legens, perpendere potest, quod nullam consanguinitatis lineam cum Flandrensibus habuerit. Nec putantum est, Haraldum istum, qui in ordine hujus Genealogiæ primus positus est, primum fuisse regem Danorum; sed in præsentis negotio necessum non fuit, plures retexere. Multi enim ante ipsum fuerunt, de quibus paucos enumerabimus. Primus rex Danorum vocatus est Danus; unde Dani nomen acceperunt. Postea Gorm, Frothe, Gothorm, Frothe, Sven, Cuthlacus (18), Eskillus (19), Warmundus, Godefridus, Hemmingus. Prædictus Eskillus cum Arturo rege Britonum pugnavit contra Romanos.

### TEXTUS CODICIS HAFNIENSIS.

A

Iste HARALDUS, cognomento *Blatan*, id est *dens lividus* vel *niger*, paganus fuit, sed tamen postea baptizatus, non in fide permansit, sed apostatavit (20). Pro quo regno expulsus (21), ad Sclavos, tunc paganus ritibus, deditus, confugit, et regnum Danorum crebris incursibus infestavit; sed non prævaluit.

### TEXTUS EDITIONIS ERNSTII.

#### CAP. I. An. Christi DCCCXXXI.

HARALDUS, hic cognomento *Blachtent*, id est *dens lividus* vel *niger*, qui (22) *quartus post Guermundum ex pagano Christianus est effectus; sed apostatavit. Qua ex re regno pulsus, ad Slavos, tunc paganos, confugit, et crebris incursibus regnum Danorum infestavit; sed non prævaluit.*

(18) Auctor dubio-procul regem illum Danorum respicit, qui circa an. 515 Galliam invasit, cujusque nomen apud nonnullos Gallorum scriptores monstruose scribitur *Clochilaicus*, *Clochilaicus*, rectius a Gregorio Turonensi *Gothilaicus*, vid. Grammii Meurs. p. 87; Hvítfeld p. 16. Idem forte rex fuit, quem Saxo p. 66 *Huglethum*, melius autem *Annales nostri veteres Huglekær, Huhleker, Huhlek, Huhlek*, vocant, vid. *Script. Rer. Dan.* t. 1, p. 15, 19, 21, 27, 32.

(19) Inter vetustissimos Danorum reges, sive veros sive fictos, a Saxone et in *Annalibus nostris* recensitos, nullum Eskillum alibi, quam hic, nominatum me invenisse memini. Hunc autem S. Wilhelmus a Galfrido Monumentensi, veteri scriptore Anglo, mutuatus est; ille enim *Hist. Reg. Brit.* l. x, c. 6, 9, et l. xi, c. 2, mentionem facit *Aschillii regis Daciæ sive Aschil regis Dacorum*, qui sæculo

sexto inelyto Britanniae regi Arturo contra Romanos militavit.

(20) Ex iis, quæ de Haraldo et filio ejus Suenone auctor noster narrat, patrem cum filio confundere videtur; de Haraldo enim asseritur, illum Christianitatem usque in finem constanter retinuisse, Suenonem autem Deo rebellem magnam Christianorum persecutionem in Dania exercuisse, teste Adamo Bremensi l. ii, c. 15, 21. Hujus interim de Haraldo assertionis factorem S. Wilhelmus habuit coævum sibi historicum nostrum Suenonem Aggonis, a quo seductum illum conficio. Vid. *Scriptor. Rer. Dan.* tom. I, p. 52.

(21) Veras causas expulsionis e regno prodit Saxo ed. Steph. p. 185. Conf. Sueno Aggonis l. c. p. 51, et Encom. Emmæ in *Script. Norm.* p. 164.

(22) *Qui quartus post*, etc. Hæc in exemplo Hafniensi non exstant.

## TEXTUS CODICIS HARNIENSIS.

*De Suenone Barba Furcata, rege Danorum.*

Iste Sueno, cognomento *Furcata Barba* (25), filius Haraldii, filium Christianam cum populo suo suscepit, et in ea fideliter perseveravit (25). Ille quoque Angliam invasit, et bellorum crebris incursum attrivit; sed non usquequaque perdomuit.

*De Kanuto Magno filio Suenonis regis.*

Iste KANUTUS (26), cognomento *Magnus* (27), filius Suenonis, Angliam, patre defuncto, usquequaque perdomuit et sibi subiecit. Cujus magnificentia atque virtus tanta fuit, ut trium regnorum (28) monarchiam teneret: Angliæ videlicet, Daciæ, et Norvegiæ. Roanos (29) quoque, Pomeranos (30),

(25) Maiores nostri eum cognominarunt *Tiugoscegg* aut *Tiuguskegg*, vid. Snorr. Sturl., t. I. p. 243. Knyttl. Saga p. 6. Quod cognomen alii Latine verterunt *Admorsæ Barba*.

(24) Exscriptor exempli Laudunensis male *Suevo* legit pro *Sveno*. Nostri lingua patria regem hunc *Soen* et *Svein* appellarunt. In nummis suis Runicis *Suen*, sed ab Encomiaste Emmae *Svein* et *Sveinus*, ab Adamo *Svein* et *Svenotto*, a Sixone et Suenone Agg. *Sveno*, a Snorrone et Islandis *Svein* et *Sveirin* scribitur. Apud nonnullos Anglorum veterum scriptores *Swin* et *Swann* legitur.

(25) Lege notam præcedentem (20).

(26) De nomine *Kanutus*, *Canutus*, *Cnuto*, a Danico *Knude* scilicet nodo, orto, lege, quæ disserit Perill. Suhmius *Forbedr. til D. og. N. Hist.* p. 1. In nummis Kanuti M. regis, quorum ipse aliquot possideo, nomen ejus *Cnut* legitur, in chartis autem ejus promiscue *Knut*, *Cnut*, *Chnut*, *Knuth*, *Cnud*, *Cnudas*, *Cnutus*, *Cute*, *Cnuto*, et *Knuto*. Latinantes propter euphoniā litteram a nomini inseruerunt, ut scribatur *Kanutus* sive *Canutus*.

(27) Ostendit hic noster sæculi XII auctor, *Canutum* etiam antiquis temporibus *Magnum* cognominatum esse, etsi ab aliis vetustis scriptoribus aliis quoque cognominibus salutatus s. t., vid. *Script. Rer. Dan.* t. I. p. 54.

(28) Recte noster, *Canutum* trium regnorum monarchiam tenuisse asserit, Angliæ scilicet, Daciæ, et Norvegiæ. In hoc numero cum Adamo Bremensi l. II, cap. 47, pulchre convenit, qui Knut regem potentia trium regnorum barbaris gentibus valde terribilem asserit. De tribus illis Canuto subjectis regni cecinit poeta cœvus Halvardus ap. Snorr. Sturl. t. I. p. 715. Plura regna eum debellasse et occupasse certum est, nempe Scotiam, Sueciæque partem, de quibus noster inscius fuit, Senniam, et Slavorum provincias. Hinc illum Saxo Gramm. haud adeo inepte sex præpollentium regnorum possessorem salutat. Fabulatur diserte Sueno Aggonis, qui imperium Canuti ad Hibernos, Gallos, Italos, Longobardos, Teotonos, imo ad Thylyenses et Græcos usque, dilatavit, quibus in *Legibus Castrensibus* Finlandos addidit.

(29) Editio Sorana corrupte legit *Bojanos*, de qua incognita gente incassum et haud feliciter Ernstus commentatur. Si vero, secundum nostrum exemplar, *Roanos*, vel ex testamento Absalonis *Rojanos*, recte legamus, agnoscimus, *Rugianos* fuisse inter illos Slavorum populos, quos Canutus Magnus anno 1019 perdomuit. Et incertum, an *Rugiani* tempore Haraldii Blaatand, et forte ante, Danis tributarii fuerint. *Rugiam* insulam nostri olim *Roo* et *Ro* appellarunt, unde incolæ *Roani*, Adamo ed. Lind., p. 19, 59. *Rhuni*, *Rani* et *Runi*, Helmolto ed. Bang., p. 6, 21. *Rani* vel *Rugiani*, sive ut habet codex meus vet. *Rutani*, Islandis *Ranger*, nostris *Robo*, dicti sunt. Hinc manifestæ sunt causæ, quæ non solum Ericum Eiegod, qui Skjalmoni Candido vectigalis a se facte Rugiæ procuracionem decessit, Saxo p. 227; et Eric-

## TEXTUS EDITIONIS ERN TH.

## CAP. II. AR. CH. DCCCCLXXXI.

SVEVO (24), iste cognomento *Furcata Barba*, fidem Christianam cum omni populo suo suscepit, et fideliter perseveravit. Angliam invasit, et crebris bellorum incursum attrivit. Sed usquequaque non perdomuit.

## CAP. III. AR. CH. MXV.

KANUTUS, iste cognomento *Magnus*, patre defuncto, Angliam ex integro subjugavit: cujus pietas, et magnificentia tanta exstitit, ut trium regnorum monarchiam teneret: Angliæ scilicet, Daciæ et Norvegiæ. Bojanos quoque, Pomeranos, Slavos, Sarios, Her-

cum Emund Saxo p. 248. Knyttl. Sag. p. 202, sed et Wallemarum l aliosque Danorum reges, ad bellum Rugianis, præter alios Slavos, toties inferendum moverunt, quod scilicet a Danorum veteri dominio sæpius defecissent. Tempore regis Nicolai inter an. 1120 et 1130 quando Otto episcopus Bambergensis officio apostoli ad Pomeranos fungebatur, nexum inter Daciæ regnum et Rugiam viguisse, ex eo apparet, quod non solum Rugiani episcopo narrent, se Danorum archiepiscopo subjectos esse debere, sed neque Otto prædicare Rugianis sustinuerit, nisi obtento archiepiscopi Danorum consensu, archiepiscopus autem hunc dare non poterit, nisi prius Danorum principibus et magnatibus consultis, vid. *Ottonis Banb. Vitam ap. Canis.*, t. III, p. II. p. 88, 89.

(30) Præter *Rugianos*, plures Slavorum et Pomeranorum populos vicisse *Canutum Magnum* et noster docet, et ex aliis circumstantiis elucet. Quod inimum provinciam et civitatem Jumiensem sive Jomsburgensem, ab avo ejus Haraldio conquistam et a patre Suenone defensam, suo jure vindicaverit, ex eo clarum est quod filium suum Suenonem, postea regem Norvegiæ, Jomsburgo et terris suis Vindlandicis præfecerat, quod diserte testatur Snorro Sturl. t. I, p. 811. Hinc etiam est quod Slavia sive *Polus* ea pars Slaviæ inter eas regiones numeratur, quæ imperio Hardecnuti filii Canuti M. subjacebant, *Chron. Erici* supra tom. I, p. 159. De Jomsburgo et ditione Jumiensi, lege quæ supra monui *Script. Rer. Dan.* t. I, p. 51, sq. Julinum voluit Saxo et omnes Adamo Brem. corruptæ editiones, sed ex mea opinione minus recte. Marcus Skeggus, poeta Erico Bono cœvus, qui hujus regis gesta carmine cecinit, et ex eo auctor Knyttlinga Sagæ, postulata regum Daciæ, quæ de terris Slavicis moverunt, justa et antiqua vocant, et a rege Suenone Tugskæg derivata, sed ab Erico, qui antea a patre Suenone et fratre Canuto sancto prorex ibi constitutus fuerat, strenue vindicata, vid. Knyttl. Saga, p. 150, 152, 154 et p. 156, ita: « Konungr lagdi a þa stor legiöld, oc taldi þat arftekna eign sin, er Dama Konungar höfdu at i Vindlandi, sidan SVEIN Konungr Tuguskegg lagdi umdir sik. Sva segir Marcus; » scilicet rex gravem eis multam imposuit et avitam hæreditariamque possessionem nuncupavit regnum, quod Daciæ reges in Vandatia tenebant, ab eo usque tempore, quo rex Sueno *Furcata Barba* ditioni suæ idem subjecerat. Marcus hunc in modum rem explicat:

Eiríkr val mæl uppreit harri,  
Undan flydu vindr af stöndu.  
Góllf leiktu þa grummir höldar,  
Gunnar urdu sigri nummir.  
Yngvi taldi erfdir pangad.  
Alþýja vard stíll hlyda.  
Velidi red þvi astvinn alldar,  
Einar la þat fyrr und Sveini.  
Ericus insigni pottebatur victoria,  
Terga protinus dedere Vandali.

## TEXTUS CODICIS WAFNIENSIS.

Slavos, Herminos (31), et Samos (32), omnes paganis ritibus deditos, sibi fecit tributarios. Hujus quoque filiam imperator (33) Romanorum matrimonio sibi copulavit.

*De Kanuto Duro, filio Kanuti Magni.*

Iste Kanutus, filius prioris Canuti, cognomento Durus (34), regnum Angliæ cessit fratri suo: ipse contentus regno Daciæ et Norvegiæ. Hic brevi tem-

*Pœnas tunc luebant crudeles viri,  
Victoria frustrati.*

*Ditionem rex hæreditario jure sibi vindicavit.  
Plebs regi cogebatur obtemperare.*

*Regnum istud antea ipse rexerat, populo dilectus,*

*Quippe quod olim parcerat Suenoni.*

• Eptir petta setti FIRIKR Konungr menn til Landgerðin a Vindlandi, oc heildu peir Riki pat undir FIRIKR Konung, scilicet: Inde Ericus, dispositis per totam Vandaliam præsiidiis, quæ regnum istud in fide atque obedientia erga se continerent, ad naves suas se confert. Post Canutos jura sua in Slavos, quos Vindos aut Vandalos alii vocant, viriliter propugnarunt potentissimi Danorum reges, Magnus Bonus, Sueno Estritius, Canutus Sanctus, Ericus Bonus, Nicolaus, Ericus Emund, Waldemarus I, et Canutus VI. Vid. Saxo Gramm. p. 204, 225, 236, et deinde sæpius, Snorro Sturl., t. II, p. 30, 31. Knytl. Saga, præter loca citata, p. 56, 42, 86, 142, 146, 202; et passim in historia Waldemari I et Canuti VI. Ne dicam de irritis in Slavos expeditionibus Erici Lam et Suenonis Grathe, qui non solum Rugiæ, sed et toti Slaviæ bellum crebrius quam prosperius iuferebat. Saxo Gram. p. 253, 254, 258, 268.

(31) Quam gentem per *Herminos* intellexerit Wilhelmus abbas, incertum est. Vix ad vetustum Germaniæ Cimbris et Teutonibus vicinum populum, quem Plinius *Hermiones*, Tacitus *Hermionones* appellat, respexit, sed potius *Herulos*, quos gentem forte Slavicam putavit, aut Prussos voluit, siquidem eos inter Slavos et Samos nominat.

(32) Per *Samos*, quos editio Ernestii male *Savios* legit, intelliguntur ii qui alias *Sembi* vocantur, regio autem, quam incolunt, *Sambia*, *Samlandia* dicitur. In Dipl. anni 1253 *Zambia*, et 1258 *Sambia*, Adamo ed. Lind. p. 19, 58, 59, *Semland* et *Sembi*. Saxoni *Sambia*, *Sembi*, *Sembici*. Knytl. Saga *Samland*. Etiam hodie districtus *Samlandensis* dicitur ea pars regni Borussiae, in qua metropolis Königsberga sita est. Num vero *Semborum* gens ratione etymi cum Taciti *Semnonibus* aliquid commune habeat, aliis indagandum relinquo. Mihi satis est dixisse majoribus nostris cum *Sembi* multa interessisse negotia. Missis vetustissimis et obscurioribus Historiæ nostræ relationibus, invenies magnum regem Haraldum Blaaland filium suum Haquinum misisse debellatum *Sembos*, ejus expeditionis eventum Saxo p. 184 ita describit: « *Potius Sambia Dani, necatis maribus, feminas sibi nubere coegerunt, rescissaque domesticorum matrimoniorum fide, externis avidius inhaerentes, suam cum hoste fortunam communi nuptiarum vinculo partiti sunt. Nec immerito Sembi sanguinis sui contextum a Danicæ gentis familia numerant; adeo enim captivarum amor victorum animos cepit, ut, omnia redeundi cupiditate barbariem pro patria colerent, alienis quam suis conjugii propiores.* » Non ideo mirum illud ab Avo in *Sembiam* acquisitum jus, causa data, vindicare voluisse Canutum Magnum; nam *Sambia*, ut Saxo p. 192 narrat, ab Haquino oppressa, absumpto eo, rebelles Danis manus exercuit. An vero eodem anno 1019, quo Slavos, etiam *Sembos* vicerit, non satis constat. Saxo p. 192 Canutum, antequam Angliam aggressus fuerit, Slaviam et *Sembiam* debellasse haud absone putat, et si conjicere licet, tale quid aut in ætate anni 1014,

## A

## TEXTUS EDITIONIS ERNSTII.

minos, omnes paganis ritibus deditos subjugavit. Filiam vero suam Romanorum imperatori copulavit.

## CAP. IV. AN. CH. MXXXVII.

KANUTUS, iste filius superioris, cognomento Durus, Dacia et Norwagia contentus Angliam fratri suo

aut in vere anni 1015 contigerit, in eadem Slavica expeditione, qua ambo reges Canutus et Haraldus fratres matrem suam reduxerunt, Encom. Ennæ, p. 167. Quidquid sit, *Sambiam* inter regiones a Canuto M. subactas Sueno Aggonis, supra tom. I, p. 54, recenset. Huc pertinere potest, quod *Chronicon* Erici ibid., p. 159, tradit, Canutum scil. Estonicam etiam gentem subdidisse, conf. *Chron. Petr. Olai* ibid., p. 117, per *Estios* enim, *Estos*, *Hæstos*, *Aistos*, *Eostos*, *Agistos*, apud veteres, Tacitus, Cassiodorum, Jornandem, Eginhardum, Wulfstanum et Chron. Divion. significari eos populos qui oras Prussicas et Livonicas olim incolebant, notissimum est. Et inter titulos, quibus Canutus in legibus suis castrensibus, quas Danico vetri idiomate Resenius edidit p. 538, salutatur, occurrit et *Konung i Semland*, *Sembia* rex [pro *Sembia* ap. Suen. Aggonis in edit. Stephan. p. 148, male *Finlandia* legitur, et *Smalandia*, quod apud Resen. p. 546 legitur, est error typographicus, ad quem locum Resenium p. 579 miror inter alia sic commentari: « *Livonia dividitur in 4 populos, Estios, Lettios, Curlandos et Semigallos.* Horum ultimos, ut nomina emolliret Saxo, *Curetes* vocavit et *Sembos*, aulacissima confidentia, quam sibi in scriptis perpetuo indulsit; *Semborum* enim nomen extra hunc auctorem vix temere reperies. » Sed postea Resenius p. 724 meliora edoctus, *Sembiam* esse Prussiam agnoscit. Cum igitur *Sembia*, sub Haraldo et Canuto, Danorum armis conquisita fuerit, comprehensibile sit, cur posterioribus sæculis potentissimi reges, Sueno Estritius per filium Canutum, et ipse Canutus Sanctus rex factus, uno Waldemaro II, *Sembiam* sive *Semlandiam* bellis aggressi fuerint, de ultimo vid. *Chron. Erici Script. rer. Dan. t. I, p. 165; Annal. Esrom. ibid. p. 343; Annal. Wisb. ibid., p. 254.* De Canuto, quem Sueno pater emiserat. Saxo p. 212 prædicat, quod *Sembicis atque Esthonicis illustrem trophæis adolescentiam egerit, et postea p. 214 de eodem sub imperio fratris Haraldii, quod bellum adversus Orientales, viente patre, captum enixe prosecutus fuerit, et paulo infra, quod orientale bellum, quod in adolescentia orsus, in exsilio auspiciatus fuerat, accepto solio, potius amplificandæ religionis quam explendæ cupiditatis gratia innoandum curabat. — Nec ante manum ab incepto retraxit, quam Curorum, Sembonum ac Esthonorum funditus regna delessent* Ibid., p. 217, adhuc orientales Canuti victoriæ celebrantur. Eadem ex Kalfo Manæ poeta coævo Knythlinga Saga p. 46 hoc testimonio confirmat. « *Knutr son Sveins Konnings hafði adr verid i hernadi i Austrveg.* — Sva segir Kalfr Manason i Kvædi sinu, at Knutr hafði sigrad X. Konunga, þa er hann var i hernadi i Austrveg. » scilicet « *Knutus Suenonis regis filius in Oriente ante militaverat.* — Refert in carmine suo Calfus Manæ, a Knuto, dum in Oriente bellica obibat exercitia, reges decem superatos.

(33) Scil. Henricum III, tunc regem Germaniæ, postea an. 1039 imperatorem Romanorum.

(34) De hujus Canuti, Canuti Magni filii, *Hardecnut* dicti, cognomine *Harde*, *Harthe*, *Horde* sive *Haurde*, vide quæ egregie commentatur Gramnius *Not. ad Meurs.*, p. 152, 194. In nummis ejus, quorum unum ipse possideo, legitur *Hardecnut* et *Hardecnut*. Conf. notam Ernestii ad hunc locum.

## TEXTUS CODICIS HAFNIENSIS.

pore vixit, et sine prole decessit, unde regni gubernacula post eum Sueno (35), filius amicitæ ejus, suscepit.

*De Suenone Magno, nepote (36 Kanuti Duri, qui ipsi Kanuto in Danorum regno potenter et gloriose successit.*

Iste Sueno, cognomento Magnus (37), qui Kanuto Duro in regno successit, in diebus suis potens valde fuit et gloriosus, et omnibus circumquaque nationibus formidabilis; in Christiana quoque religione multum devotus. Hic, licet plurimos haberet filios (38), de duobus tantum, qui ad præsens negotium spectant, facienda est mentio: Kanuto scilicet, et Erico.

*De Erico filio Suenonis Magni.*

Iste Ericus, filius Suenonis Magni et frater Kanuti Martyris, propter multam bonitatem suam cognomen accepit, ut diceretur Bonus. Qui sepulcrum homini cum adiens, multa præclara in itinere illo peregit, unde rediens apud Cyprum defecit, ubi et regali sepultura sepultus est: inde et Cyprinus dictus est.

*Item de Erico filio Suenonis et fratre Kanuti Martyris.*

Iste Ericus ex Botilke regina, de nobilissima Danorum (40) prosapia orta, genuit Kanutum Martyrem, qui apud Ringstadiam (41) requiescit, quæ est abbatia regalis, ubi usque hodie crebris et gloriois miraculis illustratur. Nam, sicut legitur in Evangelio: *Cæci vident, claudi ambulant, leprosi mundantur (Matth xi)*; et multa alia præclara meritis ipsius Dominus dignatur operari.

*De beato Kanuto patre Waldemari, regis Danorum.*

Iste KANUTUS dux fuit Danorum et rex Sclavorum, quos non hæreditario jure, sed armis potenter obtinuit. Hic habuit uxorem, nomine Ingiburgis (43), filiam Izizlavi (44), potentissimi Ruthenorum regis, et Christianæ reginæ: ex qua genuit Waldemarum, gloriosum Danorum regem, qui pater exstitit Kanuti regis, qui nunc (45) regnat in Dacia, et Ingiburgis reginæ Francorum. Supradicta autem Christina, avia Waldemari regis, filia fuit Ingonis, Suevorum regis, et Helenæ (46) reginæ. Prædictæ

(35) Auctori forte excidit, Magnum Norwegiæ regem Hardecnuto, huic autem Suenonem immediate in solio regni Danici successisse. Sed neque Magnus, utpote ad hanc Genealogiam non pertinens, apponendus erat.

(36) Sueno non quidem nepos Hardecnuti, sed consobrinus sive amicitæ filius fuit.

(37) De cognomine Suenonis Estritii, quod Magnus appellatus sit, habemus hic præter alia vetustum testimonium. Conf. *Script. Her. Dan.*, t. I, p. 245.

(38) Ex his quinque reges facti sunt, unde *Sueno Regum pater* dictus est, vid. *Suen. Aggor.* supra t. I, p. 56.

(39) Male hic, sicut supra, legitur *Sueno* pro *Sueno*.

(40) In originem Botildæ reginæ studiose inquirat Graminius, *Not. ad Meurs.*, p. 229, seq.

(41) In editione Ernestiana pro *Ringstadiam* culpa librarii male legitur *Kinostadium*.

(42) *Iste superioris frater*, hæc verba in exemplo Laudunensi inepte interpolata sunt; Kanutus enim dux non erat frater sed filius regis Erici Boni, neque ea in exemplari Hafniensi occurrunt.

(43) Quod nomen huic Ingiburgis fuerit, docet quoque Saxo Gr., p. 250.

(44) Izizlavum huic, Russiæ regem, sive partem

## TEXTUS EDITIONIS ERNSTII.

*concessit. Hic sine prole obiit; Sueno filius amicitæ suæ in reano successit.*

## CAP. V. An. Ch. MLI.

SUEVO (39), iste cognomento Magnus, potens valde ezatilit, et gloriosus, et omnibus circumquaque nationibus formidabilis. In Christiana religione multum devotus. Qui licet plures filios haberet, de duobus tantum, scilicet Erico, et Kanuto, mentio fit.

## CAP. VI. An. Ch. MCV.

ERICUS, iste filius superioris, cognomento Bonus, *Dominicum sepulcrum adiens multa præclara in itinere gessit, et inde rediens apud Cyprum obiit: ubi regali sepultura humatus est. Unde Cyprinus dictus est. Hic ex Battide nobilissima totius Daciæ Kanutum Martyrem genuit, qui apud Kinostadium abbatiam regalem quiescit, ubi usque hodie miraculis claret.*

## CAP. VII. An. Ch. MCL.

KANUTUS, iste superioris frater (42), non fuit rex Daciæ, sed dux, postea rex Slavorum, quos non hæreditate, sed armis potenter obtinuit. Hic duxit uxorem filiam Juzillani regis Rutinorum, et Christianæ reginæ, nomine Engelburgis, de qua genuit Waldemarum. Christina vero prædicta avia Waldemari, filia fuit Ingonis regis Suevorum, et Helenæ reginæ.

alicujus Russiæ principem regnantem, historici Islandi Haraldum vocarunt, ita dictum ex nomine avi vel abavi ejus materni, Haraldî Godviniî Anglorum regis, qui an. 1066 occubuit, vi l. Suo. r. Surl, t. II, p. 178, 256. 402; *Knytlunga Saga*, p. 173. Fuere sæculi XII initio in Russia quamplurimi principes, quorum nomina exteri scriptores mire confuderunt, quosque hand satis exacte ipsi Russorum annales istinxerunt, adeo ut hand facile sit decernere, quinam fuerint duo illi, quos auctor noster nominat, Ruthenorum reges [titulum regis unicuique Russorum principi scriptores septentrionales olim ascripserunt], Izizlavus scilicet pater Ingiburgis ducissæ, et Waldemarus pater Sophie reginæ. Certe in nomine patris Ingiburgis videtur Saxo Gramm., p. 207, offendere, dum eum Waldemarum, a suis Jarislavum appellatum, nominat, cuiusque filiam Haraldî Godviniî regis Angliæ conjugem tribuit, quæ potius Ingiburgis avia paterna, quam mater, fuit. Seposito quolibet in nominibus discrimine, suo enim more septentrionales nostri exteros principes

(45) Habemus hic ævum, quo vixit hujus opellæ auctor, tempus scilicet Kanuti VI, qui circa et post annum 1190 regnavit.

(46) Ingonis regis conjugem Helenam dictam fuisse, etiam Saxo, p. 250, tradit.




TEXTUS CODICIS HAPNIENSIS.

autem Ingeburgis, matris Waldemari regis, soror, et filia Izislavi regis alia, nupsit regi Hungariae, qui sororum regis Franciae habuit uxorem. Unde patenter ostenditur, Waldemarum Danorum regem, patrem Ingeburgis reginae Franciae, et Bele (47) regem Hungariae consobrinos esse. Sed quod Canutus (48) rex Sueciae et Siwardus rex Norwegiae in secundo consanguinitatis gradu ei sunt propinqui. Fratres quoque Sophiae reginae, matris Ingeburgis, in Russia usque hodie (50) regni gubernacula gloriose administrant.

De glorioso rege Waldemaro et liberis suis Kanuto rege et Ingeburge regina.

Iste WALDEMARUS rex gloriosus et potens in diebus suis, genuit ex Sophia Kanutum regem pium et gloriosum, qui nunc regnat in Dacia, et sororem ejus Ingeburgam, quae nupsit regi Francorum excellentissimo Philippo. Praedicta autem Sophia regina, filia fuit Waledar (52) Ruthenorum regis: nam plures ibi reges sunt. Cuius Sophiae mater (53) filia fuit Boleslavi ducis Poloniae.

principes saepius nominarunt, ex Snorrone Sturl., tom. II, p. 179, et auctore Hist. Knytl., p. 178,



(47) Hinc Saxoni Gramm., p. 371, Ungariae rex Waldemaro areta propinquitate conjunctus dicitur. Ex nuper apposita tabula genealogica apparet, Geizam regem Hungariae uxorem habuisse Waldemari materem, non vero sororem, quod voluit Torfæus, tom. III, p. 377, et alii. Catharinam autem Waldemari sororem, quam Knytlunga Saga, p. 190, in oriente [i Austurveg] nupti collocatam tradit, putò fuisse uxorem Prizlavi Slavorum principis, cujus filius Canutus apud avunculum Waldemarum I, in Dania educatus et mortuus est. (48) Ex apposito nuper schemate genealogico patet, Canutum regem Sueciae in tertio gradu consanguineum Waldemari I fuisse, sed quod a Sigwardum sive Sigurd Jorsalfar regem Norwegiae attinet, qui regis Magni Barfod filius fuit, fallitur auctor noster, dum creditit Margaretam materem Ingeburgis ducissae fuisse matrem praedicti Sigwardi; hujus enim mater fuit Thora, testante Snorrone Sturl., tom. II, p. 221.

(49) Siwardus legendum pro Livardus, in quo nomine error: typographi facile emicat.

(50) Circa 1196. Sed quinam fuerint illi Russorum principes, Sophiae reginae fratres?

(51) Editio Ernestii hic falsa perhibet.

(52) Recte auctor noster Waledarum, patrem Sophiae reginae, dicit Ruthenorum regem sive prin-

A

TEXTUS EDITIONIS ERNSTII.

Soror vero Christinae Ingeburgis nupsit regi Hungarorum, quae genuit Belam, gloriosum regem eorum. Unde constat, Waldemarum, regem Dacorum, et Belam, regem Hungarorum, fuisse consobrinos. Sed et Kanutus, rex Sueciae, et Livardus (49) rex Norroagiae in secundo consanguinitatis gradu eis erant propinqui. Fratres vero Sophiae reginae, quae fuit soror Ingeburgis (51), matris Waldemari, usque hodie in Russia regnant gloriose.

CAP. VIII. AN. CH. MCLIII.

WALDEMARUS, iste gloriosus, et potens in diebus suis, ex Sophia, filia Walerdae, regis Rutinorum, genuit Kanutum regem Dacorum, virum religiosum. Genuit etiam sororem ejus Ingeburgem, quae nupsit Philippo regi Francorum. Nec movere debet, quod dictum est de filia Walerdae, quam duxit Waldemarus. Habentur enim in Russia reges plerumque. Kanutus

200, cum auctore nostro collatis, verosimilis, ut credo, sic textitur genealogia:

cipem. Hoc Saxo testis coevus, p. 266, affirmat, Sophiam patre Ruteno procreatam pronuntians. Nomen etiam ejus Valadar occurrit ap. Snorr. Sturl., t. II, p. 179, et auctorem Hist. Knytl., p. 218. Qui tamen in eo falluntur, quod Valadarum Polonorum regem appellant. Annales Russorum veteres in Sammlung Russ. Gesch. chte, tom. I, p. 398, inter Russiae principes nominant quidem Woldarum, fratrem Wasilki, qui an 1122 a Polonis captivus abductus fuit. An vero idem fuerit, qui postea uxorem duxit Richizam Polonam, Magni vidnam, et ex ea pater Sophiae reginae factus est, aliis indagandum relinquo.

(53) Nomen matris Sophiae Richizam conservant non modo Islandi nostri Snorro Sturlaus, t. II, p. 179, et auctor Knytlunga Sagae, p. 182, 206, verum etiam Albericus, t. II, p. 260. Duglossus et ex eo Cromerus et Messenus Suentoslavam eam haud adeo recte nominant, nisi probare velis, illam in patria Polonia bimoninem fuisse. Quod autem Richiza dicta fuerit, etiam inde liquet, quod ab ea alteri filiarum Sophiae et Waldemari I nomen Richizae inditum sit. Nec illud nomen ante in Polonia incognitum erat, in Richeza Poloniae regina, Mizechonis II uxore, vid. Mabill. Act. SS. Benet., t. IX, p. 676, 682. Fuit Richiza, mater Sophiae nostrae, filia Boleslai III Poloniae ducis, quem Saxo

D

TEXTUS CODICIS HAFNIENSIS.

De beato martyre Kanuto rege Danorum sanctissimo.


Iste KANUTUS rex Danorum et martyr innocens, a nocentibus pro justitia occisus, in ecclesia Otheniensi requiescit. Qui quanti sit meriti apud Dominum, miracula crebra usque hodie testantur. Hic, dum vixit, filiam Roberti comitis Flandriæ, cognomento Frisonis, nomine Adelam, uxorem habuit; de qua filium, nomine Karolum, postea comitem Flandriæ, genuit. Iste Kanutus postquam per martyrium ad regna cœlestia migravit, uxor ejus cum parvulo filio suo Karolo, ad patrem suum in Flandriam reversa est.

De Karolo comite Flandriæ, filio Kanuti martyris.

KAROLUS autem comes Flandriæ postea factus, et a proditoribus pro justitia interfectus, sine liberis decessit, et gubernacula Flandriæ Theodorico, consobrino suo, reliquit. Qui Theodoricus, comes Flandriæ, genuit Philippum comitem, et Margaretam comitissam Haynonensium; de qua orta est Hysabel regina Francorum, quæ ex hac luce decessit.

His diligenter inspectis, luce clarius constat, nihil pertinere ad cognationem Flandrensiæ dominam Ingeburgam, Francorum reginam; nec aliquam esse consanguinitatem inter prædictam Hysabel reginam Franciæ et istam dominam. Quia nec illa ex Erici progenie descendit, nec ista a Kanuti posteritate carnis originem sumpsit.

Adduntur in membrana circuli connexi, qui generationes representare debebant: sed male conærentes, nec ad Genealogiæ tenorem satis formati, unde et cas exscribere omisi (55). In circulis istis rudis operis capita humana quædam pingi cœpta sunt, et in ultimo circulo binarum facierum levia vestigia apparent. Circuli vero isti, ad mentem scriptoris ita se habere debent, ut in hoc schemate exhibentur.



Ad latus ultimi circuli membrana habet hæc sequentia, quæ in hoc meo apographo commodum locum invenire non poterant:

Gramm., p. 235. Bogislavum Polonorum præsidem, auctor vero *Historiæ Knyling.*, p. 182, 206. Burslavum Vinda Konung [Slavorum regem]... Inus recte appellant. Ter nupta fuit Richiza Polona, 1<sup>o</sup> Magno, Nicolai regis Daniæ filio, Gothorum regi, anno 1134 cæso, cui Canutum V peperit, 2<sup>o</sup> Valadaro Russorum principi, cui circa vel post 1140 Sophiam reginam, uxorem Waldemari I peperit, 3<sup>o</sup> Sverkeri regi Sueciæ, an. 1151 occiso, cui Boleslavum, in catastro Waldemari II, utpote Sophiæ

A TEXTUS EDITIONIS ERNSTII.

vero frater Erici pater (54) Waldemari, innocens a nocentibus pro justitia occisus, in ecclesia Otheniensi rex et martyr quiescit. Qui quanti apud Deum sit meritis, testantur crebra miracula, quæ ibidem sunt. Hic Kanutus duxit Adalam uxorem, filiam Roberti, comitis Flandriæ, cognomento Frisonis, ex qua genuit Carolum, postea Flandriæ comitem; quia, interfecto Kanuto, Adala, cum Carolo adhuc parvulo, ad patrem suum est reversa. Carolus postea comes Flandriæ factus, a proditoribus pro justitia interfectus sine liberis decessit. Cui consobrini suus Theodoricus de Alsatia successit. Hic genuit Philippum postea comitem Flandriæ, et Margaretam comitissam Hannoniæ, de qua orta est Ysabel, quæ nupsit Philippo, regi Franciæ. Fratres vero Ysabel, Balduinus, et Henricus imperatores fuerunt Constantinopolitani.


CAP. IX. AN. CH. MCLXXX.

Kanutus, iste filius Waldemari, vir devotus, sororem suam Philippo, regi Franciæ, dedit uxorem. Quam, quia quorundam perversorum consilio repudiavit, et aliam de Alemannia superduxit, totum regnum Francorum aliquandiu interdicio subjacuit. (Hactenus textus editionis Ernstii.)

D fratrem memoratum, peperit. Quod Sophia regina in tabula Ringstadiens et alibi Sverkeri filia dicatur, id de privigna omnino intelligendum. De Richiza lege, quæ prolixè commentatur Gramm. Not. ad Meurs., p. 237, 259, 273, 282, Conf. Ecardi Geneal. Princ. Saxon., p. 654, 659.

(54) Pater Waldemari, hæc male interpolata sunt, neque in exemplo Hafniensi exstant. Kanutus (55) Verba sunt Arnæ Magnæ.

Hi duo subitas una scilentes, Kanutus est rex Danorum pius, potens et gloriosus, et soror ejus venerabilis et devota Francorum regina, nobilis domina Ingeburgis.



enim rex minime erat Waldemari pater, sed hujus patris patruus. Quod si observasset Ernstus, adnotationibus suis in hunc locum parcere potuisset

## REVELATIO RELIQUIARUM SANCTÆ GENOVÆFÆ.

(Opusculum hoc, quod anonymum ex codice Bruxellensi edidit Bollandus in *Actis Sanctorum* (Jan. t. I, die 3, p. 152); in codice ms. quod in bibliotheca regia Paris. asservatur, sic inscribitur: *S. Guillelmi abbatis tractatus de revelatione capitis sanctæ Genovæfæ*. — Vide *Hist. litt. de la France*, par. des religieux Bénéd., t. XVI, Paris, 1824, in-4°, p. 454.)

1. Anno ab Incarnatione Domini nostri Jesu Christi 1161, regnante piissimo rege Ludovico, regis illustris Francorum Ludovici filio, regale per universam processit edictum, ut apud urbem Parisiensem omnes Ecclesiarum prælati cum proceribus universis, de regni commoditate celebrarent concilium. Die præfixa ad urbem omnes qui vocati fuerant convenerunt, et de honesta regni utilitate secretius tractare cœperunt; et quoniam maligni semper in pejus malignandi studio provocantur, ad damnationis suæ cumulum quidam prorumpentes in medium, religionis et honestatis hostes, ut gladium acutum in sanctos Dei linguam suam arnaverunt. Quid ultra? Falsa delatio regales contigit aures, quod videlicet beatissimæ virginis Genovæfæ caput in ecclesia nostra non esset. Hujus rei rumoribus animus regis aspersus valde confunditur, et obnubilatur aspectus. Consulitur tam clerus quam populus, communicatoque eorum consilio ad ecclesiam nostram sine dilatione venit, et ne quidem aliud caput nocte ipsa in capsâ, qua venerabile corpus virginicum quiescebat, a fratribus poneretur, regio characterè capsâ eadem communitur. Crastina die hora prima inchoante ex regis mandato mittuntur ad ecclesiam nostram venerabiles nostri domini, scilicet Senonensis et Antissiodorensis antistites, venit et Aurelianensis, Manasses dictus, oblivione potius quam memoria dignus, veritatis inimicus, religionis et honestatis promptissimus persecutor, et cum eo populi copiosa multitudo. Tandem de

A resecanda capsâ inter eos sermo conseritur, et supradictus astutissimus scelerum commutator, ut iniquitatem corde conceptam palliaret virtutis imagine, lacrymis profusioribus inundatus, antiphonam de sanctissima virgine primus incœpit cantare. Nec mora: de loco sancto suo domina nostra deponitur, et amoto regis dignitatis characterè capsâ reseratur, et sanctissimæ virginis corpus linteaminibus amotis in oculis nostris exponitur. Integrum ergo corpus virginicum oculis diligentius perlustrantes in laude Dei cum inedicibili exultatione prorupimus, Te Deum laudamus decantantes. Profunduntur uberius lacrymæ populi, prius exitum nostrum exspectantis, sed jam exsultantibus nobis gratulantis.

B 2. Et quoniam non est pax impiis, dicit Dominus (*Isa. XLVIII, 22*), unde justus exsultat et laudat, peccator confunditur et blasphemat. Scriptum quippe est: *Peccator cum venerit in profundum malorum contemnit* (*Prov. XVIII, 3*). Toto igitur malignitatis suæ spiritu debacchatus Aurelianensis pontifex mentitur caput venerandæ virginis esse sublatum, et in dolo nescio cujus vetulæ miserabilis aliud caput esse suppositum. Nec dissimulare valens iniquitatem quam corde conceperat, totus conversus ad fraudem, venit ad regem prædictis præsulibus relictis, ore contumaci garriens, eundem quem superius cœpit replicare sermonem, et prædictos pontifices, qui caput prædictæ virginis non invenissent, recessisse mentitur iratos. Verumtamen quod

iniquitas more mendacii fabricavit. . . non admisit.

3. Veritatis testis processerat ad populum venerabilis pontifex Senonensis, qualiter in dubitationem quibusdam venerit de capite sanctissimæ virginis, utrumne scilicet in ecclesia sua; et tunc qualiter cum omnibus membris suis corpus integrum inventum esset diligenter edisserens, « Caput, inquit, sanctissimæ virginis hujus, quæ gloria totius est Galliæ, cum integritate corporis sui nos invenisse gloriamur. Et ne hoc ipsum vel vobis aut posteris aliquando eveniat ad dubium, vobis dignum duximus prædicare. » Hæc et alia quam plurima in auribus populi prædictus præsul prædixerat quæ nimiam et impudentem animositatem inimici nostri comprimere potuissent, si datum desuper esset. Sed quoniam tunc hora erat et potestas tenebrarum, ut inveniretur iniquitas ejus ad odium; modis quibuscunque poterat animum regis inducere adversum nos conabatur in malum, et cum nec ratione opus jam esset aut consilio, quippe jam enim turbata fuerat adversum nos regia celsitudo; subiit in mentem ut mitteretur post sæpe dictos pontifices, quatenus eorum testimonio approbata postmodum in oculis regis veritas videretur. Mittuntur itaque Miledunum cum magna festinatione quidam de fratribus; in auribus venerabilium Patrum prædictorum detestandam perversitatem Aurelianensis exponunt, et ut rei veritatem regiæ clementiæ per litterarum suarum apices non recusent agnoscere, diligenter exponuntur. Igitur viri pacis et veritatis amatores fratrum nostrorum precibus inclinati, justis supplicationibus eorum benigne impertientes assensum, regiæ sublimitati mandantes rei veritatem in hunc modum rescripserunt.

4. Ex mandato regiæ serenitatis ad ecclesiam sanctæ virginis Genovefæ convenimus, et capsam in qua eadem virgo quiescit, in præsentia nostra fecimus reserari, et ejus interiora diligentius oculis ac manibus perlustrantes, corpus sanctissimum cum capite suo et omnibus membris integrum et. . . indubitanter invenimus. Hoc ergo invento in laudem Dei cum magna exultatione prorupimus, et populo circumstanti sine mora curavimus prædicare. Hoc vobis, nec alia Domino nostro mandamus. Ecce per

litteras secundo vobis significamus, ut malignorum hominum, quibus est studium quæ bona sunt depravare, ut obtractione veritas obfuscetur. . . . valete, in Domino.

5. Tantorum virorum testimonio mitissimus regis animus delinitus, omnes a se tenebras supradictæ dubietatis longius propulsavit, et ecclesiam nostram, ut prius, imo instantius quam prius, et dilexit et protexit. Itaque postquam veritas venit ad lucem, dolet impietas esse se delusam. Ex tunc etenim et deinceps Aurelianensis leo de leone factus est draco, non jam palam nequitie suæ virus evomens, sed in occulto; et quia capite contrito cætera membra robur ullum non obtinent, cum molas leonum in ore ipsorum converterit Dominus, complices sui, ministri confusionis, filii perditionis, inimici nostri confusi sunt, quia Deus sprevit eos. Nos ergo quia de potestate eruti sumus et laqueo venantium, dicamus omnes, cantenus singuli: *Laqueus contritus est, et nos liberati sumus (Psal. cxxiii.)*

6. Revelata est autem Domina nostra anno incarnati Verbi millesimo centesimo sexagesimo primo, mense Januario, decima mensis in Octavis ejusdem sanctissimæ virginis, et a fratribus est dulciter Deo sæculata. Die vero sequente tertia in locum sanctum suum, unde fuerat deposita, cum hymnis et cautibus spiritualibus est elevata. Nos in tanti gaudii memoriam dolorem prius habitum subsequentiis, communicato fratrum nostrorum consilio ac sensu communiter impertito, diem eandem nobis et posteris nostris constituimus, celebriter venerari, ita ut devotionem et omnem observantiam die festo natiuitatis exhibitam hæc solemnitas nihilominus unquam obtineat. Ut autem singulis annis hujus actionis textus eodem die legatur, curavimus providere, ut et justus habeat unde lætetur, et conscientia peccatoris inveniat quo pungatur, quatenus et benevolis sit gratia benedictionis, malevolis autem et his qui oderunt pacem lapis offensionis et petra scandali.

In octava Joannis Evangelistæ est festum celebræ Genovefæ: In crastino Simonis et Judæ translato in crastino Catharinæ Excellentia, quæ dicitur Festum miraculorum ejus.

## FRAGMENTUM

Instrumenti quo S. Willelmus anniversarium fundat Absalonis archiepiscopi Lundensis, anno 1201 mortui.

(Scrip. Her. Dan., VI, 79, ex ms. Bartholiniano B sive T 2, post incendium Hauniense 1.)

. . . . tus ejusdem ecclesiæ prius in maris periculo versabatur, placuit ei, ut id in claustrum alibi transferretur ubi nunc est, quod a Latinis de nomine Paracleto appellatur, a Danis laicis Elleholt. Ne vero nimis gravemur, si terras, quas possidebat ecclesia, a nobis longius remanerent,

pro terra, quam habebat in Gudensø (56) ecclesia, A et illa, quæ nostra erat in Julighe (57) retento nobis molendino, et etiam, quam in Synderby possidebat, cum illa de Frideslovæ, et illa de Gertorpp (58), cum illa de Hals et illa de Tyereby (59) videlicet dimidium Boll, et illa quæ erat in Valby (60) versus Roskildim, terras suas proprias, videlicet Frideslovæ, Thærby, Nædeveth cum sua piscatione, quæ singulariter ipsius est, et hæc quidem memorosæ sunt. Nec illud est prætermittendum, quod per triginta sex annos, quia de beneficiis suis quantum videlicet haberemus est in lucem producen-

(56) Hodie *Gundsoemagle* in præfectura Roskildensi et territorio Somme.

(57) Hodie *Jyllinge* in eadem præfectura.

(58) Hodie *Gierdrup*, ibidem.

(59) Forte *Tiereby*, ibidem.

(60) Forte *Valdbybille*, sive parva, ibidem.

dum. Omnes igitur agnoverint, quicumque scire voluerint, quod in aliquo prædictorum annorum de argento suo habuimus viginti marcas argenti, in uno aliquando octo marcas argenti, in alio sex, in quodam quatuor, in aliquo duodecim, in aliquo sexdecim, nec fuit annus de prædictis quin ad minus sex marcas reciperemus, excepto uno, sicut meminimus. Omni igitur anno in anniversaria ejus (61) die duodecim pauperes pascendos statui- mus in pane et cervisia et carne vel piscibus, ut ejus anima in futura vita cum Domino locum beatorum obtineat. Amen.

(61) Absalonis archiepiscopi nempe, qui omnia supradicta monachis in Eskilsoe dedit; et cum Absalon mortuus est 1201, et per 36 annos beneficia sua iis erogavit, a tempore videlicet adventus S. Wilhelmi in Daniam, inde sequitur, Wilhelmum anno 1165 in Daniam venisse.

## S. WILLELMI ET VARIORUM

### DIPLOMATA

Ad ecclesiam et monasterium S. Thomæ de Paraclito et cœnobium SS. Thomæ et Wilhelm. in Ebbelholt pertinentia.

Hæc diplomata transscripta sunt ex codice vetusto membranaceo, quem olim possidebat Otto comes de Rantzau, quemque postea inter alios bibliothecæ Universitatis Hauniensis dono dedit Christianus comes de Rantzau. Pars hujus codicis exscripta etiam est, privilegia nempe, manu Arnæ Magnæi in Bartholinianorum ms., tom. B vel I, olim ante incendium Hauniense 2, et reperitur ibi a p. 533 ad 593. Visum est mihi etiam hæc diplomata adjicere, quia ad monasterium pertinent, cujus fundator et primus abbas fuit S. Wilhelmus. Integer codex, tam privilegiorum quam donationum, exscriptus est a Langebekio anno 1736, cujus ad fidem editionem hanc damus, cum codex ipse, licet anxie quæsitus, adhuc non inventus est. Nonnulla diplomata etiam addita sunt aliunde sumpta, ex Raynaldo, Stephano Tornacensi, etc. (62).

I (63). [1171.]

*Absalon episc. Roskild. ecclesiam Beati Thomæ de Eskilso in suam protectionem suscipit, eidem possessiones suas confirmat, et plura beneficia ac privilegia confert.*

ABSALON Dei gratia sanctæ Roskildensis Ecclesiæ episcopus, charissimo filio WILHELMO abbati Sancti Thomæ de Eskilso, ejusque fratribus tam præsentibus quam futuris, salutem et paternam benedictionem.

Diu provulgatum est per os Isaïæ dicentis: *Ponam flumina in insulas, et stagna arefaciam. Et ducam cæcos in viam, quam nesciunt, et in semitis, quas ignoraverunt, ambulare eos faciam (Isai. XLII)*. Hæc autem promissio jugiter in Ecclesia Dei adimpletur, dum et hi, qui diu in tenebris et umbra mortis se-

B redeunt veritatis, et in illam Ecclesiam *gens sancti populus acquisitionis (I Petr. II)* ad divinum famulatum inducitur, in qua quidam habitum religionis assumentes, sed virtutem religionis non amantes sua turpi conversatione vituperantes ministerium clericorum videbantur antea conversari. Hoc nimirum ex divina miseratione in ecclesia Beati Thomæ de Eskilso accidisse videmus, in qua cum inhoneste satis olim et enormiter quidam canonici morarentur, per studium tamen et industriam nostram, vos estis ad divina dependenda obsequia introducti, et ecclesia ipsa superno rore perfusa plantationem fidelem et germen Deo gratum accepit, quæ antea spinas et tribulos peccatis exigentibus proferbat. Unde quoniam nostris temporibus hoc accidisse videmus, Domino omnium Conditori gratias exsolventes, quæ religiose instituta videmus, invio-

(62) Hæc tantum damus quæ ætatem S. Wilhelmi non superant. EDIT. PATR.

(63) Bartholin., *Annal.* ms. ad an. 1171. Ex his Absalonis litteris concludi probabiliter potest, S.

PATROL. CCIX.

Wilhelmum cum fratribus hoc anno adhuc in Eskilso fuisse, qui ad Paraclitum (S. Ebelholt) translatus tempore inter hunc annum et 1178.

lata in suo statu volumus immobiliter conservari, et prædictam ecclesiam cum tota insula in qua sita est sub Dei et nostra protectione suscipimus, et præsentis scripti patrocínio roboramus. In primis statuantes, ut ordo canonicus, qui secundum Dei et beati Augustini Regulam, et institutionem et observantiam fratrum Sancti Victoris Parisiensis ibi institutus esse dignoscitur, perpetuis ibidem temporibus inviolabiliter observetur.

Præterea quascunque possessiones, quæcunque bona eadem Ecclesia juste et canonicè impræsentiarum possidet, aut in futurum concessione pontificum, largitione regum vel principum, oblatione fidelium, seu aliis justis modis, Deo propitio, poterit adipisci, firma tibi tuisque successoribus in perpetuum et illibata permaneant. Ex quibus quædam propriis nominibus duximus exprimenda :

Villam de Terby cum omni possessione sua, et ecclesiam ejusdem villæ quam pro salute animæ nostræ liberam et absolutam ab omni inquietatione et exactione omnium successorum nostrorum vobis in beneficium contulimus, agros et silvas ejusdem villæ, vel quæ prius habebatis, vel quæ pro cambio terræ de Hals inibi de manu nostra postmodum suscepistis. Tertiam quoque decimæ partem quæ nobis in eadem tota parochia cedebat habenda, vobis habendam et ad horreum vestrum intra ipsam parochiam situm, ab omnibus, qui terras ejusdem parochiæ colunt, deducendam propriis suis curribus præsentis pagina confirmamus. Ad prædictæ vero villæ Ecclesiæ officium persolvendum, semper quem malueritis de fratribus vestris inibi substituetis, et eum, cum vobis placuerit, pro quacunque necessitate et utilitate ad claustrum vestrum revocare licebit, dum tamen Ecclesia ipsa servitium suum dehabere non possit. Si vero forte contigerit, ut ejusdem ecclesiæ servitium non per canonicum vestrum, sed per alium sacerdotem magis expleri velitis, in nostro nihilominus arbitrio volumus contineri; quod si forte vel nobis vel alicui nostrorum successorum necessitas ingruerit, ut alia ecclesia vicina debeat construï, quia quibusdam eadem parochia videri potest nimis in longum extendi, nec nobis nec alicui successorum nostrorum aliquid decimarum prædictæ ecclesiæ vestræ ultra quartam partem subtrahere et novæ ecclesiæ assignare licebit. Terram quæ est apud Hathælosæ, tam in agris quam in pratis; mansionem quam apud Juleghe habetis cum agris et pratis et molendino prope posito, et ecclesiam ejusdem villæ, cum decimis et oblationibus ad eandem ecclesiam pertinentibus quam nihilominus tenore supradicto in perpetuum vobis habendam contulimus. Tertiam quoque decimæ partem, quæ in eadem parochia nobis cedebat habenda vobis habendam, et ad horreum vestrum intra ipsam parochiam situm ab omnibus qui terras ejusdem parochiæ colunt deducendam propriis suis curribus præsentis pagina confirmamus. Mansionem quam apud Guthenso habetis,

A cum agris et pratis ad eandem mansionem pertinentibus. Tertiam quoque partem decimæ, quæ in tota parochia eadem nobis cedebat habenda, vobis habendam et ad horreum vestrum intra ipsam parochiam situm ab omnibus qui terras ejusdem parochiæ colunt, deducendam propriis suis curribus præsentis pagina confirmamus. Tertiam quoque partem decimæ quæ in tota parochia Kyrkethorp quæ nobis cedebat habenda, vobis habendam et ad horreum vestrum intra ipsam parochiam situm ab omnibus qui terras ejusdem parochiæ colunt deducendam propriis suis curribus præsentis pagina confirmamus. Mansionem quam apud Gærethorp habetis, cum agris et pratis ejusdem mansionis; mansionem quam apud Synderby habetis cum agris et pratis et ea parte quam in silva ejusdem villæ hactenus habuistis; terram quæ est apud Thureslovæ, terram quæ est in Aranachæ. Obeunte vero te, nunc ejusdem loci abbate, vel tuorum quolibet successorum, nullus ibi qualibet subreptionis astutia seu violentia præponatur, nisi quem fratres communi consensu vel fratrum pars sanioris consilii secundum Dei timorem et beati Augustini Regulam providerint eligendum. Statuimus quoque et interdiciamus, ut nulli de canonicis vestris post professionem in monasterio vestro factam liceat ad aliud claustrum transire; susceptum vero sine licentia vestra nullus audeat retinere.

Decrevimus ergo, ut nulli hominum omnino liceat eandem ecclesiam temere perturbare aut ejus possessiones auferre, aut ablatas retinere, seu aliquibus vexationibus fatigare; sed omnia integra conserventur eorum pro quorum gubernatione ac sustentatione concessa sunt, usibus omnimodis profutura. Si quæ igitur in futurum ecclesiastica secularisve persona, hanc nostræ constitutionis paginam sciens, temere contraire tentaverit, secundo tertiove commonita, nisi præsumptionem suam satisfactione congrua emendaverit, potestatis honorisve sui dignitate careat, reamque se divino iudicio existere de perpetrata iniquitate cognoscat et a sacratissimo corpore et sanguine Dei Redemptoris nostri Jesu Christi aliena fiat atque anathematizata, in extremo examine districtæ ultioni subiaceat. Amen.

Ego Absalon Ro. kildensis episcopus subscripsi, anno Domini millesimo, centesimo, septuagesimo primo.

Datum per manus Absalonis episcopi Roskildensis.

Ego Walterius capellanus ss.

H. [Inter 1171 et 1178.]

*Absalon episcopus Roskildensis confirmat Wilhelmo abbati S. Thomæ de Paraclito et ejusdem ecclesiæ fratribus ea, quæ cambio aut donatione ab ipso obtinuerunt.*

ABSALON Dei gratia Roskildensis Ecclesiæ episcopus, omnibus in Christo fidelibus tam posteris quam præsentibus in perpetuum.

Officii nostri non hortatur auctoritas, ut in his, quæ religiosorum deposcit utilitas, segnes non inveniamur aut desides, sed prompti, sed devoti, sed alacres. Sic enim poterimus Deo gratum exhibere nostræ servitutis obsequium, si nostrum invenerit paratum in sua necessitate suffragium. Noverint itaque tam futuri quam præsentis, venerabilis et charissimi filii nostri Wilhelmi abbatis Sancti Thomæ de Paracito, et ejusdem ecclesiæ fratrum nos ita precibus inclinatos, ut ea, quæ justo cambio aut spontanea donatione a nobis obtinuerunt, speciali privilegio muniremus. Quia igitur super hoc factum volumus nec prædictam ecclesiam vel fratres ejusdem ecclesiæ pravorum hominum incuribus vel aliquibus calumniis aliquando fatigari, ea præsentis paginæ commendari curavimus. Pro tota villa Næveth cum silva, pratis, et agris, et piscationibus ejus et Clonæ; pro Therby et Fretersloff cum silva, pratis et agris earum diversis in locis multas terras suscepimus. Pro tertia parte decimarum quam in quatuor ecclesiis Thorstenstorp, Akætorp, Kyrkætorp et Guthenso, quam prius habuerant, in aliis quatuor ecclesiis Grækym scilicet, Helsinghe, Annessæ et Alsæntorp (64) incompensavimus. Duas vero ecclesias de Therby et Fretersloff earum decimis pro animæ nostræ remedio eis contulimus. Possessiones vero eorum, ne quis decimas de his, quas propriis laboribus ac sumptibus excolunt, exigere, aut colonos eorum propter ipsos fratres pro nostra justitia perturbari præsumat, libertati donavimus. Quicumque hanc paginam irritare attentaverit....

### III. [Circa 1175.]

#### *Confirmatio Alexandri.*

ALEXANDER episcopus, servus servorum Dei, dilectis filiis Wilhelmo abbati ecclesiæ Sancti Thomæ de Paracito ejusque fratribus tam præsentibus quam futuris, regularem vitam professis, in perpetuum.

Ad hoc universalis Ecclesiæ cura nobis a provisor omnium honorum Deo, commissa est, etc. *Exstat Patrologiæ t. CC., col. 1039, in Alexandro III*

### IV. [1178.]

*Wilhelmus abbas sub excommunicationis sententia prohibet, ne Eskilso a monasterio B. Thomæ de Paracito vel vendatur vel commutetur. Sine data. Bartholinus refert ad an. 1178.*

Ad omnium spectat prælatorum officium, ut subiectis non solum cælestis patriæ appetenda gaudia nuntient, verum etiam eisdem providere commoda temporalis vitæ procurent; ne, si horum altero careant, in prælatis divina severitas negligentiam redarguat culpam. Ego igitur Wilhelmus, Dei gratia dictus abbas, præcavens hominum iniquorum insidias, et luporum morsus a caulis ovium volens arcere; sic nō rebus exterioribus operam dare, quatenus a divinis officiis nulla temporalium sollicitudo mentes

A eorum possit avertere. Itaque providens et bona præponderans, quæ nobis gratia divina contulerit, ad Eskilli insulam aciem oculorum nostrorum infleximus; et tam in perceptione fructuum arborum, quam animalium in ejus pascuis alendorum, eam agnovimus esse perutilem. Communi igitur fratrum nostrorum consilio atque consensu, eam nobis, sine omni commutatione terrarum, perpetuo censuimus esse retinendam. Et qui ab hac constitutione dissentiret, et eam infringere vellet, se cognosceret omnium sacerdotum, qui tunc præsentis aduerunt, ore, anathematis vinculis innodatum. Fiat, fiat! Amen, amen.

### V. [Circa 1178.]

*Wilhelmi abbatis confirmatio compositionis inter monasteria Ebelholt et Esrom de decimis quibusdam ac aliis rebus controversis. Sine data. Suspensor esse de anno 1178 vel circiter.*

WIBLLELMUS Dei gratia Beati Thomæ de Paracito minister indignus, omnibus ad quos hæc litteræ venerint, salutem.

Quanto sacrosanctæ religionis cultus dignius in decore virtutum meritorum prærogativa sustollitur, tanto amplius charitatis inimicus, oppugnator justitiæ, discordiæ fomes, vitiorum incentor, filius perditionis diabolus, a sacris ovium caulibus excluditur. Nobis igitur qui, licet indigni, locum regimini sortiti sumus in Ecclesia Dei, diligentius est attendendum ut grex Dominicus, nobis commissus, verbis et exemplis nostris proficiens, ad meliora semper exurgat, et pacis tranquillitate congaudeat: ne, si forte supplicium cordi discordiæ venenum inficiat, machina virtutum tota succumbat, et dum honestorum morum gratiam devenustet, vitupere- tur ministerium nostrum apud Christianæ fidei professores. Proinde, ut inter nos et venerabiles fratres nostros de Esrom pax et dilectio conservetur illæsa, ad omnium volumus pervenire notitiam, quod, omni jam cessante discordia, quæ, peccatis intervenientibus, inter nos et ipsos videbatur exorta, pro quibusdam decimis parochialis ecclesiæ de Tyereby, quas in usus suos, in damnum nostrum, converterant: et subreptione cujusdam canonici nostri, quem ad ordinem suum, contra tenorem privilegii domini papæ, susceperant: et pro via quadam, quæ ducit ad Sponholt itineri nostro conclusa; pax et concordia regnat, hac interposita conditione, quod de cætero in parochia prædicta terram nisi per colonos possidendam non acquirant; fratres nostros non sine communium litterarum cautione recipient; viam de Toweköp ad Sponholt in territorio grangiæ suæ congruam et commodam nobis præstabunt. Pro decima terrarum, quas modo possident in parochia de Tyereby, scilicet in Sponholt, et in Skwroth, et in Stry, et in Towekopp, nobis a domino archiepiscopo Absalone, decimam in Lutztorpp, quæ ad eundem pertinebat episcopum, habendam in perpetuum obtinuerunt. Ut

(64) In margine recentiori manu: *Kregome, Helsinghe, Annesse, Alsyndrop.*

autem hæc nullis tergiversationibus in posterum valeant infirmari, utriusque partis assensu, nostræ videlicet et ipsorum, sigilli nostri impressione, et nominis nostri caractere fecimus consignari, fratrum nostrorum subter nominibus adnotatis

Ego Wilhelmus abbas Sancti Thomæ de Paraclyto.

Ego Heshbertus prior.

Ego Ricardus subprior.

Reliqua nomina desunt; nam membranæ hic folium deest.

VI. [Circa 1178 (65).]

*Absalon archiepiscopus Lundensis fratribus ecclesie B. Thomæ de Paraclyto omnes possessiones eorum confirmat. Sine data. Bartholinus refert ad an. 1178.*

ABSALON Dei gratia sanctæ Lundensis Ecclesie archiepiscopus, Dacie et Sveciæ primas, omnibus in Christo fidelibus tam posteris quam præsentibus, in perpetuum.

Ad hoc divina providentia alios aliis disposuit in Ecclesia præferendos, ut quos pietas non invitaret ad præmia, judicialis censura severius præcelleret vel invitos. Inde est quod et nos, licet indignos, Dominus in episcopali cathedra sublimavit, quatenus et viros religiosos paterno diligamus affectu, et rerum promoveamus effectum, et incredulos et subversores et pauperum oppressores si non verbo valeamus corrigere, vel exemplo ecclesiastico condemnemus iudicio, ut traditi Satanæ in interitum carnis, tandem resipiscant a laqueo diaboli, et spiritus salvus fiat in die Domini. Quoniam igitur fratres religiosos in ecclesia Beati Thomæ de Paraclyto divinis cognoscimus officiis maucipari, patrociniū gratiæ nostræ cum indigerint et expetierint, eisdem fratribus volumus suffragari, ne vel eos eorum bona contingat aliquatenus sinistris incursibus impugnari, ordinem quoque qui nostro studio et labore secundum Deum et beati Augustini Regulam, et institutionem fratrum Sancti Victoris Parisiensis inibi dignoscitur institutus in eadem ecclesia perpetuis temporibus, inviolabiliter observari nec aliquatenus immutari decrevimus. Prædictam itaque ecclesiam cum omnibus bonis suis sub nostra protectione suscipimus et præsentī pagina sigilli nostri impressione signata perpetuo communiri mandamus, subter adnotatis possessionum ecclesie prædictæ nominibus.

Eschilli insulam in qua prius mansisse noscuntur, cum ecclesia quæ in eadem continetur, quam insulam cum eadem ecclesia ad claustrum de Paraclyto utpotè membrum illius loci pertinere decrevimus; ecclesiam de Julighe cum terra et decima ad eam pertinentem; mansionem quoque in eadem villa ad locum eundem pertinentem cum omnibus appendenciis suis, et molendinum juxta Værebro situm. Ecclesiam de Thæræby et mansionem inibi

(65) Ita *Annal.* Barthol. vel paulo post.

Asitam cum agris, pratis et silvis; mansionem in Wlucroth cum agris pratis et silvis; mansionem in Hathclosæ cum agris, et pratis et silvis; villam totam quæ Næueth appellatur cum terra tota et pratis et silvis, sine omni reclamatione et calumnia, et piscationibus Clonæ et aliis, quas cum cæteris hominibus communes habent. Curiam in civitate Roskildensi cum domibus et porprio suo. Tertiam partem decimarum in ecclesiis Anessæ, Hælsinghe, Crækhom, Alsentorp, et totam decimam in ecclesia de Thærby, quam partim pro servitio ejusdem ecclesie prædicti fratres possident, partim a nobis habent, partim a parochianis, pro hujusmodi ecclesia in servitio suo expetit, exceptis in reficiendis campanis et parietibus ipsius ecclesie, si forte ceciderint, in beneficiis sunt assecuti. Villam quæ Frethersloff appellatur cum agris et silvis et pratis et molendinis, et ecclesiam ejusdem villæ cum decimis suis. Ut autem hæc pagina nostræ constitutionis integra rataque permaneat, ne vel per calumniam vel cujuslibet subreptionis astutiam aliquatenus infirmetur, decrevimus ut quisquis eam infringere tentaverit, sive sit ecclesiastica sæcularisve persona, excommunicationis vinculis innodetur, et corpore et sanguine Dei ac Redemptoris nostri in extrema examinatione privetur, si non tantæ temeritatis excessus fuerit condigna satisfactione correctus.

VII. [Circa 1178 (66).]

WALBERTUS Dei gratia abbas de Esrom, omnibus ad quos litteræ istæ pervenerint, salutem.

Quantum sit bonum viris timentibus Deum, vinculis pacis astringi, casus angelorum insinuat, qui cum potuissent concorditer vivere, perpetua felicitate donati, a summo bono facti discordes, ceciderunt elati. Casus autem majorum cautela debet esse minorum. Ne igitur in ejusdem malitiæ voragine similes nos forma concludere fratres ac proximos nostros de Paraclyto; quos aliquando, quibusdam ex causis, percipimus adversum nos discordiæ felle commotos, omni jam cessante querela, amoris erga nos legibus implicatos, amamus et gaudemus esse benevolos. Nos vero, pro bono concordie reformando, pacis fœdere colligati, nihil eis proponendum adversum nos relinquimus in querelis, tenore præsentium præsentium duximus adnotari: Decima quæ dominum archiepiscopum in Lunztorp continebat, ipsius episcopi concessione et dono pro decimis grangiæ nostrarum, quas in parochia de Tyæræby per fratres nostros aramus, videlicet in Swenstorp, Skwroth, Sponholt et Thoarkopp, terrarum quatuor solidorum, eis in perpetuum possidenda relinquitur. Canonicos eorum, siue communium litterarum cautione nobis nec recipere, nec retinere licebit. Parochiam eorum ac terras nisi per colonos suos possidendas, nullatenus nos intrare spondimus. Viam de Towekopp ad Sponholt in

(66) Vel post.



territorio grangiæ nostræ congruam et omnimodam A  
eis aperiemus. Ut autem hæc omnia integra et illi-  
bata permaneant, sigilli nostri impressione præsen-  
tem paginam duximus roborandam, et nostra et fra-  
trum nostrorum, *adde* manibus consignandam.

Ego frater Walbertus abbas de Æsrom.

Ego frater Torbernus, prior.

Ego frater Helgo, subprior.

Ego frater Petrus, cellerarius.

Ego frater Petrus.

Ego frater Ebbo.

Ego frater Jøcep.

### VIII. [1178.]

#### *Confirmatio Alexandri papæ.*

ALEXANDER episcopus, servus servorum Dei, dile-  
ctis filiis WILHELMO abbati Beati Thomæ de Paraclito  
ejusque fratribus tam præsentibus quam futuris  
regularem vitam professis, in perpetuum.

Piæ postulatio voluntatis, etc. *Vide in Alexan-  
dro III, sub numero 1361, Patrol. t. CC.*

### IX. [1179.]

#### *Super molam et silvam apud Græsæ.*

Anno Domini 1179 contulit nobis libera volun-  
tate discretus vir Tosthæ, inhabitans Græsæ, mo-  
lam cum particula silvæ in oriente juxta Græsæ si-  
tuatam propter divisiones et contumelias antea Patri  
nostro Wilhelmo per eum factas.

### X. [Circa 1184.]

Stephanus de S. Genovesa ad Guillelmum abbatem C  
de Paraclito. — *Plumbum ab eo expetit.*

Venerabili fratri et amico Guillelmo, abbati de  
Paraclito, Stephanus de Sancta Genovesa, seniori  
consenescenti, in plenitudine dierum plenitudinem  
gaudiorum.

Laudamus veteres, nostris tamen utimur an-  
nis, etc. *Vide Patrol. t. CCXI, in Stephano Tornac.,  
epist. 148.*

### XI. [1185, 28 Junii.]

Omnibus præsens scriptum cernentibus, GRIMOL-  
PUS Wifsson, salutem in Domino.

Notum facio per præsentis natis et nascituris, me  
viris discretis et religiosis abbati Vilhelmo totique  
conventui monasterii Sancti Thomæ de Paraclito in  
Ebbleholt bona mea in Mynghe sita, videlicet unam D  
mansionem cum totis pertinentiis suis prope vel re-  
mote positis, nullis exceptis, in remedium et salu-  
tem animæ meæ et meorum progenitorum integra-  
liter condonasse jure perpetuo possidenda, tali cum  
conditione, ut dicti domini annuatim missam cum  
vigiliis mihi et meis parentibus deificè persolvant,  
et post mortem liberam habebo ibidem sepulturam.  
In cujus rei testimonium et firmiorem cautelam sig-  
illum meum præsentibus est appensum.

Datum Mynghe anno ab Incarnatione Domini 1185,  
Vigilia apostolorum Petri et Pauli.

*Pensio de Mynghe v, pund annonæ.*

(67) Corrige utrique.

(68) Lege quia.

### XII. [Circa 1193.]

#### *Confirmatio Cælestini papæ.*

CÆLESTINUS episcopus, servus servorum Dei, di-  
lectis filiis WILHELMO abbati ecclesiæ Sancti Thomæ  
de Paraclito, ejusque fratribus tam præsentibus  
quam futuris regularem vitam professis, in perpe-  
tuum.

Ad hoc universalis Ecclesiæ cura nobis a provi-  
sore omnium bonorum Deo commissa est, etc.  
*Vide Patrol. t. CCVI, in Cælestino III, sub  
num. 206.*

### XIII.

*Kanuti regis confirmatio compositionis inter canoni-  
cos de Paraclito et colonos regios de piscatione  
Clonæ per Andream cancellarium et alios factæ.  
[ Bartholinus in Annalibus msc. refert ad an.  
1195. ]*

KANUTUS Dei gratia Danorum Slavorumque rex,  
omnibus fidelibus, tam præsentibus quam futuris,  
in perpetuum.

Ad hæc in populis divina nobis clementia contulit  
principatum, ut quidquid fuerit in eis, diabolo sua-  
dente, discordiæ per errorem inductum, per stu-  
dium nostrum sit, falce judicii mediante, purgatum.  
Sic enim Deo gratum et debitum persolvemus obse-  
quium, et coronæ regali proveniet bonorum excei-  
lentior gloria meritorum. Scimus enim, nec diffiteri  
valemus, quod quanto sacrosanctæ religionis cultus  
dignus in decorem virtutum, meritum prærogativa  
substollitur, tanto amplius charitatis inimicus,  
oppugnator justitiæ, discordiæ fomes, vitiorum in-  
centor, filius perditionis diabolus, a sacris ovium  
caulis excluditur. Nobis igitur, ut prædiximus, qui  
gubernacula regni suscepimus, diligentius est atten-  
dendum ut grex Dominicus, claustrali disciplinæ  
subjectus, sub nostra protectione ad meliora sem-  
per exurgat, et pacis tranquillitate congaudeat; ne,  
si forte simplicium corda discordiæ venenum in-  
ficiat, machina virtutum tota succumbat, et dum ho-  
nestorum morum gratiam devenustet, eorum mini-  
sterium promat apud Christianæ fidei professores.  
Proinde, quoniam abbas Sancti Thomæ de Para-  
clito et ejusdem ecclesiæ fratres, et coloni nostri,  
pro quadam piscatione, quæ Clonæ appellatur, quam  
utique (67) suam esse dicebant, erant discordes, ad  
nostram præsentiam convenerunt, et utraque pars  
querelam suam acriter deposuerunt. Nostri siqui-  
dem dicebant, se non mediocre passos esse inju-  
riam, quod (68) prædicti fratres pisces, quos cepe-  
rant, vi cum rapina sustulerant. Econtra fratres  
dicebant, quoniam eosdem pisces jure possederant,  
affirmantes, quod aqua, ex qua extracti fuerant, ad  
jus ecclesiæ pertinebat. Quia igitur hujus rei plenam  
non poteramus habere notitiâ, eorum volentes  
dirimere litem, cancellarium nostrum A (69) San-  
cti Lucii præpositum, et fratrem ejus Ebbonem,  
cum Torberno fidei nostro, ad inquirendam veri-  
tatem, a latere nostro transmisimus, et compositio-  
(69) Andreas Sunonis, præpositus Roskildensis.

nem, quam inter utrosque fecerunt, gratam (70) et illibatam in futurum existere, regia auctoritate præcipimus.

Compositio autem talis est, si voluerit villicus noster, cum suis in eam aquam, quam fratres suo juri vindicant, et quam ab archiepiscopo in cambitione terrarum habuerunt, piscari, licebit eis; ita tamen, quod de captura, quæ eis proveniat, fratres claustrales sortem, quæ unicuilibet continget, obtinebunt. Quod si claustrales in aquam, quam dicunt esse nostram, piscari voluerint, hoc etiam eis, sine contradictione licebit: et nostri partem, quæ contingit alicui ex eis, similiter obtinebunt. A loco autem illo, qui Danice Yadehr vocatur, usque ad sepes, nec ipsi claustrales in nostram, nec nostri in suam partem intrabunt, sine utriusque partis licentia. Quod ne valeat oblivioni deleri, nominis nostri caractere et sigilli nostri impressione præsentem paginam fecimus communiri: testium nominibus, qui adfuerunt, subtus adnotatis: dominus A. cancellarius et Ebbo frater ejus. Nicolaus præpositus. Thobernus fidelis noster. Thurgotus sacerdos de Stro. Swinnæ de Wlveroth. Awti villicus de Ramlosæ, et plures alii.

#### XIV. [circa 1196.]

*Institutio domini abbatis Wilhelmi super anniversaria die ejus, quomodo sit agenda post obitum ejus.*

Sicut in consiliis dandis rebusque tractandis, pravorum hominum semper est præcavenda et reprimenda perversitas, sic, illis datis, rebusque dispositis, approbandum est et observandum, quidquid cum justitia majorum disponit auctoritas. Neque enim melius peccatorum cornua confringentur, quam si ea, quæ seniores cum benevolentia et reverentia Dei statuerint, integritatis libertate congaudeant, et perpetuitatis radice firmentur. Ego igitur Wilhelmus Dei gratia dictus abbas Beati Thomæ de Paraclito, ad omnium volo venire notitiam, quod corde tractavi, et opere devotus explevi. Cernens enim quod a quiete et contemplationis nonnunquam degustata dulcedine me frequentius separat curæ pastoralis officium, et sæcularibus me cogit interesse negotiis, studiis spiritualibus intermissis, dignum duxi aliquod mihi providere reme-

(70) Forsan ratam. Gratam sæpe pro ratam, vel gratam et ratam occurrit.

A dium, quo me fraterna charitas, vitæ meæ diebus excursis, obtineat precibus, angelorum interesse consortiis. Ut igitur singulis annis, obitus mei die, festivum mihi per totum exsolvant officium, eodem obitus mei die marcam argenti ad plenam refectionem fratrum in pane triticeo, et piscibus et medone, in duabus ecclesiis, meo labore acquisitis, Tyereby videlicet et Frithersloff, eisdem fratribus assignavi. Duodecim etiam pauperes eodem die in pane et cerevisia et carne, si tempus fuerit, vel piscibus sustentari debebunt. Quoadusque autem supervixero, item apparatus in obitu domini mei abbatis Sancti Germani Parisiensis post cujus collectam semper patris mei Rodulphi, et matris meæ Emelinæ memoria recoletur; et ambæ collectæ per unum per Dominum finientur. Ne vero hujus constitutionis nostræ pagina aliqua calumnia possit vel astutia violari, assensu totius capituli, ad colla sacerdotum dependentibus stolis, excommunicationis sententiam fecimus in publico promulgari. Quicumque igitur hoc decretum infregerit, primo secundoque commonitus, si ex integro non satisfecerit, alienus fiat a corpore et sanguine Domini nostri Jesu Christi. Fiat, fiat. Amen.

(71) *Decimæ episcopales in Crækom. Pensio de decimis in Crækom vi, pund annonæ*

#### XV.

##### *Newlinghe.*

Cunctis Christi fidelibus, ad quos præsens scriptum contigerit pervenire, GWNIL BOOSOTHEK, salutem in Virginis filio et charitatem.

Notum facio præsentibus et futuris, quod recognosco me viris religiosis canonicis Sancti Wilhelmi de Paraclito omnia bona mea in Newlinghe situata, videlicet unam mansiōlam cum totis sibi adjacentibus, videlicet pratis, agris et silvis, nullis demptis, ob remedium et salutem animarum amantissimorum parentum meorum et meæ, consensu et consilio meorum germanorum Petri Boosson et Agghæ Boosson, integraliter condonasse et appropriasse perpetue possidenda. In cujus rei testimonium sigillum fratris mei dilecti Petri Boosson, una cum sigillo Sigmundi Aggæson, præsentibus est appensum.

(71) In margine scriptum est ad has duas lineas: *Vix adhuc obtinet.*

## APPENDIX AD S. WILHELMUM.

### TESTAMENTUM ABSALONIS

ARCHIEPISCOPI LUNDENSIS.

(LANGEBECK, *scriptores rerum Danicarum*, tom. V, pag. 422.)

A celeberrimo doctissimoque viro Otthone Sperlingio editum est hoc testamentum sub titulo: *Testamentum domini Absalonis archiepiscopi Lundensis ex mss. optimis erutum et notis illustratum Otthonsæ*

*Sperlingii, U. J. D. consilarii regii, et in academia equestri regia Hafniensi: historiarum et eloquentiæ profess. publ. Hafniæ, litteris Joh. Jac. Bornheimrichii, anno MDCXCVI octonis.* Manuscriptum quo usus est Sperlingius, possedit olim Haraldus Hvitfeldius magnus ille vir, sua historia, quam munere cancellarii, quo functus est, major atque illustrior, facultatemque edendi dedit celeberrimus Joannes Laurentii, Andræ Velleii pronepos. Exstabat olim manuscriptum chartaceum in bibliotheca publica Hauniensi in capsâ Cypriani ord. 3 in-4<sup>o</sup>, quod in fatali incendio anni 1728 periit, exscriptum tamen adhuc superest in manuscriptorum Bartholinianorum tomo III vel D, congruitque cum editione Sperlingiana et quoad verba et quoad syllabas. Sperlingianam integram editionem igitur excudi curavimus, retentis et dedicatione et doctissimi viri eruditus notis, diffusioribus uberioribusque licet, ne cui utilia amputasse videamur, et ut iis, qui Sperlingianum opus illibatum legere cupiunt, potestas detur. Ea, quæ adijcere visum est nobis, uncis inclusa sunt, ut a Sperlingianis dignoscantur.

*Perillustri ac generosissimo domino, Dn. Joanni RANTZOVIO, duci militiæ præclaro, brigadier alias dicto, et præfecto turmarum equestrium S. R. M. Daniæ Norvægiæ, etc., domino hæreditario in Frydenðal, Brammingen, Orslefcloster, Strandoe et Bistrup.; Mæcenati meo nunquam non venerando gratias, vota, salutem.*

*Quod tuum est, ad te merito, domine perillustri, redire debet: tuum sane fecisti, dum sensu tuo nunc edendum hoc qualecunque persuasisti; tuum quinetiam, quod sumptibus tuis et liberalitate summa hæc pro-dire volueris. Dudum est, quod fatigare prela desierunt, vel calescere, nisi necessariis quibusdam, quæ tempus ingerit et protrudit, non eruditio: et modo typographis distineri necessariis solis liceret, non tot nugæ vel quisquiliæ quaquaversum orbi legendæ venderentur. Mæcenates sane pauci sunt, qui scribentes aut hortentur, aut sublevent; haud enim commentari, vel lucubrationibus indulgere, sumptusque pariter ferre, unius facile hominis esse videmus. In te quod Mæcenates plures revixerint, Mæcenas optime, haud mihi præfatiuncula hac sola dicendum veniet; neque enim tam misere meritis es, ut in laudes tuas e carceribus, ad metas tam breviculas effundi sit opus. Quidquid dicere potero, omnes jam norunt; te militaribus innutritum rebus, iisque spectatissimum, in litteris tamen ita desudare, ut noro rursus exemplo tuo militiam litteris indigere doceas, qui illas artes tam feliciter conjunxisti. Habent hiç igitur milites suam Mæcenatem, habent etiam litterati suam, habent omnis ordinis cives, qui virtutibus student, quos, ut emergant juvare, quantum potes, desideras non solum, sed ornatos et adjuvos se plurimi testantur ac gloriantur. Idem est in domo tua, quæ non academia non videtur esse, in quam nobilissimis liberis tuis ac nepotibus tot morum et eruditionis omnis magistros ac magistras confluere voluisti, ut exercitum non minus domi quam foris habeas. Hinc est, quod nihil abs te expectari possit, quam quod RANTZOVII veteres, tui majores, summis anhilarunt votis et strenue præstiturunt, quorum gloriam vel nunc meritis æquasti felicissime, vel superabis aliquando felicius. Deus te servet tuosque, et cui tantas gratias debeam sciant tum vivi, tum posteri. meque*

*Tibi, domine perillustri*

*Humili cultu et obsequio deditum vivere*

Dabam Hafniæ, a. d. 30 Junii  
An. c1o lco XCVI.

O. SPERLING.

Testamentum, quod pius Pater noster Absolon archiep. ante obitum suum confecit.

Quæ præsentis pagina continentur, ex testamento A legavit et donavit <sup>(1)</sup> venerabilis <sup>(2)</sup> dominus Absolon Lundensis Ecclesiæ archiepiscopus, Sueciæ primas, ad hoc vocatis et præsentibus <sup>(3)</sup> domino Esberno, fratre suo, et <sup>(4)</sup> domino Gaufrido abbate de Sora, <sup>(5)</sup> et Tochone et Achone præpositis, <sup>(6)</sup> et magistro Johanne <sup>(7)</sup> et Thordone capellano suo, Lundensis Ecclesiæ canonicis, et Anfrido presbytero, et Haquino <sup>(8)</sup> camerario suo, et Paulo et Simone <sup>(9)</sup> pueris suis, et Henrico <sup>(10)</sup> converso de Sora, totum videlicet patrimonium suum, excepto <sup>(11)</sup> Fialensleve, quod fratri suo contulit, monasterio de Sora donavit.

Monasterio <sup>(12)</sup> de Aas in Hallandia Vathby, cum omnibus attinentiis suis, excepto molendino donavit <sup>(13)</sup> et scotavit.

<sup>(14)</sup> Ad mensam canonicorum Lundensis Ecclesiæ <sup>(15)</sup> Esbiruth cum molendino in Rogen, et cæteris suis attinentiis sylvis omnibus et terris donavit et scotavit.

Similiter <sup>(16)</sup> Saxulstorp in Ruma cum ecclesia et cæteris suis attinentiis eisdem <sup>(17)</sup> fratribus ad mensam donavit et scotavit.

Ad candelas cereas <sup>(18)</sup> utriusque coronæ et ad cereum nocturnum <sup>(19)</sup> in monasterio Beati Laurentii <sup>(20)</sup> quatuor marcas argenti singulis annis de censu civitatis, qui vulgariter dicitur <sup>(21)</sup> *Midsommers Gylde*, dedit.

Venerabili domino Erico Nidrosiensi archipræsuli, <sup>(22)</sup> propter justitiam exsulanti, centum marcas argenti.

Martino Bergensi episcopo, quinquaginta marcas argenti.

<sup>(23)</sup> Nigello episcopo Staffengrensi, quinquaginta marcas argenti.

<sup>(24)</sup> Ivaro Hamarcopensi episcopo, quinquaginta marcas argenti.

<sup>(25)</sup> Nicolao Aslonensi episcopo, <sup>(26)</sup> ciffumargenteum, <sup>(27)</sup> et scutellas argenteas, quas idem episcopus ei quondam dederat, donavit.

<sup>(28)</sup> Dno regi ciffum argenteum <sup>(29)</sup> mirabiliter fabrefactum, quem Dn. Nidrosiensis ei quondam dederat, et vasculum aureum cum musco dedit.

<sup>(30)</sup> Dominus Suro ei tenebatur reddere cxxx marcas argenti, et illud debitum domino Petro Roschildensi episcopo et fratribus suis reliquit.

(<sup>21</sup>) Episcopo Roschildensi quinquaginta marcas argenti duabus minus concesserat ad emendum Alstofa, quas idem episcopo remisit, et ciffum argenteum, quem ei quondam dederat, donavit.

Fratri ejus (<sup>22</sup>) domino cancellario ciffum argenteum, quem ei dominus Suno quondam dederat, legavit.

(<sup>23</sup>) Domino Esberno ciffum argenteum, quem (<sup>24</sup>) Hildebrand fecerat, et parvum ciffum, de quo pater ejus potiones accipere solebat, et cuilibet filiorum suorum ciffos argenteos de majoribus ciffis dedit.

(<sup>25</sup>) Domino Alexandro ciffum argenteum de melioribus, (<sup>26</sup>) et loricas quas habebat, (<sup>27</sup>) et duobus filiis suis, duos ciffos argenteos modicos dedit.

(<sup>28</sup>) Dominae Margaretae duos ciffos (<sup>29</sup>) Rojanorum idolorum.

(<sup>30</sup>) Canonicis de Paraclito ciffum argenteum (<sup>31</sup>) de plano opere, ponderantem circiter (<sup>32</sup>) decem marcas argenti.

Majorem ciffum argenteum quem Sora habuit, capellae de Sora dedit, (<sup>33</sup>) ad calicem faciendum.

De scutellis suis argenteis jussit calices fieri in monasterio B. Laurentii fortes et sufficientes: quod vero his praedictis de ciffis argenteis et scutellis superfuert ad perficiendas (<sup>34</sup>) coronas in templo reservari praecipit.

(<sup>35</sup>) Dominus Alexander habuit (<sup>36</sup>) octo marcas auri et dimidiam ad opus (<sup>37</sup>) casulae et coronarum, ex quo auro magnam partem casulae jam apponi feci.

Eschillus presbyter nonnullos aureos habet ad opus eorundem reservandos; argentum quod Liuthgerus ei tenebatur persolvere, totum pauperibus jussit erogari.

Dominus archidiaconus de argento, quod accepit pro decimis et a presbyteris et de argento, quod habet dominus Alexander, domino archiepiscopo Nidrosiensi, et episcopis praedictum argentum persolvat, et quod residuum fuit, inter monasteria Scaniae et Selandiae fideliter distribui praecipit.

Dominus Alexander autem argentum suum non habet, nisi quantum constari poterit ex septingentis marcis (<sup>38</sup>) denariorum Scaniensium veteris monetae, et ex eodem argento praecipit domino Alexandro, ut xvi marcas Sorae mitteret quibusdam persolveudas.

Argentum, quod Hericus filius (<sup>39</sup>) Harinae, et Sueno frater ejus, et Conradus de Tumethorp ei tenetur persolvere, cujus debiti summam archidiaconus novit, praecipit reservari.

Debitum, quo Bondo, filius Gamalielis, ei pro donatione exactionum tenebatur, heredibus ipsius Bondonis totum (<sup>40</sup>) pro anima sua remisit.

Herico Batti (<sup>41</sup>) cappam forratam (<sup>42</sup>) de pellibus marturum dedit.

Magistro Petro capellano archiepiscopi Nidrosiensis cappam forratam de (<sup>43</sup>) pellibus griseis dedit.

Decano Lundensi (<sup>44</sup>) pallium marturum dedit.

Thordoni capellano suo (<sup>45</sup>) superpellicium cum pellicio de marturibus, et cappam (<sup>46</sup>) vario forratam (<sup>47</sup>) et juppam vario forratam dedit.

Simoni minorem juppam de griseo forratam: Petro Stamma griseum pallium quotidianum.

Marsilio Coco (<sup>48</sup>), coopertorium vulpinum dedit.

Petro (<sup>49</sup>) Stabulario equum, quem filius Biorn ei donavit, dedit.

Fratri ejus Wlff loriam, quam (<sup>50</sup>) Esbernus Mule ei dedit, donavit.

(<sup>51</sup>) Haquino camerario suo equum dederat, quem Bondo ei dedit.

Equum (<sup>52</sup>) brunei coloris Haquino Normanno dedit.

Nigrum equum, quem Sorae habuit, eidem monasterio reliquit.

(<sup>53</sup>) Equum blaccatum domino archiepiscopo Nidrosiensi dari praecipit.

(<sup>54</sup>) Eschillum Bathsven libertate donavit.

Mulieres, quas (<sup>55</sup>) Nicolaus Stabbellarius de libertate in servitum suscepit, ubicunque reperiantur, cum filiis suis libertati donentur.

Mulierem acceptam de Biargaherred in Scania cum filiis suis libertate donavit.

(<sup>56</sup>) Saxoni clerico suo duas marcas argenti et dimidiam concessit, quos sibi donavit.

Saxo debet duos libros, quos archiepiscopus ei concesserat, ad monasterium de Sora referre.

(<sup>57</sup>) Magistro Johanni (<sup>58</sup>) biccarium argenti dedit.

(<sup>59</sup>) Magistro Walthero (<sup>60</sup>) pallium griseum, quo in Nativitate Domini vestiebatur, dedit.

Annulos aureos quindecim cum lapidibus, et sexdecimum sine lapide, monasterio B. Laurentii dedit ad (<sup>61</sup>) plegarium faciendum.

(<sup>62</sup>) Praeposito Achoni minorem ciffum argenteum, quem Sorae habuit, dedit.

Argentum, quod (<sup>63</sup>) apud Cluniacum habuit, dimidium eidem monasterio contulit, medietatem vero ad (<sup>64</sup>) Claram Vallem transmitti praecipit.

Ecclesiae de (<sup>65</sup>) Wellinge tenebatur argentum reddere, cujus summam archidiaconus novit.

Ecclesiae de Stangby tenebatur (<sup>66</sup>) mansum unum reddere, quem dedit pro manso in Kopingh, et jussit ut Ecclesia in Stangby habeat mansum in Kopingh, donec de episcopatu reddatur.

Praebendae cuidam tenebatur dimidium mansum in Huphackre, et jussit ut in Arleff haberet dimidium mansum, donec de episcopatu reddatur.

Praebendae Nicolai monialis dimidium mansum in Asmundathorp, et jussit ut in Nybyle haberet in parochia de Saxulstorp, donec solvetur de episcopatu.

(<sup>67</sup>) Magister Hugo proprium praebendae suae habuit, donec de episcopatu persolvatur.

Archidiacono dedit pallium magnum (<sup>68</sup>) de Læ-

katt, si sit ibi, et si ibi non sit, lectisternium forratum de marturibus ꝑi donavit.

Jofrido Coco, duas cappas pluviales, alteram forratam.

Præcipue archidiacono præcepit, ut campanam, quam facere proposuerat, consummaret.

Magistro Hugoni lectisternium vario forratum.

Nicolao (79) filio archidiaconi superpelliceum vario forratum.

A Eschillo presbytero cappam forratam, quæ est (80) in castro de Haffu.

Christianum Cocum, qui injuste captus erat in servitute, libertate donavit.

Achoni magistro laterum (81), et Achoni Lapiidæ præcepit ut archidiaconus beneficeret.

Pixidem argenteam cum reliquiis monasterio de Sora dedit.

Retribuatur ei Dominus mercedem in vita æterna. Amen.

## NOTÆ AD PRÆCEDENS TESTAMENTUM.

Manuscriptum hujus testamenti egregium mecum communicavit vir elegantissimus et antiquitatum nostrarum amantissimus Dn. Johannes Laurentii, summi illius historici Andreæ Velleii pronepos, qui hoc manuscr. Haraldî Hvîtfeldii, opt. mem. historici manu nobilitatum nactus est, ex quo nunc illud hic editum videtis.

In sumptibus ferendis civis eximius Hafniensis Dnus Georgius Mollengracht laudari meretur, qui, quamvis litteris doctioribus excultus non sit, eruditionem tamen amat et eruditio favet. Ejus ad exemplum si multi se compararent, non doctorura cogerentur scripta cum blattis et tineis luctari. Hæc in illorum laudem, qui consilio, ope vel opera juvarunt, præfari debui.

(1) *Venerabilis*. Hic titulus post Bedæ tempora, cui primo omnium datus fuit, ecclesiasticis placuit, sicque episcopos, imperatores et papæ Romani compellere perrexerunt; archiepiscopos quoque imperatores et reges sic solebant, at papæ in multis suis litteris reverendissimos et sanctissimos dixerunt. Nec penes ecclesiasticos hic titulus solum resedit, sed et ad principes sæculi liberales in clerum transiit; unde in litteris papæ Gregorii IV de Hamburgensi archiepiscopatu Ludovicus Pius imp. non solum venerabilis princeps vocatur, in verbis: *Omnia vero a venerabili principe ad hoc Deo dignum officium deputata, nostra etiam auctoritate pia ejus vota firmamus*; sed et missi imperatorem venerabiles iisdem litteris audiunt, quamvis episcopi non essent; sic enim legimus: *Venerabiles Ratolfum sive Vernoldum episcopos, nec non Geroldum comitem vel missum venerabilem relata est confirmanda*. Quin et mulieres et matronæ pietate insignes titulum istum subinde meruerunt ab ipsis ecclesiasticis; apud Adamum Bremensem primo Ikia illa, quæ Ramsolam in Verdensi diocesi donavit, venerabilis dicitur l. 1, p. m. 22. Unde contigit, ut prædium quod Ramsola dicitur, a quadam venerabili matrona suscepit nomine Ikia. Deinde quoque, Emmam Ludgeri comitis uxorem ob eandem munificentiam hoc titulo condecoravit l. 11, p. m. 64: *Benno dux Saxonum obiit, et Ludgerus frater ejus, qui cum uxore*

B *sua, venerabili Emma, Bremensi Ecclesiæ plurima bona fecerunt. Hodie quemvis sacerdotem venerabilem, venerandum, reverendum compellere decet.*

(2) *Dnus Absolon Lundensis*. Meretur hic archiepiscopus ob multa præclare gesta, et decus, quod familiæ suæ intulit, sæpius commemorari. Adzeri Rygh filius, episcopus Roschildensis factus an. Chr. 1157, ad archiepiscopatum Lundensem ascendit an. Chr. 1178, vita tandem excessit A. C. 1201 die S. Benedicti, seu 21 Martii, ut indicat Arnoldus l. iv, *Chr. Slav.*, c. 18, ubi quoque verba quædam exstant, quæ testamentum hoc Soræ nuncupatum, innuunt, dum Soræ circa finem dierum suorum molestia corporis tractum ægrotasse scribit, et cum ætatis annum septuagesimum tertium attigerit. Natus fuit anno 1128, quod Hvîtfeldius observavit, ita ut episcopatum Roschildensem regere cœperit ab anno ætatis xxx, et archiepiscopatum ab anno l; testamentum hoc suum anno 1200 condidit, vel serius etiam, circa finem dierum suorum ægrotans, ut Arnoldus loquitur. Et dum canonicorum de Paraclyto meminit, quibus legatum insigne reliquit, videtur jam abbas illorum Wilhelmus, Absoloni tantopere dilectus, vitam commutasse, cum Absoloni testamentum dictaret, et sine abbate canonicos fuisse, quod illis solis scribi curaverit, atque sic paulo ante vitæ finem 1201 hoc Testamentum conceptum esse dici debet; Willelmus enim abbas, et Absolon archiepiscopus eodem anno decesserunt, sed Wilhelmus prior.

D Testamentum fuisse nuncupativum ex ore archiepiscopi exceptum, indicant non ab archiepiscopo, sed ab altero de archiepiscopo scripta verba, et sæpius repetita, *donavit et scotavit*, non *donavi et scotavi*, unde quoque subscriptionibus et sigillis caret, testibus solum assistentibus undecim nominatis et perscriptis: quæ quoque confirmant, circa finem vitæ Absolonem sentientem vires deficere, et morbos urgere, hæc dictasse et nuncupasse, cum, multa sint illic legata et donata, quæ non nisi ultimo ejus tempore dominio ejus accesserant. Et quamvis testamenta reliqua valere non possent in Dania, nisi rege confirmante, episcopos tamen et clericos, qui juri-

bus ac moribus Danicis subjectos se non credebant, nisi quatenus vellent ipsi, aut leges prodessent, iuribus Romanis vixisse considerare debemus, ex quibus testandi jus liberum sibi sumpserunt, et ne possent a regibus testamenta eorum scripta facile subverti, nuncupare malebant quam scribere. Andreas Sunonis successor Absolonis in archiepiscopatu Lundensi testamento quoque ultimam suam voluntatem declaravit, prout Saxo in dedicatione sui operis historici docuit, quod an nuncupaverit an vero solemniter scripserit et obsignarit, dicere nequeo, quod illud nondum viderim. Multæ tamen aliæ donationes ejusdem archiepiscopi Andree scripto comprehensæ leguntur, quas per Valdemarum II regem confirmari curavit.

Jam de homine Absolonis quoque monebo, quo nunc omnibus notior est hic archiepiscopus quam suo. Certum enim est, cum Absolonis nomine ab initio, aut in Danica lingua non usum, sed clericos et ecclesiasticos, non intelligentes nominis Danici vim, ex Axel finxisse Absolonis, quasi, qui Danice Axel diceretur, Latine Absolon appellandus sit. Minima quæque allusio nominis occasionem clericis quondam dedit Latina substituendi; sic enim ex Kield fecerunt Kilianum; ex Orm, Homerum, ita ut neminem hoc admirari velim ex Axel factum esse Absolonem. Omnes majores Absolonis Danicis, et huic genti consuetis ac receptis nominibus, appellati sunt: frater ejus, Esbern; pater, Adzerus; avus, Skialmo; proavus, Tocko, primus Christianus in hac familia; abavus Slago; solum Absolonem Hebraico nomine addito inter Danos succrevisse, credere nequaquam ulla ratio jubet. Axelii sane nomen inter Danica in hodiernum usque diem permanet, nihil est frequentius quam hoc nomen, præprimis inter nobiles viros. Nec soli Absoloni hoc evenit, sed etiam aliis Axeliis, quos Latine scribentes Absolones vocarunt omnes. Exstant Christophori Bavari litteræ apud Hvitfeldium an. 1443 datæ, ubi ille qui centies alias Oluff Axelson scriptus et recensitus fuit, senator regni maxime nobilis et celebris, unusque ex Axelii filiis (af de Urelsonner), in historia Danica nominatissimis, ex quibus hodie domini Totth, quotquot sunt, cognominati prodierunt, ille, inquam, Oluf Axelson in prædictis litteris Latine conceptis diserte Olaus Absolonis scribitur, et tantundem de aliis Absolonum nominibus in Dania sentiendum superest. Quin et ipse archiepiscopus credidit Axelii nomen ex Absolonis nomine detortum esse, cum veteres hæc opinio diu tenuerit, totam linguam Danicam vel ex Latina, vel ex Græca fluxisse, eoque nominum et verborum origines referendas: quam opinionem etiam Saxo secutus, ipsum semper Absolonem vocavit, qui cum ipso vixit, et Axelii nomen in vulgo millicis audivit pronuntiari, sed et ipsius archiepiscopi epistolæ ad alios exaratae, hoc nomen Absolonis ubique præferunt. His addatur inscriptio Asumensis Runica; Runicis litteris sculpta, quæ reperitur

A in muro et porta templi, et est ab excell. Dn. Wormio p. m. in *Monumentis* descripta p. m. 171, ibi Absolon et Asbiornus Mule ut benefactores Ecclesiæ istius adnotati clare reperiuntur.

KRIST MARIV SYN HIALPI THEM ER KIRCKIV THINO GYTHI ABSILON ARKIBISKVP ÓK ASBIORN MULI.

Hoc est: *Christe, Mariæ Fili, adjuva eos qui Ecclesiæ tuæ (vel huic) benefaciunt Absiloni archiepiscopo et Asbiorno Mule.*

Ubi quoque Absolon, non Axel dicitur; quorum omnium causa est, quod Absolonis et Axelii nomen unum idemque esse persuasi fuerint, et Axel ab Hebraico Absolon derivatum ac contractum esse ab indoctis clericis didicissent, in quibus tamen B falsi fuerunt, siquidem Axel et Absolon toto cælo differunt. Absolon, *Pater pacis* explicatur; Axel, est *magnificus et magnus*. Axeltorg etiamnum vocamus locum nundinarum spatiosissimum et frequentissimum; Axelhuss est aut domus magna, multisque communis, aut domus ab Axelio constructa: unde recte satis Hvitfeldius in *Chronico* ad annum 1201 p. m. 67, edit. noviss. de Absolone verba faciens, Hafniæ arcem ejus tempore Axelhuss dictam fuisse scripsit: *Hand stiatte Risbenhaffns Slot oc By, med Amager Land til Røstilde Stift*. Et quare Axelii domus dicebatur hoc castellum? Non sane aliam ob causam, quam quod ejus dominus ac conditor vulgo Axel vocatus sit, qui est Latinus Absolon factus. Nam anno 1168, cum episcopus Roschildensis esset, hoc castellum contra piratas exædificavit, ab eoque tempore Axelhus dici coepit, donec Roschildensi Ecclesiæ totum illum locum transcripsit: qui post mortem ejus, amplificatis finibus, et in oppidum paulo lautius exspatiantibus, Stegelburgi nomen imposuerunt arci, aut potius a Germanis et peregrinis illi exscendentibus quoties appellerent, nomen Stegelburgi acquisivisse videtur, ita ut ab indigenis Axelhuss, a peregrinis Stegelborg vocari perrexerit; sicque conciliantur facile diversa illa nomina, a diversis nationibus uni loco collata, quod sæpe fit; quæ tamen Svaningium induxerunt in *Chronologia Danica* rem totam invertente, dum p. m. 78 sic referre voluit: Anno 1168 ad arcendos finibus Selandiæ piratas exstructa est ab Absolone episcopo Roschildensi arx Hafniensis, olim Stegelburgum, postea Axelhusium vocata. Axelhus enim nomen præcessit, Stegelburgi post additum reperi-mus. Sed Axelvold castellum in Ostro-Gothia a Canuto Porse duce Hallandiæ circa ann. 1326 conditum, non ab Axelio quodam aut Absolone nomen sortiri video, sed a silva ista ingenti, quæ castellum excepit; adeo ut Axelvold sit silva spatiosa, densa, longa, omnis generis arborum nutrix, qualem conspicuam vel vægrandem magnitudinem rerum cum voce Axel augeri septentrionalibus dixi; ut sit Axel veluti contractum ex *Allsall*: tam beatus, ut omnia subministrare possit sic *Aarsall*, qui dives est frugum et annonæ, illasque copiose procurare no-

vit; *Vinsæll*, amicis stipatus et gratus omnibus; *Seyersæll*, qui victoriis beatus est, illasque parare potest egregie: explicatius illum vocamus *Seyersællig*, ut *Lyctsalig*, Germanis *stuctselig*, cui fortuna favet: omnia ex unica voce *sælge* profluentia (sic enim melius scribitur quam *sellie*), quod est *tradere, vendere*; ita ut *Sæll* et *Salig* dicatur ille, cui fortuna libenter tradit opes suas et liberaliter: sic *Azell*, cui fortuna in omnibus favit, qui vere magnus est. Axelstada villa ad Susam amnem in Selandia ex ea causa contracte *Allsted* hodieum appellatur, non procul Ringstadio versus occidentem sita: Saxo ejus meminisse dignatus est. Hæc cum non intelligerent clerici, *Alex* Danicum idem esse quod *Absolon* Latinum sibi et aliis persuaserunt. Et sic errare contingit omnes illos, qui Danicam linguam ex Hebræa, Græca vel Latina deducunt, cum in nominibus propriis Dani veteres nullam linguam respererint nisi suam: et dum Danicam linguam ultimam esse crediderunt omnium, nec ex ea proficisci posse, quæ non in aliis linguis prius fuerunt, valde se fefellerunt ita statuentes, cum etiam innumere supersint antiquitates, non exigui momenti, quæ ex nulla alia quam ex Danica lingua explicari poterunt.

Jam et alius error de hoc eodem Absalone archiepiscopo multorum animos sic obsedit, ut vix mihi spes relinquatur evelli aliquando posse. Absalonem enim cognomento non solum *Huid*, sed et totam *Hvidiorum* familiam in Dania hinc descendere putant, quod falsum est omnino. Cognomina enim, quæ tunc fuerunt in Dania nobilibus, vaga, nec perpetua vel hæreditaria aut in familiam transcuntiaprehendimus fuisse, sed cum iis, qui cognomen acceperant, extincta, neque ad posteritatem demissa. Hoc innumeros hactenus errare fecit in familiis nobilissimis constituendis, earumque origine deducenda. Falsum est præterea, Absaloni archiepiscopo unquam *Huid* aut *Albi* cognomen fuisse; nulla enim veterum monumenta ejus ætatis hoc dixerunt, non Saxo, non Sueno Aggonis, non alia Chronica ejus ætate aut paulo post scripta. Recentiores quidam hanc opinionem fovere cœperunt, et controversiam inde magnam facere, quasi totius Danicæ nobilitatis ætus periclitaretur, nisi protinus his fidem addiceremus nostram. Ego vero, dum quæro quibus rationibus innitantur pro *Hvidiorum* familia, nihil plane reperio, nisi illud, quod avum Absalonis *Skialmonem* Candidum, seu *Huid*, cognominatum fuisse legissent: hinc enim ita colligunt: si avus *Huid* fuit cognomine, etiam filii et nepotes, et pronepotes et abnepotes omnes *Hvidii* erunt: quam ob causam nepos *Skialmonis* Absalon, *Huid* cognominandus erit.

Nego autem ego et pernego illud sequi, siquidem nondum cognomina fuerunt ulli familiæ per Daniam hæreditaria. Verum satis est, et ex Saxone constat *Skialmonem* avum fuisse Absalonis, constat quin etiam *Candidi* cognomen *Skialmoni* datum:

at non ex familia illud cognomen ortum duxit, sed ex vulgo, causisque incidentibus, ideoque nec ad posteros ejus descendere potuit, imo nec descendit, nec ullis monumentis quisquam mihi hoc probatum dabit. Contrarium elucet protinus ex hac ipsa familia Absalonis, ubi cognomina nulla cognominatum excedunt, aut ad ejus familiam descendunt. Tocko pater *Skialmonis* cognomine non uno claruit, dictus est enim et *Tryller*, magus et *Sfytter sagittarius*, tam quod magiæ deditus fuerit, dum paganus fuit, et usqueque Christianæ religioni nomen dedit, quippe qui primus scribatur in ea familia Christianus; quam quod arcu præstans fuerit, sed a *Hvidiorum* cognomine multum ille abfuit. Filius *Skialmonis* *Azzerus*, pater Absalonis, suo cognomine sæpius celebratur, quod *Ryg* vel *Rog* fuit, *hirsutus*, non *Huid* [potius idem ac *Rig*, scilicet *dives* vel *potens*]. Frater Absalonis *Esbernus*, cognomine quoque suo gaudebat, *Snare* vocatus, quod expeditissimus esset et in consiliis, et in rebus gerendis. *Esberni* deinde filius Absalon, *Belg* cognominatus, quasi *ventricosus* et totus venter; alter filius *Esberni*, *Joannes* dictus, sed cognomine *Marscalcus*, ab officio, ni fallor, quod gessit; et tertius filius *Nicolaus*, rursus alio cognomine donatus *Mule*, scilicet, ita ut nemo eorum, nec *Candidus*, nec *Albus*, nec *Huid* appellatus sit: quibus jungi potest *Nicolai* *Mule* filius *Esbernus*, dictus *Snerling*; ita ut majorum cognomina tunc nemo sumpsit, sed suo proprio quilibet gavisus sit, dum vixit: quæ, si quis ad familias trahere voluerit, ut hæreditaria, ne ille multis erroribus et se, nosque omnes implicabit, quod hactenus quoque summis viribus ausi conatque sunt plures, qui quoties cognomen aliquod emerisisset aut legerunt aut saltem alludere ad hodierna nobilium familiarum cognomina posse judicaverunt, protinus exinde familiam arcessere aut exstruere totam voluerunt. Sero sane cognomina, quibus familiæ hæreditario hodie distinguuntur, in Danica nobilitate fuerunt recepta, et pene post alios omnes: nec ulterius quam a sæculo xiv paucis Danorum hunc morem placuisse totas familias cognominibus hæreditariis insigniendaprehendimus, postquam Germanicos mores etiam hac in re imitari voluerunt septentrionales. Istorum vero, de quibus dixi, cognominum et illa tunc conditio fuit, ut non adsciscerentur ab iis, qui sic cognominabantur, sed ab aulicis et a vulgo imponebantur, ut coacti omnes ea de se dici audirent, quod plerumque ridiculi aliquid immistum haberent talia cognomina, ut *Belg*, *Mule*, etc.

Hinc istis cognominibus, de seipsis loquentes, non utebantur, quæ quoque causa est, quod *Esberni* nomen nudum, non addito cognomento *Snare*, in hoc testamento positum videamus, nec Saxo in historia sua eo cognomine *Esbernus* ullibi produxerit, quod gratum non esse jam didicisset cognominibus istis traduci, sive ad laudem nimiam spectarent, invidiæ nutricem, sive ad risum excitandum, cum vulgi sannis comedendos exponi viros

illustres grave esset omnino. Haud eo tamen hæc pertinent, de cognominibus nobilium hæreditariis, quæ nova possunt dici, quasi Danica quoque nobilitas, et familiæ antiquissimæ ac honoribus cumulatissimæ, novæ sint nec nisi a sæculo XIV numerandæ, minime gentium; neque enim a cognominibus istis pendet nobilitas, sed a successione perpetua et longæva, quam nobilissimi homines ab antiquo conservatam ad nos usque deduxerunt, quæ successio sub multis cognominibus familias antiquissimas nobis dedit. Antiquitus sufficiebat ad nobilitatem indicandam primi auctoris nomine posteris omnes descendentes appellasse, ut ab Ingo, Inglingos; a Skioldo, Skioldungos; a Folcone, Folckungos; a Carolo M., Carolingos; a Meroveo, Merovingos; ab Immedingo, Immedingos; a Sturlo, Sturlungos, et innumeras alias antiquissimæ nobilitatis familias, haud alio cognomine ornatas. His appellationibus deinceps cessantibus, cum nimis diffundere se viderentur ista cognomina, et nobiles ac ignobiles pariter in eadem familia comprehendi et confundi; siquidem multi rami nobilium stemmatum haud in eadem nobilitate semper potuerunt gradum figere, quin ad incitas quasdam redigerentur, quod reliquæ nobilitati, cui nihil tam proprium est quam splendor, non solum luctuosum, sed et dedecoris nimium habere videbatur, esse inter suos, quos eo prolapsos videre non cuperent: hinc ad patrum nomina nobiles cœperunt recurrere, iisque diu semet appellare, et nobilitatem suam conspicuam reddere, ut Ericus Otheson, Axelius Oluffson, Tycho Nielson, etc. Sed cum neque sic a vulgo tuti essent, aut satis distincti, quoniam vulgus semper nobilitatis insignibus sub et obrepit, ad ultimam hanc cognominandi rationem qua cognomina hæreditaria familiis et stemmatibus reliquerunt, perventum est, quæ aliquando nobiles egregie quidem distinxit, sed nunc quoque in vulgus ita patet, ut nisi sua luce præfulgeant nobiles dum vivunt, vix a posteris discerni amplius valeant nobiles et plebei, et ad alia rursus remedia deveniendum sit, si posteritati suæ nobiles dehinc consultum volunt. Nihil igitur propter nomina vel cognomina decedit antiquitati familiarum nobilium quæ profecto Danis sunt antiquissimæ, ita ut cum quavis gente certare possint, imo plurimas vincere, quod alio tempore mihi deducendum sumpsit, modo vires et facultates mihi suppetant. Sive sint igitur *Urnii*, sive *Bannerii*, sive *Gotii*, sive *Tottii*, etc. omnes illas familias, infinitæ antiquitatis, supra quam credi potest, reperire licet fuisse, licet sero *Urniorum* aut *Banneriorum*, etc. cognomen assumpserint, in quibus revera nulla nobilitas versatur, cum nomina sæpius, etiam ex levissimis causis, mutantur, nobilitas postquam semel radices egit, velut annosa quercus occulto ævo crescens, non desinit quandiu spiritus est et medulla.

Nunc illud saltem demonstrare volui, nec *Hvidiorum* familiam ad Skialmonis Candidi proprie per-

tinere, aut ita, ut ab ea descendat, nec diu esse nimis, quod *Hvidii* cognomen hoc hæreditarium suæ familiæ fecerint. Eadem ratione sequitur, Saxonem grammaticum, qui cum Absalone archiepiscopo vixit, non censendum esse ad Langiorum familiam nobilissimam pertinere, quod alicubi cognomen *Longi* sortitus sit, iis enim temporibus cognomina non fuerunt hæreditaria, aut familiæ; non inter nobiles, multo minus in vulgo.

(\*) *Dno Esberno fratre*. Hic ille est, qui cognomen *Snare* tulit, quod suas res citissime expediret, eoque distinctus fuit ab aliis Esbernis. Fratrem majorem fuisse Esbernum, tum conditio ipsius evincit qua proli procreandæ aliisque sæculi studiis datus erat in aula, domi, foris, militiæque; quæ sane curæ ad primogenitos filios spectabant, adeo ut sæpe moncant nos historiæ, primogenito sine liberis e vita excedente, minorem fratrem ad sæculum revocatum, ordines ecclesiasticos ut deserere posset impetrasse, pro domo et familia sustentanda. Sic Hartungus et Adolphus fratres Schowenburgici; Hartungus regimini et militiæ destinatus erat, Adolphus ecclesiasticis; Hartungo tamen absumpto bellicis quibus servierat, ad Adolphum successio rediit, qui quoque monasteria relinquens, sæculo matrimoniiis se se mancipavit. Hoc itaque Esbernum ætate Absalonem prævertisse primo docet, deinde Dambori Rugii oratio apud Saxonem, l. XIV, p. m. 296, diserte satis indicat, dum rationes suas exponit, cur Absalonem potius quam Esbernum natu majorem adhibere cupiat in pace petenda a rege Daniæ. *Nec par industria*, inquit, *in fratre tuo prætereundo, quanquam natu præstet, usos nos esse constat. Tibi enim*, loquitur Absaloni, *auctoritatis prærogativam, honoris, non animi nec ætatis privilegia, sed dignitatis ornamenta conciliant.* Hæc Saxonis verba, qui cum Esberno et Absalone vixit, a veritate aliena esse nemo facile credet: repertus est tamen Martinus Petri abbas Soranus (is enim præfuit usque ad annum 1571), qui in libello suo *De Absalonis archiepiscopi genealogia* Daniæ e. lito Hafniæ an. Chr. 1589, tam in fronte libri quam postea p. 29, Absalonem et Esbernum, fratres gemellos uno partu exclusos contra Saxonem ausus fuit scribere et statuere, anilibus quibusdam fabulis, quarum plenus est iste liber, innixus, quas tanto historico præferre non dubitavit, earumque mendacia tantæ luci, ipsique veritati vim ut facerent, quantum in ipso fuit, passus est. Ejusmodi vero nugæ haud opus est confutare, sed damnare: nullis enim rationibus docuit, cur Saxoni minus, sibi vero præfiscine credendum sit; nec ea quæ opponere conatus est plus possunt quam ultimus fluctus contra Marpesiam caudem. Fuit igitur Esbernus Adzeri filius natu major, ideo sæculi rebus destinatus, alter Absalon, minor natu, et ecclesiasticis propterea regulis imbutus, prout tunc solebat observari in educandis filiis. Uxores Esberni hujus duas fuisse docet nos manuscr. de iis qui Soræ sepulti fuerunt, quibus nomina Hul-



mesfretth et Ingeburg : dicit enim : *Juxta illos sepultæ sunt duæ uxores Esberni Snare Hulmesfretth et Ingeburg : inferius ante gradum sepultæ est domina Gundil mater prædictæ Hulmesfretth.* Monet autem idem manusc. hæc corpora sita *in parte australi a choro, in presbyterio S. Joannis evangelistæ, cum ossa Esberni Snare ante gradum presbyterii Absalonis jacerent, disjuncta sic ab uxorum ossibus longo spatio : quod non solet maritis et uxoribus usu venire, quod conjungi ament uno sepulcro. Et sane conjuncta jacuerunt olim, sed ecclesia Sorana flammis et incendiis destructa an. Chr. 1247, translata sunt horum patronorum ossa an. Chr. 1285 in ecclesiam novam majorem, atque hoc pacto ab invicem separata, tribus ecclesiæ novæ locis rursus inhumata, quæ prius conjunctim jacuerant; qua de re audiendus est auctor ejusdem manusc. loco notabili et egregio. *Istorum tamen omnium ossa* (loquitur de Absalonis et ejus familiæ ossibus) *cum multis aliis, quorum nomina in libro vitæ scripta sunt, translata fuerunt de antiqua ecclesia per dominum abbatem Nicolaum tertium in ecclesiam majorem, et reposita in tribus locis, videlicet, pars quædam in presbyterio summi altaris ad dextram domini Absalonis archiepiscopi, ut jam patuit; pars altera in presbyterio Beati Joannis evangelistæ, ubi uxores domini Esberni Snare locum suum ab illo tempore receperunt cum Guilda; et pars tertia in presbyterio B. Joannis Baptistæ anno Domini millesimo ducentesimo octogesimo quinto, in crastino commemorationis animarum.* Cætera quæ de Esberno dici merentur, exstant apud Saxonem, unde peti hoc ejusque præclare gestis poterunt.*

(<sup>b</sup>) *Dno Gaufrido abbate.* Præfuit Sorano monasterio hac dignitate ab ann. 1189 ad 1213 Anglus natione; in multis enim ex Anglia monachis et ecclesiasticis usi sunt Dani, quandiu non tantam copiam clericorum regna ipsa Danica suppeditare poterant, hinc et prædecessor Gaufridi, Simon, Anglus fuisse scribitur.

(<sup>c</sup>) *Et Tochone et Achone.* Ambo præpositi erant, sed Tocho Roschildensis Ecclesiæ, ut ex catalogo eorum, qui Soræ sepulti fuerunt, manifestum evadit. Sic enim ibi verba jacent : *Ante ostium ecclesiæ jacet dominus Tucho præpositus Roschildensis;* erat enim ex benefactoribus Sorani monasterii : qui cum vixerit et adfuerit, quando Absolon testamentum suum nuncupavit, facile videmus Saxonem præpositum, cujus litteræ aliquot meminerunt, circa ann. 1180 et 1184 apud Stephanium in *Notis ad Saxonem* editæ, jam decessisse, et Tockoni præposito locum fecisse, ut successori suo in hoc officio. Nondum occurrit mihi, quando Saxo præpositus Roschildensis diem suum obierit, et Tocko successerit, sed aperte satis Stephanii sententia convellitur, his iudiciis, qui Saxonem grammaticum et historicum eundem cum Saxone præposito Roschildensi fuisse, multis conatus est asserere in *Proleg. ad Saxon.* c. xi. Solum enim Saxonis præpositi no-

A men non facit Saxonem grammaticum vel historicum nostrum præpositum. Plures fuere Saxones iisdem temporibus viventes, ex quibus nonnisi unus præpositus Roschildensis fuit, qui sane non fuit Saxo grammaticus, prout contendit Stephanus; mansit enim Saxo grammaticus Absalonis archiepiscopi clericus usque ad mortem ipsam archiepiscopi, et diu post etiam in vivis fuit, ut aliquando clarius docebo; cum Saxo præpositus ante Absalonem vita exisset, et Tockonem hunc, qui testamento Absalonis nuncupando cum aliis astitit, successorem accepisset præpositum Roschildensem. Constat igitur ex hoc Testamento quoque Saxonem grammaticum non fuisse præpositum Roschildensem; neque enim deficiunt alia plurima, quibus hoc docere possem, nisi ab hoc loco aliena essent, et nimis diffundere nos oporteret, qui de Tockone præposito disquirendum sumpsimus, non de Saxone grammatico. Vocatur hic præpositus *Tocho* et *Tucho*, ut audivimus; sed cavendum est, ne illud cum Tychonis etiam nomine confundamus: sunt enim Danis diversa nomina, *Tocke* et *Tyge*, nec Latinorum flexiones aut scriptiones perversæ sunt attendendæ, sed ipsa lingua Danica, quæ in nominibus suis exprimentis et distinguendis semper fuit et est accuratissima. Idem dicendum de Achonis nomine, quod hic Tockoni conjungitur: multis apud clericos Latinos vexatum est illud nomen injuriis, nam aliisest *Aggo*, *Ako* et *Hako* et *Hacho Haquinus* aliaque præterea hujus nominis detorta, cum Danicum verum nomen sit *Aage*, et Norvegicum *Haagen*, [Islandis autem *Hakon*.]

(<sup>d</sup>) *Magistro Joanne.* Vide inferius notam 67.

(<sup>e</sup>) *Thordone capellano.* Habebant archiepiscopi capellanos, notarios ac clericos suos, qui scribenda observabant in domo aut capella, hoc est, comitatu archiepiscopi. Capellanus erat totius cancellariæ caput, instar cancellarii in aulis principum; quidquid enim cancellarii principibus præstabant, illud capellani archiepiscopis. Quid? quod capellani et archicapellani antiquiores sint in hoc munere quam cancellarii, et prius regum aulas ac episcoporum scribendi gratia per Germaniam obsederint, quod præter clericos initio fere nullus sæcularium scribere didicisset. Sed postquam ex Romano jure et aula cancellarii nomen prævaluit, capellani cœpit etiam apud episcopos cessare. Sic qui Caroli M. temporibus archicapellani scribebantur, paulo post archicancellarii in hunc usque diem cœperunt appellari. At non existimet quis hunc Thordonem capellanum esse Thordonem *Degn* vulgo cognominatum, qui leges Valdemari II Juthicas adnotationibus perbrevis illustravit: nec juvat quod capellani quandoque Danis *Degne* vocati sint; nam primo non convenit ætas: Thordo capellanus Absalonis sub Canuto VI rege vixit; Thordo *Degn* sub Valdemaro II, et quidem særa ætate, post promulgatam legem Juthicam ann. Chr. 1240, quo Thordo capellanus vix pertingere potuit: deinde

quod Thordo capellanus Absalonis archiepiscopi fuerit Roschildensis, ut innuit Hvitsfeldii *Chronicon* p. m. 154; tertio quod *Degn* vel diaconus et capellanus haud idem fuerit; *Degn* enim et diaconus archiepiscopi ad cancellariæ negotia admoveri non solebat, sed in Ecclesiæ officii archiepiscopum juvando aderat; capellanus vero in capella archiepiscopi, ut in comitatu principis cancellarius vivebat, et scribenda regens et scripta.

(\*) *Camerario suo*. Etiam illud nomen episcopi a sæcularibus mutuati sunt.

(\*) *Pueris suis*. Hi pueri, pueri non fuerunt, sed obtinuit ista loquendi formula de ministris alicujus aulicis junioribus et florentissimæ ætatis. Anglis dicebantur communi nomine *Thegni*, sive ætatis gravis essent, sive vegetæ, dignissimis officiis admoti, vel inferioribus: a veteri verbo Danico et Saxonico *tieme*, *deenen*, in usum diuturnum deducti; olim apud paganos et initio Christianismi vox satis nota Danis, qui nihil frequentius in ore habebant, quam *Herda Cudan Thiagn*, id est *Ecclesiæ Dei minister* vel *servus*. Sed ab aula tandem penitus in Dania recessit vox, in Ecclesia retinent suos *Degne*, qui sunt subministri velut Ecclesiæ: nec a *διακονῶν* Græcorum originem repetere debemus, quod faciunt plerique; sed a veteri *Thiagn* factum est *Degn*, *Thiagn* autem a *thionne*, servire. Quotquot igitur in aula regum et principum serviebant, *Thiagni* et *Thegni* dicebantur, ex quibus juventute prima conspicuos Latine loqui volentes Clerici, fecerunt *Pueros*, Germani *Rnaben*, *Edelsnaben*. Nec solum hic reperitur, sed in multis scriptoribus hoc sensu occurrunt *pueri* pro ministris et servis non contemptissimis. Et *Chronicon* quidem *Selandicum parvum*, quod nuper edidit Arnas Magnæus Islandus, ita de Canuto duce Slesvicensi, p. 47, loquitur: *Quem cum pueri sequi vellent, prohibuit eos: at cum illi dicerent, turpe esse quod dux non solum sine pueris, sed etiam sine gladio incederet*, etc. Pueri ergo non fuerunt illi, qui consilia dare poterant et duci suggerere. Sic quoque de Nicolao rege Daniæ, p. 19, habet: *Cum venisset prope Hetheby, dissuaserunt ei comites et pueri sui, ne introiret illuc*. Sunt enim hi pueri his scriptoribus, quod olim Danis et septentrionalibus *Dreng*, quos novimus juvenes robustos et nobiles fuisse, virisque similes, quamvis hodie ad minorem ætatem et viliores solum nomen illud sit restrictum; hinc enim *Drungarii* milites apud Græcos Constantinopolitanos nomen retinuerunt, idemque fuerunt *Dreng*, et formula, *goden Dreng*, apud Danos, quod *Rarle* apud Suecos. In Anglicis scriptoribus vocantur *Tyrones*, hoc est, qui nondum milites facti erant, proximi vero ut fierent. Milites enim in aula dicebantur, qui ob officia et servitia sua, quæ præstabant, beneficio aut feudo quodam erant donati. Hinc sæpius occurrunt milites feudati; *Tyrones* autem et *Pueri* illi sunt nobiles, qui quidem serviunt, sed feudum aliquod nondum impetraverant, spe impetrandi viventes, servientes et militantes.

Nobiles enim fuisse illos *pueros*, de quibus hic loquimur, nullum est dubium, quin et ætatis justæ juvenes, quia testamento tanti archiepiscopi ut testes adhibiti leguntur, quod non est puerorum minorenium aut vulgarium. Etiam veteres Romani voce *pueri* sic aliquando sunt usi: Plautus sæpiuscule, *Curcul.*, act. 1, sc. 1, v. 9, de Phædromo juvene amoribus nocturnis indulgente, et eunte *Quo Venus Cupidoque imperat suadetque Amor: Tute tibi puer es*, inquit, *lautus, lucas cereum*.

In *Mostellar.*, act. 4, sc. 2, IV. 30, Theuropides senex alloquitur servum et Phanicum:

*Heus, vos pueri, quid isthic agitis? quid istas œdeis frangitis?*

Varro in *Eumenid.*: *Vix vulgus confuit, non Furiarum, sed puerorum et ancillarum. Ræchte und Magde*, dicunt Germani. Ita puellæ quoque dicebantur, quæ jam uxores erant, vel viduæ. Horat. III, carm. 22:

..... *Laborantes utero puellas.*

Ovidius, *Fastor.* II, jubet

..... *Viduas cessare puellas*

Penelope ipsa dicitur *puella*, cum Ulyssi jam Telemacum dudum peperisset. Scævola J. C. *puellam* vocat, quæ erat vidua, et post alteri nupta; Agellius, l. XII, c. 1, *puellam* vocat, quæ bis jam puerpera fuerat, ita ut puellæ fuerint, quandiu juvenculæ. Quidni quoque pueros appellare liceat, quandiu viridis est juvena et *γόνυ χλωρόν*, adeo ut pueri hoc loco sint, quos nostra lingua *junge Herren* vel *Junkere* vocare soleamus; *Scalcke* veteribus Danis dicti et Germanis proprie, quandiu vox illa in meliorem partem sumpta fuit, ita ut non simpliciter servi dicti sint tales pueri, sed *Scalcke* nobiliorem servitutem servientes. Hinc in *leg. Burgund.* tit. 49, § 4: *Ad pueros nostros, qui multam per pagos exigunt, jusseramus adduci*: hi pueri Danis dicebantur *Whytescalcke*, et Germanis, sicque in eadem lege titulus 76, incipit de *Wutiscalcis*: *Pueros nostros, qui judicia exsequuntur, quibusque multam jubemus exigere*. Illo igitur nomine gaudebant isti pueri, qui sane pueri non erant, sed satis adulti, officio sibi mandato pares. Soli *marescalci* *rouen* vetus retinuerunt, atque quid primum fuerint vox ipsa docet, inter pueros nempe regis eos apparuisse, donec tempus dignitatem illustrem magis reddidit, et ad hodiernum splendorem *marescalcos* evexit in aulis. In *lege Salica* tit. 14, leges: *Si puer regis vel litus ingenuam feminam traxerit*, hoc est, raptum commiserit, *de vita componat*, et in l. *Rupuar.*, tit. 53, § 2: *Si regius puer, vel ex tabulario, ad eum gradum ascenderit; Capitul.* Caroli et Ludovic. imp. l. VI, c. 319, eadem ratione: *Cujus vindictæ reus sit puer ante dominum suum, qui uxorem domini sui adulterio violaverit*. Ita quoque Gregorius Turon. *Hist.* l. III, t. V: *Lorum sub collo positum ac sub mento ligatum, trahentibus ad se invicem duobus pueris, suffocatus est*, ex quibus quomodo pueri sint intelligendi satis percipimus; fuisse nimirum

juvenes nobiliores veteribus Danis et Germanis *A* *scalcos* dictos. Sicque optime distingui poterunt *Whitescalcki* a *Whytetheovnes*, qui occurrunt in legibus Athelstani regis c. 3, apud Bromtonum p. m. 841. Sunt enim *Whitescalcki*, ut audivimus, ministri regis, qui multas exigunt; *Whytetheovnes* vero servi pœnæ, vel ut explicat lex *servus forisfactus*, qui ob malefictum suum in servitum redactus fuit: neque etiam *Whytethegnes* legendum est, ut Bromtonus voluit, quia *Thegni* nomen honoris est apud Anglos, sed *Theovnes* relinquendum, quamvis et *Thegni* et *Theovnes* ex eadem radice provenerint, *tienne*, Danis; *Dienen*, Germanis.

(<sup>10</sup>) *Henrico converso de Sora*. In omnibus fere monasticis scriptis conversorum fratrum sit mentio, qui cum monachis una vixerint, nemo tamen quid sint, cur ita dicantur et distinguantur a reliquis, adnotavit; an sint illi, qui laici fratres, *Lagbruder*, hodie vocantur, an vero alii? Reperiuntur sane apud Carthusianos et Bernardinos, qui *conversi* ideo *ipsis* dicuntur, quod mundum relinquunt et monasteriis se tradant, conversi ad meliora et tranquilliora a turbulentis sæculi negotiis, patribus et fratribus istorum ordinum servientes, habitu et colore distincti a cæteris fratribus, quibus serviunt, suntque, ut dixi, similes illis, qui in aliis cœnobiis *Lagenbruder* appellantur. Nullis literis imbuti ad theologiam et sacra pertinentibus. Erat Sora ejusque cœnobium Bernardinis fratribus et patribus ab initio dicatum, hinc etiam *conversi* leguntur inibi fuisse, et quia servi monachorum, etiam postponuntur pueris Absalonis.

(<sup>11</sup>) *Fialenleve*. Puto esse idem prædium quod *Fienueslof lille* vocatur in catalogo manuscripto eorum, qui Soræ sepulti sunt; ubi dicitur, Absalonem inde *transtulisse ossa Dni Schelmonis Hride avi sui, et filii ejus Tuchonis de Ecclesia Fienueslofille in Ecclesiam nostram*, id est Soranam, adeo ut prædium illud *Fialenleve* seu *Fienueslof* videatur fuisse paternum et hæreditarium in Absalonis familia, ideoque fratri Esberno relictum. Superaunt adhuc ista prædia, vocanturque *Fienueslof magle* et *Fienueslof lille* in Selandia non procul Sora. *Magle* enim significat majus in his oris, ut *lille* parvum, jungiturque pluribus prædiis, quæ se distinguere cupiunt ut *Agli magle*, *Steen magle*, etc. Sicque videmus quid Roskildæ *Magle Kilde* significet, fontem scilicet majorem, cum quo cæteri comparati ejusdem loci, minores sunt; ob illos enim fontes ibi scaturientes Roskildæ nomen emerit, majoribus et minoribus fontibus celebre, adeo ut quæ hactenus etymologia placuit, quasi *Magle Kilde*, sit fons Magdalenæ, ex corrupto fonte petita sit, ab iis, qui quid *magle* Danis antiqua sit non intellexerunt.

(<sup>12</sup>) *Monasterio de Aas*. Aas monasterium situm in Hallandia, ab Eskillo archiepiscopo Lundensi fundatum legitur, et a Valdemaro episcopo Slesvicensi dotatum. Eskillus sedit ab anno 1158 ad 1178.

*Conjicio* illud fundatum esse circa ann. 1165, et Soranos monachos primam illuc coloniam deduxisse dicto anno, secundam quoque Soranos anno 1195 delegasse, sicque legendum apud Hvittfeldium p. m. 148. *Siden sente Sorge een Sverm Munke fra sig til Aasz i Halland Aar 1165* (pro 1195). Nam p. 162, ann. 1195 secundo Soranos monachos ad Aas monasterium concessisse monet. *Aar 1195 sende Soræ Kloster atter een Sverm Munke af S. Bernhards Orden til Aasz Kloster udi Halland*. Hæc causa fuit Absaloni, cur Aasensi monasterio beneficeret, et legata præcipua relinqueret, quod veluti mater esset Sorana Ecclesia, et per illam Aasense cœnobium incrementa sumpsisset. Ab hoc cœnobio tritum illud in his regnis *Hallands Aasz* existit; etiam extra Hallandiam plura loca sic denominata memini.

(<sup>13</sup>) *Donavit et scotavit*. Hic vides verbum *Danicum skisde* Latina lingua *donatum esse*. Sæpius enim reperitur in antiquis scriptoribus. Est autem *Scotare* et *skisde*, idem quod tradere, et in alterius potestatem et dominium rem transferre: patet hoc ex litteris Christierni episcopi Ripensis circa ann. 1298 datis apud Hvittfeldium, ubi dicit, *se contulisse et scotasse, et sub reali possessione tradidisse bona jure perpetuo possidenda*. Unde vero hæc traditio, *Scotatio* et *scotare*, tradere dici cœperit, explicandum est: non enim est nullius momenti, sed antiquos tradendi ritus apud septentrionales et Germanos, imo apud Celtas omnes, complectitur. Celtæ enim, quia *scriptioni* ac litteris non studebant, sed hanc *καταδία* a se semper alienissimam esse oportere judicant, contractus tamen, ut firmi essent et bonæ fidei, semper curarunt, eoque sine signa quædam loco *scriptionis* adhibebant, quæ testarentur rite contractus impletos et perfectos esse, tradenda tradita, facienda facta esse, et promissa soluta. Inter hæc signa erant *stipulæ*, unde stipulationes Romani juris nomen retinuerunt, et *stipulatæ manus* dicebantur, quæ stipulam tradebant, quæque recipiebant: *stipulata manu promittere* dicimus eos, quos optima fide præstare promissa credimus, manus jungentes, *einunder die hand darauf geben*, quamvis hodie stipula absit, quæ quondam promittentibus adesse debebat, si stipulata manu quid fecisse dici vellent, sic quoque *festucæ* et *exfestucationes*. Fuerunt enim Romanis quoque tempora, quando sine *scriptione* ulla in rebus transactis versati sunt, solis verborum obligationibus et signis concomitantibus, ac memoriam rei gestæ tuentibus contenti. Ita septentrionales quoque signis maxime obviis, et quibuscunque in sinum aut gremium contrahentium conjectis, contractus implebant, sive stipulæ essent, sive virgulæ et taleæ, vel terræ pugillus, et cespes, vel claves, chirothecæ, vel alia; omnia enim hujusmodi, in gremium alicujus missa signa, erant contractus qui præcesserat, et rite jam ad finem perductus erat, ideoque signis his in iudicio productis nulla fides denegari solebat aut poterat. Hoc illud

est, quod Dani vocarunt *at skisde*; et quamvis ritus illi perierint, in gremium conjiendi, alique ritus nunc observentur contrahentium, vox tamen illa antiqua mansit in hodiernum diem, rite enim ut contractus perficiatur, adhuc dicuntur contrahentes *at skisde* vel *scotare*. *Skisd* notum est esse gremium et sinum excipientis aliquid, *Scoot*, Germanis, Saxonibus et Belgis; *Schoosz*, superioribus Germanis; hinc *skisde* et *scotare* in gremium alicujus aliquid conjicere, contractus perficiendi causa; *at skisde sit Darn*, infantem suum gremio excipere: *At skisde hannem Huus*, Ager, og *Eng*: domum, agrum et prata alicui tradere in dominium. Saxones et Franci hunc ritum *scotationis* etiam alio vocabulo expresserunt, vocarunt enim *lesowerpum*, quod tamen eodem redit cum *scotatione*; composita enim vox est *Lisse*, veteri Danico vocabulo, et in usu hodierno manente, quo gremium significatur, et quidem gremium inferius ad alvum, quæ pars corporis apta nata est ad colligenda et excipienda omnia a sedentibus, ideoque a *læse* et *lese* nomen retinuit, quod in eum sinum colligantur omnia, scribiturque propterea et *Laisum* et *Lesum*. Junctum vero *werpum* itidem Germanicæ originis vocabulum est, *wërpe*, *jacere*, *conjicere*, *een Werp* et *Worp*, *jactus*, hinc *werpum* Latina flexione, et *laiso werpum*, *jactus* in gremium, et *Skisde* Danice, *scotatio*. Huc spectat totus titulus *Legis Salicæ XLVIII* apud Lindenbrogium, qui quoniam totam rem explicat et notabilis est, afferri debet. Sunt autem ejus verba hæc: *Hoc convenit observare, ut tunginus vel centenarius, mallum indicent, et scutum in ipso mallo habeant, et tres homines causas tres demandare debent in ipso mallo, et requiratur postea homo, qui ei non pertinet, et sic festucam in laisum jactet, et ipsi in cuius laisum festucam jactaverit, dicat verbum de fortuna sua, quantum ei voluerit dare*. Loquitur hæc lex de exfestucatione bonorum et fortunarum, quas quis alteri donare vult, hæredem eum instituendo. Pergit igitur: *Postea ipse, in cuius laisum festucam jactaverit, in casa ipsius manere, et hospites tres suscipere, et de facultate sua, quantum ei datur, in potestate sua habere debet, et postea ipse, cui creditum est, ista omnia cum testibus collectis agere debet: postea aut ante regem, aut in mallo legitimo, illi cui fortunam suam deputavit reddere deberet, et accipiat postea festucam in mallo ipso ante duodecim menses, ipse quem hæredem deputavit, in laisum suum jactet, et nec minus nec majus, nisi quantum ei creditum est. Et si contra hoc aliquid dicere voluerit, debent tres testes jurati dicere, quod ibi fuissent in mallo, ubi tunginus vel centenarius indixerunt, et quod vidissent hominem illum, qui fortunam suam dedit in laisum illius, quem jam elegerat, festucam jactare, et nominare illum debent, qui fortunam suam in laisum electi jactavit, nec non et illum, in cuius laisum festucam jactavit, et hæredem appellavit, similiter nominent. Et alteri tres testes jurati debent dicere, quod in casa*

*A illius hominis, qui fortunam suam donavit, ille in cuius laisum festucam jactavit ibidem mansisset, et hospites tres vel amplius collegisset et pavisset, et si ibidem gratias egissent, et in hendo suo pulles et testes collegissent. Ista omnia alii tres testes jurati dicere debent, quoniam id mallo legitimo, vel ante regem, ille qui accepit in laisum suum fortunam in mallo publico, hoc est, ante theada vel tunginum fortunam illam quem hæredem appellavit, publice coram omnibus festucam in laisum ipsius jactasset, et hæc omnia novem testes debent affirmare*. Videmus hic ritus omnes in *scotationibus* observari solitos, quando quis fortunarum suarum hæredem aliquem eligere et instituere optabat. Sic quoque in aliis alienationibus locum habebat *Skisde*, et *scotatio*, seu *laisowerpum*, ut in legatis, hoc loco, quæ: *quandiu in prædiis et agris erant, additur, donavit et scotavit*. Cætera bona mobilia dare et donare solum sine *scotatione* legitur Absalon noster. Formulæ quoque Marculfi de his *laisowerpis* loquuntur ut form. 43 *de laisowerpo per manum regis*, et in ipsa formula: *Nobis per festucam visus est lesowerpisse vel condonasse*, et mox: *Nobis voluntario ordine visus est leisowerpisse vel condonasse*, hoc est, testes adfuerunt videntes, quod in sinum regium festucam miserit, et donationem suam sic perfece rit, ita ut nihil potuerit esse firmitus aut stabilius quam coram rege *laisowerpire* vel *scotare*, vel per manum regis: unde formulæ dictæ initium tale est

*C Quidquid in præsentia nostra agitur, vel per manum nostram videtur esse transvulsum, volumus et jubemus, ut maneat in posterum robustissimo jure firmissimum.*

(<sup>14</sup>) *Ad mensam canonicorum*. Peculiares villæ et prædia ad sustentandos monachos olim et clericos, in monasteriis et collegiis destinare solebant, quoniam cœnobitæ erant, ex communi mensa ac quadra viventes, ita ut ubicunque magnus numerus fratrum, ejusdem mensæ et convictus debebant, multa quoque prædia necesse esset servire, isti numero alendo sufficientia. Hinc *Taffelgutter* apud Germanos; regum et principum mensis destinata bona. A Persis hic mos primo mansisse creditur; illi enim alia prædia mensæ, alia vestibus, alia *D* venationibus dicasse leguntur.

(<sup>15</sup>) *Esbiruth*. Puto esse eandem villam, quæ vocatur *Esperod*: in qua circa annum 1329 adhuc archiepiscopus Carolus Lundensi capitulo curiam unam donavit, ut habet *Chronicon episcopale Hvitfeldii*.

(<sup>16</sup>) *Saxulstorp*. Non frustra videtur additum in *Ruma*, ut distinguatur scilicet ab alia ecclesia *Saxeldorp*, quam Isarnus archiepiscopus an. Chr. 1505 eidem capitulo Lundensi contulit: et diversæ Ecclesiæ ejusdem licet nominis esse debent, neque enim quæ jam semel donata acceperant, rursus donata potuerunt agnoscere fratres illi ac canonici.

(<sup>17</sup>) *Fratribus*. Hodie canonici fratres desierunt appellari.

(18) *Utriusque coronæ.* Intelligit tychnachos et candelabra illa brachiis in coronam cincta et diffusa, atque in ecclesiis nostris suspendi solita, eorum fuisse duo in ecclesia Lundensi indicat, quibus ceram et cereos hoc legato procurat, et Danica ac Germanica lingua vocantur aut simpliciter *Kroner*, *Kronerne i Kirken*, aut ut clarius distinguantur a cæteris coronis, addi solet *Liusekroner*, *Lieth-Kronen*. Ex orichalco plerumque fusa videns et ad majorem ornatum ac splendorem etiam ex argento; quod quoque conatum esse Absalonem archiepiscopum in sua ecclesia audiemus infra.

(19) *Monasterio B. Laurentii.* Indicatur Lundense monasterium adjunctum ecclesiæ cathedrali; tota enim demum Lundensis ecclesia cum monasterio S. Laurentii martyri dicata fuit, nomenque ejus præferebat; exstant æreoli nummi, qui passim effossi sunt, cum crate Laurentii, indicantes se prodidisse ex moneta episcopali Lundensi. Novimus enim in Martyrologiis adnotatum esse, B. Laurentii martyrium peculiare et excogitatissimum fuisse, eumque crate impositum ignibus subjectis tostum jacuisse, hocque cruciatus adeo spreto a constanti et sancto viro, ut mediis in flammis exclamaverit, jussitque in alterum se latus verti oportere, quod alterum jam satis tostum sibi videretur. Ideo hi nummuli cum crate sunt.

(20) *Quatuor marcas argenti.* De marcis nunc nihil dicam, carum nomen Danicum esse, et ex septentrione primum ad omnes qui marcis vel usi sunt vel hactenus utuntur pervenisse. Marca autem argenti est sedecim semunciarum pondus argenteum, nostra moneta octo unciales thaleros reddens: ita ut quatuor marcæ argenti faciant 32 unciales, et quæ sequuntur centum marcæ sunt 800 unciales thaleri, et quinquaginta, quadringenti. Hæc sunt marcæ argenti, *Mark Eslf*; aliæ erant marcæ denariorum, *Mark Penge*, exstantque inter nostras marcas, marcæ denariorum Scaniensis monetæ, aliæ Selandensium, aliæ Jutensium. Scanienses denarii et marcæ, Absalonis hujus temporibus, præpõeant Selandicis altero tanto, et diu post etiam. Quatuor marcæ denariorum Scaniensium, octo vero marcæ denariorum Selandensium, requirebantur ad unam marcæ argenti conficiendam, ita ut uncialis thalerus apud Selandenses id temporis fuerit marcæ denariorum. Duo vero unciales apud Scanienses marcæ denariorum Scaniensium reddebant. Et quia sedecim denarii faciunt marcæ denariorum, videmus quemlibet denarium Scaniensem argenteum valuisse hodiernæ monetæ sex asses Lubecenses, atque sic æquales fuisse denariis Romanis: denarios vero Selandicos valuisse tres asses Lubecenses, seu quinarium Romanum. Hæc tunc temporis erat magnitudo et pondus denariorum Scaniensium ac Selandensium. Valdemari I denarios non semel vidi, pondere dimidiæ drachmæ, vel trium assium Lubecensium singulos: at Scaniensis ponderis drachmales denarios nullos; unde

haud statim colligitur, eos illo pondere nunquam cusos fuisse, quod nusquam hodie existit, vel in Germania, vel in Gallia, vel in Anglia, vel in Dania Suecivæ, Romanis licet salis et superstitibus, et trium assium denariis vetustis passim in dictis regionibus occurrentibus. Ut nulla causa sit cur denarii drachmales horum populorum non etiam servati essent. Et fatcor hanc rationem valde stringere contra denarios Scanienses et Slavicos; nam et hi ejusdem ponderis erant, ita ut quatuor marcæ Slavicæ facerent marcæ argenti. Novimus tamen veteres denarios, in primis argenteos, conquisitos fuisse sedulo, quoties novi denarii cuderentur, et ad monetam edictis severis propositis redire debuisse, ne nunc addam de argentariorum opificum officinis, quæ argenteos nummos omnes, et quibus luerum sperare possunt, conflant et disperdunt. Ab illis hominibus præcipua nummorum calamitas fuit, illi nummos omnes absumunt alicujus frugi vel pretii, regesque cogunt ac principes tot monetas adulteris fœdere, cum his harpiis alias non possit occurri. Non auræ messes ullæ, non ulla Gargara aut montes auri vel argenti in nummos conclusi, ab istis lucripetis tuti erunt, vel sufficient. Sic, ut mihi mirum non videatur, tam paucos nummos veterum Danicorum superesse, et qui supersunt, esse ex villioribus, quod præstantiores dictorum argentariorum avaritia jamdudum inhians uncis manibus traxerit. Neque tamen existimet aliquis, cum marcas argenti et marcas denariorum, hic legit, unum aliquem nummum cusum tunc temporis fuisse, qui marcæ argenti et marcæ pondus in argento repræsentaret: minime gentium. Supra denarios tunc nulli nummi cudebantur: cætera nomina nummorum pondus erant, nihilque præterea; sic denarii Scanienses sedecim marcæ denariorum reddebant, denarii 64 marcæ argenti: denarii Selandici 16 marcæ denariorum constitebant, et denarii numero 128 marcæ argenti, erat enim, ut dixi, Selandicus denarius Scaniensi dimidio minor. Civitates Hanseaticæ, Lubeca, Hamburgum, Wismaria et Lubeburgum primæ fuerunt, quæ marcæ nomine nummum produserunt an. C. 1506, non ante. Quæ erat marcæ denariorum Lubecensium aut Slavicoꝝ, non vero marcæ argenti: sedecim enim asses Lubecenses tunc illum nummum etiam ingrediebantur, sed multo minores quam olim. Neque enim hæc marcæ denariorum continebat nisi 32 asses hodiernos Lubecenses, ita ut denarii Lubecenses illo tempore fuerint duorum assium hodiernorum, sicque anno 1506 denarii recesserint ac defecerint duabus partibus ab antiquis. Hic nummus dicebatur *Markstuck*, quorum duodecim marcæ argenti faciunt. Supersunt enim adhuc illi nummi, sed vix istos prædones argentarios effugiunt, primæ monetæ præ primis, quod illi secundis et tertiis sequentibus fuerint puriores. Illæ enim civitates tunc marcæ denariorum ad, peculiarem statum redegerunt; et loco denariorum

scillingos sedecim marcæ denariorum tribuerunt, A scillingo vero cuique denarios duodecim; unde postmodum scillingum fecerunt, ita, ut denarii 2504 scillingi vero 192 marcæ denariorum effecerint, duodecimque marcæ denariorum unam marcæ-argenti. Hic erat status marcæ Lubecensis sæculo priore, ad quem redacta fuit per dictas civitates, quæ propterea nummo huic inscribi curarunt: Status marcæ Lubecensis 1506. Recesserunt vero paulatim ipsi ab hoc statu, nullam aliam ob causam quam veterem illam, argentariis istis argentum omne eripientibus, crescente luxu supellectilis cum divitiis civium, donec ad dimidium marca etiam illa prolapsa sit, hodieque 24 marcæ denariorum, 384 scillingi, denarii vero 1608 Lubecensis monetæ ad marcæ argenti explendam requirantur.

(<sup>11</sup>) *Midsommers Gilde.* Midsommer tempus est mediæ ætatis mense Junio et circa festum S. Joannis. *Gylde* est a *Gielde*, census quem solvere debent. Germani vocant eadem ratione *die Gulten*.

(<sup>12</sup>) *Præpter justitiam exsulanti.* Archiepiscopus ille Ericus dictus est *Cæcus*, quod oculorum vitio laboraret; sponte sua exsulatum abiit in Daniam, nemine cogente, Suerro Magno rege Norvegiæ æquas condiciones volente, quas cum accipere nolent, nec archiepiscopus, nec episcopi, ut reges Daniæ et Sueciæ in eum concitarent cessabant, exsilio arrepto eo citius commotos iri reges sperantes. Hæc causa est, cur legata archiepiscopo et episcopis Norvegiæ Absalon hic nuncupet, quia tunc aderant omnes in Dania. Suerrus ab ann. 1178 regnum capessere cœpit. Ericus archiepiscopus in *Catalogo episcoporum Nidrosiensium* electus ponitur ad ann. 1184. Mox a Huitfeldio Suerrus ad ann. 1195 mortuus scribitur: quod sane si verum esset, omnis hæc chronologia Testamenti Absalonis concideret, et ante annum 1195 nuncupatum fuisset, siquidem episcopi, Suerro mortuo, redierunt protinus in Norvegiam ad suas ecclesias. Illud igitur Huitfeldio imposuit historia quædam minus fida, quid pro quo quæ solet arripere. Verumtamen est hoc anno 1195 die sanctorum Petri et Pauli Suerrum publice primum coronatum ac proclamatum esse regem Bergis, testante Chronico Norvegico p. m. 524, nisi quod perperam annum addiderint in margine 1194. Ipsa enim verba: *Om Buaren derefter*, hoc est victoriam Suerri contra Sigurdum Magni excipiente; victoria sane illa anno 1194 Suerro obtigit, ergo vernum tempus, quod sequitur, est anni 1195, quo comitia coronationis suæ Suerrus indixit ad diem Petri et Pauli. Verior igitur est sententia Chronici Norvegici, Suerrum obiisse ad a. C. 1202, viii Idus Martii, Bergis; coronatum esse 1195 die Petri et Pauli, cœpisse regnare 1178. Suerri temporibus ita constitutis, jam etiam de episcoporum temporibus ad hæc Testamenti verba elucidanda quædam afferamus. Dixi Ericum electum 1184, Oysteyno archiepiscopo adhuc vivente, quod ille

viribus defectus muneri haud amplius superesse posset; mortuo deinde Oysteyno circa an. Ch. 1186, durantibus adhuc seditionibus et partibus, electus mansit Ericus usque ad an. 1188, quando Roma pallium petiit et impetravit. Sic constitutus archiepiscopus cœpit Suerro se variis modis opponere; quæ cum Suerrus valde moderatus et mitis exciperet, hominemque sedare cuperet, ille tanquam oleo affuso flammam flammis addidit, et incendia incendiis, ita ut Suerro necessitas dictaret acris contrahere, et hæc imperia circumscribere, quæ non ferens archiepiscopus, circa an. 1191 excessit, evasit, erupit in Daniam. Hæc illa est justitia, ob quam exulare hic dicitur, et legatis archiepiscopi Absalonis non parum recreatus invenitur. Cæteri tamen, qui hic nominantur episcopi Norvegici, non cum archiepiscopo exsulatum iverunt, sed post Suerrum coronatum 1195 aut 96 in Daniam quoque ad archiepiscopum perrexerunt, tantumque effecerunt suis inspirationibus, ut Canutus, rex Daniæ, exercitum contra Suerrum miserit in Norvegiam, qui victor magnis calamitatibus Norvegiam attrivit, donec ad an. 1201 cæsus adeo fuit a Suerro, ut respirare rursus non potuerit. Hæc *Chronicon Norvegicum* docet, et addit p. 530, archiepiscopum et episcopos non rediisse ad sedes suas in Norvegiam ante an. 1205, Suerro mortuo, et Haquino ejus filio regnante, ac cum episcopis transigente; sicque rursus evincitur Testamentum hoc Absalonis non nisi circa finem vitæ ipsius conceptum fuisse

(<sup>13</sup>) *Nigello episcopo.* Is an. 1190 Stavangriensem episcopatum sortitus erat, et 1196 cum Nicolao Asloensi Daniam petebat. *Nield* vocatus in Chronico Norvegico, sed in *Catalogo episcoporum Stavangriensium* apud Huitfeldium et male nomen se habet, et annus adjectus 1185, vocatur enim Nicolaus, qui est Niellus, Nigellus et Nialus, nomen Norvegis non ignotum; etiam in Chronico Norvegico erratum est, quando reditum ejus p. 530 adducit, ubi *Niæfsz* impressa habent pro *Nield*.

(<sup>14</sup>) *Ivaro Hamarcopensi.* Hinc discimus oppidum primarium Hammerensis dioceseos illa ætate non *Hammer*, sed *Hanmerkisbing* dictum fuisse, vulgus tamen, cui omnia verba, si liceret, sunt monosyllaba (ita omnia contrahunt), *Hammer* potius vocarunt quam *Hanmerkisbing*.

(<sup>15</sup>) *Nicolao Aslonensi.* Legendum *Asloensi*, Norvegis *Opsloe*, hodie *Jest Christiana*, postquam Christianus IV illam transposuit et nitidius ædificari curavit, quæ ut diutissime floreat exopto, quoniam civitas mihi patria est, quam puer nondum biennis et ex uberibus adhuc pendens reliqui, nec postea videre contigit. Nicolaus autem episcopus princeps facile tunc erat episcoporum, qui episcopatum suscepit anno 1190, et ceremoniis coronationis Suerri anno 1195 præsidebat, Nicolaus Arneson in *Chronico Norvegico* appellatus; cui legatum unctius propterea contulit archiepiscopus, quod prudentia in rebus gerendis cæteris exercitior esset

et acceptior, licet ultimo loco inter episcopos ponatur, quod post cæteros episcopatum adeptus esset.

(26) *Ciffum argenteum*. *Ciffus* hic pro *scypho* ponitur, Danice dicitur *een Skaal* proprie: cujus figura vasis qualis sit neminem nostrum latet, facilius tamen oculis quam calamo describitur. Alii enim *scyphi* in pateræ formam minus profundi, nec gibbo satis conspicuo intelliguntur; alii majores et profundiores gibbosioresque, plerique rotundi et patentes; qua scilicet forma maxime differunt a cæteris poculis, quæ et sunt altiora, et minus patent *scyphis*. Græcæ originis est vocabulum et antiquitatis magnæ, Homero satis cognitum; quod ipsum, qui a Scythia factum esse *scyphum* et derivari crediderunt, satis confutat, inter quos Græci ipsi hallucinati sunt, et in primis Athenæus l. xi. Neque enim Scythiæ Homero aut Hesiodo noti aut dicti sunt, *σκύφοι* vero sunt, adeo ut Scythia ipsis antiquius nomen sit *scyphi*. Melius forte apud eundem Athenæum divinarunt, qui ἀπὸ τῆς σκαπίδος *scyphum* denominatum voluerunt, quod plerumque *scaphæ* figuram imitarentur: sed cum *scaphia* dicta sint ista vasa peculiariter, haud etiam isthuc *scyphorum* originem referre licet. Quin etiam *scyphi* *scaphiis* priores sunt, ut jam dixi, adeo ut originem antiquiora a serius accedentibus petere non possint. Eustathius mihi videtur optime ἀπὸ τοῦ κύφου et a gibbo deduxisse; sunt enim *scyphi* fere omnes ἀπιθόκυφτοι, et gibbum insignem convexum, qui concavo suo respondeat, præferunt pede humili addito, cui gibbus innititur. Homero est τὸ σκύφος neutro genere, ut et Phædimo et Theocrito:

Δουρακίον σκύφος εὐρύ μελιζωρεῖο ποτοῖο,  
ut antiquitatem primi orbis elucere in *scypho* ligneo videamus, eum nondum argenti aut auri, aut æris, aut stanni tanta copia suppeteret, sed lignea fere suppellex omnis sufficeret. Tibullus quoque *saginum* *scyphum* commemoravit l. eleg. 10, v. 2. Ad formas varias *scyphorum* pertinet Stesichori σκυφίον δίπας, poculum *scypho* simile, quod tam poculum quam *scyphum* refert; et ὠσκούφια apud Athenæum, quæ ovorum figuram repræsentarunt quales *scyphos* etiamnum hodie servamus. Cur vero hic *ciffi* existant non *scyphi*, ex pronuntiatione et scriptione diversa manavit. Quidam enim *sci* pronuntiant ut *si* et *ci*, sic *scire*, *nescire* emolliendo pronuntiamus, cum σκυφῶν nimis videatur per *skire* et *nescire* illud efferre. Interim Græcizant multa verba; et more Græcorum exprimuntur, ut *scyphus*, *Scythæ*, *sceptici*, quæ quoque Latinizant apud multos, ut *cyphas* et *ciffos*, et *Cythas* et *Cepiticos* pronuntiare audiamus potius, ne dura sit nimis pronuntiatio, sed delicatior auribus illabatur, idque ad scriptionem etiam extenderunt, præcipue in verbo *ciffus*, ubi ꝑ Græcum, ꝑ Latino gemino compensarunt quodque, nam et Græce dicitur σκύφος Hesiodo:

Πίστας δ' ἄργυρον σκύφον φέρε δῶκε δ' ἄνακτι.

A Hinc igitur *ciffi* in hoc Testamento scripti existunt.

(27) *Scutellas argenteas*. Cicero *scutellæ* voce usus est, sed alia significatione quam huic loco convenit; sumitur enim Ciceroni pro poculo, ex quo propinatur, sicut *Tuscul. quæst.*: Eripiamus huic ægritudinem, quo modo? collocemus in calcita plumea, psaltriam adducamus, hedrychum incendamus, demus *scutellam dulciculæ potionis, aliquid provideamus et cibi*. Delicatulo delicata maxime verba dat, hinc illa *scutella* Ciceroni nata, et *dulcicula*. Nam ad cibos apponendos non *scutellam* requirit, sed vas aliud: differt ergo Ciceronis *scutella* ab his nostris. *Scutella* tamen Martialis usus est pro patina et paropside, qua cibi apponuntur, comparat enim eam cum lancibus et gabatis, l. xi:

Sic implet gabatus paropsideque,  
Et leves scutulas cavasque lances.

quin et l. viii:

Bessalem ad scutulam sexto pervenimus anno.

Patinas ergo significat scuto similes. Quin enim *scutulæ* et *scutellæ* ex scuto descendant, nullum est dubium, adeo ut Cicero quoque l. ii *De nat. deor. scutulum* dixerit pro parvulo scuto. Hodie *scutulæ* et *scutellæ* pleraque sunt rotundæ, olim oblongæ ad scuti Romani formam, unde dictæ sint. Sic araneæ tela dicitur Plinio *scutulata*, l. xi, c. 23, ubi lacunæ oblongæ in retibus apparent, non rotundæ plane, ut volunt aliqui. *Quanta arte*, dicit, celant *pedicas, scutulato rete grassantes*. Prout enim in retibus videmus lacunas internodiis suis distinctas, quas Germani et Dani *Masken* vocare solent, oblonga rotunditate sibi invicem junctas, sic *scutulas* retis et telæ aranearum eleganter illas appellarunt: quin et *scutulam* corticis eadem ratione scripsit eximi arboribus idem Plinius l. xvii, c. 16, ubi insitionis artem elegantissimis verbis describit: *Amputatis omnibus ramis, ne succum avocent, nitidissima in parte, quoque præcipua cernatur hilaritas, exempta scutula, ita ne descendat ultra ferrum, cortici imprimitur ex alia cortex parcum sui germinis mamma*. Hoc igitur quod eximitur, qua forma eximi contingat, docet esse nimirum *scutulæ* formam aptissimam, non rotundam plane, sed oblongam. Vox igitur rebus scuto vulgari minoribus, ejus tamen formam referentibus ab antiquis applicata, nam et *scutulatæ* vestes et equi dicuntur, talibus figuris reticulatis sparsi, *pommelez* vocarunt Francici, *Apffelgrave Pferde* Germani. Hinc quoque *scutrum*, vasis genus, quod instar scuti se porrigat, prout hodie lebetes multi præcipue, quos *Spulkessel* vocamus, ad vitra et pocula emundanda aquam habentes, hi enim proprie *scutra* dici possunt, legiturque vox ea apud Varro-nem, et Plautum in *Persa*, act. 1, sc. 3:

Bene ut in scutris concalcant, et calammum injice.

Unde constat æreum fuisse, ut igni ad moveri poterit, et scutiforme. Ut *scutriscum* ejusdem formæ vasculum apud Catonem *De re rust.*, c. 10. Hæc omnia a scuto ejusque forma Romanis desumpta

sunt et in linguam introducta, licet ipsa vox *scuti* A Græca sit, et a *σκούρα* *corium* originem Latinis monstraverit. Jam vero cum ista forma scularum oblonga incommodior cœperit esse in patinis et patellis, ad rotundam formam redactæ sunt, et nihilominus scutulæ perrexerunt vocari. Si enim ab initio ista forma rotunda patinis fuisset, non *scutulæ*, sed *clypea* dici meruissent, quod clypei essent rotundi, non oblongi velut scuta. Optime vero *patinæ* nomen *scularum* profunditatem exprimit, quod totæ pateant, nulla fere profunditate gaudentes, planæ et humiles, *flach und plat*, unde Francici patinas appellarunt *des plats* et scutulas *des escuelles*. Itali et Hispani quoque in suam linguam receperunt, ita ut Germanos etiam eam vocem retinere voluisse mirari non possim, qui *Skottel* et Belgice B *Schootel*, in superiori Germania *Schussel* patinas appellant, velut scutulas et scutellas orbes et quadras quæ nobis *Telle* et *Tellerfen* dicuntur, a *telle* scindere, vel quod lignæ essent, ex ligno paratæ cultro, et in formam redactæ, vel quod cibus in illis scindamus. Dani enim et septentrionales vix illam vocem *Skottel* admisserunt. Fuerunt tamen tempora quando in Islandicam aut veterem Danicam nomen illud concessisse licet observare. Notus illis fuit *Scutilsvein*, et dictum legimus in aula eum qui omnem illam suppellectilem suæ custodiæ demandatam habuit. Hæc autem pompa ministeriorum aulicorum circa tempora Olai Kirre regis Norvegiæ cum novis nominibus etiam ultimo septentrioni placuit. Veteres C enim mores et nomina adhuc in Dania supersunt, ubi scutellæ non nisi *Fade* dicuntur, quod cibum capiunt, et *Fadebur* locus, ubi vasa talia servantur, et *Fadeburs Pige* ancilla, quæ proma conda talium habebatur. Pomposius erat autem in comitatu ministros habere peculiare argento et auro præpositos, quos *SSif Poppe* vocare solemus, aut qui fercula patinis allata regibus deserviunt, *Credentzer*, *Vorschneider*, *Dugsvenne*, ut *Kertisveini* vocabantur, qui cereos præferabant, et tenebant ad mensam sedentibus regibus. Tam late igitur se sparserunt *scutellæ*, per omnes linguas, et ab hac origine nomen in usum fuit receptum.

(<sup>18</sup>) *Dno regi*. Hic regem præcedunt archiepiscopus et episcopi Norvegiæ, licet exsules.

(<sup>19</sup>) *Mirabiliter fabrefactum*, hoc est magna et mirabili arte, cui tunc aurifces non obiter studebant, præclara edentes opera. Cornu aureum, quod inter *κεράμια* regum Daniæ stupendi operis est, has artes veterum maxime commendat, est enim peculiare tam arte quam ingenio, cui vix simile reliquis orbis ab ætate producere potest. Et quia Mexicanorum aurificia paganica scriptoribus laude dignissima passim recensentur, Mexicanos autem pariter ac septentrionales nostros e Scythia primum transiisse docemur, majores nostros magni ingenii et solertiæ homines fuisse fateri necesse est, omnes reliquos facile superantes. Nam quæ hodie vulgares et inficeti ac paupertini ruricolæ in Norvegia plures, tam in

ebore, dente Rosmari, et lignis unico cuttello præstant artificia, malo tacere quam antiquis his comparare.

(<sup>20</sup>) *Dnus Suno*. Erat filius Ebbonis filii Skialmonis Candidi, patruelis Absalonis, cui plures filii, Petrus Sunonis episcopus Roschildensis, et Andreas Sunonis, qui hic dicitur cancellarius, sed Saxoni Grammatico *Epistolaris regius*, quique Absaloni in archiepiscopatu successit. Mortuus est ille Suno Ebbonis a. C. 1186. Ebbo pater ejus a Suenone Grathe præfectus Roschildiæ constitutus diem suum obiit an. 1150. Sensus autem verborum est, Sunonem 150 marcas argenti Absaloni debuisse, quod debitum Petrus ac ejus fratres hæredes, Sunonis filii, Absaloni reddere tenebantur; sed nunc iis hoc remisit, nec unquam posthac exigi voluit, sunt unciales thaleri 1040 nostræ monetæ.

(<sup>21</sup>) *Episcopo Roschildensi*. Est idem Petrus Sunonis, cujus patri Absalon archiepiscopus 150 marcas, ipsi Petro 48 concesserat, hoc est mutuo dederat. Absalon archiepiscopus Lundensis factus, episcopatum Roschildensem non dimisit statim, sed donec Petro huit Sunonis, patru sui filio illum tradere posset, retinuit, usque ad annum 1192. Seditque usque ad annum 1214 postridie Simonis Judæ mortuus. In eo autem errat *Chronicon episcopale*, quod Iluifeldius edidit, dum eum Valdemari regis cancellarium dixit, sicque successerit necesse est fratri suo Andree in hoc officio, postquam is Lundensem archiepiscopatum suscepit; sed de hac re nulla nos docent monumenta, quin et sequitur statim in iisdem verbis alius error, quo Petrum fratris Absalonis filium, *hvis Broderssn hand var*, facere voluerunt, cum fuerit Petrus Absaloni pronepos ex patruo Ebbone. Hæc igitur notanda et emendanda.

(<sup>22</sup>) *Dno cancellario*. Hic est Andreas Sunonis frater Petri episcopi Roschildensis, qui tunc erat cancellarius regis Canuti, et epistolaris Saxoni, quod cancellarii nomen vulgare ipsi mihius Latinum videretur.

(<sup>23</sup>) *Dno Esberno*. An fratri Absalonis Esberno Snare? an alii Esberno ipsius Absalonis propinquo? forte fratri Petri et Andree Sunonis? Utrumque intelligi potest; sed alienum est Esbernum archiepiscopi D fratrem aliis remotioribus postponi, cujus legata præponi maxime debebant aliis propinquis. Nec Esbernum Snertling significari judico, filium Nicolai Mule, filii Esberni Snare. Vix enim eum natum Absalon vidit, aut si vidit, filios ejus videre non potuit, quos hic adducit. Necesse est igitur alius Esbernus hic indigitetur, sed quinam revera sit, minime liquet; ex Sunonis prosapia esse cum Petro et Andree, qui proxime præcesserunt in hoc Testamento, non videtur absimile. Infra nominatur Esbernus Mule, qui loricam Absaloni dederit, quem Absalon rursus legavit Ulfo fratri Petri Stabularii sui. Hunc ego Esbiornum esse puto, qui hoc loco significatur, quique occurrit cum Absalone ipso memoratus in *Lapide Aasumensi Scaniæ*, apud Wormium p. m. 171.



Nam cum filium Nicolai Mule faciunt, ego quidem non assentior; cum jam dixerim Esbernium Nicolai Mule filium nec cognomen illud gestasse, nec ejus ætatis fuisse cum Absalon moreretur, ut cum eo stare ac res gessisse dici poterit, quod et ipsum Saxum videtur testari, ubi conjunguntur Absalon archiepiscopus, et Asbiorn Mule, quasi pares ætate. Nam Nicolai Mule filius dictus est Esbiorn Snerling, pro quo Snerling legit Wormius ex genealogia Martini Petreii. Sive igitur Snerling sive Snerling cognominatus fuit ille Esbernus Nicolai Mule filius, non est omnino ille Esbernus, qui in Testamento Absalonis hic, et in *Lapide Aasumensi Mule cognomen tenuit*, sed alius Esbernus ætate major, et par Absaloni, patrum forte Sunonis vel Ebbonis vel Tockonia filius. Multi sane Esberni in Absalonis familia memorantur, nullus vero convenit Absalonis ætati, præterquam frater ejus Esbernus Snare, et qui hic nominatur Esbernus Mule, quem etiam Nicolai Mule majorem existimo, et ætate præcessisse. Mihi quidem videtur nil obstare, quominus Esbernus frater Absalonis intelligi potest. Esbernus Mule etiam infra non vocatur Dominus, quo nomine Esbernus hic tamen gaudet.

(<sup>34</sup>) *Hildebrand fecerat*. Moris hoc fuit veteribus ab artifice etiam dona commendare et æstimatora censere. Sic apud Plinium l. xxxiii, c. 11, L. Crassum scyphos Mentoris artificis manu cælatos sesteriis centum habuisse scribit. Sic Martialis, lib. vi, ep. 92:

*Cælatus tibi cum sit, Ammiane,  
Serpens in patera Myronis arte;*

et l. iii, ep. 35.

. . . . . quem tenebat

*Artis Phidiacæ toreama clarum*

*Pisces adspicis; adde aquam, natabunt.*

Sed omnium optime Virgilius Eclog. 3:

. . . . . pocula ponam

*Fagina, cælatum divini opus Alcimedontis:*

*Lenta quibus torno facili superaddita viuis,*

*Diffusos hedera vestit pallente corymbos.*

*In medio duo signa, Conon: et quis fuit alter?*

*Descripsit radio totum qui gentibus orbem,*

*Tempora quæ messor, quæ curvus arator habet.*

*Necdum illis labra admovi, sed condita seruo.*

DA. *Et nobis idem Alcimedon duo pocula fecit,*

*Et molli circum est ansas amplexus acantho:*

*Orpheaque in medio posuit, silvasque sequentes.*

Eadem ratione septentrionales suos artifices habebant eximios, inter quos Hildebrand non postremus fuit, qui scyphum istum argenteum arte sua commendatissimum reddidit, quem Absalon Esberno donavit.

(<sup>35</sup>) *Dno Alexandro*. Hic Alexander nepos fuit Absalonis ex sorore Ingefrith, ut didici ex illorum catalogo manuscr. qui Soræ sepulti sunt: ibi enim dicitur sepultus *juxta introitum chori dominus Alexander nepos Dn. Absalonis archiepiscopi ex sorore Ingefrith*, et in *Genealogia Absalonis manuscr.* quæ

A penes me est, idem habetur his verbis: *Insuper supradictus dominus Ascerus Ryg genuit filiam Ingefrith, ex qua Alexander, a quo Absalon, Alexander et Nicolaus*. Hæc Genealogia Absalonis ad illustrandum hoc Absalonis Testamentum unice facit, debueratque juxta edi, sed parco sumptibus, quos nemo suppeditat, ideoque in alia tempora cum locupletior ero, hæc et alia servare premereque necesse est.

(<sup>36</sup>) *Et loricas quas habebat*. Absalon scilicet archiepiscopus, et indicant Alexandrum sororis ejus filium insignem militem fuisse, dignum cui tanta dona loricarum archiepiscoporum legarentur, erant enim tunc lorice auro contra, et ἄλλων ἀντιθέται πάλιν.

B (<sup>37</sup>) *Et duobus filiis suis*. Genuit Alexander tres, Absalonem, Alexandrum, Nicolaum, ut ex observatione præcedente constat. Aut igitur unus eorum post Testamentum factum accessit, aut ante Testamentum decesserat.

(<sup>38</sup>) *Dnæ Margaretæ*. In familia Dn. Absalonis multæ sunt Margaretæ; nam Skialmo Candidus filiam habuit Margaretam, quæ ingressa est cœnobium Roschildense; hæc nimis est remota ab Absalone ejusque legatis. Habuit autem alteram quoque filiam Cæciliam, nuptam Petro Torst de Pedersburg, genuitque Ingerdam, quæ nuptum collocata Vagno filiam inter cæteros progenuerunt Margaretam, ex qua Vogn Gallen, et ex Vagno rursum Margareta, quæ uxor facta est Juris Stigson, viri celeberrimi. Hæc igitur Margareta, Ingerdæ filia, videtur indicari, cui legatum hoc Absalon relinquere voluit, utpote pronepti ejus ex amita Cæcilia. Erat et Altera Margareta filia Sunonis filii Ebbonis, filii Skialmonis Candidi, ideoque proneptis et illa Absalonis ex patruo Ebbone, cui hoc legatum convenire poterit: sorori utpote Andree archiepiscopi et Petri Roschildensis, quibus hic quoque legata scripta reperiuntur, fateorque me suffragium pro hac ultima Margareta ferre posse, quod videam Absalonem in Sunonis familiam propensum maxime toto hoc Testamento ferri.

(<sup>39</sup>) *Rojanorum idolorum*. Rugianorum, ex insula Rugia hic indicantur: Novimus enim Valdemarum D primum regem Rugios non solum devicisse, sed et Christianos effecisse, atque Absalonem præcipuum hujus militiæ ducem exstitisse. Idolis autem istis suos Flamines, et ingentem familiam fuisse, variique generis suppellectilem auream et argenteam, manifestius est, quam ut hic prolixè repeti debent: sufficit scire, ex ista præla Absalonem hos scyphos servasse, egregiosque fuisse, ut servari mererentur.

(<sup>40</sup>) *Canonis de Paraclito*. Indicantur Ebelhol-tenses canonici monasterii S. Thomæ, quorum abbas tunc fuit Wilhelmus, quem Parisiis Absalon evocatum per Saxonem præpositum Roschildensem non per Saxonem Grammaticum, isthic loci constituerat. Vocatur hoc cœnobium ad S. Paraclitum,

zum helligen Geist, locus autem, ubi situm ac fundatum erat hoc cœnobium, non procul Roschildis distabat, in insula *Eschilds oe* diota et dicebatur *Estildtune*: Insulam totam mari undique cinctam monuit auctor Vitæ S. Wilhelmi abbatis, describitque, quod locus *peramœnus fuerit, pratis virentibus et diversis nemorum arboribus oblectans oculos animosque illic degentium*. Huitfeldius ait ad ann. 1201 hanc insulam sitam fuisse prope Sielsoe p. m. 168, translatum deinde fuisse monasterium ann. 1238 ad Ebbelholt oppidulum, ubi ecclesia in honorem S. Thomæ ædificata: sed cum Fridericiburgum a Friderico II rege strueretur, et oppidum et monasterium in proximo sita diruta fuerunt. Ante Wilhelmum abbatem sub priore regebantur hi canonici, Wilhelmo vero accedente, et abbate constituto, S. Augustini Regulam susceperunt, secundum S. Victoris præcepta, quæ Parisiis solent observari, sicque canonici Regulares facti videntur, prius monachi ordinis S. Benedicti. Ab Eskillo archiepiscopo fundatum primo hoc quoque cœnobium video, ideoque *Eskilds oe* et *Eschildstune* imposita nomina. Quando tamen Eskillus hoc monasterium instituerit, non adnotatum reperio. *Hervad* monasterium in Scania condidit anno 1144, *Esserum* in Selandia ann. 1150; ex voto enim tenebatur ad quinque erigenda: sed in manuscr. *De exordio Cisterciensis ordinis*, dist. 3., c. 25 quæ beneficio Arnæ Magnæi nunc edita et excerpta legimus in *Chronico Danorum* anonymi, quod ille publici juris fecit, diserte dicitur, Eskillum, postquam archiepiscopus factus est ab anno 1138, illico reddendi voti sui tempus adesse cognovisse. *Nactus igitur opportunitatem, ac remotis Galliarum partibus, ubi fontem religionis esse cognoveras, non solum quinque sed etiam plures spiritualis professionis conventus evocare curavit*. Sic paulo post: *Et ut perfecte semetipsum redimeret, mensuramque bonam et superfluentem piissime liberalitatis suæ, sicut promiserat, persolveret, quinque cœnobiolorum fundatione contentus esse noluit, sed alia atque alia tam de suo, quam de aliorum fidelium dono studuit ædificare*. Inter illa igitur *Eschildstune* in insula Eskilli quin ab ipso fuerit fundatum dubitari amplius nequit; adeo ut falsi sint isti, qui Absalonem primum conditorem fuisse contendunt, exornavit enim ille, correxit et emendavit quæ subnata erant vitia, non fundamenta prima posuit. Et si vera est sententia Huitfeldii abbatem Wilhelmum decessisse ann. 1201, monasteriumque translatum esse ab Eskilli insula ad Ebbelholt, ann. 1238, prout credo verum esse, nescio qua ratione vera esse possint, quæ ex codice quodam manuscr. Stephanius in prologo ad Saxonem c. xi commemoravit dicens: *Obiit autem S. Wilhelmus xl. anno postquam curam pastoralem suscepit, et sepultus in monasterio D. Thomæ in oppidulo Ebbelholt dicto anno 1202*. Nam sane quidquid de oppidulo Ebbelholt esse queat, monasterium D. Thomæ nondum ibi fuit, cum Wilhelmus moreretur,

A in quo sepeliri potuit, alias duo monasteria statuenda forent, unum in Eskildsoe, alterum in Ebbelholt, sub uno abbate, quod non convenit. Videntur verba ipsa legati etiam indicare, abbatem Wilhelmum ante Absalonem jam vitam finisse eodem anno 1201 quo Absalon; cum canonicis de Paraclito donatio fiat, haud vero abbati. Erat vero Wilhelmus Absaloni charissimus, quem sane non præterisset, in vivis adhuc si fuisset. [Vide vitam S. Wilhelmi infra in hoc Tomo editam.]

(<sup>11</sup>) *De plano opere*. Nemo est, qui non sciat distinguere hæc opera in argento, *flecht Arbeit* vocant Germani, cum nullis emblematis argentum, aut sculpturis pictum vel vermiculum exhibet artifex: *imaginata vasa* mediæ ætatis scriptores, *pastulata* vetus Latium appellavit, *gettiebens und verbohene Arbeit*, in figuras varias elaborata.

(<sup>12</sup>) *Decem marcas argenti*. Cujus igitur ponderis scyphi fuerint observare licet: hic erat semunciarum 160 unciales thaleros 80 pretio æquans.

(<sup>13</sup>) *Ad calicem faciendum*. Distincta sunt poculorum nomina, propter distinctas, quas ostendunt formas; scyphos Danis *Skale* vocari jam dictum est, estque patera cum pede humili, unde *at dritkke Skaale* formula remanet. *Cucucium* et *Caucia* quorum in *Codice Justiniano*, et alibi quoque, mentio occurrit, Danis *Kousken* dicitur habetque figuram pateræ sine pede. *Calices* non adeo patent, sed profundius et angustius in pede conspicuo surgunt. Quid *Biccaria* differant, infra dicitur. Calices autem cœperunt Christianis plerumque dici illa pocula vel *ποτήρια*, quæ in sacra cœna solum usui erant, adeo ut Germanis et Danis religioni fuerit alio nomine poculum illud sanctum exprimere: *Den ny Testamentis Kalf* et *nam er den Kelch*. Latinis enim calicis vocabulum non ita restringitur, calices igitur fortes et sufficientes, qui in monasterio B. Laurentii, etiam ad sacros usus pertinent et altaria istius ecclesiæ ac monasterii. Calices igitur hodie in sacris considerari debent usibus, et quidem eucharisticis solis, sua forma distincta; vel etiam extræ sacrum usum in communi vita, qui fuit antiquissimus. Hoc loco non nisi calix S. cœnæ destinatus ex argento elaborandus indicatur. Quando calicis nomen primum his sacris poculis dari cœperit, non potest latere, nimirum postquam Hieronymi versio Latina sacrorum codicum cœpit invalescere sæculo v, ante enim quovis poculi nomine hæc pocula Latine et Romanæ Ecclesiæ dicebantur; nam et scyphos, et calices, et cuppas promiscue vocabant. Tertulianus jam calicum meminit sacrorum cum Agno Dei in humeris Pastoris sculptorum I. *De pudic.*, c. 7: *Procedant ipsæ picture calicum vestrorum, si vel in illis perlucebit interpretatio pecudis illius*, etc. et mox c. 10: *At ego ejus pastoris, quem in calice depingis Scripturam haurio, quæ non potest frangi*. Sed non restrictus fuit usus sacræ cœnæ tunc ad nomen solum calicis, prout

postea, quando Hieronymus in Latinam linguam Scripta sacra transfuderat, tunc enim verbis sacrae Scripturae loqui videbantur, cum Hieronymo loquentes. Reperiuntur plura antiquis nomina poculorum, non solius calicis, si quis veteres consilere ac colligere velit. In Græco textu non est nisi *ποτήριον* ubique tam apud evangelistas quam apud sanctum Paulum, quod est poculum et vasculum, ex quo potum sumimus. Promiscua igitur principio nomina his sacris poculis, prout etiam promiscua horum poculorum materia in ecclesiis vigeat, vel lignea, vel testacea, vel vitrea, vel cornea, vel argentea, vel aurea, vel lapidea, et etiam gemma, tum vero etiam stannea, pro cuiusque ecclesiae conditione et opibus. Ex lignis variis in hodiernum usque diem pocula fabricari frequens est in communi vita, olim fagina præ primis obvia sunt. Adeo ut ἀπὸ τοῦ καλοῦ, a ligno, calicis nomen emanasse voluerint plurimi; sed in sacris his venerandis ligna vino minus convenire cito deprehenderunt, siquidem lignum aliquas particulas vini consecrati imbibere necesse fuit, quod ἀνόσιον nimis videbatur. Ideoque licet ratio ipsa suadeat a ligneis abstinere et a cupreis, necessitas tamen ipsa aliquando etiam lignea pocula inter mysteria tanta jussit admitti, quod Zepherinus papa corrigere cupiens, neque necessitatem tantam aut inopiam occurrere posse judicavit, quin vitreo saltem poculo administrare possent, qui argenteis aut lapideis carebant, cum vitra tunc temporis lignum pretio non multum superarent, sicque divinos illos haustus nitidius servari ac porrigi posse. Nam quod pontifices nonnulli negare sibi sumserint eo rem nunquam devenisse, ut ligneis poculis alicubi propinarentur sacra mysteria, hoc ego quidem simpliciter cum illis nolo statuere, neque enim res est incredibilis; exstant plurimi caones in huic usum lignea pocula prohibentes.

Canon vi concilii Remensis diserte statuerat, ut nullus in ligneo vel vitreo calice missam cantare præsumat, ex quo Gratianus suum attulit *De consecratione* dist. 1, c. *Ut calix*. Triburiense concilium anno 895 habitum can. xviii, sic habet: *Statuimus ut deinceps nullus sacerdos sacrum mysterium corporis et sanguinis Jesu Christi Domini nostri in ligneis vasculis ullo modo conficere præsumat, ne unde placari debet, inde irascatur Deus*. Bene satis, quod plane prohibuerint, nulla tanta necessitate incidente, quæ illos ad pocula lignea redigeret; at quod in communi usu lignea pocula frequentarentur, hinc in sacris etiam eorum usum primi antistes non damnarunt, sed ut rem liberi arbitrii semper habuerunt. Neque tamen Honorii Augustodunensis sententiam lueri velim: *Apostolos in ligneis calicibus missas celebrasse*, l. 1, *De antiq. missar. ritu*, c. 89; illud saltem, etiam in ligneis calicibus quondam celebratum esse ut obtineam, laboro, ut alias canones prohibentes edi non potuissent. Triburiense enim concilium reliquos calices, vitreos, corneos, vel lapideos nullo modo prohibet, sed ligneos solos. At

A circa ann. 787 in Anglia, in concilio Catechutensi sub Adriano I papa habito cap. 10, veterunt Patres *ne de cornu bovis calix aut patera fieret ad sacrificandum*. Vitrea pocula diutius Ecclesiae retinuit, nam et sæc. iv et v adhuc de illis legimus. Exuperium Tolosanum vergente sæculo iv viventem in vitreis administrasse sacramentum monuit Hieronymus, ep. 4: *Nihil illo ditius, qui corpus Christi canistro vimineo, sanguinem portat in vitro*. De S. Casario Arelatensi sæculo v labente et finiente claro, Cyprianus ejus Vitæ scriptor retulit: *Annon in vitro habetur sanguis Christi?* Gregor. Turonensis l. *De gloria Martyrum*, c. 46, crystallini quoque calicis meminit, admirabili pulchritudine, quem diaconus in basilica S. Laurentii Levitæ elabi manibus siverit ita ut confringeretur. Baronius in *Notat.* ad vii Idus Aug. a temporibus apostolorum vitreos calices in usu fuisse altaris meminit, de qua re mihi dubitandum aliquatenus foret, quod vitrea tunc temporis auri et gemmarum pretio non essent inferiora: inter oblata tamen dona tales calices etiam apostolos in ecclesiis vidisse, nec illis uti designatos esse, quid, quæso, habet absurdi? Urbanus papam numeræ XVIII, qui sedit ab anno 224, *omnia ministeria sacrata fecisse argentea*; dicit idem concilium Triburiense supra laudatum, at non inde sequitur, omnes coactos esse ad argentea, siquidem necessitas etiam alia permiserit, et post Urbanum etiam aliis calicibus uti sint non argenteis. Nam stanneis calicibus uti etiam Innocentius IV concessit in regulis, quas præscripsit Nicosiensi episcopo et episcopis regni Cypri controvertentibus, circa ann. 1245.

Calices omnes sacri sacrae cœnæ non solum serviebant, sed etiam ornatui ecclesiae plurimi dicebantur, quos vel *sedentiles* ideo, vel *pendentes* appellabant, quod vel sederent in altari ejusque cornibus, aut penderent ex catenulis: ut ex Anastasio Bibliothecario videre licet aliquibus locis; nam in Leone IV, sic: *Obtulit etiam B. Petro apostolo calices de argento, qui sedent super circuitu altaris, numero 46, et mox: Verum etiam calicem pendentilem cum catenulis et delphinis*. Ubi delphini sunt anas calicum. Hæc etiam adnotavit deinde: *Michael filius Theophili Constantinopolitanae urbis imperator ob amorem apostolorum, misit ad B. Petrum apostolum, etc., per manum Lazari monachi, etc., calicem similiter de auro et lapidibus circumdatum, resticulo pendente de gemmis albis pretiosis miræ pulchritudinis decoratum, et parva cooperta ipsius calicis, sicut mos Græcorum est*. His addam adhuc ex Vita Leonis III: *Fecit in basilica B. Pauli apostoli calices majores fundatos ex argento purissimo ex ipsius apostoli donis, qui pendent in arcu numero 20, et alios qui pendent inter columnas majores dextra lavaque 40, pensantes simul libras 267*. Sic etiam in Paschalis I Historia: *Fecit calices majores ex argento pendentes numero 42, qui omnis simul pensant libras 281*. Haud erant spernendæ magnitudinis hi calices, cum in

singulos sex libras, et quod excedit, argenti, computare liceret, 80 fere unciales thaleros, si monetae nostrae ratio ineatur, et si manupretium aurificum pariter aestimari debet in semunciam 4 assium Lubecensium, transeadet pretium singulorum calicium ad 95 unciales thaleros. Ex his liquet alios calices fuisse sanctos, qui non nisi Eucharistiae serviebant, alii erant ministeriales, ex quibus populo ministrabatur; alii calices *praecipui*, hoc est praecipuae magnitudinis et decoris, alii calices *pendentes*, de quibus ante monui; his jungantur calices *fundati*, qui non sunt fusi et coeupati, ut voluerunt nonnulli, sed fundati ex fundo et donis Ecclesiae. Sic etiam *vestes de fundato* dicuntur Anastasio de Ecclesiae rebus et donis texta et sumpta. Illudque satis explicavit in loco superius adducto, ubi *calices majores fundatos ex argento purissimo ex ipsius apostoli donis*, hoc est ex donis, quae apostolo S. Paulo a fidelibus Christianis donata fuerunt et oblata significavit, sicque *vestes ex fundato* quoque, ex fundo Ecclesiae ipsius paratas, indicare voluit. Hoc Anastasio est *fundari*, et ex *fundato* parari, quod multos hactenus torsit veramque mentem Anastasii assequi non potuerunt. Erant praeterea in antiqua Ecclesia *calices baptismi*, de quibus Anastasio in Innocentio I obtulit, ait, *calices argenteos baptismi numero tres, pensantes singuli libras duas*. In his calicibus baptismi consecrabantur lac et mel et vinum etiam commista, quae nuper baptizatis praebantur, et ad calices ministeriales pertinebant, unde in tertio concilio Carthaginensi c. 24 dicitur: *Primitiae vero, seu lac et mel, quod uno die solemnissimo pro infantum mysterio solet offerri, quomvis in altari offeratur, habet propriam benedictionem, ut a sacramento corporis ac sanguinis Domini distinguatur*. Hi ergo erant calices baptismi; erant etiam calices *penitentiae*, de quibus idem Anastasio in Sixto III scribit, eosque vocat ibi *ministerium ad sacrum baptismum vel penitentiam*, quod poenitentes conciliati Ecclesiae ex his calicibus aqua benedicta aspergerentur. Calices quoque *reticulatos* nonnulli nobis ex Anastasio eodem suggererunt, quos tamen ego nullos unquam fuisse censeo, nec in Anastasio illos reperiri. Locum enim ex Anastasio, quem producunt, et male legerunt editores, et se ipsos edentes nec intelligere, nec explicare potuerunt; nemo enim hactenus, quid sit calix *reticulatus* aut esse debeat, ullo verbo exposuit, neque hoc dixit ullibi Anastasio; verba ejus supra sunt adducta, quae nihil aliud habent, quam Michaellem Theophili imperatoris filium dona sua B. Petro apostolo Romam misisse, et inter alia *calicem similiter de auro et lapidibus circumdatum*, hoc est gemmis distinctum, *reticulo pendente*; sic legunt editi libri, sed facile videmus legi oportere unica littera addita, *reticulo pendente de gemmis albis pretiosis mirae pulchritudinis decoratum*. Erat enim hic calix ex pomposis, et *pendentibus*, ut ante monui, sed loco catenularum, quae ceteros calices *pendentes* sequebantur, ut ex iis pendere possent,

A hic reticulatus unionebus pretiosissimis vestitus eodem sine addita erat, cum parvis coopertoriis ipsius calicis, adde etiam reticuli, ne pendens pulvere et sordibus corrumpereetur: illud igitur est calix *reticulo pendente de gemmis albis pretiosis mirae pulchritudinis decoratus*. Sicque explodimus illos calices reticulatos, aut de reticulo penitentes, quod nihil sic dicatur aut inferatur.

Jam vero quod alii calices fuerint *ansati*, sine ansis alii, non opus est monere aut explicare. Novimus omnes quid sint ansae in urceis et poculis, et quod una ansa multi calices, binis ansis etiam permulti fabricentur; *delphinus* vocavit Anastasio ansas, ut supra dixi, quod elaboratiores in figuram delphinarum fingi jungique solerent: illud saltem de calicibus, ansis duabus praeditis, addere mihi lubet, eos semper in suo genere ponderosiores fuisse, quam non ansatos, et in craterum naturam transire potius, quam in classibus scyphorum aut calicum manere, qualis omnino fuit Caroli M. donantis S. Petro *calicem majorem, cum gemmis et ansis duabus pensantem libras 58*. Tandem etiam meminit calicis *tetragoni* Anastasio in Leone III, quod forma vulgari calicum rotunda spreta, quadrangulari figura majestuosiore in oculis hominum fore crediderit, ideo addit, praecipuum fuisse: *Fecit beato Apostolo nutritori suo calicem aureum, praecipuum, tetragonum*. De calicibus imaginatis, deauratis, aureis, majoribus, minoribus nihil dico, quod satis se ipsos explicent, de gemmeis et gemmatis forte monere opus est, confundi haec a scriptoribus saepenumero, cum gemmea pocula sint, et gemmei calices, ex una gemma, ut agathe, smaragdo, sapphiro, in calicis formam parati, vel si ex pluribus gemmis coagmentati unum corpus efficiant, vel si maxima pars calicis gemma sit continua, minor ex auro addita forte visetur, ut pes forte calicis ex auro, vasculum ipsum totum gemmeum, vel labrum cum pede ex auro, reliquum corpus, gemma. Gemmati vero sunt, qui gemmis hinc inde distincti sunt, ita ut non aliter ac aurei calices et aurati differant gemmei et gemmati. Haec mihi de calicibus sacris ad hunc locum disserere visum fuit, in qua re non disliteor *Andream de Saussay in Pannoplia sua sacerdotid. l. viii me jurasse*. Quod vero calicis ejusque nominis originem attinet, an Latina sit vel Graeca, non admodum laborandum esse puto, cum ipsi veteres ea de re dissentiant, et ad omnem usum, non pro potu solum exhibitos esse calices statuunt. Qui enim a caldo et calido calicem derivant, in eo coqui consuevisse ignibus admota declararunt, prout etiam Ovidius ita de calicibus scribit l. v. *Fastor.*

*Stant calices, minor inde fabas, olus alter habebat*, Plerumque tamen, et frequentius pro vase potorio sumitur, eoque propendeo, ut a Graeco *κύπελλον* calicem Romanis factum credam, non propter rotunditatem oculi, quasi *κύπελλον*, sed quod epotos calices vertigine quadam circum agitemus, vriusquam ad

standum redigantur. Hæc κίλικας nobis κίλικας dedit et κολίσκας hoc est epedunculas et minores calices, a κολίνδω igitur κολίσεις, κολίσει, κλίξ et κολίξω. Tales autem κίλικας κολισσόμεναι Germanis adhuc supersunt inter pocula et eleganti ac proprio vocabulo vocantur *Tumeler*, quod se vertant in gyros; amœnos circum agitati, nec statione tamen excidant sua. Cur vero Latini calices potius dixerint, exinde est, quod v sæpius in α transeat, ut hoc ipsum κολισσόμεναι sæpius κολίνδόμεναι legitur, vel Latini respexerint ad calices florum et κλωνόθια, quæ quoque calicibus figuram referunt. Aliud autem est κάλυξ aliud κολίξ. Sed non indigent hoc loco ulteriori examine talia.

(<sup>16</sup>) *Coronas in templo.* Audivimus superius duas fuisse, nec fuerunt nimius ornatus, requirebat enim templum cathedrale etiam plures, siquidem minores etiam ecclesiæ cathedralibus hodie arcus et porticus omnes his coronis pensilibus exornant, adeo ut quædam etiam fuerint et sint trecentorum brachiorum, sed hic luxus Absalonis temporibus eorumque simplicitati nondum conveniebat; sufficiebat, eum æreas argenteas efficere posse, et hic unde sumi debeat argentum ad istas coronas perficiendas et ornandas auro commonstrat.

(<sup>17</sup>) *Dn. Alexander.* Sæpius in hoc Testamento nominatus; est idem ille qui supra, nepos Absalonis ex sorore Ingefrida.

(<sup>18</sup>) *Octo marcas auri.* Octo marcæ cum dimidia in auro, si Hungaricæ probitatis fuit, ut solebant veteres obryzo maxime studere, efficiunt 1088 unciales thaleros nostræ monetæ. Nec quisquam hinc concludere debet, ut casulæ aurum solidum insui solebat et applicari, ita coronas quoque auro solido exornatas fuisse. Auro induebatur argentum suis locis, quod sufficiebat, vocantque Germani egregio vocabulo *zierguld*, hoc artificium.

(<sup>19</sup>) *Ad opus casulæ.* Prout hodie usurpatur, sacerdotum est vestitus altari servientium. Francici vocant *chasuble*, Germani quoque retinent ex Latino, *Rasel*, Dani *Meszhagel* exprimunt, non parum cæteris elegantius, in missis enim celebrandis hanc vestem induunt, et sibilis in humero necunt, quod est *Hage* Danis, hinc *Meszhagel* a forma et usu simul nominata. Antequam adhibita fuit, apud Latinos servuli illa utebantur, sicut Procopius indicat in *Vandalicor.* ἰμάτιον ἀμπιχόμενος ὅτι στρατηγῶν, ὅτε ἄλλω στρατευομένῳ ἀνδρὶ ἐπιτηδείως ἔχον, ἀλλὰ δοῦλη ἢ ἰδιώτῃ παντάσῃσι ποίπον, κασούλων αὐτῶ τῇ Λατίνων φωνῇ καλοῦσι Ῥωμαῖοι. Huc respiciunt verba Korolomanni et synodi habitæ anno 742, xi Kal. Maias, prout exstant l. v. *Capit.* Caroli et Ludovici imp. tit. ii. *Presbyteri vel diaconi non sagis laicorum more, sed casulis utantur ritu servorum Dei.* Ad servos igitur casulæ pertinebant, quod cito superjicerentur, nec ullo labore indigerent amociendi, nec in ullo obstarent expeditis esse volentibus, nisi quod manus præcluderent, quæ servis nimis erant expeditæ, eaque de causa inventæ cre-

A duntur. Ut igitur sacerdotes suam quoque humilitatem ostenderent, se servis similes esse, ad sacra casulam transire fecerunt, illam injicientes, et hoc habitu servos se Dei, et servorum Dei profitentes. Sæpius quoque forma ejus mutata, dum in potestate ecclesiasticorum fuit, et multis nominibus confusa potius quam illustrata fuit: nam ad penulam et planetam plerique retulerunt; alii vestem sacerdotalem κατ' ἔξοχόν, vocare maluerunt; sacco similem vestem alii depinxerunt, ut Simon Thessaloniceensis lib. *De templo*; apud Græcos enim aliter casula se habebat, quam apud Latinos. Effigiem ejus Goarius in *Scholiis ad Euchologium Græcorum* produxit, et ex eo Andreas du Saussay in *Panoplia sacerdotali* p. m. 126. Sacco sane non absimile vestimentum, undique clausum sine manicis, sub quo totum corpus cum brachiis latet, præterquam caput: descendit usque ad pedes, constrictius circa collum, ubi foramen, per quod caput mittitur, et sacco ille induitur. Adscriptum habet illa effigies, Ὁ ἅγιος Σαμψων.

Longe alia apud Latinos casula deservit, cujus effigiem ibidem quoque produxit ex codice quodam membranco veteri Liturgico Ecclesiæ Leodiensis, quem ante annos 650 scriptum affirmat, a sua ætate computando, et S. Sylvestro I papæ tribuit, qua in re fidem meam non obstringo, sed penes auctorem esse sino. Habet illa casula multa cum nostris casulis hodiernis communia, antierius et posteriorius dependens a scapulis, lateribus apertis et hiantibus, ut brachiorum et manuum usus sit in exporrigendo, quod in sacco et casula Græcorum dependente nequaquam fieri potuit, sed necesse fuit casulam eo usque antierius sublevare, et super brachia tenere, ut manus liberarum haberet sacerdos; quod tandem casulam Græcorum aliquo modo similem reddit casulæ Latinorum, adeo ut videamus Latinos sacerdotes a Græcis casulis uti didicisse, sed suo modo illas aptasse, ut commodiores essent ministrantibus et utentibus sacerdotibus: quod pulchre satis Dn. du Saussay ibidem demonstrat, dum in casula S. Sylvestri explicanda pergit p. m. 128. Unde miror eum vestem Norberti archiepiscopi Magdeburgensis, qui anno 1134 sepultus ibidem, illi totus involutus jacuit, casulam appellare voluisse, cum nihil simile casulæ habuerit illa vestis, nec acta ex quibus quædam verba producit, casulam appellaverunt vestem illam peculiarem, sed ita describunt: *Vestis superior, quæ parte maxima superest, Punice; coloris serica erat, aureis filis florum vel rosarum instar interspersa, quæ totum corpus* Nb. cum brachiis ad plantas usque convestiebat vestis: *Sub hac Nb. transversæ manus ad modum crucis pectori superpositæ; vestis eadem obvoluta duabus argenteis acubus, superiore parte gemmeo opere exornatis, connectebatur.* Nihil in illa veste simile casulæ Latinorum, sed sacco vel casulæ Græcorum comparari potius poterit. Primus sane post Procopium, qui casulæ meminit, inter vestes, est Isidorus Hispa-

lenais, *Origin.* l. XIX, c. 24. Scriptor sæculi septimi ab a. C. 620 usque ad 636. *Casula*, inquit, *vestis cucullata, dicta per diminutionem a casa, quod totum hominem tegat, quasi minor casa, unde et cuculla, quasi minor cella, sic et Græci planetus dictas volunt, quia oris errantibus evagantur.* Dum cucullatam vestem casulam vocavit, et totum corpus tegentem, Græcæ casulæ similiorem facit et sacco, de quo diximus, nec inter sacras vestes casulam refert, sed inter vulgares adhuc et paganicas. Quod miror, non deficiente occasione, dum de veste sacerdotali in lege, c. 21, sigillatim tractavit, nec in ejus libris de ecclesiasticis officiis, quidquam de clericorum vestimentis adduxit. Beda primus est, qui casulam inter vestes sacerdotales recensuit sæculo integro post Isidorum, utpote qui ab anno 725 scripsit. Is in *Collectan.* tit. *De septem ordinib.* sic ait: *Septimum vestimentum est, quod casulam vocant, hanc Græci planetam dicunt, quia suprema omnium vestimentorum, et suo munimine alia tegit.* Planetam quod Græcis dici et Isidorus innuit, et Beda posuit, haud quidem satis intelligo, nulla enim vox est apud veteres Græcos, *πλανήτη*, quæ vestem significet, nec apud recentiores. In hoc igitur et Isidorus et Beda falsi fuisse dicendi sunt, cum nullibi apud Græcos id nomen vesti positum unquam fuerit. *Planeta* potius ex Latina origine delucenda, a *plano* et *plane*, quod plane tegat hominem, sicque convenit casulæ, quæ quoque plane tegebat hominem, ut ex figura Sancti Sampsonis apud Goarium percepimus, et ex vestimento Norberti archiepiscopi descripto. Quibus consentit Albertus Crantzius in canonico et lector Hamburgensis primarius, in *1. De instit. sacerdot. ad offic.* Missæ anno 1506 edito Rostochii. *Casula suprema vestis sacerdotis est, et sic dicitur, quia in morem casæ cingit omnia quæ in sacerdote sunt. Ejus autem figura dicitur esse orbicularis ut, dimissis manibus sacerdotis, ex æquo undique dependeat.* Recte omnino secundum illam figuram, quam Goarius depingi curavit et Græcis tribuit. Manibus ejus sublevatis et exsertis extra casulam, necesse fuit sinum istum anteriorem et posteriorem in acumen quoddam defluere, latera nudari, et in brachiis ea casulæ gestari, quæ sublevata fuerunt, per plicas et rugas retorta: quæ rursus, demissis manibus et reductis, latera tegebant, ac figuram orbicularem recipiebant, totumque hominem includebant et cingebant. Nec potuit nescire Crantzius, quid casula esset suo tempore, sacris jam a pueris innutritis et inter vestes sacras versatissimus:

Nondum igitur casulæ ita fissæ ad latera fuerunt, prout hodie commodior usus eas parari jussit, sed demissis manibus sacerdotis ad rotunditatem suam orbicularem decedentes redibant, sicque explicanda sunt Amalarii Fortunati episcopi Treverensis l. 1, *De offic. ecclesiast.*, c. 19: *Casula dupla est, post tergum, super humeros, et ante pectus.* Scinditur enim casula velut in duas partes, manibus suble-

vatis et exsertis extra casulam, posteriorem scilicet et anteriorem, de qua figura sacerdotis in casula ministrantis loquitur Amalarius, manibus vero demissis et retractis, istæ duæ partes consolidantur, et ex æquo undique dependent, ut loquitur Crantzius. Philotheus episcopus Constantinopolitanus de *demissa casula* quoque loquitur in ordine instituenti diaconum, qui tom. VI *Biblioth. SS. Patrum* exstat. Ibi aliquot locis: *Egreditur etiam retro sacerdos demissam portans casulam.* Nec aliud quid dicit, quam casulam tunc dependere, manus et brachia intra se continentem, quibus alias sublevat, ut ex figura Goarii observare quoque licet. Kiferius ita loquitur: *Sacerdos aperiens sanctas portas, demissum Phælonium gestans, ubi Phælonium pænula vocatur, et est eadem cum casula, rursus subjungit: At sacerdos demisse phælonium gestans, et Evangelium ante pectus portans exit, et stat in medio templi, diacono ad dextram ejus existente cum cereo ardente.* Quæri posset, quomodo Evangelium ante pectus gestare, et casulam nihilominus demissam habere potuerit, nam manibus etiam exsertis, nec sublevata casula Evangelium ante pectus tenens et apprimens ostendere poterat.

His ita de casula explicatis, quando vox illa cæperit inter paganos, ex Procopio sæculi VI scriptore, aliquatenus constat, et mansisse inter vulgares vestes sæculo VII adhuc ex Isidoro monstravimus. Sæculo VIII ad sacras vestes et usus migraverat, ut Beda docuit, nec ante quidquam de ejus usu in sacris antiqui docuerunt, unde quæcunque de casula S. Petri, et *πρόθυρον* Pauli apostoli pontificii urgent, sua sponte protinus concidunt, nemo enim Petrum aut Paulum pænulam gestasse negare cupiat, at casulæ vel nomen notum fuisse tunc, vel ad sacros usus cænulas destinatas fuisse, nemo pontificiorum docebit, puto, cum sciamus apostolos docuisse gentes quocunque habitu sumpto, vulgari et communi, et missos esse sine pera, argento et zona *μῆτε ἀνά δύο χιτῶνας ἔχοντας.* Sic enim appellat Christus ipse vestes apostolorum apud Evangelistas. In quibus vero vestibus sacra celebrarint apud eos, quæ jam docuerant, et ad fidem perduxerant, ut in quotidianis, aut peculiaribus, sacris solum usibus dicitis, tacet Scriptura, nec acquiescere possumus piis quorundam Patrum conjecturis, quas in medio facile relinquimus, quoties antiquitati contrarium nihil secum afferunt. Non loquor hic de vestibus sacerdotalibus Judæorum et V. T. de quibus diserte præcipitur Ezech. XLIV, v. 19: *Cumque egradientur atrium exterius ad populum, exuent se vestimentis suis in quibus ministraverant, et reponent ea in gazophylacio sanctuarii, et vestient se vestimentis aliis, et non sanctificabunt populum in vestibus suis.* Docuimus etiam hac occasione et casulam et planetam Latinæ originis esse, nec ad Græcam linguam pertinere, tum vero etiam, unde forma et figura nostrarum casularum hodie

prodierit; atque in his subsistimus, ne nimis prolixi A et tædiosi simus.

(<sup>98</sup>) *Denariorum Scaniensium.* Scanienses denarii non eudebantur nisi Lundis: Lundensis vero monetæ vestigia retro legere possumus usque ad Canutum IV regem, qui primus archiepiscopo Lundensi quartam partem istius monetæ concessit, circa ann. 1080. Ego a Suenone Eastritio primam monetæ domum Lundis erectam judico, postquam illic episcopatum constituit insignem ab ann. Chr. 1065; nec ante Canutum M. Danos propriam monetam constitutam habuisse intra Danicum regnum, facile quis evincet. Is autem Canutus, qui anno 1036 diem suum obiit, ex Anglia monetarios videtur in Daniam primus ablegasse, et Roschildiæ primam monetam Danicosque denarios procosus habuisse, ad exemplum Anglicæ monetæ, licet mihi quidem hactenus sub Canuti regis Daniæ nomine denarii nulli occurrerint, sed plerique ejus Cnut rex Ang. præferant. Ab illis sane temporibus et moneta Roschildensis et Lundensis initia sua cunasque ostendunt, et non nihil de illis legitur: ideoque non mirum est hic addi denarios Scanienses, veteris monetæ, scil. ante Canutum VI, Valdemasi I filium, percusos, qui meliores erant novis. Pondus et puritatem denariorum Scaniensium illa ætate superius attingi not. 20.

(<sup>99</sup>) *Fillus Harinæ.* Legendum puto, *Karinæ.* *Harinæ* nomen hactenus est incognitum apud septentrionales: *Carinæ* vero satis notum, descendens ex *Catharinæ* nomine contracto, quam *Karen* Dani C vocant, hinc *Carina*; ut ex *Maria Maren*, et hinc *Mariana*, derivantur.

(<sup>100</sup>) *Pro anima sua.* Similes formulæ sæpius occurrunt: *Pro anima sua dare, pro remedio animæ suæ, pro æterna retributione, in eleemosynam nostram, pro animæ meæ salute, pro mercede animæ meæ; cogitari Dei intuitum vel divinam retributionem, vel peccatorum meorum veniam promerere; ut mihi in futuro merces boni operis accrescat, pro remedio animæ meæ conjugisque meæ, parentum et liberorum; ut terrenis facultatibus mercarer æternas et bonis transitoriis mansura conquirerem, cogitavi vitam futuram et æternam retributionem; inter cætera curationum medicamenta etiam et hoc Deus remedium contulit, ut propriis divitiis homines suas animas ab inferni tartaris redimere possint.*

(<sup>101</sup>) *Cappam forratam.* Posquam aurum et argentum divisit, jam ad supellectilem vestiarum et alia progreditur donanda. Dicemus igitur primum de *cappa*, deinceps de *sorruitis* agemus. Differunt *cappæ* et *pallia* et *juppæ* quæ hic leguntur. Et primo quidem attendi debet omne vestimentum superius, sive sit *pallium*, sive *toga*, sive *tunica*, non semel *cappam* vocari scriptoribus; deinde *cappam* hic indicari *usualem*, quam vocant, et quotidianam archiepiscopi, non vero *cappam* sacram, qua induebantur violacea episcopi, sacris præfuturi aut assistentes. *Cappæ* igitur illæ *usuales* manicis erant præditæ,

*cappæ* vero sacræ sine manicis corpus amdebant. *Cappæ* istæ usuales similes erant *cappis* monachorum, divisæ antè et apertæ, ita tamen, ut *fibula* circa collum, et *cingulo* circa medium injecto contineretur circa corpus, præterquam quod manicis etiam indueretur, quæ faciebant, ut eo firmiter corpori inhaereret; *cappæ* vero in sacris usitatæ, ut alia forma ac figura fabricatæ tractabantur, ita antè plane patentes circumjiciebantur, *fibula* sola mento suffixæ, cætera sine manicis longo symmate prodigæ et fluentes. Erant et *cappæ* laicorum hominum, ab his et illis, de quibus loquimur, etiam distinctæ, unde *mantum*, *mantulum*, *mantellum*, Francis *manteau*, Germanis *mantel* dici solet, quod non ultra manus pendentes porrigeretur, nec *ποδήρες* esset, ut *cappa* sacerdotum. Dani autem et septentrionales etiam hoc pallium laicorum *Kappe* pergunt vocare. Solis enim Danis debetur hæc vox, nec sine illorum lingua satis intelligi potest. Frustra sunt, qui a *capiendo* derivarunt, *Isidori Etymologium* secuti, quod totum hominem capiat: vel a *capite*, quod caput illo involvatur in luctu, pluviiis quæ et aliis temporibus, multo minus a *cap* et *pa*, quod capiat Patrem; quia monachi et sacerdotes, *cappis* utentes, Patres honoris ergo solum appellari; qui lusus est *Andræ du Saussay* fit *Panoptis sacerdotali* p. m. 144, quando veram etymologiam vocis reperire non potuit. Mira est *Vossii De vitis sermonis* l. III hujus vocis explicatio, fatetur enim *cappam* ex Germanico *Kappe* manasse, tamen addit, *Kappe* a *caput*. Si *Kappe* a *caput*, non est illa vox Germanicæ originis, sed Latine, et si Germanicæ originis est, non est sane a *caput*.

Sed video, quid illos moverit, et cur ad caput referri voluerint *cappam*, non solum allusionem sequentes, sed ideo præpimis, quod plures *cappæ* tam in feminis quam in viris ad caput solum obnubendum pertineant, nec ulterius extendantur. At hinc non sequitur alias *cappas* præter capitis non fuisse, ideoque manifestum est, vocem tam late patentem, cujus usus ad totum corpus se extendat, non posse ad caput solum trahi, aut originem exinde ducere. Hic autem intelliguntur *cappæ* manicatæ ecclesiasticis quotidianæ, nobis *die Harth-Kappe*, nam *cappas* sine manicis sub pallii comprehendit. Aliquid viderunt, qui *cappam* Francicum vocabulum esse dixerunt: a Francis enim eorumque lingua in Ecclesiam Christianam ingressa est *cappa*, et vestitum ecclesiasticorum hominum ornare cœpit; sed quod Franci reliquique Germani e Danica lingua sublegerint æ retinuerint pleraque sua, exque Danis et septentrionalibus confluerint, nec nisi dialectis distinguantur in quam pluribus, hoc est quod nunquam attenderunt Franci vel Francici, vel Germanorum quisquam, nec tantum debere cupiunt locupletissimæ matri, ut illam solum respiciant, ex cujus utero prodierunt et loqui cœperunt, sed malunt *αὐτόχθονες* et *αὐτόγλωττοι* videri, quamvis non sint. In Danica sane lingua sola vera

vocis *cappæ* origo, ejusque causa reperitur, in nulla alia. *Kappe* enim illis vestibus dici cœpit, quo quis involvitur contra pluvias, vel aliâs ob causas et est Danis *Kappe* idem quod Latinis *tegere*. Hinc non mirum est apud antiquos monasticos scriptores *cappam*, ecclesiasticam licet, etiam *pluviale* vocari, cum tamen vix in pluviis adhibeatur, sed intra ecclesiam, sudo ac sereno coelo, sacris intenti illa induantur episcopi. Wibertus archidiaconus de vita Leonis IX papæ sic loquitur: *Videbatur sibi, quod stans in edito familiares suos ad se de periculo confugientes reciperet, eisque subter pluviali veste, quæ cappa dicitur, inclusis sanguine eorum sibi vestes infici conspiceret*. Ideo enim apud paganos Danos hoc tegumentum *Kappe* dici cœpit, quod contra pluviam defenderet et tegeret, et contra illas tempestates saueretur: unde inferius diserte dicitur: *Jofrido coco duas cappas pluviales*. Nam et quando caput involvebant caputio, vel cum *cappa*, sine ea, ut agnoscere non possent, dicebantur *forkapped*; et *sig at forkappe*, quod etiam Germani retinuerunt, licet *Kappe* vox apud illos exoleverit, *zæ verkappen* et *verkappet*, quando larvati ac personati incedunt.

Manifestum igitur est et monachos et sacerdotes hanc vocem suam fecisse, quæ ex paganismo, ut plures aliæ, descendit, et *pluviale* vocasse, quod est Danorum *Regenkappe*, cum Latine loqui vellent. Sed *cappæ* tamen vocabulum prævaluit, quascunque mutationes subierit, et ad quos homines pervenerit. Quod vero attinet *die Hartzkappe*, Germanorum sacerdotum, illa non ex Danica lingua nomen hausit, sed ex *cappa* Francicorum, postquam vocula ista civitate Latina ibi donata, et inter omnes Christianos recepta fuit pro veste sacerdotali, et quidem ex quo ecclesiasticis placuit, more Joannis Baptistæ, illam vestem et *cappam* ex pilis camelorum contextam gestare, novo textorum invento productam, tunc enim *Hartzkappe* Germanis cœpit vocari, et in hunc usque diem a plerisque sacerdotibus gestatur, a quibus ad alios quoque translatus est mos, tales vestes postmodum induendi, suisque usibus, sine nomine *cappæ* tamen, applicandi. *Ein huaren Kleid, von Kameels-Haar*, unde *Kamelot*, mercatorum vocabulum, qui istos pannos vendunt, etiam manavit, tametsi distinctionibus aliis subinde mutatum sit, et ad undulatos pannos ac vestes restrictum, quales sunt *die gewasserte Taften, Tobinen*, etc., proprie tamen panni *von Kameels-Haar gemacht* iis initio significabantur. Apocal. vi, v. 12: *σάκκος τριχίνος* occurrit, nec solum ex pilis cameli, sed etiam ex capriinis vestes hæ pilosæ veteribus conficiebantur, ut vix eo more, quo hodie, dicendum est textus eos tractatos fuisse. Neque enim Germanis aut Europæo orbi antiquum est ex his pilis pannos contexere, et *cappas* parare, ciliciis quamvis vigentibus, quæ quoque ex pilis animalium texebantur, non vero camelorum, sed alium usum sui præbebant, non in *cappis* aut exterioribus vestibus. Nec ibi substitute-

runt Dani, prout est lingua eorum recentissima, quin ex *Kappe* etiam aliam vocem producerent, *Kaabe*, qua feminarum pallia præprimis significaverunt, id quod nulla aliâ lingua tam facile præstitit, aut præstare potest. Neque enim diu est, quod feminae hic pallia deposuerant; aut 36 annos nulla matrona in publicum absque suo pallio et *Kaabe* prodibat. Ex his jam dictis, archiepiscopus *cappas* donando, quid vestitus indicare voluerit, satis, puto, explicatum dedimus, nimirum togas ecclesiasticas, quas ipse extra sacra gestare solitus erat.

Nunc de *forratis* aliquid dicendum. *Forrata* hic dicuntur vestimenta, quæ pellibus villosis, hirtis ac hirsutis sunt subducta, quod nesciverunt Romani et Græci, quorum *χιματα* temperata tales non requirebant vestes. Deductum itaque vocabulum *forratum* a septentrionalibus eorum lingua, qui *Foder, Foer, Foderwerck* pelles has pilis obsitas vocarunt, ex qua pronuntiatione Germani superiores *Futter, Futterwerck, Futtern* didicerunt flectere, unde *forrata*, et *furrata*, et *foderata* existerunt apud scriptores monasticos et mediæ ætatis; probe distinguenda a *fodro, Foder*, vel *Futter*, quod etiam pro pabulo in legibus antiquis Germanorum et Danorum, nec non Latinis sæpissime reperitur, eratque onus tributum, quo subditi tenebantur dominis ad pabula subministranda illorum jumentis; quod quia Romani Græci que nesciverunt, vel quasi, sed a Germanis primum didicere, Germanico propterea nomine in memoriam, illud expressum legimus. Male vero confuderunt Latini *Forr* et *Foder* Danorum ac septentrionalium, sua euphonia rem totam invertentes, aliud enim est *Foder* et *fodram*, pabulum; aliud *Forr*, et pellis hirsuta. *Foder* originem ducit a *Fode* Danico, pabulum, quod alit, et quo quis alitur. Non ita *Forr*, quod de hispidis et pilosis usurpatur; ideoque hic melius scribitur *forrata*, quam *foderata*. Francici etiam et Angli rectam flexionem istius vocis retinuerunt, *fourrez* dicentes et *furring*, quod Latini *foderare* et *foderaturam*. Latini vero pervertentes vocabulum suum litteram *d* interponendo etiam Germanos et Danos seduxerunt, ut multi *Foder* potius scribant Latinizantes, quam *Forr* cum septentrionalibus, quibus origo vocis debetur, secundum quam ejus quoque scriptio attemperanda. Inter Latinos alii hanc vocem *Forring* non *foderaturam*, sed *fodaturam* dixerunt, et *fodare* pro *ferrare*, minusque peccarunt quam priores. Alias Latino nomine *pellis* etiam Germanica et Danica lingua vicissim imbuta fuit; *Petz* enim et *Pitz* vocant ejusmodi furratas tunicas et vestes tam viri quam feminae, *einen gefutterten Peltz, Peltzrock, der Peltzer*, et similia vocabula.

Quamvis hæc pellicea proprie dicantur vestes, quæ nihil nisi pelles sunt, nec pannum superius additum habent, *Skindkiortel* Danis: neque enim *foderata* aut *forrata* sunt talia, sed *fodra*, pellesque meræ. Quin et latius ista pellicea sumuntur, non solum pro *fodris*, et hirsutis pellibus, sed etiam pro



levigatis et depilatis, ut sunt braccæ, et quæ vocantur *Kollerten*, quæ tamen Germanice loquendo *Peltzen* non sunt, sed sub pellicorum nomine Latinis etiam veniunt: Danis enim *Peltzen* non sunt nisi hirsutæ pelles, pilis suis onustæ; nec solum pellicæ dicuntur illæ, quæ interius pilos versos habent, exterius glabræ, sed illæ, quæ vice versa sunt, aut quæ intus et exterius pellibus hirsutis duplicatæ sunt, ut *mufflæ* hodie quæ leguntur in addit. i Cap. Ludovici imp. tit. 22, aut Lapponum tunicæ et ocreæ. Hæ enim pellicæ, meræ quoque pelles sunt, sed forraturam insuper habent pillosam et pelliceam. In allegato tit. cap. monachis singulis *pellicea bina usque ad talos* descendentes dari jubentur. Carolus M. imp. *pelliceam herbicinum habebat*, ut est in *Chronico Sangall.* l. 11, p. m. 422, hoc est ex veryccina pelle paratum, non exterius pilos gerens, sed interius versos. Majores nostri pellibus aliter utebantur, exterius enim plerumque pili sedebant, glabras partes interius obversas gerentes, sicque frigus longe melius arecebat, naturam in his secuti pellium et sua commoda, non decorem aut artem. Christianis vero factis opinio nocuit, neque enim se homines videri, si sic amicerentur, sed bruta et pecora et feræ. Hinc illæ pellionum artes enatæ, quæ inverso ordine pelles interius subducebant, ut honestior et magis humanus appareret vestitus. Adeo ut *Undrfoder*, *Unterfutter* omnia cœperint dici, quæ subducuntur vestibus, non solæ pelles. *Doublure* vocant Francici, quamvis et *fouerrer* dicant forratas vestes et alias res, ut nummos et denarios *fourrés* appellant, qui sub argento æs tegunt, voce ipsa nata ex Danica et Germanica linguis.

(<sup>80</sup>) *De pellibus marturum.* Hæ sunt illæ pelles, de quibus Adamus Bremensis in libello *De situ Danicæ* p. m. 147, dum ait: *Sembi vel Prutzi aurum argentumque pro minimo ducunt, pellibus abundant peregrinis, quorum odor nostro orbi lethiferum superbiæ venenum propinavit. Et illi quidem ut stercola hæc ad nostram habent damnationem, qui per fas nefasque ad vestem anhelamus marturinam quasi ad summam beatitudinem.* Ex quibus judicare licet non vile fuisse tunc temporis legatum marturinæ cappæ.

(<sup>81</sup>) *De pellibus griseis.* Quænam pelles illæ sint facile ex Danica lingua seiri potest, qui eas appellamus *Graaskind*, *Graawerck*, *Graavare*, et Germanice *Graawerk*. Sunt scuris detracta spolia, quæ nobis Norvegia Russiaque incredibili numero mittit, ubi istorum animalculorum venationes sunt exercitissimæ; hieme solent grisei evadere, mistique pilis rufis grisescent aut albicant. Dantur quoque in Jutia extrema plane nigri, quorum venatio et possessio nobilissimæ familiæ Frisiorum insignia cœpit ornare in hunc usque diem. In *Chronico Norvegico* p. m. 94, Haraldum Ærici, regem, *Graafell* a pellibus istis griseis cognomen tulisse dicitur, quod vestem suam griseis pellibus forratam gestare cœperit, navemque griseis istis onustam ex Islandia in Norvegiam appulisse. In eodem *Chronico* p. m. 226,

A narratur de Otthone Stulco venante sciuros in Vermlandia: *Han fik saa mange Graaskind, at han fylte sin Slæde saa, at han kunde ikke drage meere; hoc est tot sciuros dejecit, ut traham suam totam impleret, nec plures ferre posset.* Hæc de pellibus griseis monere libuit, ut intelligatur quænam significantur, hodie enim non desierunt, sed inter delicatiores forraturas, levitate sua commendatissimas, non minus quam quod corpora satis foveant, et frigus penetrare non sinant, æstimantur.

(<sup>82</sup>) *Pallium marturum.* Intelligitur pallium ordinarium, quo hieme archiepiscopus uti solitus est, non Roma missum inibique consecratum, quod archiepiscopi non nisi certis diebus festis induere poterant in ecclesia. De hoc pallio non hic loquitur, sed pallium innuit, quod archiepiscopi etiam extra ecclesiam sumebant, quoties solemniter induti comparere debebant in publico. Sicut enim oraria et stolæ quædam *usuales* erant clericis et episcopis extra ecclesiam, sic quoque pallia, vestes omnino distinctæ ab illis, quibus intra ecclesiam, sacris operati induebantur, quasque peractis sacris exuentes in ecclesiæ sacrario reliquebant, resermentes quotidianas. Ex his erat hoc pallium Absalonis legato destinatum, et pallium marturum dixit, quod, sicut cappa in superiori membro forratum esset de pellibus marturum, panno serico aut lanæ superiorem et exteriorem partem pallii tegente, quare paulo post sequitur de pallio quotidiano, quod donaverit et legaverit *Petro Stamme griseum pallium quotidianum.*

(<sup>83</sup>) *Superpellicium cum pellicio.* Est vestimentum anticum clericorum, paulo infra genua descendens, manicis amplissimis, sicque distinguitur ab *alba*, quæ quidem linea quoque fuit, sed manicis strictioribus, et longior, quippe quæ ad talos descendebat, *σώδιπνος*; alba quoque uti non licebat nisi in sacrificio missæ, superpelliceo etiam in aliis quibusvis functionibus sacris. Dicitur etiam *superpliceum*, et Francici, *surplis*, quod veram originem vocis nobis commonstrat, a plicis deducendæ, ut sit *superpliceum* scribendum, non vero *superpellicium*, neque enim ex pellibus conficitur, cum linea sit vestis, nec super pellem aut cutem induitur, ut *camisia*, aut interula, sed super alias vestes injicitur, plicas suas varias accipiendo, propter amplitudinem, qua gaudet. Quod vero hoc loco additur, *cum pelliceo de marturibus*, superpellicium donatum esse, attendere debemus, has lineas vestes varie exornari solitas esse, ante manus, in collo, et lateribus, clavis insertis, aut ex holoserico, aut auro, prout etiamnum femellæ subuculis suis aurum intexere, aut alia ornatio pergunt; et Francicum proverbium produxerunt: *Vous êtes fille de chevalier, vous avez la chemise dorée.* Vetus hoc esse discimus ex Lampridio in Alexandro Mammææ filio, qui *in linea aurum mitti etiam demerentiam judicabat, cum asperitati adderetur rigor*, cutemque effricari contingeret sæpius, sed in superpelliceis hoc non impediabat, aliis ve-

stibus subtilis defendentibus, unde Anastasius in Vita Benedicti III, camisias auro clavatas commemoravit, *camisias*, inquit, *albas sigillatas holoseri- cis cum chrysoclavo*. Et sicut auro clavatas *albas* dixi ac holoseri- cis limbis decoratas, sic quoque *superpellicea*, ita ut quæ hiemi convenire deberent, hic pelliceo de marturibus dicantur instructa fuisse. Inferius occurrit *superpellicum vario forratum Nicolao, filio archidiaconi legatum*. Egregius est locus in concilio generali Constantiensi, sess. 43, can. *De vita et honestate cler.* hanc rem illustrans: *Decernimus penitus abolendum, quod clerici et personæ ecclesiasticæ — longus cum magna superfluitate vestes, etiam fissas retro, et in lateribus cum fodraturis ultra oram excedentibus etiam in fissuris deferunt*. Hoc tam ad lineas quam laneas et sericas clericorum vestes spectare facile judicamus. Multi mecum testari possunt, si memoriam excutere lubet, non ita diu depositas esse has vestes, quæ fissuras suas retro ostendebant; quæ vero fodraturæ vocantur *ultra oram excedentes* etiamnum maribus et feminis, clericis et nonnis, manent ac perseverant.

(86) *Vario forratam*. Distinguenda veniunt *varia* et *grisea*. *Griseæ* quæ fuerint pelles et unde, jam explicatum dedimus nota (83) præc. nunc quoque *varia* quænam sint dicam: pantherarum enim, lyncium et pardorum pelles, aliarumque ferarum, maculis suis conspicuæ, *varia* dicuntur, Danis et Germanis, *bunt*. Variis enim coloribus natæ pelles non solum, sed etiam consutæ et conjunctæ a pellionibus cum aliquo decore et gratia *Buntfoder*, et *Buntverk* dicuntur, ipsique pelliones ideo *Buntmagere* et *Buntwerker*. Varias has pelles semper amarunt septentrionales, ita ut quoties natura negaverat, arte varium adderent, quod discere licet ex Tacito, qui de omnibus Germanis varias has pelles appetentibus pronuntiavit c. 17: *Eligunt feras, et detracta velamina spargunt maculis, pellibus que belluarum, quas exterior oceanus atque igno.um mare gignit*. Ad phocas procul dubio respicit, *Sælhunde* Danis, et cæteras pilosas oceani belluas, quas insuebant hinc inde ferarum terrestrium pellibus, ut maculosæ et *varia* apparent. Sive igitur lyncibus solis cappa hæc subducta fuit, quos Norvegia elegantissimis maculis distinctos ut et Russia mittit, sive variis pellibus, partim melinis, partim felinis, marturinis, sabelinis, vulpinis, lupinis, aliisque conjunctis parata fuit, *vario forrata* potuit appellari. Occurrit illa forratura in hoc Testamento sæpius, pleræque enim vestes vario potius quam aliis pellibus consuebantur, ita ut mirum videri nequeat, pelliones, *Buntmagere*, nomen acquisivisse ex variis potius quam ex griseis, marturinis, etc.; quia in variis consuendis occupatos maxime legimus.

(87) *Et Juppam*. Hæc vox vere Danica antiqua est, qua tunicam significare solent, *een Joop*, transiitque ad Germanos, et Francici quoque retinuerunt *la juppe*, suppara feminarum plerumque hoc nomine significantes, quæ nos *Skort*, et Germanice *Schær-*

*ten* et *Schuertzen* proprie vocamus, quod circa medium feminarum in varias rugas ac plicas contractæ cingantur et firmentur. Sed et ab aliis *Ræcke* vocantur, quod nomen est velut universale, omnibus indumentis fere applicatum. Hodie *Joopen* de rusticis tunicis prope solum effertur, quin et cerevisiam egregie rusticos exhilarantem ideo *Joopen-Beer* vocarunt, quod hæc saltationibus et homines et tunicas indulgere faciat: Islandis *Faldafeyckir* dici mereretur. Tantam enim vim bene potis ingenerat, talis vel Bacchus vel Ceres, ut etiam vestes illam sentiant. Hinc Belgæ: *Hy heeft wat in syn muts: in syn timp, in syn wamhs, etc., gevallen*, quando cœperunt ad ebrietatem vergere, et hilaritatem nimiam prodere. Saxones inferiores de homine appoto: *He heeft syn Joop sul*. Male igitur Ferrarius, qui *giubba* et *giubbone* Itatorum, et *giubbarello*, derivat a supparo, ut solent, qui Danica nostra contemnunt, hæc respicere dignantur, ad Græca statim et Hebraica et Latina in his nominibus derivandis confugiunt; nescientes, aut non memores, quousque Dani et peregrinationibus et armis linguam suam aliis gentibus insinuarint. Cum Vandalis sane hæc vox transiit in Africam ad Arabes; cum Gothis, Normannis et Danis in Franciam, Germaniam, Italiam, Hispaniam, qui tamen a Mauris Arabice loquentibus *Aljuba* videntur didicisse, Mauri a Vandalis. Nec Græcia hanc vocem sprævit, postquam et eo Danicæ gentes pervenerunt; ζούπαν enim vocarunt *juppam*, ut solent sic derivare et pronuntiare. ζούστρα dixerunt pro *justa*: ζουλάπιον pro *julapium* apud Achmetem in *Onirocrit.* sæpe reperitur hæc vox; sic enim c. 228 legere potes: *ἐν ἰδη τις ὅτι ἐνεδύσατο ζούπαν, εἰ μὲν ἴστω ἐξουσιάζων, ὄνομα καὶ φήμην καλὴν εὐρήσει, διὰ τὸ ἐπάνω φορεῖσθαι τὴν ζούπαν αἰ.* Quin et Agapius in Geopon ζούπον habet a *juppon* Francicorum et Normannorum, quod terminatio satis indicat, et minorem tunicam quam ζούπαν significat, unde et ζουπαν in Turco-Græcia Crusii, adhuc minor tunica quam ζουπον, ut apud Italos *Giubbone*, *Giubeto* et *Giubettino*. Ex hac veste dignitas maxima apud Græcos inferioris ætatis fluxit, ut ζούπανος diceretur præfectus vestiarii principis; quin et ad Slavonios illa vox concessit, Servios et Hungaros, qui suos principes et satrapas ζουπάνους, Ἀρχιζουπάνους, Μεγάλους ζουπάνους ab hac veste appellare cœperunt, quæ erat superior, ut ex Achmte audivimus, in gloriam Franciæ Danicæque nationis, qui hanc vestem hocque nomen Constantinopoli militantes et mercantes in has regiones primum attulerunt, tanquamque in iis majestatem et gloriam admirati sunt, ut vestiti incedere sicut Dani, Normanni et Francici, virtutem summam et principem dignam, Danisque similem crediderint. Jamque intelligi potest locus Constantini *De Adm. imp.*, c. 29: Ἀρχοντας δὲ, ὡς φασι, ταῦτα τὰ εἶδη μὴ ἔχει, πλὴν ζουπάνους γέροντας, καθὼς καὶ αἱ Λοικαὶ Σλαβῆναι ἔχουσι τύπον. Idem scriptor eod. cap. et sæpius ζουπανίας vocat provincias, quibus hi ζουπανοὶ præerant. Innocentius papa in Episto'is suis

ctactis recte illos vocat *jupanos* et *magnum jupanum*, A vocis analogiam Latinam recte secutus. Regis Hungariæ legatus Περὸς ad Alexium imperatorem in pacto Boemundi ducis se subscripsit ζουπάνος ὁ Περὸς. Apud Nicetam et Joan. Cinnamum Ἀρχιζούπανος reperitur. Hæc debeo doctissimo Dn. du Fresne, ejusque *Glossario*, qui tamen originem harum vocum non vidit, nec attendit. Nos vere discamus quid vocula faciat unius vestis, et quousque simbrias et pinnas extendat, quamvis enim vestis virum non faciat, vulgo tamen sæpe Græcum illud placet : ἵμο ἀνήρ. Quis vero crederet Danicam vocem *Joop* tot terras pergrassasse, et tantam gloriam sui excitare potuisse? Bene concludit Menagius postquam in lexico suo omnia recessit : *Les Allemands disent Guipp pour dire un jupon, et je crois que c'est de ce mot allemand B que l'Italien giubba a été formé.* Unde Germani traxerint ac habuerint hoc nomen et alia plura nemo hactenus sollicitus fuit. Ex Dania enim Norvegia et Suecia nemo credit quidquam proficisci posse, quod juvet, cum tamen ad antiquitatem omnem illustrandum hinc fere petenda sint omnia, si quis recte sapere vult. Usus est illa voce Chronici Norvegi scriptor in manusc. de Magno Barfod, rege Norvegiæ, dum ejus armaturam et vestitum describit, p. m. 399. *Han hafði oc silke HIUP rauthan yfir Skyrto, oc skorit fyrer oc a back med guli silki Leø*, hoc est *tunicam rubram sericeam, anterieus et posteriori leone flavi serici insignitam super indusio gestavit.* Quod satis docet vocem *Joop* et *Hiup* antiquam danicam et Islandicam esse. Ita quoque paulo post eadem historia memorat : *Eyvindr hafði oc silki hiup, med sana bætti sem Konungr*, hoc est *Evindus etiam tunica serica eodem modo, quo rex indutus erat.* Erant hæc *juppæ* majores et minores, longiores et breviores, ampliores et strictiores, ideoque legitimus etiam hic *minorem jupam de griseo forratam* proxime sequentem; quam Belgicæ feminæ vocare solent *eene Jacke* : *jacquet* Francicis, quæ paulo infra cingulum circa medios lumbos desinit, adeo ut multi *jupon* interpretati sint thoracem, quæ non nisi ad ad cingulum pertingit, inque his videmus Hamburgi et Amstelodami de *Karenschuyvers*, *Kruyers*, *Litzenbroeder*, etc.

(<sup>88</sup>) *Coopertorium vulpinum.* Ita vocat, ni fallor, D tegmen superius lecti, pellibus vulpinis subductum: infra *lectisternium forratum de marturibus* occurrit, quod archidiacono legavit, estque idem cum *coopertorio*, ut et *lectisternium vario forratum*, quod Mag. Hugoni donatum relinquit.

(<sup>89</sup>) *Stabulario.* Danice *Stallmester*, quod nomen hodie non tam magistris stabuli, quam servis convenit, ut observemus, quantum mutatus ab illis magister stabuli nunc incedat.

(<sup>90</sup>) *Esbernus Mule.* De hoc Esberno superius nota (<sup>83</sup>) satis.

(<sup>91</sup>) *Haquino camerario.* Etiam hunc superius nota (<sup>8</sup>) attigimus, ubi inter testes aderat, hic legatum accipit.

(<sup>84</sup>) *Brunei coloris.* Hæc Latinitas tunc placet at, quod rem distinctius explicaret ac significaret, melius quam si fuscus, vel subfuscus, coloris dixisset, desunt enim Latinis verba, quibus colores distinguant septentrionalibus notos ac quotidianos; est enim inter fuscum et bruneum discrimen non modicum, alter enim saturum colorem ejus generis indicat, alter remissior color est. Sic *blaveos* lapides adduxerunt colore proprio se eximentes a cæruleis, quem colorem solum Romani norunt in eo genere. *Blavatas* aves, quæ pedibus cæruleis visabantur, appellabant, quod cæruleum colorem iis minime convenire facile cernerent, aliud enim est *blau*, aliud *Himmelblau*; ita quoque bruneus color distinctiones omnigenas recipit, *Hirschfarbe*, *Haarfarbe*, *Leberbraun*, etc., qui colores omnes brunei sunt.

(<sup>85</sup>) *Equum blaccatum.* Ita vocavit, quod aliter Latine efferi non posset, quem Dani vocant *een blakket Hest*. Germani et Angli *Blak* vocant nigrum, ut atramentum Danis *Blek*. Hinc *blakked*, quæ quidem colore nigro saturo non lucent aut vident; sed veluti deficiunt ad pallorem. Germani vocant *salb* illum colorem ut *Mausz-salb*, *ein salbes Pferd*. Francici vocant *une couleur effacée*, proprie *blasard*: quod a Græco βλάξ et βλακκός deducunt, quæ nihil ad colores faciunt, sed ignavos, stolidos, molles, ac delicatos significant. Non igitur Francici suum inde *blasard* acceperunt, sed potius a *blac* et *faire*, quasi color similitudinem aliquam nigredinis faciens, ut sunt plerique colores ex albo interlucentes, illi enim *blakked* vere sunt.

(<sup>86</sup>) *Eschillum Buthsvæn.* Sic vocabantur remiges in cymbis: *Baad* hodie scribimus et *Svend*, unde compositum hoc nomen, *servus cymbæ* pontificalis, cui remiges peculiare dati erant, illam curantes et regentes. Hodie *Baadskarle* potius vocamus quam *Svenne*, *Koerkarle*, etc.

(<sup>87</sup>) *Nicolaus Stabularius.* Ita scriptum reperi, et nisi stabularius sit, *ein Stallmeister*, prout ante Petrum stabularium commemoratum audivimus, nescio quid nominis aut officii sit, quod indicare voluerunt, nusquam enim sic scriptum aut extractum nomen aliquod animadverti.

(<sup>88</sup>) *Saxo: i clerico suo.* Hic Saxo, quin sit historicus ille Daniæ celeberrimus dubitari nequit, in primis quod de libris referendis ad monasterium Soranum addidit, eum in historia scribenda occupatum atque eo sine libris, beneficio archiepiscopi ex monasterii bibliotheca depromptos habuisse iudicamus, quos hic reddi monasterio jubet. Ita Chronicon parvum, quod nuper de Danicis rebus edidit Arnas Magnæus Islandus ex manusc. diserte Saxonem historicum *Clerici* nomine p. 10. nobilitavit, Vocat eum hic Absalon *clericum suum*, hoc est scribam, secretarium, a manu, ab epistolis, aliisque scribendi officiis archiepiscopo apparentem, hoc enim est clericum alicujus esse: ita reges clericos suos habebant, qui scribenda et notanda maxime curabant: in hodiernum usque diem Belgæ veteri

more scribas et secretarios suos *klerke* vocare pergunt, etiam postquam religioni pontificiæ repudium miserunt : ad hoc enim officium scriptiōnis non adhibebant olim nisi clericos, quod laici tunc vix operam darent, et pessime litteras pingerent : ita ut mirari liceat, si pagani adhuc Dani, litteris scribendis incubuerunt; quod quidam ex Saxone probare se posse perperam contendunt, Saxonem minime intelligentes; cur non Scallos potius et ejusmodi homines reges litteris suis scribendis admovent potius quam clericos? quod tamen nusquam reperitur regibus in usu fuisse, vel ante Christianismum, vel post eundem; ne in Danicis quidem scribendis ullos initio Danicos sæculares adhibuerunt, sed ubique clericorum hoc erat officium. At cum clericus talis Saxo fuerit archiepiscopi, usque ad ultimum ejus spiritum, quomodo statuere potuerunt cum unquam præpositum Roschildensem fuisse? et quidem anno 1164, quo missus est Parisios, ut adduceret S. Wilhelmum?

Miror Stephanii sententiam hanc esse potuisse, doctissimi sane in omni historia viri; miror : qui Saxonem nostrum, vere satis, circa ann. 1150 natum judicavit. Fuit ergo nonnisi undecim annorum Saxo, cum præpositus Roschildensis S. Wilhelmum Parisiis quæreret; quomodo hæc, quæso, cohereret? Quomodo Stephanii sententiam servare aut amplecti licet? Audimus huic Testamento præpositos interfuisse testes duos, Tuchonem Roschildensem, et Achonem, nisi fallor, Lundensem; audimus etiam Saxoni ut clerico legatum ab archiepiscopo relinqui hoc loco, quando ergo præpositus Roschildensis fuit? num clericus Absalonis ejusque munus dignius est præpositura Roschildensi? quis ita ratiocinatur? contra veritatem sane, quam scimus omnes, haud licet. Neque enim præpositi, qui in prælatorum dignitate constituti vivebant, ad clericorum officium rursus se deprimi facile patientur, nec quemquam hoc flagitare decens erat. Certo igitur certius hoc concludendum superest, Saxonem historicum Danorum præpositum Roschildensem minime fuisse, dum Absalon superfuit, qui in fine vitæ eum clericum suum adhuc vocavit, et Saxonem qui in litteris a Stephano productis præpositus Roschildensis vocatur et subscripsit, quique S. Wilhelmum a Parisiis in Daniam ut adduceret missus fuit, alium fuisse a Saxone Grammatico et historico; cum Saxo præpositus Roschildensis ante Absalonem decessisse videatur, saltem Tockonem successorem habuerit in præpositura, qui Absaloni Testamentum nuncupanti adfuit, ut præpositus; Saxo autem, ut clericus archiepiscopi, absens, in Scania, ni fallor, et monasterio S. Laurentii vixit; alias inter testes cum cæteris comparuisset, sequuntur etiam statim mag. Joannes et mag. Waltherus, qui presbyteri in monasterio S. Laurentii, et magistri scholarum ejus loci fuisse videntur, quin et plenarium monasterii B. Laurentii, et Aho

A præpositus ordine conjunguntur, ut omnia Lundense monasterium hæc legata videantur respicere. Saxo autem Grammaticus et clericus, qui jam duas illas marcas cum dimidia ab archiepiscopo mutuo datas acceperat, si plures archiepiscopo debuisset, plures quoque marcas donatas ac legatas recepisset; hæc ræns est verborum; *Saxoni clerico suo duas marcas argenti et dimidiam concessit, quas sibi donavit*; archiepiscopum, scilicet ante Saxoni hanc summam concessisse utendam, viginti nempe unciales thaleros nostræ monetæ, quos nunc ipsi archiepiscopus donet et leget, ut ad illos reddendos Saxo compelli deinceps non debeat.

(67) *Magistro Joanni*. Nondum magistri nomen inter titulos eruditorum honoratioris receptum fuit, prout hodie moris est liberatos ad magistri gradum ascendere, iisque præmiis, laudibus ac titulis insigniri, ob egregiam eruditionem, quam præcæteris acquisiverunt; sed vocantur hic magistri ab officio, quod gesserunt in scholis, quibus præerant; illos enim magistros simpliciter dictos fuisse multa docent exempla. Helmodus l. 1, c. 14 Adamum Bremensem magistrum vocat, quod scholæ Bremensi præesset, eamque regeret : *Testis est magister Adam, qui gesta Hommenburgensis Ecclesiæ conscripsit*. Sic quoque Ditmarus Meshurgensis Ekkihardum Grammaticum et magistrum scholæ vocavit, et Anskarius ipse magister talis initio fuit;

*Magistratus regimen præceptor adeptus*, unde ait Gualdo poeta versibus Anskarii vitam reddens; neque enim in cænobiis et ecclesiis inter clericos alii magistri occurrunt. A Romanis quidem hoc assumptum est nomen, qui multos magistros agnosceant domi militiæque in sacris, in conviviis, in collegiis artificum et opificum, eaque de re testantur inscriptiones non solum, sed et ad nostros opifices redundavit nomen magistri, qui *meister* et *mester* appellantur passim; inferius legitur, *Achoni magistro laterum, der giegelmeister*. At post tempora Absalonis archiepiscopi Fridericus II imp. primus magistri nomen inter honores et titulos liberatorum esse jussit, ut eo gauderent, qui in litteris profecissent, nulli licet officio essent admoti. Hic vero mag. Joannes superius inter testes astitit et audivit Absalonem testantem et legantem, ubi quoque Lundensis Ecclesiæ canonicus appellatur, ita ut magister Walterus, qui proxime sequitur, canonicus quoque fuerit ejusdem Ecclesiæ, et scholam insignem ac frequentem fuisse tunc Lundis indicant, quæ plures magistros canonicos habere debuerit præpositos, hæcque causa est cur mag. Joannes Absalonem sequi potuerit, et in comitatu ejus apparere; nam si solus magister scholæ regendæ præfuisset, haud munus illud permisisset ipsi abesse. Monendi quoque sumus, tunc magistros scholarum, licet canonicos, ipsos scholæ rexisse, et in iis docuisse: sed nostram præbendam

maiores et minores prodierunt, ac distingui cœperunt, ad minores canonicos scholæ labores pertinere cœperunt, ad majorem vero nomen dignitatis et *scholastici* concessit, qui aliis docendi munus imponebant, ipsi consilio scholis præerant, ut rectores et inspectores, philosophica sententia non opera; canonici enim fere cum episcopis per vicarios hæc facile præstari obtinebant, sic magistri scholarum postmodum ad vicarios domini scholastici et canonici prælati concesserunt, ex ejusque nutu pendebant, quod Lundis tamen Absalonis ætate nondum invaluerat, siquidem ipsi magistri canonici non vicarii erant.

(68) *Bicarium argenti*. Utitur etiam illa voce Arnoldus in *Chronico Savor.* l. iv, c. 14 : *Ablutionem digitorum fecit in bicario mundo*. Hic protinus, more suo solito, etymologistæ *bicarium* ex Græco βίχος deducere jubent, quod orcam et amphoram, aut vas aliquod simile denotat, dolium, urceum, lagenam, στάμνον, et Hebraicum קרפא *Backbuck* eo quoque referunt, ita ut ex Hebraica voce dicta Græci βίχος, ejusque diminutivum βεχιδιον, inde Latini *bicarium*, Germani *Becher*, Dani deinde et septentrionales *Begere* fecerint. Egregie profecto sibi sic ratiocinari videntur, mihi vero hallucinari. Dicant mihi quando *bicarium* apud Latinos usurpari cœperit, dicant, quæso : num apud Varronem *De Latina lingua* legitur, aut Gellium in *Noctibus Atticis*, aut similes auctores? Solet Varro, quæ ex Celtica ad linguam Latinam ornandam et locupletandam prodierunt, non semel indicare, sed de *bicario*, nec ille, nec alius quis monuit. Est vero Celtica lingua, nihil nisi vetus septentrionalium populorum, sub quibus Norvegi, Succi, Dani, Germani, Galli, Illyrici quoque comprehenduntur, non Hebræi, non Græci, non Latini vel Romani. Nunc videamus an non felicius *bicarium* ex illis linguis cognatis Celticis, vel recentioribus Danicis deducatur, quam ex Hebræo *Backbuck* vel Græco βίχος, et βεχιδιον quod apud Suidam legitur. *Bicarium* sane apud Latinos non legitur, antequam Gothi Italiam, Galliam et Hispaniam insederant, ut vere Gothicum nomen antiquum esse dici queat. Gothi autem quod ex septentrione sæpius exiverint, et nomine ac lingua sua Germaniam, Illyricum, Russiam impleverint totam, Historiæ loquuntur antiquissimæ, et ego probatum dedi alias; a Ponto deinde et Mæoti palude reversi, eodem nomine, eadem lingua Italiam, Gallias et Hispanias inundarunt. Quid igitur mirum ex illa lingua septentrionalium, tot gentium facta, monachos ejusque farinæ et Latinitatis homines vocabula sumpsisse, et detorsisse, quoties opus erat, et significantius res exprimere se posse credebant. *Bicarium* sane est inter illa pocula, quæ peculiarem formam habent, a Gothis forsitan etiam in Italiam introducta, aut a Franciscis, aut Germanis et Northmannis. Romani enim hanc poculi figuram nesciebant, ut et Græci, ita ut *Backbuck* et βίχος illi figuræ nequa-

quam convenient, sed urceis et urccolis potius aut amphoris. Hebræi sane omnes *Backbuck* dicunt a soho, quem reddunt aquæ effusæ per urcei collum angustum, nomen accepisse; hunc sonum Græci κέρτακον peculiariter dixerunt, et κερτακίτην eos qui hos sonos crebro producant, helluones in-signes.

Quid illic bicario simile? *Bicarium* est poculum rotundum fere, quod inferius coangustatum, ita tamen ut sua sponte stare possit, superius magis patet. Hæc vera antiqua et nova figura est *bicarit*, nam adhuc nobis illa superest. Danis *Begere*; Suecis, *Begare*; Germanis superioribus *Becher*, inferioribus *Beker* audit; Italis, *Bicchiero*, qui de vitreo tamen poculo illud usurpant plerumque, unde *Bicchierajo* is dicitur, qui pocula vitrea vel vendit, vel facit. Sed hic non quæritur ex qua materia *bicaria* fieri consueverint, vel quam stricte et *κατα χροστωκας* ab his vel illis sumantur, sed ex qua origine nomen illud descenderit, et qua forma principio fuerit *bicarium*. Sufficit, jam me monstrasse a Danis et septentrionalibus originem petendam esse, ubi hujus nominis vestigia multa et clara et antiqua reperiuntur, nulla apud Hebræos vel Græcos, vel Latinos antiquos, ut frustra sit ad illos fontes accedere, turbidos nimis, et allusionibus meris fœdatos qui habemus domi puriores et purissimos, quod facile vident, si videre volunt. Habent vero Dani ex eadem origine plura, nam et *Becken*, quod significat *pelvim*, ejusdem radicis est, licet ejusdem figuræ vel formæ non sit cum *bicario*, et *Begere*; propria enim figura gaudet *pelvis* et *Becken*, amplioribus labris præditum vas, et fere humiliter quo magis patet : exinde Itali fecerunt *Bacino* sua pronuntiatione, ad nostram enim fuit *Bakino*, hinc *bacinello* et *bacinetto*, sed ad alios usus quam *bacino*, quod originem non impedit, sæpe enim usus verborum *ἀνωμαλιχα*. Francisci suum *bassin* inde traxerunt, quod scribi debebat *bacin*, ut origo nominis conservaretur, quemadmodum Itali quoque loquuntur in proverbio, *netto come un bacin da barbiere*. Cur vero hic *a* appareat, non *e* vel *i* exinde fluxit, quod septentrionales parvulo sono *a* et *e* litteras mutant, *a* scilicet clarum habentes, et *a* soni misti ut *a* et *ã* seu *æ*. Originarium enim nomen Danicæ linguæ, ex quo *Begere* et *Bekken* derivantur, est *Back*, quod etiam olim vas aliquod majus significabat, quam aut *Begere* aut *Bekken*, et usurpatur adhuc apud Belgas, qui retinuerunt in sua lingua illa vasa, vocantes *Back*, vasa quibus pluvias aquas colligunt, *een Regenback* cisternas, *een Rack* omne vas, in quo arida et sicca quævis reponunt, etiam patinas nautæ in navibus, ex quibus cibos capiunt, *Bak* vocant, ut *aen den Bak gaen*, etc., vetus nomen, quo vasa appellabant. Hinc jam apud Festum Pauli : *Bacar vas vinarium simile bacrioni*. *Bacrionem dicebant genus vasis longioris manubrii, hoc alii trullam appellant*. Recte igitur Laurembergii *Anti-quarius* hæc verba explicavit : *Vocatur et bacar,*

*bacariion, becario, et becarium. Meminere ejus Apulius, Tertullianus et alii. Glossæ Bacarium, ἰδοῦς ἄγγισιῶ. Quæ sane nec apud Græcos nata nomina dici possunt, nec apud Latinos, sed ex Celtica antiqua, hoc est Danica septentrionali per Germanias Galliasque ad Latinos transierunt: ibi enim fetura talium vocum, adeo ut rectius hinc scribere doceamur hodie *een Bæck* quam *Beck*, amnem, rivulum, quæ vox mater est omnium dictarum, nam ob aquam hauriendam vasa inventa. Saxones quoque *Bæck* dixerunt, Belgæ *Beeck*, Germani superiores *Bach*; hinc illa vasa et pocula aquæ et munditiæ destinata, quæ hactenus enumeravimus, se invicem sequuntur: *Back, Becker, Begere, Becher, baccar, bacrio, bacarium, becario, becarium, bicarium, Becken*, quæ scribi debebant *Bæer, Bægere, Bæcher, Bæcken*, adeo ut etiam in Islandia eorumque lingua, vetustam septentrionalem adhuc referente, supersint *Bekur* rivus, et *Bikar* et *Boukr*, poculum; quin et *Batiolam* vel *baciolam* apud Nonium Marcellum inter poculorum genera positam c. 15, ex eadem lingua Celtica septentrionali ac Gallica fluxisse; nunc videre licet, a Plauto usurpatam vocem, ut ait in *Colace*:*

*Baciolum auream octo pondo habebat, accipere noluit.*  
Adde etiam locum Plautinum ex *Sticho*, act. v, sc. 4:

. . . *Quibus divitiæ domi sunt, scaphio et cantharis, Baciolis bibunt* . . . . .  
conveniunt Glossæ veteres Latine-Græcæ: *Batiola*, *νοτίηρον*.

Et cur non ex illa lingua originem potius hauriendam judicamus, in qua sola toti convenientes voces matrices, sororiantes, cognatæ, sibi invicem lampada manusque tradunt quam ex Græcorum et Hebræorum longe dissitis fontibus, et peregrinis omnino, vocabulorum talium etymologias accersere? ubi quando vocēs singulas probe jam torsimus, nihil tandem egisse nos videmus; sunt coacta, affectata, ludī, et nugæ omnia. Sed vix in laudes Danicæ linguæ expatiari mihi nunc licebit, nisi amorem patriæ objici mihi velim; quasi affectibus magis ducar, quam veritatis studio, id quod semper a me alienum esse debere censui. Doctissimi censores Lipsienses ita judicant de scripto meo Danicæ linguæ præstantiæ dicato, me fecisse quod solent, qui in patriæ laudes, aut ejus loci ubi bene est, profusi et proclives maxime sunt. Debetur hoc patriæ profecto, dummodo veritatis limites non transiliamus, quod spero etiam a me factum, nec enim affectibus servire, sed aliquantum imperare didici; quin et Germanicæ et Suevicæ et Francicæ linguæ non inviderem eas laudes, si inter antiquos præ Danicæ cas laudatas ullibi reperissem: at cum antiquior laus Danicæ linguæ repeti potuerit, ex optimis et bonæ fidei monumentis, cur veritatem dissimulandam sumerem, nihil opus erat, illam maxime, quæ cum patriæ laude sese mihi conjunctam obtulit. Est igitur *bicarium* vox tam Celticæ, quam Danicæ et

A Gothicæ antiquitatis; et *vestica* quidem jam exsparrare cœperat, nisi Danica tenacior iterum succurrisset, ac in memoriam deperdita revocasset, dum loco Celticæ suam per Gothos in Italia, et ubique, vigere denuo vel reviviscere fecit. Gothi enim secum ex septentrione linguam Celticam passim extinctam fere in latinam linguam et Italiam et Franciam, etc., adduxerunt, et servarunt, ut vix nunc extingui rursus queat. De *bicario* autem argenteo loquitur etiam ante Absalonem Ditmarus Mersburgensis sæculi XI scriptor ante Adamum Bremensem l. viii, p. m. 241: *Cum duobus thuribulis ac argenteo bicario larga manu Cæsar nostræ dedit Ecclesiæ.*

(<sup>99</sup>) *Mag. Walthero*. Dixi de eo nota 67. Sequitur inferius *Mag. Hugo*, cujus quoque præbenda peculiaris memoratur, adeo ut et ille canonicus fuerit, et propter officium, quo in schola Lundensi cum binis jam memoratis fungebatur, tertius magister hic adducitur et legatum etiam non minus quam magister Joannes aut *mag. Waltherus*, lectisternium vario forratum nactus est, ut hic apparet: quæ Absalonem scholæ Lundensi non obiter prospexisse et favisse nos monent.

(<sup>100</sup>) *Pallium griseum*. Intelligit hic pallium non grisei coloris, sed griseis sciurorum pellibus subductum, de qua forratura prius dixi, illudque aptum erat, quod gestari posset in Natali Domini tempore hierno. Nam griseus panni color neque multum conveniebat archiepiscopo, neque presbytero canonico, qualis erat *Mag. Waltherus*, unde est, quod de pellibus griseis capi debeat.

(<sup>101</sup>) *Ad plenarium faciendum*. Plenarium licet sæpius occurrat in historia media, pauci tamen quid sit vel fuerit explicarunt. Ex *Henrici Wolteri Chronico Bremensi* p. m. 43 adducam primo plenarium quod *Henricus IV imp.* inter alia Ecclesiæ Bremensi donavit, *cujus tabula habuit novem talenta auri Lubecensis*, hoc est novem libras auri ponderis Lubecensis, quod etiam *Adamus Bremensis* his verbis explicavit lib. iv de iisdem donariis loquens: *Et unum plenarium cujus tabula videbatur novem libras auri habere*, p. m. 112. Ante *Adamum Ditmarus Mersburgensis*, aut qui vitam Ditmari paulo post conscripsit, *Henrici II imp. donaria, Ecclesiæ Mersburgensi collata, recenset*, p. m. 261: *Dedit hic imperator nobis plurima divino officio convenientia, scilicet tria plenaria, unum de auro, eburnea tabula ornatum, quod minimum est; secundum auro, gemmis et eburnea tabula variatum, quod pretiosius est; tertium, auro, electro, et pretiosissimis gemmis artificiose decoratum, quod optimum est.* De *Conrado abbate Rastedensi* septimo circa annum 1240 legimus in *Chronico Rastedensi*, p. m. 102, quod *feri fecerit plenarium ecclesiæ Rastedis, de argento cum gemmis micantibus, quomodo adhuc in monasterio esse dignoscitur.* Nec *Chronicon Mindense* obliviscitur *Sigeberti episcopi sui liberalitatem deprædicare* circa ann. 1029: *Quæ ad domus Dei decorem pertinent reliquit, calices et thuribula pulchra, ac plenaria no-*

nem valde pretiosa, cum diversis materiis intus depicta, et exterius argento et auro lapidibusque pretiosis adornata. Sed ex his omnibus nemo facile percipiet quia nominis aut rei sit plenarium. Hoc ergo nunc explicatius studebo facere. Et plenarium esse librum missalem et sacris missæ servientem, in quo omnia agenda festis, Dominicis aliisque diebus plene perscripta habebantur, ita ut sacerdoti nihil deesset celebranti quæ dicenda vel agenda forent; ideo enim plenarium vocatur iste liber, quod omnia contineret, plene et adamussim, quæ in Ecclesia requirebantur in Antiphonis, Sequentiis, Responsoriis, Collectis, Legendis aliisque. Hi libri et hæc plenaria, quod in altari ponerentur, tanto apparatu gemmarum et auri et eboris et electri, et argenti onerabantur, ut ex his jam dictis audivimus. Et quidem quod de tabula dicitur auri novem librarum Lubecensium, quam plenarium Bremense habuit, scire vos cupio, librorum tegmina intelligi, quanto compacti sunt, et corio circumvestiti, alterum enim latus libri in altari positi, quod exterius ad populum spectabat, tabulam quamdam auream vel eburneam solidam insertam acceperat in corio et asserere, quo liber tenebatur, gemmisque variis circumpositis cingebatur hæc tabula, et lucem magnam ac pompam faciebat, dum reliquum latus interius versus istum fastum minime ostendebat, sed in vulgari cultu eorū et asseris, sine gemmis, sine auro acquiescere sinebatur; hæc causa est cur tabula una tantum cuius plenario tribuatur, non tabulæ duæ aut plures. Hujus rei exemplum aliquod qui videre cupit, adeat bibliothecam ecclesiæ cathedralis Hamburgensis, ubi superesse videbunt adhuc in forma, quam dicunt, quarta, tale plenarium corio purpureo compactum, cujus medium tabula eburnea inserta tenet, mediocriter sculpta, quam ambiunt lapides, olim pretiosi, nunc crystallini et vitrei, exemptos enim et suppositos alios facile percipi potest, alterum vero latus libri solo corio circumseptum, a reliquo prioris lateris ornatu vacuum plane conspicitur. Complectitur iste liber, Collectarium, Homiliarium, Antiphonarium, et plura in membranis exarata, ita ut plenarium dici queat, ut nos hodie *ein vollstaendig Hand-oder Kirchenbuch* vocare solemus, in quo singula, quæ in ecclesiis occurrunt legenda, vel canenda, collecta leguntur. Nec sola plenaria tam sumptuose ornabantur, sed etiam alii libri. Sic enim Ditmarus sub finem l. vi, de eodem Henrico II imperatore commemoravit: *Evangelium*, hoc est librum evangeliorum, *aureo et tabula ornatum eburnea, dedit*. Simile est quod habet Tavernier in *Peregrinationibus* suis l. vi, p. m. 33, de libro evangeliorum in Armenia, quem archiepiscopus lecto evangelio, cæteris patriarchæ et episcopis osculandum præbet, ubi addit: *Sur un des costez de la couverture de ce livre, il y a des reliques enchâssées, et couvertes d'un crystal, et c'est le côté du livre, qu'on donne à baiser*. Nec quidquam nunc addam de plenario, nisi ut doceam librum fuisse:

A quod auctor *Chronici Mindensis* nobis monstravit p. m. 105, dum ait Milonem episcopum, qui sedit ab ann. 974 ad ann. 996 donasse monasterio in monte Wedegonis pulchrum plenarium; in isto sculpti habentur versus quos B. Gorgonio obtulit:

*Sit tibi, Gorgoni, liber hic, rogo, valde decori,  
Ornari Milo quem fecit episcopus auro.*

Eodem pacto Henricus Wolteri, in *Chronico Bremensi*, dum Henrici IV imperatoris donaria Bremensi Ecclesiæ tradita recenset, γερμανικῶς illa proponit: *Misit Ecclesiæ Bremensi multa digna et chara clenodia, centum videlicet aurea pallia, et sagas deauratas, thuribulum et librum auro et argento circumductum*; jamque pergit sibi ipsi objicere: *Sed dices: quæ sunt hujusmodi in numero, pondere et mensura ac nomine clenodia missa a Cæsare? Dico respondendo, etc., et unum plenarium, cujus tabula habuit novem talenta auri Lubecensis*. Ecce plenarium cum tabula novem librarum auri, est idem ille liber auro et argento circumductus. Adde Baluzium ad *Cap. reg. Francorum* p. m. 1156, qui missalia et missales libros plenaria dicta fuisse notavit. Reperitur quoque in jure Græco κληνάριον, sed non eodem sensu, licet quoque circa membranas et chartas versetur. κληνάριον enim in jure significat apocham omnia in universum debita tollentem et delentem, unde Βασιλικῶν eclog. 6, etiam ἀμνηστία κληναρία, securitas plenaria vocatur, cui opponitur ἀλογία μισθαί apocha, qua pars tantum debiti soluta agnoscitur; in curialibus nostris hodie *quietantiarum* dicitur talis apocha universalis, et explicatur *quietantia quietantiarum omnium*, adeo ut illud plenarium quoad chartas et libros, tam apud ecclesiasticos quam apud jurisconsultos valere, et in usum deduci cœperit.

(<sup>73</sup>) *Præposito Achoni*. Ille ipse, qui supra not. (5) adductus inter testes, eumque præpositum Lundensem fuisse judico, quod hic præcedant et sequantur ea legata, quæ Lundenses et Scanienses solum spectant. Tockonem Roschildensem fuisse præpositum jam ante docui. Saxo etiam Lundis vivebat, cum hoc Testamentum conderetur, ideoque etiam in illa classe ponitur.

(<sup>74</sup>) *Apud Cluniacum*. Conditum fuit illud cœnobium in Burgundia anno Chr. 895, testibus Sigeberto Gemblacensi et Trithemio, a Bernone comite Burgundiæ et abbate Gigniacensi, qui Odonem primum abbatem Cluniacensem constituit.

(<sup>75</sup>) *Ad Claram Vallem*. Institutum est hoc cœnobium a S. Bernardo circa 1117 alii 1115. Paucissimi sunt geographi, qui hujus cœnobii situm monstrarunt. Ipsi Francici illud neglexerunt et omiserunt, aut quod clarus ille locus brevi post in cineres subsederit, nec tanta fama resurgere potuerit qua quondam, aut quod cœnobia districtus geographis indigni plerumque videantur. Bernardus abbas 700 monachis illud cœnobium habitatum reliquit, ita ut tunc magnæ et præclaræ famæ fuerit, et Danicis episcopis in Franciam euntibus frequenter visum, situm est autem cœnobium illud in

Campania Franciæ ad Albulam fluvium, 5 leucis a confinibus Burgundiæ, medium inter Chaumont ad ortum, et Barium ad Sequanam in occidente, Vallis Absinthii prius dictum, et precibus Theobaldi comitis Campaniæ a Bernardo conditum.

(<sup>6</sup>) *Ecclesia de Wellinge*. Familia adhuc ejus in Suecia superest non ignobilis, quamvis tunc parochia ruralis in Scania fuerit, ut et sequentia nomina Stangbye, Koping, Hyphakre, Arlef, Asmundathorp, Nyehyle, Saxelstorp villæ sint Scaniæ, partim adhuc satis notæ, iisdem nominibus ab antiquo servatis.

(<sup>7</sup>) *Mansum unum reddere*. Mansum dici agrum ubi quis simul manere possit et habitare, ex multis scriptoribus notum est. Germani vocant, *ein Hove*, *een Hove Landes*, ager, qui unam familiam juxta habitantem alere potest. Inde *Hoba* et *Huba* apud aliquos historicos, qui originem vocis veram non attenderunt; nec recte Germani superiores eferunt *eine Haffe Landes*; debet enim esse *ein Hoff Landes*, cum sit *Hoffstete*, locus ubi habitant, qui agrum conjacentem colunt. Curia igitur est, cum sola domus attenditur, *mansus* autem cum ager et domus simul intelliguntur. Ille enim ager mansus est, qui curiam junctam habet, ut ibi manere possint domini et coloni. *Berghave* locus et vicus Hamburgi totam rem explicat. Mons ille acclivis, ubi ager colebatur, nunc occupatur S. Jacobi ecclesia, foro equino, domibusque et ædificiis, a platea vulgo *Steenstraten* dicta, usque ad portam Alsteræ et Alsteram ipsam; nec ager isto mansus fuit unus, sed et alter, ideoque *klesanen Berghave*, *grooten Barghave* adhuc audit, scilicet ubi curiæ positæ fuerunt in fronte agri, quique illos monticulos colebant et habitabant locupletiores effecti, ac propter curias ac mansos hos agros in re lauta satis constituti *de von Bargaen* dici cœperunt, quorum aliqui postmodum in senatu civitatis celebre nomen manserunt. Dicebantur ergo *Have* vel *Hove*, quia in monticulo acclivi ager tendebat, *Barghave*; secundum istius sæculi Latinitatem, *mansus montanus*.

(<sup>7</sup>) *Mag. Hugo*. De eo superius adnotatum reperieris.

(<sup>8</sup>) *Pallium magnum de Lakatte*. Erat fera maculosa *lakatt*, solis Norvegis nota hoc nomine; tot enim cati regiones Norvegicas obsident, tam varii generis, ut vix nominibus inveniendis sufficere possimus. Hermelinæ pelles vocant, *Roiskatte* et *Urkatte*, atque *Lakatte*, si non iidem, sanè non multum diversi ab illis fuerunt. Hæ sane pelles omnium nobilissimæ, *Hermelin* propterea dictæ, quod non nisi regibus, principibus et dominis conveniant; ideoque hic comparantur cum marturinis, quæ alias gloriam primam ferunt, ut hodie sabelinæ ex Russia, post illos felinæ hæ, tunc marturiniæ sequuntur et murinæ. Nec mirum est istas bestiolas *Katte* vocari, licet feles magnitudine non æquent, sed minores sint, et nisi longitudine ac forma sua mustelas referrent, ad murinæ et gliri-

nas pelles referri possent. Sunt igitur ex mustelarum genere, quæ animalcula mures et glirès persequuntur, ideoque *feles* et *Katte* appellati, quorum est mures venari. *Læfaste* nomen videntur accepisse tamen *Læ*, quod Islandis et Norvegis noxa et damnus est, quoniam hi cati forte plus noxæ inferant, quam alii similes: ita *Læminge* illis dicti sunt mures noxi segetibus, Norvegis peculiare, quod cælo decidisse, et per agros dispersos alicubi observaverunt; qua ratione distinguitur a *Læ*, quod est motus et temperamentum, imprimis undæ fluentis. Peliones Hermelinæ pelles easdem esse voluit cum *Lækatte*, et melinæ pelles valde expetitas tam olim quam hodie fuisse novimus, sed explicant pro *taxis*, *Dachse* Germanis. Quin et melinæ dicebantur, summe candidæ, quæ ex Melo insula afferebantur, terræ, et cœrussæ instar serviebant. Unde apud Plantum *Mostell* :

*Non isthanc ætatem oportet pigmentum ullum attinere,*  
*Neque cerussam, neque melinum, neque ullam aliam officinam.*

Novimus autem Hermelinæ valde candidas, nec nisi nigerrima macula in extremitate caudæ conspicuas esse, et ex hybrida hac voce nomen forte Germanis compositum. In veteri synodo Londinensi circa an. 1138 istæ pelles *hereminae* appellantur. *Prohibemus apostolica auctoritate sanctioniales variis, seu griasis, sabelinis, marturinis, hereminis, beverinis pellibus uti*. Sic legitur apud Richardum Hagustaldensem p. m. 328. Sed et Francici hæc animalcula *hermines* et *ermine*s etiamnum vocant, unde didicerunt Angli. *Ermellini* nominantur Italis; Latini *mures Ponticas* appellarunt, quod a Ponto ipsis primum allati sint, quis et *mustelas albas*, quod albedine candentes sint, quam hieme contrahunt, æstate colorem mustelis vulgaribus similem preferentes, braneum aut ussum, quod pluribus animalibus in septentrione solet accidere, leporibus, ursis aliisque, quod notum esse puto. Sed nolo hæc, quæ ad pellionum officinam pertinent, ad uoguem usque rescare, respondere enim mihi licet quod apud Suidam Xenocrates Platonius cuidam scholam ejus adire cupienti, quem minus idoneum putabat: *παρ' ἑμοί, inquit, πέρος οὐ κάρτεται*. Apud *me lana non carminatur*, nec apud me pelles parantur, ut hæc docere possim.

(<sup>9</sup>) *Nicolao filio archidiaconi*. Quomodo hæc quadrant temporibus Absalonis, archidiaconum habere filium? num cum uxore quoque in matrimonio vivebat? Absit! haud sic intelligenda veniant, sed archidiaconum hunc ex conversis fratribus fuisse statuendum est, qui sæculum relinquentes et bonæ, et uxorem, et liberos, toto animo et corpore sacris se mancipabant; atque ad ordines deinde et dignitates pro meritis suis evehebantur. Ex his igitur conversis archidiaconus hic, matrimonio relicto, ad hunc gradum ascenderat.

(<sup>10</sup>) *In castro de Haffu*. Hæc est Hafnia, nunc



emporium ingens, totius regni Danici sedes prima. Videmus jam variis nominibus illam crevisse; arcem Axelhus dictam esse, quod Absalon eam condidisset primus, ibique resideret illuc veniens; postea huic munitioni burgum subjectum, civitatis, et quidem munitæ, quæ castrum et castellum dici solet et burgum, eaque civitas Stegelborg appellata [Dubito an unquam Stegelborg appellata sit] ideo quod tam alte et prærupte sita esset, ut non nisi gradibus ex mari in eam ascendere possent, a portu vero insigni *αετ'ιζοχη* Hafn vocata fuit. Sic domum episcopi et domum principis vocat Adamus Bremensis munitissimas illas arcas Hamburgi ab illis structas; castellum vero Hamburgense civitatem ipsam fortissimis operibus inclusam, civium domos et negotiationes ab incursibus hostium defendens; unde confutantur illi qui civitatem nullam Absalonis tempore Hafniam fuisse credunt,

arcemque et domum solam episcopi, prætereaque nihil hic existisse. *Chronicon parvum de rebus Danicis*, quod edidit nuper Arnas Magnæus Islandus, idem nomen Hafn Emporio tribuit ad annum 1249. *Villa Hafn devastata est*. Villa hic sumitur, ut Francicis *la ville* pro oppido. Illoc igitur vetus nomen civitatis; mercibus vero affluentibus *Kisbenhafn* vocari cæpit, ut Germanis *Coopmannehaven*, ita ut Francici et hodierni Germani perperam *Copenhagen* pro *Copenhaven* scribant; quod lubentes sequuntur omnes, nec errorem videre volunt, quoniam Francicos errando etiam non errare credis vulgus.

(<sup>1</sup>) [*Achoni magistro Laterum*. Coniicio hunc fuisse inspectorem operariorum, qui lateres coquebant, præsertim cum statim post mentio sit lapidæ].

ANNO DOMINI MCCII.

# WILLELMUS DE CAMPANIA

AD ALBAS MANUS DICTUS,

ARCHIEPISCOPUS REMENSIS.

NOTITIA.

(*Gallia Christiana nova*, tom. IX, pag. 95.)

Guillelmus de Campania, dictus ad albas manus; C vernacule *aux blanches mains* (perperam in quibusdam schedis *aux grands chemins*), inter filios Theobaldi IV Campaniæ comitis et Mathildis Carinthiacæ quartus erat. Clero ascriptus admodum juvenis, plures simul diversis in ecclesiis seu præbendis seu dignitates obtinuit; donec electus Carnotensis episcopus transiit primo ad Ecclesiam Senonensem, deinde, ineunte anno 1176, ad Ecclesiam Remensem. Senonensi cathedræ impositus legatione apostolica functus erat in Galliis; quod munus adimplere perrexit factus archiepiscopus Remensis. Durocortori statim ac receptus est (receptus autem dicitur VI Id. Aug.) statuit dignissimus antistes per annum integrum in choro præsens adesse, quo frequentius canonici sui divino interessent officio, et ut lites quæ subinde inter clericos emergebant per se dirimeret, donationesque decessorum suorum certior ipse præsentia sua confirmare posset. Fait autem, inquit Marlotus, inter archiepiscopos Remenses

primus, qui diocæseos suæ neque abbatibus neque ecclesiæ cathedralis dignitatibus vocatis subscripserit solus diplomatibus suis, nullo etiam appposito sui pontificatus anno, quamvis sigillum commune retinuerit, in quo expressa archiepiscopi effigies ex una parte, ex altera vero Virginis Deiparæ cum hac inscriptione: *Secretum meum mihi*

In ipso sui pontificatus Remensis initio indulgentias concessit fidelibus ad nundinas Paschales leprosariæ Remensis concurrentibus. Eodem anno, cum XVI Kal. Octobr. in urbe Maceris, quæ olim ex Floardo episcopi Remensis fuerat, Manasses Regi-testensis comes collegiatam fundasset, Guillelmus canonicis recens institutis altaria S. Remigii de Reomonte et S. Marcelli largitus est. Eodem rursus anno Nivelodem consecravit episcopum Suessionensem, illique ac cæteris provinciæ suæ episcopis scripsit Alexander III papa, finem tandem feliciter accepisse schisma illud teterrimum quod inter se et Fridericum I imperatorem exarserat. Guillelmus

provinciam lustrans partitionem præbendarum inter Noviomenses canonicos ut metropolita comprobavit, scriptoque fassus est Noviomensi episcopo non licere quempiam ex choro majoris ecclesie excommunicationi submittere. Anno sequenti, ix Kal. Aug. Marchianensis cœnobii ecclesiam, præsentibus Frumoldo Atrebatensi, et Evrardo Tornacensi episcopis, dedicavit, Anno 1178 peregrinationis ergo in Angliam transfretanti ad S. Thomæ Cantuariensis tumulum, sibi olim amicitia conjunctissimi, rex Henricus obviam ivit, xeniaque splendida obtulit. Solutis votis, reducem in Franciam Baldunus comes Gisenensis lauto et magnifico apparatu excepit apud urbem Ardeam; quod convivium descripsit Lambertus presbyter in historia comitum Gisenensium. Anno 1179, mense Martio, interfuit concilio Lateranensi, in quo creatus est presbyter cardinalis S. Sabinæ, et Rogerum coram summo pontifice cæterisque concilii Patribus consecravit episcopum Cameracensem. Eodem tempore, dum adhuc Romæ degeret, cujusdam Remorum decreti, quo vetitum erat ne quis prædia in eleemosynam ecclesie conferret, rescissionem obtinuit a summo pontifice speciali diplomate, quo sic habetur: « Constitutionem insuper civium vestrorum, per quam vetuisse dicuntur, fundum vel prædium vendi, legari, aut in eleemosynam ecclesie vestræ conferri, velut perniciosam nullam decernimus. »

Præterea cum vigeret adhuc Senonensem inter et Remensem archiepiscopos discordia de jure Francorum reges inungendi, licet Philippus interim et Ludovicus VII Duocortori, Senonensi nullatenus reclamante, inaugurati fuissent, obtinuit Remensis bullam Alexandri III, qua insigne hoc munus illi soli adjudicatur, ab ipso Ludovico VII, et ab aliis postea Romanis pontificibus confirmatum. In Gallias redux creatusque, ut fertur, dux et par Franciæ, Philippum Augustum sororis suæ Adelæ et Ludovici VII Francorum regis filium inunxit in regem Francorum Kal. Novembr. ejusdem anni, ministrantibus sibi Turonensi, Bituricensi, Senonensi archiepiscopis, atque omnibus fere Galliarum episcopis. In ea autem solemnī pompa præibant juniore regi Henricus junior Angliæ rex, idemque dux Normaniæ, filius Henrici II Angliæ regis, gestans coronam auream qua coronandus erat Philippus comes Flandriæ, gladium imperii sustollens, alique duces, comites et barones diversis deputati obsequiis; at Ludovicus VII, senio et morbo laborans paralytico, adesse ipse non potuit. Ab illo vero tempore ad nostra usque tempora archiepiscopi Remenses non solum inter duces ac pares Franciæ recensiti sunt, sed et inter eos primatum semper obtinuerunt. Guillelmus cum in coronando rege maximas expensas fecisset, æreque alieno ob id gravaretur, petiit a capitulo Remensi subsidium aliquod ex communi ærario; sed ne ex illo deinceps cano-

A nec aliquid paterentur detrimenti, declaravit anno 1180, illos ab lujusmodi expensis esse immunes.

Anno circiter 1180, opem ferentibus tam archiepiscopo quam canonicis Remensibus, ecclesia S. Balsamiæ, et reedificari cepit, et in collegiatam erecta est, cujus præbendæ omnes iisdem fere privilegiis atque immunitatibus gaudent quibus capitulum ipsum Remense, cui obnoxie sunt. Eodem circiter tempore reprehensus est Guillelmus a Lucio III summo pontifice quod solvisset ligatos ab episcopo Bellovaecensi, præcipue vero comitem Clari montis, quem de mandato ipsius Remensis archiepiscopi excommunicaverat præsul Bellovaecensis, terra ejusdem comitis interdicto supposita. Anno 1181 dicitur in chronico Nangii conspirasse in regem et totam Franciam conturbasse cum duce Burgundiæ, comite Flandriæ, comite Blesensi, et comite Sacri cæsaris. Anno 1182 scabinos ab Henrico decessore suo sublato civitati Remensi restituit princeps non minus magnificus quam pacis amans. Anno sequenti iisdem civibus culturam concessit extra urbis ambitam, quo ædificiis de novo constructis pomœriam ejus proteaderetur, translatis in eam nundinis Paschalibus quæ juxta leprosoꝝ sacellum, ut diximus, celebrabantur. Eodem anno assumptus est a Philippo Augusto in primarium regni administrum; multosque statim hæreticos ab illo et a Philippo comite Flandriæ combustos in Flandria Nangius asserit: « Hi, inquit ille, dicebant omnia æterna a Deo creata; corpus autem hominis et omnia transitoria a Luciaheo creata; baptismum parvulorum et eucharistiam reprobabant; sacerdotes missas celebrare ex avaritiæ et oblationum cupiditate dicebant. »

Quam præclare autem in administrandis rebus se gesserit testatus est ipse Philippus Augustus. Cum enim Lucius papa, desiderio eum visendi flagrans, Romam ut veniret multis litteris cohortatus esset, ille vero ob regni negotia votis ejus non posset satisfacere, scripsit rex Christianissimus ad summum pontificem in hunc modum (1): « Impugnant adolescentiam nostram et auspiciis regni nostri perturbare contendunt potentes, et qui multiplices ex causa fidem nobis debuerant, infideles adversarii, quorum improbitate compellimur et consilia nova querere, et auxilia corrogare. Assistit nobis super omnes amicos et fideles nostros charissimus avunculus noster Willelmus Remensis archiepiscopus, in consiliis nostris oculus vigilans, in negotiis dextera manus. Quem vel ad tempus recedere a nobis, succedere est hostibus nostris, qui sicut absque armis, ita et absque amicis nos esse votis infidelibus irreverenter et expetunt et exspectant. Vocastis eum, Pater, sicut audivimus, et ut præsentiam suam vobis exhibeat sacris vestris apicibus invitastis. Paratus erat parere et comparere vobis, peccato hariolandi simulacrum inobedienciæ comparans, et

voluntatem non acquiescendi vobis tanquam scelus idololatriæ detestans. In articulo summæ necessitatis nostræ, confidentes de præcipua dilectione vestra, retinimus eum, etc. . . . Suscipite, Pater, preces nostras, preces filii vestri, quem a cunabulis semper dilexistis, ut qui ante nativitatem nostram benevole desiderastis ortum, auctoritate vestra benèfice comprimatis nostrum desiderantes occasum. Gratium sit vobis, Pater, quod in tanto discrimine regni tantum amicum nostrum retinemus, cujus præsentia nobis est pernecessaria, et absentia perdamosa.

Romam tamen profectus Guillelmus anno 1185, sedit in comitiis quibus Urbanus III papa renuntiatus est; suspicaturque Marlotus rursus interfuisse Ferrariæ anno 1187 electioni Gregorii VIII. Roma reversus Hugandi materiem reperit cum capitulo suo, si primum ad lites animum habuisset. Enimvero ut decessores sui ægre patiebantur eam quam sibi arrogabant facultatem excommunicandi quemlibet ex suis malefactoribus, eosque pariter absolvendi, quem nuper, ipsis petentibus, Lucius papa suo rescripto comprobat, sic nec Guillelmus ferre poterat interdictum, frequentesque divini officii cessationes in matrice ecclesia, speciali ac sola canonicorum auctoritate sancitas, eo vel maxime quod contenderent illi, majori ecclesia cessante, alias urbis ecclesias tam conventuales quam parochiales, ipsis jubentibus, cessare debere. Archiepiscopus, rematurius deliberata, inspectoque eorum privilegio, a lite movenda abstinuit, scriptoque tandem concessit anno 1187, « quod si ipsis aut suis clericis, aut laicis ad ipsos pertinentibus in provincia Remensi, vel alibi ubicunque de auctoritate sedis Remensis potestatem habentibus, aliquid factum fuerit quod ad damnum vel læsionem ecclesiæ Remensis cedat; nos super hoc requisiti bona fide emendare faciemus. Sin minus, capitulum licite poterit cessare ab officio divino, aliisque ecclesiis tam conventualibus quam parochialibus urbis vel suburbii injungere ut idem faciant, statu ecclesiæ S. Remigii manente, sicut antea fuit, concessa nihilominus parochiis facultate ministrandi sacramenta necessaria submissa voce et cum unius campanulæ sonitu; nec interdictum solvi poterit ab archiepiscopo sine consensu capituli. »

Anno 1188 dedit monachis S. Remigii pro anniversario suo aliisque anniversariis plus quam viginti celebrandis altare de Driencurte; cui adjecto anno 1192 altaria de Villari in silva et de Louvois. Anno 1189 Salmurum missus est ad regem Angliæ a Philippo Augusto pro pace inter utrumque regem componenda. Anno 1190 eidem Philippo ad iter transmarinum se accingenti contra infideles pugnaturum, sportam et baculum peregrinationis tradidit apud S. Dionysium in Francia; mox in conventu Vezeliacensi et tutelam regni cum Adela regina sorore sua, et custodiam serenissimi principis Ludovici suscepturus: Philippus vero privilegium sin-

gulare concessit archiepiscopis Remensibus de bonis mobilibus archiepiscopi defuncti; Guillelmus autem aliud privilegium abbatia Cisoniensi ecclesiæ suæ immediate subjectæ. Anno 1191 fundata est, favente Guillelmo, ab Henrico Campagnia comite ecclesia collegiata S. Joannis in urbe Virtute, pro qua quemadmodum et pro Vitriaco, Regiteste, Castellione, Sparnaco, Rociaco, Fimis, Brana, et Castro-Portiano, Campaniæ comites tenebantur olim archiepiscopis Remensibus ligum homagium facere. Interea Philippus comes Flandriæ moritur in obsidione Acconis; ditio autem ejus bipartita, factum est opera Guillelmi anno 1192, ut Atrebatum aliorumque adjacentium populorum civitates in dominium Francorum cederent, cæterarum hæres Baldvinus regi homagium faceret. Eodem anno Guillelmus S. Albertum Leodiensem episcopum consecravit Durocortori, et in ecclesia sua metropolitana scholaricæ dignitatem instituit. Ad eundem annum refert et luget Marlotus extinctionem victus communis apud canonicos Remenses, quibus nihilominus concessit archipræsul ut servientes liberos habere possent in banno suo; quod privilegii genus extendit postea ad abbatias SS. Remigii, Nicasii ac Dionysii. Eodem anno perrexit peregrinus ad S. Jacobum in Gallæcia; quo ex itinere redux regis consilio interfuit, in quo de Stephano Noviomensis episcopo in Daniam legando actum est, qui Ingelburgim obtineret Canuti regis sororem, quam Philippus Augustus sibi delegerat uxorem.

Nuptiæ celebratæ anno 1193, novaque sponsa a Guillelmo uncta et diademate coronata, adstantibus episcopis ministerium suum præbentibus Theobaldo Ambianensi, Petro Atrebatensi, Stephano Tornacensi, et Lamberto Tarvannensi. « At mirum, inquit Rigordus, eodem die, instigante diabolo, rex uxorem longo tempore concupitam exosam habere cepit, paucisque revolutis diebus (intercessere dies omnino 81) convocata synodo cui Guillelmus Remensis præsedet, linea consanguinitatis per Carolum, comitem Flandrensiem ab episcopis et baronibus computata, legali judicio matrimonium solum est; » quæ de re scripsit eodem anno Stephanus Tornacensis ad Guillelmum archiepiscopum. Canuto rege apud summum pontificem Cælestinum III conquirente de Guillelmo aliisque episcopis qui hoc divortium approbaverant, missi legati in Galliam Melior cardinalis et Censius, qui synodum Lutetiæ coegerunt; sed facti canes muti, inquit Marlotus, non valentes latrare, nihil profecerunt. Nil dubium est quin ea in re graviter peccaverint, et Philippus rex et Guillelmus archiepiscopus. Matrimonium enim Philippi et Ingelburgis legitimum fuisse probat, 1º rescriptum summi pontificis, quo præcepit archiepiscopo Senonensi, ut si rex aliam superinducere vellet uxorem, ipse auctoritate apostolica id eidem inhibere curaret; 2º litteræ quibus Innocentius III papa puerum et puellam quos Philippus ex Merianensi superinducta susceperat, legitimatio-

nis titulo decoravit anno 1201; 3<sup>o</sup> ejusdem Ingelburgis ad Philippum regressus, et decennis utriusque, nemine reclamante, consuetudo. Unde mirari subito plerosque scriptores divortium illud narrasse tam contorte, ut nec veritatem prodere nec Philippum regem reprehendere voluisse videantur.

Anno 1196 Guillelmus ratum habuit quod de *foraneitate* canonici S. Quintini Veromandueusis in Ecclesia sua statuerant; præsensque adfuit homagio facto a Balduino V comite Flandriæ. Increscebat hisce temporibus usque ad Innocentii III papæ primordia falsariorum ingens numerus, qui nomine sedis apostolicæ quas vellent litteras scriberent. De his gravis est querela Cælestini III ad Guillelmum Remorum archiepiscopum! refertque Rogerius Hovedenus clericum archiepiscopi Eboracensis Romæ ad mortem ægotantis publice confessum fuisse adulterinas bullas nomine Romanæ Ecclesiæ in Angliam misisse. Stephanus Tornacensis, cui iuncta erat cura a Guillelmo ut in diocesi sua vigilaret super sordidæ hujus mercis negotiatores, aliquos deprehendisse ei sic rescripsit epist. 221 :

« De mandato vestro falsarios quosdam cautela et arte, non potentia, ad confitendum induximus promissa impunitate quantum nobis licebit, uni eorum qui adulterinæ bullæ superiorem et inferiorem molam nobis in capitulo restituit. Terribili adjuratione et devotione confessus est sese nunquam ea usum fuisse; sed cujusdam presbyteri, qui falsas litteras vendebat socius erat, et partem infausti pretii quandoque recipiebat. Volumen etiam pugillare nobis reddidit, in quo plures litteræ sub apostolico nomine continentur. . . . Servamus vobis incudes adulterinas quarum adulteria et auctoritatis vestræ condemnentur judicio, et malleo confringantur. »

Anno 1197 Guillelmus constituit jura cancellariæ Tornacensis. Anno 1198 Innocentio III post Cælestinum III in summum pontificem assumpto, creatus est ab eo legatus apostolicus tam in Germania quam in Francia, etsi in quibusdam illorum temporum instrumentis legati nomen non affectat. Eodem anno, mense Octobri, dedit in elemosynam perpetuam monachis Joiacensibus centum solidos Pruviensens in nundinas S. Aigulfi in teloneo vini singulis annis percipiendos, ut missas privatas quas cum oleo celebrabant, cum cera deinceps celebrare possent. Eodem rursus anno confirmavit Præmonstratensibus privilegium eis indultum (juxta mandatum sibi directum anno 1176) quo licitum eis erat parochias administrandi; id vero præsertim de parochia Bocenvillæ Thenoliensibus data ipso anno 1198. Aliquanto post, conjuratis in ecclesiam Remensem Ingelranno III Cociacensi, Rogero Rosatensi, et domino Regitestensi [ Manasse II, an Hu-

A gone III, videsis in novissima dominorum Cociaci historia (2)], Philippus Augustus ab ecclesia tandem malum illud, averruncavit; qua de re legenda eadem historia, pag. 55. Anno 1201 instauravit Guillelmus non longe a porta basilicari nosocomium quod fundasse tradebatur sanctissimus Francorum apostolus; illudque novis auctum beneficiis gubernandum commisit religiosiis S. Antonii. Eodem anno dedicavit ecclesiam S. Baseli.

Reversus denique tertium in Italiam, ibique moro correptus, de reditu in metropolim suam cogitavit, firmatis antea Anagninæ mense Januario anni 1201, id est 1202, canonicorum suorum contra burgenses immunitatibus; sed Lauduni antequam ad Remos perveniret subitaneo morbo correptus, obstrusque linguæ officio, obiit intestatus eodem anno, ætatis suæ sexagesimo octavo, VII Id. Septembr., Durcortorumque relatus, in ecclesia cathedrali tumulatus est juxta majus altare sub lapide cui insculpti dicuntur inconditi sequentes versus :

*Moribus excelsus, providus, mitis, prudens, et pacis*

*Annis bis dens et sex cum simplice mense*  
Præfuit archiepiscopus Willelmus in urbe Remensi  
Septima Septembris idus fuit finis vitæ meæ.

De eo chronicon Antissiodorensis in hæc verba : « Guillelmus Remensis archiepiscopus cum Laudunum venisset, morbo subitaneo præventus opprimitur, et ocluso linguæ officio moritur intestatus : vir nobilis genere, et qui diu floruerat tam sæculari quam ecclesiastica præditus potestate. Primis sui pontificatus auspiciis satis modeste se habuit, et morum enituit ornamentis, felixque exstitisset, si primis ultima responderent et usque in finem merita cohæsissent. Sed cum res in contrarium versæ sint, nec fuerit concolor finis initio, finali non attulimus laude, quem nimis reddidere notabilem et munerum injusta acceptio, et prodigalis effusio. » Huic conoinit Albericus in hunc modum : « Obiit Willelmus Remensis archiepiscopus VIII Id. Octobr. (in mense videtur erratum) qui per annos XXVI et ultra præsulatus infulus cum favore et gloria sæculari obtinuit; sed licet non ita cum favore Dei; » quam labem abstergere conatur Marlotus. Guillelmum celebraverit Stephanus Tornacensis, Petrus Blesensis, Petrus Cellensis, Guillelmus Brito, Rigordus, Joannes Sarisberiensis, Rogerus Hovedenus, Vincentius Bellovacensis, Bzovius, Ciaconius, Baro Autoliensis, Bernerius, Donius Attichianus, Chesnius, Petrus Comestor et Gualterus poeta, qui ei nuncupare hic *Alexandreidem*, ille *Historiam scholasticam*. Refert etiam Martenius noster, *collect. ampliss.* tom. I, pag. 946, epistolam nuncupatoriam Willelmi cujusdam, qui ei dedicavit suam microcosmographiam.

(2) *Hist. de Coucy.*, not. 38, p. 74

# WILLELMI REMENSIS, ARCHIEPISCOPI EPISTOLÆ.

- A
- Ad Alexandrum papam, pro Thoma Becquet, archiepiscopo Cantuariensi, scripta cum adhuc episcopus Carnotensis ageret, id est anno 1166.*  
(Vide *Patrol.*, t. CC, in Alexandro III, inter variorum epistolas ad ipsum.)
- II.
- Ad eundem. — Pro eodem.*  
(Anno 1168.)  
[Vide *Patrolog.*, *ibid.*]
- III.
- Ad eundem. — De his quæ circa festum Epiphaniæ anni 1169 Ludovicum inter Francorum regem et regem Angliæ in colloquio apud Montem mirabilem habito gesta sunt.*  
(Vide *ibid.*)
- IV.
- Ad eundem. — In causa S. Thomæ Cantuariensis. Scripta cum archiepiscopus Senonensis ageret.*  
(Anno 1169.)  
[Vide *ibid.*]
- V.
- Ad eundem. — In causa ejusdem.*  
Vide *ibid.*
- VI.
- Ad regem Angliæ. — De excommunicatis ab archiepiscopo Cantuariensi.*  
(Vide *Patrolog.*, t. CXC, col. 674, inter epistolas S. Thomæ Cantuariensis. Cf. Henrici regis epist. ad Willelmum, col. 1049, 1050.)
- VII.
- Ad Alexandrum papam. — De coronatione filii regis Anglorum.*  
(Anno 1170.)  
(Vide *Patr.*, t. CC, in Alexandro III, inter epistolas variorum ad ipsum.)
- VIII.
- Ad eundem. — De nece S. Thomæ Cantuariensis.*  
(Anno 1170.)  
(Vide *ibid.*)
- IX.
- Ad eundem. — Quod terram regis Anglorum Cismarinam interdicto subjecerit.*  
(Anno 1170.)  
[*Ibid.*]
- X.
- Ad Ervisium abbatem et fratres cœnobii S. Victoris Paris.*  
(Anno 1170.)  
[DUCESNE, *Script. rer. Franc.*, IV, 747.]
- W. Dei gratia Senonensis archiepiscopus, et apostolicæ sedis legatus, E. abbati totique capitulo Sancti Victoris, dilectis in Christo filiis, abundare spiritu dilectionis et pacis, per gratiam ejus cujus in pace factus est locus.
- Teligit me aliquantulum per misericordiam suam manus Domini. Et ideo ad diem quam vobis præfixeramus, venire non potuimus. Veniemus autem, Deo volente, ad vos in spiritu lenitatis et mansuetudinis, quam citius dabitur nobis opportunitas, ferentes nobiscum non verbera patris, sed verba matris: parati summo studio laborare ad pacem fratrum et quietem, cupientes in visceribus Christi ut religio conservetur ad Dei servitium, et exteriora bene disponantur ad sustentationem Deo servientium. Interim autem servate unitatem spiritus in vinculo pacis, ut pax Dei quæ exsuperat omnem sensum custodiat corda vestra et intelligentias vestras. Valet.
- XI.
- Ad Alexandrum papam. — Pro Hugone de Campo Florido, Suessionensi episcopo, regis Francorum cancellario.*  
(Anno 1170.)  
(Vide inter epistolas variorum ad Alexandrum III. *Patr.* t. CC.)
- C
- XII.
- Ad Mauricium Parisiensem episcopum. — De deposito cujusdam marcarum argenti ab Eskilo Lundensi archiep. Ervisio S. Victoris abbati commisso.*  
(Anno 1170.)  
[DUCESNE, *Script. rer. Franc.*, IV, 604.]
- W. Dei gratia Senonensis archiepiscopus, M. Parisiensi episcopo salutem.
- In quantam et quam perniciosam frater E. quondam abbas Sancti Victoris ex inordinatis actibus suis Ecclesiam et fratres universos, qui tam religione quam litteratura præ cæteris præeminere dignoscuntur, adduxerit confusionem, vestra novit plenius circumscriptio. Qui cum sanctos, qui secum erant, pro viribus impugnaverit, et sanctitatem persecutus fuerit, ea per Dei gratiam sibi amputata

nocendi facultate, nondum ut accepimus quærit A  
nomen Domini, sed adhuc manus ejus extenta est,  
et cum internam et æternam non possit subvertere  
disciplinam, variis et innumeris exteriorum tenta-  
tionum generibus eorum nititur perturbare quie-  
tem. Proinde cum thesaurum Ecclesiæ adhuc oc-  
cultare contendat, fraternitati vestræ præsentium  
auctoritate iterato mandamus, quatenus ad Eccle-  
siam, omni mora semota, accedentes, sub testimo-  
nio dilecti filii nostri G. abbatis et fratrum memo-  
ratæ Ecclesiæ, enthecas et repositoriola prætaxati  
Er. scrutari curetis, et calicem aureum, et alia quæ  
ad jus Ecclesiæ Beati Victoris spectantia ibidem  
inveneritis, abbati et fratribus assignetis. Depos-  
tum vero archiepiscopi Decia in loco reponatis in  
Ecclesia majori. Si vero memoratus Er. prædicta B  
exhibere detrectaverit, nihilominus vase iniquitatis  
et mammonæ confracto, quæ prædiximus execu-  
tioni mandetis.

## XIII.

*Ad magistrum Meliorem cardinalem. — Commendat  
illi negotium archiepiscopi Remensis.*

(Anno 1184.)

[Exstat inter Stephani Tornacensis epistolæ, ep.  
110. Vid. Patr. t. CCXI, col. 399.]

## XIV.

*Ad B. præpositum et capitulum Remense. — Pro  
electione Petri Cantoris Parisiensis in decanum Re- C  
mense.*

(Post annum 1196.)

[MARLOT, *Metropol. Rem.*, II, 442.]

WILLELMUS, Dei gratia Rem. archiepiscopus, S.  
R. E. tituli Sanctæ Sabinæ cardinalis, apostolicæ  
sedis legatus, dilectis Filiis B. præposito, S. can-  
tori, totique Remensis Ecclesiæ capitulo salutem et  
dilectionem.

Gratias agimus omnium largitori Deo, qui Remen-  
sis Ecclesiæ desolationem respiciens, eidem decani  
talitatis et doctoris patrocinio destitutæ talem providit  
et restituit successorem, cui mores ad exemplum,  
et scientia exuberat ad doctrinam. Nos igitur devo-  
tionis vestræ providentiam in Domino plurimum  
commendantes, electionem dilecti nostri Petri apud  
Deum et homines commendabilem, Remensi Eccle-  
siæ utilem, approbamus, et gratam habentes liben-  
ter et liberaliter confirmamus.

(3) Hinc patet Petrum Cantorem lac pietatis et  
doctrinæ suxisse in Ecclesia Remensi.

(4) Is erat Odo de Soliaco, episcopus Parisiensis,  
nepos Theobaldi Magni, comitis Campaniæ, post

## XV.

*Ad Petrum Cantorem. — De ipsius in decanum Re-  
mense electione certiorum facit.*

(Post annum 1196.)

[*Ibid.*]

WILLELMUS, Dei gratia Rem. archiepiscopus, S.  
R. E. cardinalis, apostolicæ sedis legatus, dilecto  
filio M. P. Parisiensi cantori, imo decano Remensi,  
salutem et dilectionem.

Deo et Remensi nostræ Ecclesiæ in gratiarum oc-  
bitas assurgimus actiones, eo quod, inspirante Al-  
tissimo, eadem Ecclesia vos elegerit in decanum,  
vobis quoque congratulandum duximus, quod onus  
a Deo vobis oblatum tam humiliter suscepistis, nec  
ad uberiores Ecclesiæ redditus oculus degener, vel  
avaritiæ spiritus vos retorsit. Eandem vero electio-  
nem ratam habemus, et gratam, utpote qui jam  
alias, quando super eodem decanatu capitulum in  
nos compromiserat universum, eum vobis prius ob-  
tulimus, si velletis: sed vos saniore tunc usi consi-  
lio, tendentes ad finem, quem nunc estis Deo gra-  
tias assecuti, creditum vobis a Deo talentum in fre-  
quentiorum studiorum! et scholarum loco prius  
erogare pluribus salubriter volebatis. Verum jam  
hora est, ut de seminibus quæ messuistis, in alios  
exultationis manipulos ad propria referatis: unde  
nostris esurientibus parvulis frangatur panis ali-  
monia doctrinalis, et pia vicissitudine lacte doctri-  
næ per vos laxa matris ubera repleantur (3), quæ  
vos aliquando parvuli sustistis. Dignum erat, et ju-  
stum, ut nostra primitiva mater Ecclesia, quæ vos  
aliquandiu indigentia commodaverat aliorum, suis  
in necessitatibus revocaret filium, suis retineret  
usibus revocatum. Unde qua possumus obedientia  
districtione vobis injungimus, secunda in Domino  
conscientia consulentes, ne cuiquam credatis vobis  
aliter suggerenti, quominus in hoc proposito per-  
severetis stabiles et immoti; in Domino quippe con-  
fidimus, quod et in nobis, et nobiscum in aliis fru-  
ctum Deo placitum facere debeatis; utpote quem  
non soli Remensi Ecclesiæ, sed et toti provinciæ,  
regnoque potius universo provisum esse credimus,  
etiam iis temporibus reservatum, vestræ namque  
circumspectionis consilio in propriis et communi-  
bus negotiis specialiter uti decrevimus..... Et ut  
in eodem stetis proposito firmiores, quodcumque  
vobis placuerit et Ecclesiæ nostræ titulum, et susci-  
pere dignitatis officium per nos, vel per venerabi-  
lem fratrem et consanguineum nostrum reveren-  
dum Parisiensem episcopum (4), ad sacerdotium  
promoveri, gratum nobis erit, etc.

Mauritium electus, anno 1196. Hic Henrici II, An-  
golorum regis, et regis Gallorum consanguineus vo-  
catur.

## WILLELMI DIPLOMATA.

1.

*Iis omnibus qui nudinis interfuerint, quæ die Paschalis juxta hospitale Leprosorum celebrabantur, indulgentias concedit.*

(Anno 1176.)

[MARLOT, *Metrop. Rem.* II, 406.]

WILLELMUS Dei gratia Remorum archiepiscopus, apostolicæ sedis legatus omnibus ad quos litteræ istæ pervenerint in Domino salutem.

Qui miserorum miseretur, misericordiam Dei a misericorde Patre consequetur : cum autem videamus homines a lepra percussos miserabili torqueri cruciati, humanitatis ratione doloribus eorum compati debemus, et condolare. Hac igitur inducti consideratione, afflictioni et miseræ leprosum juxta B civitatem Remensem commorantium volumus remedium impendere, et omnes fideles ad benefaciendum eis rogamus, et in Domino attentius exhortamur. Nos autem de Dei misericordia, et gloriøsæ Virginis Mariæ, et omnium sanctorum meritis confisi, omnibus qui ad nudinas eorum venerint de injunctis sibi pœnitentiis hanc indulgentiam impendimus : videlicet de septem annis, unum ; de tribus quadragenis, unam, quam sibi quisque elegerit ; de sextis feriis, quartam partem. Præterea offensas patrum et matrum nisi violentas manus injecerint, et vota fracta, si ad eadem redierint, et peccata etiam oblita eis misericorditer relaxamus.

Datum per manum Alexandri cancellarii nostri.

II.

*Willelmus cum in coronatione regis solitis majores expensas fecisset, æreque alleno ob id gravaretur, petiit a capitulo Remensi subsidium aliquod ex communi ærario, sed ne ex illo deinceps aliquod pateretur detrimentum, sequenti charta declarat prædictum capitulum ab ejusmodi expensis esse immune, quæ sic incipit.*

(Anno 1180.)

[MARLOT, *Metropol. Rem.*, II, 413.]

WILLELMUS Dei gratia Remorum archiepiscopus, Romanæ Ecclesiæ tituli Sanctæ Sabinæ cardinalis, et apostolicæ sedis legatus, omnibus tam futuris quam præsentibus ad quos litteræ istæ pervenerint salutem in Domino.

Noverit universitas vestra quod cum nos multo ære alieno essemus onerati pro inunctione et coronatione domini nepotis nostri charissimi regis Philippi. Int..... capitulum nostrum Remense ubi nostram..... exponentes et gravamen, rogavimus auxilium coram omnibus; illi autem tanquam filii paternæ necessitati compatientes, precibus nostris benignum præbuere assensum et licet terræ..... nobis

A ex debito contulissent ipsi soli de terris suis, neque pro corona, neque ex debito aliquo, sed de mera liberalitate sua fecerunt nobis auxilium. Nos ergo, quia nulli debet sua liberalitas captiosa esse, vel damnosa, volentes eisdem et terræ suæ imposterum præcavere. hujus scripti nostri cautionem eis indulgemus, ne donum tam gratuitum, alio tempore ab aliquo trahi possit in exemplum, etc.

Actum anno incarnationis Domini 1180.

Datum per manum cancellarii.

III.

*Remenses pejoribus conditionibus esse non ferens, quam cæterarum urbium accolæ, quibus magistralibus gaudebant, restituit scabinos, jus eis imperando civiles causas, forensesque excutiendi, tribus exceptis casibus in charta contentis.*

(Anno 1182.)

[D. MARLOT, *Metropol. Rem.*, II, 417.]

WILLELMUS Dei gratia Remorum archiepiscopus, sanctæ Romanæ Ecclesiæ tituli Sanctæ Sabinæ cardinalis, apostolicæ sedis legatus, dilectis filiis et fidelibus suis universis hominibus Remensibus in banno archiepiscopi constitutis in Domino salutem.

Sicut principes terrarum in observando jure et libertate subditorum, dilectionem Dei et proximi valeant acquirere; ita in violandis, vel immutandis consuetudinibus diutius obtentis indignationem Altissimi possunt incurrere, et favore populi amittere, et animabus etiam suis onus perpetuum imponere. Nos siquidem hac inducti ratione, et considerantes obsequium et devotionem, quam vos dilecti filii, et fideles burgenses nostri nobis libenter hactenus impendistis, consuetudines vobis ab antiquis retro temporibus collatas, sed mutatione dominorum aliquando minus servatas, auctoritatis nostræ munimine vobis et posteris vestris duximus restituendas, et perpetuo confirmandas. Volumus igitur quod scabini civitati restituantur, qui communi assensu omnium vestrum de bannalibus nostris duodecim electi nobis præsentabuntur, et singulis annis in capite jejunii renovabuntur, et jurabunt quod vos justo didicabunt iudicio, et quantum ad ipsos pertinuerit, jus nostrum fideliter servabunt : et si quis forte communiter electus scabinus esse noluerit, nos illum faciemus stare scabinum, si tamen vires corporis sufficientes habuerit. Verumtamen si vos in eligendis scabinis concordēs non fueritis, nos prout civitati nostræ et nobis expedire noverimus, scabinos instituemus. Si vero iidem scabini, vel duo, vel plures illorum, aliquod iudicium fecerint, quod non satis rationabile videatur, si errorem suum recognoverint, absque de-

trimento bonorum suorum illud nobis emendabunt. A  
Si autem persiterint, et aliquis eos de falso iudicio  
voluerit impetere, si comprobati fuerint, vel con-  
victi, illud per iudicium curiæ nostræ nobis emen-  
dabunt, et si impetitor eos convincere non poterit,  
illud similiter nobis et ipsis scabinis emendabit.

Concedimus etiam quod si burgensis in banno  
nostro constitutus aliqua occasione in causam tra-  
ctus fuerit, quando ordine iudiciario se tractari vo-  
luerit, neque ipse, neque res ejus capientur; sed  
nec domus ejus diruetur (5), si domum vel hære-  
ditatem Remis habuerit: sed fidem dabit, quod pro  
exsequenda iustitia obsides interponet, si possit; et  
si obsides habere non possit, fidem similiter dabit,  
quod iudicio scabinorum stabit. Si vero nec domum,  
nec hæreditatem Remis habuerit, obsides dabit; si  
obsides non habuerit, corpus ejus detinebitur, B  
quousque iustitiæ complementum prosequatur. Ad  
hæc si quis bannalium nostrorum furtum, vel mur-  
trum, vel prodicionem commiserit, et forisfactum  
manifestum fuerit, ipse et res ipsius in voluntate  
nostra erunt, et si dubium fuerit, et ille super hoc  
impetatur, bonos obsides dabit, si de banno nostro  
fuerit, quod iudicio scabinorum stabit, et si obsides  
dare non possit, corpus ejus captum detinebitur.  
Si quis sesterlagium nostrum asportaverit, vel de-  
tinuerit, forisfactum nobis per sexaginta solidos  
emendabit. Si quis cambierit, qui trecensum nobis,  
sicut cambitores nostri non solvat, et ille, et alius  
qui cum eo cambium fecerit, forisfactum nobis per  
sexaginta solidos emendabit, forisfactum quoque de  
timonagio nobis per septem solidos, et dimidium  
emendabitur. Decernimus autem ut quicumque hæ-  
reditatem, vel emptionem, vel aliam quaslibet pos-  
sessiones per septem annos et unum diem in pace  
possederit, et tenuerit, tentaturam suam deinceps  
libere, et quiete possideat; ita ut alius reclamare  
non possit, vel tentaturam calumniare, nisi possit  
probare quod interim absens a terra fuerit, et ab-  
sentiae suæ rationabilem prætenderit occasionem,  
vel infra spatium illud talis ætatis exstiterit, quod  
jus suum disrationare non valuerit. Ne ergo super  
iis omnibus aliqua imposterum quæstio possit oriri,  
superiora, sicut prænotata sunt, firma et rata im-  
posterum permaneant. eadem vobis et successoribus  
vestris tam præsentis privilegii patrocinio, quam  
sigilli nostri munimine corroboramus, statuentes  
et sub anathemate prohibentes, ne quis huic nostræ  
confirmationis paginæ contraire præsumat, salva  
in omnibus apostolicæ sedis auctoritate. Actum anno  
ab incarnatione Domini millesimo centesimo octo-  
gesimo secundo.

Datum per manum Lambini cancellarii nostri (6).

(5) Vigebat adhuc ea consuetudo, ut eum domino suo quis non obtemperasset, domus ejus in pœnam destrueretur.

(6) In hoc memorando et illustri privilegio cur communis Remensis non meminere Willelmus, jure quis mirari posset, forsitan quod scabinatus

## IV.

*Sanremigiani Monasterii jura et consuetudines con-*  
*firmat.*

(Anno 1182.)

[D. MARLOT, *Metropol. Rem.*, II, 420.]

WILLELMUS Dei gratia Remorum archiepi-  
scopus S. R. E. titulo Sanctæ Sabinæ cardinalis,  
dilectis in Christo filiis SIMONI abbati, totique ca-  
pitulo B. Remigii Remensis, eorumque successoribus  
Regulam B. Benedicti professis in perpetuum.

Pastoralis cura nos ammonet incessanter Eccle-  
sias et viros ecclesiasticos sollicitudini nostræ  
commissos diligere, fovere, et eorum libertates,  
possessiones, atque jura, rata et inconvulsa modis  
omnibus conservare. Hac ergo nos inducti ratione  
vestris, dilecti in Christo filii, justis postulationibus  
grato concurrentes assensu, Ecclesiam vestram, in  
qua divino mancipati estis obsequio, et castrum, et  
burgum vestrum sub nostra suscipimus custodia,  
et protectione: libertates etiam vestras et con-  
suetudines quas ibi habetis, furnos, molendina,  
census, bannum, justitiam, sesterlagium mercata  
diei Veneris et diei Dominicæ, et quascunque  
possessiones, quæcunque bona impræsentiarum  
rationabiliter possidetis, vel in futurum Domino  
annuente poteritis adipisci, Ecclesiæ vestræ et  
vobis perpetua pace, et quiete possidenda conce-  
dimus, et auctoritate a Deo nobis collata inviolabi-  
liter confirmamus. C

Decernimus siquidem ut homines vestri, vel alii  
mansionarii in burgo Sancti Remigii Remis euntes,  
et redeuntes, nec a nostris præpositis, vel officia-  
libus, nec ab alienis capiantur, vel detineantur,  
neque res eorum, quandiu iustitiæ abbatis vestri  
stare voluerint, nisi forte in præsentis forisfacto  
deprehensi fuerint. Ut igitur hæc omnia perpetuæ  
robur obtineant firmitatis, eademque tam præsentis  
paginæ patrocinio, quam sigilli nostri auctoritate  
corroboramus, statuentes sub anathemate prohi-  
bemus, ne quis Ecclesiam vestram, vel fratres ve-  
stros super his molestare, vel huic nostræ confir-  
mationi aliquatenus præsumat contraire. Omnibus  
autem jura vestra servantibus, et beneficia sua lar-  
gentibus, sit pax et gratia Domini nostri Jesu  
Christi, ut hic temporalem percipiant retributio-  
nem, et in extremi examinis die æternæ beatitu-  
dinis præmia consequantur. Amen.

Actum anno ab incarn. Dom. 1182. Datum per  
manum Lambini cancellarii nostri (7).

## V.

*Charta domini Willelmi archiepiscopi super pactis*

communiam involveret, essentque scabini comuni-  
niæ protectores.

(7) Ei est appensum sigillum cereum sat ma-  
gnam imaginem episcopi in fronte præferens; cera  
autem viridis est, ut et funiculus quo chartæ est  
affixa.



*inter ecclesiam Remensem et dominum Rainaldum de Roseto, super villa de Frasclicurte habitis.*

(Anno 1182.)

[VARIN, *Arch. admin. de Reims*, t. I, p. 387.]

WILLELMUS Dei gratia Remorum archiepiscopus, S. Romanæ Ecclesiæ tituli S. Sabinæ cardinalis, tam futuris quam præsentibus in perpetuum.

Cum in villa de Frasclicurt, quæ olim Plumbea Fontana vocabatur, inter ecclesiam Remensem et dominum Rainaldum de Rosetò de bauno et iustitia, et redditibus quos mansionarii debent, quæstio verteretur; cum proprietas et dominium totius territorii, et tam terragia quam decimæ, et ecclesia ejusdem loci, ipso etiam R. conflente, ad ecclesiam Remensem integre pertinerent; et tamen de supradictis contenderent, controversia in hunc modum, nobis mediantibus, terminata est:

Retinuit sibi ecclesia Remensis propria et seorsum habenda, ecclesiam præfati loci et ejusdem territorii decimas universas cum omnibus ecclesiasticis, et integrum ecclesiæ patronatum cum omnibus spiritalibus. Item brolia, id est prata, in medio villæ, quæ olim ecclesiæ dominica habebantur, quæ per negligentiam canonicorum sibi rustici usurpaverant. Item feudalem olim terram et prata quæ Joannes de Ardenna a præposito Remensis ecclesiæ ibidem tenebat, quæ etiam Ernaudus Blesensis ab eodem Joanne cum tertia parte decimæ lini emerat, et cum mansionariis ex ecclesiæ donaverat. Præterea locum quem ad ædificium et mansionem præpositi terræ, cum pratis et hortis quæ ab ejusdem villæ incolis præfatus Ernaudus emerat; sed et domum et graneam quas ibidem de proprio ædificavit, et pro anniversario suo faciendo donavit ecclesiæ Remensi. Ut autem tam præfatus R. quam hæredes sui, villam ibidem constitui, et totum nemus quod de territorio ejusdem villæ est ultra Seram, a parte Roseti, succidi et sartari, et mansionariis villæ præfatae usque ad terram quæ dicitur Manus Firma, et usque ad terram Sancti Laurentii; sed et citra Seram usque ad Sepau concessam pro munienda terra, dari et quiete exerceri permitterent, concessit ecclesia præfata R. medietatem terragii et obventionum banni et iustitiæ, et reddituum qui ex mansuris et mansionariis a censibus villæ colliguntur, percipiendam; salvis ecclesiæ his seorsum commodis, quæ vel de broliis, vel de feodo jam dicti Joannis, poterit habere quoquomodo. Concessum est autem hoc sub iis conditionibus et pactis, ut non solum villa libera constitueretur, et nemus prædictum sartandum mansionariis prædictis donaretur, sed ut etiam nullus, nisi villæ mansionarius et nisi de libertate ejusdem villæ esset, de terra quidquam habere posset, exceptis terris quas mansionarii de Rubiniaco et de Vallibus jam sartaverant, quas eisdem concessit ecclesia, quandiu integram decimam cum terragio integro ecclesiæ Remensi solvent.

Concessit autem præfatus R. cum ecclesia, sine

omni exceptione, sine omni retentione, non solum totam villam cum suo territorio liberam esse, sed et omnis quicumque per annum et diem unum habuerint, vel habituri essent ibidem corporaliter mansionem, quantum ad ecclesiam et dominum R. pertineret, ab omni quæstu et tallia et ab omni exactione, præter quam villæ constitutio tam ecclesiæ quam domini R. signata sigillo exigit, liberos et immunes, salvis tamen capitationibus. Duo majores, unus a canonico præposito villæ, alter a domino R. vel hærede ejus oligentur; sed non nisi ex libertate villæ, qui utrique parti communiter facient fidelitatem. Neutra vero pars plus habebit in suo quam in reliquo, ita quod si alteruter in aliquo deliquerit, a scabinis villæ tantum judicabitur, et emendationis summa tam præpositi quam domini R. communiter erit. Quandiu etiam majores erunt, a cæterorum consuetudine liberi erunt. De tota terranei præpositus, neque dominus R. vel hæres ejus aliquid sibi poterunt retinere; sed tota dabitur mansionariis; his tamen exceptis quæ, sicut dictum est, propria seorsum habebit ecclesia.

Concessum quoque est utrobique quod non solum in villa, sed in universum territorium ejus, tam in nemore, quam in plano, de quibuscunque rebus controversia moveatur, exceptis ecclesiasticis, modis omnibus per scabinos præfatae villæ omnis iustitia judicabitur. Si in judiciis faciendis scabini dubitaverint, ad ecclesiam Remensem consulent, et secundum eam judicabunt. Præter constitutionem villæ neutra pars, neque ecclesia neque dominus R. vel hæredes ejus mansionarios in aliquo vexare poterit, vel gravare; neque alteri parti in eos aliquid plus libebit quam alteri; sed, exceptis his quæ Ecclesia seorsum habet, æqualis eis erit in omnibus tam utilitas quam potestas. Nemora quæ ex parte Calvimontis citra Seram sunt, sicut communiter viderint expedire, communibus servabunt custodiis de villa præfata sumptis, et non aliunde; communiter ad necessaria sua tollent, communiter donabunt, communiter vendent, et omnis proventus nemoris communiter habebunt. Si pro terra munienda sepem in eodem nemore expediat constitui, secundum æstimationem et arbitrium legittimorum virorum, sufficiens ad munitionem terræ sepi latitudo, sine utriusque partis præjudicio, et salvo extra sepem usu villæ, in nemore æstimabitur; longitudo vero usque ad fines nemoris terminabitur. In sepi vero determinata præfatus R. vel hæredes ejus nihil sibi juris sine ecclesia habebunt; nihil contra ecclesiam, aut contra canonicum præpositum terræ poterunt inbannire; et licet quoscunque voluerint, possint pro munitione terræ a succidendo arcere, poterunt tamen tam ecclesia quam dominus R., pro necessitatibus officiorum suorum, de præfata sepi tollere, et ad omnes usus domesticos sumere, et erit eis præcipue in sepi æqualis tam utilitas quam potestas.

Permisit quoque præfatus R. universis mansio-

variis de Fraillicurte aisantias in terra sua, sicut A habebant eas alii homines de villis suis liberis; sed et villæ, quantum ad se et hæredes suos pertineret, pacem perpetuam et omnium quæ pro ædificiis construendis, vel supellectili qualibet, vel pro victualibus per terram suam veherent, fide tamen facta quod non mercatura portent, ab omni wionagio immunitatem. Præterea contra omnem prælonem et quemlibet malefactorem promisit tutelam, et bona fide pro posse suo defensionem, et auxilium ad ablatorum recuperationem.

Hanc igitur villæ sæpeditæ libertatem et pacem, has conditiones et pacta dominus R. super sancta manu propria juravit, bonam quoque fidem ecclesiæ et terræ, et præpositis, et villæ, et mansionariis se de cætero servaturum et nihil in dæmnum vel fraudem ecclesiæ vel præpositi, vel villæ se facturum vel percepturum promisit, et hæc tam se quam hæredes suos observaturos, sed et uxorem suam et dominum G. primogenitæ filiæ suæ maritum, et ipsam filiam juraturos et laudaturos, et quod a nobilibus feudatis et legis hominibus terræ suæ hoc jurare faceret, se juramento obligavit; charta quoque sua super hoc se daturum ecclesiæ, suamque eidem promisit ecclesia. Quod ut in perpetuum mutari non possit, etc.

Actum [anno] ab Incarnatione Domini 1182. Datum per manum Lambini cancellarii nostri.

#### VI.

*Burgensibus castri Bellimontis in Argona, ab ipso C extructi, immunitates concedit.*

(Anno 1182.)

[Hanc chartam Gallice tantum edidit D. Calmet *Hist. de Lorraine*, II, Pr., p. DXXXVII, quanquam in textu (II, 314) Latine editurum se pollicitus fuisset.]

GUILLAUME, par la grace de Dieu, archeveque de Reims, de la Sainte Eglise de Rome, dou titre sainte Sabine cardinal, à ses amoins et féables, aux maieurs, aux eschevins, et autres hommes de Biaumont aussi-bien aux presens, que à ciaux qui avenir sont en perpétuité. Pour ce que les choses lesquelles doivent tenir la force de permenable fermeté, qu'elles ne puisse être effacées, ne muées, elles sont comandées au mémoire des lettres. Pour ce nous avons mis en cel present, que nous en notre terre établissons une neufve ville, laquelle est appelée Biaumont, et y mettons franchises et coutumes que cy-dessoubs sont escripts.

I. Nous établissons et vous octroyons perméablement, que li bourgeois qui aura maison dans la ville de Biaumont, son courtil de fors les murs, il nous payera chacun an douze deniers; au Noël six deniers, et à la saint Jehan six deniers; et que ne les averoit payez dedans le tiers jour après le termine dessus assigné, il deveroit deux solz d'amende.

II. Il loira aux bourgeois vendre et achepter dans la ville de Biaumont, sans vinaige et sans tonneu payer.

III. De chacune fauchée de preys, vous payerez quatre deniers le jour de fête saint Remy.

IV. En la terre qui est cultivée, vous payerez de douze gerbes, deux. En la terre qui sera mise de bois à champ, vous payerez de quatorze gerbes deux.

V. Nous ferons fours en la ville de Biaumont, qui nôtres seront, auxquelles vous apporterez votre pain à cuire par ban; et de vingt-quatre pains, vous payerez ung.

VI. Nous y ferons aussi moulins, où vous venrez moultre par ban, ou au moulin de l'Estagne, et de xx. septiers, vous en payerez un, sans farine denner.

VII. S'aucuns hommes est accusé de ses dixmes, ou de ses terraiges mourez sans payez, ou dou ban des moulins, ou du four brisié, il s'en purgera par son serment seul.

VIII. A ces choses nous vous octroyons l'usage des iauves et des bois, si comme entre vous et les hommes de l'Estagne, et les hommes donc et les freres de Belleval divisé sera.

IX. En la ville de Biaumont, li jurez seront établis, et li mayres aussy, qui nous jurera seauté, et répondra à nos menistres des rentes et des issues de la ville. Mari, ne ly mariez, ne ly jurez ne demorront en leurs offices que par ung an, se ce n'est par le consentement de tous.

X. S'il plait à aucun vendre son heritaige, ou par ses besoins, au autrement, li vendeur donra ung deniers, et li achetteur ung deniers. De ces deux deniers li maire en aura ung, et li jurez l'autre.

XI. S'aucun devient nouvellement bourgeois, il donnera à l'entrée ung denier au maieur, et ung au jurez, et recevra terre et mazure dou maieur, où li maire li devisera et assennera.

XII. Nous établissons, que cil contre cui clameur sera faite, s'il est convaincu par loyal témoing, il payera trois solz; à l'arceveque deux solz, au mayeur six deniers. et six deniers à son adversaire.

XIII. S'aucun dit lait à aultre, et il s'en clame, et il le peut prouver par le témoignage de deux bourgeois, cil de cui il sesfera clamei, sera cinq solz; à l'arceveque quatre solz et demi; et au maieur, six deniers.

Et se cil qui clamei se sera, n'a témoignaigne, li autre se purgera par son serment seul.

XIV. S'aucun dit lait de loyal a l'autre, ou aussy lait com lait desloyal, il payera x solz; au seigneur, six solz; à celui qui il aura dit le lait, deux solz; au maieur douze deniers; et au jurez douze deniers.

XV. Et se cil qui sera clamé, n'a nul témoing, li autre se purgera par son serment seul.

XVI. S'aucun met main à autre sans armes esmolués, il payera xlv solz; au seigneur, xxxviii solz; au maieur douze deniers; au jurez, douze deniers; et au battu, cinq sols. Et se li battu n'a

témoing, li autre se purgera par le serment de A ou de larrecin, ou de omicide, comment que fait se deux loiaux hommes, et le sien.

XVII S'aucun envaist autre à armés esmolués sans ferir, et il est prouvé par loial témoing, il payera lx solz; au seigneur, lviii solz; au maieur, xii deniers; et au jurez douze. Et se cil qui se clamera n'a témoing, li autre se purgera par le serment de deux hommes, et le sien; et s'il avient qu'il lui fasse sang et playé, il payera cent solz; au seigneur, quatre livres deux solz moins; au maieur, xii deniers; au jurez, xii deniers; au navré vingt solz, et les dépens pour la playe saner. Et se li navré n'a témoing, li autre se purgera par le témoignage de sept bourgeois. Et s'il ly coup-poit membre, ou occioit, et fût prouvé par loial témoignage, il seroit corps et avoir à la volenté B du seigneur.

XVIII. S'aucuns hommes fiert autre son corps deffendant, ou il li fait sang, li autre se purgera par le témoignage de deux hommes, et le sien; et se ly autre veult, il yra encontre par court de bataille.

XIX. Cil qui couperoit à aucun membre son corps deffendant, ou il l'occioit; cil qui se seroit, se purgeroit par jugement; et cil qui de tel fait l'accuseroit, seroit aux dépens du jugement, et seroit à la volenté du seigneur.

XX. S'aucun envaist autre en son hostel, et il soit prouvé par loyal témoignage, il payera cent solz; au seigneur quatre livres; à celui qu'il avera C envaist, dix-huit solz; au maieur xii deniers; au jurez xii deniers.

XXI. De tous forfaits dont il convenra purger le coupable, il ne s'en peut purger, se par le témoignage de bourgeois non.

XXII. De toutes faulces clameurs, li clameur payera trois solz; au seigneur, deux solz; à maire, vi deniers; et à son adversaire, vi deniers. S'aucun se clame fausement de heritaige, il payera vingt solz; au seigneur, xviii solz; à maire xii deniers; au jurez xii deniers.

XXIII. S'aucun entre en autruy heritaige sans con-gié dou maieur et des jurez, il payera xx solz, s'il ne preuve que ce soit sien: et s'il preuve que ce soit sien, li autre sera a vingt solz.

XXIV. S'aucun tient heritaige an et jour saul et quitte, et en paix, sans contredit de hommes manans en la ville, il le tenra en paix de là en avant.

XXV. Il ne loira mie à bourgeois de clamer autre bourgeois à autre justice, tant comme li Bourgeois voura faire droit devant la justice du lieu; et s'il luy fait domaige sur ce, il payera dix solz, et luy défera ses domaiges; c'est assavoir, au seigneur, viii solz; au maieur, xii deniers; et au jurez, xii deniers.

XXVI. Li bourgeois qui avera été juré après son terminie, de chose qu'il ait oye, ne veut ne ne peut porter témoignage de jurer qu'un an et jour.

XXVII. S'aucun de feu bouter en autruy maison,

ou de larrecin, ou de omicide, comment que fait se soit, ou de rapt, avera aucun accusé, et il tourne pleige des syens, et de ce que jugie sera, ly accusé se purgera par jugement d'yaué; et se ly accusoires ne tourne pleige, il payera xx solz; et se ly accusé est saul en jugement, ly accuseurs payera les dépens dou jugement, et neuf livres.

XXVIII. Ce qui sera fait devant les jurez, sera seans et estables sans contredire.

XXIX. Chacun pourra prouver son vendaige jusqu'à trois solz, par la main seule.

XXX. S'aucun croit à autre jusqu'à dix solz, puet prouver par deux loiaux témoins de la ville. Qui reclamera sur autre debte de debte plus de dix solz, et en ait bons témoins, et puet li autre aller encontre par court de bataille.

XXXI. S'aucun apporte estrange chose à Biaumont, se cil qui les réclamera, les puet prouver siennes par deux loiaux témoins de son pays, il les ravera; mais li autre puet aller encontre par court de bataille. Se cil sur cui on reclamera telles choses, n'a de quoy, il les puet rendre, ou rendra au clameur ce qu'on pourra trouver dou sien, et ne demorra mie à Biaumont, se ce n'est pas par la volenté et l'octroy du reclameur; et se le reclameré ne veult qu'il y demeure, ly autre prendra saul-conduit de la ville.

XXXII. S'aucun contredit le jugement des jurez, et il le puet prouver par le témoignage des jurez de Bruieres, li jurez payeront cent solz; et se il ne le puet prouver, il payera cent solz et les dépens des jurez; au seigneur, lx solz; au maieur, cinq solz, aux jurez, xxxv solz.

XXXIII. Ly jugement des jurez sera estable, se aucun ne prend tantost conseil, et dit encontre.

XXXIV. S'aucun à autruy prend heritaige en wai-ge, il le gardera an et jour; et après an et jour, il le monstrera au maieur et aux jurez, et le maire et les jurez en ordonneront ce que faire en devra.

XXXV. S'aucun fait tort à estrange homme, et il est prouvé, il l'amendera à l'égard des jurez: et se ce n'est prouvé, il se purgera par son serment seul.

XXXVI. S'aucun bourgeois du lieu brise le mar-D chié de la ville, il payera cent solz; à maieur xii deniers; aux jurez, xii deniers; au battu, x solz; et se il li fait playe, xx solz; et au seigneur les autres. Se uns homme estrange brise le marchié de Biaumont, il payera lx solz; au maieur, xii deniers; aux jurez, xii deniers; au battu, xviii solz, et au seigneur les autres.

XXXVII. S'aucun bourgeois de la ville bat homme estrange, il payera lx solz; et se li estrange bat le bourgeois de la ville; il payera autre tant; au maieur xii deniers; aux jurez xii deniers; au battu, x solz; au seigneur les autres.

XXXVIII. Se la garde trouve homme en estrain-ge vigne, cueillant raisin, ou en autruy blef, il payera cinq solz; au seigneur, quatre solz, et à

maire, vi deniers ; à la garde, vi deniers. Et se autre que la garde le trouve cueillant, il se purgera par son serment ; et se il ne veut jurer, il payera six solz, et restorra le dommaige à l'égard des jurez.

XXXIX. S'aucun est trouvé en jardin, ou en courtis dommaige faisant, il payera xxx deniers ; au seigneur deux solz, et au maieur vi deniers, et restorra le dommaige à l'égard des jurez.

XL. S'aucuns hommes est trouvé coillant en altruy vigne, ou en courtis, ou en blef, et la garde en fait rapport, il payera deux deniers, et jugera qn'il ne savoit la coustume de la ville ; et s'il ne veut jurer, il payera cinq solz ; au seigneur, quatre solz ; au maieur, vi deniers, et à la garde six deniers.

XLi. Li enfant entre x ans et xv, s'ils y sont trouvez, payeront xii deniers selon l'esgard des jurez.

XLii. S'aucun met main au maieur ou aux jurez sans cops d'armes, il payera cent solz ; au seigneur, iv livres deux solz moins ; au ferru, xx solz ; au maieur, xii deniers ; et aux autres jurez, douze deniers ; et se il navroit, il seroit corps et avoir à la voulenté le seigneur ; et se li maire ou li jurez navroit bourgeois, autre tant payerait-il, et ce seroit à la voulenté le seigneur.

XLiii. Femme qui dira lait à autre femme, s'il est prouvé par le témoignage de deux hommes ou de deux femmes, elle payera cinq solz ; au seigneur, iv solz ; au maieur, vi deniers ; et à celui à cui elle avera dit le lait, vi deniers. Et s'elle ne veut payer l'argent, elle portera la pierre le dimanche à la procession en peure sa chemise.

XLiv. Se la femme dit lait à homme, et il est prouvé par loiaux témoignage, elle payera v solz. Et se li homme dit lait à la femme, il payera cinq solz, sans devise faire.

XLv. S'aucuns hommes étrange vient à Biaumont, ou dedans la fin de la ville, on ly recevra seulement, quelque meffait qu'il ait fait, fors larrecin et homicide ; et larrecin et homicide lui loira-t-il défendre s'il veut.

XLvi. S'aucun est accusé de larrecin par soupesson, s'il ne s'excuse par le témoignage de deux loiaux hommes, il se purgera par jugement d'eauë.

XLvii. S'aucuns ne peut payer l'amende de son forfait, on panrat ce qu'on pourra trouver dou sien, et sera bannis hors de la ville ; et s'il veut revenir, il payera l'amende telle comme li jurez l'esgarderont.

XLviii. Se les vacheries sont trouvées en vignes sans incurcion, elles payeront xii deniers, et la menuë beste qui sera reprinse en blef, payera six deniers. De xii deniers, au seigneur, dix deniers ; à la garde deux deniers. De six deniers, au seigneur, v deniers ; à la garde, un denier. Cil qui la beste sera, restablira le dommaige à l'esgard des jurez. Nuls ne pourra prendre gaige de sa beste sans jus-

stice, ou sans son commandement ; et s'il le prend, il sera à dix solz ; au seigneur, viii solz ; au maieur, xii deniers ; et aux jurez xii deniers.

XLIX. Li tavernier puet panre gaige en son hosteil de son vennel, mais de fors non.

L. S'aucun est trouvé en bois faisant marien ou charbon, ou cendre, ou autre chose, qu'il porte en estriange lieux, fors que en nos vans, il payera dix solz ; au seigneur, viii solz ; au maieur xii deniers ; aux jurez, douze deniers.

Li. De tous les forfaits que nous et nos successeurs arcevesque de Rains averont en la ville de Biaumont, li bourgeois pour le gouvernement de la ville, en averont la moitié, en telle maniere qu'ils y metteront deux feaubles, et nous y metteront notre sergent, qui sera li tiers. Et cils trois despendrons féablement cette moitié aux coustanges du garnissement de la ville.

Lii. Ce que li maires, li jurez, li quarante bourgeois discrets esgarderont pour l'honneur et le pouffit de la ville, sera seans et estable ; et qui le contredira, il payera xii deniers ; au seigneur, vi deniers ; au garnissement de la ville, vi deniers ; et li sera seaus et estable ce qu'il averont ordonné et établi.

Liii. Li bourgeois iront en la chevalchie le seigneur, et telle maniere revenront à Biaumont le même jour, se li leur plaist.

Liv. Ly arcevesque donnera procuracion pour le plaid général trois fois l'an ; au maieur et aux jurez pour chaque fois cinq solz ; et li maire, et li jurez, tant com il seront en leur officc, seront quieu chacun de la rente d'une mesure et d'un courtis.

Nous qui voulons que toutes ces choses soient et demeurent fermes et estables, les confermons ausy bien par le garnissement de cet écrit, comme de l'autorité de notre sceël, et establissons et défendons sur peine d'excommuniement, que nul ne voist encounter notre confirmation ; saulf le droit de salnte Eglise, et l'autorité dou siège de Rome en toutes ces choses. Ce fut fait en l'an de l'Incarnation de Notre Seigneur mil cent quatre-vingt et deux ans. Donné par la maiu Lambellin notre chancelier.

## VII.

*Ad Remensis urbis decus civiumque commodum, culturam eis concessit extra urbis ambitum, quo aedificiis de novo constructis, pomærium ejus protenderetur, illamque præsertim carpentarii, qui dollis, aut quadrigis fabricandis dant operam, habitarent, ac in eam nundinæ Paschales, quæ juxta leprosorum capellam fiebant transferrentur.*

(Anno 1183.)

[D. MARLOT, *Metropol. Rem.*, II, 419.]

WILLELMUS Dei gratia Remorum archiepiscopus S. R. E. et Sanctæ Sabinae cardinalis, apostolicæ sedis legatus, dilectis filiis nostris hominibus in nova cultura Remensi manentibus tam pra-

sentibus, quam futuris in Domino nostro salutem.

Ad hoc constituti sumus in sede pontificali, ut utilitati et augmentationi civitatis, cui nos præfecit Dominus, ipso adjuvante, proficiendo provideamus, et providendo proficiamus: inde siquidem enim est quod nos ad augmentum et honorem civitatis nostræ culturam, quam habemus extra muros, dedimus vobis dilecti ac fideles burgenses nostri ad domus construendas, et novum ibidem burgum pariter ædificandum, ea conditione quod de pertica terræ singulis annis in festo B. Remigii duodecim denarios persolvatis, similiter de pertica terræ jardi nostri, eodem termino totidem reddetis denarios; sciendum tamen quod tam in cultura, quam in jardo sunt perticæ, quæ tantum novem denarios solvere tenentur. Decernimus igitur ut nundinæ, quæ fuerunt apud sanctum Lazarum, in burgo vestro celebrentur, et durent a Sabbato ante Dominicam in Ramis palmarum, usque in vigiliam Dominicæ Resurrectionis. Statuimus etiam ut carpentarii, qui dolia et quadrigas faciunt, ibidem operentur, et in civitate non possunt operari; volumus si quidem, ut omnia ligna et marinna ibi vendantur et non alibi. Liccat autem vobis logiæ, gradus, et puteos ante domos vestras, absque licentia dominorum et servientium, libere et quiete facere, et insuper Majorem propriam habere, qui pro posse supra forisfactum, et excessus vestros emendabit, et quæ per ipsum emendari non poterunt, ad archiepiscopum transferentur. Quia vero dignum est, ut ea quæ a nobis sunt juste et rationabiliter statuta suum perpetuæ robur obtineant firmitatis; nos hæc omnia, ne aliqua malignantium perturbatione violari valeant, vel immutari, tam præsentis scripti patrocinio, quam sigilli nostri auctoritate vobis, ac successoribus vestris concedimus, ac confirmamus, statuentes et sub anathemate prohibentes, ne quis huic nostræ confirmationis paginæ ausu temerario contraire præsumat, salva in omnibus apostolicæ sedis auctoritate.

Actum anno ab Incarnat. Dom. 1185.

Datum per manum Lambertii, cancellarii nostri (8).

### VIII.

*Charta pro valle Radigionis.*

(Anno 1184.)

[VARIN, *Arch. adm. de Reims*, t. I, p. 407.]

WILLELMUS..... Remorum archiepiscopus, etc., etc.....

Noverint universi quod cum dilectus frater noster, comes, H. Jeræolyman profecturus esset, dilecti filii nostri, R. decanus et quidam alii Remen-

(8) At ne ob nundinarum translationem, quid detinenti reciperent leprosi, qui ad hoc consenserant, eis Willelmus pro compensatione decem libras, et octo solidos Rem. monetæ assignavit in stallis cambitorum singulis annis percipiendos,

PATROL. CCIX.

sis ecclesiæ canonici, cum Trevis adierunt, rogantes ut coram nobis ibidem præsentibus, recognosceret quid juris haberet, in valle Radigionis et quid juris ibidem haberent canonici ecclesiæ B. Mariæ Remensis, ne qua inde in posterum inter ipsum vel hæredes suos et præfatos canonicos posset oriri dubitatio. Comes vero benigne ipsorum annuens expeditioni, recognovit se et canonicos habere in communi et ex æquo omnia jura et omnis (sic) proventus in omnibus commodis, quæcunque spectant (sic) ad jurisdictionem vallis Radigionis, hoc excepto quod ipse posset ibi gistum accipere, si præsens esset, vel sui semel in anno, si fortes per partes illas mitteret eos in expeditionem, et, excepta villa quæ dicitur Singaudicurt, quam totam esse propriam canonicorum recognovit. Præterea comitis et canonicorum est, ut recognovit ministeriales in eadem valle libere et æquâ lege ponere, qui redditus suos et proventus communiter colligant, et ex æquo dividant.

Recognovit etiam et concessit quod neque ipse, neque hæredum suorum aliquis, potest dare vel vendere, aut permutare, seu pignori obligari (sic), aut ullo modo extra manum suam mittere, quæ habet in prædicta valle. Præterea nihilominus recognovit quod apud Cis super Azonam, dicta ecclesia tertiam partem omnium justitiarum et forisfactorum habet, excepto murtro et raptu, quæ comitis sunt et hæredum suorum. In terra vero sua de Joiaco totam justitiam prædictis canonicis recognovit, excepto quod latronem ei et servientibus ejus nudum pro justitia faciendâ reddere debent. Hæc siquidem omnia ecclesiæ Remensis (sic) et canonicis suis, sicut scripta sunt, perpetua pace possidenda concessit. In hujus rei, etc.

Data per manum Lambini cancellarii nostri, ab Incarnatione Domini anno 1184.

### IX.

*Privilegium domini Willelmi archiepiscopi de pace facta inter Alanum [de Roceo] et burgenses [Remenses].*

(Anno 1187.)

[VARIN, *Arch. adm. de la ville de Reims*, I, 408.]

D WILLELMUS... Remorum archiepiscopus, etc.

Noverint universi quod questio quæ vertebatur inter dilectos filios nostros, Alanum de Roceo et burgenses Remenses super terris, pratis, hortis quæ sunt in territorio S. Genovefæ, in hunc modum sopita est: Possessores prædictorum omnem ei justitiam exinde exhibebunt, et in domo sua de Muira, vel in alia infra civitatem, vel bannileugam, ubi maluerit. De censu, de forisfactis, de fractura banni, quandiu prædicta possidebunt ei satisfacere

concessitque, ut in molendinis de calciata Vidulæ segotes ad usum domus necessarias sine molitura danda perpetuo molere possent. Anno 1182.

et respondere tenebuntur. Ut autem hoc ratum A  
permaneat, etc.....

Actum anno Dominicæ Incarnationis 1187. Da-  
tum per manum Lambini, cancellarii nostri

X.

*Charta de præpositura* (9).

(Anno 1188.)

[VARIN, *Arch. admin.*, t. I, p. 411.]

WILLELMUS, Dei gratia Remorum archiepisco-  
pus....

Pastoralis curæ sollicitudo nos admonet subditis  
nostris, quoties tempus admiserit, pacem et qui-  
etem providere. Inde est quod nos, quæstiones et  
lites quæ occasione præposituræ inter capitulum  
Remense et præpositum sæpius emergerant, termi-  
nare ad plenum cupientes, charissimum nepotem  
nostrum Ugonem ad hoc induximus, ut præpositu-  
ræ redditibus in omnibus commodis, justitiis simi-  
liter et donationi paneteriæ cederet, et cessit; et  
omnia hæc in manu nostra per librum resignavit,  
retenta sibi duntaxat præpositi dignitate in choro  
et capitulo, et hominibus suis. Nos vero omnia hæc  
ecclesiæ Remensi perpetuo profutura concessimus,  
ut eam per manum decani de his investivimus. Ca-  
pitulum autem omnia quæ habebat in Valle Radig-  
ionis præposito in perpetuum possidenda conces-  
sit, præter ecclesias et decimas quas sibi retinuit ad  
pastum B. Nichasii faciendum, quem ea quæ prius  
stebat solemnitate se deinceps facturum promisit.  
Verum et præpositus cum requisitus fuerit et voca-  
tus a capitulo, absque omni exactione, voluntate  
promptissima, ecclesiæ necessitatibus adesse tene-  
bitur. Ut autem hæc rata, etc.

Actum anno Dominicæ Incarnationis 1188. Da-  
tum per manum Lambini cancellarii nostri.

XI.

*Ecclesiæ S. Remigii personatum de Driencurto* (10)  
pro anniversario suo et fratris sui Henrici cele-

(9) « Le prévôt de l'église de Reims, quoique  
nommé après l'archidiacre dans l'indicule d'Ebbon,  
qui commence par les derniers et moindres en di-  
gnité, et finit par l'archevêque, avait, selon cet in-  
dicule, une très-grande autorité pour le spirituel et  
le temporel du chapitre. Il a d'abord été déchargé  
du spirituel par l'établissement d'un doyen; et le  
gouvernement des biens temporels du chapitre lui  
ayant été laissé encore plusieurs siècles, comme il  
paraît par le testament d'Osalric, prévôt, et ayant  
donné occasion à plusieurs contestations, Guillaume  
de Champagne engagea Hugues, son neveu, prévôt,  
de remettre au chapitre toute son autorité et la  
collation de sa paneterie, qui lui appartenait aupar-  
avant, se réservant seulement les honneurs de la  
séance au chœur et la présidence au chapitre. Le  
chapitre céda au même archevêque la collation de  
la prévôté, qui était auparavant élective, comme le  
doyné, et à la disposition du chapitre, comme  
elle est encore aujourd'hui dans l'église de Soissons,  
à condition que le prévôt nommé par M. l'archevê-  
que ferait hommage au chapitre. Le pouvoir qu'a-  
vait le prévôt pour l'administration des biens tem-  
porels étant remis au chapitre, la compagnie s'est  
servie, pour l'exécution de ses ordres, des séné-  
chaux et des receveurs; ainsi il ne reste au prévôt  
autre droit ou fonction que celle de présider au

*brando concedit; quin et aliorum anniversaria, ne  
oblivioni traderentur, enumerat.*

(Anno 1188.)

[VARIN, *Arch. admin.*, t. I, p. 409.

WILLELMUS.... archiepiscopus.... considerantes  
quod sinceræ devotionis affectum venerabilis eccle-  
sia B. Remigii Remensis erga nos et antecessores  
nostros semper dignoscitur habuisse; nihilominus  
pensantes quam devotum ipsius ecclesiæ fratres Deo  
incessanter student servitium exhibere; nos eorum  
volentes orationum fieri participes, notum facimus  
tam præsentibus quam futuris, quod altare de Dri-  
encurte, pro anniversario nostro singulis annis pie  
celebrando, et pro animabus parentum nostrorum,  
B nec non charissimi fratris nostri bonæ memoriæ  
comitis Henrici, similiter et prædecessorum nostro-  
rum, ad refectionem dilectorum filiorum nostrorum,  
ipsius ecclesiæ fratrum libere et quiete in perpetuum  
de limus possidendum. Nos vero sub interminatione  
excommunicationis districte inlibemus, ne quis  
hujus altaris redditus, sive aliorum beneficiorum  
similiter pro anniversariis sæpe dictæ ecclesiæ col-  
latorum, seu liberaliter adhuc conferendorum dimi-  
nuere aut subtrahere, sive in alios usus quam ad  
quos deputati sunt præsumat impendere. Illorum  
autem nomina quorum anniversaria in prælibata  
annuatim celebrantur ecclesia, ne oblivioni in poste-  
rum tradi, sive aliquo modo possint deleri, casu  
interveniente, nominatim ea fecimus subscribi:

C Anniversarium nostrum, anniversarium... Sam-  
sonis Remorum archiepiscopi; anniversarium Esqui-  
lii archiepiscopi Dacie, Joannis episcopi Carnoten-  
sis, Petri ejusdem successoris, Gaufridi Cathalan-  
nensis episcopi, Haiderici abbatis, Hugonis abbatis  
et matris suæ, Odonis abbatis, Azenarii abbatis,  
Leonis abbatis, S. Gisdani, Widonis, S. Nicasii,  
Herimari abbatis, Hugonis comitis Registesteusis,

chapitre quand il est présent. Les statuts les plus  
anciens, les livres des réceptions, l'usage ne lui  
attribuent aucune autre fonction. Il n'est député né  
pour aucune occasion, auditions des comptes, as-  
semblées, etc. En l'installant au chapitre, on se  
sert de ces termes: *Accipe locum in capitulo ad  
præsidentium, proponendum et concludendum super  
rebus in eo propositis.*

D « Le prévôt fait encore à présent au chapitre  
l'hommage marqué dans les chartes 1188 et 1192,  
et écrit dans le livre des réceptions, qui marque  
que cet hommage se fait *ratione præsentia primæ*,  
c'est-à-dire que le prévôt fait hommage au chapi-  
tre du droit qu'il a en premier de faire les fonctions  
de président des délibérations; il a aussi toujours  
observé jusqu'ici, à la prise de possession de M.  
l'archevêque, dans l'hommage qu'il lui fait, la cir-  
constance marquée dans le livre des réceptions:  
*Præstat hominum sinistra manu levata tantum,  
dextra capitulo reservata, cæteri more communi dua-  
bus manibus junctis.* Ce qui marque très-expressé-  
ment sa dépendance et son attachement particulier  
à l'égard du chapitre. »

(*Bibl. de Reims, portef. YY, fol. 29, mss. 1. de  
M. de la Salle.*)

(10) « Dricourt, » note marginale.

Hildewini archidiaconi (14), Goderanni presbyteri, A Acarini presbyteri, Stephani presbyteri, Constantii presbyteri, Garini Maloth, Nicolai de Stampis, OJonis de Sarceio, Haiderici monachi, Dragonis monachi, Gillemanni canonici, Joannis medici, Richeri Morlachar [mordens carnem] et Elisabeth uxoris suæ, Herberti Morlachar et Hawidis uxoris suæ, Raderi et Colelinæ parentum Samsonis episcopi, Hawidis matris Hildewini archidiaconi, Lamberti matricularii, Theobaldi de Matri, Walonis militis et Heliae fratris ejus, et Julianæ matris Samsonis monachi, SiBillæ, Lotuizæ matris Simonis abbatis, Dragonis militis, Thomæ majoris, Heimanni Burgensis, Dragonis Morlachar, Jeannis Lapaut, Hildewini et Henrici, Eustachii matricularii, Raideri de Tarny, Arnulphi Paisant, Thomæ pueri, Herberti Morlachar, OJonis de S. Theodorico, Wiardi majoris, Ulderici de Mailli, Hugonis de Choilli.

Volentes itaque ut hæc nostra solemnitas donatio rata permaneat et inconcussa, præsentis scripto et sigilli nostri impressione eam confirmamus, stuentes et sub interminatione anathematis inhibentes ne quis hanc nostræ confirmationis paginam audeat infringere, vel in aliquo contraire, salva in omnibus apostolicæ sedis auctoritate.

Actum anno 1188. Datum per manum Lambini, cancellarii nostri (12).

## XII.

*Charta de banno Castellani monasterii S. Remigii restituto (15).*

(Anno 1189.)

[VARIN, Arch. adm. de la ville de Reims, t. I, p. 413.]

WILLELMUS, Dei gratia Remorum archiepiscopus, etc.

Notum facimus tam præsentibus quam futuris, quod Thomas infans, de Sancto Remigio bannum quod dicitur Castellani, a Theobaldo de Mutreio, secundum usum terræ et consuetudines legitime sibi comparavit, et per multa tempora idem bannum libere et in pace possedit; processu vero temporis, ingruente sibi necessitatis articulo, præuominatum bannum charissimo nepoti nostro Rotraldo Turonensi thesaurario venale exposuit. Cæcilia vero de Sillercio et filii ejus reclamabant, et banno calumniam imponebant sæpe dicto, sed tandem facta cum

eis compositione, ejusdem banni venditionem in nostra constituti præsentia approbantes, laudaverunt; similiter et alii ad quos bannum illud jure hæreditario debuit pertinere, quietum clamaverunt et liberum. Nos etiam omnibus illis qui aliquid juris se in eodem dicebant habere banno, auctoritate qua fungimur inhibuimus, ne de cætero quidquam reclamarent. Post hæc vero charissimus nepos noster Rotroldus, quidquid juris in eodem habebat banno, in manus nostras resignavit; unde nos ipsum bannum ecclesiæ B. Remigii, de voluntate ejus et assensu, in perpetuum libere et quiete concessimus possidendum. Nihilominus concessum est a nobis quod, si aliquis adversus factam inhibitionem aliquid attentare præsumeret, silentium ei imponeremus, legitimam prædictæ ecclesiæ per omnia portaturi garantiam. Nolentes igitur ut aliquis, etc.

Actum anno Dom. Incarnationis 1189. Datum per manum Lambini, cancellarii nostri.

## XIII.

*Charta domini archiepiscopi pro Novavilla juxta Curmisiacum sita.*

(Anno 1190.)

[VARIN, Arch. adm. de la ville de Reims, t. I, p. 414.]

WILLELMUS... Remorum archiepiscopus....

Noverit universitas vestra quod, cum felix memoriae prædecessor noster Henricus, quondam Remensis archiepiscopus, cereos et luminaria Remensis ecclesiæ de rebus ad thesaurarium Remensem pertinentibus augmentasset, idem archiepiscopus in fundo, in initium recompensationis dati luminarii, Villam Novam prope Curmisiacum et vivarium, quæ omnia idem archiepiscopus de suo proprio comparata construxerat, necnon quidquid juris et domini habebat in eadem villa cum stagno et aliis pertinentiis, thesaurariis, prædictæ ecclesiæ Remensis libere et quiete in perpetuum concessit ac dimisit. Præterea nos paci nostræ et capituli atque thesaurarii providere volentes, de assensu et voluntate tam capituli quam ipsius thesaurarii, statuimus ut in Purificatione B. Mariæ archiepiscopo, si Remis præsens fuerit, decem tantum libras ceræ, pro cereis familiæ suæ thesaurarius reddat; exceptis quatuor servientibus feo-

(11) S'il s'agit de l'archidiacre de Champagne, connu à Reims sous ce nom, la charte que nous donnons prouverait qu'il n'est pas mort en 1196, comme le dit Marlot, I, 465.

(12) La liste des obits contenue dans la charte de Guillaume paraît n'offrir que les noms de personnages presque contemporains de cet archevêque, à l'exception de quelques abbés de Saint-Remi, dont le plus ancien est Hérimar, mort en 1071, cent ans par conséquent avant l'archiepiscopat de Guillaume. Pourquoi donc n'est-il fait ici aucune mention des premiers bienfaiteurs de l'abbaye, et surtout des rois carolingiens et des rois capétiens, dont les diplômes servirent plus tard de prétexte aux moines de Saint-Remi pour s'affranchir de la juridiction des archevêques? Nous eussions voulu éclaircir nos

doutes par l'étude du seul obituaire de Saint-Remi qui ait survécu à la destruction de l'abbaye, et que la sollicitude éclairée de M. Hivert alors archiviste, a fait rentrer au cartulaire de la ville de Reims; mais cet obituaire est un des manuscrits qui nous ont été refusés. Les fragments du Martyrologe et d'un obituaire de Saint-Remi qui se trouvent Bibl. Roy., mss. suppl. franç., 1515-2; vol. II, fol. 228 et 259, n'ont pu nous être d'aucune ressource, Duchesne ayant oublié d'indiquer l'âge des manuscrits d'où il les avait tirés.

(13) Une bulle de Clément III, datée du 26 janvier 1191 (7 des Kalendes de février, quatrième du pontificat) confirme cette charte, et se trouve cart. A de Saint-Remi, p. 58, et cart. C de Saint-Remi, fol. 10, n. xxxvi.

dalibus, scilicet senescalco (14), vicedomino, buticulario et panetario qui, si festo adfuerint, solitos cereos habebunt. Si vero absens fuerit archiepiscopus, custodi domorum suarum duas tantum modo libras ceræ thesaurarius persolvat. Ut igitur commutatio ista perpetue, etc.

Actum anno ab Incarnatione Domini 1190. Data per manum Lambini, cancellarii nostri.

## XIV.

*Satisfactionem vicecomini cujusdam Catalaunensis admittit pro damnis ab eo illatis Ecclesie Remensi. Magistro scholarini Remensium duos modios frumenti in molendinis Remensibus recipiendos assignat.*

(Anno 1190.)

[D. MARLOT, *Metropol. Rem.*, I, 427.]

WILLELMUS Dei gratia Remorum archiepiscopus S. R. E. et S. Sabinæ cardinalis, apostolicæ sedis legatus, omnibus ad quos litteræ istæ pervenerint, in Domino salutem.

Notum sit tam futuris, quam præsentibus, quod cum Hugo Cachat vicedominus Catalaunensis, ecclesiæ B. Mariæ Remensis multa et gravia damna intulisset, nec haberet unde ecclesiæ satisfacere posset ad plenum, reliquit et resignavit in manu nostra de assensu uxoris suæ quidquid ipse habebat in villa quæ dicitur Cuysiacum [forte Tuisiacum] quæ est de feodo nostro, tam nobis, quam successoribus nostris libere in perpetuum, et quiete possidendum. Nos autem satisfacientes capitulo Rem. super damnis ab ipso vicedomino illatis, et

(14) « Les archevêques de Reims ont eu leurs sénéchaux, auxquels ils ont accordé plusieurs beaux droits. Quand ils font leur entrée solennelle en la ville, le cheval sur lequel ils sont montés appartient au sénéchal avec les esperons; et au festin, qui se fait le même jour dans la grande salle du palais, il prétend que la vaisselle d'argent du premier mets lui est due. Quant Monseigneur séjourne à Reims, le sénéchal doit être défrayé en son hostel lui troisième avec trois chevaux, trois chiens, et trois oiseaux. Il est à croire qu'à l'imitation des autres sénéchaux des rois et pairs de France, celui de Reims avait l'intendance sur les loire, manger, et famille de l'archevêque, le commandement et la conduite de ses vassaux à la guerre, et l'exercice de sa justice à l'étendue de son duché. Et comme la sénéchalerie de France a esté héréditaire aux comtes d'Anjou, celle de Champagne aux sires de Joinville, celle des archevêques et ducs de Reims a esté aussi héréditaire aux seigneurs de Thuisy.

« La plus ancienne charte que j'aie veu ou il soit fait mention du sénéchal de Reims, est de l'an 1114, le 7<sup>e</sup> du pontilicat de Raoul-le-Vert, laquelle est souscrite de *Baldwinus dapifer et Erlandus vicedominus*....

« Guillaume est nommé sénéchal en la charte de l'acquisition que l'abbé de Saint-Remy fit des dixmes de Taissi, sous le cardinal de Champagne, l'an 1199. « *Laudaverunt hoc domini a quibusdam feodum tenebant, videlicet Willelmus seneschalcus et filii sui Guido de Ceris, Simon de Bourgo, etc....* » Fleuriot de Thuisy estoit sénéchal sous

« Au dénombrement de vassaux de l'archevêque qui font hommage l'an 1510, se lit : « Jacques de Muire, escuyer ou fief de Laches, assis à Thuisy, appelé d'ancienneté le fief de la seneschassée de Reims, mouvant du chastel de Sept-Saulx, à

estimatis usque ad centum quadraginta libras, receptis etiam ab ipso capitulo ducentis et sexaginta libris pro emptione Cuysiaci dedimus prædicto capitulo, et assignavimus in telonio Remensi, quod est de regali domini regis viginti libras Remensium moneta annuatim recipiendas.... Sciendum quoque quod neque nos, neque successores nostri aliquo modo, nisi de voluntate domini regis, et assensu capituli Remensis, illam partem Cuysiaci, quæ fuit vicedomino Calalis (Cazalis) poterimus transferre in manum alienam. Quicumque vero pro tempore telonarius fuerit, in susceptione ipsius officii statim tactis sacrosanctis reliquiis jurabit, quod secundum tenorem scripti hujus prædicto capitulo viginti libras postposita omni occasione atque diminutione persolvat. Præterea sciendum quod nos dedimus duos modios frumenti magistro scholarum Remensium, et assignavimus illos in molendinis nostris Remensibus annuatim in perpetuum recipiendos. Ut autem hæc omnia rata permaneant, etc. Actum anno Verbi incarnati 1190.

Datum per manum Lambini cancellarii nostri.

## XV.

*Charta qua Willelmus Remensis archiepiscopus, duodecim libras annuatim percipiendas, canonicis S. Dionysii assignat, in recompensatione decimarum quam habebant in jardo et in culturis civitati Remensi adjacentibus.*

(Anno 1190.)

[VARIN, *Arch. admin. de la ville de Reims*, I, 416].

WILLELMUS Dei gratia Remorum archiepiscopus,

Pierre de Barbet, l'an 1280; Erard de Thuisy chevalier l'an 1310, dont les descendants ont continué et tenu la mesme charge jusqu'à demoiselle Jeanne de Thuisy\*, dernière de ceste famille, dame de Thuisy, Vraux, Lnsches et des Maisnieux, mariée l'an 1515, à Nicolas Goujon, escuyer, seigneur de Tour-sur-Marne, Bouzi, Coigni. etc., qui fut sénéchal à cause de sa femme, auquel a succédé comme sénéchal héréditaire Guillaume Goujon dit Thuisi, leur fils, puis Hierosme Goujon, sieurs de Vraux. Celui-cy fit office de sénéchal à l'entrée solennelle de Monseigneur Louis de Lorraine, cardinal de Guise, archevesque de Reims, 1583, duquel est descendu Regnault, sieur de Thuisy, fils de Hierosme de Thuisy, sénéchal de Reims, et Claude, sieur de Vraux, qui vivent aujourd'hui. Le fief de Thuisy, dont ils portioient le nom, est accompagné de plusieurs terres, prés, bois et rentes, que le sénéchal donne par déclaration lorsqu'il change de main, ou que le siège de Reims est pourveu d'un nouvel archevesque. L'an 1440, dame Isabelle d'Ardenay, vidamesse de Chaalons, reconnut son fief de Thuisy mouvant de Monsieur de Reims, à cause de la chastellenie de Sept-Saulx, Guillaume Goujon fit le mesme au cardinal de Lorraine, 1566, après le décès de Nicolas Goujon et Jeanne de Thuisy, ses père et mère, ou les dépendances de son fief sont rapportées par le menu, et comme le cheval ou mouture de la première entrée de Monseigneur lui est deu avec les esperons et la vaise du premier service.

(*Marl. franc.*, liv. x, *Suppl.*, § 5; tom. III, p. 164.)

« lui escheu par la mort de Blanchet de Muire son père. »

« Ce Jacques de Muire fit l'office de sénéchal à l'entrée de R. de Lenoncourt, 1509. »



sanctæ Romanæ Ecclesiæ tituli Sanctæ Sabinae cardinalialis, apostolicæ sedis legatus, omnibus tam futuris quam præsentibus ad quos litteræ istæ pervenerint, salutem in Domino.

Quoniam ecclesia Beati Dionysii in jardo et in culturis nostris civitati Remensi adjacentibus, decimam de jure habebat, quidquid contingat de censu domorum minui vel augeri, nos paci et utilitati ejusdem ecclesiæ providere volentes, pro eadem decima, et pro aliis querelis in jardo nostro et in cultura in qua ædificatur ecclesia Beati Jacobi, duodecim libras in festo Sancti Remigii, quod celebratur Kalend. Octobris, annuatim percipiendas, ipsi ecclesiæ et canonicis in ea Deo devote et solemniter famulantibus donamus et concedimus. Volumus etiam ut, si alias culturas quæ nondum ædificatæ sunt, ædificari contigerit, canonici decimam percipiant. Statuimus autem ut canonici de vineis suis de Moiri non nisi sex solidos singulis annis nobis vel successoribus nostris reddant, sicut antiquitus reddere consueverant.

Ne igitur super his aliqua in posterum oriatur quæstio, vel canonicis injuria possit inferri, eadem ipsis canonicis perpetua pace et quiete possidenda, tam præsentis scripti patrocinio quam sigilli nostri auctoritate confirmamus; statuentes, et sub anathemate prohibentes, ne quis huic nostræ confirmationis paginæ aliquatenus contraire præsumat, salva in omnibus apostolicæ sedis auctoritate.

Actum anno ab incarnatione Domini 1120. Datum per manum Lambini, cancellarii nostri.

XV bis.

*Compositionem inter episcopum et capitulum Silvanectense factam confirmat.*

(Anno 1183.)

[*Gall. Chr. nov.*, X, 438.]

WILLELMUS Dei gratia Remorum archiepiscopus, sanctæ Romanæ Ecclesiæ tituli Sanctæ Sabinae cardinalis, apostolicæ sedis legatus, omnibus ad quos litteræ istæ pervenerint, in Domino salutem.

Noverit universitas vestra quod cum inter venerabilem fratrem nostrum Henricum Silvanectensem episcopum et dilectos filios nostros ejusdem ecclesiæ canonicos quæstio verteretur super quadam consuetudine, quam iidem canonici se ab antiqua obtinuisse temporibus asserebant; tandem inter eos, nobis mediantibus, in hunc modum facta est compositio, videlicet, quod si major ecclesia cessaverit pro injuria canonico vel alicui servienti canonico illata, vel ideo quod aliquis domum canonici violenter intraverit, aut res ipsius vel alterius inde asportaverit, episcopus super hoc requisitus omnes alias civitatis ecclesias statim sine contradictione et dilatione faciet cessare. Si vero episcopus præsens non fuerit, archidiaconus in hac parte vices episcopi supplebit, vel absente archidiacono, decanus Christianitatis. Quod si episcopus, vel archidiaconus, vel Christianitatis decanus eadem die

A qua requisitus fuerit non fecerit, ad mandatum decani majoris ecclesiæ, vel ejus qui vices decani egerit, omnes alia civitatis ecclesiæ cessabunt. Ne autem super his quæ per nos firmata sunt aliqua in posterum quæstio possit oriri, eadem tam præsentis scripti patrocinio quam sigilli nostri auctoritate confirmavimus.

Actum anno ab Incarnatione Domini 1183.

Datum per manum Lambini, cancellarii nostri.

XV ter.

*Privilegium pro canonicis Cisoniensibus.*

(Anno 1190.)

[*Hist. eccl. Cison.* ap. d'Achery, *Spicileg.* edit. in-fol., II, 883.]

WILLELMUS Dei gratia Remorum archiepiscopus, sanctæ Romanæ Ecclesiæ tituli Sanctæ Sabinae cardinalis, apostolicæ sedis legatus, dilectis filiis SIMONI abbati totique capitulo Cisoniensi in perpetuum.

Cum ab antiquis temporibus Cisoniensis Ecclesia de fundo et mensa nostra fuisse et esse noscatur, hanc inter alias nostræ diocesis Ecclesias libertatem semper obtinuit, quod nulli nisi nobis et prædecessoribus nostris subjectionem exhibuit. Nos vero paci et indemnitati, nec non libertati vestræ paterna sollicitudine providere volentes, eandem libertatem quam ab antiquo habuistis, et eundem ordinem canonicum quem bonæ memoriæ Rainaldus, quondam Remensis archiepiscopus in Ecclesia vestra instituit, sicut sanctæ recordationis Alexander papa tertius secundum scriptum ipsius authenticum confirmavit, salvo jure nostro et successorum nostrorum, vobis benigne concedimus, et vos et eundem ordinem et possessiones vestras tanquam nostras proprias in custodia et protectione nostra suscipimus, et sicut in authenticis Rainald prædecessoris nostri et Alexandri papæ tertii scriptis continetur, clementer vobis annuimus: et ne scripta eorum immutentur, metropolitana auctoritate interdiciamus. Nobis autem jus patronatus et representationem personæ retinemus. Sane novallium vestrorum quæ propriis manibus vel sumptibus colitis, sive de nutrimentis animalium vestrorum, nullus a vobis decimas exigere vel extorquere præsumat. Sepulturam quoque Ecclesiæ vestræ liberam esse decernimus, ut eorum devotioni et extremæ voluntati qui se illic sepeliri deliberaverint, nisi forte excommunicati vel interdicti sint, nullus obsistat, salva tamen justitia illarum Ecclesiarum a quibus mortuorum corpora assumuntur.

Interdicimus etiam ne episcopo, vel archidiacono, vel eorum officialibus liceat in vos vel in Ecclesias vestras sine manifesta et rationabili causa excommunicationis vel interdicti sententiam ferre seu vos novis et indebitis exactionibus fatigare. Præterea arctius interdiciamus ne episcopo, vel archidiacono, vel eorum ministerialibus canonicis, seu clericis aliis pro confirmatione, inthronizatione vel pro benedictione abbatis vestri palefridum, cappam seri-

cam, aut quidquam aliud facultas vel licentia pateat, a vobis cujuslibet obtentu consuetudinis exigendi. Si vero pro his quidquam a vobis exegerint, cum detestabile sit et obvium rationi, libere vobis liceat hoc quod a vobis postulaverint, eis denegare.

Ad hæc paci et tranquillitati vestræ providere volentes, auctoritate qua fungimur prohibemus, ut infra clausuram locorum vestrorum nullus violentiam, vel rapinam, seu furtum facere, aut ignem mittere, aut homines capere vel interficere audeat. Ordinem autem canonicum a prædecessore nostro Raynako in Ecclesia vestra primitus institutum, perpetuis ibidem temporibus firmiter præcipimus observari, ne a quoquam nisi de conscientia nostra vel successorum nostrorum, et conniventia totius capituli vestri volumus immutari. Volentes igitur ut hæc omnia rata permaneant, necnon perpetuæ firmitatis robur obtineant præsentis scripti pagina communimus, et sigilli nostri auctoritate confirmamus. Statuentes et sub interminatione anathematis firmiter inhibentes, ne quis hanc nostræ confirmationis paginam audeat infringere, aut ei in aliquo præsumptuosa temeritate contraire, salva in omni-bus apostolicæ sedis auctoritate.

Actum anno Dominicæ Incarnationis 1190.

Datum per manum Lambini, cancellarii nostri.

#### XVI.

*Charta libertatum et consuetudinum hominum et habitantium in villa de Thuisy prope Septem Salices.* C  
(Anno 1191).

VABIN, Arch. admin. de la ville de Reims t. 1, p. 417.]

WILLELMUS . . . archiepiscopus . . . universis . . .

Receptibilis est et honesta constitutio quæ infra justitiae fines se continet, et misericordiæ famulatum. In hac enim sunt natura Domini signa (sic), cum et subditis indulgetur, et prælatis meta datur extra quam in subditorum gravamina non liceat evagari. Hac igitur habita consideratione, respectu pietatis, homines de villa quæ dicitur Tusiacum, assensu dilecti et fidelis senescalli nostri Willermi (15) cuius (sic) medietatem ipsius noscimus possidere, ab exactione quæ vulgo taillia dicitur, liberos in perpetuum decernimus, et ad legitimas consuetudines volumus reformari quas lex (16) a nobis imposita firmasse cognoscitur. Hujus rei causa singulis annis in festivitate B. Martini, unusquisque eorum qui equum ad carrucam non habuerit, solvet nobis decem denarios, et unum sextarium avenæ, et unum caponem. Qui vero unum equum ad carrucam vel duos, vel tres, vel quatuor, vel plures habuerit, de singulis equis solvet duos solidos et duos sextarios avenæ, et duos capones; carrecta quatuor facient singulis annis, quorum duo erunt

A in nostra parte, alia duo Willermo senescallo relinquimus, ita quod sequenti nocte ad hospitia poterunt redire. Cæteros antiquos consuetudinarios redditus solvent. . . . ; exercitus et expeditiones nostras prosequuntur. Duos habebunt scabinos qui nobis et toti villæ fidelitatem jurabunt, nobis de jure nostro, villæ de justitia in causis et judicio exhibenda; unus vero eorum a scabinatu singulis annis amovebitur, nisi forte talis fuerit, qui pro utilitate villæ mereatur retineri. Majores duos habebunt, quorum alter vices nostras adimplebit, alius vero Willermi residebit. Si quis aliquem percusserit, et sanguinem non fuderit vel si fuderit, si membrum truncaverit, si homicidium fecerit, secundum antiquas consuetudines habebimus bannum nostrum et forisfactum, quod si negare voluerit, et res in palam facta non fuerit, iudicio scabinorum vel purgabit se vel emendabit; corpus tamen homicidæ et omnis ejus possessio in manu nostra erunt. Quod si ille qui læsus est de familia nostra fuerit, vel de familia regis, iudicio nostro et curiæ nostræ emendabitur.

Nulli liceat capere hominem in eadem villa, quando paratus est stare iudicio curiæ nostræ. Si quis extra habitantium in eadem villa qualibet ex causa venerit, si habet mortale odium adversus aliquem indigenarum quod manifestum non sit, hac [sic, hic?] prima vice non tanget eum, sed faciet ei inhiere per majores et scabinos ingressum villæ, donec paci aut treuga sit inter eos. Homines de mortali facto nemo conducet in eandem villam (sic) præter nos et Willermus, sed neque eum qui villam prædatus fuerit, quando prædam retinebit. Si qui extra habitantium ea villa manere voluerit, maneat secundum prædictas consuetudines; et quando exire voluerit, exeat cum rebus, salvis consuetudinibus, et jure nostro. Talem consuetudinem et jus in eadem villa majores habere voluimus; unicuique scilicet eorum redditus duorum quarteriorum terræ relaxamus; duodecim panes et duodecim denarios pro vino emendo, et porcum tribus solidis et dimidio appretiatum et foragia eis concedimus. Si autem unus majorum quacunque ex causa defuerit, alter eorum nihilominus vices nostras et Willermi adimplebit. Consuetudo et jus scabinorum est, de emendatione forisfactorum a quibus et clamor et responsio facta fuerit ante eos, habere unum sextarium vini nec melioris, nec pejoris, quod solvet ille qui emendabit in festo S. Remigii, S. Martini, Natalis et Paschæ, quando colligunt redditus nostros in villa. Majores ducent eos secum ad prandium et procurabunt. Si de aliquo iudicio dubitaverint, et ad requirendum Remis venerint, ille qui querelam perdet, et eos eundo et redeundo procurabit. Hanc consuetudinem jurabunt homines prædictæ villæ, et

(15) La charte que nous publions était évidemment inconnue à Marlot.

(16) A quelle loi ce passage fait-il allusion? s'agit-il d'une charte déjà donnée précédemment en fa-

veur de Thuisy? s'agit-il des dispositions plus générales arrêtées par le généreux Guillaume, en faveur des administrations communales?

singulis quindecim annis renovabitur idem juramentum. Ut igitur hæc omnia rata permaneant sigilli nostri impressione fecimus confirmari.

Actum anno 1191. Datum, vacante cancellaria.

## XVII.

*Privilegium pro abbacia Signiacensi.*

(Anno 1191.)

[MARLOT, *Metropol. Rem.*, II, 879.]

WILLELMUS Dei gratia Remensis archiepiscopus, S. R. E. tituli S. Sabinæ cardinalis, apostolicæ sedis legatus, universis præsentibus litteras inspecturis, salutem.

Res gestæ scripto transferruntur ad posterum, et ejus beneficio docetur ignorantia, et oblitio submovetur. Eapropter universis sanctæ matris Ecclesiæ illis notum facimus quod nos dilectis nostris in Christo abbati et conventui monasterii Signiacensis, Cisterciensis ordinis, de voluntate et assensu Remensis Ecclesiæ, concessimus in perpetuum immunitatem et libertatem emendi et vendendi libere in civitate nostra Remensi, et per totam terram nostram et Ecclesiæ Remensis, quicquid sibi putaverint necessarium, ducendi quoque, et reducendi res eorum, sine solutione telonei, sestelagii, vinagii, et absque ulla alia exactione ab iis exigenda.

Domum etiam eorum, quam acquisiverunt et ædificaverunt Remis, in loco qui vocatur Merochel, eisdem abbati et conventui concessimus cum proprio, et pertinentiis ejusdem domus possidendam in perpetuum, et habendam eam liberam, ea videlicet libertate, qua in eadem domo et ejusdem proprio vendere valeant et emere, sicut superius est expressum: nec infra clausuram ejus, sive proprium, quisquam hominem capere, sanguinem effundere, seu aliam violentiam, absque eorum licentia, valeat exercere. Hoc salvo quod si dictam domum, vel ejus proprium ad manum laicalem redire contigerit, omnis nostra jurisdictio, quam prius habebamus in eisdem, ad nos similiter revertatur.

In cujus rei testimonium præsentibus litteras sigillo nostro, necnon et Remensis Ecclesiæ communiri fecimus.

Datum anno gratiæ 1191.

## XVIII.

*Omnibus fidelibus qui in solemnitate B. Joannis ad ecclesiam apud Virtutum ab Henrico Campaniæ comite fundatam elemosynas erogaturi accesserint, iis xx dies de injunctis sibi penitentibus relaxat.*

(17) Idem comes Henricus Trecentis, prædictæ ecclesiæ fundator magnificus, Hierosolymam profecturus, decem libras in redditibus suis ad opus decaniæ perpetuo assignandas censuit, quam elemosynam Maria Trecentis comitissa mater ejus non probavit modo, sed et Willelmo fratri et ballivis suis, ut nusquam futuris temporibus omitteretur, injunxit, quam et pro sex libris centum et viginti

sextarios avenæ indulget, pro quatuor vero aliis censam ut vocat, de Rosseio, quæ omnia clarius constabunt ex charta prædicti archiepiscopi, quam ex chartulario Sancti Joannis exhibemus infra ad an. 1195.

(Anno 1191.)

[MARLOT, *Metropol. Rem.* II, 439.]

WILLELMUS Dei gratia Remorum archiepiscopus, S. R. E. tituli S. Sabinæ cardinalis, universis Christi fidelibus ad quos litteræ istæ pervenerint, salutem in vero salutari.

Quod in oculis divinæ majestatis placeat templi vel altaris ædificatio, nemo eorum ambigit, quæ Christiana professione censentur, ibi enim qui vulneratas habent conscientias medicum salutis inveniunt, illuc oppressi, et onerati de quibuscunque tribulationibus ad Deum clamaverint, accedunt curandi. Sic et in Veteri Testamento Moysen et sanctos patriarchas altaria construxisse, et Salomonem templum ædificasse Domino legimus, ubi nomen Domini invocaretur assidue, et pro universorum delictis decimæ et hostiæ pacificæ offerentur. Hujus tantæ commoditatis, quam in domo Dei fideles quotidie percipiunt, intuitu, charissimus nepos noster comes Henricus propriam domum apud castrum Virtuti dicari voluit Domino, et ad exhibendum ei dignum, ac devotum obsequium, canonicos ordinari. Nos quoque in honorem beati Joannis Baptistæ altare ibidem consecravimus, et ad amplificationem ejus loci, qui novella est plantatio, incrementum habere non potest, nisi quod contulerit devotio fidelium. Omnibus qui ad solemnitatem B. Joannis quæ est viii. Kal. Jul. elemosynas suas erogaturi accesserint, sive in vigilia, sive in die crastina post festivitatem venerint, viginti dies de injunctis sibi penitentibus, peccata oblita, vota fracta (si ad eadem servanda redierint) et offensas parentum, nisi manus violentas in eos injecerint, divina dispensatione misericorditer relaxamus.

Datum per manum Lambini, cancellarii nostri, anno incarnati Verbi 1191 (17).

## XIX.

*Magistro Garnerio, scholis Remensibus præfecto, dignitatem ac personatus titulum assignat cum dotis incremento (18).*

(Anno 1192.)

[D. MARLOT, *Metropol. Rem.*, I, 428.]

WILLELMUS Dei gratia Rem. archiepiscopus, S. R. E. tituli S. Sabinæ cardinalis, apostolicæ sedis legatus, universis S. M. E. filiis ad quos litteræ istæ pervenerint, salutem in Domino.

Notum fieri volumus quod cum dilecti filii nostri capituli Remensis magisterium scholarum Remensium dilecto clerico nostro magistro Garnerio ad preces nostras contulissent, nos unanimi omnium

sextarios avenæ indulget, pro quatuor vero aliis censam ut vocat, de Rosseio, quæ omnia clarius constabunt ex charta prædicti archiepiscopi, quam ex chartulario Sancti Joannis exhibemus infra ad an. 1195.

(18) Vacabat Remensis cancellaria per promotionem Lamberti Remensis cancellarii ad sedem Morinensem, an. 1191. MEYERUS.

voluntate ei assignavimus stallum in choro in perpetuum dignitatis, et personatus titulum ipsi, suisque successoribus obtinendum, jure electionis capitulo, sicut hucusque habuit, reservato. Nos vero attendentes, quod prædicto personatui modici, et minus sufficientes redditus antea fuerant assignati, tum intuitu Ecclesiæ, tum honestate et personæ favore eidem, et omnibus in præfato honore substituendis liberaliter concessimus quinque modios frumenti in molendinis nostris Remensibus singulis annis libere, et absque onere omnimode statutis terminis exsolvendos: tres videlicet in festo sancti Remigii in Octob. et duos in Pascha, quod ut ratum permaneat, etc. Actum anno 1192.

Datum vacante cancellaria (19).

XX.

*Charta qua Willelmus Remensis archiepiscopus vallem Radigionis, et plura alia confert capitulo Remensi.*

Anno 1192.)

VARIN, *Arch. admin. de la ville de Reims, t. I,* p. 420.]

WILLELMUS Dei gratia Remorum archiepiscopus, sanctæ Romanæ Ecclesiæ, etc.

Noverint tam præsentés quam futuri, quod nos statum Ecclesiæ Remensis per amplius augmentare cupientes, redditus de Valle Radigionis prius ad usum præposituræ Remensis deputatos, communi voluntate totius capituli et assensu, capituloque ad hoc solemniter convocato, eidem Remensi ecclesiæ liberaliter [reddidimus et] contulimus. [Contulimus etiam?] (20) altare de Garmerevilla cum omni censu quem ibi habebamus, altare etiam de villa Tardani, quæ canonici Remensis Ecclesiæ, Philippus vice dominus, Fulco et Leo in manu nostra resignaverunt; capitulo vero prædicta altaria eis concessit, sicut prius habuerant quoad vixerint, sub trecensu duorum solidorum singulis annis solvendorum, ita quod post eorum obitu libere ad ecclesiam revertentur. Præterea dedimus eis decimam de Juvigniaco, et quidquid ibidem thesaurarius Remensis habebat et decimam de Almericurte quæ antea ad thesaurariam Remensem pertinebant; et in recompensatione Novæ Villæ sitæ juxta Culmisiacum, cum vivario et molendino, quæ in manu nostra detinimus, et quæ prius fuerant thesaurariæ, stallos sæpe dictæ ecclesiæ assignavimus in foro ad æstimationem decem librarum censualium; et etiam quidquid thesaurarius habebat apud S. Stephanum super Sopiain, et medietatem altarium de Bachelon et de S. Lupo; et his omnibus prædictis, B. [Balduinum

(21)] præpositum nomine Ecclesiæ investivimus. Hæc autem omnia dedimus ad distribuendam canonicis qui ab inecepta epistola usque ad completum *Agnus Dei* missæ intererunt, et horæ sextæ; neque licebit eis exire de choro nisi honesta vel necessaria causa evocaverit eos, si distributionis faciendæ participes esse voluerunt.

Prædicti vero canonici tam magnifici beneficii non immemores, nec ingrati, nobis et omnibus successoribus nostris concesserunt donationem præposituræ et præpositi institutionem in perpetuum habendam, approbante universo capitulo et assentiente, et ad hoc convocato. Nos vero loco redditu præposituræ prius assignatorum, B. præposito et omnibus successoribus suis præpositis, in perpetuum obtinendum assignavimus et contulimus quidquid prius habuit thesaurarius Remensis apud Montiniacum, Bathœieium et apud Villeir Asnorum, acceptis redditibus vini ejusdem villæ, scilicet Villeir Asnorum quos in manu nostra et dispositione retinimus. Vacante autem præpositura, redditus præposituræ capitulo percipiet. Quicumque vero pro tempore erit præpositus, promptissima homini exhibitione archiepiscopo facta, sicut et alii personatus faciunt, capitulo jurabit fidelitatem, et se mansionarium esse in civitate, et fideliter observaturum quidquid continetur in charta nostra quam penes se habet præscripta Remensis ecclesiæ sigillatum de præpositura, eo accepto quod de Valle Radigionis ibi continetur, quia eam de cætero nulli præposito licebit reclamare. Hæc omnia facta sunt, vacante thesauraria. Ut autem ordinatio hæc et status iste perpetuam obtineant firmitatem, nos cum omnibus presbyteris tunc canonicis, excommunicavimus omnes illos qui hunc statum tam solemniter factum immutarent. Et ut hæc omnia rata permanent et inconcussa, præsentis scripti patrocinio communimus et sigilli nostri impressione confirmavimus.

Actum anno Verbi incarnati 1192. Datum, vacante cancellaria.

XX bis.

*Privilegium pro ecclesia B. Joannis de Virtute.*

(Anno 1193.)

[MARLOT, *Metropol. Rem., II, 440.*]

WILLELMUS Dei gratia Remorum archiepiscopus, S. Romanæ Ecclesiæ tituli Sanctæ Sabinæ cardinalis, apostolicæ sedis legatus, omnibus ad quod litteræ istæ pervenerint, in Domino salutem.

Noverit universitas vestra quod charissimus nepos noster Henricus comes Trecentis Hierosolyman

(19) Hanc chartam qua scholarchæ dignitas instituitur Cælestinus papa III confirmavit vii Idus Junii, pontificatus anno vi, et Philippus Augustus eodem anno, regni xiii, æstantibus in palatio Guidone buticulario, Mattheo camerario, constabulario, et dapifero nullis. Vacante cancellaria.

(20) Il nous semble qu'ici, outre les mots que nous

avons ajoutés, il manque le nom d'un des autels désignés par les trois chanoines.

(21) Il se trouve cart. G. du cap., fol. 51, verso, et 52, une Charte de Guillaume, datée de 1192, comme l'acte que nous donnons, et qui confère la prévôté à Balduinus; plus une Lettre du pape qui confirme cette élection.

profecturas pro remedio mīmæ s̄c̄e, parentumque A  
 suorum nobis commisit ad ep̄us decaniæ ecclesiæ  
 Beati Joannis de Virtute (22), cujus ipse fundator  
 exstiterat, decem librarum redditus in suis redditi-  
 bus perpetuo assignandos, super quo charissima  
 soror nostra mater ejus M. Trecentis comitissa a  
 nobis requisita, benigne voluit quod ipse mandā-  
 verat adimpleri, et tam nobis, quam ballivis, et  
 servientibus suis recommisit eandem assignatio-  
 nem faciendam. Unde nos cum ipsis eidem decaniæ  
 assignavimus pro sex libris vi<sup>xx</sup> sextario avenœ,  
 videlicet sexaginta octo in censu apud Sollerias, et  
 xxxii in Sonneis de Virtute, et xx in Sonneis de  
 Bergeriis, et censum de Roffio pro iv libris, quæ  
 omnia eidem comiti perpetuo debebantur: eadem  
 vero illi qui ea debent prædictæ ecclesiæ decano,  
 vel officiali ejus apud Virtutum annuatim reddere  
 tenebuntur. Quod ut ratum permaneat præsentis  
 scripti pagina confirmamus, statuentes et sub in-  
 terminatione anathematis inhibentes, ne quis hanc  
 nostre confirmationis paginam audeat infringere,  
 aut ei temere contraire, salva in omnibus aposto-  
 licæ sedis auctoritate.

Actum Remis anno dom. Incarnat. 1193.

Datum vacante cancellaria (23).

### XXI.

*Ad petitionem canonicorum Sancti Quintini in Viro-*  
*mandia, id quod de foranitate, juxta decretum*  
*Alexandri III, confirmat.*

(Anno 1196.)

[MARLOT, *Metropol. Rem.*, II, 445.]

WILLELMUS Dei gratia Remorum archiepiscopus,  
 sanctæ Romanæ Ecclesiæ tit. Sanctæ Sabinæ car-  
 dinalis, apostolicæ sedis legatus, omnibus ad quos  
 præsens scriptum pervenerit, salutem.

Notum facimus tam præsentibus, quam futuris  
 quod nos foranitatem in Ecclesia Beati Quintini  
 a dilectis filiis decano, et capitulo ejusdem Eccle-  
 siæ institutam, et a domino Alexandro papa bonæ  
 memoriæ confirmatam, approbamus et ratam ha-  
 bemus, et juxta apostolici tenorem authentici præ-  
 sentis scripti patrocinio et sigilli nostri munimine  
 confirmamus. Remisimus etiam prædictæ Ecclesiæ  
 petitionem privatæ præbendæ, quam in ea, et ab ea  
 petebamus, etc. Quod ut ratum permaneat, litteris  
 et sigillo nostro fecimus roborari.

Actum anno 1196.

### XXII.

*Abbatibus SS. Remigii, Nicasii et Dionysii faculta-*  
*tem habendi servientem unum, seu burgensem li-*  
*berum in banno suo cum eadem immunitate, qua*  
*fruuntur burgenses canonicorum concedit.*

(Anno 1196.)

[MARLOT, *Metropol. Rem.*, II, 457.]

WILLELMUS Dei gratia Remorum archiepiscopus,  
 S. R. E. tituli S. Sabinæ cardinalis, apostolicæ se-

(22) Decania hic vocatur ecclesia S. Joannis, quod  
 decanus et præsideret, nunc diaconatus officium  
 non est, sed qui senior est inter canonicos deca-

dis legatus, omnibus ad quos litteræ istæ pervene-  
 rint, in Domino salutem.

Noverit universitas vestra quod cum ecclesia  
 Beati Remigii Remensis nobis in omnibus tam ob-  
 noxia semper teneatur, quam devota, nos pensan-  
 tes quam ei reddere possemus recompensationem,  
 concessimus, et dedimus ei unum de burgensibus  
 nostris Remensibus mediæ æstimationis, burgen-  
 sem liberum, et emancipatum a nobis ea libertate,  
 qua communes Ecclesiæ nostræ majoris servientes  
 habentur in pace perpetuo habendum et quiete, etc.

Actum anno 1196.

Datum per manum Matthæi cancellarii.

### XXIII.

B *Charta de sententia lata in dominum Nicolaum de*  
*Ruminiaco.*

(Anno 1200).

[VARIN, *Arch. adm. de la ville de Reims*; t. I. p. 437.]

WILLELMUS Dei gratia Remorum archiepiscopus.... dilectis filiis canonicis Remensibus, salu-  
 tem.

Cum ex suscepto pastoralis sollicitudinis officio,  
 universis ecclesiis in Remensi provincia constitutis  
 studio manutiori providere teneamur, bona eccle-  
 siæ vestræ quam specialius amplectimur, integra et  
 illibata conservare volumus et optamus. Verum huic  
 desiderio nostro vir nobilis Nicolaus de Ruminiaco  
 indurato corde resistens, possessiones quasdam  
 ecclesiæ vestræ violenter occupare et injuste deti-  
 nere præsumit; sed quia eum super damnis et inju-  
 riis ecclesiæ vestræ illatis sæpius convenimus et in-  
 venimus lapidem, non illum lapidem de quo sus-  
 citat Dominus filios Abrahæ sed lapidem in quo  
 nihil est humoris in quo radicem non habet semen  
 verbi Dei, cum a vobis requisiti fuerimus ipsum  
 tanquam putridum membrum a corpore sanctæ Ec-  
 cliæ ferro excommunicationis separabimus uxo-  
 rem ejus et liberos, familiam et terram ipsius in-  
 terdicto supponentes, et ne sacerdotalis benedic-  
 tionis odore aliquo resciantur, ad petitionem ve-  
 stram, si vobis ita visum fuerit, presbyteros omnes  
 de terra ipsius exire compellemus, hospitalariis  
 omnibus, omnino divinorum celebrationem ibi pro-  
 hibentes; facientes etiam quod statuerimus per to-  
 tam Remensem provinciam ita observari quod si ca-  
 su vel necessitate ad aliquam civitatem, vel oppi-  
 dum vel illam pervenerit, quandiu ibi præsens  
 fuerit, celebratio divinorum interdicetur; et ut sen-  
 tentia super eum lata duplex robor obtineat (eam)  
 auctoritate domini legati Ostiensis episcopi facie-  
 mus confirmari; et ne de statutis aliqua dubitatio  
 possit alicui suboriri, præsens scriptum sigilli nostri  
 impressione roboramus.

Actum anno Incarnationis Domine 1200.

Datum per manum Matthæi, cancellarii nostri.

nus honoris gratia appellatur.

(23) Meminit Petrus Cellen. abbat. S. Mariæ Vir-  
 tudensis lib. II, epist. 14.

## XXIII bis.

*Charta Guillelmi I archiepiscopi Remensis. de electione abbatissarum Avenacensium.*

(Anno 1200.)

[*Gall. Christ. nov.*, X, 51.]

WILLELMUS Dei gratia Remensis archiepisc. sanctæ Romanæ Ecclesiæ titulo Sanctæ Sabinæ cardinalis, charissimo nepoti suo Th. comiti Trecensi palatino, salutem et sinceræ dilectionis affectum.

Scimus et testamur quod ecclesia de Avenay quando abbatissam non habet, a comite Trecensi requirere debet licentiam eligendi, nec eligere debet aut potest, donec a comite Trecensi licentiam requisierit; nec ab archiepiscopo vel ecclesia Remensi licentiam eligendi requirere tenetur. Quod autem de matertera fidelis nostri Gaufridi de Joinvilla fecimus, propter necessitatem de Jotro et de Avenio ecclesiarum fecimus; et de dilectione vestra fiduciam assumpsimus faciendi. Rogamus igitur vos, et cum affectu requirimus, ut propter honorem nostrum et amorem ecclesiæ et abbatissæ de Avenio, vestram remittatis offensam.

## XXIV.

*Leprosi Remensibus, ob nundinarum translationem in vicum Culturæ, centum sextarios in excambium concedit.*

(Anno 1201.)

[*MARLOT, Metropol. Rem.*, II, 452.]

WILLELMUS Dei gratia Rem. archiepiscopus, et Ecclesiæ Romanæ tituli Sanctæ Sabinæ cardinalis.

Noverit universitas vestra quod nundinas quas habebant Leprosi Remenses in septimana Paschæ juxta domum suam, transtulimus ad vicum qui *Cultura* dicitur, ad meliorationem vici, et eisdem Leprosi in excambium assignavimus centum sextarios frumenti, ad mensuram Remis in molendinis nostris inter duos pontes, singulis annis de primo blado, quod exierit de molendinis, in perpetuum percipiendos, etc.

Actum an. 1201, mense Octobri.

Datum per manum Matthæi cancellarii.

## XXV.

*Hospitali domo S. Antonii Remensi, ab ipso fundatæ, privilegia multa impertitur (24).*

(Anno 1201.)

[*Actes de la prov. ecclés. de Reims*, II, 352.]

WILLELMUS Dei gratia Remensis archiepiscopus, sanctæ Romanæ Ecclesiæ tituli Sanctæ Sabinæ cardinalis, omnibus sanctæ matris Ecclesiæ fidelibus ad quos litteræ istæ pervenerint, in Domino salutem.

Quoniam inter cæteros humanæ fragilitatis eventus, non est facile filiis hominum evadere delictorum incursum, proposita sunt nobis pietatis opera ad nostræ salutis remedium, quibus tanto amplius Deum valeamus habere propitium, quanto ea exercuerimus in necessitatibus pauperum: *Quia chari-*

*A tas operit multitudinem peccatorum, (I Petr., 4).*

Cum igitur pastoralis sollicitudo quæque prava et inordinata corrigere, evellere, et dissipare, et eaque ad dilectionem Dei et proximi spectant inserere, ædificare et plantare teneatur, nos solerter et attente considerantes quod a beato Remigio Remorum quondam antistite sanctissimo tredecim præbendulæ pauperum, unicuique quotidianus panis et denarius, laudabiliter institutæ, plerumque per ignorantiam, quandoque per amicorum suggestionem indignis, inhonestis, et infanibus personis contra intentionem sancti institutoris indiscrete conferrentur: dignum intelleximus, meritoriumque reputavimus, ut beneficium quod de patrimonio crucifixi periculose distribuebatur, secundum rationis et veritatis lineam deinceps pauperibus infirmis et ægrotantibus salubriter erogetur. Nos itaque glorioso confessori satisfacere desiderantes, eaque sunt Dei Deo, et pauperibus Christi quæ sibi clementer assignata sunt reddere satagentes, ad emolumentum animæ nostræ, et tam ad omnium prædecessorum nostrorum indulgentiam, quam ad successorum nostrorum benefaciendi piam instructionem, quamdam domum hospitalem juxta grangiam nostram ad portam Bacchi pietatis intuitu fundari fecimus et superædificari: quatenus ibidem viginti pauperes languentes in perpetuum recipiantur et misericorditer foveantur; qui etiam fructum prædictarum tredecim præbendarum perenniter et incommutabiliter obtineant, et prout facultas et possessio pauperum, Deo annuente, dilatabitur, ita et eorumdem numerositas, et humanitatis exhibitio consequenter multiplicabitur. Recolentes siquidem terribilem Evangelii sententiam, et ad memoriam sedulo revocantes, quia qui in terris Christum hospitem suscipere, et infirmatum visitare, ac ipsum esurientem et sitientem reficere neglexerint, in die ultionis Domini supplicii deputabuntur æternis (*Matth. xxv*): ad sustentationem prædictorum carcerariorum, consilio et assensu totius capituli nostri, superaddidimus et adjunximus octo modios frumenti in sexsterlagio Remensi annuatim requirendos; et erit pondus præbendalis panis, viginti panes de cartello; et stabilivimus septuaginta modios vini de redditu nostro Montis-Valesii quotannis persolvendos; et erit mensura vini unicuique pauperi dimidia metreta, et etiam miseris et miserandis ægrotis de mensa Remensis pontificis cum præsens fuerit semel in hebdomada die Martis, aut in die Jovis reliquias et fragmenta decrevimus in æternum distribuenda. Verumtamen quia nobis a Domino injunctum est ut de bonis Ecclesiæ quæ gratis accepimus, gratis egenis largiri debeamus, ad opus coquinæ memoratorum languidorum, et ad usum pauperum, et ad retentionem et ad necessaria sæpe dictæ domus in hala nostra quam temporibus nostris

(24) L'hôpital fondé par Guillaume de Champagne était situé à la porte de la ville, appelée porte de Bacchus, où sont aujourd'hui les religieuses de la

congrégation de N.-D. Il subsista jusqu'au milieu du XVII<sup>e</sup> siècle.

fecimus et acquisivimus, tamsi ipsa hala alibi transferatur, vel in quæcunque alia ædificia transmutetur, aut si forte de reditu aliquando amplius non valuerit, viginti quinque libras Remenses per singulos annos confirmavimus percipiendas; et quia miserandorum languidorum necessitas omnibus aliis negotiis præferenda est, in prima solutione denariorum ejusdem halæ recipientur. Ad calefactionem vero pauperum infirmorum, et ad pulmentorum præparationem quinquaginta duas quadrigas lignorum in nemore archiepiscopali apud Calmisiacum annuatim requirendas pereuniter assignavimus; cujus videlicet memoris quamdam partem in diebus nostris magno et sumptuoso pretio comparavimus. Constituimus autem ut quicumque de cætero grangie nostræ, quæ juxta præfatam domum sita est, custos et provisor exstiterit, duas vaccas, cum cæteris suis vaccis custodire et nutrire tenebitur, de quarum fructu omnem proventum pauperes infirmi obtinebunt. Similiter vero quisquis deinceps infra mansionem Jardi episcopalis habitaverit, pannos et linteolos prædictorum infirmorum lavare et mundificare tenebitur (25). Hujus utique tam meritorii beneficii et commendabilis elemosynæ perpetuo fiet Dispensator quisquis procuracionem domus cujuslibet domini Remensis in posterum exsequetur: et unum servientem pauperibus concessimus ut eis provideat et ministret, qui assumpto religionis habitu omnimoda gaudeat libertate, archiepiscopali procuratori tantummodo responsurus. Processu quoque temporis si quisquam filius Belial) quod absit!) tam pium, tam necessarium opus a nobis devotissime institutum et solemniter confirmatum per negligentiam aut avaritiam diminuere aut penitus abofere præsumptuose attentaverit, magnifici confessoris Remigii meritis intervenientibus iram et indignationem Dei omnipotentis incurrat, et deleatur de libro viventium et cum justis non scribatur. Amen.

Actum anno incarnati Verbi 1204. Datum per manum Matthæi cancellarii nostri.

## XXVI.

*Charta super Christianitate Remensibus canonicis concessa.*

(Ann. 1201.)

[VARIN, *Arch. admin. de la ville de Reims*, t. 1, p. 445.]

WILLELMUS Dei gratia Remensis archiepiscopus, S. Romanæ Ecclesiæ tituli S. Sabinæ cardinalis, omnibus qui præsentem litteras viderint, salutem in Domino.

Cum a retroactis temporibus et antiquis, Remensis Ecclesiæ honestate vitæ semper et morum compositione floruert et inter Ecclesias Gallicanas speciali quadam prærogativa præcellere merito videatur, attendentes quoniam præcipue honestatis Ecclesiam præcipuis decet et plurimis libertatibus

A honorari; pro honore Ecclesiæ augmentando et pace servanda, prædictæ Ecclesiæ, duximus indulgendum, ut in villis suis et bannis tam propriis, quam illis quæ cum aliis habet communia in nostra diocesi constitutis ad universitatem capituli pertinentibus, plenæ justitiam Christianitatis obtineat; salvis nobis omnibus presbyterorum et clericorum justitiis, item sacrilegiorum omnium et matrimonialibus omnibus causis et retenta nobis terræ canonicorum Remensis civitatis, sicut hactenus est obtentum, justitia Christianitatis, item appellationibus nobis in omni negotio reservatis: sed cum ad nos fuerit appellatum, appellatio quidem tenebit, et præsentem capituli nuntio, si adesse voluerit, in curia nostra tractabitur causa; in cujus processu, si pœna pecuniaria, prout in causis fieri solet, incidit, nec remittere poterimus, nec nostris rationibus applicare; sed in solidum ad ecclesiam pertinebit. Licebit tamen capitulo super presbyteros et eorum capellanos pro suis justitiis, nisi eis obediunt, pœnam condignam imponere, quam nisi injuste latam, non poterimus revocare. Porro de hominibus vel hospitibus suis qui non in suis, seu [sed] alienis bannis morantur, id decernimus observari ut pro omnibus rebus ad ecclesiam spectantibus, eos possint per Christianitatem citare, citatosque pro rebus, ut dictum est, ad suas consuetudines et jura spectantibus convenire, et in eos ac domos ipsorum, atque familias, si expedierit excommunicationis vel interdicti sententiam promulgare et presbyteros tam in suis villis quam in aliis constitutos, si eis in hac parte obedire noluerint sententia condigna percellere, quas sententias a canonicis promulgatas nisi injuste late fuerint, usque ad condignam satisfactionem nobis erit illicitum relaxare, quæ omnia, salvo jure archidiaconorum, duximus concedenda. Cujus rei series ne memoriam humanam effugiat, vel (quod absit!) inalignitate mutetur, eam litterarum et sigilli præsentis patrocinio in perpetuum confirmamus.

Datum Anagninæ per manum Matthæi, cancellarii nostri, anno Verbi incarnati 1201, mense Januario.

## XXVII.

*Transactio inter Remensem archiepiscopum et capitulum Remense de francis servientibus.*

(Anno 1201.)

[VARIN, *Arch. admin. de la ville de Reims*, t. 1, p. 458.]

WILLELMUS Dei gratia Remensis archiepiscopus, sanctæ Romanæ Ecclesiæ tituli Sanctæ Sabinæ cardinalis, omnibus qui præsentem litteras viderint, salutem in Domino.

Quoniam divina favente clementia, nostris temporibus est concessum veterum ambiguitates decidere, et discordias veteres quæ frequentius passæ

(25) Aujourd'hui encore on lave au même lieu les linges de l'Hôtel Dieu.

sunt recidivum, ad unitatem et concordiam ir-  
gressibiliter revocare, ad universitatis vestre no-  
titiâ volumus pervenire, quod inter nos et præ-  
decessores nostros ex una parte (26) et capitulum  
Beate Mariæ Remensis ex altera, discordiæ et lites  
hactenus perdurarunt quanto frequentiores, tanto  
partî damnosiores utrique asserentibus nobis quod  
in civibus nostris ad suam servitium evocandis  
modum excederint; ipsis allegantibus e diverso,

(26) On ne sait quels étaient les différends entre  
les prédécesseurs de Guillaume aux Blanches-Mains  
et le chapitre, par rapport aux francs-servants  
communs et particuliers; le serment des archevê-  
ques, en 1096, avait fixé tous les droits, privi-  
lèges et exemptions du chapitre à l'égard de l'ar-  
chevêque. Les historiens de l'Eglise de Reims  
ne nous rapportent point, depuis 1096, d'autre  
différend que celui de Henri de France qu'ils plac-  
ent en 1164 (MARLOT, t. II, p. 392); il croit que  
ce différend n'arriva que parce que Henri de France  
ne voulut pas reconnaître le privilège que le cha-  
pitre prétendait avoir d'excommunier, et qu'il est  
vraisemblable que cet archevêque refusa de prêter  
le serment des archevêques. Cependant le cardinal  
Pierre semble insinuer le contraire dans sa lettre à  
l'archevêque Henri, laquelle est rapportée (p. 394,  
MARLOT, t. II), par ces paroles : *Consuetudines  
suas quas vos credo servare promissistis*. On voit bien  
par les lettres d'Alexandre III à Henri, archevêque,  
et à son frère, le roi Louis, que ce prélat avait des  
différends avec son chapitre qui se plaignait fort  
d'être vexé.

Le pape même parle des chanoines comme si,  
en ce temps, ils fussent sujets à la juridiction de  
leur archevêque; mais il ne dit pas en quoi con-  
sistaient ces vexations, *gravamina*. Il paraît seule-  
ment, par la lettre du cardinal Pierre, que l'Eglise  
se plaignait de ce que les coutumes marquées dans  
le serment prêté par l'archevêque Henri étaient  
violées surtout pour l'excommunication des mal-  
faiteurs du chapitre, *maxime*. Ce mot suppose que  
ces coutumes étaient violées en d'autres points qui  
pouvaient regarder les francs-servants du cha-  
pitre. Ces lettres sont rapportées par Marlot (*ibid.*,  
p. 393-394). Marlot ajoute qu'on ne voit pas quelle  
fut la fin de ce différend entre l'archevêque Henri  
et son chapitre. On est porté à croire qu'il subsista  
jusqu'à Guillaume aux Blanches-Mains, successeur  
immédiat d'Henri, lequel, comme on a vu, termina  
d'abord, en 1197, le différend de l'excommunica-  
tion. On ne pourrait pas autrement vérifier ces pa-  
roles : *Inter prædecessores nostros*.

(27) Notez que le chapitre se plaint non de ce que  
l'archevêque faisait des entreprises sur la juridiction  
que le chapitre prétend avoir sur les francs-servants  
communs et particuliers, mais de ce qu'il les tourmentait  
autre raison par des exactions qu'ils ne devaient  
pas payer, *indebitis exactionibus*. Voilà le sujet et  
la matière de la plainte du chapitre et par consé-  
quent l'objet de la transaction qu'il venait de faire.  
Pourquoi donc le chapitre veut-il que Guillaume aux  
Blanches-Mains ait traité avec lui sur la juridiction,  
tandis qu'il n'en était pas question, et qu'il nes'agis-  
sait que de droits pécuniaires que le chapitre pré-  
tendait ne devoir pas être levés sur ses servants  
comme sur les autres bourgeois? . . . quels pou-  
vaient donc être ces droits et exactions indues dont  
se plaignait le chapitre? c'étaient sans doute ces  
impositions et subsides extraordinaires, ces tailles  
ou taxes par tête que les seigneurs se permettaient  
de lever sur leurs vassaux dans les besoins extra-  
ordinaires, et dont ils avaient la dixième ou la  
vingtième-partie.

A. quod ministeriales nostri, nostra potestate abaten-  
tes, tam mansionarios ecclesiæ, quam communes  
capituli et canonicorum proprios servientes, inde-  
bitis exactionibus (27) justo districtius molesta-  
rent. De quibus Spiritus sancti annuente clemen-  
tia, et honorum virorum adjuvante consilio, trans-  
egimus in hunc modum : Sane unicuique canonico  
licitum erit unum solum (28) de justitia nostra et  
banno recipere servientem (29) qui omnimoda liber-

(28) Le chapitre prétend qu'avant cette transaction  
chaque chanoine pouvait avoir sur le ban de l'ar-  
chevêché jusqu'à trois servants, que le grand archi-  
diacre en a encore trois, et que cette Charte de  
1201 a réduit le nombre de trois servants à un  
seul, *unum solum*. On répond que le chapitre ne  
rapporte aucun titre qui ne fasse mention de ce  
droit. L'archevêque Guillaume aux Blanches-Mains  
se plaignait que le chapitre prenait sur son ban  
plus de servants qu'il n'en devait avoir, mais ce  
n'est pas une raison pour dire que chaque chanoine  
devait en avoir trois. On ne sait pas sur quoi est  
fondée la possession dans laquelle le grand archi-  
diacre est de prendre trois servants; mais quand il  
aurait ce droit il ne s'en suivrait pas que chaque  
chanoine aurait le même droit. La dignité du grand  
archidiacre était dans ces temps très-considérable  
par les revenus et la qualité des personnes qui la  
possédaient et encore plus considérable par la juri-  
diction qui y était attachée.

(29) Ces paroles signifient ou que le chanoine peut  
tirer du ban de l'archevêque un servant pour en être  
servi dans sa maison, ou qu'il peut avoir sur le ban de  
Mgr l'archevêque un franc-servant, sans que pour  
cela ce franc-servant aille demeurer avec le cha-  
noine. Dans le premier sens ce franc-servant par-  
ticulier est un véritable domestique demeurant avec  
son maître et nourri de son pain. Il paraît que c'est  
là l'idée qu'on en avait avant la Charte de 1201.  
Le mot *familiarium* dont l'archevêque Gervais se  
servait pour exprimer les servants particuliers,  
signifie de véritables domestiques qui demeurent  
avec leur maître. Le serment des archevêques ne  
parle point des francs-servants particuliers qu'il  
n'ajoute aussitôt : *Quos privatim in domibus nostris  
habemus, et si aliquos de clero habuerimus in domi-  
bus nostris, quod genus servientium decentissimum  
est*. Le servant ecclésiastique que le pape Alexan-  
dre III recommandait à l'archevêque Henri avait  
demeuré chez le chanoine à qui il demandait l'ar-  
gent qu'il lui avait prêté, *expleto sui servitii tempore*.  
La Charte de 1201 semble être favorable à la se-  
conde idée, puisque, après avoir dit que chaque  
chanoine pourra avoir un servant du ban de la  
justice de l'archevêque, elle ajoute que s'il le juge  
à propos, il pourra avoir plusieurs servants des au-  
tres bans ou endroits, *plures de aliis banis vel locis  
habere poterit servientes*; et plus bas que l'archevê-  
que et ses officiers ne pourront inquier et tour-  
menter les francs-servants communs et particuliers,  
demeurant sur son ban ou sur le ban du chapitre,  
*nec communibus, vel propriis canonicorum servienti-  
bus, in banno nostro vel suo commorantibus, injuriam  
aliquam irrogare*; ce qui insinue que les francs-  
servants communs ou particuliers pouvaient de-  
meurer sur le ban de l'archevêque ou du chapitre,  
à moins qu'on ne dise que par le mot *commorantibus*,  
il faut entendre non un domicile permanent, mais  
une demeure passagère, telle qui convient à des  
domestiques qui accourent des voitures; quoi  
qu'il en soit, le mot *serviens* signifie dans cette  
Charte un véritable domestique, *famulus*. C'est la  
signification qui en est donnée au dos de la Charte  
de Guillaume aux Blanches-Mains en 1197 pour la



tate (30) gaudebit ; hac tamen in receptione servientis ipsius cautela servata, ut canonicus antequam illum in servientem admittat, decano qui fidelis noster est, et tam nobis quam capitulo juramento tenetur astrictus, et qui ibidem pro tempore fuerit, illum debeat præsentare, cujus erit discernere, si personæ quem recipit servientem competat qualitas servientis ; cujus etiam decreto nec nos, nec canonicus poterit contraire. Quem susceptum, pro sua voluntate mutare, et alium modo prædicto recipere,

A canonicus poterit. Quem canonicum si cedere, vel decedere forte contigerit, nisi serviens ab (31) alio canonico non habente servientem de banno nostro fuerit evocatus, poterit, si voluerit, infra quadraginta dies a morte vel cessione canonici numerandos, sine impedimento et qualibet exactione ad communem urbem nostræ consuetudinem transire. Quod si voluerit, et sibi viderit expedire, canonicus plures de aliis hannis vel locis habere poterit servientes, qui quandiu in ejus servitio morabun-

concession d'un franc-servant à l'abbaye de S. Denis, en caractères qui paraissent du même temps : *De famulo nobis concesso a Remensi archiepiscopo*, et encore au dos de la Charte d'Albéric en 1212. *Charta Alberici pro immunitate famulorum canonicorum*, en caractères qui paraissent du même temps que la Charte.

(30) Le chapitre croit trouver dans ces termes *omnimoda libertate*, toutes les exemptions imaginables. . . Exemption de la juridiction spirituelle de l'archevêque, exemption de la juridiction temporelle, exemption du droit de stellage et de tous autres droits qui se lèvent sur les autres bourgeois ; mais il est fort aisé de le tromper ; ce n'est pas assez pour établir une telle exemption, surtout en choses spirituelles, qu'on allègue qu'on est exempt de toute manière, *omnimoda*, il faut que la nature de l'exemption soit conçue en termes clairs et précis, autrement il faudra interpréter les termes généraux sur lesquels on veut appuyer l'exemption particulière et les entendre conformément aux motifs pour lesquels on s'en est servi ; or, il est certain que quand Guillaume aux Blanches-Mains s'est servi des termes *omnimoda libertate*, ce n'était pas pour exprimer une exemption générale et indéfinie, mais seulement pour marquer que les francs-servants du chapitre seraient exempts des charges et droits auxquels la commune était sujette à son égard ; droits contenus aux deux, trois et quatrième article du serment des archevêques. Il suffit de dire, après Du Cange, que par ces droits on entendait la taille et tous les petits services que les seigneurs exigeaient alors de leurs vassaux et que la franchise des servants consistait dans l'affranchissement de ces droits, *et ideo dicuntur franci servientes, Gallice francs-sergents; quod a tallia et omni alio vili onere essent immunes*. Cette exemption n'allait pas jusqu'à affranchir ces servants de la juridiction temporelle et encore moins de la spirituelle, qui de droit divin appartient aux évêques seuls ; 1° ces termes *omnimoda libertate*, n'emportent point l'affranchissement de la juridiction spirituelle. Ces mêmes termes se trouvent dans la Charte de la concession d'un franc-servant faite dans la même année, 1201, par Guillaume aux Blanches-Mains, à l'hôpital de S. Antoine-de Reims ; cependant ce franc-servant, comme l'hôpital de S. Antoine dont il est religieux, a toujours été de la juridiction spirituelle et même temporelle de l'archevêque ; on en trouvera les preuves au tome II de Marlot, page 547 et suiv. D'ailleurs, l'archevêque Guillaume aux Blanches-Mains et le chapitre n'étaient point en différend sur la juridiction spirituelle de ces francs-servants. Le chapitre se plaignait de ce que les officiers de l'archevêque fatiguaient les francs-servants du chapitre par des exactions et des droits pécuniaires qu'on ne devait pas exiger d'eux ; ce n'est que par rapport à ce sujet, que Guillaume aux Blanches-Mains déclare les francs-servants particuliers exempts *omnimodo* à son égard ; 2° les mêmes raisons résistent à ce qu'on infère de ces termes *omnimoda libertate* une exemption de la juridiction temporelle. On

trouve même dans la suite de la Charte de quoi détruire toutes les conséquences que le chapitre voudrait tirer de ces termes pour établir cette exemption. Guillaume aux Blanches-Mains, après avoir dit qu'il sera libre à chaque chanoine de se donner sur le ban de l'archevêché un seul franc-servant, entièrement exempt à l'égard de l'archevêque, ajoute que chaque chanoine pourra, s'il le juge à propos, prendre sur les autres bans que celui de l'archevêché plusieurs francs-servants qui auront les mêmes exemptions à l'égard de l'archevêque tant qu'ils seront au service du chanoine, *pures de aliis hannis et locis habere poterit servientes, qui quandiu in ejus servitio morabuntur prætaxata libertate gaudebunt*. La Joannine interprète ce terme *plures* de sorte qu'un chanoine peut avoir, outre le serviant sur le ban de Mgr l'archevêque, encore deux, savoir : un sur le ban de S. Remy, un sur le ban du chapitre. On voit qu'en 1411, les chanoines exerçaient ce droit. Ils en usent encore sur le ban du chapitre, surtout pour les francs-servants communs ; on voit même dans l'arrêt de 1400 que les chanoines avaient des francs-servants à la campagne, comme à Brimon, La Vanne et autres endroits, et ces francs-servants avaient les mêmes exemptions que ceux de la ville. Ils n'étaient pas sujets aux charges de la communauté. L'on croit que ces francs-servants étaient les *Mansionarii* quoiqu'ils soient appelés dans les titres *francs-sergents*. Cela n'est pas surprenant ; comme les francs-servants particuliers étaient donnés aux chanoines mêmes qui ne gagnaient pas les gros fruits de leurs prébendes, pourvu qu'ils eussent, *possessiones procurandus vel domos conservandas*, il falloit des servants qui eussent sur les lieux soin de ces biens ; et par conséquent ils devaient avoir les mêmes exemptions que ceux de la ville. Guillaume aux Blanches-Mains accorde aux francs-servants pris dans d'autres bans que le sien le même affranchissement qu'à ceux qui seraient pris sur son ban, *prætaxata libertate*, c'est-à-dire *omnimoda*. Or, il serait ridicule de dire que cet archevêque affranchit ces francs-servants d'une juridiction qu'il n'a pas et qui appartient à d'autres seigneurs ; ces termes, *omnimoda libertate*, n'emportent pas dans cet endroit un affranchissement de juridiction temporelle. . . si par ces termes, *omnimoda libertate* on entendait un affranchissement plus étendu, la Charte de Guillaume aux Blanches-Mains contredirait le serment des archevêques, qui réserve à l'archevêque le cas soit personnel, soit réel, *capitalitium*, sur les servants communs et particuliers pris sur son ban.

(31) On est porté à croire que Guillaume aux Blanches-Mains, entendait par le mot *serviens*, un véritable domestique demeurant avec et chez son maître, *famulus* comme il est expliqué au dos de la charte du franc-servant de Saint-Denis, en 1197, et de celle d'Albéric, en 1212. En effet, on ne voit qu'en un seul endroit de cette charte que la demeure du serviant particulier soit distinguée de celle de son maître ; par ces termes *in banno nostro*, quoi qu'il aurait pu se faire que le serviant fût à un cha-

tur (32), præfaxata libertate gaudebunt. Notandum tamen quod foranei (33) nisi aliquando prius intrinseci fuerint, et nisi domicilia conservanda, ac possessiones habeant procurandas; item pueri infra subdiacognatum, et quicumque canonici cum aliis habuerint assiduam mansionem, ab iis cum quibus mo. am faciunt procurandi, de banno nostro nullum poterunt habere servientem. Intrinsecus autem intelligimus eos qui per septem menses continue vel interpolate, a nativitate beati Joannis, usque ad annum completum, in nostro vel Ecclesiæ ipsius servitio morabuntur. Porro de mansionariis ecclesiæ in banno ejus morantibus et servientibus patienter et dilucide, profitemur, quod in bannis ecclesiæ ubilibet infra urbis ipsius ambitum, vel in ejus suburbiis (34) constitutis, nos, successores nostri, vel qui rationibus nostris præsent, nulla occasione, pro nullo prorsus delicto aliquem possumus infestare vel capere, nec civiliter aliquateus, nisi sub capituli ipsius examine, convenire, nec res inibi constitutas diripere, nec mansionariis ipsis in banno ecclesiæ moram, ut dictum est, facientibus, nec communibus vel propriis canonicorum servientibus, in banno nostro vel suo commorantibus, injuriam aliquam irrogare. Verum quoniam damna sibi a nobis et nostris irrogata fuisse dicebant, pro æstimatione damnorum, nec minus pro

A moderatione super servientibus facta, mansionariis ecclesiæ in banno suo constitutos ubicunque sint positi in bannis et villis ecclesiæ tam acquisitis quam acquirendis, ea decernimus libertate gaudere quam mansionarios urbis, tam de antiqua consuetudine quam nostra concessione, sicut præmisimus, certum est obtinere; ut scilicet, passim et indifferenter prout eis placuerit venientes ad urbem et ab ea quandocunque placuerit recedentes, non possint ab aliquo, vel pro aliquo, nisi sub capituli ipsius examine conveniri, nec aliquatenus molestari; nisi forte eos idem contingeret ad præsens et evidens intercepti forisfactum; qua in re nec forensis mansionariis in urbe positus parceretur. Insuper pro prædictis eidem ecclesiæ sexaginta libris monetæ Remensis omni anno de nostris theloneis primo percipiendis, perpetua stabilitate donamus; pro quibus modo prædicto solvendis, quicumque theloneis nostris præfuerit, in sua institutione capitulo juramentum præstabit. Cujus rei series ne memoriam humanam effugiat, vel (quod absit!) malignitate mutetur, eam litterarum et sigilli præsentis patrocinio in perpetuum confirmamus.

Datum Anagninæ, per manum Matthæi cancellarii nostri, anno Verbi incarnati 1201 mense Januarii (35).

noine qui demeurât sur le ban de l'archevêque. Dans les autres endroits de cette charte, rien ne détermine à penser que la demeure du franc-servant particulier doit être différente de celle de son chanoine. On y lit : *In civibus nostris ad suum servitium evocandis . . . De justitia nostra et banno recipere servientem . . . De banno nostro fuerit evocatus . . . plures de aliis bannis vel locis habere poterit servientes*. Tous ces termes peuvent signifier un servant ou domestique tiré du ban d'un seigneur pour aller demeurer avec son maître. On a rapporté plus haut des autorités qui prouvent que les francs-servants particuliers demeuraient avec leurs maîtres. La simonine est le 1<sup>er</sup> titre du chapitre qui, au lieu de dire comme la charte de Guillaume aux-Blanches-Mains : *De banno nostro recipere servientem*, ait dit : *In et de banno archiepiscopi habere servientes communes et proprios*; de sorte que tous les titres qui sont venus depuis portent la proposition *in*, au lieu de celle *de*, ce qui fait un sens bien différent.

(32) Le chapitre pour écarter l'idée qu'on vient de donner des francs-servants, oppose ce que l'archevêque Guy de Roye disait, en 1402, pour détruire l'exemption prétendue des francs-servants du chapitre. Ce prélat reprochait au chapitre que c'était les plus riches et les plus notables bourgeois qu'on choisissait pour francs-servants, et qu'on exemptait par ce moyen des charges de la ville : *A quibus oneribus per hujusmodi exemptiones ditiores se subtrahunt, cum citius ac libentius dicti de capitulo ditiores ac notabiliores Remenses cives quam pauperes eximerent ac eximant, ipsos francos efficiendo*. On répond que Guy de Roye, en rapportant ce qui se passait de son temps, au sujet des francs-servants du chapitre, ne prétend pas pour cela approuver ce que faisait le chapitre; que au contraire, il s'en sert comme d'un moyen très-fort pour faire voir les inconvénients de la prétendue exemption de ces francs-servants. L'usage dans lequel le chapitre était alors de choisir ses francs-

servants dans ce qu'il y avait de plus riche et de plus notable parmi les bourgeois de la ville n'empêche pas que dans l'origine les francs-servants ne fussent de véritables domestiques accordés au chapitre pour servir les chanoines et avoir soin de leur temporel, *famulos quoque dedit*. . . Il en est de même que des pauvres de Saint-Rigobert; parce que le chapitre confère aujourd'hui les pauvretés à des personnes aisées, s'en suit-il que ces pauvretés, suivant leur fondation, ne soient pas pour des pauvres nécessiteux? d'ailleurs, dans ces temps où l'archevêque était à l'élection du chapitre, il n'était pas surprenant que les plus notables et les plus riches cherchassent à être francs-servants du chapitre; le chapitre était alors tout rempli des personnes de la première qualité. Des cardinaux, des neveux de papes, des princes du sang royal, ne se croyaient pas déshonorés d'être chanoines, parce que on ne pouvait être élu archevêque qu'on ne fût chanoine. Par la même raison, les plus riches bourgeois ne dédaignaient pas de s'attacher à des chanoines de cette qualité dont la protection était puissante, comme on voit des personnes très-nobles ne pas mépriser, encore aujourd'hui, d'être officiers de cardinaux et autres prélats distingués par leur rang et leur naissance.

(33) La Joannine explique ce mot *foranei* des chanoines qui ne font pas leurs gros fruits. L'interdiction d'avoir un franc-servant, prononcée par ces paroles contre ceux qui n'ont point de maisons à conserver, de biens à administrer, ou qui ne gagnent pas leurs gros fruits, achemine de prouver que ces francs-servants étaient de vrais serviteurs, des administrateurs des affaires temporelles des chanoines.

(34) C'est vraisemblablement cet article qui a transmis au chapitre, la haute justice sur le terrain de campagne, nommé *Terre commune*, qui dans la suite a fait partie de la ville.

(35) La liasse des archives du chapitre, d'où est extraite la pièce que nous venons de publier, con-

# PHILIPPI REGIS FRANCORUM

## EPISTOLA

Ad Willelmum Remensem archiepiscopum.

*De decima Saladina* (36).

(Anno 1189.)

(D. MARLOT, *Metrovolis Remensis*, tom. II, pag. 423.)

PHILIPPUS, Dei gratia Francorum rex, viro venerabili et charissimo avunculo suo WILLELMO eadem gratia Rem. archiepiscopo, et universis ejusdem provinciae tam ecclesiasticis quam laicis personis: salutem in perpetuum.

Cum ad restaurationem terrae sanctae, ecclesiarum regni, et principum assensu, rerum mobilium et reddituum, tam ab ecclesiasticis quam laicis personis decimae semel exactae fuerint, ne ad consequentiam facti hujus enormitas traheretur, statui-

mus ne hujus exactionis occasione, vel ob similem causam aliquid ullo modo ulterius exigatur, etc.

Actum Parisiis anno Verbi incarnati 1189, regni nostri x, astantibus in palatio nostro quorum nomina supposita sunt:

Signum comitis Theobaldi dapiferi nostri.

Signum Guidonis buticularii.

Signum Matthaei camerarii.

Signum Radulphi constabularii.

Data vacante cancellaria.

## WILLELMI CUJUSDAM

Epistola nuncupatoria ad Willelmum archiepiscopum Remensem in suam *Microcosmographiam*.

(Circa annum 1180.)

(D. MARTEN., *Amplissima Collect.*, I, 946, ex ms. Trevirensi S. Matthaei.)

Reverendo Patri et domino WILLELMO Dei gratia Remensi archiep. et apost. sedis legato, WILHEL-

tient en outre diverses confirmations qui en ont été faites à diverses époques.

1<sup>o</sup> Avril 1202. Confirmation par Philippe-Auguste de la reconnaissance des 60 liv. de rente que le chapitre a droit de prendre sur les revenus de l'archevêché.

2<sup>o</sup> Trois bulles d'Innocent III, en 1201; de Grégoire IX, en 1229, et d'Alexandre IV, en 1256. Voici ce que la 1<sup>re</sup> renferme de plus important.

Innocentius III, episcopus . . . sane cum et inter vos et ecclesiam vestram ex una parte, et venerabilem fratrem nostrum Willelmum archiepiscopum vestrum ex altera, fuisset exorta dissensio super quibusdam damnis et injuriis quae vobis et ipsi ecclesiae illata dicebatur ab ipso; dicto archiepiscopo in contrarium allegante, quod excederetis modum in civibus suis ad vestrum servitium evocandis; pro quibus etiam querelis fuit ad nostram audientiam appellatum, et vos appellationem vestram fecistis per dilectos filios R. succentorem, magistrum F., Hugonem et PH. vestros canonicos prosecuti; tandem ipsi monitis nostris inducti, potius eligentes inter se compositionem inire, quam

MUS suorum minimus, suam *Microcosmographiam*. Inter ceteras animi tui virtutes, maxime ample-

causam intrare, lites suas amicabili compositione sedarunt. Nos igitur. . .

Datum Anagninae Idibus Januarii pontificatus nostri anno quarto.

(36) Ad impensas suscepti belli sacri statutum est, ex assensu et consilio episcoporum et procerum, ut omnes tam ecclesiastici quam laici, exceptis iis qui peregrinationem susciperent, decimam reddituum et mobilium suorum integre regi persolverent. Fertur hujusmodi decimam *Saladinam* dictam ab bellum adversus Saladinum Babyloniae regem indictum, sed quod ejusdem pensatione plurimum gravarentur Ecclesiae, scripsit Petrus Blesensis, insignis vir pietatis et litteraturae, epistolam ad episcopum Aurelianensem, monens ut se cum aliis regi talia praescribenti intrepide objiceret. At prasulum querelas regem praecoccupasse veri simile est, cum Willelmo Remensi archiepiscopo, omnibusque clericis et laicis Remensis provinciae actu authentico declaravit mentem ejus non esse ut in posterum similis exactio fieret quacunque causa, vel praetextu.

ctor et approbo amorem litterarum, et honorem quem eis exhibes percopiosissimum. Quam id autem recte faciam videre licet. Quod enim dulcius studio litterato? his dico litteris quibus infinitatem rerum comprehendimus, Dei ac Domini nostri naturam ac potestatem contemplamur, quibus animum a corporeis voluptatibus seducimus, et secum esse cogimus, ex quibus honestissimam formulam vitæ atque morum mutuantes, virtutes excolumus, adeo ut non solum mores et scientiam, quæ nec in extremo vitæ tempore nos deserunt, quæ nonnihil studendo combibimus, verum etiam cum de hospitio carnis exeundum erit, actus nostros calculantes vitæ occupatione studii bene actæ, voluptuosa memoria perfruemur. Ad summum nulla vita magis molesta quam otiosa, nulla magis morigera quam studiosa. Si quantæ ergo hæc sunt causæ laudis, B tantas tibi laudes mihi conduceret ascribere, dignitatem excellentiæ tuæ cumulatissimis præconiis extollere contenderem: sed vereor ne hujus boni partem sibi nanciscatur inde nata voluptas, vel in oratione mea sensim subrepat adulatio, cui apud sapientem locus esse non debet, cujus cum virtute nullum est commercium; per quam meam apud aliquem nolim coalescere amicitiam vel familiaritatem. Sed ne utinam etiam apparens vel suspecta pariat odium, studiosius etiam eam vitarim propter lividos obtrequantium morsus, qui tantum legere quærentes quæ carpant, non amplius concupiscunt bona quæ laudent, quam minus probe dicta C quæ rideant, et ambigua quæ sinistre interpretentur. Quippe nimis singulares sunt, parem non patiuntur, minores contemnunt, majoribus invident, ab æqualibus ut sciolii videantur omnino dissentiunt. Sed tempus est ut moras nostras incidamus, et quidquid illud est quod proposuimus pauculis sermonibus explicemus.

Cum apud antiquos creberrimas quæstiones de constitutione humanæ naturæ, et ejus similitudine, et differentia cum aliis naturas inveniam ventilatas esse et quasdam solutas, quasdam cum suis dubitationibus dissertationi modernorum relictas; modernos vero non solum inventionibus suis vel judicio antiquis non præluxisse, nec saltem cum eis dubitasse, sed studio negligentem quo turpiter utuntur, D in eis magnas infudisse tenebras. Adeo ut si prius in memoriis fuerint, negligentia eorum omnino voverint in oblivionem. Quasdam illarum in unum colligere dignum duxi, easque singulariter probabiliterque pertractare, necnon paucis solutionibus,

A eisdem tamen luculenter venustare, opiniones antiquorum et solutiones minime prætermittens. Et si qua etiam mediocriter, non erronea, tamen nec fortuita opinione potero conjectare interponens. Hujus autem operis ultimum excellentiæ tuæ relinquendo examen, circa quod æstimata ingenio mei parvitate judicium habeas restrictius, ut honorem saltem quem dictioni ademeris, dones rei et materiæ. Quod autem nec dictioni nec materiæ vel rei donare noveris, auctori ignorantiam suam profitenti condones.

*Utrum homo naturaliter habeat intellectum.*

*Quod bruta careant necessario intellectu.*

*Quare omnia propter hominem facta sunt.*

*De anima.*

*Item de anima.*

*Alia sententia de anima.*

*Alia sententia.*

*Sententia Platonis.*

*De unione corporis et animæ simul.*

*De corpore hominis.*

*De elementis.*

*De corpore humano.*

*Quid sit visus et unde fiat.*

*Quare non appareat imago in vitro ut in speculo.*

*De parologizatione visus.*

*De tactu.*

*De auditu et utrum vox sit corpus.*

*De odoratu.*

*De gustu.*

*Quid sit virtus discretiva.*

*Quid sit prælectio et consilium.*

*Quid sit consilium et circa quæ.*

*De irrationali motu animæ.*

*De delectatione.*

*De afflictione.*

*Utrum aliqua sint in nobis in quibus consistere possit liberum arbitrium.*

*Quibus actibus dominemur.*

*Utrum naturaliter simus liberi arbitrii.*

*Quid sit ira.*

*Quid sit timor.*

*De motu voluntario et motu involuntario.*

*De motu involuntario.*

*Quid sit involuntarium per ignorantiam.*

CAPUT PRIMUM.

*Utrum homo naturaliter habeat intellectum.*

*Constat hominem ex anima intelligibili, etc.*

## JOANNES DE BELMEIS

LUGDUN. ARCHIEP.

## NOTITIA HISTORICA.

*(Gall. Christ. Nov., tom. II, col. 1180; tom. IV, col. 15.)*

1. Joannes cognomento *ad Albas-Manus*, natione **A** Anglus (1) et thesaurarius ecclesie Eboracensis, vir *jocundus*, largus et apprime litteratus, in episcopum designatur anno 1162, teste Roberto de Monte in Appendice ad Sigibertum. Anno 1166, memoratur in tabulis Monasterii-Novi, tempore Helie abbatis. Querelam prioris S. Radegundis adversus canonicos ejusdem ecclesie et abbatissam **B**. Crucis pro assignatione sedis, sopivit litteris datis Idibus Aprilis 1167. Mentio fit ejus in chartis monasterii de Stella, cujus abbatem Isaacum cum Hugone Calviniaci domino ad concordiam revocavit. Nominatur presens consecrationi ecclesie monasterii S. Amantii in agro Engolismensi anno 1170, quo in opere adjutor fuit Bertrandi archiepiscopi Burdigalensis, metropolitani sui. Anno 1171, **B** fuit pacis sequester inter Agnetem abbatissam Santonensem, et Willelmum abbatem Malleacensem. Anno 1173, litem Joannis Stellae abbatis pro decima Vastinensi composuit. Interest concilio Albiensi 1176, et Lateranensi 1179. Nominatur et in instrumento venditionis comitatus Marchie per Adelbertum comitem factae regi Angliae. Anno 1178, a regibus Ludovico VII Franciae, et Henrico II Angliae, pro conversione Albigensium missus est una cum Petro cardinali S. Chrysogoni, et archiepiscopis Bituricensi et Narbonensi, quemadmodum legere est apud Rogerium Hovedenum in *Annal. Anglor.* Legatione item sedis apostolicae per Gallias functus est, ex his verbis codicis Galteri: « Anno **C** gratiae 1181, in archiepiscopum Narbonensem electus est: qui cum Romam pergeret ut a summo pontifice Lucio confirmaretur, ab eodem factus est

archiepiscopus et primas Lugdunensis, et ob ejus eximiam eruditionem ab eodem in regno Franciae creatus est apostolicae sedis legatus. Caeterum quod hic dicitur de ipsius translatione ad sedem Lugdunensem, non anno 1181, sed sequenti factum probatur ex charta authentica S. Maxentii (2). Robertus de Monte in Chronico eum appellat magnae litteraturae et eloquentiae virum. In ejus manu quaedam dominia sui feodi cessit Hugo d'Ozai ante altare ecclesiae hujus loci, contulitque Absiensibus monachis (3). Ad eum scripsere Joannes Sarisburiensis Carnutum episcopus, et Stephanus Tornacensis, magna Gallicanae Ecclesiae lumina. Sed plura de Joanne nostro dicere super sedemus, de quo iterum agendum erit in Lugdunensibus archiepiscopis. Observandum vero est in epistolis quas ad eum scripsit Stephanus abbas S. Genovevae, postea Tornacensis episcopus, Joannem appellari in inscriptione S. sedis legatum, quamvis tunc esset Pictav. episc. At inscriptio forsitan non est auctoris sed editoris.

II. De Joanne a Bellis-Manibus jam egimus in Pictaviensibus episcopis, ea solum hic referemus quae ad eum ut Lugdunensem archiepiscopum pertinent. Anno 1181 designatus Narbonensis archipræsul, nondum ad hanc sedem a Romano pontifice confirmatus, mox ad Lugdunensem traducitur, ut docet Robertus de Monte ad hunc annum: « Joannes episcopus Pictaviensis, inquit, vir magnae litteraturae et eloquentiae, electus ad archiepiscopatum Narbonensem, cum Romam perrexisset propter praedictam benedictionem, annuente papa Lucio, clerici primae Lugdunensis elegerunt eum in archiepiscopum Lu-

(1) Refellunt Sammarthani fratres eorum sententiam, qui dicunt eum ex gente Bellismensi procreatum, Guillelmi scilicet, Talvatii dicti, comitis Alençonii et Pontivii, ac B. comitissae de Varena filium. Profert Bessius hoc excerptum ex martyrologio S. matris Ecclesiae Pict. quod putat scriptum ante annum 1200. Feodus quem dedit domnus episcopus Joannes de Villers Aler apud Samardum; ex quo intelligitur Joannem sic fuisse cognominatum.

(2) Ita legitur in fine chartae pro prioratu de Verinis: *Hoc autem factum est an. ab Incarn. Domini MCLXXXII, anno videlicet quo Johannes episc. Pictaviensis, creatus est archiep. Lugd., et in eodem facta est dissensio inter Richardum comitem Pictaviae, et A. regem Angliae de dominio Pictaviae habendo.* Idem confirmat alia charta de qua loquimur in Willelmo abb. Lucion.

(3) *Tabul. Absiense.*

glunensem, quæ sedes habet primatum super tres archiepiscopatus. » Idem tradit Galterus de Brugis in catalogo Pictaviensium episcoporum ms., qui dicitur *Galteri codex*, nisi quod absolute dicit: « A Lucio factus est archiepiscopus et primas Lugdunensis, » et addit: « et ob ejus eximiam eruditionem ab eodem in regno Franciæ creatus est apostolicæ sedis legatus. » Ei de sua ad hanc dignitatem promotione gratulatur Stephanus Tornaci episcopus epistola olim 92, nunc 75, his verbis: « Jucundum mihi theatrum proponit recordatio vestra.... concertant in idem caput provinciarum pontificales infule; et dum Pictaviensi cathedræ sacerdotem suum Narbonensis conatur eripere.... Narbonensem electum prima sedes Galliarum sibi vindicat Lugdunensis.... absit a mansuetudine vestra, ut ad Gothorum barbariem, ad levitatem Wasconum, ad crudeles et efferos mores Septimanæ declinetis, ubi supra fidem infidelitas, supra famam fames, dolus et dolor plusquam valeat æstimari!.... contremui fateor et expavi, cum ad ea loca vos invitari audirem, in quibus etsi contingeret vos præesse, facile esset non prodesse. Audito tamen quod Rodanusia Sidonii vos vocaret, gavisus sum gaudio magno, et primatem nostrum in gloria videre desidero, quem prius affectione patrem, liberalitate benevolum simul et beneficum sum expertus. Nepoti vestro archidiacono bonæ indolis adolescenti, sicut mandavistis, paratus sum et consilio, et auxilio providere. » Plures alias ad eundem epistolæ scripsit idem Stephanus. Ejusdem quoque iterum mentio habetur in pluribus litteris quas ad ipsum direxit Joannes Sarisburiensis Carnotensis episcopus; et in Guillelmo Neubrigensi, lib. v, cap. 3, *De rebus Anglicis*.

Lucius papa permutationem Guigonis comitis factam cum ecclesia Lugdunensi ratam habuit, bulla data « Velleterani per manum Alberti S. R. E. presbyteri cardinalis anno 1182, pontificatus anno 1. » At postea, cum idem comes pactum nihilominus contemneret, ejusque conditiones minime servaret, Joannes Philippum Augustum Francorum regem, comitis dominum, adiit, et ab eo concordiæ confirmationem obtinuit, præstito prius ei sacramento fidelitatis: unde in regio diplomate a Philippo dicitur « fidelis noster. » Anno supra memorato aut circiter, idem Lucius pontifex decreto quod refert Servetus, causam Carthusiæ Portarum adversus molestias Ivimontensium monachorum judicandam tuendamque committit, « venerabilibus fratribus Joanni Lugdunensi archiepiscopo... Datum Anagninæ XIII Kal. Martii. » Denique idem papa bullam ad ipsum et ad Oliv. decanum direxit, qua præsertim jussit aboleri pravam consuetudinem cessationis divini officii in primario templo quoties thesaurarius cessaret in refectorio manuales distributiones tradere; « Data Veronæ Idibus Aprilis, III pontificatus, » Id est Christi 1185. Fridericus imperator, accepto

(4) De Mura, pag. 315.

(5) *Rud. Insulæ Barbaræ*, pag. 123; *Bibl. Sebus*.

A Joan. hominio, omnia comitatus Lugdunensis jura, exarchique ac principis consilii in Burgundia ei confirmat an. 1184, bulla aurea eodem tenore, iisdem verbis exarata, quibus scripta fuerat ea, quam iisdem de rebus acceperat Heraclius. Eodem anno Guigo comes Forensis ejusque filius cognominis coram D. Joanne archiepiscopo Lugdunensi plura concedunt monasterio Vallis-benedictæ. Anno 1186, charta, quam referunt D. le Laboureur (4) et D. Guicheuon (5), « Joannes Dei gratia humilis sacerdos, apostolicæ sedis legatus, et capitulum primæ Lugdunensis Ecclesiæ » testantur virum nobilem Stephanum de Villars in Insula Barbara monachum receptum ac beneficio monacho debito tam in temporalibus quam in spiritualibus donatum, eidem cœnobio plura contulisse.

B Anno 1189, defuncto Stephano Eduensi antistite, illius Ecclesiæ regalia sibi attribuit Franciæ rex Philippus Augustus: quo audito Joannes Parisius profectus, de illata sibi injuria cum rege exposu- lavit, hic re examinata diploma edidit in hæc verba: « Legitimorum hominum testimonio Lugdunensis Ecclesiæ jus esse didicimus, ut quoties Eduensis sedes vacaverit, toties Lugdunensis archiepiscopus et regalia nostra Eduensis, et alia quæ ad episcopatum Eduensem pertinent in manu sua habeat: et vice versa quoties Lugdunensem sedem vacare contigerit, toties episcopus Eduensis in manu sua habeat et custodiat universa ad episcopatum Lugdunensem pertinentia: quocirca præcepimus ac decrevimus quatenus utraque Ecclesia jus suum integre habeat... ita quod Ecclesiarum non cedat ad præjudicium quod regalia episcopatus Eduensis ex ignorantia occupavimus post decessum Stephani Eduensis episcopi. Unde fideli nostro Joanni tunc archiepiscopo Lugdunensi regalia restituimus, et per ipsum successoribus, suis ipso episcopatu vacante, concessimus. Actum Parisiis an. 1189, regni decimo. » Eodem anno Philippus Augustus Franciæ et Richardus Angliæ reges ad sacrum bellum profecti cum exerciti- bus suis Lugdunum veniunt, ubi cum ipsi et maxima pars exercitus pontem Rhodani pertransiissent, pons ille corruit, et multos utriusque sexus submersit, inquit Math. Paris sub Richardo. Præsens fuerat an. 1184, chartæ foundationis Vallis-Benedictæ a Guigone Forensi comite: et anno 1187 ut « apostolicæ sedis legatus » dona eidem cœnobio a Girino de Bonofonte et a Pontio de Petraficta facta, auctoritate domini papæ confirmat (6). Anno 1190 tam ipse quam S. decanus et universum capitulum concedunt monasterio Benedictionis-Dei quidquid reclusa quædam, donante Ecclesia Lugdun. possidebat circa S. Epipodium; eandemque abbatiam sub sua clientela assumit apud D. de Mura (pag. 314 et 315). Anno 1192, « Joannes Dei gratia primæ Lugdunensis Ecclesiæ sacerdos humilis, et Stephanus ejusdem ecclesiæ decanus cum universo capitulo...

pag. 258.

(6) De Mura, pag. 312 et 314.

capellam de Forverio ab Oliverio bonæ memoriæ quondam decano in fundo nostro in honore B. Mariæ virginis, et S. Thomæ Cantuariensis archiepisc. et martyris inchoatam... restitimus, etc. Datum Lugduni, Cœlestino papa III, imperante Henrico I, et regnante Philippo rege. Anno a passione memorati martyris vicesimo, et salutis 1192. »

Transfretavit in Angliam an. 1194, teste Guilhelmo Neubrigensi, lib. v, cap. III, *De rebus Anglicis*.

Demum sæculi negotiorum pertæsus et ad vitam contemplativam anhelans, abdicato sponte episcopatu, monasticam vitam anno saltem 1195, in abbacia Claræ-Vallensif amplexus est, ubi ad mortem usque cum maxima pietate et devotione perseveravit teste Rogerio Hovedeno. Secessionis suæ causam aperit in epistola ad Glascuensem episcopum, quæ sic inscribitur : « Venerabili domino et consacerdoti G. Dei gratia Glasc. episcopo, J. primæ Lugdunensis Ecclesiæ quondam archiepiscopus, nunc autem sacerdotum Christi minimus. » In ea vero sic loquitur : « Illud modicum vitæ quæ mihi Deo auctore præbetur, in pœnitentia et lacrymis transigere, et vitæ contemplativæ..... » dulcedinem « prægustare » decrevi : « necesse enim habui dum Lugdunensis archiepiscopatus honore fungebatur, militiæ sæcularis honore implicari. Raptores et sacrilegos, et stratarum publicarum violatores prosequi, et eorum munitiones demoliri ; in quorum persecutione, non sp-

alum ipsorum malefactorum, sed etiam illorum quos deducebamus mortes aliquando contingebant. Unde... suppliciter exoro, quatenus pro reatu meorum venia intervenire dignemini. » Illum visitavit Hugo Lincolniensis episcopus dum Franciam peragraret, quod his verbis refert illius vitæ perantiquus codex : « Claræ-Vallem quoque visitavit : miserat siquidem Joannes Lugdunensis quondam archiepiscopus in occursum ejus venerabiles viros, obnixè supplicans... ut olim desideratam præsentia suæ copiam exhiberet. Qui jam ævo gravis officio curæ pastoralis renuntiaverat, retentisque duntaxat jussu summi pontificis insignibus pristinis (imo, ut alibi legi, reservata annua xiii librarum pensione) in illo cœnobio sacræ contemplationi sedulus vacabat. Sciscitanti autem episcopo, quibusdam scripturis meditationis suæ negotia devovisset, respondit : Psalmorum meditatio sola jam penitus totum sibi me vindicavit. » Anno 1201 per ipsum Innocentio papæ suggererent Claræ-vallenses, ut orationes in missa decantandas in honorem S. Bernardi præscriberet. Consensit pontifex, et eas misit cum epistola « Joanni quondam Lugdunensi archiepisc. scripta, lib. v, epist. 160, » ex qua sumptum est caput : « Cum Martiæ-Extr. de celebratione missarum. » In charta Belli-joci diœcesis Trecensis, ex tabulario Claræ-Vallis, Joannes dicitur « quondam archiepiscopus » Lugd., et notatur ut superstes anno 1197.

## JOANNIS DE BELMEIS

ARCHIEP. LUGDUN.

## EPISTOLÆ ET DIPLOMATA.

### I—VI.

*Ad Thomam Cantuariensem archiepiscopum.*

(Exstant inter epistolas Gilberti Foliot, *Patr. t. CXK*, col. 1022, 1025, 1028, 1030, 1031, 1033.)

### VII.

*Ad Gilbertum Londoniensem episcopum.*

(Vide *ibid.*, col. 1036.)

### VIII.

*Ad rectores Ecclesiarum. — Ut preces ad Deum fundant pro restitutione castri de Angla quod Ricardus Aquitanix dux et Pictaviensis comes usurpaverat.*

(Du CANGE, *Glossaire*, V, 1304.)

Cum in oppressionibus et angustiis universis recurrendum sit ad illud singulare remedium divinum Jesum Christum, qui prout vult, prout placet, facit in perturbatione serenum, et in tempestate tranquillum : nos in oppressione qua nos et Ecclesia

nostra Pictaviensis a nobili viro comite Pictaviensi et suis recurrere volentes ad ipsum Dominum Jesum Christum, cujus Ecclesiæ causam prosequimur in hac parte, districtè præcipimus, sub pœna excommunicationis, et in virtute obedientiæ firmiter injungentes, ut singuli Ecclesiarum rectores, quatenus non subjiciuntur ecclesiastico interdicto, exclamationem et pacem pro nobis et Ecclesia nostra singulis diebus Dominicis et festivis annalibus, faciant et dicant, prout inferius continetur ; cujusmodi formam recipiant a decanis et archipresbyteris suis, vel vicariis eorundem. Cantato vero *Agnus Dei*, antequam detur pax, dicat sacerdos flexis genibus : *Ante sucratissimum corpus et sanguinem tuum, Domine Jesu Christe, mundi Redemptor accedimus, et nobis in necessitatibus nostris a te vivo et vero Deo misericorditer subvenire clamantes imploramus, ut nobilem virum comitem Pictaviensem, et suos ac eos quorum consilio super te*

utitur, qui viribus suis confisi, Joannem episcopum nostrum et matrem Ecclesiam nostram Pictavensem castro et castellania de Angla cum pertinentiis suis per violentiam spoliaverunt, et adhuc detinent spoliatos, nec competenter moniti volunt satisfacere præmissis, vel aliquo de præmissis, propter quod et Ecclesia nostra et tua... quam in honore beatorum apostolorum Petri et Pauli fundasti, sedet in tristitia et mœrore, et non est qui consoletur eam nec liberet, nisi tu, Deus noster, ipsius comitis et sociorum suorum frangendo duritiam, ad viam et consilii sui justitiæ et veritatis inducas, et humiles ad restituendum prædictis et priora Ecclesiæ suæ jura, et satisfaciendo de prædictis injuriis competenter. Exsurge, inquam, in adjutorium episcopi nostri, et Ecclesiæ Pictavensi, et clamori nostro aures pietatis tuæ inclina. Respondeatur, Amen. Conforta eos et auxiliare eis, Amen. Expugna impugnantes eos, Amen. Frange duritiam eorum qui eos affligunt, Amen. Prædictos autem comites et suos, ac consilium suum, Domine, sicut scis, justifica in veritate tua, Amen. Fac eos, prout tibi placet, recognoscere maleficia sua, et libera prædictum episcopum et Ecclesiam Pictavensem misericordia tua, Amen. Ne despicias nos, Domine, clamantes ad te, Amen. Propter gloriam nominis tui, Domine, et misericordiam, qua ecclesiam prædictam fundasti, et in honore sanctorum tuorum apostolorum Petri et Pauli sublimasti, visita ipsam et episcopum ejus in pace, et erue eos a præsentis angustia, Amen. Tunc dicitur Psalmus CXXII : « Ad te levavi oculos meos ; » quo dicto, dicat sacerdos capitulum : « Salvos fac servos tuos, Esto eis turris fortitudinis ; » oratio : *Hostium episcopi et Ecclesiæ Pictavensis elide duritiam, et dexteræ tuæ virtute prosperæ, Amen.* Cum nos requisierimus, et moneri fecerimus competenter nobilem virum comitem Pictavensem, ut castrum et castellaniam de Angla, de quibus per Adam baillivum suum in Pictavia, et servientes suos nos fecit extra justitiam dissaisiri cum suis pertinentiis, etc.

## IX.

Ad G. Glascuensem episcopum. — De temporali regimine Ecclesiæ Lugdunensis. — Scripta post depositum munus episcopale.

(D. MABILLON, *Analect.*, ed. in-fol., p. 478.)

Venerabili domino et consacerdoti G. Dei gratia Glas. episcopo, J. primæ Lugdunensis Ecclesiæ quondam archiepiscopo, nunc autem sacerdotum Christi minimus, salutem in vero salutari.

Sicut vobis, bone frater, per priores litteras vestras responderamus, scimus quidem multo prudentiores et discretiores viros in reditu vestro, quem prosperum fore desideramus, invenire poteritis, qui vobis super quæstionibus quas nobis proposuistis, et aliis, si quæ vobis forte occurrerint, prudentius et plenius respondere poterunt, maxime cum per civitatem Parisiensem viam vestram dirigere disposueritis : ubi multos tam divini, quam humani juris peritos inveniri posse dubium non

est. Verum ne sollicitudinem nostram omnino vacuum relinquamus, id quod majorum exemplo et nostri quoque temporis experimento prosecuti sumus, vobis pro modulo nostro respondere curabimus.

Sedes illa archiepiscopalis, in qua nunc pontificalis honoris consecrationem recepistis, ubi per aliquot annos, licet indigni, honore pontificali functi sumus; plenissimam habet jurisdictionem, quam vos baroniam vocatis, tam infra terminos imperii, quam regni Francorum, quia propria loci illius parochia infra fines utrosque limitatur; nec existimamus, quod alia facile inveniatur ecclesia, quæ tantæ libertatis utrinque gaudeat prærogativa. Nos itaque impositi nobis honoris et oneris officio juxta consuetudinem antecessorum nostrorum hoc modo utebamur. Habebam siquidem senescallum, cui sollicitudinem et curam forensium negotiorum committebam, qui pro negotiorum qualitate, non solum causas pecuniarias pertractabat, sed et criminibus et flagitiis pro consuetudine regionis puniendis præerat: ne, sicut in litteris vestris meministis, pravis hominibus pro impunitate cresceret audacia delinquendi. Cavebam tamen ne, si forte qualitas culpæ aut suspendii pœnam, aut membrorum de truncationem mereretur, aliquod ad me super hujusmodi verbum perferretur. Ipse cum assessoribus suis ejusmodi, quia me irrequisito diffiniēbat; sciebam procul dubio, quod ei et cognoscendi, et diffiniendi auctoritatem præstebam; sed dissimulationi me qualemcunque confidentiam accommodabat, quod viri sancti qui me in eadem sede præcesserant, secundum hanc consuetudinem irreprehensi processerant. Neque enim in orbe Latino præter majorem nostram ecclesiam alicubi locorum tot sancti martyres vel confessores inveniuntur, quod facile deprehendere poteritis ex Martyrologio venerabilis Bedæ presbyteri, vel successoris ejus Oswaldi, qui catalogum sanctorum ex magna parte ampliavit. Accessit autem ad ampliorem confidentiam, quod præfectus urbis Romæ, qui puniendis criminibus specialiter præest, præfecturæ suæ auctoritatem a domino papa recipere dicitur. Unde et in Dominica, qua cantatur *Lætare, Jerusalem*, D expleta solemnī processione, in qua rosam auream idem summus pontifex circumportat, ipsum quasi pro debiti executione eadem rosa remunerat. Nihilominus (quod evidentius est) in civitate Beneventanā, quæ proprie ad mensam apostolicam pertinet, Rectorem dominus papa ordinat, qui vel per se ipsum, vel certe per cives ejusdem urbis conflagitia ejusdem loci punit, et purgat. Hujusmodi quidem consolationibus utebar: sciens tamen quod, si qui proventus ex ejusmodi causis accidebant, in expensas meas conferebantur, deducto jure senescalli mei, cui tertia pars proventuum pro sollicitudine sua debebatur. Illud vero tam nos, quam antecessores nostri diligenter attendebamus, quod is qui ejusmodi executioni deputatus fuerat, ad sacros



ordines deinceps non promovebatur. Heus! bone frater, ad primam quæstionem vestram respondimus, non diffinientes quid fieri debeat, sed quid fecerimus, cum aliquatenus scrupulosa vobis conscientia recognoscentes.

De cætero secundæ consultationi vestræ respondendum arbitrati sumus. Clerici, et maxime illi qui ad sacros ordines promoti sunt, districte prohibendi sunt, ne aut rapinas, aut furta sibi facta in foro sæculari prosequantur; vel, si omnino coerceri non poterunt, usque ad monomachiam, vel candentis ferri, vel aquæ, vel aliquod hujusmodi examen nullo modo procedere audeant; qui si non acquieverint, et ejusmodi concitatione aut membro-  
rum detruncatio, aut homicidia perpetrata fuerint, et officio et beneficio ecclesiastico privari merebuntur. Proponenda enim est eis auctoritas apostolica qua dicitur: *Quare magis non fraudem patimini?* Fraudem siquidem appellatam credimus, damnium quod per fraudem vel malitiam alterius

Alicui irrogatum est. Hæc autem absque præjudicio melioris sane et sanioris consilii vobis satis meticolose transcripsimus. Propter supra memoratas causas, et nonnullas alias, quæ me gravius premebant; elegi, venerande Christi sacerdos, illud modicum vitæ, quæ mihi, Deo auctore, præbetur, in pœnitentia et lacrymis transigere, et vitæ contemplativæ (si fieri potest) dulcedinem prægustare. Necessè enim habui, dum Lugduncensis archiepiscopatus honore fungebar, militiæ sæcularis honore implicari. Raptores et sacrilegos, et stratarum publicarum violatores armata manu prosequi, et eorum munitiones et castella obsidere, succedere, et demoliri: in quorum persecutione non solum ipsorum malefactorum, sed etiam illorum quos deducebamus, mortes aliquando contingebant. Unde nunc pedibus sanctitatis vestræ, tanquam miser peccator, provolutus, suppliciter exoro, quatenus pro reatuum meorum venia intervenire dignemini. Bene valete.

CIRCA ANNUM MCCCIII

# HUGONIS V

## ABBATIS CLUNIACENSIS DECIMI SEPTIMI

### STATUTA.

(*Bibliotheca Cluniacensis*, pag. 1457.)

#### PRÆFATIO.

Venerabilibus et charissimis nostris abbatibus, prioribus, monachis et conversis ad Cluniacum pertinentibus, frater Hugo humilis Cluniacensis abbas, salutem, gratiam et benedictionem.

Cum religionis sacræ primordia, a filiis prophetarum instituta, et ipso magno Joanne Baptista, et præclaris successoribus confirmata et ampliata ad nos usque decurrerint, satagendum nobis est ut pro excelsis patribus, filii veri nascantur ne si, quod absit! extra disciplinam facti fuerimus, degeneres et non filii reputemur; et non tantum splendorem imitemur auri, sed etiam vere aurum esse gaudeamus. Nunc autem, quod lugubres dicimus, non tantum aurum esse desinimus, sed insuper auri *mutatus est color optimus, et dispersi sunt lapides sanctuarii in capite omnium platearum (Thren. iv)*, ipsis prælatis qui positi sunt in exemplum vias sæculi incedentibus, et subditis versis in dissolutionem. Itaque cum, sicut dictum est, in religiosis et maxime in glorioso membro Ecclesiæ, Cluniacensi videlicet cœnobio, vel in membris ejus vir-

Cutis splendor obscuretur: nos cupientes ad honorem Dei nobis commissorum providere salutem, et nobis cavere a periculo, ne forte positi custodes, vineam nostram non custodierimus, ea quæ a patribus dudum sancita sunt, sed in parte per incuriam deformata, sicut possibile est, intendimus reformare, ne, si nova vel gravia proferremus in medium, infirmos animos læderemus. Ad quod efficiendum, sanctissimi Patris nostri Innocentii tertii, summi pontificis provocamur exemplis: qui juxta datam sibi coelitus sapientiam et gratiam inspiratam, statum monasteriorum ad se, nullo medio, pertinentium, circa spiritualia et temporalia partim dilapsam curat provida sollicitudine restaurare. In primis igitur ipsum honorantes cui *beneplacitum est super timentes eum, et in eis qui sperant super misericordia ejus (Psal. xxxii)*, quæ ad ipsius nomen et gloriam pertinent tenenda constituimus, imo constituta proponimus, et quibus ipse offenditur, fortius et districtius iuhibemus, quod plus corrigendum videtur, in capite proponentes.

**CAP. I. De inquisitione facienda semel in anno, circa statum ecclesie Cluniacensis.**

Cum Dominatorem omnium subditum hominibus fuisse legamus, nos ipsius sequentes exemplum et doctrinam dicentis : *Qui major est, fiat sicut junior, et qui præcessor est, sicut ministrator (Luc. xxii)*, ut formam deimus aliis ad imitandum nos, etiam nos ipsos legi subjicimus. statuentes ut quatuor discretæ et idoneæ personæ eligantur, scilicet duo abbates, et duo priores, ad Cluniacensem ecclesiam pertinentes, qui semel in anno, statuto termino, videlicet in Octavis apostolorum Petri et Pauli, Cluniacum veniant, tam de nostra persona, id est abbatis Clun. quicumque per succedentia tempora fuerit, quam de statu Ecclesie in temporalibus et spiritualibus, et locorum circumjacentium diligenter inquirent et quæ corrigenda fuerint, ad ipsorum consilium corrigantur, et per eos omnia hæc in generali capitulo, annis singulis innotescant; ut per talem visitationem, in bono statu Cluniacensis ecclesia perseveret, et cæteri exemplum capituli imitantes, nostra firmiter instituta conservent.

**CAP. II. De muneribus non dandis pro curis vel rebus spiritualibus.**

Cum omne quod irreprehensibile est, sibi sancta defendat Ecclesia, et præcipue in religiosis nil debeat notabile reperiri, et nos macula respersamur, maxime in hoc quod multi diligunt munera, sequuntur retributiones (Isa. i), et salutem nostram et animam consulamus, statuimus et inviolabiliter præcipimus observandum, ne quis pro curis et rebus spiritualibus, aliquid donet, recipiat, vel promittat, aut etiam munerum mediator existat. Si quis contra hoc interdictum venire præsumperit, absque misericordia separetur ab omnium communione, donec de culpa digne fecerit satisfactionem. Eadem poena feriantur et consentientes. Conscii vero similem vindictam sentiant, nisi cognitam detexerint iniquitatem.

**CAP. III. Ne quis in monasterio pactionaliter recipiatur.**

Quoniam plerumque, et in plerisque locis accidit, quod ingressus monasterii, pecunia vel pactione interveniente, conceditur, cum hoc sit sacris canonibus inhibendum, et periculum utrobique vertatur animarum, tam recipientium quam recipiendorum, statuimus ne ullus de cætero in monasterio pactione seu pretio recipiatur, nec ab ingrediente quidquam exigatur. Sed si quis sponte quidquam obtulerit, non respuatur ejus devotio.

**CAP. IV. De non suscipiendis inutilibus personis.**

Et quoniam ex susceptione debiliū et inutilium personarum, ista præcipue pestis irrepit, præcipimus, ut non nisi tales recipiantur in monachos, qui apti sint servitio Dei, et non onerosi fratribus, et utiles monasterio.

**CAP. V. Item de eodem.**

Quoniam ea indiscreta laicorum susceptione, et

A rusticorum, et senum, et aliorum quolibet modo debiliū, et servitium Dei minus celebriter agitur, et multipliciter domus gravantur, et ex eis nulla vel parva provenit utilitas. Statuimus ne quis ulterius talium in monachum, vel conversum recipiatur, nisi ad succurrendum, exceptis nobilibus et utilibus personis, quibus non possit ingressus commode denegari, et exceptis illis conversis, qui apti et necessarii sint ad agriculturam, vel ad opera utilia exercenda, quorum examinatio in domno abbate pendeat, si prope est, vel camerario provinciali, si longe.

**CAP. VI. De pueris non recipiendis.**

Quia vero ex immatura et celeri infantium susceptione, plurima ex parte ordo corrumpitur, et aliorum religiosum propositum impeditur, venerabilis memorie domni Petri abbatis vestigiis inherentes statuimus, ut nullus etiam ex concessione futurus monachus regularibus vestibus infra viginti annos induatur, exceptis illis tantum de schola apud Cluniacnm, sine quibus servitium Dei fieri non consuevit. Quibus tamen nisi post immutationem vocis, alii non succedant.

**CAP. VII. De magistro novitiorum.**

In universis locis conventualibus, ubi licet novitios recipi, provideatur frater discretus, et maturis moribus, cui non desit ordinis scientia, ad ipsorum instructionem in religione, et forma religionis, et morum gratia, et confessionibus, quoniam per hujusmodi defectum, facti sunt quidam et gestu leviores, et indevotiores religione.

**CAP. VIII. Ne monachi recipiantur infra triennium.**

Quia ex numerositate monachorum, plurima loca nostra gravantur, statuimus ut infra instans triennium in domibus conventualibus, et in locis in quibus ordo non servatur, nullus unquam monachus, nisi ad succurrendum, recipiatur.

**CAP. IX. De mulieribus non recipiendis.**

Cunctis liquet quanta ex vicinitate et consortio mulierum, et perniciis animarum, et destructio locorum eveniret. Et ideo decernimus, ut nunquam in aliquo loco mulier quælibet in monacham vel conversam seu præbendam recipiatur, nisi ad succurrendum. In locis autem ubi jam receptæ sunt, a mensa, et omni convictu seu consortio monachorum sint remotæ. Excipiuntur loca forinseca, in quibus ex necessitate mulieres oportet haberi. Quæ tamen tales sint et ejus ætatis, de quibus nulla suspicio habeatur, et una tantum in singulis grangiis.

**CAP. X. Ne quis de alia religione recipiatur, sine licentia abbatis.**

Statuimus ut nullus de alia religione in aliquo locorum nostrorum, sine nostra speciali licentia recipiatur, quia talibus durum est assuetam relinquere, et nostris institutionibus informari, et sæpe nostris propter suas levitates, aut etiam enormitates, graves sunt et damnosi.

**CAP. XI. De novitiis benedicendis infra triennium a A**  
receptione sua.

Extra Cluniacum recepti novitii, ultra tertium annum non differant benedici, nec interim, sicut usus Cluuiacensis exigit, vel in presbyteros ordinentur, vel missam ante receptionem ordinati cantent, nec quamlibet spiritualem seu temporalem obedientiam administrent. Non enim ante professionem plene nobis tenentur, et sæpe relicto habitu, ad sæculum redeuntes, in ordine sacerdotali ministrant, et collecta pecunia, male utuntur patrimonio crucifixi.

**CAP. XII. Ne novitius habeat prioratum infra annum.**

Nullus novitius etiam professus, undecunque vel de locis religiosis, vel de sæculo veniat, prioratibus, vel alicui obedientiæ præponatur, donec per annum in claustro Cluniacensi, vel in aliquo præcipuo claustro ad nos pertinente, sive in societate domni abbatis, vita ejus fuerit comprobata, et fuerit regularibus institutis competenter imbutus.

**CAP. XIII. De proprietate.**

Receptus autem in monachum ubi nil sibi de sæculi facultate retineat, vel postea aliquid proprium habeat, nisi quod dominus abbas, vel hi quos in partem sollicitudinis, quoad custodiam ordinis vocavit, dederint aut permiserint. Et ut hoc vitium proprietatis a religiosis penitus extirpetur, volumus ab his ad quos hæc pertinent sanis et infirmis, secundum possibilitatem loci sicut cuique necesse fuerit, provideri, juxta illud Actuum apostolorum (cap. iv) : *Dividebatur singulis prout cuique opus erat. Si quis contra hoc statutum, in tali vitio decesserit, Christiana cæreat sepultura,*

**CAP. XIV. De silentio.**

Et quoniam contra prophetæ doctrinam qua dicitur: cultus justitiæ silentium, et contra majorum instituta corruptum audivimus in quibusdam locis silentium, præcipimus ut priores et custodes ordinis amodo circa silentii custodiam, omnem diligentiam adhibeant, et universi in locis regularibus et horis statutis silentium integre teneant. Et hoc in locis conventualibus. In minoribus autem locis semper in ecclesia et post completorium silentium a monachis teneatur. Ante primam vero vel tertiam, lectioni, vel meditationi, vel orationi inserviant.

**CAP. XV. De confessionibus frequentandis.**

Quoniam ex causa et frequentia confessionis, maxime salus provenit animarum, et ex omissione nimius torpor, et indevotionis materia, et delinquendi ausus augetur, statuimus et diligentissime commonemus, ut semel saltem in hebdomada, quilibet confiteatur, hortante nos Apostolo et dicente : *Confitemini alterutrum peccata vestra (Jac. v).* Confessiones autem recipiat prior, vel subprior, aut alii custodes ordinis, sive aliqui de conventu, quibus fuerit hæc cura commissa, qui sciant curare sua vulnera, et aliena non detegere vel publicare.

**CAP. XVI. De presbyteris, qui rarius missam cantant.**

Non sine rubore et dolore dicimus, quod quidam fratrum nostrorum presbyteri, rarius quam oportet divina celebrant, cum ad hunc tantum gradum ascenderint, ut in sanctis et sancti ipsi debeant ministrare. Monemus igitur, suademus, et consulimus in Domino, ut tales se faciant, et sic se probent, ut sancta digne frequentent, nec iudicium sibi manducent et bibant (I Cor. xi).

**CAP. XVII. De ætate ordinandorum.**

Et ne contra decreta sacrorum canonum, adolescentibus illitteratis, et qui nondum capere possunt quam sit excellens sacerdotale officium, ad sacra illa cœlestia magis temerarii præsumptores, quam digni ministratores accedant, statuimus ne ullus nostrorum citra vicesimum quintum ætatis annum ad sacerdotium provehatur.

**CAP. XVIII. De non præconanda missa nova**

Cum autem primam missam cantaturus est, eam nullus foris faciat præconari, nec noviter ordinatus, quidquam de oblatione retineat. Sed quod oblatum fuerit, consilio prioris sacristæ reddatur. Plus enim talis præconatio gloriam inanem vel ambitionem redolet, quam formam humilitatis et devotionem. Scriptum est enim : *Radix omnium malorum est cupiditas (I Tim. vi)*; et : *Qui gloriantur, in Domino gloriatur (II Cor. x).*

**CAP. XIX. De pausatione habenda in psalmodia.**

Quia in officio divini operis, quibusdam aliis præcurrentibus, aliis autem plus justo moram facientibus, magna fit confusio psalmodiæ, statuimus ut omnes versus regularium horarum sub una et mediocri repausatione cantentur, ita quod universorum voces, simul cæsuram versus siniant, et post talem repausationem aliam simul incipiant.

**CAP. XX. De uniformitate servanda in servitio Dei.**

Et ubique locorum nostrorum in cantando et legendo servetur identitas, nec aliqua sit discrepantia, maxime in servitio Dei. Quia cum simus unius congregationis et ordinis, debemus esse in omnibus conformes.

**CAP. XXI. Ut omnes conveniant ad horas regulares.**

Ad opus autem divinum, scilicet nocturnis et diurnis horis, ad majorem missam, et maxime ad collationem et completorium omnes conveniant, nec a completorio cuiquam liceat remanere, nisi ex justa causa, et cum licentia, vel quis a priore detineatur. Et qui remanserint post tres ictus, non bibant, nisi forte abstinere nequiverint, et tunc in infirmaria bibant, et in crastino eant ad primam.

**CAP. XXII. Ut hi qui foris sunt, servitium Dei non negligant.**

Universi autem ubicunque constituti sæpe servitium pensum non negligant reddere, maxime horarum regularium, ex quarum intermissione plures valde reperiuntur. Nescientes Psalmos, pro singulis horis orationem Dominicam septies dicant : pro matuti-

nis septies septem, pro vesperis ter septem, cum a flexione genuum, si fuerit privata dies, ut quilibet secundum donum quod accepit a Domino, ipsi laudem, et gratiarum referat actionem.

**CAP. XXIII. De ordine servando.**

In choro autem et in capitulo, et in refectorio, unusquisque suum ordinem conservet, nulla penitus prælationis aut familiaritatis habita distinctione. Quoniam in ecclesia sciores ut liberius torpeant, ad remotiora secedunt, et alii ut de prioratu gloriam habeant, ad altiora loca conscendunt. In refectorio quidam ut accuratius vivant, potentioribus se conjungunt, et ipsi potentiores causa familiaritatis sibi socios quos volunt asciscunt.

**CAP. XXIV. De singularitate ferulorum non habenda.**

Nulla ab aliquo in refectorio sumptuosa et notabilis singularitas fiat, cum omnibus omnia debeant esse communia. Si cui vero aliquid hujusmodi datum vel transmissum fuerit, sedenti ad majorem mensam offeratur, ab eo, cui voluerit, distribuendum. Et ut ea quæ remanserint pauperibus eroganda serventur, nullus aliquid de refectorio efferre præsumat, quia rapinam committit.

**CAP. XXV. Ut nullus ante refectionem vel post, sine licentia comedat, vel bibat.**

Et ut levitas, quæ vitio proxima est, in comedendo et bibendo, ab his qui debent esse maturis moribus, auferatur: et noverca parcitatis, quæ monachos decet, reprimatur aviditas, statuimus ut nullus ante vel post communem refectionem, sine licentia ubilibet comedat sive bibat, intus vel foris.

**CAP. XXVI. Quibus locis liceat vesci carnibus.**

Et quoniam debemus bona providere coram Deo et hominibus, ne quis nos etiam in cibo vituperet, statuimus ne quis carnibus vescatur, nisi in domibus nostris, et nostri ordinis, et diebus constitutis.

**CAP. XXVII. Ne carnes comedantur quarta feria et Sabbato.**

Volentes autem quorundam qui in cellis consistunt, insolentiam refrenare, qui diebus certis quasi ex debito carnes exigunt comedendas, priorum committimus dispositioni, sicut honestum fuerit, et facultatem habuerint, eis ex charitate esum carniæ indulgere. Alioquin generalibus suis, vel his quæ sibi apponuntur, eos præcipimus esse contentos. Nec volumus ut quarta feria et Sabbato, præter omnino debiles et ægrotos, et in generalibus infirmariis carnibus quis utatur, cum videamus his diebus etiam sæculares abstinere.

**CAP. XXVIII. De cura infirmorum habenda.**

Ante omnia autem abbates et priores, de infirmis sint solliciti, ut singulis secundum qualitatem ægritudinis, et possibilitatem loci, in cibis et in aliis necessaria ministrantur, et ipsis tanquam Deo serviatur, quoad corporis et animæ sanitatem. Quia ipse Christus dicturus est: *Infirmus fui et visitastis me* (Matth. xxv).

**CAP. XXIX. De servitore infirmorum.**

In generalibus autem infirmariis, ita singuli necessaria percipiant, ut minoribus sufficiat, et potentioribus non superfluat. Nec teneantur sine aliquo custodum ordinis, ut ipsius reverentia, et servetur disciplina, et necessaria fratribus melius exhibeantur. Monachus servitor apponat omnibus quæ apponenda sunt, qui et elemosynam custodiat, et frequentiam arceat famulorum. Sedeant singuli dum comedunt, in ordine suo, nec se quis cui sibi videtur, associet, quia hoc est causa extraordinationum et singularitatum, quas notabiles, sicut in refectorio fecimus, inhibemus. Ad edendum simul hora statuta conveniant, nec post completoriam in conventu cantatum, in infirmaria quisquam remanere præsumat.

**CAP. XXX. De cœnis infirmorum.**

Ad exemplum quoque piæ recordationis abbatis Theobaudi, statuimus ut quotiescunque conventus semel comederit, et ipsi non nisi una vice reficiantur. Ferula vero quæ erant ipsis in cœna apponenda, in prandio propter elemosynam apponantur. Non est enim honestum dicere quanta ex hujusmodi cœnis in temporibus et spiritualibus proveniant detrimenta.

**CAP. XXXI. De jejuniis S. Benedicti**

Similiter constituimus ut ab Idibus Septembris usque ad Pascha, secundum Regulam S. Benedicti, et consuetudinem Cluniacen. ordinis, omnes ubique jejurent; cum breves dies sint, et turpe sit a patrum institutione recedere.

**CAP. XXXII. Ne monachi ipsa die qua ab infirmariis exeunt, missas cantent.**

Et quoniam sacris est exhibenda reverentia, quæ præcipue in parcimonia conservatur, statuimus ut ipsa die qua ab esu carniæ in conventu redeunt, a sacrorum abstineant celebratione. Non enim possunt carnes veri Agni sapere palato fidei, pleno adhuc stomacho, et manente sapore carniæ in palato oris.

**CAP. XXXIII. De elemosyna.**

Periculosum est valde, et multum nobis, apostolisque detrahitur, et utinam immerito, quod res ad elemosynam pauperum deputatas, in alios usus, quam debemus, convertimus. Et idcirco statuimus ne quisquam hominum sive abbas, sive alius tollere vel alienare quidpiam eorum, quæ ad subsidium indigentium assignata sunt, aliqua temeritate præsumat. Eleemosyna igitur fratri timenti Deum custodienda tradatur, qui omnes redditus et proventus in usus pauperum et peregrinorum fideliter convertat. Qui una sit equitativa contentus, paucis servientibus, modicis sumptibus; quia quidquid uni ex minimis sit, Domino sit; quidquid eis subtrahitur, Deo aufertur. Nos in hoc animam nostram liberamus, ipsis quibus est cura commissa, de sua administratione iudici omnium Deo in districto examine responsuris.

**CAP. XXXIV. De his qui egrediuntur portas monasterii sine licentia.**

Nullus autem absque licentia, portas monasterii exiens sine satisfactione recipiatur. Nam crebro otiose circumeunt domos, villas, rura et nemora, loquentes et facientes quæ non oportet, unde vituperium nobis, et scandalum emergit in populo. Habeat ergo monachus etiam accepta licentia in eundo et redeundo, testimonium bonum.

**CAP. XXXV. De gyrovagis.**

Volentes autem quibusdam vagandi licentiam amputare, qui non necessitate, sed levi voluntate ducti ad claustra redeunt, varia monasteria, villas et castella inordinate circumeunt, offendiculum inuentibus multipliciter generantes. Statuimus de his, ut nullus talium, ultra diætam, quoquam sine litteris nostris, vel prioris, nobis absentibus, vel subprioris, nobis aut priore non præsentibus, causam itineris, nomen loci, et terminum redeundi continentibus proficiscatur. Si aliter fuerint deprehensi, priores qui sic illos inveniunt, captis eorum equis, ipsos ut gyrovagos retineant, donec nos in eos debitam feramus sententiam, vel cum nuntio suo ipsos cum equis Cluniacum mittant. Hæc etiam volumus circa illos qui in locis nostris, sub obedientia priorum morantur, similiter observari.

**CAP. XXXVI. De his qui fovent inobedientes.**

Et quoniam hi tales, quod dolentes dicimus, nonnunquam complices inveniunt vel fautores, dum eos in errore suo secreto vel publice fovent, et sic eos audaciores reddunt, vel pro eis falsa misericordia ducti, pœnis eos debitis liberare contendunt, huic pesti necessario volentes occurrere, statuimus ut hi et qui fratribus suis captionis vel spoliationis impedimenta procurant, similis pœnæ sustineant ultionem.

**CAP. XXXVII. De juvenibus petentibus obedientias.**

Ad compescendam nonnullorum juvenum temeritatem, qui jugo immature volentes exui, aliorum communionem non contenti, ut suis desideriis satisfaciant, obedientias petunt, vel sibi redditus assignari. Statuimus ut ipsis in hujusmodi petitionibus nullus præbeat assensus; imo si commoniti non destiterint, graviori disciplinæ subdantur, et qui habuerint, amittant taliter acquisitas.

**CAP. XXXVIII. De his qui petunt honores per sæculares personas.**

Quia nonnulli fratrum nostrorum, non vitæ vel scientiæ meritis, sed interventu sæcularium, committi sibi obedientias vel prioratus exposcunt, ponentes carnem brachium suum, et a Domino recedit cor eorum (*Jer. xvii*). Statuimus ne ullus taliter quilibet petens honorem, unquam illum obtineat, vel alium infra annum. Quia et sæculares si non obtineant contra nos commoventur, et ipsi monachi dum confidunt in homine, minus student bonis moribus, et suos audacius prælatos contemnant.

(1) *Indevotio fortassis.*

**CAP. XXXIX. De institutione priorum.**

Vitæ autem merito et sapientiæ doctrina, non familiaritatis aut nobilitatis gratia eligantur, qui cæteris debent præesse, et curam habere animarum, ut exemplo suo informet subditos, et secundum Evangelium, similes sint patrifamilias, qui sciant de thesauro suo vetera et nova proferre. Statuimus ergo ut prioratus, decanatus, et cæteræ omnes administrationes, gratis et absque venalitate vel pactione conferantur discretis et honestis viris, qui præesse noverint et prodesse; et ut obsequium suum magis rationabile fiat, et melius animabus possint consulere. Statuimus ut prioratus, maxime conventuales, non nisi sacerdotibus committantur. Si autem ex necessitate talibus prioratus tales committi contigerit, infra annum in presbyteros ordinentur. Alioquin, extunc suis prioratibus se noverint destitutos.

**CAP. XL. De mutatione priorum non facienda.**

Volentes autem detrimentis occurrere, quæ ex frequenti priorum mutatione eveniunt, statuimus ut conventuales priores, sicut superius diximus, instituti, non destituantur, et hoc iudicio diffinitorum in capitulo generali, nisi aliqua causa emergat manifesta, pro qua domnus abbas eum remove compellatur. Confirmationes quassamus, nisi certis ex causis, scilicet, si domorum dilapidatores, si inobedientes et rebelles, si infames et incontinentes, vel ad majorem utilitatem fuerint promovendi. Quod et de junioribus prioribus volumus observari, unde litteris eos non oportet inniti, quamvis de non removendo, litteras habeant confirmationis. Super quo nobis, a pluribus derogatur. Ex hoc enim et devotio (1) contra matricem Ecclesiam potest subriperre et materia inobedienciæ ac rebellionis oriri. Sit ergo eis ista institutio, vice confirmationis.

**CAP. XLI. Ut priores fratrum servent communionem.**

Quoniam quidam priorum non attendentes quod scriptum est: Non dominantes in clero, sed forma facti gregi, æquo remissius vivunt, et ex levi occasione, fratrum communionem relicta, extra refectorium comedunt, et nullo tempore in dormitorio jacent. Statuimus ut prior semper in refectorio cum fratribus edat, nisi pro evidenti necessitate vel magnorum hospitem reverentia extra refectorium vesci compellatur, quia, dum priores in cameris epulantur, plus ipsi et sui servientes, quam cæteri fratres absumunt. In Adventu et a Septuagesimæ principio usque ad Pascha saltem in dormitorio jaceant, nisi frequentius ibidem voluerint de sua voluntate jacere. Ex hoc enim et ipsis majus testimonium honestatis, et fratribus amplior provenit disciplina. Cum autem ob causas prædictas contigerit illos extra refectorium comedere, aliquos de illis assumant, qui assidui in conventu, non obedientarios, qui raro in conventu inveniuntur, et paucis servientibus sint contenti, qui ea quæ debentur pauperibus, non asportent.

CAP. XLII. *De eodem.*

Sit eis ergo sicut bonis pastoribus studium, sicut dignitate præeminent, ita gregem virtute præcedere. Intersint frequenter operi divino, cum fratribus sedcant in claustris, sæpius lectioni vacantes, teneant ob rigorem disciplinæ crebro capitulum, nec de facili collationem dimittant, incedentes semper cum froccis intra claustrum, nec utentes pileis peregrinis, ut in omnibus seipsum præbeant exemplum bonorum operum in doctrina, in integritate, in gravitate.

CAP. XLIII. *De habitu et gestu monachorum intus et foris.*

Quoniam secundum verbum Sapientis : *Amictus corporis, risus dentium, incessus hominis annuntiant de illo (Eccli. xix)*, cupientes, quantum in nobis est, hoc efficere, ut fratres nostri non respiciant in vanitates, et insanias falsas (*Psal. xxxix*) : statuimus, ut sicut in claustris, ita foris exeuntes, honeste se habeant, nec sine cuculla et frocco, vel sine cuculla et cappa, quam præcipimus esse regularem; non sumptuosam, non bloyam, vel sine postella et sella regulari, non multum pretiosa, ullus priorum nostrorum equitare præsumat, nec capellis filtreis, vel aliis omnino capellulis, vel non corrigiatis calceis, equitans quis utatur. In cœna Domini annis singulis dentur secundum consuetudinem solutales corrigiati, quibus utentur cum equitaverint, et aliis temporibus constitutis. Interim autem usque ad cœnam Domini, equitantes aliunde sibi calceamenta corrigiati provideant.

CAP. XLIV. *De numero equitaturarum.*

Quoniam ex superfluis equitaturis sumptus fiunt non necessarii, quibus domus gravantur et vanitas enutritur. Singulis prioribus et nobis ipsis, volentes aliis formam dare, certum evectio-num numerum duximus præscribendum. Abbas Cluniacensis sexdecim sit equitaturis contentus, prior de Charitate octo vel novem; prior Sancti Martini sex, vel septem, priores conventuales tribus vel quatuor, cæteri minores priores duabus tantum evectio-nibus sint contenti.

CAP. XLV. *De famulis.*

Quia honestatem dominorum maturitas loquitur servientium, statuimus ut priores et monachi Cluniacenses famulos habeant maturos ætate, vita honestos, non domicellos, non barbatulos, non comptos, non alio modo notabiles, non bipartita, non sumptuosa veste indutos, ut si quis ex adverso est, ceatur : nihil habens malum dicere de nobis.

CAP. XLVI. *Ne aliquis monachus habeat prioratum, antequam fuerit Cluniaci.*

Quoniam quod tractatur manibus plus cogitatur, et quod oculis cernitur cordi facilius inhæret, volentes filios nostros in suæ matris amorem et devotionem accendere, statuimus ut nullus omnino monachus etiam professus, antequam Cluniacensem ecclesiam visitaverit, prioratum Cluniacensem assequatur. Si necessario fuerint instituti, infra

A annum non omittant matricem Ecclesiam visitare.

CAP. XLVII. *De non mutandis monachis facile de loco in locum.*

Quoniam ex mutatione monachorum de loco in locum, per priorum importunitatem sæpius facta, ipsi inveniantur levitate notabiles, et in fratres impii, dum eis denegant quæ sibi jure debentur. Statuimus ut eos secum in charitate sustineant et humane pertractent, et si opus fuerit corrigant et castigent. Et si justa ex causa fuerint amovendi, eis in vestitu regulari provideant sicut decet, et non nisi in equis mutentur. Quia scriptum est : *Quod tibi non vis fieri, alii ne facias (Tob. iv)*.

CAP. XLVIII. *De infamia laborantibus.*

Si quis autem infamia laboraverit, ad locum alium transferatur, loco ejus ibidem alius honestior subrogetur. Et in hoc casu volumus, ut priores sui ad dictam commutationem consentiant, et monachi prioribus obedientes existant, quia scriptum est : *Alter alterius onera portate, et sic adimplebitis legem Christi (Gal. vi)*.

CAP. XLIX. *Quomodo recipiantur fugitivi et recepti teneantur.*

Fugitivi vero monachi quos B. Benedictus præcipit ultimo loco recipi, ut ex hoc eorum humilitas comprobetur, cum recepti fuerint, ordinem suum non rehabeant, nisi de licentia nostra, nec divina celebrent, si sacerdotes fuerint, nec obedientias habeant, nec etiam ad ordines promoveantur, ut timor aliis incutiatur similia perpetrandi. Hi autem qui juxta prædecessorum nostrorum statuta, pro suis excessibus merentur expelli, si prope Cluniacum ad duas scilicet diætas exstiterint, de conscientia nostra, vel prioris Cluniacensis, nobis absentibus, ejiciantur. Si autem remotius, conscio camerario provinciali.

CAP. L. *Ut non plures fiant obedientiarii, nisi in præcipuis locis.*

Quoniam alicubi locorum nostrorum, propter divisionem obedientiarum minor est utilitas universitatis, et major contra priores insolentia ministrantium, statuimus ut omnes obedientiæ sint in manu et dispositione priorum, qui adjunctis sibi quos voluerint adjutoribus, faciant sicut viderint expedire.

CAP. LI. *De suspectis personis, in consortio non habendis.*

Quoniam sanctificari debent, qui ferunt vasa Domini, et in sapientia ambulare, ad eos qui foris sunt, statuimus ne ullus prior vel monachus personas habeat suspectas in convictu, in consortio, vel ministerio suo; ut enim, sicut ait Salomon : *Ignem in sinu quis gestat, et non comburitur (Prov. vi)*.

CAP. LII. *De non nimis diligendis parentibus.*

Quidam abutentes testimonio Scripturæ, quo dicitur : *Nemo unquam carnem suam odio habuit, sed nutrit et fovet eam (Ephes. v)*, erga carnales affectus nimis teneri sunt et proclives, in tantum quod nec famæ suæ parent, nec domibus sibi commissis.

Monemus igitur, ut periculum evitantes quod ex hoc suis capitibus imminet, suos non ditent de pauperum alimentis.

**CAP. LIII. De custodia sigillorum.**

Quoniam ex negligenti sigillorum custodia, in domibus plura damna comperimus contigisse, statuimus ut sigilla domorum tribus clavibus includantur, quarum unam prior, reliquas, fratres Deum timentes, qui nihil inconsulto conventu sigillent, nisi forte urgenti necessitate capitulum expectari non possit. Et tunc de consilio et conscientia discretorum fratrum hoc fiat.

**CAP. LIV. Ne quis mare, vel Alpes transeat, sine licentia.**

Ut totius levitatis materia et vagandi libertas monachis subtrahatur, statuimus ne quis sine licentia, mare vel Alpes transire præsumat. Excipiuntur hi qui a prioribus suis ad loca sua trans mare vel Alpes posita transmittuntur.

**CAP. LV. Ne ministeria unquam extraneis concedantur vel nostris, ad vitam vel hereditatem.**

Statuimus ut clericorum vel laicorum ad nos non pertinentium homines vel servi, domorum Cluniacensium procuratores, cellarii sive præpositi nullatenus fiant; quia a talibus, vel talium occasione plerisque locis multa damna noscuntur illata. Sed nec etiam nostris ullum ministerium ad hereditatem, vel vitam committatur, qui, cum opus fuerit, non possint destitui ad arbitrium committentis; quia talia quandoque ministeria consecuti, infideles fiunt nobis, ac convertuntur in arcum pravum, et venenum aspidum sub labiis eorum. Præbendas etiam obtentu pecuniæ vel cujusquam servitii, cui libet ad vitam dari, cum hoc in damnum vertatur domorum, districte vetamus; si quando autem necessitas, vel evidens utilitas id poposcerit faciendum, fiat de consilio domni abbatis, vel si procul est, camerarii provincialis.

**CAP. LVI. De camerariis provincialibus, et eorum officio.**

Ut onus nobis melius et levius feramus impositum, et utilius procedant negotia, dum in plures sarcina fuerit partita, ad instar Moysi, qui Jetro soceri sui sequens salubre consilium, ne stulto labore consumeretur, et populus dum ultra vires suas esset negotium, elegit viros timentes Deum, in quibus esset veritas, et qui odirent avaritiam, et constituit ex eis tribunos, et centuriones, et quinquagenarios, et decanos, leviusque sibi esset partito in alios onere, statuimus ut unaquæque provincia unum aut duos habeat provisos, quos camerarios appellamus, sollicitos, Deum timentes, probatos in omnibus, qui secundum Deum et præceptum domni abbatis Clun. ad honorem Dei et ecclesiæ Cluniacensis utilitatem, simul et honorem, et provinciarum sibi commissarum, disponeuda disponant, et corrigant corrigenda. Singulas domos, et maxime in initio sæ prælationis circumeant. De statu domorum et debitorum quantitate, et prio-

rum vel fratrum conversatione ac numero, vel etiam familiæ certificati: in quo tenore domos inveniant, in quo dimittant, ad generale capitulum nobis notificent, ut pro majori sollicitudine, majorem gratiam consequantur. Nec liceat eis cuiquam priori vel obedientiaro dare licentiam vendendi, distrahendi redditus vel possessiones Ecclesiæ nobis inconsultis, nec priores mutare, sed quod audierint, iudicio nostro reservent priores per omnia et in omnibus illis reddant rationem. Nec liceat prioribus sine conscientia camerariorum debitum domorum ultra centum solidos augmentare, nisi ostendant quare hoc fecerint, rationem manifestam. Quando autem necesse fuerit, pro aliquo terræ, vel possessionis vel alio gravi negotio, ad præceptum eorum priores eis assistant cum propriis expensis, paupertati domorum occurrentes. Et quoniam homines sunt et tentari possunt; cum instituentur camerarii, inspectis sanctis Evangelii et tactis reliquiis jurent se bona fide pro posse suo domni abbatis obedientiæ, et Ecclesiæ Cluniacensis utilitati intendere: nec prece, nec pretio, nec gratia, vitia vel notabiles negligentias, vel domorum destructiones celare: cum tribus aut quatuor equitaturis incedant, nec in domo aliqua accipiant nisi tantum victui necessaria. Quod autem juramentum in quibuslibet fratribus recipimus, non videatur cuiquam reprehensibile; quoniam licet ex Evangelio commonitionem, et ex Regula S. Benedicti habeamus non jurandi, tamen juramentum ex justa causa prohibuit non invenimus. Nam et Apostolum legimus jurantem: *Deus scit (II Cor. xi)*, et Per vestram salutem, fratres, et jusjurandum canones in certis casibus licenter admittunt. Præterea cum dies mali sint, adeo ut nunc possit dici: *Putas inveniet filius hominis fidem super terram? (Luc. xviii.)* Ad præstandum licite juramentum, hanc solam sufficere causam arbitramur. Nolumus autem ut occasione hujus officii, sint camerarii ecclesiis etiam aliis temporibus onerosi.

**CAP. LVII. De brevibus mortuorum.**

Quoniam vapor est ad modicum parens vita nostra, et non est agnitus qui reversus sit ab inferis, et quia ad æterna incessanter tendimus, de æternis nos oportet attentius cogitare. Prima est igitur et ipsi succurrere, qui nos jam ad futurum sæculum præcesserunt, ut *optimam habeant repositam gratiam (II Mach. xi)*. Unde quia de brevibus in Christo quiescentium minor quorundam fuit hactenus sollicitudo, statuimus ut præcipue Cluniaci, et in cæteris locis nostris ubicunque frater decesserit, major de ferendis brevibus habeatur diligentia, et omnimode defunctis debita persolvantur. Interim autem usque ad sequens capitulum pro supradicta negligentia, in unoquo que mense unum officium cum missa celebretur ubique.

**CAP. LVIII. De forma et tempore tenendi capituli generalis.**

Quoniam autem modicum prodest jecisse semina, nisi subsequatur rigatio qua et ipsa valcant germi-

nare, ut simus *sicut oliva fructifera in domo Domini* (Psal. LI), et faciamus germen honoris et gratiæ, et flamus de cætero *in laudem et justitiam coram universis gentibus* (Isa. LXI), præsentī sanctione duximus statuendum, ut generale capitulum omnium priorum tam conventualium quam minorum Cluniaci annis singulis celebretur, ubi sine acceptione personarum, secundum Deum et B. Benedicti Regulam, et Clun. ordinis instituta, delinquentium corrigantur excessus, et de salute animarum, conservatione ordinis et domorum indemnitate tractetur, et statuatur quod fuerit regulariter statutum.

**CAP. LIX. De clamoribus.**

Nec in his sibi priores vel camerarii invicem parcant, sed unusquisque quod noverit in alio corrigendum, timorem Domini habens præ oculis, in capitulo publice vel privatim, prout melius scierit expedire, in charitate proponat, recordans Scripturæ dicentis : *Qui parcit virgæ, odit filium* (Prov. XIII) ; et : *Timor Domini odit malum* (Prov. VIII) ; et : *Qui converti fecerit peccatorem a via sua, salvavit animam ejus a morte* (Jac. V). Nec correptus hoc moleste ferat, sed correptionem fratris accipiat patienter, quia scriptum est : *Argue sapientem et diligit te* (Prov. IX). Singulis annis Dominicæ secundæ hebdomadæ Quadragesimæ, qua cantatur officium : *Oculi mei semper* (Psal. XXIV), capitulum decrevimus celebrari. Ad quod omnes abbates et priores ad Cluniacum principaliter pertinentes, accedere volumus etiam non vocatos.

**CAP. LX. De muneribus non dandis vel recipiendis in capitulo generali.**

Illud autem auctoritate Dei et nostra districtius prohibemus, ne in generali capitulo aliquæ fiant exactiones ex parte nostra, vel quorumlibet aliorum, aut etiam Cluniacensis ecclesiæ, vel aliqua munera dentur, vel recipiantur, vel promittantur. Quia *munera excæcant oculos sapientum* (Deut. XVI), et auro violatur justitia, et ignis consumet tabernacula eorum qui munera libenter accipiunt.

**CAP. LXI. Quod priores tempore capituli provideant famulis et equis suis.**

Ne autem ex hoc tanto conventu abbatum sive priorum, Cluniacensis ecclesia gravetur, provisum est et statutum, ubi interim, donec de communi

consilio provideatur, unde tantæ multitudinis debeant necessaria ministrari, omnes abbates, sive priores, nulla distinctione habita, famulos suos et equos, pro sua voluntate exhibeant. Hæc quidem, licet pauca, statuimus in præsentī secundum voluntatem Dei, et consilium fratrum nostrorum, in sequenti capitulo apposituri alia, si necesse fuerit, vel iis, prout ratio dictaverit, aliqua subtracturi. Singuli autem camerarii provinciales hæc statuta penes se habeant, et ea curæ suæ prioribus et monachis infra proximum Pascha observanda proponant, utpote in quibus et forma ordinis, et exemplum honestatis, et salus animarum, si sint custodita, consistit.

**CAP. LXII. De orationibus et eleemosynis.**

Quoniam inter alia religiosa professionis officia, præcipue virtus orationis commendatur, docente nos Scriptura sine intermissione orare (I Thess. V) ; et inter opera pietatis tenet eleemosyna principatum, dicente Domino : *Date eleemosynam, et omnia munda erunt vobis* (Luc. XI) ; cupientes sicut nobis et nostris per hoc capitulum, ita etiam universis fidelibus per hæc eximia virtutum munera provideri, et iis maxime quibus spiritualibus sumus astricti, statuimus ut hoc anno instanti, pro domno papa et Ecclesia Romana, et domino rege Franciæ, et filio suo et regno, et regibus Anglorum et Hispaniarum, et catholicis principibus, et ordine Cluniacensi, et Cisterciensi, et Carthusiensi, Templariorum, Hospitalariorum, et reliquis ordinibus, et prælatis ecclesiarum, fundatoribus et benefactoribus nostris et locorum nostrorum, ac omnibus Christi fidelibus, mille pascantur pauperes, et mille missæ præter debitas et consuetas celebrentur. Omnibus autem in perpetuum diebus, ubique locorum nostrorum pro universis prænominatis, post *Levavi* dicatur ad Sextam ; ad missas pro vivis, post *Agnus Dei* psalmus *Ad te levavi* usque ad sequens capitulum dicatur, ut per hæc orationum suffragia, pax vivis et defunctis requies a Domino tribuatur. Missas autem celebrantes, obnixius commoneamus, ut ad primum *Memento*, vivorum devote reminiscantur ; et ad secundum *Memento*, memoriam pie teneant defunctorum.

**D** Acta sunt hæc Cluniaci anno Dominicæ Incarnationis 1200, IV Kalendas Novembris. Præsidente huic sacro conventui domno Hugone abbate, hujus nominis quinto.

**STATUTA QUÆDAM ALIA CLUNIACENSIS COENOBII MS.**

**CAP. I. Pro domno abbate Cluniacensi.**

Quoniam alia est legitimi ordinis rectitudo, alia ex necessitate ordinis dispensativa remissio, justum est ut, necessitate cessante, ordinis integritas inviolabiliter conservetur, quia plerumque antidota

quæ curant ægritudinem, cessante morbo, si sumantur impediunt sanitatem. Quæ ergo de statu nostri ordinis certis ex causis hactenus relaxata vidimus, causis eisdem desistentibus, in pristinum rigorem revocari desideramus. Et quoniam domnus



abbas Pater et principium est nostri ordinis, ea quæ ab antiquis patribus nostris diligenter instituta et constanter observata audivimus, tanquam Patri significamus, ut in eo et sinceritatem doctrinæ, et boni operis efficaciam, vel de speculo cognoscamus.

Videlicet ut cum conventu in refectorio comedat et in dormitorio jaceat. Idcirco autem cum conventu eum semper manere cupimus, ut subjectorum infirmitatibus ex his quæ simul cum ipsis passus fuerit compati noverit.

Quod si aliquando vel fatigatio, vel infirmitas, eum parumper extra conventum vel reficere, vel pausare coegerit, in communi infirmaria, vel in cella novitiorum locus honestus cum tapetis et cortinis ei sicut dominus et Patri honorifice præparetur.

Nec unquam in domibus illis superioribus quæ sacristariæ magis competunt, comedat, vel dormiat, sed sicut decet bonum pastorem, sive cum sanis sanus, sive cum infirmis infirmus maneat, et ita oves suas nunquam pius pastor deserat.

Infra septa quoque Cluniacensis monasterii nulum famulum ad suum servitium admittat, sed aliquos ex fratribus et filiis suis maturæ ætatis et studii, et ad mensam, et ad lectum, et ad infirmitatis suæ curationem per omnia servituros adhibeat. Et quia cultus justitiæ silentium est, in locis silentio dicatis silentium teneat. Cappa etiam vel mantello nullatenus utatur.

Equitaturæ etiam domni abbatis per decanias et per alia loca, sicut ei visum fuerit, custodiendæ deputentur, quatenus in decanorum utilitatibus serviant, et Cluniacensi domui non sint oneri, nec tamen desint utilitati. Et quoties domnum abbatem necesse fuerit equitare, quod tamen cavere debet, nisi magna et inevitabilia urgeant negotia, tunc decani et cæteri qui equitaturas custodiunt, eas cum famulis suis sicut decet ad servitium tanti Patris honeste præparatas mittant; redeuntes vero peracto negotio et famulos et equitaturas iterum recipiant, et domorum sibi commissarum commoda de utrisque faciant. Cum vero equitaturæ illæ debilitatæ fuerint, si culpa custodum fuerit, custodes reddere cogantur; si noxa aliena, custodibus non imputetur.

Et quia scriptum est: *Omnia fac cum consilio, et post factum non pœnitebis (Eccli. xxxii)*, domnus abbas duodecim sapientes fratres in domo Cluniacensi semper habeat, quorum consilio in omnibus tam interioribus quam exterioribus agendis semper utatur.

Pastorem quoque proprium non habeat, sed talem cibum et talem potum per omnia quotidie coram se habeat, qualem conventus habuerit. Super hoc tamen, sicut honor ejus ex antiqua consuetudine exigit, duo guastelli de granario, et de meliori vino communis cellarii in cappa decenti, coram eo afferri debent.

Ab abbatibus vero et a prioribus suis nihil exi-

gat, sed si quis eorum ei aliquid gratis dare voluerit, tanquam ad proprios usus, ad plus, unam marcam accipiat, unde pauperibus eleemosynam tribuat. Quod si forte aliqua alia in manus ejus venerint, camerario reddat. In nullo enim vel ab ipso domno abbate, vel ab alio distrahendi aut imminuendi sunt redditus camerarii, quoniam isdem camerarius omnium, quæ propriæ ipsius Cluniacensis ecclesiæ negotia contingunt, curam debet gerere, et ideo cuncta quæ apportantur, in integrum ad ipsum debent confluere, ipsius arbitrio per varias ecclesiæ necessitates distribuenda. Si vero aliquando nova et magna negotia, aut insolita debita in ipsa ecclesia emeruerint, tunc ad hæc expedienda convocatis hinc inde fratribus, eorum auxilio altiori utatur consilio.

Novos cantus, novas lectiones, aut in ecclesia aut in refectorio nullatenus admittat, decanos de potestate camerarii in nullo excludat; thesaurum et ornamenta ecclesiæ absque consensu capituli non distrahat, non removeat; in prioratibus neminem de his qui obedientiam tenent vel claustralem, familiari patrocinio a potestate sui prioris excipiat, ne lite inter eos pullulante, charitas et concordia refrigescant.

Terras et redditus ad ecclesiam pertinentes, sive antiquitus possessas, sive de novo datas, nullo dono, nulla commutatione, nulla venditione, ab ecclesia auferat. In statuendis sive removendis prioribus, aut decanis non favorem, non gratiam, non odium, nec preces, nec promissa, nec pretium attendat aut recipiat, sed cum æquitate, et modestia errata corrigat, et statuenda statuatur.

Si domnus abbas extra conventum in majori ecclesia missas aut aliqua divina officia celebrare voluerit, ita tempus et cantum moderari studeat, ne fratribus molestiam inferat.

**CAP. II. De electione quatuor personarum, quæ semel in anno Cluniacum veniant, quæ diligenter inquirent statum domus.**

Venerabilis Pætris nostri domni Hugonis abbatis sanctionibus inhærentes, nos qui sumus in capitulo generali definitores constituti statuimus ut quatuor discretæ et idoneæ personæ eligantur, scilicet duo abbates et duo priores, ad Cluniacensem ecclesiam pertinentes, qui semel in anno statuto termino, videlicet in Octavis apostolorum Petri et Pauli Cluniacum veniant, tam de persona ipsius domini abbatis Cluniacensis, quicumque per succedentia tempora fuerit, quam de statu ecclesiæ in temporalibus et spiritualibus, et locorum conjacentium diligenter inquirent, et quæ corrigenda fuerint, ad ipsorum consilium corrigantur, et per eos omnia in generali capitulo annis singulis innotescant, ut per talem visitationem in bono statu Cluniacensis ecclesia perseveret, et cæteri exemplum capituli imitantes, nostra firmiter instituta observent.

Quoniam plerumque et in plerisque locis accidit, quod beneficia spiritualia, pactione conferantur in-

terveniente, cum hoc sit sacris canonibus inhibendum, et legi divinæ contrarium, prohibemus statuendo ne prioratibus dandis vel recipiendis, pro obedientiis, pro ecclesiis et capellanis, pro monachis recipiendis, sepultura seu aliis rebus vel officiis spiritualibus, pactione mediante, aliquid offeratur vel promittatur, excepto quod de monacho dicit B. Benedictus, quod ejus devotio sponte oblata non respiciatur.

**CAP. III. Quod pro monachis et obedientiis pretium non recipiatur. De eleemosynario.**

Quoniam ex frequenti monachorum quorumlibet receptione inutilem excrescere multitudinem perpendimus, diffinimus, ne in capite sive in membris in quinquennium aliquis monachus recipiatur, nisi ad succurrendum, aliter nunquam nisi urgeat necessitas evidens, nihilominus tamen per camerarium loci manifestata capitulo generali. Hoc idem de mulieribus quibuscunque in cellis nostris recipiendis diffinimus, excepto quod de cætero etiam post quinquennium, talium receptio capitulo generali significetur antequam fiat. Periculosum est valde, et multum nobis a plerisque detrahitur, et utinam immerito, quod res ad eleemosynam pauperum deputatas, in alios usus quam deberemus, convertimus; et Idcirco statuimus ne quisquam hominum, sive abbas sive alius, tollere vel alienare quidpiam eorum quæ ad subsidium indigentium assignata sunt, aliqua temeritate præsumat. Eleemosyna igitur fratri timenti Deum custodienda tradatur, qui omnes redditus et proventus in usus pauperum et peregrinorum fideliter convertat, qui una ad plus sit equitatura contentus, paucis servientibus, modicis sumptibus, quia quidquid uni ex minimis, Domino; quidquid eis subtrahitur, Deo aufertur. Nos in hoc animas nostras liberamus, ipsis quibus est hæc cura commissa, de sua administratione judici omnium Deo, in districto examine responsuris. Delinquentes autem cum compertum fuerit, cæteris acrius puniantur.

**CAP. IV. De hospitalitate.**

Cum sectandi hospitalitatem auctoritatem habeamus a Domino Jesu Christo, dicturo in futuro: *Hospes sui et collegistis me* (Matth. xxv), et ex patribus exemplum in Veteri Testamento, quia per hanc placuerunt quidam, angelis hospitio receptis, et oculata fide, hac de causa loca religiosa crevisse videamus: erubescendum nobis est, quod hanc minus honeste observamus, et occasione qua creverunt, modo decrescunt. Statuimus ergo ut religiosæ personæ sæculares et pauperes singulis suis modis secundum facultatem locorum benigne recipiantur, et exhibeantur honeste. Huic autem officio in locis majoribus fidelis et sedulus frater similiter assumetur: quod si, supervenientibus hospitibus, ob locorum paupertatem commode non potuerint necessaria impendi, eis saltem hospitium, et vultus hilaris non negentur, quia *hilarem datorem diligit Deus* (II Cor. ix). Prioribus autem et obedientiariis mo-

A nachos Cluniacenses non recipientibus, hanc penam decrevimus inflingendam pro clausa porta: Prior, si præsens fuerit, depositionem sine misericordia mereatur; si autem absens fuerit, ille depouatur, qui vices agit prioris, pro non exhibitione necessariorum ad consilium camerarii, qui novit facultatem loci, puniatur, si duxerit eum puniendum.

**CAP. V. Ne monachus hospitetur nisi in domo religionis.**

Quoties monachus Cluniacensis egressus foras congrue divertere poterit ad locum religiosum, ad domos sæcularium non declinet, licet ii ad quoscunque divertit eum de suo nolint aut nequeant procurare; honestius enim et tutius apud religiosos et sumptus fieri, et mora potest haberi.

**CAP. VI. De honoribus amittendis:**

Quoniam quidam tam monachi quam priores, periculum inobediendiæ, quod a primo parente contraximus, verentur, et sui voti quod de obedientia promiserunt, passim transgressores, nostris vel majorum suorum præceptis non obtemperant: statuimus, et districte præcipimus, ut priores semel et bis commoniti, si emendare noluerint, suos absque spe recuperationis amittant honores, et si contumaces perstiterint, etiam ab ordine toto ejiciantur. Monachi vero hoc nefario scelere detenti, pœnis secundum ordinem durissimis plectantur, et si emendare noluerint, a consortio universæ pellantur congregationis. Idem dicimus, de fautoribus eorundem, et eorum qui fratribus suis captivis vel spoliationis impedimenta procurant.

**CAP. VII. Ne monachi habeant honorem precibus laicorum.**

Quoniam nonnulli fratrum nostrorum, non vitæ, vel scientiæ meritis, sed sæcularium interventu committi sibi obedientias vel prioratus exposcant, ponentes carnem brachium suum, et a Domino recedit cor eorum (Jer. xvii), statuimus ne ullus taliter quemlibet petens honorem, unquam illum obtineat, vel alium infra annum, quia et sæculares, si non obtineant, contra nos commoventur, et ipsi monachi dum confidunt in homine, minus student bonis moribus, et suos audacius prælatos contemnant.

**CAP. VIII. Quibus prioratus committendi sint.**

Statuimus ut prioratus, decanatus, et cæteræ omnes administrationes discretis et honestis viris committantur, qui præesse noverint et prodesse, non nobilitatis gratia vel familiaritatis, sed vitæ merito et doctrinæ. Præterea prioratus, maxime conventuales, non nisi sacerdotibus committantur, vel talibus qui infra annum in presbyteros valeant ordinari; sin autem, extunc a prioratibus se noverint removendos.

**CAP. IX. De dilapidatoribus domorum, et confirmatione prioratum.**

Priores conventuales non removeantur nisi certis ex causis, scilicet si domorum dilapidatores, si

inobedientes et rebelles, si infames et incontinentes, vel ad majorem utilitatem fuerint promovendi, et hoc judicio diffinitorum in capitulo generali, nisi aliqua causa manifesta emerit, pro qua dominus abbas eos removere compellatur. Confirmationes prioratum ad vitam nihilominus quassamus, exemplo domini papæ, et ne fiant de cætero prohibemus.

**CAP. X. De electione priorum.**

Ad abolendam sane aliquorumdam monachorum insolentium pravitatem, qui in pluribus locis sibi priores in præjudicium matricis ecclesiæ cœperunt eligere, et eorum qui nominantur frenandam ambitionem, et superbiam retundendam, sub districtione anathematis inhibemus, ne unquam de cætero talis electio vel nominatio fiat. Si autem, quod absit! **B** contra hoc fuerit attentatum, is qui electioni vel nominationi consensit, nisi statim resipuerit, ex ipso facto excommunicatum se sciat, et perpetuo omni honore et administratione privandum: qui hujus execrandæ electionis vel nominationis fuerint auctores, simili omnino pœna plectantur. Sequacibus vero, et minus intelligentibus, ultimis in congregatione futuris, non celebraturis divina, donec Cluniacum adierint, aut de indulgentia domni abbatis, fuerint misericordiam consecuti.

**CAP. XI. De illis qui habent obedientias ab aliis monasteriis.**

Non videtur utile vel honestum, quod fratres nobis subditi, et maxime priores in fraudem et eludium disciplinæ et fomitem cupiditatis, procuracionem in aliis monasteriis assequantur, vel professionem ibi faciant, vel obedientias nanciscantur, ideoque præsentī constitutione sancimus, ut omnes priores nostri qui habent domos vel obedientias ab aliis monasteriis, eas dimittant, vel nostras amittant in continenti. Claustrales vero nostri, si alienas habeant obedientias, eas dimittant, si nostras voluerint adipisci. Monachi autem qui habent procuracionem in aliis monasteriis, vel professionem fecerunt, una vel alia sint contenti, et si sine voluntate vel licentia priorum illuc transierint, tanquam fugitivi habeantur; hinc enim inobedientia et rebellio nascitur, et nostris domibus gravia solent accidere detrimenta.

**CAP. XII. Ut priores faciant cum consilio aliorum.**

Quoniam ex vocatione multorum ad consilium nonnunquam domorum impeditur utilitas, ordo confunditur, et prioris potestas minuitur, dum sunt aliqui tumidi spiritus et discordes, vel etiam imperiti, qui suo consilio volunt universa disponi, statimus ut in minoribus agendis, prior meliorum tantum utatur consilio, et in majoribus tantummodo professorum. Alii enim, ut pote non plene monachi Cluniacenses, se non vigeant consiliis, nisi de prioris fuerint voluntate vocati.

**CAP. XIII. De sigillo prioris et conventus.**

Prior Cluniacensis sigillum habeat speciale et

A nomine suo confectum quo libere valeat sigillare: sigillum autem conventus, cum solemnitate non modica custodiatur. Hoc idem de sigillis conventualium domorum diffinimus.

**CAP. XIV. De mutuo faciendo.**

Præterea statuimus ut priores omnes sive majores, sive minores, consilio fratrum quibus præsent, et familiæ, et præpositi, et quorundam bonorum virorum, qui ad eundem locum pertinent, cum mutuum faciendum est, vel immutandum, faciant; ita quod omnibus pateat, quibus personis, et quibus terminis, et ad quantas usuras debeatur, et in quos usus contractum mutuum fuerit conversum, hinc enim poterit domibus melius esse consultum.

**CAP. XV. De computatione.**

Ut domorum status certior habeatur, ad minus ter in anno coram priore et senioribus reddant singuli de suis officiis rationem, facientes computationem fideliter de expensis omnibus et receptis. Similiter prior bis in anno status domus in capitulo plene manifestet, et ad generale capitulum semel cum testimonio camerarii provincialis, domno abbati status domorum per priores plenius innotescat; sic enim incommodis facilius poterit obviari, et libertas male ministrantium cohiberi.

**CAP. XVI. Ne monachus fidejubeat**

Statuimus ut nullus prior vel monachus fidejubeat, vel sigillum suum proprium, aut commune obliget, pro aliqua ecclesiastica sæcularive persona; quia, dum eos ad obligationem non liberant, domibus talibus, talibus impedimentis graviter onerantur, nec inter se sæculares contractus monachi fidejubendo habeant, vel pignora supponendo, vel aliter negotiando.

**CAP. XVII. De alienatione domorum.**

Si quis aliqua de causa, terras, domos, possessiones, thesauros ecclesiarum vendere, invadere ad minorem censum, terras pro magno pretio dare, vel alio modo inconsulto domno abbate, vel capitulo Cluniacensi præsumpserit alienare, absque remissione de prælatione dejectus, per triennium teneatur in claustrum Cluniacensi, nullam omnino obedientiam habiturus, et quod magis est, præmissa regulari disciplina ad terrorem aliis, et sibi confusione incutienda, et transgressi mandati pœnam singulis dominicis diebus per mensem integrum, secundum quantitatem delicti ad judicium domni abbatis hac satisfactione mulcetur, ut ad processionem cum totus conventus est cum populo in nave ecclesiæ, cum venerit, in medio fratrum prosterнат se in terra, ut publice confundatur, et qui terram vendidit, adhæreat pavimento, cæterique a similibus terreantur, donec dominus abbas cum consilio suo misereatur et dicat: Sufficit.

**CAP. XVIII. De illis qui faciunt falsa debita.**

Quoniam majora facinora acriori pœna punienda sunt, de quibusdam qui fraude pessima de substantia Jesu Christi mammona thesaurizant, et, quod

peccatum est, dilapidatis domibus, alienatis possessionibus, venditis thesauris, refertis marsupiiis mediantibus personis laicis, sibi et domibus suis sub gravi fenore commodant, et cum prioratus amiserint, faciunt ab eis exigi quod non debetur, statuimus et de his et de illis qui in aleis et tesseriis ludunt, et latronibus, et falsariis ut, si quis super hoc convictus fuerit, absque misericordia de monasterio et congregatione, amputato caputis, expellatur. Idem constituimus de iis qui sœnus exercent, vel privatas gagerias accipiunt, sive res suas ad terminum lucri causa turpis vendunt, si moniti non respuerint, et peculium non reddiderint. Idem de his censemus qui falsa debita singuat, vel celant.

**CAP. XIX. Ne monachus in extremis positus, alicui res suas dimittat.**

Cum monachus vel conversus, nec sui juris, nec potestatis existat, nec quidquam proprium debeat possidere, multominus res, si quas habet, alicui dare vel dimittere in extremis, ne tunc culpam contrahat cum a culpa debeat per poenitentiam relaxari. Ne ergo hoc de cætero fiat districtius inhibemus, sed si qua habuerint, in sui sint dispositione prælati. Quod si quisquam fecerit, et quod fecit irritum habeatur, et nomen ejus non scribatur in catalogo defunctorum.

**CAP. XX. Ne aliqui beneficia præsumat promittere.**

Supra modum gravari domos nostras pensionibus concessis clericis, obtentu ecclesiarum non vacantium, quas ipsis priores contra Lateranensis concilii statuta promittere non verentur, satis superque dolemus, et ideo his gravaminibus volentes occurrere, prohibemus, ne quis de cætero vel beneficia non vacantia promittere, vel pensiones hujusmodi cuiquam præsumat aliquo modo conferre, sciturusque quod qui hoc præsumperit, gradus sui periculum incurret et disciplinæ regularis acrimoniam sustinebit.

**CAP. XXI. De prioratibus, quibus tradantur.**

Nullus prioratus, decanatus, vel alia domus quæ possit per monachum Cluniacensem gubernari, alteri personæ regenda tradatur, quia per hoc videtur, in nostris aut probos viros non esse, aut nos probis et utilibus invidere. Si quando autem hoc necessitas exegerit, nequaquam fiat sine consilio capituli generalis. Statuimus ut clericorum, vel laicorum homines, ad nos non pertinentium, vel servi domorum Cluniacensium procuratores cellarii, sive præpositi, nullatenus fiat, sed etiam nostris ullum ministerium ad hæreditatem, vel vitam committatur.

**CAP. XXII. De provisoriis et camerariis provinciis.**

Ut autem onus Domino impositum melius ferat, dum in plures sarcina fuerit partita, statuimus ut unaquæque provincia unum, aut duos habeat provisores, quos camerarios appellamus, sollicitos, Deum timentes, qui in domibus disponenda disponant, et

A corrigant corrigenda. De statu domorum et priorum conversatione certificent diffinitores in capitulo generali, nec liceat eis cuiquam priori, vel obedientiario licentiam dare redditus, vel possessiones distrahendi, domno abbate inconsulto, nec liceat prioribus.... ne conscientia camerarium, debitum domorum ultra centum solidos augmentare, nisi ostendant, quare hoc faciant, rationem manifestam, quando autem necesse fuerit pro aliquo gravi negotio, priores eis in propriis assistant expensis. Illi autem camerarii cum instituuntur coram positus Evangelii, se bona fide domino abbati obedituros juramento mediante promittant, et significaturos, si per se corrigere non possunt, quæ viderint in suis provinciis corrigenda. Uode enim ex justa causa invenimus prohibitum juramentum

**CAP. XXIII. De muneribus non dandis in capitulo generali.**

Prohibemus insuper ne in capitulo generali munera dentur, vel recipiantur, vel promittantur, quia munera excæcant oculos sapientum (Deut. xvii), et auro justitia violatur, et ignis consumet tabernacula eorum qui munera libenter accipiant.

**CAP. XXIV. Quomodo veniant priores ad capitulum.**

Priores conventuales ad capitulum venientes, tribus sint equitaturis contenti. Prior tamen de Charitate duos secum priores conventuales adducat, prior autem S. Martini, unum; omnes autem tam priores quam abbates sibi provideant ad capitulum, donec de expensis capituli aliquid fuerit diffinitum. Nullus monachus nec aliquis novitius benedicendus accedat propter multitudinem ad capitulum generale.

**CAP. XXV. Ne prioratus committantur alienis monachis.**

Præterea diffinimus, ne abbates qui nostras abbatias non tenent, licet monachi nostri sint, nedum alii prioratus, in continenti Cluniacum relinquant, nec de cætero talibus committantur nisi tanta sit necessitas, cui capitulum generale velit assentire.

**CAP. XXVI. De his qui debent venire ad capitulum.**

Qui de remotis sunt provinciis de biennio in biennium ad capitulum venire procurent. Illos autem remotos reputamus, qui in Anglia, Hispania, Lombardia provinciis fuerint constituti. Alii singulis annis venire nullatenus prætermittant. Qui autem terminis statutis venire contempserint, a prioratibus deponantur, nec eos nisi per diffinitores capituli generalis valeant retrahere, illis duntaxat exceptis, qui se excusaverint necessitate evidenti. Ut tamen vitium insuetum appellationis de medio subtrahatur, statuimus ne appellantes in posterum unquam in claustrum habeant Cluniacensi mansionem; sed ad alias domos nostras conventuales districtiois ordinis mittantur, toto tempore vitæ suæ moraturi, nec administrationem aliquam in ordine Cluniacensi de cætero habituri. Illi vero qui litteras surtim personis

excellentibus per ecclesiam Cluniacensem transeuntibus porrexerint; quia per hoc congregatio diffamatur universa, tanquam fures puniantur, quia ob hæc instituitur capitulum generale, ut corrigantur corrigenda, et ut supradicti proponant quæ viderint proponenda. De proprietariis, secundum Regulam S. Benedicti, procedatur usque adeo quod si in fine cum eis pecunia, quam non solum manifestaverint fuerint inventa, Christiana careant sepultura, sententia excommunicationis, si propter hoc lata fuerint; penitus relaxata. Communitatem in refectorio volumus observari, antiquas tamen et regulares poenitentias approbamus, vitiosa novitate reprobata,

A quam faciunt obedientiarii, pretiosa cibaria comparando. De licentia tamen misericordiam habeant seniores et infirmi.

CAP. XXVII. *De institutionibus custodiendis.*

Statuimus præterea, ut tam priores quam camerarii præsentibus institutionibus præ manibus habeant ut in visitationibus camerariorum priores respondeant de singulis requisitis. Idem a diffinitoribus fiat in capitulo generali. Illi autem qui jam appellaverunt, cum satisfactione recipiantur. Ita tamen quod in claustro Cluniacensi non habeant de cætero mansionem, sed ad obedientias divisi mittantur exteriores.

## APPENDIX AD HUGONEM.

### ROSTANGNI CLUNIACENSIS MONACHI TRACTATUS

Exceptionis capituli S. Clementis papæ et martyris ab Constantinopoli ad Cluniacum translati, tempore Hugonis abbatis.

(*Biblioth. Clun., 1481.*)

Ad corroborandam fidem fidelium, et ad augendam devotionem audientium, quomodo vel qualiter, vel a quibus factum est, vel quæ fuit causa hujus translationis, pro modulo sensui mei, præsentibus et futuris certificare studui. Hujus facti causa fuit captio sanctæ civitatis Hierosolymæ, quæ pluries a pluribus est capta, imo plerumque a plerisque usque ad solum est diruta. Hujus civitatis casus et clades, quas pro peccatis incolarum passa est, audire non est contempnendum, quia in ipsa fides et salus seu redemptio nostra sumperunt exordium atque perfectionem, quia: *Ibi operatus est Dominus salutem nostram in medio terre (Psal. cxliii).*

#### TRANSLATIONIS NARRATIO.

Legimus in antiquis historiis atque prophetis, ubi conditoris nostri miracula, et fortia facta patrum narrantur, quod comminatio excidii, quam Dominus adversus Hierusalem per vaticinia prophetarum mandaverat, ea se non corrigente, per Nabuchodonosor regem Babyloniorum adimpleta est, adeo ut quidam Naluzardan princeps militiæ suæ non solum civitatem Hierusalem exspoliaverit, sed etiam muros destruxerit, et alumnos ejus Babyloniam captivos transduxerit. Hujus prædictæ civitatis ruinas Jeremias quadruplici planxit alphabato, quæ postea sub

PATROL. CCIX.

B Cyro rege Persarum honorificabiliter reædificata est. Legimus etiam in Evangelio quod cum Dominus per mediam transiret civitatem, quidam ex discipulis ejus ait illi: *Magister, aspice quales lapides et quales structuræ muri ejus. Cui Dominus ait: Vides has magnas ædificationes? non relinquetur lapis super lapidem, qui non destruat (Marc. xiiii).* Quod verbum, quamvis præteritorum, cælo et terra transeunte, præteriri non potuit, quia ex ore Verbi æterni prodiit; imo per Titum et Vespasianum completum est, qui non solum usque ad solum civitatem destruxerunt, et inhabitantes Judæos trucidaverunt, et triginta ex eis pro uno argenteo venderunt, verso ordine quia Dominus triginta argenteis ab eis fuerat emptus; rursusque eandem civitatem Ælius Adrianus, Josepho narrante, funditus subvertit; sed quomodo deinceps et a quibus ædificata vel regnata fuerit, usque ad tempus millesimi nonagesimi noni anni, nam ab Incarnatione Domini Anno milleno cæsteno, sed minus uno Hierusalem Franci capiunt virtute potenti.

quære historias, et invenies. Hujus autem captivitatis, captionis vel ereptionis de manu paganorum, causa exstitit Urbanus papa secundus, vir religiosissimus et reverentissimus, quem divina dispositio de claustro Cluniacensi elegit in sacerdotem

29

sibi, et in culmine summi pontificatus constituit. Hic caelesti desiderio afflatus, coepi deliberare qualiter civitas sancta Hierusalem ab immundis et nefandis hominibus liberata, Christianis et Christianæ religioni redderetur, ut ab eis Deus glorificaretur et honorificaretur; ubi Deus multa pro eis passus fuerat. Ob hoc peregrinationem, gratia lustrandi Gallias, aggressus est, et veniens Alverniam apud Clarummontem, celebre celebravit concilium: ibique præcepit primatibus, patriarchis, archiepiscopis, episcopis, abbatibus, prioribus, sacerdotibus, ut universos Christicolæ ubique terrarum hortarentur, quod pro redemptione animarum suarum iter Hierosolymitanum arriperent, ad recuperandum locum, ubi Deus operatus est salutem nostram et redemptionem nostram: nec etiam pertimescerent pericula terrea vel marina, recordantes quantum laboris ibi pro nobis Deus sustinuit.

Hac de causa eo tempore devotissimus comes Flandrensis monitus instinctu divino, et dux Normanniæ, et comes S. Ægidii, nec non et clarissimus princeps Boymundus, et Ademarus episcopus Podiensis, atque episcopus Albariensis, et episcopus Januariensis, omnes isti divino spiritu hortati, sine rege et imperatore, ad liberandam sanctam civitatem, Christo duce, transfretaverunt, provincias Saracænorum vastaverunt, civitates et castella fregerunt, Turcos occiderunt, et transierunt de gente in gentem, et de regno ad populum alterum, et venerunt Antiochiam, quam multo obtinuerunt labore: et postea, Domino se protegente, Hierusalem obsederunt, et multo conamine, auxilio Dei eam occupaverunt, infidos Saracenos necaverunt, civitatem a spurcitiis idolorum mundaverunt, regem ibi constituerunt, patriarcham ordinarunt, et plebem ibidem ad inhabitandam et custodiendam civitatem dimiserunt. Populus vero procerum ad alias regiones, cultui divino subjiciendas, cum ipso rege Hierosolymitano profecti sunt.

Nec vos pigeat hæc omnia me breviter epilogasse: amonnum est enim omnia scire, quæ si scire desideratis, historiam Hierosolymitanam inspicite, quæ luce clarius conscripta est ab eo qui omnibus his casibus interfuit. Nunc vero ad modernos, et ad moderna tempora styllum vertamus, breviter intimantes, qua justa occasione, et a quibus caput S. Clementis a Constantinopoli Cluniacum translatum est.

Itaque sciendum est quod plebs Hierosolymis dimissa, ex diversis collecta, genere linguarum, diversis moribus et vita dissimiles, nulla affinitate vel consanguinitate conjuncti erant. Ideoque alter alteri fidem non habebat, sed alter alteri detrahebat. Et Sancta sanctorum sibi a Deo commissa, obliti beneficiorum Dei, luxuriose vivendo, indigne tractabant, rapinis et furtis inhiantes. Peregrinos vero, qui a mundi finibus illuc venerant adorare, in loco ubi steterunt pedes ejus qui pro nobis ibidem pati dignatus est, dolosificabant; et quod mortis est cauponium et tabernariorum, pocula venenata aliquando

eis porrigebant, ut eis latenter exactis, eorum suppellectili pro libero uterentur arbitrio. Propter hoc Dominus donum, quod eis dederat, ob ingratitude eorum de jure revocavit; et ut ab indignis, indignioribus, in eorum injuriam, civitatem suam tradidit, ad tempus scilicet, Saladino et barbaris gentibus. Sic et olim arcam Testamenti abstulit a filiis Israel, et tradidit in manus Philistinorum, tempore Heli sacerdotis, prostrata innumera multitudine Jutæorum.

Considerans itaque Balduinus illustris comes Flandriæ, quod rex Francorum, rexque Anglorum hanc sanctam civitatem prædictam, nutu Dei concitati recuperare putaverunt, sed invidia diaboli, qui hominem de paradiso deiecit, discordes effecit; dum alter alterum fastu regio superare contenderet, et in superbia elati, alter alteri se præferre nitere-tur: Deus, qui superbis resistit (I Petr. v), de medio eorum se subtraxit, quia in scissura mentium Deus non habitat: ideoque opus ceptum imperfectum reliquerunt, et discordia quæ tunc ab eis concepta est, proh dolor! pro peccato illo, adhuc dum et scribo inter eos durissime durat. Verumtamen civitas Achon Dei auxilio ab eis occupata est, quam civitatem, quæ vulgo Acre dicitur, paulo ante Saraceni nobis violenter abstulerant, sed multiplices phalangæ peregrinorum zelo Dei maria transfretantes, eandem civitatem obsederunt, sed illi illico a Saladino obsessi sunt. Cumque civitatem ante se impugnarent, a Saladino a tergo impugnabantur, sed ipsi fecerant vallum inter se, et illum, ne in eos facile irrucere posset. Carebant quidem victualibus, eo quod nulla negotiatio victualium pervenire ad eos posset. Igitur, fame multo angore tabescebant; ita quod non de salute animarum, sed corporum desperarent. Sed misericors et miserator Dominus, qui dat escam timentibus se (Psal. cxlv), et implet omne animal benedictione (Psal. cxliv), aperuit eis manum suam, et prospicientes in mari eminus viderunt classem regis Francorum maria sulcantem. Tunc pavor pavori, et dolor dolori additur, et præ timore clamaverunt, æstimantes auxilium Saracænorum venire ad urbem, tamen miserunt quamdam trirēm obviari eis, ut explorarent quænam gens esset. Cumque propius accessissent, substiterunt timentes, quousque cognoverunt vela regia et cruces in proris affixas, et vocati ab eis fiducialius accesserunt. Et cum rem didicissent ut erat, repleti gaudio, reflexis habenis equi lignei, citissime volantes ad littora redeunt. Ibi populus inhiabat audire rufões. At illi antequam terram attingerent, clamare cœperunt: Annuntiamus vobis gaudium magnum quod erit omni populo, quia venit rex Francorum liberare vos de manibus inimicorum vestrorum. Quo audito,

*Attollunt animos, palmasque ad sidera tendunt,*

(VING., Æneid.)

rigantes genas lacrymis, quas magnitudo lætitiæ fundebat. Statimque rex appulit ad portum. Cui occur-

rentes cum tympanis, et choris, et ci'haris, quanto gaudio, imo quanto jubilo eum susceperint, cogita, si potes. Cumque ille et sui oblata potirentur arena, rex munera majoribus largitus est victualium, et pauperibus elemosynas distribuit, fixisque tentoriis et papilionibus distensis civitatem ex magna parte obsedit: et statim direxit nuntios ad regem Anglorum, qui Cyprum obtinuerat, ibique adhuc morabatur, ut citissime veniret, deferens ei in hoc, quod, eo absente, urbem volebat attentare. Qui concitus cum magno exercitu et regio apparatu veniens, duplicato gaudio circumdederunt urbem; quin post multos labores, auxiliante eo, qui solo... civitatem ceperunt. Tuncque famelici saturati sunt, et egentes spoliis ditati, et civitas cum magno triumpho obtenta est. Quam si nunc non habere-  
 B mus, nusquam in partibus illis tutum portum inveniremus. Sed zelo invidiæ reges discordes effecti, ab invicem discedentes, iter Hierosolymitanum postposuerunt.

Hæc supradicta deliberans comes Balduinus Flandrensium, accessit comite Sancti Pauli, et quampluribus aliis baronibus, de Gallia, de Anglia, de Alamannia et de universis mundi provinciis; recolens quod Deus non in multitudine, sed in paucis salvare solitus est; jactans in Domino cogitatum suum, iter Hierosolymitanum arripuit. Cui Dominus in auxilio et consilio dedit comitem, scilicet marchionem Montis-Ferrati, ejus laus et potestas ubique terrarum prædicatur. Duxit etiam secum viros reverentissimos, episcopum videlicet Saixonensem, [f. Suesasion.] episcopum Trecensem et alios quamplurimos religiosos. Huic sacro comitatu junxit se quidam miles, nomine Dalmacius de Serciaco, vir nobilis et valde litteratus, qui sibi associavit quemdam militem nomine Pontium de Buserria, virum fidelem et bonum socium. Hi pariter cum prædicto exercitu iter arripuerunt, atque Venetiam deven-  
 C runt, et a Veneticis venenatis dolose recepti sunt: qui transitum eis neque naulo neque aliquo pretio ex longo tempore concedere voluerunt. Tandem a labyrintho eorum liberati, inciderunt in Carybdim imperatoris Constantinopolitani: qui dolens de adventu eorum, tristitiam cordis sicca lætitia eclavit, diu in auxilium sibi falsis persuasionibus detinuit, et peracto negotio suo, non ut imperator, sed ut perfidus, stipendia, quæ eis promiserat mentitus est. Et effertis eis, non solum ab urbe, sed etiam a regno eos bello expellere satagebat. At tamen Franci interincudem et malleum constituti, ad solitam Dei clementiam recurrentes, divinum implorantes auxilium, animati a Deo, qui *potens est in prælio* (Psal. xxxiii), Græcos tantummodo plebs peditum ante ortum auroræ aggreditur. Græci vero divino nutu terga vertentes, in fugam versi sunt, et unus de nostris centum decem millia persequabatur. Franci autem persequentes, trucidando fugientes, civitatem obtinuerunt, et imperatorem de palatio fugere compulerunt. Quo dejecto, comitem Flandrensem pro

A imperatore constituerunt, civitate obtenta. Quapropter idem prædictus Dalmatius, eo quod Hierusalem adire non poterat, deliberavit cum socio suo qualiter caput beati Clementis pie furari posset. Quod caput audierat a quodam imperatore a mari Constantinopolim esse translatum, et in loco celebriori reposuisse. Quod quomodo, Deo concedente, Dalmatius prædictum sancti caput Clementis obtinuerit, ipso narrante, audite.

Ego Dalmatius de Serciaco, et socius meus Pontius de Buserria, e Thessalonica recedentes, proposueramus terram Hierosolymitanam visitare; sed illuc pervenire non potuimus, propter imminentium ventorum procellam. Laboravimus itaque per sex hebdomadas super mare. Tandem angustia ventorum compulsi, Constantinopolim iterum applicuimus. Cumque illuc quasi in dolore et tristitia sepultus essem, eo quod voti compos, eundi in Hierusalem habere facultatem nequissimè, verens ne fructus tanti laboris, pro quo tot terrena et marina pericula subieram, amitterem, conversus ad Dominum cum lacrymis cœpi orare, dicens: *Illustra faciem tuam, Domine, super servum tuum, et doce me justificationes tuas* (Psal. xxx); et inspirare dignare aliquod factum servo tuo, quod æquipolleat voto cœpto, nec completo: sitque tibi peræque gratum, ut meæ remunerationis nummum non amittam. Et ut revera reor, *exaudivit Dominus vocem fletus mei, et orationem meam suscepit* (Psal. vi). Et innatum est, id est conceptum divinitus in mente mea, ut de reliquiis sanctorum, quorum ibi tanta erat copia, quod vilius ibi tractarentur, de eis in transmarinis deferrem partibus; sciens quod quanto longius eorum reliquiæ deferrentur, tanto clarius gloria et laus eorum longius clarescerent. Et dum talia in animo meo volvebam, concepì in mente mea, ut consulerem venerabiles et religiosos viros, Ecclesiæ Romanæ cardinales, domnum videlicet Benedictum, domnum Petrum Capuanæ Ecclesiæ cardinalem, qui pari voce et æquali concordia mihi in præceptis dederunt, ut undecunque possem habere sanctorum reliquias absque venalitate, quia lex inhibet ut nemo martyres distrahat, nemo mercetur; et in loco religiosiore ad laudem Dei et ipsorum sanctorum, quorum reliquiæ haberentur, honorifice deponerem. Quo præcepto recepto, cœpto cœpi operi instanter ardentius effectui mandare quod in voto conceperam: et per totam hiemem Constantinopoli usque in Ramis palmarum hibernantes, studium nostrum apposuimus. Accidit quidem in ipsa Dominica, dum inter prandia essentis, et de sanctorum reliquiis sermocinaremur, quidam sacerdos nomine Marcellus, vir religiosus, territorii Cabilonensis indigena, dixit se scire honorabiles cujusdam sancti reliquias, videlicet caput beati Clementis. Et nos sciscitati sumus ab eo, quomodo de his certus erat. Et respondens, se vidisse barreteam criseam, id est laminam auream insortam capsulæ, in qua depicta erat imago Sancti Clemen-

is, et suum proprium nomen Græce scriptum, scilicet, ὁ ἅγιος Κλεμῆντης, quod Latino dicitur *sanctus Clemens*. Est autem abbatia illa, in qua beati Clementis caput continebatur, magnæ auctoritatis, in eadem civitate, quæ Græce dicitur *Trentafolia*, Latine vero interpretatur *Rosa*. Qualiter vero caput sancti Clementis habuimus, paucis non possumus explanare verbis; breviter tamen quædam insinua-  
 bimus. Tunc accessimus ad monachos loci illius, rogantes ut nobis sanctorum reliquias causa orationis ostenderent. Illi vero quemdam clericum nobis tradiderunt, qui nos custodiret, et ea quæ petebamus ostenderet. Ego autem Dalmatius prædicto sacerdoti, et cuidam monacho Cisterciensi, qui nobiscum erat, dans opportunitatem peragendi negotium pro quo veneramus, clericum, qui nos illuc adduxerat, per diversa Ecclesiæ loca mecum deducebam, de multis aliis cum eo colloquens, et aspectum ejus ad contucudas imagines retorquens, faciebam eum vagari, ne posset videre quæ presbyter facturus erat. Tunc presbyter cum tremore accedens ad beati Clementis caput, non est ausus totum assumere, sed mentum cum maxillis caute avulsit, capite derelicto. His factis, cum jam extra portam abbatiæ essemus, interrogavi ego Dalmatius sacerdotem quid fecisset: ipse respondit se de reliquiis sufficienter accepisse. Quæsi iterum ab eo, utrumne totum caput haberet; respondit: Non, sed tantum mentum cum maxillis. Commotus ergo dixi illi: Nihil fecisti? Ite contenti eo quod habetis; ego, et socius meus Pontius videbimus quid facere poterimus. Sic itaque illis recedentibus nos duo ad monasterium reversi sumus. Monachis ergo, qui in porta erant, quærentibus ad quid regrederemur, ego Dalmatius chirotecas meas in ecclesia reliquisse respondi: sicque cum monachis in porta remanens, detinendi causa, socium meum domnum Pontium, ad implendum quod quærebamus, intus misi. Ille igitur monachum quemdam quasi custodem monasterii retro portam dormientem perspicens, ad negotium implendum festinavit. Et ex Dei permissione, de duobus capitibus sanctorum, quæ in armariolo retro altare continebantur, beati Clementis caput attulit. Consideravit enim quod illud erat S. Clementis, de quo presbyter mentum acceperat. Sicque cum gaudio equos nostros ascendentes, cum festinatione abbatiam exivimus. Comperientes vero monachi quod factum fuerat, cum magno ejulatu post nos currentes, barbarumque suarum et capitum pilos dirumpentes, reliquias sanctas nos furtim rapuisse clamabant. Ego autem Dalmatius Pontium socium meum cito præcedere commonens, ad retardandos monachos habenas reprimens, sinum meum vacuum illis ostendens, nos nihil eis abstulisse pro mendacio asserebam. Sicque ex Dei gratia cum sancta præda per multarum viarum divertia, cum gaudio et timore ad hospitium reversi sumus, sanctumque beati Clementis caput, non quanta debemus, sed quanta ausi fuimus et potuimus, vene-

A ratione, in capella domus nostræ occulte reposuimus. Postea vero aliquantulum dubitantes, et de facto nostro certiorari volentes, nullam ausi sumus facere mentionem a die Dominica in Ramis Palmarum usque ad pasceven, sed taciti super hæc permansimus. Illa vero passionis Dominicæ die permutato habitu, et pedes visitantibus sancti, quasi peregrini ad prædictam abbatiam devenimus: et non solum ad adorandum, sed potius ad furandam aliud caput quod relictum fuerat, versus altare viam direximus. Quod viventes monachi multi post nos currentes, usque ad armariolum nobiscum pariter devenerunt. Vixque multa precum instantia, sanctuarium quod intus erat, manus nostras mirabiliter observantes, osculari permiserunt. Cumque ab ipsis, quare sic timerent, quæreremus, responderunt, pretiosissimas reliquias, caput beati Clementis se de novo taliter amisisse. His auditis, certiores effecti, ab ipsis recessimus, et sic quieti usque in diem Paschæ permansimus. Ipsa autem Resurrectionis die, ego Dalmatius de acquisito capite plurimum gaudens, et ampliore volens habere certitudinem, quemdam interpretem, quem neccum tenebam, Græcæ et Latine lingue peritum, ad abbatiam prædictam transmisi, eique ut abbati illius loci insinuaret, quod aliquas reliquias cuidam militi, auri, vel argenti, vel domorum, sive reddituum permutatione concederet, injunxi. Qui ad abbatem veniens, quod sibi injunxeram patefecit. Cum abbas quasi iratus, nullas reliquias, quibus carere vellet, quoniam caput beati Clementis de novo perdididerant, se habere respondit. Cumque in hunc modum ab eo interpret recederet, quidam Venetiani, in quorum dominio et potestate prædicta abbatia sita est, obvii venientes, quidnam quæreret ipsum interrogaverunt. Quibus cum se ad adoranda sancta devenisse respondisset, ipsi ipsum forte ex his qui sanctum caput beati Clementis furati fuerant ei objecerunt. Quibus ille nihil horum se scire respondens, quam citius potuit ab eis recessit. Et ita ad nos rediens, totum quod audierat et viderat recitavit. In hunc igitur modum augmentato et confirmato gaudio nostro, ego Dalmatius nec dum de inquisitione veritatis facti nostri quietere volens, a quodam Suriano, Moysæ nomine, qui ante tempora captionis civitatis Jerusalem, sepulcri Domini nostri Jesu Christi canonicum et custodem existerat, et post tempora præfatæ captionis devenerat Constantinopolim, ibique ultra xv annos moram fecerat, et multa de statu ecclesiarum, et de depositione sanctorum, ut diligens inquisitor audierat, utrumne aliquid de corpore beati Clementis in eadem civitate delatum fuisse audisset, multa diligentia quæsi. Qui siquidem post multam inter se auditorum revolutionem, caput beati Clementis a quodam imperatore longe ante Constantinopolim deportatum, sed ubi repositum fuerit, se nescire respondit. His igitur intersignis et inquisitionibus: ego Dalmatius et socius meus Pontius admodum lætiti-



cati, beati Clementis caput, si Deus prosperum ad patriam nobis reditum concederet, sanctæ Ecclesiæ Cluniacensi nos daturos devovimus et promisimus.

Quanto citius ergo potuimus, navem ascendentes, et de prosperitate itineris nostri ex Dei gratia, et patroni nostri sancti Clementis tutamine plurimum confidentes, multa maris spatia usque ad vigiliam Pentecostes satis prospere transivimus. Ipsa autem vigilia invidus ille humani generis inimicus omnium bonorum, in quantum a Deo permittitur, perturbator, felicibus, ut credimus, actionibus nostris invadens, noctis illius crepusculo, vehemens et intolerabile venti marisque super nos induxit tormentum. Quo turbine turbati, turbantur et cæcula ponti, et elevate sunt mirabiles elationes maris (*Psal. xcii*). Tunc nuda dehiscens maris secreta undavit, æstusque furit arenis, et sepulcrum nostrum, ventres scilicet piscium, jam mare paraverat. Tunc extemplo omnium solvuntur frigore membra, eo quod non tam navis inter undas, quam undæ intra navem viderentur. Et carbasus arcemone inclinato jam maria lambere videbatur, et nautæ de vita desperantes, nave relicta in barcellis effugerunt. Cumque omnes alii, qui in navi remanseramus, de evasione et vita desperaremus, et omnium honorum, et malorum oblitii extra nos positi fueramus. Tunc confestim Spiritus Paracletus, qui ubi vult spirat (*Joan. iii*), inspirare dignatus est nobis, ut confugeremus ad sanctum Clementem, cujus reliquias portabamus, ejusque experiremur clementiam. Nos vero ante capsulam, flexis poplitibus, lacrymis distillantibus, palmis ad cælum extensis, hujusmodi orationem obtulimus: O clementissime Clemens, clementiam tuam imploramus, de cujus patrocinio

A confidimus; ut qui pro nomine Christi in mari subversus es, nos a subversione maris liberare digneris, ut ex hoc veraciter comprobemus te nobis auxiliari.

Oratione autem finita, illico finita est procella, et tranquillitas maris reddita est nobis. Fatemur igitur, et confidenter dicimus, quod statim per beati Clementis merita aquilone fugato, auster prosper propeere successit, et navem ex opposita parte evidenter erigendo, præfatum mortale periculum feliciter evasimus. Et lætabundi lætabundas exolvimus gratias erectori nostro, sicque per mare volantes citius appulimus ad portum optatum. Postea vero per diversa terrarum spatia, a beato Clemente prospere conducti, vi Kal. Augusti sæpe dictum sancti martyris caput cum multa devotione et honorificentia Domino concedente, et ipso martyre permittente, sanctæ ecclesiæ Cluniacensi, et ejusdem venerabili conventui obtulimus perpetuo venerandum et colendum. A quibus honorifice et cum ingenti reverentia susceptum, cum aliis sanctis reliquiis lætantes deposuerunt. Sed paulo post cum ingenti reverentia et honore in capsam argenteam honorificentius recondiderunt. Unde, de ejus clementia sperantes apud eum, qui judicaturus est vivos et mortuos, de ejus patrocinio et advocations perpetuo confidimus muniti. Ejusque deprecamur clementiam, ut sicut aliquando universalem rexit Ecclesiam; ita nunc hanc specialiter regere et gubernare dignetur. Amen.

C Hoc autem factum est per gratiam Dei, anno 1206, præsentate Innocentio papa, regnante Philippo rege Francorum, adjuvante Domino nostro Jesu Christo, cui est gloria perennis et laus perpetua, per infinita sæcula sæculorum.

*Explicit narratio exceptionis apud Cluniacum capitis beati Clementis.*

# BALDUINI

## FLANDRIÆ ET HANNONIÆ COMITIS,

### POSTMODUM

### IMPERATORIS CONSTANTINOPOLITANI

### EPISTOLÆ ET DIPLOMATA.

F.

*Litteræ de pace facta inter comitem Balduinum et illos de Tornaco.*

(Anno 1197.)

[*MARTEN. Thesaur. Anecd.*, I, 664. Ex Hasnoniensi chartarie dominorum de Avesuis.]

Ego BALDUINUS Flandriæ et Hannoniæ comes om-

nibus notum fieri volo, quod, sacramento præstito et fide interposita, concessi cuilibet de Tornaco quod firmas eis trugas tenebo, donec firma pax reformata fuerit inter dominum regem et me de illa quidem guerra quæ modo est incepta inter dominum regem Francorum et me, hoc videlicet modo, quod ipsi non poterunt interim amplius firmare a-

Vitalem suam quam modo est firmata, nec quemquam vel aliquos ex parte domini regis, vel ex aliqua parte alia, receptare poterunt, unde malum aliquid mihi accidat, et ccc serjantes quos mittere solebat domino regi in expeditionibus suis, ei mittere non poterunt: sed si dominus rex eos habere voluerit, ipsi liberabunt illos ei apud Tornacum et non in alio loco, et si tunc dominus rex eos abducere poterit, eos abducet. Cives etiam nullam debent domino regi dare pecuniam pro serjantibus istis, sed nec etiam pro aliqua alia occasione pecuniam ei aliquam debent dare, vel auxilium aliquod ei facere, unde mihi malum aut tedium accidere possit, quoadiu guerra durabit. Homines autem mei libere poterunt transire per civitatem, dum tamen exercitus non transeat cum armis, et emere victualia sua, et quærere mercatus suos, et navigia poterant transire ascendendo et descendendo cum victualibus et mercatibus, et ipsi cives liberum et securum interim habebunt transitum per totam terram meam quærendi mercatus, et negotia sua, sicut faciebant tempore pacis, et antequam guerra esset incepta inter dominum regem et me. Ceterum si forte discordia aliqua oriatur inter aliquem, vel aliquos ex hominibus meis, vel de his qui ad me pertinent, et aliquos, velut aliquos ex civibus, concordia et compositio debet inde fieri per quatuor homines meos, hos videlicet, Walterum de Avesnis, Th. de Dichemue, Ren. de Trit, et Wilhelmum patrum meum, et per quatuor burgenses, hos videlicet: Henr. Wambe, Walt. Galet, Fob. Justitiam, Gomm. de Barra.

Hanc autem treugam ex parte mea firmiter tenendam juravit mecum Henricus frater meus, et hi homines mei fide interposita firmaverunt, Henricus patruus meus, Walterus de Avesnis, Wilhelmus patruus meus, Th. de Beverna, Ren. de Trit, Roger. castellanus de Curtraco, et Rogerus filius suus, Balduinus de Commines, Balduinus de Prat, Boisardus et Gill. fratres de Borghela, Babber. et Rogerus fratres de Ruma, Gont. de Mouscin, Thom. de Lealcort, Fast. de Orcha, Osto de Arbre, Egidius et Gossuinus fratres de Aigremont, Nich. Desplecin, Ger. de S. Amando præpositus, Monicus et Egidius fratres de Guegnies.

Hanc etiam compositionem treugarum firmiter observandam juraverunt, et fidejusserunt ex parte sua præpositi, jurati, scabini, et electores, et omnes burgenses de Tornaco, et pro se dederunt hostagios Waltero de Avesnis de cc marcis, Rogero de Curtraco de c marcis, Egidio de Aigremont de c marcis, Bossard. et Gill. de Borghela de cc marcis, Ger. præposit. de S. Amando de c marcis, Gont. de Mouscin de c marcis, Monicum de Guegnies de c marcis, Frastreit de Orcha de c marcis, Babber. de Ruma de c marcis, Nich. de Flamengheria de c marcis, et Thomam de Lealcort de c marcis. Hoc videlicet modo, quod si burgenses treugas istas non tenuerint, sicut dictæ sunt et ordinatæ, isti mihi

A debent solvere pecuniam istam, et mihi concesserunt, quod ego ubicunque potuero, absque forefaciende de treugis, potero accipere de rebus eorum et de suo, quousque mihi plenarie fuerit emendatum quod treugas infregerint, si infra octo dies non emendaverint, et hanc compositionem treugarum recognoscam eis coram scabinis de Gandave, de Brugis, de Ypra, et de Valenchenis, et pro his treugis, sicut dictæ sunt et ordinatæ, debent dare ex parte mea Laur. de Campanis, Joanni de Bavaco, Egid. de Attrebato quater mille marcas xxxvssoli. et iv denarios Flandrensis monetæ pro singulis marcis, mille in nundinis Messinis, mille in nundinis de Curtraco, mille in nundinis de Ypra, et mille in nundinis de Trouhout. Verum ut stabiles teneantur treugæ istæ, sicut hic dictæ sunt et ordinatæ, præsentem feci scripto commendari, et sigilli mei appensione muniri.

Actum ante Tornacum anno Domini 1197, mense Julio, Dominica primâ ante festum Beate Mariæ Magdalænæ.

## II.

*Balduini Flandriæ et Hannoniæ comitis leges de homicidio.*

(Anno 1200.)

[D. MARTEN., *Anecd.*, I, 765, ex ms. Camberonensi.]

Hæc est forma pacis in toto comitatu Hannoniensi, quam dominus Flandriæ et Hannoniæ BALDUINUS, et viri nobiles, et alii milites suis juramentis assecuraverunt et confirmaverunt, appositisque sigillis suis, tam domini comitis, quam virorum nobilium roboraverunt.

I. De hominibus igitur qui milites, vel filii militum non fuerint, mortuum pro mortuo, membrum pro membro. Filii vero militum, qui usque ad viceimum quintum annum ætatis suæ non fuerint facti milites, post vicesimum quintum annum tales erunt ad pacem quam rustiei.

II. Si quis homo hominem invaserit, quod vulgareter assalire dicitur, et homo assalitus erit supra corpus suum defendendum illum interfecerit qui eum assalaverit, pacem firmam inde debet habere erga Deum et erga amicos occisi.

III. Si quis in custodia fructuum terrarum suarum, vel nemorum, vel aquarum, vel pratorum, vel hujusmodi, per se, vel per servientem suum pannu, seu vadia accipere voluerit, et ei pannum, vel vadium denegatum, id est sconditum fuerit, et inde inter eum et illum qui vadium denegaverit, id est scondiverit, quem supra suum invenerit, rixæ et contentiones, vel conflictus moveantur; et ille cujus fuerit terra, vel nemus, vel pratium, vel aqua, vel hujusmodi, illum interfecerit, quem supra suum invenerit, nulla in eum fiet vindicta, nec ipse faciet emendationem aliquam, sed pacem firmam habere debet.

IV. Si homo hominem interfecerit, et ille homicida aufugerit, ejus amici et proximi eum abjurare

et forjurare debent; et sic pacem habere debent. Qui vero cum forjurare noluerit, talis erit qualis et homicida qui aufugerit, quousque eum forjuraverit.

V. Si quis cum homicida fugerit, vel occasione illa se absentaverit et patriam exierit, quod homicidam abjurare noluerit; infra annum redire potest et forjuracionem facere. Post annum vero non plus redire potest, quam ille qui malefactum perpetraverit; et infra annum illum dominus in cujus justitia manserit, mobilia illius habebit, ubicunque fuerint illa in comitatu Hannoniæ. Amici autem et cognati illius hominis qui occisus fuerit, debent assecurare omnes homines illos qui homicidam forjuraverunt; qui vero illos assecurare noluerit, in eodem puncto erit quo et ille qui malefactum fecerit. Hoc tamen addito, quod postquam admonitus fuerit de assecuratione facienda, de die in crastinum usque ad vesperam potest patriam exire, et dominus in cujus justitia manserit, mobilia illius habebit, sicut prædictum est. Si vero post admonitionem patriam non exierit de die in crastinum, de eo fiet idem quod de illo deberet fieri qui malefactum perpetraverit. Ille etiam infra annum redire potest ad assecurationem faciendam.

VI. De membro ablato erit ad pacem eodem modo ad valentiam facti, videlicet de ablatione membri et de assecuratione.

VII. Homicidæ qui fugerit, et illius hominis qui alii membrum abstulerit et aufugerit, dominus in cujus justitia manserit, mobilia omnia ubicunque fuerint in comitatu Hannoniæ, et fructus terræ anni unius habebit.

VIII. Fugitivi quidem, vel banniti hominis terram ultra annum dominus tenere non potest; sed transacto anno propinquus hæres illius hæreditatem et terram ejus habebit, si eum abjuraverit.

IX. De occiso homine mortuam manum habebit ille cujus servus, vel de cujus advocatia fuerit.

X. Si homo fugitivus, qui hominem interfecerit, vel homini membrum abstulerit, vel bannitus in patriam redierit; nulla villa libera, nullusque dominus, vel homo, illum tueri, vel garrandire potest, quin ubicunque inventus fuerit, eum capere possit omnis qui pacem juraverit. Captivum debet præsentare illi supra cujus justitiam captus fuerit, ut ille de eo justitiam et vindictam prædictam faciat. Quod si ille non fecerit justitiam et vindictam, dominus comes Hannoniæ eam facere debet.

XI. Si homo vulneratus fuerit, vel graviter læsus, unde de morte, vel de perditione membri dubitetur; vulnerator, vel læsor tenendus est, et custodiendus, quousque visum fuerit quid de vulnere illo, vel læsione evenerit.

XII. Si miles hominem illum tentum in custodia habuerit, et ei evaserit, miles jurare debet se tertio militum, quod absque culpa sua ei evaserit, salva tamen bona pacis veritate. Si autem villico, vel alicui ballivo, vel cuilibet homini, qui miles

non fuerit homo ille tentus et custodiendus evaserit, se septimo hominum juret, quod absque culpa sua ei evaserit, salva tamen bona pacis veritate.

XIII. Qui cultellum cum puncta portaverit, nisi sit venator, vel coquus, vel macellarius, vel alienus homo transiens per patriam; emendare debet per sexaginta solidos denariorum illi in cujus justitia inventus fuerit. Si autem præ paupertate emendationem illam solvere non poterit, auris ei amputetur.

XIV. Emendatio malefactorum in omnibus villis in quibus forum non currit, de vicino scilicet contra vicinum, tam in hominibus domini comitis, quam aliorum, hæc est. De homine roisnato, vel de membro fracto, quinquaginta solidi denariorum dandi sunt, unde homo læsus triginta solidos habebit, dominus in cujus justitia manserit homo læsus viginti solidos. De effusione sanguinis triginta solidi dandi sunt, de quibus homo medietatem habeat, dominus vero in cujus justitia manserit homo ille medietatem. De capillatione, vel percussione sine sanguine quindecim solidi, unde capillatus, vel percussus medietatem habeat; dominus vero in cujus justitia manserit; aliam medietatem.

XV. Hæc omnia per bonam veritatem comprobanda sunt. Si vero veritas non comparuerit; ille qui alterum inculpaverit, juret solus, quod ille eum læserit, aut percusserit, aut capillaverit. Alter vero se tertio juret, quod inde non culpabilis sit, et per hæc pacem debet habere.

XVI. In juramentis illis nullæ occasiones admiscendæ sunt, quæ gitta dicuntur.

XVII. Si quis hominum, quorum emendationes sunt in quinquaginta solidis, vel triginta, vel quindecim missus fuerit illi ad quem pertinet justitia pro homine suo qui læsus fuerit, si infra quindecim dies emendationem solvere non poterit, vel noluerit, dominus inde justitiam faciet secundum malefactum. Si autem ille aufugit, fugabitur sicut alii banniti, et confusus habebitur; amici ejus pacem habebunt.

XVIII. Per has emendationes pax firma debet esse inter dominos et vicinos et homines, tam de hominibus domini comitis, quam de aliis.

Hæc omnia dominus comes Flandriæ et Hannoniæ Balduinus, et homines sui viri nobiles, et alii milites, quorum subsequuntur nomina, tactis sacrosanctis Evangelii, se plenarie observaturos juraverunt, Philippus videlicet marchio Namurcensis, sæpediti comitis germanus, Henricus etiam ejusdem comitis germanus, Waterus de Avesnis, Alardus de Cymaco, Rasso de Gaura, Gerardus de Jace, Eustachius de Rues, Nicholaus de Barbencione, Wilhelmus præfati comitis patruus, Ægidius de Trasinis, Wilhelmus de Kevi, Renerus de Trit, Nicolaus de Ruminio, Engelbertus de Engien, Arnulfus de Mo-reliner, Godefridus de Thuin, Wilhelmus de Haussi, Alulfus filius ejusdem Wilhelmi, Walterus de Villa, Walterus de Kavreng, Nicolaus de Condato, Hugo de Gaia, Bernerus de Roucourt, Nicolaus de Mein-

waut, Hugo de Beverna, Ægidius de Brena, Henricus frater ejus castellanus Binciensis, Osto de Wadripont, Nicolaus de Flamengeria, Henricus castellanus Montensis, Gillenus castellanus Bellimontis, Osto de Arbro, Balduinus de S. Remigio, Walterus de Sotenghien, Arnulfus de Aldenarda, Gerardus de Sancto Oberto, Henricus patruus sæpediti comitis, Adam de Walencourt, Ægidius de Berlaimont, Hugo de S. Oberto, Gerardus præpositus Duacensis, Walterus castellanus Duacensis, Petrus de Duaco, Stephanus de Deneng, Joannes de Semeriis, Joannes de Herispont, Balduinus de Strepi, Alardus et Nicolaus et Walterus filii ejusdem Balduini, Ægidius, Ulbadus de Harveng, Balduinus de Valenchenis, Renardus de Strepi, Robertus de Loviniis, Nicolaus de Montinio, Hugo de Harven, Franco de Felli, Fastredus de Cambron, Renerus de Montibus, Karolus de Cruce, Drogo de Quarinum, Romundus de Quarinum, Goswinus præpositus Senogiensis, Walterus de Blanden, Gerardus filius ejus, Obertus de Fontiniis, Ægidius de Montibus, Wilhelmus de Montinio, Balduinus de Curtisolva, Alardus de Grandirivo, Gillebertus Cornutus, Wilhelmus Flaons.

Actum anno Verbi incarnati 1200, Montibus in Castro, v Kalendas Augusti, feria vi ante festum Sancti Petri ad Vincula.

### III.

*Dem aliæ leges ejusdem Balduini comitis. de successioneibus, et aliis rebus.*

(Anno 1200.)

[MARTEN. *ibid.*, p. 769, ex Hasnoniensi chartario dominorum de Avesnis.]

Hæc est declaratio legum in curia et comitatu Hainoensi communi consensu et consilio ac deliberatione, sanaque recordatione virorum nobilium et ministerialium ad comitatum Hainoensem pertinentium discretius conscriptarum, sigillisque et juramentis domini Balduini comitis Flandrensis et Hainoensis, et fidelium hominum suorum ad comitatum et dominationem Hainoensem pertinentium, ad perpetuam observationem confirmatarum.

I. Firmatum est igitur ad legem, ut si homo tenens feodum duxerit uxorem, et ex ea filiam habuerit, et non filium: ipsa filia succedet patri et matri in feodum.

II. Si prima hominis uxore defuncta, homo aliam duxerit uxorem, et ex ea filium habuerit, filius succedet in feodis sui patris, sed non filia primæ uxoris.

III. Est quoque ad legem firmatum, ut si homo tenens feodum habuerit filios, vel filias tantum; et primus filius, vel prima filia habuerit hæredem proprii corporis, et moriatur, ipse primus filius, vel ipsa prima filia, antequam pater, hæres illius non succedet avo in feodo, sed succedet ei in feodi tenore morienti propinquior hæres supervivens, filius scilicet, vel filia in feodo.

IV. Si homo tenens feodum, moriatur absque

proprii corporis hærede, feodi successio deveniet ad propinquiorem ejus hæredem, illum scilicet qui de illa fuerit consanguinitate de qua feodum illud ante descenderat.

V. Eadem est lex de femina tenente feodum, si absque proprii corporis hærede decesserit.

VI. Si homo ducens uxorem, de feodo eam donare voluerit: hoc per dominum feodi, et per testimonium hominum ipsius domini fieri oportet.

VII. Si homo absque proprii corporis hærede decesserit, ejus uxor in ejus feodis, vel in allodiis quæ ex parte viri jure hæreditatis provenerint, nihil retinebit, nisi tantummodo dotalitium et mobilia in terra cultibili illius anni.

VIII. Est etiam ad legem, ut si homo et femina per matrimonium convenerint, et ex parte unius vel utriusque feoda, seu allodia provenerint, et moriatur homo vel femina absque proprii corporis hærede, feoda vel allodia quæ ex parte hominis mortui, vel femine mortuæ provenerant, ad suos propinquos hæredes statim redibunt; ita quod vir in uxoris hæreditate nihil retinebit, nec femina in sui viri nisi dotalitium, salvo tamen utriusque mobilibus in terra cultibili illius anni.

IX. Si homo moriatur antequam ejus uxor, hæres ejus si ætatem habuerit, succedet patri statim in feodis: ita quod uxor nihil inde retinebit, nisi dotalitium sibi datum, et mobilia illius anni in terra cultibili, quæ vulgariter *Wangnaule* dicitur.

X. Similiter si femina decesserit antequam ejus vir, hæres ejus, si ætatem suam habuerit, succedet statim matri in feodis; ita quod vir in illis nihil retinebit, nisi mobilia quæ supra terram suam cultibilem, id est *Wangnale*, fuerint illius anni.

XI. Ad legem ætas hominis est quindecim annorum, femina vero duodecim.

XII. Habetur etiam ad legem, ut si homo et ejus uxor feodum pariter acquisierint, et homo absque proprii corporis hærede decesserit, feodum illud ad propinquum ipsius hominis hæredem statim venire debet; ita quod hæres propinquior, illud a domino feodi recipiet, et ei hominum faciet, et munitionem, si qua fuerit, habebit, et hominia ad feodum pertinentia. Uxor vero, dum vixerit, medietatem commodorum et proventuum habebit in illo feodo, absque servitio faciendo, et absque justitia facienda domino feodi; hæres vero aliam medietatem, qui inde servitium et justitiam facit domino feodi.

XIII. Si homo et femina allodium pariter acquisierint, et decesserit homo sine proprii corporis hærede, femina quoad vixerit totum allodium tenebit; post decessum vero femina, totum allodium ad propinquos viri hæredes deveniet.

XIV. Si femina decesserit, ex cujus parte feoda vel allodia provenerint, vir ejus ante puerorum suorum plenam ætatem in ipsis prius, et in feodis eorum, et bonis bajulationem habebit, quousque parvæ ætatem suam habuerint.

XV. Similiter si homo decesserit, ex cujus parte feoda vel allodia proceverint, femina in pueris suis et eorum feodis et bonis eandem bajulationem habebit. Homo autem, dum vixerit, illudia eodem modo tenebit.

XVI. Si homo et femina decesserint, antequam parvi eorum ætatem suam habeant, propinquior hæres parvorum qui de illa fuerit proximitate, in pueris et eorum feodis et allodiis bajulationem habebit, quousque pueri ætatem suam habuerint.

XVII. Servus aliquis allodium suum a manu sua nullatenus potest ejicere, vel feodum facere, nisi assensu domini sui.

XVIII. Bajulus domini comitis Hannoniensis supra omnes alios bajulos sub testimonio hominum domini comitis constitutus, justitiam non potest facere de uno homine contra alium, et exercere de omnibus rebus tanquam dominus comes. Homines vero domini comitis pro illo justitiam plenarie debent facere, de uno scilicet homine contra alium tanquam pro domino comite. Ipse autem bajulus de possessionibus et tenuris, et hæreditate domini comitis placitare non potest, quod comes per illius justitiam, vel manu tenementum perdere possit, nec potest bajulus aliquem domini comitis hominem trahere in causam vel querelam de tenuris suis, vel hæreditate ejus, nisi in præsentia domini comitis.

XIX. De mobilibus autem inter comitem et homines suos potest bajulus potestative placitare, et de cattalis causæ præteritæ, et querelæ quæ antea judicata fuerant, remaneant sicut inde judicatum fuerat.

XX. Dominus vero comes Balduinus Flandrensium et Haynocensis, et fideles homines sui Philippus scilicet marchio Namucensis, ipsius comitis germanus, Henricus etiam ejusdem comitis germanus, Walterus de Avenis, Alardus de Cymaco, Rasso de Gavera, Gerardus de Jacea, Nicolaus de Barbenchione, Eustachius de Ruca, Wilhelmus avunculus prædicti domini comitis, Wilhelmus de Kevi, Renerus de Tuit, Nicolaus de Ruminio, Walterus de Kavren, Ægidius de Trasiniis, Engelbertus d'Angien, Henricus patruus domini comitis, Gerardus de S. Oberto, Wilhelmus de Haussi, Adam de Vallencurt, Ægidius de Blainmont, Arnulfus de Aldenarda, Walterus de Sotenghien, Osto de Wadripont, Walterus de Villa, Nicolaus de Condato, Ægidius de Brena, Henricus Castellanus Binchiensis, Gerardus præpositus Duaci, Walterus castellanus Duaci, Petrus de Durco, Gerardus senescalcus Bulcheni, Stephanus de Deneng, Arnulfus de Kavren, Hugo de S. Oberto, Wilhelmus de Gominis, Gillenus castellanus Belimontis, Henricus castellanus Montensis, Osto de Arbro, Hugo de Gaia, Renardus de Strep, Achardus de Verli, Hugo de Crois, et quamplures alii hæc omnia, tactis sacrosanctis, se observaturos juraverunt, suo additis juramento, quod, si quis hominum has leges conscriptas in aliqua parte infringere præsumperit, omnes alii contra illum

erunt ad plenam omnium prædictorum observationem.

Actum anno Verbi incarnati 1200, Montibus in Castro, v. Kalendas Augusti, feria vi. ante festum Sancti Petri ad Vincula.

## IV.

*Factum inter regem Angliæ et comitem Flandriæ et Hannoniæ.*

(Anno 1200.)

[*Ibid.*, col. 771, ex eodem chart.]

Notum sit universis hoc scriptum visuris, quod hoc est fœdus et conventio inter Joannem, regem Angliæ, et Balduinum, comitem Flandriæ et Hannoniæ consanguineum suum, videlicet quod idem rex Angliæ pacem aut treugam cum rege Franciæ non faciet, nec facere poterit, absque voluntate et consensu ejusdem comitis, nec idem comes faciet, aut facere poterit pacem aut treugam cum rege Franciæ, absque voluntate et assensu prædicti regis Angliæ. Et si forte de voluntate et assensu utriusque pax aut concordia fieret inter regem Franciæ et eos, et rex Franciæ postmodum alterutrum guerraret, tenerentur prædicti rex Angliæ et comes ad mutuam subsidium et auxilium sibi invicem conferendum, prout melius poterunt, et sicut fecerunt tempore quo fœdus istud inter eos est contractum. Et sciendum est quod hoc fœdus et hæc conventio non solummodo duratura est tempore guerræ, sed in perpetuum inter eos et inter hæredes eorum, qui terras ipsorum tenebunt post eos, sive pax fuerit, sive guerra: ita quod si rex Angliæ hoc fœdus et hanc conventionem non observaverit, illi qui juraverunt hoc fœdus et hanc conventionem tenendam pro rege Angliæ, mittent se in captionem præfati comitis infra mensem postquam id bona fide scierint, non expectata submonitione dicti comitis. Similiter si dictus comes hoc fœdus et hanc conventionem non observaverit, illi qui juraverunt hoc fœdus, et hanc conventionem tenendam pro ipso comite, mittent se in captionem dicti regis Angliæ infra mensem postquam id bona fide scierint, non expectata submonitione dicti regis Angliæ. Hoc juravit pro ipso rege Angliæ bona fide tenendum Robertus comes Leycestriæ, et in animam ejusdem regis, et pro seipso juravit idem comes in animam suam, et alii, quorum nomina subscripta sunt, juraverunt in animas suas idem fœdus et eandem conventionem bona fide tenendam: videlicet Wilhelmus marescalcus comitis de Pembroc, Rander comes Cest, Balduinus comes Albemart, Wilhelmus Arundell. Rad. comes Augi, Robertus comes de Mollento, Hugo de Gornaco, Wilhelmus de Kæu, Gaufridus de Cella, Rogerus constabularius Cestr. Robertus filius Walteri, Wilhelmus de Albiniaco, Robertus de Ros, Ric. de Muntseceth, Rogerus Etthoen, Saherus de Quincy, Wilhelmus de Muntchenesy, Petrus de Pratellis, Wilhelmus de Stangno, Adam de Portu, Robertus de Turneham, Wilhelmus Males, Eustatius de Vesey, Petrus de Brus, Wilhelmus de Humoi

constantinarius Normanniæ, Wilhelmus de Præsciniaco, Hubertus de Burgo, Wilhelmus de Manseio, Petrus Savarici.

Hoc fœdus et hanc conventionem bona fide tenendam juravit prædictus Balduinus comes Flandriæ et Hannoniæ manu propria in animam suam, et alii, quorum nomina subscripta sunt, juraverunt in animas suas idem fœdus et eandem conventionem bona fide tenendam pro ipso comite : videlicet Henricus frater comitis, Wilhelmus avunculus comitis, Saherus castellanus de Gant, Hugo de Sancto Auberto, Renerus de Trit, Reginaldus de Aria, Gillenus castellanus de Bellomonte, Daniel de Curtraco, præpositus de Bruges, Balduinus de Cumines, Henricus de Bailliol, Terricus de Beverne, Gerardus de Rodes, Walterus de Sotenghien, Bokardus de Burgell, Walterus castellanus de Duaco, Osto de Arbre.

Acta sunt ista coram ipso rege Angliæ apud castrum de Ruppe-Andeliaci xviii die Augusti, regni sui anno 1.

## V.

*Charta Balduini Flandriæ comitis pro monasterio Clarevallis, — Proficiscens Jerosolymam, et sanctitate Clarevallensium monachorum compunctus, donationem eis facit.*

(Anno 1202.)

[MARTEN. *ibid.*, ex chartario Clareval.]

In nomine Patris et Filii, et Spiritus sancti. Ego BALDUINUS Flandrensium et Hannoniæ comes, notum fieri omnibus volo, quod Jerosolymam profecturus, cum per monasterium Clarevallense transitum facerem, congregationis sanctæ visione roboratus, et in Dei nimirum amore ferventior, ex tantæ devotionis accensus exemplo, eidem loco benefaciendi animum Christiana prævia fide ac religione concepi. Quia vero rebus meis dispositis, et redditibus ordinatis, pro voluntate mea quod conceperam pleniter ordinare non potui, memoriale saltem quoddam liberalitatis initium arrhamque dispositæ interim ordinavi, eleemosynamque perpetuam ad panem et vinum consecrationi Dominici corporis et sanguinis necessarium eis libere contuli, et liberaliter assignavi, decem videlicet libras Valencenæ monetæ in grangia mea de Montibus in festo sancti Remigii parate singulis annis accipiendas, et per manum abbatris Camberonensis prædicto monasterio deferendas. Hanc autem eleemosynam pro salute animæ meæ et charissimæ consortis meæ Mariæ, illustris Flandrensium et Hannoniæ comitissæ, et antecessorum meorum, ac deinceps successorum a me solemniter ordinatam atque concessam, ut rata et inconcussa in perpetuum perseveret, dignum duxi præsentis scripti patrocinio, et sigilli mei impressione firmandam. Nihilominus eadem auctoritate firmans omnes eleemosynas et libertates quas memorato conventui sanctitatis eximie per sua auctoritate confirmavit omni posteritati veneranda in perpetuum et tenenda illustris memoriæ quondam Flandrensium et Viromanducorum comes avun-

culus meus Philippus princeps toto orbi clarissimus, sicut in eisdem authenticis continetur.

Actum anno Domini 1202 mense Aprili.

## VI.

*Epistola M. marchionis Montis-Ferrati, B. Flandriæ comitis, L. Blesensis, et H. S. Pauli, ad universos Christi fideles. — De expugnatione urbis Constantinopolis.*

(Anno 1205.)

[MARTEN. *ibid.*, col. 788, ex ms. Elæonensi.]

Universis Christi fidelibus, archiepiscopis, episcopis, cæterisque ecclesiarum prælati et clericis, baronibus, militibus et serjantis, ad quos litteræ istæ pervenerint, M. marchio Montis-Ferrati, B. Flandriæ et Hannoniæ, E. Blesensis et Claromontis, et H. S. Pauli comites, cæterique barones et milites exercitus signatorum in stolio Venetorum sic currere per stadium, ut ad bravium perveniant vocationis æternæ.

Quanta fecerit nobis Dominus, imo non nobis, sed nomini suo, quantam gloriam dederit suis debus, quanta possumus brevitate perstringimus, ipso prænotantes initio, quia ex quo urbem transgressio-nis exivimus, sic enim Jaderam nominamus, cujus excidium vidimus, dolentes quidem et necessitate compulsi, nihil inter nos ordinatum esse meminimus, quod communiter ad utilitatem pertineret exercitus, quin illud in melius providentia divina mutaverit, sibi que totum vindicans, stultam fecerit sapientiam nostram. Hinc est quod eorum quæ facta sunt apud nos gloriose, omnem a nobis gloriam jura repellimus : quippe qui operis adhibuimus parum, consilii nihil. Unde necesse est, ut si quis ex nobis voluerit gloriari, in Domino gloriatur, non in se, vel in altero. Fœdere igitur Jaderæ confirmato cum illustri Constantinopolis quondam imperatoris Isachii filio Alexio, cum victualibus et rebus egentes, Terræ sanctæ videremus gravamen potius illaturi, sicut et alii ex nobis qui nos præcesserant, quam juvamen aliquod allaturi, nec terræ Saracenorum, in tanta egestate nos crederemus applicare potentes : verisimilibus quidem omnino rumoribus et argumentis inducti, quod dicti Alexii suspiraret adventum regis pars potior civitatis, et pondus imperii, quem electione concordii et solemnitate debita imperiali diademate sublimasset, contra consuetum ordinem temporis, aura favente, obedientibus Domino ventis et mari, ad urbem regiam, præter omnium spem, prospere applicuimus, et in brevi ; sed nec adventavimus improvisi, qui usque ad sexaginta millia equitum præter prædites in urbe reperimus : et transillentes loca tutissima, pontes, turres et flumina sine damno nostrorum, terra et mari obsedimus civitatem et tyrannum pariter, qui commisso in fratrem parricidio, fascis imperii diutina incubatione polluerat. Præter igitur omnium opinionem, universorum civium mentes contra nos invenimus obfirmatas, nec aliter contra dominum suam civitatem muris et machinis obseratam, quam si advetu-

lasset populus infidelis, qui loca sancta polluere, et religionem proponeret inexorabiliter evellere Christianam. Imperii aiquidem crudelissimus incubator, domini sui et fratris proditor et orbator, quique eundem carcere perpetuo sine crimine condemnasset, idem filio ejus illustri facturus Alexio, si non eundem a manibus ejus felix eripisset exsilium, præhabita in populum detestabili contentione, potentes simul et p'ebem sermonibus adeo infecerat venenatis, ut ad subversionem libertatis antiquæ Latinos assereret adventare, qui Romano pontifici locum et gentem restituere properarent, et Latinorum legibus imperium subjugare. Hæc profecto res sic omnes contra nos animavit pariter et armavit, ut contra nos et exulem nostrum, et barones nostros, seu etiam nosmetipsos a civibus postulantes audiri, nec adventus nostri causam, nec petitionis nostræ modum potuimus explicare, sed quoties terra vel mari stantibus in muro sermones obtulimus, toties retulimus tela pro verbis. Considerantes igitur quod præter spem nostram cuncta contingerent, in eum statum necessitatis impacti, ut statim necesse haberemus, aut perire, aut vincere; cum et obsidionem ipsam in quindecim dies nulla ratione protelare possemus, quos victualium omnium incredibilis urgeret angustia, non ex desperatione quidem, sed inspirata quadam securitate divinitus suspirare cepimus ad bella promptissimis periculis nos audacter opponere, et incredibiliter in omnibus obtinere. Ad conflictum etiam campestem sæpius ordinati, inestimabilem multitudinem fuga in urbem ignominiosa conclusimus. Aptatis igitur interim terra et mari bellicis instrumentis, die obsidionis octava violenter civitas introitur, grassatur incendium. Disponit contra nos in campo acies imperator, et paratis nobis excipere venientes, constantiam nostram cum paucitate miratus, ignominiose freno reflectit in urbem retrogressus ardentem. Ipsa nocte fugam cum paucis aggreditur, suamque in urbe relinquit uxorem et parvulam prolem. Ea re comperta, nescientibus nobis, Græcorum proceres in palatio congregantur, et exulis nostri solemniter celebratur electio, seu potius restitutio declaratur, insperatamque lætitiæ copiosa in palatio luminaria protestantur.

Mane facto, prodit in castra inermis Græcorum procerum multitudo, suumque cum gaudio quaerit electum. Restitutam civitati asserit libertatem, et regredienti filio, ad fascès imperii cum gaudio inæstimabili sublevatum de carcere caput patris Isachii quondam imperatoris ostendunt. Præordinatis itaque quæ necessaria videbantur, ad ecclesiam Sanctæ Sophiæ novus imperator cum solemniter processione deducitur, exuli nostro sine omni contradictione imperiale restituitur diadema cum plenitudine potestatis.

His peractis, ad solutionem promissorum prosiluit imperator, et promissa rebus accumulata, victualia servitio Domini profutura præbet in annum. Detenta

A marcharum millia nobis solvere pergit et Venetis, sumptibus suis stolium nobis prolongat in annum, seque juramento astringit, quod erigere debeat nobiscum regale vexillum, et in passagii Martii nobiscum ad servitium Domini proficisci, cum quantis potuerit millibus armatorum, et sub eadem promissione concludit quod eam reverentiam præstare debeat Romano pontifici, quam antecessores sui imperatores catholici prædecessoribus suis pontificibus pridem impendisse noscuntur, et Ecclesiam Orientalem ad hoc idem pro viribus inclinare. Tantis igitur utilitatibus provocati, ne salutem quam dederat Dominus in manibus nostris spernere videremur, et vertere in opprobrium sempiternum quod ad hominem nobis incomparabilem cecidisse videbatur. Prompta devotione consensimus, et ibidem hiemem, Deo dante, facturi, ad partes Ægypti proximo passagio transmare, tam certo proposito quam irrevocabili juramento prompta voluntate sumus astricti. Et nunc scire vos volumus, quoniam gaulii hujus et gloriæ participes omnes vos esse in visceribus Christi Jesu desideramus ardentem. Ad hoc nuntiis jam præmissis, tam dicti imperatoris quam nostris, solitano Babylonie Terræ sanctæ impio detentori, qui ex parte regis nostri Jesu Christi Nazareni et servorum ejus dicti videlicet imperatoris et nostra, regaliter, ut decet, debeant intimare, quod devotionem populi Christiani incredulæ genti suæ, Deo dante, in proximo proponamus ostendere, et ad contritionem infidelitatis de cælo nos expectare virtutem. Hæc autem fecimus de vestra potius sub Domino quam de uestra virtute confisi; quos eo devotius ac vehementius nobis desideramus adjungi, quo meliores ac plures regis nostri ministros nobiscum viderimus decertare, ne Judæis pridem traditus in Galilæa illudendus, de cætero gentibus relinquatur. Hæc eadem fratribus nostris, qui in Terra sancta nostrum præstolantur adventum significare curavimus, tam nos quam ipsos Christiani nominis zelatores, consolationis quam dedit nobis Dominus fieri fraterna societate participes, modis omnibus in Domino præoptantes. Vobis igitur, venerabiles Patres, ecclesiarum prælati, humiliter supplicamus ut sermo exhortationis divinæ vivus et efficax spargatur in populos; et ad consummationem propositi voluntarios in lege excitetis, atque ad virtutis gloriam capessendam, quam Dominus eisdem pro labore permodico dignatur offerre, viriliter animetis. Nihilominus et verbi requirimus auditores, ut sint etiam prompta et virili animositate factores. Ostium enim magnum apertum est eis, ut modicum tribulationis et laboris non solum nomen faciat eis temporale, sed et æternum gloriæ pondus operetur in eis. Nec enim eos manet quæ super dorsa nostra pertransit laborum difficilis ac pene intolerabilis magnitudo, quam nobis virtus quæ de cælo est misericorditer levavit

## VII.

*Epistola Balduini imperatoris Constantinopolitani ad Innocentium III papam. — De capta urbe Constantinopolitana et ipsius ad dignitatem imperialem elevatione.*

(Exstat in Registro epistolarum Innocentii III, lib. vii, epist. 152. Vide Patr. tom. CCXV.)

## VIII.

*Ad eundem. — De rebus gestis ab exercitu crucisignatorum; de expugnatione Jaderæ, etc.*

(Exstat ubi supra, lib. vi, ep. 211.)

## IX.

*Epistola Balduini imperatoris Constantinopolitani ad Cameracensem, Atrebatensem, Morinensem et Tornacensem episcopos. — Conceptam spem de Terræ sanctæ recuperatione significat, rogatque ut nobiles ad transfretandum exhortentur.*

(MARTEN. *ibid.*, col. 791, ex eodem ms.)

BALDUINUS, Dei gratia fidelissimus in Christo imperator, a Deo coronatus, Romanorum moderator semper augustus, Flandriæ et Hannoniæ comes, venerabilibus et amicis in Christo charissimis, Cameracensi, Atrebatensi, Morinensi, Tornacensi, eadem gratia episcopis, gratiam suam et omne bonum.

Statutum et progressum nostrum, et totius exercitus Christiani litteris et nuntiis nostris vobis plenissime declarasse meminimus, quam mira dispensatione Dominus per ministerium christiani exercitus ecclesiæ suæ procuravit unitatem. Hinc enim, sicut a sapientibus evidenti ratione conjicitur, ad subventionem Terræ sanctæ ostium manifeste patet et aditus. Non solum enim transitum habituri sunt a modo liberum per nos peregrini, sed præter vires nostras quas per gratiam Dei etiam in præsentem habere non modicam, et quas omnino illi terræ devovimus, victualium illis quoque abundantiam ferax gratia ministrabit. Ad liberationem enim terræ, in qua Vita mortua mortem triumphavit, totis visceribus anhelamus. A cujus rei proposito,

A cum ipsum et pretium nobis exstilit, nunquam desistemus quoad vixerimus, donec cum tot ante concessis in hac etiam parte se nobis etiam ostendat Salutare Dei. Verum cum ad tantum et solemnem negotium, non ex nostra sufficientia, sed universorum Christi fidelium adminiculis sub Deo audamus præsumere, dilectionem vestram exoramus attentius, quatenus nobiles et ignobiles in episcopatibus vestris constitutos, ad idem propositum monitis salutaribus accendatis. Omnibus enim qui ad nos venerint paratos nos esse noveritis et sufficientes secundum statum personarum et mores amplius occurrere possessionum largitionibus et honorum. Ad hæc rogamus obnixius quatenus orationibus vestris et precibus personam nostram, necnon et coadjutores imperii in ecclesiis vestris commendatis, et ad idem clerum et populum vobis commissum moneatis, ut Dominus Jesus, pro cuius hæreditate indesinenter laborare proposuimus, tam nos quam imperium nostrum, sicut cœpit, non desinat conservare.

## X.

*Litteræ Balduini imperatoris Constantinopolitani, quibus sigillum suum revocat.*

(Anno 1204.)

[MARTEN. *ibid.*, p. 793, ex chartario Hannoniensi dominorum de Avesnis.]

B., Dei gratia fidelissimus in Christo Imperator, a Deo coronatus, Romanorum moderator, et semper augustus, Flandriæ et Hannoniæ comes, omnibus ad quos litteræ istæ pervenerint salutem.

C Noveritis quod a tempore coronationis nostræ, hoc est a septimo decimo Kalendas Junii sigillum nostrum antiquum quod litteris istis appendet, viribus carere decrevimus, et si quid a tempore jam dicto fuerit aliquid inde sigillatum (quod non credimus) omnino falsum, irritum judicamus et vacuum.

Datum anno Domini 1204, mense Junio.

## APPENDIX AD BALDUINUM

IMP. CONSTANTINOPOLITANUM.

### GENEALOGIÆ COMITUM FLANDRIÆ

ED. L. C. BETHMANN.

(PERTZ, *Monum. Germ. hist.*, Script., tom. IX, pag. 502.)

#### I. WITGERI GENEALOGIA ARNULFI COMITIS.

Genealogiæ comitum Flandrensium quas novimus omnes ortæ sunt apud Sanctum Bertinum atque in ejus viciniis. Antiquissima inter eas est quam intra annos 951 et 959 (1) condidit Witgerus presbyter.

(1) Anno enim 951 Balduinus uxorem duxit Matildem, quam noster memorat; a. 959 mater ejus

Adela obiit; qua adhuc superstite verba *videat genitor ac genitrix filios scripta fuisse apparet.*



Compendii ut videtur degens. Exscripsimus eam ex codice autographo olim Bertiniano, jam civitatis Audomarensis n. 776 (2), ubi inter plures membranas variis temporibus scriptas atque ante hæc duo modo sæcula in unum volumen ligatas hæc tria exstant folia, ipsius Witgeri manu exarata medio sæculo decimo, formæ quadrata, versibus distincta qui singuli singula littera rubra prænotantur; quam distinctionem nos quoque retinimus. Ex hoc codice fluxit apographum recens sæculi XII bibliothecæ Ambianensis n. 498, olim 356. Edidit primus A. He. mand in *Mémoires de la société des Antiquaires de la Morinie. t. II*, deinde alteram partem Warakonig apud De Smet *Corpus chronicorum Flandriæ Bruz. 1857. 4to I, 42*; atque iterum in *Flandrische Rechts-geschiede, III, 197*.

**HIC INCIPIT GENEALOGIA NOBILISSIMORUM FRANCORUM A IMPERATORUM ET REGUM DICTATA A KAROLO REGE COMPENDIENSIS LOCI RESTAURATORE POST BINA INCENDIA.**

Ansbertus nobilissimus genuit Arnoldum ex Blitchildi filia Clotharii regis Francorum, et Feriolum et Modericum et Tarsicium.

Arnoldus genuit Arnulfum. Arnulfus genuit Flo-dulfum, Walchisum et Anschisum.

Walchisus genuit Wandregisilum confessorem Domini.

Anschisus dux genuit Pipinum seniore.

Pipinus senior et dux genuit Karolum seniore.

Karolus senior et dux genuit Pipinum (3), Kar-lemannum, Griphonem et Bernardum ex regina; Renigum et Geronimum ex concubina.

Pipinus rex genuit Karolum et Karlomannum et Gislam ex Bertrada regina.

Karolus imperator genuit Karolum Hlodovicum et Pipinum, Rotrudim et Bertam ex Hildegardi regina, Drogonem et Hugonem et Rothaidim ex concubina.

Hlodovicus imperator genuit Hlotharium Pipinum et Hlodovicum, Rotrudim et Hildegardim ex Yrmingardi regina, Karolum et Gislam ex Judith imperatrice.

Hlotharius imperator genuit Hlodovicum, Hlotharium et Karolum ex Hirningardi regina.

Hlodovicus rex genuit Karlomannum, Hlodovicum et Karolum ex Enima regina.

Karlomannus rex genuit Arnulfum regem.

Arnulfus rex genuit Hlodovicum ex Oda regina, Sendeboldum vero ex concubina.

Karolus imperator genuit ex Hyrmentrudi regina quattuor filios et totidem filias, id est Hlodovicum, Karolum, Karlomannum et Hlotharium Judith quoque et Hildegardim, Hirmintrudim et Gislam.

Hlodovicus rex genuit Hlodovicum et Karloman-num et Hildegardim ex Ansgardi vocata regina, Karolum quoque postumum et Irmintrudim ex Adelheidi regina.

Karolus rex genuit ex Frederuna regina Hyrmin-trudim, Frederunam, Adelheidim, Gislam, Rotrudim et Hildegardim; ex concubina vero Arnulfum, Drogonem, Roriconem, et Alpaidim. Denique vero defuncta Frederuna regina, sibi sociavit alteram in conjugium reginam nomine Olgivam, ex qua genuit filium eliganti forma Hlodovicum nomine. Et postea ex regina Gerberga. Hlotharium Karolum Ludovicum et Mathildim.

**HIC INCIPIT SANCTA PROSAPIA DOMNI ARNULFI COMITIS GLORIOSISSIMI FILIIQUE EJUS BALDUINI QUOS DOMINUS IN HOC SECCULO DIGNETUR PROTEGERE.**

Quam Judith prudentissimam ac spetiosam sociavit sibi Balduinus comes fortissimus in matrimonii conjugium (865).

**B** Ex qua genuit filium, inponens ei nomen sibi equivocum, videlicet Balduinum.

Qui Balduinus accepta uxore de nobilissima progenie regum ultramarinorum, sumpsit ex ea duos bone indolis filios, quorum unum vocavit Arnulfum, fratrem vero ejus Adelulfum.

Qui ultimus permittente Deo ab hujus seculi sarcina ereptus, in monasterio sancti Bertini Christi confessoris noscitur esse sepultus (955).

Si autem prolixioris temporis in hoc viveret spatio, gaudium permaximum suis foret et fortitudo.

Domus vero Arnulfus comes venerabilissimus atque domino Jesu Christo amantissimus, prudentia eximius, consilio pollens, omni bonitate fulgens, ecclesiarum Dei perfectissimus reparator, viduarum orfanorum, ac pupillorum piissimus consolator, omnibus in necessitate auxilium ab eo petentibus clementissimus dispensator.

Quid amplius? si centum ora linguasque quis haberet, ejus beneficiorum dona nequaquam enarrare valeret.

Verum quia de millenis ejus bonitatibus nullo modo sufficienter loqui valeamus, pauca de plurimis dicemus.

Est namque monasterium in Compendio palatio, in honore sanctæ Dei genitricis Mariæ dicatum,

#### VARIÆ LECTIONES.

<sup>1</sup> Hic abscisum jam restituit Hermand. <sup>2</sup> Hlotharium abscisum in cod. <sup>3</sup> de Judith in prima pagina latius invenies. Hæc in margine scripsit Witgerus, atramento nigriore quam reliqua, eodem quo crucem et totam prosapiam Arnulfi. <sup>4</sup> Karol abscisus n, alia manus plane æqualis in inferiore margine iteravit verba: Et postea ex regina Gerberga. Hlotharium. Ludovicum. et Mathildim, unde apparet, codicem jam paulo post quam exaratus fuit, ita mutilatum esse, ut nunc est. Ceterum constat, hæc omnia inde ab Et postea ad Ludovicum Ultramarinum pertinere, Karoli filium, Gerbergæ maritum, qui obiit a. 954. Pater ejus Karolus Simplex obiit a. 929. <sup>5</sup> usatur abscisum supplevit Hermand.

#### NOTÆ.

(2) Cf. Pertz Archip. VIII, 419.

(3) Hucusque omnia desumpta sunt ex genealogia Fontaineblensi apud Pertz SS. II, 303.

quod multis donariis ab eo est honoratum, videlicet in auro et argento et palliis.

Clericis vero inibi Domino servientibus numero-  
rum copiam sepe distribuit largissimam.

Lectum nempe sanctorum Christi testium Cor-  
nelii ac Cypriani purissimo argento ab eo pondere  
decem librarum novimus esse decoratum.

Signum nobilissimum quod alio nomine cam-  
pana dicitur, eidem sancto loco contulit. Non mi-  
randum.

Quia vero jamdictus locus ab attavo suo impe-  
ratore Karolo, qui Calvus dicebatur, mirifico opere  
omnino est fundatus.

Ipsa namque jam predictus comes venerabilis  
Arnulfus accepit conjugem nomine Adelam (934),  
domni Heriberti comitis filiam <sup>6</sup> atque duorum  
Francorum regum, Odonis scilicet <sup>7</sup> atque Roberti,  
neptem (4).

Ex qua, Deo protegente, genuit filium eligantis  
formæ nomine Balduinum, vultu decorum, Deo di-  
lectum suisque fidelibus per omnia carum, comitem  
nobilissimum, exemplo patris ecclesiarum Dei ama-  
torem, humilem, mansuetum, pium, modestum, be-  
nignum, sobrium, insuper etiam omni bonitate re-  
pletum.

Qui ad legitimam perveniens etatem, Deo conce-  
dente ac patris voluntate accepit conjugem nobilitati  
sux condignam nomine Mathildem (951), filiam no-  
bilissimi principis vocabulo Herimanni.

Ex quibus, gratia superna largiente, videat pre-  
cipuus genitor ejus ac genitrix filios filiorum, si

A Deo libitum fuerit, usque in tertiam et quartam ge-  
nerationem, concessa sibi corporis sanitate ac omni  
incolumitate universorumque criminum absolute, nunc hic et in seculorum tempore. Amen.

Utinam hoc fiat omnipotente Deo Patre de celis  
miserante. Amen. Utinam hoc fiat Domino Jesu  
Christo filio ejus Domino nostro concedente. Amen.  
Utinam hoc fiat superna gratia Spiritus sancti pa-  
racliti a Patre et Filio procedentis largiente. Amen.  
Amen. Amen.

Presbiter hoc obtat Witgerus nomine dictus <sup>8</sup>,  
Ut comiti dicto sit salus tempore longo.

Amen. Amen. Amen. Amen. Amen. Amen. Amen.  
Amen.

Quicumque hanc perlegerint venerabilem genealo-  
giam domni ARNULFI nominatissimi hujus seculi  
B principis filiique ejus BALDUINI nobilissimi, orent  
pro eis solatenus et dicant clamentque puro corde :  
ORATIO PRO DOMNO ARNULFO ATQUE EJUS FILIO BAL-  
DUINO. Deus omnipotens fortis dominator pius et  
clemens, rex regum et dominus dominantium, sal-  
vet dominum ARNULFUM comitem gloriosissimum,  
ejusque filium Deo dilectum nomine BALDUINUM.  
Regat, tucatur, protegat atque defendat, custodiat  
et sublevet, exaltet et confortet, muniat ac corro-  
boret omnibus diebus vitæ eorum in hoc presenti  
seculo. Post longevam istius seculi vitam, omnium  
sanctorum intervenientibus meritis, pervenire me-  
reantur ad gloriam paradisi, ipso donante a quo  
sunt conditi. Amen. Amen. Amen. Amen. Amen.  
Amen. Amen.

## II. DE ARNULFO COMITE.

Vir admodum reverendus Franciscus Vandeputte abbas in *Annales de la société d'émulation de la Flan-  
dre occidentale*, I, 3, 228 et II, 3, 69, primus edidit sequentem notulam, tergo diplomatis sæculo decimo  
confecti inscriptam alia manu sæculi ut ipsi videtur XI, per monachum ut ex fine apparet Blandiniensem.  
Eandem nos, ipso benignissime concedente, iterum huc sistimus.

Arnulfus marchio magnus, qui dicebatur Con-  
tractus, ex Adela filia Hereberti comitis Virmandor-  
um filium genuit nomine Balduinum (962). Qui Bal-  
duinus ex Mathilde filium genuit Arnulfum minorem,  
et immatura morte præventus morbo variolorum pe-  
riit. Sed Arnulfus major filium ejusdem Balduini,  
minorem scilicet Arnulfum, consanguineo suo Bal-

D duino cognomento Baldzoni nutriendum et cu-  
diendum tradidit, eundemque Baldzonem regimini  
totius monarchiæ, quousque minor Arnulfus cres-  
ceret, præfecit. Hic etenim Baldzo filius fuit Ada-  
lulfi, qui erat uterinus frater Arnulfi magni ean-  
demque Baldzonem ex concubina genuit, et per in-  
fortunium a subulco proprio in quadam silva occi-

### VARIÆ LECTIONES.

<sup>6</sup> comitis si *abscisum*. <sup>7</sup> scilicet *abscisum*. <sup>8</sup> ita *supplevi*; lictus *abscisum*, priore tantum parte *litteris*  
d *relicta*.

### NOTÆ.

(4) Le silence de notre auteur sur la prétendue gué-  
rison miraculeuse de la comtesse Adèle dans l'église  
de Saint-Bertin en 938, pourrait être regardé comme  
une espèce de démenti de ce fait, avancé par Ipe-  
rius. Si ce miracle avait eu lieu, Witgerus qui fait  
un panegyrique d'Arnould, n'eût probablement pas  
manqué de le faire ressortir avec éclat; il aurait  
au moins ajouté aux louanges d'Arnould, que ce  
prince paraissait spécialement protégé de Dieu par

la guérison de sa femme, à cause de ses libéralités  
envers les ministres de la religion. HERMANN. Hoc  
miraculum jam in codice Bertiniano, nunc Audo-  
marensi n. 746. sæc. XI exeuntis, qui codex ultima  
pars est codicis Boloniensis n. 113, narratum legi-  
tur sub titulo : *Eremdolpi monachi descriptio ingre-  
sus Athelæ, quæ lingua Theutonica interpretata di-  
citur Nobilissima, comitissæ in Sithiu anno 938,*  
manu sæculi XI conscriptum.

sus interit (953). Tunc Arnulfus occisi fratris filium sibi in loci filii adoptavit, eumque postea eundem nutriciumque nepotis sui junioris Arnulfi

A constituit. Hic est ille Balduinus cognomento Baldzo, qui ex propria hereditate villam Traslinghem cum appendiciis suis sancto Petro tradidit.

### III. GENEALOGIA COMITUM FLANDRIÆ BERTINIANA.

Sub Roberto II, qui anno 1111 obiit, condita fuit apud S. Bertinum ut videtur (5) genealogia, quæ a pluribus continuata, et jam anno 1120 a Lamberto S. Audomari canonico excerpta, sequentium omnium exstitit fundamentum. Hæc prima fuit, quæ Lidricum Ingelramnum Audacrum primos fecit comites Flandrensens (6), cum præcedentes a Balduino demum lineam ducerent. Codice primario quo Lambertus usus fuit perditio, hi nobis præsto fuerunt :

1. Vedastinus jam perditus, sed a Martenio descriptus, qui eum sæculi xi dicit. Hunc quoque adhibuit Lambertus.

2. Bertinianus, jam Boloniensis n. 142, fol. sæculi xiii excentis.

3. Marchianensis, jam Duacensis n. 698, eandem continet ultimo folio in-scriptam manu s. xii, quæ eam continuo calamo ad a. 1127 deduxit; tres aliæ, quinque vicibus sibi succedentes, eam continuaverunt.

4. Formosellensis, jam Bruxellensis n. 8673, annales continet jam tomo quinto a nobis editos, quorum margini alia manus sæculi xii hanc genealogiam apposuit, in verbis multum mutatam.

5. Leidensis bibl. publ. inter Latinos n. 20, mbr. fol. sæculi xii. Ibi in pagina vacua manus alia sæculi xiii in. eandem descripsit, et in verbis et vero in fine multa mutans, eamque continuo calamo continuans.

5. Hoc ipsum exemplar Leidense pauculis quibusdam additis atque ademptis, iterum descriptum fuit et eodem calamo ad a. 1279, deductum in codice Divionensi n. 322, de quo cf. Pertz Archiv. VII, 353; quem eundem codicem credo atque Cisterciensem, quo usus est Brial.

Ediderunt eam Brial XIII 417 ex 1. 5. De Smet Corpus chron. Fland. I, 9 ex 2.

Lidricus <sup>9</sup> Harlebecensis comes genuit Ingelramnum <sup>10</sup>. Ingelramnus genuit <sup>11</sup> Audacrum. Audacer genuit <sup>12</sup> Balduinum Ferreum, qui duxit filiam Karoli Calvi nomine Judith <sup>13</sup> (7). Balduinus <sup>14</sup> Ferreus genuit Balduinum Calvum, qui duxit filiam Edgeri <sup>15</sup> (8) regis Anglorum, nomine Elfrudem <sup>16</sup>. Balduinus Calvus genuit Arnulfum Magnum restauratorem Blandiniensis <sup>17</sup> cenobii, qui duxit filiam Heriberti Virmandorum comitis Adelam <sup>18</sup> (9) Arnul-

B fus Magnus genuit Balduinum, qui juvenis morbo variolæ obiit et apud Sanctum Bertinum sepelitur <sup>19</sup>. Hic duxerat (10) filiam Herimanni ducis Saxonum Mathildem, ex qua genuit Arnulfum. Mathildis vidua relicta nupsit Godefrido duci de Enham <sup>20</sup>, ex quo suscepit <sup>21</sup> tres filios (11), Gozelonem ducem, Godefridum, Hezelonem <sup>22</sup>. Arnulfus, filius ejus ex priori marito Balduino <sup>23</sup>, duxit filiam Berengeri <sup>24</sup> regis Langobardorum, Ruzelam <sup>25</sup> quæ et Susan-

#### VARIÆ LECTIONES.

<sup>9</sup> Hildricus 1. <sup>10</sup> Ingelramnum 2. *Lamb.* <sup>11</sup> *deest* 2. 4. <sup>12</sup> Juditham 3. <sup>13</sup> vero *addit* 1. Judith, de qua gen. 4. <sup>14</sup> Egeri 3. *Edgeri* 4. <sup>15</sup> Elferadem 1. *Elferudem* *Lamb.* *Elstr.* generans ex ipsa Arn. 4. <sup>16</sup> Blandini 2, 4 (*cui cenobii deest*) Gandensis 1. <sup>17</sup> *Adhelam const.* 3. *Athelam Lamb.* q. d. f. H. V. c. A. *desunt* 4. <sup>18</sup> sepultus est 1. <sup>19</sup> *Enham* 3. *Heinam* 2. *Heinam* 4. <sup>20</sup> *habens e x illo* 1. <sup>21</sup> *G. et H.* 1, 4. *Lamb.* <sup>22</sup> *deest* 4. <sup>23</sup> *deest* 1. *Lamb.* <sup>24</sup> *Rozelam* 4. *Est Rosalia.*

#### NOTE.

(5) Hoc conjicio ex verbis apud S. Bertinum sepelitur de Balduino, cum nullius alius comitis sepultura indicata sit.

(6) Lidrici comitatus Flandrensens quam dubie sit naturæ, satis notum; testimonia sæculo undecimo antiquiora non exstant. Annales tamen Blandinienses ante a. 1064, ex antiquioribus conscripti in Mon. SS. V, 90, hæc habent : 856. *Lidricus comes obiit et Arlabeka sepelitur.* Porro in conventu Silvacensi anni 853, Mon. Legg. I. occurrunt *missi in Noviomiso, Vermendiso, Adertiso, Curtriciso, Flandra, comitatibus Engilramni*, qui non potest esse alius a filio Lidrici. At quem asserunt Engilramnum ex conventu Carisiaco anni 858 (ib. I, 458), nil sane est cur hunc nostrum credere debeamus, non magis quam Ingelramnum comitem anno 870 (ib. 516) et anno 864 (SS. I, 378). In his temporibus augustiæ forent indissolubiles; in Ingelramno nostro a 853 alibi degente non sunt. Quas chronologiæ difficultates ut expediret Vredius, Bylandt, Loys, alii, Audacrum nunquam exstitisse, sed fuisse Balduini cognomen statuerunt. Sed in Annalibus Blandiniens-

C silibus Balduinus bis *filius Auaacri* vocatur, a. 826 et 879. Num autem Audacer fuerit comes Flandriæ, hoc satis dubium est, sicuti plura circa initia hujus comitatus. Quid? quod sub anno 870, hoc est vivente Balduino Ferreo, Annales Vedastini cœvi hæc habent: *Prædicti fratres Karolum regem Francorum et Arnulfum comitem Flandrensem adeunt, et quid super hoc agendum sit, pariter consulunt. Karolus autem rex Francorum et Arnulfus consul Flandrensium convocatis episcopis et principibus suis, etc.*

(7) A 863. Antjssidiori. Balduinus obiit a. 879.

(8) Falsum. Alfredi Magni filia fuit Elfrudis, quæ obiit a. 929.

(9) A. 954. Obit Adela a. 959, Arnulfus 27 Martii 965.

(10) A. 951. Obit 1. Jan. 962. Hermannum Bilungum Mathildi patrem tribuunt etiam Witgerus supra editus atque Albericus ad a. 1005; genealogia S. Arnulfi minus recte eam facit filiam Conradi regis Burgundici.

(11) Quinque; omittit auctor Adalberonem et Fridericum.

na<sup>22</sup>, ex qua suscepit Balduinum Barbatum. Balduinus Barvatus duxit filiam (12) Gisleberti comitis<sup>23</sup> Odgiva, ex qua suscepit Balduinum Insulanum, qui duxit filiam Rodberti regis Francorum Adelam (13). Balduinus Insulanus genuit

2. 3. 4.

Balduinum Hasnoniensem, et Rodbertum cognomento postea Iherosolimitanum, et Matildem uxorem Guillelmi regis Anglorum<sup>24</sup>. Balduinus ex Richelde (14) vidua Herimanni comitis Montensis duos suscepit filios, Arnulfum et Balduinum. Quorum altero occiso, altero per vim expulso, Rodbertus<sup>25</sup>, qui ex vidua Florentii Frisionis comitis Gertrude Rodberti aequivocum et fratrem ejus Philippum suscepit, rerum potitur et regni heres efficitur<sup>26</sup>. Rodbertus Rodberti filius Clementiam<sup>27</sup>, filiam Guillelmi nobilissimi comitis Burgundionum cognomento Testahardith duxit, de qua genuit Balduinum et Guillelmum<sup>28</sup> (17).

1.

Balduinum, qui duxit viduam Hermanni comitis Montensis Richildem, ex qua genuit Balduinum et Arnulfum. Horum patris Robertus duxit filiam Bernardi Saxonum comitis (15) Gertrudem, viduam Florentii comitis Fresonum, et cum ea ejus tenuit regnum. Ille accepta a patre suo pecunia maxima sacramento Flandriam ablicavit (16), quam jure hereditario fratri suo Balduino ejusque successoribus concessit. In vita enim fratris Robertus siluit; sed post ejus obitum traditorum auxilio Arnulfum nepotem suum comitem Flandriæ apud Casel interfecit, regnumque ejus dolo obtinuit. De præfata enim vidua Gertrude Philippum et Robertum comitem genuit. Robertus vero duxit Clementiam filiam Willelmi ducis (18) Burgundiæ, ex qua genuit Wilhelum et Balduinum comitem. Balduinus autem duxit filiam Alani Fregani comitis Britanniæ<sup>29</sup>.

## CONTINUATIO MARCHIANENSIS.

Guillelmus ante patrem suum moritur. Balduino quoque sine herede defuncto, Karolus filius Cnutii regis Dacie ex filia prioris Roberti comitatum suscepit. Quo innocenter occiso, Guillelmus filius Roberti comitis Normanniæ (*abhinc alia manus coævi*) comitatum obtinuit (1127). Post quem Theodericus dux Alsatie. Cui successit Philippus filius suus. *abhinc aliena manus s. XII ex.*) Quo in transmarinis partibus defuncto (1191), Balduinus comes Hai-

noensis comitatum suscepit. Cui filius ejus equivocus non multo post in utroque successit comitatu. (*abhinc atramento alio manu eadem*), Iste Balduinus genuit ex conjuge sua duas filias, Johannam et Margaretam, et postea abiit in terram Constantinopolitanam, et ibi rex et imperator coronatur (1204). Qui postea in prelio captus, quo sine obierit, nescitur. Filia vero ejus Johanna obtinuit comitatum utrumque, et Hainocensem et Flandrensem. Que duxit maritum fratrem regis de Portugal, nomine Fernandum (*atramentum iterum mutatur*). Contra quem rex Francorum Philippus bella movit et exercitum duxit in Flandriam, eumque ad pontem de Bovinnes in bello cepit; ubi ipse comes pene a suis omnibus derelictus, viriliter dimicando diu restitit, et tandem vulneratus, captus est (1214) et apud Parisius cum aliis multis baronibus suis etiam captis ductus, ubi per 13 annos ab ipso rege detentus est. Postea (*desinit manus in fine paginarum. Sequitur alia s. XIII ex.*) Johanna mortua (1244), cum non haberet heredes, soror ejus Margareta obtinuit comitatum utrumque. Que Margareta cum de duobus haberet liberos, ordinatum fuit ipsa vivente, ut post ejus decessum Johannes de Avennis, filius ejus quem de primo viro suscepit, Hainonensem comitatum haberet, Flandrensi comitatu alterius viri heredibus remanente. Qua mortua (1280, Febr. 10), successerunt ei Johannes filius Johannis filii ejus in comitatu Haynoensi, et Guydo filius ejus in comitatu Flandrensi.

## CONTINUATIO LEIDENSIS ET DIVIONENSIS.

[Gen. Bert.] Lidricus<sup>30</sup> genuit Ingelrannum. Ingelrannus Odracum. Odracus Balduinum Ferreum, qui duxit uxorem Judith, filiam Karoli Calvi regis Francorum, illa illum sequente. Balduinus Ferreus genuit Balduinum Calvum, qui duxit Helderadam filiam Otgeri regis Anglorum. Balduinus Calvus genuit Arnulfum Magnum, restauratorem Blandiniensis cenobii, qui duxit Adelam filiam Heriberti comitis Viromandorum<sup>31</sup>. Arnulfus Magnus genuit Balduinum, qui morbo variole ante obitum patris obiit et apud Sanctum Bertinum sepultus est. Ille duxit Matildem filiam Herimanni ducis Saxoniz, ex qua genuit Arnulfum Barbatum. Matildis relicta

## VARIÆ LECTIONES.

<sup>22</sup> vocata fuit *addit 2. R.* nomen necnon et Susannam, ex qua genuit B. B. qui ducens f. G. e. genuit Balduinum Insulanum cujus mater dicta est Oigiva. Balduinus Insulanus ducens f. R. r. F. nomine A. genuit. 4. <sup>23</sup> de Lizelenborg *addit 1. Lamb.* <sup>24</sup> Robertum Fresonem 4, ubi cogn.—Angl. *desunt.* <sup>25</sup> puerum Arnulfo o. Balduino vero p. v. e. R. Frisio qui 4. <sup>26</sup> susc. comitatus h. c. 3. <sup>27</sup> ducens Cleuatiā 4. *qui hic desinit, ultima linea, sed una tantum, abscisa.* <sup>28</sup> ita 2, et Geneal. Bertiniana infra *edenda.* Guillelmi comitis B. duxit de qua duos filios suscepit B. et G. 3. *Hic desinit 2, et 3 pergit continua manus.* Guillelmus ante patrem *etc.* <sup>29</sup> desinit 1. <sup>30</sup> Lidricus 5. *errore rubricatoris.* Anno ab incarnatione Domini 793. <sup>24</sup> anno regni Karoli Magni regis Francorum principatur in Flandria L. qui genuit 5. <sup>31</sup> Ille Arnulfus acquisivit Atrebatum anno ab incarnatione Domini 932. *addit 5.*

## NOTÆ.

(12) Sororem potius; filia fuit Friderici comitis Lotharingiz, atque obiit 21. Febr. 1030. Balduinus Barvatus obiit 50. Maii 1036.

(13) A. 1026; obiit Adela a. 1071.

(14) Quam duxit a. 1031.

(15) Ducis potius.

(16) Audenardæ, a. 1063. cf. de hisce rebus Lambertii Annales ad a. 1071.

(17) Et Philippum, qui ante patrem obiit

(18) Comitis.

vidua nupsit Godefrido duci de Enham. Arnulfus Bar-  
 batus <sup>44</sup> duxit Susannam filiam Beringeri regis Lan-  
 gobardorum, et <sup>45</sup> genuit Balduinum Barbatum; qui  
 duxit Ogivam filiam Gisalberti comitis, et postea  
 filiam secundi Ricardi ducis Normannorum <sup>47</sup> (19).  
 Balduinus Barbatus genuit Balduinum Insulanum,  
 qui duxit Adela filiam Roberti regis Francorum.  
 Balduinus Insulanus genuit Balduinum Hasnonien-  
 sem et Robertum Barbatum. Balduinus Hasnonien-  
 sis genuit Arnulfum et Balduinum ex Richelde. Post  
 mortem Balduini Hasnoniensis comes fuit Arnulfus  
 filius ejus, quem occidit Robertus patruus ejus facto  
 bello apud Cassellum (1071, Febr. 22), licet Philip-  
 pppus rex Francorum partibus Arnulfi concesserit  
<sup>48</sup>; et expulit Balduinum fratrem ejus cum matre,  
 et duxit Gertrudem viduam, quæ fuerat uxor  
 Florentii comitis de Holanth <sup>49</sup>, de qua genuit Ro-  
 bertum et Philippum. Post aliquot annos ivit in Je-  
 rusalem; unde post duos annos reversus et paucis  
 annis quietam vitam ducens, obiit, apud Cassellum  
 ecclesia beati Petri, quam ipse edificaverat, sepul-  
 tus est (1093, Oct. 13). Robertus autem filius ejus  
 duxit <sup>50</sup> Clementiam, filiam Willelmi comitis Bur-  
 gundiæ, de qua genuit Balduinum et Willelmum.  
 Roberto autem in Francia <sup>51</sup> defuncto et Attrebat  
 sepulto (1111, Oct. 5), Balduinus filius ejus suscepit  
 comitatum Frandriæ, Willelmo fratre suo jam de-  
 functo. Balduino sine filiis mortuo et apud Sanctum  
 Bertinam sepulto (1119), successit Karolus filius  
 amitæ ejus et Kanuti regis Danorum. Quo <sup>52</sup> inter-  
 lecto 1 127<sup>mo</sup> anno Domini sine filiis, Guillelmus suc-  
 cessit per biennium, cujus pater fuit Robertus, avus  
 ejus Guillelmus comes Normannorum et rex Anglorum  
<sup>53</sup>, qui duxit Matildem, germanam Roberti  
 Frisionis avique Balduini. Et hoc quoque interempto  
 sine liberis <sup>54</sup>, Theodericus filius ducis <sup>55</sup> Alsatie  
 ex tertia amita Balduini comitatum suscepit. Hic  
 duxit Sibillam filiam Fulconis comitis Andegav-  
 rum, ex qua genuit Philippum, Matheum, Petrum et

A tres (20) filias (1134), quarum primogenita nupsit  
 Amico comiti Intermontano <sup>56</sup> (21):

*Cod. Dion. et Cisterc. addunt :*

Tres itaque filias et unam germanam (22) habuit  
 Robertus comes cognomento Frisio; quarum pri-  
 ma (23) nupsit Kanuto regi Danorum, quam postea  
 habuit Rogerus dux Apulie; secunda (24) Philippo  
 regi Francorum, de qua genuit Ludovicum regem;  
 tertia (25) Theoderico comiti Alsatie, de qua geni-  
 tus est comes Flandriæ Theodericus, qui duxit Si-  
 lillam filiam Fulconis comitis Andegavensis, qui  
 postea rex Jerusalem claruit; et genuit ex ea quat-  
 tuor filios, Balduinum, Philippum, Matheum et Pe-  
 trum. Balduino autem in pueritia mortuo, accepit  
 comitatum Flandrie Philippus, comitatum Bolonie  
 B Matheus, preposituram Brugensem et Audomaren-  
 sem Petrus. Philippo sine liberis mortuo (1191),  
 successit nepos ejus ex sorore Balduinus comes de  
 Flannonia, qui postea fuit imperator Constantinopo-  
 litanus. Iste moriens reliquit duas filias, Johannam  
 et Margaretam; quarum prima succedens in comi-  
 tatu pro patre suo, nupsit Ferrando nepoti regis  
 Portugallorum ex filia; qui conspiratione facta  
 cum Othone imperatore et Johanne rege Anglie et  
 Reginaldo comite Bolonie, pugnavit contra domi-  
 num suum Philippum regem Francorum (1214); in  
 quo bello ipse Ferrandus victus et captus est cum  
 comite Bolonie Reginaldo. Isto mortuo, nupsit  
 iterum predicta Johanna Thome fratri comitis Sa-  
 baudie. Ista defuncta sine liberis (1244), accepit  
 comitatum soror ejus Margareta; de qua, cum  
 esset juvenis et in custodia Buchardi Avennensis  
 fratris Galteri comitis Blesensis, ipse Buchardus  
 genuerat duos filios, Johannem et Balduinum. Quæ  
 postea nupsit nobili viro Guillelmo domino de Dam-  
 petra (1218), qui genuit ex ea tres liberos, Guillel-  
 mum, Guidonem et Johannem. Quorum primo mor-  
 tuo sine liberis in torneamento apud Trasegnies,  
 adhuc vivente matre, accepit comitatum pro eo  
 Guido frater ejus (1279).

## IV. GENEALOGIA REGUM FRANCORUM COMITUMQUE FLANDRIÆ.

Sub hoc titulo Lambertus S. Audomari canonicus in libri Floridi folio 105 exhibet carmen, quod hic  
 primum prodit ex autographo Gandensi anni 1.20. Compositum igitur fuit a. 1120; utrum ab ipso Lam-

### VARIÆ LECTIONES.

<sup>44</sup> iste 5°. ubi Matildis — Barbatus desunt. <sup>45</sup> ex qua 5°. <sup>47</sup> et — Norm. desunt 5°. <sup>48</sup> favorit 5°. <sup>49</sup>  
<sup>50</sup> Hodanth 5. Hollandia 5. <sup>51</sup> cui successit R. f. c. qui d. uxorem 5°. <sup>52</sup> Frisia 5. Francia apud  
 Meldum 5°. quod rectum. <sup>53</sup> a suis apud Brugias addit 5°. <sup>54</sup> R. qui fuit filius Willelmi nothi ducis N.  
 et regis A. 5°. <sup>55</sup> apud castrum quod dicitur Alost addit 5°. <sup>56</sup> comitis 5°. <sup>57</sup> hic desinit 5°. Hic duxit —  
 Intermontano desunt 5°. qui eorum loco habet Tres itaque filias, etc.

### NOTÆ.

- (19) Alienoram.  
 (20) Quatuor; cf. l'Art de vérifier les dates.  
 (21) Humberto III, comiti Sabaudia, primo nupsit  
 Gertrudis.  
 (22) Privignam potius, Bertam, Florentii ex Ger-

- D trude filiam. BRIAL.  
 (23) Adela.  
 (24) Berta, privigna Frisionis,  
 (25) Gertrudis.

berto an ab alio, incertum; illud tamen veri similis. Metrum trochaicum, nec tamen sibi constans; singuli versus nunc septem nunc sex theses habent, arses autem ubivis octo

Francorum Flandrensiumque principum nobilium  
 Post urbis eversionem egressus de Frigia,  
 Priamo quoque perempto, filius Marcomeruzæ  
 A Marcomere processit Faramundus nomine,  
 Genitus a Faramundo rex invictus Clodio  
 Merovechus rex Francorum de isibus genere  
 Childericus itaque Clodoveum inclitum,  
 Rex autem Lotharius Chilpericum maximum,  
 Magnus rex Lotharius Dagobertum edidit,  
 Post Theodericus rex Clodovei filius  
 Childebertus etenim Dagobertum genuit,  
 Arnoldus post de Blithilda filia Lotharii  
 Arnoldus regem Arnulfum post Metensem presulem genuit, et hic Anchisem, Pipinumque Anchises.  
 Karolus quippe Martellus a Pipino nobili  
 Processit a Karlo magno Ludoicis nobilis  
 Ludoicis cesar Pius Calvum regem Karolum  
 Procedens a Karolo Calvo Judith filia,  
 Judith Calvum Balduinum Balduino peperit.  
 Balduinus de Mathilda Arnulfum post edidit,  
 Balduinus Balduinum sepultum in Insula;  
 De Rotberto, qui regali prole fuit genitus,  
 Rotbertus Hierusalem expugnator hostium  
 Hic bellis frequentibus hostes regni domuit;  
 Tunc successit Karolus nepos hujus comitis,  
 Jamque Chutone perempto Athela cum puero  
 Qui sic ortus de regali Karolus progenie

Priamus dux Troianus exitit exordium.  
 venit ipse et Antenor simul in Pannonia.  
 profectus est in extremis Germanorum finibus.  
 quem in regem gens Francorum elevavit super se.  
 regnavit annis viginti in castro Disbargio.  
 Chidericum genuit deditum luxuriæ.  
 Clodoveus etenim edidit Lotharium.  
 Chilpericus quoque rex genuit Lotharium.  
 Dagobertus itaque Clodoveum genuit.  
 Childebertum protulit, qui fuit rex inclitus.  
 qui regnans quinquennio, sine prole obiit.  
 filius ducis Ansberti, sceptrum regni tenuit.  
 genuit parvum Pipinum, patrem magni Karoli.  
 rex Francorum et augustus Romanorum utilis.  
 genuit, qui Romanorum tenuit imperium.  
 est secuta Balduinum Ferreum in Flandria.  
 De Calvo magnus Arnulfus Balduinum genuit.  
 et Arnulfus Balduinum structorem Blandinii.  
 Balduinus Insulanus Rotbertum de Athela,  
 processit alter Rotbertus, miles invictissimus.  
 Balduinum genuit Clementiæ filium.  
 parvo regnans tempore sine prole obiit.  
 quem Chuto de Athela genuit rex nobilis.  
 rediit in Flandriam, Danos linquens perfidos.  
 heres regni factus est atque comes Flandriæ.

## V. LAMBERTI GENEALOGIA COMITUM FLANDRIÆ.

Lambertus filius Onulfi anno 1077 defuncti, canonicus Sancti Audomari, anno 1120, *librum de diversorum auctorum floribus Deo sanctoque Audomaro pio patrono nostro contextit, quem quoniam sic ratio postulat, Floridum intitulavit.* Ibi inter cætera quam maxime inter se diversa f. 104 legitur genealogia, a Lamberto, ut credimus, ipso ita concinnata, ut genealogiam Bertinianam ad verbum transcribens, ex Hincmari Remensis annalibus atque aliunde ampliaret et ad sua usque tempora deduceret. Hoc Lamberti opusculum paulo post a. 1164 pro fundamento inserviit ei quam statim post illud daturi sumus genealogiæ; paulo post a. 1128 continuatione auctum fuit brevissima, cujus auctor nescitur. Proponimus illud ex codice autographo olim Audomarensi, dein Sancti Bavonis, jam universitatis Gandensis, de quo egerunt Pertz *Archiv.* VII, 540. Jules de St. Genois in *Messenger de Gand* 1845, p. 473, nos in *Serapeum* 1845, p. 59. Ex hec transcripti sunt Parisiensis Suppl. Lat. 10 bis sæc. XIII, Parisiensis Suppl. Lat. 107, anni 1429. Duacensis 741, sæc. xv, Leidensis Vossianus Lat. 51, sæc. xiv, olim Alexandri Petavii, cum continuatione quæ in reliquis quos diximus codicibus non habetur. Guelferbytanus inter Gudianos 1, sæc. XIII cum eadem continuatione. Hagensis n. 759, anno 1460, ex Guelferbytano fuit exceptus in oppido Niouvensi; cujus versio Gallica exstat in codice Hagensi 759<sup>a</sup>, anno 1512, jubente Philippo de Cleves confecta. Bruxellensis 16534, olim Blandiniensis, sæc. xvi, de quo egimus in Pertz *Archiv.* VIII, 551, et ipse ex Audomarensi fluxit; cujus apographum recentius est Parisiense inter Baluziana arm. II, paquet 1, n. 3. Ediderunt genealogiam Labbe concilia x, 578, e codice Carthusiæ Montis Dei, sed particule tantum; integram Brial *Recueil XIV*, 520, ex apographo jam inter Duchesniana n. 93 servato; Warnkonig *Flau-drische Rechtsgeschichte I*, append. 15, et apud De Smet *corpus chron. Flandriæ I*, 1 ex autographo; Van-deputte in *Annales de la société d'émulation de la Flandre* 1845. III, 40, qui primus etiam continuationem edidit. Nos denique codices jamdictos adhibuimus omnes; capitum distinctionem, quæ in codicibus non habetur, de nostro instituimus.

### GENEALOGIA COMITUM FLANDRIÆ.

1. [*Gen. Bert.*] Anno ab incarnatione Domini A Harlebecensis comes, videns Flandriam vacuum 792 Karolo Magno regnante in Francia, Lidricus et inculam ac nemorosam, occupavit eam (26).

NOTÆ.

(26) Ineptum, ni fingas Karolum Magnum tunc temporis in utramque aurem dormiisse. ΠΑΡΟΥ.

Hic genuit Ingelramnum comitem. Ingelramnus autem genuit Audacrum, Audacer vero genuit Balduinum Ferream. Balduinus autem Ferreus genuit Balduinum Calvum ex Judith vidua Adelbaldi regis Anglorum, filia videlicet Karoli Calvi regis Francorum [*Hincm.*]. Hic prius eam duxerat, et anno eodem quo eam accepit, obiit (27). Quo defuncto, Judith, possessionibus venditis, quas in Anglorum regno obtinuerat, ad patrem rediit, et Silvanectis, *Sentliz* <sup>47</sup> sub tuitione paterna servabatur. Balduino *Ferre*o vero lenocinante et Ludvico fratre ejus (28) consentiente, mutato habitu, ipsum furto secuta est *anno Domini* 860 (29). Quod ut rex comperit, episcopos et principes Francorum consulens, juxta edictum beati Gregorii de promi sententiam ab episcopis peccit. At illi juxta illud: « Si quis viduam in uxorem furatus fuerit, anatema sit (*Exod. xxii*), » Balduinum et Judith excommunicaverunt. Quo audito Balduinus Romam profectus est ad Nicolaum papam, hujus rei petens indulgentiam. Nicolaus autem misericordia motus, misit (30) legatos suos, Radoaldum scilicet Portuensem episcopum et Johannem Ficodensem episcopum, Suesionis ad Karolum; quos aliquandiu secum retinuit, et concessa Balduino indulgentia, pro cujus obtentu venerant, cum epistolis ad apostolicam sedem redire muneratos absolvit. Postea rex Karolus ad Autisiodorum civitatem usque perveniens, ibidem filiam suam Judith, sicut dominus papa eum petierat, Francorum consilio Balduino quem secuta fuerat, legaliter conjugio sociari permisit *anno Domini* 863 (31).

2. [*Gen. Bert.*] Balduinus autem Calvus, ducta filia Edgeri (52) regis Anglorum, nomine Elferudem, genuit Arnulfum magnum, restauratorem Blandiniensis cenobii. Arnulfus vero magnus genuit Balduinum juvenem de Athela filia Herberti Virmandorum comitis. Balduinus autem juvenis duxit Mathildem, filiam Hermannii ducis Saxonum, de qua genuit Arnulfum; post cujus ortum Balduinus iste morbo variole obiit, et apud Sanctum Bertinum sepultus est. Mathildis vero vidua relicta nupsit Godefrido duci de Enham, ex qua suscepit tres filios, scilicet Gocclonem ducem et Godefridum et Heccelonem. Arnulfus autem, filius Balduini juvenis, duxit Susannam filiam regis Longobardorum, de qua genuit Balduinum Barbatum. Balduinus autem Barbatu*s Gandavi sepultus*, accepit Otgavam filiam (33) Gisleberti comitis de Lizelenbors, ex qua suscepit

<sup>47</sup> quæ litteris italicis expressimus, in codice autographo vocibus superscripsit ipse Lambertus. <sup>48</sup> r. l. gioni cod.

#### VARIÆ LECTIONES.

#### NOTÆ.

(27) A. 858. Ante hunc jam patrem ejus Ethelwulfum maritum habuerat tribus annis.

(28) Judithæ.

(29) Falsum; anno 862 fuit.

(30) 23 Nov. 862.

(31) Falsum; fuit a. 863

(32) Alfredi Magui potius.

B Balduinum Insulanum. Balduinus vero Insularus, *ibi sepultus*, duxit Athelam, *Mecenis* (34) *sepultam* filiam Rodberti regis Francorum, de qua genuit Balduinum Montensem et Robertum et Mathildem, reginam Anglorum, *uxorem Willelmi nothi*. Balduinus autem Montensis, *Hasnone sepultus*, duxit Richildam viduam Hermannii comitis (35) de qua genuit Arnulfum *qui in ecclesia sancti Audomari sepultus est*, et Balduinum *qui in expeditione Hierusaltem obiit*.

3. Norum patruus Rodbertus duxit filiam Bernardi ducis Saxonum, Gertrudem *Furnis sepultam* scilicet, viduam Florentii Fresonum comitis, et cum ea ejus regnum obtinuit. Hic, accepta a patre suo pecunia maxima, sacramento Flandriam abdicavit, quam jure hereditario fratri suo Balduino Montensi ejusque successoribus concessit. In vita enim fratris Rodbertus siliit, sed post ejus obitum traditorum auxilio Arnulfum nepotem suum comitem Flandriæ apud Casel interfecit, et Balduinum fratrem Arnulfi a regno expulit illutque obtinuit. Cum autem in regno esset sublimatus, morientes clericos exhereditabat, mittens exactores, qui post eorum obitum heredes et familias ab eorum domibus pellebant. Quod importabile jugum et inauditum servitutis genus (36) clerici non valentes sustinere diutius, Urbanum papam adeuntes, ejus provoluti pedibus, lacrimabilem de tyranno fecerunt querimoniam. Cui pro ereptione clericorum hanc misit epistolam *anno Domini* 1091:

4. URBANUS, *episcopus servus servorum Dei, dilecto filio ROBERTO, totius Flandriæ strenuo militi, salutem et apostolicam benedictionem. Memento, karissime fili, quantum omnipotenti Deo debeas, qui te contra voluntatem parentum tuorum de purvo magnum, de paupere divitem, de humili gloriosum principem fecit, et quod maximum est inter seculi principes rarum, dote litterarum, scientiæ atque religionis <sup>48</sup> donavit. Ejus igitur memor esto, qui te talem fecit, et omnibus modis elabora, ut tantis beneficiis non inveniari*s ingratus. Honora igitur eum in ecclesiis suis, et alterius sub aliqua occasione eos, qualescumque sint, vexare minime præsumas, nec eorum prædia in tuos usus post eorum exitum redigas, nec pecuniam seu quecumque de patrimonio suo eis dimittunt, violenter auferas; sed libera sit eis facultas et Deo serviendi et res sui patrimonii cuicumque voluerint impendendi. Quod si præendis, hoc ex antiquo usu in terra tua processisse, scire**

debes, creatorem tuum dixisse: « Ego sum veritas (Joan. xiv), » non autem usus vel consuetudo. Quæ igitur diximus, fili karissime, volumus et per beati apostolorum principis claves præcipimus ut observes, et super libertate clericorum te Christum honorantem honorifices. Ipse vero attestatione sui ipsius honorificantem se honorificabit. Vale.

5. Rodbertus autem comes in malitia sua perseverans, apostolicis litteris obedire noluit, sed clericos minis terrendo, bona eorum per satellites et apparitores impios violenter diripuit. Tunc Flandrensium clerici tristes et anxii, interesse studentes concilio eo tempore a Rainaldo Remorum archiepiscopo Remis celebrato, epistolam a tyranno contemptam sacro representant concilio, referuntque minas necnon injurias, ab eo multo tempore passas<sup>37</sup>.

6. Epistola cleri Flandrensis Rainaldo archiepiscopo missa pro comite Roberto de clericorum ereptione ab ejus servitute (1091): Domino suo Dei gratia RAINALDO Remensi archiepiscopo et universis episcopis in concilio consedentibus, clerus Flandrensis que domino sunt placita peragere. Ecce iterum, pater sanctissime, compellimur confugere ad matrem nostram, sanctam videlicet Remensem ecclesiam; quam simpliciter exoramus, ut secundum viscera pietatis suæ dignetur respicere lacrimas miseriarum nostrarum. Nunc quidem terrore absentes, pedibus tamen vestris provoluti, ac sanguineis lacrimis tam vos quam hoc sacrum concilium per epistolam nostram interpellamus pro comite Roberto, qui nos tanquam leo conculcat et devorat et tanquam draco serpentina astucia circumvenit. Sed qui ambulat super aspidem et basiliscum et qui conculcat leonem et draconem, vobis sua gratia cooperante, de his malis nos eripere prævalebit. Siquidem, ut auditum fuerit quemlibet nostrorum infirmari, statim mittuntur apparitores et carnifices comitis Roberti, qui occupant domum et omnia, quæ esse videbantur egroti, ita ut si forte velit quicquam Deo vivere aut debita sua reddere aut quicquam beneficii famulantibus sibi impendere, omnino non liceat. Mittuntur etiam exploratores circumquaque inquisitum, utrum domus illa vel illa aliquo tempore fuerit clericum. Quod si inventum fuerit, illico juri comitis tanquam sua recipientis designatur. Quod inportabile jugum, quod novum et inauditum servitutis genus sufficienter<sup>38</sup> ferocitatem leonis, cujus im-

manitatem atque rugitum nube fallacie contegere solet, dicens se optare omnes clericos bonos esse, transitoria contempnere, tendere ad æterna, addens malos sacerdotes non esse; ac si peccator homo non esset homo! Num si homo peccator homo non esset, nequaquam dominus Jesus hominem redimisset. Luctantum autem terror illius excrevit, ut pastorum nostrorum ora obstruxerit. Ipsi vero videant, quid summo pastori respondeant, qui pro ovibus suis periculo se non opponunt. Non solum autem adversum nos nimis inhumane agit, sed etiam contra jura celestia in vestras cathedras prosilivit, dum clerum vestrum suis coartat legibus, et vestras quasi disponit ecclesias. Sicque fit, ut quamvis non habeat potestatem solvendi, habeat tamen potestatem ligandi, capiendi et spoliandi. Unde necesse habemus, sanctissimi patres, ad vos confugere. Vos quoque manus armate et linguas vestras insuperabili gladio Spiritus sancti, si dignum judicaveritis; quia etsi nunc afflicti sumus atque despecti, sumus tamen de grege vestro et de corpore vestro; nec in posterum erubescatis, tales ad sedes vestras pertinere, quales nos cogit secularis potentia esse. Conventus quidem est ab episcopo nostro. ab abbatibus nostris, ab ipsa<sup>39</sup> metropolitani præsentia, nuperrime a litteris domini pape Urbani, in quibus præcepit ei per claves beati Petri, ne ulterius vexaret clericos, et prætenderet in excusationem sui, hoc esse more patriæ suæ. Convicit eum idem dominus papa verbis Domini dicentis: « Ego sum veritas (Joan. xiv), » non autem usus vel consuetudo. Quibus omnibus contemptis, ad callida conversus argumenta, cum revera crudeliter vexet clericos, dicit tamen se clericos non vexare.

7. Universo autem concilio condolente et acclamante, præcepit Rainaldus beatae memorie archiepiscopus Arnulfo Sancti Audomari præposito et Johanni abbati Sancti Bertini et Giraldo abbati de Ham et Bernaldo Watanensium præposito, ut cum auctoritate sancti concilii ipsum comitem Rodbertum convenirent — qui eo tempore privatam ducebat vitam (37), eommorans in claustro sancti Bertini causa continentie et quadragesimalis supplicationis —, quatinus usque ad dominicam palmarum invasa restitueret, aut gladio anathematis percussus sciret totam terram suam divino privandam officio. Quod metuens satisfecit, professusque obedientiam conservare, veniam petiit et accepit; sieque cassavit (38) omnia quæ fecerat, ut nullus successorum illius hanc

#### VARIABLE LECTIONES.

<sup>37</sup> *Sequentia omnia usque ad finem codex Gandensis hoc loco non exhibet, sed post tempore passas statim pergit: Universo, etc. In margine autem auctor ipse scripsit: Epistola cleri Flandrensis pro comite R. Rainaldo archiepiscopo missa, scripta est in fine hujus libri juncta axo, ita incipiens: Domino suo R. Remensi archiepiscopo et universis episcopis in concilio consedentibus clerus Flandrensis, et reliqua, epistolam ipsamque exhibet in folio 154 quam ita terminat: non vexare. Universo autem concilio condolente et acclamante. Require hunc versum in genealogia comitum Flandriæ. Unde apparet, auctorem voluisse ut epistola hic insereretur. Quod nos fecimus, præeunte jam codice Guelserbytano ejusque apographo Hagensi. <sup>38</sup> indicat supplet Labbeus. <sup>39</sup> ipso cod.*

#### NOTÆ.

(37) En retraite

(38) Errat igitur Oudegherst et qui cum eo hanc cassationem juris spoliis Roberto secundo tribuunt.



iniquitatem resuscitare ausus fuerit. Quod factum est anno Domini 1092 (39), in quo obiit et sepultus est in Casel.

8. [Gen. Bert.] Iste *Robbertus* Barbatus de prædicta Gertrude duos filios genuit, *Robbertum* militem obtimum, qui in expeditione Iherusalem insignis habebatur, et *Philippum Bergis sepultum*. *Robbertus* vero insignis *sepultus Atrebas* duxit *Clementiam*, filiam *Willelmi* comitis Burgundiæ, ex qua genuit *Balduinum* et *Willelmum apud Sanctum Bertinum sepultum*.

9. *Balduinus VII* autem comes filius <sup>88</sup> *Clementiæ*, in diebus suis potens super omnes Francorum principes, bellis frequentibus ita nobiliter Flandrensi exaltavit regnum, ut vicinis suis tyrannis undique terrorem inferret, et *Henricum* regem Anglorum a Normannia expulisset, nisi infirmitas obstetisset. Nam circa festum natiuitatis sanctæ Mariæ, collecta exercituum multitudine, oppidum *Rotubiportum* (40), in quo præfatus rex latitabat, obsidione vallare disposuit et eum comprehendere aut bello excipere et a regno quod iniuste invaserat expellere. Qui cum exercitum per *Atrebam* duceret, ex occasione vulneris quod paulo ante in Normannia in fronte acceperat, in eadem civitate repentina infirmitate correptus, 17. Kal. Octobris egrotare cœpit, et a femore usque ad pedes paralyti percussus, plenis novem mensibus in languore permansit. Cumque a medicis curari non valuit, domum *Karolum* comitatus sui præordinavit successorem, quem *Athela*, soror patris sui *Rotberti*, peperit de *Chutone* <sup>89</sup> rege Danorum. Ordinato igitur omni regno Flandrensi, octavo regni sui anno 15. Kal. Julii in villa *Roslarensi* (41) obiit, et a *Karolo* ad *Sanctum Bertinum* delatus, in medio ecclesiæ sepultus est, anno dominicæ incarnationis 1119, indictione 12, regnante *Ludowico* in Francia.

10. Quo sine herede defuncto (1119), *Karolus* ei successit. *Karolus* iste et Francorum rex filius *Philippi Ludowicus* de duabus sororibus orti sunt, de *Bertrada Ludowicus*, et de *Athela Karolus* a *Cuthone* <sup>90</sup> genitus. Quo a *Danis* perfidis interfecto (42), *Athela* venerabilis regina cum filio *Karolo* reversa est ad patrem suum *Robbertum* in Flandriam. Deinde transacto quinquennio, accepit *Rötgerum* filium *Rotberti* *Wiscardi*, ducem *Apulie*. Predictus autem *Karolus* longe post patris matrisque obitum a *Balduino* præfato preelectus, eo ut dixi defuncto, anno incarnationis dominicæ 1120. ecclesiam sancti *Audomari* ingressus, cum principibus regni sui primam curiam tenuit, et anno eodem castrum sancti

#### VARIÆ LECTIONES.

<sup>88</sup> in rasura. <sup>89</sup> ita cod. <sup>90</sup> hic desinit codex autographus Gandensis At Leidensis et Guelferbytanus huiusque apographum Hagense subjiciunt continuationem : Anno i. d. 1127, 6. Non., etc. <sup>91</sup> et Guelf. Hug. Leid.

#### NOTÆ.

(39) Falsum ; a. 1093 fuit. Eodemque ann in Idus Oct. obiit *Robertus*, secundum Ann. Blandin. coævus.

(40) Rouen, a. 1118.

(41) Roulers. Idem dicit *Gualterus* in vita *Karoli*

*Pauli*, in quo *Hugo Campus avenæ* perfidus predonesque multi latitabant, penitus destruxit (1120), fossamque circumfluentem impleri jussit, et perversorum munitiones ceteras viriliter delevit et sibi regnum nobiliter subjugavit <sup>91</sup>.

#### CONTINUATIO.

11. Anno incarnationis dominicæ 1127, vi Non. Martii, luna 16, epacta 6, concurrente 5, *Karolus* marchio totius Flandriæ, heu quam misera, quam scelerata morte affectus vitam finivit ! Misera inquam et scelerata, quia nec in lecto egritudinis aliqua infirmitate innata corruptibile corpus aggravante obiit, nec in campo ad bellum prescripto, dum bellica tuba perstreperet, dum sperata victoria se ipsam utrimque promittens, belli ad enses provocaret, hostili percussus occubuit : sed in templo beati *Donatiani*, dum in oratione procumberet, dum sacerdos missam ex more celebraret, a propriis servis et a domesticis suis, *Burchardo* scilicet et a complicitibus ad tantum scelus illectis fraudulenter circumventus, consilio et instinctu *Bertulfi* ejusdem ecclesiæ prepositi in tempore pacis in quadagesima interfectus est. Causa autem hæc fuit, quia illos per misericordiam defendebat, quos isti per maliciam et potentiam opprimere volebant. Unde principes conturbati, cives conterriti, agricole contristati, ad ulciscendum tantum facinus, ad extirpandos prefatos homicidas, omnem generationem eorum conveniunt, domumque in qua erant obsidentes, ne quis eorum effugeret, quam plures apposuere custodes, qui eos impugnando tamdiu inquietarent, donec secundum examinationem publicæ legis dampnandos coacti se redderent. Mulieres et infantes et hoc omne genus infirmioris nature devotent eos maledicuntque sorti eorum, clerici quod suum erat facientes, gladio sancti Spiritus a limine sanctæ ecclesiæ et participatione sacramentorum indignos excludunt.

12. Interea hujus rei miserabile eventum famerente *Ludowicus* rex Franciæ audierat ; et contristatus tam de morte tanti principis quam de destitutione regni, ad *Attrebatum* veniens (Mart. 20), primores totius patriæ mandavit, ut eorum consilio et assensu rectorem regno viduato provideret. Hoc enim facere sui juris erat et suæ potestatis, ut <sup>92</sup> de perpetrato homicidio eorum etiam judicio vindictam satis dignam sumeret. Confluentes igitur ad regem et qui mandati fuerant et qui non, modo publice modo privatim inquireunt, quis sit, quem hereditas Flandriæ contingat. Aderat ibi *Willelmus* filius *Roberti* comitis Northmanniæ, qui aliquo hereditatis

*Boni* ; in castro *Aumale*, *Ordericus* ; apud *S. Bertinum*, *Anselmus Gemblacensis* atque *Chronicou S. Andreæ Castri Cameracesii coævum*.

(42) A. 1086.

jure post Karolum succedere in regnum poterat. Ille quia <sup>66</sup> insignis erat virtute animi et corporis, et nobilitate parentum præclarus, et, ut dicam verius, optimus miles in milibus, a media plebe indiscrete subrogatur, a principibus familiariter eligitur, a rege, quia heres, quia electus, princeps et regni rector potenter statuitur. Sed ne aliquid contradictionis et molestiæ, quia novus comes nominabatur et erat, a civibus pateretur, a rege et a primoribus regni de urbe ad urbem dicitur, ut securitate utrobique promissa et fidei pignore confirmata, fideles haberet subditos, et cum justicia et misericordia regeret possessores.

13. Dum hec ita disponerentur, prefati homicidæ, prepositus et nepos suus Burchardus, dato precio a domo in qua obsessi erant educti, sententia <sup>67</sup> dampnationis uterque deprehensus, uterque contumelia affectus, uterque morti <sup>68</sup> adjudicatus est. Prepositus vero cum Guidone de Stenvorth <sup>69</sup> ejusdem criminis <sup>66</sup> reo, quasi tractans cum eo de comitis morte, in patibulo Ipris suspensus est; Burchardus apud Insulam fractis cruribus punitus. Robertus etiam, nepos ejusdem prepositi, pro eodem scelere capitalem subivit sententiam. Complices vero illorum a superiori parte domus, in qua obsessi erant, in precipitium missi, conterminati sunt.

14. Cum nundum predictus comes Willelmus per dimidium regnasset annum, ecce duo primores regni, Iwainus scilicet et Daniel nepos ejus, et quam plures cives, Gaudenses scilicet et Brugenses et Insulani et subditi eorum, conspiratione facta insurgentes in eum (Ang.), a regno expellere conabantur;

pretendentes diversas causas criminales, nescio sive veras sive falsas, ex quibus inferre volebant, quod et dignus esset denotari nec amplius posset eis legitime principari. Proh facinus! fides data negligitur, sententia electionis mutatur, et alius comes Theodericus de Helsen, filius filix comitis Roberti Fresonis, superinducitur (1128 Mart. 11). Divisum est autem regnum non in fratres sorte hereditaria, sed in hostes lege contradictoria. Unus tendit in alterum, Theodericus in Willelmum; ille se et suos defendens fortiter, repellit in se tendentes. Tandem ad locum qui Hacspola (45) nuncupatur, conveniunt (Jun. 21), quisque suo stipatus exercitu; illicque catervis ex ordine ad pugnam dispositis congregiuntur. Sed Willelmus, cujus causa <sup>B</sup> justior erat, ut aiunt, et cujus exercitus ideo validior et promptior ad bellum, prevaluit; ibique triumphum assecutus, multos ad viadictam et in testimonium belli occidit, multos in signum victoriæ captivos se victorem procedere coegit. Sed istud fortunæ præsertim ad miseriam parum profuit, quia non multo post fati suis eum trahentibus ad debellandum urbem cujusdam adversarii sui Iwaini, quæ dicitur Alost, a Gislefrido duce Lovaniensi coadjutore suo tunc temporis obsessam, cum magno exercitu venit (Jul. 12.); ibique nichil proficiens, nescio quo infortunio lethale vulnus ab hoste recepit. Mortuus est autem comes ille magnis nominis et magnæ famæ vi Kalendas Augusti (Jul. 27), secundo anno regni sui, et in templo sancti Bertini juxta comitem Balduinum cognatum suum sepultus. Et Theodericus regnavit

## VI. FLANDRIA GENEROSA.

Eodem modo quo genealogiam Bertinianam Lambertus, Lambertinum non multo post a. 1164 ampliavit monachus ut ex capite antepenultimo apparet Bertinianus. Lamberti siquidem opus ad verbum fere excipiens, multa inseruit ex Folcuini chartulario Bertiniano, e Simone ejusdem continuatore (44), e Sigeberti codice Aquiciniensi, et carmine de pugna Casletensi jam deperdito ex aliisque fontibus non jam notis petita, filumque deduxit ad a. 1164, quo tempore ipsum vixisse, ultimi capitis verba ut ipsi vidimus satis produunt. Opusculum nativa quadam vividitate nec sine ira et studio conscriptum, sicuti Lamberto innotuit, ita et ipsum plurimis Flandriæ chronicis fuit fundamentum; Lambertus Ardensis quoque et Joannes de Thielrode non pauca inde hauserunt, Joannes Iperius et Adrianus de But exceperunt integrum. Neque continuationes defuere: Bruxellensis paulo post a. 1206 scripta, ubi et a quonam, incertum, in codice 4 Gislensis usque ad annum 1206 brevissima, apud S. Gislenum in Hannonia composita, in codice 5 Clamariscensis a monacho Cisterciensi B. Mariæ de Claramaresch, jam Clairmarais prope S. Auoumarum,

### VARIE LECTIONES.

<sup>66</sup> hicque *idem*. <sup>67</sup> sententiam *idem*. <sup>68</sup> morte *idem*. <sup>69</sup> stenvorth *Guelf. Hag. stenvoth Leid.* <sup>66</sup> crimina *Guelf. Hug. Leid.*

### NOTÆ.

(45) *Azpoele* prope Thielt, in parochia Ruysselede, ut probat Carton in *Annales de la soc. d'émulation de la Flandre occidentale*. 1844, p. 270.

(44) Folcuinus monachus S. Bertini chartularium conscripsit anno 951. Simon, et ipse monachus Bertinianus, ortu Gaudensis, illud continuare cepit jubente abbate Lamberto. Quo paralyti tacto a. 1125, ipse Simon abbatiæ curam gessit usque ad a. 1127,

D quo anno Aquicinienses cum abbate sibi fecerunt. Anno 1151 S. Bertini abbas electus, a. 1156 Innocentio papa jubente baculum deposuit et Gandavum se recepit, ubi opus suum deduxit usque ad a. 1145. Duodecimo post anno ad S. Bertinum rediit, ibique a. 1148 est defunctus. Chartularium illud edidit B. Guérard Parisiis 1840, in-4°; quæ auctor noster inde sumpsit, leguntur ibi p. 140 et 297.

intra a. 1214 et 1226 (45) condita, permagnos continet centones ex continuatione Aquincinctina Sigeberti et ex Balduini imperatoris epistola (46) consutos; quæ autem de suo dedit auctor, haud invita Minerva sunt conscripta, optimisque de pugna maxime Boviniensi fontibus adnumeranda. Hanc continuationem Bernardus de Ipris monachus Claromarisci iterum continuavit ab a. 1214 ad ipsum quo scripsit annum 1329. Tertius denique ejusdem cœnobii monachus, cujus nomen nescimus, ab hoc ipso anno calamam sumens vario tempore, narrationem deduxit usque ad a. 1347. Hanc alii etiam continuarunt in codicibus Antwerpiensi et Lovaniensi. Dunensis denique usque ad a. 1405 brevissima, hoc ipso anno in monasterio de Dunis prope Brugas scripta fuit. Codices hi exstant:

1. Bertinianus, jam civitatis Audomarensis n. 746, de quo egi in Pertz Archiv. VIII, 417, inter alia multa continet quaternionem octo foliorum; tria priora excisa; in quarti pagina priore legitur finis operis cujusdam theologi, in secunda et in sequentibus quatuor foliis genealogia nostra exarata est binis columnis, manu sæculi XII ex. quæ ipsius est auctoris. Lineæ plumbo ductæ; titulus comitumque in margine nomina minio scripta; atramentum in medio fere opere mutatum; finem postea auctor ipse erasit atque ampliorem rasuræ marginique superscripsit; idemque bis in margine aliquoties inter lineas quædam aspersit. Tribus igitur vicibus calamam sumpsit auctor ad hoc opusculum conficiendum. Nemo ante nos usus fuit hoc codice; quem cum auctoris autographum esse animum advertissem, ipse integram descripsi.

2. Vedastinus, jam civitatis Atrebatensis n. 184, membr. fol. sæc. XIII, Caronis olim bibliothecarii Atrebatensis improbo cultro in usus bibliopegarum mutilatus, continet Andream Marchianensem, Turpinum, Apollonii vitam, Joannis presbyteri epistolam, Genealogiam nostram, Boloniensium comitum historiam. Ipse evolvi.

2 a. Ambianensis n. 356 sæculo XVII e Vedastino fuit exceptus

3. Camberonensis, dein Lanmensii, jam Leopoldi de Alstein Gandensis, qui gratosissime eum inspiciendum nobis commisit, mbr. fol. sæc. XIII continet Rufinum, Genealogiam, epistolas Balduini Henrici Blancæ.

4. Bruxellensis n. 9825-9834 mbr. sæc. XIII in olim Pamellii, tum societatis Jesu Brugensis, continet Roberti passagium, Fulcheri historiam, Descriptionem locorum sanctorum, Miraculum tempore Heriberti factum, Catalogos regum, De sanctuario Lateranensi, De septem miraculis mœdi, Genealogiam regum Francorum, Historiam de Mahumeth, Genealogiam nostram ex Bertiniano minus accurate exceptam, cui manus alia s. XIV ex. continuationem adjecit jam in De Smet corp. chron. Flandriæ I, 127, 130 editam, quam nos ex ipso codice iterum exscripsimus.

5. Gislensis, cum brevi continuatione; quem jam deperditum novimus tantum ex editione Galopini

6. Claromariscensis, jam Audomarensis n. 769, membr. quart. s. XIII, post Vitas Petri Tarentasiensis et Mariæ de Oegnies habet Genealogiam nostram, quam eadem manus eadem linea pergens continuavit usque ad septem et amplius. Ibi hæc manus scribere desiit in imo folio quaternionis quinto; sextum cum septimo excisum, octavum omnino est vacuum. In loco sexti et septimi sequenti sæculo insertum fuit quaternio duodecim foliorum formæ minoris, cui una manus s. XIV inscripsit continuationem a Martenio ex hoc ipso codice editam, quæ desinit in *altissimo non resurget* in ultima quaternionis pagina media. Reliquam paginam vacuum reliquit, imoque margini inscripsit: *Hoc perscripsit frater Bernardus de Ypris monachus Clarimarisci die b. Nicholai episcopi anno XXIX, etc.* Tertius denique, et ipse s. XIV, in spatium paginæ extremum, quod Bernardus vacuum reliquerat, iterum continuationem inseruit quæ *tamen sex a zinis* incipientem, camque per quatuor folia adjecta deduxit usque ad vocem *evasisse*, in qua et folium et opus clauditur. At ex hisce quatuor foliis primum atque secundum jam Martenii tempore interdidit.

6 a. Guelferbytanus inter Weissenburgenses n. 41. chart. fol. s. XV e Claromariscensi descriptus est, priusquam ibi duo illa folia interciderunt; unde lacunam istius ex hoc supplevit Lessing *Beitrag zur Geschichte und Litt.* n. 9.

6 b. Antwerpiensis societas Jesu alterum possidebat Claromariscensis apographum, ex quo transcriptum est quod Hagæ comitum servatur inter codices G. I. Gérard n. 265. Pertingit illa, ut in Pertz Archiv. IX, 511 indicavimus, ab a. 792 usque ad a. 1329, sed ultima sex folia non exstant in Claromariscensi.

6 c. Lovaniensis societas Jesu codicem habebat ad Ludovicum Malanum seu ad a. 1380 productum teste Henschenio in Actis SS. Martii I, 134.

6 d. Bruxellensis n. 9836 qui jam a. 1305 finitur, ejusdem generis esse videtur.

6 e. Bruxellensis n. 18417, olim Lanmensianus, membr. quart. una manu s. XIV exaratus, nil continet nisi Bernardi continuationem *Fernandus itaque comes tenebatur captus — non resurget*, cui eadem manus subdit annales Flandriæ: *Anno Domini 1354 Joannes papa — postquam ad expeditionem exierunt, anno 1358 desinentes, ineditos.*

7. Dunensis, jam civitatis Brugensis n. 120 chart. oct. s. XV, post necrologium, Regulam S. Benedicti et breve chronicon, genealogiam nostram habet satis licenter excerptam et ad a. 1405 deductam, ubi desinit: *semper ampliarum dignetur. Amen. Floreat et vireat sine spina nobilis iste princeps et valeat Flandrensis, supplico, Christe.*

7. Aldemburgensis, jam seminarii Brugensis s. XV inter alia quæ in Pertz Archiv. VIII, 558 enumeravimus, genealogiam nostram continet genuinam cum continuatione *Memoratus igitur Theodericus — Joannes primogenitus ejus*, quæ ex Dunensi excerpta videtur. Edidit eam ex hoc codice Vandeputte in *Annales de la société d'émulation de la Flandre occid.* 1845, p. 49.

8. Parisiensis inter Baluzianos arm. II, pag. 1, n. 3, sæc. XVII sine continuatione.

9. Tornacensis s. XIII, de quo egi in Pertz Archiv. VIII, 561, ad a. 1127 tantum pertingit.

Editionum princeps est Galopini *Flandria Generosa. Montibus* 1643. 4<sup>o</sup> e codice Gislensi. Raquet *Historiæ Flandriæ synopsis. Brux.* 1781. 4<sup>o</sup> hanc iterum edidit adnotatione multum adauctam. Martene, *thes.* III, 377 codicem Claromariscensem expressit. Bouquet *recueil* XI, 388. XIII, 411. XVIII, 559 Martenium repetiit.

B. Quos hucusque indicavimus codices atque editiones, auctoris opus expresserunt purum atque genuinum. Sed jam ante a. 1193 Interpolator nescio quis illud ita descripsit, ut a verbis quidem mutandis abstineret, et magnos intersereret centones e Tomello. Lamberto Audomarensis, Hermano Tornacensi,

(45) Ludovicus VIII enim, qui obiit a. 1226, patre adhuc vivente hic semper *domnus* vocatur.

(46) Apud Brial Recueil XVIII, 522.

Sigeberti codice Aquiciniensi, aliis desumptos. Tali codice usi sunt Andreas Marchianensis, Balduinus Avesnensis, Joannes Iperius. Nobis solummodo codex Bruxellensis 6410-15 chart. s. xv notus est, quem adhibuit Warnkoenig. Interpolatum hocce opus non multo post in linguam Gallicam versum fuit hoc titulo : *Li generationis li parole et li lignie de le lignie des contes de Flandres*, satis quidem accurate, ita ut perpauca tantum omitteret interpres, alderet vero nil nisi unam de nece Caroli Boni narrationem, at satis amplam (47), quam totum ex Gualteri vita hujus comitis et ex Hermanno Tornacensi compilavit. Hanc versionem excerptis chronicon Flandriæ Gallice conscriptum (48); integrum in suos usus auctor chronici rhythinici Flandrensis (49). Codices sunt : Bruxellensis n. 9558, mbr. qu. s. xiv, cujus apographum recentius Hagæ comitum inter codices G. Gérard n. 264, servatur; San Germanensis n. 39, quem citat Dom Clement in *Art de vérifier les dates* de Arnulfo III comite Flandrensi tractans, ubi jam sit nescimus. Editionem dedit De Smet *Corpus chron. Flandriæ* II, 31 e codice Bruxellensi.

C. Anno 1423 codice Claromariscensi superstructa est ampla Compilatio sub titulo : *Catalogus et chronica principum et comitum Flandrie et forestariorum, que terru olim dicebatur terra de Buc vel nemus regionis sine misericordia*. Quæ ab a. 621 incipiens, primo non sine venustate quadam narrat fabulas populares de Salvardo Divionensi ejusque uxore Ermengarda, de Finardo gigante in Lisle les Buc, de Lidrico le Buc primo forestario, Antonio secundo, Lidrico Harlebecensi tertio, suavissimas sane, sed fabulas. Deinde in annis 856-1347, codicem Claromariscensem exceperit, sed in verbis multum mutavit et tot tantisque interpolavit addidit ioni. usex Gualteri Galbertique vitis Caroli Boni, ex Vincentio Bellovacensi, traditione populari, aliunde (50) petitis, ut primarium fundamentum sub tanta mole vix agnoscas; quæ additamenta quanto plus jucunditatis, tanto minus plerumque habent fidei (51). In annis denique 1548-1423 propriis vestigiis incedit auctor, et quantum ad hæc tempora, historiæ fontibus adnumerari potest, in præcedentibus rarius tantum nec sine cauta circumspectione adhibendus; quod non semper tenuerunt, qui Flandriæ historiæ tractare sunt aggressi. Præ cæteris enim lectum, descriptum, exceptum, allegatum fuit hoc chronicon, quod grata prolixitate et narrationum Romanensium similitudine mirum quantum se commendabat ætati, in historia minus probanti quæ vera sunt quam quæ jucunda atque mirabilia. Joannes de Dicsamuda (52), chronicon S. Bavonis (53), Mejerus, Oudegherst, Vredius, Lambertus Vanderburch, Sueyro, Buzelinus, Varnewyk, Vanloo, plurima inde hauserunt; a multis fuit continuatum, in brevis redactum (54), interpolatum (55) in Flandrensem etiam linguam (56) Gallicamque (57) sæpius translatum. Neque ex codicibus genuini operis reperitur ullus, qui ab addendo, omittendo, mutando prorsus abstinuerit; sunt autem hi : Cisoniensis, jam Insulensis E. G. 54 chart. quart. s. xv, quem adhibuit Warnkoenig. Brugensis societatis Jesu teste De Smet I, præf. 29, ubi jam sit, nescimus. Vaticanus Christianæ n. 798 olim 1222 chart. s. xv quem ipse inspexit. Lovanensis, jam Bruxellensis n. 3599-3601 chartæ. xv. Bigotianus, jam Parisiensis n. 5237 s. xv. Parisiensis n. 5991 olim Puteani. Parisiensis n. 5041 olim Gerardi Vanderstrepen, ut Puteani. Parisiensis inter Baluzianos arm. II, pag. 1, n. 3 e codicibus duobus Alexandri Petavii et Puteanorum descriptus. Hi omnes in a. 1423 desinunt. Continuatum continent opus nostrum; Brugensis viri cl. Vermeire, quo usus fuit Warnkoenig; ibi alia manus paucas lineas adjecit anno 1424 in Novembri — sine ipsius consensu in anno 1428. Hamburgensis bibl. publ. histor. Belg. n. 14 chart. fol. s. xv in anno 1457 desinit. Middlebillianus n. 1890, olim Meermannianus, usque ad a. 1467 pertingit; cujus fortasse apographum est, quod Hagæ comitum asservatur inter codices G. Gérard n. 270; cf. Pertz Archiv. IX, 511. — Editionem curavit Warnkoenig in De Smet *Corp. chron. Flandr.* I, 19, et codice Brugensi Vermeirii atque e Cisoniensi; at in unum confudit quos potius inde dirimere debebat codices nostros 4, 5, 6. B.

## NOTÆ.

(47) Pag. 55-90 ed. De Smet.

(48) Quod incipit : *Ontroeuere llsant ke ou tamps Charlemaine le tresfort*, etc. Complectitur annos 792-1346. Sex priora capita ad verbum fere fluxerunt ex versione Gallica supra sub B indicata, paucissimis tantum adjectis; reliqua neque cum continuatione Claromariscensi neque cum compilatione C commune quidquam habere videntur. Auctorem quidam Jacobum de Guisia esse voluerunt. Codices hi sunt : Lugdunensis apud Augustinos minores a. 1346 jubente Maria Burgundica splendidissime exaratus picturisq; ornatus, teste Le Long, *Bibl. histor. de France*, ed. Fevret de Fontette, III, 653. Parisiensis Sorbonne n. 1606 s. xv inscriptus *Chroniques de Flandre depuis Charlemaine jusques aceque le roy Edouard eut conquis la ville de Calais*. Bruxellensis n. 10253 usque ad a. 1356 deductus. Bruxellensis n. 14910 sæc. xv. Poupetianus dominorum de Poupet in Burgundia, usque ad a. 1384 descendens, quem edidit Denys Sauvage *Chronique de Flandre*. Lyon 1561, in-fol. Parisiensis de quo egit Van Praet, *Recherches sur Louis de Bruges seigneur de la Gruithuyse*. Paris, 1832, in-8°. Fortasse Bruxellensis n. 16789 usque ad a. 1596 procedens huc pertinet.

(49) Quod e codice Combrugensi edidit Kausler *Denkmaler der altniederlandischen Litteratur*. Tübingen, 1840, in-8°, fontes egrigia cum solertia investigans, at minus recte censens, auctorem Latino tantummodo exemplari Flandriæ Generosæ usum fuisse. Habuit is sane tale generis B præter versionem Gallicam sed finito demum carmine habuit, ut ipse dicit v. 2005. Inde ab anno 1162-1278 continuatores Claromariscensibus expressit, plura tamen

A intermiscens; reliquæ partis seu versuum 6281-10569 fortis non jam habemus.

(50) Fontes Gallicos tum sermonis indoles, tum nominum forma non raro indicare videtur.

(51) Quod in iis, quæ de Caroli Boni nece ibi leguntur, jam demonstravit Henschen., *Acta SS. Mart. I*, 154.]

(52) Quem edidit Lambin, *Dits de cronynke ende genealogie van den graen van den forreste van Buc, dat heet Vlaenderen, van 863 tot 1436*. . . . . door Jan van Dixmude. Ypres 1859, in-8°.

(53) Apud De Smet, *Corpus chron. Flandriæ* I, 455.

(54) E. g. in primis quatuor foliis codicis Cisoniensis, jam Insulensis E. G. 54, sæc. xv, unde illud edidit Warnkoenig apud De Smet I, 11, non attendens, nullius prorsus utilitatis esse quod ederet.

(55) Huc pertinere videntur Bruxellenses n. 5751, 6025, 6066, 6078, 7220, 7376, 7809, 10291, 10315, 10528, 13075, 13413, 14506, 16551, 16790, 16801, 17504.

(56) Codices sunt : Bruxellensis n. 15163 usque ad a. 1330 pertingens. Bruxellensis n. 6074. Amstelodamensis instituti, Matthæi manu exaratus, anno 1440 desinit. Middlebillianus n. 4166 in anno 1466 finitur teste Pertz Archiv. VIII, 764. Bruxellensis n. 7384, olim societatis Jesu Brugensis, usque ad a. 1477 pertingens, cum continuatione ad a. 1507, typis excusus sub titulo *Dits die excellentie cronynke van Vlaenderen*. Antwerp. 1531. Hagensis n. 950 usque ad a. 1497.

(57) In codice Londinensi musei Britannici Kings 46. F. III, *Chroniques de Flandre* a. 621-1347. Bruxellensis n. 13068 annorum 621-1696.

Nostra editio tota innititur codici autographo 1, quocum contulimus 2, 4, 6. Continuationem subjunctim Bruxellensem e codice 4, Claromariensensem e 6, Gislensem ex editione Galopiniiana. Bernardi Yprensis continuationem cum Dunensi ex 6, 6a, 6b, 7. 7\*, dabimus inter scriptores sæculi decimiquarti. Additamenta ex B, sæculo adhuc duodecimo facta, suo quodque loco textui subjecimus; C autem omnino non respeximus; hæc enim interpolatio, non ante quintumdecimum sæculum orta, integra exhibenda erit ad an. 1423 cum iis quæ ipsi iterum factæ sunt additiunculis atque continuationibus. Capitum distinctionem de nostro instituiimus; in codicibus non reperitur. Titulum denique Flandriæ Generosæ, quo plerumque hoc opus citant viri docti, a Galopino inditum, nos quoque ob commodum legentium censuimus retinendum.

#### INCIPIT GENEALOGIA FLANDRENSIUM COMITUM.

1. [Lamb.] Anno ab incarnatione Domini 792, A imperatoris vero Constantini filii Hyrene primo, Karoli quoque magni regis Francorum, postea imperatoris Romanorum 24, Lidricus Harlebecensis videns Flandriam vacuam et incultam ac nemorosam, Occupavit eam. Hic genuit Ingelramnum comitem. Ingelramnus genuit Audacrum. Audacer vero genuit Balduinum Ferreum.

2. Anno igitur dominicæ incarnationis 862. Balduinus Ferreus rapuit Judith, viduam Adelbaldi regis Anglorum et filiam Karoli Calvi regis Francorum, filii Ludovici piissimi augusti, filii Karoli magni; genuitque ex ea Balduinum Calvum, qui postea nepos Karoli et comes inclitus appellatus est. Predictus vero Adelbaldus rex anno eodem, quo eam acceperat, obiit. Quo defuncto, Judith possessionibus venditis, quas in Anglorum regno optinuerat, ad patrem rediit, et Silvanectis sub tuitione paterna servabatur. Balduino vero Ferreo lenocinante et Ludowico fratre ejus consentiente, mutato habitu (58) ipsum furto secuta est. Quod ut rex comperit, episcopos et principes Francorum consulens, juxta edictum beati Gregorii sententiam depromi ab episcopis petiit. At illi juxta illud: *Si quis viduam in uxorem furatus fuerit, anathema sit*, Balduinum et Judith excommunicaverunt. Quo audito Balduinus Romam profectus est ad Nicholaum papam, hujus rei petens indulgentiam. Nicholaus autem misericordia motus misit legatos suos, Radoaldum scilicet Portuensem episcopum et Johannem Ficodensem episcopum, Suessionis ad Karolum. Quos aliquamdiu secum detinuit, et concessa Balduino indulgentia, pro cujus optentu venerant, cum epistolis ad sedem apostolicam redire muneratos absolvit. Postea Karolus rex ad Autisio-

dorum civitatem usque perveniens, ibidem filiam suam Judith, sicut dominus papa petierat, Francorum consilio Balduino quem secuta fuerat legaliter conjugio sociari permisit. Defuncto igitur Karolo rege Francorum et ad ultimum imperatore Romanorum anno ab i. D. 876 (877), 2. Non. Octobris, et sepulto in monasterio beati Dyonisii, anno quarto post decessum illius mortuus est (879) et gener ejus Balduinus Odacri filius, vir prestantissimus, audax et fortissimus viribus; sepultusque est in monasterio sancti Bertini, quod vocatur Siahu (59).

3. [Folcuin.] Igitur Balduinus Calvus, filius Balduini Ferrei, duxit filiam Edgeri<sup>61</sup>, regis Anglorum, nomine Elstrudem<sup>62</sup>; genuitque ex ea Arnulfum magnum, restauratorem Blandinii, qui procedente tempore et etate Senior et Vetulus appellatus est. Defuncto autem Balduino et apud Gandavum sepulto<sup>63</sup>, filii ejus markam inter se diviserunt; et Arnulfus, qui major natus erat, Flandriam, Adalolfus vero civitatem Bononiam et regionem Taruennicam suscepit. Quo defuncto et apud Sanctum Bertinum tumulato (933), Arnulfus comitatum ejus recepit.

4. Hic Arnulfus cognomento Vetulus genuit Balduinum juvenem de Athela filia Heriberti Virmandorum comitis. Balduinus autem juvenis duxit Mathildem filiam Herimanni ducis Saxonum, de qua genuit Arnulfum juniorem. Post cujus ortum Balduinus iste ante obitum patris variole morbo obiit Kal. Januarii (962), et in templo sancti Bertini sepultus est. Mathildis vero post obitum mariti sui nupsit Godefrijo duci de Enham; ex qua suscepit tres (60) filios, scilicet Gocelonem<sup>64</sup> ducem et Godefridum et Heclonem.

5. Arnulfus junior duxit uxorem Susannam,

2. \* Judith, qui comitem propter probitatem suam valde diligebat. *addit B.*

\*\* videns eum juvenem pulcherrimum et probum. *addit B.*

3. \* et Adalolfum. Qui Arnulfus instituit in ecclesia S. Donatiani Brugensis duodecim canonicos; ecclesiam Toraltensem fundavit et canonicos instituit. *addit B.*

\*\* qui obiit a. D. 918, 4. Non. Januar. *addit B.*

4. \* Obiit autem Arnulfus Magnus a. D. 964, 6 Kal. April. et apud Gandavum sepultus. *addit B.*

#### VARIE LECTIONES.

<sup>61</sup> vel Adaluarai superscripsit 1 ipse, 6 ipse. <sup>62</sup> vel Eifelt iidem superscripsit. <sup>63</sup> vel Fredericum superscripsit 1, 6.

#### NOTÆ

(58) *Verkleidet.*

(59) *Blandino sepelitur Ann Blandinienses; scilicet cor et intestina; reliquum corpus apud S. Bertinum.*

(60) *Quinque; v. supra.*

filiam Berengeri regis Longobardiæ et Italiæ; genuitque ex ea Balduinum cognomento Pulchra barba (61), qui in Blandinio sepultus est.

6. Iste Balduinus vir pulcher, formosus corpore et stature grandis, uxorem accepit Ogivam, filiam (62) Gisleberti comitis de Lizelenborg, cujus fratres fuerunt hi: Adalberto Metensis episcopus, Fredericus dux Lotharingie, Henricus dux Bajoarie, Gislebertus comes de Salinis (63), Theodericus de Luzelenburch.

7. De tante nobilitatis conjugè genuit Balduinum primum, qui prudens et fortis comes suo tempore sapiens et moderatissimus in omnibus operibus suis inventus est. Qui duxit Athelam, filiam Roberti regis Francorum, quæ peperit ei duos filios, Balduinum Montensem et Robertum Frisionem, et filiam Mathildem nomine. Hæc autem nupsit Guillelmo comiti Normanniæ et conquistori Angliæ, peperitque ei Guillelmum, post patrem regem Angliæ; et Robertum comitem Normanniæ; et Henricum, post

7. filii Hugonis Capet. Hic rex mansuetus fuit et valde literatus. Gerberti philosophi discipulus fuit; amator etiam erat religionis et ecclesiarum. Nam in precipuis solemnitatibus ad S. Dionisium veniebat, in choro cum monachis stabat et psallebat ad vesperas, matutinas et ad missam; cappa serica indutus cum cantore chorum regebat. Composuit etiam quosdam cantus videlicet de s. Spiritu *Presentia s. Spiritus adsit nobis gratia*; de nativitate Domini ritum *Judea et Iherusalem*; de omnibus sanctis ritum *Concede nobis, quæsumus*; et alia plura contextit, et tamen in hoc quoque ceteris multum profuit. Cum autem Constantia regina videret eum in iis intentum, dixit quadam die per jocum, ut faceret de ipsa aliquem cantum. Rex autem libenter annuit, et scripsit ritum *O Constantia martirum* in honore s. Dionisii et ceterorum martirum. Fuit in dando largissimus, adeo ut festis diebus, cum exeret se vel indueret vestibus regiis, si non aliud ad manum haberet, ipsas vestes pauperibus distribuere, nisi ex industria vestiarii egentes importune petentes arceantur. Porro Constantia regina nimis tenax, et quod minime decebat reginam, ultra modum avara; nam cum alicui aliquid dabat, ei precipiebat dicens: *Vide ne hoc sciat Constantia!* nec ibi nomen reginæ addebat. Honestè etiam regnum edificis et ecclesiis sanctis, inter quas edificavit in urbe Aurelianensi monasterium s. Aniani et ecclesiam s. Mariæ matris Dei et s. confessoris Hilarii ante palatium, s. etiam Leodegarii in silva Aquiana, et s. Medardi in Vitriaco castello, monasterium quoque s. Reguli in civitate Silvanectensi, et s. Dei genitricis Mariæ in Stampensi castro. Apud Augustodunum edificavit s. Cassiani monasterium, sed et Parisiis ecclesiam S. Nicolai in palatio suo, et item s. Mariæ in Pisciaco castello. Hic ergo rex inclitus ex Constancia, comitis Provincie filia, genuit Hugonem regem, qui ob nimium decorem corporis et morum Flos juvenum appellatus est, et Robertum Burgundiæ ducem, et Henricum postea regem, atque Athelam nobilissimam comitissam Flandriarum. *addit B.*

\*\* qui interfecto Haraldo — Sed ista de Mathilde regina Angliæ ejusque filiis sufficiant: *apud De Smet I, 59, ex Herimanno Tornacensi c. 14, 16. addit B.*

8. Hoc factum est a. D. 1061. *addit B.*

9. Anno Domini 1055, et 40 canonicos in eadem constituit, videlicet 10 presbiteros, ex quibus 2 erant episcopi, scilicet Tornacensis et Morinensis, 10 diacones, subdiacones 10 et 10 acolythos *addit B.*

\*\* Hæc facta sunt a. D. 1065, in crastino b. Petri ad vincula, regnante Philippo rege. Cujus ecclesiæ edificationem tota villa subsequuta est, quæ antea tanquam fluctuans nullum invenerat locum habitum. Nam prius in loco qui dicitur Salines, postmodum Asnapiam locata fuit. Comes vero predictus pius beneficia sua ecclesiæ sancti Petri Insulensis conferens, de propria mensa sua nihil conferre voluit, ne forsitan a posteris suis sua repetere cupientibus ecclesiæ dispendium vel gravamen aliquod pateretur; sed omnia, collata a patriotis pecunia, comparavit, quantum potuit, set quibuscumque modis, si voluisset, expendisse (65); comparataque in manus summi domini, scilicet domini regis, ipsa ecclesiæ recepit, ut tutius et liberius eis gaudeat. Et deinde ipsi privilegium obtinuit, in quo continetur, quod quicumque de cetero forefaceret, ecclesiæ persolveret centum libras auri et incurreret bannum regis. Comes, beneficiis suis divino servitio institutis, personas ydoneas, qui pro ipsis et in ipsis Deo deserviant, circumquaque exquiri, ut supra dictum est, inventas in ecclesiæ sua instituit, institutas, ut beneficia sua divino sibi suisque

#### VARIAE LECTIONES.

<sup>61</sup> Francie superscripuit 1, Francie regis habet 4, regis Francie 6.

#### NOTÆ.

(61) Balduinum barbatum habet Lambertus.

(62) Sororem.

(63) Salm.

(64) Hic Guillelmus postea Carolo in Flandria ucesit.

(65) Chronicon rimaturum hæc ita vertit: — 4i

C dede Met ghelde, dat hi in sine hant hief Van sinen lieden (dat hi mochte Verteeren, of hem goet dochte) Rente beia ghen ende lant, Dat hi al drouch in des coninc hant, Dat hi om die meerre sekerhede Harp van den coninc ontfæen dede.

10. Idem Balduinus apud Aldenardam castellum A constituit, per quod, everso apud Eham castello, Brabantum usque fluvium Teneram (66) de regno Lothariensi sibi usurpavit. Scaldis namque fluvius a fonte suo usque ad mare discernit regnum Lothariense a comitatu Flandrie, qui est de regno Francie. Rex itaque Lothariensis, qui cesar et imperator augustus (67),<sup>65</sup> hostiliter super comitem Balduinum venit (1046), et per anic Atrebatum, comite Balduino intus exercitum suum obstructis etiam portis vix detinente, ferme usque ad Arkas (68) viam sancti Bertini processit, falso putans, saltem illac sese posse ingredi Flandriam. Comes namque et illic et ubicumque per siccum patebat introitus in Flandriis, vallo et aggere et palifixo contra eum munerat. Cesar ergo casso labore fatigatus, sicut venerat, rediit. Comes vero eum quasi fugientem usque ad Rhenum hostiliter est persecutus, et nobili ejus palatio apud Neumagum incenso (69), rediit cum sano exercitu (1047). Cesar vero non immerito erubescens et iratus, iterum

super comitem venit post septimum annum (1054), et ad vallum qui dicitur Bulliens rivus (70), inopinante veniens, Tornacum invasit, et Assello (71) ad bellum et aliis nobilibus acceptis cito rediit, occurrente sibi nemine de Flandriis. Sed pacificis intercurrentibus nuntiis, et captivos comiti reddidit, et Brabantum ei (72), hominio accepto, in feodum concessit.

11. Venerabilis autem comitissa, scilicet Athela, tanto marito sed non divitiis desolata, nec tamen in eisdem divitiis delectabiliter vivens<sup>66</sup> mortua, nocte ac die orationibus instabat. Unde et apud Mescinas (73) sanctimonialium feminarum construxit cenobium, et in lectica duobus equis portabili et propter ventos et pluvias, ne vel eis a meditatione sancta impeditur, decenter concamerata usque Romam apostolorum et aliorum sanctorum patrocinia requisivit, et a domno papa veste viduitatis benedictioneque percepta, Flandrias repetivit, et apud Mescinas novissima tuba excitanda in Christi pace obdormivit.

successoribus pro posse suo diligenter reservarent, jurato firmare precepit. Sed vir providus posteriorum malitiam timens, volens eos probare, per bajulos suos super possessionibus suis eos inquietavit; possessiones eorum invadebant et violenter distrahebant. Noviter congregati in unum convenientes sententiam excommunicationis in bajulos publice promulgarunt. Bajuli ad comitem conquestionem gravissimam detulerunt. Comes furtive canonicis graviter comminatus est, precipiens bajulis, ut sua invadant, sed personis eorum nihil mali inferant. Bajuli revertuntur et precepta fideliter exequentur. Canonici sua sententia utuntur. Tandem comes Insulis rediit. Canonici conveniunt, comitem adveniunt, unanimiter firmati, quod si comes bajulorum excessus ad se trahat atque emendare noluert, ipsam sententiam in ipsum promulgabunt. Comes canonicis venientibus et eum salutantibus nihil respondit; sed faciem avertens eorum adventum se non posse sustinere fluxit. Tandem in vocem contumeliæ prorupit: *Vos me, qui de nihilo vos creavi, ita inhoneste tractatis, ut in bajulos meos excommunicationis sententiam propter precepta mea promulgare presumpistis; sed sciatis pro certo, quod hoc non impune presumpistis; nam mirum est, quomodo vos in presentia mea sustineo; non tantum beneficiis vestris vos privabo, sed etiam et genitalibus.* At canonici in constantia sua firmati, mansuete responderunt: *Nos ad hoc non constituistis, ut contra Deum et contra nosmetipsos peccaremus, permittentes temporibus nostris negligenter perire, quod ad salutem animarum vestrarum Dei ob servitium contulistis, et nos servaturos pro posse nostro jurato servare precepistis. Nunc autem cum de precepto vestro hoc fuisse factum discernitis, nos tanquam vestra creatura ad desistendum monens, ne jurati nostri et juris coactio nos compellat sententiam, quæ delinquentes in mortem eternam trahit, nisi resipuerint, in nostrum patrimonium extenditis.* Tunc comes intolerabilis se fluxit sevir. At illi videntes, quod monitis et blanditiis nihil proficerent, sed potius ipsum exasperarent, in conspectu oculorum suorum et omnium qui aderant, ipsum excommunicarunt. Videns autem comes eorum constantiam, gratias Deo egit, quod elegerat ecclesie suæ provisos, et advolutus eorum pedibus veniam humiliter postulavit, et sic absolutionis veniam impetravit. Possessiones vero canonicorum de una villa ampliavit in restitutione damnorum et suæ injuriæ. In eadem quoque ecclesia predictus comes Balduinus quidem illustris prosapia et virtutum experimentis, magnitudine animi et virium gloria omnium, nobilitate clarior, sepultus est anno Domini 1067, Kalendis Septembris addit B.

10. Castrum Valentianæ situm — Walachras a Ididit. apud De Smet I, 43. ex Sigberto a. 1033. add. B.

#### VARIÆ LECTIONES.

<sup>65</sup> Vel vivendo superscripsit I.

#### NOTÆ

(66) Dender fl. Ath, Grammont, Ninove et Aelst C præterfluens.

(67) Henricus III.

(68) Arcques.

(69) Hoc fecit Godefridus Barlatus Lotharingæ dux. Balduino sociatus, non Balduinus ipse.

(70) *Le Boulourenieu*, prope Evin (*arrondissement de Béthune, canton de Carvin*), cf. Gesta epp. Camerac. III, 68.

(71) Est Anselmus de Ribolimonte, de quo cf. ibidem III, 66, 72. Auctarium Aquicincense Siglerti in Monum. SS. VI, 593.

(72) Nunquam Brabantiam totam, sed terram

tantum de Alost in dextra Scaldis ripa Balduinus in feudum accepit, una cum castro Gandensi, quatuor Officiis et terra de Waes; quæ omnia ab eo inde tempore Flandriæ imperialis nomine comprehensa fuerunt. Præter hæc accepit etiam quinque insulas Seelandiæ. Cæterum hæc conventio non ab Henrico III, ut auctor noster dicit, sed sub Henrico IV demum facta est Colonia mense Decembri 1056. Cf. de hisce omnibus Kluit. hist. crit. com. Holland. II, excurs. 4 p. 56.

(73) *Mescines*, inter *Yperen* et *Lille*. Fundavit a 1065, ibique obiit a. 1071.

12. [Lamb.] Balduinus autem primogenitus ejus\*, A adhuc etiam patre vivente (74) duxit uxorem Richeldem comitissam Haionensem, ut illum comitatum etiam haberet per eam. Hæc enim tunc vidua Herimanni comitis Montensis, pepererat ei filium (75), quem vitricus ejus Balduinus, pro nimia simplicitate minus seculo idoneum, clericatu et Catalaunensi episcopio sublimare procuravit, ejus hereditate ita sibi usurpata. Balduinus itaque de Richelde duos filios Arnulfum et Balduinum genuit, et post mortem patris sui utrumque comitatum in tanta pace gubernavit, ut nemo auderet vel dignaretur arma portare, nec ostium noctu propter latrones claudere, nec vomeres et ligones ab aratris ablatis domum deferre. Quapropter ab omni populo communiter meruit hoc agnomen, scilicet bonus comes specialiter. A domno tamen Ingelberto Cameracensi et Atrebatensi episcopo cum Richelde sua excommunicatus est, eo quod per incestum adulterio pejorem cognati sui Herimanni comitis uxorem duxisset; sed a domno papa Leone nono, ejusdem Richeldis avunculo, hanc meruerunt indulgentiam, ut in conjugio quidem, sed absque carnali commixtione manerent\*\*. Hic ipse Leo papa in beati Remigii ecclesia a se ipso nuper edificata (76) Remis tenuit concilium, in quo quidam episcopus, pulsatus de simonia et innocentie sue non habens ulla testimonia, dicere totum jussus est gloriæ, *Patri et Filio* tantum dixit, et *Spiritui sancto* addere non valuit\*\*.

13. Præfate autem comite bono diu gubernari patria eo felix non meruit. Defunctus siquidem (1070) et apud Hasnonium sepultus\*, in pace dormit et requiescit in id ipsum, ubi raptoribus expulsis, de turri eorum lapidea monachorum cenobium edificaverat

14. Venerabilis autem Richeldis, aliquandiu jam

vidua, tandem mirabili penitentia affigitur. Jejunii namque et orationibus insistens, pauperibus et leprosis cotidie per se ipsam serviens, etiam eorum sanie linebatur, et balneis eos lavans, eisdem post eos utebatur, ut vel sic infirmata, similiter ut filia regis intus reformaretur. Sic itaque mundo sibi crucifixo\*, terræ corpus apud Hasnonium, animam Jesu Christi misericordiæ commisit (1086); prius tamen perturbationes passa non parvas.

15. Marito siquidem ejus defuncto, per ejus muliebrem insolentiam et filii ejus, Arnulfi vix quindennis imprudentiam paradusis Flandrie deliciis pacis sue cepit cassari, et inde apud se et apud Deum acriter conqueri, et virtutem famosam Roberti fratris comitis boni nuper defuncti\*\*. Quod percipiens mulier rixosa et callida, confugit ad patrocinium Philippi regis Francie; nec erubescens trigamiam, conatur adhuc nubere cuiam Guillelmo subcomiti superbo de Normannia, in hoc quoque commovens amplius contra se quosdam Flandriarum principes et populum.

16. Predictus namque Robertus, patri minus et matri magis carus\*, et a fratre a Flandris alienatus, [Lamb] filiam Bernardi ducis Saxonum, Florentii comitis de Frisia viduam Gertrudem et habentem ex marito filiam duxerat uxorem, quæ peperit ei duos filios, Robertum et Philippum, et tres filias. Harum vero quædam (77) nupta apud Mescinas sanctimonialis et abbatissa venerabilis, in sponsi sui pace obdormivit. Altera vera Canuto regi Dacie nupta, peperit ei puerum nomine Karolum; sed patre a suis perempto, in Flandriis ab avunculo suo\*\* Roberto receptus et diligenter educatus, in robur militaris discipline laudabiliter excrevit. Mater vero ejus postea nupsit duci Apulie\*\*. Terciam quoque\*\*\* accepit Henricus Broensis, quo defuncto Theodericus dux Ellesatheu-

12. \*Primis tyrocinii anni in aula imperiali — sollempniis. apud De Smet I, 50-52. ex Tomelli hist. Hasnoniensi c. 8-17. addit B.

\*\* Prophetavit autem idem Leo, posteros eorum utrumque comitatum non diu possessuros; quod postea rei probavit eventus. ex Herimanno Tornacensi c. 12. addit B.

13. \* anno D. 1070. 16. Kal. Augusti. addit B.

14. \* tandem a Domino vocata, illa nobilis nimis obiit comitissa a. D. 1092. Corpus autem ejus apud Hasnonium, ubi post obitum mariti sui multa bona contulerat, delatum et in basilica s. Marie Magdalene honorifice sepultum est. Cujus anima veste immortalitatis indui et paradisi amenitate confoveri mereatur. addit B.

16. \* extiterat, unde pater — Frisiam secessit. apud De Smet I, 55. ex Herimanno Tornac. c. 12. addit B.

\*\* Rogero; cui et peperit filium nomine Willermum, qui patri in ducatu successit, et honorem acceptum morum ingenuitate et actuum strenuitate multipliciter nobilitavit. Sed postmodum audita unici germani sui Karoli Flandriæ comitis exitu, primum quidem inconsolabiliter dolere, deinde ipse cepit lethaliter languere. Qui ut se periclitari cognovit, Salernitanum archiepiscopum et Troianum episcopum convocavit; atque quod antea dum incolumis esset fecerat, eorum quoque testimonio desiderans confirmari, quicquid mobilium et immobilium in terra possidebat, b. Petro apostolo ejusque vicario sanctissimo Honorio jure perpetuo possidendum delegavit. addit B.

\*\*\* Gertrudem, Henricus comes Bruxellensis — Auxariæ. apud De Smet I, 67. ex Herim. Tornac. c. 17. addit B.

#### VARIE LECTIONES.

\*\* Ita l. 6. Gloria patri et tantum gloria p. e. f. dixit sed et sp. s. a. n. v. 4. \*\* omissum videtur desiderare. \*\* abhinc litterarum forma paululum increscit, atramento mutato. Manus tamen eadem, auctorioris.

#### NOTÆ

(74) A. 1051.  
(75) Rogerium.

(76) Consecrata potius. MARTENE.  
(77) Otgiva seu Maria.



sis; ex qua genuit Theodericum, strenuissimum A postea Flandrie comitem.

17. Robertus igitur in Frisia degens, cognita fratris morte simulque Richeldis tyrannide, Flandrias repetiit, et usque Gandavum pervenit; quo predictam mulierem accersiens et de paterno regno sibi reddendo ei suggerens, femineo furore exagitata, injuriosis responsionibus protestatur:

*Si capi nollet, illinc tunc concitus esset.  
Nam partem regni nec totum non daret illi.  
Hinc si res possit, werram virtute tenebit,  
Non his, quæ tenuit dominus suus, ipsa carebit.  
Sic donec vivet, nichil horum provida perdet.*

Quod audiens dux et superbia mulieris graviter ferens, regem adiit, eique per ordinem omnia retulit. Rex itaque Philippus de injuria nepoti suo illata vehementer indignans, quantocius eum in Flandrias redire et quoscunque posset adunare precepit, seque illi auxilium constantissime prebiturum spondidit. Richeldis autem consilio regis comperto, animum ejus quattuor milium librarum auri sponsione corrupit et ab incepto negotio fraudulenter revocavit. Frisio denique spe sua frustratus, consilio soceri sui Bernardi ducis Saxonum Frisiam remeavit, et ibi aliquandiu hiemavit.

18. Interea nonnulli satraparum nimia crudelitate mulieris, qua in clerum et populum seviebat, graviter offensi, et maxime de æcclesiarum spoliationibus quas fecerat ingenti merore affecti, legatos ad Frisionem destinant, suamque voluntatem erga eam apicibus insinuant. Quo ille nuncio plurimum exhilaratus, ocius trans mare advehitur, et prudentia Bonefacii castellani usque ad castrum quod dicitur Cassellum latenter perducitur. Est enim hoc castrum ab antiquis in excelso montis culmine situm.

Montibus in Flandris hic mons supereminet altis.  
Arx superat montem, cujus quis cernere culmen,  
Si nitor est cælo, dicunt a monte Lauduno<sup>66</sup>.

Quod agnoscentes, qui parti ejus favebant, illo cætervatim properarunt, et castrum armis atque munitionibus firmarunt.

19. Hoc dum fama volitante ad aures Richeldis pervenit, illa et filius ejus Ernulfus, mire probitatis juvenis, exercitum adunant, diversarum regionum agmina in auxilium convocant, et cum ingenti multitudine ad predictum castellum properant (1072). Convenerunt undique suppetiarum copie, comites,

duces, castellani, et diverse bellatorum turme, Atrebatenses, Braibandenses, Valentienenses, Cameracenses, Tornacenses, Niviellenses, Castrilouenses (78), Audomarenses, Bolonienses, Ardennes, Sanctipolenses (79), Betunienses, Hosdenenses (80), Albenienses (81), Gisenenses, Tornehienses<sup>70</sup> (82), Aldenardenses, Ostrevandenses, Jochenses<sup>71</sup> (83) et alii plures. Advenit etiam rex Philippus, et cum eo valdus armatorum cuneus; Gusfridus episcopus Parisiacensis, frater Eustachii comitis Boloniensis; episcopus Lugdunensis (84), episcopus Ambianensis (85); Franci, Normanni, Rocinenses (86), Noviomenses, Campanienses, Senlenses (87), Torotenses (88), Remenses, Catalaunenses, Carnotenses, Aurelianenses, Stampenses (89), Cocinienses (90), Quintinienses, Corbeiensis, Peronenses, Negiellenses (91), Montiscutenses (92), Ribodimontenses (93), Suessionenses, Andegavenses, Pictavienses, Bariolunenses (94), Nadavernenses, Burgundienses et ceteri innumerales. Hii omnes ad debellandum Frisionem in campo sub monte Cassello resederunt.

20. Ille vero adversus tam vastam multitudinem multo pauciores, sed ut rei probavit eventus validiores in arma produxit: Gandenses, Viviacenses (95), Coelarenses (96), Bergenses, Furnenses, Brugenses, Yprenses, Roslarenses (97), Aldenburghenses, Herlebecenses, Rodenburghenses<sup>72</sup>, Broburghenses, Curtriacenses et ipsos Castletenses. Procedunt tandem hii, non solum ferro septi, sed etiam fide muniti. Lineis vestibus abjectis, laneis induuntur sub armis; et terre procumbentes, supernorum juvamina lacrimis implorant; contra regem terrenum tam parva manu dimicaturi, causam suam regi celorum committunt (98).

21. Quid moror? Conserto quidem totis viribus prelio, lit strages maxima de exercitu regio; perfunditur tellus sanguine, tegitur campus occisorum multitudine. Richeldis quoque, tante cedis rea, capitur et carceri tenebroso mancipatur; prosternitur etiam filius ejus, nisi esset hostis ninium plangendus comes Ernulfus, et ad monasterium sancti Audomari defertur tumultandus. Frisio denique dum forte sociis longius hostes persequentibus solus equitaret, capitur et ab Eustachio ad castrum Audomarensense caute perducitur, atque castellano Vulvrico Rabello custodiendus traditur. Quod cum

#### VARIÆ LECTIONES.

<sup>66</sup> Est enim — Lauduno *assunt* 6. <sup>70</sup> Tornelienses 6. <sup>71</sup> Locrenses 6. <sup>72</sup> Erdeborgenses 6.

#### NOTÆ.

- (78) Mons.  
(79) Saint-Pol.  
(80) Hesdin.  
(81) Aubigny.  
(82) Tournehem inter Saint-Omer et Ardres.  
(83) Choque prope Béthune?  
(84) Laudunensis.  
(85) Guido.  
(86) Les Rochenois.  
(87) Senlis.  
(88) Torote, prope Compiègne.

- (89) Etampes.  
(90) Coucy.  
(91) Nests en Picardie.  
(92) Montagu.  
(93) Ribemont.  
(94) Barrois en Lorraine.  
(95) Viven.  
(96) Coukelaer.  
(97) Boulers scu Rousselaere, inter Courtray et Dixmude.  
(98) Febr. 20. Alii die 5 Febr. 1072.

cives cernerent, castellum ilico obsidionibus vallant, A et telis ac machinamentis diversis fortiter impugnant. Quil plura? Comes vi extrahitur et gaudentibus cunctis cum honore relditur suis. Relaxatur etiam Richetlis; et sic inter eos bellum diu vario eventu protrahitur. [Sigebert.] Rebollavit simul filius ipsius mulieris Balduinus frater Ernulfi, quem comes devicit atque fugavit<sup>78</sup>.

22 Igitur rex Francorum bello Casletensi victus atque fugatus, a l castrum quod dicitur Monasterio- lum (99) pergens, majorem exercitum collegit, et cum valida manu Flandrias repetiit. Cumque ad bur- gum sancti Audomari pervenisset, suburbana ejus incendit, et fraude Vulverici castellani civitatem intravit. Hostes per plateas predando discurrunt; bur- genses latebras fugiendo querunt; spol'antur eccle- B siae, injuriantur monachi, lacerantur clerici, deho- nestantur matrone ac puella, luget urbs plena confu- sione. Talia rege agente, Gusfridus episcopus in villa quae dicitur Sperleca (100) residens et qualiter Frisioni subveniret mente pertractans, missis ad eum litteris spondet, quod si domino ejus silvam quae vocatur Bethlo concederet, paterno illum regno restitueret. Comite autem voluntati ejus annuente, episcopus celeri nuntio regi mandat, quatenus suae salutis consulere et quantocius abiret, adjungens quoque, ducem Flandriae et comitem Boloniae cum magno exercitu prope adesse; ac ni fugam accele- raret, capiendum se fore. Quo ille nuntio territus, relictis sarcinis nocte urbem reliquit et versus Gal- liam properavit. Rege itaque fugiente, comes in C crastinum adveniens urbem recepit; sed de injuriis ecclesiarum et populi vehementer condoluit<sup>79</sup>. Epi- scopus igitur fratrem suum Eustachium comiti recon- cilians, praedictam silvam ei concessit; quae tali

ex causa usque hodie a comitibus Boloniae jure he- reditario possidetur.

23. Robertus denique cognomento Frisio adver- sariis undique devictis<sup>80</sup>; totius Flandriae monarches efficitur<sup>81</sup>; atque post innumeros bellorum triumphos Roberto filio regni gubernacula tradens, moritur, et apud Casletum sepelitur (1093, Oct. 15).

24. [Lamb.] Robertus siquidem junior paterni principatus haeres effectus, duxit Clementiam, filiam Willelmi nobilissimi comitis Burgundionum cogno- miento Testahardith<sup>82</sup>; ex qua genuit Balduinum militem inclitum, et Willelmum qui infra adolescentie metas immatura morte praeventus, in monaste- rio sancti Bertini est tumultatus. Comes itaque Ro- bertus in expugnatione Jerosolimitana laudabili militia enituit, et inde rediens brachium sancti Geor- gii secum detulit, quod Aquicinensi ecclesiae trans- misit. [Sig. Aut. Au.] Deinde Camaracum urbem illo inquietate, Henricus imperator contra eum proci- scitur, et expugnatis aliquibus ejus castellis, immi- nentis hiemis asperitate redire compellitur. [Lamb.] Designata igitur regni monarchia filio, defun- ctus est, et apud Atrebatum sepultus (1111, Oct. 5), eique successit Balduinus inclitus militia et probi- tate non inferior<sup>83</sup>.

25. Ille accepit uxorem filiam Alani comitis Brit- tanniae (1); sed consanguinitate inter eos probata, jussu Paschalis papae separati sunt; quae consangu- nitas a Conone Prenestino episcopo in praesentia papae hoc modo recitata est: *Constantia regina Fran- corum et Ermengardis comitissa Arvernensis sorores fuerunt. De Constantia nata est Athela comitissa et de Ermengarde Arvernensi altera Ermengardis comi- tissa (2); de Athela Robertus Frisio, et de Ermengar-*

21.\* Balduinus . . . iter Iherosolimitanum cum aliis principibus in principio expetiit, unde nec dum rediit, et utrum occisus an captus fuerit, usque hodie sciri nequivit. ex *Herim. Torn. c. 33. addit B.*

23.\* legatos ad imperatorem — dictum est. apud *de Smet I, 63. ex Herim. Torn. addit B.*

\*\* Post paucos annos idem Robertus Iherusalem abiit, quam tunc possidebant Sarraceni. Cumque portam civitatis vellet intrare, porta se clausit spontanea. At ille hoc videns, nimio timore corre- ptus est, intelligens hoc sibi non esse prosperum prodigium. Abiit ergo inde ad quemdam eremitam, prope civitatem manentem, quem audierat virum esse sanctum et religiosum, ut faceret confes- sionem peccatorum suorum. Audita ergo vir sanctus illius confessione, injunxit ei poenitentiam de Arnulfo nepote suo, quem occiderat, et dixit ei, ut si vellet Deum habere propitium, Balduino nepoti suo redderet Flandriam, quam abstulerat ei. Ille autem nimis timoratus de portae prodigio, annuit eremite consilio, venit ad portam, quae ultro aperta est ei. Cum autem in civitate dege- ret in domo cujusdam perpotentis Saraceni audivit ab astrologis Saracenorum et diversis, Iheru- salem in proximo capiendam esse a Christianis; quae capta est non multo post, 39 anno Philippi regis. Robertus autem reversus de itinere Iherusalem, Duacum timore nimio reddidit Balduino comiti Hainoniensi. Robertus autem dum in regno Flandriae esset sublimatus, morientes clericos — Cassel. apud *De Smet I ex Lamberti genealogia, c. 3-8 addit B.*

24.\* et sororem domini papae Calixti — sepulturam accepit. apud *De Smet I 68-74 ex Herim. Tornac. c. 18-26 addit B.*

\*\* Iste Robertus antequam pergeret versus Syriam, dedit sigillum domini sui et principatus prepo- sito S. Donatiani, quem totius domini Flandriae cancellarium constituit. Anno quinto princ. patris Roberti Cistercium fundatum est. *addit B.*

#### VARIAE LECTIONES

<sup>78</sup> Relaxatur — fugavit 1. in margine adduntur, sed eodem prorsus calamo et atramento non posita, sed eodem quo reliqua tempore. <sup>79</sup> Reg. — condoluit in margine addit.

#### NOTAE.

(99) Montrenil.

(100) Eperlec, inter Saint-Omer et Ardres.

(1) Havisem seu Agnetem.

(2) Carnotensis, conjux Odonis II.

de Berta comitissa (5); de Roberto alter Robertus, et de Berta Havisis Namnetensis comitissa; de Roberto juniore iste Balduinus, et de Havis comes Alanus; de hoc ista juvenula.

26. [Lamb.] Igitur Balduinus inclitus in diebus suis potens super omnes Francorum principes, bellis frequentibus ita nobiliter Flandrensium exaltavit regnum, ut vicinis suis tyrannis undique terrorem inferret, et Henricum regem Anglorum a Normannia expulisset, nisi infirmitas obstitisset. Nam collecta exercituum multitudine, assumpto etiam secum Willelmo Roberti filio, quem Henricus rex Angliæ captum tenebat, oppidum Rotomagensis in quo præfatus rex latitabat obsidione vallare disposuit, et cum comprehendere aut bello excipere et a regno quod injuste invaserat expellere. Qui cum exercitum per Atrebatum duceret, ex occasione vulneris, quod paulo ante a quodam Britone levi ictu in fronte acceperat, repentina infirmitate correptus egrotare cepit, et a femore usque ad pedes parali si percussus, plenis novem mensibus in languore permansit. Cumque a medicis curari non valuisset, ordinato omni regno Flandrensi, se Deo sanctoque commendavit Bertino; atque monachico habitu indutus, octavo principatus sui anno in villa Roslaren si Deo animam reddidit; et a Karolo ejus successore ad sanctum Bertinum delatus, ætante universa procerum multitudine, in medio ecclesiæ honorifice sepultus est.

27. Quo sine herede defuncto, Karolus jure propinquitatis successit. Erat enim filius Canutonis regis Dacie ex filia primogenita Roberti Frisionis et Gertrudis. Cuique sublimatus esset in regno, ecclesiam sancti Audomari ingressus cum principibus Flandriæ, primam curiam tenuit; et eodem anno castrum sancti Pauli in quo Hugo perfidus Campus Avene dictus predonesque multi latitabant, penitus destruxit, fossamque circumfluentem impleri jussit. Perversorum quoque munitiones undique viriliter delevit, et sibi regnum nobiliter subjugavit. [Simon.] Octavo igitur principatus sui anno apud Bruges in quadagesima missam audiens, infra canonem orationibus instans et psalmum quinquagesimum decantans, manum etiam cum elemosina pauperi porrigens, manu servorum suorum coram altari propter justitiam occiditur. Cujus mortem portentosa signa præcesserunt. Nam in dungionum (4) fossis abundantia sanguinis emanans et a plerisque decoctus, intolerabilem de se fetorem reddidit, sanguinem qui effusus est in morte Karoli vel in ipsius ultione, pretendens et fetorem proditionis longe lateque expandens.

28. Quo occiso, Ludovicus rex in Flandriam ve-

nit, et licet cum difficultate, successorem ejus Willelmum filium Roberti comitis Normannorum, quem Henricus rex tunc captum tenuit, Flandris preposuit, et proditores Karoli diversis tormentorum generibus, ut dignum erat, interemit. Deinde tot clades, tot incendia, tot bella, tot perturbationes adversus Willelmum insurgunt, totque malis Flandria afficitur, ut tedeat dici vel scribi. Willelmus de Lo, filius Philippi fratris Roberti junioris, elevabatur dicens: *Ego regnabo*. Qui maximam partem populi sibi concilians, quædam castra sue subdidit ditioni. Quo cognito, rex cum Willelmo comite Ypres obviam vadit, cumque captum vinculis et carceri per aliquantulum temporis mancipavit; sed postea ei prece suorum falso reconciliatus, idem Willelmus comiti sacramentum fidelitatis fecit, quod vix uno die servavit.

29. Suscitavit adhuc ei Sathanas et alium adversarium, Arnoldum scilicet, nepotem Karoli ex sorore ejus primogenita. Dicebat enim, se esse jure propinquitatis regni heredem. Qui ab Audomarensibus susceptus, ex monasterio sancti Bertini sibi fecit munitionis castrum, unde rebellaret. Quo audito comes Willelmus cum suis cum obsedit, nonnullis nitentibus ignem apponere, sed comite ne quis hoc presumeret comminante; Arnoldum exire cœgit et jus totius Flandriæ abjurare.

30. Videntes igitur quidam Flandriarum proceres, consiliis Normannorum comitem inniti: invidia ducti vel pecunia Henrici regis illecti, Theodericum filium Theoderici ducis de Ellesath, quem genuit ex filia Roberti Frisionis, evocaverunt, et ei faventes multa mala constituerunt. Proditio namque, perjurium, infidelitas, federis prevaricatio, a Flandris eo tempore estimabatur prudentia. Quid tandem? Post innumera malorum exercitia cum valida manu armatorum in campo Hackespol Willelmus et Theodericus ad prelium conveniunt; fugatoque Theoderico cum suis, Willelmo cessit victoria. Sed in brevi victorie usus est leticia. In castro namque Alst dicto Theodericum obsidens, cum jam adversariorum immineret deditio, vulneratur; quo vulnere morti contiguus monachus efficitur, et in Sithiu deportatus, ad caput Balduini comitis tumulatur.

31 Theodericus vero, multis ei resistentibus, totius Flandriæ monarches appellatur; ad gubernandum agrestes mores, utpote his nunquam assuetus, valde impar. Nam tacitis his quæ in diversis locis, diversis temporibus, a diversis hostibus ingruiebant malis, Willelmus de Lo ex castro dicto Sclus (5) resistens, homicidiis, rapinis, incendiis ecclesiarum ac villarum desolationibus adversus illum et debachatus.

32. Interea Clementia <sup>75</sup> Roberti junioris vidua,

#### VARIÆ LECTIONES.

<sup>75</sup> soror Kalixti pape superscripsit ipse 1 in textum receperunt 2. 4. 6.

#### NOTÆ.

(3) Conjux Alani III, ducis Britanniarum. Alio modo hanc cognationem exponit Ivo Carnotensis in epistola a dom. Brial XIII, 411, n edita.

(4) Donjeon.

(5) Sluys, ad ostia Scaldis, inter Brugge et Vlissingen.

quæ eatenus terciam partem Flandrie dotis loco tenuit, defuncta, quæcumque habuit, comiti dereliquit. Quæ adhuc vivens, duas ecclesias sanctimonialium edificavit, in Broburg et apud Avednes. Comitissa etiam Suanildis, pro cuius consanguinitatis cognatione plurima fiebant mala, obiit, unicam tantum filiam ex comite habens nomine Laurentiam. Hanc dux de Lemburg accepit uxorem; sed quia consanguinei esse dicebantur, separati sunt. Deinde sortitus est eam Iwanus de Alst in conjugium; quo defuncto nupsit Rodulfo comiti Peronensi, et illo mortuo, comiti de Namur <sup>6</sup> (6). Theodericus autem duxit filiam regis Ierosolimorum [Simon.] nomine Sibillam, ex qua liberos utriusque sexus suscepit.

33. Willelmus igitur de Lo, comiti quasi trabes in oculo gravis et odiosus, capto supradicto castro de Flandria pulsus, venit in Angliam, et a rege Stephano, ut decuit tante nobilitatis virum, honorifice susceptus atque detentus est. Degens itaque in curia regali, tanta probitate militaris discipline enituit, ut regie majestati carus foret et acceptus; nec immerito; quippe qui eundem regem ab omni emulorum incursu strenuissime tuebatur. Accidit namque, ut comes Claudiocestre Robertus, filius Henrici regis ex concubina, contra Stephanum arma sumeret, et eum aut vita aut regno privare disponderet. Quid multa? Conserto inter eos prelio, comes regem cepit, et custodie tradidit. Quo agnito, Willelmus assumptis secum commilitonibus Robertum ad arma provocans circumvenit, captumque diligentius custodire fecit [1141]. Deinde intercurrentibus principibus et optimatibus regni, altero pro altero restituto, uterque suis redditur. Rex vero non immerito beneficiorum, liberatori suo totam provinciam quæ dicitur Cantia possidendam concessit, et inter primos regni, dum vixit, honoravit. Inter hoc dum toti Anglie timori esset et terrori, Dei provi-

dentia disponente, que flagellat ut erudiat, lumine oculorum caruit, sed vigorem animi non amisit. Sicque gratia Dei cor ejus irradiante, que circa se agerentur perpendens et sue salutis in posterum providens, thesaurorum suorum gazas reservavit, Christianique pauperibus atque ecclesiarum restorationibus multa delegavit.

34. Per <sup>7</sup> idem tempus, anno scilicet verbi incarnati 1152, contigit in villa sancti Audomari quædam ecclesiarum ac domorum lamentabilis conflagratio, in qua etiam ecclesiam sancti Bertini cum omnibus officinis vorax flamma consumpsit. Unde Leonius <sup>8</sup> beate memorie tunc temporis abbas, tam gravi excidio vehementer afflictus, Willelmum (7) adhuc toti Anglie imperitantem adit, eique lamentabili voce rei ordinem pandit. Quo audito Willelmus supra tam venerabilis loci desolatione valde indoluit, et pietatis archana reserans, ad restorationem cenobii aurum argentum ac lignorum copiam, abbate disponente, magnifice ministravit. Cujus memoria apud ejusdem cenobii habitatores in eternum permanet.

35. Non post multum vero temporis rege Stephano decedente, Henricus junior filius filie majoris Henrici successit (1155). Qui in initio regni sui Flandrenses ita exosos habuit, ut castella et munitiones eorum funditus everteret, possessionibus privaret, ac cum ipso Willelmo ab Anglia eliminaret. Ipse vero magnanimis Willelmus et princeps olim bellicosus, postquam in Flandriam, id est patrium solum, venit, quiete decem circiter vixit annos; multaque de facultatibus suis, ut ipsi vidimus <sup>9</sup>, ecclesiis ac pauperibus largiens, apud castrum suum quod dicitur Lo, plenus dierum hominem exivit, ibique in ecclesia beati Petri apostolorum principis 8. Kal. Februarii honorifice est sepultus (1164). Cujus anima paradisi queat possidere gaudia.

## CONTINUATIO BRUXELLENSIS.

*In codice 4 manu s. XIV. ex.*

Defuncto predicto Willelmo et in castro suo quod dicitur Lo sepulto (1164), prefatus Theodericus comes monarchiam Flandrie pacifice et quiete possedit. Qui ex uxore sua Sibilla tres habens filios in armis strenuos, inimicis metuendos et elegantia

D forme cunctis preferendos, propinquis et longinquis timorem incutiebat, eo quod pre timore et magnanimitate filiorum nemo predicto Theoderico auderet in Flandriam rebellare.

Prefato vero Theoderico ex hac luce subtracto

## VARIE LECTIONES.

<sup>6</sup> Hæc 5. ita : Hanc dux de Lovanio, Henricus nomine, a. u. qui juvenis obiit absque herede. Deinde s. c. e. l. de A. in c. q. d. n. Henrico de Lemburg; sed quia consanguinei erant, separati sunt. Preterea nupsit Radulfo, etc. <sup>7</sup> Totum caput deest 6. in rasura scripsit in 4 auctor ipse, stramento mutato, idemque sequens caput ultimum in ultimo folii margine exaravit. <sup>8</sup> Leo 4. <sup>9</sup> u. i. v. desunt 4.

## NOTÆ.

(6) Aliter rem tradit Gislebertus p. 51, ed. de Chasteler : *Laureta post Ywani decessum nupsit Radulfo comiti Viromandensi viduo, postea Henrico duci de Lemborch, deinde Henrico comiti Namurcensi;*

quibus viris singillatim relictis, religionis habitum sumpsit.

(7) De Lo.

et in cenobio Wajinensi sepulto (1168), Philippus A filius ejus primogenitus propter illustres actus et militie strenuitatem, qua pre cunctis mortalibus pollebat, Alexandro Magno Grecorum regi ab ystrionibus et ab omnibus viris qui eundem noverant, non immerito comparatus, patri suo successit in Flandrie comitatu. Qui duxit uxorem Ysabelem filiam comitis Viromandensis. Qui, patre ejus defuncto (1156), Radulfum fratrem ejusdem uxoris sue, qui elephantie induriam incurerat, a Viromandensi comitatu expulit, et dictum comitatum Viromandensem Ambianensem et de Valois cum prefata uxore sua optinuit, et per totam vitam uxoris sue pacifice possedit. Frater vero ejusdem Philippi secundus natus post ipsum, Matheus nomine, pulcherrimus miles sicut dicebatur omnium militum, comitissam Boloniensem duxit uxorem, ex qua duas habuit filias. Quarum primogenita de voluntate sua contra voluntatem amicorum suorum nupsit Rainaldo comiti de Danmartin; secundam duxit Henricus dux Brabantie. Et idem Matheus in quadam expeditione apud Rothomagum habita sagitta percussus interiit (1173), et Boloniam repositus, ibidem (8) est sepultus. Tertius vero frater, Petrus nomine, cum esset clericus et electus Cameracensis, a clericatu resiliens est miles effectus, et comitissam de Navers duxit uxorem (1174); ex qua unicam habuit filiam, nomine Sibillam.

Memoratus vero Philippus comes Flandrie cum

A per quadraginta annos vel circiter Flandriam strenuissime gubernasset, uxore sua defuncta et solatio duorum fratrum suorum destitutus, ad partes profectus est Hierosolimitanus (1190); ubi inter suos, qui secum profecti fuerant, diem clausit extremum (1191, Jun. 1); et ossa ejus qualicumque modo a carne separata, Clarevallem sunt relata et in ecclesia tumulata.

Post quem successit in comitatu Flandrie Balduinus comes Hannonie, eo quod sororem ipsius Philippi, Margaretam nomine, haberet uxorem. Ex qua tres habuit filios: Balduinum primogenitum, post imperatorem Constantinopolitanum; Philippum, post comitem Namurcensem, et Henricum, post fratrem Balduinum similiter imperatorem Constantinopolitanum (1206). Cum vero dictus Balduinus obtentu uxoris sue per quatuor annos vel circiter terciam partem Flandrie gubernasset, uxore sua ab hoc luce subtracta (1194, Nov. 15) et in ecclesia beati Donatiani Brugis sepulta, filius ejus primogenitus Balduinus comitatum obtinuit, multum dolens et confusus, quod Philippus rex Francie, qui sororem suam habuerat uxorem, meliorem terciam partem Flandrie sibi usurpaverat. Unde mittens legatos ad Richardum regem Angliæ cognatum suum, cum ipso sedes iniit; qui contra dictum regem, comes ex ista parte, rex ex alia, versus Pictaviam guerram moverunt (1196).

### CONTINUATIO GISLENENSIS.

In codice 5.

Sed ut genealogiæ seriem prosequamur, Theodericus C Elsatius, Flandriæ ut dictum est comes, visitatis quarto sacris Hierosolimorum locis, tandem Gravelingis etiam diem extremum clausit (1168), et in Watenensi canonicorum regularium dyocesis Audomarensis cenobio conditus est, hoc elogio superscripto: *Hic jacet sepultus dominus Theodericus de Elsatia, comes Flandriæ, qui quatuor vicibus Terram Sanctam visitavit, et inde rediens sanguinem Domini nostri Jesu Christi detulit et villæ Brugensi tradidit, et postquam Flandriam annos quadraginta strenue rexit, apud Gravelingas obiit anno Domini 1168.*

Philippus Elsatius, Veromandensis jure uxoris comes, patre Theoderico mortuo, Flandriæ comitatum possedit. Hic post varia certamina cum Philippo rege Franciæ habita ad iter Terræ Sanctæ se accinxit. Inde rediens, nulla prole relicta, in Syria mortuus est. Cujus corpus uxor Mathildis in Cla-

C ravallo cum honore sepelivit (1191).

Philippo e vivis sublato, Balduinus magnanimus Hannoniæ comes uxorio etiam jure Flandriæ comitatum hereditavit. Margareta namque Philippi soror et inter filias Theoderici primogenita, Balduino comiti Hannoniæ nupsit.

Hoc vero Balduino defuncto (1194), Balduinus ejus filius primogenitus Hannoniæ pariter et Flandriæ comes factus est; et anno 1200 cum uxore Maria, sorore Theobaldi Campaniæ comitis, Brugis in capite quadragesimæ crucem assumpsit; annoque tertio supra 1200<sup>um</sup> cruce jam signatus in subsidium Terræ Sanctæ Venitias versus, inde in Syriam ac postea Constantinopolim profectus est; ubi post varios contra Grecos habitos confictus imperator Constantinopolitanus est electus anno Domini 1205. Sed non multo post tempore vitam finivit (1206), eique Henricus frater Flandriæ et Hannoniæ comes in imperio successit.

### CONTINUATIO CLAROMARISCENSIS.

In codice 6.

1. His incidenter de Wilhelmo Loensi interpositis, ad genealogiam Flandrensium comitum reverta-

mur. Theodericus itaque ex uxore sua Cibylla suscepit filios, Balduinum, Philippum, Matheum et

NOTÆ.

(8) Non Boloniæ, sed apud S. Jodocum supra Mare.

PATROL. CCIX.

Petrum; filias vero Gertrudem et Margaretam. A Balduinus igitur primogenitus, qui regni heres esse debebat, in annis puerilibus obiit. Post quem major natu Philippus jura regiminis sub patre suscepit (1155), filiamque Radulfi comitis Viromandie Elizabeth nomine in uxorem duxit. De Philippo mirabilis res, ut mihi videtur future probitatis index refertur. quod tertio generationis suæ die, cunctis qui aderant audientibus, *Evacuate mihi domum!* terribiliter clamaverit. Matheus vero decore corporis et virtute militari vir laudabilis, quia principatus Flandrie in jus senioris fratris, ut mos est, cesserat, cogente patre Mariam filiam Stephani regis Anglie in uxorem sibi associat. Hec a pueritia habitu religionis initiata, cum sola Boloniensis comitatus heres superesset, a claustris educta et assensu pape Matheo ad subrogandos paterne hereditati legitimos heredes in matrimonio est conjuncta. De qua cum duas filias Matheus genuisset, sanctimonialem claustris restituens, duxit iterum uxorem sororem Flandrensium comitis; de qua dicitur liberos habuisse, sed omnes infra pueritiam defunctos fuisse. Ultimus filiorum Petrus clericus effectus, providentia fratris in Cameracensem electum est promotus. Filiarum quoque Gertrudis primogenita nupsit primo comiti de Moriana (9), a quo separata nupsit iterum Hugoni de Oisi. Ab hoc quoque sejuncta, Mencia (10) sanctimonialis est effecta. Margareta quoque nupsit Radulfo filio predicti comitis Radulfi; quo leproso facto et antequam eam more uxores ducentium cognovisset mortuo, nupsit iterum Balduino Haynoensi comiti, de quo secundam satis utriusque sexus progeniem propagavit. Interea Theodericus comes apud novum oppidum (11), quod juxta Broburg supra mare est situm, viam universe carnis ingressus (1168), Wathenis officiosisimis exequiis est sepultus<sup>99</sup>.

2. Philippus itaque moderamina comitatus sui libere disponens, sapientia et tenore justitie omnibus predecessoribus suis merito preferendus, homicidia, furta et cetera innumerabilia maleficia, quibus in alterutrum Flandrensium debacabantur, compevit; et non solum Flandriam pacifice gubernavit, sed etiam omnes adjacentes provincias exemplo suo ad bonum pacis provocavit. Sed quia in humanis rebus stabilis prosperitas esse non potest, letos successus tristis eventus perturbat, ut scriptum est: *Extrema gaudii luctus occupat* (Prov. xiv). Philippus enim tum propria industria tum fratris sui Mathei auxilio confidens, dum in rebus bellicis strenue ageret, omnem Normanniam subjugasset, nisi quodam obstante infortunio a bellorum proposito de-

stitisset. In obsidione quippe cujusdam castelli (12) Matheus letaliter vulneratus mortuus est, et in finibus comitatus sui apud Sanctum Judocum (13) sepultus (1173). Que mors immatura nimis omnibus Flandrensibus facta est lamentabilis. A Matheo quippe heres Flandrie expectabatur: nam a Philippo, cujus uxor erat sterilis, omnis posteritas desperabatur. Philippus igitur jam tunc spe successio- nis frustratus, fratrem suum Cameracensem electum a clericatu amovens militem facit, comitissamque de Navers ei matrimonio jungit (1174); ex qua cum unam Petrus genuisset filiam (14), veneno ut dicitur interiit.

3. Interea Philippus filius Ludovici regis Francie coronatur in regem in civitate Remensi, anno Domini 1179, Kalendis Novembris, presentibus cunctis proceribus regni; ubi affuit comes Philippus et pre aliis principibus gloriosus apparuit, ferens gladium coram rege, qui ferri debet a nobiliori principe regni. Non multis vero interjectis diebus contigit, ut rex Philippus peteret à comite, in uxorem dari sibi neptem ejus, filiam scilicet sororis ipsius, videlicet Margarete Hainonensis comitis. Quo audito, comes gavisus est valde, quia multum sibi accedere sentiebat honoris, si regina fieret et regina Francie neptis sua. Dedit igitur eam regi, ei que concessit in dotem habendum post suum decessum, quicquid terre ac juris habebat ipse ultra magnum fossatum (15).

4. Non multum post oritur discidium inter regem Francie et comitem Flandrie (1182); quo durante, moritur Elizabeth comitissa (Mart. 26), et honorifice sepelitur Attrebat in ecclesia beate Mariæ, anno Domini 1182. Erat igitur guerra inter regem et comitem. Et rex quidem cum esset juvenis eximie probitatis atque prudentie, incertus adhuc in quem de baronibus suis ad plenum confidere posset, et fere omnes metuens, affectabat eorum virtutem ita debilitare ac frangere, ut nullum de ipsis merito formidaret. Aggressus est itaque comitem Flandrie, qui precipuus inter omnes et potentissimus omnium videbatur. At ille fremens ut leo et audacie tonitru fulminans, discurrebat per regiam terram, cuncta sibi obvia vel prosternens vel rapiens vel incendens. Principes autem ejus ut leonum catuli circuibant regionem regis, audacter euntes perante Silvanectum, depopulando usque in villam que dicitur Loures, non multum distans a civitate Parisiensi; ceperuntque Albericum comitem de-Domnomartino super lectum suum, et captum ad comitem Flandrie adduxerunt. Itaque formidini erat omnibus fortitudo et animositas comitis et suorum, metum incutiens

#### VARIÆ LECTIONES.

<sup>99</sup> in margine alia manus s. xiv addit: Anno Domini MCLXVII. XVI Kalendas Februarii, qui annis XL. regnavit.

#### NOTÆ.

- (9) *Maurienne*, Humberto III.
- (10) *Messines*.
- (11) *Gravelingen*.
- (12) *Briencort*.

- (13) *St-Josse-sur-Mer*.
- (14) *Sibillam*.
- (15) *Fossa Bolona*, seu *Nova*, a S. Audomaro ad fl. Lys ducta a. 1053. Cf. infra c. 9.

hiis quoque qui Parisius habitabant. [*Cont. Aquic.*] A Hujus autem discordiæ incentores ex parte regis fuisse dicuntur comes Clarimontis et Radulfus de Coriaco et filii Roberti cognominæ Clementis, qui erant consiliaarii regis. In exercitu etiam regis erant quasi signiferi Henricus junior rex Anglorum et Ricardus frater ejus dux Aquitanus. Exercebantur ergo utrinque absque ullo remedio cedes, incendia et rapine, expoliationes ecclesiarum, oppressiones burgensium, pauperumque destructiones; ita quod universa Gallia hoc vento agitata, hac illacque curvata sit. Nec fuit citra Alpes locus, qui se absconderet, ab auditu tonitruï hujus. Intendebant vero paci reformande Willelmus Remensis archiepiscopus et comes Blesensium Theobaldus, avunculi regis. Hiis aliisque mediantibus religiosis viris, quandoque dabantur indutiæ a nativitate Domini usque in octavas theophaniæ, et ab initio quadragesime usque in pascha. Post pascha vero transactis indutiis cum de pace inter regem et comitem spes nulla jam esset, sed bellum omnes communiter expectarent; ex insperato Henricus senior rex Anglorum et Philippus rex Francorum, Philippus etiam comes Flandrensi-um, mediante Henrico Albanensi episcopo apostolice sedis legato et quondam Clarevallis abbate, cum archiepiscopis, episcopis, abbatibus et Francorum proceribus inter Crispeium et Silvanectum convenit, et pax inter eos pacis intercurrentibus nuntiis reformatur. Nunquam nostra etate audivimus tantum belli incendium pacis gutta tantilla extinctum. Et comes Philippus resignato comitatu de Crespi ad opus comitis de Biaumont, cui competebat ex uxore (16), cum aliis quibusdam <sup>11</sup> castellis, que ipse tenuerat ex parte uxoris, regis pacem et gratiam est adeptus.

5. Post aliquantulum temporis (1184) Philippus rex Francorum consilio quorundam baronum suorum, comiti Flandriæ invidentium, reginam vult dimittere. At <sup>12</sup> illa hoc sentiens conversa est ad Deum, tantamque erga Dei genitricem in civitate Silvanectensi exhibuit devotionem, humilitatem et contritionem, ut omnes intuentes pene ad lacrimas commoveret. Nam nudis pedibus per plateas civitatis incedens, et cereos in manibus portans, elemosinamque omnibus indigentibus affluenter dispertiens, intravit beatæ Dei genitricis ecclesiam, ubi oravit diutius, et eo die omnes civitatis pauperes laute ipsa refecit et eis ipsa etiam ministravit. Quod rex et omnes optimates ejus audientes, compassi sunt ei, et penitentia ducti a proposito desisterunt. Philippus tamen comes tam Remensem archiepiscopum quam omnes qui hujus consilii complices extiterunt,

quos dudum coluerat ut amicos, nunc ut inimicos veretur. Propter hanc causam et alias pax inter regem et comitem est turbata. Uterque igitur post pentecosten cum suis exercitibus in marchis terrarum suarum conveniunt. Et regis quidem exercitus militibus plurimis, comitis autem agminibus peditum armatorum sufficienter et optime precellebat. Standarum altissimum draconem desuper preferentem comes secum super currum rotarum quatuor duci fecit; quod rex cum tota Francia indigne admodum tulit. Tamen Henrico Anglorum rege mediante, pacis induciæ protelantur a festo sancti Johannis in annum. Interim comes mittit in Ispaniam pro Mathilde filia Adefonsi regis Portusequalis; que ad eum venit cum regio apparatu et ambitione B multa, et facta est ei uxor anno Domini 1184, mense Augusto.

6. Balduinus vero comes Montensis adhebat regi, et licet sororem comitis Philippi haberet uxorem, erat tamen exercens inimicitias contra eum. Instinctu ergo illius rex Francie iterato insurgit in comitem Flandriæ. At ille non improvidus nec imparatus audacter occurrit. Collocatis namque per castella sua que in marchis habebat custodiis equitum contra infestationem regis, ipse militari manu tantummodo terram comitis Montensis ingreditur a parte meridiana (1184), ab oriente vero Philippus archiepiscopus Colonie, qui comitem Flandriæ adjuvabat. Porro Duacenses et Pabulenses ab occidente incendiis et rapinis demoliti sunt terram illam. Rex autem ut comperit, alias comitem esse intentum, Viromandiam intrat; accedensque ad castrum quod Mons Desiderii dicitur, suburbana illius succendit; sed per fideles comitis, qui circumquaque in presidiis morabantur, ocius est inde repulsus. Cum vero hiemps instaret — erat enim Novembris mensis — asperitate hiemis compellente ad propria unusquisque digreditur. Die autem nativitatibus dominice propinquante, induciæ dantur utrinque (17). Cum autem finiendæ essent induciæ, et comes Flandrensis suam prepararet expeditionem (1185), Balduinus comes terram Jacobi de Avesnes virtute irrumpens, veteris memor injurie incendio tradit eam. Nam ille incentor esse discordiæ inter utrumque comitem ferebatur. Finitis induciis, rex et comes omni spe jam pacis remota in cedem mutuum ruituri; sub urbe Ambianensi cum suis exercitibus consederunt. Tandem nutu Dei ut credimus, comes regie majestati et honori proprio deferens ac saluti, cedem etiam populorum a Deo simul et hominibus sibi metuens imputari, antequam aliquis caperetur vulneraretur vel perimeretur, reddidit

#### VARIÆ LECTIONES.

<sup>1</sup> scriba primo locum vocis vacuum reliquerat, eo consilio, ut numerum castrorum insereret, quum primum didicisset. Postea eodem atramento quo inde ab At illa utitur, vocem quibusdam inscripsit; numerum iatitur non didicit. <sup>12</sup> abhinc atramentum mutatur; manus eadem.

#### NOTÆ.

(16) Eleonora, quæ soror erat uxoris Philippi.

(17) A. 12<sup>ma</sup> die ante natale Domini usque ad octavas epiphaniæ. Gislebertus p. 142.

regi quedam castella comitatus Viromandensis, que jure armorum hucusque possederat a tempore quo prima uxor ejus mortua fuit; de qua non habuit liberos, cum ex parte ipsius eundem habuerit comitatum; pro quo etiam tota hæc discordia fuit inter se et suum dominum regem (18). Inter ea vero castella que reddidit, eminebant Causiacus, Thorota, Monsdesiderii, Calmiacus et dominium Ambianense. Hæc autem resignavit regi, ut armis cederet et reliquam partem Viromandie, videlicet villam Sancti Quintini, Ham et Peronam circumpositamque regionem, in pæce tenendam sibi quamdiu viveret concederet et confirmaret. Factumque est ita; et mansit deinceps idem comes in ejusdem gratia regis (19). Ibi etiam pacificantur comites Flandrensium et Haionensis.

7. Circa idem tempus contigit in ecclesia transmarina, divini severitate judicii, res omni christianitati valde lamentabilis et dolenda. Rex enim Jherosolimorum obviam pergens (1187) et congressum faciens cum Salahadino et Sarracenorum multitudine infinita, superatur et capitur, et omnes principes ejus aut occiduntur aut capiuntur, vulgus vero innumerabile trucidatur. Bellehemites episcopus, qui crucem ferebat, perimitur, et crux Domini a paganis auferitur; et sicut de archa Dei legitur, translata est gloria Domini ab Israel. Salahadinus deinde terram perambulat, civitates et castella evertit aut retinens sibi firmat et munit, monasteria destruit, monachos presbiteros clericos perimit, sacramentales dehonestat et interficit. Actum est hoc anno incarnationis dominice 1187, quo anno natus est Ludovicus filius regis Francie primogenitus, pridie Kalendas Septembris. Audito autem gravi nuncio de terra Jherosolimitana, rex Francie rexque Anglie cum principibus multis, episcopis comitibus nobilibus et ignobilibus trans mare profecturi cruces accipiunt (1186). Verum priusquam iter arriperent, Philippus rex Francie profecturus contra ducem Burgundie, assumpsit comitem Flandrie secum. Nam dux ille injustissimus et perfidus erat in eo, quod Francie ac Flandrie mercatores, quos in fide sua tuendos per terram suam susceperat, spoliari a suis latronibus permittebat. Assaultus ergo regis et comitis sustinere non valens, perditis quibusdam castellis suis, ad deditionem compulsus, tradidit se ipsum regi. Deinde idem rex et idem comes assumpto secum Ricardo Aquitanie duce, ducunt exercitum contra Henricum regem Anglorum (1189), patrem ejusdem Ricardi, villasque illius et castella diripiunt et incendunt. Semper enim Francorum regibus rebellis existerat et dampnosus. Quorum assaultum ille non sustinens, de loco ad locum fugiendo eorum devitabat adventum. Tandem usque Cenomannis persecuti sunt eum. Super quo ultra modum contristatus, in infirmitatem decidit,

et ad Chinon usque perveniens diem clausit extremum. Hinc apud Fontem Ebraaldi delatus, vix necessarios sumptus ad sepeliendum habens, ille quondam dives et prepotens ibidem in monasterio sanctionialium tumulatur. Cui successit in regnum dux Aquitanie Ricardus filius ejus, anno 1189, quo anno mortua est Elizabeth Francorum regina (Mart. 15), neptis Philippi comitis Flandrie. Mortua est autem de duobus geminis, et cum nimio Francorum planctu in ecclesia beate Mariæ Parisius sepelitur.

8. Euntibus autem predictis regibus Francie simul et Anglie versus mare (1190), Philippus comes Flandrie cum eis transfretat, et pariter obsident civitatem que dicitur Achra, quam Sarraceni firmiter valde munierant et servabant. In cujus obsidione, que multo tempore duravit, Philippus comes indigentibus et maxime militibus qui stipendia sua consumpserant sua erogando, plurimum extitit liberalis. Obiit vero ibidem tertio mense transfretationis sue, anno Domini 1191. Kalendis Julii, et sepultus est in basilica sancti Nicholai foris murum Achre, ubi etiam tumulati sunt plus quam 50 tam episcopi quam duces et comites; sed postea per diligentiam uxoris sue Matildis regine Portusequalis translatus est Claramvallem, ac reconditus honorifice in sarcophago, intra capellam quam ipsa illi et sibi paraverat. Et ipse quidem strenue rexit comitatum Flandrie per 24 annos, nobilissimus omnium qui fuerant ante ipsum in Flandria, divitiis et honoribus affluens, prudentia et potentia magnus, fervens in justitia, fortis et probus ad arma, unique Machabeorum non inmerito comparandus. Clericos honorabat, monachos amplectebatur, pauperes defendebat, causas religiosorum etiam contra suos quandoque barones et milites tuebatur.

9. Cujus morte audita, confunditur tota patria et turbatur, dolor et timor occupat universos, maxime clerum et populum, statimque regnum ejus scissum est in tres partes. Nam Willelmus archiepiscopus Remensis, qui regis Francie jura servabat, illam partem quam Philippus comes nepti sue regine in dotem olim concesserat, occupavit ad opus filii ejusdem regine, videlicet Ludovici; hoc est Bapalmas, Attrebatum, Ariam Sanctumque Audomarum et domum de Ruholt cum nemore, comitatum Hildiniensem et Lensesem, homagium Bolonie, S. Pauli, Gisenense, Lilerense. Omnia enim hæc Philippus comes post suum decessum habenda concesserat regi, quando ei neptem suam legali matrimonio copulavit. Alteram vero partem donaverat idem comes propter nuptias uxori sue Matildi; hoc est Insulam et Duacum et plures ac bonas villas hinc et inde jacentes, Caslethum, Watenes, Bergas, Burburgium, totamque maritimam regionem. Porro tertiam partem hereditatis jure saisivit Balduinus

## NOTÆ.

(18) Cf. Gisleb. 145.

(19) Hæc pax facta fuit a. 1185, secundum Gisle-

bertum et Continuatore[m] Aquicinensem. Alii ponunt a. 1186



comes Haionensis ex parte uxoris sue Margarete, A sororis Philippi comitis antedicti.

10. [*Cont. Aquic.*] Rex autem Philippus in Franciam rediens, dies nativitatis dominice Parisius celebravit. Ad cujus curiam Balduinus comes vocatus cum aliis venit; sed rex eum nec humane nec benigne suscepit (1191). Quod ille cerneus, rege insulato clam a civitate discessit. Tamen consulens terre suæ, ad recuperandam regis gratiam Symonem de Aquicincto et Daniele de Camberone abbates ad regem direxit. Tandem mediante Willelmo Remensium archiepiscopo necnon et Petro Attrebatensi episcopo, pax inter regem et comitem reformatur (1192), ita quod rex suscepit homagium comitis et comes ei benigne concessit habendam occidentalem Flandrie partem superius nominatam, retinens sibi orientalem. Post quatuor circiter annos obiit Margareta Flandrie et Haionensis comitissa (1194); cui successit in comitatu Flandrie Balduinus filius ejus, patre suo Balduino adhuc circiter per annum vivente, qui eidem filio suo Balduino primogenito uxorem acceperat Mariam filiam Henrici comitis Campaniensis, quam genuit ex filia Ludovici regis Francorum. Interea rex Anglorum Ricardus de partibus transmarinis regreditur, oriturque discidium inter ipsum et regem Francorum. Rex itaque Francie collecto exercitu (1197) castellum regis Anglorum quod dicitur Aubamarla obsidet, capit et destruit. Milites regis Anglorum episcopum Belvacensem consanguineum regis Francorum ceperunt et apud Rotomagum gravi custodia manciparunt. Instinctu quoque muneribus et promissis regis Anglorum, Balduinus comes Flandrie et Haionensis regem Francie dereliquit et regi adheret Anglorum. Hic itaque collecto exercitu copioso per pagum Tornacensem et Cameracensem incedens, omnia ejusdem pagi castella cepit; sicque ad civitatem Attrebatensem perveniens, eam a parte orientali obsedit. Secundo autem obsidionis die subito inde recessit. At Philippus rex Francie hæc audiens et indigne ferens, cum magna equitum et pedum copia transiens apud Ariam flumen Lisie, terram comitis vastaturus intravit; sed quibusdam infortuniis tactus, colloquium cum comite habuit extra Ypram; et sic infecto negotio rediit in terram suam, multis qui adventum ejus formidaverant iridentibus inefficacem ejus recessum. Comes vero Balduinus castrum Sancti Audomari quinque ebdomadarum obsidione clausit (1198), et rege Francorum Philippo nullum ferente præsidium, utpote qui a Ricardo Anglorum rege plurimum artabatur, cepit redditum sibi et optinuit. Arienses enim reddiderant se jam sponte in manus illius. Interim rex Anglie stipatus multitudine militum irruiit super regem Francorum euntem Gisortium. Ille vero cum suis festinans munitionem intrare, fracto ponte in flumen dicitur cecidisse; sed extractus est inde, pluribus

A tamen de nobilioribus suis captis. Statimque rex Francorum exercitum congregans copiosum, terram Normannie vicinam terre sue incendio et rapinis devastat. Mediante vero Petro cardinale Sancte Marie in via Lata et apostolice sedis legato, date sunt treuge inter reges. Ricardus ergo rex obsidens castellum quoddam vicecomitis Lemovicensis, qui a se recesserat, quod appellant Zaluth (20), ibi sagitta vulneratus est et defunctus (1199); cui Johannes frater ejus successit in regno. At Balduinus comes terram regis Francorum rapinis et incendiis devastabat. Maria autem comitissa Flandrie pro pace inter regem et comitem componenda Parisius vadens ad regem, honorifice suscepta est ab eo; quam rex de pace securam cum quibusdam captivis B in pignus pacis remisit ad propria. Anno igitur Domini 1200 [1199] in diebus nativitatis dominice Philippus rex et Balduinus comes apud Peronam collocuturi de pace convenerunt, ubi per Marie comitissæ industriam pax firma utrimque juratur; que pax tam Francie quam Flandrie magna fuit causa letitiæ.

11. Postea Balduinus comes cruce signatur, et Jherosolimam tendens, apud Venetiam hiemavit, et Gazaram civitatem Venetiis inimicam subegit cum eorum auxilio, subactamque tradidit eis. Deinde ad illam nobilem et munitissimam ope simul et opibus et fere inexpugnabilem civitatem Constantinopolim, de Dei confisus auxilio, cum paucis expugnandam accessit. [*Ep. Bald.*] Irruentibus ergo Flandrensibus Francis atque Venetiis, scalis turribus applicatis, Greci propugnacula reliquerunt, nostrique audacter ingressi militibus portas aperiunt; multaque cede facta Grecorum, nostri adesperascente jam die arma fessi deponunt, de assultu palatiorum in crastino tractaturi. Imperator vero Alexius, qui a muris recesserat et in palatium fugerat, suos recolligit et crastinam hortatur ad pugnam, asserens quod nostros in potestate nunc habeat intra murorum septa conclusos; sed nocte latenter dat terga devictus. Quo comperto, Grecorum plebs attonita de substituendo imperatore pertractat. Et dum mane factio ad ejusdem Constantini nominationem procedunt, pedites nostri non expectata deliberatione majorum, ad arma prosiliunt; et terga dantibus Grecis, fortissima et munitissima palatia relinquuntur, totaque in momento civitas obtinetur, et omnium que inter divitias ab hominibus computantur, tam inestimabilis habundantia reperitur, ut tantum tota non videretur possidere Latinitas. Ordinatis igitur diligenter que disponenda rerum poscebat eventus, nostri ad electionem imperatoris unanimiter et devote procedunt; et omni ambitione seclusa, venerabiles episcopos Smissionensem, Treccensem, Ha-luersdatensem, dominumque Boellemitanum qui a partibus transmarinis auctoritate apostolica ibi fuerat delegatus, Aconensem electum, abbatemque

## NOTÆ.

(20) Chalus-Chabrol. Brial.

Lucedii, imperatoris sub Domino constituunt electores. Qui oratione premissa, ut decuit, Balduinum comitem Flandrie et Hainonensem unanimiter ac sollempniter elegerunt, atque ad imperii fastigia gloriose coronatum memorati pontifices cum universorum applausu et piis lacrimis sublimarunt anno Domini 1202, dominica qua cantatur *Jubilate*, post pascha.

12. Uxor vero ejus Matia, claris orta natalibus, virum suum insecuta, post tediosas terrarum metodos et maris infractus ac tractus tandem Acharon applicuit; ibique diutinis et gravibus macerata egreditudinibus, ultimum reddidit spiritum. Johannes rex Anglie post infinitas expensas in castellis tuendis et munitionibus erigendis per longum tempus factas, pusillanimitate confectus magis quam pecunie defectu, fuge opprobrium vilipendens, Normannia Aquitania cum appenditiis universis relictis, tanquam ad asilam confugiens transito mari rapido cursu in Angliam se recepit. At Philippus rex Francie letus hec omnia occupavit et cepit.

13. Anno deinde incarnationis Domini 1205, imperator noster Constantinopolitanus Balduinus, Flandrie et Hainoie comes, a Johanne cognomento Blake in conflictu inter se commisso captus fuit, nulli deinceps de nostris comparens. Cui anno sequenti successit in imperium frater ejus Henricus, vir in rebus bellicis strenuus et morum nobilitate conspicuus. In comitatu vero Flandrie et Hainoie successit eidem Balduino imperatori primogenita filia ejus Johanna, quam in sua custodia et tutela Philippus rex Francie habuit, donec matrimonio copulavit eam Fernando filio regis Portusequalis, et hoc per industriam regine<sup>83</sup> Mathildis, quondam Flandrie comitis. Celebratis ergo nuptiis in capella regis Parisius (1211), antequam eadem Johanna cum viro suo Fernando venisset in Flandriam, ut ab hominibus Flandrie fidelitatem debitam sibi reciperet: Ludovicus primogenitus regis miles jam factus subito et repente Ariam venit cum exercitu et bellicis instrumentis, exigens a burgensibus villam sibi reddi, sicut ipsi noverant eam competere sibi ex parte materna. Illi autem dixerunt, quod si castrum Sancti Audomari, quod erat fortius et magis munitum et quod jure pari cum respiciebat, prius obtinuisset, ipsi absque mora et difficultate aliqua ei redderent villam suam. Hac igitur sponse accepta, venit ad Sanctum Audomarum; sed clausum invenit. Non enim burgenses eum continuo receperunt, licet magno minarum tonitruo terruerint eos comites Sancti Pauli et Pontivi alique barones, qui cum predicto venerant Ludovico. Confluebat itaque copiosus exercitus circa villam, et atrociter minabantur, quod eam succenderent et omnes in ea repositos inmanissimis cruciarent suppliciis. At burgenses cum ita ex improvise se viderent obsessos, nec haberent milites, quorum consilio et auxilio possent

A defendere villam suam, nullumque sibi presidium ferri ab aliquo expectarent, habuere consilium, quod reciperet in crastino cum honore dominum Ludovicum, et ipsi ab eo reciperentur in gratia et amore; factumque est ita. Deinde consilio ejusdem Ludovici apposuerunt adhuc firmare amplius muris pariter et fossatis majoribus villam suam; et ipse dominus Ludovicus turrim excelsam et fortem edificavit in medio muri prope portam Boloniensem, per quam posset intrare in villam, cum vellet, et exire ab ea.

14. Fernandus vero cum amita sua Mathilde regina vetula et infirma et uxore sua lento gradu Flandriam et Hainonium veniebat (1211), recipendus ab hominibus terre in dominum et eos ipse in homines recepturus. Reliquit autem Duaci uxorem suam febricitantem cum amita sua Mathilde predicta; ipse vero properavit Ypram, deducentibus eum Philippo qui erat marchio Namucensis et patruus uxoris ejus, et Johanne qui erat dominus de Nigella et castellanus Brugensis, Sigero etiam castellano Gandensi. Cumque Ypresens et Brugensis colla ejus dominio subjecissent, Gandenses eum recipere noluerunt, donec heredem terre viderent, filiam scilicet imperatoris Balduini, et certi esse, quod ei nupsisset. His auditis velociter rediit; et nobilissimi principes duo, videlicet Rasso de Gavera et Arnulfus de Aldernade, qui nuptias istas sine suo consilio factas esse dolabant et prefatos oderant castellanos, cum armatis militibus et a iis multis insecuti eum, Curtrachi sunt consecuti. Prandebat autem cum principibus qui erant cum eo; qui predictorum inopinato adventu et insectatione comperta, nil rati sunt utilius fore sibi ad presens quam fugere. Fugam igitur maturantes, de rebus suis plurima reliquerunt, et transito fluminis ponte, ne hostes post eos transirent pontem fregerunt. Quod illi videntes, redierunt in villam et depopulati sunt eam.

15. Fernandus ergo assumpta uxore sua et collecto exercitu, Gandavum obsedit. At Gandenses datis ei ter mille libris in pace sunt ab eo recepti. Predicti autem castellani de Gandavo et de Brugis, eo tempore quo terra vacans comitem non habebat, usurpaverant sibi jura et consuetudines quasdam in castellaniis suis, que magis dicebantur spectare ad comitem Flandrie quam ad ipsos. Cum ergo hæc eis concedere et confirmare Fernandus non vellet, discesserunt ab eo, et ad regem Francie, cujus homines erant ex alio feodo quem tenebant de illo, se unanimiter contulerunt. Quod videntes Rasso de Gavera et Arnulfus de Aldernade, qui eosdem oderant castellanos, reversi sunt ad gratiam comitis, facta resarcitione dampnorum et injuriarum satisfactione prius exhibita.

16. Ea tempestate (1212) Renaldus de Domno-martino, comes Bolonie et Moretonii, quem rex

#### VARIÆ LECTONES.

<sup>83</sup> amite illius scilicet *superscripsit manus s. XIII.*

Francie super omnes principes suos exaltaverat ob ingentem ejus probitatem atque industriam, accusatus quod regem prodere vellet, fugit a facie regis contra eum cum exercitu venientis. Fugiens vero accessit ad comitem Flandriæ, deinde ad regem Angliæ, incitans eos, ut in inito ad invicem pacto recuperari satagant vi armorum ea que antecessores eorum tenuerant et modo tenet rex Francie violenter. Quod facile fieri promittit, et maxime, cum auxilium imperatoris Othonis eis deesse non possit. Erat enim idem Otho regis Angliæ nepos, et regem Francie odio habens, libenter contra illum suum avunculum adjuvaret. Fiunt ergo littere hinc et inde, regis ad comitem comitisque ad regem, de ineundo federe inter ipsos contra regem Francie dominum suum (21). Interea barones Angliæ, regem suum propter nimiam crudelitatem ipsius habentes exosum, mittunt latenter ad regem Francie, supplicantes attentius, ut veniret in Angliam, spondentes firmissime, quod ejus ditioni se subderent, et expulso rege qui regno indignus erat, regnum traderent ei. Anno igitur Domini 1213. Philippus rex Franciæ cum ingenti mole navium simul et hominum parabat se in portu qui dicitur Calays, ut in Angliam transfretaret. Erat tunc temporis in Anglia Pandulfus clericus quidam domini pape, qui auctoritate ipsius excommunicabat omnes regi Angliæ adversantes. Etenim rex Angliæ Johannes audiens regem Francie super se venturum, nimio terrore percussus, resignavit domino pape regnum suum in manu clerici antedicti, et recepit illud ab eodem clerico tenendum sub censu mille marcharum annuatim summo pontifici solvendarum.

17. Rex autem Francie mutato repente consilio de pergendo in Angliam, vertit se ut iret in Flandriam. Precepit ergo, ut onuste naves sue occurrerent sibi ad portum qui Dam dicitur, prope Brugis. Ipse vero per terram vadens, venit die dominice ascensionis Casletum; ponensque ibi milites et sagittarios ad custodiam castris, processit versus Ypram et Brugis, neminemque sibi resistentem invenit, deducuntibus eum castellanis predictis, Brugensi scilicet et Gandensi. Fernandus autem Flandriæ et Renaldus Boloniæ comites prorumpentes de mari latenter, irruunt in extremos de exercitu regis; sed viriliter et cito repulsi, vix evadere potuerunt ac recipere se in mari. Verumptamen de navibus regis postea ceperunt non paucas; quod rex audiens, residuas omnes succendit, præcavens ne ab hostibus similiter caperentur. Cepit etiam rex apud Ypram Brugis et Gandavum multos de burgensibus, qui ditiores ibi esse videbantur, et duxit eos in Franciam, tenens eos in captione artissima, donec magnam ab eis pecunie quantitatem extorsit.

18. Fernandus ergo comes perrexit in Angliam, et regi Angliæ hominum (22) fecit; cui rex multas

A dedit pecunias, suum ei ut dicitur thesaurum communicans et exponens ad conducendum milites, qui cum eo terram regis Franciæ devastarent. Factum est hoc in diebus nativitatis dominice, in quibus comes Boloniæ Renaldus sumptis militibus et quibusdam communiis Flandriæ Casletum obsedit. Verum priusquam appropinquaret, viri qui erant in arce, partem ville maximam succenderunt, pugnaveruntque fortiter et munitionem viriliter defenderunt. Licet autem nix de cælo descendens et gelu terram constringens oppugnantes plurimum impedirent (1214), minime tamen propter hec cessaverunt, donec post tredecim dies veniente cum armata multitudine filio regis domno Ludovico, predictus comes non habens manum ad resistendum ei, obsidionem reliquit et in interiorem Flandriam se recepit.

19. Reversus autem de Anglia comes Fernandus, multitudinem equitum congregavit; et vadens per Burburgium et Gravelingas in terram comitis Gisenensis, depopulatus est eam, et ejus munitiones destruxit, et perante Sanctum Audomarum in Flandriam remeavit. Post paucos autem dies cum gravi multitudine peditum simul et equitum comites Flandriæ atque Boloniæ venerunt ad Lensense oppidum; quod bene munitum videntes, ultra progressi sunt ad castrum quod dicitur Hosdain, ipsumque et quasdam villas campestris depopulati sunt incendiis et rapinis. Accedentes vero ad Ariam consederunt et castrametati sunt ibi; sed milites et sagittarii qui erant intus constituti, villam servaverunt illesam.

20. Eo tempore Johannes rex Angliæ Aquitaniam venerat cum grandi exercitu, ut terram illam ad se reduceret et sue iterum subiceret potestati. Sed domnus Ludovicus filius regis Francie, missus a patre illuc cum probis militibus multis, viriliter resistens conatus regis Angliæ inanes reddebat. Philippus ergo rex Francie preparata expeditione, Ariam, ut obsessis ferret auxilium, properabat. Quo per exploratores cognito, comites antedicti cum universo exercitu suo in Flandriam sunt reversi. Dehinc pergunt dicti comites Flandriæ et Boloniæ Aquisgranum (Mart.) ut imperatorem Othonem qui a domino papa tunc excommunicatus erat rogarent, quatinus cum eis dignaretur venire suoque avunculo regi Angliæ ac suis fidelibus, qui contra regem Francie cum eo pugnabant, suum auxilium exhibere. Venit ergo (Jul.), et ducem Lotharingie (23) cum quibusdam comitibus militibusque non paucis secum adducens, totam Flandriam adventu suo exhilaravit. Ex edicto igitur comitis Fernandi conveniunt apud Valentias omnes qui apti erant ad bellum, Hayonenses pariter et Flandrenses. Quod Philippum regem Francie non latuit; qui assumptis equitum et peditum copiis, secundum

NOTÆ.

(21) Exhibet eas Dom Brial, XVII, 87.

(22) Hoc dubium; cf. Dom Brial XVIII, 565.

(23) Henricum II. Brial

quod habere poterat, — nam pars exercitus sui non modica cum filio suo Ludovico erat in Aquitania contra regem Anglie occupata — venit ad pontem de Bovines, et inde Tornacum. In crastinum, cum missam audisset, rediit ad pontem de Bovines.

21. Erant tunc apud Mortaigne imperator et comites cum exercitu magno valde et forti; qui audientes regem apud Bovines remeare, arbitrati sunt quod fugeret; et arma conciti capescentes, regem insequi certalim festinant. Ad hoc autem incitabat eos precipue Hugo de Bova, miles strenuus, quem rex Francie de terra sua expulerat; qui cum postea iret in Angliam cum militibus et aliis hominibus multis, orta tempestate submersi sunt et perierunt in mari. Ecce autem nuncius venit ad regem (Jul. 27), qui diceret ei pro certo, quod velociter veniebant et prope jam erat exercitus infinitus, nichil aliud metuentes nisi tam velocem regis fugam, quod eum consequi non valeret. Rex vero hec audiens substitit et suum exercitum stare fecit, convocansque principes suos ait: *Quod est consilium vestrum super hiis que auditis? Invitus quidem hodie pugno, cum sit dies dominica, et nos pauciores numero simus quam illi. Tunc Petrus comes Autisiodorensis* <sup>21</sup> *primus respondit: Etsi malum sit, humanum fundere sanguinem die festo, tamen minus peccat, qui non insurgit in hostem nec eum provocat, sed ab eo provocatus se ut potest defendit. Qui autem se defendere negligit, cum ab hoste fuerit impetitus, aut victum se probat aut stultum fatetur. Hiis auditis, voluntas omnium erigitur ad pugnandum. Rex igitur suas confestim acies ordinavit. Rogavit autem Odo dux Burgundie regem, ut se a bello subtraheret et servaret se militibus ac principibus suis, et ingrederetur castrum Lensesse, quod prope positum erat et bene munitum. Rex vero ait: Absit hoc a me, ut fugiam dum vivus sum et sanus, ac relinquam homines meos mori mecum et pro me paratos. Ego quippe in prelio cum ultimis permanebo, aut ingenue moriens aut gloriose triumphans. Confido autem, quia oberit hostibus nostris, quod nos ad bellum provocant die ista, ipsisque impedimento erit, quod illi qui eos ducunt aut sunt excommunicati aut proditores aut transfuge aut perjuri. Nam Otho qui dicitur imperator, excommunicatus est ab ore summi pontificis, comes vero Bolonie proditor et excommunicatus, comes Flandrie transfuga et perjurus. Hec sunt que tradent eos hodie in manus nostras, aut compellent fugere turpiter coram vobis. Vos igitur ne timueritis eos. Hiis dictis, divertit se in quamdam ecclesiam que juxta erat, et oravit devote cum lacrimis. Surgeusque ab oratione, munus corpus suum signo crucis primitus, deinde armis, et insiliens equo, venit ad suos motique eos, ut sua consilteantur peccata, quatinus*

A si mori contingat, securius moriantur, et si ex humilitate confessionis sue Deum sibi propitium fecerint, hostes facilius superabunt (1214, Jul. 27).

22. Interea Otho in tantum appropinquaverat, quod videre exercitum regis poterat; et vocans ad se comites Flandrie atque Bolonie, dixit: *Numquid non dictum est nobis, quod rex fugeret nostrum metuens prestolari adventum? et ecce video castra ejus castra fortia valde, castrorumque acies diligentissime ordinatas et ad bellum paratas. Ad hec Bolonie comes ait: Hoc est, domine imperator, quod vobis jam dixi, hunc morem esse Francorum numquam fugere, sed in bello mori aut vincere. Propterea consilium dederam, ut in eos irrueremus latenter a tergo, et partem exercitus novissimam prædaremur. Sed Hugo de Bova qui hic astat, et quidam alii, non hoc mihi prudentie sed timiditati atque desidia ascriperunt; quorum audacia meaque timiditas declarabitur hodie, cum ipsis velocem arripientibus fugam, ego et quicumque bellare inceperint atque permanserint, capiemur aut forsitan occidemur. Et hec dicens vertit equum, ac sono gracilis cornu convocans suos, pergit in prelium; euntque cum illo Fernandus comes Flandrie, et Willelmus comes Salisberie frater regis Anglorum, et alii Hayonenses Flandrensisque milites multi prompti ab bellum et in nullo segnes aut pati aut facere, quodcumque belli casus attulerit. Ab hiis primum facta est congressio. Isti primum pugnare ceperunt; isti in primam aciem exercitus magna fortitudine irruentes, atrociter dimicabant; sed a Francis fortiter sunt excepti. Deinde miscentur undique hostes, equites simul et pedites, totisque viribus feruntur invicem. Fractis lanceis, gladios exerunt; sed gladio deficiente aut propter hostem comminus insistentem non proficiente, acuminatis in alterutrum cultellis utuntur. Verum comes Pontivi, qui erat cum rege, fractis lanceis gladio et cultello pedesque factus, brachiis et manibus loricatis ictus a se ferientium repellebat. Irruerat enim ipse cum militibus suis in globum continentem homines circiter 400, qui erant ut dicitur de Braybanto, pedites quidem, sed in scientia et virtute bellandi equitibus non inferiores. Ipsi comitem et milites ejus, equis eorum occisis, secum cito pedites esse fecerunt. Porro comes cum suis densitatem eorum penetrare non poterat, sed ut dictum est, manibus et brachiis se defendebat, donec ejus comnie advenirent, que illi fuerunt auxilio ad dejiciendum electos pedites illos; alioquin eos nequaquam vicisset, sed victus ipse cum suis militibus in manus eorum ut creditur incidisset. Itaque consumpti vel capti sunt universi pedites illi. In brevi autem prevalente Francorum virtute, imo potius triumphante per eos divina ordinatione, capiuntur predicti tres comites et alius quidam co-*

#### VARIE LECTIONES.

<sup>21</sup> balliolensens codex, et quidem en a manu prima, balliolens in rasura a manu s. xvii.

mes de Alemannia (24), cum militibus 127 aliisque nonnullis. Quod cum viderent Brugenses, qui bello proximi erant, terga ad dicitur primi verterunt, suoque exemplo ad fugiendum aliis profuerunt. Fugiant igitur omnes Hayonenses pariter et Flandrenses, fugit dux Lotharingie cum suis, fugiunt Alemanni, fugit et ipse Otho imperator eorum in palefrido suo. Suum enim dextrarium, mire probitatis magnique precii equum, occisum a quodam milite reliquit in acie. Rex vero fugientes persequi nolens, in Franciam est reversus. Factumque est hoc prelium anno Domini 1214, 6 Kalendas Augusti.

23. Regresso autem rege in Franciam cum

A triumpho nobili et captis insignibus atque multis, et cislem per diversa loca repositis in firma custodia et ligatis in manibus et compedibus ferreis, quasi Flandria satis adhuc penarum non solverit, mittuntur alii reges a Domino contra eam, videlicet ignis et aqua. Ignis munitas aggreditur villas, aqua invadit campestres. Ab igne igitur devorante domus Yprenses, Brugenses, Gandenses consumuntur, paucis admodum derelictis, quas Dominus, ne consummationem facere videretur, misericorditer conservavit. Mare autem solito vehementius intumescens in Brugensi territorio, per agros et villas spacio leugarum septem vel amplius se diffudit. . . .

## VII. GENEALOGIA BREVIS COMITUM FLANDRIÆ.

Damus hanc genealogiam e codice Bertiniano, jam Boloniensi n. 58 mbr. fol. a. XIII, ubi post Ambrosii opera legitur a manu alia s. XIII, in: quæ quamvis sit continua, apparet tamen, priora omnia usque ad Balduinum Roberti filium descripta esse ex antiquiori, reliqua ab alio post addita. Edidit ante nos jam Warnkœnig in De Smet Corp. chron. Flandriæ I, 7.

### NOMINA COMITUM FLANDRIÆ.

Lidricus Harlebekensis primus Flandriam occupavit. Post hunc filius ejus Ingelramnus Flandriam obtinuit. Post hunc Audacer filius ejus eandem tenuit. Post hunc Balduinus Ferreus filius ejus comes Flandriæ dictus est (24'), hic in monasterio sancti Bertini jacet. Post hunc Balduinus Calvus filius ejus, hic jacet in Gandavo. Arnoldus senior hujus Balduini filius post patrem nobiliter Flandriam gubernavit. Post quem filius ejus Balduinus, qui ante patrem obiit variolæ morbo. Post obitum vero Arnulfi senioris regnat Arnulfus junior, filius Balduini filii Arnulfi senioris. Post Arnulfum juniorem regnat Balduinus filius ejus, qui in Blandinio jacet. Post hunc Balduinus filius ejus, qui Insulæ jacet. Post hunc filius ejus Balduinus, qui Hannonie jacet. Post quem frater ejus Robertus Frisio dictus, qui in Casleto jacet. Post quem Robertus filius ejus, qui letaliter in bello vulneratus, monachus sancti Bertini efficitur et ibi sepelitur. Huic ergo heredem non habenti succedit cognatus ejus Karolus filius amicitæ

B ipsius et Canuti regis Dacie. Quo propter justiciam occiso et Brugis sepulto in ecclesia sancti Donati, quidam de Normannia Willelmus, cujus proavus fuit Balduinus Insulanus, comitatum recepit. Cujus tyrannidem avariciæ non ferentes Brugenses et Gandenses et præcipue Insulenses, adduxerunt Theodericum Helzatensem filium filii Roberti senioris, ut eidem Willelmo resisteret. Eo quoque Willelmo letaliter vulnerato et in ecclesia sancti Bertini sepulto, Theodericus comitatum optinuit. Quo mortuo et in ecclesia Watinensi sepulto, inclitus filius ejus Philippus ceteris excellentius et potentius Flandriam gubernavit et domuit. Isto ergo a terra Jerosolimitana, in qua peregre defunctus est, Clarevallem translato, Flandriam accepit regendam Balduinus, sororis ejus maritus. Quo mortuo et in monasterio Malbodiensi sepulto, filius ejus Balduinus comitatum recepit. Quo peregre profecto et imperatore Constantinopoli constituto, necalium heredem quam duas filias juvenulas et adhuc innuptas habente, frater ejus Philippus Flandriæ procurator est constitutus (1202).

### VARIE LECTIONES.

<sup>23</sup> post hanc vocem atramentum mutatur, manu eadem manente. <sup>24</sup> hic desinit ultima linea folii in quaternione quinti; se diffudit addit alia manus cœva. Folium sextum et septimum excisum; octavum adent; sed omnino vacuum. Loco duorum quæ excisa sunt foliorum, postea quum codex jam ligatus esset — adhuc habet ligaturam primitivam — insertus est quaternio foliorum minoris formæ duodecim cum duobus annexis, qui continet continuationem Bernardi de Ypra a 1329 finitam. Nostra igitur continuatio ultra voces amplius se diffudit processisse videtur, at non multum. Non amplius enim excidit quam duo illa folia, quæ Bernardus abscidisse videtur.

### NOTÆ.

(24) Otto de Teckelburg. GROTEF.

(24') Attende quod auctor tres præcedentes non

appellat comites Flandriæ, sed primum Balduinum hanc dignitatem adeptum dicit.

## VIII. JOHANNIS DE THIELRODE GENEALOGIA COMITUM FLANDRIÆ.

Joannes de Thielrode, S. Bavonis monachus, in compilatione sua a. 1294 conscripta caput fecit undevicesimum de comitibus Flandriæ, quod usque ad a. 1150 ex Flandria Generosa excerpit, de suo per pauca tantum addens et ad sua usque tempora deducens. Datus ex codice autographo Gandensi, quem integrum edidit Van Lokerep, Gandavi 1855, in-8°.

### DE COMITIBUS FLANDRIÆ.

[*Fl. Gen.*] Anno ab incarnatione Domini 792. Lidricus Harlebeccensis comes, videns Flandriam vacuum et incultam ac nemorosam, occupavit eam. Hic genuit Inghelramnum. Inghelramnus genuit Audacrum. Audacer genuit Balduinum Ferreum. Balduinus Ferreus rapuit Judith apud urbem Silvanectensem, filiam Karoli Calvi regis Francorum filii Ludovici Piissimi augusti filii Karoli Magni, viduam regis Anglorum. Tempore Balduini Flandria fit comitatus, et Balduinus primus comes. Antecessores sui fuerunt forestarii Flandrie sub rege Francie, sicut legimus inronicis Francorum. Lidricus et Audacer impetraverunt ab abbate Heinardo monasterii sancti Bavonis licentiam venandi in silva que Heinarstryst nuncupatur, modo Loe dicitur, sub tali conditione, quod de decima bestia unam darent abbati et suis successoribus. Balduinus Ferreus genuit ex Judith Balduinum Calvum. Balduinus Calvus duxit Elfrudem filiam Edgeri regis Anglorum, genuitque ex ea Arnulfum Magnum restauratorem Blandinii. Arnulfus duxit Adelam filiam Heriberti Virmandorum comitis, genuitque ex ea Balduinum Juvenem. Balduinus Juvenis duxit Mathildem filiam Hermani ducis Saxonum, genuitque ex ea Arnulfum Juniorem. Balduino defuncto Machtildis nupsit Godefrido duci de Henam; et contulit privilegia ecclesiis sub nomine comitis Flandrie. Arnulfus duxit Susannam filiam Berengeri regis Longobardie et Italie, genuitque ex ea Balduinum cognomento Pulcrabarba. Balduinus duxit Olgivam filiam Ghysleberti comitis de Luzelburg, genuitque ex ea Balduinum Insulanum. Balduinus duxit Adelam filiam Roberti regis Francorum, ex qua genuit Balduinum Montensem et Robertum Frisonem et filiam Mathildem nomine. Hec nupsit Willelmo comiti Normannie, que peperit ei Robertum comitem Normannorum, qui genuit Willelmum postea comitem Flandriæ. Balduinus Montensis duxit Richeldem comitissam Hayonensem, genuitque ex ea duos filios, Arnulfum et Balduinum. Hunc Arnulphum primogenitum et comitem post mortem patris occidit Robertus Friso patruus ejus, et Balduinum a regno expulit, et sic comita-

tum optinuit. Robertus Friso (25) probus et strenuus miles fuit cum Godefrido, Hugone fratre regis Francie et Roberto comite Normanniæ. Godefridus rex in Jerusalem obiit anno secundo regni sui, anno ab incarnat. Domini 1100. 15 Kal. Aug. Balduinus frater ejus successit ei in regnum. Robertus duxit Gertrudem filiam Bernardi ducis Rissonum; quæ peperit ei duos filios, Robertum et Philippum, et tres filias. Harum una Christo nupta; altera Kanuto regi Dacie nupta, peperit ei filium nomine Karolum; tertiam duxit Theodericus dux Ellesacensis et ex qua genuit Theodoricum postea comitem Flandriæ. Robertus primogenitus ejus duxit Clementiam filiam Willelmi comitis Burgundionum, ex qua genuit Balduinum militem inclitum. Quo sine hærede defuncto, Karolus filius Kanuti regis Dacie ei successit, qui Karolus Brugis a suis interfectus fuit in ecclesia beati Donatiani anno 1127. 6. Non. Martii; regnavit igitur circa octo annis. Cui successit Willelmus filius Roberti comitis Normannorum. Quem Willelmum Theodericus filius Theoderichi ducis Ellesactensis occidit, et sic optinuit comitatum. Theodericus duxit Sibillam filiam regis Jerosolimorum, ex qua genuit Philippum et Margharetam, que nupsit Balduino comiti Hainonie. Theodericus incepit regnare anno a nativitate Domini 1127, et regnavit circiter 38 annis. Philippus comes Flandri et Viromandie duxit Mathildem filiam regis Portighaliæ. Quo sine herede defuncto, predictus Balduinus comes Hainonie ei successit, qui genuit ex Margharetâ tres filios, Balduinum et Henricum et Philippum, et filiam Elisabeth nomine, que nupsit Philippo regi Francorum. Balduinus primogenitus duxit Mariam filiam comitis Campanie, ex qua genuit duas filias, Johannam et Margharetam. Johanna nupsit Ferrando filio regis Portighalia (1211); quo defuncto nupsit Thome de Savoyen. Qua mortua sine herede, successit ei Margharetâ soror ejus. Margharetâ nupsit Willelmo de Danptra (1218); peperit tres filios Willelmum, Guidonem et Johannem, et duas filias, quarum una (26) nupsit Christo, altera comiti de Baeren (27) Willelmo primogenitus duxit Beatricem. filiam Henrichi

### NOTÆ.

(25) Falsum. Filius ejus fuit, Robertus Hierosolimitanus.

(26) Maria abbatissa Eliensis.

(27) Theobaldo I, Barensi, a. 1245.

ducis Brabantiae et viduam comitis Turingiae. Quo sine herede defuncto, successit ei Guido frater ejus. Guido genuit ex Mathilde filia Roberti Tenremontensis quinque filios, Robertum, Willelmum, Johannem episcopum Leodiensem, Balduinum et Philippum, et tres filias, quarum una nupsit Johanni duci Brabantiae, altera Florentio comiti Hollandiae, tertia Willelmo comiti de Ghuleke (28); quo occiso, nupsit domino de Castello Villico (29). Mathilde defuncta (30), duxit Elyzabeth filiam Hen-

Arici comitis de Lueneborch, et cum ea optinuit comitatum Namurcensem; ex qua genuit liberos utriusque sexus. Robertus primogenitus Guidonis ex Mathilde duxit Blancham, filiam Karoli regis Siciliae, qua defuncta (1271), duxit Yolendam filiam Odonis comitis Nivernensis et viduam Johannis filii Ludovici pie memorie regis Francie, et cum ea obtinuit comitatum Nivernensem; ex qua genuit 27.

## IX. CATALOGI COMITUM FLANDRIÆ.

Lambertus genealogiæ quam supra dedimus, in fine junxit catalogum, quem ex eodem quo nos codice autographo jam edidit Warnkœnig *Flandrische Rechtsgesch.* I, append. 19. Huic simillimum proponimus e codice Vedastino jam Bruxellensi 6439, quo de cf. *Mon. SS.* II, 492. Tertium Joannes de Thielrode circa a. 1294 compilationi suæ inseruit, nullius pretii; quem qui videre desiderat, consulat editionem chronici Thielrodiani, quam Van Lokeren curavit Gandavi 1855, p. 69. Quartum annorum 792-1506, auctore Jacobo Balliolano, codici Folcuini Audomariano insertum, inde edidit B. Guérard in editione chartularii Sithiensis, p. 41.

### Lambertus.

A. D. 791 comites Flandriæ regnare cœperunt.

1. Lidricus Harlebecensis.
2. Ingelramus.
3. Audacer.
4. Balduinus ferreus.
5. Balduinus calvus.
6. Arnulfus magnus.
7. Balduinus juvenis.
8. Arnulfus secundus.
9. Balduinus barbatus, Gandave.
10. Balduinus Insulanus.
11. Balduinus Montensis.
12. Arnulfus junior, occisus.
13. Rotbertus avunculus, apud Casel.
14. Rotbertus, apud Atrebatum.
15. Balduinus, apud Sanetum Bertinum.
16. Karolus nepos Balduini.

### Abhinc aliæ manus :

17. Willelmus Normannus.
18. Theodericus de Elzaten.
19. Philippus filius Theoderici.
20. Balduinus.
21. Balduinus.
22. Fernandus.
23. Thomas.
24. Willelmus.
25. Guido et  
Jana uxor Fernandi  
et Margareta mater Guidonis

### Cod. Vedastinus.

### COMITES FLANDRIÆ

- Lidricus Harlebecensis.  
Ingelramus.  
Audacer.  
Balduinus ferreus.  
Balduinus calvus.  
Arnulfus magnus.  
Balduinus juvenis.  
Arnulfus minor.  
Balduinus barbatus.  
Balduinus Insulanus.  
Balduinus Montensis.  
Arnulfus interfectus.  
Rotbertus Casletensis.  
Rotbertus expugnator Jherusalem.  
Balduinus filius Clementiæ.

### Abhinc aliæ manus :

- Carolus  
Willelmus Normannus  
Teodericus.  
Philippus filius ejus.  
Balduinus.

### VARIÆ LECTIONES.

(27) ita desinit auctor; nil amissum.

### NOTÆ

(28) Julich.

(29) Simon de Chateau-Villain.

(30) 8 Nov. 1264.

# ELIAS DE COXIDA

MONASTERII DE DUNIS, ORDINIS CISTERCIENSIS ABBAS SEPTIMUS.

## NOTITIA.

(Bibliotheca Cisterciensis C. de Wisch, edit. secunda, anno 1636, Coloniae Agrippinae data, in-4°, p. 90.)

Elias de Coxida, a patria cognomen sortitus, pago scilicet territorii Furnensis in Flandria, abbas fuit cœnobii nostri de Dunis, numero 7 ob eximiam vitæ sanctimoniam Menologio Cisterciensi ascriptus, 8 Octobris. Cujus sanctitatem et excellentem doctrinam universa propemodum Europa admirata coluit, ut videre potest in ejus Vita, quam ex monumentis Dunensis monasterii conscripsit et edidit Henriquez in fasciculo, et latius in libro *De sanctis Eremitis Dunensis*, quem edidit lingua Hispanica. Hic ille est Elias, qui eloquentia sua, et auctoritate qua pollebat apud Leopoldum Austriae ducem, Richardum Angliæ regem ex captivitate liberavit, ut ad longum in Vita describitur: « Plures olim in Dunensi bibliotheca legebantur ejusdem conciones, pietate et doctrina refertissimæ, quæ tamen injuria temporis modo exciderunt, » duabus exceptis, etiam in capitulo generali Cistercii habitis, quarum primam in antiquo ms. codice bibliothecæ nostræ Dunensis, repertam, publicavi anno 1649, in hoc libro; secundam ex bibliotheca S. Gisleni (ubi etiam habebatur prior jam dicta) subministravit vir doctissimus Georgius Gallopinus, ejusdem cœnobii religiosus, quam una cum prima lectoribus exhibebo. Obiit ven. Elias anno 1203, 16 Augusti.

# ELIÆ DE COXIDA

## SERMONES.

### SERMO PRIMUS.

*Rectorem te constituerunt? noli extolli; sed esto in illis quasi unus ex ipsis (Eccli. xxxii).*

Si juxta prophetam (*Isa. li*) respicere jubemur ad Abraham patrem nostrum, et ad Saram quæ peperit nos; utriusque loco, quasi petram de qua excisi sumus, reputare debemus communiter Ecclesiam istam; hæc enim est mater nostra, in cujus uterum iterum introivimus, ut iterum renascamur ad vitam, ut potemur a lacte, et satiemur ab uberibus consolationis ejus (*Isa. lxxvi*); ut de ea, quasi de horreo veri Joseph, frumenta percipiamus, non modo ad eam ut ipsi pascamur, sed etiam ad se-

men, ut alios reficiamus, et tanta benedictionum gratia fecundati, non solum ipsi fructum bonorum operum pariamus, sed etiam alios, exemplo nostri, patere faciamus; ut neminem tangat nota sterilitatis, maledictum in filiis Israel. Propter hoc huc usque cucurrimus, non ut currendi terminum hic figamus, sed ut materno ubere recreati, fortiores, alacriores et indeficientes curramus, donec ad metam nobis propositam perveniamus; neque enim idcirco ad locum unde exeunt flumina revertuntur, ut ibi sistant, sed ut liberius et uberius iterum fluant. Resolvit ad nos turba magna, quam



dinumerare nemo potest, ex omni natione, tribu et lingua (*Apoc. v*); populus pendens ad reditum nostrum, fratres, et filii, consortes et concives nostri, expectantes et expetentes, ut obviis manibus cum gaudio suscipiant plenis mercibus redeuntes, referentes sibi vitæ pascua et pabulum animarum. Quibus etsi forte præesse videmur honoris dignitate, aut certe honoris gravitate, consortium tamen naturæ, communionem vitæ, originem conditionis nostræ, semper considerare debemus, ut eos quibus honore præferimus, apud Deum in conscientia, vitæ merito præferamus. Sic nos delectet et afficiat dignitas honoris, ut tamen semper magis exterreat pondus oneris, et modis omnibus laboremus prodesse potius, quam præesse. Cum enim ad dignitatem duo pertineant, scientia et virtus, dignitatem sine scientia, iudicio Sapientis, constat esse satis inutilem; scientiam vero sine virtute, damnabilem. « Sicut enim, ait quidam, honor sine humilitate, sese perducit ad confusionem; humilitas sine honore, sibi sufficit ad honorem. » Unde Sapiens sapienter instruens, et sapientiæ viam docens, quid prælati fugiendum, et quid eligendum sit, paucis exponit et ostendit, cum dicit: *Rectorem te constituerunt*, etc. In quibus verbis, secundum quod ad præsens occurrit, quatuor videntur posse notari, scilicet ad officium pastorale cura sollicitudinis; ad libertatem canonicæ electionis, concordia virtutis; ad cautelam custodia humilitatis, et vitæ conformitatis ad observantiam charitatis.

Cum ergo audis, *Rectorem te*, attende curam sollicitudinis. Cum audis, *constituerunt*, intellige unitatis concordiam in libertate canonicæ electionis. Cum audis, *noli extolli*, observa humilitatis custodiam. Et cum audis *esto in illis, quasi unus ex ipsis*, vitæ nota conformitatem ad observantiam charitatis. Non est sane dignus censi nomine rectoris, nec assumi debet ad opus regiminis, cui deest cura sollicitudinis, cui nec scientia suppetit erga infirmos ad medelam salutis nec vitæ meritum suffragatur in ostensione virtutis. Indebite satis, et periculose rapitur, et trahitur ad publicas curas, qui diutius ante non gessit sub integritate privatas, quia « non decet illum delinquere, qui alios debet sub æquitatis regula continere, ne fiat pravum exemplum, qui electus ad habile noscitur institutum. » Et cum rectori congruat, ut seipsum, et alios sub disciplinæ censura regat, quædam sunt, quibus sibi, quædam quibus aliorum utilitati consulit et salutem. Sibi consulit, si castus fuerit corpore, corde mundus, uti si tendat ad amplexus Rachelis, septem annis serviat (*Gen. xxix*), et Sabbatum ex Sabbato faciat, ut non solum se temperet a pravis operibus, sed etiam a cogitationibus quiescat illicitis. Ad officium ejus etiam pertinet ut sit in victu sobrius, in habitu compositus, in gestu disciplinatus, mansuetus in moribus, in vultu serius, in sermone circumcisus, patiens et fortis ad adversa, humilis et temperatus ad prospera, ut sit in eo

A vespere et mane dies unus, sive enim mane prosperitatis arrideat, sive vespera adversitatis insurgat, idem semper animi status, quasi dies unus esse debet in eo, diem æternitatis desideranti, de qua dicitur: « Melior est dies nua in atris tuis, super millia (*Psal. lxxxvii*). Cum hi, qui virtutes Christi Domini mirabantur, regem eum constituere vellent, fugit ab eis; crucifixoribus vero promptus occurrit, ut scilicet hoc exemplo cauti simus a blandimenta sæculi devitanda, prompti vero ad contraria sustinenda.

Hæc et ejusmodi sunt, quibus rector debet se ipsum regere, præter alia, quibus tenetur aliorum saluti consulere. Nam erga alios, oportet ut sit vigil et sollicitus, providus et circumspectus, misericors B et justus, ut tanquam omnium curam habens, omnia omnibus fiat, ut omnes lucrifaciat. Oportet ut habeat ad regendum virgam et baculum: ad sanandum, vinum et oleum; ad charitatis et castitatis exemplum, rosam et lilium; ad offerendum sacrificium, ignem et gladium. Oportet insuper ut habeat ad pascendum, panem in pera, ad coercendum et urgendum, fenum et calcaria, ad terrenum, canem in fune; ad pungendum, in funda lapides de torrente; ad animandum et exterminandum, tubam a dextris, et lagenam a sinistris; ut pro salutis verbo quod prædicat, etiam liberis, si necesse fuerit, moriendo succumbat, et pro ovibus suis animam ponat (*Juan. x*). Talibus omnino deesse non credimus post contractionem lagenarum, quod

C fungentur adversarii, lumen ardentium lampadarum, sive claritatem bonæ opinionis, per meritum, sive effectum operationis in ostensione virtutis. Multitudo talium sapientium, est sanitas orbis terrarum, quia « nec Salomon in omni gloria sua, coopertus est sicut unus ex istis (*Matth. vi*), » qui talibus est redimitus insignibus. Oportet præterea ut rector, sicut cæteris præfertur officio, sic bonæ conversationis eos invitet exemplo, « sicut aquila provocans ad volandum pullos suos et super eos volitans (*Deut. xxxii*). » Quomodo enim potest aquila provocare pullos suos ad volandum, nisi super eos volitet? est qui infra, est qui juxta, et est qui supra pullos suos volitat. Infra volitat aquila, D quando vitæ subditorum vita pastoralis inferior, humilior et despectior invenitur. Juxta volitat, quando vita ejus communis est cæteris et æqualis. Sed supra pullos suos volitat, quando eos quædam prærogativa sanetitatis excellit, ut et viam doceat, ante alios volando, et sit eis in umbraculum dici ab æstu, consolationis, exhortationis et orationum suffragiis protegendo. « Post mortem Josue consulæruunt filii Israel Dominum dicentes: *Quis ascendet ante nos contra Chananeam, et erit dux belli?* (*Judic. i*). Non dicunt: *Quis ibit nobiscum, aut qui sequetur nos?* cum illud pertineat ad communem et promiscuam multitudinem, sed: *Quis ascendet ante nos, et erit dux belli?* Dux belli merito vocatur, qui alios ducere, alios solet animare, et in

omni periculo, ante omnes alios primus ire. Hinc illud egregium in laudem Cæsaris habetur, quod nunquam in aliquo periculo dixerit militibus suis: Ite illuc, sed: Venite huc. Unde satis eleganter quidam admonet, dicens:

*In commune jubes si quid, censesque tenendum,  
Primus jussa sibi, tunc observantior æqui  
Fit populus, nec ferre negat, cum viderit ipsum  
Auctorem parere sibi; componitur orbis  
Regis ad exemplum; nec sic inflectere sensus  
Humanos edicta valent, quam vita regentis.*

« Sic cæpit Jesus facere et docere (Act. 1), » et a nobis requirit, ut os ad axellas retorqueamus ut gladium ponamus super femur nostrum (Gen. xxvi), ut aquam ipsi bibamus de cisterna nostra (Prov. v. 1). Et de angelo in Apocalypsi de cælo descendente legitur, quod libellum habuit in manu sua (Apoc. x). Libellum angelus in manu habet, quando nuntius verbi Dei, mandata divinæ legis, quæ aliis prædicat, ipse bonis operibus adimplet. « Paravit, » inquit, « eos in innocentia cordis sui, et in intellectibus, » id est in operibus intellectualiter factis « eduxit eos (Psal. lxxvii); » intellectum manuum, actualem vocans intelligentiam. Et hæc dicta sint, ut rectoribus pastoralis commendetur cura sollicitudinibus, e. non tam honoris quam periculosi oneris debeant meminisse, cum audiunt, *Rectorem te constituerunt*, etc. Non enim ausu temerario irruerunt, nec auctoritate propria præsumpserunt, nec per violentiam intruserunt, sed, *constituerunt*, id est simul unanimi consensu, pari voto, communivoluntate et canonica electione statuerunt. Cum enim ad omnimodam perfectionem teneantur prælati (unde cis et aurea debetur, et aureola) exactiore diligentia debet examinari, quicumque digne ponendus est pastor populi Dei; ad colendum, ad regendum et ad dispensandum patrimonium Crucifixi. Nemo etiam sibi assumit honorem (id est assumere debet honorem) nisi qui vocatur a Deo, tanquam Aaron. Vocatur autem a Deo, si dicitur qualis debet, et qualiter decet, et a quibus oportet, qui habeant et cogitationem veri, et electionem boni; cognitio enim veri non permittit errare iudicio; electio boni, amore facit inhærere divinæ voluntatis arbitrio. Vocatur etiam a Deo, si nec per violentiam superioris intruditur, nec gratia privati amoris assumitur, nec ambitione prælationis ingreditur; hæc enim tria, scilicet violentia, privatus amor et ambitio promovere solent indignum. Caveant proinde qui in gradu sublimiore positi sunt, nec propter potestatem sibi concessam, injuste aliquid disponant nec indignum violententer intendant; quia sicut habetur in Jure: « Privilegium meretur amittere qui permissa sibi abutetur potestate. » Videant et recogitent, qui privato amore se diligunt, qui obscurato orationis oculo, quod justum est liquide non discernunt, dum in alteram semper partem, aut gratia labuntur, aut odio: quasi enim duplex quartana est, gratia et odium, cui sola justitia medicinale apponit an-

tidotum. Caveant et illi quos torquet ambitio magistratus, ne dum gradum se putant conscendisse supremum, usque ad infimum relabantur, et elevati supra se, infra deiciantur, sicut scriptum est: « Dejecisti eos, Domine, dum allevarentur (Psal. lxxii). » Caveant ne aliunde quam per ostium in ovile ovium intrare concutur; ne non tam pastores quam fures et latrones summi Pastoris iudicio reputentur; et vestem nuptialem non habentes, a cælestibus nuptiis excludantur, « et mittantur in tenebras exteriores, ubi erit fletus, et stridor dentium (Matth. viii). » *Fletus est oculorum*, qui provenit ex calore; *stridor dentium*, qui contingit ex frigore; quia in tormentis positi, transibunt (sicut dicitur) ab aquis nivium ad calorem nimium (Job xxiv). Mundus eris a sanguine isto, si tu, *cajus* interest domui Dei dignum ordinare ministrum, juris ordium non excedas; si de aliorum jure tibi nihil usurpare præsumas; si absque omni personarum acceptione, eum qui vocatur a Deo, canonica electione instituas, et talem, qui juxta prophetam (Jer. 1), « evellat et destruat, disperdat et dissipet, ædificet et plantet; » evellat, inquam, vitium, ubi radicem jam fixit; destruat quod in altum jam pullulavit; disperdat, quod per pravam consuetudinem inolevit; dissipet, quod alios exemplo pravitatis infecit; ædificet denum, aurum, argentum, lapides pretiosos, ubi naturale repererit fundamentum, et animum ad bonum dispositum; plantet in terra cordis (cum arata fuerit et purgata diligenter, ac impinguata) fidei germina, plantaria virtute; ut sit in domo Dei hortus deliciarum, in suavi jucunditate communiter viventium; hortus nucum in duritia et asperitate penitentium; flores rosarum, in ferventi charitate Deum amantium; lilia convallium, in emittenti castitate humilium: et postremo, paradus pomorum omnium, in dulcedine æterna jam prælibantium, et spirantium longe lateque bonæ opinionis odorem, imitationis exemplum. Huic autem qui taliter est a Deo vocatus, et canonica electione taliter est constitutus, nihil tam necessarium, quam ut virtutem humilitatis custodiat: « Quia qui sine humilitate, ut dicit S. Gregorius, virtutes congregat quasi in ventum pulverem portat. » Unde Sapiens, inter cætera quibus rectorem instruit, ne extollatur admonet, dicens: *Rectorem te constituerunt, noti extolli. Noti extolli; bestia diversorum capitum, quæ ex diversis causis trahit originem, superbia est, quæ natione cælestis, sublimium mentes inhabitat, in cinere latitat et silice, prima suscipit venientes, ultima recedentes insequitur.*

*Cum bene pugnabis, cum cuncta subvicta putabis,  
Quæ post infestat, vincenda superbia restat.*

Hæc illa primogenita lilia regis Babylonis, quæ angelum deiecit de cælo, hominem expulit de paradiso; quia ante ruinam exaltatur cor (Prov. xvi): hæc e lampadibus fatuarum virginum effundit liquorem olei; hæc jejunantes, et operantes evacuat,

et annihilat opera Pharisæi; hæc plerosque qui videbantur evasisse mundi diluvium, retraxit ad vitiorum profundum, quia non habuerunt humilitatis stabile fundamentum. Dominus noster magister humilis formam humilitatis in se nobis expressam ostendens, *Discite, inquit, a me, quia mitis sum, et humilis corde (Matth. xi)*. B. Antonio in visione videnti laqueos tenso usque ad cælum, cum quæreretur, et quæreret, quisnam pertransiret omnes laqueos illos? cœlitus responsum est: Antoni, solâ humilitas. Abraham pater vester, cinerem se vocat et pulverem (*Gen. xviii*); David electus a Deo, et unctus in regem, canem mortuum, et pulicem unum (*I Reg. xxiv*); et in conspectu servorum suorum, et ancillarum suarum, ludit et vilem se facit coram Domino, qui elegit eum potius quam Saul. Et id quidem provide satis, et juste, si enim rerum status, recto ordine et æquo libramine pensaretur, omnis occasio superbiendi certa esset causa et materia homini se humiliandi. Si præfulgens scientia, si præmines potestate, si diversis gratiarum dotibus insignitis, « nihil habes quod non accepisti, da gloriam Deo, et quanto major es humilia te in omnibus (*I Cor. iv*). » Si splendor domesticus, si præclara patrum memoria, si gloria sanguinis alti animos tibi tollit, memento, quia gloriosissimus multo est, ut a te tua nobilitas incipiat, quam ut in te desinat. Satius est, ait ille Romani maximus auctor eloquii, satius est, me meis rebus gestisque florere, quam majorum opinione niti; et ita vivere, ut sim posteris meis nobilitatis initium, et virtutis exemplum.

*Mælo pater tibi sit Tersites, dummodo tu sis  
Ejacidæ similis, Vulcaniaque arma cupessus;  
Quæam te Tersitæ similem producat Achilles:*

ait ille, nescio quis.

Et item:

*Stemmata quid faciunt, quid prodest, Pontice,  
[longo*

*Sanguine censeri, pictos ostendere vultus  
Majorum, stantes in curribus Æmilianos?*

Et hoc « vanitas, vanitas vanitatum, et omnia vanitas (*Eccli. i*). » Si recte infirmitatem propriam consideras, si te pudet præteritæ conversationis, si suscepti beneficii memor sis, si tibi colligis et comparas multos te meliores, si timorem extremi examinis ante oculos ponis, recte videbis novissima tua, et in æternum te non exaltabis. De primo exemplum habes in prædicto Abraham, qui propriam infirmitatem considerans, quo frequentius a Domino visitatur, et familiarius ad ejus admittitur colloquium, eo humiliter de se sentiens, « Loquar, inquit, ad Dominum meum, cum sim pulvis et cinis (*Gen. xviii*). » De secundo exemplum habes in apostolo Paulo, qui præteritæ conversationis errores in mentem revocans. « Qui prius, inquit, fui Blasphemus et persecutor, non sum dignus vocari apostolus, quia persecutus sum Ecclesiam Dei (*I Tim. i*). » De tertio exemplum habes in Joseph, qui suscepti beneficii memor. « Non est, inquit,

quidquam in domo domini mei, quod non dederit in manu mea, præter te, quæ uxor ejus es; et quomodo possum hoc malum facere, et peccare in Dominum meum? (*Gen. xxxix*). » De quarto exemplum habes præclarum in sancto Joanne Baptista, qui cum esset testimonio veritatis, aut maxime, aut certe par maxime, in comparatione melioris multum se humiliavit, dicens: « Non sum dignus ut solvam corrigiam calceamenti ejus (*Joan. i*). » De quinto exemplum habes in beato Arsenio, qui timorem Dei mente gerens, propter abundantiam lacrymarum, continue legitur pannum in sinu gestasse, et cum in extremis ageret, interrogatus an ipse timeret: « Timeo, inquit, timeo, et hic timor semper in me fuit, ex quo factus sum monachus.

B Væ omni laudabili etiam vitæ hominum super terram, si remota misericordia discutias eam, Domine Deus. Nemo mundus a sorde, et omnes justitiæ nostræ quasi pannus menstruæ in conspectu Altissimi. » Præmissis auctoritatibus et exemplis, rectoribus virtus humilitatis proponitur, commendatur, et approbatur, ut si forte superius a Deo vocati fuerint, et præclare quid egerint, non statim eleventur, sed potius firmissime teneant admonitionem Sapientis, qua docet: *Rectorem te constituerunt, noli extolli, sed esto in illis, quasi unus ex ipsis. Esto, inquit, in illis, quasi unus ex ipsis; hic notatur vitæ conformitas, ad observantiam charitatis. Nihil ita facit ad observantiam charitatis, nihil æque favorem et gratiam comparat aliorum, quam si in alto non altum sapias, sed consentias humilibus, et eis conformiter vivens, sis in illis quasi unus ex ipsis.*

*Esto, inquit, in illis quasi unus ex ipsis, ut illorum prorsus induens affectum, et gaudeas cum gaudente, et dolenti condoleas, et cum infirmo noveris infirmari, et uri cum scandalizato. Esto in illis quasi unus ex ipsis, in affabilitate colloquii, in provisione subsidii, in perceptione commodi, in æquitate judicii quæ maxime videntur pertinere ad conformitatem vivendi. In affabilitate colloquii, ut abundes animi sale cum consuleris, melle cum consulis, ut piæ consolationis solatiis attracta currat ovicula tua, colligatur, et quiescat in sinu pastoris, ut ex ore tuo dulcedinem percipiat unctionis, non asperitatem duræ sentiat punitionis. In provisione subsidii, ut eorum in omnibus provideas necessitati, sicut tibi velles in similibus provideri; lex enim naturalis est, « Quæ vultis ut faciant vobis homines, hæc et vos illis similiter facite (*Matth. vii*). » In perceptione commodi, ut nec habitus cultior, nec victus accuratior, nec lautior apparatus quæratur, sed ita de communi suppleatur necessitas, tu omnis superfluitas præcidatur, et sic observetur pacis unitas, et concordia charitatis. « Carnis curam ne feceritis in desideriis (*Rom. xiii*), » ait Apostolus. Dicens: *Carnis curam ne feceritis, præcidit superflua; addens, in desideriis, non excludit necessaria. Porro in æquitate judi-**

ciii, esto in illis quasi unus ex ipsis, ut eo modo de aliis iudices, quo te velles ab aliis iudicari; et eo spiritu accedas ad aliorum corripiendos et corrigendos excessus, quo tuos et corripi velles et corrigi. Nunquam enim, ut ait S. Augustinus, nunquam alieni peccati corripiendi suscipiendum est negotium, nisi quando coram Deo liquide nobis conscientia nostra responderit ex dilectione nos facere. Si corripis, ex dilectione corripe, et salva sunt omnia, habe charitatem, et fac quod vis. Sunt tamen quidam, qui in hac parte minus æquales in iudicando, in seipsos nimis propitii et humani, alios, sicubi forte erraverint, severius quam verius iudicantes, et nihil se fecisse arbitrantur, nisi ad singulos subditorum excessus, mordeant, latent et occidant: et videri volentes se exercere justitiam, tyrannidem incurere non formidant. Statera et statera, pondus et pondus, utrumque abominabile est apud Deum. Apud tales melius recipitur sententia illorum, qui fastidiose conclamantes, dixerunt: « Tolle, tolle, crucifige, crucifige illum (Joan. xix), » quam illud benignum benigni iudicis iudicium, « qui sine peccato est vestrum, primus in eam lapidem mittat (Joan. viii). »

A Non sic sanctus ille, non sic, qui cum audivisset alium graviter peccasse, statim prorupit in fletum, dicens: « Ipse hodie, ego eras. » Tu itaque Pastor bone, summi Pastoris imitare exemplum, esto in illis, quasi unus ex ipsis, ut pietatis indutus affectum, sis affabilis in communiione colloquii; sis prudens et sollicitus in provisione colloquii; sis parcus, et tibi minus indulgens in perceptione commodi; sis justus et rationabiliter incedens in æquitate iudicii, aut certe misericordiam superexaltans iudicio, ut idem consequaris et ipse. Hanc autem misericordiam quam ultimo tetigimus, quia in ultimis maxime indigebimus, nobis omnibus Pater misericordiarum concedat, et qui nos vocavit in opus sollicitudinis hujus, ipse in nobis, et pro nobis bonum promoverat: et qui sine ipso nihil possumus facere, quemadmodum nec palmes fructum ferre, nisi manserit, in vite, ipse nos tanquam veros palmites; perpetuo manere faciat in se, vera vite, ut postremo perveniamus ad ipsum fontem vitæ, Jesum Christum Dominum nostrum, cui est honor et gloria in sæcula sæculorum. Amen.

## SERMO SECUNDUS.

*Si quis diligit me, sermonem meum servabit; et Pater meus diligit eum, et ad eum veniemus, et mansionem apud eum faciemus (Joan. xiv).*

Cum sit perdifficile negotium in multitudine loqui, ubi ætatis et morum diversa conditio est, non sine verecundia in tam reverendo Collegio injunctum onus loquendi suscipio, cui nec scientia suppetit ad doctrinam, nec ad exemplum sufficiens vitæ meritum suffragatur. Memor tamen quia subjugale mutum corripuit prophætæ insaniam, et leprosi salutem Samariæ nuntiabant (Num. xxi; IV Reg. vii); tutius et liberius exemplo hoc, fungar vice cutis, acutum quæ ferrum valet reddere, licet expers ipsa secundi. Proinde, « Recordare mei, Domine, omni potentatui dominans, et da sermonem rectum et bene sonantem in os meum, ut placeant verba mea tibi pro aliis, et tam pro me, quam pro aliis placent te. » Placebunt autem si prudenter et recte per discretionis providentiam exquisita, et ad virtutem audientium, cum omni fuerint humilitate probata; placebunt vero, si verborum virtute compuncti peccatores, ad pœnitentiam convertantur, pigri et desides ad curandum fortius animentur, fortes et alacres, in amorem Dei firmius solidentur. Tota sane intentionis summa circa tria debet versari, ut ad ampliorem dilectionem corda audientium moveantur, et de diversis mundi partibus congregatos illo uos igne per Spiritum sanctum contingat cœlitus in-

flammari, quem Dominus noster Jesus Christus misit in terram (Luc. xii), et voluit vehementer accendi.

Hujus rei experimentum non fallax, sed certitudinis evidentissimum est argumentum, si professioni voci opera ipsa respondeant, et dilectionis meritum emendet executio mandatorum. Quia juxta venerabile dictum sancti Gregorii, « probatio dilectionis, exhibitio est operis. » Hinc est quod in hodierno evangelio Dominus Jesus dilectus Sponsæ, candidus et rubicundus, veros et dilectos dilectores suos, a fecte diligentibus eum, manifestis indicibus, et trita ratione distinguens, ait: *Si quis diligit me, sermonem meum servabit.* In quibus verbis, ostenditur conditio propositi, executio mandati, consecutio utilitatis et commodi. Conditio propositi, ut, *Si quis diligit me.* Executio mandati, ut, *sermonem meum servabit.* Consecutio utilitatis commodi, attenditur in tribus membris consequentibus: *Pater meus diligit eum, et ad eum veniemus, et mansionem apud eum faciemus.*

Conditio propositi removet violentiam, et statuit libertatem arbitrii. Executio mandati, parit obedientiam, et tendit ad expectationem promissi. Porro, consecutio utilitatis et commodi, in juvenitate spiritus jam ex parte prælibat delicias æterni præmii. Auctor universitatis et Dominus, primum hominem in sui conditione, libero donavit arbitrio, quo non solum liber esse posset a ne-

cessitatis coactione, verum etiam a peccato, et miseriarum perpeſsione. Post prævaricationem mandati, libertas illa depressa est, et ex magna parte jam perditâ, adeo ut nec sine peccato possimus vivere in isto corpore mortali, nec etiam diversis miseris pro status varietate, quotidie non turbari; sicut scriptum est: « Homo natus de muliere, brevi vivens tempore, repletur multis miseriis (Job xiv). » Interim manet libertas a necessitate, post peccatum, æque ut ante; quia sicut tunc cogi non poterat, ita nec modo. Manet utique libertas voluntatis, uti etiam sit ipsa capacitas mentis. Quoniam, sicut ait beatus Bernardus (*De gratia, et libero arbitrio*), « nec peccato, nec miseria amittitur vel minuitur, nec major est in justo quam in peccatore, nec plenior in angelo quam in homine: siquidem tam plena est in malis quam in bonis, sed in bonis ordinatior. Tam integra (pro suo modo) in creatura quam in Creatore, sed in illo potentior et gloriosior, et ideo, voluntas apud Deum merito judicatur, quæ ab omni necessitate libera, potest pœnam mereri vel gloriam. » Illiccirco Dominus noster neminem violenter impellit, neminem ex necessitate constringit, non destruens, sed statuens libertatem arbitrii, ut ex voluntate meritum augeatur; quia neminem judicat salute dignum, quem prius non probaverit voluntarium. Omnibus sub libera conditione proponit: *Si quis diligit me*, etc. Nullus decipitur, nullus excluditur vel excipitur, sed: *Si quis diligit me, sermonem meum servabit*. Inter omnia præcepta quæ fidei Christianæ cultoribus proponuntur, sola dilectio cujusdam excellentiæ præeminet dignitate, quoniam ipsius testimonio Veritatis, « Primum et maximum est mandatum: Diliges Dominum Deum tuum ex toto corde, et tota anima tua, et ex tota mente tua (*Marc. xii; Luc. x*). » In hoc enim præcepto, totius philosophiæ disciplinæ continetur integritas. Hic physica, quia omnes omnium naturarum causæ a Deo sunt. Hic ethica, quia morum nunquam formatur honestas, nisi cum ea quæ diligenda, et quomodo diligenda sunt, diliguntur. Hic logica, quia lumen et veritas animæ rationalis, non nisi in Deo, vel Deus. Hic reipublicæ salus, quia civitas nunquam bene custoditur, nisi quando commune bonum diligitur, quod est Deus. Et ideo, mandatum de dilectione nobis proponitur, et præponitur aliis mandatis, sine qua sola salus haberi non potest: *Diliges Dominum Deum tuum*. Tunc bene diligis, si in præſenti nihil contra Deum; in futuro nihil diligas præter Deum. *Diliges Dominum Deum tuum*. Tunc bene diligis, si omnes motus tui sint de Deo, si ad Deum. Sunt autem quidam motus, neque de Deo, neque ad Deum, ut quando movemur ad carnalem concupiscentiam, ad furtum, homicidium, et his similia: Quidam vero sunt motus de Deo, sed non ad Deum, ut quando movemur ad illicitum juramentum, vel blasphemiam. Sunt etiam quidam motus ad Deum

PATROL. CCIX.

A sed non de Deo, ut quando necessitatibus proximorum subvenimus misericorditer. Denique sunt quidam motus de Deo, et ad Deum, et hi in futuro, quando eum et sine difficultate videbimus, et perfecte diligemus, et ipso sine aliqua interruptione fruemur. Et ergo Deus diligendus, et ob sui meritum, et ob commodum nostrum; sive, quia nihil justius, sive quia nihil potest fructuosius diligi. Si causam quæris, et modum, sicut ait Pater noster: « Causa diligendi Deum, Deus est, modus, sine modo diligere (*S. Bern. tract. De diligendo Deo*). » Nec absque præmio diligitur Deus, et si absque præmii intuitu sit diligendus; se dedit in meritum, se servat in præmium; se apponit, refectionem animarum sanctarum, se in redemptionem distrahit captivorum. Talem itaque *Dominum Deum tuum diliges ex toto corde tuo, ex tota anima tua, et ex tota mente tua*; id est intellectu sine errore, voluntate sine contrarietate; memoria sine labore. Quod quidem ex parte nunc est in via quandoque perfectius erit in patria. Ad hanc dilectionem sicut omnes benignus Magister invitat, ita omnibus ad sui cognitionem, argumentum probabile præstat, ut si vere Deum diligunt, id operum veritate demonstrent.

Hinc est ergo quod dicit: *Si quis diligit me, sermones meos servabit*. Sermo tuus, Domine, sermo tuus veritas est, veritas Dei una est, qua illustrantur animæ sanctæ; sed in hominibus plures sunt veritates, sicut ab una facie, plures in pluribus speculis refulgent imagines. Itaque, sermonem Dei servare, est in veritate ambulare, veritatem ex corde et ore proferre, secundum veritatem judicare, pro veritate libenter occumbere. Primum pertinet ad vitæ innocentiam; secundum, ad fidei constantiam; tertium, ad justitiæ executionem; quartum ad perfectissimam charitatem. « Majorem enim hac dilectionem nemo habet, etc. (*Joan. xv*). » Ergo in primo est homo simplex et rectus; in secundo, confessor invictus; in tertio, cognoscitur iudex justus; in quarto, victor mortis ostenditur gloriosius. In primo, vivit homo sine fermento malitiæ; in secundo, ambulat sine duplicitate; in tertio, gratiam excludit et odium; in quarto, acceptabile seipsum Deo offert holocaustum. De primo dicitur: « Deduc me, Domine, in via recta, et ingrediar in veritate tua (*Psal. lxxxv*). » De secundo: « Sit sermo vester: Est, est, Non, non (*Matth. v*). » Est autem sermo noster: Est, est, Non, non, quando duplici veritate, cordis videlicet et oris aliquid asserimus vel negamus; et sicut electi, pro hac duplici veritatis confessione, vestientur duplicibus, et in terra duplicia possidebunt; sic reprobi, qui in corde et corde loquuntur, pro falsa duplicitate, induentur sicut diploide confusionem suam, et duplici contritione coarctet eos Dominus Deus noster. De tertio dicitur juste: « Indica proximo tuo (*Levit. xix*). » Hoc indicium veritatis in se commendat Dominus, dicens: « Sicut audio, iudico, et

32

judicium meum justum est (*Joan. v.*) » Hoc judicio A  
 veritatis Daniel liberavit Susannam (*Dan. xiii*),  
 misericors Jesus liberavit in adulterio deprehensam  
 (*Joan. viii*). Salomon veræ matri proprium filium  
 reddidit, et per sententiam mortis eum a gladii  
 morte liberavit, ne gladio divisus interiret (*III Reg.*  
*iii*). Ergo ne moriatur, morti adjudicatur. Hoc ju-  
 dicium veritatis impugnant timor, odium et amor.  
 De judicio timoris dicitur : « Si dimittimus eum  
 sic, omnes credent in eum (*Joan. xi*). » De judicio  
 odii : « Tolle, tolle, crucifige eum (*Joan. xix*). »  
 Ad judicium amoris pertinet, quod David dicit :  
 « Parcite filio meo Absalon (*II Reg. xviii*). » Porro,  
 de quarto divisionis membro, ipse Dominus dicit :  
 « Nolite timere eos qui occidunt corpus, animæ  
 autem non habent quid faciant (*Matth. x; Luc. xii*). »  
 Hac animati fiducia, « ibant apostoli gaudentes a  
 conspectu concilii, quod digni habiti essent pro  
 nomine Jesu contumeliam pati (*Act. v*). » Hac ani-  
 mati fiducia, « sancti ludibria et verbera experti,  
 insuper et vincula et carceres, lapidati sunt, secti  
 sunt, in occisione gladii mortui sunt pro Christo  
 (*Hebr. xi*), » qui veritas est. Ut igitur sermo Christi  
 vere servetur, qui privatam vitam agit, simpliciter  
 ambulare studeat in veritate. Qui requisitus fuerit  
 testimonium perhibere veritati, sine timore, sine  
 ambiguitate, vel duplicitate, veritatem studeat ex  
 corde et ore proferre. Qui locum tenet judicis,  
 sine personarum acceptione, secundum veritatem  
 studeat judicare. Cui vero, causa, locus et tempus,  
 juxta rationem persuaserint animam ponere pro  
 veritate, non dubitet libenter occumbere. Secundum  
 diversas hominum qualitates, differentiam gra-  
 dum, et gratiarum diversitates, diversis modis  
 curritur via mandatorum Dei, et sermo Dei varie a  
 variis adimpletur. Job per patientiam, Abraham per  
 obedientiam, per castitatem Joseph, Moyses man-  
 suetudine, constantia Josue præminebat, et qui-  
 libet eorum pro modo suo placuit Deo, et inventus  
 est justus. David humilis saltando placuit, non  
 propter saltum, sed propter devotionem. (*I Paral. v*).  
 Filii Israel cantaverunt Domino, et de perceptis  
 beneficiis gratias exhibentes, accepti sunt ei. Tu  
 vero, quisquis es, qui placere contendis, si tibi vox  
 est, canta; si mollia brachia, salta, et quacun-  
 que potes arte placere, place. Non dico tamen homini-  
 bus, sed Deo : « Si enim hominibus placerem, ser-  
 vus Christi non essem (*Gal. i*), » ait ille discipulus  
 Jesu, verus servus Christi. Omnipotens Deus qui  
 omnes potenter creavit, misericorditer omnes re-  
 demit, non despicit personam pauperis, nec ho-  
 norat vultum potentis, cujuscumque sit gradus,  
 ordinis, vel dignitatis; in omni gente vel natione,  
 qui facit voluntatem ejus, acceptus est ei; qui res-  
 pexit ad Abel et munera ejus (*Gen. iv*), non pluris  
 appreciatur dimidium bonorum Zachæi, quam duo  
 minuta viduæ, quam calicem aquæ frigidæ de manu  
 pauperis, quam is ex bona voluntate dedit; sacrifi-  
 cium bonæ voluntatis facit,

*Ut veniat pauper quoque gratus ad aram,  
 Et placeat celo non minus agna bove..*

Cum igitur Dominus noster medium et com-  
 mune se præstat omnibus, ita ut nullus sit  
 qui de venia debeat desperare, non cogendo,  
 sed proponendo, ad dilectionem sui, et manda-  
 torum executionem æqualiter omnes invitat,  
 dicens : *Si quis diligit me, sermonem meum serva-  
 bit, etc.* Sed « ecce, nos reliquimus omnia, et se-  
 cuti sumus te, Domine (*Matth. xix*); » ecce dili-  
 gimus et diligemus te, sermonem tuum servamus,  
 et in ævum (te donante) servabimus, sed quo  
 fructu? quo præmio? Jesu bone, bone Jesu, quid  
 dabis nobis? Pater, inquit, meus, diligit eum, et  
 ad eum veniemus, et mansionem apud eum fa-  
 ciemus.

Hæc est prima quam prædiximus consecutio uti-  
 litatis et commodi, quæ triplex in se continet bo-  
 num; primum videlicet, in scuto voluntatis bonæ,  
 secundum in frequentia visitationis, tertium in  
 perseverantia felicitatis. Primum est in affectu, se-  
 cundum in effectu, tertium sine defectu; ut diligit,  
 ut veniat, ut maneat. Felix ille quem diligit, feli-  
 cior ad quem diligens venit, felicissimus, in quo  
 sedem et mansionem facit. Porro, diligere Dei  
 tripliciter accipitur : *Diligit*, id est ad vitam præ-  
 destinatus, et ita diligit solos prædestinatos; *diligit*,  
 id est in tempore gratiam apponit, et ita diligit in  
 justitia bonorum operum ambulantes : *Diligit*, id  
 est in suo esse conservat, et ita diligit omnia. Unde  
 scriptum est : « Nihil odisti eorum quæ fecisti  
 (*Sap. xi*). » Ad illos autem quos diligit, frequenter  
 venit, sed veniendi causa diversa est. Venit enim  
 tanquam iratus, tanquam hospes. Tanquam mer-  
 cator, tanquam magister, tanquam iratus, tanquam  
 medicus, aut tanquam hospes. Tanquam mercator,  
 affluentiam temporalium largiendo, ut per ea sic  
 alliciat ad fidem, et mandatorum custodiam, sicut  
 dicitur : « Dedit illis regiones gentium, et latroes  
 populorum possederunt, ut custodiant justitiam  
 ejus, et legem ejus requirant (*Psal. civ*). » 2<sup>o</sup> venit  
 tanquam magister, ut instruat, occulta inspiratione  
 insinuans voluntatem suam, timentibus nomen  
 suum, sicut scriptum est : « Audiam quid loquatur  
 in me Dominus Deus (*Psal. lxxxiv*). » Audiam qui  
 loquatur, ut obaudiam ei qui loquitur. Et in Isaia  
 legimus : « Ego Dominus docens te utilia, et gubernans  
 te in via qua gradieris (*Isai. xlviii*), » quasi  
 Dei virtus. Sapientia, qua docta Græcia nihil habet  
 sublimius; virtus, quæ sufficere potest. 3<sup>o</sup> Judæis  
 signa quærentibus, venit tanquam iratus, ut feriat  
 variis tentationibus, injuriis, damnis rerum, mole-  
 stiis corporum, affligens et crucians, ut a malo  
 removeat, promoveat ad bonum. « Imple facies  
 eorum ignominia, et quærent nomen tuum, Domine  
 (*Psal. lxxxii*), » ait Propheta. Et illud : « Multipli-  
 catae sunt infirmitates eorum, et postea quid factum  
 est? « acceleraverunt » ad correctionem (*Psal. xv*).

Asina enim Balaam afflicta, quandoque angelum; A videt, quem ipse propheta non videt (*Num. xxii*) quia caro molestiis oppressa, spiritum ad sui cognitionem ducit, quam in statu prosperitatis habere non potuit.

4° Venit tanquam medicus, ut sanet, semivivi vulneribus oleum et vinum infundens (*Luc. x*), et non solum lavans maculas peccatorum, sed etiam languores corporum curans, sicut ait de puero centurionis: « Ego veniam et curabo eum (*Math. viii*). » Tanquam medicus sapiens et potens, occidit et vivificat, percutit et sanat: « Ego, inquit, occidam, et ego vivere faciam, etc. (*Deut. xxxii*), » occidam in eis vitam culpæ, quia in voluptatibus carnis, et deliciis viventes, mortui sunt, et ego vivere faciam, in statum meliorem mutatos, vitam gratiæ illis tribuendo, ut postremo perveniant ad vitam gloriæ, de qua dicitur: « Cum enim Christus apparuerit vita vestra, tunc et vos apparebitis cum ipso in gloria (*Coloss. iii*). »

5° Venit tanquam hospes, trauseundo per infusionem gratiæ, affectum devotionis indulgens, et pro conservatione humilitatis utiliter ad tempus se subtrahens. « In momento, inquit, indignationis meæ, abscondi parumper faciem meam a te, et in misericordiis sempiternis recordatus sum tui (*Isa. liv*). » Illi autem per quos frequenter transitum facit, de facili obtinebunt ut maneat, si cum venerit, inveniat domum paratam, et virtutibus ornatam. Quod figuratiter innuit Sunamitis illa, quæ de Eliseo ad virum suum loquens, dicit: « Animadvertito, quod vir Dei sanctus est iste, qui per nos transiit frequenter; faciamus ergo ei cœnaculum parvum, et ponamus in eo lectulum, et mensam, et sellam, et candelabrum, ut cum venerit, maneat ibi. Facta est igitur dies quædam, et veniens divertit in cœnaculum, et requievit ibi (*IV Reg. iv*). » Congruus ordo per omnem modum. In die venit, in die divertit, et in die requievit; nimirum, dies ille in quo tenebræ non sunt ullæ. Sit ergo cœnaculum, cor hominis ad superna suspensum; sit parvum, quod se in humilitate contineat, ponatur ibi lectulus, ut a mundanarum rerum strepitu semotus, quiescat; sit mensa refectionis, ut sacræ Scripturæ ferculis diversis se pascat; sit sella discretionis, ut opera sua discernat et dijudicet, et seipsum districte judicet. Postremo, sit ibi candelabrum, ut claræ opinionis radios circumquaque diffundat. Est itaque cœnaculum idoneum ad hospitem suscipiendum; parvum ad humilitatis solidamentum; est lectulus, ad dulcedinem contemplationis; est sella, ad cautelam et discretionem iudicii; est candelabrum positum in sublimi, ad exemplum bene vivendi, ut luceat omnibus qui

sunt in domo Dei. Taliter oportet ornatur et ordinatur domus interioris hominis nostri, ut cum venerit ad nos verus Eliseus, et ita invenerit, non transeat, sed maneat ibi: « Mane nobiscum, Domine, quoniam advesperascit (*Luc. xxiv*), » et nobis omnibus dies extrema est, vel in insidiis; *Mane nobiscum*, ut et nos maneamus in te. Quia si manserimus in te, manebis in nobis, et sic erit nobis plenum gaudium de ea quam prædiximus perseverantia felicitatis. Omnium quippe laus in fine canitur, et inter virtutes, sola perseverantia coronatur. Cujuslibet causæ iudicium, ab extrema solet expectari sententia; quoniam sicut causa est cum proponitur, iudicium cum discutitur; sic sententia dicitur, cum terminatur. Nec ante licet conqueri de iudice, quam fuerit promulgata sententia; ut tunc potissimum liceat probare vel improbare iudicium, cum jam fuerit per sententiam terminatum. Sic serenum matutini solis ortum subsequens tempestas obnubilat, et temporis intemperiem, et pluviarum injuriam quandoque clementior aura serenat: ut semper vespere laudari possit serena dies; cuius enim finis bonus est, ipsum quoque totum bonum est. Sic Jesus, « cum dilexisset suos qui erant in mundo, in finem » quoque « dilexit eos (*Joan. xiii*). » Ad hoc facit, quod Abraham obit plenus dierum (*Gen. xxv*). Quod David videt angelum in tempore sacrificii vespertini. Quod Jesus in cruce moritur. Quod inter fratres, Joseph tunica talari induitur (*Gen. xxxvii*). C Ad hoc facit, quod apostoli jubentur excutere pulverem de pedibus (*Math. x*), in quibus finis est corporis: quod mulieres post resurrectionem, accesserunt, et tenuerunt pedes Jesu. Tenui eum, nec dimittam, ait illa diligens et dilecta. Sic (quod pene prætermiseram) Israel diligebat Joseph super omnes filios suos (*Gen. xxxvii*), eo quod in serectute sua genuisset eum. Quia quilibet justus videns Deum aut humiliter per Scripturarum intelligentiam aut, certe dulcius per morum experientiam, illud opus bonum quod ei augmentatur ad præmium (Joseph enim interpretatur *augmentum*) specialiter amplectitur, et salvum sibi reputat, quod perseverantia senectutis commendat; præviis auctoritatibus et exemplis, virtus nobis perseverantiæ commendatur; cui summo studio debemus intendere, qui volumus ad æternam requiem pervenire. Maneamus igitur in dilectione Dei, et sermonem ejus servemus, ut qui prior dilexit nos (*Joan. iv*), ipse amplius nos diligat, et ita diligat, ut per frequentiam visitationis et consolationis ad nos veniat, et ita veniat, et non transeat, sed in nobis sedem æternam et mansionem faciat Jesus Christus. Amen.

## TRACTATUS DOMNI THOMÆ

MONACHI DE RADOLIO,

DE

VITA VEN. PATRIS DOMNI PETRI,  
ABBATIS CLARÆ-VALLIS<sup>(1)</sup>,

QUEM

Ex codice Trecensi, sæculi XIII, n° 1133 inscripto, descripsit et primum integre  
publici juris fecit PH. G.EPISTOLA DOMNI THOMÆ MONACHI IN VITA DOMNI PETRI  
ABBATIS CLAREVALLIS.

*Domino et amico suo WALCHERO Longipontis abbati, frater THOMAS monachus de Radolio, salutem. Cum adhuc superstes foret magister Adam antecessor et socius vester et noster, de rebus ad commodum animi spectantibus nos tres pariter et pluries conferebamus; ego autem exempla bonorum plerumque proponens sepius rogabar a vobis ut ea litteris commendarem: sed conscius mihi insufficientis eloquii p'uteo calamoque parcebam. Econtra autem silentii reatum formidans aliqua de Domino Petro Abbate Clarevallis apicibus adnotavi. Eam scripturam vobis mitto. Si quod est peccatum in sermone vel extra sermonem, hoc est in scripto vel sententia, lingue vestre scusuique emendationem committo. Ego quippe quibusdam ex causis et precipue pre caligine oculorum, lime labori assistere satis non potui, nec ursorum more lambere setum meum, et informem rudemque materiam ut decebat effigiare. Si scriptura luce videtur indigua, eam sepelitate; si non est tradenda sepulchro, manifestate eam coram Ephraim et Benjamin et Manasse: id est Deum timentibus, quibus ea que Dei sunt in cordis palatio mel sapiunt. Nam superbia eorum qui Deum oderunt et ascendit semper, huiusmodi contemnit et irridet; quin et eorum scriptoribus detrachere non veretur. Sicut ergo margarite non sunt ante porcos spargende, sic sanctum de quo scripsimus nolite dare canibus, sed eis qui a Xro mites et humiles esse didicerunt. Tales forsitan in litteris nostris invenient aliquam requiem animabus suis.*

## INCIPIT PROLOGUS OPERIS SUBSEQUENTIS.

Cum multifarie multisque modis Ecclesiam suam quam ipse fundavit Altissimus nunquam regere, nunquam glorificare destiterit, viros virtutibus et signis insignes, quod prope specialis est gratie celestis effectus, siquidem ex hoc fides roboratur et virtutis emulatio provocatur, eidem semper continuata virtute providit: quod ab ipsa Salvatoris presentia corporali usque ad nostrum tempus, annum scilicet incarnationis ipsius millesimum ducentesimum quartum series hystorialis deducta litterisque commissa declarat. Hoc autem tempore quoniam habundavit iniquitas, refriguit caritas multorum (Matth. xxiv): ex quo ipsius quoque fidei formidamus eclipsim; diminute siquidem sunt veritates a filiis hominum et defecit

(1) Vide *Patrologiæ* tom. CLXXXV, col. 1044.



*sanctus (Psal. xi) : ille nimirum qui plenus gratia et fortitudine faciat prodigia et signa magna in populo (Act. vi), dicatque confidenter : opera que ego facio in nomine patris mei ipsa testimonium perhibent de me (Joan. x), immo potius de fide, per quam Deus decrevit salvare credentes in se. Signis et revelationibus indiguit primitiva Ecclesia, et ea copiose possedit; ceterum et protracta eodem indiget alimento, ut eadem medicina que contulit sospitatem, conservet collatam : ad quod signa recentia efficaciora videntur quam vetera, ut est in medicorum speciebus, ipsa vetustate parum in pluribus operari probantur. Sed quia non est qui faciat hoc bonum, non est nec usque ad unum (Psal. xlii), utiliter agere me credo quod virum virtutis et nostro tempore singularem, quem vidi, quem agnovi, Petrum Abbatem Clarevallis, quoad calamo nostro fieri poterit, a defunctis revocare propono : ut sicut viventes edificavit vivus, sic eosdem edificet et defunctus. Et sicut est, ut indubitanter credimus, in eterna, ipsa sit in hominum memoria, ad fidem scilicet eorum roborandam et ad excitandum in eis Divinum amorem. Sed ab hoc proposito me plurimum revocare contendit consideratio mei, cujus persona corporis infirma est et sermo contemptibilis (II Cor x), timeoque presumptionis argui, qui materiam disertissimis reservandam impudens occupaverim. Vereorque ne vir tantus secundum id estimetur, non quod fuit, sed quod ab inertis poeta describitur. Denique pauca sunt illius que noverim, plura in nostram notitiam non venire. Unde ab ejus obitu annis pluribus jam elapsis tacui et oscultavi et prestolabar foretne quis de suo ordine, id est Cistercii, ubi multitudo sapientum sanitas est orbis terrarum, precipue qui ei assiduus et familiaris astitisset, qui ejus texeret historiam. Sed hactenus cum nec reperi nec audivi. Siquidem illius ordinis philosophi majorem operam impendunt silentio quam stilo. Hec igitur necessitas taciturnitatis mee causas premissas elidens, impellit ut pauca que ab ipso, vel a bonis viris de ipso didici, quasi quedam fragmenta colligam ne percant, et calamo qualicumque describam. Forsitan ex hac occasione aliquis vir nobilis et urbane eloquentie et nil habens in sermone rusticitatis admixtum, enormiter tractata rethorice retractabit. Insuper et ea que nos de illo viro latent et opusculo nostro desunt supplebit. Quin etiam lutum nostrum in argentum, scorium in aurum, panes hordeaceos in similia, aquas vel inspidas in vinum, vel amaras in dulcorem, gratia in labiis suis diffusa (Psal. xlii), convertet. Interim tamen de nostro qualicumque labore non mihi sint ingrati qui hec legere dignabuntur : immo mihi gratiam et affectum rependant, et si non pro operis utilitate, tamen pro utilitatis intentio. e. Nunc quoniam, ut ante nos dictum est, indecens est in proemio effluere et in narratione succingi, satis est huc usque de Prologo ; jam Xro preside narrationi digitos inseramus.*

*De patria Petri et sancta ejus conversatione Igniaci, I.*

*De visione ejus antequam ingrederetur Igniacum, II.*

*Quod in sua novitate quasi quemdam spiritum in se venire sensit, ex quo semper idem sibi similes in omni casu deinceps fuit, III.*

*De persona quadam, ut credibile est, angelica que eum dormientem in choro excitaba, quamque ipse vidit, IV.*

*De dolore capitis quem aliquando in vigiliis passus est et de quo est miraculose liberatus, V.*

*De magna Dei dulcedine quam ipse expertus est, et auctoris invectione contra incredulos, VI.*

*Quod Prior fuit Igniaci, deinde Abbas Vallis Regie, et quod ejus electionem visio quadam precessit, VII.*

*De mercenario qui grangiam Vallis Regie voluit incendere et per hominem Dei mirabiliter impeditus est, VIII.*

*De morbo quo in eadem abbazia laboravit, et ejus liberatione, IX.*

*Quomodo a Valle Regie translatus est Igniacum, et de presagio Roberti monachi super hoc, X.*

*Responsum divinum super eadem re ad monachum Nicolaum, XI.*

*Aliud item responsum ad eundem Nicolaum de agenda penitentia, XII.*

*De discretionem domini Petri circa se et circa suos subditos, XIII.*

*De visione ipsius mirabili super milite Balduino, XIV.*

*Actoris testimonium super eadem visione, XV.*

*De visione Domini Petri super Henrico Comite Campanie, XVI.*

*De fratre defuncto quem post obitum manifeste vidit, XVII.*

*De quodam egrotulo pro quo oravit, et eger in somno se ab eo verberari videbat, XVIII.*

*Quomodo revelatum est ei quod foret Abbas Clarevallis, XIX.*

*De morte Geraldi Abbatis Clarevallis apud Igniacum, XX.*

*De visione cujusdam fratris Clarevallis que precessit electionem Petri, XXI.*

*De electione ejus in Abbatem Clarevallis, et Gilleberto Priore a febribus per eum liberato, XXII.*

*De equo ejusdem Gilleberti per eundem Petrum a malo cadendi usu liberato, XXIII.*

*Quomodo vocaverit eum Papa Romanus et honoraverit, XXIV.*

*De electione cujusdam episcopi et laudabili verbo Petri super ejus electione, XXV.*

*De patientia ejus quando perdidit oculum, XXVI.*

*Quid electurus Priorem Igniaci cuidam fratri responderit, XXVII.*

*De adventu ejus Remis et forma in equitando, et actoris presagio de morte ejus, XXVIII.*

*De ejus obitu Fusiaci, XXIX.*

*De dente ejus quem unus fratrum defuncto voluit extrahere, et de sepultura in Claravalle, XXX.*

*De visione salis gratiosa cujusdam monachi et Prioris post ejus obitum, XXXI.*

*Actoris apologia super operis imperfectione et minore credulitate quorundam, XXXII.*

*Actoris Epistola dum viveret ad virum Dei et operis Epilogus, XXXIII.*

*Conclusio operis, XXXIV.*

Expliciunt capitula.

## INCIPIUNT ACTUS BEATI PETRI ABBATIS CLAREVALLIS.

Petrus patria fuit Italus, parentibus secundum A nec notabiliter possideret, et quantum potera  
seculi dignitatem, ut dicebatur, excelsis; quod tamen quantum potuit summa semper dissimulatione  
celavit. Hic adolescens gratia litterarum petens auditoria Gallicana Ygniacum venit. Qui locus non  
procul a Remis Ordinis Cisterciensis erat eo tempore novella plantatio. Ibi visa fratrum conversatione  
celesti, in Dei amorem accensus, habitum religionis assumpsit. Nescit tarda molimina sancti  
Spiritus gratia. Si quidem operante in ipso illo cuius *velociter currit sermo* (Psal. cXLVII), consummatus est in brevi ac si expleisset tempora multa.  
Hic statura mediocris, brevioribus tamen accedens; tenuis corpore, immo magis [attenuatus] et in ipsa tenuitate nervosus ac solidus. In victu et vestitu  
nimum frugalis et parcus; in cibo nil facile preter commune presumens, de communi etiam sepe sibi multumque subducens. Indumentum sibi  
tunica et cuculla indiscretis fuere temporibus, preter unam solam tunicam vel cucullam quam supra solitum hyemis tempore presumebat. Calciamentis  
que hodie dicuntur nullo unquam nec hyemis tempore, pedulibus quoque nec nisi simplicibus utebatur. Vigiliis fratrum non solum jugiter sed ita pertinaciter  
intererat, ut cum ex occasione laboris alicujus quiescendi occasionem haberet, invictum a psalmodia spiritum non relaxabat. Orandi habebat  
vix credibilem facultatem; et cum sit difficilis usus ejus, ad eam quotiens vacabat de facili accedebat, et ab ea etiam cum vocabant negotia vix poterat avocari.  
Plures in pluribus excellunt virtutibus et excellentium sunt emulatores karismatum, sed raro valde verus et perfectus humilis invenitur. Ipse est, ut estimo, quem beatus ita diffinit Bernardus: *Verus, inquit, humilis vilis vult videri, non humilis reputari.* Hoc bonum singulariter et mirabiliter obtinebat iste sanctus. Nam gratias quasdam quibus gloria temporalis potissimum comparatur, politum scilicet eloquium, venustatem persone, in negotiis secularibus industriam, domesticam curam portare et ex eo amplius dominari, et favorabiliter largum esse, nec habebat nec habere querebat. Cum interea bona illa quibus in oculis Domini coruscabat

celare studeret, nimirum se vilem et obscurum humano putabat iudicio. Et quia super hac obscuritate gaudebat, et eam modis omnibus, salva solum conscientia, appetebat, concludere licet quod veraciter humilis erat. Et certe in hac parte, uti reor, nullum habuit suo tempore vel parem vel sine dubio superiorem. Nec tamen hanc vilitatem quam potissimum appetebat, ut putabat, obtinebat. Siquidem eis qui recte noverant iudicare, qui simulationem a vero, ypocrisim ab auro, fructum a foliis callebant discernere, venerabilis erat, singularis et mirabilis apparebat. Itaque cum excellentia religionis etiam magnis superiorem, singularis humilitas infirmis et infirmis eum redderet equalem, utrumque reverendum cunctis reddebat simul et admirabilem, carum et amabilem.

II.

De moribus Domni Petri paucis, immo paucissimis ad moritum ipsius premisis, exequamur aliqua que testes nobis idonei tradiderunt, in quibus testimonium Dei quod majus est, manifestius apparuisse probatur. Cum venisset, ut premisimus, in Gallias, contigit ut appropinquaret Igniaci. Nocte igitur quadam antequam ad domum venisset, vidit in visione nocturna quod aulam ingrederetur pulchritudinis exinie. Et sedes posita erat in ea, et supra sedem sedens mulier reverendi admodum vultus et habitus. Ingredientem regiam occurrebant canes horribiles et nigri impetu facto quasi eum protinus necaturi. Sed Domina venerabilis, caudibus illis magna auctoritate fugatis, illum ad se vocatum blandis manibus et pio demulcens alloquio intrepidum prorsus et securum esse jubebat. Quid hec visio portenderit facilis est conjectura. Aula siquidem illa domum Igniaci, mulier sedens Beatam Mariam, canes nigri cacodemones significare videntur. Cetera in hunc sensum proficiunt.

III.

Cum igitur receptus esset Petrus juvenis devotissimus, non paulatim et per incrementa ad perfectionem ascendit, sed velut in momento et ictu oculi decorem induit. *Induit se fortitudine et pre-*

*cinxit virtute (Psal. xcii), in omni loco, in omni tempore, in omni denique fortuna, idem constantissime perseverans. Cujus jam provec̄te etatis constantiam cum quidam abbas, qui mihi hoc retulit, familiaris ejus admirans, causamque tante i. lentitatis non solum sedulus sed improbus etiam explorator inquireret, ille, ut erat benignissimus et qui facile a familiaribus suis vincebatur, respondit: « Cum essem, inquit, novicius, quasi quidam spiritus sensibilibus mihi visus est in me intrare. Ex tunc usque nunc spiritus ille, vis illa vel effectio mihi quodammodo dominatur, regit et deducit velud ovem Joseph. Sparsum per exteriora frequenter introrsum colligit; aliis volentem intendere ad orationem cogit; ea que oculis ingeruntur, aut auribus obstrepunt facit aliquoties non sentire. » Hoc que de se ipso vir beatus quam violentia caritatis confessus est, consonant eis que Papa Gregorius in quadam omelia sic ait. *Quem perfecta eterne vite caritas absorbuerit, ad terrena foris desideria velud insensibilem reddit.* Ita quoque vir iste cogitatione et avilitate in illa eterna patria conversatus, et rerum immobilium conformis affectus, immotus in se permanens, omnem motum cordis et saltum mentis, omnesque turbellas et tempestates animi, quibus homines estuare et fluctuare videntur, quasque religio vera deponere jubet, magna mentis fortitudine nec penali sed tamquam innata sibi et naturali cohibebat.*

## IV.

Dum adhuc novicius vel novus esset in ordine, aliquando nocturnis vigiliis intererat, aliis psallentibus, ipse stans in choro et fatigatus dormitabat. Sensit quasi tactum alicujus qui pulsans eum suaviter excitabat. Putavit Priorem, cujus erat consuetudo circuire chorum et fratres excitare sopitos. Evigilans ille apertisque oculis nullum videbat. Cumque hoc et sepe contigisset, et sepius excitatus excitatorem non videret, intellexit divinam esse virtutem, et egre ferebat quod ei se offerrebat sequelabat. Quadam igitur nocte dum solitum excitatorem sensisset, excitus oculos citus et intentus aperuit, viditque adstare sibi juvenem splendidum et decorum, et, ut ejus verbis utar, aureos habentem capillos; qui statim ab illo descendens, per medium chorum ibat et morose, et manifeste visus ab ipso, postquam diu apparuit, disparuit. Hoc ipse mihi retulit: sed et id quod subjiciam nichilominus et ipse narravit.

## V.

Media nocte Dominica fratres psallebant in oratorio et ipse cum illis. Dolor capitis eum invasit et ita vehemens ut choro egredi cogitaret. Ad quod agendum cum dolorem non sustinens se moveret, vocem audivit sic docentem: *Laudans invocabo Dominum et ab infirmitatibus meis salvus ero (Psal. xvi).* Hac voce confortatus remansit in choro, et post modicum intervallum invalescente dolore iterum egredi disponebat et iterum insonuit vox pre-

A missa. Quid plura? tota illa nocte et sequente Dominica usque ad misse conventualis extremum, non cessavit ille conflictus doloris scilicet et vocis, illius exire cogentis, hujus remanere monentis. In illo ordine sollemnis est consuetudo ut omnes Dominica die communicent. Propter quod cum in ordine suo accessisset et ad cornu altaris se humiliter inclinasset, visum est ei quod lapis magni ponderis de capite suo corrueret; et protinus se erigens et sanctam Eucharistiam suscipiens, ab omni illa dolore salvatus est.

## VI.

Jam vero quam proximus ille Deo fuerit ex eo quod supponam poterit estimari. Loquebar aliquando cum ipso de nostre fidei ratione: cumque ei ut familiari faterer me contra ipsam quandoque aliqua temptatione pulsari, simul etiam que rebam ab ipso an aliquid unquam hujusmodi temptationis sensisset: « Non inficior, inquit, me tactum plerumque hujusmodi cogitatione, sed multiplex experimentum fidei omnem ipsius infirmitatem firmavit. » Pergens ulterius presumpsi querere quid foret quod in eo talem firmitatem fecisset. Ille ut erat mitis et humilis corde, erga amicos autem facilis et tractabilis: « Multa, inquit, de Deo, et aliquando tale aliquid sensi, quod cum sentire desii, gravius tuli quam si in clibanum ardentem projicerer. » Xpm testor spemque comunem hec eadem verba eum mihi dixisse. Hanc attestatiorem aduectere nonnullorum incredulitas, vel quod pejus est credentium invidia me coegit, qui per duritiam cordis credere nequeunt vel per malitiam credi nolunt tantam gratiam habuisse Dei servos vel habere modernos. *Ingenium, ut ait beatus Jeronimus, et vina probantes, antiquos venerantur, juniores contemnunt.* Nunquid antiquorum Deus tantum? nonno et juniorum? *Non est personarum acceptor Deus nec temporum, sed in omni genere et in omni tempore qui timet Deum et operatur justiciam acceptus est illi (Act. x).* Cur igitur iste Deo acceptus non fuerit, et ita ut a Deo gratiam acceperit per quam de Deo ea expertus sit que non nisi perfectissimi experiri merentur, cum ipse forsitan perfectissimus fuerit? Et quidem in quibusdam gratiis, ut sic dixerim, secularibus plerisque sine dubio impar fuit. Nam, sicut in ingressu hujus operis premisimus, nec *speciosus forma pre filiis hominum*, non in vestitu deaurato circumdatus varietate (*Psal. xlii*), nec in curribus et in equis, non sollicitus et turbatus erga plurima (*Luc. x*) per negotiorum exteriorum industriam, non de gygantibus qui gemunt sub aquis (*Job xxvi*), non ambulavit in magnis et in mirabilibus super se (*Psal. cxxxi*), sed in his omnibus non est Dominus. Non enim est, sicut scriptum est, in spiritu, nec in commotione, nec in igne, sed in sibilo aure tenuis (*III Reg. xix*) et in voce que facta est ad Helyam et ad comparem ejus Iohannem, quam amicus iste

sponsi qui stabat sepe et intime audiebat. Quam ejus intimam claritatem aliqui quoniam ignorabant, secundum faciem judicantes, ipsum minus aliquotiens estimabant. Contempserunt olim invidi et insensati magnum Martinum, similiter indignum episcopatu dicentes hominem vultu despicabilem et veste sordidum, crine deformem; nec tamen huic viro defuerunt gratie iste-exterioribus, et ut pre-nominamus, seculares: habebat eas ad sufficientiam, sed in eis tenebat temperantiam, ne, si in his et ab his teneretur assiduus, in his que pre his amabat et amare debebat esset parvus aut nullus; quod faciunt plerique prelati, immo etiam in hoc gloriantur, in hoc gaudent, hoc jactitant quod in exterioribus sunt industrii, et ipsis succedit in illis: cum interim intima sua proficientes, jacturam interiori non sentiant et ea que preponenda forent postponentes, curam scilicet animarum, aliis eas curandas committunt, quas ipsi per se curare deberent, innitentes prudentie sue et de Domino non sperantes. Propter quod et Deus tales quandoque deserit et tradit in manibus inimicorum suorum, et *comprehendit sapientes in astucia eorum* (Job v). Iste vero de Deo confidens, interiora curans, exteriora fidei committens, quoniam Deum ipse curavit, Deum suum curatorem habuit, sicut in sequentibus, cum ad id loci ventum fuerit, evidenti probabitur argumento.

## VII.

Sed jam ad narrationis ordinem redeunt dicamus quod dum in ordine singulari singulariter ille vixisset, factus est Prior Igniaci. Quod item officium cum strenue satis et laudabiliter impleverat, in Abbatem Vallis Regie, que una est de filiabus Igniaci, electus est. Quam ejus electionem visio talis antecessit. Videbatur Abbati qui tunc preerat Igniaco candelabrum ardens et lucens ante altare positum principale subito per vitream majorem exire; et post modicum electus est Dominus Petrus. In Valle illa Regia duo contigerunt ei que non vulgari et incerta sed religiosi fratris ejusdem Abbatie monachi et cellerarii, nomine Nicholai, didici relatione.

## VIII.

Quidam de mercenariis ejus loci mercedem habere non poterat, cum eam frequenter exegisset; cellerario scilicet dissimulante, immo quibusdam ex causis reddere nolente, et de jure non esse ei reddendam asserente. Hoc igitur ad Abbatem cum ille vellet referre, non poterat: tunc siquidem egrotabat, et hunc ad eum ingredi cellerarius non sinebat. Serviens igitur sevens et ira que furor est brevis accensus, ad unam de grangiis Abbatie finitimis accessit, ferens prunas ardentes in carabo, et clam igne supposito grangiam incendere disponebat. Hec eo cogitante affuit servus Dei, et quid vellet agere requirebat. Expavit ille stupore vehementi; et cum rem celare non posset, propositum suum causamque propositi confessus est. Cui Ab-

bas: « Ne facias, inquit, hoc facinus: cras autem ad me in infirmariam veni; mercedem tibi jubebo restitui, nec erit qui ad me tuum intercludat ingressum. » Fecit ille ut ei fuerat imperatum, et in crastino, nullo prohibente, veniens ad Abbatem, ut promissum impleverat orabat. Porro Abbas hec omnia ignorabat, sed se ignorare dissimulans rei geste seriem diligenter inquit et audit; emissoque homine cum spe certa mercedis habende pre-nominato Nicholao qui ei ministrabat, sic ait: « Vere, frater, si nos de Domino cogitaremus, Dominus cogitaret de nobis. » Conjiiciens ille aliquid eum quod magnum foret audisse, insecutus hominem abeuntem prudenter et ingeniose pollicens se et celare consilium et accelerare negotium, rei geste narrationem extorsit. Hoc est primum et magnum miraculum: secundum autem simile est huic non forma sed gratia.

## IX.

Morbus, quem fistulam dicunt, afflictum Dei hominem languidumque reddiderat. Transivit per eum locum monachus quidam de Claravalle, ceber in arte medicine. Suggesterunt ei fratres et ipse suasit et persuasit abbati ut morbum inspiceret. Vidit et fratribus fistulam esse respondit: et eo loci quo seculi ac per hoc sanari non posset; adjiciens hoc verbum: « Homo iste si Pascha viderit nunquam amplius morietur. » Significans scilicet quod nec sanari valeret, et infra talem terminum moriturus foret. Convaluit tamen, multisque postea vixit annis; sed quomodo convaluerit, hactenus incognitum fuit.

## X.

Postquam fratribus Vallis-Regie aliquanto tempore prefuera contigit quod Abbatia Igniaci Abbatem non habebat. Moris est ut conveniant Abbates subjecti vel filii ad electionem principalis patris et Abbatis. Vir igitur Domini Petrus, assumpto secum quodam Roberto religioso et litterato Igniacensi monacho quem secum utpote familiarem ad suam consolationem habebat, Igniacum veniebat. Orabat autem Dominum ut sibi inspiraret ad cujus electionem ipse aspirare deberet. Hec eo cogitante simul et orante, vocem audivit sic dicentem: « Cum veneris ad locum illum, » locumque ei quadam nota cujus non recordor designavit, « quod requiris agnosces. » Iam sepe locum attingebat et voti compos non erat. Orabat ergo attentius et Dominum de promissi solutione pulsabat. Vox igitur iterato ad ipsum facta sic ait: « Interroga illum monachum qui te comitatur; ipse tibi dicet quis futurus sit Abbas. » Accersito statim monacho, videlicet pre-nominato Roberto, Pater eum convenit hoc modo: « Pergimus, inquit, Igniacum, et credo quod ex me plurimum pendebit Abbatis electio. Vos igitur qui fratrum mores multo experimento cognoscitis, intimate mihi quem digniorem hoc officio judicatis. » At ille non prophetico spiritu sed desiderio promotionis illius, et quoniam eum diligebat dignumque

promotione sciebat: « Incunctanter, inquit, et absque A deliberatione respondebo. Nullum vobis dignorem judico, ideoque vos futurum Abbatem predico. » Vir autem Domini conservabat omnia verba hec, conferens in corde suo; et quanquam quod de se futurum fuerat jam ignorare non poterat, iterato tamen interrogat eum sic inquit: « Scio, frater, et certus sum quod promotionem meam velletis, sed hoc non est in vestra positum voluntate. Volo igitur omnino ut alium quique dignus sit eligi nominetis. — Nullum, ait, alium nominabo; vos Abbas eritis, vos desiderant universi. » Ventum est Igniacum, et unanimi cunctorum consensu absque ulla contradictione electus est in Abbatem; quam nichilominus electionem aliud, ut dixerim, tale precessit presagium.

## XI.

Erat in Abbacia frater religiosus et bonus, qui- que diu precentoris functus est officio, nomine Nicholaus. Hic ipse mihi retulit quod eo tempore quo sedes illa vacabat et in pendulo forent fratres et electionem prestolarentur, idem super hoc negotio sollicitus Dominum jugiter precabatur ut eis idoneum provideret Abbatem. Cui quodam tempore Dominum deprecanti vox manifeste sic ait: « Nicholae, habebis Abbatem, et ille ostendet tibi quid te oporteat facere. Quere beatum, O admirabilem virum, O vere imitorem Petri Petrum. » Et ideo jure Dominus ei testimonium perhibebat quod prius apostolorum Principi Petro perhibuerat. Et revera, non solum prenominato fratri sed omnibus qui in domo erant, forensibus etiam qui eum videre, audire et nosse meruerunt, verissime et Xpiane religionis ostendit exemplum. Siquidem aliquot annis illi prefuit Abbatie in sanctitate et justicia coram Deo, in magno nomine, in celebri fama, in bono odore coram mundo.

## XII.

Ejus igitur conversatione singulari et ardua prefatus Nicholaus accendebatur, simulque ammon-ebatur intelligere que ei ab eo apponebantur et proponebantur. Et memor vocis quam audierat, sciens-que quia similia oporteret eum preparare, etiam supra communem ordinem aliquid attemptare vol-ebat. Sed quia delicatus erat et debilis nequaquam presumebat. In hac fluctuatione positus, aliquando vocem audiit sic dicentem: « Nicholae, nunquam formides agere penitentiam. » Hoc commode michi videor posuisse ad confirmationem eorum qui in pusillanimitate sunt spiritus et tempestate (*Psal. xxxiv*), qui timent pruina et irruit super eos nix (*Job vi*). Modus tamen constituendus est audacie et habenda pia et discreta discretio fragilitatis corporee; et illud est attendendum: Spiritus quidem promptus est, caro autem infirma (*Matth. xxvi*), et carnis cura sicut non in desideriis sic in necessitatibus facienda est; quod ita fecisse sanctum Dei animadverti.

## XIII.

Nam cum comedens aliquando cum ipso, videns-que eum pisces coram positos non gustantem, aliisque nichilominus cibis parcentem, ac miserans illius, ipsum nimie parcitatis arguerem: « Immo, inquit, parcius comederem, nisi meo corpori parcerem. » Parcebat ergo corpori suo etiam cum parcissimus in cibo et potu et esset et videretur. Ex quo etiam in ceteris temperans et discretus et moderatus fuisse recte conjicitur. Quoniam ita virtutis appetebat excellentiam ut non dimitteret temperantiam, que quarta inter principales virtutes tantam habet gratiam ut sine ipsa cetera tres gratie graciosae esse non possunt, bene ergo de ipso quemdam religiosum virum et sapientem, id est Gilbertum Abbatem Fusniacensem, audiivi dicentem quod neminem vidisset cui de singularitate minus male contigisset: nimirum singularitatem suam singulariter, hoc est temperanter et prudenter reg-ebat, licet plerisque eum intime nescientibus simplex videretur et hebes; quod ei contingebat ex lardiloquio, et quia cum loquebatur lingua ejus Latium redolebat. Denique omnia bona sua studiosius occultabat. Erat autem revera perspicacis ingenii, sanique multum consilii, et in operibus suis regendisque subjectis moderatus et discretus. Denique cum virum venerabilem, industriumque pariter et honestum, ejus cellerarium, aliquando convenissem, conquerens scilicet quod, ut dicebatur, Abbas ejus religiosus quidem sed durus foret, nimum severus, pariter et agrestus, respondit ille qui mores illius, qui vitam, qui instituta, qui consuetudinem longa societate et experimento sciebat: « Re-vera, inquit, durus est et severus, sed sibi, non aliis. Nam aliis pius est et misericors, et in tantum ut nos qui curam illius majorem habemus et sumus illius adjutores, aliquotiens de ejus benignitate et patientia, ut nobis videtur nimis, marmuremus, fervorem ordinis suo tempore tepuisse non detrahendo sed zelando dicentes: ceterum cum ejus intentionem perpendimus, cum rationes ejus operum previas et nobis ab eo redditas audimus et auditas pensamus, eum sic et non aliter agere debere cognoscimus; quoniam non litteram sed spiritum et caritatem que lex Dei est et vinculum perfectionis, et ex qua sola vita procedit, magis attendens quam instituta et adventiones hominum, jacturam quarundam observationum faciem estimat: non eas tamen dimittens, non negligens, non contemnens, sed pro persona, pro loco, pro tempore temperans; dum scilicet attendit hinc ordinis rigorem hinc humanam infirmitatem, cunctis viribus elaborans ut fidelis sit dispensator: quod tunc assequi se credit indubie si ex indulgentiis quibusdam, licet notam aliquam et aliquod videantur afferre dispendium, caritatis fratrum ac pacis ac voluntariae servitutis recipit compensationem, non magnipendens si ei super hoc ab aliquibus detrahatur, cum ei pura conscientia et Dei veritas attestentur. »

Nempe vir iste non erat ex illis qui *calicem colantes camelum glutunt* (Matth. xxii), qui decimant olus omne et graviora legis relinquunt; qui inter bonum et malum, bonum et melius, malum et pejus discretionem non habentes, quodque deterius est, que sua sunt non que Ihu Xpi querentes (Philip. ii), licet cure gregis excubare videantur, ignorantia tamen vel malicia ipsi errantes et alios in errore mittentes, multa faciunt, parum proficiunt, folia multa sed parvum fructum afferunt; quin etiam rixantur de lana sepe caprina et nil patiuntur super contritione Joseph. Petrus autem edoctus, revelante Spiritu sancto, quod ex operibus legis non justificabitur omnis homo (Gal. ii), et quia Deus spiritus est et eos qui adorant in spiritu et veritate oportet adorare (Joan. iv), spiritus et veritatis ardentissimus emulador, justitiam, non que ex lege est et operibus, sed que ex spiritu et Deo est copiose possidebat. Ex qua et ipse justus dispensationes suas justificabat et auctoritate que sanctitatem sequebatur eis non solum victoriam sed et gratiam assequebatur. Illis per digressionem fortasse, sed tamen ex materia pendentibus expositis regressum ad materiam facimus. Inter hec homo Dei visionem vidit magna admiratione nec minus memoria et relatione dignissimam. Tam sicut ab alio scriptam repperi eis que scribimus copulavi. Ea autem est hujusmodi.

## XIV.

Quodam tempore cum advenisset Ursicampum Abbas Igniacensis Petrus nomine, vir omni sanctitate conspicuus, letabunda et gaudens in ejus adventu domus tota gavisus est, reverentiam exhibens qualem sua sanctitas exigebat. Tunc Dominus Abbas et Prior, quia visionem eum vidisse cognoverant quam ex ejus ore qui eam viderat cupiebant audire, sequestrantes eum de medio in partem alteram ducunt, quasi de rebus secretioribus locuturi. Cumque sedissent eum venerabiliter alloquuntur precarique incipiunt ut ordinem visionis quam viderat eis aperire dignetur. Tremens ille ac pavens, et quasi ignorans quid quererent, visionem se vidisse in quantum potest dissimulat et illorum precibus nullatenus acquiescit. Rogant illi semel et iterum; negat ille. Laudabili tamen eorum importunitate devicius, tum quia Prior ei Scripturarum testimonio demonstrat peccati reum esse in fratrem qui fratri rem edificationis occultat, tum quia Domino Abbati negare nil potest, quia tenere diligit eum a quo versa vice non minus ipse diligitur, tandem vix erumpentibus verbis, narrationem suam sic incipit exordiri:

Erat in Archiepiscopatu Remensi miles quidam, nomine Baldinus, vir clarus genere, vir temporalibus rebus exuberans, sed non minus habundans peccatis. Nichil siquidem mali relinquebat non factum nisi quod facere ipse non poterat. Miles iste eo tempore quo cum Remensi Archiepiscopo guerram exerceret, toti patrie et maxime vicinis domibus multa plurima inferebat; res autem domus nostre, quam

A pre ceteris religionis domibus ampliori amplexabatur amoris affectu, non solum non auferbat, sed etiam a quibuslibet aliis tuebatur, rebus nostris et nobis omnibus multam reverentiam exhibens. Accidit autem ut in lectum tandem decideret, tactus egritudine corporali. Cumque moriturum se esse cognosceret, per nuntium suum ut ad visitandum eum veniret sum mandatus; et mandatus statim adveni. Auditaque ejus confessione cum viderem quod penitentia duceretur et quod de cetero bonam voluntatem haberet, monui eum ut renuntiaret seculo et habitum religionis assumeret. Acquiescit ille consiliis; querit licentiam a conjuge, sed non invenire potest. Videns igitur quod veniendi licentiam non haberet, postquam eum sacro oleo inunxissem, ad monasterium sum reversus. Interea paucis diebus evolutis, morbo invalescente, cum jam spes de eo parentibus nulla superesset, ad nostrum monasterium ab eisdem parentibus adducitur. Occurritur venienti, et devote a nobis suscipitur. Deportatur in cellam, sacro restitur habitus et ei deputantur custodes. Illi cum una nocte morti eum appropinquare sentirent, ad convocandum fratres tabulam pulsant, sicut nostri ordinis consuetudo ex postulat. Excitantur fratres, venit ad infirmum; ego quoque inter ceteros adsum; officium impleo; septem psalmos conventus decantat, sed nondum migrat infirmus. Videns igitur quod non tam cito moreretur, ne fratres qui sacris vigiliis debebant interesse nimis affigerentur, annuo eis ut se recollocent. In illa hora duo ex fratribus super infirmo duas visiones videntur.

Visio unius in cubili suo hec erat: Videre videbatur quod totus conventus ante infirmum staret, inclinatoque eo humiliter pacis osculum labiis ejus imprimerent.

Videbat alter, sed in visu noctis, quod infirmus jacens in lecto vellet de lecto surgere sed non posset. Cumque ei adesses ut adjuvares eum, ait infirmus: « Noli me adjuvare, ope tua non indigeo; nam beatus Benedictus adjuvat me, qui etiam mandat Abbati ut ipse mihi faciat coronam. »

Nec mora pulsatur secundo tabula. Excitantur de novo fratres, veniunt iterum ad infirmum. Migrat infirmus de corpore et corpus in ecclesiam deportatur. Ibi que remanentibus quibusdam fratribus qui circa defunctum psalmos decantarent, conventus se recollocat. Ego quoque ea nocte paulisper egrotans cum ceteris rado pausatam. Cumque jacerem in lecto adhuc vigilans et nondum dormiens, cepi cogitare mecum et quasi dicere michi: « Domine Deus meus, quid erit de homine isto, quem tantorum astringunt vincula peccatorum? Quid ei prodest quod mala sua confessus est? Quid quod in extremis penituit? Quid quod habitum religionis suscepit? Ubi est nunc ipse? Bene illi est an male? » Dum hoc mecum tacitus cogito, vocem audio sic dicentem: « Ipse multum indiget auxilio. » Audiens ergo quod auxilio indigeret, statim ad ecclesiam rado in spiritu et quasi genua flectens ante singula altaria sanctorum quorum ibi

memoria habebatur tota devotione qua possum patrocinia imploro, quatinus ei qui venia indigebat misericordiam a Domino impetrarent. Et hoc facto clauduntur oculi et subito labor in somnum. Moxque ut dormire ceperam quasi grandi mole sentio me gravari; intellexi autem quod malignus spiritus esset qui me opprimebat, qui etiam dicebat michi: « Quid est quod facere intendis? Respondi: Quid, inquam, facere intendo ego? — Putas, inquit, Balduinum te posse auferre michi pro solo religionis habitu quem suscepit? — Puto, inquam. — Nonne, inquit, jure meus esse debet qui omni tempore vite sue servivit michi, qui in peccatis suis usque in finem vite sue permansit? — Cui ego: Non nego. Verum nonne peccata sua confessus est, nonne in extremis penituit, et ad Dei misericordiam confugit? Et si cetera omnia taceam, nescis quia sanguis Xpi pro peccatoribus effusus est in remissionem peccatorum. Per preciosum illum sanguinem qui de latere dormientis in cruce manavit te conjuro, maledicte, ut hinc protinus abscedas et in illum nullam habeas potestatem. Audito ille Xpi sanguinis nomine, virtutem adjurationis non ferens, victus et confusus abscessit. Ego autem exhilaratus quasi de victoria in vocem jubilationis et laudis pre cordis exultatione erumpens, « TE DEUM LAUDAMUS » cantare cepi. Cantari autem dormiendo usque ad illum locum ubi dicitur: « TU REX GLORIE XPE, » ubi a somno evigilans et ordinem rei geste luce intuens clariori, in Dei laudem et gloriam totum hymnum persolvi. Et cum illum versum adhuc in ore haberem — « IN TE, DOMINE, SPERAVI, NON CONFUNDAR IN ETERNUM » — horologium cadit et ad matutinas pulsatur. Vado ad vigilias, non immemor vocis que michi dixerat Balduinum indigere auxilio. Orationem tota nocte dirigo ad Deum pro eo. Die jam facto, fratribus congregatis in capitulum, injungo eis pro defuncto usque ad tricesimum diem sine intermissione offerre hostiam salutarem, statuens et ipse facere quod aliis injungebam, id est triginta diebus immolare pro eo. Per dies igitur illos triginta in quibus a vobis omnibus oratur pro eo sepe apparuit michi Balduinus veniens ante me et assistens michi quocumque essem in loco. Apparbat autem in specie supplicantis, tanquam si diceret se indigere auxilio, et postularet pro se orari; et hoc tunc maxime faciebat quando devotio nostra tepida erat et languens, vel quando quacumque de causa missam non poteram celebrare. Non dico quod per illos triginta cotidie dies apparuerit michi, sed per illos triginta dies sepe. Accidit quoque ut quadam die proficiscerer ad grangias domus nostre et eo die missas cantare non potui. Cumque reverterer ad monasterium apparuit michi in via supplex et multo tristior quam soheret, quasi dicere ea die vellet sui me fuisse immemorem. Jam autem tricenario evoluto, die qua ab universis populis crux adoratur, cum sederem in presbiterio indutus sacerdotalibus indumentis, ut sacra missarum sollemnia celebrarem, et jam in ecclesia secunda lectio legeretur, inspiciens vidi duos homines vestitos purpura

A speciosos nimis et desiderabiles ad videndum, venientes per medium chori, qui inter se fratrem Balduinum vestium ysembruno medium deducebant; cumque adduxissent eum ante me in loco quo sedens eram, presentaverunt eum michi atque dixerunt: « Hic est Balduinus. » Et ecce cogitante me quid de eo essent facturi, ducunt eum ad altare et sic eum offerunt. Et hoc factio visio non comparet. Frater vero Balduinus qui lociens apparuerat michi, a die illa et in reliquum nunquam michi apparuit. Rediens ergo ad me ipsum et considerans quid hujusmodi visio figuraret, intellexi quod postquam frater Balduinus altari oblatum fuerat, eum esse reconciliatum. Per nigram autem vestem qua erat indutus adhuc et inesse aliquam maculam peccatorum atque eum penitentiae subjacere. Ecce quid de isto milite viderim scitur.

B Paulo antequam iste de quo diximus moreretur, miles quidam in extremis positus ad se visitandum me mandavit. Ad quem cum ego venissem, confessione ejus audita nil ei melius consulere potui quam ut renuntiaret seculo et ad Dei confugere misericordiam, quam solam ei superesse credebam. Ostendi itaque ei Vallem Regis, domum quamdam nostri ordinis que domui sue vicinior erat et habitu religionis induitur; ego autem revertor Igniacum. Cumque ea nocte lecto jacerem, adhuc vigilans cepi cogitare intra me et quasi dicere michi: « Quid putas proderit militi isti religionis habitus quem assumpsit? » quod fecit non tam fecit voluntarius quam inritus. Si enim adhuc habuisset tempus malefaciendi, forsitan mala fecisset. Denique non tam sua peccata dimisit quam sua eum dimiserunt. Dum hec mecum cogito, vocem audio sic dicentem: « Multum proderit ei. Et hoc scito quod in isto et in quolibet qui in habitu ordinis Cisterciensis moritur, nullam habiturus est diabolus potestatem donec data fuerit de eo sententia. » Audiens autem vocem statim intellexi posse esse verum quod illa dicebat, similitudine tuli animum subintrante. Si rex famulum habeat qui odium habeatur ab omnibus, quamdiu famulus ille signa secum regis habuerit et litteras ejus, et quamdiu incertum fuerit utrum diligatur a rege an odio habeatur, inter medios hostes sine contradictione potest securus incedere. Si vero declaratum fuerit quod rex eum odio habeat, et si eum de domo sua ejecerit, ex hoc jam non erit qui non dilapidet eum. Sic etiam qui signa militie Xpi secum habuerit, stigmata ejus portans in corpore suo, religionis habitu indutus qui est tunica Salvatoris, hostium suorum cuneos potest penetrare securus, nec ullam habet in eum diabolus potestatem: adhuc ignorans quid de eo Dominus velit. Si autem voluntas judicis super eo fuerit enodata et prolata sententia testis exstiterit quod ille non placeat Deo, ex hoc jam potestatem malignus accipit et debitum potest exigere usque ad novissimum quadrantem. Hac ergo visione confortatus fratri Balduino consului ut seculo renuntiaret vel moriens. Sciebam enim quod prodesse poterat et quantumlibet pec-

*catari religionis habitus etiam in ipso mortis assumptus articulo.*

Visionem hanc vidit venerabilis Abbas Ygniacensis; quæ dubietatis scrupulum nobis ideo non reliquit quod ad aures nostras non sit per terciam transfusa personam, sed suo ipsius ore relata qui eam vidit. Et licet testimonia ejus credibilia facta sint nimis, ego tamen ut visioni huic fides certior habeatur, tali eam attestazione confirmo: nisi vera sit visio que litteris istis explicatur humerus meus a junctura sua cadat et brachium meum cum suis ossibus confringatur; sit celum quod super me est ereum et terra ferrea; pro frumento oriatur michi tribulus et pro ordeo spina.

## XV.

Attestationi premisse meum testimonium adhibeo: licet pondus auctoritatis non habeat, habet certe sinceritatem veritatis. Cum igitur anteposita relatio in manus meas venisset non fui contentus scripture testimonio, sed copiam videntis simul habere studui. Non nude, non aperte, sed, ut ita dicam, furtive et quibusdam insinuationibus quas hic ponere et exponere longum foret, suadebam ut quod viderat de milite Balduino ad meam michi edificationem narraret. Quid multa? Victus demum importunitate mea, amore nichilominus et allegationibus superatus sic respondit: « Dicam quid queritis, sed dicere me gravabit. » Seriatim ergo et scripture consonanter omnia michi confessus est et ita memoriter ut ejus memoriam plurimum admirarer.

## XVI.

Henricus comes Campanie filius illius Theobaldi cujus memoria cum laudibus et merito continetur in Vita sancti Bernardi, precatus est aliquando servum Dei ut pro se Dominum precaretur. Celebravit ille missas intercessurus pro eo; expletoque misterio, cum extremam collectam dicturus ad suos se convertisset ministros, absentem comitem vidit presentem, signum crucis habentem in veste, sicut habere solent qui Jerosolimam proficisci proponunt. Nondum tamen, ut comes postea professus est, sibi signum crucis aplaverat, sed ea die post multam fluctuationem, post longam deliberationem hoc se facturum indubitanter firmaverat.

## XVII.

Sedebat aliquando in Capitulo vir beatus. Erat dies annua ab obitu cujusdam fratris. Precentor ad cujus hoc officium pertinebat suggestit ei ut fratrem, sicut erat consuetudo, absolveret. Absolvit eum, premissis tamen submisso tali verbo: « Indiget absolutione, » Quidam de senioribus cui nomen Johannes, quo etiam referente hoc didici, non procul sedebat ab ipso et premissum verbum audivit. Data opportunitate causam sermonis illius indagans audivit ab eo: « Nuper, inquit, vigilanti michi sensibilior apparuit, et interrogatus an adhuc Dominum nostrum videret, respondit: « Nondum tempus; » et hoc dioto disparuit. Testabatur autem predictus Johannes quod religiose diuque conversatus in Ordine, et

biennio suum obitum precedente morbo multum molesta, et ut ipse putabat purgatorio fuerat fatigatus. Sed nimirum non solum *arta* verum et longa *via est que ducit ad vitam* (Matth. vii), et ad visionem summi boni et precellentis illius nature ad quam non nisi purgatissimum poterit pervenire, testantur ipsa Vita et dicente: *Beati mundo corde, quoniam ipsi Deum videbunt* (Matth. v). Quis igitur gloriabitur mundum se habere cor? Ita tamen ut *qui gloriatur, in Domino gloriatur*, id est in veritate que non mentitur, non in opinione que fallit et fallitur. Sunt enim plerique in quibus mentitur iniquitas sibi, fingentes et pingentes Dei misericordiam secundum suam voluntatem, cum misericordia Dei justiciam ejus non evacuet, et *per multas tribulationes, hoc est purgationes, oporteat nos intrare in regnum Dei* (Act. xvii). Non igitur qui *manus suas miserunt ad fortia* (Prov. xxxi) fastidiant Ordinis disciplinam, que in presenti videtur habere aliquid non gaudii, sed meroris, Exercitatis autem per eam reddet pacatissimum fructum in hæc vita justicie, et in futura glorie. Non murmurent de asperitate itineris, sed attendant fratrem presatum qui diuturna et ardua conversatione, biennia corporis passione, tanquam aurum in fornace purgatus, et ut argentum igne examinatus, nec sic tamen perfectus inventus est, Igitur etiam sibi non male conscii presumptioni frenum timoris imponant, et paveant, et alas suas demittant. Opus est siquidem longo lime labore et materialibus ab anima rebus et fantasiis rerum abrasis, memoria nil teneat, ratio nil videat, voluntas nil diligit preter Deum, qui est memorie forma originalis, lux incorporea rationis, et incitamentum est igneum voluntatis, summum bonum, beatum bonum, beatificum bonum hominis. His breviter dictis ad excitationem quorundam dormientium ad propositum redeamus.

## XVIII.

In structura exilia non minus quam magna aliquociens necessaria comprobatur: igitur ponam hic aliquod parvum, quod et si nullam de utilitate gratiam pro brevitate tamen veniam promerebitur. Est michi frater vobis quem sermo presens alloquitur non ignotus, Hic ab adolescentia usque ad senectutem morbis multiplicibus fatigatus longum probatur traxisse martirium. Aliquando corporis ejus incommoda eo usque creverunt ut deficere putaretur. Scripsi ad virum Dei adhuc in carne manentem ut manum intercessionis porrigeret. Ea nocte qua orabat pro egroto visum est ei quod nudus staret coram homine Dei et ab ipso durissime vapularet. Mirabatur contra se insolitam severitatem illius, sed miranti sua conscientia respondebat: « Deus est qui te verberat. » Vivit usque hodie flagellum patientius ferens cujus Deum interpretatur auctorem. Alio forsitan somnium inane videbitur, sed orationis illius et visionis istius concursus me ut hoc scriberem provocavit. Jam illud quod subijciam ipso michi retulit vir beatus.



## XIX.

Erat in quadam ecclesia et in oratione sua confitebatur Domino. Apparuerunt oranti effigies sanctorum Bernardi et Malachie. Conversus ad ipsos suam orationem et intentionem direxit. Tunc unus eorum dixit ei : « Tu eris abbas Clarevallis. » Disparuerunt illi et territus ipse remansit. Territus, inquam, quia sicut postea michi cum gemitu fatebatur, nunquam hoc fieri voluisset; et tamen dubitare non poterat super hoc cœdō divinitus audierat.

## XX.

Elapso post hæc aliquō temporis intervallo Abbas Clarevallis Geroldus, vir honestus et multis gratis decoratus, Igniacum devenit. Erat tunc Igniaci quidam monachus, immō demoniacus, Judas inter apostolos, Satan inter Dei filios, Hugo de Basochiis : hic offenderat Ordinem in gravibus multum excessibus, et Abbas prenominate eum in regulari vindicta. Nactus igitur tempus oportunitatis quo suam ulcisceretur injuriam, furis agitatus iniquis, dirum virum sub pectore versans, apud se de illius nece tractabat. Cum igitur sero esset die uno sodebat in vestibulo domus infirmorum frater quidam religiosus et humilis, Haymo nomine, natione Remensis. Hic, sicut ipse michi confessus est, vidit manifeste duas horribilis forme personas et quas esse demones dubitare non poterat, ingredi domum illam. Eo tempore satellites ille Satane, Hugo predictus, cum fratribus egris corpore, mente jacebat egrotans. Media nocte surrexit Abbas ad confitendum Domino et nocturnis vigiliis interfuit. Necessitate poscente in dormitorium conventuale perrexit. Ubi Hugo in insidiis positus ut interficeret innocentem (Psal. x), ferro ad facinus preparato, ipsum letaliter vulneravit. Vixit usque in diem sequentem. Circa vesperum positus coram ipso fratribus dixit : *Dirige me, Domine, in veritate tua et doce me quia tu es Deus Salvator meus et te sustinui tota die (Psal. xxxv)*. Et cum hoc dixisset, obdormivit in Domino; et, ut credimus, martyr insignis celos perivit sanguine laureatus. Cujus corpus de more compositum Abbas Petrus usque Claramvallem deduxit, multum metuens ne quod audierat impleretur : « Tu eris Abbas Clarevallis. » Sed sortitus est sortem ministerii hujus quidam Henricus, vir potens in opere et sermone; quo post modicum in episcopum cardinalem assumpto, sedes illa vacabat et iterum tractabatur de electione Abbatis.

## XXI.

Erat in Claramvalle Prior claustralis Gillebertus, Abbas hodie Fusniaci. Hic beati viri sincerissimam sanctitatem intime cognoscens et optime, scilicet ut unicuique ejus et familiaris amicus, sollicitè cogitabat eum ab Igniaco in Claramvallem transferri. Dum hoc volveret in animo quidam de fratribus animum ejus et intentionem prorsus ignorans confessus est ei dicens : « Piam, inquit, gero sollicitudinem nostre domus, et ignoro quem nobis Domi-

A nus pastorem providere proponat. Ceterum talis visio michi ostensa est : Nuntiabatur nobis ad hanc domum Xpm Dominum advenire. Ad fores monasterii occurrebamus obviam. Videbamus cum non habentem speciem neque decorem, statura brevem, habitu pauperem, aspectu contemptibilem, nulli tamen erat ambiguum quin ipse esset Dominus Ihs Xps. Hanc visionem conferens et comparans suo proposito Gillebertus nil aliud poterat interpretari Xpm nisi Petrum verissimum Christianum et vere Christum, id est celesti crismate, id est Sancto Pneumate unctam, qui in oculis hominum pauper et medicus videbatur, virorum novissimus et tanquam a Deo percussus; ceterum omnis gloria ejus erat ab intus, ubi preciosa margarita fulgebatur in corde et ubi erat locus Domino, tabernaculum Deo Jacob : tabernaculum, inquam, fide, caritate ceterisque virtutibus, sicut pallis auro argento lapidibus preciosis constructum, ornatum, spaciosum, speciosum et preciosum, sed exterius cilicio coopertum, ubi desiderium visionis divine erat, in odorem suavissimum Domino, ubi concentus et consonantia rationis et affectionum reddens mellisquam armoniam, divinum etiam demulcebat auditum. Competenter igitur et merito in habitu pauperis Petri Xrs apparuit; et qui transformabit corpus humilitatis nostre configuratum corpori claritatis sue (Philip. iii) transformavit corpus claritatis sue configuratum corpori infirmitatis nostre, et cum in forma Dei esset et esset equalis Deo, semetipsum exinanivit in similitudinem Petri factus, et habitu inventus ut ipse (Philip. ii).

## XXII.

Gillebertus igitur hac visione factus animosior, vicinos Abbates et Petrum ex nomine convocavit; et Petrus quidem citatus aufugit. Ceteri nihilominus venientes, consentiente conventu, ipsum elegerunt absentem. Nec fuit qui contraireret, admirabilem virtutem illius cognoscentibus universis. Quesitus ergo inventus est in quadam grangia Ordinis illius inter conversos conversans. Et ea die inventus est in pratis fena vertens. Inde ductus Igniacum cum precibus vinci non posset, Ordinis auctoritate coactus suscepit officium invitus, nolens, adductus. Crastino cum proficisci vellent et tendere Claramvallem, valida febris invadit Gillebertum superius nominatum, qui unus erat querentium eum, querentium hominem Dei Jacob (Psal. xxiii). Venit ad eum homo Dei conquerens et dicens quod omnia per ipsum facta forent, et nunc contra jura amicitie eum in necessitate desereret. Necessitatem suam non mendacium ille pretendit; ad quod sanctus Abbas respondit : « Surgite, eamus hinc : febris vobis ulterius non nocebit. » Surrexit et cum servo Dei abiit, et post paululum febris eum dimisit. Itaque usque Claramvallem deductus a fratribus ut angelus Dei, ut homo missus a Deo, cum devotione et gratia eunctorum susceptus est. Ipse vero venit ad eos non in sublimitate sermonis, non in persua-

sibilibus humane sapientie verbis, sed in ostensione spiritus et virtutis, in veritate et perfectione Christiane religionis, quarum rerum eis exempla veneranda monstravit.

## XXIII.

Post aliquod tempus visitabat abbatias Clarevalis filias et Gillebertus cum eo de Boeriis novus Abbas. Porro Gillebertus equo insidebat, alias quidem commodo sed sepius offendebat ad lapides pedem suum et erat ad periculum residenti. Petrus autem attendens equum pedibus frequenter offendere et casum metuens Gilleberto, arguebat eum quare eo animali uteretur, unde ruinam damnique corporis facillime posset incurrere. Ad hec ille: « Molliter, ait, et apte velut et non est insidiosus, propter quod usum ejus multum amplector. Ceterum si michi metuitis et vultis michi prodesse, rogate Dominum ut hoc vicio amplius non laboret. Itaque, inquit, orationes effundende sunt potius quam fundende? *Nanquid enim de bobus cura est Deo?* (1 Cor. ix.) Attamen oro Deum ne ita corruat ut vobis malum faciat. » Usus est et postea multis annis nec cecidit, stabili nam fuit ille pede. Et ne casui potius quam Petri meritis ascribatur, statim ut Gillebertus Fusiaticum translatus equum et Boeris deseruit, quidam ex ejus loci fratribus equum ascendit, sub quo immo super quem quadrupes tam crudeliter corruit ut frater, fracto crure, lesus infelicitate ad monasterium sit relatus.

## XXIV.

Propter eximiam sanctitatem et conversationem ipsius, et quia nemo poterat hec signa facere nisi esset Deus cum eo (Joan. iii), que etiam sibi mutuo attestabantur, sicut cynamomum et balsamum aromatizans odorem dedit, et quasi myrra electa dedit suavitatem odoris (Eccli. xxiv): et hic odor se longe lateque diffuderat, et super omnia montana non solum Francie sed et ceterarum regionum divulgabantur omnia verba hec, et erat celebre nomen ejus, et plurimi sicut prophetam eum habebant, videbantque eum cum gaudio, utpote amicum Dei et familiarem ipsius. Denique Papa Romanus fama tam felici permotus quanti penderet eum satis ostendit, dum ad se, volens illum videre, vocavit. Mestus, ut aiunt, peregrinationem illam suscepit, sed obediens summo Pontifici ire non distulit. Erat idem Papa etate senex, senio gravis, egritudine tactus qua et postmodum defecit. Exhilaratus tamen ex adventu ipsius, vestibibus pretiosis ornatus, sedens in tribunali, cardinalium circumstante corona, festivus eum et letandus excepit. Inde ducens eum in locum secretum, apostolica majestate deposita, coram ipso, immo revera coram Xro qui in illo signis evidentibus apparebat, humilians se, omnia sua confessus est ei, ac de sacratissima manu ipsius coram ipso missas celebrantis Eucharistiam sanctam recepit; habitum quoque Cisterciensis Ordinis volebat assumere, sed vir Domini quo quidem nescio, sed sane sano consilio fieri non permisit. Locum quo-

que in quo abbatiam sui Ordinis instauraret, immo potius restauraret, siquidem ibi abbatia fuerat seculi destructa tunc erat, sumptus necessarios ad perficiendum Dominus Papa donavit. Post hec servum Dei secum aliquandiu demoratum, cum remanere non vellet, honoratum, quin etiam muneratum, redire permisit. Romane Curie detrahitur quod magnatum facies favorabiliter suscipere et opes solent exaurire potentum: jam nunc ei parcius derogetur. In Petro paupere et in hac parte magno Petro non dispare, qui aurum non habuit et argentum, nudam venerata est virtutem, rebus ipsis confessum verum esse quod ethicus ait poeta:

*Vilius argentum est auro, virtutibus aurum.*

(HORAT. Ep. i, l, 52.)

In conspectu ejus vacuus Petrus apparuit, gratiaque gratiam invenit, non emit, et ille cui reges Tharsis et insule munera offerunt, munera Petro pauperi obtulit, unde et Petrus supra petram sui Ordinis edificaret ecclesiam. Felix Petrus qui cum subjectus esset omni humane creature propter Deum, triumphavit montes aureos, non suis viribus, sed per Deum. Felix et Papa Romanus qui cum esset mons aureus elevatus in verticem montium se tamen subiecit propter Deum humillimo omnium hominum.

## XXV.

Positis quiddam parvum apponam unde tamen magnum aliquid valeat estimari. In Gallie quadam pontificali ecclesia inter clericos orta est dissensio super electione pontificis. Presens erat cardinalis Romanus in quem clerici compromiserunt, duos ei proponentes, ut quem nominaret ille hunc eligerent universi. Cardinalis Petrum consuluit quis eorum ei melior videretur; alteri eorum eo quod nobilis esset et dapsilis videretur plures favebant impensius, vellenteque plurimum ut ei attestaretur sanctus Abbas; quasi eum probabilius et saniori conscientia promoverent quem tantus vir suo testimonio pretulisset. Non erat ille harundo vento agitata, non hominibus placere querebat sed Deo: ideo secundum suam conscientiam et veritatem respondens, ait: « In duobus falsis denariis melior inveniri non potest. » Confusi sunt illi quoniam Petrus sprevit eos. Quinimo confusi non sunt et erubescere noluerunt; illum enim nichilominus elegerunt. Vivit usque hodie nobilis quidem genere sed non generosus virtute; et facile foret sed necesse non est nominare personam: satis est si scriptura loquatur materiam nec loquatur auctorem. inveni licet in Petri paucis sermonibus quatuor originales virtutes: prudenter siquidem in bono duorum comparisonem sustulit; nam quia neuter bonus fuit, alter melior dici non debuit. Juste nichilominus egit, qui justitiam non abscondit in corde suo, qui veritatem et salutem Dei dixit (Psal. xxxix): veritas odium parit, et dum odium quorundam occurrere et gratiam offendere in vero dicendo non refugit, fortis fuit et in seipso

. . . . Totus teres atque rotundus.

Non crediderunt verbo ejus, et quasi victus succubuit, non ex hoc movit litigium, non induit merorem, aliter sentientibus non detraxit, et ex hoc temperantiam et modestiam sui cordis ostendit. Ineptum forte, vanumque videbitur asserere in tanto viro tantas, id est quatuor principales virtutes, tam levi tamque fragili argumento, cum multifarie multisque modis ipsisque luce clarioribus frequentissime probate sint. Sed ut ait aliquis, « artificis est periti in parvo magna concludere. » quod in exemplo premissis brevi scilicet nos arbitramur egisse.

## XXVI.

Virtutes quidem hujus viri pluribus signis et ipsis insignibus, uti premisimus, probate sunt et ostense; porro patientia que sic asperis exercetur ut vilibus humilitas fortissimo argumento, quod tamen pretermisimus, in eo est probata. Dum in Valleregis esset Abbas validudine validissima vexabatur. Cujus mali violentia in capitis proram conscendens alterum ex ejus oculis ita dissolvit, ut liquefactus ex toto penitus deflueret, sedemque concavam vacuum relinquens, virum Dei ex Deo etiam tunc beatum Monoculum efficeret. Cogitetur attente tante temptationis immanitas, et in libra justitiae pia consideratione trutinentur dolor exercucians, deformitas vilificans, privatio luminis minus utilem eum reddens, et illud precipue quod in his omnibus non peccavi t ipse labiis suis, neque stultum quid contra Deum locutus est: sed ut de martiribus sancta canit E ecclesia :

*Non murmur resonat, non querimonia,  
Sed corde tacito mens bene conscia  
Conservat patientiam.*

Ha vir iste sicut agnus mansuetissimus coram tondeute sine voce non aperuit os suum, sed obtulit, et humiliatus est et siluit a malis (Psal. xxxviii); quin immo dicere solebat unum se de suis inimicis evasisse, ut ab altero magis quam a perditio formidaret. Non quia sensus aut membra corporis sui vir consummatissimus adversari sibi sentiret, quippe que potius erant arma justicie Deo, sed nimirum ad solatium damna corporis egre ferentium hec dicebat, eos per compassionem in se transformans, eis se per humilitatem assimilans. Membra siquidem sua que super terram erant assiduitate laboris, ardore caritatis, discipline vinculis subegerat, imperans eis non serviens, utens eis non fruens, immo jam quantum ad se usu eorum non indigens et velut suffragia emendicata contemnens. Quippe qui ut de magno Martino legitur, humanam naturam supergressus, celo teste, Deo presente et adjutore fruebatur; et tanquam a Domini spiritu per ipsum ad ipsum mente excedebat, ad quem per sensuales conjecturas et corporis labores alii vix ascendunt. Et implebatur in illo Scriptura que dicit: *Et cum simplicibus sermocinatio Dei* (Prov. iii), cui quantum fuerit familiaris cum ex pluribus tamen ex eo quod subiectam apparebit.

## XXVII.

Cum adhuc Abbas esset Iguiaci, fratres aliquando Priorem non habebant, cumque eum differret constituere senior quidam causam dilationis inquitens ab ipso audivit: « Super hoc Dominum rogare non cesso, nec aliquid ab ipso responsum accipio. » Nominavit ille senior unum quem idoneum estimabat. « Minime vult hoc Dominus, » ait ille. Ex his indubitanter licet asserere quod uti Moyses sic iste loquebatur ad Dominum sicut homo loquitur ad amicum suum (Exod. xxxiii). Nimirum sicut ille locuturus Domino montem ascendit, sic iste in magno non montis sed mentis culmine stetit, ubi more quidem multorum Dominum consulebat, sed more paucorum Dominum audiebat.

## XXVIII.

Sed regredientes ad Claramvallem, dicamus quod paulo ante obitum suum vir Dei Petrus, eo trahentibus cum domesticis negociis, Remis venit. Ex hoc et venientem vidi et abeuntem longius ipse deduxi. Intuebar eum non minus reverenter, non minus affectuose quam angelum. Intuebar eum et occurrebat magni Martini memoria, quem Severus Sulpicius orator ille nobilis describit in veste hispida, nigro et pendulo pallio circumiectum, asino immo asello gestatum. Conformis iste Martini et ejus emulator expressus equo paulo majore asino ferebatur. Ferebat etiam ad instar mantice puerorum peditum scapularia, capa pendula et vetusta vestitus, rustici pauperis expressius quam Abbatis imaginem preferbat. Erat interea ipse statura pusillus, corpore tenuis et exesus, non lascivius sensibus sed quietus; et terrenis affectibus mitigatis, cogitatione suspensus et velud absens presentibus, ut non homo videretur sed spiritus. Talem eum tunc vidi, talem notavi, talem credidi, propter quod et locutus sum et talem eum descripsi. Igitur cum de rebus variis colloquentes per aggerem publicum pergeremus, pulvis antecedentium vestigiis excitatus et vento ab opposito flante repercussus nobis molestiam ingerebat, tunc aio ad eum: « Antecedamus precedentem ut procellam hujus pulveris evadamus. » — « Si preambulos, inquit, precederet, erunt ipsi in sorte qua sumus, et pena reversura est in caput ista suum; nec est caritatis consilium intuitu sui commodi suum proximum molestare. » Erubui, fateor, attendens in me mei curam, aliorum incuriam, in illo autem excellentiorem viam, id est majorem caritatem: quando iste proximum gravaret in gravibus qui ledere cavebat in levibus? Iba-  
mus interea, nec nos pulvis pungere, ventus vexare cessabat. Igitur ei compatiens, ejusque animus ex animo meo metiens, cum ipse animi patientia speciali passionem corporis superaret, corrigens quod reprehenderat ille, consilium dixi: « Lata est via que nos ducit: jungamur sociis lateraliter, ita illis illesis nos quoque salvi erimus a pulvere, spiritu et tempestate. » Annuit ille, et sic ambulantes, de-  
que rebus variis ut premisimus colloquentes, ma

gnam partem diei consumpsimus. Et cum me ratio a l'editum invitaret, jamjamque separandi essemus, ut cibus dolore cordis intrinsecus et trahens ab imo suspiria dixi : « Siccine separat nos amara mors ? » Nec hoc dixi tanquam prescius futurorum, ex hoc tamen futura predixi. Nam post non multum temporis intervallum transiit ille de hoc mundo ad mundi conditorem. De cujus transitu que nobis testati sunt qui fuerunt breviter dicam et sic narrationem istam concludam.

## XXIX.

Igitur Petrus cum aliquot annis Clarevallensibus profuisset, egressus a Claravalle sui Ordinis secum quosdam habens Abbates, finitimas regiones perambulans, graviter infirmari et viribus corporis cepit repente destitui. Cunque ipso silente egritudo periculum imminens loqueretur, accessit ad eum Gillebertus supranominatus qui semper erat sollicitus super eo, etenim ipsum tenere diligebat, dixitque ei : « Domine, quantum ex habitudine tua perpendo, in proximo est ut recedatis a nobis. » Ad hoc ille respondit : « Hoc puto et spero; nam in hoc anno multas preces effudi ad Dominum ut me liberaret de corpore mortis hujus (Rom. vii). » Interea morbus augebatur, morbidus angebatur. Vix tamen et cum labore usque Fusniacum venire. Ibi visum est fratribus quod iungi deberet, et a superiori cenaculo ubi mansionem acceperat, in inferiore domum quo fieri posset hoc competentius, eum deportare volebant. Ille vero qui nullo unquam labore, nullo dolore victus fuerat, nec foret ipsa morte vincendus, fatiscientes artus spiritum servire coegit. Surrexit, descendit, inunctus est, rediit, et tota nocte usque ad vesperam sic permansit; et cum jam fratres completorium decantassent Gillebertus, more fidelis amici, propius assistebat amico, a quo nimirum paulo post separandus foret, qui que in supremo spiritu jam positus esse videretur. Hoc ratus Abbas de Valcellis qui et ipse cum ceteris propter astabat in hec verba prorupit : « Quid agimus fratres : homo iste recedit a nobis. » Quod audiens vir Domini elevata manu innuit eis non se tunc sed in crastino migraturum; fratres igitur interim siluerunt, at illi pernox in orationibus suum Domino transitum commendabat. Tenebras repente diluculo ad ipsum fratres conveniunt, quibus ipse conatu quo poterat Dei dilectionem inculcabat : et cum ad eos loqui non posset, orare tamen Dominum non cessabat. Itaque sicut placidus et quietus exstiterat, ita placide et quiete in ipsa oratione in qua constabatur Domino, emisit spiritum ad Dominum qui dedit illum; et ad quem alium pergeret ille spiritus nisi ad Dei, immo ad Domini spiritum, cum quo illi inherendo fuerat unus spiritus, ad quem multa et magna merita eum elevabant, a quo nulla malicia eum separabat, in quo et Spiritus sanctus similitudinem suam, immo se ipsum repperit, et funestus spiritus [funereum] nichil invenit. A quo quam longe fuerit omnis ma-

licia, in quo quanta fuerit innocentia testatus est, me audiente, Gillebertus ille superius et sepius nominatus, qui ejus cum aliis coabbatibus confessionem audivit, et qui ejus absque confessione, ut Deo ait Psalmista, sessionem et resurrectionem noverat. Testatus est ergo quod pro omnibus offensis quas confessus in suo sine fuerat, et quas in omni vita sua post inchoatum monachatum contraxerat, ut ejus verbis utar, plus quam *Miserere mei Deus et Pater Noster* cuius penitenti non deberet iungi. Quod si vetere proverbio pares paribus facillime congregantur et similia similibus naturaliter coaptantur, indubitanter concludere licet quod verum est quia Petrus hic pauper et modicus celum dives ingreditur, et quorum est vitam imitatus et mores sanctis et angelis sociatur. Sed jam spiritu digne pro meritis collocato, corporis exequias prosequamur.

## XXX.

Quidam de fratribus unum de dentibus ejus proponebat extrahere, pro thesauro scilicet et reliquiis illum servare desiderans; ex hoc se facile facturum presumebat quod os apertum defunctus habebat. Accedens igitur ut pium furtum patraret, os clausum et sic obstructum repperit, ut propositum implere non posset. Notatum est ab aliquibus, et quasi pro miraculo habitum, ego autem ut presumptive judicem, hoc arbitror quod singularem humilitatem quam vivus habuerat etiam defunctus servabat. Lotum est illius corpusculum, quod etiam exanime non horrorem sed gratiam possidebat, retroque impositum licet sepulturam igniaci in mortali sua humilitate voluisset, tamen usque Clarevallem delatum est. Fratres autem, ut audivimus, ubi Sanctus Bernardus primo positus fuerat ibi propter gratiam meritorum, et quia justus erat monumentum, posuerunt Petrum : nimirum consonantes quorundam testimonio, quibus iste visus est non minoris meriti quam ille. Nam, quod paco dixerim aliter sentientium, ille quidem *excelsus in verbo glorie (Eccli. xlvii)*, homo magni consilii, *curvus Israël et auriga ejus (IV Reg. xiii)*, scriba doctus in regno celorum, *proferens de thesauro suo nova et vetera (Matth. xiii)*, in Ordine Cistercii, in Ecclesia XPI multum fructum fecit in tempore suo. Ille, inquam, *lucerna ardens et lucens (Joan. v)* posita super candelabrum ut luceret omnibus qui in domo sunt (Matth. v), sicut lampas limpidissima lucis sue radios longe lateque diffudit; iste autem, ut breviter dicam, quasi carbo succensus, sed cinere sue paupertatis opertus, minus quidem splendoris sed ardoris non minus habuit.

## XXXI.

Post obitum exterioris hominis et sepulturam corruptibilis corporis, interiorum ejus hominem, id est animum hominis abisse quidem, sed non obisse, licet etiam fides hoc teneat, tali tamen argumento probatum est, Monachus quidam Prior ejusdem cellule sanctum virum frequentare solebat. Hic

gravi quadam temptatione pulsatus et peccati vinculis irretitus eius consilium et auxilium flagitabat. Vir Domini verbum ei impendens solatii bonam spem suæ liberationis habere iubebat. Sed cum fama funeris ad illum venisset, velut obside sue redemptionis perditio, de sua liberatione pene desperans, defunctum quasi viventem alloquebatur et de solutione sue pollicitationis compellabatur. Dum taliter ad ianuam divine pietatis pulsaret, in somnis ei sanctus Dei Petrus apparuit, et consolans eum, quod ab omni temptatione sua salvatus esset asseruit. Evigilans ille et quasi somnium quod viderat et audierat reputans, nichilominus sponsonis exitum expectabat. Et ecce infra paucos dies persona quedam cujus amore illicito ligabatur et qua vivente se sanari posse non sperabat, nunciatur defuncta; atque ita laqueus contritus est, peccator solutus et justus sermo completus.

## XXXII.

Completus est et sermo iste qui hactenus de iusto isto habitus est; completus est, inquam, sed non plenius, quia nec plane nec satis urbane de ipso est que dici poterant vel debuerant executus. Nam sicut in proemio premisimus, sanctus iste qui juvenis inchoavit, senex decessit, sine dubio plura patravit que sunt incognita: et si cognita sunt, alii sed non michi. Siquidem, ut repetam que dixi quondam scribens de Domino Willelmo Abbate sancti Theodorici qui unus fuit et primus eorum qui vitam scripsere sancti Bernardi, cum premissa michi dicerentur, non ea scribere proponebant nec plura sui sollicitus indagare; jam vero cum calamo manum apponere decrevissem, plura querendi non fuit oportunitas vel facultas. Nichilominus tamen vereor ne iudicer ab humano die virum hunc nimis laudibus extulisse, quasi aliud habuerim iudicium super vivo quam habeam de defuncto; et item quia eum commendare suscepti, licuerit mihi magis dixisse mira vel magna quam vera; more quorundam qui declamatorie solent multiplicare loqui sublimia studiosius quam veracia, vel poetarum

*Qui miranda canunt, sed non credenda, poete;*

ad quæ vel penitus purganda, vel aliquatenus lenienda, licet de premissis dubitare non possit nisi valde perversus; et quia tamen sapientibus et insipientibus debitor sum, epistolam hic ponam quam ipsi, dum adhuc viveret et esset Abbas Clarevallis, porrexi, ut ipsa sit et contra incredulos apologia et operis presentis epilocus, et in ea iudicii mei super eo presentis et preteriti indifferentia cognoscatur. Premissa igitur salutatione loquens et scribens ad ipsum sic dixi:

## XXXIII.

Ego sum Thomas germanus Philippi, unus scilicet de duobus fratribus Radolii quos diligere solebatis, cum adhuc Igniacensi ecclesie Vestra Beatitudo preesset, et fratres illius loci de vestra presen-

PATROL. CCIX.

tia letarentur, qui nunc absentiam vestram tanto gravius ferunt quanto quid conferret presentia ipsius absentie experimento didicerunt. Sed, ut de magno Martino legitur, cuius ut secundum conscientiam loquar vos estis imitator invictus, nobis estis ablati, illis de Clarevalle a Deo estis donatus; si tamen Clarevallenses in hoc Dei munere Dei gratiam recognoscunt, si non respiciunt in vanitates et insanias falsas, si non secundum faciem sed iustum iudicium iudicare noverint. Quid igitur de vobis ipsi iudicent viderint, ego constanter assero, testimonium in hoc habens ab omnibus recte iudicantibus, quod quicumque vos non admiratur et diligit, decipitur profecto non parum et errat, aut certe vestram virtutem aut veram ipsius virtutis naturam ignorat. Habuerint illi de Clarevalle in aliis patribus gloriosa carismata, in vobis nempe, si dissimulare norunt, habent, quod quanto rarius invenitur tanto carius approbatur, vere et XPiane virtutis exemplar; cuius perfecta effigies et veritas sustantialis non est in magnis et mirabilibus huius mundi, nec in eis rebus que sunt secundum seculi iudicium gloriosa, sed in fide firma, in caritate ignea, in humilitate profunda, in rerum visibilium contemptu et continentia, in invisibilium amore et experientia. He sunt vestre et vere divitie; has magnifice possidetis. Harum conscientia alia in quibus alii excellunt, quod fortius est facere quam habere, contemnitis. Hec igitur fratres vestri videant, et si volunt gloriari in Domino, glorientur; habent pre ceteris hanc excellentie gloriam quod habent in Dei rebus hominem singularem.

Sed hec dicta sint hactenus, que quidem pauca esse non dubito pro materie dignitate, sed profundissime et singulari humilitati vestre multa esse multumque onerosa non dubito. Ceterum, ut ad sanctam Paulam scribit sanctus Iheronimus, neque XPI preconia, etiam si volucro, adiuratus neque vestras laudes tacere possum. Jam nunc prostratus pedibus Vestre Sanctitatis et ipsos pio amplexu et summa devotione deosculans, precor mi Pater, mi Pater, et si de tanto Dei servo ego tantus peccator audeam dicere, mi amice, ut Thome filii vestri, qui hoc vobis scribit, et Philippi fratris mei memoriam habeatis, et hanc pro maxima dilectione quam erga vos habemus retributionem reddatis, ut pro nobis nominatim aliquando communem omnium sed vestrum proprium Deum exoretis; hec desiderabilia michi sunt super aurum et lapidem preciosum multum (Psal. xviii). Nec mirum: sicut enim Deo nunquam sine spe misericordie supplicatur, ita constanter credo quod nunquam ei sine obtentu eius misericordie supplicatis; et si non plenum in eis que exigitis, tamen ad aliquod commodum eorum pro quibus rogatis. Et omnino iustum est ut vos supra ceteros exaudiat in vestris precibus, cum supra ceteros nostri temporis quos novimus eum in suis mandatis audiat.

Congregemus in unum ea que premissa sunt et

velut sub uno solis radio non solum memori sed vigili quoque cogitatione pensemus. Claudamus hoc opusculum et ei metam figentes, non tantum probabiliter sed etiam necessario concludamus quod Petrus servus XPI fuit verissimus. Imitemur eum, et si virtutis imitatione non possumus eum sequi, debite venerationis et dilectionis contingamus affectu. Credamus in Xpm et diligamus ipsum in quem ipse credit et quem ipse dilexit, et quem diligens sanctus fuit, et sanctus existens virtutes premissas et multas alias pretermisissas patravit. Credamus, inquam, in Xpm, sed fide que per dilectionem operatur, ut ita credentes in ipsum, post vitam temporalem, vitam que in Xpo est, immo que Xpo est et ad quam Petrus processit, nanciscamur eternam.

## XXXIV.

Magistro Henrico monacho Longipontis frater Thomas de Radolio salutem. Ex opusculo quod de vita venerabilis Petri Abbatis Clarevallis composui tollendam censetis epistolam in ejusdem operis calce locatam, tum, ut verbis vestris utar, quia ad materiam rei non satis attinet, tum quia adulationis notam gerit, viventi directa : ex quo etiam maligni et invidi occasionem repperiunt detrahendi. Credo multum majorum ac per hoc vestro iudicio, sed credo aliquid et meo : unde sine vestri iudicii prejudicio presumo dicere : « Non michi ita videtur. » Cum enim virum illum virtutis dignum laude intenderim laudare, et epistola laudes ejus epilogando contineat, ad rei materiam indubitanter pertinere probatur ; sed nequam adulationis viventi porrecta protendit : a simili adultores dicentur magni viri qui laudes magnorum virorum ipsis viventibus descripserunt, ex quibus nominatim, ut reliquos sileam, Sulpicius Severus et Abbas sancti Theodori Willelmus historias laudesque scripserunt, ipsis adhuc viventibus, magni Martini vestrique Bernardi. Nec illi pro laudibus suis evanuerunt in cogitationibus suis, quorum nimirum erat gloria non laus humana licet vera, sed veritatis testimonium et bona conscientia; nec isti dentem invidi timuerunt quomius ea scriberent, unde se Deo placere et humiles edificare sperabant. Hoc intuitu quidam eorum scientes et prudentes in flammis manus miserunt quas succendebant illi qui, stimulantem invidia, ea despiciebant et carpebant que ipsi consequi non poterant. Igitur et ego, licet illis in puritate tantum impar quantum gygantibus nani, immo magis incomparabiliter, cum viro viventi suas laudes offerrem, adulationi minime serviebam, quia ei non placere sciebam, sed ut verum fatear meumque revelem consilium, et vera

dicebam et hoc eum modo fratribus suis commendare volebam : timens ne, quia, ut ait sanctus Bernardus, *omne humile probro ducitur*, parvipenderent eum, cujus videntes exteriorem humilitatem, immo, ut magis proprie loquar, humiliationem, forsitan ignorabant vel minus attendebant intimam claritatem. Hanc eorum oculis ingerebam, et licet ex directo loquens ad illum, ex obliquo magis illos attendebam.

Maneat igitur Epistola si probatis, laudesque sancti etiam cum meo rubore contineat : non enim in illa propriam sed Dei servique ejus gloriam cogitavi ; linguas inimicorum equanimiter portare paratus sum quas presertim occasio talis exacuit. Certe si linguas hominum paccatas habuere voluissem, penitus michi fuerat, cum loqui nesciam, reticendum, et item eas si penitus paccare voluero, non epistola sola sed prorsus omnia delenda sunt, quia et invidi omnia carpere parati sunt, et benivolis eruditus sane et iudicare gnaris ex artibus omnia vel plura merito complacebunt [*legendum puto* : non placebunt]. Ideo cum exceptione, ut testatur proemium, quod scripsi scripsi ut *legentes* sustinerent modicum quid insipientie mee, et interim contenti nostris ineptiis, prestolarentur qui materiam inepte tractatam aptius retractarent.

Ille notate diligenter, carissime, et ut vel michi credatis, vel forsitan fortius evincatis, quia sanctio non solum legalis est, sed etiam evangelica quod *in ore duorum vel trium testium stare debet omne verbum* (*Matth. xviii*), videat opusculum nostrum Domnus Hugo ex-abbas vester, qui hujusmodi litterarum usum habens de ipso iudicare callebit. Qui cum filii matris sue pugnarent contra eum, dum cedere nescit, egressus abiit post vestigia gregum nostrorum : nunc autem, ut audio, quasi quodam postliminio per aliam viam regressus est in regionem suam. Siquidem illud egit mentis magnitudine, istud modestia ; ibi robustus, hic modestus, utrobique justus. Sed parco, ne iterum iudicer adulari.

Illud autem in opusculo nostro, in quo *Romane Curie* detrahi videbatur, quia non est tutum in eos scribere qui possunt proscribere, delendum vel, ut vobis videtur, vertendum esse consentio, quod et ipsum feci.

Si quis amore sancti duntaxat libellulum transcribere voluerit, utinam hanc scribere non omitat epistolam, ut ex ea satisfiat legentibus ; et quod agit et intendit premissis libro prologus hoc repetat missus vobis, ut sic dicam, postlogus.

*Explicit tractatus Domni Thomæ monachi de Radolio de vita venerabilis Patris Domni Petri abbatis Clarevallis.*

# ORDO RERUM

## QUÆ IN HOC TOMO CONTINENTUR.

### S. MARTINUS LEGIONENSIS.

#### SERMONES DE SANCTIS.

SERMO I. — In transitu sancti Isidori.	9
SERMO II. — De sancto Joanne Baptista.	15
SERMO III. — In Assumptione sanctæ Mariæ.	19
SERMO IV. — In Nativitate sanctæ Mariæ.	25
SERMO V. — De sancta cruce.	29
SERMO VI. — In festo sancti Michaelis archangeli.	37
SERMO VII. — In festivitate Omnium Sanctorum.	45
SERMO VIII. — In translatione sancti Isidori.	51
SERMO IX. — In translatione ejusdem sancti Isidori.	55.

#### SERMONES DE DIVERSIS.

SERMO I. — In dedicatione ecclesiæ.	61
SERMO II. — In dedicatione ecclesiæ.	67
SERMO III. — Ad fratres, ut non habeant proprium.	93
SERMO IV. — De prælatis Ecclesiæ.	97
SERMO V. — De obedientia.	101
SERMO VI. — De disciplina.	107
SERMO VII. — Qualiter juvenes otium fugiant.	115
SERMO VIII. — Qualiter senes et juvenes Deo servire debeant.	119
SERMO IX. — Ne monachi sive canonici regis curiam frequentare præsumant.	125
SERMO X. — Ne monachi sive canonici secreta principum scire appetant.	151
SERMO XI. — De actibus apostolorum.	157
Expositio in epistolam B. Jacobi apos. oii.	183
Expositio in epistolam I. B. Petri apostoli.	218
Expositio epistolæ I. B. Joannis.	253
Expositio libri Apocalypsis.	259

### GUALTERUS DE CASTELLIONE.

Notitia.	419
Notitia altera.	421
TRACTATUS CONTRA JUDEOS.	
Prologus.	425
Liber primus.	425
Liber secundus.	457
Liber tertius.	449
ALEXANDREIS.	
Monitum ad Lectorem.	459
Epistola auctoris.	463
Liber primus.	465
Liber secundus.	475
Liber tertius.	485
Liber quartus.	497
Liber quintus.	507
Liber sextus.	519
Liber septimus.	529
Liber octavus.	541
Liber nonus.	551
Liber decimus.	565

#### APPENDIX AD GUALTERUM.

LIBER DE TRINITATE auctore Gualthero, vetere theologo. — Monitum.	573
CAP. I. — Deus unus, incorporeus, omnipotens, æternus, omnium creator, immutabilis, idque non ratione advertentia, sed essentialiter.	575
CAP. II. — In unitate divinæ substantiæ tres sunt personæ, seu hypostases, Pater, Filius, et Spiritus sanctus.	577
CAP. III. — Pater a nullo est; Filius a Patre genitus est, ab eodemque procedit; Spiritus sanctus procedit, non gignitur, a Patre et Filio.	578
CAP. IV. — Pater a nullo habet, quod habet. Filius omnia sua habet a Patre. Spiritus sanctus quidquid habet, habet a Patre et Filio, non per gratiam, sed naturaliter: ex quo tamen non sequitur, ullam in divinis personis minoritatem esse.	578
CAP. V. Tota Trinitas, ejusdemque ad extra operatio persors inseparabilis est, et quidquid operatur una persona, id operantur et reliquæ.	579

CAP. VI. — Quidquid de Deo dicitur substantialiter, omne illud de Patre et Filio, et Spiritu sancto pariter enuntiat. An dicere liceat in Trinitate esse tres naturæ rationalis substantias individuas? 581

CAP. VII. — De singulis personis etiam prædicantur, quæ Deo conveniunt ab æterno respectu naturæ, uti et ea, quæ respectu creaturæ Deo temporaliter competunt. Solus Filius carnem assumpsit in tempore. Deus nullo afficitur accidente, sed invariabiliter permanens diversa sortitus est nomina ex rerum varietate, quam fecit. 582

CAP. VIII. — Quia de singulis in Trinitate personis prædicandum sit quoad prædicata relativa? Licet omnes tres personæ sint unus Deus, et unus Deus sit Trinitas, non tamen ideo triplex appellandus est Deus. 583

CAP. IX. — Mysterium Trinitatis humanæ animæ similitudine declaratur. 584

CAP. X. — Perfectam summæ Trinitatis cognitionem soli in cælis beati habebunt. 586

CAP. XI. — Auctoritate et ratione ostenditur, in Deo nullas esse proprietates vel relationes, quæ non sint idem cum Deo, sed aliæ res, quam Dei substantia. 586

CAP. XII. — Ostenditur, S. Hieronymi sententiam, adversæ opinioni nulla ratione suffragari, uti nec verba præfationis in missa de SS. Trinitate. 587

CAP. XIII. — Confutatur eorum error, qui soli Patri omnipotentiam, soli Filio sapientiam, soli Spiritui sancto bonitatem tribuendam esse delirant, putantque ac jactant se mysterium sacratissimæ Trinitatis comprehendisse. 588

### WILHELMUS ABBAS S. THOMÆ DE PARACLITO.

Vita Sancti Wilhelmi auctore anonymo, ejus discipulo.

Observationes præviæ. 589

CAP. I. — Ad S. Genovesæ sæcularem canonicum dissoluti collegæ persequantur, regulares illuc inducuntur. 595

CAP. II. — S. Wilhelmus, e sæculari regularis canonicus factus, magni zeli exempla præbet. 599

CAP. III. — In Daniam accersitus Wilhelmus, sit abbas Roschildensis, et multa adversa fortiter sustinet. 604

CAP. IV. — S. Wilhelmi virtutes, et quædam viventis miracula. 610

CAP. V. — Felix sancti obitus et signa futuræ gloriæ ejus prægressa ac secuta. 614

CAP. VI. — Miracula post transitum S. Wilhelmi. 619

CAP. VII. — Alia S. Wilhelmi miracula. 625

CAP. VIII. — Reliqua miracula S. Wilhelmi. 631

#### EPISTOLÆ S. WILHELMI.

Monitum ad lectorem. 635

Præfatio Wilhelmi in epistolarum suarum libros. 637

Capitula epistolarum libri primi. 639

Capitula epistolarum libri secundi. 640

Liber epistolarum primus. 645

Liber epistolarum secundus. 675

#### GENEALOGIA REGUM DANORUM.

Monitum. 727

Incipit regum Danorum genealogia. 729

#### REVELATIO RELIQUIARUM SANCTÆ GENOVÆ FÆ.

741

FRAGMENTUM INSTRUMENTI quo S. Wilhelmus anniversarium fundat Absalonis archiepiscopi Lundensis. 745

#### DIPLOMATA S. WILHELMI ET VARIORUM.

I. — Absalon episc. Roskild. ecclesiam Beati Thoræ de Eskilo in suam protectionem suscipit, eidem possessiones suas confirmat, et plura beneficia ac privilegia confert. 746

II. — Absalon episc. Roskild. confirmat Wilhelmo abbati S. Thomæ de Paraclito et ejusdem ecclesiæ fratribus ea, quæ cambio aut donatione ab ipso obtinuerunt. 748.

III. — Confirmatio Alexandri III.	749
IV. — Wilhelmus abbas sub excommunicationis sententia prohibet, ne Elkiſo a monasterio B. Thomæ de Paracito vel vendatur vel commutetur.	749
V. — Wilhelmus abbatis confirmatio compositionis inter monasteria Ebelholt et Estrom de decimis quibusdam ac aliis rebus controversis.	750
VI. — Absalon archiepiscopus Lundensis fratribus ecclesiarum B. Thomæ de Paracito omnes possessiones eorum confirmat.	751
VII.	752
VIII. — Confirmatio Alexandri III papæ.	753
IX. — Super molam et silvam apud Græsse.	753
X. — Stephanus de S. Genoveſa ad Guillelmum abbatem de Paracito. — Plumbum ab eo expetit.	753
XI.	753
XII. — Confirmatio Ecclestini III papæ.	754
XIII. — Kanuti regis confirmatio compositionis inter canonicos de Paracito et colonos regios de piscatione Clonæ per Andream cancellarium et alios factæ.	754
XIV. — Institutio domini abbatis Wilhelmus super anniversaria die ejus, quomodo sit agenda post obitum ejus.	755
XV. — Neulinghe.	756
APPENDIX AD S. WILHELMUM.	
Testamentum Absalonis archiepiscopi Lundensis.	756
Notæ ad præcedens testamentum.	761
<b>WILHELMUS DE CAMPANIA ARCHIEPISCOPUS REMENSIS.</b>	
Notitia.	817
<b>EPISTOLÆ WILLELMI.</b>	
I. — Ad Alexandrum papam. — Pro Thoma Becquet, archiep. Cantuar., scripta cum adhuc episcopus Carnotensis ageret, id est anno 1166	823
II. — Ad eundem. — Pro eodem.	823
III. — Ad eundem. — De his quæ circa festum Epiphaniæ anni 1169 Ludovicum inter Francorum regem et regem Angliæ in colloquio apud Montem-Mirabilem habito gesta sunt.	823
IV. — Ad eundem. — In causa S. Thomæ Cantuariensis. Scripta cum archiepiscopus Senonensis ageret.	825
V. — Ad eundem in causa ejusdem.	825
VI. — Ad regem Angliæ. — De excommunicatis ab archiep. Cantuariensi.	823
VII. — Ad Alexandrum papam. — De coronatione filii regis Anglorum.	825
VIII. — Ad eundem. — De nece S. Thomæ Cantuariensis.	823
IX. — Ad eundem. — Quod terram regis Anglorum cismarinam interdicto subjecerit.	823
X. — Ad Ervisium abbatem et fratres cœnobii S. Victoris Parisiensis.	826
XI. — Ad Alexandrum papam. — Pro Hugone de Campo Florido, Suessionensi episcop. regis Francorum cancellario.	826
XII. — Ad Mauricium Parisiensem episcopum. — De deposito DC. marcarum argenti ab Eskilo Lundensis archiep. Ervisio S. Victoris abbatis commisso.	826
XIII. — Ad magistrum Meliorem cardinalem. — Commendat illi negotium archiepiscopi Turonensis.	827
XIV. — Ad B. præpositum et capitulum Remense. — Pro electione Petri Cantoris Parisiensis in decanum Remensem.	827
XV. — Ad Petrum Cantorem. — De ipsius in decanum Remensem electione certiorum facit.	828
<b>DIPLOMATÆ WILLELMI.</b>	
I. — His omnibus qui nundinis interfuerint, quæ die Paschatis juxta hospitale Leprosorum celebrabantur, indulgentias concedit.	829
II. — Willelmus cum in coronatione regis solitis majores expensas fecisset, æreque alieno ob id gravaretur, petit a capitulo Remensi subsidium aliquod ex communi ærario, sed ne ex illo deinceps aliquod pateretur detrimentum, sequenti charta declarat prædictum capitulum ab ejusmodi expensis esse immune, quæ sic incipit.	829
III. — Remenses pejoris conditionis esse non ferens, quam cæterarum urbium accolæ, qui suis magistratibus gaudebant, restituit scabinos, jus eis impertiendo civiles causas, forensesque excutendi, tribus exceptis casibus in charta contentis.	830
IV. — Sanremigiani monasterii jura et consuetudines confirmat.	832
V. — Charta domini Willelmi archiepiscopi super pactis inter ecclesiam Remensem et dominum Rainaldum de Roseto, super villa de Frasilcurte habitis.	833
VI. — Burgensibus castri Bellimontis in Argona, ab ipso extructi, immunitates concedit.	833
VII. — Ad Remensis urbis decus, civiumque commo-	

dum, eorumque eis concessit extra urbis ambitum, quæ ædificiis de novo constructis, pomorum ejus protenderetur, illamque præsertim carpentarii, qui dolis, aut quadrigis fabricandis dant operam, habitarent, ac in eam nundinæ Paschales, quæ juxta leprosorum capellam fiebant transferrentur.	840
VIII. — Charta pro valle Radigionis.	841
IX. — Privilegium domini Willelmi archiepiscopi de pace facta inter Alanum de Rocoio et burgeses Remenses.	842
X. — Charta de præpositura	843
XI. — Ecclesiæ S. Remigii personatum de Driencurto pro anniversario suo et fratris sui Henrici celebraudo concedit; quin et aliorum anniversaria, ne oblivioni traderentur, enumerat.	844
XII. — Charta de banno Castellani monasterii S. Remigii restitutum.	845
XIII. — Charta domini archiepiscopi pro Novavilla juxta Curmisiacum sita.	846
XIV. — Satisfactionem vicedomini cujusdam Catalaunensis admittit pro damnis ab eo illatis Ecclesiæ Remensi. Magistro scholarum Remensium duos modos frumenti in molendinis Remensibus recipiendos assignat.	847
XV. — Charta qua Willelmus Remensis archiepiscopus, duodecim libras annuatim percipiendas, canonicis S. Dionysii assignat, in recompensatione decimæ quam habebant in jardo et in culturis civitatis Remensi adjacentibus.	848
XV bis. — Compositionem inter episcopum et capitulum Silvanectense factam confirmat.	849
XV ter. — Privilegium pro canonicis Cisoniensibus.	850
XVI. — Charta libertatum et consuetudinum hominum et habitantium in villa de Thuisy prope Septem Salices.	851
XVII. — Privilegium pro abbacia Signiacensi.	853
XVIII. — Omnibus fidelibus qui in solemnitate B. Joannis ad ecclesiam apud virtutum ab Henrico Campaniæ comite fundatam elemosynas erogaturi accesserint, 30 dies de injunctis sibi parentibus relaxat.	853
XIX. — Magistro Garnerio, scholis Remensibus præfecto, dignitatem ac personatus titulum assignat cum dotis incremento.	854
XX. — Charta qua Willelmus Remensis archiepiscopus vallem Radigionis, et plura alia confert capitulo Remensi.	855
XX bis. — Privilegium pro ecclesia B. Joannis de Virtute.	856
XXI. — Ad petitionem canonicorum S. Quintini in Viromandia, id quod de foranitate, juxta decretum Alexandri III, confirmat.	857
XXII. — Abbatibus SS. Remigii, Nicasii et Dionysii facultatem habendi servientium unum, seu burgensium liberum in banno suo cum eadem immunitate, qua fruentur burgeses canonicorum concedit.	857
XXIII. — Charta de sententia lata in dominum Nicolaum de Ruminacio.	858
XXIII bis. — Charta Guillelmi I archiepiscopi Remensis, de electione abbatissarum Avenacensium.	859
XXIV. — Leprosis Remensibus, ob nundinarum translationem in vicum cultura, centum sextarios in exchange concedit.	859
XXV. — Hospitali domo sancti Antonii Remensi, ab ipso fundatæ, privilegia multa impertitur.	859
XXVI. — Charta super Christianitate Remensibus canonicis concessa.	861
XXVII. — Transactio inter Remensem archiepiscopum et capitulum Remense de francis servientibus.	862
Epistola Philippi regis Francorum ad Willelmum Remensem archiepiscopum. — De decima Saladina.	869
Epistola nuncupatoria cujusdam Willelmi ad Willelmum archiepiscopum Remensem in suam <i>Microcosmographiam</i> .	869
<b>JOANNES DE BELMEIS LUGDUNENSIS ARCHIEPISCOPUS.</b>	
Notitia historica	873
<b>EPISTOLÆ ET DIPLOMATÆ JOANNIS DE BELMEIS.</b>	
I-VI. — Ad Thomam Cantuariensem archiepiscopum.	877
VII. — Ad Gilbertum Londoniensem archiepiscopum.	877
VIII. — Ad rectores ecclesiarum. — Ut preces ad Deum fundant pro restitutione castri de Angla quod Ricardus Aquitanicæ dux et Pictaviensis comes usurpaverat.	877
IX. — Ad G. Glascuensem episcopum. — De temporali regimine ecclesiæ Lugdunensis. — Scripta post deposi-	



sancti munus episcopale.	879
<i>HUGO V ABBAS CLUNIACENSIS XVII.</i>	
STATUTA.	
Præfatio.	881
CAP. I. — De inquisitione facienda semel in anno, circa statum ecclesiæ Cluniacensis.	883
CAP. II. — De muneribus non dandis pro curis vel rebus spiritualibus.	883
CAP. III. — Ne quis in monasterio pactionaliter recipiatur.	883
CAP. IV. — De non suscipiendis inuitibus personis.	883
CAP. V. — Item de eodem.	883
CAP. VI. — De pueris non recipiendis.	884
CAP. VII. — De magistro novitiorum.	884
CAP. VIII. — Ne monachi recipiantur infra triennium.	884
CAP. IX. — De mulieribus non recipiendis.	884
CAP. X. — Ne quis de alia religione recipiatur, sine licentia abbatis.	884
CAP. XI. — De novitiis benedicendis intra triennium a receptione sua.	885
CAP. XII. — Ne novitius habeat prioratum infra annum.	885
CAP. XIII. — De proprietate.	885
CAP. XIV. — De silentio.	885
CAP. XV. — De confessionibus frequentandis.	885
CAP. XVI. — De presbyteris qui rarius missam cantant.	886
CAP. XVII. — De ætate ordinandorum.	886
CAP. XVIII. — De non præconanda missa nova.	886
CAP. XIX. — De pansionibus habenda in psalmodia.	886
CAP. XX. — De infirmitate servanda in servitio Dei.	886
CAP. XXI. — Ut omnes conveniant ad horas regulares.	886
CAP. XXII. — Ut hi qui foris sunt, servitium Dei non negligant.	886
CAP. XXIII. — De ordine servando.	887
CAP. XXIV. — De singularitate ferculorum non habenda.	887
CAP. XXV. — Ut nullus ante refectionem vel post, sine licentia comedat, vel bibat.	887
CAP. XXVI. — Quibus locis liceat vesci carnibus.	887
CAP. XXVII. — Ne carnes comedantur quarta feria et Sabbato.	887
CAP. XXVIII. — De cura infirmorum habenda.	887
CAP. XXIX. — De servitio infirmorum.	888
CAP. XXX. — De curis infirmorum.	888
CAP. XXXI. — De jejunio S. Benedicti.	888
CAP. XXXII. — Ne monachi ipsa die qua ab infirmis exeunt, missas cantent.	888
CAP. XXXIII. — De elemosyna.	888
CAP. XXXIV. — De his qui egrediuntur portas monasterii sine licentia.	889
CAP. XXXV. — De gyrovagis.	889
CAP. XXXVI. — De his qui sovent inobedientes.	889
CAP. XXXVII. — De juvenibus petentibus obedientias.	889
CAP. XXXVIII. — De his qui petunt honores per sæculares personas.	889
CAP. XXXIX. — De institutione priorum.	890
CAP. XL. — De mutatione priorum non facienda.	890
CAP. XLI. — Ut priores fratrum servant communionem.	890
CAP. XLII. — De eodem.	891
CAP. XLIII. — De habitu et gestu monachorum intus et foris.	891
CAP. XLIV. — De numero equitaturarum.	891
CAP. XLV. — De famulis.	891
CAP. XLVI. — Ne aliquis monachus habeat prioratum, antequam fuerit Cluniaci.	891
CAP. XLVII. — De non mutandis monachis facile de loco in locum.	892
CAP. XLVIII. — De infamia laborantibus.	892
CAP. XLIX. — Quomodo recipiantur fugitivi et recepti teneantur.	892
CAP. L. — Ut non plures fiant obedientiarum, nisi in præcipuis locis.	892
CAP. LI. — De suspectis personis, in consortio non habendis.	892
CAP. LII. — De non nimis diligenter parentibus.	892
CAP. LIII. — De custodia sigillorum.	893
CAP. LIV. — Ne quis mare, vel Alpes transeat, sine licentia.	893
CAP. LV. — Ne ministeria unquam extraneis concedantur vel nostris, ad vitam vel hereditatem.	893

CAP. LVI. — De camerariis provincialibus, et eorum officio.	893
CAP. LVII. — De brevibus mortuorum.	894
CAP. LVIII. — De forma et tempore tenendi capituli generalis.	894
CAP. LIX. — De clamoribus.	895
CAP. LX. — De muneribus non dandis vel recipiendis in capitulo generali.	895
CAP. LXI. — Quod priores tempore capituli provideant famulis et equis suis.	895
CAP. LXII. — De orationibus et elemosynis.	895
STATUTA QUÆDAM ALIA CLUNIACENSIS COENOBII.	
CAP. I. — Pro domno abbate Cluniacensi.	895
CAP. II. — De electione quatuor personarum, quæ semel in anno Cluniacum veniant, quæ diligenter inquirent statum domus.	898
CAP. III. — Quod pro monachis et obedientibus pretium non recipiatur. De elemosynario.	899
CAP. IV. — De hospitalitate.	899
CAP. V. — Ne monachus hospitetur nisi in domo religionis.	900
CAP. VI. — De honoribus amittendis.	900
CAP. VII. — Ne monachi habeant honorem precibus laicorum.	900
CAP. VIII. — Quibus prioratus committendi sint.	900
CAP. IX. — De dilapidatoribus domorum, et confirmatione prioratum.	900
CAP. X. — De electione priorum.	901
CAP. XI. — De illis qui habent obedientias ab aliis monasteriis.	901
CAP. XII. — Ut priores faciant cum consilio aliorum.	901
CAP. XIII. — De sigillo prioris et conventus.	901
CAP. XIV. — De mutuo faciendo.	902
CAP. XV. — De computatione.	902
CAP. XVI. — Ne monachus fidejubeat.	902
CAP. XVII. — De alienatione domorum.	902
CAP. XVIII. — De illis qui faciunt falsa debita.	902
CAP. XIX. — Ne monachus in extremis positus, aliquid res suas dimittat.	903
CAP. XX. — Ne aliquis beneficia præsumat promittere.	903
CAP. XXI. — De prioratibus, quibus tradantur.	903
CAP. XXII. — De provisoribus et camerariis provincialium.	903
CAP. XXIII. — De muneribus non dandis in capitulo generali.	904
CAP. XXIV. — Quomodo veniant priores ad capitulum.	904
CAP. XXV. — Ne prioratus committantur alienis monachis.	904
CAP. XXVI. — De his qui debent venire ad capitulum.	904
CAP. XXVII. — De institutionibus custodiendis.	904
APPENDIX AD HUGONEM.	
Tractatus Rostangi Cluniacensis monachi de translatione capitis S. Clementis papæ et martyris a Constanti-nopoli ad Cluniacum, tempore Hugonis abbatis.	
	905
Translationis narratio.	
	905
<i>BALDUINUS IMPERATOR CONSTANTINOPOLITANUS.</i>	
EPISTOLÆ ET DIPLUMATA.	
I. — Litteræ de pace facta inter comitem Balduinum et illos de Tornac.	913
II. — Balduini Flandriæ et Hannoniæ comitis leges de homicidio.	915
III. — Item aliarum leges ejusdem Balduini comitis, de successione, et aliis rebus.	919
IV. — Pactum inter regem Angliæ et comitem Flandriæ et Hannoniæ.	922
V. — Charta Balduini Flandriæ comitis pro monasterio Clarevallis. — Proficiscens Jerosolymam, et sanctitatis Clarevallensium monachorum compunctus, donationem eis facit.	923
VI. — Epistola M. marchionis Montis-Ferrati, R. Flandriæ comitis, L. Blesensis, et H. S. Pauli, ad universos Christi fideles. — De expugnatione urbis Constantinopolis.	924
VII. — Epistola Balduini imperatoris Constantinopolitani ad Innocentium III papam. — De captis urbe Constantinopolitana et ipsius ad dignitatem imperialem elevatione.	927
VIII. — Ad eundem. — De rebus gestis ab exercitu cruce signatorum; de expugnatione Jaderæ, etc.	927
IX. — Epistola Balduini imperatoris Constantinopolitani ad Cameraensem, Atrebacensem, Morinensem et Tornacensem episcopos. — Conceptum speram de Terro-	

sanctæ recuperatione significat, rogatque ut milites ad transfretandum exhortentur.	927
X. — Litteræ Baldvini imperatoris Constantinopolitani, quibus sigillum suum revocat.	928
APPENDIX AD BALDUINUM IMP. CONSTANTINOPOLITANUM.	
GENEALOGIA COMITUM FLANDRIÆ.	
I. — Witgeri genealogia Arnulphi comitis.	928
II. — De Arnulpho comite.	931
III. — Genealogia comitum Flandriæ Bertiniana.	933
IV. — Genealogia regum Francorum comitumque Flandriæ.	937
V. — Lamberti genealogia comitum Flandriæ.	939
VI. — Flandria generosa.	947
VII. — Genealogia brevis comitum Flandriæ.	985

VIII. — Joannis de Thielrode genealogia comitum Flandriæ.	987
IX. — Catalogi comitum Flandriæ.	989
ELIAS DE COXIDA.	
Notitia.	991
SERMONES ELIÆ DE COXIDA.	
Sermo primus.	991
Sermo secundus.	999
THOMAS MONACHUS DE RADOLIO:	
Vita ven. Patris D. Petri, abbatis Claræ-Vallis.	
Epistola domni Thomæ monachi in vita domni Petri.	1007
Prologus operis subsequentis.	1007
Incipiunt actus B. Petri abbatis Claræ-Vallis.	1011

FINIS TOMI DUCENTESIMI NONI.